


Pajelwɨajan Dios
pejjamechan



New Testament in Guayabero (CO:guo:Guayabero)

Pajelwujaj Dios pejjamechan

New Testament in Guayabero (CO:guo:Guayabero)

copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

Contents

San Mateo	1
San Marcos	82
San Lucas	131
San Juan	214
Hechos	274
Romanos	346
1 Corintios	378
2 Corintios	411
Gálatas	432
Efesios	444
Filipenses	454
Colosenses	461
1 Tesalonicenses	468
2 Tesalonicenses	474
1 Timoteo	478
2 Timoteo	487
Tito	494
Filemón	498
Hebreos	500
Santiago	524
1 San Pedro	533
2 San Pedro	542
1 San Juan	548
2 San Juan	556
3 San Juan	557
Judas	558
Apocalipsis	561

Mateo Ielpox Jesucristo pejwajjan

*Ampilap Jesucristo pejwajjanapijiw
(Lc 3.23–38)*

¹ Xan, Mateo, amxot lelaxaelen Jesucristo pejwajjanapijiw pejwulan. Jesucristo David pamon. Davidbej Abraham pamon.

² Abraham paxulan pawul Isaac. Isaac paxulan pawul Jacob. Jacob xabich paxipon. Kaen pawul Judá.

³ Judá paxi. Kaen pawul Fares. Asan pawul Zara. Japi pen pawul Tamar. Fares paxulan pawul Esrom. Esrom paxulan pawul Aram.

⁴ Aram paxulan pawul Aminadab. Aminadab paxulan pawul Naasón. Naasón paxulan pawul Salmón.

⁵ Salmón paxulan pawul Booz. Booz pen pawul Rahab. Booz paxulan pawul Obed. Obed pen pawul Rut. Obed paxulan pawul Isaí.

⁶ Isaí paxulan pawul David. Japon David, reypon Israel tujnapijiwliajwa. Rey David paxulan pawul Salomón. Japon pen pawul Betsabé. Japow majt Uriás pijow.

⁷ Salomón paxulan pawul Roboam. Roboam paxulan pawul Abías. Abías paxulan pawul Asa.

⁸ Asa paxulan pawul Josafat. Josafat paxulan pawul Joram. Joram paxulan pawul Uzías.

⁹ Uzías paxulan pawul Jotam. Jotam paxulan pawul Acáz. Acáz paxulan pawul Ezequías.

¹⁰ Ezequías paxulan pawul Manasés. Manasés paxulan pawul Amón. Amón paxulan pawul Josías.

¹¹ Josías paxi. Kaen pawul Jeconías. Japamatkoiyan judíos bu'fos esclavosliajwa Babilonia paklowax poxade, jaxotde malech tanbichliajwapi Babilonia paklowaxpijiwliajwa.

¹² Do baxael, judíos kofas wut, japi nawia pejtujnux poxadin. Do jawut, Jeconías paxulanpon. Japon pawul Salatiel. Salatiel paxulan pawul Zorobabel.

¹³ Zorobabel paxulan pawul Abiud. Abiud paxulan pawul Eliaquim. Eliaquim paxulan pawul Azor.

¹⁴ Azor paxulan pawul Sadoc. Sadoc paxulan pawul Aquim. Aquim paxulan pawul Eliud.

¹⁵ Eliud paxulan pawul Eleazar. Eleazar paxulan pawul Matán. Matán paxulan pawul Jacob.

¹⁶ Jacob paxulan pawul José. José pijow pawul María. Japow Jesús pen. Jesúslap Cristo, Dios to'aspon jiw bu'weliajwa.

¹⁷ David pamjiwkolapikal, Abraham suapich, puexa japi catorce. Do baxael, judíos bu'fos wut esclavosliajwa Babilonia paklowax poxade, japijeb catorce matxajus wut, David suapich, pamjiwkolakal. Do baxael, Cristo nalaelt wut Judea tujnuxot, japonbej catorce pamjiwkolakal, Babilonia paklowaxxot nawenpi suapich.

*Jesucristo nalaelt pox
(Lc 2.1–7)*

¹⁸ Jesucristo nalaelt wut, ma-aech. Jesucristo penaxael pow, japow pawul María. José jumdut, asamatkoi japow fisliajwapon. Pe José

japow bu'moejs-el wutfak, japow moejow Espiritu Santo pejpamamaxtat. ¹⁹ José chiekal pachaempon. Japonliajwa wepachaema-esal tasalaliawapon japow jiw pejwajnalel, masoxtat moejow xotow. Samata, José nejchaxoel kofsliajwapon María. ²⁰⁻²¹ José japox nejchaxoelafal wut, Dios pej-ángel jumtispon, xamoejt wut: “José, David pamon, jnabej nejchaxoele' María fis-elaliajwam nijowliajwa! María paxulch faenaxael. Japon nalaelsaxael Espiritu Santo pejpamamaxtat. Japon asamatkoi jiw bu'weyaxael. Samata, jwulduim Jesúswaltat!” —tis José Dios pej-ángel, xamoejt wuton.

²² Puexa japoxan ja-aechlisox, me-ama Dios pejprofeta chajia jum-aech:

²³ “Kaeow pawis, chinax poi bu'moejs-esalpaw, masoxtat moejowaxael. Japow paxulchaxael wut, poiyaxael. Pawulaxaelon Emanuel” — aech Dios pejprofeta. (Japawul jumchiliajwa: “Dios xatisxot” — chiliajwa.)

²⁴ José nathikt wut, fitlison María pijowliajwa, me-ama Dios pej-ángel jumtispon, xamoejt wut. ²⁵ José bu'moejs-el María, japow moejow xot. María paxulan nalaelt wut, José wulduw paxulan Jesúswaltat. Jum-aechon: “Pawulaxaelon Jesús” — aech José.

2

Ithaej matabijs patpox juimt julanlelsan

¹ Jesús nalaelt Belén paklowaxtat, Judea tujnuxot. Japamatkoiyan Herodes reypon Judea tujnuxot. Japamatkoiyan wut, ithaej matabijs pat juimt julanlelsan Jerusalén paklowaxxot. ² Pat wuti, wujnachaemt wut, jum-aechi:

—¿Amxotkat nalaelt judíos pejrey? Xanal taenx ithaejt, yamxuch pijan, julan wut juimt julanlelsan. Samata, xanal fulaenx itpaeliajwan sitaeyax japoch yamxuch — aech ithaej matabijs.

³ Rey Herodes japox wultaen wut, xabich nejchaxoelon. Jerusalén paklowaxpijwbej japox wultaen wut, xabich nejchaxoeli. ⁴ Do jawut, Herodes to'a pejiw wuljaesliajwapi puexa sacerdotepaklochow, judíos chanaekabuanapibej. Japi pat wut Herodesxot, Herodes wujnachaemt wut, jum-aechon japijajwa:

—¿Amxotkat nalaelsaxael Cristo, japon to'axespon Dios? — aech Herodes.

⁵ Japi jum-aech:

—Nalaelsaxaelon Belén paklowaxtat, Judea tujnuxot. Jasox chajia jum-aech Dios pejprofeta lelpo, jum-aech wut:

⁶ ‘Jiw tato'lan nalaelsaxael Belén paklowaxtat, Judea tujnuxot. Japon tato'laxael Dios pejiw, Israel tujnupijiw. Samata, Belén paklowax kaes pejme pachaemaxael. Me-ama asapaklowaxan Judea tujnuxot, jachiyaxil’ — aech Dios pejprofeta chajia lelpo — aech sacerdotepaklochow, judíos chanaekabuanapibej, Herodesliajwa.

⁷ Samata, Herodes maliach wullala ithaej matabijs, japi fulaeliajwadin Herodes poxadin, japon Herodes matabijsliajwa yamxuchliajwa. Ithaej matabijs pat wut Herodesxot, Herodes jum-aech:

—¿Mas wut katjim xamal matxoela taenam japa-ithaejt? —aech Herodes. ⁸ Do jawut, Herodes matabijt wut, to'apon ithaej matabijs Belén paklowax poxade. To'a wut, Herodes jum-aech japiliajwa:

—¡Xabua'de japoxade xaljamch chiekal jalwekaliajwam! Faenam wut, ¡xan najum-amde, xanbej fulaeliajwan itpaeliajwanbej tajsitaeyax japoch xaljamchliajwa! —aech Herodes.

⁹⁻¹⁰ Do jawut, ithaej matabijs follisi, rey Herodes to'as poxade. Do jawutbej, majt ithaejt taenpox, pejme taeni. Japi taen wut japa-ithaejt, xabich nejchachaemili. Do jawut, japi itafol wut, japa-ithaejt wuajna dukaful. Do baxael, japa-ithaejt napata-ek. Do jawut, japa-ithaejt nakthiandik xaljamch okxot. ¹¹ Do jawut, ithaej matabijs lowlisi ba. Jaxot taenlisi xaljamch, pen suapich, japow pawulpow Maria. Japi sitaen xot xaljamch, brixtat nuilisi xaljamch pejwuajnael. Do jawut, fafaklisi pejcha-aelbaulx. Do jawut, juk wut, chaxduwulisipon oro, incienso, mirrabej. Puexa japoxan xabich ommaenkproxan. ¹² Do jawux, ithaej matabijs jumtispí, xamoejt wut: “¡Herodes poxade nabej nawe'!” —tisi. Samata, ithaej matabis asanumtlet joeya. Jasoxtat ithaej matabijs nawia pejtuajnux poxade.

José, pijow suapich, paxulan suapichbej, dukprox Egipto tuajnux poxade

¹³ Ithaej matabijs chijia wut, do japamadoitat, José moejt wut, xamoej-ton Dios pej-ángel. Do jawut, jumtispon: “¡Nandel! ¡Buflaem xaljamch, pen suapich, Egipto tuajnux poxade! ¡Jaxotde duilmach! Asamatkoi xam pejme jumchiyaxaelen xaljamch bunwiasliajwam. Malis xaljamch pen. Amalis Herodes xaljamch wulwekaxael boesaliajwaspon” —tis, José xamoejt wut.

¹⁴ Dolisdo', José nathikt wut, japamadoitat buflaechlison xaljamch Egipto tuajnux poxade. Malis xaljamch pen. ¹⁵ Egipto tuajnuxot pi-ach duili. Do baxael, Herodes tup wut, pejme kaxa nawenlisi. Me-ama Dios pejprofeta chajia jum-aech Dios jum-aechpox, jum-aech wut paxulanliajwa: “Taxulan wullalaeyaxaelen pejme nawiasliajwa Egipto tuajnuxotdin” —aech Dios jum-aechpox paxulanliajwa.

Herodes keto'apox pejsoldaw yamxi beliajwas

¹⁶ Do jawut, Herodes pajut matabijt wut ithaej matabijs asanumtlet joeyapox, jawut xabich palalapon japiliajwa. Samata, pejsoldaw keto'apon yamxi poejiwkal beliajwapi, kolewaechanpi, kaes jampibej, japi duili Belén paklowaxxot, paklowax tathoetlet duilpi paxibej. Jasoxt keto'apon, nejchaxoel xot ithaej matabijs chajia jum-aechpox Jesús nalaelsaxliajwa. ¹⁷ Japox ja-aechlisox, me-ama Jeremías, Dios pejprofeta chajia lelpox jum-aech yamxi beyaxaesproxliajwa:

¹⁸ “Do jawut, puexa jiw jumtaeyaxael xabich wunowproxan Rama paklowaxxot. Japi watho', Raquel pamojiw, xabich pinjametat wunoe yaxaeli, paxi nejxaejwas xoti. Japi watho' kofaxil paxi nejxaejwasproxan” —aech profeta Jeremías chajia lelpox.

¹⁹ Baxael, asamatkoi, Herodes tup wut, José Egipto tuajnuxot Dios pej-ángel jumtispon, xamoejt wut: ²⁰ “¡Nathikdel! ¡Buflaem yamxulan, pen suapich! ¡Nawem Israel tuajnux poxade, yamxulan boesasiapi, japi puexa chiekal tup xotlisi!” —tis José Dios pej-ángel.

²¹ Do jawut, José nant wut, bu'follison yamxulan Israel tuajnux poxade. Malis yamxulan pen. ²² Jawut, José wultaen wuton Arquelao reypox

Judea t̄ajnxot pax Herodes pejw̄lela, José xabich pejlewla Arquelaolijwa. Samata, Joséliajwa pachaema-el namanaliajwapon japat̄ajnxot. Madoi José moejt w̄t, Dios j̄mtispon. Do jaw̄t, Dios fiachpon namanasamata Judea t̄ajnxot. Samata, matnoch xenton Galilea t̄ajnxo xalialjwade. ²³ José bu'fol pijow, yamx̄lanbej, duilialijwa Nazaret paklowaxxot. Samata, Dios pejprofeta chajia j̄m-aechpox Dios pijaxtat, japox ja-aechlisox. Profeta chajia j̄m-aech Jesúsliajwa: “Japon Nazaret paklowaxpijnaxael” —aechon.

3

Juan, jiw bautisan, dukpox pajilaxtat
(Mr 1.1–8; Lc 3.1–9, 15–17; Jn 1.19–28)

¹ Do baxael, japamatkoian w̄t, Juan, jiw bautisan, naew̄ajan jiw pajilaxtat, Judea t̄ajnxot, papat w̄ti japonxot. ² Juan jiw naew̄ajan w̄t, j̄m-aechon: “¡Kofim babijaxan isfulampoxan! ¡Isfuldelax Dios nejxasinkpoxan! ¡Dios puexa pejjiw tato'laxaelmatkoi mox paw̄ajna!” —aech Juan.

³ Isaías, Dios pejprofeta, chajia lelon Juanliajwa. Jaxot j̄m-aechon, lel w̄t:

“Kaen aton pasaxael. Japon pinjametat jiw naew̄ajnaf̄laxael pajilaxtat. Japon j̄mchiyaxaelbej jiwliajwa: ‘¡Babijaxan isfulampoxan kofim wajpaklonliajwa! Me-ama jiw w̄ajna nuamt chiekal chaemt paklon pasliajwa, ¡xamalbej ja-amde nejnejchaxoelaxantat! ¡Isfulde Dios nejxasinkpoxan!’ —chiyaxaelon pajilaxtat” —aech Isaías, chajia lel w̄t Juanliajwa.

⁴ Juan naxoelox baels camellolatat. Japox pakchowax. Pejcin-turónm̄at pabu'tkal. Pejnaxaeyax, me-ama sui'. Afpon miel. ⁵ Do jaw̄t, Jerusalén paklowaxpijiw f̄laeni Juanlel, taeliajwapi. F̄laenbej Judea t̄ajnxopiwiw. Mox duili Jordánlajt̄xot, japibej f̄laen. Japi jiw f̄laen naewesliajwa Juan naew̄ajanpoxan. ⁶ Japamatkoian japi pajut chapaei babijaxan ispoxan Dios beltaeliajwas. Do jaw̄x, Juan japi jiw bautisa Jordánlajt̄xot.

⁷ Do jaw̄t, xabich fariseos, saduceosbej, f̄laenbejpi Juan jiw bautisaf̄lxot. Do jaw̄t, Juan japi jiw taen w̄t, j̄m-aechon japiliajwa: “Xamal, me-ama jom, dukpi weliajwa jit boejtaen w̄t, ja-am. Pe asamatkoi, xamal t̄upam w̄t, weyaximil, pat w̄t kastikamatkoi. ⁸ Samata, ¡kofim babijaxan isfulampoxan! Do jaw̄x, ¡isfulde Dios nejxasinkpoxan! Jasox isfulam w̄t, jiw matabijaxael, diachw̄ajnakolax xamal babijaxan isfulampoxan kofamlis. ⁹ ¡Xamal nakaewa nabej naj̄m-aechē': 'Xatis Abraham pamojiwas. Samata, diachw̄ajnakolax Dios xatis nakbu'weyaxael' —nabej aeche' nakaewaliajwa! Pe nakiowa, babijaxan isfulam w̄t, Dios xamal bu'weyaxil. Dios nejxasink w̄t, ampa-ia' Abraham pamojiw kiladofaxaelon. ¹⁰ Xamal naebaechnaechan liktam, naboes-elnaechan. Do jaw̄x, jitat it-owam. Jachiyaxaellap-is Dios, xamal kastika w̄t, naexasis-emil w̄t Dios” —aech Juan, jiw bautisan, babijaxan ispiliajwa.

¹¹ Juan pejme j̄m-aech: “Diachw̄ajnakolax xan jiw bautisax mintat, kofa w̄ti babijaxan isfulpoxan japi Dios naexasisfulaliajwa. Pe

mox pawuajna kaen fulaeyaxaenpon, japon kaes pejme paklonaxael. Me-ama xan, jachiyaxilon. Xan omjinil japon pejkajachawaesanliajwa. Fulaeyaxaenpon, japon Espiritu Santo to'axael jiw kajachawaesfulalialjwas. Espiritu Santo pejpamamax, me-ama jit, jiw babijaxan ispi wetoejwaliajwas, japi jiw pachaemaliajwa Diosliajwa. ¹² Lulpijin trigo matbokkiyan, batat cha-owaliajwa trigo. Trigobok, trigotonanbej, pelton lausliajwa. Jachiyaxaelbej fulaeyaxaelpon. Japon tamejaxael jiw pachaempikal Diosxotse, japi jiw, Dios naexasiti. Asew, babijaxan ispi, japi Dios naexasis-eli, pelsaxaes jitadik, itkawaxil poxadik" —aech Juan puexa jiwliajwa.

Jesús bautisaspox

(Mr 1.9–11; Lc 3.21–22)

¹³ Do jawut, Jesús Galilea tuajnuaxot nakolt wut, fulaechon Jordánlajt poxade, Juan bautisaliajwas. ¹⁴ Do jawut, Juanlax jum-aech Jesúsliajwa:

—Xam kaes paklonam. Me-ama xan, jachi-emil. Samata, kaes pachaem xan nawoesa nabautisaliajwam —aech Juan Jesúsliajwa.

¹⁵ Pe Jesús jumnot wut, jum-aechon Juanliajwa:

—jXamlax isde japox amwut! Pachaem isliajwas puexa Dios nakato'alpox —aech Jesús Juanliajwa.

Do jawut, Juan ow-aech. ¹⁶ Jawut Juan bautisa Jesús. Jesús julan wut mintat, jawut taenon atha fafachpox. Jawut Espiritu Santo faloek a-utat japon pejmatwuajjasik. Me-ama a-ut, kabuan-aech Espiritu Santo. ¹⁷ Do jawut, Dios pajut jum-aechsik: "Amponlap taxulan, xabich nejxasinkaxpon. Xan xabich nejchachaemlax japonliajwa" —aech Dios Jesúsliajwa.

4

Jesús xapaejaspox Satanás

(Mr 1.12–13; Lc 4.1–13)

¹ Do jawux, Jesús Espiritu Santo bu'fos pajilax poxade, jaxotde Jesús xapaejsliajwas Satanás babijax isliajwapon.

² Japamatkoivan Jesús chinax naxae-el cuarenta matkoivan Dios piach kawuajnafulalialjwa. Samata, Jesús xabich litaxaela. ³ Do jawut, Satanás fulaen xapaejsliajwapon Jesús babijax isliajwa. Do jawut, Satanás jum-aech Jesúsliajwa:

—Diachwuajnakolax xam Dios paxulnam wut, jampi ia' to'im pan nadofaliajwa! —aech Satanás Jesúsliajwa.

⁴ Jesús jumnot wut, jum-aechon:

—Dios pejjamechan, chajia lelspx jum-aech: 'Jiw duilaxil naxaeyaxankallialjwa. Jiw wewe'pasbej Dios pejjamechan naexasisfulalialjwa' —aechox —aech Jesús Satanásliajwa.

⁵ Do jawut, Satanás pejme xapaejsliajwa wut, bu'fos Jesús Jerusalén paklowax poxade. Bu'fason Dios pejtemploba matwuajase, kaes athu poxase. Jaxotse nosas Jesús. ⁶ Do jawut, Satanás jum-aech:

—Diachwuajnakolax xam Dios paxulnam wut, jma amxot diwmik satadik! Xam naxbijaximil sat. Dios pejjamechan, chajia lelspx, jum-aech wut, jum-aechox:

'Dios to'axoek pej-ángeles xam chiekal tataeflialjwapi. Diwmik wut, xam jaelsabaxaeli naxbijasamatam ia', najalasangamatambej' —aech Dios pejjamechan, chajia lelspx —aech Satanás Jesúsliajwa.

⁷ Jesús jumnot wut, jum-aechon:

—Xan diwaxinil. Dios pejjamechan, chajia lelsprox, jum-aech wut, jum-aechbejprox: ‘¡Nabej xapaejs nejpaklokolan Dios, asbuan jumch taeli-ajwam diachwujnakolax xam weyaxaelam wut!’ —aech Dios pejjamechan, chajia lelsprox. Xan chiekal matabijtax Dios natataeflafuprox. Xan xapaejsaxinil tajpaklokolan Dios —aech Jesús Satanásliajwa.

⁸ Do jawux, Jesús xapaejtas wut Satanás, bufason pinamux matwujajase, xabich athu poxase. Jaxotse Jesús itpaeis potujajuchan, popaklowaxanbej, ampathatat. Itpaeisbejpon puexa xabich pachaempoxan, ampathatatpi.

⁹ Do pejme Satanás jum-aech Jesúsliajwa: —Puexa taenamproxan xam chaxdusaxaelen, xan tajwujnalel brixtat nukam wut, najum-am wutbej: ‘Xam xabich pachaemam. Xam tajpaklokolanam’ —na-am wut —aech Satanás Jesúsliajwa.

¹⁰ Jesús jumnot wut, jum-aechon Satanásliajwa:

—Satanás, ¡chijiamde xanxot! Xam sitaeyaxinil. Dios pejjamechan, chajia lelsprox, jum-aech wut, jum-aechox: ‘Kaen, Dios, jiw pejpaklokolan. ¡Japonkal sitaem! ¡Naexaxisfuldebej!’ —aech Dios pejjamechan, chajia lelsprox —aech Jesús Satanásliajwa.

¹¹ Do jawut, Satanás chijia Jesúsxot. Jawutbej Dios pej-ángeles fuloek Jesús kajachawaesliajwapi.

Jesús tudutprox naewujajna Galilea tujajuxot

(Mr 1.14–15; Lc 4.14–15)

¹² Do jawux, Jesús wultaen Juan, jiw bautisan, jiasprox jiw jebatat. Jawut Jesús nawia'an Galilea tujajnu poxadin. ¹³ Do jawut, nakoltlison Nazaret paklowaxxot dukaliajwa Capernaum paklowaxxot. Japapaklowax Galilea pukababu'tat. Zabolón tujajnu, Neftalí tujajnu bej, jaxot mox. ¹⁴ Dolisdo', amprox ja-aech jachiliajwa Isaías chajia lelprox. Japon chajia lelprox jum-aech:

¹⁵⁻¹⁶ “Zabolón tujajnu, Neftalí tujajnu bej jaxot mox Galilea puka, Jordánlajt wesklel. Jaxot, Galilea tujajnu xot, a sew jiw duil. Japi judíos-el. Japi matabija-el Dios pejtato'laxan. Samata, japi jiw, me-ama duili itkunataxxot, ja-aechi. Pe asajiw naewujajnas wuti, japi jiw naexaxisaxael Dios tato'alpox. Ja-aech wut, japibej bu'weyaxaes Dios. Do ja-aech wut, japi pejnechaxoelaxan, me-ama itliak wut, jachiyaxael. Do ja-aech wutbej, japi, me-ama nanuamsaxael itliakaxxot” —aech Isaías chajia lelprox.

¹⁷ Do japamatkoiyan wut, Jesús naewujajan wut, jum-aechon: “Wujajnewechmatkoi mox pawujajna Dios puexa pejjiw tato'laxaelprox. Samata, ¡kofim babijaxan isamproxan, isliajwam Dios nejxasinkproxan!” —aech Jesús.

Jesús tudutprox cuatro nabaxisiw japon pejnachalaliajwas

(Mr 1.16–20; Lc 5.1–11)

¹⁸ Jesús laeja wut Galilea pukababu'tat, taenpon kolenje nabaxisiw. Kaen pawul Simón. Japon asawul Pedro. Asan pawul Andrés. Japi kolenje nakaewa. Japi xawawael baxi tarayatat pukaxot, japi nabaxisiw xot. ¹⁹ Jesús jum-aech japiliajwa:

—¡Xabu'a't! ¡Xan nakfulaem matabijaliajwam xan naewujajanaxproxan! Xamal matabijam nabaxisaxan. Baxi xawawaelam wut, notam. Jaxotatbej xamal itpaeyaxaelen jachiliajwam jiwliajwa, japi jiwbej tajnachelaliajwa, Dios pejjiwaliajwabejpi —aech Jesús japiliajwa.

²⁰ Do jawut, pejew tarayan waela wuti, nakfollisi Jesús.

²¹ Jesús kaes fulaech wut, kolenje nabaxisiw taenpon. Japi kolenje, nakaewa. Kaen pawul Santiago. Asan pawul Juan. Japi Zebedeo paxi. Pax suapich, chaemti tarayan falkamtat. Jesús japi kolenje taduton japi pejnachalaliajwa. ²² Do jawut, pax waeltlisi falkamtat. Jawut japi kolenje nakfollisi Jesús.

Jesús xabich jiw naewuajanpox

(Lc 6.17–19)

²³ Jesús nanamt puexa Galilea tuajnuhot. Naewuajnafulbejpon judios naewuaj nabachanxot chimiawuajan, Dios puexa pejjiw tato'laxaelwuajan. Boejthutbejpon jiw, nejmachwaxaetat bu'xaenki.

²⁴ Puexa Siria tuajnujijiwbej wultaenapi Jesús. Samata, japi buflaen nejmachwaxaetat bu'xaenki Jesús poxadin. Buflaeni xabich nabijati xaeyaxantat. Buflaenbejpi asew dep webaespi pejmatpuatanxot. Buflaenbejpi asew, me-ama na-achapi dep pijaxtat. Buflaenbejpi asew laelpaxilpi. Japi puexa Jesús chiekal boejthut.

²⁵ Xabich jiw Jesús fulafos. Japi Galilea tuajnujijiw, Decápolis tuajnujijiwbej, Jerusalén paklowaxpijwbej, Judea tuajnujijiwbej, Jordánlajt wesklel duilpibej.

5

Jesús naewuajanpox jiw muaxxot

¹ Xabich jiw papat Jesús naewuajanxot jumtaelajwa japon naewuajanpoxan. Jesús japi taen wut, muax kaesuarich athuxot ekon japi jiw naewuajnalajwa. Pejnachala kaes chiekal mox Jesús ekxot. ² Do jawut, Jesús naewuajan pejnachala, xabich asew jiwbej.

Jesús naewuajanpox diachwuajnakolaxan jiwliajwa

(Lc 6.20–23)

³ Jesús naewuajan wut, jum-aechon pejnachalaliajwa, xabich asew jiwliajwabej, japamuaxxot: “Jiw pejnejaxoelaxtat jum-aech wut: ‘Dios nakkajachawaes-el wut, xatis wajut isaxisal pachaempoxan’ —aech wuti, nejchaxoel wut, japi jiw Dios kajachawaesaxaes. Ja-aech wut, japi xabich nejchachaemlaxael.

⁴ “Jiw nejxaejwaspi, nabijat xoti ampathatat, japi jiw Dios kajachawaesaxaes pachaemalajwa. Ja-aech wut, xabich nejchachaemlaxaeli.

⁵ “Jiw pachaempi pejnejaxoelaxantat, japi nejchaxoel wut, nejchaxoela-el ampox: ‘Xan kaes pejme pachaeman. Me-ama asew jiw jachi-enil’ —chi-eli, nejchaxoel wut. Japi jiwlap Dios chaxduiyaxaes pachaempox, chajia jumduchpox. Ja-aech wut, xabich nejchachaemlaxaeli.

⁶ “Jiw isasiapi pachaempoxan Diosliajwa, Dios kajachawaesaxaes isliajwa japoxan. Ja-aech wut, japi jiw xabich nejchachaemlaxael.

⁷ “Asew jiw beltaen wuti asew, japi kajachawaet wutbej asew, japi jiwlap Dios kajachawaesaxaes. Dios beltaeyaxaesbejpi. Ja-aech wut, japi jiw xabich nejchachaemlaxael.

⁸ “Jiw pejnejaxoelax pachaempi Diosliajwa, japi jiw taeyaxael Dios, duil wuti Diosxotse. Ja-aech wut, japi jiw xabich nejchachaemlaxael.

9 “Wuajanchaemtpi jiw nabe-elaliajwa, padaelmajiw suapich, japi jiwlap Dios paxiyaxael. Ja-aech wut, japi jiw xabich nejchachaemlaxael.

10 “Jiw nabijatpi a sew jiw pijaxtat, naexasisful xoti Dios tato'alpox, japi Dios kajachawaesaxaes. Ja-aech wut, japi jiw xabich nejchachaemlaxael.

11-12 “Xan nanaexasitam xot, a sew jiw babejjamechan xamal jumchiyaxael. Isaxaelbejpi babijaxan xamalliajwa. Japibej jumchiyaxael xamalliajwa nejmachkichachajbaxtat. Ja-aech wut, Dios isaxael xabich pachaempox xamalliajwa japonxotse. Samata, nejchachaemilde! Chajia xamal wuajna Dios pejprofetasbej nabijat, a sew jiw is wut babijaxan japiliajwa” —aech Jesús, naewuajan wut japamuxxot.

Jesús pejnachala ampathatat, me-ama dom pachaempox, me-ama itliakaxbej, ja-aechi

(Mr 9.50; Lc 14.34–35)

13 Do pejme Jesús jum-aech pejnachalaliajwa, xabich a sew jiwliajwabej, naewuajan wuton muxxot: “Dom pachaem. Dom xakuenkael wut, chiekal chaemil. Ja-aech wut, pachaem thokchaliajwa nuamtat jiw sae'enaliajwa. Xamal ampathatat, me-ama dom pachaem wut, ja-am. Ja-am wut, xamal pachaemaxaelam a sew jiwliajwa ampathatat. Pachaema-emil wut a sew jiwliajwa, xamal, me-ama dom thokchaxaespi nuamtat, jachiyaxaelam.

14 “Xamalbej ampathatat, me-ama itliakam wut, ja-am. Itkuxatxot itliak wut, puexa jiw chiekal taen, me-ama paklowax muxaxmatwujtat wut, ajil namoechaliajwa. Puexa jiw chiekal taeyaxael. 15 Jiw lámpara tamdut wut, cajóntat chamatakasaxil. Jiw lax athu cha-esaxael bamuxnaetat puexa chiekal taeliajwa. 16 Samata, ixamalbej chiekal duilde a sew jiw taeliajwa xamal isampoxan! A sew jiw taen wut xamal isampoxan, pachaempoxan, ja-aech wut, japi jiw naksiyaxael chimiajamechan nej-ax Diosliajwa, japon athuxotsepon” —aech Jesús, naewuajan wut muxxot.

Jesús naewuajanpox jiw Moisés chajia lelpoxliajwa

17 Do pejmebej, Jesús jum-aech pejnachalaliajwa, xabich a sew jiwliajwabej muxxot: “Xamal nejchaxoelam wut xanliajwa, xamal jum-am: ‘Japon pat toesliajwa Moisés chajia lelpox, Dios pejprofetas lelpoxanbej’ —am xamal xanliajwa, nejchaxoelam wut. Xan pas-enil toesliajwan japoxan. Xan lax patx chiekal isliajwan profetas lelpoxan xanliajwa. 18 Diachwujnakolax xan jum-an. Ampathat, thatbaxobej, toepa-el wutfuk, Dios pejtato'lanan, Moisés chajia lelpox, nakiowaxaelfuk. Chinax nafa'axil kaelet. Nafa'axilbej kaejame, Dios pejjame. Puexa Dios chajia jum-aechpox, japoxan diachwujnakolax jachiyaxael. 19 Samata, nejmachjiw chiekal naexasis-el wut puexa Dios pejtato'lanan, japi jiw naewuajan wutbej a sew jiw chiekal naexasis-elaliajwa puexa Dios pejtato'lanan, ja-aech wut, japi jiw chiekal sitaeyaxisal, Diosxotse wut, Dios tato'alxotse. Pe chiekal naexasitpilax puexa Dios pejtato'lanan, japi naewuajan wutbej a sew jiw chiekal naexasisliajwa puexa Dios pejtato'lanan, ja-aech wut, japi jiw xabich sitaeyaxaes Diosxotse, Dios tato'alxotse. 20 Diachwujnakolax xan jum-an. ixamal naexasisfulde Dios

pejtato'laxan! Me-ama fariseos, judíos chanaekabuanapibej, ñnabej ja-aeche' xamal! ñXabich kaes naexaxisfulde Dios! Jachi-emil wut, xamalbej pasaximil Diosxotse, Dios jiw tato'alxotse" —aech Jesús, naewñajan wut mñaxxot.

Jesús jiw naewñajanpox palalasangata
(Lc 12.57–59)

²¹ Do pejme kaes Jesús ñm-aech pejnachalaliajwa, xabich asew jiwli-ajwabej, naewñajan wuton mñaxxot: "Dios pejjamechan, chajia lelspx, ñm-aech wut, ñm-aechox wajwñajnapijiwliajwa: 'ñNabej be' asew jiw! Asew jiw bam wut, asew jiw xamal kastika wut, xamalbej beyaxaeli' —aechox. Xamal chajia japox chiekal matabijam. ²² Pe xamal pejme ñm-an amprox. Nejmach-aton palala wut asan atonliajwa, japon aton pejbñ'wñajan Diosliajwa. Ja-aech wut, japon aton kastikaxaeson Dios. Nejmach-aton ñm-aech wutbej babejjamechan asan atonliajwa, japon aton pejbñ'wñajan Junta Supremapijiwliajwa. Samata, japon aton kastikaxaes. Nejmach-aton palala wut, ñm-aech wutbejpon asan atonliajwa: 'Xam atonam nejliaklanam' —aech wuton asanliajwa, japon aton Dios kastikaxaes infiernoxotdik.

²³⁻²⁴ "Xam xafolam wut nej-ofrenda Diosliajwa, jawut nejchafaetam wut aton palalapon xamliajwa, ñjawut nej-ofrenda o'e altarxot Dios pejtemplobatat! ñjawut xabñ'a'de japon aton poxade, palalapon xamliajwa! Faenam wut, ñchiekal chaemde, japon aton sñapich! Do jawñx, ñkaxa fñlaemen nej-ofrenda Dios chaxdusliajwam! Ja-am wut, Dios nejchachaemlaxael nej-ofrendaliajwa.

²⁵ "Xam babijax isam wut asanliajwa, japon xam bu'fol wut juez poxade ñmchiliajwapon nejbu'wñajanpoxliajwa, kaes pejme pachaem tamach chaemsliajwam japox wñajan, japon sñapich, pas-emil wutfñk juezxot. Japox wñajan chaems-emil wut, japon xam wiasaxael juezxot ñmchiliajwa nejbu'wñajanpoxliajwa. Do jawñx, japon xam wiasaxael soldawxot xam jeliajwa jiw jebatat. ²⁶ Diachwñajnakolax xan ñm-an: 'Japon japox is wut, xam nakolsaximil jiw jebaxot, hasta puexa japoxan mos-emil wut' —an xan" —aech Jesús pejnachalaliajwa, xabich asew jiwliajwabej.

Jesús naewñajanpox poejiw pakmola nejchaxoelasamata asew watho' bu'moejsaxan

²⁷ Do pejme kaes Jesús ñm-aech pejnachalaliajwa, xabich asew jiwli-ajwabej, naewñajan wuton mñaxxot: "Moisés chajia lelpox ñm-aech: 'ñNabej bu'moejs asew watho', nijwa-elpow!' —aechox. Xamal chajia japox matabijam. ²⁸ Pe amwutjel, xan ñm-anlax amprox. Xam pawis taenam wut, bu' moejsax bu'nejchaxoelam wut, ja-am wut, isam babijax japanejchaxoelaxtat japow pawisliajwa.

²⁹ "Isam wut babijax, taenamprox nej-itfut, ja-am wut, kaes pejme pachaemaxael najut na-itfukusliajwam. Do jawñx, ñnej-itfut kutamprox atñaj fo'im xamxot! Ja-am wut, kaes pejme pachaemaxaelam nej-itfut kaeyax, nafo'a wut, Dios xam fo'asamata infierno poxadik. ³⁰ Isam wut babijax nejpoklake-etat, najut naketariowcham atñaj fo'aliajwam. Ja-am wut, kaes pejme pachaemaxaelam, xam nejke-e nafo'a wut, Dios xam fo'asamata infierno poxadik" —aech Jesús, naewñajan wut mñaxxot.

Jesús naewñajanpox poejiw, pels-elaliajwa pejwatho'
(Mt 19.9; Mr 10.11–12; Lc 16.18)

³¹ Do pejme kaes Jesús jum-aech pejnachalaliajwa, xabich asew jiwli-ajwabej, naewhajan wuton mnaaxxot: “Moisés chajia lelpox jum-aech: ‘Aton pijow fo’asia wat, japon pelfut lelaxael pijowliajwa. Japapelfutxot lelaxaelon, ma-aech xot fo’axaelon pijow. Do jawux, chaxdusaxaelon pijow japapelfut’ —aechox. ³² Pe amwutjel xan jum-anlax amprox. Poi asbuan jumch masoxtat pijow fo’axil, japow asan poi bu’moejs-el wat. Pe nakiowa, japon masoxtat pijow fo’a wat, ja-aech wat, japon pejbuhwajan Diosliajwa. Asan aton fit watbej fo’aspow, bu’moejtas watbejpow, ja-aech watbej, japowbej pejbuhwajan Diosliajwa. Japon fo’aspow fit xot, japonbej pejbuhwajan Diosliajwa, bu’moejt xoton fo’aspow, Diosli-ajwafuk japow nakiowa pamal” —aech Jesús pejnachalaliajwa, xabich asew jiwliajwabej.

Jesús jiw naewhajanprox, machiyaxaeli, jumduw wat isaxaelproxanliajwa

³³ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mnaaxxot: “Xamal jumtaenambej nejwujnapijiw tato’lasprox Dios. Japox jum-aech: ‘Xam jumdutam wat isaxaelamprox Diosliajwa, ijapox chiekal isde!’ —aechox. ³⁴ Pe xan jum-an. Jumduwam wat isaxaelamprox, jkaes asaxantat nabej jumdui!’ Jumduwamproxan isaxaelam wat, jchiekal jum-amde! jKaes asax nabej jum-aech’ asew jiw asbuan jumch xamal naexaxisliajwa jumduwamproxanliajwa! jNabej jum-aech’: ‘Diachwujnakolax xan isaxaelen jumduxprox, Dios pijaxtat jumduxxot’ —nabej aeche!’ jNabej jum-aech’bej: ‘Diachwujnakolax xan isaxaelen jumduxprox, puexa athaxotse pijaxtat’ —nabej aeche’, Dios pajut jaxotse duk xot! ³⁵ jNabej jum-aech’bej: ‘Diachwujnakolax xan isaxaelen jumduxprox, jumduxxot puexa ampathat pijaxtat’ —nabej ja-aech’, Dios is xot ampathat! jNabej jum-aech’bej: ‘Diachwujnakolax xan isaxaelen jumduxprox, jumduxxot Jerusalén paklowax pijaxtat’ —nabej aeche’bej, Dios kaen wajpaklokolan japon pejpaklowax xot! ³⁶ jNabej jum-aech’bej: ‘Diachwujnakolax xan isaxaelen jumduxprox, tajnejchaxoelaxtat jumdux xot’ —nabej aeche’ asanliajwa, xamal papoeilat kiladofaximil nejmatlat xot! ³⁷ Jumdutamprox isaxaelam wat, jchiekal jum-amde: ‘Xan japox isaxaelen’ —amde! Is-elasiam wat, jkamta chiekal jum-amde: ‘Xan japox isaxinil’ —amde! Kaes asaxan jumchiyaximil. Kaes asaxan jum-am wat, pelisdo’ xam jumchiyaxaelam Satanás pijaxtat” —aech Jesús.

Jesús naewhajanprox jiw babijaxan ispi, japiliajwa babijaxan iselaliajwa

(Lc 6.29–30)

³⁸ Do pejme kaes Jesús jum-aech pejnachalaliajwa, xabich asew jiwli-ajwabej, naewhajan wuton mnaaxxot: “Moisés chajia lelpox jum-aech: ‘Aton nej-itfut tabejt wat, ijapon pej-itfutbej xam tabejde! Aton nejbuat’ jala wat, ijapon aton pejbuat’bej xam jalim!’ —aech Moisés chajia lelpox. ³⁹ Pelax xan jum-an. Aton babijax is wat xamliajwa, jxam nabej is babijax japonliajwa! Asan xam xutula wat, jtaeem asaxulelbej tulaliajwapon! ⁴⁰ Asan xam dewatam xot, japon jumchisia juez pejwujnalel xam dewatamproxanliajwa. Jawut, japon wujlow wat nejkamis, ijapox chaxdu’e! jChaxdu’ebeypon thuch naxoelamprox! ⁴¹ Soldawan xam xato’a

wʉt kaekilómetro xalaeyax, iʒam xalaem kolekilómetros! ⁴² Nejmachaton, xabich wewe'paspon wʉt, japon wʉljow wʉt malech, iʒaxdu'e wʉljowpox! Asan xam wʉljow wʉt nijax, iel nabej aeche'!" —aech Jesús, jiw naewʉajan wʉt mʉaxxot.

Jesús naewʉajanpox pejnachala nejxasinkaliajwa padaelmajiw
(Lc 6.27–28, 32–36)

⁴³ Do pejme kaes Jesús jʉm-aech pejnachalaliajwa, xabich asew jiwliajwabej, naewʉajan wʉton mʉaxxot: "Moisés chajia lelpox jʉm-aech: 'iNejxasinkde nejnachala! iPelax nejweslade nadaelmajiw!' —aechox. Xamal japox chiekal matabijam. ⁴⁴ Pelax amwʉtjel xan jʉm-an. iXamal nejxasinkde nadaelmajiw! iJapiliajwa Dios kawʉajandebej, japi is wʉt babijaxan xamalliajwa! ⁴⁵ Ja-am wʉt, japi jiw matabijaxael, nej-ax Dios, japon paximpim, athʉxotsepon. Nej-ax Dios to'a masxaeyax jiw babejchowliajwa, pachaempiliajwabej. To'abejpon iam babejchowliajwa, pachaempiliajwabej. ⁴⁶ Xamal nejxasinkam wʉt xamal nejxasinkpikal, ja-am wʉt, xamal is-emil pachaempox asew jiwliajwa. Impuesto kenoti Roma gobiernoliajwa, japibej nakaebabejchow nanejxasink. ⁴⁷ Kejacham wʉt xamal nejxasinkpikal, ja-am wʉt, xamal kaes pejme pachaempox is-emil asew jiwliajwa. Dios naexasis-elpi, japibej nakaewa nakejacha. ⁴⁸ iIsfulde puexa pachaempoxan! Me-ama nej-ax Dios, athʉxotsepon, isful pachaempoxan, iXamalbej ja-amsfulde!" —aech Jesús, naewʉajan wʉt mʉaxxot.

6

Jesús jiw naewʉajanpox isliajwa pachaempoxan

¹ Do pejme kaes Jesús jʉm-aech pejnachalaliajwa, xabich asew jiwliajwabej, naewʉajan wʉton mʉaxxot: "Isaxaelam wʉt pachaempoxan, iJapoxan isde! Japoxan isaxaelam wʉt, iʉnabej is asbʉan jʉmch asew jiw xamal taeliajwa pachaempoxan isampoxan! Japoxan isaxaelam wʉt asbʉan jʉmch asew jiw taeliajwa, ja-am wʉt, nej-ax Dios, japon athʉxotsepon, chaxduiyaxil jʉmdutpoxan.

² "Samata, kejila kajachawaetam wʉt, jasew jiw nabej lae', japi taeliajwa xamal kajachawaetampox! Asew jiw lam wʉt kajachawaetampox taeliajwa, ja-am wʉt, xamal, me-ama naekichachajbapijiw jachiyaxaelam. Naekichachajbapijiw pat wʉt judíos naewʉajnabachanxot, japi kajachawaet kejila, o, paklowaxthialaxanxot wʉtbej, japi japoxan is asew jiw taeliajwas. Diachwʉajnakolax xan jʉm-an. Japi asew jiw sitaens xot, japox, me-ama moch wʉt, jatispi. Samata, Dios mosaxisal japi jiw. ³ Xamallax kejila kajachawaetam wʉt, iʉnabej chapae' asan aton! Nejnachalan, kaes nejxasinkamponbej, iʉnabej chapae'! ⁴ Kejila kajachawaetam wʉt, iʉkajachawae'e maliach! Do jawʉt, nej-ax Dios, taenpon maliach isampoxliajwa, japon xamal mosaxael maliach kajachawaetampoxliajwa kejila" —aech Jesús, naewʉajan wʉt mʉaxxot.

Jesús chanaekabʉanapox pejnachala, jʉmchiyaxaeli, Dios kawʉajan
wʉt
(Lc 11.2–4)

⁵ Do pejme kaes Jesús jʉm-aech pejnachalaliajwa, xabich asew jiwliajwabej, chanaekabʉana wʉt mʉaxxot: "Xamal Dios kawʉajnam wʉt, iʉnabej kawʉajne', me-ama naekichachajbapijiw! Japi Dios kawʉajan wʉt, nejxasink nuilaliajwa asew jiw pejwʉajnalel judíos

naewhajnabachanxot, o, paklowaxthialaxanxot wut. Diachwuhajnakolax xan jum-an. Japi asew jiw sitaens xot, me-ama moch wut, jatispi. Samata, Dios mosaxisal japi. ⁶ Xamallax Dios kawhajnjam wut, ifulaem nejba poboxe, Dios kawhajnaliajwam wut! Ba lowam wut, ba faka'tam wutbej, do jawut, nej-ax Dios kawhajande! Do jawutbej, nej-ax Dios, japon matabijtron maliach isampoxanliajwa, japoxanliajwa xamal mosaxaelon.

⁷ “Dios kawhajnjam wut, jkaeyaxkal nabej kawhajne! Me-ama Dios matabija-eli kaeyax kawhajnjam, jxamal nabej ja-aeché! Japi nejchaxoel chiekal matabija-elaxtat: ‘Kaeyax kawhajnjam wut, Dios naknaewesaxael’ —aechi asbuan jumch, nejchaxoel wut. ⁸ Xamal, me-ama japi, jnabej ja-aeché! Nej-ax Dios chajia chiekal matabij xamal wewe'ppoxan, japon wuljoe-emil wutfuk. ⁹ Samata, xamal Dios kawhajnjam wut, jum-amde:

‘Ax Dios, xam athupijnam, jpuexa jiw xam nej sitae!’

¹⁰ jpuexa nejjiw tato'laxaelammatkoi nej tæadus! Amwutjel xamxotse puexa nej-ángeles isful, me-ama xam nejxasinkam. Jasoxtatbej puexa jiw, ampathatpijiw, nej is xam nejxasinkampoxan!

¹¹ jMa amwut xanal naxaeyaxan nachaxduim, nawewe'ppoxan!

¹² jXanal nabeltaem babijaxan isxpxoxanliajwa! Me-ama asew jiw xanal beltaenx, japi babijaxan is wut xanalliajwa, jja-amdebej xanalliajwa!

¹³ jNabej tapae' Satanás xanal naxapaejalialjwa, babijaxan isasamatan! jXanal nakajachawae'e babijaxan isasamatan! [Xam kaenam paklokolnam. Kaenambej kaes pejme xabich mamnikamponam. Xam kaenam xabich pachaemamponambej pomatkoichialiajwa. jNej ja-aechfule'bej japox!'] —amde, Dios kawhajnjam wut!” —aech Jesús, naewhajan wut muaxxot.

¹⁴ Do kaes pejme Jesús jum-aech pejnachalialjwa, xabich asew jiwliajwabej, naewhajan wuton muaxxot: “Asew jiw beltaenam wut, japi babijaxan is wut xamalliajwa, ja-am wut, nej-ax Dios, athuxotsepon, beltaeyaxael xamal babijaxan isampoxanliajwa japonliajwa. ¹⁵ Xamal asew jiw beltae-emil wut, nej-ax Diosbej xamal beltaeyaxil” —aech Jesús, naewhajan wut muaxxot.

Jesús naewhajan pejnachala machiyaxaeli, naxae-el wut piach Dios kawhajnaliajwa wut

¹⁶ Do pejme kaes Jesús jum-aech pejnachalialjwa, xabich asew jiwliajwabej, naewhajan wuton muaxxot: “Xamal naxae-emil wut Dios piach kawhajnaliajwam, jnejxuchantat nabej tampae! Me-ama naekichachajbapijiw, jnabej ja-aeché xamal! Xan diachwuhajnakolax jum-an. Japi asew jiw sitaens xot, me-ama moch wut, jatispi. Samata, Dios mosaxisal japi jiw. ¹⁷ Xamal naxae-emil wut, Dios piach kawhajnaliajwam wut, jmin xukia'e! jChiekal nachaemdebej! ¹⁸ Jasox isam wut, asew jiw matabijaxil xamal naxae-emilpox, Dios piach kawhajnaliajwam wut. Nej-ax Dios, xamal taeyaximilpon, japonkal taeyaxael. Do jawut, nej-ax Dios matabijsaxael maliach isampox. Ja-am wut, Dios xamal mosaxael” —aech Jesús, naewhajan wut muaxxot.

*Jesús naewhajanpox pejnachala ommaenkpoxan Diosxotse
(Lc 12.33–34)*

¹⁹ Do pejme kaes Jesús jum-aech pejnachalaliajwa, xabich a sew jiwli-
ajwabej, naewuajan wuton muaxxot: “¡Nabej nejchaxoele' owaliajwam
ommaenkpoxan ampathatat! Ampathatat owam wat ommaenkpoxan,
japoxan toepaxael. Xoepaxaelbej. Kethaka nosaxaelbej japoxan.
²⁰ ¡Chiekal nabichfulde Diosliajwa! Ja-amsfulam wat, pachaempoxan
xamalliajwaxael Diosxotse. Jaxotse toepaxil. Xoepaxilbej. Kethaka
ajilaxaelbej xamal wenosliajwa. ²¹ Diosxotse, jaxotse Dios xamal chax-
duiyaxael pachaempoxan. Samata, nejchaxoelafulaxaelam pasliajwam
Diosxotse” —aech Jesús, naewuajan wat muaxxot.

Jiw pej-itfutan, me-ama lámparas wat, ja-aechpox
(Lc 11.34–36)

²² Do pejme kaes Jesús jum-aech pejnachalaliajwa, xabich a sew jiwli-
ajwabej, naewuajan wuton muaxxot: “Lámparas chiekal itliak wat, puexa
jiw batu chiekal taen. Ja-aechbej nej-itfutan. Xamal chiekal taenam,
nej-itfutan pachaem wat. ²³ Nej-itfutan chaemil wat, xamal chiekal
taeyaximil. Me-ama itliaklan wat, jachiyaxaelam. Jachiyaxaelbej ne-
nejchaxoelaxan. Dios we-italiafa wat nejnejchaxoelaxan, ja-aech wat,
nejnejchaxoelaxan chiekal pachaemaxael. Ja-am wat, Dios tato'alpox
nejxasinkaxaelam isfulaliajwam. Chiekal duilaxaelambej. Pachaema-el
watlax nejnejchaxoelaxan, Dios naexaxisaximil. Samata, ¡chiekal taem
nejchaxoelampoxanliajwa! Babijaxan nejchaxoelam wat, ja-am wat,
nejnejchaxoelax, me-ama itkuaatax wat, jachiyaxael. Do ja-aech wat,
xamalbej babejchow nadofaxaelam. Ja-am wat, xan nanaexaxisaximil”
—aech Jesús, naewuajan wat muaxxot.

Nabichan kolenje wat pejpaklochow, japiliajwa japon chiekal
najupatanbichaxilpox
(Lc 16.13)

²⁴ Do pejme kaes Jesús jum-aech pejnachalaliajwa, xabich a sew jiwli-
ajwabej, chanaekabuana wat muaxxot: “Nabichan kolenje wat pejpaklo-
chow, japiliajwa chiekal najupatanbichaxil. Kaen paklonliajwa chiekal
tanbichaxaelon. Asan paklonliajwa chiekal tanbichaxilon. Ja-aechlap-
is nejxasinki Dios. Japi nejchaxoel wat platakal, japi chiekal nabichaxil
Diosliajwa” —aech Jesús, naewuajan wat muaxxot.

Dios tataefulpox jiw xanaboejapi japon
(Lc 12.22–31)

²⁵ Do pejme kaes Jesús jum-aech pejnachalaliajwa, xabich a sew ji-
wliajwabej, naewuajan wuton muaxxot: “Xan ampox jum-an xamalli-
ajwa, xabich nejchaxoelasamatam xaeliajwampoxan, feliajwampox-
anbej. ¡Xabich nabej nejchaxoele'bej naxoeliajwampoxan! Duila-esal
naxaeyaxkalliajwa. Duila-esalbej naxoekalliajwa. Dios nakchaxdui-
ful nakwewe'ppoxan duilaliajwas japoxantat. Samata, Dios nakchax-
duiyaxael naxaeyaxan, naxoebej. ²⁶ Xamal taenam mia, papun wat.
Japi mutha-el naxaeyaxan. Jola-elbejpi cha-owaliajwa naxaeyaxan. Pe
nakiowa, nej-ax Dios, athupijin, chaxduiful naexaeyaxan mia xaeliajwa.
Dios xamal kaes pejme nejxasink. Me-ama mia nejxasink wat, jachi-
elon. Samata, nej-ax Dios xamal chiekal tataeflaful. ²⁷ Ja-aech wat,
¿ma-aech xotkat xamal nejchaxoelam japoxanliajwa? Japoxan xabich
nejchaxoelam wat, kaes matkoianliajwa laepaximil.

28 “¿Ma-aech xotkat xabich nejchaxoelam naxoelajwampoxan? ¡Taem naetalan, chimiatalan, yotat! Japi ti't wut, nabich-el chimialajwa. Pe puexa chimiapi. 29 Xan jum-an. Rey Salomón, japon wajwuaajnapijin, pejew naxoe xabich chimia. Naxoeipon chimia, kemaenk xot. Pe naetalan kaes chimiatalan. Me-ama rey Salomón pejew naxoe, jachi-el. 30 Pola ti't wut yotat, Dios pijaxtat natala wut, nakola chimiatalan. Pe piachliajwael. Kaematkoijanliajwa asbuan jumch. Do jawux, selil wut, tap. Do jawut, tamejas lausliajwas. Pelax Dios xabich kaes tataeflaxael xamal. Me-ama naetalan tataeful wut, jachiyaxilon. Samata, ¡Dios chiekal xanaboejim naxoelajwam chimia, kaesuaapich wut nejxanaboejxan Diosliajwa! 31 Samata, ¡xabich nabej nejchaxoele' xaeliajwampox, feliajwampoxbej! ¡Xabich nabej nejchaxoele'bej naxoelajwampi! ¡Pelax Dioskal xanaboejim! 32 Jiw matabija-eli Dios, japi xabich nejchaxoelaful japoxanliajwa. Nej-ax Dios, athapijin, matabijt xamal wewe'ppoxan. 33 Samata, amwutjel kaes pejme pachaem xamal Dios naexaxisfulalialajwam, japon kaen nejpaklokolan. ¡Isfulde Dios jum-aechpoxan! Japox isam wut, Dios xamal chaxduiyaxael puexa wewe'ppoxan. 34 Samata, ¡xabich nabej nejchaxoele' asamatkoi jachiyaxaelpoxliajwa! ¡Kofim nejchaxoelampox kandiawaliajwa! Samata, ¡ma amwut najutliajwa nejchaxoelde, machiyaxaelam amwut! Ja-aech wut, Dios chaxduiyaxael xamal wewe'ppoxan” —aech Jesús, naewuajan wut muaxxot.

7

Jesús buxfiatpox pejnachala, japi jumchisamata: “Japi jiw babejchow xot, wewe'pas Dios kastikaliajwas” —chisamatapi

(Lc 6.37–38, 41–42)

1 Do pejme kaes Jesús jum-aech pejnachalialajwa, xabich asew jiwliajwabej, naewuajan wuton muaxxot: “¡Xamal asew jiwliajwa nabej jum-aeché: ‘Ampi jiw babejchow. Samata, Dios kastikaxaesi’ —nabej aeche! Jasox jum-am wut asew jiwliajwa, asamatkoi Dios xamal jumchiyaxaelbej: ‘Xamal babejchowambej. Samata, xamalbej kastikaxaelen’ —chiyaxael Dios xamalliajwa. 2 Jasoxtat Dios jumchiyaxael xamal, asew jiwliajwa jum-am xot: ‘Ampi jiw babejchow. Samata, kastikaxaesi’ —am xot. Chaxduwam wut asew jiw wewe'pasoxan, ja-am wut, Dios xamal chaxduiyaxael wewe'ppoxan. 3 Xamal najut kaes babijaxan isam wut, ¡nabej fias, asan aton babijax is wut! Aton, asan kajachawaesasia wut, cha-aelaxach ast it-okson, japon pajutlax kaes pejme pinjiyax naetamat it-oks wut, jasoxtat japon aton, asan kajachawaesaxil. 4 Xamal najut kaes babijaxan isfulam wut, ¡asan nabej jum-aeché: ‘¡Natapaem xam kajachawaesliajwan babijax is-elalialajwam!’ —nabej aeche! 5 Ja-am wut, xamal naekichachajbapijwaxaelam. ¡Matxoela kofim najut babijaxan isampoxan! Do jawux, asan kajachawaesaxaelam, japon kofsliajwa babijaxan ispoxan.

6 “Xamal matabijam ampox. Wux duajsaximil Diosliajwapox. Wux palalapi, duajtam wut Diosliajwapoxan, wux bej liklaxaelbej xam. Maranxotbej owaximil ommaenkpoxan. Maranxot japoxan owam wut, maran japoxan asbuan jumch sae-enaxael” —aech Jesús, naewuajan wut muaxxot. (Samata, jiw sitae-el wut naewuajnaspoxan Diosliajwa, japi jiw kaes naewuajnalisal.)

Jesús naewuajanpox pejnachala, japi wewe'pasproxan wuljoelajwapi Dios
(Lc 11.9–13; 6.31)

⁷ Do pejme kaes Jesús jum-aech pejnachalalajwa, xabich a sew jiwliawabej, naewuajan wuton muaxxot: “iDios wuljoem wewe'pox! Wuljowampox japox Dios chaxdusaxael. Wulwekam wut wewe'pox, japox faenaxaelam Dios pejkajachawaesaxtat. Xamal Dios kawuajnam wut, me-ama bafafaxot lam wut, ja-am xamal Dios kajachawaesliajwa. ⁸Wuljoefulpon wewe'pasprox, japon Dios chaxdusaxaes. Wulwekafalpon japonbej faenaxael Dios pejkajachawaesaxtat. Dios kawuajnafalpon, japonbej Dios kajachawaesaxaes isliajwa japox.

⁹ “iXamalxot naxi wuljow wut pan, xamalkat xajupaxaelam naxulan chaxdusliajwam ia't? ¹⁰Naxulan baxin wuljow wut, chaxdusaximil jom. ¹¹Xamal babejchowam matabijam naxi chaxduiliajwam pachaempoxan. Nej-ax Dios, athupijin, kaes pejme pachaem. Samata, nej-ax Dios pachaempoxan xamal chaxduiyaxael, xamal wuljowam wut.

¹² “Samata, imatxoela isfulde pachaempoxan a sew jiwliawaja! Me-ama xamal nejxasinkam a sew jiw isliajwa pachaempoxan xamalliajwa, ijapoxlap isfulde japi jiwliawaja! Jasoxtat naexaxisfulaxaelam puexa Moisés chajia lelpox, Dios pejprofetas chajia lelpoxbej” —aech Jesús, naewuajan wut muaxxot.

A sew jiwliawaja xabich tampoelpox, japi naexaxisliajwa Dios
(Lc 13.24)

¹³ Do pejme kaes Jesús jum-aech pejnachalalajwa, xabich a sew jiwliawabej, naewuajan wuton muaxxot: “iLaleyax cha-aelaxachlel lem pasliajwam Diosxotse! Laleyax pinjiyax, nuamt pinjitpotbej, japoxan koleyax, pasliajwa infiernoxotdik. Samata, xabich jiw fulalaek japoxadik, tup wuti ampathatat, kaes tampa xot fulaelajwadik. ¹⁴Laleyaxach tampoel jiw leliajwa pasliajwa Diosxotse. Nuamtbej cha-aelaxach. Samata, tampoel jiw fulaelajwa pasliajwa Diosxotse. Ja-aech xot, kaesupich jiw jaxotse pat, tup wuti ampathatat” —aech Jesús, naewuajan wut muaxxot.

Pejbaech pachaem wut, matabijas japanae pachaempox
(Lc 6.43–44)

¹⁵ Do pejme kaes Jesús jum-aech pejnachalalajwa, xabich a sew jiwliawabej, naewuajan wuton muaxxot: “iChiekal taem naekichachajbapijiwliawaja! Japi jiw, me-ama Dios pejprofetas wut, jachiyaxaeli. Pe japi profetaxil. iNabej tapae' japi jiw xamal naekichachajbaliajwa! Japi jiw, me-ama pachaem wut, jachiyaxaeli. Pe pejne-jchaxoelaxan xabich chaemil. Puexa japi naewuajanpoxanbej, xabich chaemil a sew jiwliawaja. ¹⁶Xamal matabijaxaelam japi isproxantat. Japi jiw, me-ama na-e'naechan. Japanaechan nabo-es-el chimiabaech. Samata, japi jiw wejisal pachaempoxan Diosliajwa, naekichachajbapijiw xot. ¹⁷Pachaemnae naboet wut, pachaembej pejbaech. Chaemilnae naboet wut, chaemil pejbaechbej. ¹⁸Pachaemnae nabo-esaxil pejmachbaech. Chaemilnae nabo-esaxilbej pachaembaech. ¹⁹Samata, puexa naebaechnaechan, pachaema-eli, japanaechan liksaxaes lausliajwas. ²⁰Jachiyaxaesbej jiw, chaemili. Xamal chiekal matabijaxaelam, japi is wut babijaxan” —aech Jesús, naewuajan wut muaxxot.

Jesús naewhajanpox kaeshapich jiw pasaxaelpox Diosxotse

(Lc 13.25–27)

²¹ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mnaaxxot: “Jiw pasaxael Diosxotse, isful wut taj-ax Dios nejxasinkpoxan. Asew jiw asbuan jumch jum-aech wut xanliajwa: ‘Jesús tajpaklon’ —aech wuti, japi pasaxil Diosxotse, is-el xoti Dios nejxasinkpoxan. ²² Kastikamatkoi pat wut, xabich jiw jumchiyaxael xanliajwa: ‘Tajpaklon, xanal jiw xabich naewhajnax xamliajwa. Nijaxtat xabich dep to'ax nakolaliajwa jiw pejmatpuatanxot. Koechaxanbej isx xam nijaxtat’ —chiyaxael japi jiw xanliajwa. ²³ Xanlax tulaela jumchiyaxaelen japi jiwliajwa: ‘¡Chijiamde xanxot, xamal babijaxan isampim! Chinax xamal matabijs-enil’ —chiyaxaelen” —aech Jesús, jiw naewhajan wut mnaaxxot.

Jesús naksiyapox kolebaliajwa

(Lc 6.47–49)

²⁴ Do pejme kaes Jesús jum-aech pejnachalaliajwa, xabich asew jiwliajwabej, naewhajan wuton mnaaxxot: “Jiw chiekal naewet wut naewhajnaxpox, naexasit wutbejpi tajtato'laxan, japi jiw chiekal nejchaxoel. Samata, japi jiw, me-ama bachan ispi sat tinkxot wut, ja-aechi. ²⁵ Iam thilan wut, pinamin wutbej, xabich pinajoewa wutbej, japabachan taxu'palaxil, chiekal isas xot sat tinkxot. ²⁶ Xan naewhajnaxpox jiw naewet wut, pe naexasis-el wuti xan tato'laxpoxan, japi jiw, me-ama matabijsla wut, ja-aechi. Japi, me-ama bachan iapi thaejtat. ²⁷ Iam thilan wut, pinamin wutbej, xabich pinajoewa wutbej, japabachan chiekal jawal, japabachan ias xot thaejtat. Chiekal toepaxaelbej japabachan” —aech Jesús, naewhajan wut mnaaxxot.

²⁸ Do jawut, Jesús naewhajnax buxtoet wut, japi jiw jum-aech: “Jesús naewhajanpoxan xabich pachaem” —aechi. ²⁹ Jasox jum-aechi, Jesús naewhajan xot Dios pijaxtat. Jesús naewhajan wut, me-ama judios chanaekabuanapi, jachi-elon.

8

Jesús boejthutpox bu'xaenkpon leprawaxaetat

(Mr 1.40–45; Lc 5.12–16)

¹ Dolisdo', Jesús jiw naewhajnax buxtoet wut, bu'loek wuton mnaaxxot, xabich jiw fulafoson. ² Jawut leprawaxaetat bu'xaenkpon, fulaenon Jesúslel. Pat wuton Jesúsxot, brixtat nukon Jesús pejwujnalel sitaeyax itraeliajwa Jesúsliajwa. Do jawut, jum-aechon:

—Tajpaklon, xan matabijtax xam xajupampox xan naboejthusliajwam. Naboejthusasiam wut, ¡naboejthu'e! —aech leprawaxaetat bu'xaenkpon.

³ Jesús pejke-etat jacha wut, jawut Jesús jum-aech bu'xaeyanliajwa:

—Xam boejthusasian. Malis xam boejthutx —aech Jesús japonliajwa.

Do jawut, kamta japon chiekal boejthulslison leprawaxae. ⁴ Do jawut, Jesús pejme jum-aech:

—¡Asew jiw nabej chapae' xam boejthutxpo! ¡Matxoela fulaemch sacerdotepoxade, japon xam taeliajwa boejthulpox leprawaxae! Do jawux, ¡Dios chaxdu'e, me-ama Moisés chajia lelpox jum-aech, leprawaxae xam chiekal boejthul xot! Jasoxtat jiw matabijaxael xam boejthulpox leprawaxae —aech Jesús japonliajwa.

Jesús boejthutpox soldawcapitán pamakan

(Lc 7.1–10)

⁵⁻⁶ Jesús pat wut Capernaum paklowaxxot, jawut soldawcapitán, Roma gobiernoliajwa nabistpon, pat Jesúsxot. Soldawcapitán wuljow wut, jum-aechon Jesúsliajwa:

—Tajpaklon, tamakan ok camatat tajbatat. Japon nansaxil. Lae-jaxilbejpon. Xabich nabijaton xaenkpoxantat —aech soldawcapitán Jesúsliajwa.

⁷ Do jawut, Jesús jum-aech soldawcapitánliajwa:

—Xam nakfulaeyaxaelen nejba poxade namakan boejthusliajwan —aech Jesús.

⁸ Do jawut, soldawcapitán jum-aechon Jesúsliajwa:

—Tajpaklon, xan xabich pachaema-enil xam leliajwam tajba, xam kaes pejme paklokolnam xot. Ma amxot waxae to'am wut, tamakan chiekal boejthulaxaes. ⁹ Xanbej tajpaklochow. Japi naketo'a wut, xan tajut ow-an. Xanbej soldawcapitánan. Kaen soldawan keto'ax wut, japon na-ow-aech. Asan lax wut, japon fulaen. Tamakanbej keto'ax wut, keto'axpox japon chiekal jinawe-is. Xambej jiw tato'lanam. Samata, ma amxot waxae to'am wut, tamakan chiekal naweboejthulaxaes —aech soldawcapitán Jesúsliajwa.

¹⁰ Jesús japox jumtaen wut, nejchaxoelanukon, capitán xabich xan-aboejtaspo. Samata, Jesús jum-aech puexa jiw jumtaeliajwa:

—Diachwajnakolax xan jum-an. Israel tuajnxot xan xabich naxan-aboejtpon, me-ama ampon capitán, jason tae-enil —aech Jesús jiwliajwa.

¹¹ Do pejme Jesús jum-aech japi jiwliajwa:

—Xamal jum-an ampo. Xabich jiw, pothatapijiw, japi judíos-eli, pasaxael Diosxotse. Jaxotse chalakaxaeli naxaeliajwa, wajwajnapijiw suapich. Abraham, Isaac, Jacobbej, japi suapich, naxaeyaxaeli. ¹² Pelax xabich judíos pelsaxaes itkuatax poxadik, 'Infierno' —tis poxadik. Jaxotdik xabich noeyaxaeli. Bua'tatisaxaelbejpi, xabich nabijasaxael xot —aech Jesús japi jiwliajwa.

¹³ Do jawut, Jesús jum-aech soldawcapitánliajwa:

—iNawia'mich nejba poxade! Namakan chiekal boejthulsison, xam xabich xan naxanaboejtam xot —aech Jesús.

Do jawut, capitán pamakan chiekal boejthulspon.

Jesús boejthutpox Simón Pedro paem

(Mr 1.29–31; Lc 4.38–39)

¹⁴ Do asamatkoi, Jesús fulaech wut Pedro pejba poxade, jaxotde ba low wut, taenpon Simón Pedro paem bu'xaenkpox. Japow ok camatat. Xabich bu'tuajnikow. ¹⁵ Jesús kefit wut, jawut kamta chiekal boejthulsow. Do jawut, nant wut, pajut naxaeyaxan athukow Jesúsliajwa, asew jiwliajwabej.

Jesús boejthutpox xabich jiw, bu'xaeya

(Mr 1.32–34; Lc 4.40–41)

¹⁶ Do tuila wut, itkuatnik wutbej Jesúslel xabich jiw buflaeni asew jiw, dep webaesie pejmatpuatanxot. Do jawut, Jesús kaejametat dep to'a puexa dep nakolaliajwa jiw pejmatpuatanxot. Jawutbej puexa asewbej, japi bu'xaeya, chiekal boejthuls. ¹⁷ Ampox ja-aech, me-ama Dios pejprofeta, Isaias, chajia lelpox jachiliajwa. Jum-aechox: "Japon

xatis nakkajachawaesaxael, bichilas wut. Bu'xaenkas wut, nakboe-jthusaxaelbejpon —aech Isaías lelpox, jum-aech wut Jesúsliajwa.

Asew jiw, naknanamsasiapox Jesús

(Lc 9.57–62)

¹⁸ Jesús taen wut xabich jiw masajiachpox, jawut jum-aechon pej-nachalaliajwa:

—¡Chijias puka we-enlelde falkamtat! —aechon.

¹⁹ Do jawut, judíos chanaekabuanan mox soepan wut, jum-aechon Jesúsliajwa:

—Jiw chanaekabuanan, xanbej xam naknanamsasian, nejmachtuajnuchan poxade xam nanamtam wut —aechon.

²⁰ Do jawut, Jesús jum-aech judíos chanaekabuananliajwa:

—Lam pejmuthan moesliajwa. Miabej pejfenan. Xanlax, puexa jiw pakoewkolnan, ajil tajbakolaba xan damlathulaliajwan —aech Jesús judíos chanaekabuananliajwa.

²¹ Do jawut, asan pejnachalan jum-aechbej Jesúsliajwa:

—Tajpaklon, xan taj-ax xabich pati'in. ¡Xanfuk natapaem taj-axxot dukaliajwan! Taj-ax tur wut, do jawut, xam naknanamsaxaelen —aechon Jesúsliajwa.

²² Do jawutbej, Jesús jum-aech japonliajwa:

—¡Xamlax xan nakfulaem! Xan nanaexaxis-elpi, japi jiw, me-ama patupa wut, kabuan-aechi Diosliajwa. Japilap nakaewa namuthaxael, tur wut —aech Jesús japonliajwa.

Jesús fiatpox joewa, truxanbej

(Mr 4.35–41; Lc 8.22–25)

²³ Do jawux, Jesús falkam jul, pejnachala suapich. ²⁴ Jawut, chaflaech wuti, chalechkal pat iam, pinjiyax, Galilea pukaxot. Xabich pintruxan, pinajoewabej. Xabich falkam min fajabas. Japox ja-aech wut, Jesús nejmach moejt. ²⁵ Do jawut, Jesús pejnachala thikalisipon. Jum-aechlisipon: —Tajpaklon, ¡xanal nabu'wem, chabu'laxaex xot! —aechipon.

²⁶ Do jawut, Jesús jum-aech pejnachalaliajwa:

—¿Ma-aech xotkat xamal nejlewla? ¡Xamal xabicha-el nejxanaboejaxan xanliajwa! —aech Jesús pejnachalaliajwa.

Samata, jawut, Jesús nant wut, fiatlison joewa, truxanbej. Do jawut, puka chiekal itnapatan. ²⁷ Do jawut, pejnachala xabich natachaema wut, nejchaxoelanuili japoxliajwa. Samata, nakaewa najum-aechi:

—¿Achankat ampon? Joewa, pukabej, naexasichpon —na-aechi nakaewa.

Jesús to'apox dep nakolaliajwa, kolenje aton pejmatpwatanxot

(Mr 5.1–20; Lc 8.26–39)

²⁸ Jesús puka we-enlelde wut, Gadara tuajnuaxot chapa'apon, pejnachala suapich. Do jawut, kolenje poi fulaen Jesúslel. Japi fulaen patupamuthanxotdin. Japi kolenje xabich chachoel dep pijaxtat. Samata, jiw pejlewla mox xenaliajwa japixot. ²⁹ Do jawut, nejlat wut, jum-aechi dep pijaxtat:

—Jesús, Dios paxulan, ¡xanal nabej natalias! ¿Ma-aech xotkat xam fulaeman xanalle nataliasliajwam that toepax wuajna? —aechi.

³⁰ Jaxotde kaesurapich atuxachlejen xabich maran naxaelp. ³¹ Do jawut, japi dep jum-aech Jesúsliajwa:

—Xanal ampi poejixwot nakolax nato'am wut, jnatapaem leliajwan maranxot! —aech dep.

³² Do jawut Jesús jum-aech:

—Jaw, jxaba'de! jLem maranxot! —aech Jesús japi depliajwa.

Do jawut dep nakola wut poejixwot, lowlisi maranxot. Jawut, puexa maran dukp chuatadik. Do jawut puexa maran bu'al pukatat.

³³ Maran tataefalpi dukp pejlewt. Patlisi pejpaklowaxxot. Chapaeilisi puexa maranliajwa ja-aechpoxan, dep low wut maranxot. ³⁴ Do jawut, puexa japapaklowaxpijw fulaen Jesúsleldin. Do jawut, japi jiw taen wuti Jesús, to'api Jesús namanasamata japi pejtuajnuxot.

9

Jesús boejthutpox nabejkan, japon chinax laejaxilpon

(Mr 2.1–12; Lc 5.17–26)

¹ Do jawux, Jesús jul falkam, pejnachala suapich, chaliknaliajwa puka we-enelde, pejpaklowax, Capernaum paklowax, poxaliajwade. ² Do jaxot Jesús pat wut, pejnachala suapich, jawut asew jiw chaxlaeni kaen nabejkan Jesúslel, japon chinax laejaxilpon. Japon ok camillatat. Jesús chajia matabijt japi pejxanaboejxan japonliajwa. Samata, Jesús jum-aech nabejkanliajwa:

—Wua, nejchachaemilde! Xam beltaenx, majt pachaemam wut babijaxan isampoxanliajwa —aech Jesús laejaxilponliajwa.

³ Jesús japox jum-aech wut, jawut, asew judíos chanaekabuanapi japox jumtaen wut, nakaewa najum-aechi: “Kaen Dios xajup jiw beltaeliajwa, japi babijaxan is wut. Samata, Jesús japox jum-aech wut, jum-aechon chaemilpox Diosliajwa” —aechi nakaewaliajwa. ⁴ Jesús chiekal matabijt japi nejchaxoelpox. Samata, jum-aechon japijiajwa:

—¿Ma-aech xotkat xamal nejchaxoelam babijaxan xanliajwa? ⁵ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabejkan jumtaeliajwa: ‘jNande! jLaejim!’ —an wut, japox jum-an wut, jiw diachwajnakolax xan namatabijsaxael xan puexa jiw pakoewkolnanponan. ⁶ Samata, xamal itpaeyaxaelen xan puexa jiw pakoewkolnanponan. Xan xajupx beltaeliajwan jiw babijaxan ispoxanliajwa ampathatat —aech Jesús judíos chanaekabuanapiliajwa.

Samata, Jesús jum-aechbej nabejkan jumtaeliajwa:

—jNande! jNejcamilla fi'e! jXalaemch nejba poxade! —aech Jesús.

⁷ Do jawut, nabejkan nant wut, fulaechlison pejba poxade. ⁸ Puexa jiw japox taen wut, xabich natachaemanuil wut, nejchaxoelanuilbejpi. Do jawut, nakaewa najum-aechi: “jDios xabich pachaem! Dios pejpamamax Jesúskaaliajwa” —aechi nakaewaliajwa.

Jesús tadutpox Mateo pejnachalanliajwa

(Mr 2.13–17; Lc 5.27–32)

⁹ Jesús boejthut wut nabejkan, baxot nakolt wut, do jawut, xan nataenpon. Xan tajwul Mateo. Xan ekx impuesto mat-omwuljowbatat, mat-omwuljoeliajwan Roma gobiernoliajwa. Jesús xan nataen wut, najum-aechon:

—jXaba't! jXan nakfulaem tajnachalnaliajwa! —aech Jesús xanliajwa.

Do jawut, xan nantax wut, Jesús nakfolxlison.

¹⁰ Asamatkoi, tajbatat Jesús naxael wut, xanal pejnachalwan suapich, impuesto mat-omwuljoew Roma gobiernoliajwa, japibej pat Jesúsxot. Do jawut, japibej chalak naxaeliajwa. Asew jiwbej, Moisés chajia lelpox naexasis-elpi, japibej pat jaxot. Japibej jaxot chalak naxaeliajwa, xanal suapich. ¹¹ Fariseos, japox taen wut, jum-aechi xanalliajwa, Jesús pejnachalwanpinliajwa:

—¿Ma-aech xotkat Jesús, nejchanaekabuanan, kaeyaxtat naxael, impuesto mat-omwuljoewpi suapich, asew babejchow suapichbej, japi naexasis-eli Moisés chajia lelpox? —aechi xanalliajwa, Jesús pejnachalwanpinliajwa.

¹² Jesús japox jumtaen wut, jum-aechon fariseosliajwa:

—Jiw nejchaempi, japi wewe'pa-esal jiw woen, bu'xaenka-el xoti. Jiw woen fulaen jiw bu'xaenkpi woeliajwa. Xanlap-is ja-an. Xan fulae-enil kajachawaesliajwan jiw pachaem wut, kabuan-aechpi. Xanlax fulaenx kajachawaesliajwan babejchow, japi kofaliajwa padujnejchaxoelaxan naexasisliajwapi Dios —aech Jesús.

¹³ Jesús pejme jum-aech fariseosliajwa:

—¡Chiekal nejchaxoelde Dios jum-aechpox, jum-aech wut: 'Xan nejxasinkax xamal asew jiw beltaeliajwam, japi jiw kajachawaesliajwam. Xanlap japox kaes nejxasinkax. Me-ama ofrenda isam wut xanliajwa, japoxliajwa xan chiekal nejchachaemla-enillejen' —aech Dios, chajia jum-aech wut! Xan tadusaxaelen jiw babejchow japi tajnachalaliajwa. Jiw jum-aechpilax: 'Xan kaes pejme pachaeman. Me-ama asew jiw, jachi-enil' —aechpi, xan japi jiw tadusaxinil tajnachalaliajwa —aech Jesús fariseosliajwa.

*Asew jiw xae-elpox, piach Dios kawuajnalialjwa wut
(Mr 2.18–22; Lc 5.33–39)*

¹⁴ Do jawux, Juan jiw bautisan pejnachala fulaeni Jesúslel. Pat wuti Jesúsxot, japi jum-aech Jesúsliajwa:

—Xanal piach naxae-enil, Dios piach kawuajnalialjwan wut. Fariseosbej ja-aech. ¿Ma-aech xotkat nejnachala, me-ama xanal jachi-el? —aechi Jesúsliajwa.

¹⁵ Do jawut, Jesús jum-aech wuajantat japi jiwliajwa:

—Pawis fitpon, fiesta is wut, taduchpi naxaeyaxaelfuk japonxot. Japi xabich nejchachaemlaxael, pajelnakjiyan jaxot duk wutfuk. Asamatkoi asew jiw japon buflaeyaxaes. Do jawut, taduchpi naxaeyaxil kaematkoijan suapich, xabich nejxaejwaxaes xoti. Jachiyaxaelbej asamatkoi tajnachalaliajwa, xan asew jiw nabu'fol wut. Samata, japi kaematkoijan suapich naxaeyaxil, xan japixot ajilaxaelen xot —aech Jesús.

¹⁶ Jesús matabijt, fariseos naewuajnasiapox padujwuajan, pajelwuajan suapich. Samata, jawut Jesús jum-aech wuajantat japiliajwa: “Kaew pawis pejyiaf wechachoeps wut, xape'tow chachoepxot. Pe yiaf xape's-elow pajelbu'chtat, itkias-esal wutfuk. Pajelbu'ch, itkias-esalpox, xape't wutow, yiaf itkiat wut, mamu'al wut pejme, pajelbu'ch itkialaxael. Yiaf padujax kaes chachoepaxael, xape't xotow pajelbu'ch. ¹⁷ Jasoxtatbej jiw wului-el pajelvino padujbu'choxatat. Wulu wuti pajelvino padujchoxatat, japox choxa chathialfalaxael, pajelvino xabich xot pafak. Ja-aech wut, vino nafo'axael. Choxabej nafo'axael. Samata, jiw pajelvino

wulw pajelbu'choxatat chatinkaliajwa choxa. Ja-aech wut, vino nafa'axil. Choxabej nafa'axil" —aech Jesús.

Amxot jum-aechox Jesús pawis boejthutpoxliajwa, asaow patapow mat-etpoxbejliajwa, pejme dukaliajwapow

(Mr 5.21–43; Lc 8.40–56)

¹⁸ Do jawux, Jesús naksiya wutfak, kaen aton pat Jesúsxot. Japon judiospaklon. Pat wut, brixtat nukon Jesús pejwujnalel, xabich sitaen xoton Jesús. Do jawut, jum-aechon:

—Taxulow ma jel nawetup. Pe xam ke-otam wut japowxot, taxulow nawemat-esaxaelam pejme dukaliajwa —aech paklon Jesúsliajwa.

¹⁹ Do jawut, Jesús nakfol paklon. Xanalbej, Jesús pejnachalwan, nakfolx Jesús. ²⁰⁻²¹ Dolisdo', Jesús fol wut, kaeow pawis moxdepow Jesús pejwulchakallel. Japow xabich nabijat. Pejlaw wut, jal matdukael. Doce waechanlisox japow bu'xaenkprox. Japow mox wut Jesús pejwuchakallel, japow nejchaxoel: "Xan pejsumta-osax jajastax wut, Jesús naboejthasaxael" —aechow, nejchaxoel wut. Samata, jajastow Jesús pejsumta-osaxmatdukax. ²² Do jawut, Jesús wultataen wut, taenpon japow pawis. Samata, Jesús jum-aech japowliajwa:

—Pawis, ¡nejchachaemilde! Amwutjel xam chiekal boejthul waxae, chiekal xan naxanaboejtam xot —aech Jesús japowliajwa.

²³ Do jawux, Jesús pat wut paklon pejbaxot, taenon, asew jiw toela nababa wut, patapow mathsliajwa wut. Jumtaenbejpon asew jiw wunowproxan japowliajwa. ²⁴ Samata, jum-aechon japiliajwa:

—¡Amxot nakolim! Japow tupa-el. Japow moejt —aech Jesús japi jiwliajwa.

Japi wunowpi japox jumtaen wut, xafafoli Jesúsliajwa. Japi jiw bu'wujapanpaei Jesús. ²⁵ Do jawut, Jesús nakolax to'a tathoetade wunowpi patapow. Japi nakola wut, Jesús low patapow ochxot. Jesús patapow kefit wut, mat-eton patapow pejme dukaliajwa. Do jawut, japow nant.

²⁶ Puexa japatujnupijiw wultaena Jesús ispox patapowliajwa.

Jesús boejthutpox kolenje itliaklan

²⁷ Jesús nakolt wut paklon pejbaxot, kolenje itliaklan Jesús pejwuchakal fol. Japi nejlasful wut, jum-aechfuli:

—Jesús, David pamon, ¡xanal nabeltaem! —aechfuli.

²⁸ Do jawux, Jesús asaba low wut, kolenje itliaklan mox soepa Jesúsxot. Do jawut, Jesús jum-aech japi kolenje itliaklanliajwa:

—¿Xamalkat xan nanaexasitam xajupxprox boejthasliajwan nej-itfutan? —aech Jesús.

Japi jamnot wut, jum-aechi:

—Diasdo' tajpaklon. Xam naexasitx —aechi.

²⁹ Do jawut, Jesús japi itfujacha wut, jum-aechon:

—Xamal chiekal naxanaboejam xot, nanaexasitam xotbej, ¡chiekal taem! —aech Jesús japi kolenje itliaklanliajwa.

³⁰ Do jawut, chiekal taenlisi. Do jawut, Jesús jum-aech nejthw'axtat japi kolenjeliajwa:

—¡Xamal asew jiw nabej chapae' xan isxprox xamalliajwa! —aechon.

³¹ Pe japi falaech wut, nakiowa puexa japatujnupijiw chapaeful Jesús isaspoxliajwa japiliajwa.

Jesús boejthutpox buxwujanjilan

³² Majt itliakalpi Jesúsxot chijia wúti, do jawú, a sew jiw búflaen búxwúajanjilan Jesúsleldin. Japon naksiyaxil, dep webaes xoton pejmatpúatxot. ³³ Do jawú, Jesús to'a dep nakolsliajwa japon pejmatpúatxot. Dep nakolt wú, do jawú, búxwúajanjilan túadutlison naksiyax. Jawú, xabich jiw natachaemanuúil wú, nejchaxoelanuúilbejpi. Júm-aechi:

—Majt chinax jasox tae-esal ampatúajnutat, Israel túajnúxot —aechi.

³⁴ Pelax fariseos júm-aech:

—Jesús to'a wú dep, to'a dep pejpaklon pijaxtat —aech fariseos Jesúsliajwa.

Jesús jiw beltaenpox

³⁵ Jesús nanúamt púexa paklowaxanxot, púexa túajnúchanxotbej, jiw naewúajnafulaliajwapon, judíos naewúajnábachanxot. Jesús naewúajan chimiawúajan jiwliajwa, Díos púexa pejiw tato'laxaelpox. Boe-jthúsfúlbejpon nejmachwaxaetat bú'xaenkpi. ³⁶ Jesús taen wú xabich jiw, pinamú, japi jiw beltaenpon, japi nabijat xot, wejisal xotbejpi asan kajachawaesliajwas. Taen wúton, japi jiw, me-ama ovejas napelti, ja-aech japi jiw Jesúsliajwa, wejisal xot asan tataeflaliajwas japi jiw. ³⁷ Do jawú, Jesús júm-aech xanal pejnachalwanliajwa, a sew jiwliajwabej:

—Diachwúajnakolax xan júm-an. Ampí jiw, me-ama trigo foel wú, ja-aechi, japi wúajnáwefúl xot júmtaeliajwa chimiawúajan. Pe jiw xabich kaesúapich, Díos pejjamechan naewúajanpi. ³⁸ Samata, ¡kawúajande wajpaklokolan Díos, japon a sew jiw to'aliajwa, naewúajanpi Díos pejjamechan!

10

Jesús pejnachalaxot makafitpox doce poejiw, japi apóstolesliajwa (Mr 3.13–19; Lc 6.12–16)

¹ Jesús xanal nala, dosan pejnachalwan, japonxotaliajwan. Jesús natapaei xanal japon pijaxtat dep to'aliajwan, jiw pejmatpúatanxot bapi, nejmachwaxaetat bú'xaenkibej boejthúsliajwan.

² Jesús xanal nawúlduw apóstoles, dosanpin. Xanalxot kaen kolewúlje. Matxoelawúl pawulon Simón. Wúlchakalwúl pejwúl, pawulon Pedro. Asan pawúl Andrés. Japon Simón Pedro pakoewan. Asan pawúl Santiago. Asan pawúl Juan. Japon Santiago pakoewan. Japi kolenje Zebedeo paxi. ³ Asan pawúl Felipe. Asan pawúl Bartolomé. Asan pawúl Tomás. Xan tawúl Mateo. Xanlap majt impuesto mat-omwúljoenan Roma gobiernoliajwa. Asanbej pawúl Santiago. Japon Alfeo paxulan. Asan pawúl Tadeo. ⁴ Asan pawúl Simón. Japon majt asamútpijin, celotemútpijin. Asan pawúl Judas Iscariote. Japonlap Jesús wiasaxael padaelmajiwxot.

Jesús to'apox pejnachala japi naewúajnalialjwa Díos tato'laxaelpox jiw ampathatat

(Mr 6.7–13; Lc 9.1–6)

⁵ Jesús to'a wú padoce apóstoles, júm-aechon amprox: “¡Nabej fúlae' judíos-eli pejtúajnúchan poxade! ¡Nabej fúlae'bej Samaria túajnúpijijw poxade! ⁶ ¡Xamallax fúlaem judíoskal duúil poxade! Japi, me-ama ovejas,

napelti, ja-aechpi. ⁷ Fulaemch wut, japi jiw naewuajnam wut, jum-amde: 'Dios puexa pejiw tato'laxaelmatkoi malisox mox pawuajna' — amdepi! ⁸ Bu'xaenki boejthufulde! iTupi mat-embej pejme duilaliajwa! iBoejthufuldebej leprawaxaetat bu'xaenki! iDep to'imbej jiw pejmaturatnaxot nakolaliajwa! Xamal malech kenotam ampapamamax. Samata, xamal nabej mat-omwuljoem, asew jiw boejthutam wut!

⁹ "Folam wut, inabej xalae' plata! ¹⁰ iNabej xalae'bej asew choxan! Mado', inaxoelam, ido japoxkal bu'laflaem! Mado' ituakxajoelam, ido japoxkalbej tuaklaflaem! iNabej xalae'bej asax naxliaxsliajwampox, tuakxaliaxsliajwampoxbej! Folam wut, imasim fulaem! iNabej xalae' kelachalanaeyan! Jiw naeweti Dios pejjamechan, japi xamal chaxduiyaxael wewe'ppoxan.

¹¹ "Nejmachpaklowax patam wut, tuajnuaxotbej, iwulwekde kaen aton, japapaklowaxpijw sitaenspon! Do jawut, japon kawuajande pejbatat duilaliajwam! Japon jaw-aech wut, jjabatat duilafaldefuk! Hasta nakolaliajwam wut, jjabaxot nakolim asapaklowax poxaliajwam! ¹² Nejmach-aton pejba lowam wut, jum-amde: 'Xamal Dios nej kajachawaes ampabaxot duilampim!' —amde japabapijwliajwa! ¹³ Japabapijw pachaem wut xamalliajwa, ja-aech wut, Dios kajachawaesaxaes japabapijw. Pe asew jiw lax xamal bu'kula-el wut, ja-aech wut, Dios kajachawaesaxial japabaxot duilpi. ¹⁴ Asew jiw xamal bu'kula-el wut, nejnaewuajnax naewes-el wutbejpi, ifulaem asapaklowaxle! Fulaeliajwam wut, inejtuakxajoe jolde lulaliajwam as natacholnaliajwa! Jasoxtat japi jiw pajut chiekal matabijaxael babijax ispox xamalliajwa, Diosliajwabej, xamal bu'kula-el xoti. ¹⁵ Diachwuajnakolax xan jum-an. Asamatkoi, Dios jiw kastika wut, japapaklowaxpijw xabich kaes pejme kastikaxaes. Me-ama Sodoma paklowaxpijw, Gomorra paklowaxpijwbej, kastikas wut, jachiyaxil Dios, japi jiw kastika wut" —aech Jesus xanal dosanpinliajwa.

Apóstoles nabijasaxaelpox asew jiw pijaxtat naexasit xoti Jesús

¹⁶ Do pejme Jesús jum-aech xanal dosanpinliajwa: "Xamal tajaxtat folam wut, ichiekal taem, to'ax xot jiw babejchow poxade! Me-ama ovejasliajwa chachachael pejmachchoefxot wut, jachiyaxaelbej xamalliajwa. ichiekal matabijim! Me-ama jom xandadus-el chachaelxot, xamalbej ja-amde! iNabej nabe'bej nakaewa! Me-ama a-u, jachiyaxaelam xamal. ¹⁷ ichiekal taem jiw babejchowliajwa! Japi xamal woeyaxaeli judiospaklochow poxade, japapaklowaxpijwxot. Do jawux, judios naewuajnabachaxot xamal selsaxaeli. ¹⁸ Xan nanaexasitam xot, xamal buflaeyaxaelbejpi gobernadores poxade, reyes poxadebej. Samata, xamal bu'fol wuti, xamal japixotam wut, asew judioselixotam wutbej, jum-amde xanliajwa! ¹⁹ Xamal japixot woeya wuti, xabich nabej nejchaxoele' naksiyaxaelampoxliajwa, jumnosliajwam wut paklochow! Jawut Espiritu Santo xamal kajachawaesaxael chiekal jumnosliajwam. ²⁰ Samata, xamal najut nijaxtat jumnosaximil. Nej-ax Dios pej-Espiritu Santo kajachawaesaxael xamal chiekal jumnosliajwam paklochow pejuajnalel.

²¹ "Japamatkoiyantat asew pakoewkola buflaeyaxaes paklochow poxade, jaxotde beliajwas, japi tajnachala xot. Paxjiw, o, penjiwbej, buflaeyaxael paxi paklochow poxade jaxotde beliajwas, japi tajnachala xot. Paxibej buflaeyaxael pax, o, penbej, paklochow poxade jaxotde

japi beliajwas, tajnachala xot. ²² Puexa ampathatpijiw xamal nejwexlaxael, tajnachalwam xot. Pe nakiowa, xan nanaexasisfulam wut, hasta tapan wut, Dios xamal bu'weyaxael. ²³ Asapaklowaxpijiw babijaxan is wut xamalliajwa, xamal tajnachalwam xot, dukpaxaelam asapaklowaxle! Diachwajnakolax xan jum-an. Xan, puexa jiw pakowkolnan, nakolsaxaelen ampathatxot. Do jawux, naewhajnafulaxaelam Israel tajnapijiw. Ja-amsfulam wut, xan chalechkal pasaxoekan wut ampathatasik, japamatkoiyantat, xamal toesaximilfuk tajwajna jiw naewhajnafulamproxan potajnaucha, Israel tajnuxot.

²⁴ “Estudiapon kaes pejme pachaema-el. Me-ama chanaekabuanapon, jachi-el estudiapon. Nabichanbej kaes pejme pachaema-el. Me-ama pejpaklon, jachi-elon. ²⁵ Estudiapon, toet wut estudiaprox, japon nejchachaemlaxael, najurpe wuton, chanaekabuanaspon suapich. Nabis-tonbej nejchachaemlaxael, najurpe wuton, pejpaklon suapich. Jiw xan nanejwexlapi, japi jum-aech wut xanliajwa: ‘Xam depam’ —aech wuti, ja-aech wut, japi jiw xabich kaes pejme xamal bu'wajnapraeyaxael, tajnachalwam xot” —aech Jesus xanal dosanpinliajwa.

Jesus naewhajnaprox pejnachala, achanliajwa japi pejlewaxaeli

(Lc 12.2-7)

²⁶ Do jawux, Jesus pejme jum-aech xanal dosanpinliajwa: “¡Xamal nabej nejlewe' jiw babejchowliajwa, japi xamal nejwesla wut, ajilaxael xot maliachproxan! Maliachproxan asamatkoi puexa chiekal tulaelaxaes. Asew jiw maliach jum-aechproxan, japoxanbej asamatkoi puexa asew jiw naekuanchakowaxil jumtaeliajwa. ²⁷ Xan maliach niajkal jum-anox, xamal jumchiyaxaelam puexa jiwliajwa. Xan jum-anprox nuthaklajametat maliach, nejlatam wut, jumchiyaxaelam puexa jiw jumtaeliajwa. ²⁸ ¡Nabej nejlewe' jiw babejchowliajwa, xamal boesasia wuti ampathatxot! Pe kaes japi machiyaxil beliajwa nej-aelan. Xamallax nejlewaxael Diosliajwa, japon xajur xot xamal beliajwa ampathatxot, nej-aelanbej to'aliajwa infierno poxadik, jaxotdik nej-aelan chiekal toepaliajwa.

²⁹ “Kolenje mian mowas kaekafefliajwa. Ja-aech, japi mia omjil xot. Pe nakiowa, Dios tapae-el wut, chinax kaen mian pajut pijaxtat patapan jopaxil. ³⁰ Diosliajwa xamal kaes pejme ommaenkam. Me-ama mia omjil, jachi-emil xamal. Dios matabijit, massuapich nejmatla kaenanala nejmatnaetanxot. ³¹ Samata, xamal nabej nejlewe' asew jiwliajwa, xamal xabich kaes ommaenkam xot! Me-ama pin-iat mia, jachi-emil xamal” —aech Jesus xanal dosanpinliajwa.

Jesus pejwajnan naexasiti, japi jumchiyaxaelprox Jesus pejiwpi

(Lc 12.8-9)

³² Do pejme Jesus jum-aech xanal dosanpinliajwa: “Jiw jum-aech wut, asew jiw pejwajnalel: ‘Xan Jesus naexasitx’ —aech wuti, japi jiw tajnachalaxael. Xanbej jumchiyaxaelen taj-ax Diosxotse japiliajwa: ‘Ampi jiw xan tajnachala’ —chiyaxaelen. ³³ Pelax asew jiw, xan nanaexasiti, asew jiw pejwajnalel jum-aech wuti: ‘Xanal Jesus pejnachala-enil’ —aech wuti, xanbej jumchiyaxaelen taj-ax Dios pejwajnalel: ‘Ampi jiw tajnachala-el’ —chiyaxaelen” —aech Jesus xanal dosanpinliajwa.

Jesus paskprox japon pijaxtat ampathatpijiw nadiajalijwa

(Lc 12.51-53; 14.26-27)

³⁴ Do pejme Jesús jum-aech xanal dosanpinliajwa: “¿Xamal nabej nechaxoele' xanliajwa: ‘Jesús pat ampthatat puexa jiw kaenejchaxoelaxat duilaliajwa’ —nabej aeche’, nejchaxoelam wut! Xan pas-enil japoxli-ajwa. Xan patx jiw kaenejchaxoelaxa-el(a)liajwa. ³⁵ Xan patx poe-jiw, paxjiw suapich, watho’bej, penjiw suapich, pakalajiw suapichbej, paemjiw suapichbej, kaenejchaxoelaxa-el(a)liajwa. ³⁶ Jiw xan naxan-aboejapi, japi asamatkoi pejjiwkola padaelmajiw dofaxaelpi, japi xan nanaexasit xot.

³⁷ “Xamal kaes nejxasinkam wut nej-axjiw, nej-enjiwbej, xanlax xabich kaes nanejxasinka-emil wut, ja-am wut, xamal tajnachalwaximil. Kaes nejxasinkam xot naxi, xanlax xabich kaes nanejxasinka-emil wut, ja-am wutbej, xamal tajnachalwaximil. ³⁸ Xamal nanaexasis-emil wut, xan nakfulae-emil wutbej, nejlewla xot tupaliajwam xanliajwa, ja-am wut, xamal tajnachalwaximil. ³⁹ Xamal isfulam wut najut nejxasinkampoxan ampthatat, asamatkoi tupam wut, duilaximil Diosxotse. Pelax kofam wut najut nejxasinkampoxan isfulaliajwam xan tato’laxpoxan, ja-am wut, asamatkoi tupam wut, duilaxaelam pomatkoicha Diosxotse” — aech Jesús xanal dosanpinliajwa.

Jiw is wut pachaempoxan Dios naexasitiliajwa, japi jiw Dios chaxduiyaxaespox pachaempoxan
(Mr 9.41)

⁴⁰ Do pejme Jesús jum-aech xanal dosanpinliajwa: “Jiw chiekal xamal bu’kula wut, japi me-ama xanbej, chiekal nabu’kulti. Jawut xan nato’apon, bu’kulabejpi. ⁴¹ Jiw chiekal bu’kula wut Dios pejprofeta, naexasit xoton Dios, japi jiw kajachawaesaxaes Dios. Me-ama Dios kajachawaet profeta, japi jiwbej kajachawaesaxaes Dios. Jiw chiekal bu’kula wut asan pachaempon, Dios naexasit xoton, japibej kajachawaesaxaes Dios. Me-ama Dios kajachawaet pachaempon, jasoxtatbej japi kajachawaesaxaes. ⁴² Nejmachjiw is wut pachaempox jelxan nanaexasitponliajwa, o, japi jiw minkal chaxdut wuti vasotat japon min feliajwa, japon tajnachalan xot, ja-aech wut, japi jiw kaenanula diachwajnakolax Dios chaxduiyaxaes pachaempox, minkal chaxdut xoti tajnachala” — aech Jesús xanal dosanpinliajwa.

11

Juan, jiw bautisan, japon to’apox kolenje pejnachalan Jesús poxade
(Lc 7.18–35)

¹ Do jawut, Jesús naewuajna x buxtoet wut, jaxot chijiapon jiw naewuajnalialjwa Dios pejjamechan asapaklowaxan poxaliajwade, Galilea tuajnu xot.

² Juan, jiw bautisan, jiw jebatat wultaeful Jesús isfulpoxan. Samata, pejnachalaxot asew to’apon japi wuajna chaemsliajwa Jesús. ³ Dolisdo’, japi Jesúsxot pat wut, jum-aechi:

—Juan xanal nabuxto’a wut, jum-aechon xam wuajna chaemsliajwan: ‘¿Xamkatlap diachwajnakolax Cristowam, “Pasaxoekpon” — tisponam, jiw bu’weliajwam? Cristowa-emil wut, ¿xanalkat wuajna wewesfulaxaelenfuk asan, “Pasaxoekpon” — tispon?’ — aech Juan — aech Juan pejnachala Jesúsliajwa.

⁴ Do jawut, Jesús jum-aech Juan pejnachalaliajwa:

—¡Nawemch Juan poxade! Juanxot patam wut, ¡chapaempon xamal jumtaenamponan, taenamponanbej xan isfulax wut! ⁵ Juan chapaeyam wut, jum-amopon: ‘Majt itliakalpi, japi chiekal taenlisi. Majt nabejkpi, japibej chiekal laelplisi. Majt piach bu'xaenki leprawax-aetat, japibej chiekal boejthuls. Majt naekua'nikpi, japibej chiekal jumtaen. Tapibej, mat-ias pejme duilalialjwa’ —amo, Juan chapaeyam wut! ¡Chapaembejpon xan naewuajnafulaxpox kejila, japibej naexaxisliajwa, bu'welialjwasbejpi Dios! ⁶ ¡Juan jum-amdebej: ‘Nejmachjiw chiekal naxanaboefajful wut, naexaxisful wutbejpon xan Cristowanponan, japi jiw nejchachaemlafalaxael’ —amde Juan! —aech Jesús Juan pejnachalialjwa.

⁷ Juan pejnachala nawia wut, do jawut, Jesús jum-aech Juanliajwa jiw chiekal jumtaelialjwa: “Juan, jiw bautisan, pajilaxtat wut, xamal fulaemch wut, ¿chiliajwakat fulaemch japoxade? Fulae-emil taelialjwam muifartuat joewa ju'baspoxkal. ⁸ Fulae-emilbej taelialjwam xabich chamoeyaxan naxoeipon. Xamal matabijam, chimianaxoeipi duila-el pajilaxtat. Chimianaxoeipi duil paklochow pejbachantat. ⁹ Xamallax pajilax poxade fulaemch taelialjwam profeta. Diachwajnakolax xan jum-an. Japon Juan xamal taenam wut, taenam poklaprofeta. ¹⁰ Dios pejjamechan, chajia lelsopox, jum-aech Dios jum-aechpox xanliajwa Juan to'axaespoxlialjwa:

‘Wua, xam wuajna xan to'axaelen tajprofeta, japon jiw naewuajnafulalialjwa tajjamechan jiw naexaxisliajwa, xam patam wut’ —aech Dios jum-aechox xanliajwa.

¹¹ Diachwajnakolax xan jum-an. Juan poklaprofetakolan. Poejiw ampathatpijiwxot ajil profeta kaes pejme pachaempi, me-ama Juan, jiw bautisan, jason. Pelax, Diosxotse wut, jaxotse puexa jiw chiekal isful Dios nejaxsinkpoxan. Japi kaes pejme pachaemaxael, Dios pejwuajnael wut. Me-ama Juan ampathatat wut, jachiyaxili” —aech Jesús jiwliajwa.

¹² Jesús pejme jum-aech japi jiwliajwa: “Juan, jiw bautisan, chajia tuadut wut pejnaewuajna, japamatkoiyantatbej xabich maenk nabeyaxan. Maenkbej jiw babejchow. Me-ama amwutjel, ja-aech. Japamatkoiyantatbej xabich jiw naexaxisasia Dios tato'alpox. Pe asew jiw toesasia Dios pejjiw, nejweslas xoti japi jiw. ¹³ Juan wuajna puexa asew profetas lelpoxan, Moisés lelpoxbej, jum-aech Dios puexa pejjiw tato'laxaelpoxliajwa. ¹⁴ Xamal naexaxisasiam wut ampo, ¡naexasi'e xan jum-anpox! Dios pejjamechan chajia jum-aech: ‘Elías pejme pasaxael’ —aechox. Japox jum-aech wut, jum-aechox Juan, jiw bautisanliajwa. Me-ama Dios pejprofeta Elías chajiakolaxtat is, ja-aechlap-is Juan. Samata, Juan wuajna chajia matabijas japon isaxaelpoxan. ¹⁵ Xamal matabijasiam wut Dios pejnechaxoelaxan, ¡chiekal naewe'e xan jum-anpoxan!” —aech Jesús jiwliajwa.

¹⁶⁻¹⁷ Jesús pejme jum-aech japi jiwliajwa: “Ampamatkoiyantat jiw duili ampathatat, japi, me-ama yamxi wut, ja-aechi, kaenejchaxoelaxael xot. Me-ama yamxi chalak nakakujslialjwa plazaxot, ja-aech japi jiw. Yamxi chalak, pejnachala suapich. Do jawut, nakaewa najum-aechi: ‘Xanal toela nababax xamal nababoelalialjwam. Pe thiataenam wut, nababoela-emil. Xanal jajui jajuwxbey, naebejjajui, xamal noelialjwam. Pe noe-emil’ —aech yamxi, nakaewa nalot wut. ¹⁸ Ja-aechbej, Juan, jiw bautisan, japon fulaen wut Dios pejjamechan naewuajnalialjwa. Juan

naxae-el, piach Dios kawuajnalijwa wut. Fe-elbejpon vino. Ja-aech wut, xamal japonlijaw jum-amsfulam: ‘Juan ja-aech, pejmatpuatat dep webaes xoton’ —amsfulam xamal. ¹⁹ Do jawux, xan puexa jiw pakowkolnan, fulaenx. Xanlax naxae-ela-enil. Fe-ela-enilbej. Jan wut, xamal najum-am diachwujnakolaxa-elpox xanlijaw: ‘Japon xabich litabejnik. Feyax nejxasinkbejpon saxa. Pejnachalabej babejchow. Asewbej, japon pejnachala, impuesto mat-omwujjoew Roma gobiernolijaw’ —na-amsfulam xanlijaw, babejjamechan jum-am wut. Me-ama yamxi, babejjamechan jum-aech wut nakaewalijaw, ja-ambej xamal xanlijaw. Pe matabijasiapi Dios, japi jiw naexasisfulaxael Juan jum-aechpoxan, xan jum-anpoxanbej. Ja-aech wut, japi matabijaxael diachwujnakolaxpox Juanlijaw, xanlijawabej” —aech Jesús jiwlijaw.

*Asapaklowaxanpijiw naexasis-elpox Jesús
(Lc 10.13–15)*

²⁰ Asapaklowaxanxot, Jesús xabich koechaxan isxot, japapaklowaxanpijiw taen wut Jesús koechaxan ispoxan, japi jiw nakiowa kofa-el babijaxan isfulpoxan. Samata, Jesús japapaklowaxanpijiw lot wut, jum-aechon: ²¹ “Corazín paklowaxpijiw, Betsaida paklowaxpijiwbej, xabich nabijasaxael, xabich kastikas wuti. Xan koechaxan isx wut, japi jiw chiekal taenpi. Chajia japoxan isaxaelen wut Tiro paklowaxpijiwlijaw, Sidón paklowaxpijiwlijawabej, japi japoxan taeyaxael wut, kofaxaeli padujnejchaxoelaxan isfulalijaw Dios nejxasinkpoxan. Naxoeyaxaelbejpi papopa. Chalaxaelbejpi jitthumbanxot asew jiw matabijalijawas xabich nejxaejwaspoxan japi babijaxan ispoxanlijaw. ²² Samata, diachwujnakolax xan jum-an. Asamatkoi, Dios jiw kastika wut, Corazín paklowaxpijiw, Betsaida paklowaxpijiwbej, Dios xabich kaes pejme kastikaxaesi. Me-ama Tiro paklowaxpijiw, Sidón paklowaxpijiwbej, jachiyaxisal, japi jiw kastikas wut. ²³ Capernaum paklowaxpijiw nejchaxoelaxael: ‘Xatis Dios nakbu’weyaxael, athuxotas wut’ —aechi, nejchaxoel wut. Pe japi Dios to’axaeks infierno poxadik, xan nanaexasis-el xoti. Xan xabich isx koechaxan. Xan japoxan isx wut Sodoma paklowaxxot, japi kofaxael chajia babijaxan ispoxan. Ja-aech wut, pejpaklowax, Sodoma paklowax, chajiakolaxtat toejafaxisal. ²⁴ Diachwujnakolax xan jum-an. Asamatkoi, Dios jiw kastikaxael wut, Dios xabich kaes pejme kastikaxael Capernaum paklowaxpijiw. Me-ama Sodoma paklowaxpijiw kastikas wut, jachiyaxil Dios, japi jiw kastika wut” —aech Jesús japapaklowaxanpijiwlijaw.

*Jesús tadutpox pejnachala, japi damlathulalijaw japonxot
(Lc 10.21–22)*

²⁵ Asamatkoi, Jesús Dios kawuajan wut, jum-aechon: “Ax, xam athuxotse, ampathatlebej, paklokolnam. Xabich pachaemambej. Estudia-elpi, xam kajachawaetam japi chiekal matabijalijaw nejamechan. Asewlax, me-ama xabich matabijs wut, kabuan-aechpi, japilax xam kajachawaes-emil japoxan matabija-elalijaw. ²⁶ Jasox xam isam, me-ama xam nejxasinkam” —aech Jesús, pax Dios kawuajan wut.

²⁷ Do jawutbej, Jesús pejme xanal pejnachalwan najum-aech: “Tajax natapaei puexa matabijslijawan. Pe jiw diachwujnakolax xan namatabijs-el, ma-an xan. Taj-ax, kaen, xan chiekal namatabijt. Jiw matabija-elbej, ma-aech taj-ax. Xan kaenan taj-ax chiekal matabijtax.

Xan jiw makanotxpi, japikal xan tapaeyaxaelen matabijaliajwapi taj-ax. ²⁸ Puexa xamal damlampim judíos chanaekabuanapi tato'laxtat, ¡xabua'din xanlel xanxot damlathulaliajwam, isfulaliajwambej Dios ne-xasinkpoxan! ²⁹ Xan nejpaklonan. ¡Tajbichax chiekal isfulde! ¡Naexas-ifuldebej xan naewuajnapoxan! Xan xabich pachaeman xamalliajwa. Samata, xamal chiekal damlathulaxaelam xanxot. ³⁰ Xabich tampoela-el xamal isliajwam xan to'axpoxan” —aech Jesús xanal pejnachalwanliajwa.

12

Judíos pejnapatamatkoitat Jesús pejnachala jolbalapox trigo
(Mr 2.23–28; Lc 6.1–5)

¹ Do baxael, judíos pejnapatamatkoi wut, Jesús, xanal japon pejnachalwan suapich, xenax trigolulan tuchade. Xanal trigo jolbalax xaelpaliajwan, litaxaelax xot. ² Fariseos, xanal suapich, folpi, japi taen wuti xanal trigo jolbalapox, jawut jum-aechi Jesús jumtaeliajwa:

—Jesús, ¡tae'nik nejnachala! Xatis, judíospis, nabichaxisal napatamatkoitat. Pe nakiowa, nejnachala trigo jolbala xaelpaliajwa —aech fariseos.

³ Do jawut, Jesús jum-aech fariseosliajwa:

—Xamalkas matabijam wajwujnapijin, waj-am rey David, ispox chajiakolaxtat xabich litaxaela wuton, pejjiw suapich. ⁴ Jawut rey David xananuamsba, Dios pejba, lechon. Japabatutat wujna pan oel mesamatwujtat. Japapan Dios pej-ofrenda. Japapan rey David xael wut, chaxduwbejpon pejnachala japi xaeliajwa japapan. Moisés chajia lelpox jum-aech: ‘Japapan koew xaeliajwa sacerdotes, japi nabisti Dios pejtemplobatat. Sacerdote-elpi xaeyaxil japapan’ —aech Moisés chajia lelpox. ⁵ Xamalkas xaljowam Moisés chajia lelpox. Japox jum-aech: ‘Napatamatkoitat wut, sacerdotes nabist Dios pejtemplobaxot. Nabist wuti napatamatkoitat, do japox babijaxa-el’ —aech Moisés chajia lelpox. ⁶ Diachwujnakolax xan jum-an. Ma amxot nukpon kaes pejme pachaem. Me-ama Dios pejtemploba, jachi-elon. ⁷ Xamalfak chiekal matabija-emil, Dios pejprofeta chajia lelox jum-aech wut Dios jum-aechpoxliajwa: “Xan nejxasinkax xamal asew jiw beltaeliajwam. Japox kaes pejme pachaem. Me-ama choef xua'sax taj-ofrendaliajwa, jachi-el” —aech Dios jum-aechpox. Chil xamal japox chiekal jumtatabijaxaelam wut, jiw tasalaximil, babijaxan is-elpi. ⁸ ¡Xamalbej jumtatabijim ampox! Xan, puexa jiw pakoewkolnan, xajux jumchiliajwan jiw isaxaelpox napatamatkoitat —aech Jesús fariseosliajwa.

Jesús boejthutpox kemamlan
(Mr 3.1–6; Lc 6.6–11)

⁹ Do jawux, Jesús buxtoet wut, fariseos suapich, nospaeyax, jawut fulaechon judíos naewuajnaba poxade. ¹⁰ Jesús japaba low wut, jaxot wujna kemamlan ek. Jaxotbej asew judíos. Japi xabich tasalasiapi Jesús, is wuton asax. Samata, japi Jesús wujnachaemt wut, jum-aechi:

—¿Moisés chajia lelpox tapaeikat bu'xaeyan boejthusliajwas napatamatkoitat? —aech judíos Jesúsliajwa.

¹¹ Jesús jumnot wut, jum-aechon:

—Napatamatkoitat nijan oveja jop wut pinamuthadik, xamal jusaxaelam. ¹²Jiw kaes pejme ommaenk. Me-ama oveja, jachi-el. Samata, nakta-paei isliajwa pachaempox napatamatkoitat —aech Jesús fariseosliajwa.

¹³Do jawut, Jesús jum-aech kemamlanliajwa:

—¡Keba'de! —aechon.

Keba't wut, pejke-e chiekal wepachaemlison. Me-ama asake-elel, wetatislison. ¹⁴Fariseos jaxot nakola wut, pejme natamejapi japi nakaewa najumchiliajwa: “¿Machiyaxaeskát Jesús boesaliajwas?” —nachiliajwapi nakaewa.

Profeta chajia jum-aechpox jachiyaxaelpox Jesúsliajwa

¹⁵Jesús matabijt wut fariseos boesasiapox, do jaxot Jesús nakolt, judíos naewhajnabaxot. Jawut xabich jiw fulafoson. Jawutbej japixot Jesús puexa bu'xaeya boejthuful. ¹⁶Jesús buxfiat wut boejthufspi, jum-aechon: “¡Xamal tulaela nabej chapae' asew jiw jumtaesamata xamal boejthutxrox!” —aech Jesús. ¹⁷Jesús japi buxfiat wut, patlison Isaías, Dios pejprofeta, chajia jum-aechpox. Jaxot jum-aechox Dios jum-aechpox paxulanliajwa:

¹⁸“Ama taxulan, makafitxpon jiw bu'welija. Xabich nejxasinkaxpon. Xabich nejchachaemlaxbej japonliajwa. Xan taj-Espíritu Santo to'axaelen taxulanliajwa. Do jawux, taxulan naewhajnaxael puexa judíos, judíos-elpibej, japi matabijaliajwa xan jiw bu'weyaxaelenpox japon pijaxtat.

¹⁹Japon, asew jiw suapich, bu'nalosaxil. Jumseyaxilbejpon. Me-ama judíos pinjamejat jum-aech, natameja wut, paklowaxthialaxanxot wut, jachiyaxil japon, naewhajan wut jiw.

²⁰Jiw naexasiti tajjamechan, japi xabicha-el wut pejxanaboejxan xanliajwa, japon japi jiw pelsaxil japonxot. Japi jiw kajachawaesfulaxaelon, hasta japon puexa jiw tato'al wut.

²¹Puexa ampathatpijiw xanaboejaxaeli japon” —aech Dios jum-aechpox paxulanliajwa.

Fariseos jum-aechpox Jesús pejpamamax, Satanás pejpamamax
(Mr 3.20–30; Lc 11.14–23; 12.10)

²²Do jawux, itliaklan makxalaens Jesúslel. Japon buxwhajanjilbej. Japon dep webaesbej pejmatpuatxot. Do jawut, Jesús japon boejthut, dep to'a wuton nakolsliajwa japon pejmatpuatxot. Do jawutbej, japon chiekal pachaem taeliajwa, naksiyaliajwabej. ²³Puexa jiw japox taen wut, xabich nejchaxoelanuili. Nakaewa nawhajnachaemsnap: “¿Amponkatlap Mesías, David pamon?” —na-aechnap nakaewa.

²⁴Fariseos japox waltaen wut, jum-aechi japi jiw jumtaeliajwa: “Jesús dep to'a wut, to'aful Beelzebú pijaxtat, dep pejpaklon pijaxtat” —aech fariseos. (Satanás asawul Beelzebú.)

²⁵Jesús matabijt fariseos nejchaxoelox. Samata, Jesús jum-aech fariseosliajwa: “Xan dep to'a-enil Satanás pijaxtat. Kaetuhajnpjijw nadiajkaxael wut nabeliajwa, japatuhajnpjijw natoesaxael nabeyaxtat. Kaepaklowaxpijiwbej nadiajk wut nabeliajwa, japapaklowaxpijiwbej nabeyaxtat natoesaxael. Kaebapijiwbej nadiajk wut nabeliajwa, ja-aech wut, japabapijiw natoesaxael nabeyaxtat. ²⁶Jachiyaxaelbej Satanás. Pejjiw suapich, nadiajk wut nabeliajwa, japi natoesaxael nabeyaxtat.

Ja-aech wut, Satanás pejpamamax toepaxael. ²⁷ Xamal jum-am xanliajwa: ‘Jesús dep to'a Beelzebú pijaxtat’ —am xamal. Xan jachiyaxaelen wut, ¿achan pijaxtat nejnachalabej dep to'a nakolaliajwa jiw pejmatpɣatanxot? Xamal chiekal matabijam. To'a-eli Beelzebú pijaxtat. Samata, xamal jum-ampox xanliajwabej japox diachwɣajnakolaxa-el. ²⁸ Xan dep to'ax Espíritu Santo pijaxtat. Ja-an wut, diachwɣajnakolax xamalxot pat Dios tato'almatkoi.

²⁹ “Asew natkowasia wut asan pejbaxot, leyaxili bapijin wɣajna wut, japon xabich mamnik wutbej. Majt bapijin kuiyaxaes tathoetat. Do ja-aech wut, bapijin pejew nosaxaeli” —aech Jesús fariseosliajwa. (Jesús japox jum-aech fariseos chiekal matabijaliajwa Jesús xajɣpox dep to'aliajwa.)

³⁰ Jesús pejme jum-aech fariseosliajwa: “Jiw xan nanejweslapi, japi tadaelmajiw. Is-elbejpi xan nejxasinkaxpoxan. Japi nawetabejsfalbej tajbichax.

³¹ “Diachwɣajnakolax xan jum-an. Jiw xan nanaexasiti, japi jiw Dios beltaeyaxaes puexa babijaxan ispoxanliajwa, babejjamechan naksiyapoxanliajwabej Diosliajwa. Pelax jiw jum-aech wut babejjamechan Espíritu Santoliajwa, Dios beltaeyaxisal japi jiw. ³² Jiw babejjamechan jum-aech wut xan puexa jiw pakoewkolnanliajwa, japi Dios kawɣajan wut beltaeliajwas, japi Dios beltaeyaxaes. Jiw jum-aech wutlax babejjamechan Espíritu Santoliajwa, Dios beltaeyaxisal japi jiw. Bu'wɣajan toepaxilbejpi. Pomatkoicha pejbu'wɣajnaaxaeli” —aech Jesús fariseosliajwa.

*Pejbaech pachaem wut, matabijas pox japanae pachaempox
(Lc 6.43–45)*

³³ Do pejme Jesús jum-aech fariseosliajwa: “Naebaechnaechan, pachaemnaechan, pejbaechbej pachaem. Naebaechnaechan, chaemilnaechan, pejbaechbej chaemil. Kaenanɣla naebaechnaechan matabijas pejbaechtata. ³⁴ Xamal fariseos xabich chachoelam. Me-ama jom liklasia wut, ja-am xamal. ¿Machiyaxaelamkat, ja-am wut jumchiliajwam pachaempoxan, xamal babejchowam wut? Babejchowam xot, jumchiyaximil pachaempoxan. ³⁵ Jiw, pachaempi, jum-aech pachaempoxan, pejnechaxoelaxan pachaem xot. Jiw babejchowlax jum-aech pachaema-elpoxan, pejnechaxoelaxan chaemil xot. ³⁶ Xan jum-an xamalliajwa. Jiw chaemili Dios kastikas wut, japamatkoitat japi kaenanɣla kastikaxaes, jum-aech xoti pachaema-elpoxan. ³⁷ Xamal jum-am wut pachaempoxan, Dios kastikaxil. Pelax xamal jum-am wut pachaema-elpoxan, Dios kastikaxael xamal” —aech Jesús fariseosliajwa.

*Babejchow keto'apox Jesús koechax isliajwa
(Mr 8.11–13; Lc 11.29–32; 12.54–56)*

³⁸ Do jawɣx, kaesɣapich fariseos, judíos chanaekabɣanapibej, jum-aechi Jesúsliajwa:

—Jiw chanaekabɣanan, xanal taesian koechax chiekal matabijaliajwan, diachwɣajnakolax xam Dios to'akponam wut —aechi.

³⁹ Jesús jumnot wut, jum-aechon fariseosliajwa, judíos chanaekabɣanapiliajwabej:

—Xamal babejchowam, Dios naexaxis-emilpim. Naketo'am isliajwan koechax asbuan jumch taeliajwam. Pe taeyaximil pajelkoechax. Pe taeyaxaelam, me-ama chajia Dios is profeta Jonásliajwa, jiw chiekal matabijaliajwa japon Dios to'aspon. ⁴⁰ Jonás tres matkoiyan pinbaxin pejwoejtat. Xanliajwabej, me-ama japox, jachiyaxael, xan puexa jiw pakoewkolnanliajwa. Nacha-osaxaeli muaxwuaajtat tres matkoiyanliajwa —aech Jesús pejpatupaxliajwa.

⁴¹ Jesús pejme jum-aech fariseosliajwa, judíos chanaekabuanapiliajwabej: “Asamatkoi, puexa jiw babejchow Dios pejwuaajnael nuilaxael tasalaliajwas japi ispoxanliajwa, kastikaliajwasbej. Jawut Ninive paklowaxpijiw nuilaxael Dios pejwuaajnael xamal tasalaliajwa, xan nanaexaxis-emil xot. Chajiakolaxtat Jonás japi jiw naewuajan wut, japi jiw kamta kofa babijaxan ispoxan, japi isfulaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xan chiekal nanaewes-emil. Xan nanaexaxis-emilbej. ⁴² Jawutbej Saba tuajnupijiwpaklokolow, nukaxael Dios pejwuaajnael xamal tasalaliajwa, xan nanaexaxis-emil xot. Japow chajiakolaxtat xabich atua j fulaen rey Salomón pejmatabijsax pajut chiekal jmtaeliajwa. Xan kaes pejme pachaeman. Me-ama rey Salomón, jachi-enil. Xamal naewuajna x chiekal matabijaliajwam Dios. Pelax xan chiekal nanaewes-emil. Xan nanaexaxis-emilbej” —aech Jesús fariseosliajwa, judíos chanaekabuanapiliajwabej.

*Dep pejme kaxa nawia'anpox leliajwa aton pejmatpuatxot
(Lc 11.24–26)*

⁴³ Jesús pejme jum-aech fariseosliajwa, judíos chanaekabuanapiliajwabej: “Dep nakolt wut aton pejmatpuatxot, nanuamt xabich mamó'alxot. Wulwekon asan pejmatpuatxot jaxot damlathulaliajwa. Faena-el wut, nejchaxoel wut, jum-aechon: ⁴⁴ ‘Xan pejme nawiasaxaelen aton pejmatpuatxot poxade, majt nakoltaxxot’ —aech dep, nejchaxoel wut. Do jawut, dep kaxa nawia'an wut, faenlison japon aton. Dep nejchaxoel atonliajwa: ‘Asan dep le-elfuk xan tajwulela. Samata, xabich pachaem xan pejme leliajwan japon pejmatpuatxot’ —aech dep, nejchaxoel wut. ⁴⁵ Do jawut, dep fulaech asew dep wuljaesliajwa. Japon dep tameja asew, siete dep. Japi siete dep kaes chaemil. Me-ama dep matxoelapijin, jachi-eli. Do jawut, puexa dep lowlisi japon aton pejmatpuatxot. Ja-aech wut, japon aton kaes pejme xabich nabijat. Me-ama majt nabijat wut, jachi-elon. Xamalbej jachiyaxaelam. Kaes pejme babejchowaxaelam” —aech Jesús fariseosliajwa, judíos chanaekabuanapiliajwabej.

*Jesús pen, japon pakoewbej, japi nospaesiapox, Jesús suapich
(Mr 3.31–35; Lc 8.19–21)*

⁴⁶ Jesús xabich jiw naewuajan wut batat, jawut japon pen pat, pakoewbej. Japi tathoetat nuil. Japi wuaajnowet nospaeliajwapi, Jesús suapich. ⁴⁷ Samata, jawut kaen, jaxotpijin, mox soepan wut Jesúsxot, jum-aechon: —Jiw chanaekabuanan, nej-en, nakoew suapich, pa'an. Japi ba fuletlet nuil. Japi nospaesia, xam suapich —aechon.

⁴⁸ Do jawut, Jesús jumnot wut, jum-aechon:

—¿Achewkat, me-ama taj-en, takowbej? —aechon.

⁴⁹ Do jawut, Jesús xanal japon pejnachalwanlel nataxdoefa wut, jum-aechon:

—Ampi tajnachalapi, me-ama takowbej. Watho', me-ama taj-en.
 50 Jiw is wut taj-ax Dios nejxasinkpoxan, japon athuxotsepon, ja-aech wut, japilap, me-ama takow, taj-enbej —aech Jesús.

13

Trigo pejwajan, xasaljabapon
 (Mr 4.1–20; Lc 8.4–15)

¹ Do jawut, japamatkoitat wut, Jesús nakolt baxot pukababu' poxaliajwade. Pat wuton, eklison jaxot. ² Jawut xabich jiw pat Jesúsxot. Jiw xabich xot, Jesús falkam jul ekaliajwa jaxot. Do jawut, jiw putat nama. ³ Do jawutbej, Jesús xabich wujantat japi jiw naewujan, japi chiekal matabijaliajwa.

Jum-aechon: “Aton fulaech pejlul poxade trigo xasaljabaliajwa. ⁴ Xasaljaba wut, asew trigo natacholan numtat. Jawux mia pat xaeliajwa japi trigo, oeli numtat. Do jawut, japi trigo xaeslisi. ⁵ Asew natacholan ia'xot. Jaxot as xanaja'al. Japi trigo kamta naboela, sat kaes tuajnik xot, sat kaesupich xot sat. ⁶ Do xabich masxaenk wut, selnas wut, matkaens japi trigo, tathinkasnika-el xotdik. ⁷ Asew trigo natacholanpi na-e'lu tasiaptasxot. Japi trigo naboela wut, jawutbej na-e'lu naboela. Na-e'lu kaes athu. Samata, trigo ti'sax itfi'il. Samatabej, japi trigo naboes-el. ⁸ Asew trigo natacholan sat pachamxot. Japi trigo puexa chiekal naboela. Trigoton chiekal ti'sful wut, chiekal naboet. Asew trigoton naboet cien trigofu. Asew trigoton naboet sesenta trigofu. Asew trigoton naboet treinta trigofu. ⁹ Xamal chiekal matabijasiam wut Dios pejmatabijsax, ichiekal naewe'e xan naewujnaxpox!” —aech Jesús.

Ma-aech xot Jesús xabich wujantat naewujan
 (Mr 4.10–12; Lc 8.9–10)

¹⁰ Do jawut, xanal pejnachalwan mox soepax Jesúsxot. Jesús wujnachaemtax wut, jum-an:

—¿Ma-aech xotkat jiw xabich naewujnam wujantat? —an xanal.
¹¹ Jesús jumnot wut, jum-aechon: “Dios xamal tapaei chiekal matabijaliajwam Dios puexa pejjiw tato'laxaelpox. Asew jiw japox matabijaxil. Japi asbuan jumch naewesaxael. Xamallax naewetam wut, chiekal matabijaxaelam, achax chiyaxael japawujan. ¹² Chiekal tataeflafulpon tejew, japon kaesupich nawetataeflafulelpon tejew, japon kaesupich nawetataefulpox, puexa kefisaxaeson. ¹³ Samata, xan jiw naewujnax wujantat. Japi taen wut xan isxpoxan, japi chiekal matabijaxil, ma-aech xot xan japoxan isx. Japi nanaewet wutbej xan jum-anpoxan, chiekal jummatabijaxili, achax chiyaxael japoxan. ¹⁴ Dios pejprofeta Isaías chajia lelox, jum-aech Dios jum-aechpox jiw jummatabijaxilox, naewujnas wuti Dios pejjamechan:

‘Jiw xabich naewesaxael. Pe japi jummatabijaxil naewujnaspoxan. Jiw taen wut ja-aechpoxan, japoxan japi jiw matabijaxil, achax chiyaxaelpox.

¹⁵ Japi matnaetink xot, matabijaxili chimiawujan. Japibej, me-ama pajut naecho'takuka wut, ja-aechi jumtae-elaliajwa. Japibej, me-ama matseka wut, ja-aechi tae-elaliajwa. Samata, japi matabijaxil tajjamechan nanaexaxisliajwa. Samata, xan bu'weyaxinil japi jiw' —aech Dios jum-aechpox.

16 “Xamal taenamproxan, a sew jiw japoxan taen wut, japi ne-jchachaemlaxael. Xamal jumtaenamproxan, a sew jiw japoxan jumtaen wut, japijibej ne-jchachaemlaxael. 17 Diachwunajnakolax xan jum-an. Xabich profetas, a sew xabich pachaempibej, xabich taesiapi Mesias, xamal amwutjel taenampon. Pe japi tae-el, chajia wunajna tur xoti. Japi xabich jumtaesiabej chimiawunajan, xamal jumtaenamproxan. Pe japi jumtae-el” —aech Jesús xanal pejnachalwanliajwa.

Jesús chiekal chanaekabunapox trigo pejwunajan, xasaljabapon
(Mr 4.13–20; Lc 8.11–15)

18 Do pejme Jesús jum-aech xanal pejnachalwanliajwa: “iChiekal nanaewe'e xan naewunajnaprox! Chiekal chanaekabunaxaelen, achax chiyaxael trigo xasaljabapox. 19 Trigo natacholanpox numtat, japoxlap, me-ama Dios puexa pejiw tato'laxaelpox. Jiw naewet wut japox, chiekal jummatatabija-eli. Samata, Satanás fulaen japilel japi kofaliajwa Dios naexasisfulpox. 20 Trigo, ia'xot natacholanpi, kamta naboelapi, japi trigo, me-ama a sew jiw Dios pejjamechan jumtaen wut, kamta naexasiti. Do jawut, xabich ne-jchachaemili. 21 Pe xabicha-el japi jiw pejxanaboejaxan Diosliajwa, chiekal naexasisfala-el xotfuki Dios. Japi jiw, me-ama trigo tathinkasnika-elpi. Chiekal ti'sfala-elbejpi. Dios naexasit xoti, a sew jiw bu'wunajanpaeis wut, o, chaemilpox wepach wut, jawut japi jiw kaes xanaboejafala-eli Dios. Samata, kofapi Dios naexasisfulpox. 22 Trigo, natacholanpi na-e'lu tasiaptasxot, matxoelanaboelapi, japi trigo, me-ama a sew jiw Dios pejjamechan jumtaeni. Japox jumtaen wut, naexasiti. Do jawux, asaxan ne-jchaxoel xoti, kofapi naexasitpox Dios pejjamechan, kaes ne-jchaxoelafal xoti ampathatpijaxankal. Ne-jchaxoelafalbejpi ke-maenkaliajwa. Xabich kaes plata kanasiapi. Samata, japoxan ne-jchaxoel xoti, kaes naexasisfala-eli Dios. Samatabej, xabicha-el japi pejxanaboejaxan Diosliajwa. 23 Trigo, natacholanpi sat pachaemxot, japi, me-ama a sew jiw. Dios pejjamechan jumtaen wuti, japi chiekal naexasit, matabija xoti, achax chiyaxaelpox. Japi jiw isful Dios nejx-asinkpoxan. Japi jiwlap, me-ama trigo natacholanpi sat pachaemxot. A sew jiw japixot chiekal is Dios nejxasinkpoxan. Japi jiwlap, me-ama trigotonan naboeti cien trigofu. A sew jiw japixot kaeswapich is Dios nejxasinkpoxan. Japi jiwlap, me-ama trigotonan naboeti sesenta trigofu. A sew jiw japixot chiekal is-el Dios nejxasinkpoxan. Japi jiwlap, me-ama trigotonan naboeti treinta trigofu” —aech Jesús, xanal pejnachalwan nachanaekabunana wut trigowunajanliajwa.

Me-ama trigo ja-aechpi pejwunajan, japi kaewutje ti'tpox, trigo swapich

24 Do jawux, Jesús jum-aech asawunajan: “Dios puexa pejiw tato'alpox, me-ama aton xasaljaba trigo pachaempi pejlultat, ja-aechlap-is japox. Japi trigo pachaem naboelaliajwa. 25 Japon moejt wut, padaelman fulaech japon pejlul poxade. Japalulxot japon xasaljaba, me-ama trigo ja-aechpi. Xasaljabax ketoet wut, jaxot chijiapon. 26 Do baxael, trigo naboela wut, do jawutbej naboela, me-ama trigo ja-aechpi. 27 Do jawut, lulpijin pamakjiw pat japon pejbaxot. Japi jum-aech: ‘Tajpaklon, trigo xasaljabampi nejlultat majt, chiekal pachaempi. ¿Pe ma-aechxotkat naboelabej, me-ama trigo ja-aechpi nejlultat?’ —aech pamakjiw. 28 Lulpijin jum-aech: ‘Kaen tadaelman xasaljaba, me-ama trigo ja-aechpi tajlulxot’ —aechon pamakjiwliajwa. Do jawut, pamakjiw wunajnaechent

wut, jum-aechi: ‘¿Pachaemkat xamliajwa xanal tʉsliajwan, me-ama trigo ja-aechpi?’ —aechi lulpijinliajwa. ²⁹ Do jawut, lulpijin jum-aech: ‘El’ —aechon. ‘Me-ama trigo ja-aechpi, tutam wut, chatʉsaxaelambej trigo. ³⁰ Samata, itapaem, trigo sʉapich, kaewutje ti’sliajwa! Trigo chiekal ti’t wut, jawut, to’axaelen matxoela tasiapsliajwas, me-ama trigo ja-aechpi. Do jawux, me-ama trigo ja-aechpi chamatakuiyaxaes. Do jawut, chanosaxaes, me-ama trigo ja-aechpi lausliajwas. Do baxael, trigo jola, trigo cha-owabatat nawecha-owaxael’ —aech lulpijin” —aech Jesús pejnachalaliajwa.

Mostazafut pejwʉajan
(Mr 4.30–32; Lc 13.18–19)

³¹ Do jawux, Jesús naewʉajan wut jiw, asawʉajantat jum-aechon: “Dios puexa pejiw tato’alpoʉ, me-ama mostazafut, aton mʉtht pejlultat. Do jawux, kamta wenaboeltas. Weti’tasbejpon. ³² Diachwʉajnakolax japafut kaes pejme cha-aelfut. Kaewaech wut, kamta ti’t kaes athʉ. Me-ama asew lulxot mʉthasi, jachi-el. Ti’t wut, chiekal nae. Samata, pachaem mia pejfenan isliajwa japanaedalanxot” —aech Jesús mostazafutliajwa. (Jasoxtat japi jiw naexasit Dios tato’alpoʉ majt kaesʉapich. Kaesʉapich matkoian wut, kaes pejme xabichaxael jiw.)

Levadura pejwʉajan
(Lc 13.20–21)

³³ Do jawux, Jesús pejme jum-aech asawʉajantat jiwliajwa: “Dios puexa pejiw tato’laxaelpoʉ, me-ama levadura. Kaew pawis pan isliajwa wut, trigobelan thonpow, kaesʉapich levadurabej. Tanialtow levadura posapa, puexa pansap puthlaliajwa. Do jawut, cha-etow levaduratat japapansap puthlaliajwa, pinasapaliajwabej” —aech Jesús jiwliajwa. (Jachiyaxaelbej, asamatkoi Dios puexa pejiw tato’laxael wut. Pothata jiw xabich xajʉpaxael.)

Ma-aech xot Jesús naewʉajan wʉajantat
(Mr 4.33–34)

³⁴ Jesús naewʉajan wut jiw, wʉajantat naewʉajanpon. Masoxtat asbʉan jumch naewʉajna-elon. ³⁵ Japox ja-aech, pat xot Dios pejprofeta chajia jum-aechpoʉ, Mesías jumchiyaxaelpoʉ: “Naewʉajnaxaelen wʉajantat. Jumchiyaxaelen jiw majt matabija-elpoxan. Akaseskolaxtat Dios that is wut, amwutjelbej, japoxan jiw matabija-el” —chiyaxaelpoʉ Mesías.

Jesús chiekal chanaekabʉanapox wʉajan, me-ama trigo ja-aechpiliajwa

³⁶ Jesús bʉxtoet wut, kejachapon japi jiw naweliajwa. Do jawux, ba lowpon, xanal pejnachalwan sʉapich. Jaxot wʉton, xanal mox soepax Jesús. Do jawut, xanal Jesús wʉajnachaemtax chiekal nachanaekabʉanaliajwa wʉajan, me-ama trigo ja-aechpiliajwa. ³⁷ Do jawut, Jesús jumnot wut, najum-aechon xanalliajwa: “Trigo pachaempi xasaljabapon, japonlap xan, puexa jiw pakowkolnanponan. ³⁸ ‘Lul’ —aech wut, jumchiliajwa: ‘Jiw ampathatpijiw’. ‘Trigo pachaempi’ —aech wut, jumchiliajwa: ‘Jiw tato’laspi Dios’. ‘Me-ama trigo ja-aechpi’ —aech wut, jumchiliajwa: ‘Satanás tato’laspi ampathatat’. ³⁹ Me-ama trigo ja-aechpi xasaljabapon, japonlap lulpijin padaelman. Japon pawel Satanás. ‘Trigo jolax’ —aech wut, jumchiliajwa: ‘Asamatkoi

ampathatpijiw toesaxaes Dios'. 'Trigo chatsiaps' —aech wut, jumchiliajwa: 'Dios pej-ángeles' —chiliajwa. ⁴⁰ Japox jachiyaxael, that toepaliajwa wut jiw Dios naexasis-elpiliajwa. Japi, me-ama trigo ja-aechpi, jitat lausaxaes. ⁴¹ Xan, puexa jiw pakoewkolnan, to'axaelen Dios pej-ángeles tamejalijwapi jiw babijaxan ispi, asew jiwbej, japi, itpaeipi asew jiw babijaxan isliajwa. ⁴² Japi jiw pelsaxaes jit pinjiyax poxadik. Jaxotdik xabich noeyaxaeli, bowaxaes xot jitat. Bua'tatisaxaelbejpi, xabich nabijasaxael xot. ⁴³ Dios naexasitilax, japi duilaxael pax Diosxotse. Jaxotse japi jiw xabich nejchachaemlaxael. Me-ama juimt matkoipijin itliak wut, jachiyaxael japi jiw. Xamal chiekal matabijasiam wut Dios matabijtpox, ¡chiekal naewe'e xan jum-anpox!" —aech Jesús xanal pejnachalwanliajwa.

Xabich ommaeyaxan chafaenspox pejwujajan

⁴⁴ Jesús pejme jum-aech wujantat xanalliajwa: "Dios puexa pejjiw tato'alpox, me-ama xabich ommaeyaxan chamoestaspoxt lultat. Japox lulpijin chajia maliach chamutht pejlultat. Do baxael, asan chafaen chamoestaspoxt. Chafaen wut, do jaxot, kawutat pejme chamoeston japox. Japon xabich nejchachaemil. Do jawut, fulaechlison puexa pejew mowaliajwa, japaplatatat japalul chawuajsliajwa, ommaeyaxan chamuthtasxot" —aech Jesús xanalliajwa. (Me-ama xabich ommaeyaxan chafaenpon xabich nejchachaemil, jachiyaxaellap-is, jiw matabija wuti wajpaklokolan Dios.)

Perlat pejwujajan, japot xabich ommaenkpot

⁴⁵⁻⁴⁶ Do pejme Jesús jum-aech xanal pejnachalwanliajwa: "Dios puexa pejjiw tato'alpox, me-ama perlas wuajsan. Japon jalwek perlas, xabich pachaempi, wuajsliajwa. Faen wuton kaet perlat, xabich ommaenkpot, jawut puexa pejew mowapon, japaplatatat wuajsliajwapon japot perlat" —aech Jesús xanalliajwa.

Chinchorro pejwujajan

⁴⁷ Do jawutbej, Jesús jum-aech xanal pejnachalwanliajwa: "Dios puexa pejjiw tato'alpox, me-ama chinchorro, pukaxot xawawaels wut, ja-aechox. Nejmachbaxi xawawaels. ⁴⁸ Chinchorro xabich baxi wulak wut, nabaxitpi chajolkafalde thaejtade. Jaxotde chalaki baxi itfesliajwa. Pachaempikal jefaldiki canasta poxadik. Do jawut, chaemili pelsfuli asalel. ⁴⁹ Jasox jachiyaxaelbej, that toepaliajwa wut. Jawut Dios pej-ángeles fuloeyaxoek jiw babejchow pejlel diajkaliajwa pachaempixot. ⁵⁰ Do jawux, babejchow pelsaxaeks jit pinjiyax poxadik. Jaxotdik xabich noeyaxaeli. Bua'tatisaxaelbejpi, xabich nabijasaxael xot" —aech Jesús xanalliajwa.

Pajelnaewuajnajax, padujnaewuajnajaxbej

⁵¹ Jesús xanal nawuajnajachamt wut, jum-aechon xanal pejnachalwanliajwa:

—¿Xamalkat jummatabijam xan naewuajnajaxpoxan? —aech Jesús xanalliajwa.

Xanal jumnotx wut, jum-an:

—Tajpaklon, diachwuajnakolax xanal puexa chiekal jumtaenx japoxan —an xanal.

⁵² Do jawut, Jesús jum-aech xanalliajwa:

—Judíos chanaekabuanapi matabija Dios puexa pejiw tato'alpox. Japi xan nanaexasit wut, japibej tajnachaxael. Me-ama aton pejbaxot xabich owa ommaenkproxan, asex pajel, asex paduj, ja-aechbej judíos chanaekabuanapi. Japi matabija pajelnaewuajnaxan, xan naewuajnaproxan tajutliajwa. Japi matabijabej padujnaewuajnaxan, chajia lespoxan. Puexa japoxan pachaem japi naewuajnalajwa jiw — aech Jesús xanalliajwa.

Jesús Nazaret paklowaxxotpox

(Mr 6.1–6; Lc 4.16–30)

⁵³ Do jawut, Jesús baxtoet wut wuajan naewuajanpox, fulaechon Nazaret paklowax poxade. ⁵⁴ Do jawux, patlison Nazaret paklowax, pejtajnakolaxxot. Jaxot tuduton jiw naewuajnalajwa judíos naewuajnaproxot. Japi jumtaen wut Jesús naewuajanpox, xabich nejchaxoelanuili. Samata, nakaewa najum-aechi:

—¿Amxotkat ampon puexa japoxan xabich matabijt? ¿Ma-aechon koechaxan isliajwa? ⁵⁵ ¿Diachkat ampon José carpintero nabichan paxulna-elkat? Jesús pen pawul María. Ampon pakoew ampilape. Kaen pawul Santiago. Asan pawul José. Asan pawul Simón. Asan pawul Judas. ⁵⁶ Jesús pakoewbej, watho', japi duil xatisxot. ¿Amxotkaton faek puexa matabijsax, pamamajbej? —na-aechi nakaewaliajwa.

⁵⁷ Samata, japi naexasis-el Jesús naewuajanpox. Do jawutbej, Jesús jum-aech pajutliajwa:

—Profetas sitaens popaklowaxanpijiw. Pelax profeta sitae-esal pejtajnakolapijiw. Pejapapijiwbej sitae-esal —aech Jesús.

⁵⁸ Do jawutbej, Jesús jaxot xabich koechaxan is-el, naexasis-esal xoton.

14

Juan, jiw bautisan, boesaspo

(Mr 6.14–29; Lc 9.7–9)

¹ Japamatkoiyan rey Herodes, Galilea tajnapapijiw tato'lan, waltaen Jesús isfulpoxan. ² Samata, Herodes jum-aech pamakjiwliajwa, jum-aech wuton Jesúsliajwa: “Japonlap Juan, jiw bautisan. Tup wut, mat-echpon. Japonlap pejme duk. Samata, japon isful koechaxan” —aech Herodes Jesúsliajwa.

³ Herodes chajia keto'a soldaw jaelsliajwapi Juan. Do jawut, Juan xawaech cadenametat. Do jawux, jiw jebatat jiaspon. Herodes japox is, pijow pejjamet. Japow pawul Herodías. Japow majt Felipe pijow. Felipe Herodes pakoewan. Do baxael, Herodes fe'en pakoewan Felipe. ⁴ Jasox Herodes is wut, Juan jum-aech Herodesliajwa: —Moisés chajia lelpox jum-aech: “¡Xam nakoewan pijow nijow dofaximil! ¡Japox chaemil!” —aechox —aech Juan Herodesliajwa.

⁵ Samata, Herodes japox jumtaen wut, japon boesasia Juan. Pe Herodes pejlewla judíosliajwa, japi xabich jum-aech xot: “Juan, jiw bautisan, japon Dios pejprofeta” —aech xot xabich jiw. ⁶ Pe baxael, Herodes pejcumpleños pat. Jawut, fiesta wut, Herodías paxulow nababoela taduchpi pejwuajnalel. Herodes xabich nejxasink japow nababoelapox. ⁷ Samata, Herodes jumdut chaxdusliajwa japow wuljoeyaxaelpox. Jum-aechbejpon: “Nawuljowampox chaxdus-ense wut, ¡Dios xan nej nakastike!” —aech Herodes pajiowliajwa. ⁸ Do jawux, pen baxto'aspox jum-aechow Herodesliajwa:

—¡Ma amwut nachaxdu'e plaftat Juan, jiw bautisan, pejmatnaet! — aechow Herodesliajwa pen buxto'aspox.

⁹ Do jawut, Herodes xabich nejxaejwas Juanliajwa. Pe taduchpi jumtaen Herodes jumdutox. Samata, to'apon soldaw isliajwa japow wuljowpox. ¹⁰ Do jawut, Herodes soldaw keto'a Juan taxtasiapchaliajwas. Do jawut, Juan taxtasiapchas jiw jebatat. ¹¹ Jawut Juan pejmatnaet chaxlaens plaftat. Do jawutbej, japi chaxdut pansiw Juan pejmatnaet. Do japow pansiw pen chaxdutow Juan pejmatnaet, japow chiekal matabijsliajwa Juan tuppox.

¹² Baxael, Juan pejnachala pat chaxlaeliajwa patupan Juan. Do jawut, chaxfollisipon. Muthtlisipon. Do jawux, Juan pejnachala fulaech Jesús poxade. Jesúsxot pa'a wut, chapaelisi Juan taxtasiapchasox.

Jesús naxaeyaxan chaxduwpxox cinco mil poejiw
(Mr 6.30–44; Lc 9.10–17; Jn 6.1–14)

¹³ Jesús jumtaen wut Juan boesasox, Jesús chijia falkamtat asalel tamachaliajwa, xanal pejnachalwan suapich. Pe jawut, jiw matabija wut, japibej nakola paklowanxot wuajnade fulaeliajwa putlel. ¹⁴ Samata, Jesús chapa'a wut falkamtat pukababu'tat, xabich jiw taenson putlel. Taen wuton japi jiw, xabich beltaenpon. Samata, jawut Jesús boejthut jiw bu'xaeya, japi bu'flaenspi. ¹⁵ Do jawut, tuila wut, xanal pejnachalwan mox soepax Jesús. Jawut xanal jum-an:

—Tuilalisox. Amxot tuajnuchan mox ajil. Amxotbej ajil naxaeyaxan wuajsliajwas. Samata, jampi jiw to'im tuajnuchan poxade, pajut pejew naxaeyaxan wuajsliajwa! —an xanal.

¹⁶ Jesús jumnot wut, jum-aechon xanalliajwa:

—Japi wewe'pa-esal atuj fulaeyax naxaeyaxan wuajsliajwa. ¡Xamal najut chaxduim naxaeyaxan japi jiw xaeliajwa! —aech Jesús xanalliajwa.

¹⁷ Xanal jumnotx wut, jum-an:

—Xanalxot asbuan jumch cinco pan, kolenje baxinbej. Xajupaxil puexa jiwliajwa —an xanal.

¹⁸ Do jawut, Jesús jum-aech xanalliajwa:

—¡Ampalel xalaemni! —aechon.

¹⁹ Do jawut, Jesús to'a jiw chalakaliajwa polaxot. Jawut chafiton cinco pan, kolenje baxinbej. Do jawut, atha natachaemse wut, gracias-aechon, panliajwa, baxiliajwabej, Dios kawuajnalialiajwa wut. Jawut jalkaful panes, baxibej. Jalkaful wut, pejnachalwan nachaxduifulon xanal sasfulaliajwan. Jawut sasfulax puexa jiwliajwa. ²⁰ Puexa jiw chiekal xael. Chiekal nafniabejpi. Kaechatoel wut xaeyax, xanal jiax matpirantat jiw mali. Wulux doce matpiran, baxitoerow, pan malsibej. ²¹ Jiw xaelpi, japi cinco mil poejiw. Watho' xajui-esal, yamxi suapich.

Jesús fulaenpox pukaminakaldin
(Mr 6.45–52; Jn 6.16–21)

²² Do japoxwux, Jesús xanal nato'a falkam julaliajwan, wuajna chalikalialiajwan. Jesús kaweta namanfuk jiw to'aliajwapon, pejbachan poxade japi jiw naweliajwa. ²³ Puexa jiw nawia wut, japon jul muax matwuajjase, tamach Dios kawuajnalialiajwa. Madoi wut, tamachon muaxxot. ²⁴ Jawut xanal falkamtat xabich atwajan. Truxan pinanul jujabas falkam, xabich joewa matalech xot falkam. ²⁵ Do jawut, naliana-el wutfuk, Jesús fulaen

minakaldin xanal poxadin. ²⁶ Xanal japox taenx wut, xabich belwax. Do jawut, xanal pota na-oenkax, xabich belwax xot. Xanal jum-an:

—jYee, dep amka! —an xanal.

²⁷ Do jawut, xanal najum-aechon:

—jNabej nejlewlé! jXanpe! —aech Jesús xanalliajwa.

²⁸ Do jawut, Pedro jum-aech:

—Tajpaklon, xam Jesúsnam wut, jxanbej nato'im minakal fulaeliajwan xam poxade! —aech Pedro.

²⁹ Jesús jum-aech:

—jXabua'din! —aechon.

Do jawut, Pedro falkamxot nandikon minadik. Fulaechlison Jesús poxade minakalde. ³⁰ Pe jawut, Pedro xabich joewa wikax taen wut, xabich beljowpon. Do jawut, Pedro matkakiawafaldik. Do jawut, naualison pejléwt. Jum-aechon:

—Tajpaklon, jxabua't! jXan nabu'wem bu'la-elaliajwan! —aech Pedro.

³¹ Do jawut, Jesús makafit wut Pedro, jum-aechon:

—Pedro, ¿ma-aech xotkat xam chiekal naxanaboejs-emil? ¿Ma-aech xotbejkat nejchaxoelam: “Xan xajupaxinil fulaeliajwan minakalde” —amkat, nejchaxoelam wut? —aech Jesús.

³² Japi kolenje falkam jul wut, joewa chiekal toep. ³³ Do jawut, xanal brixtat nuilx falkamtat Jesús pejwajnalel. Xanal jum-an:

—jDiachwajnakolax xam Dios paxulnam! —an xanal.

Jesús boejthutpox jiw bu'xaeya Genesaret tuajnuxot
(Mr 6.53–56)

³⁴ Xanal chapatx puka wesklelde, Genesaret tuajnuxot. ³⁵ Japatuajnapijiw, japi jiw matabijtpi Jesús. Samata, wultaen wuti Jesús chapatpox japatuajnuxot, japi jiw buflaeni bu'xaeya Jesúslel. ³⁶ Japi wuljow Jesús tapanaliajwa bu'xaeya jachaliajwa Jesús pejsumta-osax matdukafulpox. Do jawut, puexa japi jiw jacha wuti, chiekal boejthuslisi.

15

Jiw chajia nejchaxoelpox, babijax, japoxan is xoti, babejchow nadofa
(Mr 7.1–23)

¹ Kaesapich fariseos, judíos chanaekabuanapibej, fulaen Jesúslel. Japi fulaen Jerusalén paklowaxxot. Pat wuti Jesúsxot, jum-aechi:

² —¿Ma-aech xotkat nejnachala kofa wajwajnapijiw pejkabuananpoxan? ¿Ma-aech xotbejkat majt xabich piach kekakias-eli, xaeliajwa wut? —aechi Jesúsliajwa.

³ Jesús jumnot wut, jum-aechon japijiajwa:

—¿Ma-aech xotbejkat xamal naexasisfula-emil Dios tato'alpox? Xamal najut naexasisfulam naewajnampoxankal. ⁴ Dios chajia jum-aech: ‘jSitaem nej-ax, nej-enbej!’ —aech Dios. Jawutbej Dios jum-aech: ‘Nej-ax, nej-enbej, sitae-emil wut, xam tɔpaxaelam kastikaxtat’ —aech Dios. ⁵⁻⁶ Xamal, fariseospim, judíos chanaekabuanampimbej jum-amlax: ‘Aton jum-aech wut paxliajwa, penliajwabej: “Xamal kajachawaesaxinil, puexa tejewpi Diosxot jumdux xotlis chaxdusliajwan” —aech waton, japon japox jum-aech, kajachawaesaxil xoton pax, penbej’ —am xamal asbuan jumch. Jasoxtat xamal fariseospim,

judíos chanaekabuanampimbej, mastae nam Dios tato'alpox, najut xamal naewhajnamproxankal naexasitam xot. ⁷ ¡Xamal naekichachajbapijwam! Isaías, Dios pejprofeta, diachwhajnakolaxpox chajia lel Dios jum-aechpox xamalliajwa. Japox jum-aech:

⁸ 'Ampi jiw, me-ama nasitaen wut, ja-aechi. Chimiajamechan naksiyabejpi xanliajwa. Pe pejnechaxoelaxantat xan nasitaeli.

⁹ Japi nakawhajnaxtat najum-aech wuti: "Xam nejxasinkax" —na-aech wuti, japox xanliajwa omjil. Japi kawhajanpoxan, pajutliajwakal' —aech Dios jum-aechpox xamalliajwa.

¹⁰ Do jawut, Jesús jiw la kaes moxaliajwadin. Jawut jum-aechon:

—¡Chiekal najumtaem matabijaliajwam jumchiyaxaelenpox! ¹¹ Jiw naxaeyax xael wut, babejchow nadofaxil. ¡E! Pelax jiw jum-aechpoxan pejkaechantat, japoxantat japi jiw babejchow nadofaxael —aech Jesús jiwliajwa.

¹² Do jawut, xanal pejnachalwan mox soepax Jesús jumchiliajwan. Do jawut, xanal japon jum-an:

—¿Xamkat matabijtam fariseos palalapox, jumtaen wuti xam jum-ampox? —an xanal Jesúsliajwa.

¹³ Do jawut, Jesús jum-aech whajantat xanalliajwa:

—Taj-ax Dios mutha-esalpi, japi tsaxaes pelsliajwas. Fariseos, me-ama mutha-esalpi taj-ax Dios. Ja-aech japi fariseos, jiw naewhajnanel xoti, me-ama Dios to'as. Samata, asamatkoi fariseos toesaxaes.

¹⁴ Samata, ¡nabej nejchaxoele' xabich fariseosliajwa, japi, me-ama itliakla nakae-itliakla namakxafolpi wut, ja-aech xoti! Itliaklan, asan itliaklan makxafol wut, japi kolenje natacholnaxaek kaemuthadik, japi itliakal xot —aech Jesús xanalliajwa.

¹⁵ Do jawut, Pedro jum-aech Jesúsliajwa:

—¡Xanal chiekal nachanaekabuanim japawhajan! —aechon.

¹⁶ Jesús jumnot wut, jum-aechon xanalliajwa:

—¿Xamalkat-is chiekal jummatabija-emil japawhajan? ¹⁷ Xamal chiekal matabijam. Puexa naxaeyaxan xaelam wut, kaweta namana-el nejwoejtat. Baxael, nakoltox xaelampox. ¹⁸ Pelax jum-am wut babejamechan, japoxan nakola nejnechaxoelaxanxot. Japoxantatbej xamal babejchow nadofaxaelam Diosliajwa. ¹⁹ Jiw pejnechaxoelaxanxot nakola babejnechaxoelaxan. Samata, nejchaxoeli, jiw beyaxan, asew watho' bh'moejsaxanbej, natkowaxanbej, kichachajbaxanbej, babejamechan jumchiyaxanbej asew jiwliajwa, kaes asaxan babijaxan isaxanbej. ²⁰ Nejmachjiw japoxan isful wut, japoxantat japi jiw babejchow nadofaxael. Pelax, jiw xaeliajwa wut, majt xabich kekakias-el wut, japoxtat jiw babejchow nadofaxil Diosliajwa —aech Jesús xanalliajwa.

Judíos-atowa-elpow, japow naexasitpox Jesús

(Mr 7.24–30)

²¹ Jesús Genesaret tuajntaxot nakolt wut, xanalbej, japon pejnachalwan, nakolax, japon swapich. Jawut xanal fulaechx, japon swapich, Tiro paklowax poxade, Sidón paklowax poxadebej. ²² Jaxotde xanal pa'ax wut, Jesús mox soepnas pawis. Japow Canaán tuajnujijow. Jawut nejlasful wut, jum-aechfulow Jesúsliajwa:

—Tajpaklon, David pamon, ¡taxulow nawebeltaem! Taxulow xabich nawenabijat, dep webaes xotow pejmatpuatxot —aechow.

²³ Jesús jumnos-el japow. Do jawut, xanal pejnachalwan mox soepax Jesúsxot. Jawut xanal Jesús buxto'ax wut, jum-an:

—To'impow nawiasliajwa pejba poxade, japow xabich nejlasful xot wajwuchakal —an xanal, Jesús buxto'ax wut.

²⁴ Do jawut, Jesús xanal najum-aech:

—Judíos, me-ama ovejas napelti, ja-aechi, tataeflaspon wejisal xot. Samata, Dios xan nato'a judíoskal tataeflaliajwan —na-aech Jesús xanal-liajwa.

²⁵ Do jawut, japow brixtat nuk wut Jesús pejwuaajnalel, jum-aechow:

—Tajpaklon, xan nakajachawae'e! —aechow.

²⁶ Jesús jumnot wut, jum-aechon japowliajwa:

—Xan matxoela kajachawaesaxaelen wut xam, judío-atowa-emilpowam, ja-an wut, xan, me-ama kenosaxaelen yamxi xael wuti pan, japapan wur duajsliajwan —aech Jesús japowliajwa.

²⁷ Do jawut, japow jum-aech Jesúsliajwa:

—Tajpaklon, diachwuaajnakolax xam jum-am. Pe hasta wurbej xael panfudu', natacholani, wurpijiw pejmesabuxfalxot —aechow. (Japox jum-aechow, matabijt xot Jesús xajupprox kajachawaesliajwa judíos-elibej.)

²⁸ Do jawut, Jesús jum-aech:

—Pawis, xam xabich xan naxanaboejtam. Samata, kajachawaesaxaelen najum-amprox —aech Jesús japowliajwa.

Do jawut, japow paxulow pejmatpuxatxot dep wejisallisow.

Jesús boejthutpox xabich bu'xaeya

²⁹ Do jaxot Jesús chijia wut, laejalison Galilea pukababu'akal. Jawux julon muax. Jaxot eklion. ³⁰ Xabich jiw natamejal Jesúsxot. Japi jiw xabich bu'pat nabejka, itliaklabej, pejmuaxan, pejbechanbej, wenabejkaspibej, buxwuaajnajilabej, xabich asew bu'xaenkpiibej. Bu'xaeya buflaensi owas Jesús pejwuaajnalel. Jawut Jesús puexa bu'xaeya chiekal boejthut. ³¹ Samata, buxwuaajnajila chiekal naksiya. Pejmuaxan, pejbechanbej, wenabejkaspi, japibej chiekal wepachaems. Nabejkabej chiekal laelp. Itliaklabej chiekal taen. Ja-aech wut, puexa jiw jum-aech: “¡Dios, Israel tuajnujijwas wajDios, xabich pachaem!” —aechi Diosliajwa.

Jesús naxaeyaxan chaxduwpox cuatro mil poejiwliajwa

(Mr 8.1–10)

³² Do jawux, Jesús xanal pejnachalwan nala kaes mox soepaliajwan. Japonxot xanal chiekal moxan wut, najum-aechon:

—Ampi jiw beltaenx, wejisal xot xaeliajwa. Japi xan nachala tres matkoije. Toellisi naxaeyaxan xafoli. Xan ampi jiw to'axinil naxaelaxtat. To'ax wuti naxaelaxtat pejbachan poxade, japi jiw xabich pejlit nuamtat boejjilaxaeli —aech Jesús xanalliajwa.

³³ Xanal jumnotx wut, jum-an:

—¿Amxotkat wuajsaxaes naxaeyaxan puexa ampi jiwliajwa? Amxot mox ajil tuajnuchan naxaeyax wuajsliajwas —an xanal.

³⁴ Jesús nawuaajnachaemt wut, jum-aechon:

—¿Xamalxot massuapichkat pan? —aechon.

Xanal jumnotx wut, jum-an:

—Siete panes asbuan jumch. Kaesuapich baxixbej —an xanal.

³⁵ Do jawut, to'apon jiw chalakaliajwa satat. ³⁶ Jawut chafitlison siete panes, baxixbej. Do jawutbej, gracias-aechon Diosliajwa panliajwa, baxixliajwabej. Jawut jalkafulon panes, baxixbej. Jawut xanal nachax-duifulon sasfulaliajwan. Do jawut, xanal satx puexa jiwliajwa. ³⁷ Puexa jiw chiekal xael. Chiekal nafniabejpi. Do baxael, xanal pejnachalwan chanotx malsi. Wulux siete matpiran. ³⁸ Naxaelpi cuatro mil poejiw. Watho', yamxibej, xajui-esal. ³⁹ Do jawut, Jesús jiw to'a naweliajwa pejbachan poxade. Do jawut, Jesús falkam jul, xanal suapich. Jawut chijian Magadán tujajna poxade.

16

Fariseos, saduceosbej, japi to'apox Jesús isliajwa koechax
(Mr 8.11–13; Lc 12.54–56)

¹ Fariseos, saduceosbej, fulaen Jesús taeliajwa, Jesús xapaesliajwapi. Samata, pat wuti jaxot, japi keto'a Jesús isliajwa koechax, asbuan jumch taeliajwa diachwajnakolax Jesús Dios paxulan wut.

² Jesús jum-aech: “Juint tuila wut, thatbaxo pasoe yax taenam wut, xamal jum-am: ‘Kandiawa itwujnaxael’ —am xamal. ³ Kandiawasap, thatbaxo pasoe yax taenam wut, itloejen da'ax taenam wutbej, xamal jum-ambej: ‘Ampamatkoi iamaxael’ —am xamal, matabijam xot. Pelax matabija-emil ampamatkoiyan Dios ispoxan. Samata, asbuan jumch naketo'am koechax xan isliajwan xamal taeliajwam. ⁴ Xamal babejchowam naketo'am xan koechax isliajwan. Pe xamal taeyaximil asakoechaxan. Xamal kaeyax asbuan jumch taeyaxaelam. Me-ama chajakolaxtat Dios is profeta Jonásliajwa, jiw pajut chiekal matabijaliajwa Dios xajupox mat-eliajwa jiw tupi, japi pejme duillaliajwa, jasoxbej Dios isaxael xanliajwa” —aech Jesús fariseosliajwa, saduceosliajwabej.

Do jawut, Jesús chijia japixot. Japi tamach waelapon.

Jesús naewuajanpox pejnachala, japi chiekal pajut natataeflaliajwa fariseos naewuajanpoxan, saduceosbej
(Mr 8.14–21)

⁵ Do jawux, xanal Jesús pejnachalwan, Jesús suapich, chaliknax wut puka we-enelde, xanal nejkiowx pan xalaeliajwan. ⁶ Do jawut, Jesús xanal najum-aech:

—¡Chiekal taem fariseos pejlevaduraliajwa, saduceos pejlevaduraliajwabej! —aech Jesús.

⁷ Jawut xanal nakaewa najum-an:

—Jesús japox bej nakjum-aechbej, xatis nejkiows xot pan xalaeliajwas —an xanal.

⁸ Jesús matabijt xanal nakaewa jum-anpox. Samata, jum-aechon:

—Xan matabijtax xamal nakaewa najum-ampox, pan nejkiowampoxliajwa. ¿Ma-aech xotkat nejchaxoelam panliajwa? Xamal chiekal xan naxanaboeja-emilfuk. ⁹ Xabich we'pfuk chiekal matabijaliajwam. Nejchafaeka-emil xan jalkafulax wut cinco pan, me-ama kaes cinco mil jiw xaeliajwa. Jawut xamal wulum doce matpiran malsi. ¹⁰ Nejchafaeka-emilbej xan jalkafulaxpox siete panes, me-ama kaes cuatro mil jiwliajwa. Jawut xamal wulum siete matpiran malsi. ¹¹ ¿Ma-aech xotkat nakiowa xamal jummatabija-emil, xan jumchilenil panliajwa? ¡Chiekal taem fariseos pejlevaduraliajwa, saduceos pejlevaduraliajwabej! —aech Jesús.

¹² Do jawut, xanal tajut chiekal matabijax Jesús naksiya-el levaduraliajwa, panliajwabej. Jesús japox jum-aech wut, jum-aechon xanal tajut chiekal natataeflaliajwan fariseos pejnaewhajnaxan, saduceosbej, japoxan chiekal pachaema-el xot.

Pedro jum-aechpox Jesúsliajwa: “Xam Cristowam, Dios athuxotse dukponan paxulnam”

(Mr 8.27–30; Lc 9.18–21)

¹³ Jesús pat wut Cesarea de Filipino tujnuxot, japon xanal nawhajnachaemt wut, jum-aechon xanalliajwa:

—¿Achanan na-aechkat jiw xanliajwa, puexa jiw pakoewkolnanliajwa? —aech Jesús.

¹⁴ Xanal jumnotx wut, jum-an:

—Asew jiw jum-aech xamliajwa: ‘Japonlap, Juan, jiw bautisan. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Elías, Dios pejprofeta. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Jeremías, o, asan Dios pejprofetasxot. Mat-echpon pejme duk’ —aech asew jiw xamliajwa —an xanal Jesúsliajwa.

¹⁵ Jesús pejme xanal nawhajnachaemt wut, jum-aechon:

—Xamallax, ¿achan na-amkat xanliajwa? —aech Jesús.

¹⁶ Do jawut, Pedro jumnot wut, jum-aechon:

—Xam Cristowam, Dios athuxotse dukpon paxulnam —aechon.

¹⁷ Do jawut, Jesús jum-aech Pedroliajwa:

—Simón, Jonás paxulan, Dios is pachaempox xamliajwa. Japox xam najut nijaxtat matabijs-emil. Japox matabijtam taj-ax Dios, athupijin, pijaxtat.

¹⁸ Xan amprox jum-an. Pedro, xam, me-ama ia't mamnikpot, ja-am xanliajwa. Jum-amprox xanliajwa, japox diachwhajnaxolax. Samata, puexa xan nanaeaxisaxaelpi, me-ama xam, japibej tajjiwaxael. Samatabej, patupax malechaxisal tajjiw. ¹⁹ Xam tapaeyaxaelen jiw tato'laliajwam Dios pijaxtat. Paklonaxaelambej japi jiwliajwa. Xam tapaeyaxaelam wut jiw japoxan isliajwa, Diosbej athuxotse tapaeyaxael japi jiw isliajwa japoxan. Xam fiasaxaelampoxan jiw is-elaliajwa, Diosbej athuxotse japoxan fiasaxael jiw is-elaliajwa —aech Jesús Pedroliajwa.

²⁰ Do jawut, Jesús xanal nabuxfiat chapaesamatanfuk asew jiw japon Cristopon.

Jesús jum-aechpox, japon tujpaxaelpoxliajwa

(Mr 8.31–9.1; Lc 9.22–27)

²¹ Do japamatkoitat wut, Jesús tudut xanal, japon pejnachalwan, chiekal nachanaekabuanaliajwa japon fulaeyaxaelpoxde, Jerusalén paklowax poxade. Jaxotde judíos-ancianos, sacerdotespaklochowbej, judíos chanaekabuanapibej, japi pijaxtat xabich nabijasaxaelon. Boesaxaesbejpon. Pe tres matkoi wut, Dios mat-esaxaeson pejme dukaliajwa. ²² Do jawut Pedro pejlel buflaechon Jesús, buxfiasliajwa Jesús jum-aechpox. Jawut, Pedro jum-aech nejthaxtat Jesúsliajwa:

—¡E! ¡Japox nej jachi-ele' xamliajwa! Xam jum-amprox Dios nejxasinkael —aech Pedro.

²³ Jesús japox jumtaen wut, natachaemchapon Pedrolel. Do jawut, Jesús jum-aech Pedroliajwa:

—¡Chijiamde xanxot! Xam japox jum-am wut, jum-am Satanás pijaxtat. Xan nakajachawaes-emil, japox jum-am wut. Xam nejchaxoela-emil Dios pijaxan. Asbuan jumch nejchaxoelam ampathatpijaxankal —aech Jesús Pedroliajwa.

²⁴ Do jawut, Jesús najum-aech xanalliajwa:

—Xamal tajnachalwasiam wut, ¡nejkiowde najut isfulasiampoxan! ¡Isfulde pomatkoicha xan tato'laxpoxan! ¡Nejchaxoeldebej xamal nabijasaxaelampox, tuxaxaelampoxbej, tajnachalwam xot! ²⁵ Najut nejxasinkampoxankal isfulam wut, asamatkoi tuxam wut, duilaximil Diosxotse. Pelax isfula-emil wut najut nejxasinkampoxan, isfulaliajwa xan tato'laxpoxan, ja-am wut, diachwujnakolax asamatkoi tuxam wut, pomatkoicha duilaxaelam Diosxotse. ²⁶ Xabich wut nejew ampathatat, japoxan omjil duilaliajwam Diosxotse. Dios kastikaxaelbej xamal, xabich xot nejbabijaxan. Xajuxaximil nejew platatat mosliajwam pasliajwam Diosxotse. ²⁷ Xan, puexa jiw pakoewkolnan, Dios pijaxtat pejme pasaxoekan ampathatasik, Dios pej-ángeles suapich. Do jawut, xamal mosaxaelen xanliajwa nabistampoxan. ²⁸ Diachwujnakolax xamal jum-an. Asew jiw xamalxot, laelpifuk, japi xan nataeyaxael, puexa jiw pakoewkolnan, kaxaxoekan wut Dios pijaxtat puexa tajiww tato'laliajwan —aech Jesús xanal pejnachalwanliajwa.

17

Jesús xabich chaponanakthianpox Dios pijaxtat

(Mr 9.2–13; Lc 9.28–36)

¹ Do baxael, seis matkoiwux, Jesús fulaech wut, buflaechon Pedro, Santiagobej, Santiago pakoewanbej, japon pawulpon Juan. Japikal Jesús bu'fol pinamux, xabich athu poxase. ² Jaxotse Jesús xabich chaponanakthianpon Dios pijaxtat pejnachala pejwujnalel. Japon pejxubej xabich xunakthian. Me-ama juim itliak wut, jaxu-aechon. Jawut japon pejnaxoelax, xabich papoeikolax. Xabich itliakbejpxox. ³ Do jawut, chalechkal natulaelt kolenje. Japi wajwujnapijiw. Kaen Moisés. Asan Elías. Japi nospaei, Jesús suapich. ⁴ Do jawut, Pedro jum-aech Jesúsliajwa:

—Tajpaklon, pachaem xanal amxot, xamalxotan wut. Nejxasinkam wut, tres bua-at isaxaelen xamalliajwa. Kaeyax xamlliajwa. Asax Moisésliajwa. Asax Elíasliajwabej —aech Pedro.

⁵ Pedro japox naksiya wutfuk, itloejen fuloek japi matwujasik. Japox itloejen xabich itliak. Japox itloejentutat Dios naksiya wut, jum-aechon: “Ampon taxulan, xabich nejxasinkaxpon. Japonliajwa xan xabich nejchachaemlax. ¡Naewesfuldepon!” —aech Dios.

⁶ Japox jumtaen wuti, Jesús pejwujnalel nukapa-oeljabapi satat, xabich beljow xoti. ⁷ Do jawut, Jesús mox soepan japixot. Jacha wut, jum-aechon:

—¡Nanim! ¡Nabej belwe'! —aech Jesús pejnachalaliajwa.

⁸ Do jawut, japi natachaema wut, tae-ellisi asew kolenje, jaxot ajil xotlisi. Jesúska tamach taeni.

⁹ Muxxotsik baloek wutfuki, Jesús nejthuxaxtat buxfiat wut, jum-aechon pejnachalaliajwa:

—¡Asew jiw nabej chapae' xamal taenampxox! Hasta xan, puexa jiw pakoewkolnan, Dios namat-et wut pejme dukaliajwan, ¡jawut asew jiw chapaem xamal taenampxox! —aech Jesús pejnachalaliajwa.

¹⁰ Do jawut, Jesús wñajna chaemtas wut pejnachala, japi jum-aech Jesúsliajwa:

—¿Ma-aech xotkat judíos chanaekabñanapi jum-aech: ‘Cristo pasaxilfuk. Elías matxoela pasaxael. Do jawux, Cristo pasaxael’ —aechkat judíos chanaekabñanapi? —aech Jesús pejnachala.

¹¹ Do jawut, Jesús jumnot wut, jum-aechon pejnachalalajwa:

—Diachwñajnakolax Elías matxoela pasaxael. Japon jumchiyaxaelbej jiw pajut chiekal chaemslajwa Cristo wñajna. ¹² Pe xan jum-an. Elías patlison. Pe ampathatpijiw japon matabijs-elipon. Naexasis-esalbejpon. Japi jiw pajut isasiapox islisi japonliajwa. Me-ama japox, jasoxbej asew jiw isaxael xanliajwa. Xan, puexa jiw pakoewkolnan, xabich nabijasaxaelen japi pijaxtat —aech Jesús pejnachalalajwa.

¹³ Do jawut, Jesús pejnachala chiekal matabija, Jesús japox jum-aech wut, jum-aechon Juan, jiw bautisanliajwa.

*Jesús nakolsax to'apox dep yamxulan pejmatpñatxot
(Mr 9.14–29; Lc 9.37–43)*

¹⁴ Jesús jiwxot pat wut, tres pejnachalan sñapich, aton mox soepan Jesúsxot. Do jawut, brixtat nuk wut Jesús pejwñajnalel, japon jum-aech Jesúsliajwa:

¹⁵ —Tajpaklon, itaxulan nawekajachawae'e! Pomatkoicha xabich nabijaton. Taxulan pin-iaveces jitlel jñwal, pukalelbej, dep ketis wuton.

¹⁶ Taxulan bñflaenx nejnachalalel, japi boejthñslajwa taxulan. Pe japi xajupa-el taxulan boejthñslajwa —aech japon Jesúsliajwa.

¹⁷ Do jawut, Jesús najum-aech xanal pejnachalwanliajwa:

—Xamal tajnachalwam, Dios chiekal xanaboeja-emilfuk. Nejnejchaxoelaxan chiekala-elbej. Xabich pin-iamatkoïyan xamalxotx. Xabich pin-iamatkoïyan naewñajnafalaxbej. Kajachawaetxbej Dios chiekal xanaboejalijwam. Pe xamal chiekal xanaboeja-emilfuk Dios. jBñflaeman yamxulan xanle! —aech Jesús xanallijwa.

¹⁸ Do jawut, xanal bñflaenx wut yamxulan, Jesús to'a nejthñ'axtat dep nakolsliajwa yamxulan pejmatpñatxot. Do jawut, kamta dep nakolt yamxulan pejmatpñatxot. Jawutbej yamxulan chiekal pachaemlison.

¹⁹ Do jawux, xanal pejnachalwan mox soepax Jesús wñajna chaemslajwan, japon tamachan wut. Do jawut, xanal wñajna chaemtax wut, jum-an:

—¿Ma-aech xotkat xanal xajupa-enil dep nakolsax to'aliajwan? —an xanal.

²⁰ Jesús xanal najumnot wut, jum-aechon:

—Xamal xabicha-el nejxanaboejaxan Diosliajwa. Diachwñajnakolax xan jum-an. Cha-aex Dios xanaboejam wut, jum-am wutbej: ‘Diachwñajnakolax Dios xajup puexa isliajwa’ —am wut, nejchaxoelam wut, xamalbej xajupaxaelam dep to'aliajwam. Me-ama mostazafut cha-aelfut, ja-aechbej nejxanaboejaxan. Xamal to'am wut ampamñax asalelialijwa, mñax diach napiasaxaeldo'. Puexa xabich xajupaxaelam isliajwam Dios pijaxtat, Dios chiekal xanaboejam wut —aech Jesús xanallijwa.

[²¹ Me-ama ampon dep, jason, asbñan jumch nakolsaxil masoxtat. Naxae-elaxtat Dios piach kawñajnam wut, ja-aech wut, me-ama ampon dep, jason, nakolsaxael.]

Jesús pejme jum-aechpox pejpatpaxliajwa

(Mr 9.30–32; Lc 9.43–45)

²² Jesús nanam wut Galilea tujnuxot, xanal, japon pejnachalwan, nakanamtaxbej. Do jawut, Jesús xanal najum-aech:

—Xan, puxa jiw pakowkolnan, xamalxot kaen nawiasaxael tadael-majiwxot. ²³ Japi jiw xan naboesaxael. Do jawux, tux wut, tres matkoi wut, Dios namat-esaxael pomatkoicha pejme dukaliajwan —aech Jesús xanal pejnachalwanliajwa.

Jesús japox jum-aech wut, xanal, japon pejnachalwanpin, xabich nane-jxaejow.

Jesús motpox impuesto, mat-omwuljowspox Dios pejtemplobaliajwa

²⁴ Dolisdo', Jesús, xanal pejnachalwan sapich, patx Capernaum pak-lowaxxot. Do jawut, asew jiw falaen Pedrolel. Japi impuesto mat-omwuljoew Dios pejtemplobaliajwa. Do jawut, japi jum-aech Pedroliajwa:

—¿Nejpaklonkat-is mosaxael impuesto, mat-omwuljowspox Dios pejtemplobaliajwa? —aechi Pedroliajwa.

²⁵ Pedro jumnot wut, jum-aechon japiliajwa:

—Diachwujnakolax tajpaklon mosaxael impuesto —aech Pedro japiliajwa.

Dolisdo', Pedro ba low wut, Jesús matxoelajum-aech Simón Pedroliajwa. Jum-aechon:

—Ampathatat paklochow kenot impuesto, mat-omwuljowspox gobiernoliajwa. ¿Achewkat mot impuesto? ¿Mosaxaelkat pejjiwkola? O, ¿mosaxaelkat asatujnuchanpijw? Simón, ¿achaxkat xam nejchaxoelam japoxliajwa? —aech Jesús.

²⁶ Simón Pedro jumnot wut, jum-aechon:

—Asatujnuchanpijw, japi mosaxael impuesto —aech Pedro.

Do jawut, Jesús pejme jum-aech:

—Ja-aech wut, paklochow pejjiwkola mosaxil impuesto. ²⁷ Pe jiw palalalamata xatiliajwa, ixam xabua'dik puka poxadik! ¡Aesamuat xalaem baxin juiliajwam! ¡Baxin, matxoelawaesapon, japon baxin chiekal juim! Do japon baxin juwam wut, japabaxin pejkaechaxot faenaxaelam kaekafef. Japakafef xajupaxael mosliajwam nej-impuesto, taj-impuestobej. ¡Japakafef xalaemch mosliajwam japa-impuesto! —aech Jesús Pedroliajwa.

18

Achan kaes paklonaxaelpox Diosxotse

(Mr 9.33–37; Lc 9.46–48)

¹ Do jawux, xanal mox soepax Jesús wujnachaemsliajwan. Wujnachaemtax wut, jum-an:

—¿Achankat xanalxot kaes pejme paklonaxael, Diosxotan wut? —an xanal.

² Do jawut, Jesús yamxulan la nukaliajwa japonxot. Do jawut, notlison yamxulan xanal tajwujnalel. ³ Do jawut, Jesús jum-aech:

—Diachwujnakolax xan jum-an. ¡Japanejchaxoelax malis kofim! Nejchaxoelam wut, inabej nejchaxoele': 'Xan kaes pejme pachaeman. Me-ama asew jiw, jachi-enil' —nabej aeche', nejchaxoelam wut! Yamxi jasox

nejchaxoela-el. Xamallap-is jasox nejchaxoelaximil. Japox nejchaxoelafulam wut, xamal pasaximil Diosxotse. ⁴ Kaematkoisful nejchaxoelam wut: 'Xan kaes pejme pachaema-enil, me-ama a sew jiw' —am wut, nejchaxoelam wut, xamal nejchaxoelaxaelam, me-ama ampon yamxulan. Ja-am wut, asamatkoi paklochwaxaelam Diosxotse. ⁵ Yamxi chiekal bu'kulam wut xan tajaxtat, ja-am wut, jawut xanbej nabu'kulsaxaelam —aech Jesús xanal pejnachalwanliajwa.

Jesús naewuajanpox jiw babijaxan isasamata

(Mr 9.42–48; Lc 17.1–2)

⁶⁻⁷ Do pejme Jesús jum-aech xanalliajwa: “Pomatkoicha jiw babijaxan is, a sew jiw to'as xoti. Pe jelxan nanaexasiti is wut babijaxan, a sew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinanul, jajaera, kaechariama ke'aliajwas, chakakofaliajwasdik mar poxadik, xabich so'nik poxadik, jaxotdik tupaliajwapi. Ja-aech wut, japi to'axil kaes a sew jiw babijaxan isliajwa, jelxan nanaexasiti.

⁸ “Samata, nejke-echantat babijaxan isfulam wut, o, isfulam wutbej babijaxan nejtuakantat, inajut naketariowcham! ¡Najut natuaktariowchambej, atuaj pelsliajwam japoxan! Ja-am wut, kofaxaelam babijaxan isfulampoxan. Ja-am wutbej, pachaemaxaelam pasliajwam Diosxotse. Kofa-emil wut babijaxan isfulampoxan, ja-am wut, napelsaxaemk inferno poxadik. Jaxotdik toepaxil jit pinjiyax. Xabich chaemilaxael xamalliajwa koleke-em wut, koletuakam wutbej, kaes babijaxan isfulam wut japoxantat. ⁹ Nej-itfutatbej taenamproxtat babijaxan isfulam wut, ¡kaenanula najut na-itfukuim, xamalxot pelsliajwam atuaj! Ja-am wut, kofaxaelam babijaxan isfulampoxan. Ja-am wutbej, kaes pejme pachaemaxael xamalliajwa, kae-itfutam wut pasliajwam Diosxotse. Kofa-emil wut babijaxan isfulampoxan, jachi-emil wut, xamal napelsaxaemk inferno poxadik. Jaxotdik toepael jit pinjiyax. Xabich chaemilaxaelbej xamalliajwa, kole-itfutam wut, kaes babijaxan isfulam wut japoxantat” —aech Jesús xanal pejnachalwanliajwa.

Ovejas tataefulpon faenpox pijan oveja, wenafo'aspon

(Lc 15.3–7)

¹⁰ Jesús pejme jum-aech xanalliajwa: “¡Xamal chiekal taem! ¡Nabej nejchaxoele' yamxiliajwa: 'Ampi yamxi omjil' —nabej aeche', nejchaxoelam wut! Dios pej-ángeles, japi duilpi athuxotse taj-ax Dios pejuajnalel, tataefulpi yamxi. [¹¹ Xan, puexa jiw pakoewkolnan, fuloekx ampathatxot jiw napelti bu'weliajwan.]

¹² “Cien ovejaspon, kaen oveja wenafo'as wut, diachwujnakolax japon noventa y nueve ovejas kaweta waelaxael muaxxot, wulwekaliajwapon oveja wenafo'aspon. ¹³ Japon faen wut oveja, wenafo'aspon, kaes pejme xabich nejchachaemlaxael japa-ovejaliajwa. Me-ama noventa y nueve ovejasliajwa nejchachaemil wut, jachiyaxilon, japi ovejas napels-el xot. ¹⁴ Nej-ax Diosbej, athuxotse dukpon, nejxasinka-elon aton nafo'aliajwa, naexasitpon Dios” —aech Jesús xanal pejnachalwanliajwa.

Xatis beltaeyaxaespon a sew jiw, babijaxan is wut xatisliajwa

(Lc 17.3)

15 Do pejme Jesús jum-aech xanalliajwa: “Dios naexasitpon babijax is wut xamalliajwa, xhabua'de japon poxade, japon suapich, tamach nospaeliajwam! Japon xamal naewet wut, ja-aech wut, pejme chiekal pachaemaxaelam japonliajwa. 16 Pe japon naewes-elasia wut, ja-aech wut, japon buflaem asew jiw, Dios naexasiti poxade, kaen o, kolenje, Dios naexasiti, japibej chiekal jumtaeliajwa nospaeyam wut, japon suapich, xamalliajwa babijax ispon! 17 Pe japon jaxot naexasis-elasia wut Dios naexasiti pejuajnalel, ja-aech wut, buflaempon puexa Dios pejjamechan naexasiti natameja poxade, jaxot naewuajnalijwas babijax ispox kofsliajwa. Jaxot naewuajnas wut, naexasis-el wuton, ja-aech wut, nejchaxoelde japonliajwa: ‘Ampon Dios naexasislan. Samata, japon, me-ama impuesto mat-omwuljoen Roma gobiernoliajwa, ja-aechon’ — amde, nejchaxoelam wut japonliajwa.

18 “Diachwuajnakolax xamal jum-an. Ampathatat jiw fiatam wut babijaxan isasamata, japoxanbej Diosxotse fiasaxael. Ampathatat tapaeyam wut jiw isliajwa pachaempoxan, japoxan Diosxotsebej tapaeyaxael jiw isliajwa.

19 “Xan jum-an amprox xamalliajwa. Ampathatat xamal kolenam kaenejchaxoelaxam wut, kawuajnaxtat Dios wuljoeliajwam pachaempox, japox taj-ax Dios, athuxotsepon, japox isaxael xamalliajwa. 20 Kolenje, o, tres, natameja wut xan tajaxtat nakawuajnalijwa, xan japixotaxaelen” — aech Jesús xanalliajwa.

21 Do jawut, Pedro mox soepan Jesús kawuajnachaemsliajwa. Jawut Pedro kawuajnachaemt wut, jum-aechon Jesúsliajwa:

—Tajpaklon, ¿masveceskat xan beltaeyaxaelen, nawe-isful wut babijaxan xanliajwa? ¿Xankat beltaeyaxaelen hasta siete veces? — aech Pedro.

22 Do jawut, Jesús jumnot wut, jum-aechon:

—Xan jumchi-enil: “¡Hasta siete veces xam japon beltaem!” —chi-enil. Asan xabich piach babijaxan isful wut xamliajwa, japon beltaeflaxaelam kaematkoisful — aech Jesús Pedroliajwa.

Pamakan beltae-elpox asan nabichan

23 Jesús pejme xanal najum-aech wuajantat: “Dios puexa pejiw tato'alpox, me-ama kaen rey chaemt pamakjiwliajwa, japi dewatpoxan.

24 Rey to'a pamakjiw kaenanula chaemsliajwa dewatpoxan. Japixot kaen xabich dewat pin-iat denarios. Japonbej pat reyxot. 25 Dewatpon xajupa-el mosliajwapon rey. Samata, rey to'a asew pamak, dewatpon, mowaliajwas asanxot, jaxot japon esclavoliajwa. Rey to'abej dewatpon pijow mowaliajwas, japon paxibej, japon pejewbej, dewatpoxan mosliajwapon rey. 26 Do jawut, dewatpon brixtat nuk rey pejuajnalel wuljoeliajwapon beltaeyax. Do jawut, jum-aechon reyliajwa: ‘¡Na'afuk! ¡Xanfuk nabeltaem! Mosaxaelen puexa dewatpoxan’ — aechon. 27 Do jawut, rey beltaen dewataspon. Jawut rey jum-aech japonliajwa: ‘Xam nadewatpoxan chiekal toep xanliajwa’ — aech rey. Samata, rey tapaei dewatpon nawiasliajwa pejba poxade, beltaens xoton dewatpoxanliajwa.

28 “Do jawut, rey beltaenspon jaxot nakolt wut, xabu'kulon asan rey pamakan, japon suapich, kaeyaxtat nabistponje. Wuchakalpijin

dewat kaesapich plata, matxoelapatponliajwa reyxot. Rey beltaenspon xabich palala, taen waton asan nabichan, kaeyaxtat nabistjepon. Jawut rey beltaenspon kaechariamajaelt wut, kaechariamale'apon matkaenjasliajwa asan nabichan, kaeyaxtat nabistjepon. Do jawut, jum-aechbejpon: 'iNadewatampoxan xam namo'e!' —aechon asanliajwa. ²⁹ Do jawut, kaesapich dewatpon brixtat nukjaba rey beltaenspon pejwajnalel. Xabich jum-aechon: 'iNa'afuk! iXan nabeltaem! Xam mosaxaelen puexa dewatxpo'x' —aechon.

³⁰ "Pe nakiowa, rey beltaenspon beltae-el asan nabichan. Japon nejwesla wuajnowesliajwa dewataspo'x. Samata, kaesapich dewatpon wiach soldawxot, japon jeliajwas jiw jebatat. Jaxot namanaxaelon puexa dewatpoxan mosliajwa. ³¹ Do jawut, asew rey pamakjiw, japox taen wut, xabich palalapi rey beltaensponliajwa. Samata, japi fulaech rey poxade japox chapaeliajwapi reyxot. ³² Do jawut, rey to'a pamakjiw wuljaesliajwas majt rey beltaenspon. Japon pa'an wut reyxot, rey jum-aech japonliajwa: 'iXam xabich babejnam! Xan beltaenx puexa nadewatampoxanliajwa, nawuljowam wut beltaeyax. ³³ Pe xambej beltaeyaxaelam asan tamakan. Me-ama xan beltaenx, jachiyaxaelam asan tamakanliajwa. Pe xam beltae-emil asan tamakan' —aech rey japonliajwa.

³⁴ "Do jawut, rey xabich palala japonliajwa. Samata, rey to'a japonbej kastikaliajwas, puexa mosliajwabejpon majt dewatpoxan" —aech Jesús, xanal nanaewuajan wut.

³⁵ Jesús pejme xanal najum-aech:

—Taj-ax, athuxotsepon, jachiyaxaelbej xamalliajwa, beltae-emil wut asan, Dios pejjamechan naexasitpon, babijaxan is wut xamalliajwa —aech Jesús xanalliajwa.

19

Jesús naewuajanpox poejiw pelsasamata pejwatho'
(Mr 10.1–12; Lc 16.18)

¹ Do jawut, Jesús buxtoet wut naewuajnax beltaeyaxliajwa, chijjalison Galilea tuajnu'xot. Jawux patlison Judea tuajnu'xot, Jordánlajt weslelde, juimt julanlelsan. ² Xabich jiw Jesús fulafos. Jaxot Jesús boejthut jiw bu'xaeya.

³ Do jawut, kaesapich fariseos mox soepa Jesús xapaejsliajwapi. Do kawuajnachaemt wut, jum-aechi:

—¿Poejiwkat tapaeis, nejmach masoxtat pelsliajwa pejwatho'? —aech fariseos.

⁴ Jesús jumnot wut, jum-aechon fariseosliajwa:

—¿Xamalkat xaljoe-emil Moisés chajia lelpox? Japox jum-aech: 'Dios ampthat is wut, isbejpon jiw. Dios is aton, pawisbej' —aechox. ⁵ Dios jum-aechbej: 'Samata, aton fit wut pawis, japi nakolaxael paxxot, penxotbej, japon aton, pijow sapich, pejlel dukaliajwa' —aech Dios. ⁶ Do ja-aech wut, japi kolenje, me-ama kaen wut, jachiyaxaeli. Ja-aech wut, japilis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi. Samata, aton fo'axil pijow, Dios pijaxtat nakjiya xot —aech Jesús fariseosliajwa.

⁷ Japi fariseos kaes wuajnachaemt wut, jum-aechi Jesúsliajwa:

—Moisés chajia jum-aech: 'Poejiw pelsasia wut pejwatho', matxoela lelaxael pelfat japow chaxdusliajwapon. Japon lelpox jumchiyaxael, ma-aech xot fo'axaelon pijow. Ja-aech wut, pachaem japon aton fo'aliajwa pijow' —aech Moisés chajia lelpox. ¿Ma-aech xotkat Moisés japox tapaei? —aech fariseos.

⁸ Do jawut, Jesús jum-aech fariseosliajwa:

—Xamal matnaetinkam xot, Moisés tapaei japox. Samata, Moisés xamal tapaei pelsliajwam nejwatho'. Majt, akaseskolaxtat, Dios nejxasink, aton pijow fit wut fo'a-elaliajwa, japowxot pomatkoicha laejaliajwapon.

⁹ Pe xan jum-an. Aton pijow fo'a wut asbuan jumch masoxtat, asaow fit wuton, japox xabich chaemil Diosliajwa, bu'moejt xoton asaow pawis, pijowkolwa-elpow. Pe pawis pakmolow, asan aton bu'moejt wut, ja-aech wut, Dios tapaei aton fo'aliajwa pijow —aech Jesús fariseosliajwa.

¹⁰ Do jawut, xanal pejnachalwan jum-an Jesúsliajwa:

—Pachaema-el wut poejiw pejwatho' pelsliajwa, ja-aech wut, kaes pejme pachaemaxael poejiw watho' nos-elaliajwa, tamach laelpaliajwa —an xanal.

¹¹ Do jawut, Jesús xanal najumnot wut, jum-aechon:

—Puexa jiw najummatabijaxil xan jum-anpox. Dios tapaeispikal, japikal najummatabijaxael japox. ¹² Poejiwxot asew nakjiyaxil, uñhijlax chanlaela xoti. Asew poejiw nakjiyaxil, uñhjuks xoti. Asew poejiw-bej nejxasinkaxil nakjiyalialajwa, Dios puexa pejiw tato'almatkoimox pawuajna xot. Xamal xajupam wut matabijaliajwam xan jum-anpox, ichiekal matabijim! —aech Jesús xanal pejnachalwanliajwa.

Jesús kawuajnapox Dios yamxiliajwa

(Mr 10.13–16; Lc 18.15–17)

¹³ Asamatkoi jiw paxi buflaen Jesúslel, Jesús ke-osliajwa yamxi pejta'anxot Dios wekawuajnalialajwapon japi yamxiliajwa. Xanal pejnachalwan japox taenx wut, japi jiw fiatx paxi buflaesamatapi Jesúslel.

¹⁴ Do jawut, Jesús najum-aech xanalliajwa:

—¡Tapaem yamxi xanlel buflaeliajwadin! ¡Nabej fias! Diosxotse, Dios jiw tato'alxotse, japi jiw, me-ama ampi yamxi, ja-aech, kamta naexasit xoti Dios —aech Jesús.

¹⁵ Do jawut, Jesús ke-ot japi yamxi pejta'anxot Dios kawuajnalialajwapon. Dios kawuajnax buxtoet wut, jaxot chijjalison, xanal pejnachalwan suapich, asalel fulaeliajwa.

Kemaeyan nospaeipox, Jesús suapich

(Mr 10.17–31; Lc 18.18–30)

¹⁶ Kaen pansian fulaen taeliajwapon Jesús. Pat wuton Jesúsxot, wuajnachaemt wut, jum-aechon:

—Jiw chanaekabuanan, xam pachaemamponam, ¿achaxkat xan nawewe'p isliajwan pachaempox, pomatkoicha dukaliajwan Diosxotse? —aechon.

¹⁷ Jesús jumnot wut, jum-aech:

—¿Ma-aech xotkat xan najum-am: 'Xam pachaemamponam' —namkat? Kaen Dios, japon pachaempon. Pasasiam wut Diosxotse, ¡naexasisfulde Dios tato'alpoxan! —aech Jesús.

¹⁸ Pansian wuajnachaemt wut, jum-aechon:

—¿Masoxkat, Dios tato'alpoxan, xan naexasisfulaelialajwan? —aechon.

Do jawut, Jesús jum-aech:

—‘¡Asew jiw nabej be’! ¡Asaow pawis, nijwa-elpow, nabej bu’moejsbej! ¡Nabej natkowe’bej! ¡Nabej kichachajbe’bej asan aton xam tasalaliajwam, babijax is-el wuton! ¹⁹ ¡Sitaembej nej-ax, nej-enbej! ¡Nejxasinkdebej asew jiw! Me-ama xam najut nanejxasinkam wut, ¡ja-amde asew jiwliajwa!’ — aech Jesús.

²⁰ Pansian jum-aech:

—Xam najum-amproxan, xan chiekal naexasisfulax. ¿Pe achaxkat xan kaes nawewe’pfak? —aechon.

²¹ Jesús jumnot wut, jum-aechon:

—Chiekal pachaemiasiam wut, ¡xabua’de nejba poxade nejew mowaliajwam! Mowam wut, ¡japaplata chaxduim kejila! Ja-am wut, xabichaxael nejew Diosxotse. Do jawux, ¡xam xabua’de xan naknanumsliajwam, tajnachalnamliajwabej! —aech Jesús pansianliajwa.

²² Pansian japox jumtaen wut, xabich nejxaejwas, xabich kemaenk xoton. Samata, jawut Jesúsxot asbuan jumch chijjalison.

²³ Do jawut, Jesús xanal najum-aech:

—Diachwajnakolax xan jum-an. Xabich tampoel kemaeya pasliajwa Diosxotse. ²⁴ Xamal chiekal matabijam. Camello pinjin xot, xajupaxil xensliajwadepon kuthatwakre’waj poxade. Ja-aechbej kemaeyaliajwa. Xabich tampoel kemaeya pasliajwa Diosxotse —aech Jesús.

²⁵ Xanal Jesús pejnachalwan japox jumtaenx wut, nejchaxoelanuilx. Do jawut, xanal jum-an Jesúsliajwa:

—¿Achankatlax bu’weyaxaes pasliajwa Diosxotse? —an xanal.

²⁶ Do jawut, Jesús xanal chiekal natachaem wut, najum-aechon:

—Jiw pajut pasaxil Diosxotse. Pelax Dios xajup puexa isliajwa. Samata, xajupbejpon jiw bu’welialjwa. Kajachawaesaxaelbejpon jiw pasliajwa japonxotse —aech Jesús xanalliajwa.

²⁷ Do jawut, Pedro jum-aech:

—Xanal puexa tejew waelax xam nakfulaelialjwan. ¿Achaxkat Dios xanal nachaxduiyaxael? —aech Pedro Jesúsliajwa.

²⁸ Do jawut, Jesús jum-aech:

—Diachwajnakolax xan jum-an. Xan, puexa jiw pakoewkolnan, tato’laxaelen wut ampathatat, pajelthat wut, jawut ekaxaelen tajtua-ekaxtat, xabich pachaempoxtat. Ja-aech wut, chiekal pachaemaxael puexa jiw tato’laliajwan. Xamal tajnachalwam chalakaxaelambej asatua-ekaxantat tato’laliajwam docematanpijiw, Israel tuajnapijiw. ²⁹ Xan tajaxtat xamal waelam wut nejew, nejbachan, nakoewbej, nej-enbej, nej-axjiwbej, naxibej, nejsatanbej, ja-am wut, Dios kaes cien veces chaxduiyaxael xamal. Asamatkoi tupam wutbej, pasaxaelam Diosxotse pomatkoicha duilialiajwam jaxotse. ³⁰ Xabich jiw, paklochowpi, ampathatat. Pe japi Diosxotse wut paklochowaxil. Ampathatat xabich jiw, paklochowa-elpi, japilax Diosxotse wut, paklochowaxael —aech Jesús xanal pejnachalwanliajwa.

20

Nabichow pejwajan

¹ Do pejme Jesús xanal najum-aech wujantat: “Dios puexa pejjiw tato’laxael wut, me-ama uvalulpijin, nabichow mot wut, jachiyaxaelpox.

Lulpijin chijia foeljow nabichow wulwekaliajwa japon pejluxot nabichliajwapi. ² Japon jumdut mosliajwa kaematkoibichax pa-ompoxtat. Jum-aechon: ‘Xamal mosaxaelen kaedenario’ —aechon. Jawut to’alison japi nabichliajwa pejluxot. ³ Do jawux, juimt athuse wutlejen, lulpijin fulaech plaza poxade. Jaxotde taenlison poejiw, nuilalap wut is-elaxtat. ⁴ Japon jum-aech japiliajwa: ‘¡Xamalbej xabua’de tajlul poxade nabichliajwam! Xan mosaxaelen pachaempoxtat’ —aechon. Do jawut, japi ow-aech. Fulaechlisi nabichliajwa. ⁵ Juimt matnoch ek wut, lulpijin pejme fulaech plaza poxade wulwekaliajwa nabichow. Japon pejme faek nabichow. Do jawutbej, to’apon japi nabichliajwa japon pejlultat. Do kaliax wut, lulpijin pejme fulaech wakwekaliajwa asew jiw. Faek wut, japibej to’apon nabichliajwa japon pejlultat. ⁶ Juimt dach ek wut, lulpijin pejme fulaech plaza poxade. Jaxotde asew jiw taenon, japi nuilalap wut is-elaxtat. Do jawut, japon japi wuajnaechaemt wut, jum-aechon: ‘¿Ma-aech xotkat xamal pomatkoicha asbuan jumch amxot nuilapam is-elaxtat?’ —aech lulpijin. ⁷ Japi jumnot wut, jum-aechi: ‘Xanal amxot nuilapax, kaen aton natadus-el xot nabichliajwan’ —aechi. Do jawut, lulpijin jum-aech japiliajwa: ‘Ja-aech wut, ¡xabua’de xamalbej tajlul poxade nabichliajwam!’ —aechon.

⁸ “Juimt tujop wut, lulpijin jum-aech pamakanliajwa, japon uvalul tataefalponliajwa: ‘¡Puexa nabichow laem! ¡japi puexa kaenanula mosfulde kaedenariotat! ¡Tuadu’e mosax wuchakalkolaxtat patixot! ¡jasoxtat mosax toesfulde, matxoelanabisti swapichbej!’ —aech lulpijin. ⁹ Taduichpi nabichliajwa juimt dach ek wut, japi kaenanula moch kaedenario. ¹⁰ Jawut matxoelanabisti nejchaxoel: ‘Xatis kaes bej nakmosaxaelbejpon’ —aechi, nejchaxoel wut. Pe moch wut, japibej kaedenario moch. ¹¹ Matxoelanabisti kaedenario kenot wut, chiekal xanejchachaemla-eli. Do jawut, palalapi lulpijinliajwa. ¹² Samata, japi jum-aech lulpijinliajwa: ‘Wuchakalkolaxtat pati asbuan jumch nabist kaehora. Pe xanal najupanamotam, japi swapich. Xanal xabich kaes nabistax masxaeyaxtat’ —aechi. ¹³ Lulpijin jumnot wut, jum-aechon kaen nabichanliajwa: ‘Nabichan, xan is-enil babijax xamalliajwa. Xan chajia jum-an: “Xam mosaxaelen kaedenario” —an xan xamalliajwa. ¹⁴ ¡Xanwia’e motxpoX! ¡Chijiamde! Wuchakalkolaxtat pati motxbej kaedenario. Jasoxtat xan motx, mosasian xot. ¹⁵ Xan tejew platatat isasianpoxan xa-isaxaelen. ¿Xamkat nusasiawlam, xan tasiawla-el xot tejew plata, xamal najupamotx xot, asew jiw swapich?’ —aech lulpijin.

¹⁶ “Xabich jiw, paklochow, ampathatxot. Pe japi Diosxotse wut, paklochowaxil. Xabich jiwbej, paklochowa-eli ampathatxot, japilax Diosxotse paklochowaxael” —aech Jesús.

Ampoxtat Jesús jum-aech tres veces japon pejpatupaxliajwa
(Mr 10.32–34; Lc 18.31–34)

¹⁷ Jesús fulaech Jerusalén paklowax poxade. Xabich jiw fulafoson. Do jawut, fulaech wutfuk, xanal dosan, japon pejnachalwan, nalapon asalelaxachliajwan. Do jawut, Jesús jum-aech xanalliajwa:

¹⁸ —Amwut fulaeyaxaes Jerusalén paklowax poxade. Jaxotde xan, puexa jiw pakowekolnan, asan nawiasaxael sacerdotespaklochowxot, judios chanaekabuanapixotbej. Japi natasalaxael asew jiw naboesaliajwa. ¹⁹ Do jawux, nawiasaxael judios-elpixot nabu wuajanpaeliajwa. Xabich namatwuajnelsaxaeli. Do jawuxbej, nakematamatlaxaeli cruztat

xan tɔpaliajwan. Pe tres matkoi wɔt, Dios namat-esaxael pejme dukaliajwan —aech Jesús xanalliajwa.

Santiago pen, japowbej Juan pen, japow wɔljowpox chamoeyax Jesús we-isliajwas

(Mr 10.35–45; Lc 22.24–30)

²⁰ Do jawɔx, Zebedeo pijow, paxi sɔapich, mox soepapi Jesúsxot. Japow brixtat nuk wɔt Jesús pejwɔajnael, wɔljowpox chamoeyax Jesús we-isliajwas. ²¹ Do jawɔt, Jesús jɔm-aech:

—¿Achaxasiamkat? —aechon.

Japow jɔmnot wɔt, jɔm-aechow:

—Asamatkoi, xam puexa jiw tato'lam wɔt, ¡kolenje taxɔlan tapaem xamxot naliachalakaliajwa! ¡Tapaem japi puexa jiw tato'laliajwa, xam sɔapich, japi kolenje asew jiw xabich sitaeliajwasbej! —aechow Jesúsliajwa.

²² Jesús jɔm-aech Santiagoliajwa, Juanliajwabej:

—Xamalatabija-emil nawɔljowampox. Xan xabich nabijasaxaelen jiw pijaxtat. ¿Xamalbejkat xajɔpaxaelam nabijasliajwam, me-ama xan nabijasaxaelen, jachiliajwam? —aech Jesús.

Japi jɔmnot wɔt, jɔm-aechi:

—Diachwɔajnakolax xanalbej xajɔpaxaelen nabijasliajwan, me-ama xam nabijasaxaelam, jachiliajwanbej xanal —aechi Jesúsliajwa.

²³ Jesús jɔm-aech:

—Diachwɔajnakolax xamalbej nabijasaxaelam xan tajaxtat. Pe chalaxaelampox, xan sɔapich, tajpoklalel, tajsoenalelbej, puexa jiw tato'laliajwam, japoxliajwa xan tajut jɔmchiliajwan, taj-ax Dios natapael. Taj-ax Dios chajia jiw makanot japoxliajwa —aech Jesús.

²⁴ Xanal, asewan Jesús pejnachalwan, diezpin, japox wɔljoeyax wɔltaenx wɔt, xabich talala japiajwa. ²⁵ Do jawɔx, Jesús xanal nala mox soepaliajwan japonxot. Najɔm-aechon:

—Xamal matabijam asatɔajɔnchanpijiwpaklochow, japi Dios naexaxis-eli, jiw tato'al wɔt, tato'la-el pachaempoxtat. Japi jiw tato'al pamamaxtat, asew jiw itpaeliajwa japi kaes paklochowpox. ²⁶ Pelax xamal jasoxtat nakaewa natato'laximil. Xamalxot kaen paklonasia wɔt, japon matxoela kajachawaesnaxael xamal. ²⁷ Xamalxot kaen paklonasia wɔt, japon majt malech nabichaxael puexa xamalliajwa. ²⁸ Ja-aechlap-is xanliajwa, puexa jiw pakoewkolnan. Fɔlae-enilsik jiw xan nakajachawaesliajwa ampathatat. Xanlax fɔloekax xabich jiw kajachawaesfulaliajwan, wemosliajwanbej japi babijaxan ispoxanliajwa, tɔpx wɔt cruztat —aech Jesús.

Jesús boejthɔtpox kolenje itliaklan

(Mr 10.46–52; Lc 18.35–43)

²⁹ Jesús nakolt wɔt, xanal pejnachalwan sɔapich, Jericó paklowaxxot, xabich jiw Jesús fulafos. ³⁰ Jaxot nɔambabu'tat kolenje itliaklan chalak. Jɔmtaen wɔti Jesús xensaxaelpox, nejlat wɔt, jɔm-aechi:

—Tajpaklon, David pamon, ¡xanal nabeltaem! —aechi.

³¹ Do jawɔt, jiw bɔxfiat japi kolenje itliaklan boejlach chalakaliajwa. Japi jiw jɔm-aech:

—¡Nabej talias Jesús! —aech nakfolpi.

Ja-aech wut, japi kolenje itliaklan kaes pejme nejlasful wut, jum-aechfuli:

—Tajpaklon, David pamon, jxanal nabeltaem! —aechfuli.

³² Do jawut, Jesús nukjaba wut, jum-aechon japiajwa:

jXabua'din xanle! —aechon.

Itliakla Jesúsxot wut, Jesús jum-aech, wuajna chaemt wut:

—¿Xamal achaxasiamkat xan isliajwan xamalliajwa? —aech Jesús.

³³ Itliakla jumnot wut, jum-aechi:

—Tajpaklon, jxanal na-itfuboejthue chiekal taeliajwan! —aechi.

³⁴ Do jawut, Jesús beltaen itliakla. Jawut Jesús itfujacha japi itliakla. Jawut itliakla chiekal wepachaemslisi pej-ifu. Chiekal taenbejpi. Dolis japi nakfollisi Jesús.

21

*Jesús patpox Jerusalén paklowaxxot
(Mr 11.1–11; Lc 19.28–40; Jn 12.12–19)*

¹ Xanal, Jesús suapich, moxan wut Jerusalén paklowaxxot, patx Betfagé paklowaxach xot. Jaxot xabich olivonaechan nuil muaxxot. Do jawut, Jesús pejnachalwanxot kolenje wuajna to'achon. ² Fulaeliajwa wut, jum-aechon:

—jXabua'de Betfagé paklowaxach poxade! Jaxotde faenaxaelam bur, ke'tason, paxulan suapich. Joltam wut, bur buflaeman xanle, burxulanbej. ³ Jaxotpijiw xamal wuajna chaemt wut burliajwa, jupon aton jum-amo: “Wajpaklon amwut nejsesich bur. Toet wut ispox, pejme wiasaxaelon bur” —amo japi! —aech Jesús, buxto'a wut kolenje pejnachalanliajwa.

⁴ Dolisdo', japox ja-aech, me-ama Dios pejprofeta chajia lelox jachiliajwa burliajwa. Profeta lelox jum-aech:

⁵ “Jumchiyaxaelam jumtaeliajwa Jerusalén paklowaxpijiw: ‘jTaem ne-jrey, xabich pachaempon, chaflaen wut xamallel bur jelti'santat! —chiyaxaelam” —aech profeta lelox.

⁶ Do jawut, Jesús pejnachalan, kolenje, fulaechlisi. Islisi Jesús to'aspox.

⁷ Do jawut, buflaenlisi bur, burxulan suapich, Jesúsleldin. Pejsumta-owa jolpi tam-owaliajwapi burxulan. Do jawut, Jesús tua-ek burxulan.

⁸ Xabich jiw Jesúsxot. Asew japixot pejsumta-owa jol nuamtat ba'aliajwa Jesús fulaeyaxaen poxadin itpaeliajwa japi pejsitaeyax japonliajwa. Asew japixot wuajna owa naedalx, pa-uafpi. ⁹ Xabich jiw wulak nuamtat. Asew jiw fol Jesús pejwuajnalel. Asew fol wuchakal. Puexa jiw nejlasful wut, jum-aechbalapi:

—jAleluya! jPachaempon, wajwuajnapijin, rey David pamon! jAmpon fulaenpon Dios pijaxtat, xabich pachaempon! jDios, athapijin, japon xabich pachaem! —aechbalapi, nejla'bala wut.

¹⁰ Do jawut, Jesús pat wut Jerusalén paklowaxxot, japapaklowaxpijiw xabich taesia ja-aechox. Samata, nakaewa nawuajna chaemt wut, najum-aechi:

—¿Achankat ampon aton? —na-aechi nakaewa.

¹¹ Asew Jesús fulafolpixot jumnot wut, jum-aechi:

—Ampon Jesús, Dios pejprofeta, Nazaret paklowaxpijin, Galilea tuajnapijin —aechi.

Jesús to'apox nakolaliajwa Dios pejtemplobatat mowapi, wuajtibej
(Mr 11.15–19; Lc 19.45–48; Jn 2.13–22)

¹² Jesús Jerusalén paklowax pat wut, Dios pejtemploba low wut, jaxot taenpon mowapi, wuajtibej, plata xanafokibej. Do jawut, Jesús japi nakolax to'a tathoetade. Plata xanafoki, pejmesan fuliaxabapon. Mowapibej a-u, japi pejtua-ekaxan wulaejabapon. ¹³ Jesús jum-aech japi jiwliajwa:

—Dios pejjamechan, chajia lelsprox, jum-aech, Dios jum-aech wut pejtemplobaliajwa: 'Tajba kawuajnaba wulxael, jiw xan nakawuajnalijwa' —aech Dios jum-aechprox. Pelax xamal Dios pejtemploba kethaka pejba padofam —aech Jesús.

¹⁴ Jesús Dios pejtemplobatat wut, itliakla, nabejkabej, japi mox soepa Jesúsxot. Jesús japi boejthut. ¹⁵ Sacerdotespaklochow, judíos chanaekabuanaribej, taen wuti Jesús isproxan, jawut xabich palalapi Jesúsliajwa. Jumtaenbejpi, yamxi nejlaful wut jum-aechfulprox Jesúsliajwa: "iWajpaklokolan, David pamon, xabich pachaempon!" —aechful wut yamxi Jesúsliajwa. Paklochow japox jumtaen wut, xabich kaes pejme palalapi Jesúsliajwa. ¹⁶ Samata, japi jum-aech Jesúsliajwa:

—¿Xamkat jumtaenam yamxi jum-aechfulprox xamliajwa? —aechi Jesúsliajwa.

Jesús jumnot wut, jum-aechon:

—Diasdo'. Xan chiekal jumtaenx, japi yamxi jum-aechful wut xanliajwa. ¿Xamalkat-is xal joe-emil Dios pejjamechan, chajia lelsprox, jum-aech wut:

'Yamxi, kaes pajampibej, jumchiyaxael pachaempoxan xamliajwa' — aech wut chajia lelsprox xanliajwa? —aech Jesús japi jiwliajwa.

¹⁷ Jawut Jesús waelapon japi jiw Dios pejtemplobatat. Nakoltlison Jerusalén paklowaxxot Betania paklowaxach poxaliajwade. Do jaxot chatuil wut, kawetapi.

Jesús jum-aechprox, higona baechjil wut
(Mr 11.12–14, 20–26)

¹⁸ Kandiawasap wut, xanal, Jesús suapich, pejme falaechx Jerusalén paklowax proxade. Do jawut, Jesús litaxaela, nuamtat fol wut. ¹⁹ Do jawut, taenpon higona nuambabu'tat nuknae. Jawut, Jesús mox itfulaech wut, taenon higona baechjilprox. Xabich pa-uafkalnae jumch. Jawut Jesús jum-aech higonaelija:

—iXam kaes naboexaximil! —aech Jesús higonaelija.

Do jawut, kamta higona selil.

²⁰ Xanal pejnachalwan japox taenx wut, xabich nejchaxoelx. Xanal wuajnachaehtax wut, jum-an Jesúsliajwa:

—iTaem! ¿Ma-aech xotkat kamta higona selil? —an xanal.

²¹ Jesús xanal najumnot wut, jum-aechon:

—Diachwuajnakolax xan jum-an. Xamal chiekal Dios xanaboejam wut, chinax nejchaxoela-emil wut: 'Dios nakajachawaesaxil' —chi-emil wut, nejchaxoelam wut, xamalbej jum-am wut higonaelija, higona selilaxael. Jachiyaxaelbej muaxliajwa. Samata, jumchiyaxaelam wut amramuaxliajwa: 'Muax, iXam amxot napia'e! iXabuam'mik mar poxamik!' —chiyaxaelam wut, diachwuajnakolax muax napiasaxael. ²² Samata, xamal Dios kawuajnam wut, nejchaxoelam wut amrox: 'Diachwuajnakolax Dios nachaxduiyaxael puexa kawuajnaproxat

wəljowxpoʔ —am wut, nejchaxoelam wut, diachwəajnakolax xamal Dios chaxduiyaxael puexa kawəajnamproxan —aech Jesús xanalliajwa.

Jesús wəajnachaeamtaspoʔ, achan to'aspon choef mowapi nakolax to'aliajwapon Dios pejtemplobatat

(Mr 11.27–33; Lc 20.1–8)

²³ Do japoxxwəx, Jesús, xanal səapich, pejme patx wut, xanal lowx Dios pejtemploba. Jaxot Jesús jiw naewəajan. Naewəajan wut, sacerdotespaklochow, judíos-ancianosbej, mox soepapi wəajnachaemsliajwa Jesús. Japi jəm-aech:

—¿Achankat xam to'a choef mowapi nakolax to'aliajwam tathoetade Dios pejtemplobaxot? —aechi.

²⁴⁻²⁵ Jesús jəmnot wut, jəm-aechon:

—Xanbej kaeyax xamal wəajnachaemsaxaelen. ¡Majt chiekal najəmno'e! ¿Achankat Juan to'as jiw bautisafələliajwa? ¿Japoxkat Juan pajut isful? O, ¿Dioskaton to'as? O, ¿japoxkaton isful, jiw to'as xot? Xamal chiekal xan najəmnotam wut, ja-aech wut, xanbej chiekal jəmnosaxaelen xamal nawəajnachaeamtampoxliajwa —aech Jesús.

Do jawut, japi nakaewa najəm-aech: “Xatis jəmnoch wut, ‘Juan Dios to'as xot, jiw bautisafəl’ —tis wut, Jesús nakjəmchiyaxael: ‘¿Ma-aech xotkat xamalbej naexasisfəla-emil Juan jəm-aechfələpoʔ?’ —nakchiyaxael Jesús xatisliajwa. ²⁶ Jəmtis wətlax: ‘Juan jiw to'as jiw bautisafələliajwa’ —tis wut, jiw xabich palalaxael xatisliajwa, puexa jiw jəm-aechfələxot Juanliajwa: ‘Diachwəajnakolax Juan, jiw bautisan, jəm-aechfələ Dios pijaxtat’ —aechfələ xot xabich jiw” —aech paklochow nakae-waliajwa. Samata, japi paklochow xabich pejlewla japoxx jəmchiliajwa.

²⁷ Do jawut, japi jəm-aech Jesúsliajwa:

—Jalape. Xanal matabija-enil, achan Juan to'as jiw bautisafələliajwa —aechi.

Do jawut, Jesús jəm-aech japiliajwa:

—Xanbej jəmchiyaxinil xamalliajwa, achan xan nato'a japoxx isliajwan —aech Jesús sacerdotespaklochowliajwa, judíos-ancianosliajwabej.

Aton kolenjepox paxulan

²⁸ Do jawəx, Jesús wəajnachaeamt sacerdotespaklowchow, judíos-ancianosbej. Jəm-aechon:

—¿Achaxkat xamal nejchaxoelam amprawəajanliajwa? Kaen aton kolenje paxulan. Japon jəm-aech kaen paxulanliajwa: ‘Wəa, ¡xabəa'de amwut taj-uwalul poxade nabichliajwam!’ —aech pax paxulanliajwa.

²⁹ Paxulan jəmnot wut, jəm-aechon paxliajwa: ‘Ax, xan fəlaeyaxinil nabichliajwan’ —aechon paxliajwa. Pe baxael, japon ow-aech. Dolison fəlaech pax pej-uwalul poxade nabichliajwa. ³⁰ Do jawəx, japon jəm-aech asan paxulanliajwa: ‘Wəa, ¡xambej xabəa'de taj-uwalul poxade nabichliajwam!’ —aech pax asan paxulanliajwa. Japon jəmnot wut, jəm-aechon paxliajwa: ‘Ow, ax. Xan fəlaeyaxaelen nabichliajwan’ —aechon paxliajwa. Pe japon fəlae-el. Kawetapon asbəan jəmch batat.

³¹ ¿Achankat japixot kolenje is pax nejxasinkpoʔ? —aech Jesús.

Naeweti jəmnot wut, jəm-aechi:

—Matxoela-ow-aechpon. Japon is pax nejxasinkpoʔ —aechi.

Jawut Jesús jəm-aech:

—Diachwəajnakolax xan jəm-an. Babejchow, impuesto mat-omwəljoew Roma gobiernoliajwa, watho', poejiw bə'moejtibej

kanaliajwa plata, japi japoxan kofa wut, pasaxaeli Diosxotse, xanaboefajful xoti Dios. Pelax xamal pasaximil Diosxotse, xanaboefaj-emil xot Dios, kofa-emil xotbej babijaxan isfulampoxan. ³² Juan, jiw bautisan, naewhajan jiw chiekal duilafalialajwa Diosliajwa. Pe xamal naexasis-emil japon jum-aechpoxan, japon naewhajanpoxanbej. Me-ama wachakalpijin naexasis-el pax to'aspox isliajwapon, xamalbej ja-am. Asewlax, impuesto mat-omwuljoew, watho'bej, asew poejiw bu'moejtpi, japi naexasit Juan naewhajanpox. Xamal taenam wut, japi naexasitpox Juan naewhajanpox, nejchaxoela-emil xamal kofaliajwam babijaxan isampoxan, Juan jum-aechpox naexasisliajwam —aech Jesús sacerdotespaklochowliajwa, judíos-ancianosliajwabej.

Pamak babejchowpox

(Mr 12.1–12; Lc 20.9–19)

³³ Jesús naewhajan wut, sacerdotespaklochow, judíos-ancianosbej, japi-lialajwa pejme jum-aechon whajantat: “iNaewe'e asawhajan! Kaen aton uva mutha. Do jawux, uvalul chaxajjalalon ia'tat. Isbejpon uva-ufan jukax uvalulxot. Do jawux, isbejpon japalultat cha-aelbach, athupox, uvalul tataeflialajwa, uva foi wut. Do jawut, uvalulpijin asew jiw pamakjiwliajwa wuljaeton pejlul piach wetataeflialajwas, japon pejwulela. Japi bu'pat wut, jum-aechon japijiajwa: ‘Xan fulaeyaxaelen asatwajnulel atwaj. Xan ajnil wut, itajlul xamal chiekal nawetataefulde!’ —aech uvalulpijin. Do jawux, chijialison. ³⁴ Do baxael, uva foi wut, uvalulpijin asew pamak to'a wewuljaesliajwas uva, japon pejewpi. ³⁵ Pe fulalaenapi uva wuljaesliajwa, japi jaelas tataefulpi uvalul. Fulalaenpixot asew baes. Asew tup. Asew ia'tat dadaps wut, matkaejabas. ³⁶ Ja-aech wut, uvalulpijin kaes pejme to'aful pamak uvalul tataefulpi poxade. Pe japi fulalaena wut, japipej jaketis.

³⁷ “Do baxael, uvalulpijin to'a paxulan. Japon uvalulpijin nejchaxoel: ‘Uvalul tataefulpi diachwhajnakolax bej nawesitaeyaxaelbejpi taxulan’ —aechon, nejchaxoel wut. ³⁸ Pe uvalul tataefulpi taen wuti uvalulpijin paxulan, nakaewa najum-aechi: ‘iTae'nik uvalulpijin paxulan! Asamatkoi pax naetup wut, uvalul japon pijax wulxael. Samata, ma amwut xatis ampon boesaxaes, uvalul wajkal chiekal namanaliajwa’ —na-aechi nakaewa. ³⁹ Japon pat wut uvalul tataefulpixot, jawut jaeltason. Do jawut, juchpon uvalulxot. Do jawutbej, boesaspon” —aech Jesús, japawhajantat naewhajan wut sacerdotespaklochowliajwa, judíos-ancianosliajwabej.

⁴⁰ Do pejme Jesús jum-aech japijiajwa:

—Uvalulpijin fulaen wut, zachaxkaton isaxael uvalul tataefulpilialajwa? —aech Jesús japijiajwa.

⁴¹ Jumnot wut, jum-aechi:

—Uvalulpijin, japon beyaxael beltae-elaxtat uvalul tataefulpi, babejchow. Do jawux, to'axaelon asew jiw japa-uvalul wetataeflialajwas. Japilax, uva foei wut, kaewaechful wut, wewoeyafulaxael uvarpijin pejewpi —aech japi jiw, jumnot wuti Jesúsliajwa.

⁴² Do jawut, Jesús jum-aech:

—Xamal matabijam, Dios pejjamechan, chajia lelspon, jum-aech wut, jum-aechox xanliajwa:

‘Jiw ia'ba is wut, kaet ia'tliajwa nakaewa najum-aechi: “Ampot ia't chaemil” —na-aechi nakaewa. Do jawux, asan aton japot ia't fit

wut, jum-aechon: “Ampot ia't, puexa ia'xot, kaes pejme pachaem tʉakso'pijtaliajwa, ba chiekal mamnikaliajwa” —aech japon aton. Me-ama ampox, jasox Dios is Mesiasliajwa. Wajpaklon Dios jasox is xatis weliajwas Mesias pijaxtat. Samata, japox xabich pachaem xatisliajwa' —aech Dios pejjamechan, chajia lels wut xanliajwa.

⁴³ Samata, xamal jum-an. Xamal xan nanaexaxis-emil xot, Dios tapaeyaxil xamal tato'laliajwam asew jiw. Dioslax tapaeyaxael asew jiw tato'laliajwapi asew jiw, japi jiw isfal Dios nejxasinkpoxan. [⁴⁴ Jiw fiap wut ia't pinjixot, xabich naxthuya wut, xabich naxkolaxaelbejpi. Pelax kaet ia't, pinjit, athasik, jiw matwʉajasik jopik wut, ja-aech wut, japi jiw chiekal matkaeyaxaes. Jasoxtat xamal nabijasaxaelam, xan nanaexaxis-emil xot, xan nanejwesla xotbej. Dios xamal kastikaxael infiernoxtodik pomatkoichaliajwa] —aech Jesús sacerdotespaklochowliajwa, judios-ancianosliajwabej.

⁴⁵ Do jawut, sacerdotespaklochow, fariseosbej, jumtaen wuti uval-ulwʉajan, ia'wʉajanbej, japi pajut matabija, Jesús japoxan jum-aech wut, jum-aechon japiliajwa. ⁴⁶ Samata, jawut jaelsasiapi Jesús jiw jebatat jeliajwa. Pe paklochow xabich pejlewla judiosliajwa, judios nejchaxoel xot: “Jesús Dios pejprofeta” —aech xoti, nejchaxoel wut. Samata, paklochow nejchaxoel: “Jesús jaeltas wut, jiw bej nakbeyaxaelbej” —aechi, nejchaxoel wut.

22

Rey pinjiyax fiesta is wut paxulan nakjiyaponliajwa, xabich jiw tadutpox

(Lc 14.15–24)

¹ Jesús pejme jum-aech wʉajantat jiwliajwa:

² “Dios puexa pejjiw tato'alpox, me-ama rey fiesta is wut paxulan nakjiyaponliajwa, ja-aechox. ³ Rey to'a pamak chajia taduchpi buflaeliajwa fiesta poxadin. Chajia taduchpi kaenanula jum-aechi asbuan jumch: ‘Xan fulaeyaxinil’ —aechi kaenanula. ⁴ Samata, rey pejme asew pamak to'a chajia taduchpi jumchiliajwa japi fulaeliajwa fiesta poxadin. Pamak to'aliajwa wut, jum-aechon pamakliajwa: ‘iChajia tadutxpi jum-amo: “Naxaeyaxan chiekal ketoetx fiestaliajwa. Keto'ax pak xʉa'asax, jelti'tpi, chiekal dalpi. Puexa chiekal ketoetx. Pe xaeyaxkal we'p. ¡Ma amwut nej xabuata taxulan, nakjiyapon, pejfiesta nakxaeliajwapi!” —amo chijia tadutxpi!’ —aech rey, pamak to'a wut. ⁵ Rey pamak pat wut chajia taduchpixot, japi jum-aech rey buxto'aspox. Pe chajia taduchpi owchi-el. Kaen chajia taduchpon, japon fulaech pejlulan poxade. Asanbej japixot fulaech pejew negocios poxade. ⁶ Chajia taduchpixot, asew jaelapi rey pamak. Do jawut, baesbejpi. Asew tʉp japixot, baes wuti. ⁷ Do jawut, rey xabich palala. Samata, rey to'a pejsoldaw beliajwas pamak webaespi, pejbachan welausliajwasbejpi. Jasox is rey pejsoldaw. ⁸ Do jawux, rey jum-aech asew pamakliajwa: ‘Puexa chiekal ketoech taxulan nakjiyapon pejfiestaliajwa. Matxoaletadutxpi wepachaema-esal taxulan pejfiesta naktaeliajwa. ⁹ Samata, ixabʉa'de paklowaxthialaxan poxade! Jaxotde jiw taenam wut, jtadu'e taxulan pejfiesta naktaeliajwapi!’ —aech rey, pamak to'a wut. ¹⁰ Do jawut, rey pamak fulaechlisi paklowaxthialaxan

poxade. Jaxotde xabich jiw faeki. Do jawut, buflaeni jiw pachaempi, babejchowbej. Do jawut, ba jiw xabich wuluk.

¹¹ “Do jawut, rey low puexa jiw taeliajwa. Jawut rey taen kaen aton, japon naxoela-el tuch sumta-otox, nakjiyapon pejfiesta naktaeliajwa wut naxoelox. ¹² Rey jum-aech japon atonliajwa: ‘Taj-aton, ¿ma-aech xotkat xam naklowam taxulan pejfiesta naktaeliajwam, naxoela-emil wut tuch sumta-otampox fiesta naktaeliajwam?’ —aech rey japon atonliajwa. Pe japon boejlach nuk. ¹³ Do jawut, rey jum-aech pamakli-ajwa: ‘¡Ampon aton muaxwasikuim! ¡Tuakwasikuimbejpon! Do jawut, ¡fo'impon tathoetade, itkutax poxade! Jaxotde xabich jiw noeyaxael. Bua'tatisaxaelbejpi, xabich nabijat xot’ —aech rey japon atonliajwa. ¹⁴ Jasoxtat xabich jiw taduchpi. Pe kaesupich jiw makanoch duilaliajwa Diosxotse” —aech Jesús jiwliajwa.

Impuesto mosaxliajwa, Jesús wuajnaemtaspox
(Mr 12.13–17; Lc 20.20–26)

¹⁵ Do jawux, fariseos natameja wut, kaenejchaxoelax wuajnaemsliajwapi Jesús, Jesús asaxtat jumnot wut japi tasalaliajwa japoxtat. ¹⁶ Samata, fariseos buxto'a asew japixot, asew jiwbej, Herodes pejmupijiwpi, Jesús poxade. Pat wuti Jesúsxot, jum-aechi:

—Jiw chanaekabuanan, xanal matabijax, xam diachwuajnakolax chiekal jum-am. Naewuajnambej diachwuajnakolaxpox jiw chiekal duilaliajwa Dios nejxasinkpoxtat. Xam nejlewla-el paklochow nejchaxoelproxliajwa jiw naewuajnamproxliajwa. Samata, puexa jiw chiekal najupanaewuajnam. ¹⁷ Samata, xanal chiekal matabijasian. ¿Pachaemkat xatis mosliajwas impuesto Roma tuajnujijiw tato'lanliajwa? O, ¿mosaxisalkat? —aechi Jesúsliajwa.

¹⁸ Jesús pajut matabijit xapaetaspox. Samata, jum-aechon:

—¡Xamal jiw naekichachajbapijwam! ¿Ma-aech xotkat naxapaetam?

¹⁹ ¡Na-itpaem kaekafef, japoxtantat impuesto motampi! —aech Jesús.

Do jawut, xalaenlisi kaekafef Jesúslel. ²⁰ Jesús japi wuajnaem wut japakafefliajwa, jum-aechon:

—¿Achan pejxu-aelkat ampakafetat? ¿Achan pejwulbejkat ama lespox? —aech Jesús.

²¹ Japi jumnot wut, jum-aechi:

—Roma tuajnujijiw tato'lan, japon pejxu-ael, pejwulbej —aechi.

Samata, Jesús jum-aech:

—¡Japon pejewpi, japon chaxduim, impuesto motam wut! ¡Pe Dios pejewpi, Dios chaxduim! —aech Jesús, fariseosliajwa, Herodes pejmupijiwpijiajwabej.

²² Japox jumtaen wuti, xabich nejchaxoelanuili, Jesús chiekal jumnot xot. Samata, jawut jaxot waeltlisipon.

Asamatkoi mat-eyaxaespox tupi, pejme duilaliajwa
(Mr 12.18–27; Lc 20.27–40)

²³ Do jawuxbej, kaesupich saduceos pat Jesúsxot wuajnaemsliajwapi Jesús. Puexa saduceos nejchaxoel: “Jiw tup wut, kaelel chiekal napelt. Asamatkoi mat-eyaxisal pejme duilaliajwa” —aechi, nejchaxoel wut. ²⁴ Samata, jawut saduceos jum-aech ampawuajan Jesúsliajwa:

—Jiw chanaekabuanan, Moisés chajia lelpox jum-aech: 'Aton pijow naxuwla-elaxtat naetup wut, patupan pakoewan naman wut, japon japow fisaxael. Ja-aech wut, japon naxuwla-xael japowtat, pakoewan taponliajwa' —aech Moisés chajia lelpox. ²⁵ Xanalxot majt kaen aton duk. Japon siete pakoew. Matxoelapijin pawis fit. Pe baxael, japon tup naxuwla-elaxtat pijowxot. Do jawut, wuchakalpijin japow fit, pakoewan naetupow. ²⁶ Pe baxael, japonbej, tup naxuwla-elaxtat japowxot. Do jawut, trespijin japow fit. Pe japonbej tup naxuwla-elaxtat japowxot. Jasox ja-aech japi sietepiliajwa. ²⁷ Chinax kaen japixot naxuwla-el japowtat. Do jawux, taxdukakolaxtat japowbej tup. ²⁸ Puexa japi poejiw nakjiya japowtat. Tupi mat-ias wut, ¿sietepixot, achankat japow pijwaxael? —aech saduceos Jesúsliajwa. ²⁹ Jesús jumnot wut, jum-aechon saduceosliajwa:

—Xamal japox jum-am wut, nejmach jum-amslapam, matabija-emil xot Dios pejjamechan, chajia lelspx. Matabija-emilbej Dios xajupprox puexa isliajwa. ³⁰ Tupi mat-ias wut pejme duilaliajwa, poejiw, watho' suapich, pejme nakjiyaxil. Me-ama Dios pej-ángeles Diosxotse nakjiya-el, jachiyaxael japi jiw. ³¹ Tupi mat-eyaxaes pejme duilaliajwa. ¿Xamalkat xaljoe-emil, Dios pajut jum-aech wut chajia lelsxot? ³² Dios amprox jum-aech Moisésliajwa: 'Xan amwutjel Abraham, Isaac, Jacobbej, japi pej-Diosnan' —aech Dios. Samata, xatis chiekal matabijas, asamatkoi tups wut pejme duilaxaespx. Chiekal matabijasbej, wajwujnapijiw, chajia tupi, japi napels-el. Samata, Abraham, Isaac, Jacobbej, japi amwutjel Diosxotse duilaful —aech Jesús saduceosliajwa.

³³ Jiw japox jumtaen wut, xabich nejchaxoelanuili Jesús jum-aechproxliajwa.

*Dios pejtato'laxanxot, masox kaes pejme pachaem
(Mr 12.28–34)*

³⁴ Do jawut, fariseos natameja, wultaen wuti saduceos boejlach nuilpox, Jesús chiekal jumnot xot. ³⁵ Do jawux, fariseos matabija isax-aelpox Jesúsliajwa. Samata, kaen japixot, judíos chanaekabuanan, to'api Jesús poxaliajwade. Do pat wuton Jesúsxot, jawut wujnachaemton xapaejsliajwapon Jesús.

³⁶ Jum-aechon Jesúsliajwa:

—Jiw chanaekabuanan, Dios xabich tato'al jiw naexaxisliajwa. ¿Achatato'laxxotkat kaes pejme pachaem Dios tato'alpox jiw naexaxisliajwa? —aech judíos chanaekabuanan.

³⁷ Jesús jumnot wut, jum-aechon:

—Moisés chajia lelpox jum-aech: '¿Chiekal nejxasinkde Dios nejpak-
lokolan! ¡Nejxasinkdebej Dios puexa nejnejchaxoelaxtat, puexa nej-
matpuatatbej!' —aechox. ³⁸ Japoxlap kaes pejme pachaem jiw naexas-
isfulaliajwa. ³⁹ Asawujajan, wuchakal pejuwujajan, Dios tato'alpox, japox
pachaembej jiw naexaxisfulaliajwa. Japawujajan jum-aech: '¿Chiekal
nejxasinkde asew jiw! Me-ama xam najut nanejxasinkam wut, jachiyax-
aelam asew jiwliajwa' —aech Moisés chajia lelpox. ⁴⁰ Japox kolewujajan,
Dios tato'alpoxan, xabich pachaem jiw chiekal naexaxisfulaliajwa.
Puexa Moisés chajia lelpox pachaem, Dios pejprofetas lelpoxanbej.
Japawujajan naknaewujajan, machiyaxaes Dios nejxasinkaliajwas, asew
jiwbej —aech Jesús judíos chanaekabuananliajwa.

Cristo, rey David pamonpox, pe Cristo paklonbej Davidliajwa

(Mr 12.35–37; Lc 20.41–44)

⁴¹⁻⁴² Fariseos natameja wutfuk, Jesús wuajnaem wut, jum-aechon japiliajwa:

—¿Xamal achaxkat nejchaxoelam Mesíasliajwa? ¿Achankat Mesías pam? —aechon.

Fariseos jumnot wut, jum-aechi Jesúsliajwa:

—Rey David, japon Mesías pam —aechi.

⁴³ Do jawut, Jesús jum-aech:

—Ja-aech wut, ¿ma-aech xotkat rey David Mesíasliajwa Espíritu Santo pijaxtat jum-aechkat: ‘Tajpaklon’ —aechkat rey David Mesíasliajwa? Rey David chajia jum-aech:

⁴⁴ Dios naksiya wut tajpaklokolanliajwa, jum-aechon: “¡Ekde tajpoklalel jiw tato'laliajwam, xan suapich! Ekam wutfuk, xan malechaxaelen nadaelmajiw. Malechax wut nadaelmajiw, japi jiw xam naexasisfulaxael, xam tato'lampox” —aech Dios tajpaklokolanliajwa’ —aech rey David chajia lelox, jum-aech wut Mesíasliajwa.

⁴⁵ Rey David chajia jum-aechbej Mesíasliajwa: ‘Tajpaklon’ —aech rey David. Samata, Mesías rey David pamonkala-elon. Pebej Mesías paklon rey Davidliajwa —aech Jesús fariseosliajwa.

⁴⁶ Do jawut, fariseos matabija-el, machiyaxaeli, jumnosliajwa wuti Jesús. Do jawuxbej, pejlowlalisi kaes wuajnaemsliajwapi Jesús.

23

Jesús jum-aechpox jiw matabijaliajwa fariseos, judíos chanaekabuapibej, pejbun wuajanpox

(Mr 12.38–40; Lc 11.37–54; 20.45–47)

¹ Do jawux, Jesús jum-aech jiwliajwa, xanal pejnachalwanliajwabej: ² “Judíos chanaekabuapibej, fariseosbej, japi jiw chanaekabuana Moisés chajia lelpox. Japox japi pejbichax. ³ Samata, xamal naexasisfulde japi naewuajanpox, naewuajan wuti Dios pejjamechan, Moisés chajia lelpoxliajwabej! ¡Isfulde puexa japi tato'alpoxan! ¡Pe nabej is japi pajut ispoxan! Japi pajut is-el xamal naewuajanpoxan. Japi asaxan isfullax. ⁴ Japi xabich jiw tato'al jiw naexasisliajwa Dios tato'alpoxan. Japoxan xabich tampoel jiwliajwa. Japi paklochow pajut japoxan naexasis-el. ⁵ Puexa japi ispoxan is asew jiw asbuan jumch taeliajwas. Japi nejxasink pejmaktat duiliajwa cha-aelcajax, pakbu'cajax. Nejxasinkbejpi pejmuxaxanxot kuiliajwa japoxan. Japacajaxtat jiapi kaesupich Moisés chajia lelpox. Nejxasinkbejpi naxoeliajwa pakchowaxan. Pejtuakji'anxot wewe'pas pejnaxoe. Pejnaxoe makmatduilxot baels, mwarixan, jasi, puexa jiw chiekal taeliajwas. ⁶ Nejxasinkbejpi chalakaliajwa kaes pejme pachampoxantat, fiestanxot wut. Judíos naewuaj nabachantat wutbejpi, japi majt chalak tua-ekaxantat, kaes paklochowpi chalakaxaelpoxantat. Japoxantat chalaki puexa jiw sitaeliajwas. ⁷ Nejxasinkbejpi, jiw saludaliajwas xabich sitaeyaxtat, paklowaxthialaxanxot xabu'kulas wuti. Nejxasinkbejpi, jiw saludas wut jumchiliajwas: ‘¡Moi, jiw chanaekabuapibej!’ —chiliajwaspi” —aech Jesús jiwliajwa, xanal pejnachalwanliajwabej.

⁸ Jesús kaes jum-aech jiwliajwa, xanal pejnachalwanliajwabej: “Pe xamal, xan nanaexasitam xot, me-ama nakoewkolnan wut, ja-an xamalliajwa. Xanlap nejchanaekabuananan kaekolnan. Samata, asew jiw xamalliajwa jumchiyaxil: ‘jMoi, jiw chanaekabuanan!’ —chiyaxil. ⁹ Xamal kaekolan nej-ax, athuxotsepon. Japon nej-ax Dios. Samata, ampathatat Dios pejjamechan xamal naewuajan wut, xamal jumchiyaximil nej-axkolna-elponliajwa: ‘Ax’ —chiyaximil. ¹⁰ Xan kaenan Cristowan, nejpaklokolan. Samata, asew jiw xamalliajwa jumchiyaxil: ‘Tajpaklokolan’ —chiyaxil xamalliajwa. ¹¹ Nejxasinkam wut asew jiw xamal sitaeliajwa, japi majt kajachawae! Ja-aech wut, xamal sitaeyaxael jiw. ¹² Nejmachjiw nejchaxoel wut pajutliajwa: ‘Xanal kaes pejme pachaeman. Me-ama asew jiw, jachi-enil’ —aech wuti pajutliajwa, asamatkoi Dios jumchiyaxaesi: ‘Xamal kaes pejme pachaema-emil’ —chiyaxaesi. Pe asew jiw lax nejchaxoel wut pajutliajwa: ‘Xanal kaes pejme pachaema-enil. Me-ama asew jiw, jachi-enil’ —aech wuti pajutliajwa, asamatkoi Dios japi jiw jumchiyaxaesi: ‘Xamal pachaemam. Me-ama asew jiw, jachi-emil’ —chiyaxaesi” —aech Jesús jiwliajwa, xanal pejnachalwanliajwabej.

¹³ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Xabich kaes pejme chaemilaxael xamalliajwa. Xamal naewuajnampoxantat, me-ama faka'am jiw pas-elaliajwa Diosxotse. Xamalbej najut pasaximil jaxotse. Tapae-emilbej asew jiw pasasiapi pasliajwa Diosxotse.

¹⁴ [“Xamal naekichachajbam watho’, pamaljiw naetupspi, wenosliajwam puexa japi pejewpi. Do jawux, judíos naewuajnaba lowam Dios piach kawuajnalijwam, asew jiw xamal taen wut jumchiliajwa xamalliajwa: ‘Diachwuajnakolax ampi xabich pachaem’ —chiliajwa jiw xamalliajwa. Samata, kaes pejme chaemilaxael xamalliajwa, Dios jiw kastika wut” —aech Jesús japox judíos chanaekabuanapiliajwa, fariseosliajwabej.]

¹⁵ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Xamalliajwa xabich kaes pejme chaemilaxael, Dios jiw kastika wut. Nanuamtam potuajnucha faekaliajwam judíos-eli japi nejnachalaliajwa. Asew faekam wut, naewuajnam matabijampoxankal. Japanaewuajnahtat japi jiw kaes pejme chaemil. Me-ama xamal, jachi-eli. Samata, japi asamatkoi tap wut, pelsaxaeks inferno poxadik” —aech Jesús japox judíos chanaekabuanapiliajwa, fariseosliajwabej.

¹⁶ Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, me-ama itliaklawam wut, ja-am. Dios pejjamechan naewuajnam wut, xamal jum-am, chiekal matabijslaxtat: ‘Aton jumdut wut Dios pejtemplobapijaxtat, japajumduxax pa-omsa-el. Pe aton jumdut wut lax orotat, Dios pejtemplobatpox, japajumduxaxlax xabich pa-om’ —am xamal chiekal matabijslaxtat. ¹⁷ Jasoxtat xamal jiw naewuajnam wut, me-ama nejliaklawam, itliaklawambej, ja-am, matabija-emil xot diachwuajnakolaxpox. ¿Achaxkat kaes pejme jiw sitaeyaxael? ¿Oro, Dios pejtemplobatpox? O, ¿Dios pejtemploba? Jiw kaes sitaeyaxael Dios pejtemploba. Jiw sitaen japa-oro, Dios pejtemplobapijax xot.

18 Xamal chiekal matabijslaxtat jum-ambej: ‘Aton jumdut wut altartat, japajumdux omjil. Pelax japon jumdut wut Dios pej-ofrendat, okpox altarmatwujtat, japajumduxlax xabich pa-om’ —am xamal chiekal matabijslaxtat. 19 ¿Achaxkat jiw kaes pejme sitaeyaxael? ¿Dios pej-ofrenda, altarmatwujtat okpox? O, ¿Dios pej-altar, Dios pejttemplobatpox? Jiw kaes sitaeyaxael Dios pej-altar. Me-ama Dios pej-ofrenda altarmatwujtat okpox, sitaen wut, jachiyaxil. 20 Aton jumdut wut altartat, japon jumdux-el altartatkal. Jumdutbejpon puexa japaltarmatwujtat oelpitatbej. 21 Aton jumdut wut Dios pejttemplobat, jumdux-el Dios pejttemplobatkal. Jumdutbejpon Diostat, Dios duk xot japatemplobat. 22 Aton jumdut wut thatbaxotat, japon jumdutbej Dios pejtua-ekaxtat, Diostatbej, Dios pajut ek xot japatua-ekaxtat” —aech Jesús japox judíos chanaekabuanapiliajwa, fariseosliajwabej.

23 Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Di-ajkam Diosliajwa puexa nejew. Nejew diez wut, kaeyax diajnam Diosliajwa. Xamal diajkambej xabich cha-aexpi, naxaeyaxan matthol-spoxan. Pelax naexaxisfula-emil asaxan, kaes pejme pachaempoxan xamal isfulaliajwam. Japoxan naexaxisfulaxaelam wut, isfulaxaelam pachaempoxan asew jiwliajwa. Asew jiw beltaeyaxaelambej. Chiekal duilafulaxaelambej kichachajba-emilpoxtat. Japoxan isfulam wut, kofaximil diajkampox nejew Dios pej-ofrendaliajwa. 24 Xamal paklochwam, me-ama itliaklawam wut, ja-am, nejchaxoelafulam xot kaes pachaema-elpoxan. Xamal nejchaxoelafula-emil kaes pejme pachaempoxanlax” —aech Jesús japox judíos chanaekabuanapiliajwa, fariseosliajwabej.

25 Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xabich xamal kastikaxael. Xamal xaeliajwam wut, majt xabich piach fuletletlan tasfachan, platfachanbej, xabich kiatam. Pelax kias-emil patulelan. Xamal, me-ama japatafachan, platfachanbej, ja-am, nejnejchaxoelaxan, me-ama xabich asda’nik xot. Xamal asbuan jumch babijaxan isfulam. Nejchaxoelafulambej kenosliajwam asew jiw pejew. 26 Xamal fariseos, matabijslaxtat jum-am xot, nejnejchaxoelaxantat, me-ama itliaklawam wut, ja-am. ¡Majt nejchaxoelde pachaempoxan! Do ja-am wut, xamal isfulampoxan pachaemaxael Diosliajwa” —aech Jesús japox fariseosliajwa.

27 Jesús pejme jum-aech judíos chanaekabuanapiliajwa, fariseosliajwabej: “Xamal judíos chanaekabuanapijwam, xamalbej fariseos, jiw naekichachajbam. Samata, Dios xamal xabich kastikaxael. Diachwujnakolax xamal jiwam pachaema-emil. Xamal, me-ama patupamuthan wut, ja-am. Patupamuthan thuch matjoelas wut papoei, me-ama pachaem wut, kabuan-aech. Pe funiachdik xabich chaemil. Japamuthanxotdik patupa xoep pathikal namaeliajwa. 28 Xamal paklochwam, ja-ambej. Jiw xamal taen wut, me-ama pachaemam wut, pakabuan-am. Pe xabich nejchaxoelam jiw naekichachajbaliawam. Nejchaxoelambej asaxan, chaemilpoxan, isfulaliajwam jiwliajwa” —aech japox Jesús judíos chanaekabuanapiliajwa, fariseosliajwabej.

²⁹ Jesús pejme jum-aech judíos chanaekabuanapiliajwa, fariseosliawabej: “Xamal judíos chanaekabuanapijwam, xamalbej fariseos, jiwlis naekichachajbam. Samata, Dios xamal xabich kastikaxael. Diachwuanakolax xamal jiwam pachaema-emilpim. Chajiakolaxtat Dios pejprofetas, baespi, japi pejmuthanmatwujtat, xamal cha-aelbax isam, a sew jiw japoxan taen wut nejchafaekaliajwa. Chajiakolaxtat jiw tupi, japi pachaempi a sew jiwliajwa, japi pejmuthanbej chamuthachaemtam a sew jiw matabijaliajwa, taen wuti japamuthan. ³⁰ Do jawux, japoxan, koloeyaxan, isax ketoetam wut, xamal jum-am: ‘Wajwuanapijiw suapich, chajiakolaxtat xanal duilaxaelen wut, xanal kajachawaesaxinil, japi babejchow ba wuti Dios pejprofetas’ —am xamal. ³¹ Japoxan xamal jum-am wut, najut chiekal jum-am, Dios pejprofetas bapi, japi pamojiwampox. ³² Nejwuanapijiw babijax isax tuadutpox, xamal chiekal toe'e!’ —aech Jesús japox judíos chanaekabuanapiliajwa, fariseosliawabej.

³³ Jesús pejme jum-aech judíos chanaekabuanapiliajwa, fariseosliawabej: “¡Xamal xabich chachoelam! Me-ama jom, ja-am! Ja-am wut, zmachiyaxaelamkat xamal weliajwam infiernoxotdik kastika-elaliajwa xamal? ³⁴ Samata, xan to'axaelen Dios pejprofetas xamal poxade, matabijsbej, judíos chanaekabuanapibej, xamal naewuanaliajwapi. Pe xamal a sew japixot beyaxaelam. A sew japixot kematamatlaxaelambej cruztat. A sew japixot selsaxaelam nejnaewuanabachanxot. A sewbej japixot dukp wut, nakiowa wulwekafalaxaelam paklowaxanxot, japi chakifolam wut. ³⁵ Jasoxtat xamal xabich nejba'wuanaxael puexa pachaempi beyaxaespoxtantat. Samata, Dios xamal kastikaxael. Chajiakolaxtat nejwuanapijin, Caín, boesa Abel. Do jawux, a sew nejwuanapijiw, japibej beful a sew jiw, pachaempi. Do baxael, a sew nejwuanapijiw, japibej boesa Zacarías, japon Berequías paxulan. Japon Zacarías boesas temploba tathoetat, altar moxot. ³⁶ Diachwuanakolax xan jum-an. Xamal amwutjel laelpampim, nejwuanapijiw xabich jiw befulpoxtat Dios xabich kastikaxael xamal” —aech Jesús japox judíos chanaekabuanapiliajwa, fariseosliawabej.

*Jesús xabich nejxaejwaspox Jerusalén paklowaxpijiwliajwa
(Lc 13.34–35)*

³⁷ Jesús xabich nejxaejwas, nejchaxoel wut Jerusalén paklowaxpijiwliajwa. Samata, jum-aechon: “Xamal, Jerusalén paklowaxpijwam, Dios pejprofetas beflam. A sew xamalxot ia'tat dadapam, Dios buxto'aspi xamalxot. Me-ama kawaema paxi pejba'buxfaltat tameja, xan jachisian xamal bu'weliajwan. Pelax xamal xan nanejwesla. ³⁸ ¡Chiekal najumtaem! Nejpaklowaxxot Dios kaes jaxotaxil. Kaes kajachawaesaxilbejpon xamal. ³⁹ Ma amwut, xamal kaes nataeyaximil. Xan pejme patx wut, jawut xamal jumchiyaxaelam xanliajwa: ‘¡Dios nej kajachawaesas fulaenpon Dios pijaxtat!’ —chiyaxaelam, pejme nataeyaxaelam wut” —aech Jesús, nejxaejwas wut Jerusalén paklowaxpijiwliajwa.

24

*Jesús jum-aechpox Dios pejtemploba toesaxaespoxlialjwa
(Mr 13.1–2; Lc 21.5–6)*

¹ Jesús nakolt wut Dios pejtemplobaxot, atuxach fulaech wut, xanal, pejnachalwan, mox soepax japonxot. Do jawut, xanal Jesús jum-an:

—¡Taem Dios pejtemploba, asabachan, pinabachanbej, moxchalak-bachan! —an xanal.

² Do jawut, Jesús jum-aech xanalliajwa:

—Diachwajnakolax xan jum-an. Xamal taenambachan, temploba-bej, puexa jarabachan asamatkoi chiekal toesaxaes. Chinax kaet ia't namanaxil nakae-ia'tmatwajtat —aech Jesús.

That toepax mox pawajna wut, majt matxoela jachiyaelpoxan
(Mr 13.3–23; Lc 17.22–24; 21.7–24)

³ Do jawux, xanal fulaechx, Jesús swapich, Olivonaechanmnaax poxade. Pa'ax wut, Jesús ek mnaaxot. Xanal tajkalan wut, mox soepax Jesús wajnachae msliawjan. Do jawut, wajnachae mtax wut, jum-an:

—Jiw chanaekabnanean, ¡xanal nachanaekabnanim! ¿Maswutkat japox jachiyaxael xam jum-amprox Dios pejtemploba toesaxaesproxliajwa, asabachanbej? ¿Achaxkat xanal taeyaxaelen, mox pawajna wut, xam pejme pasliajwam wut? ¿Achaxbejkat xanal taeyaxaelen mox pawajna wut, that toepaliajwa wut? —an xanal Jesúsliajwa.

⁴ Jesús jumnot wut, jum-aechon:

—¡Chiekal taem asew jiw xamal naekichachajabasamata! ⁵ Xabich jiw fulaeyaxaen. Japi kaenanula pajut najumchiyaxael: 'Xan Cristowan' —nachiyaxaeli. Pe japi Cristowaxil. Jasoxtat xabich jiw naexaxisaxaesi, naekichachajba wut jiw. ⁶ Asamatkoi, xamal wultaenam wut soldaw xabich asatwajnwchanxot nabapox, ¡xamal nabej nejlewle! Japoxan majt jachiyaxael, mox pawajna wut that toepaliajwa. ⁷ That toepax wajna, xabichaxael nabewajan. Kaetwajnwpijiw nabeyaxael, nakaetwajnwpijiw swapich. Japoxan majt jachisfulaxael asatwajnwchanlelbej. Jachiyaxaelbej, kaetwajnwpijiw nabeyaxael wut, asatwajnwchanpijiw swapich. Japoxan majt jachisfulaxael asatwajnwchanlel. Asamatkoi asatwajnwchanlel naxaeyaxan ajilaxael. Asatwajnwchanlelbej sat najaesaxael potwajnwcha. ⁸ Japoxan majt jachiyaxael, nabijasmatkoi tudut wut jiw nabijasliajwa. Me-ama pawis pejmatkoi wepach wut naxwllaliajwa, xabich wexaenkas, jachiyaxaelbej jiwliajwa, tudut wut nabijasax —aech Jesús xanal pejnachalwanliajwa.

Jesús jum-aech pejnachala nabijasaxaelpox

⁹ Jesús pejme jum-aech xanal pejnachalwanliajwa: “Do jawutbej, asew jiw xamal woeyaxael xabich nabijasliajwam kastikaxtat. Xamal beyaxaelbejpi tupaliajwam. Puexa jiw xamal nejweslaxael, tajnachalwam xot. ¹⁰ Japamatkoiyan xabich jiw kofaxael Dios xanaboejapoxan. Ja-aech wut, japi nakaewa nanejweslaxael. Do ja-aech wut, japi nakaewaliajwa padaelmajiw nadofaxael. Asew japixot nakaewa nabuflaeyaxael paklochow poxade, jaxotde beliajwas bu'fospí. ¹¹ Japamatkoiyan xabich jiw, me-ama Dios pejprofetas wut, jachiyaxaeli. Pe japi profetaxil. Japi jachiyaxael xabich jiw naekichachajbaliajwa. Xabich jiw naexaxisaxaespi japi jum-aechpoxantat. ¹² Xabichfulaxael babijaxan isfulpi ampathatat. Samata, xabich jiw nakaewa nanejxasinkpoxan kofaxael. ¹³ Asew jiw lax kofa-eli Dios xanaboejapoxan, hasta japi tux wut, japikal Dios bu'weyaxaes. ¹⁴ Chimiawajan, Dios puexa pejiw tato'alwajan, potwajnwcha xabich jiw naewajnwaxael puexa jiw matabijaliajwa. Do jawux, pasaxael that toepaxaelpox.

15-16 “¡Ampox xaljowpon nej jummatabijs! Xamal xaljowam wut, ¡chiekal jummatabijim! Daniel, Dios pejprofeta, chajia lel wut, jum-aechon: ‘Satanás to'axaeson, xabich babejkolan, japon fulaeyaxaen’ — aechon. Samata, xamal japon, xabich babejkolan, taenam wut Dios pejtemplobaxot, japon tapaeyaxisalpon jaxotaliajwa, ja-aech wut, ¡puexa Judea tʉajnpijiw nej dukpa pinamʉaxan poxade! 17 Jawutbej, jiw pejbachanmatwʉajantat nuili, baloek wut, ¡nej le-ele'bej pejbachan poxade, pejew jukbaliajwa, xadukpaliajwa! 18 Jawutbej asew jiw, nabisti pejlulantat, ¡do jaxot kaweta kamta atʉaj nej dukpe! ¡Kaxa nej nawe-elepi pejbachan poxadin pejew ponan wʉljaesliajwa! 19 Japamatkoivan watho', moejowpi, asew watho'bej, yamxi mitan miatifuk, xabich nabijasaxael. 20 Dios kawʉajanafʉlaxaelam, japox pasasamata iama wut, napatamatkoi wutbej. 21 Xamal dukpam wut, japamatkoiyantat xabich xamal nabijasaxaelam. Hasta amwʉtjel xabicha-ellejen nabijasax ampathat. Dios that is wut, amwʉtjelbej, jachi-elfuk nabijasax, me-ama ampamatkoivan pasaxaelpox nabijasax. Jasoxtat jiw pejme xabich nabijasaxil. 22 Nabijasmatkoivan kaes xabichaxael wut, jiw xajʉpaxil boejtaliasliajwa. Samata, Dios tapaeyaxil jiw xabich piach nabijasliajwa. Jachiyaxaes Dios makanochpi, Dios nejxasinkas xoti” — aech Jesús xanal pejnachalwanliajwa.

Xabich jiw naekichachajbasia Jesús pejwʉajan naexasiti

23 Jesús pejme xanal najʉm-aech: “Japamatkoivan asew jiw xamalxot jum-aech wut: ‘¡Tae'nik! ¡Ma amxot Cristo!’ — aech wʉti, o, asew jiw jum-aech wutbej: ‘¡Tae'nik! ¡Ma jaxotde Cristo!’ — aech wʉti, ¡xamal nabej naexasis! 24 Naekichachajbapijiw matxoela fulaeyaxaen. Japi, me-ama Cristo, jachiyaxael. Pe japi Cristowaxil. Asew pasaxaenbej, me-ama Dios pejprofetas jachiyaxaeli. Pe japi Dios pejprofetaxil. Japi isfulaxael koechaxan, japoxantat xabich jiw naekichachajbaliajwa. Nejxasinkaxaelbejpi naekichachajbaliajwa jiw naexasiti Dios, japi kofaliajwa Dios xanaboejapoxan. 25 ¡Chiekal taem! Xamal japox jum-an japi pasax wʉajna chiekal najut natataeflaliajwam, japi xamal naekichachajbasamata. 26 Asew jiw jum-aech wut xamalliajwa: ‘¡Ma amwʉtjel Cristo pajilaxxotde!’ — aech wut asew jiw, ¡xamal nabej naexasis! ¡Nabej fulae'ebej japoxade! O, asew jiw jum-aech wutbej xamalliajwa: ‘¡Ma amxot, batutat, Cristo namoest!’ — aech wutbej asew jiw, ¡xamal nabej naexasis! 27 Xan, puexa jiw pakoewkolnan, pejme pasaxoekan wut, me-ama chamax nakliafcha wut, puexa jiw kaewʉtje kamta taena. Jachiyaxaelenbej, xan pejme pasaxoekan wut. Jasoxtat puexa jiw xan chalechkal kamta nataenaxael kaewʉtje. 28 Puexa jiw matabija ampo. Chofan tʉp wut, jaxot thutha pask. Me-ama japox, jachiyaxael asamatkoi, xan pasaxoekan wut. Potʉajnucha jiw, xan nanaexasitpi, japi matabijaxael, xan paskax wut” — aech Jesús xanal pejnachalwanliajwa.

Jesús, puexa jiw pakoewkolan, pejme kaxaxoekpox

(Mr 13.24–37; Lc 17.26–36; 21.25–33)

29 Jesús pejme jum-aech xanalliajwa: “Nabijasmatkoivan toep wut, juimt matkoipijin itkʉa'nikaxael. Juimt madoipijinbej itliakaxil. Ithaejan natacholnaxaek. Do jawut, puexa thatbaxoxotsepi nachoelaxael. 30 Do jawʉx, puexa jiw taen wut asax thatbaxoxot, jawut jiw matabijaxaeli, xan, puexa jiw takoewkolnan, fuloeyaxoekanpox athusik. Samata,

ampathatpijiw xabich belwaxael. Noeyaxaelbejpi. Do jawux, xan, puexa jiw pakoewkolnan, fuloekx wut itloejentat, jiw xan nataeyaxael. Jawut puexa jiw tato'laxaelen. Nakthianaxaelenbej Dios pijaxtat. ³¹ Do jawut, to'axaelen taj-ángeles trompeta nababeliajwa. Japatrompeta thatmatdukaxkal thiajoeyaxaelpox. Do jawut, to'axaelen taj-ángeles thatxajupaliajwa. Do jawutbej, taj-ángeles xanel jiw buflaeyaxaen, makanotxpikal, japi jiw tajjiwliajwa” —aech Jesús xanalliajwa.

Jesús chanaekabwana pejnachala higonaeliajwa

³² Jesús pejme xanal najum-aech: “¡Chiekal nanaewe'e! Higonaepajelmaf nakolax taenam wut, xamal matabijam waech mox rawuajnapoxlis. ³³ Jachiyaxaelbej, taenam wut xan jum-anpoxan. Matabijaxaelam mox tawuajnapox xan pejme pasliajwansik, puexa jiw tato'laliajwan, taj-ax Dios swapich. ³⁴ Diachwuajnakolax xan jum-an. Puexa japoxan, xan jum-anpoxan, diachwuajnakolax jachiyaxael. Japoxan asew jiw taeyaxael, jiw laelpifuk ampathatat. ³⁵ Thatbaxo, ampathatbej, toepaxael. Pelax tajjamechan toepaxil. Xan jum-anpoxan, diachwuajnakolax japoxan jachiyaxael” —aech Jesús xanalliajwa.

Puexa jiw matabija-elpox, maswut Cristo pejme kaxaxoek

³⁶ Do pejme Jesús xanal najum-aech: “Puexa jiw matabija-el, maswut xan pejme kaxaxoekan. Dios pej-ángeles, Diosxotsepi, japibej matabijael. Xanbej, Dios paxulnan, japox matabijs-enil. Kaen taj-ax Dios japox matabijt.

³⁷ “Chajiakolaxtat, Noé ampathatat laeje wut, jiw pomatkoicha nejmach duil. Me-ama japox jachiyaxael, xan puexa jiw pakoewkolnan, pejme pasliajwan wut. ³⁸⁻³⁹ Chajiakolaxtat, that bu'lax wuajna, jiw xael. Afbejpi. Asew nakjiyabej. Ja-aech wut, japamatkoiyan Noé pinjiyax barkam isax ketoet wut, lowpon japabarkam. Do jawut, chalechkal xabich iam thilnax tudut. That puexa chiekal bu'al wut, puexa jiw chiekal bu'al. Jachiyaxaelbej japamatkoi, xan, puexa jiw pakoewkolnan, pejme kaxaxoekan wut. Jiw duilafulaxael nejmach. ⁴⁰ Kolenje aton nabist wut lultat, kaen chalechkal buflaeyaxaes athu poxase. Asan kaweta namanaxael. ⁴¹ Koliowje kaeyaxtat trigo xatkiana wut, kaewo chalechkal buflaeyaxaes athu poxase. Asaow kaweta namanaxael.

⁴² “Samata, ipomatkoicha nawuajnawesfulde, xamal matabija-emil xot, maswut xan, nejpaklolkolnan, pejme kaxaxoekan! ⁴³ ¡Pe xamal am-pox matabijim! Bapijin matabijt wut, maswut kethakan pasaxael, jawut bapijin moejchaxilon. Naliasfulaxaelon chiekal wesfulaliajwa pejba kethakan lesamata. Ja-aech wut, kethakan natkowaxil japon pejbatat. ⁴⁴ Samata, xamalbej chiekal nawuajnawesfulde! Xan, puexa jiw pakoewkolnan, chalechkal kaxaxoekan, asew jiw, ampathatpijiw, nawuajnawesfula-el wut” —aech Jesús xanalliajwa.

Paklon kolenjepox pamakan, kaen pachaem, asan chiekal chaema-el (Lc 12.41-48)

⁴⁵ Jesús pejme jum-aech wuajantat xanal pejnachalwanliajwa: “Pamakan pomatkoicha chiekal nabist pejpaklonliajwa babijax nejchaxoela-elaxtat. Paklon ajil wut, japon chiekal tato'al asew nabichow. Naxaeyaxanbej chiekal chaxduwbejpon pomatkoicha, me-ama paklon to'anadoftas japox isfulaliajwa. ⁴⁶ Paklon pat wut, taen

wutbejpon pamakan chiekal nabistpox, ja-aech wut, pamakan xabich nejchachaemlaxael.

⁴⁷ “Diachwajnakolax xan jum-an. Paklon matabijt wut pamakan chiekal wenabistaspox japon pejwulela, ja-aech wut, pejpaklon to'axaeson puexa pejew tataeflaliajwa. ⁴⁸ Asan pamakan, chiekal pachaema-elpon pejpaklonliajwa, japon nejchaxoel: ‘Tajpaklon makach pasaxil’ —aechon, nejchaxoel wut. ⁴⁹ Samata, japon chiekal tataefla-el a sew, pejpaklon pamak. Dolison, japi jiw be'bala. Do jawutbej, tjadutlison xaeliajwa, saxsliajwasbej, a sew jiw swapich. Jasox ispon pomatkoicha. ⁵⁰ Do ja-aech wut, nejchaxoela-elon paklon pejpasax. Do jawut, chalechkal pejpaklon pasaxael. ⁵¹ Jawutbej, japon xabich kastikaxaes. To'axaesbejpon a sew poxadik, naekichachajbapi poxadik, infiernoxtodik. Jaxotdik xabich noeyaxaelon. Bwattatisaxaelbejpon, xabich nabijasaxaek xot” —aech Jesús xanal pejnachalwanliajwa.

25

Diez watho', pansiachow, pejwajjan

¹ Do pejme Jesús jum-aech xanal pejnachalwanliajwa: “Xan, puexa jiw pakoewkolnan, pejme patx wut ampathatasik, taeyaxaelen a sew jiw nawajnawesfulpi. Japi jiwlap leyaxael Dios tato'axotse. A sew jiw nawajnawesfala-elpi, japi jiwlaw leyaxil Dios tato'axotse. Jumchiyaxaelen wujantat xamal chiekal matabijalijwam. Asamatkoi diez watho', pansiachow, kaenanula xafoli lámpara pawis nakjiyaxaelpon pejba poxaliajwade. Dolisi, fulaechlisi japaba poxade wajnawesliajwa japon aton, nakjiyaxaelpon, japow swapich. Japon aton jaxot pat wut, japi watho' kaewutje nak-fulaeyaxael nakleliajwa fiestaxot. ² Japi watho'xot, cinco watho', pansiachow, chajia chiekal nejchaxoel isaxaelpoxliajwa. A sew cinco watho' pansiachow chajia chiekal nejchaxoela-el isaxaelpoxliajwa. ³ Dolisdo', watho' chajia chiekal nejchaxoela-eli xafoli pejlámpara. Pe xalae-eli olivosimint, lámpara wesiajwas wut pejme falaliajwa. ⁴ A sew watho', pansiachow, chajia chiekal nejchaxoeli, japilax kaenanula xafol olivosiminan batiajtat, pejlámpara wesiajwas wut pejme falaliajwa. ⁵ Japon aton, nakjiyaxaelpon, makach pas-el paxaxaelpon pejbaxot. Samata, japi watho' itmoejslalisi. Do jawut, puexa moejtlisi. ⁶ Pinmadoi wut, kaen aton nejlakcha wut, jum-aechon: ‘¡Aton, nakjiyaxaelpon, falaenlison mox! ¡Xabwa't bu'kulaliajwam!’ —aechon. ⁷ Puexa japi watho', pansiachow, nathikba wut, nanbapi. Kaenanula chaemsnapi pejlámpara. ⁸ Watho', chajia nejchaxoela-eli, jum-aech a sew watho', cincopiliajwa: ‘¡Xanal nachaxdu'e cha-aeldoech, olivosimint, xanal tajlámpara falaliajwan, itkakawak xot!’ —aechi a sew watho'liajwa. ⁹ A sew, cinco watho', jumnot wut, jum-aechi: ‘¡E! Xanal nawexajupaxil pasimint xamalliajwa, xanalliajwabej. ¡Xabwa'de olivosiminan mowa poxade kaes wajsliajwam!’ —aechi. ¹⁰ Do jawut, japi watho' falaech wut olivosiminan wajsliajwa, pasiminan wajsax kijil wutfuk, japon aton patlison. A sew, cinco watho', chajia chiekal nejchaxoeli, nakfalaechlisi japon aton, nakjiyaxaelpon, pejfiesta poxade. Japi batutat wut, bafafa chiekal faka'tlisi. ¹¹ Do jawux, cinco watho', pasiminan wajsax kijilpi, japibej pat japabaxot. Japi watho' jum-aech nakjiyaxaelponliajwa: ‘¡Tajpaklon, ba fafa'e xanal leliajwan!’ —aechi. ¹² Japon jumno'an

wut, jum-aechon: 'Diachwujnakolax xan jum-an. Chinax xamal matabijs-enil. Samata, ba fafasaxinil xamal leliajwam' —aech nakjiyaxaelpon cinco watho', pansiachowliajwa" —aech Jesús xanal pejnachalwanliajwa.

¹³ Do pejme Jesús jum-aech xanalliajwa: "Xamal xan nanaewetampim, ¡chiekal nawujnawesfulde! Me-ama watho' chajia chiekal nejchaxoeli, ¡ja-amsfulde xamal, xan nawujnawesfulam wut, matabija-emil xot, achamatkoitat xan pasaxaelen!" —aech Jesús xanal pejnachalwanliajwa.

Aton tres pamak lapox, japon pejew plata wetataeflaliajwas

¹⁴ Jesús pejme xanal najum-aech wujantat: "Dios pejiw tato'alpox, me-ama kaen aton, lapon tres pamakjiw, fulaeyaxael wuton asatujnulel. Do jawut, japi pat wut japonxot, kaenanula pamakjiwxot pejew plata waelapon, japi xanbichliajwa japaplata japon pejwulela. ¹⁵ Pamaktxot plata waela wut, nejchaxoelon: 'Tamakan kaes chiekal xajupon nawetataeflaliajwa plata, japon kaes pejme chaxdusaxaelen. Asan xajupaelpon chiekal nawetataeflaliajwa plata, japon kaesupich chaxdusaxaelen' —aechon, nejchaxoel wut. Samata, kaen pamakanxot waelton cinco platachoxa. Asan pamakanxot waelton koleplatachoxa. Asan, taxdukapijinxot kaepatachoxa waelton. Do jawux, japon paklon chijjalison atuj, asatujnulel. ¹⁶ Cinco platachoxa wewaeltaspon, japon chiekal xanbichful japaplata pejpaklon pejwulela. Samata, japon kaes pejme cinco platachoxa kana. ¹⁷ Koleplatachoxa wewaeltaspon, japonbej chiekal xanbichful japaplata. Ja-aech wut, japonbej kaes koleplatachoxa kana. ¹⁸ Kaepatachoxa wewaeltaspon, japonlax asbuan jumch mutht kowpon chamuthsliajwa japaplatachoxa, chamoestiajwabejpon.

¹⁹ "Do baxael, xabich pin-iamatkoijan wut, paklon nawi'anlison pamak poxadin. Pat wuton pamaktxot, lalison pamak matabijsliajwa, maechi kaenanula, plata xanbist wuti japon pejwulela. ²⁰ Matxoelapatpon, japon cinco platachoxa wewaeltaspon, japon chaxdut pejpaklon diez platachoxa. Japon jum-aech: 'Tajpaklon, xanxot cinco platachoxa waelnadoftam. Xan pejme cinco platachoxa kanx' —aechon paklonliajwa. ²¹ Paklon jumnot wut, jum-aechon pamakanliajwa: 'Xam xabich pachaemam. Chiekal isfulambej xan to'axpox. Xam chiekal nawenabistam xot, kaeyaxach wut, samata, xam xabich kaes pejme tejew nawetataeflaxaelam. ¡Lemen! ¡Nejchachaemilde, xan sapich!' —aech paklon pamakanliajwa. ²² Do jawux, koleplatachoxa wewaeltaspon, japonbej pat pejpaklonxot. Japon jum-aech: 'Tajpaklon, xanxot koleplatachoxa waelnadoftam. Xan pejme kanx koleplatachoxa. Ama cuatro platachoxa' —aech pamakan. ²³ Paklon jumnot wut, jum-aechon pamakanliajwa: 'Xam xabich pachaemam. Chiekal isfulambej xan to'axpox. Xam chiekal nawenabistam xot, kaeyaxach wut, samata, xam xabich kaes pejme tejew nawetataeflaxaelam. ¡Lemen! ¡Nejchachaemilde, xan sapich!' —aech paklon pamakanliajwa.

²⁴ "Do jawut, asan pamakan pat, kaepatachoxa wewaelsnadoftaspon. Japon jum-aech pejpaklonliajwa: 'Tajpaklon, xan matabijtax, xam namak beltae-emil. Xam kanambej nabich-elaxtat. ²⁵ Samata, xan tajlewla xamliajwa. Samatabej, chamuthtax nejplatachoxa chamoestiajwan satat. ¡Ama nejplatachoxa!' —aech pamakan. ²⁶ Paklon jumnot wut, jum-aechon: 'Xam kewechanam. Babejnambej. Xam

matabijtam, xan kanxpox nabich-elaxtat. ²⁷ ¿Ma-aech xotkat tajplata bancopijiw poxade nawexalae-emil japi prestaliajwam kaes nawe-itamaesliajwam prestampoxtat? Chil xam jasox isam wut, chil amwutjel bancopijiw kaes plata nawewiat xam prestampoxtat' —aech paklon pamakanliajwa. ²⁸ Do jawut, japon paklon jum-aech asew jaxotpiliajwa: '¡Kechafi'epon japaplatachoxa! ¡Japaplatachoxa chaxdu'e xan nachaxdutupon diez platachoxa! ²⁹ Tejew chiekal nawetataefulpon, japon kaes chaxdusaxaelen. Japonbej wenamanaxaes. Asanlax, chiekal nawetataefla-elpon tejew, japon kaes uapich nawetataeflafupox, ke-fisaxaes. ³⁰ Ampon, kewechan nabichliajwa, jaeldepon! ¡Fo'impon tathoetade, itkuatax poxade, jaxotde kastikaliajwas! Jaxot xabich noeyaxaelon. Bu'a'tatisaxaelbejpon, xabich nabijasaxael xot' —aech paklon japonliajwa" —aech Jesús xanal pejnachalwanliajwa.

Machiyaxaespox ampathatpijiw, babejchow, kastikas wuti Dios

³¹ Do pejme Jesús jum-aech xanal pejnachalwanliajwa: "Xan, puexa jiw pakoewkolnan, pejme pasaxoekan wut, Dios pej-itliak namasajiasaxael. Xabich Dios pej-áγγελesbej namasajiasaxael, bu'pasaxoekan wut. Do jawut, puexa jiw pejpaklonaxaelen, ekx wut tajtua-ekaxtat. ³² Puexa ampathatpijiw natamejaxael tajwuaajnalel. Jawut xan jiw diajkaxaelen kolemutjeliajwa. Me-ama owejas tataeflan pejlel diajk owejas cabrasxot, xanbej jachiyaxaelen. ³³ Jiw, xan nanaexasiti, tamejaxaelen tajpoklalel. Japi, me-ama taj-owejas. Asew jiw lax, xan nanaexasis-elpi, japi tamejaxaelen tajsoenalel. Japi, me-ama cabras. ³⁴ Xan, paklokolan, jumchiyaxaelen tajpoklalelpijiwliajwa: '¡Xamal xabua'din xanlel, taj-ax Dios kajachawaetpim! Patlisox Dios xamal tato'laxaelpox. Japoxliajwa taj-ax Dios chajia nejchaxoel, akaseskolaxtat that is wuton. ³⁵ Xan litaxaelax wut, xamal naxaeyax nachaxdutam xan xaeliajwan. Xan minsila wutbej, mint nachaxdutam min feliajwan. Xan atuaajan wut tajtuaajnu xot, nejbatat namanax nato'am. ³⁶ Xan naxoelaliajwan nawejil wutbej, nachaxdutam naxoelaliajwan. Bu'xaenkax wutbej, nataentam nakajachawaesliajwam. Jiw jebatatax wutbej, nataentam' —chiyaxaelen tajpoklalelpijiwliajwa. ³⁷ Do jawut, xan nanaexasiti nawuaajnaemsaxael: 'Tajpaklon, ¿maswutkat xam taenx, litaxaelam wut chaxdusliajwan naxaeyax? ¿Maswutbejkat xam taenx, minsila wut chaxdusliajwan mint? ³⁸ ¿Maswutbejkat xam taenx, nejtuaajnu xot atuajam wut namanax to'aliajwan tajbatat? ¿Maswutbejkat xam kejemil naxoelax xanal chaxdusliajwan? ³⁹ ¿Maswutbejkat xam taenx, bu'xaenkam wut kajachawaesliajwan? ¿Maswutbejkat xam taenx, jiw jebatatam wut?' —chiyaxaeli xan nanaexasiti. ⁴⁰ Xan, nejpaklonan jumnosaxaelen wut, jumchiyaxaelen: 'Diachwuaajnakolax jumchiyaxaelen. Puexa xamal isam wut pachaempoxan xan nanaexasitiliajwa, japoxan isam wut, xan, me-ama nakajachawaetam' —chiyaxaelen xan nanaexasitiliajwa.

⁴¹ "Do jawux, xan, puexa jiw pakoewkolnan, jumchiyaxaelen tajsoenalelpijiwliajwa: '¡Chijiamde xanxot! Dios xamal kastikaxael, babijaxan isam xot. ¡Xabua'de infierno poxadik! Jaxotdik pomatkoicha jit pinjiyax tamdadit. Japox jit itkuawaxil. Japajitxotdik Dios chaemt Satanás kastikaliajwas, puexa pejdepej. ⁴² Litaxaelax wut, nachaxdus-emil naxaeyax xan xaeliajwan. Minsila wutbej, nachaxdus-emil mint xan feliajwan. ⁴³ Atuaajan wut tajtuaajnu xot, xan namanax. Nato'a-emil

nejbaxot moejsliajwan. Nawejil wutbej xan naxoelaliajwan, nachaxdus-emil naxoelax. Bu'xaenkax wutbej, xan natae-emil nakajachawaesliajwam. Jiw jebatatax wutbej, natae-emil' —chiyaxaelen tajsoenalelpijiwliajwa. ⁴⁴ Do jawut, japi jiw nawuajnaemsaaxael: 'Tajpaklon, ¿maswutkat xanal xam kajachawaes-enil, xam litaxaelam wut, o, xam minsila wutbej, o, xam atuajam wutbej nejtuajnuaxot, o, kejimil wutbej naxoelaliajwam, bu'xaenkam wutbej, o, jiw jebatatam wutbej?' —chiyaxaeli xanliajwa. ⁴⁵ Do jawut, xan puexa jiw pakoewkolnan, japi jiw jumnosaxaelen: 'Diachwuajnakolax xan jum-an. Xamal is-emil pachaempoxan jiw xan nanaexasitiliajwa. Japox is-emil xot japiliajwa, xamal is-emil pachaempoxan xanliajwa' —chiyaxaelen tajsoenalelpijiwliajwa. ⁴⁶ Do jawut, tajsoenalelpijiw chijiyaxael infierno poxadik, jaxotdik pomatkoicha kastikaliajwas. Xan nanaexasitilax, japi athu poxaxoei, pomatkoicha duilaliajwa Diosxotse" —aech Jesús xanal pejnachalwanliajwa.

26

Judiospaklochow nejchaxoelpox jaelsliajwapi Jesús

(Mr 14.1–2, 10–11; Lc 22.1–2; Jn 11.45–53)

¹⁻² Do jawut, Jesús japoxan buxtoet wut, pejme jum-aechon xanal pejnachalwanliajwa:

—Xamal matabijam ampox. Kolematkoije we'pfuk Pascuafiestaliajwa. Jawut xan, puexa jiw pakoewkolnan, asan nawiasaxael asajiwxot japi nakematamatlaliajwa cruztat —aech Jesús.

³ Jawut sacerdotespaklochow, judios-ancianosbej, natameja Caifás pejbaxot. Japon sacerdotespaklokolan. ⁴ Jaxot nospaeipi Jesús jaelsaxliajwa, jeliajwasbejpon jiw jebatat. Naekichachajbasiapi Jesús maliach buflaeliajwas, boesaliajwasbej Jesús. ⁵ Pe nakaewa najum-aechi:

—Jasox isaxisal fiestatata. Japox isas wut, jiw xabich palalaxael. Ja-aech wut, jiw bej chamamosaxaelbejpi Jesús —aech paklochow nakaewaliajwa.

Pawis perjumamintat matnaechafanpox Jesús

(Mr 14.3–9; Lc 7.37–38; Jn 12.1–8)

⁶ Baxael, Jesús Betania paklowaxxot wut, Simón pejbaxoton. Japon Simón, majt leprawaxae waechpon. ⁷ Japon pejbaxot kaeow pawis mox soepan Jesúsxot. Japow xafolow perjumamint alabastro-ia'batiajtat. Japaperjumamint xabich ommaenk. Jesús ek wut mesaxot, japaperjumamintat matnaechafanpow Jesús. ⁸ Xanal pejnachalwan japox taenx wut, xabich talala japowliajwa. Xanal nakaewa najum-an:

—¿Ma-aech xotkat japow tabejt japot, perjumamint? ⁹ Japot, perjumamint, xabich ommaenk. Japaperjumamint tabejs-el wutow, chil mowas wut, xabich plata kanaxaes. Ja-aech wut, pachaemaxael japaplata chaxduiliajwas kejila —an xanal.

¹⁰ Jesús japox jumtaen wut, jum-aechon xanalliajwa:

—¡Nej ja-aeché! ¿Ma-aech xotkat japox jum-am? Japow japox is wut xanliajwa, japow is pachaempox xanliajwa. ¹¹ Kejila pomatkoicha xamalxotaxael kajachawaesliajwam. Pelax xan xamalxotaxinil xabich piach. ¹² Japow perjumamint namatnaechafan wut, nachawuajnaemtow, asamatkoí xan tuxp wut, namuhsaxael

xot. ¹³ Diachwajnakolax xan jum-an. Potwajna cha naewwajan wuti chimiawwajan jiw bu'welijwas, japamatkoiyan wut, jumchiyaxaelbejpi japow ispox xanliajwa. Jasoxtat nejchafaekafulaxaeli japowliajwa —aech Jesús, xanal pejnachalwanliajwa.

Judas Jesús padaelman nadofapox

(Mr 14.10–11; Lc 22.3–6)

¹⁴ Xanal puexa padosanpinxot, kaen pawul Judas Iscariote. Japonlap fulaech sacerdotespaklochow poxade. ¹⁵ Jaxotde pa'a wut, wawajna chaemt wut, jum-aechon:

—¿Masswapichkat xamal wulnamotam, xan wiasaxaelen wut Jesús xamalxot? —aech Judas.

Do jawut, paklochow jumnot wut, jum-aechi:

—Xanal mosaxaelen treinta platafachan, xam wiatam wut Jesús xanalxot —aechi.

Do jawut, Judas kaenejchaxoelax, japi swapich, japaplataliajwa. ¹⁶ Do jawutlejen, Judas tudut wawajnawesliajwa pachaemmatkoi Jesús wiasliajwapon Jesús padaelmajiwxot.

Jesús xaelpox, pejnachala swapich, Pascuafiestanaxaeyax

(Mr 14.12–25; Lc 22.7–23; Jn 13.21–30; 1 Co 11.23–26)

¹⁷ Fiestamatkoi pat wut pan puthla-eli xaeliajwa, japafiestatat kolenje, Jesús pejnachalan, mox soepa Jesús wawajna chaemsliajwapi. Japi jum-aech:

—¿Amxotkat xanal naxaeyax isaxaelen, Pascuafiesta wut xatis xaeliajwas? —aechi.

¹⁸ Jesús jumnot wut, jum-aechon:

—¡Xabua'de paklowax poxade! Jaxot pa'mach wut, kaen aton, matabij-tasjon, taeyaxaelam. ¡Japon jum-amo: 'Wajpaklon jum-aech: "Tajmatkoi moxlisox, nabijasaxaelenpox. Nejba poxaxaelen, tajnachala swapich, Pascuafiestanaxaeyax xaeliajwan" —aechon' —amo bapijin! —aech Jesús, buxto'a wut kolenje pejnachalanliajwa.

¹⁹ Do jawut, japi fulaechlisi. Islisi Jesús to'aspox. Pascuafiestanaxaeyax islisi xanal xaeliajwan.

²⁰ Do madoi wut, xanal dosan chalakx mesaxot, Jesús swapich. ²¹ Xanal naxaelax wutfuk, Jesús najum-aech xanalliajwa:

—Diachwajnakolax xan jum-an. Kaen xamalxot xan nawiasaxaelon tadaelmajiwxot —aech Jesús.

²² Xanal xabich nanejxaejow, japox jumtaenx wut. Samata, xanal kaenanula Jesús wawajna chaemsfulax wut, jum-ansfulax:

—Tajpaklon, ¿xankatlap xam wiasaxaelen? —ansfulax xanal.

²³ Jesús jumnot wut, jum-aechon:

—Xan swapich, kaepaftat panax taxthotpon, japonlap xan nawiasaxael tadaelmajiwxot. ²⁴ Xan, puexa jiw pakoewkolnan, tuxaxaelen, me-ama Dios pejjamechan chajia jum-aech japoxliajwa. Pe xan nawiasaxaelpon tadaelmajiwxot, japonliajwa xabich kaes pejme chaemilaxael. Japon nalaelsa-el wut ampathatat, kaes pejme pachaemaxael japonliajwa —aech Jesús.

²⁵ Do jawut, Judas, wiasaxaelpon Jesús padaelmajiwxot, wawajna chaemt wut, jum-aechon Jesúsliajwa:

—Tajpaklon, ¿xankatlap xam wiasaxaelen? —aech Judas.

Jesús jumnot wut, jum-aechon Judasliajwa:

—Xamaxaelam, me-ama xam najut jum-am —aech Jesús Judasliajwa.

²⁶ Do jawut, xanal naxaelax wutfuk, Jesús panax fit. Dios kawhajan wut, jum-aechon: “Ax, gracias-an xanal nachaxdutam xot ampapan” —aech Jesús. Do jawut, Jesús jalkaful panax, xanal pejnachalwan naxexadijalsli-ajwa. Do jawut, Jesús najum-aech xanalliajwa:

—¡Xaem pan! Japapan, me-ama tajwit —aech Jesús.

²⁷ Do jawut, Jesús copa chafit puexa xanal kaenanula fiaflaliajwan. Do jawutbej, Dios kawhajan wut, gracias-aechon vinoliajwa. Do jawut, xanal nachaxduton vino copatat. Do jawutbej, jum-aechon:

—¡Ampavino puexa xamal kaenanula fiafulde! ²⁸ Ampot, me-ama tajjal. Xan tux wut, tajjal nakolaxael. Japox jiw naexasit wut, beltaeyaxaes babijaxan ispoxanliajwa, tajjal pijaxtat. ²⁹ Diachwujnakolax xan jum-an. Pejme feyaxinil vino ampathatat. Dios puexa pejiw tato'almatkoipat wut, jawut pejme japamatkoitat pajelt vino feyaxaelen Diosxotse, xamal suapich —aech Jesús xanalliajwa.

Pedro xanaliyaxaelpox Jesús pejnachalanpoxliajwa
(Mr 14.26–31; Lc 22.31–34; Jn 13.36–38)

³⁰ Do jawut, kaet jajuit jajuiyax buxtoetx wut, fulaechx muxa poxade, olivonaechan nuil poxade. ³¹ Do jawux, Jesús olivonaechan nuilxot nabu'pa'a wut, jawut najum-aechon xanalliajwa:

—Ampamadoitat puexa xamal kaenanula nasalaxaelam nejlel xanxot, xan nejxanaboejampox kofaxaelam xot. Japoxliajwabej Dios pej-jamechan, chajia lelspxox, jum-aech, Dios jum-aech wut xanliajwa: ‘Boesaxaes ovejas tataeflan. Ja-aech wut, puexa pejew ovejas, nasalaxael’ —aech Dios jum-aechpox xamalliajwa, xanxot nasalaxaelampox. ³² Asajiw xan naboesa wut, taj-ax Dios namat-esaxael pejme dukaliajwan. Do jawut, xan wujnaxaelen Galilea tuajnxot xamal wujjna —aech Jesús.

³³ Do jawut, Pedro jum-aech:

—Puexa asew nejnachala kofa wut pejxanaboejxan xamliajwa, xan-lax kofsaxinil tajxanaboejsax xamliajwa. Xan nakiowa xam xanaboej-fulaxaelen —aech Pedro Jesúsliajwa.

³⁴ Jesús jumnot wut, jum-aechon:

—Diachwujnakolax xan jum-an. Ampamadoitat kawaema nejlae-el wutfuk, xam naxanaliyaxaelam. Tres veces jumchiyaxaelam: ‘Xan japon aton matabijs-enil’ —chiyaxaelam, xanaliyam wut xanliajwa —aech Jesús Pedroliajwa.

³⁵ Pedro nejthuxtat jum-aech:

—Nejmachjiw najum-aech wut: ‘Xam boesaxaelen, Jesús pejnachal-nam xot’ —na-aech wuti, xan elchiyaxinil —aech Pedro Jesúsliajwa.

Xanal, Jesús pejnachalwan, kaenanula japox kaeyax jumanbej, Pedro matxoelajum-aechpox.

Pawulxot, Getsemaní, Jesús Dios kawhajanpox
(Mr 14.32–42; Lc 22.39–46)

³⁶ Do jawux, Jesús, xanal pejnachalwan suapich, pa'ax pawulxot, Getsemaní. Jaxot wut, xanal najum-aechon:

—¡Amxot chalakde! Xan wujnaxaechan, taj-ax Dios kawhajnaliajwan —aech Jesús.

³⁷ Do jawut, Jesús kaesuapich atuxach buflaechon Pedro, kaes asan kolenjebej. Kaen japixot pawul Santiago. Asan pawul Juan. Japi

kolenje, Zebedeo paxi. Do jawut, Jesús tuadut xabich nejxaejwaliajwas. Xabich nejchaxoelbejpon tuxaxaelpoxliajwa. ³⁸ Do jawut, jum-aechon tres pejnachalanliajwa:

—Xan xabich nanejxaejow. Me-ama kaen aton tuxaxael wut, ja-aech nanejxaejowpox. ¡Amxot xamal namaem! ¡Nabej moejs! ¡Naliasfulde, xan suapich! —aech Jesús tres pejnachalanliajwa.

³⁹ Do jawut, Jesús kaes atuxach tamach fulaechon. Jaxotde wut, brixtat nuklison sat makxabijnaliajwadik. Do jawut, pax Dios kawuajan wut, jum-aechon:

—Ax, naba'wesiam wut, ¡naba'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox! —aech Jesús.

⁴⁰ Jawut, kaxadin wut pejnachala poxadin, taenlison, japi moejt wut. Do jawut, Jesús jum-aech Pedroliajwa:

—¿Xamkat xajupa-emil kaehora naliasliajwam, xan suapich? ⁴¹ ¡Naliasfulde Dios kawuajniajwam! Ja-am wut, Dios xam kajachawaesaxael isasamatam babijax. Nejnejchaxoelaxtat isasiam xan jum-anpox. Pe nejb'u't chiekal mamnika-el, xam xabich itmoejsla xot —aech Jesús Pedroliajwa.

⁴² Jesús pejme fulaech wut, pax Dios kawuajan wut, jum-aechon:

—Ax, naba'we-elasiam wut nabijasaxaelenpox, ¡isde xam nejxasinkampox! Nabijasax nataesiam wut, xan nabijasaxaelen —aech Jesús pax Diosliajwa.

⁴³ Do jawut, Jesús pejme kaxadin wut, pejnachala nakiowa asbuan jumch moejtfuki, xabich itmoejsla xot. ⁴⁴ Do pejme Jesús japi waela jaxot. Fulaechon pejme pax Dios kawuajniajwa. Matxoelakawuajanpox, japox pejme jum-aechon. Jasoxtat Jesús kawuajan pax Dios. ⁴⁵ Do pejme kaxadin pejnachala poxadin. Pat wuton japixot, jum-aechon:

—¿Xamalkat nakiowa moejtamfuk? ¿Damlathulambej? Xan, puexa jiw pakoewkolnan, tajhora nawepat. Nawiasaxaelon babejchowxot. ⁴⁶ ¡Nanim! ¡Amxot chijias! Fulaenlison mox nawiasaxaelpon tadaelmajiw-xot —aech Jesús japi tres pejnachalanliajwa.

Jesús jaeltaspox padaelmajiw

(Mr 14.43–50; Lc 22.47–53; Jn 18.2–11)

⁴⁷ Jesús naksiya wutfuk xanalliajwa, jawut Judas pat. Japon kaen xanalxotpijin. Japontat dosan. Japon xabich jiw bu'pat. Japi jiw xafol espada, iwabej. Japibej nakfulaen, sacerdotespaklochow to'as xot, judios-ancianos to'as xotbejpi. ⁴⁸ Judas, japon Jesús wiasaxaelpon padaelmajiw-xot, chajia chiekal jum-aechon japi jiw chiekal matabijaliajwa: “Xan xusuiyaxaelenpon, ¡japonlap xamal jaelsaxaelam!” —aech Judas. ⁴⁹ Do jawut, Judas mox soepan wut Jesúsxot, jum-aechon Jesúsliajwa:

—Tajchanaekabuanan, xan patx —aech Judas.

Kejacha wut, xusuwpon Jesús. ⁵⁰ Do jawut, Jesús jumnot wut, jum-aechon Judasliajwa:

—Fulaemanpox isliajwam, ¡ama japox isde! —aech Jesús Judasliajwa.

Do jawut, Judas jiw buflaenpi, japi mox soepa Jesúsxot. Do jawut, Jesús jaeltas buflaeliajwas.

⁵¹ Jesús jaeltas wut, kaen xanalxot kukcha pej-espada. Do jawut, japon asan naecho'chikchapon. Cho'chikchaspon nabist sacerdotespaklokolanliajwa. ⁵² Jesús jum-aech pejnachalanliajwa:

—¡Espada jem ta-akadik! Puexa jiw nabapi espadatat, tɔpaxaelbejpi espadatat. ⁵³ Xamal matabija-emil. Xan wɔljowx wɔt taj-ax Dios, japon ma amwɔt to'axoek xabich pin-iakola pej-ángeles xan nabu'weliájwa. ⁵⁴ Pe xan japox wɔljoeyaxinil. Dios pejjamechan, chajia lelspx, jum-aech najaelsliájwapox. Samata, ja-aechlisox —aech Jesús pejnachalanliájwa.

⁵⁵ Do jawɔt, Jesús wɔajnáchaemt wɔt, jum-aechon buflaeyaxaespiájwa:

—¿Ma-aech xotkat xamal xafolam espada, iwabej, xan najaelsasiam wɔt? ¿Xankat, me-ama natkowanan wɔt, kabuan-an xamallíájwa? Kaematkoisful xan ekx Dios pejtemplobaxot, jiw naewɔajnalíájwan. Jaxot xamal xan najaels-emil, Dios xamal tapae-el xotfuk. ⁵⁶ Dios pejjamechan profetas chajia lelpox jum-aech, japox jachilíájwa. Samata, japox ja-aechlisox —aech Jesús japi jiwliájwa.

Do jawɔt, xanal, japon pejnachalwan, Jesús tamach waeltax. Xanal padukpax tajlel.

Jesús nukpox judíospaklochow pejwɔajnalel

(Mr 14.53–65; Lc 22.54–55, 63–71; Jn 18.12–14, 19–24)

⁵⁷ Jesús jaelpi, japi buflaech Caifás pejba poxade. Caifás sacerdotespaklokolan. Japon pejbaxot judíos chanaekabuánapi, judíos-ancianosbej, wɔajna natamejapi. ⁵⁸ Jesús bu'fos wɔt, Pedro atɔaxach wuchakal fol. Japi jiw bu'pat wɔt sacerdotespaklokolan pejbaxot, jawɔt Pedrobej pat japabafulmaktxot. Jaxot nak-ekon, temploba weti suapich, ketaelíájwa Jesús padaelmajiw isaxaelpox Jesúsliájwa.

⁵⁹ Do jawɔt, sacerdotespaklochow, puexa judíos-ancianosbej, japi ne-jchaxoel Jesús tasalaspoxtat boesalíájwas. Samata, wɔlweki wɔajan, diachwɔajnakolaxa-elox, Jesús xabich tasalalíájwapi. ⁶⁰ Xabich jiw fulaen tasalalíájwapi Jesús kichachajbapoxtat. Pe paklochow wepachaemasal japoxantat tasalalíájwapi Jesús. Samata, wɔajan faena-eli tasalalíájwapi Jesús. Baxael, asew kolenje fulaen paklochow poxadin. ⁶¹ Japi jum-aech ampx:

—Ampon aton majt jum-aech: 'Xan xajɔpx toesliájwan Dios pejtemploba. Xajɔpxbej pejme mat-esliájwan, tres matkoi wɔt' —aech ampon aton —aechi Jesúsliájwa.

⁶² Do jawɔt, sacerdotespaklokolan nant wɔt, jum-aechon Jesúsliájwa:

—¿Diachwɔajnakolaxkat japi jiw jum-aechpox xamliájwa? ¿Xamkat japi jiw jumnosaximil? —aech sacerdotespaklokolan Jesúsliájwa.

⁶³ Pe Jesús boejlach nuk. Do jawɔt, sacerdotespaklokolan pejme jum-aech:

—¡Dios athɔpijin pijaxtat najum-amde diachwɔajnakolaxpox! ¿Xamkatlap diachwɔajnakolax Cristowam, Dios paxulnam? —aechon.

⁶⁴ Jesús jumnot wɔt, jum-aechon:

—Puexa xam jum-ampx xanliájwa, diachwɔajnakolax. Xan, puexa jiw pakowkolnan, ekaxaelen taj-ax Dios poklalel jiw tato'lalíájwan. Taj-ax Dios xabich mamnik puexalíájwa. Xamal japox taeyaxaelam, xan fuloekx wɔt athulelsik itloejentat —aech Jesús.

⁶⁵ Do jawɔt, sacerdotespaklokolan japox jumtaen wɔt, pajut thiakchapon pijax, naxoelax, xabich palala xot. Do jawɔt, sacerdotespaklokolan kaes jum-aech:

—Ampon aton jum-aech Dios nejxasinka-elpox. Kaes asew jiw nakwewe'pa-el tasalalíájwas japon. Xamal najut chiekal jumtaenam,

japon jum-aech wut japox Diosliajwa. ⁶⁶ ¿Achaxkat xamal nejchaxoelam ampon atonliajwa? —aech sacerdotespaklokolan.

Do jawut, japi puexa jumnot wut, jum-aechi:

—Ampon aton pejbw'wujajan. Samata, kastikaxaeson. Boesaxaesbejpon —aechi.

⁶⁷ Do jawut, Jesús xuloeyaspon. Xutulapasbejpon. Asew japixot ke-etat xuselbalapi Jesús. ⁶⁸ Itfumatakus wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Pedro xanaliapox Jesús matabijtpoxliajwa

(Mr 14.53–54, 66–72; Lc 22.54–62; Jn 18.15–18, 25–27)

⁶⁹ Pedro ekfuk sacerdotespaklokolan pejbafulmaktxot. Jawut kaeow pawis, nabistow japabaxot, japow mox soepan Pedroxot. Do jawut, japow jum-aech Pedroliajwa:

—Diachwujnakolax xam Jesús pejnachalnam, japon Galilea tujnupijin —aechow.

⁷⁰ Do jawut, Pedro pajutliajwa naxanalia wut puexa jiw pejwujnalel, jum-aechon:

—Xan matabijs-enil najum-ampox —aechon.

⁷¹ Do jawut, Pedro fulaech bafafa poxade. Jaxotde Pedro asaow pawis pejme taenspon. Japowbej jum-aech asew jaxot nuilpi jumtaeliajwas:

—Ampon aton, nanuamt Jesús, Nazaret paklowaxpijin suapich —aechow.

⁷² Do jawut, Pedro pejme pajut naxanalia wut Jesúsliajwa, jum-aechon:

—Dios chiekal matabijt, xan japon aton matabijs-enilpox —aech Pedro nejthw'axtat.

⁷³ Do jawutlejen, jaxotpijiw Pedro mox soepas. Japi jum-aech:

—Diachwujnakolax xambej Jesús pejnachalnam. Naksiyam wut, meama Galilea tujnupijiw naksiya wut, jajum-am —aech japi Pedroliajwa.

⁷⁴ Do jawut, Pedro pejme jum-aech:

—Diachwujnakolax jumchi-enil wut, ¡Dios xan nej nakastike! Xan japon aton matabijs-enil —aech Pedro japi jiwliajwa.

Do jawutlejen, kawaema nejla. ⁷⁵ Do jawut, Pedro nejchafaet Jesús jum-aechpox, chajia jum-aech wut: “Kawaema nejlae-el wutfuk, xam naxanaliyaxaelam tres veces” —aech Jesús, jum-aech wut. Do jawut, japabafulmaktxot Pedro nakolt tathoetade. Jaxotde xabich nowpon, xabich nejxaejwas xot.

27

Jesús wiachpox Pilatoxot

(Mr 15.1–5; Lc 23.1–5; Jn 18.28–38)

¹ Nalian wut, puexa sacerdotespaklochow, judíos-ancianosbej, natameja kaenejchaxoelaxliajwa boesaliajwas Jesús. ² Do jawux, bw'foslison mmaxmatakuiyaxtat gobernador Pilato poxade. Jesús wiach Pilatoxot. Pilato Judea tujnupijiw tato'lan, to'as xoton Roma tujnupijiw tato'lan.

Judas tuppox

³ Do jawut, Judas, Jesús wiatpon padaelmajiwxot, taen wuton Jesús tasalaspox boesaliajwas, jawut xabich Judas nejxaejwas Jesúsliajwa, japon ispoxliajwabej. Samata, treinta platafahan pejme xapaton wiasliajwa sacerdotespaklochow natamejaxot, judíos-ancianos suapich,

Dios pejtemplobatat. ⁴Judas jaxot pat wut, jum-aechon japi paklochowli-ajwa:

—Xan babijax isx japon atonliajwa, babijax is-elponliajwa, bu'fos xoton boesaliajwas —aech Judas japiajwa.

Japi jumnot wut, jum-aechi:

—¿Ma-aech xotkat japox xanal najum-am? Japox xam nijax. Xanal japox tajaxa-el —aechi Judasliajwa.

⁵Do jawut, Judas japaplata thokcha Dios pejtemplobatat. Do jaxot nakoltlison tathoetade. Do jawux, pajut nakaechariamake'ton naetat. Jawut dukjklison patupan.

⁶Judas nakolt wut Dios pejtemplobaxot, jawut sacerdotespaklochow notlisi japaplatafachan, Judas thokchapi Dios pejtemplobatat. Not wut, nakaewa najum-aechi:

—Ampaplatafachantat moch kaen aton boesaliajwas. Samata, ampaplatafachan kenosaxisal Dios pej-ofrendaliajwa —na-aechi nakaewaliajwa.

⁷Do jawut, japi kaenejchaxoelax sat wuajsliajwa, japasatxot muthaliajwapi judios-eli tap wut Jerusalén paklowaxxot. Japasat wuajtxoti, majt pawul Baexfa'san Pejsat. ⁸Hasta amwutjel japasat pawulfuk Jalsat, japaplatafachantat mot xoti kaen aton boesaliajwas.

⁹Japox ja-aechliso, me-ama Jeremías, Dios pejprofeta, chajia jum-aechpox, jum-aech wut: “Japi xalaeyaxael treinta platafachan wuajsliajwa baexfa'san pejsat. Japaplatafachanliajwa judiospaklochow kaenejchaxoelax mosliajwapi jas-omtat kaen aton boesaliajwas. ¹⁰Do jawux, japaplatafachantat wuajsaxaeli baexfa'san pejsat, me-ama Dios chajia jum-aech” —aech Jeremías, chajia jum-aech wut.

Jesús nukpox Pilato pejwuajnalel
(Mr 15.2–5; Lc 23.3–5; Jn 18.33–38)

¹¹Jesús wiach wut gobernador Pilatoxot, jawut japon wuajnachaemt wut, jum-aechon Jesúsliajwa:

—¿Xamkatlap puexa judios pejreynam? —aechon.

Jesús jumnot wut, jum-aechon:

—Diachwuajnakolax xan japonan, xam jum-amponan —aech Jesús Pilatoliajwa.

¹²Sacerdotespaklochow, judios-ancianosbej, pejme jaxot Jesús tasala wut, jawut Jesús kaes jumnos-el. Asbuan jumch boejlach nuklison.

¹³Samata, Pilato Jesús wuajnachaemt wut, jum-aechon:

—¿Xamkat jumtae-emil japi jiw xam tasalapoxliajwa? —aech Pilato Jesúsliajwa.

¹⁴Pe Jesús boejlach nuk. Chinax kaejame jumnos-elon. Samata, Pilato xabich nejchaxoelanik.

Pilato to'apox Jesús kematamatlaliajwas
(Mr 15.6–20; Lc 23.13–25; Jn 18.38–19.16)

¹⁵Pilato pejkabuan, kaewaechful wut, Pascuafiesta wut, jitapaeipon kaen aton nakolsliajwa, jiw jebatat jiaspon, japon wuljowspoon judios.

¹⁶Japamatkoiyantat kaen jiw jebatat jias. Japon xabich judios matabi-jtas. Pawulon Barrabás. ¹⁷Puexa judios natameja wut, Pilato wuajnachaemt wut, jum-aechon judiosliajwa:

—¿Mason atonkat xamal nejxasinkam jiw jebaxot nakolsax tapaeliajwan? ¿Xamalkat nejxasinkam xan nakolsax tapaeliajwan Barrabás? O, ¿Jesús, japon pawulpon Cristo? —aech Pilato.

¹⁸ Pilato japox jum-aech, pajut matabijt xot, judíospaklochow wiat Jesús japonxot, xabich nusasiawal xoti Jesúsliajwa.

¹⁹ Pilato ek wutfuk pejtua-ekaxtat naewesliajwa Jesús tasalaspox, Pilato pijow jumxato'an. Jumxato'an wut, jum-aechow: “¡Nabey is babijax japon atonliajwa, chinax is-el xoton babijax! Xan xamoejtax wut, xabich nosbejchaeminal, nejchaxoelx wut japon atonliajwa” —aechow, jumxato'an wut Pilatoliajwa.

²⁰ Pe sacerdotespaklochow, judíos-ancianosbej, jum-aech xabich judíosliajwa: “¡Pilato wuljoem Barrabás nakolsax tapaeliajwa jiw jebaxot! ¡Pelax Pilato wuljoem japon to'aliajwa Jesús kematamatlaliajwa cruztat!” —aech paklochow xabich jiwliajwa. ²¹ Do pejme Pilato wuajnaeaemt wut, jum-aechon puexa judíosliajwa:

—Japi kolenjexot, ¿masonkat xamal nejxasinkam xan nakolsax tapaeliajwan? —aech Pilato.

Do jawut, puexa judíos jum-aech Pilatoliajwa:

—¡Barrabás nakolsax tapaem! —aechi.

²² Do pejme Pilato wuajnaeaemt wut, jum-aechon japiajwa:

—¿Achaxkat isaxaelen Jesúsliajwa, japon pawulpon Cristo? —aech Pilato judíosliajwa.

Do jawut, puexa jumnot wut, jum-aechi:

—¡Japonlax cruztat kematamatalde! —aechi.

²³ Do pejme Pilato jum-aech japi judíosliajwa:

—¿Achababijaxkat Jesús is xan to'aliajwan japon cruztat kematamatlaliajwas? —aech Pilato.

Japi nejlasful wut, jum-aechfuli:

—¡Cruztat kematamatalde! —aechfuli.

²⁴ Pilato matabijt japi judíos kaes naewesfula-esalpox. Xabich kaes nejlasfulbejpi, xabich palala xot. Samata, Pilato pamakan to'a min wuljaesliajwa. Jawut, xapa'an wut, Pilato kekakiat puexa judíos pejwuajnalel. Jawut jum-aechon:

—Ampon aton boesas wut, japox wuajan xan xalaejaxinil. Japox wuajan xamal xalaelpaxaelam —aech Pilato judíosliajwa.

²⁵ Puexa judíos jumnot wut, jum-aechi:

—Diachwuajnakolax xanal japox wuajan xalaelpaxaelen, japon aton boesas wut. Taxibej xalaelpaxael japox wuajan —aech judíos.

²⁶ Do jawut, Pilato tapaei Barrabás nakolsliajwa jiw jebaxot. Do jawutbej, Pilato keto'a soldaw selsliajwapi Jesús. Selsax ketoet wut, Pilato to'a soldaw Jesús kematamatlaliajwas cruztat.

²⁷ Do jawutbej, Pilato pejsoldaw bu'follisi Jesús, Pilato pejba poxade. Jaxotde puexa soldaw masajiatlisi Jesús. ²⁸ Jawux Jesús wejoltas sumta-otox. Do jawutbej, xajoellisipon pakchowax, me-ama rey naxoelpox, pasoe yax jasox. ²⁹ Xakoeyapi na-e'lu matlua'sliajwapi Jesús. Jawut matlua'tlisipon. Chaxdutipon, me-ama rey kilachalapox poklakelelel. Do jawux, soldaw brixtat nanuili Jesús pejwuajnalel taxaxaelaliajwa. Brixtat nanuil wut, bu'wuajanpaeipi Jesús. Taxaxaelaxtat jum-aechfullisi:

—¡Moi, judíos pejrey! —aechfullisi.

³⁰ Loeyasbejpon. Me-ama rey kelachalapox, japoxtat Jesús matnaebe'balas. ³¹ Do jawux, bu'wujajnpaeyax buxtoet wut, pejme joltlisipox, me-ama rey pijax, jasox. Pejme Jesús xajoels pejsumta-osax, japox Jesús pijaxkolax. Do jawut, bu'follisipon cruztat kematamatlaliajwapi Jesús.

Jesús kematamatlaspox cruztat

(Mr 15.21–32; Lc 23.26–43; Jn 19.17–27)

³² Do jawut, soldow bu'fol wuti Jesús nakolaliajwa Jerusalén paklowaxxot, jawut xabu'kulti kaen aton. Japon pawul Simón, Cirene paklowaxpijin. Do jawut, japon Simón, xato'ason soldaw Jesús pijax cruz xalaeyax. Jesús kaes japox xalaeyaxil, japon mamnika-el xot kastikaxtat.

³³⁻³⁴ Jesús bu'pach muaxxot. Japamuax pawul Gólgota. (Japawul jumchiliajwa: “Matnaethitmuax” —chiliajwa. Japamuax, me-ama aton matnaethit wut, kabuan-aechox.) Jaxotde bu'pa'a wut, soldaw chaxduti Jesús feliajwa vino, xasaxamint tanialtaspot, xabich boejtae-elaliajwa xaeyax. Pe Jesús xapaejla wut japavino, fe-elon.

³⁵ Do jawut, Jesús cruztat kematamatlas wut, soldaw nakakujt ia'xix, jasi, matabijaliajwa, achan kanaxael kaenanula Jesús pejnaxoe. ³⁶ Do jawux, soldaw chalak wesfulaliajwapi Jesús. ³⁷ Jesús pejmatnaetlelse tawlofach lelsipox chaduch. Japatawlofachxot lelsipox jum-aech, ma-aech xot Jesús kematamatlas cruztat. Lelsipox jum-aech: “Ampon Jesús, judíos pejrey” —aechox.

³⁸ Jawut, Jesús cruztat kematamatlas wut, japamuaxxot kolenje kethakan kaenanula cruztat kematamatlasbej. Kaen Jesús pejpoklalel chanuk. Asan Jesús pejsoenalel chanuk. ³⁹⁻⁴⁰ Asew jiw, jaxot xaxenapi, babejjamechan jum-aechi Jesúsliajwa. Matnaexawilt wut, jum-aechbejpi Jesúsliajwa:

—Xam chajia jum-am: ‘Xan Dios pejtemploba toesaxaelen. Do jawux, tres matkoi wut, pejme mat-esaxaelen’ —am xam. ¿Ma-aech xotkat amwutjel xam najut nabu'we-emil? Xam diachwujajnakolax Dios paxulnam wut, jma amwut najut baloemk cruzxotsik! —aech xaxenapi Jesúsliajwa.

⁴¹ Jawut sacerdotepaklochow, judíos chanaekabuanapibej, judíos-ancianosbej, japibej bu'wujajnpaei Jesús.

⁴² Nakaewa najum-aechi Jesúsliajwa:

—Asew jiw bu'wiapon. Pe pajut nabu'we-elon. Diachwujajnakolax ampon Israel tujajnpjijw pejrey wut, jma amwut nej baloeskon cruzxotsik! Do ja-aech wut, jxatis naexasisaxaeson! ⁴³ Dios xanaboajtbejpon. Jum-aechbejpon: ‘Xan Dios paxulnan’ —aechon pajutliajwa. Samata, j japon Dios nej bu'wes, Dios nejxasinkas wut! —na-aechi nakaewaliajwa Jesúsliajwa.

⁴⁴ Kolenje kethakan, kematamatlaspi cruztat, Jesús suapich, japibej jum-aech babejjamechan Jesúsliajwa.

Jesús tuppox cruztat

(Mr 15.33–41; Lc 23.44–49; Jn 19.28–30)

⁴⁵ Jesús cruztat wut, juimt matnoch ek wut, jawut xabich itkua'nik potuajnucha. Tres horas itkua'nik. ⁴⁶ Do jawut, a las tres wut, Jesús nejlaucha wut, jum-aechon: “Elí, Elí, ¿lema sabactani?” —aech Jesús.

(Japox jum-aech wut, jumchiliajwa hebreojametat: “TajDios, tajDios, ¿ma-aech xotkat tamach nawaeltam?” —chiliajwapox.)

⁴⁷ Asew jiw, jaxoti, japox jumtaen wut, jum-aechi:

—Japon wullalat Elías, Dios pejprofeta —aechi.

⁴⁸ Jawutlejen kaen japixot najaet wuljaesliajwa esponja, xathosliajwa vino xathankpotat. Esponja faen wut, xathoti esponja. Do jawut, nae-oefat matakupi Jesús suiliajwa japox. ⁴⁹ Asew jiw lax jum-aech:

—¡Mastaem! Taeyaxaes Elías bej fuloeyaxoekbej japon bu'weliajwas —aechi.

⁵⁰ Jesús pejme nejlakcha wut, jawut tuplison. ⁵¹ Jawut Dios pe-jtemplobatutat pinabu', duchpox batutat, najupathiakchakas athusik satleldik. Jawutbej sat xabich najaet. Pinanul ia' tatakbej. ⁵² Jawutbej patupamuthanxot pajut nafafa'bala. Do jawutbej, chajia tupi, majt laelpi ampathatat, japi Dios naexasiti, japi xabich pin-iat mat-ias pejme duilali-ajwa ampathatat. ⁵³ Jesús tup wut, jawux, tres matkoi wut, Jesús mat-ech wut pejme dukaliajwa, jawut japi jiwbej, mat-iaspi, lowpi Jerusalén paklowaxxot. Xabich japapaklowaxpijiw taensi.

⁵⁴ Patupan Jesús chanuk wut cruztat, soldawcapitan, pejsoldaw suapich, jaxot weti Jesús, taen wuti puexa ja-aechpoxan, sat najaesax taen wutbejpi, puexa japi soldaw xabich pejlwla. Samata, jawut jum-aechi:

—¡Diachwujnakolax ampon aton Dios paxulan! —aechi.

⁵⁵ Do jawutbej, patupan Jesús chanukxot xabich watho' atuaxach nuili natachaemaliajwapi patupan Jesús. Japi watho' chajia nakfalaeni Jesús Galilea tuajnuxot. Japi watho' kajachawaetbejpi Jesús, nanuamt wut. ⁵⁶ Japi watho'xot, jaxotbej María. Japow Magdala paklowaxpijow. Jaxotbej asaow, pawulpow María. Japow Santiago pen. Japowbej José pen. Japow Zebedeo pijow.

Patupan Jesús ochpox muaxwujtat
(Mr 15.42–47; Lc 23.50–56; Jn 19.38–42)

⁵⁷⁻⁵⁸ Jesús tup wut, tuila wutlejen, kaen aton pawulpon José, japon pat gobernador Pilatoxot. Japon kemaeyan, Arimatea paklowaxpijin. Japonbej naexasit Jesús naewujanpoxan. Dolisdo', José pat wut Pilatoxot, wuljowpon fisliajwa patupan Jesús muthsliajwa. Do jawutbej, Pilato to'a soldaw, japi chaxdusliajwapi patupan Jesús Joséliajwa. ⁵⁹ Do jawut, José fulaech patupan Jesús chanukxotde cruztat. Pa'a wuton, kuton patupan Jesús cruzxotsik. José xakoeya patupan sábanatat. Japabu' chimiabu', pajelbu'bej. ⁶⁰ José chajia asan aton wekowan muaxwuj. Japawuj José pajutliajwalach, asamatkoi tup wut japawujxot osliajwas. Samata, José japawujxot oton patupan Jesús. Do jawux, ia't pinjit, jajaerat, matariaman japawuj fakasliajwa. Do jawux, José japox ketoet wut, nawiaton. ⁶¹ Pe jaxot María, Magdala paklowaxpijow. Jaxotbej asaow María, japow pejwulxoelow. Japi koliowje atuaxach chalak japawuj wujnalel taeliajwapi patupan Jesús cha-ochxot.

Patupan Jesús ochxot soldaw wesfulpox

⁶² Kandiawa wut, napatamatkoi wut, sacerdotepaklochow, fariseosbej, fulaech Pilato poxade. ⁶³ Pat wuti Pilatoxot, jum-aechi:

—Tajpaklon, Jesús kichachajbapijin. Xanal nejchaxoelx japon jum-aechpoxliajwa, laeja wutfukon. Jawut Jesús jum-aech: ‘Tupx wut,

Dios namat-esaxael pejme dukaliajwan, tres matkoi wut' —aech Jesús. ⁶⁴ Samata, isoldaw to'im wesfulaliajwa tres matkoi japon ochxot! Jachi-emil wut, japon pejnachala bej jusaxaesbejpon. Do jawux, japi jiw naewuajnafulaxael wut, jumchisfulaxaeli: 'Japon mat-ech pejme dukaliajwa' —chisfulaxaeli. Ja-aech wut, xanalliajwa kaes pejme xabich chaemilaxael. Me-ama majt, jachiyaxil —aech sacerdotespaklochow, fariseosbej, Pilatoliajwa.

⁶⁵ Do jawut, Pilato jum-aech sacerdotespaklochowliajwa, fariseosliajwabej:

—¡Ama soldaw! ¡Buflaem chiekal wesfulaliajwapi patupanwujaj! —aech Pilato.

⁶⁶ Do jawut, paklochow bu'follisi soldaw patupanwujaj poxade. Jaxot pat wuti, xape'ti sello ia't, pinjixot. (Jasox ispi matabijaliajwa, asan aton japa-ia't matriamanlison wut taeliajwa.) Do jawut, soldaw jaxot waelas chamuthawesfulaliajwapi patupanwujaj.

28

Patupan Jesús mat-echpox pejme dukaliajwa (Mr 16.1–8; Lc 24.1–12; Jn 20.1–10)

¹ Napatamatkoi toep wut, dominkomatkoi wut, juimt julan wutbej, María, Magdala paklowaxpijow, asaow Mariabej, kaxa fulaechlisi patupanwujaj taeliajwa. ² Japi watho' fol wut, chalechkal sat xabich najaet. Jawut Dios pej-ángel fuloek. Pask wut patupanwujajxotsik, japa-ia't, pinjit, matriamanlison kaelel. Do jawut, Dios pej-ángel ek japa-ia'tmatwujajtat. ³ Dios pej-ángel pona xabich nakthian. Me-ama chamax kaliaf wut, jakaliaf-aechon. Sumta-otox xabich papoeikolax. ⁴ Soldaw, wesfulpi patupanwujaj, taen wuti Dios pej-ángel, japi soldaw xabich tathulal pejlwut. Do jawut, satat oeljabapi. Me-ama tup wut, ja-aechi.

⁵ Do jawut, ángel jum-aech japi watho'liajwa:

—¡Nabej nejlewlé! Xan matabijtax xamal wulwekam taeliajwam patupan Jesús, kematamatlaspon cruztat tupaliajwa. ⁶ Amxot ajillison. Japon mat-echlison pejme dukaliajwa, me-ama chajia jum-aechon. ¡Xabua'din xamal najut taeliajwam ochxoton! ⁷ Tae-emil wut patupan, ¡xamal xabua'de japon pejnachala poxade japi chapaeliajwam! ¡jum-amo Jesús pejnachala: 'Cruztat tapon mat-echlison. Amwutjel pejme duklison. Xamal wujajna japon wujajnaxaech Galilea tujajnuxotde. Jaxotde Jesús taeyaxaelam' —amo pejnachala! Japox xan jumchiliajwan Dios nabuxto'a xamalliajwa —aech ángel japi watho'liajwa.

⁸ Do jawut, japi watho' bichakal fulaech Jesús pejnachala poxade, Jesúsliajwa ja-aechpox chapaeliajwapi. Japi watho' xabich beljow. Pe jawutbej, xabich nejchachaemili. ⁹⁻¹⁰ Nuamtat fol wutfuki, Jesús chalechkal natulaelt japi watho' pejwujajnalel. Jesús moi-aech japi watho'liajwa. Do jawut, japi watho' mox soepa Jesúsxot. Brixtat nuili Jesús pejwujajnalel, xabich sitaen xoti. Jesús thijaeltas wut, jum-aechon japi watho'liajwa:

—¡Xabua'de tajnachala poxade chapaeliajwam xan nataenampox! ¡Tajnachala jum-amde Galilea tujajnu poxade fulaeliajwapi! Jaxotde xan nataeyaxaeli —aech Jesús, japi watho' buxto'a wuton.

Soldaw wesfulpi patupanwujaj, japi chapaeipox judiospaklochowxot

¹¹ Watho' fúlaech wutfuk, do jawutbej, soldaw weti patupanwuj, a sew japixot soldaw, fúlaechbej Jerusalén paklowax poxade. Jaxotde pa'a wut, japi soldaw chapaeilisi sacerdotepaklochowxot puexa japi taenpoxan, jumtaenpoxanbej, Jesúsliajwa. ¹² Do jawut, paklochow fúlaech judíos-ancianos poxade nospaeliajwa, japi srapich, kaenejchaxoelaxliajwa japoxliajwa. Do jawux, japi paklochow moti xabich plata soldaw kichachajbaliaw jiw. ¹³ Paklochow jum-aech soldawliajwa:

—jwm-amo jiw: 'Madoi, xanal moejtax wut, Jesús pejnachala fúlaen patupan natkowaliajwa. Japox ja-aech xanalliajwa' —amo puexa jiwliajwa! ¹⁴ Pilato japox wultaen wut, xanal nospaeyaxaelen, Pilato srapich. Ja-aech wut, xamal bu'wujajan jilaxaelam —aech paklochow soldawliajwa.

¹⁵ Do jawut, soldaw ow-aechlisi japoxliajwa. Samata, kenoti plata. Jawut japi soldaw chapaeful, me-ama paklochow buxto'as. Samata, judíos xabich chapaeful japawujajan potujnucha. Amwutjelbej japawujajan nakiowa chapaefulfuki.

Jesús to'apox pejnachala, japi naewujajnalijwa jiw

(Mr 16.14–18; Lc 24.36–49; Jn 20.19–23)

¹⁶ Do jawux, xanal onsan pejnachalwan fúlaechx Galilea tujnu poxade. Jaxotde pa'ax wut, fúlaechx pinamux poxade, Jesús nato'amux poxade. ¹⁷ Jaxotde xanal Jesús taenx. Do jawut, brixtat nuilx japon pejwujajnalel, xabich sitaenx xot. Xanalxot a sew jiw chiekal naexasis-eli, Jesús tuj wut mat-echpox pejme dukaliajwa. ¹⁸ Do jawutbej, Jesús mox soepan xanalxot. Jum-aechon:

—Taj-ax Dios natapaei puexa jiw tato'laliajwan, ampathatpijiw, athxotsepibej. ¹⁹ Samata, xamal potujnucha jiw naewujajnafulde! Naexasit wuti taj-ax Dios, xan tajwujajan naexasit wutbejpi, jawut japi jiw bautisaxaelam taj-ax Dios pijaxtat, xan Dios paxulnan pijaxtatbej, Espíritu Santo pijaxtatbej. ²⁰ xamal naewujajande a sew jiw naexasisliajwa puexa xan tato'laxpoxan xamalliajwa! Xan diachwujajnakolax xamalxotaxaelen pomatkoicha ampathatxot. Hasta ampathat toep wut, xan nakiowa xamalxotaxaelen —aech Jesús xanal pejnachalanliajwa.

Marcos lelpox Jesucristo pejuajan

Juan, jiw bautisan, pajilaxtat naewuajanpox
(Mt 3.1–12; Lc 3.1–9, 15–17; Jn 1.19–28)

¹ Chimiawuajan, Jesucristo pejuajan, tuadut wut, ma-aech. Japon pajut Dios paxulan. Xan Marcos lelx ampafut jiw chiekal matabijaliajwa japawuajan.

² Profeta Isaías lel Dios jum-aechpox Jesucristoliajwa, jum-aech wuton: “Wua, xam wujna xan to'axaelen tajprofeta, japon jiw naewuajnalijwa tajjamechan, xam naexaxislijawapi, patam wut jaxot” —aech Dios, chajia jum-aech wut Jesucristoliajwa.

³ Isaías chajia lelpox jum-aech Juan, jiw bautisanlijaw: “Aton pajilaxtat nejlat wut, jumchiyaxaelon jiwlijaw: ‘¡Thilde wajpaklokolan pasax wujna! Samata, ¡kofim babijaxan isampoxan! Me-ama jiw wujna nuamt chiekal chaemt wut paklon paslijaw, ¡xamal ja-amde nejnejchaxoelaxan! ¡Isfulde Dios nejxasinkpoxan!’ —chiyaxaelon pajilaxtat, nejlat wut jiwlijaw” —aech Isaías chajia lelpox Juan, jiw bautisanlijaw.

⁴ Do baxael, Isaías chajia jum-aechpox, ja-aechlisox japon atonlijaw. Japon aton patlison. Japon pawul Juan. Do jawut, Juan jiw bautisaful pajilaxtot. Naewuajanbejpon. Jaxotde xabich jiw fulaen naeweslijawas Juan naewuajanpox. ⁵ Xabich Judea tuajnurijiw fulaen, Jerusalén paklowaxpijiwbej. Jawut Juan jum-aechful japi jiwlijaw: “¡kofim babijaxan isampoxan! ¡Isfulde Dios nejxasinkpoxan! Ja-am wut, Dios beltaeyaxael xamal babijaxan isampoxanlijaw. Do ja-aech wut, xamal bautisaxaelen” —aech Juan jiwlijaw. Samata, japamatkoiyan jiw jalpaei babijaxan isopoxanlijaw, Dios beltaelajwas babijaxan isopoxanlijaw. Do jawut, Juan japi jiw bautisa Jordánlajat.

⁶ Juan pijax naxoelax isas camellolatat. Pejcinturónmuat pabu'kal. Pejnaxaeyaxan, me-ama sui'. Afpon miel. ⁷ Juan naewuajan wut, jum-aechon: “Mox pawujna kaen aton fulaelajwadin. Japon kaes pejme paklonaxael. Me-ama xan, jachiyaxilon. Xan omjinil japon pejka-jachawaesnanlijaw. ⁸ Diachwujnakolax xan jiw bautisax mintat, japi kofa wut babijaxan isopoxan. Pelax pasaxaelpon, japon kaes paklonaxael. Samata, to'axaelon Espíritu Santo jiw kajachawaesfulalijawas” —aech Juan Cristoliajwa.

Jesús bautisaspo
(Mt 3.13–17; Lc 3.21–22)

⁹ Japamatkoiyan Jesús nakolt Nazaret paklowaxxot, Galilea tuajnuaxot. Fulaekon Juan poxadik. Jawut Juan bautisa Jesús Jordánlajat. ¹⁰ Jesús jul wut mintat, jawut taenon athu fafachpox. Jawut Espíritu Santo fuloek a-utat japon pejmatwujajasik. Me-ama a-ut, kabuan-aech Espíritu Santo. ¹¹ Do jawut, Jesús jumtaenbej athusik jum-aechsikpox, Dios jum-aechsik wut ampox: “Xam taxulnam, xabich nejxasinkaxponam. Xabich nejchachaemlax xamliajwa” —aech wut pax Dios Jesúslijaw.

Jesús xapaejaspox Satanás
(Mt 4.1–11; Lc 4.1–13)

¹² Do jawux, Jesús bu'fos Espiritu Santo pajilax poxade. ¹³ Pajilaxxot wut, namanlison cuarenta matkoiyan. Jaxot pejmachoeffkal maenk. Do jawut, deppaklon pat. Japon pawul Satanás. Japon xapaaja Jesús babijax isliajwa. Do jawux, Satanás chijia Jesúsxot. Do jawutbej, Dios pej-ángeles fuloek japi kajachawaesliajwa Jesús.

Jesús tñadutpox naewñajna Galilea tñajñxot
(Mt 4.12–17; Lc 4.14–15)

¹⁴ Asamatkoi Herodes, Galilea tñajñpijiw tato'lan, to'apon pejsoldaw Juan jaelsliajwas, jiw jebatat jeliajwasbejpon. Do jawux, Jesús fulaech Galilea tñajñu poxade. Jaxotde pa'a wut, jiw naewñajanlison chimiawñajan, Dios tato'laxaelpox pejjiw. ¹⁵ Jesús jum-aech ampox jiwliajwa: “Patlisoj japamatkoiyan, wñajñawesfulasmatkoiyan Dios tato'laliajwa pejjiw. Samata, ¿kofim babijaxan isampoxan! ¿Dios naexasisfulde japon xanaboejalijawam! Patlisoj chimiawñajan xamal naexasisfulaliajwam” —aech Jesús japi jiwliajwa.

Jesús tadutpox cuatro nabaxisiw japon pejnachalaliajwas
(Mt 4.18–22; Lc 5.1–11)

¹⁶ Jesús Galilea pukababu'tat laeja wut, kolenje nabaxisiw taenpon. Kaen pawul Simón. Asan pawul Andrés. Japon Simón pakoewan. Japi taraya xawaejaba pukatat. ¹⁷ Jesús jum-aech:

—¿Xan nakfulaem! Xamal chiekal matabijam nabaxisaxan. Jasoxtatbej xamal chanaekabñanaxaelen jiw chiekal naewñajnalijawam japi tajnachalaliajwa, Dios pejiwaliajwabejpi —aech Jesús.

¹⁸ Do jawut, pejew taraya waelapi asew jiwttat, nakfulaeliajwapi Jesús.

¹⁹ Jesús kaes fulaech wut, asew kolenje, nabaxisiw, taenpon. Kaen pawul Santiago. Asan pawul Juan. Japon Santiago pakoewan. Falkamtat pejew taraya chaemti. Japi pax pawul Zebedeo. ²⁰ Do jawut, Jesús japi la nakfulaeliajwas. Do jawut, nakfollisi Jesús. Pax Zebedeo waelti falkamtat, kajachawaeti ñapich.

Aton dep webaespoj pejmatpñatxot
(Lc 4.31–37)

²¹ Do jawux, Jesús, pejnachala ñapich, pat Capernaum paklowaxxot. Napatamatkoi wut, lechi judíos naewñajnaba poxade. Do jaxot Jesús tñadut jiw naewñajnalijawa. ²² Chiekal naewñajanpon Dios pej-jamechan. Me-ama judíos chanaekabñanapi naewñajan wut, jachielon. Samata, japi jiw xabich nejchaxoelachalak, Jesús naewñajan xot Dios pijaxtat. ²³ Judíos naewñajnabaxot, aton nuk. Japon dep webaes pejmatpñatxot.

Do jawut, aton pejkaechatat dep nejlat wut, jum-aech:

²⁴ —Jesús, Nazaret paklowaxpijam, ¿xam achaxasiamkat xanalxot? ¿Xamkat fulaeman puexa xanal natoesliajwam? Xam matabijtax. Xam Dios paxulnam, xabich pachaemamponam —aech dep, nejlat wut aton pejkaechatat.

²⁵ Do jawut, Jesús jum-aech nejthñ'axtat depliajwa:

—¿Boejlachde! ¿Xam nakolde japon aton pejmatpñatxot! —aech Jesús depliajwa.

²⁶ Do jawut, japon aton xabich tathalal dep pijaxtat. Dep nejlakcha wut, japon aton pejmatpñatxot nakoltlison. ²⁷ Jawut puexa

jiw xabich belwana, taen wuti japox, Jesús dep to'apox. Nakaewa nawhajnaemsnap:

—¿Ma-aech xotkat dep nakolt, to'a wuton? ¿Achaxkat amprox, pajel-naewhajna? Ampon aton, me-ama Dios to'aspon wut, ja-aechon. Ja-aech wut, dep nakolt —na-aechna jiw nakaewa.

²⁸ Do jawux, Galilea tujajnapijiw potujajnaucha kamtalejen wultaenapi Jesúsliajwa.

Jesús boejthutpox Simón Pedro paem

(Mt 8.14–15; Lc 4.38–39)

²⁹ Jesús nakolt wut judíos naewhajnaabaxot, Jesús fulaech asaba poxade Santiago, Juan suapich. Japaba Simón pejba, Andrés suapich. Japabaxot pat wuti, lowpi. ³⁰ Jaxot Simón paem bu'xaenk Jesús pejpasax wujana. Okow camatat. Xabich bu'tujajnikow. Jawut asew japixot chapaeipi Jesús, Simón paem bu'xaenkprox. ³¹ Samata, Jesús mox soepan japowxot. Kefit wut, japow mat-eton. Jawut kamta japow chiekal boejthuls. Bu'tujajax wejisalbejpow. Do jawut, japow pajut naxaeyaxan athuk Jesúsliajwa, japon pejnachalalajwabej.

Jesús boejthutpox xabich jiw bu'xaeya

(Mt 8.16–17; Lc 4.40–41)

^{32–33} Tuila wut, itkhatnik wutbej, Capernaum paklowaxpijiw bafafaxot pati, Jesús dukbatatxot. Asew japixot bu'pat xabich bu'xaeya, dep webaespiwej pejmatpuatantat. ³⁴ Do jawut, Jesús xabich bu'xaeya boejthut, nejmachwaxaetat bu'xaenkpi. Xabich dep nakolax to'abejpon, jiw pejmatpuatanxot bapi. Ja-aech wut, Jesús tapae-el dep naksiyaliaw, japi chiekal matabija xot japon Cristo, Dios to'aspon.

Jesús naewhajnaprox judíos naewhajnaabachaxot

(Lc 4.42–44)

³⁵ Do kandiawasap wut, nalianawujana wut, Jesús nathikt wut, nakoltlison japabaxot. Fulaechon pajilax poxade, tamach pejlel Dios kawhajnalajwa. ³⁶ Do jawut, baxael, Simón, pejnachala suapich, jalweki Jesús. ³⁷ Faen wut, jum-aechi Jesúsliajwa:

—Puexa jiw xam xabich wulwek —aechi.

³⁸ Jesús jumnot wut, jum-aechon:

—Chajias asapaklowaxan mox poxade. Japapaklowaxanpijiw naewhajnaaxaelen Dios pejjamechan. Samata, xan fuloekx —aech Jesús.

³⁹ Do jawut, Jesús nanamt puexa Galilea tujajnaaxot. Kaenanula judíos pejnaewhajnaabachantat, Jesús naewhajnaful judíos. Jiw dep webaespiwej, dep nakolax to'apon japi jiw pejmatpuatanxot.

Jesús boejthutpox bu'xaenkpon leprawaxaetat

(Mt 8.1–4; Lc 5.12–16)

⁴⁰ Kaen, bu'xaenkpon leprawaxaetat, fulaenon Jesúsleldin. Pat wuton, Jesús pejwujnalel brixtat nukon, xabich sitaen xoton. Do jawut, jum-aechon Jesús jumtaelajwa:

—Xan matabijtax xam naboejthusaxaelamprox. Xan naboejthusasiam wut, jnaboejthu'e! —aech leprawaxaetat bu'xaenkpon.

⁴¹ Jesús xabich beltaen xot, bu'xaeyan pejke-etat bu'jachapon. Do jawut, Jesús jum-aech:

—Xam boejthusaxaelen. Samata, malis chiekal pachaemam —aech Jesús.

42 Do jawut, kamta chiekal boejthulson leprawaxae. Pejbu't chiekal wepachaemslison.

43-44 Jesús to'a wut, jum-aechon nejthu'axtat:

—¡Asew jiw nabej chapae' xam boejthutxprox! ¡Xabua'delax sacerdote poxade, japon xam bu'taeliajwa boejthulprox leprawaxae! Do jawux, ¡chaxdu'e, me-ama Moisés chajia lelpox jum-aech Dios chaxdusliajwam ofrenda, leprawaxae xam chiekal boejthul xot! Jasoxtat xam jiw matabi-jaxael chiekal boejthulprox japawaxae —aech Jesús.

45 Do jawut, leprawaxae boejthulspoxon fulaechlison. Pe owchielon Jesús jum-aechprox. Japon aton chapae-flax tuduton puexa jiw jumtaeliajwa Jesús pejuwanjan. Samata, Jesús tulaela pasaxil japapaklowaxanxot. Do jawut, Jesús atuj naejiat japapaklowaxan. Ja-aech wut, popaklowaxanpijw fulaech Jesús poxade, taeliajwapi japon.

2

Jesús boejthutprox nabejkan, japon chinax laejaxilpon (Mt 9.1–8; Lc 5.17–26)

¹ Asamatkoijanwux, Jesús nawiat Capernaum paklowaxxotdin. Jawut japapaklowaxpijw nakaewa najum-aech Jesúsliajwa: “Jesús kaweta naman batat” —aechi. ² Samata, xabich jiw wuluk japabatat. Ba xajupa-el, xabich jiw wuluk xotbej japabafafatat. Asew japixot atuxach bafafaxot nuilje. Do jawut, Jesús naewwanjan Dios pejjamechan puexa japi jiwliajwa.

³ Do jawut, kaen aton, laejaxilon, chaxfason cuatro poejiw, Jesús jiw naewwanjan poxadin. Japi fulaen Jesús taeliajwa. ⁴⁻⁵ Cuatro poejiw mox pasaxil Jesúsxot, xabich jiw wwanja ba wuluk xot. Samata, ba matwanjase chaxjulachi, me-ama choeranae poxase. Jaxotse bamatwanj tukapi pinjiyax laejaxilon chakakofnaliajwadik Jesús poxadik. Chakakofan wut, nejchaxoeli: “Diachwanjnakolax Jesús boejthuxaxaes ampon aton chiekal laejaliajwa” —aech cuatro poejiw, nejchaxoel wut. Jesús chajia matabijt japi nejchaxoelox. Samata, jum-aechon laejaxilon jumtaeliajwas:

—Wua, xam beltaenx babijaxan chajia isampoxanliajwa, —aech Jesús.

⁶ Kaeswapich judíos chanaekabwanapi jaxot chalak. Jumtaen wuti Jesús jum-aechprox, japi nejchaxoel: ⁷ “¿Ma-aech xotkat Jesús Dios sitae-el? Japon naksiya xatis jumchiyaxisalprox. Nejmachjiw japox jumchiyaxil. Jasox naksiya wuti, is babijax Diosliajwa. Kaen Dios xajup beltaeliajwa jiw babijaxan ispoxanliajwa” —aech judíos chanaekabwanapi, nejchaxoel wut.

⁸ Do jawut, Jesús chiekal matabijt japi nejchaxoelox. Samata, jum-aechon japijajwa:

—¿Ma-aech xotkat xamal jasox nejchaxoelam xanliajwa? ⁹ Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wut, jiw xan namatabijaxil xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nandel! ¡Laejim!’ —an wut, japox jum-an wut, jiw diachwanjnakolax xan namatabijaxael xan puexa jiw pakoewkolnanponan. ¹⁰ Xan ispoxantat xamal matabijaxaelam, diachwanjnakolax, xan puexa jiw pakoewkolnanponan, xajupx athuxotse, ampathatbej, jiw beltaeliajwan babijaxan ispoxanliajwa —aech Jesús judíos chanaekabwanapiliajwa.

Do jawut, Jesús jum-aech laejaxilpon jumtaeliajwa:

¹¹ —Xam jum-an: '¡Nande! ¡Sumta-okampox fi'e! ¡Xalaemchbej nejba poxade!' —an xan —aech Jesús.

¹² Do jawut, laejaxilon nant wut, sumta-okpox fit wutbej, chajialison. Jawut xabich jiw taenspon, fulaech wut tathoetade. Samata, puexa jiw natachaemason. Nakaewa najum-aechnapí:

—Dios, japon kaen, xabich mamnik. Majt chinax jasox tae-esal, meama ampox. Amwutjel jasox taens —na-aechi nakaewa.

Jesús tadutpox Mateo pejnachalanliajwa

(Mt 9.9–13; Lc 5.27–32)

¹³ Do jawux, Jesús fulaech wut pejme pukabab' poxade, jawut xabich jiw pat Jesúsxot. Do jaxot jiw naewhajanlison. ¹⁴ Do jawux, Jesús naewhajanpox buxtoet wut, fulaech wuton, taenon Leví. Japon asawul Mateo. Leví pax pawul Alfeo. Leví impuesto mat-omwuljoen Roma gobiernoliajwa. Leví ek impuesto mat-omwuljoebatat. Jaxot Jesús jum-aech:

—¡Xan nakfulaem tajnachalnamliajwa! —aech Jesús.

Do jawut, Leví nant wut, nakfollison Jesús.

¹⁵ Xabich jiw, impuesto mat-omwuljoew, asewbej naexaxis-eli Moisés chajia lelpox, japi jiw nakfoli Jesús. Asamatkoi Jesús, pejnachala swapich, xael wuti Leví pejbatat, xabich impuesto mat-omwuljoew, asewbej naexaxis-eli Moisés chajia lelpox, japibej jaxot naxael. ¹⁶ Judíos chanaekabwanapixot, japi fariseos. Japi taen, Jesús xael wut, impuesto mat-omwuljoew swapich, asew jiw swapichbej, japi naexaxis-eli Moisés chajia lelpox. Do jawut, japi fariseos whajnachaemt wut, jum-aechi Jesús pejnachalaliajwa:

—¿Ma-aech xotkat Jesús xael impuesto mat-omwuljoew swapich, asew jiw babejchow swapichbej? —aechi.

¹⁷ Jesús japox jumtaen wut, jum-aechon fariseosliajwa:

—Jiw woen woe-el nejchaempi, bu'xaenka-el xoti. Fulaenpon woeliajwa bu'xaeya. Ja-anlap-is xan. Xan fulae-enil tadusliajwan pachaempi. Xanlax fulaenx tadusliajwan jiw babejchow, japi kofaliajwabej padujne-jchaxoelaxan, naexaxisliajwabejpi Dios —aech Jesús fariseosliajwa.

Asew jiw xae-elpox, piach Dios kawhajnaliajwa wut

(Mt 9.14–17; Lc 5.33–39)

¹⁸ Asamatkoi Juan, jiw bautisan, pejnachala naxae-el, piach Dios kawhajnaliajwa wuti. Fariseos pejnachalabej naxae-el, piach Dios kawhajnaliajwa wuti. Do jawut, asew jiw japixot pat Jesúsxot. Pat wut, jum-aechi Jesús jumtaeliajwa:

—Juan pejnachala, fariseos pejnachalabej, naxae-el, piach Dios kawhajnaliajwa wut. ¿Ma-aech xotkat nejnachala naxaelkatlax, piach Dios kawhajnaliajwa wut? —aechi Jesús jumtaeliajwa.

¹⁹ Jesús whajantat jumnot wut, jum-aechon:

—Aton pawis fit wut, fiesta is wutbejpi, puexa jiw chiekal naxaeyaxael japonxot. Japi xabich nejchachaemlaxael, pajelnakjiyan dukaxael xotfuk jaxot. ²⁰ Asamatkoi japon asew jiw fe'naxaes wut, do jawut, taduchpi naxaeyaxil kaematkoíyan swapich, xabich nejxaejwaxaes xoti. Asamatkoi japox jachiyaxaesbej tajnachalaliajwa. Samata, tajnachala naxaeyaxil kaematkoíyan swapich, nejxaejwaxaes xoti, xan japixot

ajilaxaelen xot, asew jiw xan nabu'fol wut —aech Jesús wuajantat wuajnaechaemtaspiliajwa.

²¹ Jesús pejme jum-aech wuajantat jiw nakiowa naexasisfulpiliajwa pejwuajnapijiw pejkabuananapox:

—Pawis pejyiaf wexaxarwas wut, xape'tow nakaepadujbu'ch. Xape's-elow pajelbu'ch. Pajelbu'ch xape't wut, itkiat wutbej, mamu'al wut, kaes itkialaxael. Itkial wut, padujyiafkaes pinjiyax thialfalaxael xape'txotow.
²² Jiw wulu-elbej pajelvino, padujchoxantat, isaspox choefbu'tat chox-aliajwa. Jiw wulu wut pajelvino, choxa chathialfalaxael, pajelvino xabich xot pafak. Ja-aech wut, nafa'axael vino, choxabej. Samata, jiw wulu pajelvino pajelchoxantat —aech Jesús, naewuajan wut jiw wuajantat.

Judíos pejnapatamatkoitat Jesús pejnachala jolbalapox trigo
(Mt 12.1–8; Lc 6.1–5)

²³ Asamatkoi, napatamatkoi wut, Jesús, pejnachala suapich, fol trigolulanxot. Pejnachala fol wut, trigo jolbalapi xaelpaliajwa, litaxaela xoti. ²⁴ Kaesuapichbej fariseos jaxot nakfol. Do jawut, japi jum-aech Jesúsliajwa:

—¿Ma-aech xotkat nejnachala japox is, xatis judíos naktapae-elpoxtat, napatamatkoitat wut? —aech fariseos Jesúsliajwa.

²⁵ Jesús jumnot wut, jum-aechon:

—Xamal matabijam, wajwuajnapijin, waj-am rey David, ispox chajiakolaxtat, xabich litaxaela wuton, pejsoldaw suapich. ²⁶ Jawut David lech Dios pejba, xananuamsba. Japabatat wuajna pan oel mesamatwuajtat. Japapan Dios pej-ofrenda. Do jawut, rey David japapan xael. Do jawutbej, chaxduwpon pejsoldaw, japi xaeliajwa japapan. Japamatkoitat Dios pejbatat sacerdotespaklokolan, japon pawulpon Abiatar, Dios pejtubernaculobatatron. Moisés chajia lelpox jum-aech: “Japapan koew sacerdotas xaeliajwa, nabisti Dios pejbatat. Asew jiw xaeyaxil japapan” —aech Moisés chajia lelpox —aech Jesús.

²⁷ Jesús pejme jum-aech:

—Jiw wewe'pas napatamatkoi. Samata, Dios is napatamatkoi jiw damlathulaliajwa. Dios is wut jiw, is-el asbuun jumch jiw sitaeliajwa napatamatkoi. ²⁸ Samata, xan puexa jiw pakoewkolnan, xajurpx jumchiliajwan jiw isaxaelpox napatamatkoitat —aech Jesús.

3

Jesús boejthutpox kemamlan
(Mt 12.9–14; Lc 6.6–11)

¹ Asamatkoi Jesús lech judíos naewuajnaba poxade. Japabatat wuajna ek kemamlan. ² Fariseosbej jaxot, japi natachaema taeliajwapi Jesús, kemamlan boejthut wut napatamatkoitat. Japi tasalaliajwapi Jesús, japon is wut asax. ³ Do jawut, Jesús jum-aech kemamlanliajwa:

—jNande! jiw pejwuajnalel nukde! —aechon.

⁴ Jawut, Jesús jiw wuajnaechaemt wut, jum-aechon:

—¿Achaxkat jum-aech Moisés chajia lelpox? ¿Achaxkat Dios naktapaei isliajwas napatamatkoitat? ¿Naktapaeikat isliajwas pachaempox? O, ¿isaxaeskababijax? ¿Naktapaeikat boejthusliajwas bu'xaeyan? O, ¿boesaxaeskak japon aton? —aech Jesús.

Do jawut, puexa jiw boejlach nuil. J̄m̄nos-elipon. ⁵ Jesús jiw masajachpi. Ulanatachaemton, japi jiw matnaetink xoti matabijaliajwa. Ne-jxaejwasbejon, japi chiekal matabija-el xot. Do jawut, Jesús j̄m̄-aech kemamlanliajwa:

—jKeba'de! —aechon.

Keba't wut, pejke-e chiekal wepachaemslison. ⁶ Do jawut, fariseos japox taen wut, jaxot nakolapi. Baxael, natamejapi kaeyaxtat nospaeliajwapi, Herodes pejnachala s̄apich, boesaliajwapi Jesús.

Xabich jiw papasf̄ulpox pukabab̄'tat, Jesús naew̄hajanpox j̄m̄taeliajwa

⁷⁻⁸ Jesús f̄ulaech, pejnachala s̄apich, Galilea puka poxade. Xabich jiw, Galilea t̄aj̄n̄pij̄iw, w̄chakal f̄ulaen. W̄chakal f̄ulaenbej Judea t̄aj̄n̄pij̄iw, Jerusalén paklowaxpij̄iwbej, Idumea t̄aj̄n̄pij̄iwbej, Jordánlajt wesklelpij̄iwbej, Tiro paklowaxpij̄iwbej, Sidón paklowaxpij̄iwbej. Puexa japi f̄ulaen, w̄ltaen w̄ti Jesús ispoxanliajwa jiwliajwa Dios pijaxtat. ⁹⁻¹⁰ Jaxot Jesús pukabab̄'tat jiw naew̄hajan. Puexa jiw, b̄'xaenki, Jesúslel fijabas, xabich asew̄ japixot boejth̄t xoton. Japi b̄'xaeya xabich jachasiapi Jesús. Jesús xabich jiw taen wut, pejnachala to'apon falkam w̄ljaesliajwa, japon puka pamaklel chadukaliajwa falkamtat, xabich jiw tabe'nasamatas.

¹¹ Jiw dep webaesi pejmatp̄atanxot, japi Jesús taen wut, brixtat nuili japon pejw̄hajnalel. Dep nejla'bala wut, j̄m̄-aechbalapi jiw pejkaechantat:

—Xam diachw̄hajnokolax Dios pax̄lnam —aechbala dep jiw pejkaechantat.

¹² Jawut Jesús nejth̄'axtat j̄m̄-aechon depliajwa:

—jNabej j̄m̄-aech' xan Cristowanponan! —aech Jesús depliajwa.

Jesús makanotpox doce apóstoles

(Mt 10.1–4; Lc 6.12–16)

¹³⁻¹⁴ Do jaw̄x, Jesús pinam̄ax julach. Jaxot Jesús pejnachala la julaliajwase, makanochpikal. Natameja wut japonxot, Jesús w̄lduw asew̄ japixot apóstoles. Japi puexa, docepi, japi chalaliajwa Jesús. Jesús japi tato'al jiw naew̄hajnaliajwa. ¹⁵ Jesús chaxdutbej Dios pejpamamax apóstolesliajwa, dep nakolax to'aliajwapi, jiw pejmatp̄atanxot webaespi. ¹⁶ Doce poejiw makanochpi, japi kaenan̄la pejw̄lan. Kaen paw̄l Simón. Jesús japon w̄lduw Pedrow̄ltat.

¹⁷ Asan paw̄l Santiago. Asan paw̄l Juan. Japon Santiago pakoe-wan. Japi kolenje Zebedeo paxi. Jesús asaw̄ltat w̄lduw japi kolenje pejnachalan, Boanergesw̄ltat. (Japaw̄l j̄m̄chiliajwa: “Chamax Paxi” —chiliajwa.)

¹⁸ Asan paw̄l Andrés. Asan paw̄l Felipe. Asan paw̄l Bartolomé. Asan paw̄l Mateo. Asan paw̄l Tomás. Asan paw̄l Santiago. Japon Alfeo pax̄lan. Asan paw̄l Tadeo. Asan paw̄l Simón. Japon majt asam̄tp̄ijin, celotem̄tp̄ijin.

¹⁹ Asan paw̄l Judas Iscariote. Japonlap asamatkoi Jesús wiasaxael padaelmajiwxot.

Fariseos j̄m̄-aechpox Jesús pejpamamaxliajwa, Satanás pejpamamaxliajwabej

(Mt 12.22–32; Lc 11.14–23; 12.10)

²⁰ Do jawux, Jesús ba lech wut, jawutbej, xabich jiw papasful japabaxot. Samata, Jesús, pejnachala suapich, xaeyaxil. ²¹ Jesús pakoew, pen suapich, wultaen wuti Jesús ispoxanliajwa, fulaeni Jesús poxadin, asalel buflaeliajwapi Jesús. Japi nejchaxoel wut, jum-aechi Jesúsliajwa: “Jesús na-acha” —aechi, nejchaxoel wut.

²² Do jawut, judíos chanaekabuanapi fulaen Jerusalén paklowaxxotdin. Japibej jum-aech: “Jesús to'a wut dep nakolaliajwa jiw pejmatpuatanxot, to'apon Beelzebú pejpamamaxtat” —aechi Jesúsliajwa. Satanás asawul Beelzebú.

²³ Jesús la judíos chanaekabuanapi jumchiliajwapon japi. Do japi pat wut, jum-aechon: “Satanás, dep pejpaklon, wepachaemaxisal dep to'aliajwapon, dep nakolaliajwa jiw pejmatpuatanxot. ²⁴ Kaetujnupijiw nadijkaxael wut nakaewa nabeliajwa, japi natoesaxael nabeyaxtat. ²⁵ Kaebapijiw nadijkaxael wut nakaewa nabeliajwa, japibej natoesaxael nabeyaxtat. ²⁶ Jachiyaxaellap-is Satanás, pejjiw suapich, nadijkaxael wut nakaewa nabeliajwa. Japi natoesaxael nabeyaxtat. Ja-aech wut, Satanás toepaxael” —aech Jesús judíos chanaekabuanapiliajwa.

²⁷ Jesús pejme jum-aech: “Kaen natkowasia wut asabat, japon leyaxil, bapijin wujna wut batat, japon mamnik wutbej. Majt bapijin mmatat kuiyaxaeson. Do ja-aech wut, bapijin pejew nosaxael kethakan.

²⁸ “Diachwujnakolax xan jum-an. Dios xajup beltaeliajwa, jiw jum-aech wut babejjamechan Diosliajwa. Jiw babijaxan ispi, japi Dios beltaeyaxesbej. ²⁹ Pelax jiw jum-aech wut babejjamechan Espiritu Santoliajwa, ja-aech wut, Dios beltaeyaxil japi jiw. Japi pomatkoicha kaelel pejbu'wujnaxael Diosliajwa” —aech Jesús.

³⁰ Jesús japox jum-aech judíos chanaekabuanapi, jum-aech xot: “Jesús webaes dep pejmatpuatxot” —aech xoti.

*Jesús pen, japon pakoewbej, japi nospaesiapox, Jesús suapich
(Mt 12.46–50; Lc 8.19–21)*

³¹ Do jawux, Jesús pen, japon pakoewbej, pati Jesús jiw naewuajanxot. Jaxot pat wut, nuili tathoetlel. Do jawut, kaen aton to'api, jumchiliajwapon Jesús, Jesús nakolsliajwa tathoetade.

³² Xabich jiw Jesús masajiach. Do jawut, asew japixot jum-aech:
—Jiw chanaekabuanan, nej-en, nakoew suapich, ba tathoetlel nuil. Xam wulweki —aechi Jesúsliajwa.

³³ Do jawut, Jesús jum-aech:
—¿Achewkat, me-ama taj-en, takoewbej? —aech Jesús.

³⁴ Do jawut, Jesús natachaemt wut, jum-aechon masajiachpiliajwa:
—Xamal tajjiwam, xamallap, me-ama taj-enjiwam, takoewjiwambej!
³⁵ Xamal isfulam wut Dios nejxasinkpoxan, ja-am wut, me-ama takoe-wam, me-ama taj-enambej —aech Jesús.

4

*Trigo pejwujan, xasaljabapon
(Mt 13.1–23; Lc 8.4–15)*

¹ Asamatkoi Jesús tuadut jiw naewuajnalialjwa pukababu'tat. Do jawut, xabich jiw papasful japonxot. Samata, falkam julon ekaliajwa japafalkamtat. Jasoxtat chadukon jiw naewuajnalialjwa. Japi jiw putat nuil. ² Jesús xabich wujantat naewuajan jiw chiekal naewuajnalialjwapon.

Do jawut, naewuajan wut, jum-aechon: ³ “¡Chiekal naewe'e am-pawuajan! Kaen aton fulaech pejlul poxade, trigo xasaljabaliajwa. ⁴ Xasaljaba wut, asew trigo natacholan nuamtat. Do jawux, mia pat japatrigo xaeliajwas. Do jawutbej, japi trigo mia xaeslisi, nuamtat natacholanpi. ⁵ Asew trigo natacholan ia'xot, jaxot as xanaja'al. Japi trigo kamta naboela, sat kaeswapich xot. ⁶ Xabich masxaenk wut, japi trigo selnas, xabich tathinkasnika-el xotdik. Do jawut, tuplisi. ⁷ Asew trigo natacholan na-e'lu tasiaptasxot. Japi trigo naboela wut, do jawut, na-e'lu bej naboela. Na-e'lu tapae-el trigo ti'sax, na-e'lu kaes athu xot. Samata, japi trigo naboesaxil. ⁸ Asew trigo natacholan sat pachaemxot. Puexa japi trigo chiekal naboela. Ti't wut, trigoton chiekal naboet. Asew trigoton naboet treinta trigofu. Asew trigoton naboet sesenta trigofu. Asew trigoton naboet cien trigofu” —aech Jesús.

⁹ Jesús pejme jum-aech: “Xamal Dios pejnechaxoelax matabijasion wut, ¡chiekal naewe'e xan jum-anpoxan!” —aech Jesús.

*Ma-aech xot Jesús xabich wuajantat naewuajan
(Mt 13.10–17; Lc 8.9–10)*

¹⁰ Do jawux, Jesús tamach wut, doce apóstoles swapich, kaes asewbej, japon pejnachalapi, jawut japi puexa wuajnachaemt wut, jum-aechi Jesúsliajwa:

—¿Achax jumchiyaxaelkat japawuajan? —aechi, wuajnachaemt wut Jesús. ¹¹ Jesús jumnot wut, jum-aechon:

—Dios xamal tapaei matabijaliajwam Dios pejiw tato'alpox, xan japox naewuajna x wut. Pe asew jiw, xanaboeja-elpi Dios, jumtaeyaxael wuajankal asbuun jumch. ¹² Samata, japi jiw xabich natachaema. Pe japi taeyaxil. Japibej xabich naewet jummatajibaliajwa, pe jummatajibaxili, japi Dios xanaboejasamata, Dios japi babijaxan ispoxanliajwa beltae-samatabej —aech Jesús pejnachalaliajwa.

*Jesús chiekal chanaekabuana pox trigo pejwuajan, xasaljabapon
(Mt 13.18–23; Lc 8.11–15)*

¹³ Do jawut, Jesús pejme jum-aech pejnachalaliajwa: “¿Xamalkat matabija-emil trigo xasaljabapon pejwuajan? ¿Machiyaxaelamkat matabijaliajwam, naewuajna x wut asawuajan?” —aech Jesús pejnachalaliajwa.

¹⁴ Do jawut, trigo pejwuajan, xasaljabapon, Jesús chiekal chanaekabuana pejnachala. Jum-aechon: “Trigo xasaljabapon, japon, me-ama Dios pejjamechan naewuajanpon. ¹⁵ Trigo natacholanpi nuamtat, japox, me-ama Dios pejjamechan jiw naewuajnaspox. Jumtaenpi naewuajnaspox, asew japixot, matabijaxil, matnaetink xoti. Me-ama sat tink, ja-aech xot japi pejmatnaetan. Do jawut, Satanás pasaxael Dios pejjamechan jukaliajwa japi jiw pejmatpuatanxot. Samata, japi jiw naexaxisaxil Dios pejjamechan. ¹⁶ Trigo natacholanpi ia'matwuajtat, as xanaja'alxot, japi trigo kamta naboela. Japi trigo, me-ama jiw. Japi jiw jumtaen wut Dios pejjamechan, chiekal naexasiti. Do jawutbej, nejchachaemili.

¹⁷ Pe jawutbej, naexasit xoti Dios, asew jiw bu'wuajanpaeis wuti, o, chaemilpox wepach wutbej, do jawut, japi jiw kofa Dios naexasitpox. Kaes naexaxis-ellisi, pejnechaxoelaxan kaes mamnika-el xot, chiekal naexaxis-el xoti Dios. Japi jiw, me-ama trigo tathinkasnika-elpi, chiekal ti'sfala-el. Ja-aechlap-is japi jiw, kofa xoti Dios naexasitox. ¹⁸ Asew jiw, me-ama trigo, naboelapi na-e'lu tasiaptasxot. Japi

jiw naexasit Dios pejjamechan, naewuajnas wut. Do jawux, kofapi, pejnechaxoelaxan asaxan matakas xot. ¹⁹ Japi jiw nejchaxoel ampathatpijxankal. Nejchaxoelbejpi kemaenkalijwa. Xabich platasiapi. Japanechaxoelaxantat Dios pejjamechan matakas. Samata, Dios pejjamechan ti'sfulaxil japi pejmatpuxatxot. ²⁰ Asew jiw, me-ama trigo, natacholanpi sat pachaemxot. Japi jiw lax chiekal naexasisful, Dios pejjamechan naewuajnas wut. Ja-aech wut, japi jiw isful Dios nejxasinkpoxan. Samata, asew japixot, me-ama trigoton naboeti treinta trigofu. Asew jiw japixot, me-ama trigoton naboeti sesenta trigofu. Asew jiw japixot, me-ama trigoton naboeti cien trigofu" —aech Jesús, pejnachala chanaekabuxana wut trigowuajanliajwa.

Lámpara pejwujajan
(Lc 8.16–18)

²¹ Jesús pejme jum-aech: "Lámpara tamdutam wut, asaxtat matakasaximil. Cha-esaximilbej camabuxfaltat. Athu cha-esaxaelam atuaj itliakalijawa. ²² Jachiyaxaelam tajnaewuajnaaxliajwa. Puexa tajnejchaxoelaxan, me-ama moechaspojan. Pe asamatkoi puexa chiekal matabijaxaeli tajnaewuajnaaxpijaxtat. Puexa jiw tajnaewuajnaax matabija-elpi, japi asamatkoi matabijaxael. ²³ Xamal Dios pejnechaxoelax matabijasiam wut, jxan jum-anpox chiekal naewe'e!" —aech Jesús.

²⁴ Jesús pejme jum-aech: "¡Chiekal nejchaxoelde xan jum-anox! Asew jiw wewe'pas wut, jxamal chaxduim xajupampoxtat! Ja-am wut, xamalbej Dios chaxduiyaxael wewe'ppoxan. Dios kaes pejme xamal chaxduiyaxael pachaempoxan, chiekal matabijt xoton xamallijwa. ²⁵ Dios pejew chiekal tataefulpon, japon kaes pejme chaxdusaxaes. Asanlax, chiekal tataefla-elpon Dios pejew, japon kaesupich tataefulpoxan, japoxan kefisaxaeson" —aech Jesús, jiw naewuajan wut.

Pafut ti'tpox pejwujajan

²⁶ Do jawut, Jesús naewuajan pejnachala. Dios tato'al wut pejjiw, japox kaesfulaxael. Samata, Jesús jum-aech: "Dios pejjiw tato'laxaelpox kaesfulaxael ampathatat. Me-ama aton trigo xasaljaba wut satat, jachiyaxaellapi-is Dios tato'alpox pejjiw. ²⁷ Dolisdo', japi trigo naboela wut, ti'sful matkoi, madoibej. Trigo xasaljabapon moejt wut, japi trigo tamach ti'sful. Japon matabijs-el, ma-aech, trigo ti'sful wut. ²⁸ Japi trigo naboela satat. Naboela wut, ti'ti. Ti't wut, trigo naboet. ²⁹ Trigo chiekal ti't wut, pachaem jolaliajwa, pat wut pejmatkoi" —aech Jesús.

Mostazafut pejwujajan
(Mt 13.31–32; Lc 13.18–19)

³⁰ Jesús pejme jum-aech: "Xamal chiekal matabijaliajwam, naewuajnaaxaelen wujajan, ma-aech Dios tato'laxaelpox pejjiw kaesfulaliajwa. ³¹ Dios puexa pejjiw tato'alpox, me-ama mostazafut. Kaen aton japafut muthht pejlultat. Kamta weti'tas wut, do chiekal naedo'. Diachwujnakolax japafut kaes pejme cha-aelfut ampathatat. ³² Japafut muthhtas wut, kamta ti't. Japanae, boejtachnaechlejen, kaewaech wut, ti't. Ti't wut, kaes athu. Me-ama asaxan jiw pejlulanxot muthapi, jachi-el. Samata, pachaem mia chalakalijwa japadalantat, japanae pejnajelnaxtat" —aech Jesús.

Jesús naewhajan wut, xabich naewhajan whajantat jiw jumtaeliajwa
(Mt 13.34–35)

³³ Jesús naewhajan wut, xabich naewhajan whajantat jiw jumtaeliajwa. Jiw kaes xajpra-el wut japawhajan matabijaliajwa, Jesús buxkoft naewhajanpox. ³⁴ Pomatkoicha Jesús jiw naewhajan whajantat. Do jawux, tamach wut, pejnachala swapich, Jesús chiekal chanaekabuana puexa pejnachala chiekal matabijaliajwa.

Jesús fiatpox joewa, truxanbej
(Mt 8.23–27; Lc 8.22–25)

³⁵ Japamatkoitat, chatuil wuti, Jesús jum-aech pejnachalaliajwa:

—¡Chijias puka we-enlelde! —aechon.

³⁶ Jawut pejnachala falkam jul. Jesús chajia whajna falkamtat ek, jiw naewhajan xot. Do jawut, jaxot asew jiw waelapon pukababu'tat. Jawut, Jesús, pejnachala swapich, chaflaech wut, asafalkammochantat asew jiw wuchakal chafol. ³⁷ Do jawut, chalechkal xabich pinajoewa pat, xabich pintruxanbej. Falkam min wulukafal truxan fajabaxtat. ³⁸ Pe falkamta-ulel Jesús nejmach moejt. Taxu-oton taxu-osax.

Do jawut, pejnachala thikas wut, jum-aechi:

—¡Jiw chanaekabuanan! ¿Xamkat nejchaxoela-emil xatis chabu'laxaesox? —aechi Jesúsliajwa.

³⁹ Do jawut, Jesús nant fiasliajwa joewa, truxanbej. Jawut jum-aechon pukaliajwa:

—¡Kaes nabej pintruxne'! —aech Jesús.

Do jawut, chalechkal joewa chiekal toep. Puexa chiekal itnapatan.

⁴⁰ Do jawut, Jesús jum-aech pejnachalaliajwa:

—¿Ma-aech xotkat xamal nejlewlá? ¿Chiekal xan naxanaboeja-emilfuk xamal bu'weyaxaelenpox? —aech Jesús pejnachalaliajwa.

⁴¹ Do jawut, japi xabich natachaemanuil. Xabich pejlewlabejpi. Samata, nakaewa najum-aechi:

—¿Achankat ampon? Joewa, pukabej, chiekal naexasichpon —na-aechi nakaewa.

5

Jesús to'apox dep nakolaliajwa aton pejmatpumatxot
(Mt 8.28–34; Lc 8.26–39)

¹ Jesús, pejnachala swapich, chapa'a Gerasa tuajnu, puka we-enlelde.

²⁻³ Jesús nant wut paputxot, kaen aton najae'an Jesúsleldin. Japon aton dep webaes pejmatpumatxot. Japon aton duk patupamuthanxot. Jiw ke'saxilipon. Cadenamumatbej piach xawaesaxil. ⁴ Whajna chajia pin-iaveces xawaekson cadenamumatantat. Tuakwasixawaekspon. Kewusixawaeksbejpon. Japon xawaeks wut, cadenama likton. Jiw xajpra-el piach xawaesliawapi, xabich mamnik xoton. ⁵ Pomatkoicha, pomadoichabej, japon jumch nanuamt muaxanxot, patupamuthanxotbej. Nanuamt wut, xabich nejlaton. Ia'tat pajut naxkoljabapon naxbijabaxtat. ⁶ Japon aton dep webaes pejmatpumatxot, Jesús atuaxach fulaeyax taen wut, najae'non Jesúslel. Pat wuton Jesús pejwujnale, brixtat nukon. ⁷⁻⁸ Brixtat nuk wut, Jesús jum-aech depliajwa:

—Dep, ¡xamal nakolim japon aton pejmatpumatxot! —aechon.

Samata, dep aton pejkaechatat nejlat wut, jum-aechon:

—Jesús, ¿xam Dios athupijin paxulnam! ¿Achaxasiamkat xanalxot? ¿Xanal jum-an Dios pejwujnalel natalias-elaliajwam! —aech dep, nejlat wut.

⁹ Do jawut, Jesús wujnachaemt wut, jum-aechon:

—¿Achawulamkat xam? —aech Jesús.

Japi dep xabich pin-iat. Samata, jumnot wut, jum-aechi:

—Xanal tajwal Xabich, xabich pin-iatan xot —aech japi dep.

¹⁰ Dep jum-aech Jesús to'asamata atuj asatujnalel. ¹¹ Jaxot mox muaxxot maran pin-iakola naxaelp. ¹² Samata, dep xabich jum-aech:

—Ampon atonxot xanal nakolax nato'am wut, jnatapaem maranxot leliajwan! —aech japi dep.

¹³ Do jawut, Jesús ow-aech dep wuljowpox. Dolisdo', dep nakola wut japon aton pejmatpuxot, japi dep lowlisi maranxot. Japi maran xabich pin-iat, me-ama dos mil. Jawut puexa maran dukp chuatadik. Mintat natacholan wut, jaxotdik puexa maran bu'al.

¹⁴ Do jawutbej, maran tataefulpi pejlewt dukp pejpaklowax poxade. Chapaeilisi taenpoxan. Paklowaxxot mox duilibej chapaepi. Jawut jiw fulaen pajut chiekal taeliajwa jumtaenpoxan. ¹⁵ Japi jiw Jesúsxot pat wut, taenlisi japon aton. Japon aton dep wejisallison pejmatpuxot. Jesúsxot bu'la-eklison naxoelax, wepachaemsxot pejne-jchaxoelax. Jiw fulaeni, taen wuti japon, xabich pejlewlap. ¹⁶ Taenpi Jesús ispox japon atonliajwa, maranliajwabej, japi chiekal chapaepi taenpoxan asew jiw, pa'anpiliajwa. ¹⁷ Do jawut, japatujnapijiw to'api Jesús asatujnalelaliajwa, Gerasa tujnuxot namanasamata.

¹⁸ Do jawux, Jesús falkam jul wut, japon aton, dep wejisalpon pejmatpuxot, xabich kawujan nakfulaeliajwapon Jesús. ¹⁹ Pe Jesús tapael japon aton nakfulaeliajwas. Do jawut, Jesús to'a japon aton pejjiw poxade nawiasliajwa. Jesús jum-aech:

—¡Nawia'mich nejba poxade! ¡Nejjiw chapaem puexa Dios ispox xamliajwa, Dios xam beltaen xot! —aech Jesús.

²⁰ Do jawut, fulaechlison Decápolis tujjnu poxade. Chapaefullison japapaklowaxanpijiw Jesús ispox japonliajwa. Puexa jiw jumtaen wut, jum-aechnapi: “¡Tae'nik ampon aton! ¡Chiekal pachaemlison!” —na-aechnapi nakaewa.

Amxot jum-aechox Jesús pawis boejthutpoxliajwa, asaow patupow mat-etpoxbejliajwa, pejme dukaliajwapow

(Mt 9.18–26; Lc 8.40–56)

²¹ Jesús, pejnachala swapich, kaxa nawen puka we-enleldin falkamtat. Jesús chapa'an wut, xabich jiw papasful Jesúsxot pukababu'tat.

²² Jawut kaen aton pat. Japon pawul Jairo. Judíos naewujnabapijiwxot, japon japixot paklonpon. Jesús taen wuton, brixtat nukjabapon Jesús pejwujnalel. ²³ Jairo xabich tadut Jesús nakfulaeliajwas japon pejba poxade. Jum-aechon:

—Taxulow xabich nawebu'xaenk. Mox pawujnapow tupaliajwa. ¡Xabu't! ¡Xan nakfulaem taxulowxot ke-osliajwam, boejthusliajwampow! —aech Jairo.

²⁴ Do jawut, Jesús nakfol Jairo. Jesús xabich jiw chalas. Japixot xabich jiw Jesús pejwujnalel fol. Asew fol Jesús wuchakallel. Jesús xabich tabe'nafulas. ²⁵ Do jawut, kaeow pawis wuchakal fol. Japow bu'xaenk. Xabich nabijatow. Pejlaw wut, jal chiekal matduka-el. Doce waechan jal chiekal matduka-elpox. ²⁶ Xabich jiw woew wualachipow.

Pe chinax kaen aton japow boejth_{us}-esal. Xabich nabijatow w_{uas}poxtat. Xadaeptbejpow puexa pejew plata nawoeyaxtat. Pe jal chiekal matduka-el. ²⁷⁻²⁹ Japow w_{ultaen} Jesús. Samata, Jesús mox w_{ut}, w_{achakal} folow. Jaw_{ut} nejchaxoelow: “Xan Jesús pejnaxoelax jajastaxpoxtat naboejth_{us}saxaelon” —aechow, nejchaxoel w_{ut}. Samata, japow jajast Jesús naxoelax. Do jaw_{ut}, japow chiekal boejth_{us}l. Jal chiekal ajil. Pajut bu'boejtaenpow chiekal boejth_{us}lsox. ³⁰ Jesús boejtaen, pejpamamax wenakolsas w_{ut}. Samata, Jesús kaxa natachaemdik w_{ut}, j_{um}-aechon:

—¿Achankat xan tajnaxoelax nawejajast? —aech Jesús.

³¹ Do jaw_{ut}, Jesús pejnachala j_{um}-aechi Jesúsliajwa:

—Jiw xam tabe'naf_{ul}. ¿Ma-aech xotkat xam w_{uaj}nachaemtam: '¿Achankat xan tajnaxoelax nawejajast?' —amkat xam? —aechi Jesúsliajwa.

³² Dolisdo' Jesús natadiajsf_{ul} jiwlel taeliajwa, achan jajastason. ³³ Jaw_{ut} japow tath_{ul}al pejlewt. Matabijtow wejatisox. Samata, brixtat nukow Jesús pejw_{uaj}nalel. Jaw_{ut} chapaeipow wejatispox. ³⁴ Do jaw_{ut}, Jesús j_{um}-aech japowliajwa:

—Taj-atow, amw_{ut}tjel xam pachaemam, chiekal naxanaboejtam xot. ¡Xab_{ua}'de nejmach! Nejwaxae kaes ajil xamxot —aech Jesús.

³⁵ Jesús naksiya w_{ut}fuk, Jairo pamak pat Jairoxot. Japi j_{um}-aech Jairo j_{um}taeliajwa:

—Nax_{ulow} t_{up}lisow. Samata, ¡nabej tad_{us} jiw chanaekab_uanan xam nakf_{ula}eliajwa nejba poxade! —aechi.

³⁶ Jesús naek_uanjiamt japi j_{um}-aechpox, j_{um}taen w_uton. Samata, Jesús j_{um}-aech Jairoliajwa:

—¡Nabej nejlewl_e' nax_{ulow} t_{up}proxliajwa! ¡Xanaboejsf_{ulde} Dios! —aech Jesús.

³⁷ Do jaw_{ut}, Jesús nakiowa nakfolon. Jaw_{ut} Jesús bu'fol Pedro, Santiagobej, Jairo pejba poxade. Bu'folbejpon Juan. Japon Santiago pakoe-wan. Jesús tapae-el kaes asew jiw nakf_{ula}eliajwas Jairo pejba poxade. ³⁸ Pat w_uti Jairo pejbaxot, Jesús j_{um}taen xabich jiw j_{um}xan-elpoxan, jiw pinjametat w_unowpoxanbej Jairo pax_{ulow} t_{up}proxliajwa. ³⁹ Ba lech w_{ut}, Jesús j_{um}-aech:

—¿Ma-aech xotkat xamal xabich j_{um}xan-elam? ¿W_unowambej? Japow t_{up}pa-el. Japow moejt —aech Jesús w_unowpiliajwa.

⁴⁰ Japox j_{um}taen w_uti, asb_uan j_{um}ch xafafoli Jesúsliajwa. Do jaw_{ut}, Jesús nakolax to'a jiw tathoetade. Jaw_{ut} Jesús bu'flaech pejnachala batuchade, pat_{upow} och poxade. Bu'flaechbejpon pat_{upow} pax, japow penbej. ⁴¹ Jaxot Jesús pat_{upow} kefit w_{ut}, j_{um}-aechon pat_{upow}liajwa:

—Talita cum —aech Jesús. (Japox j_{um}chiliajwa hebreojamet: “Jam, xan j_{um}-an: ‘¡Mat-e'e pejme dukaliajwam!’ —an xan” —chiliajwa.)

⁴² Do jaw_{ut}, kamta pat_{upow} mat-et. Mat-et w_{ut}, nantow. Jaw_{ut} pajut chiekal lajepow. Japow doce waechan. Jaw_{ut} puexa jiw j_{um}-aech: “¡Taem pat_{upow}! ¡Laejapow pejme!” —aechi.

⁴³ Jesús nejth_u'axtat j_{um}-aech: “¡Nabej chapae' ampox asew jiw, xan isx_uox xamalliajwa!” —aech Jesús jaxotpijwliajwa. Do jaw_{ut}, Jesús pejme j_{um}-aech: “¡Chaxduim naxaeyax japow xaeliajwa!” —aech Jesús.

6

*Jesús Nazaret paklowaxxotpox
(Mt 13.53–58; Lc 4.16–30)*

¹ Jesús nakolt wut Capernaum paklowaxxot, fulaechon pejtʉajnakolax poxade, pejnachala sʉapich. ² Pat wuti Nazaret paklowaxxot, do jawux, napatamatkoi wut, Jesús lech judíos naewʉajnaba poxade. Jaxotde tʉaduton jiw naewʉajnalijwa. Jaxotbej xabich jiw jumtaen wut Jesús naewʉajanpox, jawut, nakaewa nawʉajnachaemsna wut, jum-aechi:

—¿Amxotkat ampon japoxan xabich matabijt jiw naewʉajnalijwa? ¿Amxotkat matabijtbejpon matabijsax? ¿Ma-aech xotkat japon xajup koechaxan islijwa? ³ Ampon carpintero nabichan, María paxulan. Ampon pakoew ampilape. Kaen pawul Santiago. Asan pawul José. Asan pawul Judas. Asan pawul Simón. Jesús pakoewbej, watho', japi duil xatisxot —na-aechi nakaewa.

Samata, naexasis-eli Jesús naewʉajanpox. ⁴ Do ja-aech wut, Jesús jum-aech japijijwa:

—Profetas sitaens asapaklowaxanpijiw. Pelax pejpaklowaxkolapijiw sitae-esal. Pejjiwkola, pejbapijiwbej, sitae-esal —aech Jesús japi jiwliajwa.

⁵ Samata, jaxot Jesús isaxil koechaxan. Kaesʉapich jiw bu'xaeya boejthuton, jacha wut. ⁶ Jesús xabich nejchaxoelanuk japi jiwliajwa, naexasis-el xoti. Do jawut, Jesús fulaech asatʉajnuchan mox poxade. Japalelde jiw naewʉajnafuldepon.

Jesús to'apox pejnachala japi naewʉajnalijwa Dios tato'laxaelpox jiw ampathatat

(Mt 10.5–15; Lc 9.1–6)

⁷ Do jawut, Jesús la doce apóstoles. Japi pat wut Jesúsxot, jawut, Jesús kaenanula kolenje to'apon japi paklowaxan poxalijwa, naewʉajnalijwapi Dios pejjamechan. To'a wut pejnachala, jum-aechon: “Jiw xabu'kulam wut, dep webaesi pejmatpʉatanxot, japi dep to'im nakolalijwa japi jiw pejmatpʉatanxot Dios pijaxtat!” —aech Jesús, to'a wut pejnachala. ⁸⁻⁹ Jesús kefiat pejnachala, nanʉamt wut xalaesamata. Jum-aechon: “¡Nejkilachalanaeyankal xalaem! ¡Nabej xalae' naxaeyaxan, plata, nejchaxanbej! Mado' ituakxajoelam, ido japoxkal tuaklaflaem! ¡Ja-amdebej naxoelaxliajwa! Mado' inaxoelam, ido japoxkal bu'laflaem!” —aech Jesús pejnachalalijwa.

¹⁰ Jesús pejme jum-aech:

—Xamal paklowax patam wut, ¡kaebaxot duilde, jiw naewʉajnalijwam japapaklowaxpijiw! Asalel fulaelajwam wut, do jawut, ¡japabaxot nakolim! ¹¹ Asew jiw xamal bu'kula-el wut, nejnaewʉajnax naewes-el wutbejpi, ¡japapaklowaxxot nakolim, asapaklowax poxalijwam! Nakolam wut, ¡nejtuakxajoe jolde lalalijwam as natacholnalijwa! Jasoxtat japi jiw pajut matabijaxael babijax ispox Dioslijwa, xamal bu'kula-el xoti —aech Jesús.

¹² Dolisdo', Jesús pejnachala follisi. Pat wuti, japapaklowaxanpijiw naewʉajanlisi kofalijwa babijaxan ispoxan, naexasislijwabejpi Dios. ¹³ Jesús pejnachala dep to'a jiw pejmatpʉatanxot nakolalijwa. Samata, xabich dep nakola. Xabich bu'xaeyabej boejthuti, bu'xalot wuti jiw olivosimintat.

*Juan, jiw bautisan, boesaspo**(Mt 14.1–12; Lc 9.7–9)*

¹⁴ Potuajnucha xabich jiw wultaena Jesús pejuwan. Rey Herodes, Galilea tuajnu pijiw tato'lan, japonbej wultaen Jesús ispoخان, jiw nakaewa nospaei wut Jesúsliajwa. Pe Herodes matabijs-el, achan Jesús. Jumtaenpon, jiw nakaewa najum-aech wut Jesúsliajwa: “Jesús, japonlap Juan, jiw bautisan. Mat-echpon pejme duk. Samata, xajupon koechaxan isliajwa” —na-aech wut jiw nakaewa Jesúsliajwa.

¹⁵ Asew japixot najum-aechbej Jesúsliajwa: “Jesús, japonlap profeta Elías. Mat-echpon pejme duk” —na-aechi nakaewa. Asew japixot najum-aechbej: “Jesús, japonlap profeta, me-ama majt duilpi” —na-aechi nakaewa Jesúsliajwa.

¹⁶ Herodes jumtaen wut jiw najum-aechpox Jesúsliajwa, japon jum-aech:

—Jesús, japonlap Juan. Xan tajsoldaw majt tajut keto'ax Juan taxtasi-apchaliajwas. Amwutjel japon mat-ech. Samata, japon pejme duk —aech Herodes.

¹⁷ Juan laeja wut, Herodes keto'a pejsoldaw Juan jaelsliajwas. Do jawut, Juan jaeltas wut, jiaspon jiw jebatat. Jaxot cadenamuatat xawaechpon. Herodes japox is, to'as xoton pijow Herodías. Japow majt Felipe pijow. Japon Herodes pakoewan. Baxael, Herodes pakoe-wan Felipe fe'enpon. ¹⁸ Herodes pakoewan fe'en wut, Juan jum-aech Herodesliajwa: “¡Xam nakoewan pijow nijow dofaximil! ¡Japox chaemil isliajwa!” —aech Juan Herodesliajwa. ¹⁹⁻²⁰ Samata, Herodías japox jumtaen wutow, xabich nejweslapow Juan. Japow to'a pamal, japon keto'aliajwa pejsoldaw Juan boesaliajwas. Pe Herodes owchi-el, sitaen xoton Juan. Herodes matabijt, Juan xabich pachaempon. Samata, Herodes majt tapae-el Juan boesaliajwas. Juan naewuanpox Herodes nejxasink. Pe kolenejchaxoelaxan xot, matabijs-elon isaxaelpox. ²¹ Do jawux, Herodes is wut pejcumpleaños, xabich wullalapon paklochow, soldawpaklochowbej, kaes kemaenkibej, Galilea tuajnu pijiw. Do jawut, wullalasi puexa chiekal patlisi Herodesxot. Do jawutbej, Herodíasliajwa chiekal wepachaemsow pamal keto'aliajwa, japonbej keto'aliajwa pejsoldaw Juan boesaliajwas. Nejchaxoelow japox. ²²⁻²³ Dolisdo', fiesta wut, Herodías paxulow pat. Japow tamach nababoela puexa jiw pejuwanalel, japi taeliajwa. Nababoela wut, Herodes, asew jiwbej, naxaelpi japonxot, xabich nejchachaemili, japow nababoela wut. Do jawut, Herodes jum-aech japowliajwa:

—¡Nejxasinkampox xan nawuljoem! Xan japox chaxdusaxaelen. Di-achwuanjakolax paeix. Nawuljowampox chaxdusaxaelen. Nejx-asinkam wut, xan tato'laxtuajnu chiekal najupachadusaxaelen xam tato'laliajwam —aech Herodes japowliajwa.

²⁴ Do jawut, japox jumtaen wut, pen poadepow wuanjachaemsliajwapow pen. Penxot pat wut, chapaeipow paxon jumtispo. Jawut jum-aechow penliajwa:

—En, ¿achaxkat xan taxon wuljoeyaxaelen? —aechow.

Do jawut, pen jumnot wut, jum-aech:

—Jam, ¡ma amwut naxon wuljoem Juan, jiw bautisan, pejmatnaet! —aechow paxulowliajwa.

²⁵ Do jawut, japow Herodes poadede. Jum-aechow rey Herodes jumtaeliajwa:

—¡Ma amwut nachaxdu'e Juan pejmatnaet plaftat! —aechow.

²⁶ Do jawut, Herodes xabich nejxaejwas, jumtaen wuton japow wuljowpox. Samata, Herodes elchiyaxil japow wuljowpoxliajwa, chajia jumdut xotlison puexa paklochow pejwujnalel japow chaxdusliajwa wuljoeyaxaespox. Samata, Herodes chaxdusaxael japow wuljowpox. ²⁷⁻²⁸ Do jawut, Herodes pejsoldawan to'a Juan pejmatnaet chaxlaeliajwadin. Jawut soldawan fulaech jiw jeba poxade. Jaxotde pa'a wut, Juan taxtasiapchapon. Plaftat Juan pejmatnaet chaxlaens fiesta poxadin. Soldawan xapat wut, Herodías paxulow chaxduton Juan pejmatnaet. Do jawut, japow pen poxade chaxlaeliajwa Juan pejmatnaet.

²⁹ Juan pejnachala jumtaen wut Juan boesaspo, jawut fulaeni Juan patapan chaxlaeliajwa. Do jawut, chaxfollisipon muthsliajwa. Do jawut, muthslisipon.

Jesús naxaeyaxan chaxduwpox cinco mil poejiw

(Mt 14.13–21; Lc 9.10–17; Jn 6.1–14)

³⁰ Jesús pej-apóstoles baxtoet wuti naewuajanpoxan asapaklowaxanpijiw, kaxa nawenlisi. Pat wuti, natamejapi Jesúsxot. Jawut puexa chapaelisi ispoxan, naewuajanpoxanbej. ³¹ Jaxot xabich jiw fulalaena. Samata, Jesús pejnachala xabich it-els xaeliajwa, jiw xabich xot. Samata, Jesús jum-aech:

—¡Chijias jiwjil poxade, xatis tamach damlathulaliajwas! —aech Jesús.

³² Do jawut, Jesús, pejnachala suapich, chaflaech falkamtat jiwjil poxade. ³³ Pe nakiowa, jawut xabich jiw fultaeni Jesús, chaflaech wut, pejnachala suapich. Matabijapi. Samata, xabich paklowaxanpijiw dukpde Jesús itjulaxaech poxade. Japi wujajna pa'a. ³⁴ Jesús chapat wut falkamtat, Jesús xabich jiw taen paputlel. Taen wuton, japi jiw xabich beltaenon. Jawut Jesús nejchaxoel wut, jum-aechon: “Ampi jiw, me-ama ovejas, wejisal xoti tataeflaspon” —aech Jesús, nejchaxoel wut. Samata, tuadutlison xabich naewuajnalialjwa. ³⁵ Kaliax wut, Jesús pejnachala moxlixi Jesúsxot. Do jawut, japi jum-aech Jesúsliajwa:

—Tuilalixox. Amxot ajil tuajnuchan. Ajilbej naxaeyaxan wuajslialjwas.

³⁶ Samata, jampi jiw to'im tuajnuchan poxade, naxaeyaxan wuajslialjwa! —aechi Jesúsliajwa.

³⁷ Jesús japox jumtaen wut, jum-aechon:

—¡Xamal najut chaxduim naxaeyaxan ampi jiw xaeliajwa! —aechon.

Do jawut, jum-aechi:

—¿Xamkat nejxasinkam xanal pan wuajslialjwan doscientos denariostat, puexa ampi jiw xaeliajwa? —aech Jesús pejnachala.

³⁸ Jesús wujajnachaemt wut, jum-aechon:

—¿Massuapichkat pan xamalxot? ¡Xabua'de taeliajwam jiwxot! —aech Jesús.

Do jawut, japi taen wut, jum-aechi:

—Asbuan jumch cinco pan xanalxot, kolenje baxinbej —aechi.

³⁹ Do jawut, Jesús to'a pejnachala puexa jiw kaenanula, pejmutan suapich, polaxot chalakaliajwa. ⁴⁰ Asamutan, pinamutan. Japamutanxot, me-ama cien jiw. Asamutan kaesuapich jiw. Japamutanxot, me-ama cincuenta jiw. Puexa jiw chalak, pejmutan suapich. ⁴¹ Do jawut, Jesús cinco pan chafit, kolenje baxinbej. Athulel natachaemsepon Dios kawuajnalialjwa. Dios kawuajan wut, jum-aechon: “Ax, xan gracias-an ampapanliajwa, ampabaxiliajwabej,

xanal nachaxduwampi” —aech Jesús, pax Dios kawuajan wut. Do jawut, jalkafullison pan. Jalkaful wut, pejnachala chaxduifullison japi saslajwa, puexa jiw xaeliajwa. Ja-aechbejpon baxiliajwa. ⁴² Puexa jiw chiekal xael. Chiekal nafnialisi. ⁴³ Jiw xaeyax kaechatoel wut, malpi Jesús pejnachala jia matpirantat. Wuupi doce matpiran baxitoerow, pan malsibej. ⁴⁴ Japi jiw xaelpi, cinco mil poejiw. Watho', yamxi suapich, xajui-esal.

Jesús fulaenpox pukaminakaldin
(Mt 14.22–27; Jn 6.16–21)

⁴⁵ Do jawux, Jesús to'a pejnachala falkam julaliajwa, puka we-enlelde chalikalijwa. To'aponi wuajna chaflaeliajwa, Betsaida paklowaxlelde. Jesús kaweta namanfuk jiw to'aliajwa naweliajwa pejbachan poxade. ⁴⁶ Do jawux, jiw to'a wut, Jesús julach muxax poxase tamach Dios kawuajnalijwa. ⁴⁷ Sesa itkhatnik wut, Jesús tamach naman. Pejnachala falkamtat chafolfuki pukatukolaxtat. ⁴⁸ Taenon pejnachala xabich faetox. Joewa matalech falkam. Mox pawuajna wut nalianaliajwa, Jesús fulaen pukaminakal. Me-ama matnoch xensliajwa wut, ja-aechon. ⁴⁹⁻⁵⁰ Pejnachala taen wuti Jesús, pukaminakal fulaenox, nejchaxoeli: “¡Tae'nik! ¡Ama dep fulaen!” —aech Jesús pejnachala, nejchaxoel wut. Samata, puexa japi xabich natachaema. Do jawut, pota na-oenkli, xabich pejlewla xot. Jawut Jesús jum-aech:

—¡Nabej nejlewle'! ¡Xanpe'! —aech Jesús.

⁵¹ Do jawut, Jesús falkam juldik japixot. Jawut kaes wika-ellisox. Samata, japi chiekal natachaemachalak falkamtat. ⁵² Japi matabija-elfuk Jesús xajupox puexa isliajwa. Taen wuti koechax, Jesús is wut panliajwa, chiekal matabija-eli taenpox, matnaetink xoti matabijaliajwa.

Jesús boejthutpox jiw bu'xaeya Genesaret tuajnuxot
(Mt 14.34–36)

⁵³ Do jawut, Jesús, pejnachala suapich, puka we-enlelde chapa'api, Genesaret tuajnuxot. Jaxot itjul wut, falkam ke'tlisi pukababu'tat. ⁵⁴ Japi nana wut falkamxot, jiw matabija japon Jesús. ⁵⁵ Do jawut, japi jiw kaxa dukpich asew jiw chapaeliajwa, japatuajnapijiw. Do jawut, bu'xaeya chaxlaens camillatat Jesúslel japi boejthusliajwas. ⁵⁶ Jesús tuajnuchan poxade wut, paklowaxan poxade wutbejpon, Jesús fulaech poxade, jiw owas wuajna plazaxot, japi bu'xaenki, boejthusliajwaspi Jesús. Taen wuti Jesús, japi jiw jum-aech Jesúsliajwa:

—Ampi jiw, bu'xaeya, itapaem nejsumta-osax jachaliajwapi, matdukafulpox! —aechi Jesúsliajwa.

Do jawux, puexa jachapi japox, japi chiekal boejthulslisi.

7

Jiw chajia nejchaxoelpox, babijax, japoxan is xoti, babejchow nadofa
(Mt 15.1–20)

¹⁻⁴ (Fariseos, asew judíosbej, japi is pejwuajnapijiw isfulpoxan. Xaeliajwa wut, majt xabich piach kekakiati. Naxaeyaxan wuajt wuti plazaxot, pejbatat xapat wut, xaeliajwa wutbej, majt xabich piach kekakiati. Tasos, jarros, maram, camaxanbej, xabich piach kiati. Japi kaes asaxan isbej. Me-ama pejwuajnapijiw, jachi-eli. Kaes pejme xenapi japoxanliajwa.

Japoxan ispi, nejchaxoel xot asbuan jumch: “Japoxan isx wut, babijaxan ispoxan xanxot ajilaxael” —aech xoti, nejchaxoel wut.)

Asamatkoi kaesuarapich fariseos, judíos chanaekabuanapibej, fulaeni Jerusalén paklowaxxotdin, Jesús poxadin. Pat wuti Jesúsxot, taeni Jesús pejnachala majt piach kekakias-elpox, xaeliajwa wut. ⁵ Samata, japi Jesús wuajna chaemt wut, jum-aechi:

—¿Ma-aech xotkat nejnachala is-el, me-ama wajwuajnapijiw? Nej-nachala xaeliajwa wut, majt xabich piach kekakias-eli —aech fariseos, judíos chanaekabuanapibej, Jesúsliajwa.

⁶⁻⁷ Jesús jumnot wut, jum-aechon:

—Xamal, me-ama diachwuajnakolax Dios naexasitam wut, ja-am! Pe diachwuajnakolax Dios naexasis-emil. Isaías, Dios pejprofeta, diachwuajnakolax chajia jum-aech xamalliajwa, chajia lel wuton. Jum-aechon Dios jum-aechpox:

‘Xamal naksiyam xan nasitaenamproxantat. Pelax nejnejchaxoelaxan xabich atuj xanxot. Samata, xamal isampoxan xanliajwa, naksiyam wutbej chimiajamechan xanliajwa, o, xan nakawuajnamproxanbej, japoxan omjil xanliajwa. Naewuajnam wutbej, naewuajnam asew jiw nejnejchaxoelaxankal. Pelax xan tajnejchaxoelaxan, jiw naewuajna-emil —aech Dios jum-aechpox xamalliajwa’ —aech Isaías, chajia lel wut —aech Jesús fariseosliajwa.

⁸⁻⁹ Jesús pejme jum-aech fariseosliajwa:

—Xamal naexasis-emil Dios pejtato'lax. Naexasitamlix jiw naewuajnaproxankal. Asbuan jumch isam nejwuajnapijiw ispoxankal.

¹⁰ Moisés chajia lelpo x jum-aech: ‘¡Nej-ax, nej-enbej, sitaem! Babejjamechan jum-aechpon paxliajwa, penliajwabej, japon aton tuxaxael kastikaxtat’ —aech Moisés chajia lelpo x. ¹¹ Xamal asbuan jumch naewuajnam nejwuajnapijiw isfulpoxan, japox pawul corbán. Samata, xamal jum-am: ‘Nejmach-aton chajia jumdut wut pejew Dios chaxduiliajwa, japoxan japon aton chaxduiyaxil, pax, penbej, japoxan Diosliajwa xot’ —am xamal. ¹² Xamal japi jiw tapae Yam japox jumchiliajwa paxliajwa, penliajwabej: ‘Xan chajia Dios jumdutx chaxduiliajwa tejew. Samata, xamal kajachawaesliajwan, ajil’ —chiliajwapi. ¹³ Asew jiw naewuajnam wut nejwuajnapijiw isfulpoxan, japoxantat Dios jum-aechpoxan kofam. Kaes asaxan naewuajnambej, me-ama japox —aech Jesús fariseosliajwa.

¹⁴ Do jawux, Jesús jiw la wut, jum-aechon:

—¡Puexa xamal chiekal naewe'e! jummatabijimbej xan jumchiyaxaelenpox! ¹⁵ Jiw naxaeyax xael wut, babejchow nadofaxil. Jiw babijaxan is, chajia japoxan nejchaxoel xoti isliajwa. ¹⁶ Xamal Dios nejnejchaxoelax matabijasiam wut, ¡chiekal naewe'e xan jum-anpox! —aech Jesús.

¹⁷ Jesús baxtoet wut jiw naewuajnaprox, ba lechon, pejnachala suapich. Do jawut, pejnachala wuajna chaemtason, japi chiekal matabijaliajwa japawuajan, Jesús jiw naewuajnaproxliajwa.

¹⁸ Jesús jumnot wut, jum-aechon:

—¿Xamalkat-is matabija-emil japawuajan? ¿Matabija-emil jiw babejchow nadofaxilox, xael wut naxaeyax? ¹⁹ Naxaeyaxan jiw xael wut,

pejnejachaoelaxan poxa-eldik. Woejt poxadik. Do jawux, nakoltox — aech Jesús.

Jesús japox jum-aech pejnachala chiekal matabijaliajwa, puexa naxaeyaxan pachaempox jiw xaeliajwa.

²⁰ Jesús pejme jum-aech:

—Jiw pejnejachaoelaxanxot nakola babejnejachaoelaxan. ²¹ Samata, jiw babijaxan is. Poejiw, tamach laelpi, nejchaxoel asew watho' bu'moejsaxan. Jiw nejchaxoelbej natkowaliajwa asew jiw pejew. Jiw nejchaxoelbej asew jiw beliajwa. ²² Poejiw pakmolapi nejchaxoelbej asew watho' bu'moejsliajwa. Jiw taen wut asew jiw pejew, japox-ansiabejpi pajutliajwa. Jiw nejchaxoelbej isliajwa babijaxan asew jiwliajwa. Jiw nejchaxoelbej naekichachajbالياjwa asew jiw. Jiw nejchaxoelbej babijaxan isliajwa pomatkoicha padala-elpoxan. Jiw nejchaxoelbej nusasiawliajwa, asew jiw ketaen wut. Jiw nejchaxoelbej buxwunajnamaenkالياjwa asew jiwliajwa. Jiw pajut nejchaxoel wut, jum-aechbejpi: 'Xan kaes pejme pachaeman. Me-ama asew jiw, jachi-enil' —aechi, nejchaxoel wut. Jiw nejchaxoelbej nejmach duilaliajwa Dios naexasis-elaxtat. ²³ Puexa japox babijaxan nakola jiw pejnejachaoelaxanxot. Samata, jiw babejchow nadofa japanejachaoelaxantat —aech Jesús.

Judíos-atowa-elpow, japow naexasitpox Jesús

(Mt 15.21–28)

²⁴ Jesús fulaech, pejnachala swapich, Tiro paklowax poxade, asatujajnalelbej. Do jaxotde ba low wuti, Jesús maliach pasasia. Pe nakiowa, jiw taenson. ²⁵⁻²⁶ Samata, atow wultaen Jesús pasaxaelpox. Samata, fulaechow Jesús taeliajwa. Japow judíos-atowa-el. Asatujajnapijow. Pejtuajnu pawul Sirofenicia. Pat wutow Jesúsxot, japow brixtat nuk Jesús pejwunajnalel, sitaen xotow Jesús. Paxulow kaweta batat, dep webaesow pejmatpumatxot. Samata, jum-aechow Jesúsliajwa:

—jXam dep to'im nakolsliajwa taxulow pejmatpumatxot! —aechow Jesúsliajwa.

²⁷ Do jawut, Jesús jum-aech:

—Paxipi majt naxaeyaxan chaxduw paxi xaeliajwa. Do jawux, pachaem wur duajsliajwa malsi —aech Jesús japowliajwa.

(Jasox Jesús jum-aech, matxoela kajachawaesaxael xoton judíos. Do jawux, kajachwawaesaxaelon judíos-elpi.)

²⁸ Do jawut, japow jumnot wut, jum-aechow:

—Tajpaklon, pe yamxi xael wut, mesaxot cha-aex fudu' natacholan wut mesaxot, wurbej xael. Samata, jnawoesa xan matxoela nakajachawae'e! —aechow.

²⁹ Do jawut, Jesús jum-aech:

—Xam kajachawaesaxaelen, chiekal najumnotam xot xanliajwa. Naxulowlis pachaem. Dep nakoltlis naxulow pejmatpumatxot. jNawia'mich nejba poxade! —aech Jesús japowliajwa.

³⁰ Do jawut, chijialisow pejba poxade. Pejba pat wut, paxulow taenlisow, ok wut camatat. Dep wejisallisow pejmatpumatxot.

Jesús boejthutpox naetakna'nikpon, buxwunajnajilbejpon

³¹ Do jawut, Jesús nakolt Tiro tuajnuxot. Do jawux, Sidón tuajnalel xentbejpon. Xenabejpon paklowaxan Decápolis tuajnalel. Do jawux,

Galilea pukaxot paton. ³² Jaxot asew jiw buflaen naetakwatan Jesúslel. Japon aton buxwuanjilbej. Japi jiw jum-aech Jesúsliajwa:

—¡Ampon aton boejthu'e jumtaeliajwa! ¡Ke-o'ebey japonxot naksiyaliajwapon! —aechi.

³³ Do jawut, Jesús buflaech atuxach buxwuanjilan, jiw ajilxot. Jawut Jesús nataelanaetawanwuj jacha pejkothiyatat. Do jawut, Jesús loya pejkothiya, japon aton kaech-ia'jachaliajwa japa-almintat. ³⁴ Dolisdo', Jesús athulel natachaemse wut, xabich fakjolchapon. Jum-aechon: “¡Efata!” —aech Jesús. (Japajame jumchiliajwa hebreojametat: “¡Nej fafas!” —chiliajwa.)

³⁵ Do jawut, chalechkal pejnaetawanwuj chiekal wepachaemslison kolelelje. Pejkaech-ia't pachaembej naksiyaliajwa. Naksiya wut, chiekal jamtampapon. ³⁶ Do jawut, Jesús jum-aech puexa jiwliajwa:

—¡Puexa xamal nabej chapae' ampox asew jiw! —aech Jesús japi jiwliajwa.

Jesús buxfiat wut, japi jiw nakiowa chapaeful asew jiw. ³⁷ Japi jiw nejchaxoelanuili. Samata, jum-aechnapí:

—¡Puexa Jesús ispoخان, chiekal ispon! Jesús boejthut wut, ¡hasta naetaxatabej chiekal jumtaen! ¡Buxwuanjilabej chiekal naksiya! —naeachi nakaewa.

8

Jesús naxaeyaxan chaxduwpox cuatro mil jiwliajwa (Mt 15.32–39)

¹ Asamatkoiyan xabich jiw pejme natamejal Jesúsxot. Japi jiw naxaeyaxan xaeliajwa jaxot ajil. Samata, Jesús pejnachala la moxliajwadin.

² Japi pat wut, jum-aechon:

—Ampi jiw beltaenx, wejisal xot xaeliajwa. Japi xan nachala tres matkoi. Toellisi naxaeyaxan xafoli. ³ To'ax wuti naxae-elaxtat pejbachan poxade, japi jiw xabich pejlit namtat mamnikaxil, asew jiw japixot xabich atuj fulaenxot —aech Jesús.

⁴ Do jawut, pejnachala jumnot wut, jum-aechi:

—Amxot naxaeyaxan faekaxisal, jiw duila-el xot —aechi.

⁵ Dolisdo', Jesús wuanjachaemt wut, jum-aechon:

—¿Massuapichkat pan xamalxot? —aech Jesús.

Jumnot wut, jum-aechi:

—Amxot siete panes —aechi.

⁶ Jesús puexa jiw chalakax to'a satat. Do jawut, siete panes Jesús chafit. Dios kawajan wut, jum-aechon:

—Gracias-an ampapan nachaxduwampiliajwa —aech Jesús.

Jawut pan jalkafulon. Do jawut, Jesús chaxduiful pejnachala, japi sasliajwa pan puexa jiwliajwa. Do jawut, Jesús pejnachala pan sasfallisi.

⁷ Jesús pejnachalaxot cha-aex baxix. Do jawut, Jesús pejme Dios kawajan baxixliajwa. Jawut jum-aechon:

—Gracias-anbej ampabaxixliajwa nachaxduwampi —aech Jesús.

Do jawut, to'abejpon pejnachala baxix sasliajwapi puexa jiwliajwa. ⁸ Puexa jiw chiekal xael. Chiekal nafniabejpi. Do baxael, pejnachala chanot malsi. Wulu siete matpiran. ⁹ Japi jiw xaelpi, me-ama cuatro mil jiw. Xaeyax kaechatoel wut, Jesús japi jiw to'a naweliajwa pejbachan

poxade. ¹⁰ Do jawux, Jesús falkam jul, pejnachala suapich, chaflaeliajwa Dalmanuta tujnu poxade.

Fariseos to'apox Jesús isliajwa koechax
(Mt 12.38–42; 16.1–4; Lc 11.29–32; 12.54–56)

¹¹ Do asamatkoi, fariseos pat wut Jesúsxot, japi chiekal wujnachaemt Jesús. Japi fariseos tasalasiapi Jesús, asax is wut. Samata, jum-aechi:
—¡Isde koechax xanal taeliajwan, chiekal matabijaliajwanbej, diachwujnakolax xam Dios to'aponam wut! —aech fariseos Jesúsliajwa.

¹² Do jawut, Jesús xabich fakjolcha, nejchachaemla-el xoton fariseosliajwa, naexasis-el xotbejpi. Samata, Jesús jum-aech:

—Xamal nato'am xan koechax isliajwan asbuan jumch taeliajwam. Pe xamal taeyaximil pajelkoechax —aech Jesús fariseosliajwa.

¹³ Do jawut, Jesús chijia fariseosxot. Julon falkam chaflaeliajwa puka we-enlelde, pejnachala suapich.

Jesús naewujajnpox pejnachala, japi pajut chiekal natataeflialiajwa fariseos naewujajnpoxan, Herodesbej
(Mt 16.5–12)

¹⁴ Jesús pejnachala nejkiow naxaeyaxan xalaeliajwa. Japi asbuan jumch kaekolax pan xafoli. ¹⁵ Do jawut, Jesús jum-aech pejnachalaliajwa:

—¡Chiekal taem fariseos pejlevaduraliajwa, Herodes pejlevaduraliajwabej! —aechon pejnachalaliajwa.

¹⁶ Jesús pejnachala jumtaen Jesús jum-aechpox. Pe japi jummatabija-el. Samata, nakaewa nawujnachaemt wut, najum-aechi:

—¿Achaxkat jum-aech Jesús? Jesús japox bej nakjum-aechbej, xatis nejkiows xot pan xalaeliajwas —aechi nakaewaliajwa.

¹⁷ Jesús matabijt pejnachala nakaewa najum-aechpox. Samata, Jesús wujnachaemt wut, jum-aechon:

—¿Ma-aech xotkat xamal nakaewa najum-am panliajwa? ¿Xamalkat jummatabija-emil, matnaetinkam xot? ¹⁸ Xamal taenam. Pe chiekal matabija-emil. Jumtae-emilbej. ¿Ma-aech xotkat xamal nejchaxoela-emil xan koechax isxpoxliajwa, ajil wut naxaeyaxan jiw xaeliajwa? ¹⁹ Xan jalkafulax wut cinco pan cinco mil poejiwliajwa, do jawut, ¿masmatpirankat xamal wulum japi jiw mali? —aech Jesús pejnachalaliajwa.

Japi jumnot wut, jum-aechi:

—Xanal wulux doce matpiran —aechi.

²⁰ Jesús pejme jum-aech pejnachalaliajwa:

—Xan jalkafulax wut siete panes cuatro mil jiwliajwa, jawut, ¿masmatpirankat xamal wulum japi jiw mali? —aech Jesús.

Jesús pejnachala jumnot wut, jum-aechi:

—Xanal wulux siete matpiran —aechi.

²¹ Do jawut, Jesús jum-aech pejnachalaliajwa:

—¿Xamalkat jummatabija-emilfak? —aech Jesús.

Jesús boejthutpox itliaklan Betsaida paklowaxxot

²² Jesús, pejnachala suapich, chapa'a Betsaida paklowaxxot. Japa-paklowaxxot asew jiw buflaeni itliaklan Jesúslel. Japi wuljow Jesús jachaliajwa itliaklan, japon chiekal taeliajwa. ²³ Jesús makxalaech wut itliaklan, buflaechon atuxach, paklowax tathoetlel. Jesús itfuxalot almintat itliaklan. Do jawut, Jesús itfujacha wut itliaklan, jawut Jesús wujnachaemt wut, jum-aechon itliaklanliajwa:

—¿Xamkat taenamlejen? —aechon.

²⁴ Do jawut, itliaklan chiekal natachaemt wut, jum-aechon:

—Jiw laelp wut, me-ama naechan laelp wut, ja-itfu-an —aech itliaklan.

²⁵ Do jawut, Jesús pejme itfujacha. Jawut chiekal wepachaemslison pejitfu. Chiekal taenbejpon. ²⁶ Jesús jum-aech:

—¡Nabej fulae' paklowax poxade! ¡Xabua'de nejba poxade! ¡Nawia'mich! —aech Jesús majt itliakalponliajwa.

Pedro jum-aechpox Jesúsliajwa: “Xam Cristowam, Dios to'asponam”

(Mt 16.13–20; Lc 9.18–21)

²⁷ Jesús boejthut wut itliaklan, fulaechon, pejnachala swapich, asatwajnuchan poxade, Cesarea de Filipolel. Fol wuti nuamtat, Jesús wuajnachaeamt wut pejnachala, jum-aechon:

—¿Achan na-aechkat jiw xanliajwa? —aech Jesús.

²⁸ Japi jumnot wut, jum-aechi:

—Asew jiw jum-aech xamliajwa: ‘Japonlap Juan, jiw bautisan. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Elías, Dios pejprofeta. Mat-echpon pejme duk’ —aech asew jiw xamliajwa. Asew jiw jum-aechbej xamliajwa: ‘Japonlap Dios pejprofetasxot mat-echpon pejme duk’ —aech asew jiw xamliajwa —aech Jesús pejnachala.

²⁹ Do jawut, Jesús pejme wuajnachaeamt wut, jum-aechon pejnachalaliajwa:

—Xamallax, ¿achan na-amkat xanliajwa? —aech Jesús.

Do jawut, Pedro jumnot wut, jum-aechon Jesúsliajwa:

—Xam Cristowam, Dios to'asponam —aech Pedro.

³⁰ Do jawut, Jesús buxfiat wut, nejthaxtat jum-aechon pejnachalaliajwa:

—¡Japox asew jiw nabej chapae' xan Cristowanponan! —aech Jesús pejnachalaliajwa.

Jesús jum-aechpox, japon tuxaxaelpoxliajwa

(Mt 16.21–28; Lc 9.22–27)

³¹ Jesús jum-aech pejnachalaliajwa, japon tuxaxaelpoxliajwa:

—Xan, puexa jiw pakoewkolnan, xabich nabijasaxaelen. Judíos-ancianos, sacerdotespaklochowbej, judíos chanaekabuanapibej, japi xan najumchiyaxael: ‘Japon Cristowa-el, Dios to'aspona-el’ —chiyaxaeli xanliajwa. Samata, naboesaxael wut, tres matkoi wut, Dios xan namatesaxael pejme dukaliajwan —aech Jesús.

³² Jesús japox jum-aech pejnachala chiekal matabijaliajwa jachiyaxaesopox japonliajwa. Jawut Pedro buflaechon Jesús pejlel nospaeliajwa tamach, Jesús swapich. Do jawut, Pedro buxfiat Jesús jum-aechpoxliajwa.

³³ Pe Jesús natfo'cha asew pejnachalalel taeliajwa. Do jawut, Jesús jum-aech Pedroliajwa:

—¡Chijiamde xanxot! Xam japox jum-am, Satanás buxto'a xot. Xam nejchaxoela-emil Dios pijaxan. Asbuan jumch nejchaxoelam ampathatpijaxankal —aech Jesús Pedroliajwa.

³⁴ Do jawut, Jesús la pejnachala, jiwbej. Dolisdo', puexa jiw pat wut japonxot, Jesús jum-aech:

—Xamal tajnachalwasiam wut, ¡najut babijaxan isampoxan, ma amwut kofim! ¡Pomatkoicha isfulde xan tato'laxpoxan! Asew jiw pijaxtat

nabijatam wut, boesasia wutbejpi, jnakiowa xamal naexasisfulde xan tato'laxpoxan!

³⁵ Ampathatat isam wut najut nejxasinkampoxankal, asamatkoi tɔpam wut, napelsaxaelam Diosliajwa. Ja-am wut, duilaximil Diosxotse. Kofam wutlax najut isfulampoxan, isfulam wutlax xan tato'laxpoxan, Dios chiekal naexasisfulam wutbej, asamatkoi xamal tɔpam wut, napelsaximil Diosliajwa. Ja-am wut, pomatkoicha duilaxaelam Diosxotse. ³⁶ ¿Achaxkat aton kanaxael xabich wuton pejew ampathatat, asamatkoi tɔp wut, Dios kastikaxaes wuton? ³⁷ Aton mosaxil pejewtat pasliajwapon Diosxotse, japon pejew chiekal omjil xot Diosliajwa. ³⁸ Ampathatpijiw xabich is babijaxan. Japi nejchaxoela-elbej Dios. Japi jiw pejwɔajnalel xamal nadala wut xanliajwa, tajnaewɔajna xliajwabej, xanbej, puexa jiw pakoewkolnan, tadalaxaelen xamalliajwa. Xan jachiyaxaelen taj-ax Dios pejwɔajnalel. Tadalaxaelen xamalliajwa, xan kaxa pasaxoekan wut ampathatasik taj-ax pijaxtat, taj-ax Dios pej-ángeles sɔapich —aech Jesús pejnachalaliajwa, asew jiwliajwabej.

9

¹ Jesús pejme jum-aech pejnachalaliajwa:

—Diachwɔajnakolax xan jum-an. Asew jiw xamalxot pejpatɔpax wɔajna taeyaxaeli, Dios puexa pejjiw tato'al wut ampathatat —aech Jesús.

*Jesús xabich chaponanakhthianpox Dios pijaxtat
(Mt 17.1–13; Lc 9.28–36)*

² Do jawux, seis matkoijan wut, Jesús fulaech mɔax xabich athu poxase julaliajwa. Jawut bu'folon tres pejnachalan. Kaen pawul Pedro. Asan pawul Santiago. Asan pawul Juan. ³ Dolisi, pinamɔaxxotse wut, Jesús xabich chaponanakhthian. Pijax naxoelax xabich papoeikolax. Ampathatat jasox ajil xabich papoeikolax, me-ama japon pijax, jasox.

⁴ Do jawut, chalechkal kolenje aton natulaelt Jesúsxot. Japi judíos pejwɔajnapijiw. Kaen pawul Elías. Asan pawul Moisés. Japi nospaei, Jesús sɔapich.

⁵ Do jawut, Pedro jum-aech Jesúsliajwa:

—Tajpaklon, pachaem, xanal amxotan wut. Nejxasinkam wut, xanal tres bua-at isaxaelen. Kaebu-at xamlliajwa. Asabu-at Moisésliajwa. Asabu-at Elíasliajwabej —aech Pedro Jesúsliajwa.

⁶ Jesús pejnachala japox taen wut, xabich pejlowlapi. Samata, Pedro matabijs-el jumchiyaxaelpox. ⁷ Jawut itloejen fuloek japi pejmatwɔajasik. Do jawut, japa-itloejentat Dios jum-aechsik: “Ampon taxulan, xabich nejxasinkaxpon, japon naewesfulde!” —aech Dios.

⁸ Do jawut, Jesús pejnachala natadiajt wut, asew kolenje Jesúsxot chiekal ajillisi. Jesús tamach nukaful. Jawut taeni Jesúska.

⁹ Do jawux, mɔaxxot baloek wuti, Jesús buxfiat pejnachala asew jiw chapaesamata japi taenpox. Jum-aechon:

—Xan, puexa jiw pakoewkolnan, hasta namat-et wut, xan pejme dukx wutbej, do jawut, xamal asew jiw chapaeyaxaelam taenam pox —aech Jesús pejnachalaliajwa.

¹⁰ Japi ow-aech. Chapae-ellisi asew jiw. Nakaewa nawɔajna chae msnapi: “¿Ma-aech xotkat Jesús jum-aech: ‘Hasta namat-et wut, xan pejme dukx wutbej, do jawut, xamal asew jiw chapaeyaxaelam

taenamprox' —nak-aechkat Jesús xatisliajwa?" —na-aechi nakaewa. ¹¹ Dolisdo', japi Jesús pejnachala, trespi, wñajnachaeamt wut, jum-aechi Jesúsliajwa:

—Xam Cristowam wut, ¿ma-aech xotkat judíos chanaekabñanapi jum-aech Elíasliajwa: “Wajwñajnapijin Elías matxoela pasaxael. Do jawux, Cristo pasaxael” —aechkat judíos chanaekabñanapi? —aech Jesús pejnachala Jesúsliajwa.

¹² Jesús jumnot wut, jum-aechon:

—Judíos chanaekabñanapi jum-aechprox diachwñajnakolax. Japi jum-aechprox: ‘Matxoela pasaxael kaen, me-ama Elías, jason. Japon puexa jiw chanaekabñanaxael puexa jiw naexasisliajwa Dios. Jasox matxoela jachiyaxael Cristo pasax wñajna’ —aechox, japi jum-aechprox. Dios chajia jum-aechbej: ‘Puexa jiw pakoewkolan xabich nabijasaxael judíos pijaxtat’ —aech Dios. Xanlap japonan, puexa jiw pakoewkolnan —aech Jesús pejnachalaliajwa.

¹³ Do pejme Jesús jum-aech pejnachalaliajwa, trespijajwa:

—Diachwñajnakolax xan jum-an. Kaen, Elías jason, patlison. Pe asew jiw babijaxan isasiapi, japi islisi babijax japonliajwa. Dios pejjamechan chajia jum-aech japonliajwa jumchiyaxaesox —aech Jesús Juan, jiw bautisan, pejpatpaxliajwa.

Jesús nakolsax to'apox dep yamxulan pejmatpaxtot
(Mt 17.14–21; Lc 9.37–43)

¹⁴ Dolisdo', Jesús, tres pejnachala sñapich, fñlaechlisi asew japon pejnachala poxade. Do jaxotde xabich jiw taenlisi, japi jiw matawiat wut asew Jesús pejnachala, japi kaweta namapi. Jaxot kaesñapich judíos chanaekabñanapi, wñajna nabñ'naloti Jesús pejnachala, namapi sñapich. ¹⁵ Puexa jiw taen wuti Jesús, xabich nejchachaemili. Samata, Jesúslel dukpdepi kejachaliajwa. ¹⁶ Do jawut, Jesús wñajnachaeamt wut pejnachala, jum-aechon:

—¿Achaxkat xamal nabñ'nalotam, judíos chanaekabñanapi sñapich? —aech Jesús.

¹⁷ Kaen japixot jumnot wut, jum-aechon:

—Jiw chanaekabñanan, taxulan bñflaenx xam dep to'aliajwam nakolsliajwa taxulan pejmatpaxtot. Taxulan naksiyaxil, pejmatpaxtot dep webaes xoton. ¹⁸ Dep pijaxtat chalechkal jñwalon. Xabich kaechwathñamabejpon. Xabich bñatitbejpon. Do jawut, xabich satat nadadolan. Xan jum-an nejnachala japi to'aliajwa dep nakolsliajwa taxulan pejmatpaxtot. Pe nejnachala xajupa-el to'aliajwapi dep —aech yamxulan pax.

¹⁹ Do jawut, Jesús jum-aech pejnachalaliajwa:

—Tajnachala, xamal Dios chiekal xanaboeja-emil Dios xajupprox dep to'aliajwa. Xabich pin-iamatkoivan xamalxotx. Japamatkoivantatbej xabich naewñajnafulax. Kajachawaetxbej Dios chiekal xanaboejalijwam. Pe xamal Dios chiekal xanaboeja-emilfuk. jBñflaemen yamxulan xanle! —aech Jesús.

²⁰ Do jawut, yamxulan bñflaenlisi Jesúsleldin. Dep taen wut Jesús, jawut dep pijaxtat yamxulan pejme satat jñwal. Do jawutbej, yamxulan satat matariamam. Kaechwathñamabejpon. ²¹ Jesús wñajnachaeamt wut yamxulan pax, jum-aechon:

—¿Masmatkoivan naxulan jasox ja-aech? —aech Jesús.

Pax jumnot wut, jum-aech:

—Xabich chajia ja-aechon. Japox tʉadut, jam wutlejen. ²² Pin-iaveces dep pijaxtat jumal jitlel kakamwaliajwas. Minlelbej jumal bu'laliajwa. Samata, jxanal nabeltaem! Xajumam wut, jxanal nakajachawae'e! —aech yamxulan pax.

²³ Jesús jum-aech yamxulan paxliajwa:

—¿Ma-aech xotkat xan najum-am: 'Xajumam wut, jxanal nakajachawae'e!' —amkat xanliajwa? Xam Dios naexasitam wut, Dios kajachawaesaxael dep nakolsliajwa naxulanxot —aech Jesús.

²⁴ Do jawut, yamxulan pax nejlakcha wut, jum-aechon:

—Xan Dios naexasitx. Samata, jnakajachawae'e kaes pejme chiekal Dios naexasisliajwan! —aech yamxulan pax.

²⁵ Jesús taen wut xabich jiw papasfulpox jaxot, jawut Jesús to'a dep nakolsliajwa yamxulan pejmatruatxot. Jum-aechon:

—Dep, xam yamxulan buxwujankijtam. Naetakuatambej. jNakolde japon yamxulan pejmatruatxot! jKaxa nabej nawias yamxulan pejmatruatxot poxadin! —aech Jesús depliajwa.

²⁶ Do jawut, dep xabich pinjametat na-ua wut, yamxulan jumal dep pijaxtat. Do jawut, dep nakolt yamxulan pejmatruatxot. Yamxulan okafal satat. Me-ama tʉp wut, ja-aechon. Samata, xabich jiw jum-aech: “jTaem! Yamxulan chiekal tʉplison” —aech japi jiw. ²⁷ Do jawut, Jesús mʉaxfit yamxulan namat-esliajwa. Do jawut, yamxulan nant.

²⁸ Do japoxwux, Jesús, pejnachala sʉapich, ba lech wut, japi piajkal wut, pejnachala wujnachaemtas. Jum-aechi Jesúsliajwa:

—¿Ma-aech xotkat xanal xajupa-enil dep nakolsax to'aliajwan yamxulan pejmatruatxot? Me-ama xam, jachi-enil —aechi Jesúsliajwa.

²⁹ Jesús jumnot wut, jum-aechon:

—Me-ama ampon dep, jason, xamal najut nijaxtat xajumaximil to'aliajwan, majt Dios kawujajna-emil wut —aech Jesús.

Jesús pejme jum-aechpox pejpatrupaxliajwa

(Mt 17.22–23; Lc 9.43–45)

³⁰⁻³¹ Jesús, pejnachala sʉapich, japatujnuxot nakola wut, fulaechlisi Galilea tʉajnu poxade. Japi fulaech wut, Jesús nejxasinka-el asew jiw matabijsliajwas japon jaxotox, pejnachalagal naewujnaxael xoton. Do jawut, jum-aechon:

—Xan, puxa jiw pakoewkolnan, asan nawiasaxael tadaelmajiwxot japi naboesaliajwa. Xan tʉpx wut, tres matkoi wut, Dios namat-esaxael pejme dukaliajwan —aech Jesús pejnachalaliajwa.

³² Pe japi chiekal jummatabija-elfak Jesús jum-aechpox. Japi buxdalabej kaes wujnachaemsliajwapi Jesús.

Achan kaes paklonaxaelpox Diosxotse

(Mt 18.1–5; Lc 9.46–48)

³³ Jesús pat, pejnachala sʉapich, Capernaum paklowaxxot. Batutat wuti, Jesús wujnachaemt wut pejnachala, jum-aechon japiliajwa:

—¿Achaxkat xamal jum-am, nʉamtat folam wut? —aech Jesús pejnachalaliajwa.

³⁴ Pe japi asbuan jumch boejlach. Jumnos-eli, padala xot. Japi majt nʉamtat fol wut, nakaewa najum-aechi: “¿Achankat xatisxot kaes paklonaxael?” —aechi nakaewaliajwa.

³⁵ Do jawut, Jesús ek. Ek wut, lalison doce pejnachala kaes moxliawadin. Jawut jum-aechon japiliajwa:

—Xamal puexa jiw tato'lasiam wut, imajt pamaknamde puexa jiw kajachawaesliajwam! —aech Jesús.

³⁶ Do jawut, Jesús yamxulan la moxliajwadin, pejnachala pejwajnalel. Do jawut, Jesús yamxulan islanuk wut, jum-aechon pejnachalaliajwa:

³⁷ —Yamxulan bu'kultam wut xan tajaxtat, ja-am wut, jawut xanbej chiekal nabu'kulsaxaelam. Nabu'kultam wut, xan kaenan nabu'kuls-emil. Diosbej bu'kulsaxaelam, xan nato'apon —aech Jesús pejnachalaliajwa.

Is-elpi chaemilpox Jesúsliajwa, japi, me-ama kajachawaetpox Jesús pijax naewajjax

(Mt 10.42; Lc 9.49–50)

³⁸ Do jawut, Jesús pejnachalan, pawlpon Juan, jum-aech Jesúsliajwa:

—Jiw chanaekabuanan, xanal kaen aton taenx, dep to'aful wut nakolaliajwa jiw pejmatpuatanxot. Japon aton xam nijaxtat dep to'a nakolaliajwa jiw pejmatpuatanxot. Pe wajmutpijna-el. Samata, xanal japon fiatx buxkofsliajwapon japox —aech Juan Jesúsliajwa.

³⁹ Jesús jumnot wut, jum-aechon:

—Japon japox is wut, inej is! ¡Nabej fias! Japon koechaxan is wut xan tajaxtat, ja-aech wut, jumchiyaxilon babejjamechan xanliajwa. ⁴⁰ Jiw is-elpi babijaxan xatisliajwa, japi, me-ama nakkajachawaet wut, ja-aechi. ⁴¹ Diachwajnakolax jum-an. Nejmach-aton xamal kajachawaet wut, tajjiwam xot, japon aton xamal chaxdut wut minkal feliajwam, japon aton Dios kajachawaesaxaes —aech Jesús, Juanliajwa naksiya wut.

Jesús naewajjanpox jiw babijaxan isasamata

(Mt 18.6–9; Lc 17.1–2)

⁴² Jesús pejme jum-aech pejnachalaliajwa: “Pomatkoicha jiw babijaxan is, asew jiw to'as xoti. Pe jelxan nanaexasiti is wut babijaxan, asew jiw to'as xoti, to'api jiw babijaxan isliajwa, japi jiw xabich kastikaxaes Dios. Japiliajwa kaes pejme pachaemaxael ia' pinanul, jajaera, kaechariama ke'aliajwas, chakakofaliajwas mar poxadik, xabich so'nik poxadik, jaxotdik tupaliajwapi. Ja-aech wut, japi to'axil kaes asew jiw babijaxan isliajwa, jelxan nanaexasiti. ⁴³⁻⁴⁴ Nejke-echantat babijaxan isfulam wutbej, inajut naketariowcham, kofaliajwam babijaxan isampoxan! Ja-am wut, kaes pachaemaxaelam, kaeke-em wut pasliajwam Diosxotse. Kofa-emil wut babijaxan isampoxan, ja-am wut, napelsaxaelam inferno poxadik. Jaxotdik toepaxil jit pinjiyax. Japajitxotdikbej tafil tupa-el. ⁴⁵⁻⁴⁶ Nejtakantat babijaxan isfulam wutbej, inajut natuaktariowcham kofaliajwam babijaxan isampoxan! Ja-am wut, kaes pachaemaxaelam kaetuakam wut pasliajwam Diosxotse. Kofa-emil wut babijaxan isampoxan, jachi-eliasiam wut, xamal napelsaxaelam inferno poxadik. Jaxotdik toepaxil jit pinjiyax. Japajitxotdikbej tafil tupa-el. ⁴⁷⁻⁴⁸ Babijax isam wutbej, taenampox nej-itfutut, ja-am wut, inajut naitfukuim xamal kofaliajwam babijaxan isampoxan! Do ja-am wut, kaes pachaemaxaelam pasliajwam Diosxotse, kae-itfutam wut. Kofa-emil wut babijaxan isampoxan, ja-am wut, xamal napelsaxaelam inferno poxadik. Jaxotdik toepa-el jit pinjiyax. Japajitxotdikbej tafil tupa-el” —aech Jesús pejnachalaliajwa.

⁴⁹ “Puexa jiw, infierno xoti, xabich nabijasaxael japajitat” —aech Jesús pejnachalaliajwa. ⁵⁰ Jesús pejme jum-aech: “Dom pachaem. Dom xakuenka-el wut, chaemil. Dom chaemil wut, pejmeliajwa pachaemaxil. Samata, xamal pachaemaxaelam ampathatat. Me-ama dom pachaem wut, jachiyaxaelam. Nejjiw swapich, duilam wut, ichiekal pachaemde!” —aech Jesús.

10

Jesús naewwajanpox poejiw pelsasamata pejwatho'
(Mt 19.1–12; Lc 16.18)

¹ Jesús nakolt wut Capernaum paklowaxxot, do jawut fulaeclison Judea twajna poxade, Jordánlajt orientelel poxade. Jaxotde pejme xabich jiw papasful japonxot. Do ja-aech wut, pejme twaduton jiw naewwajnalialjwa, me-ama japon pejkabuan. ² Do jawut, fariseos mox soepapi Jesúsxot wwanjachaemsliajwapi Jesús, Jesús asaxtat jum-aech wut japi tasalialjwa japoxtat. Samata, fariseos jum-aech:

—¿Tapaeiskat poejiw pelsliajwa pejwatho'? O, ¿tapae-esalkat? —aech fariseos.

³ Jesús jumnot wut, jum-aechon:

—¿Achaxkat jum-aech Moisés chajia lelpox xamal najum-ampoxliajwa? —aech Jesús.

⁴ Japi jum-aech:

—Moisés chajia lelpox jum-aech: ‘Aton pijow fo'asia wut, japon lelaxael pelfut. Japapelfutat jumchiyaxaelon, ma-aech xot fo'asiapon pijow. Do jawux, palelafut chaxdusaxaelon pijow. Do ja-aech wut, japapelfut chaxdut wut, pachaemaxael japon aton fo'aliajwa pijow’ —aech Moisés chajia lelpox —aech fariseos Jesúsliajwa.

⁵ Do jawut, Jesús jum-aech fariseosliajwa:

—Moisés jasox lel, xamal matnaetinkam xot naexaxisliajwam Dios.

⁶ Majt wajwajna, Dios that is wut, kaen aton ispon. Kaeow atowbej ispon. ⁷ Samata, aton fit wut pawis, japi nakolaxael paxxot, penxotbej, japon aton, pijow swapich, pejlel dukaliajwa. ⁸ Do ja-aech wut, japi kolenje, me-ama kaen wut, jachiyaxaeli. Ja-aech wut, japilis, me-ama majt kolenje wut, jachi-ellisi. Amwutjel japi, me-ama kaen wut, ja-aechlisi. ⁹ Samata, aton fo'axil pijow, Dios pijaxtat nakjiya xot —aech Jesús fariseosliajwa.

¹⁰ Do baxael, Jesús, pejnachala swapich, batat wut, pejnachala wwanjachaemtas watho' pelsaxliajwa.

¹¹ Do jawut, Jesús jumnot wut, jum-aechon pejnachalaliajwa:

—Aton fo'a wut pijow, japon aton asaow pawis fit wut, japon babijax is Diosliajwa, pijowliawabej, bu'moejt xoton asaow, pijowa-elpow. ¹² Pawisbej pamal fo'a wut, asan poi fit wutow, japow babijax is Diosliajwa, pamalliajwabej, bu'moejt xotow asan poi, pamala-elpon —aech Jesús.

Jesús kawwajanpox Dios yamxiliajwa
(Mt 19.13–15; Lc 18.15–17)

¹³ Do baxael, jiw buflaen yamxi Jesús poxadin, Jesús ke-osliajwa yamxixot. Jawut pejnachala jum-aech yamxi buflaeniliajwa:

—¡Nabej buflae' yamxi Jesúsleldin! —aechi. ¹⁴ Jesús japox jumtaen wut, palalapon pejnachalaliajwa. Samata, jum-aechon:

—¡Tapaem yamxi buflaeliajwas xanlel! ¡Nabej fias! Dios pejjiw, duilaxaeli Diosxotse, japi, me-ama ampi yamxi, kamta naexasit xoti Dios pejtato'lax. ¹⁵ Diachwñajnakolax xan jum-an. Xamal Dios naexasitam wut, me-ama yamxi, ja-am wut, pasaxaelam Diosxotse. Dios naexasis-emil wut, pasaximil jaxotse —aech Jesús pejnachalaliajwa.

¹⁶ Do jawut, Jesús kaenanula yamxi isnot wut, jum-aechon yamxiliajwa: “Dios puexa xamal nej kajachawaesfule” —aech Jesús, ke-ot wut yamxixot.

Kemaeyan nospaeipox, Jesús suapich

(Mt 19.16–30; Lc 18.18–30)

¹⁷ Jesús pejme fulaeliajwa wut, kaen aton najae-en Jesúslel. Pat wut, Jesús pejwñajnalel brixtat nukon. Jawut, wñajna chaemt wut, jum-aechon:

—Jiw chanaekabñanan, xam xabich pachaemam. ¿Achaxkat xan nawewe'p isliajwan pomatkoicha dukaliajwan Diosxotse? —aechon.

¹⁸ Jesús jumnot wut, jum-aechon:

—¿Ma-aech xotkat xan najum-am: ‘Xam xabich pachaemam’ —namkat? Kaen Dios xabich pachaem. ¹⁹ Xam matabijtam Dios pejtato'laxan. Moisés chajia lelpox jum-aech: ‘¡Nabej boese' asan aton! ¡Nabej bu'moejs asaow pawis, nijwa-elpow! ¡Nabej natkowe'! ¡Nabej kechachajbe' asan aton tasalaliajwam, babijax is-elpon! ¡Nabej naekichachajbe'! ¡Nej-ax sitaem, nej-enbej!’ —aech Moisés chajia lelpox —aech Jesús.

²⁰ Do jawut, japon kemaeyan jum-aech:

—Jiw chanaekabñanan, xam najum-ampoxan, puexa japoxan xan tuadutx naexasisliajwan, pansianan wut. Amwutjelbej nakiowa japoxan naexasisfulax —aech kemaeyan.

²¹ Do jawut, Jesús natachaemt wut kemaeyan, beltaenlison. Do jawutbej, Jesús jum-aech:

—Xamfuk kaeyax wewe'p isliajwam. ¡Xabua'de nejba poxade! ¡Puexa nejew mowim! Mowam wut, ¡japaplata chaxduim kejila! Ja-am wut, Dios xabich nejchachaemlaxael xamliajwa. Ja-am wutbej, Dios xam chaxduiyaxael xabich pachaempoxan japonxotse. Chaxduiyax daep-tam wut, ¡xabua't xan naknanñamsliajwam, tajnachalnamliajwambej! —aech Jesús.

²² Kemaeyan jumtaen wut Jesús jum-aechpox, kemaeyan xabich nejxaejwas, xabich kemaenk xot.

²³ Jesús pejnachalalel natfo'cha wut, jum-aechon japiliajwa:

—Xabich tampoel kemaeya pasliajwa Diosxotse —aech Jesús.

²⁴ Pejnachala xabich nejchaxoelanuil, jumtaen wuti, Jesús japox jum-aech wut. Samata, Jesús pejme jum-aech pejnachalaliajwa:

—Takoew, diachwñajnakolax xabich tampoel kemaeya pasliajwa Diosxotse. ²⁵ Xamal matabijam camello pinjin xot, xajupaxil kuthatñakre'wñaj poxade xensliajwa. Kemaeyanliajwabej, tampoel japon pasliajwa Diosxotse —aech Jesús.

²⁶ Japox jumtaen wut, Jesús pejnachala xabich kaes pejme nejchaxoelanuili. Nakaewa nawñajna chaemsna wut, najum-aechi:

—¿Achankatlax bu'weyaxaes? ¿Achankatlax pasaxael Diosxotse? —na-aechi nakaewa.

²⁷ Jesús japi natachaemt wut, jum-aechon:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'welija. Dios kajachawaesaxael jiw pasliajwa japonxotse —aech Jesús.

²⁸ Do jawut, Pedro jum-aech:

—Xanal puexa tejew waelax, xam nakfulaeliajwan —aech Pedro.

²⁹ Do jawut, Jesús jum-aech:

—Diachwajnakolax xan jum-an. Nejmach-aton Dios pejbichax nabichliajwa wut, japon waela wut pakoew, pen, pax, paxi, pejbabej, pejsatanbej, jasox is wuton, tajwujajan, chimiawujajan, naexasit xoton, ja-aech wut, japon aton Dios kaes pejme chaxduiyaxaeson. ³⁰ Me-ama kaes cien veces chaxduiyaxaeson ampathatat. Jachiyaxaeson, pakoew, pen, paxi, pejba, pejsatbej, puexa japoxan waela xoton. Japon laeje wutfuk ampathatat, jiw nejweslafulaxaeson. Samata, nabijasaxaelon, xan nanaexasit xot. Asamatkoi, japon tup wut, pasaxaelpon pachaemxotse, Diosxotse, pomatkoicha dukaliajwa. ³¹ Xabich jiw amwutjel paklochowpi ampathatat, asamatkoi japi Diosxotse paklochowaxil Dios pejwujajnael. Xabich jiw lax amwutjel paklochowaxil elpi ampathatat, japilax asamatkoi paklochowaxael Diosxotse Dios pejwujajnael —aech Jesús.

*Ampoxtat Jesús jum-aech tres veces japon pejpatupaxliajwa
(Mt 20.17–19; Lc 18.31–34)*

³² Asamatkoi Jesús, pejnachala swapich, asew jiw swapichbej, japi fulaech Jerusalén paklowax poxade. Jesús matxoela fol. Pejnachala fol wut, nejchaxoeli: “¿Ma-aech xotkat Jesús pejlwla-el fulaeliajwa Jerusalén paklowax poxade?” —aechi, nejchaxoel wut. Asew jiw, wuchakal folpi, japi pejlwla. Do jawut, Jesús buflaech doce pejnachala asalel japikal jumchiliajwapon. Jum-aechon asew jiw isaxaesopox japonliajwa Jerusalén paklowaxxot. ³³ Jesús jum-aech: “Amwut Jerusalén paklowax poxaxaes. Jaxotde xan, puexa jiw pakoewkolnan, asew jiw nawiasaxael sacerdotespaklochowxot, judíos chanaekabuanapixotbej. Japi natasalaxael asew jiw xan naboesaliajwa. Do jawux, xan nawiasaxaeli judíos-elixot. ³⁴ Japi nabu'wujajanpaeyaxael. Naloyaxaelbejpi. Xabich namatwujajsaxaeli. Do jawux, naboesaxaeli. Tupx wut, tres matkoi wut, Dios namat-esaxael pejme dukaliajwan” —aech Jesús.

*Santiago, Juan swapich, wujowpox Jesús we-isliajwas chamoeyax
(Mt 20.20–28; Lc 22.24–30)*

³⁵ Do jawux, Santiago, Juan swapich, japi Zebedeo paxi, mox soepapi Jesúsxot. Do jawut, jum-aechi:

—Jiw chanaekabuanan, xanal wujowx xam nawe-isliajwam chamoeyax xanalliajwa —aechi Jesúsliajwa.

³⁶ Jesús jumnot wut, jum-aechon japiliajwa:

—¿Achaxkat we-isaxaelen, chamoeyax, xamalliajwa? —aech Jesús.

³⁷ Japi jumnot wut, jum-aechi:

—Xam jiw tato'lam wut ampathatat, ixanal natapaem chalakaliajwan xam nejkolalelje! ¡Natapaembej xanal puexa jiw tato'laliajwan, xam swapich, xanalbej jiw nasitaeliajwa! —aechi Jesúsliajwa.

³⁸ Jesús jum-aech:

—Xamal matabija-emil nawujowampox. Xan xabich nabijasaxaelen jiw pijaxtat. ¿Xamalkat-is xajupaxaelam nabijasliajwam, me-ama

xan, jachiliajwam? Xanbej tɔpaxaelen asajiw pijaxtat. ¿Xamalkat-is xajɔpaxaelam tɔpaliajwam, me-ama xan, jachiliajwam? —aech Jesús japiliajwa.

³⁹ Japi jɔmnɔt wɔt, jɔm-aechi:

—Diachwɔajnakolax xanalbej xajɔpɔx nabijasliajwan, me-ama xam, jachiliajwan —aechi Jesúsliajwa.

Jesús jɔmnɔt wɔt, jɔm-aechon:

—Diachwɔajnakolax xamalbej tajaxtat nabijasaxaelam. Tɔpaxaelambej. Me-ama xan, jachiyaxaelam.

⁴⁰ Pe tajkolalelje xamal chalakaliajwampox, puexa jiw tato'laliajwambej, xan sɔapich, japoxliajwa taj-ax Dios xan natapael tajut japox jɔmchiliajwan. Taj-ax Dios, japon pajut tapaeyaxael tajkolalelje chalakaxaelpi, xan sɔapich, japiliajwa chajia wechaemtas xotlisi —aech Jesús.

⁴¹ Asew Jesús pejnachala, diezpi, japox jɔmtaen wɔt, palalapi Santiagoliajwa, Juanliajwabej, wɔljow xoti japox. ⁴² Do jawɔt, Jesús puexa pejnachala la, japi kaes moxliajwa Jesúsxot. Dolisi, japi kaes mox wɔt Jesúsxot, jawɔt Jesús jɔm-aech pejnachalaliajwa:

—Xamal matabijam asatɔajɔnɔchanpijw, Dios naexasis-eli, paklochow, japi tato'al wɔt, tato'la-el pachaempoxantat. Japi jiw tato'al pamamaxtat asew jiw matabijaliajwas japi kaes pejme paklochowpox. ⁴³ Pelax xamal jasoxtat tato'laximil. Nejmach-aton xamalxot kaes xabich paklonasia wɔt, japon majt xamal kajachawaesfulaxael. ⁴⁴ Nejmach-aton kaes paklonasia wɔt xamalxot, japon majt, me-ama esclavo wɔt, jachiyaxaelon xamalliajwa. ⁴⁵ Ja-aechlap-is xanliajwa. Xan, puexa jiw pakoewkolnan, fulae-enil ampathatat jiw xan nakajachawaesfulaliajwa. Xanlax fulaekx jiw kajachawaesfulaliajwan, jiw bu'welijaowanbej, wemosliajwan japi babijaxan ispoخان, tɔpɔx wɔt cruztat —aech Jesús pejnachalaliajwa.

Jesús boejthɔtɔpox itliaklan

(Mt 20.29–34; Lc 18.35–43)

⁴⁶ Jesús, pejnachala sɔapich, pat Jericó paklowaxxot. Do baxael, japaklowax nakolaxxot nakolaliajwa wɔt, xabich Jerico paklowaxpijwbej nafulchala. Do jaxot kaen itliaklan ek japanɔambabu'tat, jiw xaxenapi wɔljoeliajwa platafahan. Japon pawɔl Bartimeo. Japon Timeo paxɔlan.

⁴⁷ Do jawɔt, jɔmtaen wɔton Jesús, Nazaret paklowaxpijin, mox xensaxaelpox, jawɔt, japon itliaklan nejlasful wɔt, jɔm-aechfulon:

—Jesús, David pamon, jɔxan nabeltaem! —aechfulison.

⁴⁸ Xabich jiw buxfiachpon boejlach ekaliajwa. Ja-aech wɔt, itliaklan kaes pejme nejlasful wɔt, jɔm-aechfulon:

—David pamon, jɔxan nabeltaem! —aechfulon, nejlasful wɔt.

⁴⁹ Do jawɔt, Jesús japox jɔmtaen wɔt, nukjabapon. Jɔm-aechon:

—jɔm-amde itliaklan xanlel fulaeliajwadin! —aech Jesús.

Do jawɔt, itliaklan las wɔt, jɔm-aechipon:

—jNejchachaemilde! jNande! Jesús xam la moxliajwam japon poxade —aechipon.

⁵⁰ Do jawɔt, itliaklan thɔch naxoelax asalelaxach fo'a. Do jawɔt, nancha wɔt, moxdepon Jesús poxade. ⁵¹ Jesús wɔajɔnachaemt wɔt, jɔm-aechon itliaklanliajwa:

—¿Achaxasiamkat xam? ¿Achaxkat isaxaelen xamliajwa? —aech Jesús itliaklanliajwa.

Itliaklan jumnot wut, jum-aechon:

—Jiw chanaekabuanan, xan taesian! —aechon.

⁵² Jesús jum-aech:

—¡Xabua'de nejmach! Amwutjel xam pachaemam, chiekal naxanaboetjam xot —aech Jesús.

Do jawut, itliaklan chiekal taenlison. Jawutbej, Jesús nakfollison.

11

Jesús patpox Jerusalén paklowaxxot

(Mt 21.1–11; Lc 19.28–40; Jn 12.12–19)

¹ Jesús, pejnachala sapich, pat mox Jerusalén paklowaxxot. Japi pat Betfagé paklowaxachxot, Betania paklowaxachxotbej. Jaxot olivon-aechan nuil mæaxleltat. Jaxot Jesús kolenje pejnachalan wæajna to'achon. ² To'a wut, jum-aechon:

—¡Xabua'de japapaklowaxach wæajnadexot! Jaxotde pa'mach wut, taeyaxaelam bur jelti'san, wæke'taspon. Japabur chinax aton tua-eka-esalfak. ¡Jolde! Do jawut, jnawebuflaeman! ³ Jaxotpijin xamal wæajnachæmt wut, jum-aech wuton: '¿Ma-aech xotkat bur joltam?' —aech wut, jum-amo japon aton: 'Wajpaklon wewe'pas bur. Toet wut, pejme wiasaxaelon' —amo japon aton! —aech Jesús, buxto'a wut kolenje pejnachalanliajwa.

⁴ Do jawut, japi kolenje fælaechlisi. Patlisi japapaklowaxachxot. Jaxot bafafatabijla bur jelti'san taeni. Bur ke'tas nuamtat. Do jawut, joltipon buflaeliajwadin Jesús poxadin.

⁵ Do jawut, jaxot nuili jum-aechi japiliajwa:

—Xamal, ¿achaxkat isam? ¿Ma-aech xotkat bur joltam? —aechi.

⁶ Jesús pejnachala jumnot wut, jum-aechi Jesús buxto'aspox. Do jawut, jaxot nuili, japi tapæi Jesús pejnachala bur buflaeliajwa Jesús poxadin.

⁷ Do jawut, japi bu'pat wut Jesúsxot, tam-owalisi thuch naxoeipoxan Jesús tua-ekaliajwa. Do jawut, Jesús tua-eklison bur. ⁸ Jesús fælaeyaxæch poxade, xabich jiw thuch naxoeipoxan ba'a nuamtat. Asew japixot chæa-naedalan tasiapa, pa-æafpi, owaliajwa nuamtat Jesús pejwæajnalel, sitaen xoti Jesús. ⁹ Asew japixot matxoela fol. Asew jiw wuchakal folbej. Puexa jiw nejlasful, xabich nejchachaemil xoti Jesúsliajwa. Nejlasful wut, jum-aechfæbejpi:

—¡Aleluya! ¡Ampon fælaenpon Dios pijaxtat! Samata, xabich pachaempon! ¹⁰ ¡Pachaempon, Israel tuajnæpijiw pejrey! ¡Ampon rey chiekal tato'laxael! Me-ama wajwæajnapijin, rey David, chiekal tato'al wut, jachiyaxaelon. ¡Dios, athæpijin, japon xabich pachaem! —aechfæli.

¹¹ Jasoxtat Jesús pat Jerusalén paklowaxxot. Dios pejtemplobaxot lech wut, puexa chiekal taenpon. Do jawut, Jesús nawiat, doce pejnachala sapich, Betania paklowaxach poxade, xabich tuila xotliso.

Jesús jum-aechpox, higonaæ bæchjil wut

(Mt 21.18–22)

¹² Kandiawa wut, Jesús, pejnachala sapich, nakola Betania paklowaxachxot. Do jawut, Jesús litaxaela. ¹³ Athæjxach wut, taenon higonaæ xabich pa-æafpox. Samata, mox taechon, pabaech wut tæsliajwa,

xaeliajwabej. Pe mox taech wut, japanae xabich pa-uafkal, naebaech naboematkoiya-el xotfuk. ¹⁴ Do jawut, Jesús jum-aech higonaeliajwa:

—iKaes naboesaximil! jiw kaes nejbaech xaeyaxilbej! —aech Jesús. Pejnachala jumtaen Jesús jum-aechpox.

Jesús to'apox nakolaliajwa Dios pejtemplobatat mowapi, wuajtibej (Mt 21.12–17; Lc 19.45–48; Jn 2.13–22)

¹⁵ Do jawut, Jesús, pejnachala swapich, pejme pat Jerusalén paklowaxxot. Do jaxotde wut, Jesús low Dios pejtemploba. Jaxot Jesús taen jiw mowapi, wuajtibej. Jesús to'a japi jiw nakolaliajwa tathoetade. Plata xanafokpi pejmesan wefulixabapon. A-u mowapi, japi pejtua-ekaxan wewulaejababejpon. ¹⁶ Jesús tapae-elbej jiw xaeliajwa pejew Dios pejtemplobatathoetlel. ¹⁷ Naewuajan wut, jum-aechon japi jiwliajwa:

—Dios pejjamechan, chajia lelspx, jum-aech Dios jum-aechpox pejtemplobaliajwa: ‘Tajba kawuajnaba wulxael, pothatapijiw xan nakawuajnalijwa’ —aech Dios jum-aechpox. Pe xamallax Dios pejtemploba kethaka pejba padofam —aech Jesús.

¹⁸ Sacerdotespaklochow, judíos chanaekabuwanapibej, japi jumtaen Jesús jum-aechpox. Samata, nakaewa najum-aechi: “¿Machiyaxaeskát Jesús boesaliajwas?” —na-aechi nakaewa. Pe paklochow pejlwla Jesúslijwa, puexa jiw xabich nejxasink xot Jesús naewuajanpoxan.

¹⁹ Tuila wut, Jesús Jerusalén paklowaxxot nakolt, pejnachala swapich.

Higona majowpox (Mt 21.20–22)

²⁰ Kandiaswap wut, Jesús, pejnachala swapich, xena wut, taenlisi higona. Japanae chiekal majow. Tathinbej chiekal majow. ²¹ Pedro nejchafaet Jesús jum-aechpox higonaeliajwa. Samata, jum-aechon Jesúslijwa:

—Jiw chanaekabuwanan, jnatachaemde higona! Kaeliw xam jum-ampox higonaeliajwa, diachwuajnakolax ja-aechlisox. Amwutjel chiekal majow —aech Pedro.

²² Do jawut, Jesús jum-aech pejnachalaliajwa:

—iDios chiekal xanaboejim japon xamal kajachawaesliajwa! ²³ Diachwuajnakolax xamal Dios chiekal xanaboejam wut, jum-am wut ampamuaxliajwa: ‘iNapia'e amxot mar poxamik!’ —am wut, japamuax napiasaxael jaxot. Pelax xamal kolenejchaxoelaxam wut Dioslijwa, ja-am wut, japamuax napiasaxil. ²⁴ Samata, xamal jum-an. Dios kawuajnam wut, jchiekal xanaboejim japon wuljowampoxan xamal chaxduiliajwa! Jasoxtat kawuajnam wut, diachwuajnakolax Dios xamal chaxduiyaxael wuljowampoxan. ²⁵ Xamal Dios kawuajnam wut, nalala wutfuk asan aton ispoxliajwa, jxamal japon aton beltaem! Ja-am wut, waj-ax Dios, athupijin, xamal beltaeyaxaelbej babijaxan isampoxanliajwa. ²⁶ Xamal beltae-emil wut asew jiw, Diosbej xamal beltaeyaxil babijaxan isampoxanliajwa —aech Jesús pejnachalaliajwa.

Jesús wuajnachaemtaspx, achan to'aspon choef mowapi nakolax to'aliajwapon Dios pejtemplobatat (Mt 21.23–27; Lc 20.1–8)

²⁷ Jesús, pejnachala swapich, pejme pati Jerusalén paklowaxxot. Do jawut, Dios pejtemplobaxot laelpi. Jaxot sacerdotespaklochow, judíos

chanaekab^hanapibej, ancianosbej, japi mox soepa Jesúsxot. ²⁸ Do jawut, Jesús w^hajnaemtas wut, jum-aechi:

—¿Achankat xam to'am choef mowapi nakolax to'aliajwam Dios pe-jtemplobatat? —aech paklochow, w^hajnaemt wuti Jesús.

²⁹ Jesús jumnot wut, jum-aechon:

—Xan-is xamal w^hajnaemsaaxaelen asax. ¡Majt chiekal najumno'e! Chiekal najumnotam wut, do jawux, xamalbej jumnosaxaelen xan naw^hajnaemtampox. ³⁰ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as Juan bautisaliajwa jiw? ¡Najumno'e! Chiekal najumnotam wut, do jawut, xamal jumchiyaxaelen, achan nato'apoxtat japox xan isx —aech Jesús paklochowliajwa.

³¹ Do jawut, japi nakaewa najum-aechi: “Xatis j^hmtis wut: ‘Juan Dios to'as jiw bautisafulaliajwa’ —tis wut, Jesús nakjumchiyaxael: ‘¿Ma-aech xotkat xamal naexasis-emil Juan jum-aechpox?’ —nakchiyaxael Jesús xatisliajwa. ³² J^hmtis wutlax: ‘Juan jiw to'as jiw bautisafulaliajwa’ —tis wut, japox j^hmtis wut, jiw xabich palalaxael, puexa jiw jum-aech xot pe-jnejchaxoelaxantat Juanliajwa: ‘Diachw^hajnakolax Juan, jiw bautisan, jum-aech Dios bu^hxto'aspoخان’ —aech xoti” —aech paklochow nakaewaliajwa. Samata, japi paklochow xabich pejlwla jumchiliajwa japox Jesúsliajwa.

³³ Do jawut, paklochow jumnot wut, jum-aechi:

—Jalape. Xanal matabija-enil, achan Juan to'as jiw bautisaliajwa —aechi.

Do jawutbej, Jesús jum-aech:

—Xan-is xamal jumchiyaxinil, achan nato'a xan japox isliajwan —aech Jesús paklochowliajwa.

12

Pamak babejchowpox

(Mt 21.33–46; Lc 20.9–19)

¹ Jesús jiw naew^hajan wut, w^hajantat jum-aechon: “Kaen aton uva m^htha. Do jawux, uvalul chaxajajial ia'tat. Isbejpon uva-ufan jukax uvalulxot. Do jawux, isbejpon japalultat cha-aelbach, ath^hpox, uvalul tataeflaliajwa, uva foi wut. Do jawut, uvalulpijin asew pamakjiwliajwa wuljaet pejlul piach wetataeflaliajwas, japon pejwulela. Japi bu'pat wut, jum-aechon: ‘Xan fulaeyaxaelen asat^haj^hulel at^haj. Xan ajinil wut, xamal tajlul chiekal nawetataeflaxaelam’ —aech uvalulpijin. Do jawux, chijjalison.

² “Asamatkoi, uva foi wut, uvalulpijin kaen pamakan to'a, japon wuljaesliajwa uva pejpaklonliajwa. Do jawut, fulaenlison uvalul poxadin. ³ Pe pat w^hton uvalul tataefulpixot, japi jaelt fulaenpon uva wuljaesliajwa. Do jawut, baespon. Do jawutbej, ke-etat nawiasax to'ason. ⁴ Do pejme uvalulpijin asan pamakan to'a. Jawut japon fulaenlison uvalul poxadin. Pat w^hton uvalul tataefulpixot, japi jaelt fulaenpon uva wuljaesliajwa. Jawut xabich matnaeboesaspon. J^hmtisbejpon babejjamechan. Do jawut, ke-etat nawiasax to'ason. ⁵ Do pejme uvalulpijin asan pamakan to'a japon wuljaesliajwa uva. Dolison, pat wut uvalul tataefulpixot, uvalul tataefulpi boesa fulaenpon uva wuljaesliajwa. Do jawut, uvalulpijin asew pamak to'a. Japi pat

wʉt uwalul tataefʉpixot, japibej baes. Asew japixot tʉp, fʉlaeni uva wʉljaesliajwa.

⁶ “Do jawʉt, uwalulpijin kaen wenamans to'aliajwa. Wenamanspon uwalulpijin paxʉlan, xabich nejxasinkpon. Do jawʉt, japon taxdukakolaxtat to'apon paxʉlan. Uwalulpijin nejchaxoel paxʉlanliajwa: ‘Uwalul tataefʉlpi, japi taen wʉt taxʉlan nawesitaeyaxaelipon’ —aechon uwalulpijin, nejchaxoel wʉt. ⁷ Pe uwalul tataefʉlpi taen wʉti uwalulpijin paxʉlan, nakaewa najʉm-aechi: ‘jTae'nik uwalulpijin paxʉlan! Asamatkoi pax naetʉp wʉt, japon pijax wʉlxae, uwalul. Samata, ma amwʉt boesaxaeson uwalul wajaxkal chiekal namanaliajwa’ —na-aechi nakaewa. ⁸ Uwalulpijin paxʉlan pat wʉt japixot, japi jaeltason. Do jawʉtbej, boesason. Jawʉt jutipon uwalulxot” —aech Jesʉs jiw naewetiliajwa.

⁹ Do jawʉt, Jesʉs wʉajnachaemt jiw naeweti japawʉajan. Jʉm-aechon: “¿Achaxkat xamal nejchaxoelam uwalulpijinliajwa? ¿Achaxkat isaxael uwalulpijin uwalul tataefʉpiliajwa? Xan tajut jʉm-an. Uwalulpijin chakifʉlaeyaxael uwalul tataefʉlpi kastikaliajwa, beliajwabejpon. Do pejme asew jiw tataefʉx to'axaelon uwalul” —aech Jesʉs.

¹⁰ Jesʉs pejme jʉm-aech:

—Xamal bej xaljowambej Dios pejjamechan, chajia lelspx, jʉm-aech wʉt xanliajwa:

‘Jiw ia'ba is wʉt, kaet ia'tliajwa nakaewa najʉm-aechi: “Ampot ia't chaemil” —na-aechi ia'tliajwa. Do jawʉx, asan aton japot ia't fit. Japon jʉm-aech japot ia'tliajwa: “Ampot ia't, puexa ia'xot, kaes pejme xabich pachaem taxso'tpijtliajwa, ba chiekal mamnikaliajwa” —aechon.

¹¹ Samata, japox xabich pachaem xatisliajwa’ —aech Dios pejjamechan, chajia lelspx, xanliajwa —aech Jesʉs, jiw naewʉajan wʉt.

¹² Do jawʉt, paklochow pajut matabija, Jesʉs jiw naewʉajan wʉt uwalul tataefʉpiliajwa, japox jʉm-aechon paklochowliajwa. Samata, jawʉt Jesʉs jaelsasias bʉflaeliajwas, Jesʉs jiw jebatat jeliajwas. Pe paklochow pejlwla jiwliajwa. Samata, Jesʉs waelti tamach. Do jawʉt, fʉlaechlisi pejlel.

*Impuesto mosaxliajwa, Jesʉs wʉajnachaemtaspx
(Mt 22.15–22; Lc 20.20–26)*

¹³ Do jawʉx, paklochow to'a Jesʉs poxade, kaesʉapich fariseos, Herodes pejmʉtpijiwbej, Jesʉs asax jʉm-aech wʉt, tasalaliajwapi Jesʉs.

¹⁴ Do jawʉt, pat wʉti Jesʉsxot, jʉm-aechi:

—Jiw chanaekabʉanan, xanal matabijax xam diachwʉajnakolax chiekal jʉm-am. Xam bʉxdala-elbej diachwʉajnakolaxpx naewʉajnaliam puexa jiwliajwa, nejlewla-el xot jiw nejchaxoelpox xamliajwa. Xam naewʉajnam diachwʉajnakolaxpx jiw chiekal duilaliajwa, me-ama Dios nejxasink. Samata, xanal matabijasian. ¿Pachaemkat xatis mosliajwas impuesto Roma tʉajnpijiw tato'lan? ¿Mosaxaeskat? O, ¿mosaxilsalkat? —aech paklochow, wʉajnachaemt wʉti Jesʉs.

¹⁵ Jesʉs pajut matabijt tasalaxaespx, jʉmnot wʉton asaxtat wʉajnachaemtaspxliajwa. Samata, Jesʉs jʉm-aech japiliajwa:

—¿Ma-aech xotkat xan naxapejtam? jNawexalaeman kaekafef xan taeliajwan! —aech Jesʉs.

16 Do jawut, xalaenlisi kaekafef Jesúslel. Jawut Jesús wuajnaemt wut, jum-aechon:

—¿Achan pejxu-aelkat ampakafeftat? ¿Achan pejwulbejkat ama lelspx ampakafeftat? —aech Jesús japiliajwa.

Do jawut, japi jumnot wut, jum-aechi:

—Roma tuajnujijiw tato'lan, japon pejxu-ael, pejwulbej —aechi.

17 Do jawut, Jesús jum-aech:

—¡Roma tuajnujijiw tato'lan, japon pejewpi japon chaxduim, motam wut impuesto! ¡Pe Dios pejewpi, Dios chaxduim! —aech Jesús.

Do jawut, japi jiw xabich natachaemana, Jesús chiekal jumnot xot.

Asamatkoi mat-eyaxaespx tapi pejme duilaliajwa

(Mt 22.23–33; Lc 20.27–40)

18 Saduceos asanejchaxoelax. Japi jum-aech: “Jiw tup wut, kaelel chiekal napelt. Asamatkoi mat-eyaxisalbej pejme duilaliajwa” —aechi asbuwan jumch. Do asamatkoi, kaesupich saduceos pat Jesús taeliajwa. Pat wuti, japi wuajnaemt Jesús. 19 Jum-aechi wuajantat:

—Jiw chanaekabuwanan, Moisés chajia lelpox jum-aech: ‘Aton pijow naetup wut naxuwla-elaxtat, patupan pakoewan naman wut, japon japow fisaxael. Ja-aech wut, japon naxuwlael japowtat pakoewan taponliajwa’ —aech Moisés chajia lelpox —aechi Jesúsliajwa.

20 Do jawut, japi kaes jum-aech: “Kaen aton seis pakoew. Matxoe-lapijin pawis fit. Pe baxael japon tup naxuwla-elaxtat pijowxot. 21 Do jawutbej, wuchakalpijin japow fit. Pe baxael japonbej tup naxuwla-elaxtat japowxot. 22 Puexa japon pakoew, seispi, nadaepti nakjiyaxtat japowtat. Pe chinax kaen japixot naxuwla-el japowtat. Do jawux, taxdukakolaxtat japowbej tup. 23 Tapi mat-ias wut pejme duilaliajwa, jawut sietepixot, ¿achankat pijowaxael japow?” —aech saduceos Jesúsliajwa.

24 Jesús jumnot wut, jum-aechon saduceosliajwa:

—Xamal japox jum-am wut, nejmach jum-am, matabija-emil xot Dios pejjamechan, chajia lelspx, jum-aechpox. Matabija-emilbej Dios xajupox puexa isliajwa. 25 Tapi mat-ias wut japi duilaxael Diosxotse. Jaxotse poejiw, watho'bej, pejme nakjiyaxil. Me-ama Dios pej-ángeles nakjiya-el, jachiyaxaelbej, tapi mat-ias wut pejme duilaliajwa.

26 ¿Xamalkat xaljoe-emil Moisés chajia lelpox, tapi mat-eyaxaespxliajwa pejme duilaliajwa? Japawuajanxot Dios chajia jumdat wut, jum-aechon boejtachnaechotdin. Jawut Dios jum-aech tapi mat-eyaxaespxliajwa pejme duilaliajwa. Do jawut, Dios jum-aech Moisésliajwa: ‘Xanfak amwutjel Abraham, Isaac, Jacobbej, japi pejDiosnan’ —aech Dios.

27 Samata, Dios naexasiti matabija, asamatkoi tup wuti pejme duilaxaelpox. Japi chiekal matabijabej, chajia wuajna tapi, japi napels-elpox. Samata, Abraham, Isaac, Jacobbej, japi amwutjel duilafal Diosxotse. Xamal saduceos chiekal matabija-emil, jum-am wut: ‘Jiw tup wut, chiekal kaelel napelt. Tapi mat-eyaxisal pejme duilaliajwa’ —am wut, —aech Jesús saduceosliajwa.

Dios pejtato'laxanxot, masox kaes pejme pachaem

(Mt 22.34–40)

28 Jesús chiekal jumnot wut, saduceos, fariseosbej, jawutbej kaen judíos chanaekabuwanapon jumtaen. Samata, japonbej mox soepan Jesúsxot wuajnaemsliajwa. Do jawut, jum-aechon:

—Jiw chanaekabuanan, Dios xabich tato'al jiw naexasisliajwa. ¿Achatato'laxxotkat kaes pejme pachaem Dios tato'alpox jiw naexasisliajwa? —aech judíos chanaekabuanan.

²⁹ Jesús jumnot wut, jum-aechon:

—Ampawhajan kaes pejme pachaem jiw chiekal naexasisliajwa: 'Israel pamojiwam, jumtaem chiekal! WajDios, japon kaen wajpaklokolan. ³⁰ Samata, ichiekal nejxasinkde Dios wajpaklokolan! ¡Xabich nejxasinkdebej Dios puexa nejnejchaxoelaxtat! ¡Xabich tanbichfuldebejpon puexa nej pamamaxtat!' —aechox. ³¹ Asawhajan, wuchakal pejhajan, Dios tato'alpox, japox jum-aechbej: '¡Chiekal nejxasinkde jiw! Me-ama xam najut nanejxasinkam wut, ¡ja-amde asew jiwliajwa!' Kolewhajan, Dios tato'alpoxan, japawhajanxot, do kaes asawhajan ajil, xabich kaes pachaemwhajan —aech Jesús judíos chanaekabuananliajwa.

³² Do jawut, judíos chanaekabuanan jum-aech Jesúsliajwa:

—Jiw chanaekabuanan, xam naksiyam diachwhajnakolaxpox. Dios pejjamechan, chajia lelspx, jum-aech: 'Dios kaen. Kaes asan Dios ajil' —aechox. ³³ Diachwhajnakolax pachaem xatis Dios chiekal nejxasinkaliajwas puexa wajnejchaxoelaxtat. Pachaembej Dios tanbichliajwas puexa wajpamamaxtat, nejxasinkas xot Dios. Pachaembej asew jiw nejxasinkaliajwas. Me-ama xatis wajut nanejxasinkas wut, jachiyaxaes asew jiwliajwa. Japoxanlap xabich pachaem xatis isliajwas. Japoxlap kaes pejme pachaem Diosliajwa, naexasich wut japoxan. Me-ama choef chabowaspoxan altarmatwhajtat Dios pej-ofrendaliajwa, jachi-el japoxan —aech judíos chanaekabuanan.

³⁴ Jesús jumtaen wut judíos chanaekabuanan chiekal jumnotpox, jawut Jesús jum-aech judíos chanaekabuananliajwa:

—Xamfuk kaeswapich wewe'p chiekal naexasisliajwam Dios —aech Jesús.

Dolisdo' jawut, jiw pejlewla kaes asax whajnachaemsaxtat xapaejsliajwapi Jesús.

*Cristo, rey David pamonpox, pe Cristo paklonbej Davidliajwa
(Mt 22.41–46; Lc 20.41–44)*

³⁵ Jesús jiw naewhajan wut Dios pejtemplobatat, Jesús whajnachaemt wut, jum-aechon japi naewetiliajwa:

—¿Ma-aech xotkat judíos chanaekabuananapi jum-aech: 'Cristo nalaelt wut, japon rey David pamonaxael' —aechkat judíos chanaekabuananapi?

³⁶ David pajut jum-aech wut Espíritu Santo pijaxtat, jum-aechon Cristoliajwa:

'Dios jum-aech tajpaklokolanliajwa: "¡Ekde tajpoklalel jiw tato'laliajwam, xan swapich! Ekam wutfuk tajpoklalel, xan malechaxaelen nadaelmajiw. Malechax wut, japi jiw naexasisfulaxael xam tato'lampoxan" —aech Dios tajpaklokolanliajwa' —aech rey David chajia lelsxot Cristoliajwa.

³⁷ David chajia jum-aechbej Cristoliajwa: 'Tajpaklokolan' —aechon Cristoliajwa. Samata, Cristo, diachwhajnakolax rey David pejpaklokolanpon. Pe Cristo David pamonbej —aech Jesús pajutliajwa, jum-aech wut jiw chiekal jummatatabijaliajwa japon Dios paxulanpon.

Xabich jiw nejchachaemil, jumtaen wuti Jesús jum-aechpox.

Jesús jum-aechpox jiw matabijaliajwa fariseos, judíos chanaekabuanapibej, pejbunwajanpox
(Mt 23.1–36; Lc 11.37–54; 20.45–47)

³⁸ Jesús pejme jiw naewhajan wut, jum-aechon:

—¡Chiekal taem! Me-ama judíos chanaekabuanapi, jnabej ja-aech'e xamal! Japi nejxasink pakchownaxoeyaxan jiw chiekal sitaeliajwas. Nejxasinkbejpi jiw saludaliajwas xabich sitaeyaxtat, xabun'kulas wut paklowaxthialaxanxot. ³⁹ Japi judíos naewhajnabachantat wut, wahnajna tuchalalaxan nuilpi paklochow kaes sitaenspi chalakaliajwapitat, japatua-ekaxantat japi chalak puexa jiw taeliajwas. Ja-aechbejpi, fies-tanxot wut. Japi nejxasink chalakaliajwa kaes pachaempoxantat. ⁴⁰ Japi naekichachajba watho', pamaljiw naetupspi, wenosliajwa japi watho' pejew. Lowpi judíos naewhajnaba piach Dios kawhajnaliajwa, jiw taens wut jumchiliajwas: 'Diachwahnajnakolax ampi jiw xabich pachaem' —chiliajwas. Samata, Dios xabich kastikaxaesi —aech Jesús judíos chanaekabuanapiliajwa.

Pamal naetupspow, kejilpow, chaxdutpox ofrenda Diosliajwa
(Lc 21.1–4)

⁴¹ Asamatkoi Jesús mox ek ofrenda jiaxot Diosliajwa, templobatat. Jaxot Jesús taen, jiw jia wut plata. Xabich kimaeya plata xabich jiapi. ⁴² Do jawut, jaxot patbej pamal naetupspow. Japowbej jek kolekafef Dios pej-ofrendaliajwa. Japakafefaex, cobrefaex, xabich omjillejen. ⁴³ Jesús japox taen wut, lalison pejnachala kaes moxaliajwadin japonxot. Jaxot wuti, Jesús jum-aech pejnachalaliajwa:

—Diachwahnajnakolax xan jum-an. Ampow, pamal naetupspow, xabich kejil. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wut, ja-aechow Diosliajwa. Me-ama puexa asew jiw, chaxduw wut, jachi-elow japow. ⁴⁴ Puexa asew jiw chaxduw ofrenda wenamaspoxantat. Japowlax wewe'paspoxanliajwa, puexa chaxdutow Diosliajwa —aech Jesús.

13

Jesús jum-aechpox Dios pejtemploba toesaxaespoxlialjwa
(Mt 24.1–2; Lc 21.5–6)

¹ Jesús nakolt wut templobaxot, kaen pejnachalan jum-aech:

—Jiw chanaekabuanan, jtae'nik Dios pejtemploba, asabachanbej! ¡Japabachan xabich chimiabachan! ¡Japa-ia'bej xabich pinanul! —aech Jesús pejnachalan.

² Jesús jum-aech:

—Xamal taenampi, pinabachan, japoxan asamatkoi chiekal toesaxaes. Asatwahnachanpijiw japabachan toesaxael. Dios pejtemplobabej toesaxaeli. Japox ja-aech wut, kaet ia't namanaxil nakae-ia'tmatwahnajtat —aech Jesús.

That toepax mox pawhajnana wut, majt matxoela jachiyaxaelpoxan
(Mt 24.3–28; Lc 17.22–24; 21.7–24)

³ Do jawux, Jesús, pejnachala swapich, fulaech Olivonaechanmmax poxade. Japamux Dios pejtemplobatabijla ek. Jaxotde pa'a wut, Jesús ek, pejnachala swapich. Pedro, Santiago, Juan, Andrés, japi piakal wut, wahnajnaemti Jesús. ⁴ Jum-aechi Jesúsliajwa:

—Jiw chanaekabuanan, ꞑxanal chiekal nachanaekabuanim! ꞑMaswutkat japox jachiyaxael, xam jum-ampox Dios pejtemplobaliajwa? ꞑAchaxankat taeyaxaes, mox pawuajna wut, xam jum-ampoxan jachiliajwa wut? —aechi.

⁵ Jesús jumnot wut, jum-aechon:

—ꞑChiekal taem asew jiw xamal naekichachajbasamata! ⁶ Xabich jiw pasaxael, me-ama xan. Japi pajut najumchiyaxael: ‘Xan Cristowan’ —nachiyaxaeli. Pe japi Cristowaxil. Xabich jiw naexaxisaxaesi, japi naekichachajba wut.

⁷ “Asamatkoi xamal wultaenam wut soldaw xabich nabapox mox, o, atuaj, ꞑxamal nabej nejlewlwle! Japoxan majt jachiyaxael, mox pawuajna wut that toepaliajwa. Ja-aech wut, that toepax pasaxilfak. ⁸ That toepax wuajna, xabichaxael nabewuajan. Nakaetuajnuꞑpijiw nabeyaxael, nakaetuajnuꞑpijiw suapich. Japoxan majt jachiyaxael asatuajnuꞑchanlel. Kaetuajnuꞑpijiw nabeyaxaelbej, asatuajnuꞑpijiw suapich. Japox majt jachiyaxael asatuajnuꞑlel. Asatuajnuꞑlel xabich sat najaesaxaelbej potuajnuꞑcha. Naxaeyaxan xabich ajilaxaelbej. Majt japoxan jachiyaxael, nabijasax tudusaxael wut jiw xabich nabijasliajwa. Me-ama watho' naxawlwaliajwa wut, xabich wexaenkas, jachiyaxaelbej, japox tudut wut, jiw nabijasaxaelpox.

⁹ “ꞑXamal najut chiekal natataefulde! Asew jiw xamal buflaeyaxael paklochow poxade. Japi xamal kastikaxael judios naewuaj nabachanxot. Nuilaxaelam paklochow pejwuajnalel, tajnachalwam xot. Jaxotam wut, xamal naksiyaxaelam xanliajwa. ¹⁰ Matdukamatkoi wuajna, potuajnuꞑcha xamal naewuajanaxaelam chimiawuajan, Dios jiw bu'weyaxaelpox. ¹¹ Xamal buflaech wuti paklochow poxade, ꞑxabich nabej nejchaxoele' jaxot naksiyaxaelampoxanliajwa! Jawut naksiyaxaelam Dios buxto'apoxan xamal naksiyalianjam. Najut nijaxtat naksiyaximil. Naksiyaxaelam Espiritu Santo pijaxtat. ¹² Japamatkoiyan, xamal tajnachalwam xot, asew jiw xamalxot, pakoewkola buflaeyaxaes paklochow poxade, jaxotde beliajwas. Asew jiwbej xamalxot, paxjiw, o, penjiwbej, buflaeyaxaes paklochow poxade, jaxotde beliajwas. Asew jiwbej xamalxot, paxi buflaeyaxaes paklochow poxade, jaxotde beliajwas. ¹³ Puexa jiw xamal nejweslaxael, tajnachalwam xot. Pe kofa-emil wut Dios xanaboejampox, ja-am wut, hasta tupam wut, Dios xamal bu'weyaxael.

¹⁴ “ꞑXaljowpon nej matabijs ampox! Xamal xaljowam wut, ꞑchiekal matabijim! Xamal taenam wut xabich babejkolan Dios pejtemplobatut, jaxot tapaeyaxisalpon leliajwa, jaxot wutlison, ja-aech wut, ꞑpuexa Judea tuajnuꞑpijiw nej dukpe pinamuxan poxade! ¹⁵ Do jawutbej, jiw nuili bachanmatwuajtat, baloek wut, ꞑnej le-ele' pejbachan poxade pejew jukaliajwa, xadukpaliajwabejpi!

¹⁶ “Do jawutbej, jiw nabisti pejlulantat, ꞑdo jaxot kaweta kamta atuaj nej dukpe! ꞑJapi kaxa nej nawe-eledin pejbachan poxadin, pejew ponan wuljaesliajwa! ¹⁷ Do jawutbej, watho', moejowpi, yamxi mitan miati, japi watho' xabich nabijasaxael. ¹⁸ Dukpam wut xabich nabijasasamatam, ꞑDios kawuajnafulde japox pasasamata, iama wut! ¹⁹ Dios that is wut, amwutjelbej, jachi-ellejen japanabijasax. Japamatkoiyantat xabich kaes nabijasaxaelam. ²⁰ Nabijasmatkoiyan piachaxael wut, jiw xajupaxil

boejtaliasfulaliajwa. Samata, Dios tapaeyaxil piach, pejjiw xabich nabi-jasliajwa. Jachiyaxael, Dios makanot wut Dios nejxasinkaspi.

²¹ “Asew jiw xamalxot jum-aech wut: ‘¡Tae'nik Cristo!’ o, asew jiw jum-aech wutbej: ‘¡Jaxotde Cristo!’ —aech wutbej, ¡nabej naexasis! ²² Matxoela fulaeyaxaen naekichachajbapijiw. Japi pasaxaen, me-ama Cristo. Pe japi Cristowaxil. Asew jiw pasfulaxael, me-ama Dios pejprofetas. Pe japi Dios pejprofetakolaxil. Japi isaxael koechaxan, japoxantat japi jiw naekichachajbaliaw. Naekichachajbasiabejpi jiw, Dios naexasiti, japi jiw kofaliajwa Dios xanaboejapoxan. ²³ ¡Chiekal taem! Xan ampox jum-an xamal chajia chiekal matabijaliajwam, asamatkoi xamal naekichachajbasamata japi jiw” —aech Jesús pejnachalaliajwa.

*Jesús, puexa jiw pakoewkolan, pejme kaxaxoekpox
(Mt 24.29–35, 42–44; Lc 17.26–36; 21.25–36)*

²⁴ Jesús pejme jum-aech pejnachalaliajwa:

—Nabijasmatkoiyan toep wut, juimt matkoipijinn kamta kwatlaxael. Juimt madoipijinbej itliakaxil. ²⁵ Ithaejanbej natacholnaxael. Puexa thatbaxotatibej xabich nachoelaxael. ²⁶ Do jawut, xan, puexa jiw pakoewkolnan, athulelsik fuloekx wut itloejentat, jiw xan nataeyaxael, paskax wut, puexa jiw tato'laliajwan. Do jawut, itliakaxaelen Dios pijaxtat. ²⁷ Do jawutbej, xan to'axaelen tejew ángeles, pin-ia kola, japi pothata xajupaliajwa. Japi buflaeyaxaen jiw xanlel, xan makanotxpikal.

²⁸ “¡Chiekal nejchaxoelde, taenam wut higonae! Higonae pajel-waf nakola wut, ja-aech wut, xamal matabijam waech mox pawujnapox. ²⁹ Jachiyaxaelbej japoxan taenam wut, xan jum-anpoxan. Matabijaxaelam xan mox tawujnapox pejme pasliajwan puexa jiw tato'laliajwan, taj-ax Dios swapich. ³⁰ Diachwujnakolax xan jum-an. Puexa xan jum-anpoxan diachwujnakolax jachiyaxael. Asew jiw xamalxot japoxan taeyaxael, laelpifuk ampathatat. ³¹ Thatbaxo, ampathatbej, toepaxael. Pelax tajjamechan toepaxil. Xan jum-anpoxan, japoxan diachwujnakolax jachiyaxael.

³² “Puexa jiw matabija-el xan pasaxoekanmatkoi. Dios pej-ángelesbej matabija-el japox. Xanbej, Dios paxulnan, matabijs-enil japox. Kaen taj-ax Dios matabijt.

³³ “Samata, ¡xamal najut chiekal natataefulde! ¡Pomatkoicha nawujnawesfuldebej, xamal matabija-emil xot xan pasaxoekanmatkoi! ³⁴ Xan pejme fuloekx wut athulelsik, me-ama kaen aton pejba naechijia wut, pejme kaxa nawia'an, xanbej jachiyaxaelen. Japon aton tamach waelapon pamak pejbatat. Pamak kaenanula bichax chaxduwpon. Jum-aechon kaen pamakanliajwa: ‘¡Tajba chiekal nawetataefulde, nawujnawetam wut tajpasax!’ —aech aton pamakanliajwa. Do jawux, chijialison atwaj. ³⁵ Xamalbej nawujnawetam wut, ¡me-ama ba tataeflan, ja-amsfulde xamal! Japon pomatkoicha ba chiekal tataeflaxael, matabijs-el xoton, maswut bapijin pejme pasaxael. Bej pasaxaelbejpon kali-ax, o, pinmadoitat, o, nalianawujna. O, pasaxaelon kandiawasap. ³⁶ Pamakan matabijs-el, maswut pejpaklon pasaxael. Samata, pomatkoicha chiekal wujnawesful, pejpaklon pat wut nejchachaemlaliajwa japiliajwa. Pejpaklon chamatpasaxisal pamakan chiekal wujnawesfula-esalpoxtat. ³⁷ Xamal jum-anpox, jum-anbej puexa asew jiwliajwa. ¡Chiekal nawujnawesfulde!” —aech Jesús pejnachalaliajwa.

14

Judíos paklochow nejchaxoelpox jaelsliajwapi Jesús

(Mt 26.1–5, 14–16; Lc 22.1–2; Jn 11.45–53)

¹ Kaewaechfal wut, judíos is Pascuafiesta nejkiowasamata pejwujnapijiw nakolapox Egipto tujnuxot. Japafiestamatkoiyan wut, judíos isbej asafiesta. Pan puthla-elpi xael, japafiesta wut. We'p wutfak kolematkoiye judíos tuadusliajwa Pascuafiesta isax, jawut sacerdotespaklochow, judíos chanaekabuanapibej, natameja piajkal. Japi jaelsasia Jesús naekichachajbapoxtat boesaliajwapi Jesús. ² Do jawut, nakaewa najum-aechi:

—Japox isaxisal fiestatat. Japox isas wut, jiw xabich palalaxael xatisliajwa. Ja-aech wut, jiwbej chamamosaxaelbej Jesús —na-aech paklochow nakaepaklochowliajwa.

Pawis perjumamintat matnaechafanpox Jesús

(Mt 26.6–13; Lc 7.37–38; Jn 12.1–8)

³ Jesús Betania paklowaxxot wut, paton Simón pejbatat. Japon Simón majt leprawaxae waechpon. Japabatat Jesús xael wut, kaeow atow xapat perjumamint batiajtat. Japabatiajt isas ia't, pawulpot alabastro. Japerjumamint xabich ommaenk. Isas nardokal. Do jawut, batiajtwathit jalnatow. Do jawut, japow ta'chafan Jesús. ⁴ Asew jiw japixot japox taen wuti, palalapi japowliajwa. Do jawut, nakaewa najum-aechi:

—¿Ma-aech xotkat japow tabejt perjumamint? ⁵ Japerjumamint xabich ommaenk. Japerjumamint mowas wut, xabich plata kanaxaes, me-ama trescientos denarios. Ja-aech wut, japaplata chaxduiyaxaes kejila —na-aechi nakaewa.

Jasoxtat jum-aechipow, tabejt xotow perjumamint japontat.

⁶ Do jawut, Jesús japox jumtaen wut, jum-aechon:

—¡Nej ja-aeché! ¿Ma-aech xotkat japox jum-am japowliajwa? Japow japox is wut, pachaem xanliajwa. ⁷ Pomatkoicha xamalxotaxael kejila kajachawaesliajwam. Kejila kajachawaesiasiam wut, kajachawaesaxaelam nejmachmatkoitat. Pelax xan piachaxinil xamalxot. ⁸ Japow japox is wut, ispow xajupoxtat. Japow perjumamintat nata'chafan wut, nachawujnachaemt xan tajpatupaxliajwa namuthsliajwapox. ⁹ Diachwujnakolax xan jum-an. Tajnachala potujnucha jiw naewujajan wuti chimiawujajan, tajwujajan, asew jiw naexasit wut bu'welijwas, do jawutbej, tajnachala jumchiyaxael japow ispoxlajwa xanliajwa. Jasoxtat puexa jiw nejchaxoelaxael japowliajwa —aech Jesús pejnachalalajwa.

Judas Jesús padaelman nadofapox

(Mt 26.14–16; Lc 22.3–6)

¹⁰ Kaen Jesús pejnachalan, Judas Iscariote, japontat dosanpon, japon fulaech sacerdotespaklochow poxade nospaeliajwapon, japi suapich, asamatkoi Jesús wiasliajwapon japixot. ¹¹ Paklochow japox jumtaen wut, xabich nejchachaeamil. Do jawut, jum-aechi Judasliajwa:

—Jesús wiatam wut xanalxot, xanal mosaxaelen —aechi.

Do jawux, Judas wujnawet, ma ipachaemdo', japamatkoitat wiasliajwapon Jesús padaelmajiwxot.

Jesús xaelpox, pejnachala suapich, Pascuafiestanaxaeyax

(Mt 26.17–29; Lc 22.7–23; Jn 13.21–30; 1 Co 11.23–26)

¹² Matxoelamatkoi fiesta wut, judíos xael wut pan puthla-eli, japamatkoi patlisox. Japamatkoi ovejas jelti'tpi xaa'at xaeliajwa. Jawut Jesús wuajna chaemt as pejnachala. Japi jum-aech Jesúsliajwa:

—¿Ampalekat xanal naxaeyax isaxaelen Pascuafiestanaxaeyax xanal nabu'xaeliajwam? —aechi.

¹³ Do jawut, Jesús to'a wut kolenje pejnachalan, jum-aechon:

—¡Xabua'de Jerusalén paklowax poxade! Jaxotde kaen aton fae-naxaelam, mint xafolpon. ¡Japon aton fulfalaem! ¹⁴ Lech wut ba, jum-amo japabapijin: 'Jiw chanaekabuanan jum-aech: ¿Ampabatutakat xan tajnachala bu'xaeyaxaelen Pascuafiestanaxaeyax?' —aech jiw chanaekabuanan —amo bapijin! ¹⁵ Do jawut, bapijin xamal itpaeyaxael athu pejpiezax, japabatu pinjiyax. Chajia wuajna chiekal chaemt as. Jaxot naxaeyax xamal isaxaelam xatishiajwa —aech Jesús, pejnachala to'a wut.

¹⁶ Do jawut, Jesús kolenje pejnachalan fulaechlisi Jerusalén paklowax poxade. Jaxotde pa'a wuti, puexa, me-ama Jesús chajia jumtispí, japox ja-aech. Samata, jaxot islisi naxaeyax Pascuafiestaliajwa, Jesúsliajwa, a sew pejnachalaliajwabej.

¹⁷ Tuila wut, Jesús, pejnachala suapich, pat japabaxot. ¹⁸ Do jawut, xael wut, Jesús jum-aech:

—Diachwuajnakolax xan jum-an. Kaen xamalxot, xan suapich xaelpon, japonlap xan nawiasaxael tadaelmajiwxot —aech Jesús.

¹⁹ Pejnachala japox jumtaen wut, xabich nejxaejwas. Samata, kaenanula wuajna chaemt wut, jum-aechi Jesúsliajwa:

—¿Xankatlap wiasaxaelen xam? —aechi Jesúsliajwa.

²⁰ Jesús jumnot wut, jum-aechon pejnachalaliajwa:

—Kaen, xamalxot dosampim, japonlap xan nawiasaxael tadaelmajiwxot. Kaeplafat, xan suapich, panax taxthotpon, japonlap xan nawiasaxael tadaelmajiwxot. ²¹ Xan, puexa jiw pakoewkolnan, naboesaxaeli. Me-ama Dios pejjamechan chajia jum-aech xanliajwa, diachwuajnakolax japox jachiyaxael. Pe nawiasaxaelon tadaelmajiwxot, japonliajwa kaes pejme chaemilaxael. Kaes pejme pachaemaxael, japon nalaels-el wut ampathatat —aech Jesús pejnachalaliajwa.

²² Japi xael wut, Jesús panax fit. Do jawut, Jesús Dios kawuajan wut, jum-aechon: “Ax, gracias-an xanal pan nachaxdutampoxliajwa” —aech Jesús, Dios kawuajan wut. Do jawut, Jesús jalkaful pan, pejnachala kexadiajsliajwa. Chaxduwpon pejnachala xaeliajwa. Do jawut, Jesús jum-aech:

—¡Xaem ampapan! Japox, me-ama tajwit —aech Jesús.

²³ Do jawut, Jesús copa chafit puexa pejnachala fiaflaliajwa. Do jawut, jum-aechon Diosliajwa: “Ax, gracias-an ampotliajwa nachaxdutampot” —aech Jesús pax Diosliajwa. Do jawut, japot chaxdutilson japi puexa kaenanula fiaflaliajwa. Do jawut, japi kaenanula puexa fiaful. ²⁴ Jesús jum-aech pejnachalaliajwa:

—Ampot vino, me-ama tajjal. Xan tux wut puexa jiwliajwa, tajjal nakolaxael. Japox jiw naexasit wut, beltaeyaxaes babijaxan ispoخانliajwa tajjal pijaxtat. ²⁵ Diachwuajnakolax xan jum-an. Pejme feyaxinil vino ampathatat. Dios puexa pejjiw tato'almatkoi pat wut, japamatkoi pat wut, pejme pajelt vino feyaxaelen Diosxotse —aech Jesús pejnachalaliajwa.

Pedro xanaliyaxaelpox Jesús pejnachalanpoxliajwa

(Mt 26.31–35; Lc 22.31–34; Jn 13.36–38)

²⁶ Jajuiyax buxtoet wut salmos, fulaechlisi Olivonaechanm̄ax poxade.
²⁷ Jaxotde pa'a wut, Jesús chajia jum-aech pejnachalaliajwa:

—Xamal nasalaxaelam nejlel, puexa kofaxaelam xot xan naxanaboe-jampox. Jasox jum-aech Dios pejjamechan, chajia lels wut xanliajwa: 'Boesaxaes ovejas tataefulpon. Ja-aech wut, pejew ovejas nasalaxael pejlel' —aech Dios pejjamechan xanxot xamal nasalaliajwampox. ²⁸ Xan naboesa wuti, do jawux, Dios namat-esaxael pejme dukaliajwan. Do baxael, xamal wujna xan pasaxaechan Galilea tujnuxotde —aech Jesús, chajia jum-aech wut pejnachalaliajwa.

²⁹ Do jawut, Pedro jum-aech:

—Puexa asew pejnachala kofa wut pejxanaboejxan xamliajwa, xan-lax kofsaxinil tajxanaboejsax xamliajwa. Xan nakiowa xam xanaboejsfulaxaelen —aech Pedro Jesúsliajwa.

³⁰ Jesús jumnot wut, jum-aechon Pedroliajwa:

—Diachwajnakolax xan jum-an. Ampamadoitat kawaema nejlae-el wutfak kolevecas, xan naxanaliyaxaelam wut, jumchiyaxaelam tres veces: "Xan japon aton matabijs-enil" —chiyaxaelam xanliajwa —aech Jesús Pedroliajwa.

³¹ Pedro pejme jum-aech nejthuxat:

—Lach nejmachjiw najum-aechal wut xanliajwa: 'Xam boesaxaelen, Jesús pejnachalnam xot' —na-aechal wut, xan tajut xanaliyaxinil —aech Pedro.

Puexa Jesús pejnachala japox kaeyax jum-aechi, Pedro matxoelajum-aechpox.

Pawuxot, Getsemaní, Jesús Dios kawujajanpox

(Mt 26.36–46; Lc 22.39–46)

³² Do jawut, Jesús, pejnachala suapich, pat Getsemaníxot. Jaxotde pa'a wut, jum-aechon pejnachalaliajwa:

—¡Amxot chalakde! Xan wujnaxaechan taj-ax Dios kawujajnalijwan —aech Jesús.

³³ Jesús buflaech Pedro, Santiago, Juanbej. Do jawut, Jesús xabich nejxaejwas. Xabich nejchaxoelbejpon japon tuxaxaelpoxliajwa. ³⁴ Jesús jum-aech pejnachalaliajwa:

—Xan xabich nanejxaejow. Nejxaejwaxtat, me-ama tuxasian wut, ja-an. ¡Amxot chalakde! ¡Naliasfuldebej! ¡Nabej moejs! —aech Jesús pejnachalaliajwa.

³⁵⁻³⁶ Do jawut, Jesús tamach kaes atuxaxach fulaech. Jaxotde brixtat nuk wut, sat makxabijindikon. Nejxasinka-elon japanabijasax moxpox japonliajwa. Samata, pax Dios kawujajan wut, jum-aechon: "Ax, xam xajupam puexa isliajwam. Xanliajwa asax isasiam wut, ¡nabuwem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox!" —aech Jesús, pax Dios kawujajan wut.

³⁷ Do jawut, Jesús kaxade pejnachala poxade. Pe Jesús pejnachala nakiowa moejt Jesús wujna. Japixot pat wut, jum-aechon Simón Pedroliajwa:

—Simón, ¿ma-aech xotkat nakiowa moejtam? ¿Xamalkat xajupa-emil naliasliajwam kaehora? ³⁸ ¡Naliasfulde Dios kawujajnalijwam! Ja-am

wət, Dios xamal kajachawaesaxael babijax isasamatam. Nejnejchaxoelaxantat isasiam pachaempoxan, xan jum-anpoxan. Pe nejbu'an chiekal mamnika-el japoxan isliajwam —aech Jesús Pedroliajwa.

³⁹ Pejme Jesús kaxade Dios kawhajnalijwa. Majt kawhajanpox, pejme japox jum-aechon. ⁴⁰ Jesús baxtoet wət, pejme kaxadin wət, pejnachala nakiowa moejtfuki. Asbuan jumch moejti, xabich itmoejsla xot. Matabija-eli jumchiliajwa, padala xoti. ⁴¹ Jesús pejme kaxade Dios kawhajnalijwa. Do jawax, pejme kaxadin wət pejnachala poxadin. Pat wəton japixot, japi nakiowa moejti. Do jawət, jum-aechon:

—¿Xamalkat moejtam, damlam xot? ¡Nadoklado' moejax! Amwət xan, puexa jiw pakoewkolnan, nawiasaxael babejchowxot. ⁴² ¡Nanim! ¡Chijias amxot! Mox fulaenlison xan nawiasaxaelon tadaelmajiwxot —aech Jesús.

Jesús jaeltaspox padaelmajiw

(Mt 26.47-56; Lc 22.47-53; Jn 18.2-11)

⁴³ Jesús naksiya wətfuk, Judas pat. Japon kaen Jesús pejnachalan, japontat doce. Xabich bu'paton jiw. Japi xafol espada, iwabej. Japi jiw fulaen, to'as xoti sacerdotespaklochow, judíos chanaekabuanapibej, judíos-ancianosbej. ⁴⁴ Judas, wiasaxaelon Jesús padaelmajiwxot, japon chajia chiekal chanaekabuana japi jiw chiekal matabijaliajwapi Jesús. Jum-aechon: “¡Jaelde xan xusuiyaxaelenpon! ¡Chiekal buflaem wesamatapon!” —aech Judas, chanaekabuana wət japi jiw chiekal matabijaliajwa, achan Jesús. ⁴⁵ Do jawət, Judas mox soepan wəton Jesúsxot, kejacha wət, jum-aechon Jesúsliajwa:

—¡Tajpaklon, xan patx! —aech Judas.

Do jawətbej, xusuwpon Jesús. ⁴⁶ Jawət Jesús jaeltas buflaeliajwas.

⁴⁷ Do jawət, Jesús pejnachalan, mox jaxot nukpon, jukcha pej-espada. Jawət nabichan cho'chikchapon. Cho'chikchaspon nabist sacerdotespaklokolanliajwa. ⁴⁸ Jesús jum-aech japi jiwliajwa:

—¿Ma-aech xotkat espada xafolam, iwabej, xan najaelsasiam wət? ¿Xankat, me-ama babejnan wət, kabuan-an xamalliajwa? ⁴⁹ Kaematkoisful xamal naewhajnax Dios pejtemplobatat. Jaxot najaels-emil, Dios tapae-el xotfuk xamal. Dios pejjamechan profetas chajia lelpo, jaxot chajia jum-aech japox jachiliajwa xanliajwa. Samata, ja-aechliso —aech Jesús.

⁵⁰ Do jawət, Jesús pejnachala puexa dukplisi asalel. Jesús tamach waeltas. ⁵¹ Jawət kaen pansian atəaxach wəchakal fol, Jesús jaeltas wət. Japon, wəchakalfolpon, naxkiat sábanabu'. Japonbej jaeltas. ⁵² Jaeltas wət, pejsábana wejaeltaspon. Jawət pejsábana jolchapon. Dolison bu'jumchwapi.

Jesús nukpox judióspaklochow pejwajnalel

(Mt 26.57-68; Lc 22.54-55, 63-71; Jn 18.12-14, 19-24)

⁵³ Japi buflaech Jesús sacerdotespaklokolan pejba poxade. Jaxotde natameja puexa sacerdotespaklochow, judíos-ancianosbej, judíos chanaekabuanapibej. (Japi paklochow natameja wət, japox pawul Junta Suprema.) ⁵⁴ Pedro atəaxach wəchakal fol, Jesús bu'fos wət. Wəchakal paton sacerdotespaklokolan pejbafalmaktxot. Jaxot jit naksu'cha-ekon, Dios pejtemploba weti swapich.

55 Do jawut, sacerdotespaklochow, puexa judíos-ancianosbej, japi taesia Jesús tuppox. Samata, japi nakaewa nawuajnaemti, Jesús pejbu'wujajan wut boesaliajwapi Jesús. Pe faena-eli Jesús tasalaliajwas. Japi wujajan chapaei wut, chiekal kaeyax chapae-eli, kichachajba xoti. 57-58 Asew jiw nana wut, jum-aechi:

—Xanal jumtaenx, Jesús jum-aech wut: 'Xan Dios pejba, jiw ispox, toesaxaelen. Do jawux, tres matkoi wut, xan asaba isaxaelen, jiw isaxilox' —aech wuton —aechi Jesúsliajwa.

59 Jesús jum-aechpox japi chapaei wut, chiekal kaeyax pae-eli.

60 Do jawut, sacerdotespaklokolan nanton puexa jiw pejwujajnale, wujajnaemsliajwapon Jesús. Do jawut, wujajnaemt wut, jum-aechon Jesúsliajwa:

—¿Ma-aech xotkat xam jumnos-emil? ¿Diachwujajnakolaxkat japi jum-aechpox xamliajwa? —aech sacerdotespaklokolan.

61 Jesús boejlach nuk. Jumnos-elon wujajnaemtaspox. Sacerdotespaklokolan pejme wujajnaemt wut, jum-aechon Jesúsliajwa:

—¿Xamkat Cristowam, Dios to'asponam jiw bu'weliawja? ¿Xamkatlap Dios paxalnambej? —aechon.

62 Jesús jumnot wut, jum-aechon:

—Diasdo'. Xanlap japonan. Xan, puexa jiw pakoewkolnan, xan ekaxaelen taj-ax Dios pejpoklalel. Japon pamamakolan. Jaxotse xan ekaxaelen, taj-ax suapich, jiw tato'laliajwan wut. Xamal japox taeyaxaelam, xan fuloekx wut athulelsik itloejentat —aech Jesús.

63 Do jawut, sacerdotespaklokolan pijax, naxoelax, thiakchapon, xabich palala xot Jesúsliajwa, jumtaen xoton Jesús jum-aechpox. Do jawut, jum-aechbejpon:

—Kaes asew jiw nakwewe'pa-el ampon aton tasalaliajwas. 64 Xamal najut chiekal jumtaenam, ampon aton jum-aech wut Dios nejweslapox. ¿Xamal achax nejchaxoelam ampon aton jum-aechpoxliajwa? —aech sacerdotespaklokolan.

Do jawut, puexa chiekal kaeyax nejchaxoel wut, jum-aechi:

—Ampon aton xabich pejbu'wujajan Diosliajwa. Wewe'pas kastikaliajwas, boesaliajwasbejpon —aechi.

65 Asew japixot xuloyapi Jesús. Itfumatakusbejpon. Do jawut, xutulapason kerixtat. Tulapas wut, jum-aechipon:

—Xam Cristowam wut, jum-amde! ¿Achankat xam xutulap? —aechi.

Do jawux, asew, Dios pejtemploba weti, japibej tulap Jesús.

Pedro xanaliapox Jesús matabijtpoxliajwa

(Mt 26.57–58, 69–75; Lc 22.54–62; Jn 18.15–18, 25–27)

66 Do jawut, Pedro bafalmaktat nuk wut, kaew atow pat Pedro nukxot. Japow sacerdotespaklokolan tanbistow. 67 Japow taen Pedro jit naksu'chanukpox. Do jawut, chiekal natachaemtow Pedro. Jawutbej jum-aechow:

—Xambej nanuamtam, Jesús Nazaretpijin suapich —aechow.

68 Pedro najut naxanalia wut, jum-aechon:

—Xan matabijs-enil xam najum-ampox. Xan japon aton matabijs-enil —aech Pedro.

Do jawut, fulaeclison bafafa poxade. Jaxot atuxach nuklison laleyaxxot. Do jawut, kawaema nejla. ⁶⁹ Japow pejme taen Pedro. Samata, jum-aechow a sew jiw jumtaeliajwas, jaxoti:

—¡Ama kaen nuk, Jesús pejnachalan! —aechow.

⁷⁰ Do jawut, Pedro pejme pajut naxanalia wut, jum-aechon:

—Diachwajnakolax xan japon pejnachalna-enil —aech Pedro.

Do jawux, jaxot nuili jum-aechbej:

—Diachwajnakolax xam Jesús pejnachalnam. Xambej Galilea tuajnapijnam —aechi Pedroliajwa.

⁷¹ Pedro jum-aech:

—Diachwajnakolax jumchi-enil wut, ¡Dios xan nej nakastike! Xan matabijs-enil japon aton —aech Pedro, pajut naxanalia wut.

⁷² Do jawut, kawaema pejme nejla wut, jawut Pedro nejchafaet Jesús chajia jum-aechpox, jum-aech wuton: “Kawaema nejlae-el wutfuk kolevecas, xam naxanaliyaxaelam tres veces” —aech Jesús Pedroliajwa.

Do jawut, Pedro xabich nejxaejwas. Jawut xabich nowpon.

15

Jesús nukpox Pilato pejwajnalel

(Mt 27.1–2, 11–14; Lc 23.1–5; Jn 18.28–38)

¹ Nalian wut, sacerdotespaklochow, judíos-ancianosbej, judíos chanaekabuanapibej, puexa judíospaklochowbej, japi puexa natameja kaeyaxtat chiekal nospaeliajwa. Do jawux, Jesús bu'follisi mmaxmatakuayaxtat Pilato poxade. Do jawut, wiatlisipon Pilatoxot.

² Do jawut, Pilato wujnachaemt wut, jum-aechon Jesúsliajwa:

—¿Xamkatlap diachwajnakolax reynam puexa judíoslajwa? —aech Pilato.

Jesús jumnot wut, jum-aechon:

—Diachwajnakolax xanlap japonan, xam najum-amponan —aech Jesús Pilatoliajwa.

³ Do jawut, sacerdotespaklochow nejmachwajantat xabich tasalapi Jesús. ⁴ Samata, Pilato pejme wujnachaemt wut, jum-aechon Jesúsliajwa:

—¿Xamkat jumtae-emil japi jum-aechpox nejbu'wujnaxpoxliajwa? ¿Ma-aech xotkat xam jumnos-emil japi jum-aechpoxanliajwa? —aech Pilato Jesúsliajwa.

⁵ Do jawut, Jesús kaes jumnos-el. Boejlach nuklison. Samata, Pilato xabich nejchaxoela-ek Jesúsliajwa.

Pilato to'apox Jesús kematamatlaliajwas

(Mt 27.15–31; Lc 23.13–25; Jn 18.38–19.16)

⁶ Powaecha, Pascuafiesta wut, Pilato kaen aton nakolsax jitapaei, jiw jebatat jiaspon. Tapaeipon nakolsax judíos wuljowpon. ⁷ Jawut jiw jebatat jiaspixot, kaen japixot pawul Barrabás. Japon, a sew suapich, jiw ba, japi chajia naba wut, Pilato pejsoldaw suapich. ⁸ Do jawut, xabich judíos pat Pilato pejbaxot. Pat wut, jum-aechlisi Pilatoliajwa:

—¡Kaen jiw jebatat jiason, tapaem nakolsliajwa, me-ama powaecha xam jitapaeiam, Pascuafiesta wut! —aechi Pilatoliajwa.

⁹ Pilato jumnot wut, jum-aechon:

—¿Xamalkat nejxasinkam xan nakolsax tapaeliajwan judíos pejrey? —aech Pilato judíoslajwa.

¹⁰ Pilato japox jum-aech, nejchaxoel xoton: “Sacerdotespaklochow wiati xanxot Jesús, japi xabich nusasiawal xot Jesúsliajwa” —aech Pilato, nejchaxoel wut. ¹¹ Do jawut, sacerdotespaklochow buxto'a japi jiw wuljoelajwa Barrabás nakolsax tapaeliajwas. Buxto'a wut, jum-aechi: “jwum-amde Pilato: ‘jNawoesa nakolsax tapaem Barrabás!’ —amde!” —aech sacerdotespaklochow. Samata, japi jiw wuljoeful Barrabás nakolsax tapaeliajwas. ¹² Pilato jantaen wut japi jiw wuljoefulpox Barrabás, jawut Pilato japi jiw wuajnaem wut, jum-aechon:

—¿Machiyaxaelenkat Jesús, japon pawulpon Judíos Pejrey? —aech Pilato.

¹³ Do jawut, japi nejlasaxtat jumnot wut, jum-aechi:

—japonlax kematamatalde cruztat tapaliajwa! —aech japi jiw, nelasful wut.

¹⁴ Pilato jum-aech:

—¿Achababijaxkaton is cruztat kematamatlaliajwas? —aech Pilato.

Pe kaes pejme nejlasful wut, jum-aechfulisi:

—jKematamatalde cruztat! —aechfuli.

¹⁵ Do jawut, Pilato Barrabás nakolsax tapaei jiw jebaxot, japi jiw palalasangata Pilatoliajwa. Do jawutbej, Pilato keto'a pejsoldaw Jesús selsliajwas. Selsax ketoech wut, Pilato keto'abej pejsoldaw Jesús kematamatlaliajwas cruztat.

¹⁶ Do jawut, Jesús bu'fos soldaw Pilato pejbafulmak poxade. Jaxotde puexa soldaw natameja. ¹⁷ Do jawut, xajoelison pakchowax, me-ama rey pijax, jasox. Japox chikjiana pasoeaxlejen. Do jawut, na-e'lu xakoeyax ketoet wut, matlu'alisipon. ¹⁸ Do jawutbej, Jesús pejwuajnalel jumataxaxaelal wut, jum-aechi:

—jMoi, judíos pejrey! —aechi.

¹⁹ Do jawut, kaenanula soldaw ta'be'balapi naeyatat Jesús. Loyasbejpon. Jesús pejwuajnalel brixtat nuili. Me-ama sitaen wut, ja-aechi Jesúsliajwa. ²⁰ Dolisi, ketaxaxaelax ketoech wut, joltlisi chikjiana pasoeax. Do jawut, xajoelison pejme pijaxkolax, naxoelax. Do jawut, bu'folisipon kematamatlaliajwas cruztat.

Jesús kematamatlaspox cruztat

(Mt 27.32–44; Lc 23.26–43; Jn 19.17–27)

²¹ Do jawut, kaen aton fulaen paklowax tathoetlel. Japon pawul Simón. Japon Cirene paklowaxpijin. Paxi pawul Alejandro, asan pawul Rufo. Simón xensliajwa wut, jawut soldaw xato'aspon xalaeliajwa Jesús pijax, cruz, Jesús xafolpox.

²² Japi soldaw buflaech Jesús muax poxade. Japamuax pawul Gólgota. (Gólgota jumchiliajwa hebreojamet: “Matnaethitmuax” —chiliajwa.)

²³ Jaxotde Jesús chaxduchlach vino, mirra tanialtaspox, xabich wexaenkasamatas, kematamatlas wut. Pe Jesús fe-el. ²⁴ Do jawut, Jesús kematamatlas cruztat. Pejtuakanbej matamatlas. Do jawutbej, soldaw nakakujt ia'xix matabijaliajwa, achan kanaxael kaenanula Jesús pejnaxoe.

²⁵ Juimt atuasjan wut, a las nueve wut, Jesús kematamatlas. ²⁶ Jesús pejta' tabijla tablafach lelsipox chaduch. Japox jum-aech, ma-aech xot Jesús kematamatlas cruztat. Japox jum-aech: “Ampon judíos pejrey” —aech lelsipox. ²⁷ Jaxotde kematamatlasbej kolenje kethakan. Kaen chanuk Jesús pejpoklalel. Asan chanuk Jesús pejsoenalel. ²⁸ Jesús cruztat kematamatlas wut, asew kolenje swapich, japox ja-aechlisox, me-ama

Dios pejjamechan, chajia lelsprox, jum-aech: “Japon kastikaxaes. Me-ama babejen wut, jakechiyaxaeson” —aechox.

²⁹ Asew jiw, jaxot xaxenapi, jum-aech babejjamechan Jesúsliajwa. Matnaexawiltbejpi. Matnaexawilt wut, jum-aechi:

—Xam chajia jum-am: ‘Dios pejtemploba xan toesaxaelen. Do jawux, tres matkoi wut, xan pejme mat-esaxaelen’ —am xam, chajia jum-am wut. ³⁰ ¡Amwutjel najut nabu'wem! ¡Baloemk cruzxotsik! —aech jiw xaxenapi Jesúsliajwa.

³¹ Do jawut, sacerdotespaklochowbej, judíos chanaekabuanapibej, bu'wuaajanpaeipi Jesús. Nakaewa najum-aechi:

—Asew jiw bu'wiapon. Pe pajut xajupa-elon nabu'welijaw.

³² Diachwuaajnokolax Cristo wut, Israel tuajnapijiw pejrey wutbej, jamwutjel japon pajut nej baloesk cruzxotsik! Japox xatis taens wut, ja-aech wut, xatis japon naexaxisaxaes diachwuaajnokolax japon Cristo —na-aechi nakaewa Cristolijaw.

Japi kolenjebej, cruztat kematamatlaspi, Jesús swapich, japibej bu'wuaajanpaei Jesús.

Jesús tuxpox cruztat

(Mt 27.45–56; Lc 23.44–49; Jn 19.28–30)

³³ Juimt matnoch ek wut, xabich itkuatnik tres horas. Japox ja-aech wut, ja-aech potuajnucha. ³⁴ Do jawux, a las tres wut, Jesús pinjametat jum-aech: “Eloi, Eloi, ¿lema sabactani?” —aechon pejjametat, hebreo-jametat. (Japox jumchilijawa: “Ax Dios, ax Dios, ¿ma-aech xotkat xan nakajachawaes-elaxtat nawaeltam tamach?” —chilijawapox.)

³⁵ Asew jaxoti, japox jumtaen wut, jum-aechi:

—jumtaem! Japon wullalat Elías, Dios pejprofeta —aechi.

³⁶ Kaen japixot wuljaet esponja, paputhkax, xathosliajwa vino, xathuyamint. Do jawut, esponja matakupon nae-oefat Jesús japox suilijawa. Japon jum-aech asew jiw jaxotilijawa: “Taeyaxaes. Elías bej fuloeyaxoekbej kusliajwapon Jesús cruzxotsik” —aechi.

³⁷ Do jawut, Jesús nejlakcha wut, tuxplison. ³⁸ Jesús tux wut, Dios pejtemplobatat pinabu', duchpox batutat, najupathiakchakas athulelsik satleldik. ³⁹ Soldawcapitán Jesús pejuajnalel nukpon. Taen wuton Jesús tuxpox, jawut jum-aechon:

—¡Diachwuaajnokolax ampon Dios paxulan! —aech capitán.

⁴⁰ Jaxotbej watho' atuxaxach nuil. Natachaemapi Jesús. Japixot María. Japow Magdala paklowaxpijow. Asaow pawulpowbej, María, japow José pen, Santiago penbej. Japon Santiago kaes pansian. Jaxotbej asaow, pawulpow Salomé. ⁴¹ Japi watho' Jesús naknanuamt, pejnachala swapich, Galilea tuajnuhot. Japi watho' kajachawaetbejpi Jesús, nanuamt wuti Galilea tuajnuhot. Xabich asew watho' jaxotbej nuil. Japi watho' fulaen, Jesús swapich, Jerusalén paklowax poxadin.

Patupan Jesús ochpox muaxwuajtat

(Mt 27.57–61; Lc 23.50–56; Jn 19.38–42)

⁴²⁻⁴³ José Arimatea paklowaxpijin. Japon judíospaklochowxot paklonbej, Junta Supremapijin. Japon xabich sitaens. Japon José wuajnawet Dios puexa pejiw tato'laxaelpox.

Napatamatkoi wuajna, japamatkoi puexa jiw chiekal chawuajnachaemt napataliajwa. Japamatkoi pawul

chawñajnachæmsmatkoi. Do jawut, japamatkoi kaliæx wutlejen, José fulaech Pilato poxade. José pejlewla-el, pat wuton Pilatoxot. José kawñajan Pilato fisliajwapon patupan Jesús. ⁴⁴ Pilato nejchaxoel: “Jesúska kamta tɔp” —æchon, nejchaxoel wut. Samata, Pilato wallala soldawcapitán. Soldawcapitán pat wut, Pilato wñajnachæmt wut, jəm-æchon soldawcapitánliajwa:

—¿Diachwñajnakolaxkat Jesús tɔp? —æch Pilato.

⁴⁵ Soldawcapitán jəmnot wut, jəm-æchon:

—Diasdo'. Jesús tɔplison —æchon.

Do jawut, Pilato to'a pejsoldaw, japi soldaw tapaeliajwapi José xalaeliajwa patupan Jesús. ⁴⁶ Do jawut, José wñajt chimiabɔ', sábanana. Do jawux, José fulaech patupan chanuk poxade. José pat wut patupan chanukxot, kuwpon Jesús kematamatlaspoخان, tɔakmatamatlaspoخانbej, cruztat. Do jawux, José otlison patupan Jesús mñaxwñajtat. Do jawut, ia't pinjit, jajaerat, matariamam mñaxwñaj fakasliajwa.

⁴⁷ Jawut María Magdalena paklowaxpijow, asaow Mariábej, japow José pen, japi watho' taeni patupan mñaxwñajtat ochxot.

16

Patupan Jesús mat-echpox pejme dukaliajwa
(Mt 28.1–10; Lc 24.1–12; Jn 20.1–10)

¹ Do jawux, napatamatkoi toep wut, juimt tujop wut, María Magdalena paklowaxpijow, asaow Mariábej, japow Santiago pen, Salomé sɔapich, xabejasapan wñajti patupan Jesús Joelaliajwa. ² Kandiawasap wut, dominkomatkoï wut, juimt julan wut, japi watho' fulaechlisi patupan och poxade. ³ Japi watho' nɔamtat fol wut, nakaewa najəm-æchi:

—Patupan Jesús ochxot, japawñaj faka'ch ia't, pinjitat. ¿Achankat japot ia't walnakwematariamam xatis leliajwas patupanwñaj? —na-æchi nakaewa.

⁴ Pe pat wuti patupanwñajxot, japi watho' taen ia't fafatat nuka-elpox. Asalelaxach nukox. ⁵ Samata, japi watho' low patupan ochxot. Jaxot kaen pansian taeni. Ekon poklalel. Naxoelox xabich papoeyax. Pakchowaxbejpoخان. Japi watho' beljow, taen wuti papoeyax naxoelan. ⁶ Do jawut, japon pansian jəm-æch:

—¡Nabej belwe'! Xan matabijtax, xamal fulaeman Jesús Nazaret paklowaxpijin taeliajwam, japon kematamatlaxtat cruztat tɔpon. Pe Jesús mat-echlison. Pejme amwutjel duklison. ¡Taem chiekal ochxot! Amxot ajillison. ⁷ ¡Xabɔa'de japon pejnachala poxade japi charaeliajwam! Charaeyam wut, ¡Pedrobej charaem! ¡jəm-amopi: ‘Xamal wñajna Jesús wñajnaxael Galilea tɔajna poxade. Jaxotde Jesús taeyaxaelam. Me-ama chajia jəm-æchon xamalliajwa, jachiyaxaelon’ —amopi, charaeyaxaelam wut! —æch ángel.

⁸ Japi watho' japox jəmtaen wut, jaxot nakolapi. Do jawut, dukplisi. Do jawutbej, xabich tathɔlal, beljow xoti. Chapae-eli asew jiw, xabich pejlewla xoti.

Jesús natulaeltpox María Magdalena paklowaxpijowxot
(Jn 20.11–18)

[⁹ Napatamatkoi toep wut, dominkomatkoïliajwa nalian wut, Jesús mat-ech pejme dukaliajwa. Mat-ech wut, matxoela natulaelton María Magdala paklowaxpijowxot. Jesús, tɔpa-el wutɔak, siete dep nakolax

to'apon japow pejmatpuatxot. ¹⁰ María taen wut Jesús, jawut fulaechow Jesús pejnachala poxade. Japi wuajna now, nejxaejwas xoti Jesúsliajwa. Jawut María chapaei taenpox. ¹¹ Jwm-aechow:

—¡Jesús mat-echlison! ¡Amwutjel pejme duklison! ¡Xan tajut chiekal taenx Jesús! —aechow.

Pe Jesús pejnachala naexasis-el japow chapaeipox Jesús taenpoxliajwa.

Jesús natulaelt pox kolenje pejnachalanxot

(Lc 24.13–35)

¹² Do jawux, Jesús natulaelt kolenje pejnachalanxot, japi laelp wut paklowax tathoetlel. Jesús natulaelt wut, me-ama asan wut, jakabuanaechon japixot. ¹³ Do jawux, japi kolenje nawia asew pejnachala poxade chapaeliajwa taenpox. Japibej naexasis-esal, chapaei wuti Jesús taenpox.

Jesús to'apox pejnachala, japi naewuajnalialjwa jiw

(Mt 28.16–20; Lc 24.36–49; Jn 20.19–23)

¹⁴ Do baxael, Jesús natulaelt once pejnachalaxot, japi naxael wut. Jaxot Jesús lot pejnachala. Lot wut, jwm-aechon japiliajwa:

—¿Ma-aech xotkat xamal naexasis-emil? ¿Ma-aech xotbejkat mat-naetinkam naexasisliajwam asew jiw, xamalxot nataeni, chapaei wuti xamal: '¡Jesús mat-echlison! ¡Amwutjel pejme duklison!' —aech wut japi jiw? —aech Jesús, lot wut pejnachala.

¹⁵ Jesús pejme jwm-aech pejnachalialjwa:

—¡Xabuade puxa jiw naewuajnalialjwam chimiawuajan, potuajnuachanpijiw! ¹⁶ Xan nanaexasitpi, japi bautisam Dios bu'welialjwas! Asew jiw naexasis-elpi, japilax Dios pelsaxaes inferno poxadik. ¹⁷ Xamal naexasisaxaelpi, japi jiw tajaxtat to'axaeli dep nakolaliajwa jiw pejmatpuatanxot. Naksiyaxaelbejpi asew jiw pejjamechan, majt matabija-eljamechan naksiyalialjwa. ¹⁸ Japi jom jaela wut, liklaxisal. Veneno af wutbej, tuxaxili. Jiw bu'xaea boejthuxaxael, pejke-etat jacha wut —aech Jesús pejnachalialjwa.

Jesús bu'fospox athu poxase

(Lc 24.50–53)

¹⁹ Do jawux, Jesús wajpaklokolan, naksiyax buxtoet wut pejnachalialjwa, Dios bu'foslison athu poxase. Ma amwutjel Jesús ek Dios poklalel jiw tato'lialjwa, Dios suapich. ²⁰ Do jawux, Jesús pejnachala follisi potuajnuacha jiw naewuajnalialjwa. Dolis japi naewuajnalap chimiawuajan, Jesucristo pejuwajan. Ja-aech wut, Jesús kajachawaesful pejnachala. Naewuajan wuti chimiawuajan, isbejpi koechaxan. Samata, jasoxtat xabich jiw matabija chimiawuajan diachwuajnakolaxpox.]

Lucas lelpox Jesucristo pejwajan

Lucas tʰadutpox lelaliajwa Jesucristo pejwajan

¹⁻² Jesús tʰadut wʰt naewʰajnax ampathatat, xabich jiw taenson. Asew japixot taen, Jesús nabijat wʰt. Taenpi, japi jiw, potʰajna cha naewʰajan Jesús pejwajan. Asew jiw jumtaenpi Jesús pejwajan, japi jiwbej lel jumtaenpoxan, asew jiwbej matabijaliajwa Jesús pejwajan, japon naewʰajanpoxanbej. ³⁻⁴ Xan Lucas wʰajnachaemtʰax jiw matabi-japi japawʰajan, xanbej chiekal matabijsliajwan. Teófilo, puexa jiw xam sitaenponam, lelʰ ampawʰajan xam chiekal matabijsliajwam Jesús pejwajan. Lelʰ wʰt ampawʰajan, nejchaxoelx: “Xan lelʰ Jesús ispo-xanliajwa, Teófilo chiekal matabijsliajwa diachwʰajnakolaxpox, asew jiw majt naewʰajanpoxanliajwa, Jesús pejwajanliajwa” —an, nejchaxoelx wʰt.

Dios pej-ángel jum-aechpox nalaelsaxaelpox Juan, jiw nabautisan

⁵ Rey Herodes, Judea tʰajnapijiw tato'al wʰtfʰk, japamatkoiyan sacer-dote duk. Japon pawʰ Zacarías. Sacerdotesxot kaemʰt pawʰ Abías. Zacarías japamʰtjijn. Pijow pawʰ Isabel. Japow Aaron pamow. Zacariasbej Aaron pamon. Judíosxot Aaron chiekal matxoelasacerdote.

⁶ Zacarías, pijow sʰapich, chiekal pachaempi Diosliajwa. Chiekal naex-asisfalbejpi Dios tato'alpox. Samata, chinax kaen aton jumchiyaxisal japiliajwa: “Japi chiekal naexasis-el Dios” —chiyaxisal. ⁷ Pe Isabel xijil, nafoena xot. Japow xabich pati'ow, pamal sʰapich.

⁸ Zacarías, pejmʰt sʰapich, naliaxa wʰt nabichliajwa Dios pejtem-plobatat, japon fol, pejmʰt sʰapich, nabichliajwa Dios pejbichax. ⁹ Tʰadusliajwa wʰt nabichliajwa Dios pejtemplobatat, me-ama japi pejkabʰan, majt natamejapi matabijaliajwa, achan Dios makafisaxaes bowaliajwa incienso. Jawʰt Zacarías makafich bowaliajwapon incienso. Do jawʰt, lowpon Dios pejtemploba. ¹⁰ Zacarías incienso bowa wʰtfʰk, xabich judíos Dios kawʰajan tathoetlel. ¹¹ Do jawʰt, Dios pej-ángel chalechkal natulaelt Zacaríasxot. Japon ángel nuk altar poklalel, incienso bowaxot. ¹² Zacarías taen wʰt ángel, xabich nejchaxoelon. Xabich beljowbejpon. ¹³ Do jawʰt, ángel jum-aech:

—Zacarías, ¡nabej nejlewlé! Dios xam jumtaen nejkawʰajnaxan. Nijow Isabel naxʰwʰlaxael xam naxʰlanliajwa. Wʰlduyaxaelampon Juanwʰltat. ¹⁴ Xam xabich nejchachaemlaxaelam naxʰlanliajwa. Asew jiwbej xabich nejchachaemlaxael, xamal sʰapich, xaljamch nalaelt wʰt. ¹⁵ Naxʰlan xabich pachaemaxael Diosliajwa. Feyaxilon vino. Feyaxil-bejpon saxa. Japoch xaljamch nalaelsaxael wʰt, chanlaelsaxael Espíritu Santo tato'laspox. Samata, japon isfalaxael Espíritu Santo tato'laspoxan. ¹⁶ Asamatkoi japon naewʰajan wʰt, xabich judíos kofaxael babijaxan is-poxan, paklokolan Dioskal naexasisfalaliajwa. ¹⁷ Naewʰajnaxaelon wa-jpaklon wʰajna Dios pejjamechan jiw jumtaeliajwa. Me-ama chajiako-laxtat profeta Elías Dios pijaxtat jiw naewʰajnafʰl wʰt, jachiyaxaellap-is Juan. Juan naewʰajanpoxtat poejiw pejme pachaemaxael, paxi sʰapich. Jiw, majt Dios naexasis-eli kaenejchaxoelaxaeli, Dios naexasiti sʰapich. Jasox Juan isfal wʰt, jiw chiekal naexasisfalaxael, wajpaklokolan pat wʰt —aech ángel, Dios bʰxto'aspo-x jumchiliajwapon Zacarías.

¹⁸ Do jawut, Zacarías wuajnaemt wut ángel, jum-aechon:

—Xan xabich pati'nan. Tajowbej xabich pati'ow. ¿Machiyaxaelenkat xan matabijsliajwan, najum-ampoxan japoch xaljamchliajwa diachwuajnakolax wut? —aech Zacarías.

¹⁹ Dios pej-ángel jumnot wut, jum-aech:

—Xan Gabriel, Diosliajwa nabistaxponan. Dios nato'ak xam jumchiliajwan japox. ²⁰ Xam naexaxis-emil xot xan jum-anox, ma amwut xam buxwuajnajilaxaelam. Hasta xan jum-anox pat wut naxulanliajwa, jawut xam pejme naksiyaxaelam —aech ángel.

²¹ Zacarías nospaei wutfak, ángel suapich, jiw tathoetlel wuajnowet. Nakaewa nawuajnaemt wut, jum-aechi: “¿Ma-aech xotkat Zacarías piach kejl nakolsliajwa Dios pejtemplobaxot?” —na-aechi nakaewa. ²² Do jawut, Zacarías nakolt wut, naksiyaxilon. Ja-aech wut, wuajnoweti tathoetat nejchaxoeli: “Zacarías masoxtat bej taenbejpon Dios pej-ángel templobatat” —aechi, nejchaxoel wut. Zacarías pejke-etat jiw chanaekabuanaful, naksiyaxil xotlison. Ja-aechfulon, buxwuajanjil xoton.

²³ Zacarías Dios pejbichax toet wut templobaxot, fulaechon pejba poxade. ²⁴ Do jawux, Zacarías pijow, Isabel, moejow. Cinco juimtje pejbaxot kawetapow. Laeja-elow asalel. Nejchaxoel wut, jum-aechow: ²⁵ “Dios nakajachawaet. Samata, xan moejwax. Amwutjel kaes jiw najumchiyaxil: ‘Japow pawis naxuwloxil’ —nachiyaxil jiw xanliajwa, naxuwloxaelen xot” —aech Isabel, nejchaxoel wut.

Dios pej-ángel jum-aechpox Jesús nalaelsaxaelpox

²⁶ Isabel naxuwllaliajwa wut, tres juimtje wewe'pas wut, Dios to'ak pej-ángel Gabriel Nazaret paklowax poxadik, Galilea tuajnulel. ²⁷ Dios to'ak pej-ángel pawis poxadik, japow pawul María, taeliajwaspow. Japow chinax aton bu'moejs-esal. Chajia jumdutow asamatkoi nakjiyaliajwa, José suapich. Japon José, rey David pamon. ²⁸ Ángel pask María dukxot. Pat wut, jum-aechon:

—¡Moi, María! Dios xabich nejchachaemil xamliajwa. Pomatkoicha Dios xam chalaful —aech ángel.

²⁹ María japox jumtaen wut, xabich nejchaxoelow. Do jawut, pajut najum-aechow: “¿Achax chiyaxaelkat japox, ángel najum-aechpox?” —aechow, nejchaxoel wut. ³⁰ Pe Dios pej-ángel jum-aech Dios buxto'aspox:

—María, ¡nabej nejlewe'! Dios xabich nejchachaemil xamliajwa. ³¹ Mox nawuajna xam moejwaliajwam. Xam naxulchaxael. Japoch xaljamch pawulaxael Jesús. ³² Japon paklonaxael. Tato'laxaelbejpon Dios pijaxtat. Jumchiyaxaeson: “Dios athupijin paxulan” —chiyaxaeson. Wajpaklon Dios pajut wulduiyaxael japon reyliajwa. Me-ama pejwuajnapijin David, jachiyaxaeson. ³³ Japon reyaxael, Dios pejiw pomatkoicha tato'laliajwapon. Japon pejtato'lax toepaxil —aech Dios pej-ángel Maríaliajwa.

³⁴ María wuajnaemt wut, jum-aechow:

—¿Ma-aech xotkat japox wulja-aech xanliajwa, poi fis-enil wut? —aechow.

³⁵ Ángel jumnot wut, jum-aechon:

—Dios pej-Espíritu Santo fuloeyaxoek xam poxasik, me-ama itloejen. Do jawut, xam moejwaxaelam Dios pejpamamaxtat. Samata, yamxuch

nalaelt wut, Dios pijnaxael. ‘Dios paxulan’ —chiyaxaeson. ³⁶ Nejawl-atow Isabel, pati’owpow, japow naxuwlaxael. Jiw jumtispow: ‘Japow naxuwlaxil’ —tispow, naxuwlaxael. Japow moejowpox seis juintjelisox. ³⁷ Dios xajup puxa isliajwa. Ajil Dios xajupaxilpox —aech ángel Maríaliajwa.

³⁸ María jum-aech:

—Xan Dios pamakwan. ¡Dios nej is xam najum-ampox! —aechow.
Do jawux, ángel chijia Maríaxot.

María fulaechpox taeliajwa Isabel

³⁹ Dios pej-ángel chijia wut Maríaxot, do jawut, María thilt. Thilt wut, bichakal fulaechow Judea tuajnalel, mwxan poxade, Isabel dukpaklowax poxade. ⁴⁰ Jaxotde pa’a wut, patow Zacarías pejbaxot. Do jawut, María moi-aech Isabelliajwa. ⁴¹ Isabel japow jumtaen wut, yamxuch, woejtatpoch, xabich nachoela. Do jawut, Isabel jum-aech Espiritu Santo pijaxtat. ⁴² Jum-aechow pinjametat Maríaliajwa:

—Dios is xabich pachaempox xamliajwa. Me-ama asew watho’liajwa, jachi-el Dios. Dios isaxaelbej xabich pachaempox naxulan, nalaelsaxaelponliajwa. ⁴³ Xam tajpaklon penaxaelam. Jachiyaxaelam xot, xan kaes pachaempowa-enil xam nataeliajwam. ⁴⁴ Xam ‘¡Moi!’ —na-am wut, xaljamch, woejtatpoch, xabich nachoela, xabich nejchachaemil xot. ⁴⁵ Xambej xabich nejchachaemlam, naexasitam xot ángel jum-aechpox, Dios pijaxtat jachiyaxaelpox —aech Isabel Maríaliajwa.

⁴⁶ Do jawut, María jum-aech:

“Xan jum-an ampox, nejchaxoelx wut Diosliajwa. Dios xabich pachaem. ⁴⁷ Xan xabich nejchachaemlax, Dios nabu’weyaxael xot.

⁴⁸ Xabich nejchachaemlaxbej, Dios namakafit xot japon pamakwanliajwa. Dios xabich pachaem xanliajwa. Samata, xabich jiw jumchisfulaxael xanliajwa: ‘Dios is pachaempox Maríaliajwa’ —chisfulaxael jiw xanliajwa.

⁴⁹ Dios xabich mamnik puxaliajwa. Iapon xabich pachaempox xanliajwa. Dios kaes pejme pachaem. Me-ama jiw, jachi-el. Kaes ajil, me-ama japon, jason.

⁵⁰ Dios beltaen jiw, japi sitaenpi Dios.

⁵¹ Dios is koechaxan, xabich pachaempoxan. Pe jiw nejchaxoelpi: ‘Xan kaes pejme pachaeman. Me-ama asew jiw, jachi-enil’ —aechi, nejchaxoel wut, japi jiw Dios mastaejaxaes.

⁵² Dios chiekal toet jiw, tato’alpi ampathatpijiw, japi naexasis-eli Dios. Asew jiwlax nakaewaliajwa jum-aechi: ‘Xatis xabich kaes pejme pachaema-esal’ —aech wuti pajutliajwa, nejchaxoel wut, japi Dios wulduiyaxaes asew tato’laliajwapi.

⁵³ Majt xabich litaxaelapi, japi Dios chaxduwslisi pachaempoxan. Ke-maeyalax, Dios to’axaes ke-etat asalelaliajwa.

⁵⁴ Dios kajachawaet pejjiw, japi judíospi. Nejkiowa-elon japi beltaelija-
jwa.

⁵⁵ Jasoxtat Dios jumdut wajwujajnapijiwliajwa, Abraham, pamojiwbej”
—aech María.

⁵⁶ María duk tres juintje Isabel pejbaxot. Do jawux, María nawia’a pejba poxade.

Juan nalaelt-pox, japon jiw bautisanaxael

⁵⁷ Isabel wepach pejmatkoi nax_uwlaliajwa. Samata, nax_uwalpow. Faenow poich. ⁵⁸ Pejjiw, mox duilibej, japox wultaena wut, taechipow, nejchachaemil xot japowliajwa. Japi jiw matabija, Dios is pachaempox japowliajwa. ⁵⁹ Kaesemana wut yamx_uch nalaeltot, japi jiw fulaen xal-jamch circuncidaliajwapi, Dios pejmarkaxliajwa. Japox japi pejkab_uan, judíos xot. Jawut yamx_uch walduisias pax Zacarías pejwaltat. ⁶⁰ Pe Isabel jum-aech:

—jE! Paw_ulaxaelon Juan —aechow.

⁶¹ Pejjiw jumnot wut, jum-aechi:

—Diachw_uajnakolax nejjiwxot chinax kaen paw_ula-el japaw_ul —tispow.

⁶² Japi taxdoefa w_uajnachae_usliajwa yamx_ulan pax, pax walduiliajwa pax_ulan, me-ama japon nejxasink. ⁶³ Pe jawut, Zacarías w_uljow tawlo-fach, jaxot lelaliajwa. Lelsox jum-aech: “Paw_ulaxaelon Juan” —aech Zacarías lelpo_x. Jawut puexa jiw xabich nejchaxoelanuil.

⁶⁴ Do jawut, chalechkal Zacarías pejme chiekal naksiyapon. Me-ama majt, ja-aechon. Naksiyapon pachaempoxan Diosliajwa. Jum-aechon: “Dios, xam xabich pachaemam” —aechon Diosliajwa. ⁶⁵ Puexa jiw, mox duili, xabich nejchaxoelanuil. Asew jiw Judea t_uajnapijiw, m_uaxanlel duili, nachapaeful jumtaenpox. ⁶⁶ Puexa jiw, pajut chiekal jumtaenpi, naw_uajnachae_usna wut, jum-aechi, nejchaxoel wut: “Japoch yamx_uch ti't wut, ¿machiya_uaelkat?” —aechi, nejchaxoel wut, japi chiekal matabija xot Dios kajachawaesfulaxaes_upox.

Zacarías jum-aechpox

⁶⁷ Zacarías, japon yamx_ulan paxpon, jum-aech Espíritu Santo pijaxtat, jum-aech w_uton Dios ispo_xliajwa:

⁶⁸ “Xatis judíos wajDios jumchisfulaxaes: ‘Xam xabich pachaemam’ —chisfulaxaes wajpaklon Diosliajwa. Japox jumchisfulaxaesbej, to'ak xoton pax_ulan, japon bu'weliajwa pejjiw.

⁶⁹ Dios to'ak pamamakolan xatis nakbu'weliajwa. Japon, rey David pamon. David, Dios pamakan.

⁷⁰⁻⁷¹ Japoxliajwa Dios chajia bu_xto'a pejprofetas, jum_udusliajwa w_uton. Dios jum_udtut to'axaelpox kaen aton, japon nakbu'weliajwa wajdaelmajiw_xot, puexa xatis jiw naknejweslapixotbej.

⁷² Dios nakbeltaeyaxael. Me-ama wajw_uajnapijiw jum_uduch, jachiyaxaelbej Dios xatisliajwa. Nejkiowaxilon chajia jum_udutox wajw_uajnapijiwliajwa.

⁷³ Dios jum_udtut japox waj-am Abrahamliajwa.

⁷⁴ Jum_udtutpon nakbu'weliajwa wajdaelmajiw_xot. Ja-aech wut, nakbu'weyaxaelon tanbichfulaliajwas wajlewla-elaxtat.

⁷⁵ Jasoxtat Dios tanbichfulas wut, chiekal isfulaxaes Diosliajwa, xatis babijax is-elaxtat pomatkoicha” —aech Zacarías, jum-aech wut judíosliajwa.

⁷⁶ Zacarías jum-aech pax_ulan Juanliajwa: “W_ua, jiw jumchiyaxael xam_uliajwa: ‘Dios ath_upijin pejprofeta’ —chiyaxael jiw xam_uliajwa. Japox jumchiyaxaeli, naew_uajnafulaxaelam xot wajpaklon w_uajna, asamatkoi pask wut, jiw chiekal naexasisliajwa wajpaklon.

⁷⁷ Jiw naew_uajnafulaxaelam matabijaliajwapi Dios bu'weyaxaes_upox, Dios beltaeyaxaes xoti babijaxan ispo_xanliajwa.

78 Dios nakbeltaen xot, Mesías fúloeyaxoek Diosxotsik xatisxotaliajwa. Me-ama juimt julan wut, jachiyaxoekon.

79 Wajpaklokolan pat wut, japon jiw naewuajnafulaxael diachwuajnakolaxpox. Majt jiw pejnechaxoelaxtat, me-ama nanuamti itkuataxot. Ja-aechpi, japi asamatkoi chiekal pachaemaxael, naexasit wuti Mesías naewuajanpoxan. Jawut japi pejnechaxoelaxan, me-ama itliak wut, jachiyaxael. Majt pejlewłapi tułaliajwa, japi pejlewłaxil, japon chiekal naewuajan wut. Japi chiekal duilafułaxael” —aech Zacarías, jum-aech wut paxulan Juanliajwa.

80 Juan chiekal ti'sful wut, kajachawaesfulas Espiritu Santo. Chiekal ti't wuton, pajilaxxot dukon. Do jawux, tuaduton jiw naewuajnalialjwa. Japox ja-aech wut, judíos papasful Juan, jiw bautisanxot.

2

Jesús nalaeltpox (Mt 1.18–25)

1 Mox rawuajna wut Jesús nalaelsliajwa, japamatkoiyan, Augusto tato'al puexa Roma paklowaxpijw. Japonbej tato'al asatuajnučhanpijw. Japon to'a pejjw japi jiwwulan lelaliajwa, xajuiliajwabej puexa jiw duili japatuajnučhanxot, matabijsliajwapon massuapich impuesto kaenanula mosaxaeli japi jiw. 2 Japox matxoela ja-aech, jiwwulan lelaliajwa wut, japon Cirenio gobernador wut Siria tuajnučot. 3 Puexa japi jiw to'as kaenanula fulaeliajwa pejwuajnapijw pejpaklowaxan poxade, japapaklowaxxot wullelaliajwas, xajuiliajwasbejpi.

4 Samata, japamatkoi José nakolt Nazaret paklowax, Galilea tuajnučot. Do jawut, José fulaechlison Belén paklowax poxade Judea tuajnučotaliajwa, pejwuajnapijin rey David, japapaklowaxxot nalaelt xot. 5 José bu'fol María. Japow José pijowaxael. Japow moejow. 6 Belén paklowaxxot wut, María pejmatkoi wepach naxuwłaliajwa. Jawut boejpunspow. 7 Do jaxot paxulch nalaelt, matxoelapijin. Yamxuč xakiach ponbu'. Ochpon naxaeyaxan pak xalwuajtholaxtat. Japi chakow jiw papatbatatliajwa, ba xajupa-el xot.

Ovejas tataefulpi chapaeispox Jesús nalaelsax

8 Belén paklowaxxot mox, yoxot, jaxot ovejas tataefulpi chala pejew ovejasmutan madoi. 9 Do jawut, japixot chalechkal natulaelt Dios pej-ängel. Dios pijaxtat xabich itliakon japixot. Me-ama itliakax xabich itliak wut, ja-aechon. Ovejas tataefulpi japox taen wut, xabich beljowpi. 10 Do jawut, ángel jum-aech: “ixamal nabej belwe! Xan chimiawuajan xaloekx xamal xabich nejchachaemlaliajwam. Japox xamalliajwa, puexa asew jiwliajwabej. 11 Amwutjel Belén paklowaxxot, rey David majt dukxot, nalaelt Cristo. Japon paklokolan, Dios to'aspon, fúloekon athulelsik jiw bu'welialjwa. 12 Xamal jalwekam wut, japoch yamxuč faenaxaelam, ponbu' xakiachpoch, ochpon pak naxaeyaxan xalwuajtholspoxtat” —aech ángel ovejas tataefulpilialjwa.

13 Do jawut, Dios pej-ängelxot, xabich kaes ángeles chalechkal natulaelba. Japi jajuw wut, jum-aechi Diosliajwa: “Dios xabich pachaem” —aechi. Jum-aechbejpi:

14 “¡Puexa ampathatpijiw nej sitaepi Dios, athuxotse dukpon! ¡Nej pachaemabejpi, duil wut ampathatat! ¡Japi nej isfule Dios nejxas-inkpoxan!” —aechful ángeles jajuiyaxtat.

15 Dios pej-ángeles kaxase wut athu poxase, ovejas tataefulpi nakaewa najum-aechi:

—Chijias Belén paklowax poxade taeliajwas ja-aechpox, ángel nakchapaepox, Dios buxto'aspox —na-aechi nakaewa.

16 Do jawut, japi bichakal fulaech Belén paklowax poxade. Jaxot pa'a wut, taeni María, José suapich. Taenbejpi narianach, ok wut pak xalwuhajtholaxtat. 17 Ovejas tataefulpi japoch taen wut, a sew jiw chapaeipi Dios pej-ángel jumtisoj japochliajwa. 18 Puexa jiw japox jumtaen wut, xabich nejchaxoelanuili, ovejas tataefulpi chapaei wut japox. 19 María pajut boejlach nejchaxoelaful ovejas tataefulpi jum-aechpoxliajwa. 20 Do jawut, ovejas tataefulpi nawiapí. Fol wut, jum-aechi: “Dios xabich pachaem. Is pachaempox” —aechi, taen xoti japox, jumtaen xotbejpi ángel jum-aechpox. Diachwuhajnakolax japi puexa taen, me-ama Dios pej-ángel jumtispi japoxliajwa.

Jesús buflaechpox Dios pejtemploba poxade

21 Yamxuch nalaeltprox siete matkoijan xent wut, japoch yamxuch circuncidas Dios pejmarkaxliajwa. Do jawut, wulduwspón Jesús wultat. María moejowa-el wutfuk, Dios pej-ángel chajia jumtispow japawultat paxulan wulduiliajwa.

22 Moisés chajia lelpox judíos chiekal naexasit japi pachaemaliajwa Diosliajwa. Samata, cuarenta matkoijan xent wut Jesús nalaeltot, José, Maríabej, japi buflaech Jesús Jerusalén paklowax poxade, paxulan itpaeliajwapi Dios pejtemplobatat. Jasox ispi, asamatkoi japoch xaljamch ti't wut Dios tanbichfulaliajwa. 23 Jasox islisi, Moisés chajia lelpox jum-aech xot japoxliajwa: “Puexa yamxi poejiw, matxoelanalaelapi, japi Dios tanbichaxael, ti't wut” —aech xotox. 24 Do jawux, José, María suapich, ofrenda chaxduwpi Diosliajwa, Moisés chajia lelpox jum-aech xot japox isliajwa. Japox jum-aech: “¡Chaxdu'e kolenje cha-aex a-u, o, kolenje a-utxulan, Dios pej-ofrendaliajwa!” —aechox.

25 Japamatkoijan Jerusalén paklowaxxot aton duk, japon pawul Simeón. Japon chiekal pachaem Diosliajwa. Pomatkoicha chiekal naexasiton puexa Dios jum-aechpoxan. Simeón pejmatpreatxot Espíritu Santo. Japon wuhaj nawet Cristo pasax, judíos bu'weyaxaespon. 26 Espíritu Santo pijaxtat Simeón chajia matabijit, japon laeja wutfuk japon taeyaxaelpox Cristo, japon Dios jumduchpon. 27 Samata, Espíritu Santo pijaxtat Simeón fulaech Dios pejtemploba poxade. Do jawut, Simeón taen José, María suapich, bu'fol wuti Jesús isliajwa Dios to'aspox, me-ama Moisés chajia lelpox jum-aech. 28 Jawut Simeón isfit Jesús. Do jawut, Dios kawuhajan wut, jum-aechon:

29-30 “Tajpaklon Dios, najumdutampon tajut chiekal taenxlison, jiw bu'weyaxaelpon, ampon. Samata, amwutjel xan, nabistaxponan xamliajwa, inatapaem xan tupaliajwan, xabich nejchachaemlaxtat!

31 Xam ampoch to'am jiw bu'welialjwa, puexa jiw taelialjwa.

32 Japon pijaxtat judíos-eli matabijaxael diachwuhajnakolaxpox. Japon pijaxtatbej nejjiw, judíos, a sew jiw sitaeyaxaes” —aech Simeón, Dios kawuhajan wut.

³³ José, Maríabej, xabich nejchaxoelanuil, jumtaen wuti Simeón jum-aechpox yamxuchliajwa. ³⁴⁻³⁵ Do jawutbej, Simeón Dios kawuajan Joséliajwa, Maríaliajwabej, yamxuchliajwabej, Dios isliajwa pachaempox japiliajwa. Do jawutbej, Simeón jum-aech asamatkoi jachiyaxaesox Maríaliajwa:

—Asamatkoi xamliajwa, me-ama espadatat xua'la wuti, xabich xaenkaxael, jachiyaxael xamliajwa, naxulan asew jiw pijaxtat nabijasax taenam wut. Xabich israelitas japon naexaxisaxisal. Japi napelsaxael. Xabich asew jiw lax naexaxisaxaes japon. Japilax bu'weyaxaes. Xabich jiw babejjamechan jumchiyaxaeson. Jasoxtat asew jiw matabijaxael, achax pejnejchaxoelaxanxot. Samata, asamatkoi xam xabich nejxaejwaxael —aech Simeón Maríaliajwa.

³⁶⁻³⁷ Jawut kaeow pawis jaxotbej Dios pejtemplobatat. Japow Dios pejprofeta. Pawulow Ana, Fanuel paxulow. Japow Aser pamow. Xabich pati'ow. Ochenta y cuatro waechan. Pansiow wut, pamal fitow. Pamal fitpox siete waechan wut, pamal naetupspow. Pamal tup wut, do kaes nakjiya-elisow. Pin-iawaechan tamach laiejepow. Japow chinax nakols-el Dios pejtemplobaxot. Ja-aech japow, Dios pejbichaxan nabist xot. Pomatkoicha japow Dios kawuajnaful. Dios piach kawuajnalialjwa wut, xabich piach naxae-elow. ³⁸ José, María suapich, Dios pejtemplobatat wut, Ana mox soepan japixot. Jawut gracias-aechow Diosliajwa, yamxuchliajwabej. Do jawut, jum-aechow yamxuchliajwa puexa Jerusalén paklowaxpijiwliajwa, japi wuajnaweti bu'weyaxaesopox japon pijaxtat.

José, María suapich, bunwiatpox paxulch Nazaret paklowax poxade

³⁹ José, María suapich, toeti ispox, me-ama Moisés chajia lelpox jum-aech. Dolisi, paxulch bunwiati pejpaklowax poxade, Nazaret paklowax, Galilea tuajnulel. ⁴⁰ Jesús chiekal ti'sful. Mamnikbejpon. Jesús kaes matabijsful, Dios kajachawaesfulas xot.

Jesús jam wutfuk, nospaeipox, judíos chanaekabuanapi suapich, Dios pejtemplobatat

⁴¹ Kaewaechful wut, José, María suapich, Jerusalén paklowax poxade. Fulalaecha taeliajwa Pascuafiesta. ⁴² Jesús doce waechan wut, japon nakfol Jerusalén paklowax poxade, me-ama japi pejkabuan. ⁴³ Pascuafiesta toep wut, japi puexa fiesta taeni nawia wut pejbachan poxade, jawut Jesús naman Jerusalén paklowaxxot. José, María suapich, matabija-el Jesús kaweta namanpox Jerusalén paklowaxxot. ⁴⁴ José, María suapich, nuamtat fol wut, nejchaxoeli: “Jesúskas chajia wuajna nakfulaech wajjiwut” —aechi, nejchaxoel wut. Samata, kaematkoi nejmach chiekal foli nuamtat. Do jawux, José, María suapich, tae-el wuti Jesús, jawut tuadutlisi wuajnachaemsliajwa pejjiw. Wuajnachaemtbejpi asew jiw, japi pejmatabijspipon. ⁴⁵ Wulwek wuti pejjiwxot, japi faenael Jesús. Do jawut, José, María suapich, kaxa nawen Jerusalén paklowax poxadin, jaxot wulwekaliajwapi Jesús.

⁴⁶ Tres matkoi wut, faenipon Dios pejtemplobaxot. Japon ek judíos chanaekabuanapixot. Naeweton japi. Jesús wuajnachaemtbej matabijsaxtat. ⁴⁷ Jesús chiekal matabijt judíos chanaekabuanapi jum-aechpox. Chiekal jumnotbejpon, wuajnachaemtas wut. Puexa jiw, japox jumtaen wut, xabich nejchaxoelachalaki, Jesús xabich matabijt xot. ⁴⁸ José, María

suaꝑich, taen wuꝑi Jesús ekox, judíos chanaekabuꝑanapi suaꝑich, xabich nejchaxoelanuili. María jum-aech Jesúsliajwa:

—Wua, xam jasox jachiyaximil xanalliajwa. Xan, nej-ax suaꝑich, xabich nejchaxoelx, xam wulwekx wuꝑ —aechow.

⁴⁹ Jesús jumnot wuꝑ, jum-aechon:

—¿Ma-aech xotkat xamal xan nawulwekam? ¿Xamalkat matabija-emil xan taj-ax Dios pejbaxotaxaelenpox? —aech Jesús.

⁵⁰ Japi jumatabija-el, Jesús japox jum-aech wuꝑ.

⁵¹ Pe María nejchaxoelafuꝑ, Jesús jum-aech wuꝑ japox. Nejkiowa-elow. Jawux José, María suaꝑich, Jesúsbej, nawia Nazaret paklowax poxade. Jesús Nazaret paklowaxxot duk wuꝑ, naexaxisfulon José, Mariabej, puexa japi tato'alpoxan. ⁵² Jesús chiekal ti'sful. Kaes matabijsfulbejpon. Dios nejchachaemlafuꝑ Jesúsliajwa. Jiwbej nejchachaemlafuꝑ Jesúsliajwa.

3

Juan, jiw bautisan, pajilaxxot naewuajanpox
(Mt 3.1–12; Mr 1.1–8; Jn 1.19–28)

¹ Tiberio tato'al, puexa Roma paklowaxpijw. Japonbej tato'al as-apaklowaxanpijw. Japon quince waechan tato'al wuꝑ, japamatkoiyan, Poncio Pilato Judea tuajnupijw tato'al. Jawuꝑbej Herodes Galilea tuajnupijw tato'al. Herodes pakoewan, pawul Felipe, japon puexa Iturea tuajnupijw, Traconite tuajnupijwbej, tato'al. Asan pawuꝑon Lisanas, japon tato'al Abilinia tuajnupijw. ² Jawuꝑ Anás, Caifás suaꝑich, japi kolenje, sacerdotespaklokola. Japamatkoiyan Zacarías paxulan, japon pawuꝑon Juan, duk pajilaxxot. Jawuꝑbej Juan buꝑto'as Dios, japon jiw naewuajnafulaliajwa. ³ Samata, Juan nanuamt Jordánlajtxot, jaxot naewuajanpon jiw Dios pejjamechan. Juan naewuajan wuꝑ jum-aechon: “¡Kofim babijaxan isampoxan! ¡Isfulde Dios nejxasinkpoxan! Ja-amsfulam wuꝑ, Dios beltaeyaxael babijaxan isampoxanliajwa. Do jawuꝑ, xamal bautisaxaelen” —aech Juan, jiw naewuajnafuꝑ wuꝑ. ⁴ Juan, jiw bautisan, naewuajan wuꝑ jiw, patlixox Dios pejprofeta Isaías chajia lelpox Juanliajwa. Isaías chajia lel wuꝑ, jum-aechon:

“Kaen aton pajilaxxot nejlat wuꝑ, jumchisfulaxaelon jiwliajwa: ‘¡Kofim babijaxan isampoxan wajpaklonliajwa! Me-ama jiw chiekal nuamt chaemt wuꝑ paklon pasliajwa, ja-amde nejnejchaxoelaxan! ¡Isfulde Dios nejxasinkpox! ¡Ja-amsfulde!

⁵ Puexa tufatan as tholaxaes nuamt chiekal najupaliajwa. Puexa muaxan koeyaxaesbej sat chiekal najupaliajwa. Nuamanbej, jajiali, mat-noch xatathalaxaes. Nuamanbej muthan wuꝑ, pe'axaes chiekal najupaliajwa.

⁶ Puexa jiw matabijaxael Dios to'aspon jiw bu'welialjwa' —chiyaxaelon” —aech Isaías chajia lelpox Juan, jiw bautisanliajwa.

⁷ Juan, jiw bautisanxot, xabich jiw papasful japi bautisaliajwas. Japi jiwxot, asew kofa-el wuꝑ babijaxan ispoxan, japibej nakiowa nakbautisasia. Me-ama asew jiw babijaxan ispoxan kofapi, jachisiapi. Samata, jawuꝑ, Juan jum-aech japi jiwliajwa: “Xamal, me-ama jom dukpi welialjwa, jit patuajax boejaen wuꝑ, ja-am xamal. Pe asamatkoi xamal weyaximil, babejkolax kastikaxmatkoi pat wuꝑ. ⁸ ¡Kofim babijaxan isfulampoxan! ¡Isfuldelax Dios nejxasinkpoxan! Japox ja-amsfulam wuꝑ, puexa jiw matabijaxael, diachwuajnakolax xamal babijaxan isampoxan

kofampim. ¡Xamal nakaewa nabej najum-aeché': '¡Xanal Abraham pamojiwan! Samata, diachwujnakolax Dios xanal nabu'weyaxael' —nabej aeché' najut! Xamal Abraham pamojiwam. Pe nakiowa babijaxan isam wut, Dios xamal bu'weyaxil. Dios nejxasink wut, xajup ia' Abraham pamojiw dofaliajwa. ⁹ Naebaechnaechan, naboesfuli kaewaechful. Pe japanaechan kaes naboesfula-el wut, xamal liktam japanaechan. Do jawux, majow wut, jitat it-owam. Jachiyaxaelbej xamalliajwa, Dios kastika wut, naexasis-emil wut Dios" —aech Juan, jiw bautisan, babijaxan isfulpiliajwa.

¹⁰ Do jawut, japi wujnachaemt wut, jum-aechi:

—¿Machiyaxaelenkat xanal isfulaliajwan Dios nejxasinkpoxan? —aechi Juanliajwa.

¹¹ Juan jumnot wut, jum-aechon:

—Xamal koloe yax wut kamis, asan aton xabich kejl wut naxoelaliajwa, j Japon aton chaxdu'e naxoelax! Xamal naxaeyaxan wut, asan aton xabich wejisal wut xaeliajwa, j Japon aton chaxduim! —aech Juan.

¹² Do jawut, pejme asew jiw pat Juanxot. Japi mox soepa bautisaliajwas. Japi impuesto mat-omwuljoew Roma gobiernoliajwa. Japi jum-aech, wujnachaemt wuti Juan:

—¿Xanal machiyaxaelenkat isliajwan Dios nejxasinkpoxan? —aechi.

¹³ Juan jumnot wut, jum-aechon japiajwa:

—Xamal jiw mat-omwuljowam wut impuesto, jmat-omwuljoem nejpaklon to'apoxantat! ¡Kaes pejme nabej mat-omwuljoew' jiw naekichachajbaliajwam! —aech Juan impuesto mat-omwuljoewliajwa.

¹⁴ Do jawux, soldawbej pat Juanxot. Japibej wujnachaemt wut, jum-aechi Juanliajwa:

—¿Machiyaxaelenkat xanal isfulaliajwan Dios nejxasinkpox? —aechi Juanliajwa.

Do jawut, Juan jumnot wut, jum-aech soldawliajwa:

—¡Xamal nabej bu'athiye' kenosliajwam asew jiw pejew! ¡Nabej tasale'bej asew jiw, nejmachpijiw, japi pejew kenosliajwam! ¡Xanejchachaemilde nejpaklon motpoxantat! —aech Juan soldawliajwa.

¹⁵ Xabich jiw wujnawesful Cristo pasaxaelpox, Japon Dios to'axoekspon jiw bu'weliajwa. Samata, jiw jumtaen wut Juan naewujajanpox, japi nakaewa najum-aech: "Diachwujnakolax Juan bej Cristobej" —na-aechi nakaewa. ¹⁶ Pe jawut Juan pajut chiekal jum-aech puexa jiwliajwa: "Diachwujnakolax xan jiw bautisafulax mintat, jiw kofa wut babijaxan ispoxan. Asamatkoi xanwux asan fulaeyaxaen. Japonlax to'axael Espiritu Santo jiw kajachawaesfulaliajwas. Espiritu Santo pejpamamax, me-ama jit, jiw babijaxan ispoxan toejwaliajwas, jiw pejnechaxoelaxan pachaemaliajwa. Japon fulaeyaxaelpon kaes pejme paklonaxael. Me-ama xan, jachiyaxilon. Xan omjinil Japon pejkajachawaesnanliajwa. ¹⁷ Lulpijin trigo bokchalala trigokal namaeliajwa. Do jawux, trigo j Japon batat cha-owaliajwa. Trigobok, trigotonanbej, pelton lausliajwa jitat. Jachiyaxaelbej fulaeyaxaelon. Japon tamejaxael Diosxotse pachaempikal, japi jiw naexasiti Dios. Asewjw, babijaxan ispi, naexasis-elbejpi Dios, japi pelsaxaeks jitadik, itkuawaxil poxadik" —aech Juan jiwliajwa.

¹⁸ Jasoxtat Juan naewujajnafalbej jiw. Asawujantat, pachaemwujajan, Juan naewujajnafal jiw. ¹⁹ Juan fiatbej Herodes, Galilea tujnapijiw

tato'lan. Fiat wut, jum-aechon Herodesliajwa, japon fe'en xot pakoewan Felipe. Japow Felipe pijow. Japow pawul Herodías. Juan japox jum-aech Herodes nejchaxoelaliajwa, kaes asaxan babijaxan xabich isful xoton.
 20 Pe Herodes naexaxis-el Juan jum-aechpox. Pelax Herodes asax babijax pejme ispon, Juan jia xoton jiw jebatat.

Jesús bautisaspox

(Mt 3.13–17; Mr 1.9–11)

21 Asamatkoi, Juan jiw bautisa wut, jawutbej Jesús bautisas. Jesús bautisas wut, Dios kawuajan wuton, taenon athu fafachpox. 22 Jaxotsik Espiritu Santo falook, me-ama a-utlejen Jesús pejmatwuajajisik. Do jawut, jumtaenbejpon athulelsk jumtiskaspox. Dios pajut jum-aech:

—Xam taxulnam, xabich nejxasinkaxponam. Xamliajwa xabich nejchachaemlax —aech Dios Jesúsliajwa.

Ampilap Jesucristo pejwuajnapijiw

(Mt 1.1–17)

23 Jesús treinta waechan wut, tuadut naewuajnalialajwa jiw. Jiw nejchaxoel Jesúsliajwa: “Japon José paxulan” —aechi asbuan jumch, nejchaxoel wut. José pax pawul Elí.

24 Elí pax pawul Matat. Matat pax pawul Leví. Leví pax pawul Melqui. Melqui pax pawul Jana. Jana pax pawul José.

25 José pax pawul Matatías. Matatías pax pawul Amós. Amós pax pawul Nahúm. Nahúm pax pawul Esli. Esli pax pawul Nagai.

26 Nagai pax pawul Maat. Maat pax pawul Matatías. Matatías pax pawul Semei. Semei pax pawul Josec. Josec pax pawul Judá.

27 Judá pax pawul Joanán. Joanán pax pawul Resa. Resa pax pawul Zorobabel. Zorobabel pax pawul Salatiel. Salatiel pax pawul Neri.

28 Neri pax pawul Melqui. Melqui pax pawul Adi. Adi pax pawul Cosam. Cosam pax pawul Elmadam. Elmadam pax pawul Er.

29 Er pax pawul Jesús. Jesús pax pawul Eliezer. Eliezer pax pawul Jorim. Jorim pax pawul Matat.

30 Matat pax pawul Leví. Leví pax pawul Simeón. Simeón pax pawul Judá. Judá pax pawul José. José pax pawul Jonam. Jonam pax pawul Eliaquim.

31 Eliaquim pax pawul Melea. Melea pax pawul Mena. Mena pax pawul Matata. Matata pax pawul Natán.

32 Natán pax pawul David. David pax pawul Isaí. Isaí pax pawul Obed. Obed pax pawul Booz. Booz pax pawul Sala. Sala pax pawul Naasón.

33 Naasón pax pawul Aminadab. Aminadab pax pawul Admin. Admin pax pawul Arni. Arni pax pawul Esrom. Esrom pax pawul Fares. Fares pax pawul Judá.

34 Judá pax pawul Jacob. Jacob pax pawul Isaac. Isaac pax pawul Abraham. Abraham pax pawul Taré. Taré pax pawul Nacor.

35 Nacor pax pawul Serug. Serug pax pawul Ragau. Ragau pax pawul Peleg. Peleg pax pawul Heber. Heber pax pawul Sala.

36 Sala pax pawul Cainán. Cainán pax pawul Arfaxad. Arfaxad pax pawul Sem. Sem pax pawul Noé. Noé pax pawul Lamec.

37 Lamec pax pawul Matusalén. Matusalén pax pawul Enoc. Enoc pax pawul Jared. Jared pax pawul Mahalaleel. Mahalaleel pax pawul Cainán.

³⁸ Cainán pax pawul Enós. Enós pax pawul Set. Set pax pawul Adán. Adán Dios isaspon atonliajwa.

4

Jesús xapaejaspox Satanás

(Mt 4.1–11; Mr 1.12–13)

¹ Jesús duk wut, xabich kajachawaech Espíritu Santo. Samata, nawia'an wut Jordánlajtotdin, Jesús Espíritu Santo bu'fos pajilax poxade.

² Jaxotde cuarenta matkoian kaweta wut, chinax xae-elon. Cuarenta matkoian toep wut, do jawut, Jesús xabich litaxaela. Jawut dep pejpaklon, Satanás, pat Jesúsxot. Paton xapaejalijwa Jesús, Jesús babijax isliajwa Diosliajwa. ³ Samata, Satanás xapaejt wut, jum-aechon Jesúsliajwa:

—Diachwajnakolax xam Dios paxulnam wut, jampot ia't to'im panax nadofalijwa! —aech Satanás Jesúsliajwa.

⁴ Jesús jumnot wut, jum-aechon:

—Dios pejjamechan, chajia lelspx, jum-aech: 'Jiw duilaxil naxaeyax-ankalliajwa. Jiw wewe'pasbej Dios pejjamechan naexasisfulaliajwapi' —aech Dios pejjamechan, chajia lelspx —aech Jesús Satanásliajwa.

⁵ Do jawut, Satanás pejme xapaejsliajwa wut, bu'folon Jesús pinamux athu poxase Jesús itpaeliajwas puexa tujnuchan ampathatat. ⁶ Do jawut, Satanás jum-aech:

—Puexa ampatujnuchan, paklowaxanbej, japoxan puexa xan tejew, xan malech nachaxdut xoton. Xanbej paklokolan ampatujnuchanpijiwliajwa. Puexa japoxan xan malech chaxdusliajwan. Samata, chaxdusianpon malech chaxdusaxaelen. ⁷ Tajwajnalel xam brixtat nukam wut, najum-am wutbej: 'Xam xabich pachaemam. Xam tajpaklokolan' —na-am wut xanliajwa, puexa malech xam chaxdusaxaelen japatujnuchan, japapaklowaxanbej —aech Satanás Jesúsliajwa.

⁸ Jesús jumnot wut, jum-aechon:

—Dios pejjamechan, chajia lelspx, jum-aech: 'Kaen Dios jiw pejpaklokolan. Japonkal sitaeyaxaes. Owchiyaxaesbejon' —aech chajia lelspx —aech Jesús Satanásliajwa.

⁹ Do jawut, Satanás pejme bu'folon Jesús Jerusalén paklowax poxade, pejme xapaejsliajwapon Jesús. Jesús bu'fos Dios pejtemploba matwajjase, kaes athu poxase. Jaxotse nosaspon. Jawut Satanás jum-aech:

—Diachwajnakolax xam Dios paxulnam wut, jamxot diwmik sat poxadik! ¹⁰ Xam sat naxbijaximil. Dios pejjamechan, chajia lelspx jum-aech:

'Dios to'axoek pej-ángel xam chiekal tataeflaliajwapi.

¹¹ Xam jopam wut, jaelsabaxaeli naxbijasamatam ia', najalasarimatam-bej' —aechox, Dios pejjamechan, chajia lelspx —aech Satanás Jesúsliajwa.

¹² Jesús jumnot wut, jum-aechon:

—Xan diwaxinil. Xan chiekal matabijtax Dios natataefulpox. Dios pejjamechan, chajia lelspx, jum-aechbej: 'iNabej xapaejs Dios, nejpaklokolan, asbuan jumch taeliajwam japon xajur wut, o, xajura-el wuton weliajwa!' —aech chajia lelspx —aech Jesús Satanásliajwa.

¹³ Do jawut, Satanás kaes wejisal xot xapaejsliajwa, chijjalison Jesúsxot. Jesús tamach waeltas. Pe asamatkoi Satanás pejme pasaxael pejme xapaejsliajwapon Jesús.

Jesús tñadutpox naewñajnañ Galilea tñajñuxot

(Mt 4.12–17; Mr 1.14–15)

¹⁴ Jesús pejme kaxadin, Galilea tñajñu poxadin. Espíritu Santo kajachaxaesaxtat Jesús dukafal. Samata, japatñajñapijiw puexa chiekal naksiya Jesúsliajwa. ¹⁵ Jesús naewñajan judíos naewñajnabachanxot. Puexa jiw jñmtaen wñti Jesús naewñajanpoxan, japi jñm-aech chimia-jamechan Jesúsliajwa.

Jesús Nazaret paklowaxxot

(Mt 13.53–58; Mr 6.1–6)

¹⁶ Jesús nawia'e Nazaret paklowax poxade, ti't poxade. Napatamatkoi wñt, lechon judíos naewñajnaba poxade, pejkabñan xoton. Jaxot wñt, nanton chanaexaljoeliaw Dios pejjamechan, chajia lelspx. ¹⁷ Jawut Jesús chaxduch xakoeyasfñt xaljoeliaw profeta Isaías chajia lelox. Dolison jarafat ba'nat wñt, faenon xaljoeyaxaelpox. Do jawut, xaljowpox jñm-aechox:

¹⁸ “Dios pej-Espíritu Santo xan nachala, Dios pajut namakafit xot kejila naewñajnaliawwan chimiawñajan. Dios nato'abej naewñajnaliawwan babijaxan ispi, nabijatpibej Satanás pijaxtat. Japi pejnejaxoelaxan, me-ama jiw jebatat jiaspi, ja-aechpi. Dios nato'abej boejthñsliawwan itliakla. Dios nato'abej bu'weliawwan jiw, jiw nabijati asew jiw pijaxtat.

¹⁹ Dios nato'abej naewñajnaliawwan jiw amwñtjel Dios bu'weyaxaelpox jiw” —aech Jesús pajutliawwan, chanaexaljow wñton Isaías chajia lelpx.

²⁰ Do jawux, Jesús chanaexaljoeyax toet wñt, xakoeyapon jarafat. Chaxduton judíos naewñajnaba kajachawaesan. Do jawut, Jesús ek. Puexa jiw, jaxot chalaki, xabich natachaemaspon. ²¹ Jesús pejme jñm-aech japijliawwan:

—Xamal jñmtaenam xan xaljowx wñt Isaías chajia lelpxliawwan, amwñtjel jarpx patlisoñ xamalxot —aech Jesús pajutliawwan.

²² Do jawut, puexa japi jiw jñm-aechi pachampoxan Jesúsliawwan. Japi xabich nejchaxoelachalak, Jesús jñm-aech xot chamoeyaxan. Samata, nakaewa najñm-aechi:

—¿Diachwñajnakolax amponkatlap Jesús, José paxñlan? —na-aechi.

²³ Jesús matabijt japi jiw nakaewa najñm-aechpox. Samata, jñm-aechon:

—Xamal nejxasinka-emil naexaxisliawwan xan jñm-anox. Samata, xan najñm-am asññan jñmch: ‘Xam asew boejthñsñam wñt, jaxxotbej jiw boejthñ'e!’ —am xamal. Jñmchiyaxaelambej ampox xanliawwan: ‘Xanal wñltaenx, Capernaum paklowaxxot koechaxan isam wñt. Amxot, nejpaklowaxxotbej, koechaxan isam wñt, ja-aech wñt, xanal naexaxisaxaelen xam naewñajnampoxan’ —chiyaxaelam xanliawwan —aech Jesús japi jiwliawwan.

²⁴ Jesús pejme jñm-aech:

—Xan diachwñajnakolax jñm-an. Puexa profetas sitae-esal pejtñajñukolaxpijiw. ²⁵⁻²⁶ Wajwñajñapijin, profeta Elías, Israel tñajñuxot laeja wñt, japatmatkoiyan, tres waechan y medio iam thilna-el. Samata,

xabich jiw litaxaelaful potuajnu^{cha}, naxaeyaxan ajil xot. Japamatkoiyan Israel tuajnu^{xot} xabich watho' duil, pamaljiw naetupspi. Pe Elías to'asal Dios kajachawaesliajwapon watho', japatuajnu^{pijiw} pamaljiw naetupspi. Elías to'aslax asatuajnu^u poxade, kajachawaesliajwapon Sarepta paklowaxpijow, Sidón tuajnu^{pijow}, pamal naetupspow. ²⁷Wajwuajnapijin, profeta Eliseo, laeja wut ampathatat, Israel tuajnu^{xot} duil xabich jiw, leprawaxae waeispi. Pe japixot kaen boejthus-elon. Japonlax boejthut asatuajnu^{pijin}, Siria tuajnu^{pijin}, pawulpon Naamán —aech Jesús.

²⁸Japox jumtaen wuti, puexa judíos naewuajnabatatpi xabich palalapi Jesúsliajwa. Japi matabija Jesús kajachawaesaxisalpox. ²⁹Samata, xabich palala xoti, nanbapi. Do jawut, Jesús jaeltlisi. Bu'follisipon paklowax tathoetlel. Japapaklowax chiekal muaxmatwuajtat. Jaxot chuut xabich athu. Samata, jaxot fo'asiapi Jesús. ³⁰Pe jawut, Jesús xent japixot. Do jawut, Jesús chajia japatuajnu^{xot}.

Aton dep webaespo^x pejmatpuatxot
(Mr 1.21–28)

³¹Jesús fulaech Capernaum paklowax poxade, Galilea tuajnu^{lel}. Nap-atamatkoi wut, jaxot judíos naewuajnabatat Jesús jiw naewuajan. ³²Japi jiw japox jumtaen wut, xabich nejchaxoelachalaki, Jesús naewuajan xot Dios pejkajachawaesaxtat.

³³Judíos naewuajnabaxot, jaxot aton ekbej, pejmatpuatxot webaespon dep. Do jawut, japon aton nejlat wut, jum-aechon dep pijaxtat:

³⁴—Jesús, Nazaret paklowaxpijnam, ixanal tamach natapaem! ¿Achax-asiangkat xanalxot? ¿Xamkat fulaeman xanal natoesliajwam? Xanal chiekal matabijax, xam Dios paxulnam, xabich pachaemamponam —aech dep, aton pejkaechatat nejlat wut.

³⁵Do jawut, Jesús jum-aech nejthu'axtat depliajwa:

—Dep, ¡boejlachde! ¡Xam nakolde japon aton pejmatpuatxot! —aech Jesús.

Do jawut, japon aton satat xadapson dep puexa jiw pejuajnalel. Do jawux, dep nakolt japon aton pejmatpuatxot tabejs-elaxtat. ³⁶Puexa jiw xabich belwana, japox taen wut. Nawuajnachaemsnapi nakaewa. Najum-aechi:

—¿Ma-aechon pejjametat dep nakolsliajwa, to'a wuton dep? Me-ama Dios to'ason wut, ja-aechon. Ja-aech wut, ¡dep nakolt! —na-aech nakaewa japi jiw.

³⁷Do jawux, puexa Galilea tuajnu^{pijiw} naksiyapi Jesúsliajwa.

Jesús boejthutpox Simón Pedro paem
(Mt 8.14–15; Mr 1.29–31)

³⁸Jesús nakolt wut judíos naewuajnabaxot, fulaechon Simón Pedro pejba poxade. Jesús wuajna Simón paem bu'xaenk. Xabich bu'tuajnikow. Jaxotpijiw jum-aechi Jesús boejthusliajwa japow. ³⁹Jesús najult Simón paem okxot. Jawut waxae to'apon japow boejthulaliajwas. Do jawut, japow kamta chiekal boejthus. Jawut nantow. Do jawutbej, japow pajut naxaeyaxan athukow Jesúsliajwa, asew jiwliajwabej.

Jesús boejthutpox xabich jiw bu'xaeya
(Mt 8.16–17; Mr 1.32–34)

⁴⁰ Juimt dach ek wut, jiw bu'xaeya buflaens Jesúslel. Japi nejmach-waxaetat bu'xaenkpi. Do jawut, Jesús jachaful pejke-etat kaenanala jiw bu'xaenkpi. Do jawutbej, japi jiw chiekal boejthals waxae. ⁴¹ Asew bu'xaeyaxot, dep webaespi pejmatpuatanxot, japibej boejthaton. Dep nakola wut japixot, dep nejla'bala. Nejla'bala wut, jum-aechbalapi:

—¡Xam Dios paxulnam! —aechbalapi.

Dep japox jum-aech wut, Jesús buxfiat. Jesús tapae-el dep kaes naksiyalajwa, japi chiekal matabija xot japon Cristo, Dios to'aspon jiw bu'welajwa.

Jesús naewuajnapox judíos naewuaj nabachanxot

(Mr 1.35–39)

⁴² Sesa itliakaful wut, Jesús nakolt paklowaxxot japon tamachaliajwa. Do jawut, jiw wulwekson. Faens wuton, japi jiw jum-aechi Jesúsliajwa:

—¡Namandefuk xanalxot! ¡Nabej fulae'fuk asatuajnale! —aechi. ⁴³ Pe Jesús jum-aech:

—Xan naewuajnaxaelen asapaklowaxanpijwbej. Japi naewuajnafulaxaelen chimiawuajan, Dios puexa pejiw tato'laxaelwuajan. Dios nato'a japox isfulaliajwan —aech Jesús japi jiwliajwa.

⁴⁴ Samata, Jesús naewuajnaful jiw Dios pejjamechan judíos naewuaj nabachanxot, Galilea tuajnuaxot, Judea tuajnuaxotbej.

5

Xabich baxi xawawaelpox

(Mt 4.18–22; Mr 1.16–20)

¹ Asamatkoi Jesús nuk pukababu'tat, Genesaret pukaxot. (Japapuka asawul, Galilea puka.) Xabich jiw Jesús tabe'nas, xabich jumtaesia xoti Jesús naewuajnapox Dios pejjamechan. ² Do jawut, Jesús taen kolefalkam, oel wut thaejtat. Japafalkam tujil, nana xot nabaxiti, kisliajwapi pejew chinchorro. ³ Do jawut, Jesús jul Simón pejfalkamtat. Jawutbej to'apon Simón thiklaliajwa falkam atuxachde chadukaliajwa. Jesús falkamtat ek. Do jawut, tuaduton jiw naewuajnalialjwa, putat nuili.

⁴ Dolison, naewuajnax buxtoet wut, Jesús jum-aech Simónliajwa:

—¡Falkam fae'mach so'nik poxade! ¡Jaxotde xamal nejchinchorro pelsfulaxaemk baxi xawawaelialjwam! —aech Jesús.

⁵ Do jawut, Simón jumnot wut, jum-aechon:

—Tajpaklon, pomadoicha xanal xabich nabaxitx. Xanal chinax kaen baxin xawaesa-enil. Pe xam naketo'am xot, chinchorro pelsaxaekan pejme —aech Simón Pedro.

⁶ Dolisi, jasox is wut, xabich baxi xawawaeli. Chinchorro mox pejxarsas, xabich xot baxi. ⁷ Simón, asew jiw swapich, itwaeipi asafalkampijiw, japi pejmatabijs kajachawaesliajwas. Japafalkam chapat wut Simónxot, xabich baxi wulati kolefalkam. Do jawut, mox pejch-abu'lapi. ⁸ Simón Pedro japox taen wut, brixtat nukon Jesús pejwuajnalel. Do jawut, jum-aechon Jesúsliajwa:

—Tajpaklon, ¡napia'e xanxot! Xan babejnan —aech Simón Pedro.

⁹ Japox Simón Pedro jum-aech, japi puexa nejchaxoelanuil xot, xabich baxi xawawaelpoxliajwa. ¹⁰ Pedro chalaspi, ampilape. Kaen pawul Santiago. Asan pawul Juan. Japi Zebedeo paxi. Japibej nejchaxoelanuil pejfalkamtat. Do jawut, Jesús jum-aech Simónliajwa:

—¡Nabey nejlewele! Amwutjel xam jiw tadusaxaelam japi Dios pejjivaliajwa. Me-ama xamal baxi xawawaelam wut, notam. Jasoxtatbej xamal itpaeyaxaelen jachiliajwam jiwliajwa, japi jiw tajnachalaliajwa, Dios pejjivaliajwabejpi —aech Jesús Simónliajwa.

¹¹ Do jawut, itjuldepi paputade, thaejtade. Do jawut, puexa pejew waelalisi Jesús nakfulaeliajwa.

Jesús boejthutpox bu'xaeyan leprawaxaetat
(Mt 8.1–4; Mr 1.40–45)

¹² Asamatkoi, Jesús asapaklowaxxot wut, kaen aton, bu'xaeyan, fulaen Jesúslel. Japon bu'xaenk leprawaxaetat. Taen wuton Jesús, brixtat nukon Jesús pejwujnalel, xabich sitaen xoton. Do jawut, natxatdik wut, sat makxabijindikon. Jawut jum-aechon Jesús boejthusliajwas:

—Tajpaklon, xan matabijtax xam xajupam naboejthusliajwam. Naboejthusasiam wut, xan naboejthu'e! —aechon.

¹³ Jesús jacha wut, jum-aechon:

—Xam boejthusasian. Malis xam chiekal pachaemam —aech Jesús.

Do jawut, kamta japon aton chiekal boejthus leprawaxae. ¹⁴ Jawut Jesús jum-aech nejthu'axtat:

—¡Asew jiw nabej chapae' xam boejthutxpo! ¡Majt xabua'de sacerdote poxade, japon xam taeliajwa leprawaxae boejthulpox! Do jawux, ¡Dios chaxdu'e, me-ama Moisés chajia to'a chaxduiliajwa, xam leprawaxae chiekal boejthul xot! Jasoxtat jiw matabijaxael xam chiekal boejthulpox leprawaxae —aech Jesús japon atonliajwa.

¹⁵ Do jawut, puexa japatuajnujpijiw wultaena Jesús ispox. Jiw japox wultaena wut, xabich jiw papasful Jesúsxot jumtaeliajwa Jesús naewuajanpox. Japi patatbej boejthusliajwas bu'xaenkpoxan. ¹⁶ Jesús boejthusful wut bu'xaeya, kaematkoisful atuaxach fulalaechnon jiwjilax poxade tamach Dios kawuajnalialjwa. Jesús jasoxan ja-aech, boejthusful wuton bu'xaeya.

Jesús boejthutpox nabejkan, japon chinax laejaxilpon
(Mt 9.1–8; Mr 2.1–12)

¹⁷ Asamatkoi, Jesús jiw naewuajan wut, jaxot fariseos naewet, judíos chanaekabuanapi suapich. Japixot, asew jiw fulaen chaelpaklowaxanxot, Galilea tuajnuleldin, Judea tuajnuleldinbej. Asew jiw fulaenbej Jerusalén paklowaxxotdin. Jesús boejthusful wut bu'xaeya, puexa japibej taen, Jesús isful wut koechaxan Dios pijaxtat. ¹⁸ Do jawut, kaesuapich poejiw chaxpat kaen nabejkan. Japon ok camillatat. Japi poejiw nejchaxoel batuchade chaxleliajwapi nabejkan Jesús pejwujnalel cha-osliajwapi. ¹⁹ Pe japi chaxleyaxil nabejkan batuchade, wuajna xabich jiw batu wuluk xot. Ja-aech wut, ba matwuajase chaxjulachi. Jaxotse bamatwuaj pinjiyax tuakapi. Do jawux, jaxotsik chakakofanpi nabejkan Jesús pejwujnalel. ²⁰ Chakakofan wut, nejchaxoeli: “Ampon boejthusaxaes Jesús” —aechi, nejchaxoel wut. Jesús chiekal matabijt japi nejchaxoelpox. Samata, Jesús jum-aech nabejkanliajwa:

—Xam babijaxan isampoxanliajwa beltaenx —aech Jesús.

²¹ Judíos chanaekabuanapi, fariseos suapich, japox jumtaen wut, nejchaxoeli: “¿Achankat ampon aton, jum-aechon babejjamechan Diosliajwa? Japox jum-aech wuton, japox pachaema-el Diosliajwa. Kaen Dios

xajɤp beltaeliajwa, jiw babijaxan ispoxanliajwa” —aechi, nejchaxoel wɤt Jesúsliajwa.

²² Do jawɤt, Jesús chiekal matabijt japi nejchaxoelox. Samata, wɤajnachaemt wɤt, jɤm-aechon:

—¿Ma-aech xotkat xamal japox nejchaxoelam xanliajwa?

²³ Kaes pejme tampa xan jɤmchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe ja-an wɤt, jiw xan namatabijaxil, xan puexa jiw pakoewkolnanponan. Jɤm-an wɤtlax nabejkan jɤmtaeliajwa: ‘¡Nande! ¡Laejim!’ —an wɤt, japox jɤm-an wɤt, jiw diachwɤajnaxolax xan namatabijaxael, xan puexa jiw pakoewkolnanponan. ²⁴ Samata, xamal itpaeyaxaelen, xan puexa jiw pakoewkolnan xajɤpxpox jiw beltaeliajwan babijaxan ispoxanliajwa ampathatat — aech Jesús judíos chanaekabɤanapiliajwa, fariseosliajwabej.

Samata, Jesús jɤm-aech nabejkan jɤmtaeliajwa:

—¡Nande! ¡Nejcamilla fi'e! ¡Xalaem nejba poxade! —aech Jesús.

²⁵ Do jawɤt, nabejkan nantlison puexa jiw pejwɤajnalel. Jawɤt fitlison pejcamilla. Fɤlaechlison pejba poxade. Fɤlaech wɤt, jɤm-aechfɤldepon Diosliajwa: “Dios xam xabich pachaemam, naboejthɤtam xot” —aechfɤldepon. ²⁶ Puexa jiw chiekal taen. Majt japon nabejkan, pajut laeja-el, japon amwɤtjel pajut chiekal laejalison. Samata, xabich jiw nejchaxoelanuil. Do jawɤt, chimiajamechan jɤm-aechi Diosliajwa. Dios xabich sitaenlisi. Jɤm-aechi:

—Amwɤtjel taens, Dios is wɤt koechax —aechi.

Jesús tadɤtpox Leví pejnachalanliajwa

(Mt 9.9–13; Mr 2.13–17)

²⁷ Jesús boejthɤt wɤt nabejkan, nakolton jiw natamejaxot. Do jawɤt, fɤlaech wɤt, taenon Leví. Japon impuesto mat-omwɤljoen Roma gobiernoliajwa. Ekon impuesto mat-omwɤljowxot. Jesús taen wɤt Leví, jɤm-aechon Levíliajwa:

—¡Xabɤa't! ¡Xan nakfɤlaem tajnachalnamliajwa! —aech Jesús.

²⁸ Do jawɤt, Leví nant wɤt, puexa pejew waela wɤt, Jesús nakfollison.

²⁹ Jawɤt Leví fiesta is pejbatat Jesúsliajwa. Xabich asew jiw pat jaxot, impuesto mat-omwɤljoew Roma gobiernoliajwa. Kaes asew jiwbej pat jaxot. Japi puexa chalak xaeliajwa, Jesús sɤapich. ³⁰ Do jawɤt, fariseos, judíos chanaekabɤanapibej, pat. Japi kaemɤt. Japi jɤm-aech Jesús pejnachalaliajwa:

—¿Ma-aech xotkat xaelam, afambej, impuesto mat-omwɤljoew sɤapich, asew babejchow sɤapichbej? —aechi Jesús pejnachalaliajwa.

³¹ Jesús japox jɤmtaen wɤt, jɤm-aechon:

—Jiw woen woe-el nejchaempi, japi bɤ'xaenka-el xot. Jiw woen fɤlaen bɤ'xaenkpi woeliajwa. ³² Xanlap-is, ja-an. Xan pas-enil tadɤsliajwan, jiw pachaem wɤt, kabɤan-aechpi. Xanlax patx babejchow tadɤsliajwan, japi kofaliajwa padujnejchaxoelaxan Dios naexaxisliajwapi —aech Jesús japiliajwa.

Asew jiw xae-elpox, piach Dios kawɤajnalialiajwa wɤt

(Mt 9.14–17; Mr 2.18–22)

³³ Fariseos, judíos chanaekabɤanapibej, jɤm-aech Jesúsliajwa:

—Juan pejnachala, xanal tajnachalabej, naxae-el piach Dios kawñajnalajwa wut. Pelax nejnachala, jachi-el. Japi asbñan jñmch xael —aechi Jesúsliajwa.

³⁴ Do jawut, Jesús jñm-aech:

—Aton pawis fit wut, fiesta is wut, taduchpi xaeyaxaelfuk japonxot. Nejchachaemlaxaeli, pajelnakjiyan duk wutfuk jaxot. ³⁵ Do asamatkoi, asew jiw fe'naxaeson. Do jawut, taduchpi naxaeyaxil kaematkoi suapich, xabich nejxaejwaxaes xoti. Jachiyaxaelbej, asamatkoi tajnachala nejxaejwaxaes wut, asew jiw xan nabñ'fol wut. Samata, kaematkoi suapich naxaeyaxili, xan japixotaxinil xot —aech Jesús.

³⁶ Jesús jñm-aech wñajantat japi jiwliajwa. Jñm-aechon:

—Pawis pejyiaf, padujax, wexaxarwas wut, pejyiaf, pajelax, tasiaplaxilow xape'sliajwa padujax yiafxot. Japox is wut, tabesaxaelow pajelax yiaf. Yiafbñ'ch, pajelax, najupa-el xot, pachaemaxil, padujax yiaf suapich. ³⁷ Aton wulñ wutbej pajelvino padujchoxantat, japachoxan chathialfalaxael, pajelvino xabich xot pafak. Ja-aech wut, nafo'axael vino, choxan suapich. ³⁸ Samata, jiw wulñ pajelvino pajelchoxantat, choxan nadadoe'aliajwa. ³⁹ Jiw af wut vino, piach cha-ekpot, ja-aech wut jiw fe-el, vino pajeltpot. Ja-aech, jiw nejchaxoel xot: 'Vino piach, cha-ekpot, kaes pejme pachaem' —aech xoti, nejchaxoel wut —aech Jesús.

6

Judíos pejnapatamatkoitat Jesús pejnachala jolbalapox trigo

(Mt 12.1–8; Mr 2.23–28)

¹ Asamatkoi, napatamatkoi wut, Jesús, pejnachala suapich, trigolulantutat fol wuti, japon pejnachala trigo jolbala xaelpaliajwa, litaxaela xoti. Kilaninapi boksliajwa trigofukal xaelpaliajwa. ² Jaxot kaesuapich fariseos nakfol. Japi nejchaxoel: “Jesús pejnachala sitae-el napatamatkoi, jolbala wuti trigo” —aechi, nejchaxoel wut. Samata, jñm-aechi Jesús pejnachalalajwa:

—Japox isaxisal napatamatkoitat. ¿Ma-aech xotkat xamal trigo jolbala naktapae-elmatoitat? —aechi Jesús pejnachalalajwa.

³ Jesús japox jñmtaen wut, jñm-aechon:

—Xamal xaljowam matabijaliajwam, wajwñajnapijin, waj-am rey David, ispox chajiakolaxtat, xabich litaxaela wut, pejjiw suapich. ⁴ Do jawut, David Dios pejba, xananñamsba, lechon. Japabaxot wñajna pan oel mesamatwñajtat. Japapan ofrenda Diosliajwa. Rey David japapan xael wut, chaxduwbejpon pejjiw, japibej xaeliajwa japapan. Pe Moisés chajia lelpox jñm-aech: ‘Japapan koew sacerdotescal xaeliajwa, japi nabisti Dios pejbatat. Asew jiw xaeyaxil japapan’ —aech Moisés chajia lelpox. Pe rey David Dios kastika-esal, xael wuton Dios pejew pan —aech Jesús fariseosliajwa. (Jasoxtatbej Jesús pejnachala kastikaxisal, trigo jolbala wut xaelpaliajwa napatamatkoitat.)

⁵ Jesús pejme jñm-aech fariseosliajwa:

—Xan puexa jiw pakoewkolnan. Xan xajupx jñmchiliajwan jiw isaxaelpox napatamatkoitat —aech Jesús fariseosliajwa.

Jesús boejthapox kemamlan

(Mt 12.9–14; Mr 3.1–6)

⁶ Asamatkoi, napatamatkoi wut, Jesús lech judíos naewñajnaba poxade. Jaxotde wut, tñaduton naewñajnalajwa. Jaxot kaen aton ek,

poklake-elel kemamalpon. ⁷ Judíos chanaekabuanapi, fariseosbej, japi natachaema, Jesús boejthusaxael wut kemamalan napatamatkoitat, jawut tasalaliajwas Jesús. ⁸ Jesús matabijt japi nejchaxoelox japonliajwa. Samata, Jesús jum-aech kemamlanliajwa:

—¡Nande! ¡Nukde jiw pejwujnalel! —aechon.

Kemamlan nant wut, nuklison jiw pejwujnalel. ⁹ Do jawut, Jesús jum-aech japi jiwliajwa:

—Xamal wujnachaemsaxaelen. ¿Achaxkat jum-aech Moisés chajia lelox? ¿Achaxkat Dios naktapaei isliajwas napatamatkoitat?

¿Isaxaeskak pachaempox? O, ¿isaxaeskak pachaema-elpox? O, ¿boejthusaxaeskak? O, ¿boesaxaeskak ampon aton? —aech Jesús.

¹⁰ Do jawut, Jesús natachaemt jiw masajiachpi. Jawut jum-aechon kemamlanliajwa:

—¡Kedolde! —aechon.

Kedolt wut, japon aton pejke-e chiekal wepachaems. ¹¹ Pe judíos chanaekabuanapi, fariseosbej, japox taen wut, xabich palalapi Jesúsliajwa. Samata, nakaewa najum-aechi: “¿Machiyaxaeskak Jesús?” —na-aechi nakaewa.

Jesús pejnachalaxot makafitpox doce poejiw, japi apóstolesliajwa
(Mt 10.1–4; Mr 3.13–19)

¹² Asamatkoi Jesús fulaech pinamux poxade Dios kawujnaliajwa. Jaxotse pomadoicha Dios kawujan. ¹³ Do kandiawasap wut, Jesús la pejnachala, japi fulaeliajwadin japonlel. Japi pat wut japonxot, japixot makanoton doce poejiw japi chalaliajwaspon. Do jawut, japi wulduwpon apóstoles. ^{14–15} Doce poejiw, makanochpi, kaen pawul Simón. Japon asawultat wulduws. Pawulon Pedro. Asan pawul Andrés. Japon Simón pakoewan. Asan pawul Santiago. Asan pawul Juan. Asan pawul Felipe. Asan pawul Bartolomé. Asan pawul Mateo. Asan pawul Tomás. Asan pawul Santiago. Japon Alfeo paxulan. Asan pawul Simón. Japon majt asamutpijin, celotemutpijin. ¹⁶ Asan pawul Judas, Santiago paxulan. Asan pawul Judas Iscariote. Japonlap asamatkoi wiasaxael Jesús, Jesús padaelmajiwxot.

Jesús xabich jiw naewujanpox
(Mt 4.23–25)

¹⁷ Jesús baloek muxxotsik, pej-apóstoles suapich. Baloek wut, najapnaxxot nuili. Xabich pejnachala natameja japonxot. Xabich asew jiwbej jaxot natameja. Japixot, asew Judea tuajnapijiw. Asew Jerusalén paklowaxpijiw. Asew Tiro paklowaxpijiw. Asew Sidón paklowaxpijiw. ¹⁸ Japi jiw puexa patlisi Jesús naewujanxot jumtaeliajwa, boejthusliajwasbejpi buxaenkproxan. Nabijatpibej dep pijaxantat, japibej pat boejthusliajwas. ¹⁹ Samata, puexa japi jiw jachasiapi Jesús, Jesús boejthusful xot jiw.

Amxot jum-aechpox nejchachaemlax, nejchachaemla-elpoxbej
(Mt 5.1–12)

²⁰ Jesús natachaemt wut puexa pejnachalaliajwa, jawut jum-aechon japiajwa: ‘Xamal najut nejchaxoelam wut: ‘Dios nakkajachawaes-el wut, xajupaxinil isliajwan pachaempoxan’ —am wut, Dios kajachawaesaxael xamal. Ja-aech wut, xamal xabich nejchachaemlaxaelam.

21 “Xamal isasiam wut pachaempoxan Diosliajwa, japon kajachawaesfulaxael isfulaliajwam japoxan. Ja-am wut, xabich nejchachaemlaxaelam.

“Amwutjel nabijalaelpampim, nabijatam xot ampathatat, Dios xamal kajachawaesaxael pachaemaliajwam. Ja-am wut, xabich nejchachaemlaxaelam.

22-23 “Asew jiw nejweslaxael xamal. Japi isaxael chaemilpoxan xamalliajwa. Jumchiyaxaelbejpi xamalliajwa: ‘iXamal chijiamde nejlel!’ —chiyaxaelbejpi. Jumchiyaxaelbejpi babejjamechan xamalliajwa. Jumchiyaxaelbejpi asew jiw jumtaeliajwa xamalliajwa: ‘Ampi jiw chaemil, babejchow xot’ —chiyaxaelbejpi. Puexa japoxan jachiyaxael, xamal tajjiwam xot, xan puexa jiw pakoewkolnan. Japoxan ja-aech wut, iXamal xabich nejchachaemilde! Diosxotse Dios xamal chaxduiyaxael xabich pachaempox. Samata, inejchachaemilde, japamatkoi pasaxael wut! Xamal nejweslapi, japi jiw pejwujnapijiwbej chajia babijaxan is Dios pejjprofetasliajwa.

24 “Xamal kemaenkampim, xabich nabijasaxaelam, xanejchachaemlam xot ampathatpijaxankal.

25 “Amwutjel nejchaxoelam wut, jum-am: ‘Xan nejchachaemlax, puexa xabich xot tejew’ —am, nejchaxoelam wut. Pe asamatkoi xabich nabijasaxaelam. Me-ama asew kaematkoi nafnia wut, do jawux, pejme xabich litaxaelapi, xamalbej jachiyaxaelam.

“Amwutjel xafafolampim, asamatkoi xabich noeyaxaelam, nabijasaxaelam xot. Jawutbej nejchachaemlaximil.

26 “Chajiakolaxtat Dios pejjprofetakola-elpi chiekal duila-el, me-ama Dios nejxasink. Japi jiw chiekal naewujajna-elbej Dios pejjamechan, japijiajwa jiw nejchachaemlaliajwas. Samata, japamatkoiyantat jiw jum-aech chimiajamechan profetakola-elpiliajwa. Samatabej, ampamatkoiyantat jiw jum-aech wut chimiajamechan xamalliajwa, ichiekal taem! Xamal chiekal bej duila-emilbej. Chiekal bej naewujajna-emilbej Dios pejjamechan. Ja-am wut, xamal asamatkoi xabich nabijasaxaelam” —aech Jesús pejnachalaliajwa.

*Jesús naewujajnapox pejnachala nejxasinkaliajwa padaelmajiw
(Mt 5.38–48; 7.12)*

27 Jesús pejme jum-aech pejnachalaliajwa: “Xamal xan nanaewetampim xan jum-anox. iXamal nejxasinkde nadaelmajiw! iIsde pachaempoxan xamal nejweslapiliajwa! 28 Nadaelman nejchaxoel wut babijaxan xamal chapasliajwa, iXamallax nejchaxoelde japon chapasliajwas pachaempoxan! Asew jiw babejjamechan jum-aech wut xamalliajwa, iDios kawujajande japi jiw kastikasamatas! 29 Aton, matxoela-ison babijax xamalliajwa, iXamallax nabej is babijax japon atonliajwa! Samata, aton xamal ba'faselcha wut, iasaba'falel nej selchapon! Aton xamal wenatkowa wut sumta-otampox, inej fispanox pijaxliajwa! iNijax kamisbej nej fispon pijaxliajwa! 30 Aton malech xamal wuljow wut, iJapon chaxdu'e! Asan aton natkowa wut nijax, inabej wuljoe' wiasliajwapon natkowapox! 31 iAmalis isde pachaempoxan asew jiwliajwa, me-ama xamal nejxasinkam japi jiw isfulaliajwa xamalliajwa!” —aech Jesús pejnachalaliajwa.

³² Do jawut, Jesús pejme jum-aech pejnachalaliajwa: “Xamal nejxasinkam wut jiw xamal nejxasinkpikal, ja-am wut, zma-aech xotkat nejchaxoelam Dios pachaemaxaelpox xamalliajwa? Jiw babejchowbej nakaebabejchow nanejxasink. ³³ Xamal isfulam wutbej pachaempox japi jiwliajwa, japi jiw isful xot pachaempox xamalliajwa, ja-aech wut, zma-aech xotkat nejchaxoelam: ‘Dios pachaemaxael xanliajwa’ —amkat, nejchaxoelam wut? Jiw babejchowbej nakaebabejchowliajwa is pachaempoxan. ³⁴ Xamal prestam wut jiw matabijampikal, ja-am xamal japi jiw pejme wewiasliajwa prestampox, prestampox nafo'asamata. Ja-am wutbej, zma-aech xotkat nejchaxoelam Dios pachaemaxaelpox xamalliajwa? Jiw babejchow nakaebabejchow napresta pejme wewiasliajwas naprestapoxan. ³⁵ ¡Nejxasinkde nadaelmajiw! ¡Isdebej pachaempoxan japiajwa! Prestam wut, jprestampoxan nabej wuaj nawes! Ja-am wut, Dios isaxael xabich pachaempox japonxotse xamalliajwa prestampoxanliajwa. Ja-am wut, me-ama Dios athupijin, paxulan swapich, kaenejchaxoelax, jachiyaxaelambej xamal. Dios isful pachaempoxan jiw babejchowliajwa. Asew jiw Dios kajachawaechpibej, japi nejchaxoelael Diosliajwa. Japi jiwliajwa, Dios is pachaempoxan. ³⁶ ¡Beltaem asew jiw! Me-ama nej-ax Dios puexa jiw beltaeful, jxamalbej ja-amsfulde!” —aech Jesús pejnachalaliajwa.

Jesús buxfiatpox pejnachala, japi jumchisamata: “Japi jiw babejchow xot, wewe'pas Dios kastikaliajwas” —chisamatapi

(Mt 7.1–5)

³⁷ Jesús pejme jum-aech pejnachalaliajwa: “¡Xamal asew jiwliajwa nabej jum-aech!: ‘Japi jiw babejchow’ —nabej aeche! Ja-am wut, Dios jumchiyaxil xamalliajwa: ‘Xamalbej babejchowam’ —chiyaxilon. ¡Nabej jum-aech'bej asew jiwliajwa: ‘Japi wewe'pas Dios kastikaliajwas’ —nabej aeche'bej! Ja-am wut, Dios jumchiyaxilbej xamalliajwa: ‘Xamal wewe'p xan kastikaliajwan’ —chiyaxil Dios xamalliajwa. Asew jiw babijaxan is wut xamalliajwa, jbeltaem! Ja-am wut, Diosbej xamal beltaeyaxael babijaxan isampoxanliajwa. ³⁸ Jiw wewe'pas wut, jchaxduim! Ja-am wut, Diosbej xamal chaxduiyaxael wewe'ppoxan. Asew jiw chaxduwam wut, Dios kaes pejme xamal chaxduiyaxael” —aech Jesús, pejnachala naewuajan wut.

³⁹ Jesús pejme jum-aech, pejnachala naewuajan wut: “Nakaetitliakla namakxalaeyaxil. Itliaklan asan makxafol wut, japi kolenje kaemuthadik natacholnaxaek. ⁴⁰ Estudiapon kaes pejme pachaemael. Me-ama chanaekabuanaspon, jachi-elon. Pe asamatkoi, puexa matabijt wuton, japon najupaxael. Me-ama pejchanaekabuanan wut, jachiyaxaelon” —aech Jesús pejnachalaliajwa.

⁴¹ Do pejme Jesús jum-aech, naewuajan wut pejnachala: “Xamal najut kaes babijaxan isam wut, jxamal nabej naewuajne', asan aton babijax is wut! Aton, asan kajachawaesasia wut, cha-aelaxach, ast itokspoxan, japon pajutlax kaes pejme pinjiyax naetamat it-oks wut, jasoxtat japon aton asan aton kajachawaesaxil. ⁴² Xamal kaes babijaxan isam wut, jnabej jum-aech' asanliajwa: ‘Xam naewuajnaaxaelen, babijax iselaliajwam’ —nabej aeche', naekichachajbapijnam wut! ¡Majt xamal kofim babijaxan isfulampoxan! Ja-am wut, pachaemaxael asan aton naewuajnalijwam japon kofsliajwa babijaxan ispoxan” —aech Jesús pejnachalaliajwa.

Pejbaech pachaem wut, matabijaspox japanae pachaempox
(Mt 7.17–20; 12.34–35)

⁴³ Jesús pejme naewhajan wut pejnachala, jum-aechon: “Pachaem-nae naboet wut, pejbaechbej pachaem. Chaemilnae naboet wut, pejbaechbej chaemil. ⁴⁴ Kaenanala naebaechnaechan matabijas pejbaechtata. Na-e'naexot tus-el higobaech. Ja-aechbej uvadunanliajwa. Uvadunan chajalka-eli na-e'naexot. ⁴⁵ Ja-aechbej jiwliajwa. Aton, wepachaemspoon pejnechaxoelax, japon aton naksiya pachaempoxan. Aton, wepachaema-esalpon pejnechaxoelax, japonlax naksiya babej-jamechan. Japi kolenje japoxan naksiya, pejnechaxoelaxanxot nakolapoxan” —aech Jesús, naewhajan wut pejnachala.

Jesús naksiyapox kolebaliajwa
(Mt 7.24–27)

⁴⁶ Do jawut, Jesús pejme jum-aech, naewhajan wuton doce pejnachalialiajwa, a sew jiwliajwabej: “Xamal naexasis-emil wut xan jum-anpox, zma-aech xotkat najum-am: ‘Tajpaklon, tajpaklon’ —na-amkat? ⁴⁷ Xanlel fulaenpon, japon xan nanaewet. Nanaexasitbejpon xan jum-anpoxan. Xamal jumchiyaxaelen, achan kabuan-aech xanlel fulaenpon. ⁴⁸ Japon aton ba isan, kabuan-aech. Kowpon sat tinkxot ba isliajwa. Nosnaechan muthapon. Do jawux, pejba toet wut, pinamin pat wut, japaba taxu'palaxil, chiekal isas xot sat tinkxot. ⁴⁹ Xan jum-anpox jumtaenpon, pe naexasis-el wuton, japon aton, me-ama thaejtat ba ispon, kabuan-aechon. Nosnaechan muthapon thaejtat. Dolison pejba isax ketoet wut, pinamin wut, japaba chiekal juwul, jaxot thaejtkal xot. Samata, japaba chiekal toep” —aech Jesús, naewhajan wut doce pejnachalialiajwa, a sew jiwliajwabej.

7

Jesús boejthutpox soldawcapitán pamakan
(Mt 8.5–13)

¹ Jesús buxtoet wut naewhajnax, fulaechon Capernaum paklowax poxade, doce pejnachala suapich. ² Capernaum paklowaxxot duk soldawcapitán, Roma gobiernoliajwa nabistpon. Japon capitán xabich nejxasink pamakan. Japon pamakan xabich bu'xaenk. Mox pawhajnapon tupaliajwa. ³ Japon capitán waltaen Jesús jiw boejthusfulpox. Samata, capitán to'a kaesuarich judíos-ancianos japi buflaeliajwadin Jesús, boejthusliajwapon capitán pamakan. ⁴ Dolisi, Jesúsxot pa'a wut, xabich taduti Jesús. Jum-aechi Jesúsliajwa:

—Tajpaklon, kijum-amse, capitán xabich pachaempon. Samata, ixam nakfalaem xanal japon pejba poxade, japon pamakan boejthusliajwam! ⁵ Japon capitán naknejxasink xatis judíos. Japonbej nawemot a sew jiw isliajwa xanal tajnaewhajnabaliajwa —aech judíos-ancianos Jesúsliajwa.

⁶ Do jawut, Jesús nakfol japi. Dolison, mox wutlejen capitán pejba pasliajwa, capitán to'a pejnachala japi bu'kakulnaliajwa Jesús. Do jawut, buxto'abejpon pejnachala japi jumchiliajwa Jesús: “Tajpaklon, xam kaes mox pasaximil tajcapitán pejba. Japon jum-aech: ‘Xan kaes pachaema-enil Jesús pasliajwa tajba, japon kaes pejme paklon xot. ⁷ Samata, xan tajut fulae-enil waljaesliajwan Jesús. iJaxotde nej nawiaspon! iNej jum-aechapon tamakanliajwa, japon boejthulaliajwas! Ja-aech wut, tamakan

naweboejthulaxaes. ⁸ Xanbej tajpaklochow. Japi naketo'a wut, xan ow-an. Xanbej soldawcapitánan. Kaen to'ax wut, japon na-ow-aech. Asan lax wut, japon fulaen. Tamakan keto'ax wut, japox chiekal jinawesison. Jesúsbej tato'lan. Jum-aech wuton tamakanliajwa, tamakan chiekal boejthulaxaes' —aech soldawcapitán, xanal nabuxto'a wut xam jumchiliajwan" —aech soldawcapitán pejnachala Jesús jumtaeliajwa.

⁹ Jesús japox jumtaen wut, capitán jumxato'apox, japonliajwa xabich nejchaxoelanukon, xabich xanaboejtas xot. Do jawut, Jesús natfo'cha wut, natachaemton jiw fulafospilel. Do jawut, jum-aechon japiliajwa:

—Diachwajnakolax xamal jum-an. Israel tujnuxot aton tae-enil, xan xabich naxanaboejtron, me-ama japon aton, jason —aech Jesús soldawcapitánliajwa, jumtaeliajwa fulafospipon.

¹⁰ Jawut capitán to'asi nawia capitán pejba poxade. Pa'a wut, taenlisi capitán pamakan chiekal boejthulspox.

Jesús mat-etpox pamal naetuspow paxulan, pejme dukaliajwa

¹¹ Asamatkoi Jesús fulaech wut Naín paklowax poxade, pejnachala nakfolspón. ¹² Paklowax mox itwefol wuti, Jesús taen, asew jiw patupan muthsliajwa chaxfol wuti paklowax tathoetlel. Patupan pen, pamal naetuspow. Japow kaen paxulan tapon. Xabich jiw, Naín paklowaxpijw, fulchalas. ¹³ Jesús japow taen wut, beltaenpon. Do jawut, jum-aechon japowliajwa:

—jNabej wanoe'! —aech Jesús.

¹⁴ Japox jum-aech wut, Jesús mox soepan patupanxot. Do jawut, Jesús camilla takuksaba wut, patupan chaxfoli chaxnuiljaba. Do jawut, Jesús jum-aech patupanliajwa:

—Pansian, xan jum-an xamliajwa: 'jMat-e'e pejme dukaliajwam!' —an xan —aech Jesús.

¹⁵ Do jawut, patupan chalechkal mat-et. Mat-et wut, naksiyalison. Do jawut, Jesús jum-aech japon penliajwa:

—Ma naxulan —aech Jesús.

¹⁶ Jiw japox taen wut, puexa xabich belwanapi. Jum-aechnapí:

—Dios xabich mamnik. Xajap puexa isliajwa. Poklaprofetakolan patlison xatisxot. Dios fuloek kajachawaesliajwa pejjiw —aechnapí Jesúsliajwa.

¹⁷ Xabich jiw, Judea tujnupijiw, mox duilibej Judea tujnuxot, japi wultaena Jesús patupan mat-etpox.

Juan, jiw bautisan, japon to'apox kolenje pejnachalan Jesús poxade (Mt 11.2–19)

¹⁸ Juan, jiw bautisan, jiw jebatat jias wut, pejnachala chapaeflas Jesús isfulpoxanliajwa. Asamatkoi Juan wullala kolenje pejnachalan, japi to'aliajwapon Jesús poxade. ¹⁹ Juan japi buxto'aliajwa wut, jum-aechon: "Jesús wujnachaemtam wut, jum-amopon: '¿Xamkatlap diachwajnakolax Cristowam, jumduchponam puexa jiw bu'welijwam? Xam Cristowa-emil wut, ¿xanalkat kaes wujnawesaxaelen asan pasaxaelpon?' —amo Jesús!" —aech Juan, buxto'a wut kolenje pejnachalan.

²⁰ Juan pejnachala pat wut Jesúsxot, jum-aechi ampxon:

—Juan, jiw bautisan, xanal nabuxto'a xam wujnachaemsliajwan. ¿Xamkatlap diachwajnakolax Cristowam, Dios jumduchponam puexa

jiw bu'welijawm? Xam Cristowa-emil wut, ¿xanalkat kaes asan wuaj nawesaxaelen, pasaxaelpon? —aech Juan pejnachala Jesúsliajwa.

²¹ Do jawut, japi pejwuajnalel Jesús xabich jiw bu'xaeya boejthut, bu'xaenki nejmachwaxaetat. Jiw, pejmatpuatanxot dep webaespi, to'apon dep nacolaliajwa jaxot. Boejthutbejpon xabich itliakla japi taeliajwa. ²² Do jawut, Jesús jum-aech Juan pejnachalaliajwa:

—¡Xabua'de! ¡Nawem Juan poxade! Juanxot patam wut, ¡Juan chapaem koechaxan taenam poxan, wultaenam poxanbej! Juan chapaeyam wut, ¡jum-amo: 'Itliakla chiekal taen. Nabejkabej chiekal laelp. Piach leprawaxaetat bu'xaenkpipej, japi chiekal boejthuls. Naetakwatabej chiekal jumtaen. Patupabej mat-ias pejme duilaliajwa' —amo Juan, chapaeyam wut! ¡Chapaembejpon naewuajnapoxan kejila, japibej naexasisliajwa, Dios bu'welijawasbejpi babijaxan isoxanliajwa! ²³ Juan chapaeyam wutbej, ¡jum-amopon: 'Nejmach-aton chiekal naxanaboefsul wut, nanaexaxisful wutbejpon xan Cristowanponan, japon aton nejchachaemlafaxael' —amo Juan, chapaeyam wut! —aech Jesús Juan pejnachalaliajwa.

²⁴ Do jawux, Juan pejnachala nawia Juan poxade. Nawia wuti, jawut, Jesús tuadut jiw jumchiliajwa Juanliajwa. Jum-aechon: “Juan, jiw bautisan, pajilaxxot duk wut, xamal fulaemch japoxade. Fulae-emil taeliajwam muifartuat joewa ju'baspo. ²⁵ Xamal fulaemildebey taeliajwam kaen aton chamoeyaxan naxoelpon. Xamal chiekal matabijam, chimi-anaxoeipi duila-el pajilaxtat. Jiw chimianaxoeipi duil chimiabachantat. Japi duil paklochow pejbachantat. ²⁶ Xamallax fulaemch taeliajwam profeta. Diachwuajnakolax jum-an. Xamal Juan taenam wut, taenam poklaprofetakolan. ²⁷ Dios pejjamechan, chajia lelsxot, jum-aech Dios najum-aechpox xanliajwa, Juan isaxaelpoxliajwa: ‘Wua, xam wuajna tajprofeta to'axaelen japon jiw naewuajnafulaliajwa tajjamechan, xam patam wut jiw chiekal naexasisliajwa xam’ —aech chajia lelsxot Dios najum-aechpox xanliajwa, Juan isaxaelpoxliajwa.

²⁸ Kaes pejme pachaempi, profetas, ajil, me-ama Juan, jiw bautisan, jasi. Pe nakiowa, Diosxotse wut, jaxotse japi jiw puexa chiekal isful Dios nejxasinkpoxan. Japi kaes pejme pachaemaxael Dios pejwuajnalel. Me-ama Juan ampathatat, jachiyaxili” —aech Jesús.

²⁹ Xabich jiw jumtaen Juan naewuajanpox. Impuesto matomwuljoewbey jumtaen. Japi naexasit wut, Juan japi jiw bautisa, japi matabija xot Dios xabich pachaempon. ³⁰ Fariseos, judíos chanaekabuanapibej, naekuanjiamt Juan naewuajanpox. Isfula-eli Dios nejxasinkpox. Samata, Juan japi jiw bautisa-el.

³¹⁻³² Do pejme Jesús jum-aech jiwliajwa: “Ampamatkoiyantat jiw duilpi ampathatat, japi jiw, me-ama yamxi wut, ja-aechi, kaenejchaxoelaxa-el xot. Me-ama yamxi chalak paklowaxplazaxot nakakujsliajwa, ja-aech japi jiw. Yamxi chalak wut, pejnachala suapich, nakaewa najum-aechi: ‘Xanal toela nababax xamal nababoelaliajwam. Pe xamal nababoela-emil, jumtaenam wut toela. Xanal jajui jajuwxbey xamal noeliajwam. Pe xamal noe-emil, jumtaenam wut’ —na-aech nakaewa yamxi, nalot wut plazaxot. ³³ Juan, jiw bautisan, japon ampathatat wut, Dios pejjamechan naewuajnafulon. Xabich piach naxae-elon, Dios kawuajnalialiajwa wut. Vino fe-elbejpon. Ja-aech wut, xamal jum-am: ‘Juan dep webaes pejmatpuatxot’ —amsfulam.

³⁴ Do jawux, xan, puexa jiw pakoewkolnan, fulaenx. Xanlax puexa xaelx. Puexa afxbej. Ja-an wut, xamal jum-ambej xanliajwa: 'Japon xabich xaemaenk. Femaenkbejpon vino. Pejnachala babejchowbej. Pejnachalabej impuesto mat-omwuljoew Roma gobiernoliajwa' —am xamal xanliajwa. ³⁵ Pelax jiw matabijasiapi Dios, japi naexasisful Juan jum-aechpoxan, xan jum-anpoxanbej. Japi matabijaxael diachwujnakolaxpox Juanliajwa, xanliajwabej" —aech Jesus jiw naewetiliajwa.

Jesus taduchpox xaeliajwa fariseo pejbatat

³⁶ Fariseo-ton, pawulpon Simón, japon tadut Jesus xaeliajwa japon pejbatat. Samata, Jesus fulaech japon pejba poxade xaeliajwa, japon suapich. Jesus pat wut, ekon mesaxot. ³⁷ Japapaklowaxxot pawis duk. Japow asew poejiw bu'moejtpow plata kanaliajwa. Japow wultaen Jesus xaeyaxaelpox Simón pejbatat. Samata, japow fulaech japaba poxade Jesus taeliajwa. Japow xapat perjumamint alabastro-ia' batiajtat, chiekal wulukat. ³⁸ Dolisow, brixtat nuk Jesus pejtaktabijla, Jesus chafanaliajwas perjumamint. Japox isliajwa wut, chalechkal noeyax tudutow, xabich nejxaejwas xot babijaxan ispoxanliajwa. Pej-itmin natacholan Jesus pejtaktametat. Do jawut, pejmatlatat Jesus tuaktamejoeipow. Tuaktamesuwpow Jesus. Japaperjumamintat chafan-pow Jesus pejtaktame. ³⁹ Simón, japon tadutpon Jesus xaeliajwa, taen wuton japox, nejchaxoelon Jesusliajwa: "Diachwujnakolax ampon profeta wut, matabijsaxaelon, achaow japow pawis. Matabijsaxaelbejpon japow babejowpow" —aech Simón, nejchaxoel wut Jesusliajwa. ⁴⁰ Simón japox nejchaxoel wut, Jesus jum-aech:

—Simón, xam asax jumchisian —aech Jesus.

Simón jumnot wut, jum-aechon:

—Jiw chanaekabuanan, ijum-amde najumchisiampow! —aechon.

⁴¹ Do jawut, Jesus jum-aech:

—Plata prestapijin, kolenje aton plata dewataspon. Kaen dewataspon quinientos denarios. Asan dewataspon cincuenta denarios. ⁴² Japi kolenje plata kejil wewiasliajwapi prestaspon. Samata, prestapijin jum-aech japiliajwa: 'Xamal nadewatampoxan xan kaes mat-omwuljoeyaxinil' —aechon. Japox jum-aech wut, zachankat japi kolenjexot kaes pejme nejxasinkaxaes? —aech Jesus Simónliajwa.

⁴³ Simón jumnot wut, jum-aechon:

—Kaes dewatpon, japon kaes nejxasinkaxaes —aech Simón Jesusliajwa.

Do jawut, Jesus jum-aech:

—Diachwujnakolax xam chiekal xatbijam —aech Jesus Simónliajwa.

⁴⁴ Do jawut, Jesus natachaemt wut pawis, pejme jum-aechon Simónliajwa:

—Xam taenam pawis ispox. Nejba lowx wut, nachaxdus-emil min xan tajtuak kiasliajwan, me-ama xatis wajkabuan. Ampow pawislax natuakkiat pej-itmintat. Natuakmo'tbejpow pejmatlatat. ⁴⁵ Nejba patx wut, naxusui-emil chiekal nabukulsliajwam. Ampow pawislax, xan ba lowx wut, natuaksuw, nasitaen xotow. ⁴⁶ Chiekal nabukulsliajwam, xan namatnaechafana-emil olivosimint. Ampowlax perjumamint natuakchafan. ⁴⁷ Samata, jum-an: "Japow babijaxan ispoxanliajwa, wexabichaspojan, beltaens, xabich xan nanejxasink xotow" —an xan.

Jiw kaesapich babijaxan ispoxanliajwa beltaens wut, japi kaesapich itpraeyaxael pejnejaxisyax Diosliajwa —aech Jesús Simónliajwa.

⁴⁸ Do jawut, Jesús jum-aech japowliajwa:

—Xam babijaxan isampoxanliajwa xan beltaenx —aech Jesús.

⁴⁹ Asew jiw tadataspi xaeliajwa Simón pejbatat, japi nakaewa nakawajnaemnt wut, jum-aechi:

—¿Achankat amnt hasta jiw babijaxan ispoxan beltaeliajwa? —na-aechi nakaewa.

⁵⁰ Jesús jum-aech pawisliajwa:

—Xabich naxanaboejtam xot, Dios xam bu'wia nejbabijaxan. Samata, ¡xabua' de nejmach! —aech Jesús.

8

Watho' kajachawaetpox Jesús

¹ Jesús Simón pejbaxot wut, japoxwux, mathunlison xabich paklowaxan, cha-aelpaklowaxanbej. Jesús japapaklowaxanpijiw naewuajnaful chimiawuajan, Dios puexa pejjiw tato'laxaelwuajan. Doce apóstolespi, japi chala Jesús. ² Chalasbejpon asew watho'. Japi watho' majt pejmatpumatantat dep webaesí. Jesús chajia dep to'a nakolaliajwa japi watho'xot. Japi watho'xot, Jesús boeijthutbej, chajia majt bu'xaenk wuti. Japixot, kaeow pawul María. Japow Magdala paklowaxpijow. Japow majt pejmatpumatat siete dep webaes. Jesús dep to'a nakolaliajwa japow pejmatpumatxot. ³ Jaxotbej asaow. Japow pawul Juana. Japow Cuza pijow. Japon Cuza, rey Herodes pejba tataeflan. Jaxotbej asaow. Japow pawul Susana. Jaxotbej kaes asew watho'. Japi watho' pejewtat kajachawaeti Jesús, pejnachalabej.

Trigo pejwuajan, xasaljabapon

(Mt 13.1–23; Mr 4.1–20)

⁴ Xabich paklowaxanpijiw fulaen Jesús taeliajwa. Samata, xabich jiw natameja Jesúsxot. Jesús naewuajan wut, wuajantat jum-aechon: ⁵ “Kaen aton fulaech pejlul poxade, trigo xasaljabaliajwa. Xasaljaba wut, kaesapich natacholan nuamtat. Dolisdo', jiw xaxena wut, japi trigo sae'enas. Do jawux, japafu mia xaes. ⁶ Kaesapich trigo natacholan ia'xot. Jaxot as xanaja'al. Do jawux, japi trigo naboela wut, xabich masxaenk wutbej, japi trigo masxae selnas, sat chiekal pesnika-el xotdik. ⁷ Kaesapich trigo natacholan na-e'lu tasiaptasxot. Japi trigo naboela wut, jawutbej, na-e'lu naboela. Na-e'lu tapae-el trigo ti'sax, na-e'lu kaes athu xot. ⁸ Asew trigo natacholan sat pachaemxot. Japi trigo chiekal naboela. Ti't wut, trigoton chiekal naboet. Trigoton naboet wut, kaenanula hasta cien trigo naboet” —aech Jesús.

Jesús japox jum-aech wut, pinjаметat jum-aechon: “Xamal matabijasia wut Dios pejnejaxoxelax, ¡chiekal nanaewe'e xan jum-anpox!” —aech Jesús.

Ma-aech xot Jesús xabich naewuajan wuajantat

(Mt 13.10–17; Mr 4.10–12)

⁹ Pejnachala, japi wuajnaemnt Jesús, chiekal matabijasia xoti, achax chiyaxael japox wuajan, Jesús naewuajanpox. ¹⁰ Do jawut, Jesús jum-aech chiekal chanaekabanaliajwapon pejnachala: “Dios xamal tapaei matabijaliajwam Dios tato'laxaelpox pejjiw. Asew jiw naewuajnaemnt

wut wuajantat, jumtaeni. Pe japi matabijaxil, achax chiyaxael japox wuajan. Taen wuti koechaxan isxroxan, japi matabijaxil, ma-aech xot xan japoxan isx” —aech Jesús pejnachalaliajwa.

Jesús chiekal chanaekabuanaapox trigo pejwuajan, xasaljabapon
(Mt 13.18–23; Mr 4.13–20)

¹¹ Do pejme Jesús jum-aech pejnachalaliajwa: “Amwut xamal chiekal chanaekabuanaaxaelen trigo xasaljabapon pejwuajan. Japon aton, trigo xasaljaba satat. Japawuajantat ‘Trigo’ —aech wut, japox jumchiliajwa: ‘Dios pejjamechan jiw naewuajnaspox jumtaeliajwa, naexaxisliawabejpi pejnechaxoelaxantat’ —chiliajwa japox. ¹² ‘Trigo, natacholanpi nuamtat’ —aech wut, japox jumchiliajwa: ‘Dios pejjamechan jiw naewuajnas wut, japajamechan jumtaeni, do jawut, kamta nejkiowbejpi jumtaenpoxan. Do jawutbej, Satanás pat japi jiw xot, japon, me-ama mia, Dios pejjamechan wenosliawjas jiw pejnechaxoelaxanxot. Samata, japi jiw Dios pejjamechan chiekal naexaxisaxil Dios buweliajwas’ —chiliajwa japox. ¹³ ‘Trigo, natacholanpi ia’xot’ —aech wut, japox jumchiliajwa: ‘Jiw Dios pejjamechan jumtaen wut, japi jiw kamta naexasiti. Ja-aech wut, japi jiw nejchachaemil kaematkoiliajwa. Do jawux, Dios naexasit xoti, asew jiw buwuajanpaeispi. O, chaemilpox wetapachpi. Do jawut, japi kaes Dios xanaboeja-el. Samata, me-ama trigotathin kasnika-el wut, naboos-el, ja-aechlap-is japi jiw. Do jawut, Dios pejjamechan naexasitpox kofapi’ —chiliajwa japox. ¹⁴ ‘Trigo, natacholanpi na-e’lu tasiaptasxot’ —aech wut, japox jumchiliajwa: ‘Jiw Dios pejjamechan jumtaen wut, kamta naexasiti. Do jawux, kofalisi, asaxan matakas xot pejnechaxoelaxan, xabich nejchaxoel xotbej ampathatpijaxankal. Nejchaxoelbejpi xabich kemaenkaliajwa. Nejchaxoelbejpi isfulaliajwa pajut nejxasinkpoxan. Samata, pejxanaboejaxan Diosliawja kaesfulaxil’ —chiliajwa japox. ¹⁵ ‘Trigo, natacholanpi sat pachaemxot’ —aech wut, japox jumchiliajwa: ‘Jiw jumtaen wut Dios pejjamechan, japi jiw chiekal naexaxisful naewuajnaspox. Kofa-eli naexaxisfulpox. Ja-aech wut, japi chiekal Dios xanaboejaful wut, me-ama trigoton xabich naboeti, ja-aech japi jiw’ —chiliajwa japox” —aech Jesús, chiekal chanaekabuana wut pejnachala.

Lámpara pejwuajan
(Mr 4.21–25)

¹⁶ Do pejme Jesús jum-aech pejnachalaliajwa: “Jiw lámpara tamdut wut, asaxtat matakasaxil. Cha-esaxilbej camabuxfaltat. Jiw lax athu cha-esaxael bamuaxnaetat, batu chiekal itliakaliajwa, lalenapi chiekal taeliajwa. ¹⁷ Ja-aechbej tajnaewuajnxliajwa. Puexa japoxan, mochasapoxan, asamatkoi tulaelaxaes. Puexa tajnaewuajnx, amwutjel matabija-esalpoxfuk, asamatkoi japoxan chiekal matabijaxaes” —aech Jesús pejnachalaliajwa.

¹⁸ Do pejme Jesús jum-aech pejnachalaliajwa: “¡Chiekal naewe'e xan jum-anpox! Tejew chiekal nawetataefulpon, japon aton kaes pejme chaxdusaxaelen. Asanlax chiekal nawetataefla-elpon tejew, kaesuaripich nawetataefulpox, kefisaxaeson” —aech Jesús pejnachalaliajwa.

Jesús pen, japon pakoewbej, japi nospaesiapox, Jesús suapich
(Mt 12.46–50; Mr 3.31–35)

19 Do jawut, Jesús pen, japon pakoewbej, mox pa'an Jesús naewuajanxot jiw. Pe japi leyaxil kaes mox pasliajwadin Jesúsxot, xabich wuajna jiw ba wuluk xot. 20 Do jawut, batutat aton jum-aech Jesúsliajwa:

—Jiw chanaekabuanan, nej-en, nakoewbej, pa'an. Japi nuil tathoetat. Xam taesiapi —aechon.

21 Do jawut, Jesús jum-aech jaxotiliajwa:

—Jiw jumtaenpi Dios pejjamechan, naexasit wutbejpi, japi jiw, me-ama taj-en, takoewbej, ja-aechi —aech Jesús.

Jesús fiatpox joewa, truxanbej

(Mt 8.23–27; Mr 4.35–41)

22 Asamatkoi Jesús jum-aech:

—¡Chijias puka we-enlelde! —aechon.

Do jawut, Jesús jul falkam, pejnachala suapich. Jawut chaflaechlisi. 23 Pukatutat chafol wuti, Jesús nejmach moejt. Ja-aech wut, chalechkal xabich pinajoewa, pintruxanbej, pat. Falkamtu xabich min fajabas. Samata, xabich chachoel, chabu'laxael xoti. 24 Jawut japi thikapi Jesús. Jum-aechipon:

—Tajpaklon, ¡nathikde! —aechi.

Do jawut, Jesús nant wut, fiatlison joewa, truxanbej. Fiat wut, joewa chiekal toep, truxanbej. Jawut puka chiekal itnapatan. 25 Do jawut, Jesús jum-aech pejnachalaliajwa:

—¿Amekat xamal xan naxanaboejampox? —aech Jesús.

Do jawut, puxa xabich belwanapi. Xabich nejchaxoelanuilbejpi. Samata, nakaewa najum-aechi:

—¿Achanat ampon aton? Joewa, pukabej, fiat wut, ¡naexasichpon! —na-aechi nakaewa.

Jesús to'apox dep nakolaliajwa aton pejmatpumatxot

(Mt 8.28–34; Mr 5.1–20)

26 Jesús, pejnachala suapich, puka we-enlelde chapa'a Gerasa tuajnuaxotde. Gerasa tuajnu Galilea tuajnutabijla. 27 Itjul wuti, Jesús putat nant wut, kaen aton japatuajnuapijin falaen Jesúsleldin. Japon aton pejmatpumatxot dep webaes. Piach bu'jumchalaejapon. Duka-el batat. Japon duk tupi muthasxot. 28 Jesúsxot pat wuton, japon nuk brixtat Jesús pejwuajnalel. Nejlat wut, jum-aechon:

—Jesús, ¡Dios athupijin paxulan! ¿Achaxasiamkat xanxot? ¡Xam jum-an natalias-elaliajwam! —aech japon aton pejmatpumatxot webaespon dep.

29 Dep webaespon japox jum-aech, Jesús to'a xot dep nakolaliajwa japon aton pejmatpumatxot. Japon aton xabich mamnik dep pijaxtat. Jesús pas-el wutfuk, pin-iaveces japon aton dep pijaxtat xabich chachoel jiwliajwa. Chalechkal japon aton, me-ama na-achanat wut, ja-aech xoton. Samata, jiw muaxwasixawaekson cadenamuat. Tuakwasixawaeksbejpon, a sew jiw chiekal tataeflaliajwas. Jasoxtat japon xawaeks wut, cadenama likton. Ja-aech wut, dep pijaxtat na-jaeton pajilax poxade. 30 Jesús wuajnachaemt wut dep webaespon, jum-aechon:

—¿Achawulamkat xam? —aech Jesús.

Japon jumnot wut, jum-aechon:

—Xan tawul Xabich —aechon.

Jasox japon aton jum-aech, pin-iat dep webaes xoton pejmatpreatxot. ³¹ Dep xabich jum-aech Jesús to'asamatas infierno poxadik. ³² Muxleltat pin-iat maran naxaelp. Samata, dep jum-aech Jesúsliajwa:

—Ampon atonxot nakolax nato'asiam wut, jnatapaem xanal leliajwan maranxot! —aech dep Jesúsliajwa.

Do jawut, Jesús tapaei dep leliajwa maran pejmatpreatanxot. ³³ Dolisdo', Jesús to'a dep nakolaliajwa japon aton pejmatpreatxot. Jawut dep low maranxot. Do jawut, japi maran dukp chuatadik, puka poxadik. Jaxotdik puexa maran chiekal bu'al.

³⁴ Do jawutbej, maran tataefulpi japox taen wut, pejlwut dukpi pej-paklowax poxade chapaeliajwapi taenpox. Do jawut, chapailisi japa-paklowaxpijiw, mox duilpibej. ³⁵ Do jawut, jiw fulaen pajut chiekal taeliajwa jumtaenpox. Pat wut Jesúsxot, taenlisi japon aton, ek wuton Jesús pejuwajnalel, dep wejisal xotlison. Bu'la-eklison naxoelax. Chiekal pachaemlison. Fulaenpi japox taen wut, xabich beljowpi Jesúsliajwa. ³⁶ Taenpi Jesús ispox japon aton chiekal pachaemaliajwa, japi chapaei taenpox fulaeniliajwa. ³⁷ Do jawux, puexa Gerasa tuajnapijiw xabich jum-aechi Jesús chijiyaliajwa japixot, xabich pejlwla xoti Jesúsliajwa. Samata, Jesús falkam jul chijiyaliajwa japatujajnxot. ³⁸ Do jawut, majt dep webaeson, xabich kawuajan nakfulaeliajwapon Jesús. Pe Jesús tapae-el japon aton nakfulaeliajwas. Jesús to'a japon aton namanaliajwa pejtujajnxot. Jum-aechon: ³⁹ —iNawiamach nejba poxade! iNejjiw cha-paem puexa Dios ispox xamliajwa! —aech Jesús.

Dolisdo', majt dep webaeson, fulaechlison pejba poxade. Puexa pak-lowaxpijiw chapaefullison Jesús ispox japonliajwa.

Amxot jum-aechox Jesús pawis boejthutpoxliajwa, asaow patupow mat-etpoxbejliajwa, pejme dukaliajwapow

(Mt 9.18–26; Mr 5.21–43)

⁴⁰ Jesús Gerasa tuajnalel nawian wut puka we-enleldin, xabich jiw wuajnowechpon. Xabich nejchachaemili, Jesús taen wut. ⁴¹ Jawut Jairo pat Jesúsxot. Japon judíos naewuajnabaxot tato'lan. Jairo taen wut Jesús, brixtat nukon Jesús pejuwajnalel. Sat makxabijindikbejpon. Jawut Jairo jum-aech Jesúsliajwa:

—Xam tadutx nakfulaeliajwam tajba poxade. ⁴² Taxulow, kaekolowpow, doce waechanpow, mox pawuajna tupaliajwa —aech Jairo Jesúsliajwa.

Do jawut, Jesús nakfol wut Jairo, jiw xabich pin-iat nakfolbej. Jiw xabichful Jesús pejuwajnalel, wuchakallelbej. Natabe'nafali. ⁴³ Japi jiwxot kaeow pawis wuchakal fol. Japow bu'xaenk. Pejlaw wut, jal chiekal wematduka-esal. Doce waechan japow jasoxtat bu'xaenkpox. Xabich jiw woew wualachipow. Pe chinax kaen boejthas-esal japow. Xadaeptow puexa pejew plata nawoeyaxtat. ⁴⁴ Japow Jesús wuchakallel moxdepow. Do jawut, Jesús sumta-otox matdukafulpox jajastow. Jawut japow kamta chiekal boejthals. Jalbej chiekal matduk. ⁴⁵ Do jawut, Jesús wuajnachamt wut, jum-aechon:

—¿Achankat xan najajast? —aechon.

Jawut puexa jiw jum-aechna:

—iXanalxot xam jacha-enil! —aechi.

Jawut Pedro jum-aech:

—Tajpaklon, xam jiw xabich tabe'nafal, nakfol xoti —aech Pedro.

46 Do pejme Jesús jum-aech:

—Kaendo' najajast. Xan chiekal matabijtax kaen boejthutxprox —aech Jesús jiwliajwa.

47 Japow nejchaxoel: “Jesús matabijt xan naboejthutox. Samata, xan nawoesa tulaela jumchiyaxaelen” —aechow, nejchaxoel wut. Do jawut, japow tathalal pejléwt. Jawut brixtat nukow Jesús pejwajnalel. Jawutbej puexa jiw pejwajnalel chapaeipow, ma-aech xot jajastow Jesús. Chapaeibejppow chiekal boejthulsox, jajast wutow Jesús naxoelprox.

48 Jesús jum-aech japowliajwa:

—Jam, amwutjel xam chiekal pachaemam, xan chiekal naxanaboejtam xot. ¡Xabua' de nejmach! —aech Jesús.

49 Jesús naksiya wutfuk, Jairo pamakan pat Jesúsxot. Japon jum-aech Jairo jumtaeliajwa:

—Naxulow tuplisow. Samata, ¡nabej talias jiw chanaekabuanan, nejba poxade nakfalaesamata! —aech Jairo pamakan.

50 Jesús jumtaen wut Jairo pamakan jum-aechprox, naekuanjiamton. Samata, Jesús jum-aech Jairoliajwa:

—¡Nabej nejlewlé' naxulow tuppoxliajwa! ¡Dioskal xanaboejde! Naxulow Dios mat-esaxaes pejme dukaliajwa —aech Jesús.

51 Jesús nakpat wut Jairo pejbaxot, tapae-elon asew jiw leliajwa. Jawut tapaeipon leliajwa Pedro, Santiago, Juan, Jairo, japon pijowbej. Japikal tapaeis leliajwa. 52 Wajna tathoetlel puexa jiw xabich wanow. Do jawut, Jesús jum-aech wanowpiliajwa:

—¡Kaes nabej wanoe'! Japow tupa-el. Japow moejt —aech Jesús.

53 Japi japox jumtaen wut, xafafoli. Jawut Jesús bu'wajjanpaeis. Japi chiekal matabija, japow diachwajnakolax chiekal tup. 54 Batutat wut, Jesús patapow kefit. Do jawut, pinjametat jum-aechon patapowliajwa:

—Jam, ¡mat-e'e pejme dukaliajwam! —aechon.

55 Jesús japox jum-aech wut, patapow mat-et pejme dukaliajwa. Jawutlejen mat-ekchapow. Do jawut, nantlisow. Jesús to'a naxaeyax chaxdusliajwaspow. 56 Japow pax, penbej, japox taen wut, xabich nejchaxoelanuili.

Jesús jum-aech japiliajwa:

—¡Ampox asew jiw xamal nabej chapae', xan isxprox! —aech Jesús.

9

Jesús to'apox pejnachala japi naewajnalialjwa Dios tato'laxaelprox jiw ampathatat

(Mt 10.5–15; Mr 6.7–13)

1 Jesús la doce pejnachala, japi fulaeliajwadin japonlel. Pejnachala japonxot wut, Jesús jum-aech:

—Xamal xabu'kulam wut jiw, dep webaespi pejmatpuatantat, xan tajaxtat xajupaxaelam dep nakolax to'aliajwam. Xajupaxaelambej boejthusliajwam jiw bu'xaeya. 2 Samata, xamal to'ax jiw naewajnalialjwam Dios puexa pejjiw tato'laxaelprox. Boejthusaxaelambej bu'xaeya. 3 Folam wut jiw naewajnalialjwam, ¡nabej xalae' nejkilachalanaeyan! ¡Nabej xalae'bej choxan, naxaeyaxan, platabej! Mado' ituakxajoelam, ¡do japoxkal tuaklafulaem! Jachiyaxaelambej naxoelaxliajwa. Mado' inaxoelam, ¡do japoxkal bu'lafulaem! 4 Xamal paklowax patam wut, ¡kaebaxot duilde, jiw naewajnalialjwam japapaklowaxpijw! Asapaklowaxlel

fulaeliasjam wut, do jawut, japabaxot nakolim! ⁵ Asapaklowaxpijiw xamal bu'kula-elasia wut, japapaklowaxxot chijiamde fulaeliasjam asapaklowax poxade! Jawut, inejtuakxajoe jolde lulaliasjam as natacholnaliasjwa! Jasoxtat japi jiw pajut matabijaxael babijax ispox Diosliasjwa, xamal bu'kula-el xoti —aech Jesús pejnachalaliasjwa.

⁶ Do jawut, Jesús pejnachala follisi asatujnuchan poxade. Naewuajnafullisi Dios pejjamechan japatujnuchanpijiw bu'weliasjwas Dios. Boejthufalbejpi bu'xaea.

*Rey Herodes matabijs-elpox, achan Jesús
(Mt 14.1–12; Mr 6.14–29)*

⁷ Rey Herodes, Galilea tujnupijiw tato'lan, wultaen Jesús isfulpoxan. Pe matabijs-elon, achan Jesús. Wultaenbejpon, asew jiw jum-aech wut Jesúsliasjwa: “Japon Juan, jiw bautisan, mat-echpon pejme dukaliasjwa” —aech wut jiw Jesúsliasjwa. ⁸ Herodes wultaenbej, asew jiw jum-aech wut Jesúsliasjwa: “Japon profeta Elías, majt laejapon. Amwutjel japon mat-ech pejme dukaliasjwa” —aech wut jiw Jesúsliasjwa. Wultaenbejpon, asew jiw jum-aech wut Jesúsliasjwa: “Profetas, majt laelpi, japixot kaen mat-echpon pejme duk” —aech wut jiw Jesúsliasjwa. ⁹ Ja-aech wut, Herodes Juanliasjwa jum-aech:

—Xan tajut tajsoldaw majt keto'ax Juan taxtasiapchaliasjwas tujpaliasjwapon. Samata, zachankat japon aton, jumtaeflaxpon, jiw jum-aechful wut japon xabich ispoxanliasjwa? —aech Herodes.

Samata, Herodes xabich taesiapon Jesús.

*Jesús naxaeyaxan chaxduwpox cinco mil poejiw
(Mt 14.13–21; Mr 6.30–44; Jn 6.1–14)*

¹⁰ Jesús pejnachala, japi apóstolespi, naewuajnafulpox buxtoet wut, nawenlisi Jesúslel. Japi natameja, pat wut Jesúsxot. Japi chapaei Jesús puexa ispoxanliasjwa. Do jawut, Jesús bu'fol pejnachala Betsaida paklowax poxade, japikal tamachaliasjwa. ¹¹ Jesús bu'fol wut pejnachala, xabich jiw fultaenson. Samata, japi jiw wuchakal fol. Pat wuti Jesúsxot, Jesús japi jiw chiekal bu'kula. Naewuajanbejpon Dios puexa pejiwiw tato'laxaelpox. Boejthutbejpon jiw bu'xaea.

¹² Tuila wut, Jesús mox soepas pejnachala, japi docepi. Jawut jum-aechi Jesúsliasjwa:

—Amxot tujnuchan ajil. Amxotbej ajil naxaeyaxan. Samata, jampi jiw jum-amde mox tujnuchan poxade naxaeyaxan wuajsliajwa, moejsliajwabepi! —aech apóstoles Jesúsliasjwa.

¹³ Jesús jumnot wut, jum-aechon:

—jXamal najut chaxduim naxaeyaxan ampi jiw! —aechon.

Japi jumnot wut, jum-aechi:

—Xanaxot asbuun jumch cinco pan, kolenje baxinbej. jXamkat xanal nato'asiam naxaeyaxan wuajsliajwan puexa ampi jiw xaelliasjwa? —aech Jesús pejnachala.

¹⁴ Jesúsxot patpi, me-ama cinco mil poejiw. (Watho', yamxi suapich, xajui-esal.) Do jawut, Jesús jum-aech pejnachalaliasjwa:

—jKaenanala pejmutan suapich, nej chalake cincuenta jiw! —aech Jesús pejnachalaliasjwa.

¹⁵ Jesús pejnachala jasox is. Jiw chalakax to'a wuti, puexa jiw chiekal chalak. ¹⁶ Do jawut, Jesús chafit cinco pan, kolenje baxinbej. Athu

natachaemse wut, Jesús Dios kawuajan wut, gracias-aechon japapanesliajwa, kolenje baxinliajwabej. Jawut jalkafulon panes, baxibej. Jalkaful wut, chaxduifulon pejnachala saslajwa, puexa jiw xaeliajwa. ¹⁷ Do jawut, puexa jiw chiekal xael. Chiekal nafniapi. Xaeyax chiekal kaechoel wut, Jesús pejnachala matpirantat jia namapi. Jawut wuupi doce matpiran namapi, baxitoerow, pan malsibej.

Pedro jum-aechpox Jesúsliajwa: “Xam Cristowam, Dios to'asponam”
(Mt 16.13–20; Mr 8.27–30)

¹⁸ Asamatkoi, Jesús Dios kawuajan wut, jaxotbej pejnachala. Jawut wuajnachaeht wut, jum-aechon pejnachalaliajwa:

—¿Achan na-aechkat jiw xanliajwa? —aech Jesús.

¹⁹ Japi jumnot wut, jum-aechi:

—Asew jiw jum-aech xamliajwa: ‘Juan, jiw bautisan, mat-echpon pejme duk’ —aech jiw. Asew jiw jum-aechbej xamliajwa: ‘Japon Elías, Dios pejprofeta, mat-echpon pejme duk’ —aech asew jiw. Asew jiw jum-aechbej xamliajwa: ‘Dios pejprofetas tupi, japixot kaen mat-echpon pejme duk’ —aech asew jiw —aech Jesús pejnachala Jesúsliajwa. ²⁰ Do jawut, Jesús pejme wuajnachaeht wut, jum-aechon pejnachalaliajwa:

—¿Xamallax, achan na-amkat? —aech Jesús.

Do jawut, Pedro jumnot wut, jum-aechon:

—Xam Cristowam, Dios to'asponam jiw bu'welijwam —aech Pedro Jesúsliajwa.

Jesús jum-aechpox, japon tuxpaxaelpoxliajwa
(Mt 16.21–28; Mr 8.31–9.1)

²¹ Jesús nejthu'axtat buxfiat wut pejnachala, jum-aechon:

—iNabej chapae' asew jiw xan Cristowanponan! ²² Xan puexa jiw pakowkolnan xabich nabijasaxaelen. Japamatkoi judíos-ancianos, sacerdotepaklochowebej, judíos chanaekabuanaapibej, najumchiyaxael xanliajwa: ‘Japon Cristowa-el, Dios to'aspona-el’ —nachiyaxaeli. Samata, japi naboesaxael. Xan naboesa wuti, tres matkoi wut, Dios namatesaxael pejme dukaliajwan —aech Jesús, jum-aech wut pejnachalaliajwa.

²³ Do jawut, Jesús puexa jiwliajwa jum-aech:

—Xamal tajnachalwasiam wut, injanut isaxaelampoxan nejkiowde! iIsfuldelax kaematkoisful xan tato'laxpoxan! Bej nabijasaxaelambej asew jiw pijaxtat. Xamal bej beyaxaelbejpi, tajnachalwam xot. Japoxan ja-aech wut, ixamal nakiowa naxanaboejafalde! ²⁴ Xamal isfulam wut ampathatat najut nejxasinkampoxan, asamatkoi tuxam wut, duilaximil Diosxotse. Kofam wutlax najut isfulampoxan ampathatat, isfulam wutlax xan tato'laxpoxan, asamatkoi tuxam wut, jam wut, pomatkoicha Diosxotse duilaxaelam. ²⁵ Xamal isfulam wut najut nejxasinkpoxan, xamal napelsaxaelam Diosxot. Xamal xabich wutbej nejew ampathatat, japoxan omjil xamal duilaliajwam Diosxotse. ²⁶ Xamal nadala wut xanliajwa, tajnaewuajnanxanliajwabej, xanbej, puexa jiw pakowkolnan, talaxael xamalliajwa. Xanbej jachiyaxaelen xamalliajwa, pejme fuloekx wut, kaxaxoekan wut ampathatlesik taj-ax Dios pej-itliakaxtat, taj-ax Dios pej-angeles pej-itliakaxtatbej. ²⁷ Diachwuajnakolax jum-an. Asew xamalxot, pejpatuxax wuajna, japi jiw taeyaxael Dios puexa pejjiw tato'laxaelpox —aech Jesús jiwliajwa.

*Jesús xabich chaponanakthianpox Dios pijaxtat**(Mt 17.1–8; Mr 9.2–8)*

²⁸ Do jawux, ocho matkoiyan xent wut Jesús jum-aechpox, jawut Jesús bujulach Pedro, Santiago, Juan, pinamuxax poxase, Jesús Dios kawajnalijwa. ²⁹ Jesús kawajan wut Dios, pejxu xabich itliak Dios pijaxtat. Naxoelox xabich papoeikolax nadofapox. Xabich itliakbejpo. ³⁰ Do jawut, chalechkal natulaela kolenje aton. Japi, Jesús suapich, nospaei. Chalechkal kolenje natulaelapi, kaen Moisés, asan Elías. ³¹ Natulaelapi masajiach Dios pej-itliakax. Japi nospaei wut, Jesús suapich, naksiyapi Jesús nabijasaxaelpox Jerusalén paklowaxxot, japon tuxaxaelpoxliajwabej. ³² Pedro, a sew Jesús pejnachala suapich, xabich itmoejslapi. Pe moejs-eli. Do jawut, taenlisi, Jesús xabich itliak wut Dios pijaxtat. Taenbejpi kolenje aton, nuil wut Jesúsxot. ³³ Kolenje natulaelapi chijiyaliajwa wut, Pedro jum-aech Jesúsliajwa:

—Tajpaklon, pachaem, xanal amxotan wut. Xam nejxasinkam wut, xanal isaxaelen tres bua-at xamalliajwa. Kaeyax xamlliajwa. Asabua-at Moisésliajwa. Asabua-at Elíasliajwabej —aech Pedro.

Pedro japox jum-aech matabijs-elaxtat. ³⁴ Pedro naksiya wutfuk, itlojejen fuloek japi matwujasik. Do ja-aech wut, Jesús pejnachala xabich pejlewla. ³⁵ Do jawut, itloejentutat Dios jum-aechsik: “Amponlap taxulan, makafitxpon. ijapon chiekal naewesfulde!” —aech Dios.

³⁶ Dios buxtoet wut naksiyapox, Jesús pejnachala taenpi jaxotse Jesús tamachpox. Jesús pejnachala chinax kaen aton japamatkoiyantat chapae-eli taenpox muxxotse.

*Jesús nakolsax to'apox dep yamxulan pejmatpumatxot**(Mt 17.14–21; Mr 9.14–29)*

³⁷ Do jawux, kandiawa wut, Jesús pejnachala suapich, baloek muxxotsik, Dios naksiyaxot. Jawut xabich jiw fulaen bu'kakulnalijwapi Jesús. ³⁸ Japi jiwxot, kaen aton jum-aech pinjametat Jesúsliajwa:

—Tajpaklon, inabeltaem! iTaem taxulan! Japon xabich kaekolan. ³⁹ Taxulan dep pijaxtat nejlaton. Chalechkal xabich wawua'tason. Wawua'tas wut, satat jixadapson. Do jawut, kaechwathuamapon. Xabich nabijatton dep pijaxtat. Dep nasiownik taxulan pejmatpumatxot. ⁴⁰ Xan jum-an nejnachala, namapi amxot, japi to'aliajwa dep nakolsax. Pe japi xajupa-el dep nakolsax to'aliajwapi dep —aech japon aton.

⁴¹ Do jawut, Jesús jum-aech pejnachalaliajwa:

—Xamal tajnachala, Dios chiekal xanaboeja-emilfuk. Nejnejchaxoelaxan chiekla-elbej. Xabich pin-iamatkoiyan xamalxotx. Xabich pin-iamatkoiyan naewujnafulaxbej. Kajachawaetxbej Dios chiekal xanaboejalijwam. Pe xamalfuk Dios chiekal xanaboeja-emil —aech Jesús pejnachalaliajwa.

Do jawut, Jesús jum-aech yamxulan paxliajwa:

—iBuflaemen naxulan xanlel! —aech Jesús.

⁴² Paxulan bu'pat wuton Jesúsxot, japon yamxulan pejme xadapson dep satat. Xabich wawua'tasbejpon. Jawut Jesús dep nakolsax to'a. Dep nakolt wut, yamxulan chiekal pachamlison. Jawut Jesús buflaech yamxulan paxpoxade. ⁴³ Do jawut, puexa jiw nejchaxoelanuili, taen wati Jesús ispox Dios pijaxtat.

Jesús pejme jum-aechpox pejpatpaxliajwa

(Mt 17.22–23; Mr 9.30–32)

Puexa jiw nejchaxoelanuil wutfuk Jesús ispoqliajwa Dios pijaxtat, Jesús jum-aech pejnachalaliajwa:

⁴⁴ —¡Chiekal najumtaem jumchiyaxaelenpox! ¡Nabey nejkiowe! Xan, puexa jiw pakoewkolnan, asan nawiasaxael tadaelmajiwxot —aech Jesús, jum-aech wat japoxliajwa.

⁴⁵ Jesús pejnachala matabija-el Jesús jum-aechpox, Dios tapae-esal xoti matabijaliajwa. Jesús pejnachala buxdala kaes wuajnaemsliajwapi Jesús, chanaekabuanaliajwasbejpi.

Achan kaes paklonaxaelpox Diosxotse

(Mt 18.1–5; Mr 9.33–37)

⁴⁶ Asamatkoi Jesús pejnachala najum-aechi: “¿Achankat xatisxot kaes pejme paklonaxael?” —na-aechi. ⁴⁷ Jesús matabijt pejnachala nakaewa najum-aechpox. Samata, Jesús yamxulan la fulaeliajwadin. Do jawut, yamxulan notlison pejfuletlel, pejnachala pejwuajnalelbej. ⁴⁸ Do jawut, Jesús jum-aech pejnachalaliajwa:

—Xamal bu'kulam wat yamxi xan tajaxtat, me-ama ampon yamxulan, ja-am wat, xanbej nabu'kultam. Xan nabu'kultam wat, Diosbej bu'kultam, xan nato'apon. Xamalxot kaen jum-aech wat: ‘Xan pejme kaes omjinil. Me-ama asew jiw, jachi-enil’ —aech waton, japon aton Diosxotse kaes pejme paklonaxael —aech Jesús pejnachalaliajwa.

Is-elpi chaemilpox Jesúsliajwa, japi me-ama kajachawaetpox Jesús pijax naewuajnax

(Mr 9.38–40)

⁴⁹ Jesús pejnachalan, pawulpon Juan, japon jum-aech Jesúsliajwa:

—Jiw chanaekabuanan, xanal aton taenx, xam nijaxtat to'a wat dep nakolaliajwa jiw pejmatpuatanxot. Samata, xanal japon aton fiatx japox kofsliajwa. Japon wajmutpijna-el —aech Juan Jesúsliajwa.

⁵⁰ Jesús jumnot wat, jum-aechon:

—Japon japox is wat, ¡nej ispon japox! ¡Nabey fias! Jiw babijaxan is-elpi xatisliajwa, japi, me-ama xatis kajachawaet wajnaewuajnax —aech Jesús pejnachalaliajwa.

Jesús buxfiatpox Santiago, Juan suapich

⁵¹ Jesús pejmatkoi mox pawuajna wat athu poxaliajwase, fulaechon Jerusalén paklowax poxade, pejnachala suapich. Jesús pejlwala-el Jerusalén paklowax pasliajwa. ⁵² Samata, kolenje pejnachalan to'apon wuajnade, asatuajnu poxade, Samaria tuajnu'el, jaxotde bapijin kawuajnalajwapi Jesús jaxot namanaliajwa kaematkoiliajwa.

⁵³ Samaria tuajnu'pijiw chiekal matabija Jesús fulaeyaxaechpox Jerusalén paklowax poxade. Samata, Samaria tuajnu'pijiw nejxasinka-el Jesús pasliajwa japi pejtujnuxot. ⁵⁴ Kolenje Jesús pejnachalan, japon Santiago, Juan suapich, japox jumtaen wat, jum-aechi Jesúsliajwa:

—Tajpaklon, ¿xamkat nejxasinkam, xanal Dios kawuajnax wat wuljoeliajwan, Dios to'aliajwa jit athulelsik, japatuajnu'pijiw toejwaliajwas? —aech Santiago, Juan suapich.

⁵⁵ Jesús japox jumtaen wat, japi jum-aechpox, kaxa kawulel natfo'chapon. Jawut pejnachala buxfiaton kaes japox jumchisamatapi.

⁵⁶ Do jawux Jesús fulaech, pejnachala suapich, asatuajnu poxade.

Asew jiw, naknanuamsasiapox Jesús

(Mt 8.19–22)

⁵⁷ Jesús, pejnachala s̄apich, asew jiw s̄apichbej, n̄amtat fol w̄ut, kaen aton j̄um-aech japixot:

—Jiw chanaekab̄anan, xan nakf̄ulaesian xam, nan̄amtam w̄ut nej-macht̄aj̄n̄uchan poxade —aechon.

⁵⁸ Do jaw̄ut, Jesús j̄um-aech:

—Lam pejm̄athan moesliajwa. Miabej pejfenan. Xanlax, puexa jiw pakowkolnan, tajbakolax ajil damlath̄alaliajwan —aech Jesús.

⁵⁹ Jesús j̄um-aechbej asan atonliajwa:

—¡Xan nakf̄ulaem! —aechon.

Japon aton j̄umnot w̄ut, j̄um-aechon:

—Tajpaklon, taj-ax xabich pati'in. Taj-ax t̄up w̄ut, do jaw̄ut, xam nakf̄ulaeyaxaelen naknanuamsliajwan —aech japon aton Jesúsliajwa.

⁶⁰ Jesús j̄um-aech:

—Xan nanaexaxis-elpi, japi jiw Diosliajwa, me-ama pat̄upa w̄ut, ja-aechi. Japi m̄uthaxael pat̄upa. Nej-ax t̄up w̄ut, japi m̄uthsaxael. ¡Xamlax xan nakf̄ulaem jiw naew̄aj̄naliajwam Dios puexa pejjiw tato'laxaelpox! —aech Jesús japon atonliajwa.

⁶¹ Asan aton j̄um-aechbej Jesúsliajwa:

—Tajpaklon, xan-is xam nakf̄ulaesian. ¡Pe majt natapaem tajjiw kaw̄aj̄naliajwan! Do jaw̄ux, xam nakf̄ulaeyaxaelen —aechon Jesúsliajwa.

⁶² Jesús j̄umnot w̄ut, j̄um-aechon japon atonliajwa:

—Aton nabist w̄ut Diosliajwa, kaeyax nejchaxoelaf̄ula-el w̄uton, japon aton kaenejchaxoelaxa-el, Dios s̄apich. Samata, japon aton pachaema-el naew̄aj̄naliajwapon Dios puexa pejjiw tato'laxaelpox —aech Jesús.

10

Jesús asew pejnachala, setenta y dospi, to'apox jiw naew̄aj̄naliajwa

¹ Do jaw̄ux, Jesús kaes jiw makanot pejnachalaliajwa, setenta y dos poejiw. Jaw̄ut Jesús japi poejiw̄xot, kaenan̄ula kolenje w̄aj̄na to'apon. To'apon japi w̄aj̄na jiw naew̄aj̄naliajwa, puexa paklowaxanpijiw, puexa t̄aj̄n̄uchanpijiwbej, Jesús pasaxaelxot.

² Japi f̄ulaeliajwa w̄ut, j̄um-aechon: “Diachw̄aj̄nokolax j̄um-an. Xabich jiw w̄aj̄nawet chimiaw̄aj̄an j̄umtaeliajwa. Me-ama trigo foel w̄ut, xabich pachaemlisi jolaliajwa, ja-aechbej amw̄utjel xabich jiw. Xamal kaes̄apicham, Dios pejjamechan naew̄aj̄nampim. Samata, ¡wajpaklokolan Dios kaw̄aj̄ande japon to'aliajwa asew jiw, japibej Dios pejjamechan naew̄aj̄naf̄ulaliajwa asew jiw! ³ ¡Xab̄a'de xamal! Xamal folam w̄ut xan tajaxtat, ¡chiekal taem, babejchow poxade to'ax xot! Me-ama pejm̄achoeff ovejalijwa chachoe, jachiyaxaelbej xamalliajwa, babejchowxotam w̄ut. ⁴ Folam w̄ut, ¡nabej xalae' choxan, plata, asew t̄akxajoebej! Jiw xab̄u'k̄ulam w̄ut n̄amtat, ¡piach nabej nuile' nospaeliajwam, japi s̄apich! Ma if̄ulaemchdo', ¡do japapaklowax poxade f̄ulaemch! ⁵ Ba leliajwam w̄ut, ¡majt j̄um-amde japabapijiwliajwa: ‘¡Dios xamal nej kajachawaes chiekal duilaliajwam!’ — amde japabapijiw! ⁶ Japi jiw chiekal duilasia w̄ut, me-ama xamal j̄umchiyaxaelam, japi Dios kajachawaesaxaes chiekal duilaliajwa. Pelax japi jiw nejwesla w̄ut chiekal duilaliajwa, japi chiekal duilaxil. ⁷ Tad̄ut

wɔti xamal duilaliajwam japi pejbaxot, ꞑxamalfuk duilde japabaxot! ꞑNabej laliagle' asabachan poxade! Naxaeyaxan chaxduw wɔt, ꞑxamal nejmach xaem! ꞑFembej! ꞑNabej nadale', naxaeyaxan chaxduw wɔti! Aton nabist wɔt asanliajwa, japon moch. (Xamalbej Dios pejjamechan naewɔajnafulam xot, jiw chaxduiyaxael naxaeyaxan xaeliajwam xamal, nabistam xot Diosliajwa.)⁸ Paklowax patam wɔt, xamal chiekal jiw bu'kula wɔt, japi jiw xamal naxaeyaxan chaxduw wɔtbej, ꞑxamal xaem!⁹ Japaklowaxxot bu'xaenki, ꞑboejthu'e! ꞑjum-amdebejpi: 'Dios puexa pejjiw tato'laxaelmatkoi mox pawɔajna' —amde japi jiwliajwa!¹⁰ Asapaklowax patam wɔt, japapaklowaxpijiw xamal bu'kula-el wɔt, ꞑnuilde japapaklowaxthialaxxot! Do jawɔt, ꞑjapaklowaxpijiw jum-amde:¹¹ 'Xanal tajtuakxajoe jolx lulaliajwan as natacholnaliajwa. Jasox isx xamal najut chiekal matabijaliajwam babijax isampox Diosliajwa, xanal nabu'kula-emil xot naewɔajnalialjwan Dios pejjamechan. ꞑChiekal nanaewe'e jumchiyaxaelenpox! Dios puexa pejjiw tato'laxaelmatkoi mox pawɔajna' —amde japapaklowaxpijiwliajwa!¹² Diachwɔajnakolax xamal jum-an. Asamatkoi, kastikamatkoi wɔt, japapaklowaxpijiw xabich kaes pejme Dios kastikaxaespi. Me-ama Sodoma paklowaxpijiw kastikas wɔt, jachiyaxilon" —aech Jesús pejnachalaliajwa, setenta y dospiliajwa, wɔajna to'aliajwa wɔton japi.

*Asapaklowaxanpijiw naexasis-elpox Jesús
(Mt 11.20–24)*

¹³ Jesús jum-aech Corazín paklowaxpijiwliajwa, Betsaida paklowaxpijiwliajwabej: "Corazín paklowaxpijwam, Betsaida paklowaxpijwambej, xamal xabich nabijasaxaelam, Dios xabich kastikaxael wɔt. Xan koechaxan isx wɔt xamalxot, xamal taenam, pe xamal naexasis-emil naewɔajnax wɔt Dios pejjamechan. Japakoechaxan chajia isaxaelen wɔt Tiro paklowaxpijiwliajwa, Sidón paklowaxpijiwliajwabej, japoxan taeyaxael wɔti, japi jiw naexasisaxael Dios pejjamechan. Ja-aech wɔt, kofaxaeli padujnejchaxoelaxan isfulaliajwa Dios nejxasinkpoxan. Ja-aech wɔtbej, naxoeyaxaeli papopa. Chalakaxaelbejpi jitthumbaxot asew jiw matabijaliajwas xabich nejxaejwaspox babijaxan ispoxanliajwa.¹⁴ Samata, Corazín paklowaxpijwam, Betsaida paklowaxpijwambej, Dios xabich kastikaxael xamal. Me-ama Tiro paklowaxpijiw, Sidón paklowaxpijiwbej, jachiyaxil, japapaklowaxanpijiw kastikas wɔti Dios" —aech Jesús Corazín paklowaxpijiwliajwa, Betsaida paklowaxpijiwliajwabej.

¹⁵ Jesús jum-aechbej Capernaum paklowaxpijiwliajwa: "Capernaum paklowaxpijwam, xamal nejchaxoelam wɔt, jum-am: 'Dios nakbuflaeyaxael xatis athu poxase' —am xamal, nejchaxoelam wɔt. Pelax Dios xamal to'axael infierno poxadik, xan nanaexasis-emil xot" —aech Jesús Capernaum paklowaxpijiwliajwa.

¹⁶ Jesús jum-aech pejnachalaliajwa: "Xamal jiw naewɔajnafulam wɔt, japi jiw xamal chiekal naewet wɔt, jawɔt xan nejchaxoelaxaelen japi jiwliajwa: 'Japi jiw xanbej chiekal nanaewet' —chiyaxaelen, nejchaxoelx wɔt japiajwa. Asew jiw xamal naexasis-el wɔt, jawɔtbej xan nejchaxoelaxaelen japi jiwliajwa: 'Japi jiw xanbej nanaexasis-el' —chiyaxaelen, nejchaxoelx wɔt japiajwa. Japi jiw xan nanaexasis-el wɔt, jawɔtbej taj-ax Dios nejchaxoelaxael japiajwa: 'Japi jiw xanbej

nanaexaxis-el' —chiyaxael taj-ax Dios, nejchaxoel wut japi jiwliajwa” — aech Jesús pejnachalaliajwa.

Jesús pejnachala, setenta y dospi, kaxa pa'anpox Jesúsxot

¹⁷ Jesús pejnachala, setenta y dospi, naewuajanpoxan buxtoet wuti puexa paklowaxanpijiw, puexa tuajnuhanpijiwbej, do ja-aech wut, kaxa nawenlisi Jesúslel. Xabich nejchachaemali. Pat wuti Jesúsxot, puexa chiekal chapaeipi Jesús jumtaeliajwas:

—¡Tajpaklon, xam nijaxtat xanal dep to'ax wut, kamta dep nakola jiw pejmatpuatanxot! —aechi, Jesús chapaei wut.

¹⁸ Do jawut, Jesús jum-aech pejnachala, setenta y dospiliajwa:

—Diachwuajnakolax xan taenx, Satanás jopik wut athuxotsik Dios pijaxtat. Me-ama chamax nakliafcha wut, ja-aechon, jopik wut. ¹⁹ Xan chaxdutex tajpamamax malechaliajwam Satanás. Samata, xamal nanuamtam wut jom, afubej. Xamal malecham wut Satanás, japon xajupaxil xamal tabesliajwa. ²⁰ ¡Pe nabej nejchachaemle' dep kamta jiw pejmatpuatanxot nakolapoxliajwa, to'am wut! ¡Nejchachaemildelax nejwulan Diosxotse lelspxoxliajwa! —aech Jesús.

*Jesús xabich nejchachaemilpox
(Mt 11.25–27; 13.16–17)*

²¹ Do jawut, Jesús xabich nejchachaemil Espíritu Santo pijaxtat. Samata, Jesús jum-aech pax Diosliajwa: “Ax, xamlap kaenam paklonam athuxotse, ampathatlelbej. Xam xabich pachaemam. Xam kajachawaetam estudia-elpi, japi chiekal matabijaliajwa nejjamechan. Jasoxtat xam kajachawaetam jiw, nejxasinkam xot. Asew jiw lax, xabich matabijapi, japi jiw japoxan matabijaxil. Diachwuajnakolax jasox ja-am, xam nejxasinkam xot” —aech Jesús pax Diosliajwa.

²² Do pejme Jesús jum-aech pejnachalaliajwa: “Xan taj-ax natapaei puexa matabijsliajwan. Pe jiw diachwuajnakolax xan namatabija-el, achanan xan. Taj-ax, Dios, japon kaen chiekal xan namatabijt. Jiwbej matabija-el, achan taj-ax. Xan kaenan taj-ax chiekal matabijtax. Xan makanotxpikal, japikallax matabijaxael taj-ax. Japikal tapaeix matabijaliajwapi taj-ax Dios” —aech Jesús pejnachalaliajwa.

²³ Do jawut, Jesús natfo'cha wut, jum-aechon pejnachalalal: “Asew jiw, taenpi xamal amwutjel taenamproxan, japi jiwbej xabich nejchachaemlaxael. ²⁴ Diachwuajnakolax xan jum-an. Xabich profetas, reyesbej, tae-siapi xamal amwutjel taenampon, japon Mesías. Xanlap japonan. Profetas, reyesbej, xan natae-el, tux xotlisi ampathatat xan pasax wuajna. Xabich jumtaesiabejpi tajjamechan, amwutjel xamal jumtaenamproxan. Pe jumtae-eli, tux xotlisi” —aech Jesús pejnachalaliajwa.

Samaria tuajnupijin pejwuajan, japon pachaempon

²⁵ Judíos chanaekabuanan fulaen nospaeliajwa, Jesús swapich, xapaejsliajwabejpon Jesús. Xapaejsliajwa wut, jum-aechon:

—Jiw chanaekabuanan, ¿xan machiyaxaelenkat Dios nabu'welialjwa, Diosxotse pomatkoicha dukaliajwan? —aech, Jesús xapaejsliajwa wut.

²⁶ Jesús jumnot wut, jum-aechon:

—¿Achaxkat jum-aech Moisés chajia lelpox japoxliajwa? ¿Xaljowampox achax-aechbejkat? —aech Jesús. ²⁷ Judíos chanaekabuanan jumnot wut, jum-aechon:

—Moisés chajia lelpox jum-aech: ‘¡Nejxasinkde Dios, nejpaklokolan, puexa nejmatpuatat, puexa nejnejchaxoelaxtatbej! ¡Puexa nej pamamaxtatbej tanbichfulde, Dios nejxasinkam xot! ¡Nejxasinkdebej asew jiw! Me-ama xam najut nejxasinkam wut, ¡ja-amde asew jiwliajwa!’ —aech Moisés chajia lelpox —aech judíos chanaekabuanan.

²⁸ Do pejme Jesús jum-aech judíos chanaekabuananliajwa:

—Pomatkoicha japoxan ja-am wut, pomatkoicha xam dukaxaelam Diosxotse —aech Jesús.

²⁹ Pe judíos chanaekabuanan nejxasink Jesús nejchaxoelaliajwa japonliajwa japon pachaempoxliajwa. Samata, jum-aechon:

—¿Masikat xan jiw nejxasinkaxaelen? —aechon.

³⁰ Jesús jumnot wut, ampawuajantat jum-aechon:

—Kaen aton Jerusalén paklowaxxot nakolt fulaeliajwa Jericó paklowax poxade. Nuamtat fol wut, kethaka jaeltason. Puexa pejew wenochpon. Bu'jolsbejpon. Do jawut, baeson. Jaxot bu'jumchawaelsnadoftipon paboejlan. ³¹ Do jawux, kaen sacerdoteaton fulaen japanuamtadin. Taen wuton wuajna aton paboejlan okpox, asbuan jumch mox naejiaton xensliajwa. Do jawut, xenton. ³² Do jawux, sacerdotes kajachawaesan jaxot pat. Taen wuton wuajna aton nuamtat okpox, japonbej mox jiat xensliajwa. Do jawut, japon xent.

³³ “Do jawux, Samaria tuajnupijin fulaen japanuamtadin. Fulaen wut, taenpon aton wuajna nuamtat okpox. Japonlax beltaen japonliajwa.

³⁴ Do jawut, mox soepandepon okpon poxade. Do jawutbej, itfachan wuapon olivosimintat, vinotatbej. Itfachan xape'abejpon. Do jawut, pejburtat ossepon. Jasoxtat bu'folon baespon kethaka. Do jawux, bu'paton nanuamtpi papatbatat. Jaxot chiekal tataefulpon japon aton.

³⁵ Do kandiawa wut, Samaria tuajnupijin jut kolefachan mosliajwapon bapijin. Jawut jum-aechon bapijinliajwa: ‘¡Ampon aton chiekal nawe-tataefulde xan tajwulela! Japon asaxan wewe'pas wut, ¡xam wuajde japon atonliajwa! Jelow xan pejme kaxanax wut, xam mosaxaelen wuajtampoxan japonliajwa’ —aech Samaria tuajnupijin bapijinliajwa. Ma amxot toep, ampawuajan, xam naewuajna xawuajan. ³⁶ Tres poejiw taen kethaka baespon. ¿Masonkat tres poejiw xot nejxasink baespon? —aech Jesús judíos chanaekabuananliajwa.

³⁷ Judíos chanaekabuanan jumnot wut, jum-aechon:

—Beltaenpon kethaka baespon —aechon Jesúsliajwa.

Jesús jumnot wut, jum-aechon:

—¡Xamlap-is ja-amde! ¡Nejmachjiw beltaem!” —aech Jesús.

Jesús patpox Marta pejbaxot

³⁸ Jesús nuamtat fol wut, pejnachala suapich, jawut paton cha-aelpaklowaxachxot. Japapaklowaxachxot Marta pejba ek. Jawut chiekal bu'kultow Jesús, japon pejnachalabej. ³⁹ Marta pakoewow pawul María. María mox ek Jesús pejuajna lel chiekal naewesliajwa Jesús naewuajanpox. ⁴⁰ Pelax Marta xabich xatsalt. Samata, Jesúsxot mox wut, jum-aechow:

—Tajpaklon, ¿xamkat xanliajwa nejchaxoela-emil takoewow tamach nakixanchachaempox? ¡Takoewow to'im xan nakajachawaesliajwa! —aech Marta.

⁴¹ Jesús jumnot wut, jum-aechon:

—Marta, xam xabich nejchaxoelam isampoxanliajwa. ⁴² Xan naewuajnaprox kaes pejme pachaem xamal naewesliajwam. María xan naewesful xot, kaes pachaempox naewesfulpow. Chinax kaen aton wefisaxisal japox —aech Jesús.

11

Jesús chanaekabuanaprox pejnachala, jumchiyaxaeli, Dios kawuajan wut
(Mt 6.9–15; 7.7–11)

¹ Jesús kaematkoisful Dios kawuajan. Asamatkoi, Dios kawuajnaprox buxtoet wut, kaen pejnachalan jum-aech Jesúsliajwa:

—Tajpaklon, xanal nachanaekabuanim Dios kawuajnaprox! Me-ama Juan, jiw bautisan, chanaekabuanana pejnachala Dios kawuajnalialjwa, xambej xanal nachanaekabuanim Dios kawuajnaprox! —aech Jesús pejnachalan.

² Do jawut, Jesús jum-aech pejnachalialjwa:

—Xamal Dios kawuajnam wut, jum-amde:

‘Ax Dios, ipuexa jiw xam nej sitae!’ Puexa nejjiw tato'laxaelammatkoi, ijapamatkoi nej tuadus!

³ ¡Kaematkoisful nachaxduim naxaeyaxan, xanal nawewe'ppoxanliajwa!

⁴ ¡Xanal nabeltaem babijaxan isxroxanliajwa! Me-ama xanal beltaenx, asew jiw babijaxan is wut xanallialjwa, ja-amdebej xanallialjwa! ¡Nabej tapae'bej Satanás xanal naxapaejalialjwa, xanal babijaxan isasamatan!' —amde, Dios kawuajnam wut! —aech Jesús pejnachalialjwa.

⁵⁻⁷ Jesús pejme jum-aech:

—Xam nejnachalan pinmadoitat pat wut nejbaxot, jum-aech wuton: ‘¡Xan nachaxdu'e tres panes! Amwutjel tajnachalan pat tajbaxot. Tajbaxot ajil naxaeyax tajnachalan chaxdusliajwan’ —aech wuton xamllialjwa, jawut jumchiyaxaelam batuxotdin: ‘¡Nabej natalias! Xanlis okx. Ba chiekal xatbe'tax. Tejew yamxi bu'okx. Samata, nansaxinil chaxdusliajwan nawuljowampox’ —chiyaxaelam batuxotdin. ⁸ Pe nejnachalan nakiowa wuljoeful wut, wuljoefulprox xam chaxdusaxaelam nejnachalan. ⁹ Samata, xamal jum-an amprox: ‘¡Wewe'ppoxan piach wuljoefulde Dios! Ja-amsofulam wut, Dios chaxdusaxaelbej xamal wuljoeflapprox. Wulwekapproxbej faenaxaelam Dios pejkajachawaesaxtat. Dios kawuajnam wut kaematkoisful, japon xamal kajachawaesfulaxael. Ja-aech wut, me-ama Dios fafasaxael xamal leliajwam’ —an xan. ¹⁰ Piach wuljoefulpon wewe'pasproxan, japon aton Dios chaxdusaxaes. Piach wulwekafulponbej, japon aton faenaxael Dios pejkajachawaesaxtat. Bafafatat piach laefulpon, japon aton Dios wefafasaxaes —aech Jesús, pejnachala naewuajan wut Dios kawuajnalialjwapi.

¹¹ Jesús pejme jum-aech pejnachalialjwa:

—Naxulan baxin wuljow wut, xamal naxi chaxduiyaximil jom.

¹² Naxulan kawaematabut wuljow wut, xamal naxi chaxduiyaximil afu.

¹³ Xamal babejchowam matabijam naxi chaxduiliajwam chamoeyaxan. Nej-ax Dios, athupijin, kaes pejme pachaem. Me-ama xamal jachi-elon. Samata, nej-ax Dios to'axoek Espiritu Santo xamal nejmaturatanxotalialjwa, Dios kawuajnam wut —aech Jesús pejnachalialjwa.

Fariseos jum-aechpox Jesús pejpamamax, Satanás pejpamamax
(Mt 12.22–30; Mr 3.20–27)

¹⁴ Aton naksiyaxilpon dep pijaxtat. Dolisdo', Jesús to'a dep nakolsliajwa japon aton pejmatp̄uatxot. Dep nakolt w̄ut, do jaw̄ut japon aton naksiyax t̄adutlison. Jiw japox taen w̄ut, xabich nejchaxoelanuili. ¹⁵ Asew japixot, fariseos, jum-aechi Jesúsliajwa: “Jesús to'a w̄ut dep nakolsliajwa aton pejmatp̄uatxot, Jesús to'a Satanás, dep pejpaklon pejpamamaxtat” —aechi.

¹⁶ Asew jiw jum-aechbej xapaejsliajwapi Jesús:

—j̄Isde koechax xanal taeliajwan! —aechi.

¹⁷ Jesús matabijt japi nejchaxoelox. Samata, jum-aechon:

—Xan to'a-enil dep nakolaliajwa Satanás pejpamamaxtat. Kaet̄aj̄n̄up̄ij̄iw nadijakaxael w̄ut nakaewa nabeliajwa, japi natoesaxael nabeyaxtat. Kaebapij̄iwbej nadijakaxael w̄ut nakaewa nabeliajwa, japi natoesaxael nabeyaxtat. ¹⁸ Jachiyaxaelbej Satanás. Satanás, pejj̄iw nadijakaxael w̄ut nakaewa nabeliajwa, japi dep natoesaxael nabeyaxtat. Ja-aech w̄ut, Satanás pejtato'lax toepaxael nabeyaxtat. Xamal japox jum-an, najum-am xot xanliajwa: ‘Jesús to'a dep nakolaliajwa jiw pejmatp̄uatxot Satanás pejpamamaxtat’ —na-am xot xanliajwa. ¹⁹ Ja-aech w̄ut, ¿achan pejpamamaxtatkat nejnachalabej dep to'a nakolaliajwa jiw pejmatp̄uatxot? Xamal matabijam japi to'a-el Satanás pejpamamaxtat. Samata, xamal jum-ampox xanliajwa, japox diachw̄aj̄nakolaxa-el. ²⁰ Xan to'ax Dios pejpamamaxtat dep nakolaliajwa jiw pejmatp̄uatxot. Ja-aech w̄ut, diachw̄aj̄nakolax xamalxot patlisoX, Dios puexa pejj̄iw tato'laliajwapox —aech Jesús.

²¹ Do pejme Jesús jum-aech:

—Pamaman xawawet w̄uton kapetat pejbatat, asan aton wenosaxisal japon aton pejew. ²² Pe asan, kaes pamaman, f̄ulaen w̄ut, w̄aj̄napij̄in malechas w̄ut, ja-aech w̄ut, xawawetpox kefe'naxaeson. Ja-aech w̄utbej, japon pejew wenosaxaes wesasliajwas, asew jiw sw̄apich —aech Jesús.

²³ Do pejme Jesús jum-aech:

—Xan nanejweslapi, japi jiw tadaelmajiw. Japi is-el xan nejxasinkaxpox. Japilax nawetabejt tajbichax —aech Jesús.

Dep pejme kaxa nawia'anpox leliajwa aton pejmatp̄uatxot
(Mt 12.43–45)

²⁴ Do pejme Jesús jum-aech:

—Dep nakolt w̄ut aton pejmatp̄uatxot, dep nan̄amt pajilaxxot. W̄ulwekon asan aton pejmatp̄uat, jaxot low w̄ut damlath̄ulaliajwa. Faena-el w̄ut, dep nejchaxoel w̄ut, jum-aechon: ‘Xan pejme nawiasaxaelen aton pejmatp̄uatxot, nakoltaxxot’ —aech dep, nejchaxoel w̄ut. ²⁵ Dolisdo', dep kaxadin w̄ut, faenlison japon aton, majt nakoltxoton. Do jaw̄ut, dep pajut najum-aech japon atonliajwa: ‘Asan dep le-elf̄uk tajw̄ulela. Samata, pachaem xan pejme leliajwan japon aton pejmatp̄uatxot’ —aech dep, nejchaxoel w̄ut. ²⁶ Do jaw̄ut, japon dep f̄ulaechlison asew dep w̄aljaesliajwa. Faenon siete dep, japi dep kaes pejme chaemil. Me-ama dep matxoelapij̄in, jachi-el siete dep. Do jaw̄ut, puexa japi dep lowlisi japon aton pejmatp̄uatxot. Ja-aech w̄ut, japon aton kaes pejme xabich nabijat. Me-ama majt, jachi-elon —aech Jesús.

Xabich nejchachaemlaxaelpox Dios pejjamechan naexasiti

²⁷ Jesús naksiya wutfuk depliajwa, naewetixot kaeow pawis nejlakcha wut, jum-aechow Jesús jumtaeliajwa:

—Pawis, xam faenpow, chaxti'apowbej xam ti'sliajwam, t'japow nej nejchachaemle' xamliajwa! —aechow.

²⁸ Pe jawut Jesús jum-aech:

—Xabich kaes pejme nejchachaemlaxael xan nanaeweti, japibej naexasiti wuti Dios pejjamechan —aech Jesús.

Babejchow keto'apox Jesús koechax isliajwa
(Mt 12.38–42; 16.1–4; Mr 8.11–13)

²⁹ Xabich jiw masajiati Jesús naewuajanpox jumtaeliajwa. Samata, Jesús jum-aech japi jiw jumtaeliajwa: “Xamal laelpampim, babejchowam. Nato'am xan koechax isliajwan asbuan jumch xamal taeliajwam. Pe xamal pajelkoechax taeyaximil. Me-ama chajia Dios is profeta Jonásliajwa jiw pajut matabijaliajwa japon Dios to'aspon, jasoxtatbej xamal matabijaxaelam, xan Dios nato'aponanpox. ³⁰ Dios chajia koechax is wut Jonásliajwa, Nínive paklowaxpijiw matabija. Jasoxtatbej xamal matabijaxaelam, Dios is wut koechax xanliajwa, jiw matabijaliajwa diachwujnakolax xan Dios nato'aponan puexa jiw pakoewkolnanliajwa, jiw bu'weliajwan.

³¹ “Asamatkoi Dios puexa jiw kastikaxael, babijaxan ispi. Xamalbej Dios pejwuajnalel nuilaxaelam kastikaliajwa. Japamatkoi Saba tuajnapijiw paklokolow nukaxael Dios pejwuajnalel japow xamal jumchiliajwa nejbu'wuajanpoxanliajwa, xan nanaexaxis-emil xot. Japow chajiakolaxtat xabich atuaj fulaen rey Salomón pejmatabijsax pajut chiekal matabijsliajwapow. Xan kaes pejme pachaeman. Me-ama Salomón, jachi-enil. Xan naewuajnxax xamal matabijaliajwam Dios. Pe xamal naexaxis-emil. ³² Japamatkoi Nínive paklowaxpijiw nuilaxaelbej Dios pejwuajnalel xamal jumchiliajwa babijaxan isampoxanliajwa, o, is-emil wut. Chajiakolaxtat japi naewuajnas wut Jonás, japi kamta kofa babijaxan ispoxan isfulaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xamal xan chiekal nanaewes-emil” —aech Jesús.

Jiw pej-itfutan, me-ama lámpara wut, ja-aechpox
(Mt 5.15; 6.22–23)

³³ Jesús jum-aech: “Jiw tamdut wut lámpara, asaxtat matakasaxil. Chaesaxilbej cajónbuxfaltat. Jiw lax athu cha-esaxael lámpara bamuaxnaetat, batu chiekal itliakaliajwa, batu lalenapi chiekal taeliajwa. Jasoxtat xanbej moech-enil diachwujnakolaxpox Diosliajwa. Puexa chiekal tulaela itpaeix. ³⁴ Lámpara itliak batu puexa jiw chiekal taeliajwa. Ja-aechbej nej-itfutan. Xamal chiekal taenam, nej-itfutan chiekal pachaem xot. Nej-itfutan chaemil wut, chiekal taeyaximil. Me-ama itliaklan, jachiyaxaelam. Jachiyaxaelbej nejnejchaxoelaxan. Dios italiafa wut nejchaxoelaxan, chiekal pachaemaxael. Ja-am wut, naexaxisaxaelam Dios tato'alpox isfulaliajwam. Duilaxaelambej chiekal. Nejchaxoelaxan chiekal pachaema-el wut, naexaxisaximil Dios. ³⁵ ¡Chiekal taem babijaxan isaxan nejchaxoelasamatam! Xamal nejchaxoelam wut babijaxan isaxan, ja-am wut, nejnejchaxoelaxan, me-ama itkuatnik wut, jachiyaxael. Ja-am wut, xamal naexaxisaximil xan naewuajnxapoxan. ³⁶ Dios italiafa wut nejnejchaxoelaxan, xamal isfulaxaelam Dios tato'alpoxan.

Ja-am wut, nejnejchaxoelaxan chinax chaemilaxil. Me-ama lámpara itliak batutat, jachiyaxael nejnejchaxoelaxan” —aech Jesús.

Jesús jum-aechpox jiw matabijaliajwa fariseos, judíos chanaekabuanapibej, pejbu'wujajapox
(Mt 23.1–36; Mr 12.38–40; Lc 20.45–47)

³⁷ Jesús buxtoet wut, kaen fariseo taduton Jesús xaeliajwa japon pejbaxot. Do jawut, Jesús lech japon pejba poxade. Eklison mesaxot. ³⁸ Jesús xaeliajwa wut, majt xabich piach kekakias-elon. Fariseo japox taen wut, nejchachaemla-elon Jesúsliajwa. ³⁹ Jesús matabijt japon nejchaxoelox. Samata, Jesús jum-aech:

—Xamal fariseos xaeliajwam wut, majt xabich piach faletlelan xabich kiatam taso, platfachanbej. Pelax patulelan kias-emil. Xamal fariseos, me-ama tasfachan, platfachanbej, xabich kiachpi, ja-am xamal. Xabich piach kekakiatam. Pelax nejnejchaxoelaxan, me-ama xabich as da'nik wut, ja-aech. Nejchaxoelambej nosliajwam asew jiw pejew. Isfulambej babijaxan. ⁴⁰ ¡Xamal nejlialkawam! ¿Matabija-emilkat Dios puexa is-pox nejbuanxot, isbejpon tathoetlel, funiachlelbej? ⁴¹ Samata, ¡isfulde pachaempoxan asew jiwliajwa! Ja-am wut, puexa jiw xamal matabijaxael nejnejchaxoelaxan, diachwujajnakolax pachaempox —aech Jesús fariseosliajwa.

⁴² Do pejme Jesús jum-aech fariseosliajwa: “¡Puexa xamal, fariseos, Dios kastikaxael! Xamal xafolam ofrenda Dios chaxduiliajwam. Muthampi ti't wut, diajnam diezmuxaxtjeliajwa. Kaemuxaxt diajnam Dios chaxduiliajwam. Ja-ambej, menta-uafliajwa. Asew muthampibej Dios chaxduwam kaesupich. Japoxan isfulam wut, pachaem. Pe kaeyax wewe'pfuk xamal isliajwam. Is-emil pachaempoxan asew jiwliajwa. Dios chiekal nejxasinka-emilbej. Japox koloeyax xamalliajwa we'pfuk” —aech Jesús fariseosliajwa.

⁴³ Do pejme Jesús jum-aech: “Puexa xamal fariseos, Dios kastikaxael, xabich nejxasinkam xot jiw jumchiliajwa: ‘Fariseos diachwujajnakolax paklochow’ —chiliajwa jiw xamalliajwa. Xamal judíos naewujajnaba poxamich wut, tua-ekaxan itfetambej chalakaliajwam japoxantat, kaes paklochow chalakaliajwapoxan puexa jiw pejuwujajnalel. Xamal jiw moi-aech wut paklowaxthialaxanxot, nejxasinkam jiw moichiliajwa sitaeyaxtat. Samata, Dios kastikaxael xamal” —aech Jesús.

⁴⁴ Do pejme Jesús jum-aech fariseosliajwa: “¡Puexa xamal fariseos Dios kastikaxael! Xamal, me-ama patupamuthan, marka-esalpi, jaxot jiw nejmach sae'an, matabija-el xot, xamallap-is ja-am. Jiw xamal taen wut, me-ama pachaemam wut, jakabuan-am. Pelax nejnejchaxoelaxan xabich chaemil” —aech Jesús.

⁴⁵ Judíos chanaekabuanapixot kaen jum-aech Jesúsliajwa:

—Jiw chanaekabuanan, xam japox jum-am wut, jum-am xanalliajwa —aechon.

⁴⁶ Jesús jum-aech judíos chanaekabuanapiliajwa:

—¡Puexa xamal judíos chanaekabuanapijwam, Dios kastikaxael xamal! Jiw naewujajnam wut, xabich naewujajnam japi jiw xabich kaes naexasisliajwa xamal naewujajnampoxan. Pe japi jiw xajupa-el puexa japoxan naexasisliajwa. Chinax kajachawaes-emilbej japi jiw naexasisliajwa naewujajnampoxan —aech Jesús judíos chanaekabuanapiliajwa.

⁴⁷ Do pejme Jesús jum-aech judíos chanaekabuanapiliajwa: “Judíos chanaekabuanapijwam, ¡puexa xamal Dios kastikaxael! Nejwujnapijiw ampalthat laelp wut, japi ba Dios pejprofetas. Japi profetas pejmuthanmatwujtat xamal ampamatkoiyan isam cha-aelbax itraeliajwam nejsitaeyax japi profetasliajwa. ⁴⁸ Pe japabax isam wut, itpaeyam xamal kaenejchaxoelaxampox, nejwujnapijiw swapich. Nejwujnapijiw ba Dios pejprofetas. Xamal amwutjel cha-aelbax isam japi profetas pejmuthanxot.

⁴⁹ “Japoxliajwa Dios chajia jum-aech matabijsaxtat: ‘Xan to'axaelen profetas, apóstolesbej, judíosliajwa. Xan japi to'ax wut, asew japixot beyaxaes. Asew japixot dukp wut, nakiowa chakifulaeyaxaes’ —aech Dios, jum-aech wut japiajwa. ⁵⁰ Puexa profetas, baespi nejwujnapijiw pijaxtat, puexa japoxan pijaxtat, xamal, amwutjel laelpampimfuk, Dios kastikaxael. ⁵¹ Abel matxoela boesas pakoewan. Do baxael, xabich asew profetasbej beflas kaenanala nejwujnapijiw pijaxtat. Do baxael, Zacaríasbej boesas. Nejwujnapijiw boesa wuti Zacarías, Dios pe-jtemplobafalmaktutat boesaspon, mox altar nukxot. Puexa profetas, baespi nejwujnapijiw pijaxtat, japoxliajwa ampamatkoiyantat xamal laelpampimfuk, Dios kastikaxael.

⁵² “¡Puexa xamal, judíos chanaekabuanapijwam, Dios kastikaxael! Xamal nejchaxoelam wut, nejchaxoelam: ‘Xatis chiekal matabijas Dios pejjamechan’ —am xamal, nejchaxoelam wut. Pe nakiowa, chiekal matabija-emil. Jiw naewujnam wut, naewujnam asawujantat, Dios pejjamechana-elpoxantat. Samata, me-ama jiw bafafa xawaet wut, asew jiw lesamata, ja-ambej xamal Dios pejjamechanliajwa jiw naexasisasamata. Ja-am xot, jiw pasasiapi Diosxotse, xamal tapae-emil, naewujnam xot asawujantat. Xamalbej najut nejxasinka-emil pasliajwam Diosxotse” —aech Jesús judíos chanaekabuanapiliajwa.

⁵³ Japoxan Jesús jum-aech wut, judíos chanaekabuanapi, fariseosbej, xabich palalapi Jesúsliajwa. Samata, xabich wujnachaemsfullisi taliasliajwapi Jesús. ⁵⁴ Ja-aechi, wujnachaemsful wut. Japi asbuan jumch wujnawet jumtaeliajwa Jesús jum-aech wut babejjamechan Diosliajwa, japoxtat japi tasalaliajwa Jesús pejbwujjanpoxliajwa.

12

Fariseos fiatpox, japi pajut ispoxan, asew jiw isasamata
(Mt 10.26–27)

¹ Xabich jiw pin-iakola natameja Jesúsxot. Samata, nakaewa natabe'naful. Natuaksae'anbejpi. Jesús matxoelajum-aech pejnachalaliajwa: “¡Xamal chiekal taem fariseos chanaekabuanapoxanliajwa, xamal naekichachajbasamatapi! Fariseos asew jiw fiat japi pajut ispoxan, jiw isasamata. ² Moechaspoxan asamatkoi tulaelaxaes. Maliach jum-aechpoxanbej, asamatkoi puexa jiw tulaela jumtaeyaxael. ³ Madoi jum-ampoxan maliach, o, batutat nuthaklajametat jum-ampoxan, japoxanbej asamatkoi asew jiw tulaela chiekal jumtaeyaxael” —aech Jesús, pejnachala naewujjan wut.

Jesús naewujjanpox pejnachala, achanliajwa japi pejlowlaxael
(Mt 10.26–31)

⁴ Jesús pejme jum-aech pejnachalaliajwa: “Xamal tajnachala, jum-an ampox. ¡Xamal nabej nejlewlé' beyaxaelpi xamal! Xamal ba wuti, japi

kaes machiyaxil xamalliajwa, isliajwa kaes wejisal xot. ⁵ Pelax xamal sitaeyaxaelam Dios, japon to'axael xot nej-aelan infierno poxadik" — aech Jesús.

⁶ Do pejme Jesús jum-aech pejnachalaliajwa: "Cinco mia mowas kolekafeliajwa. Ja-aech, japi mia omjil xotlejen. Pe ja-aech wut, Dios chinax kaen mianxot nejkiowaxil chiekal tataeflaliajwa. ⁷ Dios kaes pejme nejxasink xamal. Me-ama mia nejxasink wut, jachi-el, Dios nejxasink wut xamalliajwa. Dios matabijtbej massuapich nejmatla kaenanula xamalxot. Samata, ¡xamal nabej nejlewlé! Xamal xabich kaes pejme ommaenkam. Me-ama mia pin-iat, jachi-emil" — aech Jesús pejnachalaliajwa.

Jesús pejwujajan naexasiti, japi jumchiyaxaelpox Jesús pejiwipi
(Mt 10.32–33; 12.32; 10.19–20)

⁸ Do pejme Jesús jum-aech pejnachalaliajwa: "Xamal jum-an am-pox. Japi jum-aechpi jiw pejwujajnael: 'Xanal Jesús pejnachalwan' — aech wuti, japi tajnachalaxael. Xanbej, puexa jiw pakoewkolnan, jumchiyaxaelen japi jiwliajwa: 'Ampi tajnachala' — chiyaxaelen Dios pej-ángeles pejwujajnael Diosxotse. ⁹ Asew jiw lax jum-aechpi asew jiw pejwujajnael: 'Xanal Jesús pejnachala-enil' — aech wuti, xanbej jumchiyaxaelen japiliajwa: 'Ampi jiw tajnachala-el' — chiyaxaelen Dios pej-ángeles pejwujajnael Diosxotse" — aech Jesús pejnachalaliajwa.

¹⁰ Do pejme Jesús jum-aech pejnachalaliajwa: "Jiw jum-aech wut babejjamechan xanliajwa, xan puexa jiw pakoewkolnanliajwa, japi Dios kawujajan wut beltaeyaxaesi japoxliajwa. Pelax jiw jum-aech wut babejjamechan Espíritu Santoliajwa, japi jiw beltaeyaxisal Dios" — aech Jesús pejnachalaliajwa.

¹¹ Do pejme Jesús jum-aech pejnachalaliajwa: "Xamal buflaeyaxaeli judíos naewujaj nabachan poxade, paklochow poxadebej. Ja-aech wut, ¡nabej nejchaxoele' jumchiyaxaelampoxan, jumnosliajwam wut paklochow! ¹² Xamal paklochowxotam wut, jawut chiekal matabijaxaelam Espíritu Santo pijaxtat jumnosliajwam japi paklochow" — aech Jesús pejnachalaliajwa.

Jesús naewujajanpox jiw nejchaxoelasamata kemaeyaxliajwa

¹³ Jiw natamejaxot, kaen aton jum-aech Jesús liajwa:

—Jiw chanaekabuanan, taj-ax tuj wut, takoewan, matxoelapijin, puexa taj-ax pejew xabich nosaxael. ¡Takoewan jum-amde xan tejwaxaelpi nachaxdusliajwapon! — aechon Jesús liajwa. ¹⁴ Jesús jumnot wut, jum-aechon:

—Kaen aton xan nawuldui-el juezliajwan, xamal nejew wediajkaliajwan — aech Jesús.

¹⁵ Do jawut, Jesús jum-aech jiw natamejapi jumtaeliajwa:

—¡Chiekal taem! ¡Nabej nejchaxoele' nejew xabichaliajwa! Xamal xabich wut nejew, japoxantat kaes chiekal nejchaxoelaximil Diosliajwa — aech Jesús.

¹⁶ Do jawut, Jesús naewujajan ampawujajan jiw natamejapiliajwa. Jum-aechon: "Kaen aton kemaeyan duk. Xabich wepachaemspen pejlulan. Jol wut, xabich jolpon. ¹⁷ Kemaeyan nejchaxoel wut, nejchaxoelpon amprox: '¿Xan achaxkat isaxaelen? Xan ajil bachan tejew chawaliajwan' — aechon, nejchaxoel wut. ¹⁸ Do jawut, kemaeyan kaes

jum-aech, nejchaxoel wut: 'Xan matabijtax isaxaelenpox. Cha-aelbax puexa chiekal tuxaxaelen. Dolisdo', japabawajeltat isaxaelen kaes pin-abachan puexa tejew naxaeyaxan cha-owaliajwan. ¹⁹ Do jawux, pin-abachantat tejew naxaeyaxan cha-owax wut, nejchaxoelaxaelen: "Xan xabich tejew naxaeyaxan cha-owax pin-iawaechan xaeliajwan. Samata, piach nabichaxinil. Damlathulaxaelen. Xaeyaxaelen. Feyaxaelenbej. Xabich nejchachaemlaxaelen" —chiyaxaelen, nejchaxoelx wut' —aech kemaeyan, nejchaxoel wut. ²⁰ Pe jawut, Dios jum-aech kemaeyanliajwa: 'jXam nejliaklanam! Matabijs-emil ampamadoitat xam tuxaxaelampox. Samata, zachanliajwokat naxaeyaxan cha-owam?' —aech Dios. ²¹ Jasox jatis japon atonliajwa xabich tamejapon pejew pajutliajwa. Dios nejchaxoel wut, jum-aechon japon kimaeyanliajwa: 'Xanliajwa ampon aton, me-ama xabich kejiw wut, ja-aechon' —aech Dios, nejchaxoel wut japonliajwa" —aech Jesús jiw natamejapi jumtaeliajwa.

*Dios tataefulpox jiw xanaboejapi japon
(Mt 6.25–34)*

²² Jesús jum-aech pejnachalaliajwa: "Xan jum-an amprox. jNabey nejchaxoele' xaeliajwampoxan, naxoeliajwampoxanbej! ²³ Xatis duila-esal naxaeyaxkalliajwa, naxoekalliajwabej. Dios nakchaxduw nakwewe'poxan japoxantat xatis duilaliajwas. Samata, Dios nakchaxduiyaxael naxaeyaxan, naxoeyaxaespoxanbej. ²⁴ Nejchaxoelam wut, jnejchaxoelde mialiajwa! Mia naxaeyaxan mathael. Jola-elbejpi cha-owaliajwa. Pe nakiowa, Dios chaxduw mia xaeliajwa. Dios xamal kaes pejme nejxasink. Me-ama mia nejxasink wut, jachi-elon. Samata, nej-ax Dios xamal chiekal tataeflaxael. ²⁵ Ja-aech wut, zma-aech xotkat xamal xabich nejchaxoelam? Xabich nejchaxoelam wut, ja-am wut, kaes kaematkoiliajwa laelpaximil, xabich nejchaxoelam xot. ²⁶ Xajupa-emil wut japox isliajwam, zma-aech xotkat xabich nejchaxoelam japoxliajwa, asaxanliajwabej?" —aech Jesús pejnachalaliajwa.

²⁷ Do pejme Jesús jum-aech pejnachalaliajwa: "Nejchaxoelam wut, jnejchaxoelde naetalan, chimiatalanpox! Ti't wut, nabich-el chimialiajwa. Pe puexa chiekal chimia. Xanlax jum-an. Rey Salomón majt laeja wut, japon xabich chimia naxoeipon. Pe kaes pejme chimia, naetalan. ²⁸ Cha-aelnaex, yotat nuili, Dios pijaxtat natala wut, xabich chimiatalan. Pe piachliajwa-el. Asbuan jumch kaematkoiyen suapichliajwa. Do jawux, tux. Do jawuxbej, tamejas lausliajwas. Pe Dios xamal xabich kaes tataeful. Me-ama naetalan tataeful wut, jachi-el Dios. Samata, jDios chiekal xanaboejim chimia xamal xajoeliajwapon! Xamal wewe'pfuk Dios chiekal xanaboejaliajwam. ²⁹ Samata, jxabich nabey nejchaxoele' xaeliajwampoxan, feliajwampoxanbej! jDioskal xanaboejim! ³⁰ Dios naexaxis-eli xabich nejchaxoel xaeliajwapoxan, naxoeliajwapoxanbej. Xamallax nej-ax Dios. Japon matabijt xamal wewe'poxanliajwa. ³¹ jXamal chiekal naexaxisfulde Dios puexa pejiw tato'laxaelpox! Jamsumlam wut, Dios chaxduiyaxael xamal wewe'poxan" —aech Jesús pejnachalaliajwa.

*Jesús naewhajanpox pejnachala ommaenkpox Diosxotse
(Mt 6.19–21)*

³² Do pejme Jesús jum-aech pejnachalaliajwa: “¡Xamal nabej nejlewle', kaeswápicam wut! Dios xamal nejxasink xot, makanot asamatkoi xamal duilaliajwam Diosxotse, jiw tato'laliajwambej jaxotse. ³³ ¡Nejew mowim! Mowam wut, ¡japaplata chaxduim xabich wewe'paspi! Jam wut, Dios xabich nejchachaemlaxael xamalliajwa. Dios isaxael-bej pachaempox xamalliajwa Diosxotse. Jaxotse pasaxil kethaka newew nosliajwa. Ajilaxaelbej itxaeyaxaeli. Jaxotsebej toepaxil nejew. ³⁴ Diosxotse, japon xamal chaxduiyaxael pachaempoxan. Samata, ¡nejchaxoelafulde pasliajwam japonxotse!” —aech Jesús pejnachalaliajwa.

Jesús pejwájaján naexasiti thilsfulaxaelpox wájajawesfulaliajwa Jesús pejpasax

³⁵ Jesús jum-aech pejme pasaxoekpoxliajwa: “Chalechkal xan pasaxoekan ampathatat. Xamal laelpampimfuk, ¡chiekal thilsfulde, wájajawesfulam wut tajpasax! ³⁶ Xamal matabijam. Kaen paklon fiesta poxaliajwade wut, to'apon pamak kawetaliajwa, japi wesfulaliajwa paklon pejba. Do jawux, paklon fiesta poxade. Do baxael, chalechkal paklon pa'an wut, bafafa daka wuton, kamta pamak wefafasaxaeson. ³⁷ Pamak naliasfulpoxtat pejpaklon pat wut, ja-aech wut, japi nejchachaemlaxael paklonliajwa. Diachwájajnakolax xan jum-an xamalliajwa. Paklon to'axaesi chalakaliajwa paklon pejmesaxot. Do jawux, paklon pajut naxaeyax chaxduiyaxael japi pamak xaeliajwa. ³⁸ Pinmadoitat, o, nalianax mox pawájajna wut, paklon pat wut, japahoratat pamak nakiowa naliasful wut, japi nejchachaemlaxael. ³⁹ ¡Matabijimbej jumchiyaxaelenpox! Bapijin matabijt wut kethakan pasaxaelhoratat japon wenatkowaliajwas, japon aton naliasfulaxael pejbatat, wájajawesfulaliajwabejpon kethakan. Ja-aech wut, kethakan natkowaxil japon pejbatat. ⁴⁰ ¡Xamallap-is ja-amsfulde, xan nawájajawesfulam wut! Xanbej, puexa jiw pakowkolnan, jachiyaxaelen. Chalechkal pasaxoekan, ampathatpijiw nawájajawesfula-el wut” —aech Jesús pejnachalaliajwa.

Paklon kolenjepox pamakan, kaen pachaem, asan chiekal chaema-el (Mt 24.45–51)

⁴¹ Pedro wájajnachaemt wut, jum-aechon Jesúsliajwa: —Tajpaklon, xam jum-ampox, wájaján, ¿japoxkat xanalkalliajwa, o, puexa jiwliajwabej? —aech Pedro, wájajnachaemt wut Jesús.

⁴² Jesús jum-aech Pedroliajwa: “Xan jumchiyaxaelen wájaján, kaen nabichan, pachaemponliajwa. Japon pomatkoicha chiekal nabist paklonliajwa. Babijax nejchaxoela-elon. Paklon ajil wut, japon chiekal tato'laful asew nabichow. Naxaeyaxanbej chiekal chaxduwbejpon pomatkoicha, me-ama paklon to'ason japox isliajwa. ⁴³ Paklon pat wut, taen wutbejpon nabichan chiekal nabistpox, ja-aech wut, japon nabichan xabich nejchachaemlaxael. ⁴⁴ Diachwájajnakolax xan jum-an. Paklon matabijt wut nabichan chiekal nabistpox japon pejwulela, ja-aech wut, paklon to'axaeson puexa paklon pejew tataeflaliajwa.

⁴⁵ “Pe nabichan chiekal nabich-el wut paklon pejwulela, japon nabichan nejchaxoelaxael: ‘Tajpaklon xabich pin-iamatkoixan pasaxil’ —chiyaxaelon, nejchaxoel wut. Samata, chiekal tataeflaxilon asew nabichow. Be'balaxaelon poejiw, watho'bej. Do jawux, tñadusaxaelon xaeliajwa, saxsliajwasbej. Jasox isfulaxaelon pomatkoicha. ⁴⁶ Ja-aech

wʉt, nejchaxoelaxilon paklon pasaxaelpox. Do jawʉt, chalechkal paklon pasaxael. Do jawʉtbej, nabichan xabich kastikaxaes. Jawʉx to'axaeson asew jiw poxade, Dios naexasis-eli poxade” —aech Jesús Pedroliajwa.

⁴⁷ Jesús pejme jum-aech pejnachalaliajwa: “Nabichan matabijt wʉt paklon to'asox isliajwa, pe is-el wʉton, ja-aech wʉt, nabichan xabich selsaxaes. ⁴⁸ Asew nabichow chiekal jummatabija-el wʉt paklon to'aspox, ja-aech wʉt, japi is paklon nejxasinka-elpox. Do ja-aech wʉt, japi kastikaxaes. Pe selsaxaes wʉt, xabich selsaxisal. Puexa paklochow chiekal isaxael pejbichaxan pachaempoxantat. Diosxotse wʉt, asamatkoi chapaeyaxaeli pejbichaxan ispoخانliajwa. Samata, kaes pejme pachaem isliajwa pejbichaxan pachaempoxantat, kastikalaliajwaspi Dios” —aech Jesús pejnachalaliajwa.

Jesús paskpox japon pijaxtat ampthatpijiw nadiajalialjwa
(Mt 10.34–36)

⁴⁹ Do pejme Jesús jum-aech pejnachalaliajwa: “Xan fuloekx ampthatasik puexa jiw babijaxan ispoخان wemosliajwan, xan tʉpx wʉt. Asew jiwxot xan nanaexasisaxael. Pe asew jiw xan nanaexasisaxil. Asamatkoi japi Dios xabich kastikaxaes. Tajnabijasax, tajtʉpaxbej, toep wʉt, jawʉt xan xabich nejchachaemlaxaelen. ⁵⁰ Xabich babejkolax, nabijasax, nawewe'pʉk japox xan naxapaejsliawa. Xan xabich nabijasaxaelen, naboesa wʉti. Samata, xabich nejchaxoelx tajpatʉpaxliajwa. ⁵¹ Nejchaxoelam wʉt, jnabej nejchaxoele': 'Jesús fuloek potʉajnjucha jiw chiekal kaenejchaxoelaxliajwa, chiekal duilaliajwabej nabe-elaxtat' —nabej aeche', nejchaxoelam wʉt! Xan pas-enil japoxliajwa. Xan tajaxtat xabich jiw kaenejchaxoelaxil. ⁵² Kaebatat cinco jiw duil wʉt, japixot kaenejchaxoelaxil. Tres xan nanaexasisaxael. Kolenje nanaexasisaxil. El wʉt, kolenje xan nanaexasisaxael. Tres nanaexasisaxil. ⁵³ Kaebaxot pax, paxʉlan sʉapich, kaenejchaxoelaxil xan tajaxtat. Japixot kaen xan nanaexasisaxil. Asan nanaexasisaxael. Pen, paxʉlow sʉapich, jachiyaxaelbej. Japixot kaeow xan nanaexasisaxil. Asaow nanaexasisaxael. Paem, pakala sʉapich, jachiyaxaelbej. Japixot kaeow xan nanaexasisaxil. Asaow nanaexasisaxael” —aech Jesús pejnachalaliajwa.

Dios ispoخان judíos chiekal matabija-el
(Mt 16.1–4; Mr 8.11–13)

⁵⁴ Jesús jum-aech jiwliajwa: “Amxot, Israel tʉajnjʉxot, itloejen fulaen wʉt juimt tujoplel, xamal japox taenam wʉt, jum-am: 'Amwʉt iam thilnaxael' —am xamal. Do jawʉx, japamatkoitat diachwʉajnakolax iam thilan, me-ama xamal jum-am. ⁵⁵ Surllel, wik wʉt, xamal jum-am: 'Amwʉt xabich masxaenkaxael' —am xamal. Do jawʉx, japamatkoitat diachwʉajnakolax xabich masxaenk, me-ama xamal jum-am. ⁵⁶ jXamal naekichachajbapijwam! Matabijam, xabich masxaenkaliajwa wʉt, iam thilnaliajwa wʉtbej. ¿Pe ma-aech xotkatlax xamal matabija-emil Dios ispoخان ampamatkoiyantat?” —aech Jesús jiwliajwa.

Jesús naewʉajanpox asanliajwa xatis babijax isas wʉt, kamta chaemsliajwas
(Mt 5.25–26)

⁵⁷ Do pejme Jesús jum-aech jiwliajwa: “Nejchaxoelam wʉt, jnajut chiekal nejchaxoelde isfulaliajwam pachaempoxan! ⁵⁸ Xamal isam wʉt babijax asan atonliajwa, japon aton xamal bʉ fol wʉt juez poxade xamal

kastikalijaw, ichiekal jum-amde bu'folponlijaw, chaemsliajwam japox babijax, japon aton suapich! iJa-amde juez kastikasamata xam! Jasox jachi-emil wut, xamal wiasaxaelon jiw jebatat jeliajwa. ⁵⁹ Xan chiekal jum-an. Xamal jiw jebatat jia wuti, xamal kamta nakolaximil. Jaxot nakolaximil, mos-emil wut babijax isampoxanlijaw. Xam mosaxaelam puxa dewatampoxan jaxot nakolalijawam” —aech Jesús jiwlijaw.

13

Jesús naewuajanpox jiw kofalijaw babijaxan isfulpoxan naexasisfulalijaw Dios

¹ Jiw patpi Jesúsxot, japi jum-aech Jesúslijaw:

—Galilea tuajnujijiw pat Jerusalén paklowaxxot. Japi choef xua'at Dios pejtemplobatat Dios chaxduiliajwapi ofrenda. Do jawut, Pilato to'a pejsoldaw japi jiw beliajwas. Baes wut, japi pejjal, choefjal suapich, matanialas —aechi Jesúsxot pati, chapaei wuti Jesús.

² Jesús jum-aech japi jiwlijaw:

—Xamal bej nejchaxoelambej: ‘Japi japox wejatis, kaes babijaxan is xot. Me-ama asew jiw pejtujnujijiw, jachi-el xoti’ —bej ambej, nejchaxoelam wut. ³ Xan jum-an: ‘Japi japox wejatis xamal najut kofalijawam babijaxan isfulampoxan. Kofa-emil wut, asamatkoi tupam wut, xamalbej Dios kastikaxael. Diosxotaximilbej’ —an xan. ⁴ Ba, xabich athupox, Torre de Siloé pawupox, chalechkal chajia jawal Jerusalén paklowaxxot. Japox jawal wut, dieciocho jiw matkaeyas. Xamal nejchaxoelam wut, bej jum-ambej matkaeyaspilijaw: ‘Japi japox wejatis, kaes babijaxan is xot. Me-ama asew jiw, Jerusalén paklowaxpijw, jachi-el xoti’ —bej ambej, nejchaxoelam wut. ⁵ Xan jum-an: ‘iEl! Japi jasox wejachi-esal. Xamallax kofa-emil wut babijaxan isfulampoxan, asamatkoi tupam wut, Dios xamalbej kastikaxael. Diosxotaximilbej’ —an xan —aech Jesús jiwlijaw.

Higonae naboeselepox pejwuajan

⁶ Jesús naewuajan wut jiw, higonaelijaw jum-aechon: “Kaen aton pejlul. Pejultutat higonae nuk, chajia muthtasnae. Lulpijin mox soepan japanae taelijaw, pabaech wut tuslijaw. Pe japanae baechjil. ⁷ Samata, lulpijin jum-aech pejlul wetataeflasponlijaw: ‘iTaem ampanae! Ampoxtat tres waechan fulaenxpo, pabaech wut tuslijawan. Pe chinax naboese-el. Samata, iplikde nae! iKaes nabej tapaetis ampanae sat it-elalijaw!’ —aech lulpijin. ⁸ Lul tataeflan jumnot wut, jum-aechon paklonlijaw: ‘Tajpaklon, ima ampawaechtattuk tapaem! Xan chabakasaeyaxaelen. Do jawut, abono chabakatholaxaelenbej. ⁹ Ja-an wut, japanae bej naboesaxaelbej asawaestat. Pe japawaestat naboese-el wut, do jawut, japanae liksaxaelen’ —aech lul tataeflan” —aech Jesús jiwlijaw.

Jesús boejthutpox napatamatkoitat kaeow pawis, jajulopow bu'xaeyaxtat

¹⁰ Asamatkoi, napatamatkoi wut, Jesús naewuajan judíos naewuajnabaxot. ¹¹ Japabaxot kaeow pawis ek, bu'xaenkpow. Pomatkoicha jajulwax chalaejapow. Chinax nadolsaxilow. Japow dieciocho waechan, ja-aech dep ketispoxtat. ¹² Jesús taen wut japow, lapon. Japow pat wut Jesúsxot, jum-aechon japowlijaw:

—Xam boejthutx bu'xaenkampox —aech Jesús.

¹³ Jesús ke-ot japow pejta'tat. Jawut japow chiekal nadolt. Kaes jajulwa-elow. Do jawut, japow jum-aechful Diosliajwa: “Dios, xam isam xabich pachaempox xanliajwa. Xam xabich pachaemam” —aechow Diosliajwa. ¹⁴ Jawut judíos naewhajnaba tataeflan palala Jesúsliajwa, Jesús boejthut xot japow napatamatkoitat. Samata, judíos naewhajnaba tataeflan jum-aech jiwliajwa:

—Kaesemana seis matkoiyan nabichliajwas. Japamatkoiyan wut, xamal fulaeyaxaelam ampaleldin. ¡Nabej fulae' napatamatkoi wut Jesús boejthutliajwa xamal! —aech judíos naewhajnaba tataeflan.

¹⁵ Do jawut, Jesús jum-aech judíos naewhajnaba tataeflanliajwa, a sew jiwliajwabej:

—¡Xamal naekichachajbapijwam! Chaemilam wut, me-ama pachaemam wut, pakabuan-am. Xamalbej najut nabistam napatamatkoitat. Xamal najut sitae-emil napatamatkoi. Nijan woei joltam buflaeliajwam japon woei min feliajwa. Woei-el wut, nijan bur joltam napatamatkoitat buflaeliajwam, japon bur min feliajwa. ¹⁶ Ampow, Abraham pamow, kaes pejme pachaem. Me-ama choefan, jachi-el. Dep ketispoxtat dieciocho waechan japow bu'xaenk. Samata, napatamatkoitat japow boejthutx —aech Jesús judíos naewhajnaba tataeflanliajwa, a sew jiwliajwabej.

¹⁷ Jesús japox jum-aech wut, Jesús padaelmajiw padala. Samata, asbuan jumch boejlach chalaki, padala xoti Jesúsliajwa. A sew judíoslax nejchachaemil, jumtaen wuti Jesús jum-aechpoxliajwa, taen wutbejpi koechax, Jesús ispox.

Mostazafut pejwajan

(Mt 13.31–32; Mr 4.30–32)

¹⁸ Jesús jum-aech: “Jumchiyaxaelen wajan xamal chiekal matabijaliajwam, achax kabuanchiyaxael, Dios puexa pejiw tato'laxael wut. ¹⁹ Dios puexa pejiw tato'laxaelpox, me-ama mostazafut, ja-aechox. Kaen aton muth japafut pejlultat. Kamta wenaboeltas. Chiekal weti'tasbejpon. Ti't wut, naeliso'. Samata, japadalantat mia is pejfenan tabu-owaliajwa” —aech Jesús. (Jasoxtat japi jiw naexasit Dios tato'alpox majt kaesapich. Kaesapich matkoiyan wut, kaes pejme xabichaxael jiw.)

Levadura pejwajan

(Mt 13.33)

²⁰ Do pejme Jesús jum-aech: “¿Masoxkat wajan chiekal pachaem xamal naewhajnaliajwan, matabijaliajwambej Dios tato'alpox puexa pejiw? ²¹ Dios puexa pejiw tato'laxaelpox me-ama levadura pan isas wut, jachiyaxael japox. Kaeow pawis pan is wut, taniaala tres taso trigobelan, levadura sapich. Do jawux, cha-etfuk posapa puthlaliajwa levaduratat kaes pinasapaliajwa” —aech Jesús. (Jachiyaxaelbej, asamatkoi Dios puexa pejiw tato'laxael wut. Pothata jiw xabich xajuraxael.)

A sew jiwliajwa xabich tampoelpox, japi naexasisliajwa Dios

(Mt 7.13–14, 21–23)

²² Jesús Jerusalén paklowax poxade wut, asapaklowaxanxot, tuajnuachanxotbej, jiw naewhajnafulon. ²³ Do jawut, kaen aton wahnachaehtas wut, jumtispon:

—Tajpaklon, ¿diachwahnakolaxkat Dios kaesapich jiw bu'weyaxael? —tispon.

Jesús jumnot wut, jum-aechon:

²⁴ —Diosxotse pasliajwa, me-ama cha-aelaxach laleyax, ja-aechox. Xabich jiw nejxasink pajut pasliajwa. Pe jiw pajut pijaxtat pasaxil. ²⁵ Bapijin ba faka't wut, xamal namaeyaxaelam tathoetat. Lam wut, jumchiyaxaelam: 'Tajpaklon, iba fafa'e xanal leliajwan!' —chiyaxaelam bapijin. Pe japon jumno'an wut, jumchiyaxaelon xamalliajwa: 'Xan matabijs-enil xamal. ¿Amxotpijwamkat xamal?' —chiyaxaelon bapijin. ²⁶ Xamal jumchiyaxaelam: 'Xanallape, xam sʉapich, kaeyaxtat naxaelaxpin, afxpinbej. Tajpaklowaxxot xam naewuajnamponam' —chiyaxaelam. ²⁷ Bapijin pejme xamal jumnosaxaelon: 'Xamal matabijs-enil. Matabijs-enilbej amxotpijwam. Xamal babejchowam. ¡Chijiamde!' —chiyaxaelon. ²⁸ Xamal tuaj taeyaxaelam Abraham, Isaac, Jacob sʉapich, puxa asew profetasbej. Japi Diosxotse amwutjel duil. Pe xamal pelsaxaelon infierno poxadik. Jaxotdik xamal xabich noeyaxaelam. Bu'tatisaxaelambej, xabich nabijasaxaelam xot. ²⁹ Xabich jiw, potuajnuchanpijiw, pasaxael Diosxotse. Japi jiw chalakaxael Diosxot. Naxaeyaxaelbejpi. ³⁰ Jiw amwutjel kaes paklochowpi, japi Diosxotse paklochowaxil. Asew amwutjel paklochowa-elpi, japi kaes paklochowaxael Diosxotse —aech Jesús aton, wuajnachaeamtasponliajwa.

*Jesús xabich nejxaejwaspox Jerusalén paklowaxpijiwliajwa
(Mt 23.37–39)*

³¹ Jesús buxtoet wut wuajnachaeamtasponliajwa, jawut kaesʉapich jaxot fariseos pat, Jesúsxot. Do jawut, fariseos jum-aech Jesúsliajwa:

—¡Ma amxot xam asalel chijiamde, rey Herodes fulaeyaxaelon xot xam boesaliajwa! —aech fariseos Jesúsliajwa.

³² Jesús jumnot wut, jum-aechon:

—¡Xamal xabu'a'de Herodes poxade! Japon aton, me-ama lam wut, ja-aechon, jiw tabejsan xot. ¡Chapaempon xan isfulaxpoxan, nanuamtax wut! ¡Jum-amopon, chapaeyam wut: 'Jesús jum-aech: "Amwutjel, kandiawabej, to'axaelen dep nakolaliajwa, jiw pejmatpuatanxot webaespi. Bu'xaenkpiwej boejthʉsaxaelen. Asakandiawa wut, toesaxaelen tajbichax' —aech Jesús' —amo Herodes! ³³ Amwut fulaeyaxaelon Jerusalén paklowax poxade. Jaxotat pasaxaelon Jerusalén paklowax, jaxotde naboesaliajwapi, Dios pejprofetas jibaes xot Jerusalén paklowaxxot —aech Jesús fariseosliajwa.

³⁴ Jesús xabich nejxaejwas, nejchaxoel wut Jerusalén paklowaxpijiwliajwa. Samata, jum-aechon: "Xamal Jerusalén paklowaxpijwam, Dios pejprofetas pabam. Asew profetasbej ia'tat dadapam, Dios buxto'aspi xamal naewuajnalialiajwa. Me-ama kawaema paxi tameja pejba'buxfaltat, xan jachisian xamal bu'welialjwan. Pe xamal xan nanejwesla. ³⁵ ¡Chiekal najumtaem! Nejpaklowaxxotaxil Dios. Kaes kajachawaesfulaxilbejpon xamal. Piach nataeyaximil. Xan pejme patx wut, jawut xamal jumchiyaxaelam xanliajwa: 'Dios nej kajachawaesas fulaenpon Dios pijaxtat' —chiyaxaelam, pejme nataeyaxaelam wut" —aech Jesús, nejxaejwas wut Jerusalén paklowaxpijiwliajwa.

14

Jesús boejthʉtpox xabich bu'puthalpon

¹ Napatamatkoi wut, Jesús fulaech xaeliajwa kaen fariseospaklon pejba poxade. Jaxotdebej asew fariseos, japi Jesús padaelmajiw. Japi tataeful Jesús taeliajwapi, Jesús is wut babijax. ² Do jaxotde wut, kaen aton, pobu'ta xabich bu'puthalpon, japon nuk Jesús pejwujnalel. ³ Do jawut, Jesús wujajnaemt judíos chanaekabuanapi, fariseosbej. Jum-aechon:

—¿Naktapaekit bu'xaeyan boejthusliajwas napatamatkoitat? O, ¿jalkat? —aech Jesús japiajwa.

⁴ Japi jumnos-el. Do jawut, Jesús bu'xaeyan muaxfit wut, Jesús chiekal boejthut bu'xaeyan. Do jawux, Jesús to'a japon nawiasliajwa pejba poxade. ⁵ Do jawut, Jesús jum-aech fariseosliajwa:

—Naxulan jop wut muthadik napatamatkoitat, o, nijan woei jop wutbej napatamatkoitat, xamal jusaxaelampon. ¿Diachwujnakolaxkat japox? —aech Jesús.

⁶ Japi wejisal jumnosliajwapi Jesús. Asbuan jumch boejlach chalaki.

Jesús naewuajanpox fariseos chalakasamata tua-ekaxan, kaes pachaempoxantat

⁷ Fariseospaklon pejbatat wut, Jesús taen, asew fariseos chalak wut tua-ekaxan, kaes paklochowpiliajwapi chalak wuti. Jesús japox taen wut, jum-aechon japi fariseosliajwa japoxan kofaliajwapi. Jesús naewuajan wut, jum-aechon japiajwa:

⁸ —Kaen aton xamal tadut wut nakjiyafiesta poxade, jaxotde xeliajwam, inabej chalake' paklochow chalakaxaelpoxantat! Ja-am wut, asew bej pasaxaelbej taduchpi, japi kaes paklochowpi. Japi, me-ama xamal, jachi-eli. ⁹ Ja-aech wut, xamal tadutpon pasaxael xamalxot jumchiliajwa: '¡Ampatua-ekaxanxot xamal nanim, asew chalakaliajwa!' —chiyaxaelon xamalliajwa. Japatua-ekaxanxot xamal nanam wut, nanaxaelam xabich nadalaxtat. ¹⁰ Kaes pachaem xamal chalakaliajwam taxdukatua-ekaxantat, tadut wuti xamal xaeliajwam, fiestamatkoi wut. Do jawut, xamal tadutpon xamalxot pat wut, jumchiyaxaelon: '¡Amxot xamal nanim! ¡Chalakde kaes paklochow chalakpoxantat!' —chiyaxaelon xamalliajwa. Do jawut, xamal chalakaxaelam japatua-ekaxantat. Jaxot chalakam wut, puexa jiw, chalaki mesaxot, japox taeyaxael. Ja-aech wut, xamal kaes sitaeyaxael jiw. ¹¹ Nejmach-aton nejchaxoel wut pajutliajwa, nejchaxoelon ampo: 'Xan kaes pejme pachaeman. Me-ama asew jiw, jachi-enil' —aech wuton pajutliajwa, japon aton Dios jumchiyaxaes: 'Xam kaes pejme pachaema-emil' —chiyaxaeson. Asan atonlax nejchaxoel wut pajutliajwa: 'Xan pejme kaes pachaema-enil. Me-ama asew jiw, jachi-enil' —aech wuton pajutliajwa, asamatkoi japon aton jumchiyaxaes Dios: 'Xam kaes pejme pachaemam' —chiyaxaeson Dios —aech Jesús fariseosliajwa.

¹² Do jawutbej, Jesús jum-aech fariseospaklonliajwa, japon taduchpon Jesús:

—Xam asew jiw tadutam wut xaeliajwapi nejbatat, matnochpijax, o, kaliaxpijax, inabej tadus xam matabijtampikal! ¡Nabej tadusbej nejnachala, nakoew, nejjiwbej, kemaeyabej, mox duilibej nejbaxot, asamatkoi japi xam tadusaxael xot xaeliajwam japi pejbatat! Jachiyaxaelam wut, xamal, me-ama xanafokam, xam matxoelatadutpi, japi xam tadutam wut xaeliajwa nejbatat. ¹³ Xam fiesta isam wut, itadu'elax kejila, laelpaxilpibej, nabejkabej, itliaklabej! ¹⁴ Jasox isam wut, xam

xabich nejchachaemlaxaelam, japi tadusaxil xot xam xanafonaliajwa tadutampoxliajwa. Jiw, pachaempi Dios pijaxtat, mata-eyamatkoi wut jiw pejme duilaliajwa, jawut Dios xam mosaxael japafiestaliajwa —aech Jesús taduchponliajwa.

Aton pinjiyax fiesta is wut, xabich jiw tadutpox

(Mt 22.1–10)

¹⁵ Kaen aton japixot jumtaen wut Jesús jum-aechpox, japon jum-aech Jesúsliajwa:

—Jiw xabich nejchachaemlaxael, Dios pejfiestaxot xael wuti Diosxotse —aech japon aton Jesúsliajwa.

¹⁶ Do jawut, Jesús wuajantat jumnot wut, jum-aechon:

—Kaen aton pamakjiw keto'a pinjiyax fiesta isliajwa. Do jawux, asan pamakan to'apon xabich jiw tadusliajwa. ¹⁷ Jawut, naxaeyaxan chiekal isax ketoet wut, pamakan pejme to'apon jiw jumchiliajwa: '¡Xabua't, puexa chiekal toetx xotlis!' —chiliajwapon jiw. Do jawut, fulaechon japox jumchiliajwa. ¹⁸ Pe tadutaspixot chinax kaen pas-el. Puexa kaenanula jumxato'a wut, jum-aechi, ma-aech xot fulaeyaxili. Kaen japixot jumxato'a wut, jum-aechon: 'Amwutjel xan sat wuajtax. Samata, xan japoxade fulaeyaxaechan japasat taeliajwan. ¡Nabej nalale' xanliajwa, fulaeyaxinil xot nejfiesta poxade!' —aechon, jumxato'a wut fiestapijinliajwa. ¹⁹ Asanbej jum-aech, jumxato'a wut: 'Xan diez woei wuajtax. Xan japi xapaejaxaelen. ¡Nabej nalale' xanliajwa, fulaeyaxinil xot nejfiesta poxade!' —aechon, jumxato'a wuton fiestapijinliajwa.

²⁰ Asanbej jum-aech, jumxato'a wut: 'Xan amwutjel nakjiyax. Samata, xan fulaeyaxinil' —aechon, jumxato'a wut fiestapijinliajwa. ²¹ Pamakan to'aspon kaxa nawia'an wut, puexa chapaeipon pejpaklonxot. Do jawut, pejpaklon xabich palala. Jum-aechon pamakanliajwa: '¡Xabua'de bichakal paklowax poxade! ¡Jaxotde paklowaxthialaxanxot wulwekde jiw tadusliajwam kejila, laelpaxilpi, itliakla, nabejkabej! ¡Japi jiw buflaeman amxot xaeliajwapi!' —aech fiestapijin pamakanliajwa.

²² Dolisdo', pamakan japox is. Jawut jum-aechon pejpaklonliajwa: 'Tajpaklon, isxlis nato'ampox. We'pfuk jiw xajupaliajwa puexa tuaekaxan' —aechon pejpaklonliajwa. ²³ Do jawut, paklon pejme jum-aech pamakanliajwa: '¡Xabua'de! ¡Jiw pejme wulwekde nuamantat, luluamantatbej! Jiw tadutam wut, ¡jumbisnikde japi fulaeliajwadin tajba poxadin, tajba chiekal wulukaliajwapi! ²⁴ Diachwuajnakolax xan jum-an. Matxoelatadutxpi, chinax kaen japixot tajfiesta nakxaeyaxil' —aech fiestapijin —aech Jesús, ampawuajan naewuajan wut.

Jesús to'apox jiw nakfulaesiapi japon, majt japi chiekal nejchaxoelaliajwa

(Mt 10.37–38)

²⁵ Jesús xabich jiw fulafos wut, kaxa natachaemdik wut, jum-aechon japi jiwliajwa: ²⁶ "Nejmach-aton fulaen wut xanlel tajnachalanliajwa, japon xan nanejxasinkaxael. Me-ama pax nejxasink wut, penbej, pijowbej, paxibej, pakoewbej, jachiyaxaelon, xan kaes nanejxasink wut japon aton. Me-ama pajut nanejxasink wut, jachiyaxaelbejpon xanliajwa. ²⁷ Nejxasinka-elpi xan tajaxtat nabijasliajwa, japi jiw tajnachalwaxil.

²⁸ "Kaen aton xamalxot ba isliajwa wut, xabich athpox, japon majt chiekal nejchaxoelaxael, machiyaxaelon isliajwa japaba. Nejchaxoel

wut, jumchiyaxaelon: ‘¿Xankat tajplatatat xajupaxaelen, ampaba isx wut chiekal toesliajwan?’ —chiyaxaelon, nejchaxoel wut. ²⁹ Japon aton majt chiekal nejchaxoela-el wut ba isliajwa, ba isax taadut wut, pejlata wexajupa-esal wut, japon aton pejba chiekal toesaxil. Ja-aech wut, jiw bu’wujajnapaeyaxaeson. Xafafolaxaesbejpon jiw, pejba chiekal toes-el xoton. ³⁰ Japi jiw jumchiyaxael: ‘Japon aton taadut ba isliajwa. Pe nakiowa, wexajupa-esal pejew plata pejba chiekal toesliajwa’ —chiyaxaeson jiw. ³¹ Rey nabeliajwa wut, asatwajnapijiw swapich, japon rey majt chiekal nejchaxoelaxael, machiyaxaelon. Nejchaxoel wut, jumchiyaxaelon: ‘Xan tajsoldaw asbuan jumch diez mil. Tadaelman veinte mil soldaw. ¿Xankat, tajsoldaw swapich, malechaxaelen nachakifulaeyaxaenpi?’ —chiyaxael rey, nejchaxoel wut. ³² Dolisdo’, rey chiekal matabijt wut, jumchiyaxaelon: ‘Xan malechaxinil tadaelman’ —chiyaxael rey, nejchaxoel wut. Ja-aech wut, rey jumxato’axael wujaj xananampitat, japox wujaj wechaemsliajwas, padaelman atwaj wutfuk. ³³ ¡Xamalbej majt chiekal nejchaxoelde, tajnachalwasiam wut! Nejew puexa waela-emil wut, ja-aech wut, tajnachalwaximil’ —aech Jesús nakfalaesipiliajwa.

Jesús pejnachala ampathatat, me-ama dom pachaempox wut, ja-aechi (Mt 5.13; Mr 9.50)

³⁴ Do pejme Jesús jum-aech pejnachalaliajwa, xabich asew jiwliajwabej: “Dom xakuenk wut, pachaem. Dom xakuenka-el wut, chaemil. Pejmeliajwa pachaemaxil. ³⁵ Abonoliajwabej chaemil. Ja-aech wut, asbuan jumch pachaem thokchaliajwa. Xamal Dios pejnechaxoelax matabijasiam wut, ¡chiekal naewe’e xan jum-anpoxan!” —aech Jesús.

15

Ovejas tataefalpon faenpox pijan oveja, wenafo’aspon (Mt 18.10–14)

¹ Impuesto mat-omwuljoew gobiernoliajwa, asew jiw, babijaxan ispibej, japi pat Jesúsxot jumtaeliajwa Jesús naewujajnapox. ² Fariseos, judíos chanaekabuanapibej, japi taen, asew jiw pat wut Jesúsxot. Jawut japi jum-aech babejjamechan Jesúsliajwa. Nakaewa najum-aechi:

—Jesús bu’kula jiw babejchow. Japi swapich, xaelbejpon —aechi Jesúsliajwa.

³ Samata, Jesús japox jumtaen wut, jum-aechon ampawujaj fariseosliajwa, judíos chanaekabuanapiliajwabej: ⁴ “Xamalxot kaen aton cien ovejas wut, kaen oveja wenafo’as wuton, asew noventa y nueve ovejas waelaxaelon jalwekaliajwa wenafo’aspon. ⁵ Do faen wuton oveja, wenafo’aspon, xabich nejchachaemlaxaelon. Taka-osfulaxaenon oveja wenafo’aspon. ⁶ Dolison, ba pat wut, laeyaxaelon pejnachala, mox duilibej, chapaeliajwa wenafo’asponliajwa. Jawut jumchiyaxaelon: ‘¡Nejchachaemilde, xan swapich, xan pejme faenx xot tajan oveja, nawenafo’apon!’ —chiyaxaelon pejnachalaliajwa. ⁷ Diachwujajnakolax xan jum-an. Jachiyaxaelbej, Dios pej-ángeles nejchachaemil wuti Diosxotse, kaen aton koft wut babijaxan ispoxan ampathatat, japon naexasifaluliajwa Dios. Dios pej-ángeles kaes pejme nejchachaemlaxael japon atonliajwa. Me-ama noventa y nueve jiw, pachaempiliajwa, Dios pej-ángeles nejchachaemil wut, jachiyaxili, japon atonliajwa” —aech Jesús fariseosliajwa, judíos chanaekabuanapiliajwabej.

Pawis faenpox pejkafeſ, japox pejwɥajan

⁸ Jesús naewɥajan asawɥajan fariseosliajwa, judíos chanaekabɥanapiliajwabej. Jɥm-aechon: “Pawis diez kafefachan wɥt, kaekafef wenafo'as wɥtow, japow tamdusaxael lámpara japa-itliakaxtat batu athoesliajwa chiekal jalwekaliajwa pejkafeſ. ⁹ Dolisow, faen wɥt, laeyaxaelow pejnachala, mox duilibej, chapaeliajwa. Do jawɥt, jɥmchiyaxaelow: ‘¡Nejchachaemilde, xan sɥapich, pejme faenx xot tajkafeſ, nawenafo'a wɥt!’ —chiyaxaelow. ¹⁰ Diachwɥajnakolax xan jɥm-an. Jachiyaxaellap-is Dios pej-ángeles, nejchachaemil wɥt, kaen aton koft wɥt babijaxan ispoxan japon naexasisfɥlaliajwa Dios” —aech Jesús fariseosliajwa, judíos chanaekabɥanapiliajwabej.

Pax beltaenpox paxɥlan, japox pejwɥajan

¹¹ Jesús naewɥajan asawɥajan, fariseosliajwa, judíos chanaekabɥanapiliajwabej. Jɥm-aechon: “Kaen aton kolenje paxɥlan. ¹² Wɥchakalpijin jɥm-aech paxliajwa: ‘Ax, ¡amalis xan nachaxdu'e tejwaxaelpi!’ —aech wɥchakalpijin. Do jawɥt, pax diajan wɥchakalpijin pejewpi. ¹³ Jawɥx, kaematkoi sɥapich wɥt, wɥchakalpijin puexa pejew mowa. Japaplata xafolon, chijia wɥt atɥaj, asatɥajɥlel. Jaxotde babijaxan isfɥldepon. Jasoxtat puexa pejew, plata, chiekal xatoeton. ¹⁴ Puexa pejew plata chiekal xatoet wɥt, japamatkoijan piach naxaeyaxan ajil japatɥajɥxot, xabich piach iam thilna-el xot. Samata, japon litaxaelafɥl. ¹⁵ Do jawɥt, fɥlaechon japatɥajɥpijin bichax wɥljoeliajwa. Bichax faen wɥt, paklon to'ason maran tataeflax, chaxajialspi. ¹⁶ Do jawɥt, japon aton maran xaelpoxan, japonbej xaesia, xabich litaxaela xoton. Pe chinax chaxdus-esal japon xaeliajwa maran xaelpoxan. ¹⁷ Do jawɥt, japon pajut chiekal nejchaxoel wɥt, jɥm-aechon: ‘Pomatkoicha taj-ax pejbaxot xabich naxaeyaxan pamakjiw chaxduiliajwa. Taj-axxot naxaeyaxan nama. Xanlax amxot tajlit tɥpaxaelen’ —aechon, nejchaxoel wɥt. ¹⁸ Do jawɥt, japon nejchaxoel wɥt, jɥm-aechon: ‘Xan nawoesa nawiasaxaelen taj-ax poxade. Patx wɥt taj-axxot, xan jɥmchiyaxaelen: “Ax, xan xabich babijaxan isx Diosliajwa, xamliajwabej. ¹⁹ Xan babejnan. Samata, xan tadala kaes naxɥlnan napaeliajwam. Me-ama namakan tato'lam wɥt, ¡ja-amde xanliajwa!” —chiyaxaelen, taj-axxot patx wɥt’ —aechon, nejchaxoel wɥt. ²⁰ Dolison, japox nejchaxoel wɥt, chijialison pax poxade nawiasliajwa.

“Do baxael, atɥaxach fɥlaen wɥtlejen, pax taenson. Jawɥt pax xabich beltaen paxɥlan. Do jawɥt, najae'epon paxɥlan bu'kakɥlnaliajwa. Jawɥt wɥjaelton paxɥlan. Wɥjaelt wɥt, xusuwpon paxɥlan. ²¹ Jawɥt paxɥlan jɥm-aech paxliajwa: ‘Ax, xan xabich babijaxan isx Diosliajwa, xamliajwabej. Xan babejnan. Tadala kaes naxɥlnan napaeliajwam’ —aech paxɥlan paxliajwa. ²² Pe jawɥt, pax jɥm-aech, pamakjiw to'a wɥt: ‘¡Xabɥa'de! ¡Wɥljae'e naxoelax kaes chamoeyaxpox! ¡Xajoembejpon! ¡Anillo kothiyaxajoeldebejpon! ¡Tɥakxajoeldebejpon tɥakxajoelax! ²³ Do jawɥx, ¡bɥflaeman pak jelti'san, kaes dalpon! ¡Japon xɥa'alde! Amwɥt fiesta isaxaes xaeliajwas. ²⁴ Taxɥlanliajwa nejchaxoelx wɥt, jɥm-an: “Diachwɥajnakolax taxɥlan asatɥajɥtat bej nawetɥpbej” —an, nejchaxoelx wɥt. Pe laejapon. Nejchaxoelxbej: “Bej nafa'abejpon” —an,

nejchaxoelx wut. Pe nawepaton' —aech pax pamakjiwliajwa. Do jawux, fiesta isax tʉadutlisi.

²⁵ “Pakoewan pat wut pax pejbatat, matxoelapijin lultat nabistpon. Pejbachax kekofit wut, ba mox itwefulaen wut, thiataenpon jajuiyax. Thiataenbejpon nababoelax. ²⁶ Jawut matxoelapijin lapon pamakan. Wuajnachaeamt wut, jum-aechon: ‘¿Ma-aech xotkat amwutjel fiesta isam?’ —aechon. ²⁷ Pamakan jumnot wut, jum-aechon: ‘Nakoewan pat. Samata, nej-ax xanal naketo'a pak jelti'san, kaes dalpon, xua'laliajwan' —aech pamakan. ²⁸ Matxoelapijin japox jumtaen wut, xabich palalapon. Palala xot, ba le-elon. Samata, pax nakolde. Paxulan leyax to'aliajwa. ²⁹ Matxoelapijin jum-aech paxliajwa: ‘Xabich pin-iawaechan xam tanbistax. Chinax owchila-ela-enil, nato'am wut. Xanlax chinax kaen cabra, jelti'san, nachaxdus-emil, xan fiesta isliajwan, tajnachala suapich. ³⁰ Amwutjel naxulan pat, nejew plata xatoetpon watho'tat, poejiw bu'moejtpitat plata kanaliajwa. Japonliajwalax xam fiesta isam. Japonliajwabej namakjiw keto'am pak jelti'san xua'laliajwa, kaes dalpon' —aech matxoelapijin paxliajwa.

³¹ “Pax jumnot wut, jum-aechon paxulanliajwa: ‘Wua, xam pomatkoicha xanxotam. Puexa xan tejewpi, japoxan xam nejwaxael. ³² Amwutjel pachaem fiesta isliajwas, puexa nejchachaemlaliajwas. Nakoewanliajwa nejchaxoelx wut, jum-an: “Diachwujnakolax asatʉajnutat taxulan bej nawetapbej” —an, nejchaxoelx wut. Pe lae-japon. Nejchaxoelx wut, jum-anbej: “Bej nafu'abejpon” —an, nejchaxoelx wut. Pe nawepaton amwutjel' —aech pax matxoelapijinliajwa” —aech Jesús fariseosliajwa, judíos chanaekabuapiliajwabej.

16

Pamakan maliach xatoesfulpox paklon pejew, japox pejwujajan

¹ Jesús naewuajan wut pejnachala, asawuajantat jum-aechon: “Kaen paklon xabich kemaenk. Japon paklon kaen pamakan, puexa wetataeflaspon. Pe pamakan maliach wexatoesful paklon pejew plata. Do ja-aech wut, asew jiw maliach chapaeipi paklonxot, pamakan maliach wexatoesfulpox pejpaklon. ² Samata, paklon pamakan la wut, jum-aechon: ‘Xampil tejew maliach nawexatoesfulam. ¡Xalaeman cuenta lelamfut, pomatkoicha tejew mowam wut, wujtam wutbej xanliajwa! Ma amwut xam kaes puexa tejew nawetataeflaximil' —aech paklon pamakanliajwa. ³ Do jawut, japon, paklon pamakan, nejchaxoel wut, jum-aechon: ‘¿Xan machiyaxaelenkat amwut? Tajpaklon najusaxael tajbichaxxot. Xan mamnika-enil sat nabichliajwan. Xan tadalabej asew jiw malech plata wuljoeliajwan. ⁴ ¡Aa, xan matabijtax isaxaelenpox! Japox isx wut, nabich-enil wut tajpaklonliajwa, asew jiw pejbaxot patx wut, chiekal nabu'kulaxaeli' —aech pamakan, nejchaxoel wut. ⁵ Do jawux, japon kaenanula wullala pejpaklon dewati japi fulaeliajwadin. Wullala wut, matxoelapatponliajwa jum-aechon: ‘¿Massuapichkat xam dewatam tajpaklon?’ —aechon matxoelapatponliajwa. ⁶ Matxoelapatpon jum-aech: ‘Xan dewatax nejpaklon ochocientos galones olivosiminan' —aech matxoelapatpon. Do jawut, jusaxaespon pejpaklon pejbichaxxot, japon jum-aech: ‘Ama pelfut majt xam lelampox jasupich dewatampox. ¡Asafutat lelde dewatampox asbuwan jumch cuatrocientos galones olivosiminan!' —aech jusaxaespon. Jawut dewatpon japox is. ⁷ Do

jawux, asan pat wut, jusaxaespon pejpaklon, japon jum-aech patponliajwa: ‘¿Massapichkat xam dewatam tajpaklon?’ —aech jusaxaespon. Dewatpon jumnot wut, jum-aechon: ‘Xan dewatax nejpaklon cien trigobulan’ —aech dewatpon. Jusaxaespon pejpaklon jum-aech: ‘Ama pelfat majt xam lelampox jasapich dewatampox. ¡Asafutat lelde dewatampox asbuan jumch ochenta trigobulan!’ —aech jusaxaespon pejpaklon. Do jawut, dewatpon japox is. Jasox isful pejpaklon jusaxaespon asew jiwliajwabej, dewatpiliajwa japon pejpaklon. ⁸ Do japox isax ketoet wut, jusaxaespon pejpaklon xalaechon japi pel-uaf pejpaklon chaxdusliajwa. Do jawut, paklon matabijt wut japox ispoxliajwa, jum-aechon pamakanliajwa, chijiyaxaelponliajwa: ‘Xam babijax isam xanliajwa, xabich matabijtam xot. Japox isam asamatkoi xamliajwa pachaemaliajwa’ —aech paklon pamakan chijiyaxaelponliajwa. Dios naexasis-eli, kaes pejme matabija wuajsliajwa, mowaliajwabej. Me-ama Dios naexasiti, jachi-eli” —aech Jesús pejnachalaliajwa.

⁹ Do pejme Jesús jum-aech pejnachalaliajwa: “Diachwuajnakolax xan jum-an. ¡Nejplatat, nejewtatbej, asew jiw kajachawae’e ampathat, japi nabist wut Dios pejbichaxan! Japoxan xatoetam wut, asamatkoi, xamal tupam wutbej, Diosxotse xamal chiekal bu’kulaxaeli” —aech Jesús pejnachalaliajwa.

¹⁰ Do pejme Jesús jum-aech pejnachalaliajwa: “Aton asan pejew chiekal tataeflaful wut, kaeyaxachpoxan, chinax maliach xatoes-el wuton, japon aton xajup asan pejew chiekal tataeflaliajwa, xabich wutbej. Asan chiekal tataefla-el wut asan pejew, kaeyaxachpoxan, japon xajupaxilbej asan pejew chiekal tataeflaliajwa, xabich wut asan pejew. ¹¹ Xamal xajupa-emil wut chiekal tataeflaliajwam asan pejew plata, jam wut, Dios to’axil xamal tataeflaliajwam xabich kaes ommaenkpi, Dios pijaxan. ¹² Xamal xajupa-emil wut chiekal tataeflaliajwam asan pejew, ja-am wut, chinax kaen aton xam chaxdusaxil nejewkolaliajwa” —aech Jesús pejnachalaliajwa.

¹³ Do pejme Jesús jum-aech pejnachalaliajwa: “Pamakan, kolenje wut paklon, japiajwa chiekal najupatanbichaxilon. Kaen paklonliajwa chiekal tanbichaxaelon. Asan paklonliajwa chiekal nabichaxilon. Ja-aechlap-is Dios nejxasinkpi. Japi nejchaxoel wut platakai, chiekal nabichaxili Diosliajwa” —aech Jesús, naewuajan wut pejnachala.

¹⁴ Fariseos, japi xabich nejxasink plata, japi jumtaen Jesús, jum-aech wut pejnachalaliajwa. Samata, japi bu’wuajanpaeipi Jesús. ¹⁵ Do jawut, Jesús jum-aech fariseosliajwa: “Jiw jum-aech wut xamalliajwa: ‘Fariseos xabich pachaem’ —aech wuti, xamal xabich nejxasinkam japoxliajwa. Pelax Dios chiekal matabijt, xamal nejnejchaxoelaxan chiekal pachaema-elpox. Jiwliajwa pachaempox, japoxlax Diosliajwa chaemil” —aech Jesús fariseosliajwa.

Amxot jum-aechpox Moisés chajia lelpoxliajwa, Dios puexa pejiw tato’laxaelpoxliajwabej

¹⁶ Jesús pejme jum-aech fariseosliajwa: “Juan, jiw bautisan, pas-el wutfak, jiw naewuajnas Moisés chajia lelpox, japox jiw naexasisfulaliajwa. Japi jiw naewuajnasbej profetas chajia lelpox. Do jawux, Juan, jiw bautisan, pat wut, japon naewuajan chimiawuajan. Xan patx wutbej, naewuajna ximiawuajan, Dios puexa pejiw

tato'laxaelpoxliajwa. Samata, amwütjel puexa jiw xabich pasasia Diosxotse" —aech Jesús fariseosliajwa.

¹⁷ Jesús pejme jum-aech fariseosliajwa: "Ampathat, thatbaxobej, japoxan xabich tampoel toepaliajwa. Pe kaes pejme xabich tampoel toepaliajwa Moisés chajia lelpox, Dios pejjamechan xot. Puexa Moisés chajia lelpox, diachwüajnakolax puexa japoxan jachiyaxael" —aech Jesús fariseosliajwa.

Jesús naewüajanpox poejiw pelsasamata pejwatho'
(Mt 19.1–12; Mr 10.1–12)

¹⁸ Jesús pejme jum-aech fariseosliajwa: "Aton pijow fo'a wüt, fit wüton asaow, japon aton babijax is Diosliajwa, bu'moejt xot asaow pawis, pijwa-elpow. Dios nejchaxoelafül japon aton matxoelafitpowliajwa, japon aton nakiowa pijowfuk. Kaen aton, fo'aspow fit wüt, japon aton babijax is Diosliajwa, japowfuk nakiowa pamal xot Diosliajwa" —aech Jesús fariseosliajwa.

Jesús naksiyapox kemaeyanliajwa, Lázaroliajwabej

¹⁹ Jesús naewüajan wüt, ampawüajan jum-aechon fariseosliajwa: "Kaen aton xabich kemaenk. Pomatkoicha naxoeipon chimia. Pomatkoichabej fiesta ispon pejbatat. Kemaeyan chimianaxaeyaxan pejjiw bu'xael. ²⁰ Jaxotbej kejilan, nabijatpon. Japon pawul Lázaro. Japon pobu'ta xabich sa'las. Pomatkoicha satat ekon kemaeyan pejbafafaxot. ²¹ Lázaro xaesia natacholanpi kemaeyan pejmesaxot. Pomatkoicha wur fulalaena Lázaro bu'daeliajwas sa'la-itfachan. ²² Do asamatkoi wüt, Lázaro tıp. Japon Dios pej-ángeles bu'fos patupa papatxotse, Abrahamxotaliajwabejpon. Do jawux, asamatkoi, kemaeyan tıppej. Japon mühtas.

²³ "Kemaeyan tıp wüt, patupa papatxotbej japon pat, kastikaxaes xoton. Jaxotdik kemaeyan xabich nabijat. Kemaeyan natachaemse wüt, taenpon atüaj Abraham. Taenbejpon Lázaro, Abraham süapich, wüt. ²⁴ Samata, kemaeyan pinjаметat jum-aech Abrahamliajwa: 'Am Abraham, jıan nabeltaem, xabich nabijatax xot jitat! ¡Lázaro to'im min kothiyaxathosliajwa, xanle fulaeliajwasik, nakaech-ia'thusliajwa!' —aech kemaeyan. ²⁵ Abraham jumnot wüt, jum-aechon: 'Tamon, jıam chiekal nejchaxoelde! Xam laejam wüt thatat, xabich nejmach nejew. Lázarolax laeja wüt thatat, japon xabich nabijat, kejil wüt. Pe amwütjel, japon xabich pachaem amxot. Xamlax amwütjel nabijatam. ²⁶ Lázaro fulaeyaxil xam poxadik, chüat xabich athü xot, matnoch nukjik xotox. Samata, xambej ampalel julaximil' —aech Abraham kemaeyanliajwa.

²⁷⁻²⁸ "Do jawüt, kemaeyan jum-aech: 'Am Abraham, xam jum-an. ¡To'im Lázaro taj-ax pejba poxadik japon naewüajnalialjwa cinco takoew! Ja-aech wüt, japibej ampalelsik fulaeyaxil nabijasliajwa' —aech kemaeyan. ²⁹ Jawütbej Abraham jum-aech: '¡Japi nej naexasis Moisés chajia lelpox, puexa profetas chajia lelpoxanbej!' —aech Abraham kemaeyanliajwa. ³⁰ Kemaeyan jumnot wüt, jum-aechon: 'Am Abraham, japi naexasisaxil japoxan. Pe patupan, mat-echpon, pejme duk wüt, japon natulaelt wüt japixot, ja-aech wüt, japi babijaxan ispoخان kofaxael. Do jawüt, japi Dioskal naexasisaxael' —aech kemaeyan Abrahamliajwa. ³¹ Do pejme Abraham jum-aech: 'Japi naexasis-el wüt Moisés chajia lelpox, puexa profetas chajia lelpoxanbej, japibej naexasisaxil patupan, mat-echpon,

natulaelt wut japi naewuajnalijwas' —aech Abraham kemaeyanlijwa" —aech Jesús fariseoslijwa.

17

Jesús naewuajanpox jiw babijaxan isasamata

(Mt 18.6–9, 21–22; Mr 9.42–48)

¹ Jesús jum-aech pejnachalalijwa: "Asan aton pijaxtat asew jiw babijaxan is wut, japon aton xabich kastikaxaes Dios. ² Jiw babijaxan isasamata japon aton pijaxtat, kaes pejme pachaemaxael japon aton pinjit ia't, jajaerat, kaechariamake'slijwas, chafo'aliajwas mar poxadik, xabich so'nik poxadik. Ja-aech wut, asew jiw babijaxan isaxil japon aton pijaxtat, jelxan nanaexasiti. ³ Samata, ¡chiekal taem xamal nijaxtat asew jiw babijaxan isasamata!

"Nejmach-aton, Dios pejjamechan naexasitpon, is wut babijax xamallijwa, japon aton xamal fia'e kofsliajwapon babijax ispox! Dolison, japox babijax isax koft wut, japon aton beltaem! ⁴ Japon aton pomatkoicha babijax isful wut xamallijwa, asamatkoi jum-aech wuton xamallijwa: 'Xan pejme isaxinil babijax xamallijwa' —aech wuton, japon aton xamal beltaem!" —aech Jesús pejnachalalijwa.

Jesús pejnachala, japi kaes Dios xanaboejasiapox

⁵ Apóstoles jum-aech Jesúslijwa:

—¡Xanal nakajachawae'e kaes Dios xanaboejalijwan! —aechi.

⁶ Jesús jumnot wut, jum-aechon apóstoleslijwa:

—Xamal cha-aex xanaboejam wut Dios, jum-am wut: 'Diachwuajnakolax Dios xajur puexa islijwa' —am wut, nejchaxoelam wut, xamalbej xajuraxaelam islijwam xabich Dios pijaxtat. Nejxanaboejixan xabicha-el wut Dioslijwa, me-ama mostazafut cha-aelfut, ja-aech wut, xamal jum-am wut ampanaelijwa: '¡Dios ampanae nej tathinchakusas pukatutat nukaliajwa!' —am wut, diachwuajnakolax japanae, jachiyaxael —aech Jesús apóstoleslijwa.

Nabichan isfulaxaelpox tato'laspox

⁷ Do pejme Jesús jum-aech apóstoleslijwa: "Xamalxot kaen nabichan wut, japon to'axaelam nabichlijwa. Lulbichax kekoft wut, o, pak tataeflax koft wuton, xamal jumchiyaximil: '¡Lemen! ¡Eke tajmesaxot, xanal suapich xaelijwam!' —chiyaximil. ⁸ Jumchiyaxaelamlax: '¡Naxaeyax isde xanal xaelijwan! Xaelx wut, wuajnawesaxaelam, xanal asax nawewe'p wut kamta nawe-islijwam. Kaechatoelx wut, xamwich xaeyaxaelam' —chiyaxaelam nabichanlijwa. ⁹ Xamal graciaschiyaximil namakanlijwa, japon chiekal is wut to'ampoxlijwa. Japon japox chiekal isaxael, nabichan xot. ¹⁰ ¡Xamallap-is jachiyaxaelam! ¡Isfulde Dios tato'alpoxan! Isax toetam wut, ¡nakaewa najum-amde: 'Xatis nabichwas wajpaklonlijwa. Samata, chiekal isaxaes wajpaklon naktato'alpoxan' —chiyaxaelam nakaewalijwa! ¡Nakaewa najumchiyaximil: 'Asan aton bej najumchiyaxaelbej: "Xamal gracias-an, chiekal nabistam xot Dioslijwa" —bej nakchiyaxaelbejpon' —nabej aeche' najutlijwa!' —aech Jesús apóstoleslijwa.

Jesús boeighthapox diez poejiw, leprawaxae waeispi

¹¹ Jesús Jerusalén paklowax poxade wut, Galilea tuajnulel babu'akal folon, Samaria tuajnulel. ¹² Do jawut, Jesús paklowaxach paslijwa wut,

jaxot diez poejiw fulaen bu'kakunaliajwapi Jesús. Japi puexa bu'xaen leprawaxaet. Japi mox pasaxil Jesúsxot. Samata, atuxach nuili. ¹³ Japi nejlat wut, jum-aechi:

—Jesús, jiw chanaekabuanan, ixanal nabeltaem! —aechi.

¹⁴ Do jawut, Jesús japi taen wut, jum-aechon:

—ixabua'de sacerdotes poxade japi taeliajwa xamal leprawaxae boejthulpox! —aech Jesús.

Do jawut, japi fulaech wut sacerdotes poxade, fulaeyaxtat chalechkal japi puexa chiekal boejthuls leprawaxae. Do jawut, chiekal pachaemlisi.

¹⁵ Kaen japixot taen wut pejbu't chiekal wepachaemspox, jawut tamach kaxadinpon Jesús poxadin. Dolison Jesúslel fulaen wut, pinjametat jum-aechfuldinpon Diosliajwa: “Dios, xam diachwujnakolax xabich pachaemam” —aechfuldinpon. ¹⁶ Dolison pat wut Jesúsxot, brixtat nuk wut Jesús pejwujnalel, sat makxabijindikon graciaschiliajwa. Japon aton, Samaria tujnupijin. ¹⁷ Do jawut, Jesús jum-aech asew jiwliajwa:

—¿Boejthulspikat, bej diezbeji? ¿Amxotkat asew nueve? ¹⁸ Ampon aton asatujnupijin. Tamach kaxadinpon Dios jumchiliajwa: ‘Dios, xam diachwujnakolax xabich pachaemam’ —chiliajwa —aech Jesús jaxot nuilpiliajwa.

¹⁹ Do jawut, Jesús jum-aech boejthulsponliajwa:

—iNande! ixabua'de nejmach! Xam chiekal boejthullis, chiekal naxan-aboejtam xot —aech Jesús.

Dios puexa pejiw tato'lax tuadut wut, taeyaxisalpox

(Mt 24.23–28, 36–41)

²⁰ Asamatkoi fariseos wujnachaemt wut, jum-aechi Jesúsliajwa:

—¿Maswutkat tuadusaxael Dios puexa pejiw tato'laxaelpox? —aechi.

Do jawut, Jesús jum-aech fariseosliajwa:

—Dios tuadut wut puexa pejiw tato'alpox, japox xamal taeyaximil.

²¹ Samata, jiw jumchiyaxil: ‘Ma amxot Dios puexa pejiw tato'al’ —chiyaxil. Jumchiyaxilbeji: ‘Ma jaxotde Dios puexa pejiw tato'al’ —chiyaxil jiw. Dios puexa pejiw tato'alpox ma xamalxot tuadutlisox. Pe japox tae-emil —aech Jesús fariseosliajwa.

²² Do jawut, Jesús jum-aech pejnachalaliajwa:

—Xan, puexa jiw pakoewkolnan, asamatkoi puexa jiw tato'laxaelen ampathatat. Xamal xabich nejxasinkaxaelam xan nataeliajwam, xan puexa jiw tato'lax wut. Pe nataeyaximil, nawepas-el xotfuk tajmatkoi jiw tato'laliajwan.

²³ Asew jiw xamal kichachjbxael. Jumchiyaxaeli: ‘iMa amxot Cristo!’ —chiyaxaeli. El wut, asew jiw xamal jumchiyaxael: ‘iMa jaxotde Cristo!’ —chiyaxaeli. Jasox jum-aech wuti, ixamal nabej naexasis! iNabej fulae'ebej japoxade! ²⁴ Chamx nakliafcha wut, potujnucha puexa jiw kaewutje taena. Xanlap-is jachiyaxaelen asamatkoi, xan, puexa jiw pakoewkolnan, pejme paskax wut. Kamta kaewutje puexa jiw nataenaxael. ²⁵ Pe matxoela xan xabich nabijasaxaelen. Ampathatpijw, amwutjel laelpi, japi xan nanejweslaxael. ²⁶⁻²⁷ Noé laeja wut ampathatat, xabich jiw nejmamach. Samata, xaeli. Afbeji. Nakjiyabeji. Japamatkoiyan, ja-aech wut, Noé pinjiyax barkam low wut, chalechkal xabich iam thilnax tuadut. Do jawut, sat bu'al. Puexa jiw chiekal tuj. Jachiyaxaelbej asamatkoi, xan, puexa jiw pakoewkolnan, pasaxoekan wut. Jiw pomatkoicha nejmach duilafulaxael. ²⁸ Ja-aechlap-is Lot chajja

laeja wut. Jiw xael. Afbejpi. Wujtbejpi. Mowabejpi. Muthabejpi naxaeyaxan. Bachan iabejpi. Japi jiw pomatkoicha chiekal nejmach duilaful. ²⁹ Ja-aech wut, japamatkoijan, Lot nakolt wut Sodoma paklowaxxot, chalechkal athulelsik natacholan azufre, me-ama ia'an. Pe japi jitan tamdadutpi. Japoxan ja-aech wut, puexa Sodoma paklowax-pijiw chiekal toejwas. ³⁰ Jachiyaxaelbej xan, puexa jiw pakoewkolnan, pejme chalechkal pasaxoekan wut. Jasoxtat jiw nejmach duilafulaxael.

³¹ “Japamatkoitat jiw nejchaxoelaxil pejew. Xan chalechkal paskax wut, jiw, pejbachanmatwujtjat nuili, baloek wut, nejchaxoelaxili pejbachan lelialjwa pejew jukaliajwa. Japamatkoiyantat asew jiwbej, pejlulanxot nabisti, do jawut, jaxot kamta japi dukpaxael. Kaxa naweyaxildini pejbachan poxadin pejew wuljaesliajwa. ³² ¡Nejchaxoelde Lot pijow wejatispoxliajwa! (Naexasis-el wutow Dios jum-aechpox, japow domt nadofa.) ³³ Jiw isful wut pajut nejxasinkpoxan ampathatat, japi asamatkoi tuj wut, duilaxili Diosxotse. Jiw tajaxtat kofa wutlax pajut isasiapoxan, japi jiw asamatkoi tuj wut, pomatkoicha duilaxaeli Diosxotse.

³⁴ “Diachwujnakolax xan jum-an. Chalechkal paskax wut, japamadoitat kolenje moejt wut kaecamatat, kaen buflaeyaxaes. Asan waelsaxaes. ³⁵ Koliowje kaeyaxtat xatkiana wut, kaeow buflaeyaxaes. Asaow waelsaxaes. ³⁶ [Kolenje aton kaelultat nabist wut kaeyaxtat, kaen buflaeyaxaes. Asan waelsaxaes.”] —aech Jesús, pejnachala naewujajan wut.

³⁷ Jesús pejnachala japox jumtaen wut, jawut wujnachaemt wut, jum-aechi Jesúsliajwa:

—Tajpaklon, ¿amxotkat japox jachiyaxael? —aechi.

Jesús jumnot wut, jum-aechon pejnachalaliajwa:

—Puexa jiw chiekal matabija ampo. Choefan, tujon, okxot, jaxot thutha pasliajwa piachaxil. Xan pasaxoekan wut, me-ama japox, jachiyaxael —aech Jesús, naewujajan wut pejnachala.

Jesús japox jum-aech wut, japox jumchiliajwa: “Potujajucha jiw taeyaxael, Cristo fuloek wut, Dios markamatkoi pat wut” —chiliajwa japox.

18

Pamal naetupspow pejwujajan, juezbej

¹ Dolisdo', Jesús naewujajan pejnachala kofa-elaliajwa Dios kawujajanpox. Do jawut, asawujajantat naewujajanbejpon. ² Jum-aechon: “Paklowaxxot juez duk. Japon juez chinax Dios naexasis-el. Sitae-elbejpon Dios. Sitae-elbejpon jiw. ³ Japapaklowaxxot pawis duk, pamal naetupspow. Asamatkoi japow fulaech juez poxade jumchiliajwa ampo. Do jawut, jum-aechow: ‘Tadaelman babijax is xanliajwa. Samata, ito'im soldaw japon aton kastikaliajwas!’ —aechow juezliajwa. ⁴ Japow pin-iaveces papat juezxot majt jum-aechpox, japox pejme jumchiliajwa. Pe japon juez piach is-el japow jum-aechpoxliajwa. Do baxael, juez nejchaxoel: ‘Xan diachwujnakolax Dios sitae-enil. Sitae-enilbej jiw. ⁵ Pe japow japoxtat xan nataliasful. Samata, xan isaxaelen japow najum-aechpox kaxa pejme fulae-elaliajwadin xanel, japoxtat kaes nataliasfula-elaliajwa’ —aech juez, nejchaxoel wut” —aech Jesús, naewujajan wut pejnachala.

⁶ Do pejme Jesús jum-aech, naewhajan wut pejnachala: “Japon juez pachaema-el kajachawaesliajwapon japow. ⁷ Dioslax jachiyaxil. Japon isaxael pachaempox kajachawaesfulaliajwapon pejjiw, asew babijaxan is wut japi jiwliajwa. ⁸ Diachwhajnakolax xan jum-an. Dios piachaxil kajachawaesliajwa pejjiw, asew jiw babijaxan is wut japijiajwa. Xan, puexa jiw pakowkolnan, fuloekx wut pejme, ¿faenaxaelenkat jiw xan nawhajnawesfulpi?” —aech Jesús, naewhajan wut pejnachala.

Fariseo, impuesto mat-omwuljoenbej, japi pejwhajan

⁹ Asew jiw nejchaxoelaful: “Xatis kaes pejme pachaems. Me-ama asew jiw, jachi-esal” —aechfuli pajutliajwa, nejchaxoel wut. Jesús naewhajan wut jum-aechon ampawhajanantat japi jiwliajwa. Do jawut, jum-aechon: ¹⁰ “Kolenje fulaech Dios pejtemploba poxade Dios kawhajnaliajwa. Kaen fariseo-aton. Asan impuesto mat-omwuljoen Roma gobiernoliajwa. ¹¹ Fariseo-aton nukaxtat Dios kawhajan. Pe japon jum-aechpoxan Diosliajwa pachaema-el, jum-aech xoton: ‘Dios, xan kaes pejme pachaman. Me-ama asew jiw, jachi-enil. Samata, xan gracias-an xamliajwa. Asew jiw is pachaema-elpoxan. Asew jiwbej kethaknik. Asew jiwbej bu'moejt asew watho', pijowa-elpi. Me-ama japi jiw, xan jachi-enil. Me-ama amponbej, impuesto mat-omwuljoen gobiernoliajwa, xan jachi-enilbej. ¹² Xanlax koleveces posemana naxae-enil xam piach kawhajnaliajwan. Kanxpi nabistax wut, xan diajnax diezmuxtjeliajwa. Kaemuxt diajnax xam chaxdusliajwan. Jasox isx pomatkoicha’ —aech fariseo-aton, Dios kawhajan wut. ¹³ Impuesto mat-omwuljoen gobiernoliajwa, japon atuxach tamach nuk jiwxot, Dios kawhajan wut. Jawut natachaems-elbejpon athulelse. Natxaton. Jawut najut namatiafdaka wut, jum-aechon Diosliajwa: ‘Dios, xan tajut matabijtax babejnanponan. Samata, ¡xan nabeltaem!’ —aechon, Dios kawhajan wut. ¹⁴ Diachwhajnakolax jum-an. Japon, impuesto mat-omwuljoen gobiernoliajwa, japon beltaens Dios babijaxan ispoxanliajwa. Pelax fariseo-aton Dios beltae-esal, japon babijaxan ispoxanliajwa. Nejmachaton nejchaxoel wut pajutliajwa: ‘Xan kaes pejme pachaman. Me-ama asew jiw, jachi-enil’ —aech wuton pajutliajwa, asamatkoi Dios jumchiyaxaeson: ‘Xam nejnejchaxoelax pachaema-el’ —chiyaxaeson Dios. Asanlax nejchaxoelpon pajutliajwa: ‘Xan kaes pejme pachamaenil. Me-ama asew jiw, jachi-enil’ —aech wuton pajutliajwa, japon aton asamatkoi Dios jumchiyaxaeson: ‘Xam nejnejchaxoelax pachaem’ —chiyaxaeson Dios” —aech Jesús naewetiliajwa.

Pajam yamxi buflaenspox Jesúslel
(Mt 19.13–15; Mr 10.13–16)

¹⁵ Pajam yamxi buflaens Jesúslel, Jesús ke-osliajwa yamxi pejta'anxot. Jesús pejnachala japox taen wut, fiati yamxi buflaeni buflae-elaliajwa Jesúslel. Jawut jum-aechi:

—¡Xamal nabej buflae' yamxi Jesúslel! —aechi.

¹⁶ Jesús japox jumtaen wut, jawut lapon yamxi buflaenpi buflaeliajwapi japonlel. Jawut jum-aechon pejnachalaliajwa:

—¡Tapaem yamxi xanlel buflaeliajwas! ¡Nabej fias! Diosxotse duilpi, japi, me-ama ampi yamxi, ja-aech, kamta naexasit xoti Dios pejtato'lax.

17 Diachwajnakolax xan jum-an. Xamal Dios naexasitam wut, me-ama yamxulan pax naexasit, ja-am wut xamal, Diosxotse pasaxaelam. Naexasis-emil wut, pasaximil Diosxotse —aech Jesús.

Kemaeyan nospaeipox, Jesús swapich

(Mt 19.16–30; Mr 10.17–31)

18 Kaen judiospaklochowxot, japon wajnaechaemt Jesús. Jum-aechon: —Jiw chanaekabanan, xam xabich pachaemam. ¿Achaxkat xan nawewe'p isliajwan, Diosxotse dukaliajwan pomatkoicha? —aechon.

19 Jesús jumnot wut, jum-aechon:

—¿Ma-aech xotkat najum-am: 'Xam xabich pachaemam' —na-amkat? Jiw xabich pachaempi ajil. Kaen Dios, japon xabich pachaem. 20 Xam matabijtam Dios pejtato'laxan. Moisés chajia lelpox jum-aech: '¡Nabej bu'moejs asaow pawis, nijwa-elpow! ¡Nabej be'bej asew jiw! ¡Nabej natkowe'bej asew jiw pejew! ¡Pajilax nabej jum-aech'e'bej asan aton tasalaliajwam, babijax is-elpon! ¡Sitaembej nej-ax, nej-en swapich!' —aech Moisés chajia lelpox —aech Jesús japon atonliajwa.

21 Do jawut, kemaeyan jum-aech:

—Xam najum-amprox, tudutx naexasisliajwan, yamxuchan wut. Amwutjel nakiowa chiekal naexasisfulax —aech kemaeyan.

22 Jesús japox jumtaen wut, jum-aechon:

—Xamfuk kaeyax wewe'p isliajwam. ¡Puexa nejew mowam! Mowam wut, ¡japaplata chaxduim kejila! Ja-am wut, Dios xam chaxduiyaxael xabich pachaempoxan japonxotse. Toetam wut chaxduiyax kejila, do jawut, ¡xabua't xan naknanuamsliajwam, tajnachalnaliajwambej! —aech Jesús kemaeyanliajwa.

23 Kemaeyan japox jumtaen wut, xabich nejxaejwas, xabich kemaenk xoton. Samata, owchi-elon Jesús jum-aechpox. 24 Kemaeyan chijia wut Jesúsxot, Jesús jum-aech naewetiliajwa:

—Xabich tampoel kemaeya pasliajwa Diosxotse. 25 Xamal chiekal matabijam camello pinjin xot, xajupaxil kuthatukre'waj poxade xensliajwa. Kemaeyanliajwabej, ja-aech. Tampoel japon pasliajwa Diosxotse —aech Jesús.

26 Jesús jum-aechpox jumtaenpi, japi jum-aech Jesúsliajwa:

—¿Achankatlax bu'weyaxaes pasliajwa Diosxotse? —aechi.

27 Jesús jum-aech:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'weliajwa. Dios kajachawaesaxael jiw pasliajwa japonxotse —aech Jesús.

28 Do jawut, Pedro jum-aech Jesúsliajwa:

—Tajpaklon, xanal puexa tejew waelax xam nakfulaeliajwan —aech Pedro.

29-30 Do jawutbej, Jesús jum-aech pejnachalaliajwa:

—Diachwajnakolax xan jum-an. Nejmach-aton naexasit wut Dios pejtato'lax, japon waelt wut pejba, pijow, pakoew, paxi, pax, penbej, ja-aech wut, japon aton Dios xabich kajachawaesaxaeson ampathatat. Asamatkoi tuj wut, pasaxaelbejpon Diosxotse pomatkoicha dukaliajwa —aech Jesús.

Ampoxtat Jesús jum-aech tres veces japon pejpatupaxliajwa
(Mt 20.17–19; Mr 10.32–34)

³¹ Jesús la doce pejnachala, japikal tamachaliajwa. Do jawux, japikal wut, Jesús jum-aech: “Amwut Jerusalén paklowax poxaxaes. Chajia profetas lelpoxan jum-aech xan, puexa jiw pakoewkolnanliajwa, jachiyaxaelpox jaxotde. ³² Do jawux, xan, puexa jiw pakoewkolnan, nawiasaxael judíos-elpoxot. Jawut nab'wñajanpaeyaxaeli. Babej-jamechan najumchiyaxaelbejpi. Naloyaxaelbejpi. ³³ Xabich namatwñajselsaxaelbejpi. Do jawux, tuxaxaelen. Tux wut, tres matkoi wut, Dios namat-esaxael pejme dukaliajwan” —aech Jesús, pajutliajwa jum-aech wut.

³⁴ Jesús pejnachala japox jumtaen wut, chiekal jummatabija-eli, tam-poel xot japi jummatabijaliajwa. Jummatabija-elbejpi, ma-aech xot Jesús japox jum-aech.

Jesús boejthutpox itliaklan
(Mt 20.29–34; Mr 10.46–52)

³⁵ Asamatkoi Jesús Jericó paklowax mox itwefol wut, wñajna ek itliaklan nñambab'at, jiw xaxenapi plata malech wñljoeliajwa. ³⁶ Itliaklan jumtaen wut jiw pinamut xenaxaesox, jawut wñajnachaemt wut, jum-aechon:

—¿Ma-aechkat? —aech itliaklan.

³⁷ Do jawut, xaxenapi jum-aechi itliaklanliajwa:

—¡Malis fulaeyaxaen ampaleldin Jesús, Nazaret paklowaxpijin! —aechipon. ³⁸ Itliaklan japox jumtaen wut, nejlat wut, jum-aechfulison:

—Jesús, David pamon, ¡xan nabeltaem! —aechfulon.

³⁹ Jiw, matxoelafoli, buxfiatipon boejlach ekaliajwa. Ja-aech wut, japon itliaklan kaes pejme nejlasful wut, jum-aechfulon:

—David pamon, ¡xan nabeltaem! —aechfulon.

⁴⁰ Do jawut, Jesús japox jumtaen wut, nukjaba. Jawut to'apon itliaklan buflaeliajwas japonleldin. Dolisdo', Jesús wñajnachaemt wut, jum-aechon itliaklanliajwa:

⁴¹ —Xam, ¿achaxasiamkat xan isliajwan xamliajwa? —aech Jesús.

Itliaklan jumnot wut, jum-aechon:

—Tajpaklon, xan pejme taesian —aechon.

⁴² Jesús jum-aech:

—¡Pejme taem! Xam chiekal xan naxanaboejtam xot, pejme chiekal taeyaxaelam —aech Jesús.

⁴³ Do jawut, itliaklan chiekal wepachaems pej-itfut. Chiekal taenbejpon. Do jawut, Jesús nakfollison. Nakfol wut, jum-aechfulon Diosliajwa: “Dios, xam xabich pachaemam” —aechfulon. Puexa jiw, japox taen wut, japibej Diosliajwa jum-aechful: “Dios, xam diachwñajnakolax xabich pachaemam” —aechfuli.

19

Jesús nospaeipox, Zaqueo snapich

¹ Do jawux, Jesús pat wut Jericó paklowax, follison japapaklowax xensliajwa. ² Japapaklowaxxot aton duk, kemaeyan. Japon pawñl Zaqueo. Japonbej paklon impuesto mat-omwuljoewliajwa, Roma gobiernoliajwa. ³ Zaqueo xabich taesia Jesús. Pe Zaqueo itfuxajupaxil taeliajwapon Jesús, japon mñaramatan xot. Taeyaxilon Jesús, xabich jiw Jesús masajiasfulas xot. ⁴ Samata, Zaqueo najae'a wñajnade, Jesús fulaeyaxaech poxade. Jaxotde Zaqueo jul naetat taeliajwapon Jesús.

⁵ Jesús japalel fulaen wut, Jesús taen Zaqueo, atha naetat wut. Do jawut, Jesús jum-aech:

—Zaqueo, ¡baloemk! Amwut nejbaxotaxaelen —aech Jesús. ⁶ Do jawut, Zaqueo bichakal kamta balaelik. Xabich nejbaxotaxaelen Jesús chiekal bu'kalton Jesús namanaliajwa japon pejbatat. ⁷ Japi jiw japox taen wut, puexa nakaewa najum-aechi Jesúsliajwa: 'Jesús namanaxil Zaqueo pejbatat, japon babejen xot' —aechi.

⁸ Do jawux, Jesús Zaqueo pejbaxot wut, mesaxot ek wut, Zaqueo chalechkal nant. Jawut jum-aechon Jesúsliajwa:

—Tajpaklon, ¡xan chiekal najumtaem! Puexa xan tejewpi, ma amwut najupadiajtaxaelen kejila chaxduiliajwan. Xan impuesto mat-omwuljowx wut, kaes mat-omwuljowxpi, japi pejplata pejme wewoeyaxaelen. Pe kaes cuatro veces japi wewoeyaxaelen —aech Zaqueo Jesúsliajwa.

⁹ Do jawut, Jesús jum-aech:

—Diachwajnakolax xam amwutjellis Abraham pamonkolnam, Dios chiekal naexasitam xot, me-ama Abraham, ja-am xot. Samata, nejbapijw Dios beltaeyaxaes japi babijaxan ispoxanliajwa. ¹⁰ Xan puexa jiw pakoewkolnan, fulaenx jiw wulwekaliajwan, bu'weliajwanbej, japi napelti Diosliajwa —aech Jesús Zaqueoliajwa.

Paklon waelapox plata pamakjiwxot
(Mt 25.14–30)

¹¹ Jesús Zaqueo pejbatat wut, jiw jumtaen Jesús jum-aechpox. Mox xotlison Jerusalén paklowaxxot, jawut xabich jiw nejbaxot Jesúsliajwa: "Jesús Jerusalén paklowaxxot pa'a wut, Dios tato'almatkoi pasaxael. Jawut Jesús paklokolan nadofaxael puexa jiw tato'laliajwa ampatuajnapijiw" —aech jiw, nejbaxot wut Jesúsliajwa. Pefuk Jesús paklokolan dofaxil. Samata, Jesús naewuajan ampawuajantat japi jiw chiekal matabijaliajwa.

¹² Do jawut, jum-aechon: "Paklowaxxot kemaeyan duk. Japon wullalas asatuajnalel wulduiliajwas reyliawapon, nawia'an wut puexa jiw pejtajnapijiw tato'laliajwapon. ¹³ Dolison, fulaeliajwa wut asatuajnu poxade, lalison diez pamakjiw fulaeliajwadin japonlel. Pat wuti japonxot, kemaeyan waela kaenanula plata japixot. Jum-aechon: 'Tajwulela amaplata nawexawuajfulam wut, ¡mowafaldebej kaes plata nawekanaliajwam xanliajwa! Samata, xan pejme patx wut, tajplata kaes pejme nawewoeyaxaelam' —aech kemaeyan diez pamakjiwliajwa. Do jawut, fulaechlison, wullalas poxade. ¹⁴ Pe pejtajnapijiw nejweslas kemaeyan. Nejweslasbejpon japon japi pejrelyliajwa. Samata, japixot asew jiw to'api kemaeyan wulduiyaxaes poxade, japi jumchiliajwa, jaxot pa'a wut: 'Japon xanal nejwesla tajrelyliajwa' —chiliajwapi kemaeyanliajwa.

¹⁵ "Pe nakiowa kemaeyan wulduws reyliawapon. Do jawux, japon pejme nawian pejtajnu poxadin. Pat wuton pejbatat, to'apon pamakan wullalaeliajwas diez pamakjiw, japixot plata waelapipon, matabijsliajwa massapich plata kaenanula japi kana. ¹⁶ Do jawut, matxoelapatpon jum-aechon kemaeyanliajwa: 'Tajpaklon, xan diez veces kaes plata kanx, xanbistax wut nejew plata' —aechon. ¹⁷ Kemaeyan jumnot wut, jum-aechon: 'Xabich pachaem. Xam chiekal nabistam xanliajwa. Chiekal nawetataeflam kaeyaxachpox. Samata, amwut diez paklowax-anpijw tato'laxaelam' —aech kemaeyan pamakanliajwa. ¹⁸ Do jawut,

asan pamakan pat wut, japon jum-aech: 'Tajpaklon, xan cinco veces kaes plata kanx, xanbistax wut nejew plata' —aechon. ¹⁹ Kemaeyan jum-aech pamakanliajwa: 'Amwut xam cinco paklowaxanpijiw tato'laxaelam' —aech kemaeyan pamakanliajwa.

²⁰⁻²¹ "Do jawut, asan pamakan pat wut, japon jum-aech: 'Tajpaklon, ama nejplata. Xan chabaentax panyoelbu'tat, tajlewla xot xamliajwa, nejthu'nikam xot, xam beltae-emil xotbej namak. Namak nabistpox-antat xam kanam' —aech pamakan kemaeyanliajwa. ²² Kemaeyan jumnot wut, jum-aechon: 'Xam xabich babejnam. Chiekal natanbich-emil. Xam najum-ampoxtat xam kastikaxaelen. Xam najum-am: "Xam nejthu'nikam. Xam beltae-emilbej namak. Namak nabistpoxantat xam kanam" —na-am xanliajwa. ²³ Xam matabijtam wut xan tajkabuanpoxan, ¿ma-aech xotkat tejew plata presta-emil bancopijiw? Xam prestam wut plata, amwutjel bancopijiw kaes plata xam tawiasaxael. Prestampoxliajwa xam kaes mosaxaelbejpi. Samata, amwutjel plata nawewiatam wut, kaes nawewiasaxaelam' —aech kemaeyan pamakanliajwa. ²⁴ Do jawut, kemaeyan jum-aech jaxotpiliajwa: 'Kechafi'e ampon aton, plata nawechabaentpon panyoelbu'tat! Japaplata chaxdu'e diez veces kaes plata kanpon!' —aech kemaeyan. ²⁵ Jaxot nuili jum-aech: 'Tajpaklon, japon xabich pin-iat. ¿Ma-aech xotkat pejme kaes chaxdusaxaelam japon?' —aechi kemaeyanliajwa. ²⁶ Kemaeyan jumnot wut, jum-aechon: 'Diachwujnakolax xan jum-an. Tejew chiekal nawetataefulpon, japon kaes pejme chaxdusaxaelen. Asanlax chiekal nawetataefla-elpon tejew, kaeswupich nawetataefulpox, kekusaxaeson. ²⁷ Pe tadaelmajiw, xan nanejweslapi japi pejreynanliajwa, japi buflaeman ampalel xan tajwujnalel beliajwaspi!' —aech rey" —aech Jesús, ampawujajan naewujajan wut.

Jesús mox patpox Jerusalén paklowaxxot

(Mt 21.1–11; Mr 11.1–11; Jn 12.12–19)

²⁸ Jesús japox buxtoet wut Zaqueo pejbaxot, do jawut, Jesús fulaech Jerusalén paklowax poxade, pejnachala wupich. ²⁹ Mox Jerusalén paklowaxxot wut, jaxot muax. Japamuaxlelxot xabich olivonaechan nuil. Samata, japamuax pawul Olivonaechanmuax. Mox japamuaxxot kolepaklowaxach. Kaepaklowaxach pawul Betfagé. Asapaklowaxach pawul Betania. Jesús japapaklowaxxot mox fol wut, wujajna to'achon kolenje pejnachalan. ³⁰ Jesús japi to'alijaw wut, jum-aechon:

—¿Xabua'de japapaklowaxach poxade! Jaxotde pa'mach wut, bur jelti'san, wuke'taspon, taeyaxaelam. Japabur chinax kaen aton tua-eka-esalfuk. Jolde! Joltam wut, jnawebuflaeman japabur! ³¹ Jaxotpijin xamal wujajnaemnt wut, jum-aech wuton: '¿Ma-aech xotkat xamal bur joltam?' —aech wuton, jxamal jum-amde japon: 'Wajpaklon wewe'pas bur' —amde japon aton! —aech Jesús kolenje pejnachalanliajwa. ³² Do jawut, japi ow-aech wut, fulaechlisi japapaklowaxach poxade. Ja-aech japox, me-ama Jesús chajia jum-aech. ³³ Japi bur jolt wut, burpijiw wujajnaemntasi. Jumtispi:

—¿Ma-aech xotkat xamal bur joltam? —tispi.

³⁴ Japi jumnot wut, jum-aechi:

—Wajpaklon wewe'pas bur —aechi.

³⁵ Do jawut, Jesús pejnachala bur buflaen Jesúsleldin. Jesúsxot bu'pat wuti, bur tam-owapi pejew, thuch pejsunta-owapi. Do jawut, Jesús

tua-ek. ³⁶ Jesús burtat chaflaen wut, wuajna jiw pejsumta-owa jollisi nuamtat ba'aliajwa Jesús chaflaeyaxaenlel. (Jasox isi Jesús chiekal bu'kulaliajwapi, xabich sitaen xoti Jesús.) ³⁷ Jesús mox fol Olivon-aechanmuaxxot. Jaxot nuamsik muaxlelasik, fulaeliajwa Jerusalén paklowax poxade. Jesús chaflae-el wut japoxadik, puexa jiw tuadut nejlafulaliajwa, nejchachaemil xoti. Nejlaful wut, jum-aechfuli Diosliajwa: “¡Xam xabich pachaemam!” —aechfulisi. Jasox xabich jiw jum-aechful, majt chajia taen xoti, Jesús koechaxan is wut Dios pijaxtat. ³⁸ Jiw jum-aechfulbej Jesúsliajwa:

—Ampon, fulaenpon Dios pijaxtat, xabich pachaempon. Japon fulaen reyliajwa, xatis naktato'laliajwa. Wuajanjilaxtat puexa jiw duilaxael athuxotse Dios pijaxtat. Dios, athupijin, japon xabich pachaem —aechful xabich jiw.

³⁹ Jiwxot, jaxot kaesupich fariseos. Japi fariseos palala xot, jum-aechi Jesúsliajwa:

—Jiw chanaekabuanan, jampi jiw, nejnachala, buxfia'e jum-aechfulpoxan! —aechi Jesúsliajwa.

⁴⁰ Jesús jumnot wut, jum-aechon:

—Diachwuajnakolax xan jum-an. Japi jiw buxfiatx wut boejlachliajwa, ia'lax nejlafulaxael japi jiw jum-aechfulpoxanliajwa —aech Jesús fariseosliajwa.

⁴¹ Jesús Jerusalén paklowaxxot mox pat wut, paklowax taen wut, nowpon Jerusalén paklowaxpijiwliajwa. ⁴² Jesús now wut, jum-aechon: “Xan xabich nejxasinkax Jerusalén paklowaxpijiw tajpasax matabijaliajwa. Xan paskax japi jiw bu'weliajwan xan tajaxtat, chiekal pachaemaliajwapi Diosliajwa. Pe japi chiekal matabija-el. Xan nabu'kulaelbejpi. Samata, amwutjel japox chiekal toeplixox japi xan namatabijsliajwapox. ⁴³ Babejmatkoiyan tapasfulaxaesi. Padaelmajiw chakipasaxaesi. Chamasajoeyaxaesbejpi. Chinax kaen aton japapaklowaxxot weyaxil. ⁴⁴ Ja-aech wut, Jerusalén paklowaxpijiw puexa chiekal toesaxaes. Pejbachan wetukaxaesbejpi. Chinax kaet ia't namanaxil nakaeia'tmatwuajtat. Jasox wejachiyaxaesi, xan namatabijs-el xoti, xan patxponan jiw bu'weliajwan” —aech Jesús, now wut Jerusalén paklowaxpijiwliajwa.

Jesús to'apox nakolaliajwa Dios pejtemplobatat mowapi, wuajtibej (Mt 21.12–17; Mr 11.15–19; Jn 2.13–22)

⁴⁵ Jesús Jerusalén paklowax pat wut, lowpon Dios pejtemploba. Jaxot Jesús taen mowapi. Taen wuton japi Dios pejtemplobatat, nejthuxatat to'apon choef mowapi nakolaliajwa Dios pejtemplobatat. ⁴⁶ Jesús jum-aech japijiajwa:

—Dios pejjamechan, chajia lelspxox, jum-aech Dios jum-aechpox pejtemplobaliajwa: ‘Tajba kawuajnaba wulxael, jiw xan nakawuajnaliajwa’ —aech Dios jum-aechpox pejtemplobaliajwa. Xamallax Dios pejtemploba kethaka pejba padofam —aech Jesús.

⁴⁷ Kaematkoisful Jesús naewuajan Dios pejtemplobatat. Pe sacerdotepaklochow, judíos chanaekabuanaipibej, asew judíospaklochowbej, japi nakaewa najum-aech: “¿Machiyaxaeskát Jesús boesaliajwas?” —na-aechi nakaewa. ⁴⁸ Pelax japi matabija-el, achaxtat pachaem Jesús boesaliajwas, puexa jiw chiekal naewet xot Jesús naewuajanpoxan.

20

Jesús wɔajnachaehtaspoɔ, achan to'aspon choef mowapi nakolax to'aliajwapon Dios pejtemplobatat

(Mt 21.23–27; Mr 11.27–33)

¹ Asamatkoi Dios pejtemplobaxot Jesús jiw naewɔajan chimiawɔajan, jiw bu'weyaxaesox. Ja-aech wɔt, sacerdotespaklochow, judíos chanaekabɔanapi, ancianosbej, mox soepapi Jesúsxot. ² Do jawɔt, jɔm-aechi:

—iXanal najɔm-amde ampox! ¿Achan pijaxtatkat xam to'am choef mowapi nakolaliajwa Dios pejtemplobaxot? ¿Achankat xam to'a japox isliajwam? —aechi Jesúsliajwa.

³ Jesús jɔmnot wɔt, jɔm-aechon japiliajwa:

—Xan-is xamal asax wɔajnachaehtasaxaelen. ¡Pe xamal majt najɔmno'e! ⁴ ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as? —aech Jesús.

⁵ Jesús japox jɔm-aech wɔt, japi nakaewa najɔm-aechna: “Jɔmnoch wɔt, ‘Juan Dios to'as jiw bautisafɔlaliajwa’ —tis wɔt, Jesús nakjɔmchiyaxael: ‘¿Ma-aech xotkat xamal Juan jɔm-aechpoxan naexasis-emil?’ —nakchiyaxael xatis Jesús. ⁶ Jɔmtis wɔtlax: ‘Juan jiwkal to'as jiw bautisafɔlaliajwa’ —tis wɔt, puexa jiw xatis ia'tat nakdadaepaxael nakmatkaejabaliajwa, palalaxael xoti xatisliajwa. Jasox isaxaeli xatisliajwa, puexa jiw jɔm-aech xot Juanliajwa: ‘Diachwɔajnakolax Juan, jiw bautisan, jɔm-aech Dios pijaxtat’ —aech xot jiw Juanliajwa” —na-aechi nakaewa. ⁷ Samata, japi jɔmnot wɔt, jɔm-aechi Jesúsliajwa:

—Jalape. Xanal matabija-enil, achan Juan to'as jiw bautisaliajwa —aechi.

⁸ Do jawɔt, Jesús jɔm-aech japiliajwa:

—Xan-is xamal jɔmchiyaxinil, achan pijaxtat xan japox isx —aech Jesús.

Pamak babejchowpox

(Mt 21.33–46; Mr 12.1–12)

⁹ Jesús pejme jɔm-aech, jiw naewɔajan wɔt ampawɔajan: “Aton mɔtha uva. Do jawɔx, uvalulpijin asew jiw wɔljaet, japi jiw piach tataeflialiajwa japon pej-ualul, japon ajil wɔt. Japi bu'pat wɔt, jɔm-aechon: ‘Xan piach kijlaxaelen asatɔajɔlel atɔaj. Xan tajwɔlela tajlul chiekal xamal nawetataeflaxaelam’ —aech uvalulpijin. Do jawɔx, chijjalison japatɔajɔn poxade. ¹⁰ Do baxael, uva foi wɔt, uvalulpijin kaen pamakan to'a pej-ualul wetataeflaspi poxadin, wewɔljaesliajwaspon uva. Uvalul tataefɔlpi jaelti uvalulpijin pamakan. Jawɔt baeson. Do jawɔt, to'ason ke-etat nawiasliajwa pejpaklon poxade. ¹¹ Do jawɔx, uvalulpijin to'a asan pamakan. Uvalul tataefɔlpi babejjamechan jɔm-aech japonliajwa. Do jawɔt, japonbej baes. Ke-etat nawiasax to'ason pejpaklon poxade. ¹² Do pejme jawɔt, uvalulpijin asan pamakan pejme to'a. Japonbej baes wɔt, xakolbalas. Do jawɔt, uvalul tathoetlel fo'ason.

¹³ “Dolisdo', uvalulpijin nejchaxoel wɔt, jɔm-aechon: ‘¿Machiyaxaelenkat xan? ¡Aa, xan matabijtax isaxaelenpox! Taxɔlan to'axaelen, xabich nejxasinkaxpon. Japi bej nawesitaeyaxaelbejpi taxɔlan’ —aech uvalulpijin, nejchaxoel wɔt. ¹⁴ Do jawɔt, paxɔlan to'alison japi poxade. Uvalul tataefɔlpi taen wɔti, japon atɔaj fɔlaen wɔt, nakaewa najɔm-aechi: ‘¡Tae'nik uvalulpijin paxɔlan! Asamatkoi pax tɔp wɔt, japon pijax

wulxael ampa-ualul. Samata, xatis amwut ampon boesaxaes, uvalul wajaxkal namanaliajwa' —na-aechi nakaewa uvalul tataefulpi. ¹⁵ Do jawut, paxulan pat wut uvalulxot, jaeltason. Jawut juchpon uvalulxot. Do jawux, boesapon" —aech Jesús jiw naewetiliajwa.

Do jawut, Jesús wuajna chaemt jiw naeweti japawuajan. Jum-aechon: "¿Achaxkat xamal nejchaxoelam uvalulpijinliajwa? ¿Achaxkat japon isaxael uvalul wetataeflaspiliajwa? ¹⁶ Uvalulpijin chakifulaeyaxael beliajwapon uvalul wetataeflapi. Do pejme asew tataeflax to'axaelon" —aech Jesús.

Naeweti matabija wut Jesús jum-aechpox, japi jum-aech Jesúsliajwa:

—¡Dios jasox nej is-ele' xanalliajwa! —aechi.

¹⁷ Jesús chiekal natachaemt wut, jum-aechon japi jiwliajwa:

—Xamal chiekal matabijam, Dios pejjamechan, chajia lelspon, jum-aech wut, jum-aechox xanliajwa:

‘Jiw ia'ba is wut, kaet ia'tliajwa nakaewa najum-aechi: “Ampot ia't chaemil” —na-aechi nakaewa. Samata, mastaenipot. Do jawux, asan aton japot ia' fit wut, jum-aechon: “Ampot ia't, puexa ia'xot kaes pejme pachaem tuakso'pijtalijwa, ba chiekal mamnikaliajwa” —aechon' —aech Dios pejjamechan xanliajwa, chajia lelspon.

¹⁸ Jiw fiap wut kaet ia't pinjixot, xabich naxthuya wut, naxkolaxaelbejpi. Pelax kaet ia't, pinjit, athulelsik jiw matwuajajak jopik wut, japi jiw matkaeyaxaes ia't. Jasoxtat xamal xan nanaexaxis-emilpim xabich nabijasaxaelam, xan nanejwesla xot. That toep wut, Dios xamal pomatkoicha kastikaxael infiernoxot —aech Jesús.

¹⁹ Jesús japox jum-aech wut, sacerdotespaklochow, judíos chanaekabuanapibej, nejchaxoel: “Jesús japawuajan jum-aech wut, najum-aechon xatisliajwa” —aechi, nejchaxoel wut. Samata, jawut japi jaelsasiapi Jesús. Pe jaels-eli Jesús, pejlewla xoti jiwliajwa.

Impuesto mosaxliajwa, Jesús wuajna chaemtaspon

(Mt 22.15–22; Mr 12.13–17)

²⁰ Asamatkoi sacerdotespaklochow, judíos chanaekabuanapibej, to'api jiw maliach tataeflaliajwapi Jesús. Japi pat wut Jesúsxot, me-ama pachaem wut, kabuan-aechi. Samata, japi chiekal naewet, Jesús jum-aech wut babejjamechan gobiernoliajwa, jawut tasalaliajwapi Jesús gobernador pejwuajnalel, Jesús kastikaliajwasbej. ²¹ Samata, japi xapaejsliajwa wut, jum-aechi Jesúsliajwa:

—Jiw chanaekabuanan, xanal matabijtax xam jiw naewuajnampon diachwuajnakolax. Kejila naewuajnam wut, chiekal naewuajnam. Najupanaewuajnam kejila, kemaenkpibej. Xam naewuajnam japi jiw chiekal duilaliajwa, me-ama Dios nejxasink. ²² Samata, xanal chiekal matabijasian. ¿Pachaemkat xanal mosliajwan impuesto Roma tuajnapijiw tato'lan? —aechi, xapaejt wut Jesús. ²³ Pe Jesús matabijt japi xapaejtaspon. Samata, jum-aechon:

²⁴ —¡Kaekafef nawexalaeman na-itpaeliajwam! —aech Jesús.

Jawut kaekafef, pawulox denario, xalaenlisi Jesúslel. Jawut Jesús wuajna chaemt wut, jum-aechon:

—¿Achan pejxuaelkat ampakafefat? ¿Achan pejwulbejkat ama lelspon ampakafefat? —aech Jesús japiliajwa. Japi jumnot wut, jum-aechi:

—Roma tuajnapijiw tato'lan, japon pejxuael, japon pejwulbej —aechi.

²⁵ Do jawut, Jesús jum-aech:

—¡Roma tujnupijiw tato'lan, japon pejewpi mo'e, impuesto motam wut! Pe Dios pejewpi, japox xatis Dios xanaboejaspoxan, wajnejxasiyaxbej, japoxanlap xatis Dios chaxduiyaxaes —aech Jesús.

²⁶ Jesús chiekal jumnot xot, Jesús bu'wujanjil jiw pejwujnalel tasalali-ajwas. Samata, maliach tataeflaspi asbuan jumch boejlach nejchaxoelanuili.

Asamatkoi mat-eyaxaespo x tujpi pejme duilaliajwa

(Mt 22.23–33; Mr 12.18–27)

²⁷ Saduceos asanejchaxoelaxan. Japi jum-aech: “Jiw tuj wut, kaelel chiekal napelt. Asamatkoi mat-eyaxisal pejme duilaliajwa” —aechi asbuan jumch. Do asamatkoi wut, asew saduceos pati Jesús taeliajwa. Jesúsxot wut, kaen japixot ampawujajan jum-aech Jesús jumtaeliajwa:

²⁸ —Jiw chanaekabuanan, Moisés chajia lelpox jum-aech: ‘Aton, pijowpon, japon aton tuj wut naxuwla-elaxtat pijowxot, tujon pakowan naman wut, japon japow fisaxael naxuwllaliajwapon japowxot, pakowan tujonliajwa’ —aech Moisés chajia lelpox. ²⁹ Kaen aton seis pakow. Matxoelapijin pawis fit. Pe baxael, japon tuj xijilaxtat. ³⁰ Do jawut, wuchakalpijin, japow fit, pakowan naetujpow. Pe baxael, japonbej tuj xijilaxtat. ³¹ Do jawutbej, trespijin, japow fit. Japow fit wuton, japonbej baxael tuj xijilaxtat. Do jawux, cuatro namapi, japibej jasoxtat natoet nakjiyaxtat japowtat. Pe chinax kaen japowxot naxuwla-el. ³² Do baxaelbej, japowbej taxdukakolaxtat tuj. ³³ Puexa japi poejiw nakjiya japowtat. Baxael, tujpi mat-eyaxaes wut, sietepixot, zachankat pijowaxael japow? —aech saduceos.

³⁴ Jesús jumnot wut, jum-aechon:

—Ampathatat poejiw watho' not. ³⁵ Dios makanochpi pasliajwa japonxotse, jaxotse pomatkoicha duilaxaeli. Japi tuj wut ampathatat, asamatkoi mat-eyaxaesi pejme duilaliajwa Diosxotse. Mat-eyaxaes poejiw, watho'bej. Pe japi pejme nakjiyaxil. ³⁶ Diosxotse wut, japi pejme tujpaxil. Me-ama Dios pej-ángeles, jachiyaxaeli. Dios taen wut japi jiw, me-ama paxi wut, jachiyaxaelon, mat-ia xoton japi pejme duilaliajwa. ³⁷ Moisés chajia lel Dios jum-aechpox tamdadusaxtat boejtachnaechxot. Samata, Moisés lelpoxtat matabijas tujpi mat-esaxaespo x pejme duilaliajwa. Moisés lelpoxtat jum-aech Dios jum-aechpox: ‘Xanfuk Abraham, Isaac, Jacobbej, japi pejDiosnan’ —aech Dios. Samata, xatis chiekal matabijas, baxael tujp wut pejme duilaxaespo x. ³⁸ Xatis chiekal matabijas chajia tujpi, japi napels-el. Samata, Abraham, Isaac, Jacobbej, japi amwathjel nakiowa duilafal Diosxotse. Puexa Dios pejiwispis tujp wut ampathatat, duilafalaxaes Diosxotse —aech Jesús saduceosliajwa.

³⁹ Asew, judíos chanaekabuanapi, jum-aechi Jesúsliajwa:

—Jiw chanaekabuanan, xam chiekal jumnotam saduceos —aechi.

⁴⁰ Do jawut, saduceos padala pejme wujnachaemsliajwapi Jesús.

Cristo, rey David pamonpox, pe Cristo paklonbej Davidliajwa

(Mt 22.41–46; Mr 12.35–37)

⁴¹ Jesús wujnachaemt wut, jum-aechon judíos chanaekabuanapiliajwa:

—¿Ma-aech xotkat jiw matabija-el Cristo Dios paxulan? Diachwujnakolax jiw jum-aech wut, jum-aechi Cristoliajwa: ‘Cristo

nalaelt wut, japon rey David pamonaxael' —aechi. Pe Cristo rey David pamonkala-el. Pe Cristo asanbej. ⁴² David chajia lel wut Salmosfatat, jawut pajut jum-aechon Cristoliajwa:

'Dios jum-aech wut tajpaklonliajwa, jum-aechon: "¡Ekde tajpoklalel jiw tato'laliajwam, xan sapich!

⁴³ ¡Ekde jaxot, hasta xan malechaxaelen wut nadaelmajiw! Malechax wut, japi jiw xam namakjiwaxael tato'laliajwam" —aech Dios tajpaklonliajwa' —aech rey David, chajia lel wut Cristoliajwa.

⁴⁴ David chajia jum-aech Cristoliajwa: 'Tajpaklon' —aechon. Samata, Cristo diachwajnakolax David pamonkala-elon. Pe pejpaklonbejpon —aech Jesús, pajut najum-aech wut, jiw chiekal matabijaliajwa japon Dios paxalanpon.

Jesús jum-aechpox jiw chiekal matabijaliajwa judíos chanaekabuanapi pejbu'wajjanpoxliajwa

(Mt 23.1–36; Mr 12.38–40; Lc 11.37–54)

⁴⁵ Puexa jiw jaxot naewet wut, Jesús jum-aech pejnachalaliajwa: ⁴⁶ "¡Chiekal taem! Me-ama judíos chanaekabuanapi, ixamal nabej ja-aeché! Japi nejxasink pakchowaxan, naxoeyaxan, jiw chiekal sitaeliajwas. Nejxasinkbejpi jiw moichiliajwas xabich sitaeyaxtat, paklowaxthialaxanxot xabu'kulas wut. Judíos naewajjabachanxot wut, wajna tuchalakaxan nuili paklochow kaes sitaenspiliajwa, japoxantat japi chalak puexa jiw taeliajwas. Ja-aechbejpi, fiestaxot wut. Nejxasink chalakaliajwa kaes pachaempoxantat. ⁴⁷ Japibej naekichachajba watho', pamaljiw naetapsi, natkowaliajwa japi watho' pejew. Do jawux, judíos naewajjnaba lowpi Dios piach kawajjnaliajwa, asew jiw jumchiliajwasi: 'Diachwajnakolax ampi xabich pachaem' —chiliajwasi. Samata, Dios xabich kastikaxaesi" —aech Jesús.

21

Pamal naetapsow, kejilpow, chaxdutpox ofrenda Diosliajwa

(Mr 12.41–44)

¹ Jesús asamatkoi Dios pejtemplobaxot wut, jawut taenpon kemaeya, plata jeyaxxot jia wuti plata Dios pej-ofrendaliajwa. ² Jaxot taenbejpon pamal naetapsow, japow jek wut kolekafaex. Japakafaex, cobrefaex, xabich omjillejen. Japow xabich kejil. ³ Do jawut, Jesús jum-aech pejnachalaliajwa:

—Diachwajnakolax xan jum-an. Ampow pawis, pamal naetapsow, kejilpow. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wut, ja-aechow Diosliajwa. Me-ama puexa asew jiw, chaxduw wut ofrenda, jachi-el japow. ⁴ Puexa asew jiw chaxduw ofrenda wenamaspoxantat. Japowlax wewe'paspoxanliajwa, puexa chaxdutow Diosliajwa —aech Jesús pejnachalaliajwa.

Jesús jum-aechpox Dios pejtemploba toesaxaespxliajwa

(Mt 24.1–2; Mr 13.1–2)

⁵ Dios pejtemplobaxot tathoetlel wut, asew Jesús pejnachala jum-aechi Dios pejtemplobaliajwa: "¡Tae'nik ia', xabich chimiatan, japitat Dios pejtemploba chapachaemaliajwa! ¡Tae'nikbej asaxan asew judíos chajia chaxduwpi Dios pej-ofrendaliajwa, chiekal chapachaemaliajwa Dios pejtemploba!" —aech Jesús pejnachala. Do jawut, Jesús jum-aech:

⁶ —Asamatkoi asatʉajnpɪjiw Dios pejtemploba takaxaeli. Puexa taenampi, puexa japoxan chiekal toesaxaes. Chinax kaet, ia't, namanaxil nakae-ia'tmatwʉajtat —aech Jesús, jum-aech wʉt pejnachalalijwa japoxan jachiyaxaelpox.

That toepax mox rawʉajna wʉt, majt matxoela jachiyaxaelpoxan (Mt 24.3–28; Mr 13.3–23)

⁷ Jesús wʉajnachaehtas wʉt pejnachala, jum-aechi:

—Jiw chanaekabʉanan, ʉmaswʉtkat japox jachiyaxael, xam jum-ampox Dios pejtemplobalijwa? Mox rawʉajna wʉt, ʉachaxkat taeyaxaes? —aechi Jesúsliajwa.

⁸ Jesús jumnot wʉt, jum-aechon:

—iChiekal taem, asamatkoi asew jiw xamal naekichachajbasamata! Xabich jiw fulaeyaxaen. Japi pajut kaenanʉla najumchiyaxael: ‘Xan Cristowan. Mox rawʉajnalisox ampathat toepalijwa’ —chiyaxaeli. Japi japoxan jum-aech wʉt, xamal nakfulaeyaximil japi jiw. ⁹ Asamatkoi xamal wʉltaenam wʉtbej nabewʉajan asatʉajnpuchanxot, ɪxamal nabej nejlewle! Japoxan majt jachiyaxael, ampathat toepax mox rawʉajna wʉt. Japoxan ja-aech wʉt, that toepaxilfuk —aech Jesús.

¹⁰ Do jawʉt, pejme jum-aechon: “That toepalijwa wʉt, xabichaxael nabewʉajan. Nakaetʉajnpɪjiw nabeyaxael. Japoxan majt xabich jachisfulaxael asatʉajnpuchanel. Kaetʉajnpɪjiw nabeyaxaelbej, asatʉajnpɪjiw sʉarɪch. Japoxan majt xabich jachisfulaxael asatʉajnpuchanel. ¹¹ Asatʉajnpuchanel xabich sat najaesaxael. Najaesaxael wʉt, xabich chaemilaxael. Asatʉajnpuchanel naxaeyaxan piach ajilaxaelbej. Xabichaxaelbej waxae. Jiw taeyaxaelbej, thatbaxo xabich nachoela wʉt. Do jawʉt, xabich jiw belwaxael” —aech Jesús, japoxanliajwa jum-aech wʉt.

¹² Do pejme Jesús jum-aech pejnachalalijwa: “Japoxan wʉajna, asew jiw xamal jaelaxael, tajnachalwam xot. Japi babijaxan is wʉt xamallijwa, xamal nabijasaxaelam. Xamal buflaeyaxaelbejpi judíos naewʉaj nabachan poxade, jaxotde tasalalijwapi xamal. Xamal jeyaxaelbejpi jiw jebatat. Asew jiw xamal buflaeyaxaelbej paklochow poxade. Samata, asatʉajnpuchanpɪjiw tato'alpi, gobernadoresbej, japi pejwʉajnalel xamal nuilaxaelam, tajnachalwam xot. ¹³ Japoxan ja-aech wʉt, xamallijwa pachaemaxael japi jiw chapaelialwam tajwʉajan. ¹⁴ Xamal jaxota-emil wʉtfuk, ɪxabich nabej nejchaxoele' jumchiyaxaelampoxan, jumnosliajwam wʉt japi tasalapoxan, japi pejwʉajnalelam wʉt! ¹⁵ Do jawʉt, Dios kajachawaesaxael xamal chiekal jumnosliajwam. Ja-aech wʉt, kaen aton japixot matabijaxil xamal jumnosliajwa. ¹⁶ Nej-axjiw xamal woeyaxael paklochowxot. Nej-axjiwa-el wʉt, nej-enjiwaxael. Nej-enjiwa-el wʉt, nakoewaxael. Nakoewa-el wʉt, asewaxael nejjiwpi. Nejjiwa-el wʉt, nejnachalaxael. Ja-aech wʉt, asew xamalxot beyaxaes. ¹⁷ Puexa jiw, Dios naexaxis-elpi, japi xamal nejweslaxael, tajnachalwam xot. ¹⁸ Pe chinax xamalxot kaen tabesaxisal, Dios tapae-el wʉt. ¹⁹ Xamal kofa-emil wʉt nejxanaboejaxan Diosliajwa, ja-am wʉt, Dios xamal bu'weyaxael duilalijwam pomatkoicha Diosxotse.

²⁰ “Asatʉajnpuchanpɪjiw, soldaw, chakipach wʉt judíos, Jerusalén paklowax masajoeya wʉtbejpi, jawʉt matabijaxaelam mox rawʉajnapox japapaklowax toesliajwas. ²¹ Judea tʉajnpɪjiw japox taen wʉt, japi

puexa nej dukpe pinamuxan poxade! Asew jiw, Jerusalén paklowaxpijiw, japox taen wut, ipaklowaxxot nej nakole dukpaliajwa atuj! Asew jiw, pejlulanxot nabisti, ikaxa paklowaxlel nej nawe-elepi! Do jaxot, ijapi kaelel atuj nej dukpe! ²² Japamatkoian japox jachiyaxael, kastikamatkoian wut. Me-ama Dios pejjamechan, chajia lelspx, jum-aech wut, jum-aechox, diachwujnakolax japox jachiyaxael. ²³ Japamatkoian watho', moejowpi, watho'bej, paxi mitan miati, xabich nabijasaxael. Jiwbej, ampatujnapijiw, xabich nabijasaxael, kastikaxaes xoti Dios. ²⁴ Asew japixot beyaxaes espadatat. Asew muxmatakuiyaxaes. Do jawux, buflaeyaxaes asatujnuchanel. Ja-aech wut, asatujnuchanpijiw pasaxael Jerusalén paklowaxxotdin. Do jawut, Jerusalén paklowaxpijiw tato'laxaes asatujnapijiw. Japox jachiyaxael, hasta Dios markamatkoi pat wut. Japamatkoitat Jerusalén paklowaxpijiw kofaxaes tato'laspx asatujnapijiw" —aech Jesús pejnachalaliajwa.

*Jesús, puexa jiw pakoewkolan, pejme kaxaxoekpox
(Mt 24.29–35, 42–44; Mr 13.24–37)*

²⁵ Jesús pejme jum-aech pejnachalaliajwa: "Xan pasliajwan wut, xabich chaemilaxael thatbaxo, juimt matkoipijin, juimt madoipijinbej, ithaejbej. Mar xabich thiachoenkaxael, truxan xabich pinjiyaxan wut. Samata, jiw matabijaxil, achax nejchaxoelaxael, xabich belwaxael xoti. ²⁶ Jiw tujbalaxael pejlwt, nejchaxoel wuti ampathatliajwa, jachiyaxaelpxoliajwa. Do pejme nejlialaxaeli. Puexa thatbaxotatpi, me-ama thatbaxo choelas wut, jasox jiw taeyaxael. ²⁷ Do jawut, xan, puexa jiw pakoewkolnan, itloejentat pasaxoekan wut, puexa jiw nataeyaxael, faloeck wut. Jawut puexa jiw tato'laxaelen. Itliakaxaelenbej tajut Dios pijaxtat. ²⁸ Japoxan taenam wut, xan chajia jum-anpoxan, ixamal xabich nejchachaemilde! ¡Xan nanaexaxisfulde, mox xotliso matkoi xamal bu'welijwan!" —aech Jesús pejnachalaliajwa.

²⁹ Jesús pejme jum-aech wujantat pejnachalaliajwa: "¡Chiekal nejchaxoelde, taenam wut higonae, o, nejmachnaechanbej! ³⁰ Waech mox pawujna wut, japanaechan pajel-naf nakola. Xamal japoxan taenam wut, jum-am: 'Waechlis mox pawujna' —am xamal. ³¹ Jasoxtatbej, xamal matabijaxaelam mox pawujnapox Dios puexa pejjiw tato'laxaelpx ampathatat.

³² "Diachwujnakolax xan jum-an. Puexa ampoxan xan jum-anpoxan, diachwujnakolax japoxan jachiyaxael. Japoxan asew jiw taeyaxael-fuk, ampathatat laelpi. ³³ Thatbaxo, ampathatbej, toepaxael. Pelax tajjamechan toepaxil. Chajia jum-anpoxan, diachwujnakolax japoxan jachiyaxael.

³⁴ "¡Chiekal taem! ¡Nabej nejchaxoele' babijaxan isaxan, saxa feyaxanbej! ¡Nabej nejchaxoele'bej ampathatpijixan! Japoxan nejchaxoelafalam wut, xan chalechkal paskax wut, xamal laepaxaelam Dios naexaxis-elaxtat. ³⁵ Chalechkal paskax wut, xabich jiw nejmamachaxaeli nawujnawes-elaxtat. ³⁶ Samata, ixamal duilafalde xan naxanaboejampoxtat! ¡Pomatkoicha Dios kawujnafaldebej nejnejchaxoelaxantat mamnkaliajwam Diosliajwa, boejtaliasfulaliajwam nabijasmatkoi pat wut! Japoxan boejtaliatam wut, xamal napelsaximil, tajwujnalel nuilam wut, xan, puexa jiw pakoewkolnan, pejme patx wut" —aech Jesús pejnachalaliajwa.

³⁷ Kaematkoisful Jesús naewhajan Dios pejtemplobaxot. Madoi wut, Olivonaechanmhaaxot moejton. ³⁸ Pomatkoicha, kandiawasap, puexa jiw fulalaecha Dios pejtemploba poxade jumtaeliajwapi Jesús naewhajanprohan.

22

Judíospaklochow nejchaxoelpox jaelsliajwapi Jesús

(Mt 26.1–5, 14–16; Mr 14.1–2, 10–11; Jn 11.45–53)

¹ Mox rawhaina Pascuafiestaliajwa. Japamatkoijan jiw xael pan lewadurajila. ² Japamatkoijan sacerdotespaklochow, judíos chanaekabuanaribej, natameja wut, nakaewa najum-aechi: “¿Machiyaxeskat Jesús boesaliajwas?” —na-aechi nakaewa. Pe Jesús boesaxisalfuk, japi pejlewla xoti jiwliajwa.

³ Do jawut, Satanás low Judas pejmatpuatxot. Japon Judas Iscariote, kaen Jesús pejnachalan. Japontat doce. ⁴ Do jawut, Judas fulaech sacerdotespaklochow poxade, Dios pejtemploba wetipaklochow poxadebej. Jaxotde pa'a wut, jum-aechon:

—Xamal nejxasinkam wut, xan wiasaxaelen Jesús xamalxot —aech Judas.

⁵ Paklochow japox jumtaen wut, xabich nejchachaemili. Do jawut, jum-aechi Judasliajwa:

—Xanalxot Jesús wiatam wut, xanal mosaxaelen plata —aechi.

⁶ Do jawut, Judas ow-aech. Samata, whajnowetlison pachaemmatkoi, jiw ajil wut Jesúsxot, japamatkoitat wiasliajwapon Jesús paklochowxot.

Jesús xaelpox, pejnachala swapich, Pascuafiestanaxaeyax

(Mt 26.17–29; Mr 14.12–25; Jn 13.21–30; 1 Co 11.23–26)

⁷ Dolisdo', Pascuafiestalisox. Japafiestatat judíos xael pan lewadurajila. Japapascuafiesta wut, jiw xha'at ovejas jelti's. ⁸ Do jawut, Jesús to'a wut Pedro, Juan swapich, jum-aechon:

—¿Xabha'de naxaeyax isliajwam, ovejawi xaeliajwas Pascuafiestatat! —aech Jesús.

⁹ Japi whajna chaemt wut, jum-aechi:

—¿Amxotkat xanal naxaeyax isaxaelen Pascuafiesta nabu'xaeliajwam? —aechi.

¹⁰ Jesús jumnot wut, jum-aechon:

—Jerusalén paklowax patam wut, kaen aton taeyaxaelam, mint xafol wuton kuarnatat. Japon aton fulfulaem, ba lech poxade!

¹¹ Japabapijin jum-amo: ‘Jiw chanaekabuanan jum-aech: “¿Ampabatutatkat xan tajnachala bu'xaeyaxaelen Pascuafiestanaxaeyax?” —aech jiw chanaekabuanan’ —amo bapijin! ¹² Japon bapijin xamal itpaeyaxael atha pejbatupijax, pinjiyax. Whajna chajia chiekal chaentas. Jaxotse naxaeyax isaxaelam xatisliajwa —aech Jesús, pejnachala to'a wut.

¹³ Do jawut, pejnachala fulaechlisi Jerusalén paklowax poxade. Pat wuti, puexa, me-ama Jesús chajia jum-aech, ja-aechlisox. Samata, jaxotse naxaeyax ispi Pascuafiestanaxaeyax xaeliajwa.

¹⁴ Xaeliajwa wut, Jesús, pejnachala swapich, japi apóstolespi, chalaklisi mesaxot. ¹⁵ Do jawut, Jesús jum-aech pejnachalaliajwa:

—Xan xabich nejxasinkax, xamal swapich, xaeliajwan ampafiestanaxaeyax xan tuxax whajna. ¹⁶ Diachwhajnakolax xan jum-an. Xan pejme xaeyaxinil Pascuafiestanaxaeyax ampathatat. Asamatkoi, Dios xamal

bū'wia wūt, jawūt pejme xaeyaxaelen, xamal s̄apich, Pascuafiestanax-aeayax Diosxotse —aech Jesús.

¹⁷ Do jawūt, Jesús copa chafit puexa pejnachala fiaflaliajwa. Jawūt Jesús gracias-aech wūt Diosliajwa, jum-aechon:

—¡Maj ampot! ¡Kaenanula xamal fiafulde! ¹⁸ Diachwuaajnakolax xan jum-an. Pejme feyaxinil vino ampathatat. Hasta Dios puexa pejjiw tato'al wūt, jawūt pejme vino feyaxaelen —aech Jesús.

¹⁹ Do jawūt, Jesús panax fit wūt, Dios gracias-aech wuton Diosliajwa, panax jalkaful pejnachala kexadiajliajwa. Chaxduw wūt pejnachala xaeliajwa, Jesús jum-aech:

—Ampapan itpaei, me-ama tajwit, xan t̄paxaelen xot xamalliajwa. Asamatkoi, pan xaelam wūt, xan nanejchafaekaliajwam —aech Jesús pejnachalaliajwa.

²⁰ Xaeyax kaechatoel wūt, Jesús pejme copa chafit wūt, jum-aechon:

—Ampavino itpaei, me-ama tajjal. Xan t̄px wūt, tajjal nakola wūt, jiw xan nanaexasitpi, japi beltaeyaxaes babijaxan ispoخانliajwa, tajjal pijaxtat. ²¹ Nawiasaxaelpon tadaelmajiwxot, ma amxot nak-ekondo'. ²² Xan, puexa jiw pakoewkolnan, t̄paxaelen, me-ama Dios pejjamechan chajia jum-aech. Pe nawiasaxaelpon tadaelmajiwxot, japon kaes pejme xabich nabijasaxael —aech Jesús pejnachalaliajwa.

²³ Jesús pejnachala japox jumtaen wūt, nakaewa najum-aechnapari:

—¿Achankat xatisxot Jesús wiasaxael japon padaelmajiwxot? —na-aechnapari nakaewa.

*Jesús pejnachalaxot, japixot achan kaes paklonaxaelpox
(Mt 20.20–28; Mr 10.35–45)*

²⁴ Do jawux, Jesús pejnachala nakaewa najum-aechi: “¿Achankat xatisxot kaes pejme paklonaxael?” —na-aechi. ²⁵ Jesús japox jumtaen wūt, jum-aechon japiliajwa: “Asat̄uajnpijiw, Dios naexasis-elpi, paklochow tato'las wūt, tato'la-esal chamoeyaxtat. Ja-aech wūt, paklochow nakiowa jiw nejxasinkas jumchiliajwas: ‘Wajpaklochow xabich pachaem’ —chiliajwas. ²⁶ Pelax xamal jasoxtat tato'laximil. Wuljoeyaximilbej pamamax najutliajwa. Xamalxot kaen paklonasia wūt, japon majt xamal malech tanbichaxael, me-ama pamakan wūt, jachiliajwapon. Me-ama yamxulan pakoew pakdiachowxot wūt, jachiyaxael japon aton. ²⁷ Paklon ek wūt xaeliajwa mesaxot, pamakan chiekal tataeffison, kamta isliajwa pejpaklon to'aspox. Ja-aechon, paklon kaes tato'lan xot. Xanlax jachi-enil. Xamalxotx wūt, puexa kajachawaesfulax xamal. Me-ama namaknan wūt, ja-an xan xamalliajwa” —aech Jesús pejnachalaliajwa.

²⁸ Jesús pejme jum-aech pejnachalaliajwa: “Xamal nachalafulam, Satanás piach xan naxapaejkaful wūt. ²⁹ Samata, tapaeyaxaelen xamal tato'laliajwam jiw. Me-ama taj-ax Dios xan natapaei puexa jiw tato'laliajwan, xamalbej jachiyaxaelen. ³⁰ Xan tajmatkoi pat wūt jiw tato'laliajwan, jawūt kaeyaxtat, xamal s̄apich, xaeyaxaelen. Feyaxaelenbej. Jawūt chalakaxaelam asat̄ua-ekaxanxot, paklochow pejt̄ua-ekaxanxot, tato'laliajwambej docematanpijiw, Israel t̄uajnpijiw” —aech Jesús pejnachalaliajwa.

*Pedro xanaliyaxaelpox Jesús pejnachalanpoxliajwa
(Mt 26.31–35; Mr 14.27–31; Jn 13.36–38)*

³¹ Jesús jum-aech Pedroliajwa:

—Simón, ¡chiekal najumtaem! Satanás wuljow Dios tapaeliajwas xam xapaejsliajwapon. Xabich xapaejsasiapon xam xan nakofsliajwam. ³² Pe xan Dios kawuajna xam nanaexasisfulaliajwam. Pejme xam xan chiekal nanaexasitam wut, xam kajachawaesfulaxaelam a sew tajnachala, japi kaes xan nanaexasisfulaliajwa —aech Jesús Pedroliajwa.

³³ Simón Pedro jum-aech:

—Tajpaklon, a sew jiw, jiw jebatat xam jia wuti, jipibej xan nej naje! Xam boesa wutbejpi, jipibej xan nej naboesa! —aech Simón Pedro Jesúsliajwa.

³⁴ Jesús jumnot wut, jum-aechon:

—Pedro, xan chiekal jum-an xamliajwa. Amwut, kawaema nejlae-el wutfuk, tres veces xan naxanaliyaxaelam. Jumchiyaxaelam: “Xan japon aton matabijs-enil” —chiyaxaelam xanliajwa —aech Jesús Pedroliajwa.

Jesús pejnachala pejme fol wut xalaeyaxaelpoxan, naewuajnalialjwa wuti Dios pejjamechan

³⁵ Do jawut, Jesús jum-aech pejnachalialiajwa:

—Xamal to'ax wut Dios pejjamechan naewuajnalialjwam asapaklowaxanpijw, xamal kefiatx xalaesamatam nejchoxan, plata, asatwakxajoebej. Xamal masim folam wut, ¿pawewe'pkat asaxan? —aech Jesús, wuajna chaemt wut pejnachala.

Japi jumnot wut, jum-aechi:

—Xanal nawewe'pa-el —aechi.

³⁶ Do pejme Jesús jum-aech:

—Xamal pejme folam wut, xamalxot pejchoxanpi, jipibej nej xalae pejchoxan! Xamalxot pejplatapi, jipibej nej xalae pejplata! Xamalxot espada kejilpi, ¡thuch naxoelpox nej mowapi! Mot wuti, jiapaplatatat nej wuajspi pej-espada! ³⁷ Diachwuajnakolax xan jum-an. Dios pejjamechan chajia jum-aech, japox diachwuajnakolax jachiyaxael xanliajwa. Jum-aechox Dios pejjamechan xanliajwa: ‘Japon kastikaxaes. Me-ama babejen wut, jakechiyaxaeson’ —aechox xanliajwa. Puexa chajia lelspos, diachwuajnakolax japox jachiyaxael xanliajwa —aech Jesús.

³⁸ Do jawut, pejnachala jum-aech:

—Tajpaklon, ama kole-espada —aechi.

Jesús jumnot wut, jum-aechon:

—Ma ampoxtat do mado' —aechon.

*Pawulxot, Getsemaní, Jesús Dios kawuajanpox
(Mt 26.36–46; Mr 14.32–42)*

³⁹ Jesús nakolt wut Jerusalén paklowaxxot, Olivonaechanmuax poxade, me-ama japon pejkabuan. Pejnachala wuchakal fol. ⁴⁰ Jesús pa'a wut jaxotde, jum-aechon pejnachalialiajwa:

—Satanás xamal xapaejaxael. Samata, ¡Dios kawuajande! Ja-am wut, Dios xamal kajachawaesaxael babijax is-elaliajwam —aech Jesús.

⁴¹ Do jawut, Jesús atuxachon pejnachalaxot tamachaliajwa. Me-ama ia't xadaps wut, jas-isdepon. Jaxotde brixtat nukon Dios kawuajnalialjwa. ⁴² Dios kawuajan wut, jum-aechon: “Ax, nejxasinkam wut, ¡nabu'wem nabijasaxaelenpox! ¡Pe nabej is xan nejxasinkaxpox! ¡Isde xam nejxasinkampox!” —aech Jesús, pax Dios kawuajan wut.

⁴³ [Do jawut, chalechkal athulelsik Dios pej-ángel natulaelt Jesús mam-nikaliajwa. ⁴⁴ Jesús xabich nejchaxoel tɔpaxaelpoxliajwa. Samata, kaes pejme Jesús Dios kawhajnaful. Jawut xabich pasislanaton. Pejsis satat natacholan. Me-ama jal, ja-aech pejsis.]

⁴⁵ Jesús nant wut Dios kawhajaxot, kaxadin pejnachala poxadin. Jaxot japi taenpon, moejt wut. Japi xabich damal, nejxaejwas xoti. ⁴⁶ Do jawut, Jesús jum-aech pejnachalaliajwa:

—¿Ma-aech xotkat xamal moejtam? ¡Nanim! ¡Dios kawhajande babijax isasamatam, Satanás xamal xapaeja wut! —aech Jesús.

Jesús jaeltaspox padaelmajiw

(Mt 26.47–56; Mr 14.43–50; Jn 18.2–11)

⁴⁷ Jesús naksiya wutfuk, Judas xabich jiw bɔ'pat Jesúsxot. Japon Jesús pejnachalan, japontat doce. Do jawut, mox soepanlison Jesús xusuiliajwa. ⁴⁸ Pe jawut, Jesús jum-aech:

—Judas, ¿xamkat nawiasaxaelam tadaelmajiwxot naxususuyaxtat, xan, puexa jiw pakowkolnan? —aech Jesús.

⁴⁹ Taen wuti ja-aechpox, Jesús pejnachala jum-aech:

—Tajpaklon, ¿xanalkat ampi jiw beyaxaelen espadatat, xam chamamosliajwan? —aech Jesús pejnachala.

⁵⁰ Do jawut, chalechkal kaen Jesús pejnachalan pej-espadatat boesa wut, kaen aton cho'chikchapon poklalél pejcho't. Japon aton nabist sacerdotespaklokolanliajwa. ⁵¹ Pe jawut Jesús jum-aech pejnachalanliajwa:

—¡Nadokal! —aechon.

Do jawut, cho'chikchaspon Jesús cho'jacha wut, jawut chiekal cho'koelon. ⁵² Pati Jesús jaelsliajwa, japi sacerdotespaklochow, temploba wetipaklochowbej, judíos-ancianosbej. Jawut Jesús jum-aech japiliajwa:

—¿Ma-aech xotkat xamal xafolam espada, iwabej, xan najaelsasiam wut? ¿Xankat xamalliajwa, me-ama babejnan wut, kabuan-an? ⁵³ Kaematkoisful Dios pejtemplobatat xan naewhajnafulax jiw xamalxot. Pe jaxot najaels-emil, Dios patapae-el xot xamal. Pe amwutjel, patlisox, me-ama Dios pejjamechan chajia jum-aech xanliajwa, japox jachiliajwa. Samata, amwutjel Satanás, tato'alpon itkɔataxot, xamal to'a xan najaelsliajwam —aech Jesús.

Pedro xanaliapox Jesús matabijtpoxliajwa

(Mt 26.57–58, 69–75; Mr 14.53–54, 66–72; Jn 18.15–18, 25–27)

⁵⁴ Do jawutliso', Jesús jaeltas japi. Jesús bɔflaech sacerdotespaklokolan pejba poxade. Jawut Pedro atɔaxach fol wɔchakal.

⁵⁵ Sacerdotespaklokolan, japon pejbafalmaktxot, temploba weti jit itfoti. Jaxot jit su'chalakax masajati. Pedrobej jaxot naksu'cha-ek. ⁵⁶ Do jawut, kaeow pawis, japabatat nabistpow, chiekal natachaemtow Pedro, jit naksu'cha-ek wuton. Do jawut, jum-aechow jaxotpijiw jumtaeliajwas:

—Ama kaen, jaeltaspon pejnachalan —aechow Pedroliajwa.

⁵⁷ Pedro xanalia wut, jum-aechon:

—Pawis, xan chinax japon aton matabijs-enil —aech Pedro.

⁵⁸ Do jawux, asanbej pejme taenson. Japonbej jum-aech:

—Diachwajnakolax xambej, japon pejmɔtpijnam —aechon Pedroliajwa.

Pedro jumnot wut, jum-aechon:

—¡E! ¡Xan japon pejmupijna-enil! —aechon.

⁵⁹ Do jawux, kaehora wutlejen, asanbej pejme jum-aech:

—Diachwujnakolax ampon, jaeltaspon pejnachalan. Amponbej Galilea tuajnapijin —aechon.

⁶⁰ Pe Pedro pejme jum-aech:

—Xan matabijs-enil jum-ampox —aech Pedro.

Pedro jum-aech wutfuk, jawut kawaema nejla. ⁶¹ Kawaema nejla wut, Jesús wultataen wut, taenon Pedro. Do jawut, Pedro nejchafaet Jesús chajia jum-aechpox: “Amwut, kawaema nejlae-el wutfuk, xam tres veces xanliajwa naxanaliyaxaelam. Jumchiyaxaelam xanliajwa: ‘Xan japon aton matabijs-enil’ —chiyaxaelam” —aech Jesús, chajia jum-aech wut Pedroliajwa. ⁶² Do jawut, japabafalmaktxot Pedro nakolt tathoet poxaliajwade. Jaxotde xabich nowpon, xabich nejxaejwas xot.

Jesús bu'wujajnapaeispor

(Mt 26.67–68; Mr 14.65)

⁶³ Poejiw, weti Jesús, japi bu'wujajnapaeipi Jesús. Baesbejpon.

⁶⁴ Itfumatakusbejpon. Jawut pejme xutulapas. Kaenanala xutulapi jum-aechi Jesúsliajwa:

—¡jum-amde, achan xam xutulap! —aechi.

⁶⁵ Japibej jum-aechi babejjamechan Jesúsliajwa.

Jesús nukpox judiospaklochow pejwujajnalel

(Mt 26.59–66; Mr 14.55–64; Jn 18.19–24)

⁶⁶ Kandiawasap wut, juimt julan wut, natameja judios-ancianos, sacerdotespaklochow, judios chanaekabuanapibej. (Japi puexa natameja wut, japox pawul Junta Suprema.) Jesús bu'fos wut, bu'pachpon Junta Suprema natamejaxot. Japi pejwujajnalel wut Jesús jumtis:

⁶⁷ —¡Xanal jumtaeliajwan xam jum-amde! ¿Xamkat diachwujnakolax Cristowam, Dios to'asponam jiw bu'welijawam? —aechi.

Jesús jumnot wut, jum-aechon:

—Xan jum-an wut: ‘Diasdo’ —an wut, xamal naexaxisaximil. ⁶⁸ Xamal wujajnaemtax wutbej, najumnosaximil. ⁶⁹ Pe xan, puexa jiw pakoewkolnan, ekaxaelen taj-ax Dios poklalel jiw tato'laliajwan, taj-ax sapich. Dios pamamakolan, japon xajup puexa isliajwa —aech Jesús.

⁷⁰ Jawut Jesús wujajnaemtas wut, jumtispon:

—¿Xamkatlap Dios paxulnam? —tispon.

Jesús jumnot wut, jum-aechon:

—¡Diasdo! ¡Xanlap japonan, najum-amponan! —aech Jesús.

⁷¹ Do jawut, japi nakaewa najum-aech:

—Xatis nakwewe'pa-el asew jiw nakjumchiliajwa Jesús pejbu'wujajnapoxliajwa. Xatis wajut chiekal jumtaens, jum-aech wuton: ‘Xan Dios paxulnan’ —aech wuton. Japox jum-aech wut, jum-aechon Dios nejweslapox. Samata, kastikaxaeson —na-aech nakaewa Junta Supremapijiw.

23

Jesús nukpox Pilato pejwujajnalel

(Mt 27.1–2, 11–14; Mr 15.1–5; Jn 18.28–38)

¹ Do jawut, japi jiw, Junta Supremapijiw, nana. Bu'follisi Jesús Pilato poxade. ² Jesús Pilato pejwajnalel wut, tuaduti Jesús tasalaliajwa. Jum-aechi:

—Xanal tajut chiekal jumtaenx. Ampon aton pejnaewajnaxtat jiw potajnuchanpijiw xabich palala. Jum-aechbejpon: ‘¡Nabey mos impuesto Roma gobiernoliajwa!’ —aechon. Jum-aechbejpon: ‘Xan Cristowan, Israel tuajnapijiw tato'laliajwan’ —aechon.

³ Do jawut, Pilato wajnaemnt wut, jum-aechon Jesúsliajwa:

—¿Xamkatlap diachwajnakolax judíos pejreynam? —aech Pilato.

Jesús jumnot wut, jum-aechon:

—Diachwajnakolax, xan japonan, me-ama xam jum-am —aech Jesús.

⁴ Do jawut, Pilato jum-aech sacerdotespaklochowliajwa, puexa jiwliawjwabej:

—Xanliajwa ampon aton bu'wajanjil kastikaliajwan —aech Pilato.

⁵ Pe nakiowa, japi xabich jumbisnik Jesús kastikaliajwas. Samata, kaes xabich jum-aechfuli:

—Ampon aton pejnaewajnaxtat potajnuchanpijiw xabich palala. Japox naewajna x tuaduton Galilea tuajna xot. Amwutjel japox naewajnaful amxotbej, Judea tuajna xot —aech paklochow Jesúsliajwa.

Jesús nukpox Herodes pejwajnalel

⁶ Pilato jumtaen wut Jesús majt naewajanpox Galilea tuajna xot, jawut, wajnaemnton judióspaklochow. Jum-aechon Jesúsliajwa:

—¿Japonkat Galilea tuajnapijin? —aech Pilato. ⁷ Paklochow jum-aech wut: “Amponlap Galilea tuajnapijin” —aech wuti, Pilato to'a soldaw buflaeliajwas Jesús gobernador Herodes poxade, japon Herodes puexa Galilea tuajnapijiw tato'lan xot. Japamatkoivan Herodes Jerusalén paklowaxxot. ⁸ Herodes taen wut Jesús bu'fospox japonlel, xabich nejchachaemilon. Herodes majt chajia taesiapon Jesús, wultaeful xot Jesús koechaxan isfulpoxan. Samata, japonbej pajut chiekal taesia Jesús koechax ispox. ⁹ Herodes xabich wajnaemnt Jesús. Pe Jesús kaes jumnos-el wajnaemntfulaspoxan. ¹⁰ Jaxot nuil sacerdotespaklochow, judíos chanaekabuanapibej. Japi tasala Jesús xabich jumbisnikpoxat. ¹¹ Do jawut, Herodes, pejsoldaw sapich, bu'wajanpaeipi Jesús. Xajoellisipon chamoeyax, me-ama rey pijax, jasox, japoxtat taxaxaelaliajwas. Me-ama judíos pejrey wut, ketison. Do jawux, Herodes pejsoldaw to'a Jesús pejme buflaeliajwas Pilato poxade. ¹² Majt Pilato, Herodes sapich, nadaelmataen. Pe japamatkoitat japi pejme najumchachaemil.

Pilato to'apox Jesús kematamatlaliajwas

(Mt 27.15–26; Mr 15.6–15; Jn 18.39–19.16)

¹³ Do jawux, Pilato wallala natamejlaliajwa sacerdotespaklochow, judióspaklochowbej, asex judíosbej. ¹⁴ Dolisi, natameja wut, Pilato jum-aech japiliajwa:

—Xamal ampon aton buflaeman xanlel. Xan najum-am: ‘Ampon aton pejnaewajnaxtat potajnuchanpijiw xabich palalaful’ —na-am xamal. Xamal nejwajnalel ampon chiekal wajnaemntax bu'atasalampoxanliajwa. Ampon aton chinax babijax is-el kastikaliajwas. ¹⁵ Herodes nejchaxoelbej: ‘Ampon aton babijax is-el’ —aech Herodes, nejchaxoel wut Jesúsliajwa. Samata, Herodes kastika-el Jesús.

Asbuan jumch kaxa to'anpon Jesús xanel. Amwutjel xamal chiekal matabijam. Ampon aton babijax is-el japoxtat tupaliajwa. ¹⁶ Samata, tajsoldaw keto'axaelen asbuan jumch selsliajwas. Do jawux, nakolsax tapaeyaxaelen —aech Pilato japiliajwa.

¹⁷ [Kaewaechful wut, Pascuafiesta wut, Pilato jitapaei kaen jiw jebatat jiaspon nakolsliajwa, jiw wuljowspon. Pilato jasox is, jiw nejchachaemlaliajwa japonliajwa.]

¹⁸ Pilato japox jum-aech wut: “Jesús nakolsax tapaeyaxaelen” —aech wuton, judíos nejlasful wut, jum-aechfuli:

—japon kematamatalde cruztat! ¡Barrabás! xaxaelen nakolsax tapaem! —aechfuli.

¹⁹ Japon Barrabás majt naba, Pilato pejsoldaw swapich, Jerusalén paklowaxxot. Jiw babejpon. Samata, jiaspon jiw jebatat. ²⁰ Pilato tapaesia Jesús nakolsliajwa. Samata, pejme jum-aechon japi jiwliajwa. ²¹ Pe Pilato naksiya wut, japi jiw kaes nejlasful wut, jum-aechfuli:

—japonlax kematamatalde cruztat tupaliajwapon! —aechfuli, nejlasful wut Jesúsliajwa.

²² Pilato pejme jum-aech japiliajwa:

—¿Ma-aech xotkat xamal jum-am: ‘japon nej tupe!’ —amkat? ¿Achababi-jaxkaton is? Xanliajwa japon aton bu'wujanjil japoxtat tupaliajwa. Samata, tajsoldaw keto'axaelen asbuan jumch selsliajwas. Do jawux, nakolsax tapaeyaxaelen japon —aech Pilato judíosliajwa.

²³⁻²⁴ Pe japi xabich jumbisnik wut, nejlasful. Jawut jum-aechfuli:

—japon kematamatalde cruztat tupaliajwa! —aechfuli.

Japi xabich jumbisnik xot, Pilato baxael ow-aechlison. ²⁵ Samata, Pilato pejsoldaw to'a tapaeliajwapi nakosax Barrabás jiw jebaxot, japi wuljowpon nakolsliajwa. Barrabás jiw jebatat majt jias, naba xoton, soldaw swapich, asew jiw ba xotbejpon. Do jawutbej, Pilato to'a Jesús kematamatlaliajwas cruztat, me-ama japi jiw wuljow japon isliajwa japox.

Jesús kematamatlaspox cruztat

(Mt 27.32–44; Mr 15.21–32; Jn 19.17–27)

²⁶ Do jawutbej, soldaw, japi bu'fol Jesús kematamatlaliajwas cruztat. Do jawutbej, paklowaxlel Simón fulaen. Japon Cirene paklowaxpijin. Xensliajwa wut, soldaw jaeltason. Do jawut, to'ason Jesús pijax cruz xalaeliajwa, Jesús xafolox. Jesús kaes xalaeyaxil, xabich boejil xotlison kastikaxtat. Dolisdo', japon Simón xafolon cruz Jesús pejwuchakal.

²⁷ Do jawut, xabich jiw Jesús pejwuchakal fol. Japixot xabich watho' wunow. Nowpi pinjаметat, xabich nejxaejwas xoti Jesús. ²⁸ Jesús wultataen wut japi watho'lel, jum-aechon:

—Watho', Jerusalén paklowaxpijwam, jxan nabej nawunoe'! ¡Nawunoe' naxutliajwa, naxiliajwabej! ²⁹ Nabijasmatkoi pat wut, jiw xabich nabijasaxael. Japamatkoitat jiw jumchiyaxael: ‘Amwutjel wepachaems nafenapi, asew xijilpibej, paxi ajil xot nabijasliajwa’ —chiyaxaeli. ³⁰ Japamatkoitat jiw jumchiyaxaelbej pinamuxanliajwa, cha-aelmuxanliajwabej: ‘Natacholnamik xanallelsik nakulaliajwam, jasoxtat namoexaliajwambej’ —chiyaxaeli, kaes nabijasfula-elaliajwa.

³¹ Xan, babijax is-enilponan, nakematamatlaxaeli cruztat. Pe xabich babijaxan ispi, xabich kaes pejme nabijasaxael, wetapach wut nabijasmatkoi —aech Jesús japi watho'liajwa, wunowspiliajwa.

³² Dolisdo', soldaw bu'fol wuti Jesús, jawutbej bu'foli kolenje kethakan, japibej kaenanula kematamatlialijwas pejcruztat, Jesús suapich. ³³ Bu'pach wuti kaemuaax pawulxot, Matnaethitmuaxxot, jaxot Jesús kematamatlas cruztat. Jaxotbej kolenje kethakan kematamatlas cruztat. Asan chanuk Jesús pejpoklalel. Asan chanuk Jesús pejsoenalel. ³⁴ Jesús cruztat wut, jum-aechon:

—Ax, jampi jiw beltaem! Matabija-eli ispoxlialjwa —aech Jesús soldawliajwa.

Jesús kematamatali, japi soldaw nakakuji ia'xix matabijaliajwa, achan kanaxael kaenanula Jesús pejnaxoe. ³⁵ Jiw jaxoti natachaema puexa ja-aechox. Jaxotbej judiospaklochow. Jawut japi bu'wuaajanpaei Jesús. Nakaewa najum-aechi:

—Asew jiw bu'wiapon. Diachwuaajnakolax ampon Cristo wut, Dios to'aspon wut jiw bu'weliajwa, jma amwut pajut nej nabu'wepon! —aechi Jesúsliajwa, bu'wuaajanpaei wut.

³⁶ Soldawbej bu'wuaajanpaeipi Jesús. Kaesuapich soldaw mox soepa Jesúsxot. Duajyasiapi vino, xathuyamint, Jesús suiliajwa xabich wex-aenkasamatas. ³⁷ Jawut jum-aechi Jesúsliajwa:

—Xam judiospaklokolnam wut, jnajat nabu'wem! —aechi Jesúsliajwa.

³⁸ Jesús pejta'tabijla lelspx chaduch. Japox lelspx jum-aech: “Ampon judios pejrey” —aechox.

³⁹ Asan kethakan cruztat kematamatlaspon, japonbej jum-aech bu'wuaajanpaei Jesús:

—Xam Cristowam wut, Dios to'aponam wut jiw bu'weliajwam, jma amwut najut nabu'wem! Do ja-aech wut, jxanalbej nabu'wem! —aech kethakan Jesúsliajwa.

⁴⁰ Asan kethakan buxfiat pejnachalan bu'wuaajanpaeipox. Do jawut, jum-aechon:

—jXam japox nabej jum-aech'e Jesúsliajwa! ¿Xamkat nejlewla-el Diosliajwa, xatisbej tupaaxes xot? ⁴¹ Xatis nabijatas nakkastikapoxtat, babijaxan isas xot. Amponlax chinax babijax is-el —aech kethakan pejnachalanliajwa.

⁴² Kethakan japox jum-aech wut, jum-aechon Jesúsliajwa:

—Jesús, xam puexa jiw tato'lax tuadutam wut, jjawutbej xan nanejchadu'e! —aech kethakan.

⁴³ Jesús jumnot wut, jum-aechon kethakanliajwa:

—Diachwuaajnakolax xan jum-an. Ma amwut, xam Diosxotaxaelam, xan suapich —aech Jesús kethakanliajwa.

Jesús tuppox cruztat

(Mt 27.45–56; Mr 15.33–41; Jn 19.28–30)

⁴⁴ Jesús tupaliajwa wut, juimt matnoch ek wut, xabich itkuatnik tres hora potuajnucha. ⁴⁵ Itkumatnik xabich, juimt chiekal itliakael xot. Do jawut, Dios pejtemplobatutat pinabu', duchpox batutat, najupathiakchakas. ⁴⁶ Do jawut, Jesús nejlakcha wut, jum-aechon pax Diosliajwa:

—Ax, jma amwut xan tupaaxaelen! jXam xanaboejtax taj-espíritu chiekal nawetataeflaxaelampox! —aech Jesús.

Jesús japox jum-aech wut, turlison.

⁴⁷ Soldawcapitán taen waton Jesús tupaax, do jawut, jum-aechon Diosliajwa: “Dios, xam xabich pachaemam” —aechon. Jum-aechbejpon

jaxoti jumtaeliajwa: “Diachwujnakolax ampon aton chinax babijax is-el tupaliajwa jasoxtat” —aech soldawcapitán.

⁴⁸ Puexa japox taenpi, nawia wut pejbachan poxade, kaenanula pajut namatiafdakapi, xabich nejxaejwas xot. ⁴⁹ Asew jiw, matabijapi Jesús, japi ataxach natachaemanuil. Jaxotbej watho' nuil, fulaenpi Galilea tujnuxot.

Patupan Jesús ochpox mmaxwujtat

(Mt 27.57–61; Mr 15.42–47; Jn 19.38–42)

⁵⁰⁻⁵¹ Jerusalén paklowaxxot aton duk. Japon pawul José. Japon Arimatea paklowaxpijin, Judea tujnuxot. Japon pachaem. Chiekal dukbejpon Diosliajwa. Japon judiospaklochowxot, Junta Supremapijin. Pe japon kaenejchaxoelaxa-elon Junta Supremapijiw ispoxliajwa Jesúsliajwa. Japon wujnawet Dios pejmatkoi tudusliajwapox, Dios pejiw tato'laxaelmatkoi. ⁵² Jesús tup wut, José fulaech Pilato poxade wuljoeliajwapon patupan Jesús muthsliajwabejpon. José wuljow wut, Pilato ow-aech. ⁵³ Do jawux, José pat wut patupan Jesúsxot, kusklison Jesús cruzsotik. Jawut José xakoeya patupan sábanabu'tat, pabujabu'tat, osliajwa mmaxwujxot. Japammaxwuj pajelwuj. Patupan os-esalfuk. ⁵⁴ José japox is napatamatkoi wujjna, japamatkoi chawujnachaemsliajwa. Jawut, José japox isax ketoet wut, cha-aex we'pfuk nadusliajwa napatamatkoi.

⁵⁵ Japi watho', majt Jesús naknanuamti Galilea tujnuxot. Japi watho' wuchakal fol, José fulaech wut mmaxwuj poxade. Samata, taeni Jesús ochpox. ⁵⁶ Do jawut, japi watho' kaxa nawen wut pejba poxade, chaemtliis perjumamin, xabejasapanbej, patupan joelaliajwa. Do jawut, japi napata, napatamatkoi xot. Me-ama Moisés chajia lelpox jum-aech, ja-aechlisi.

24

Patupan Jesús mat-ech pejme dukaliajwa

(Mt 28.1–10; Mr 16.1–8; Jn 20.1–10)

¹ Dominkomatkoi, kandiawasap wut, watho' fulaech patupanwuj poxade. Japi xafol chajia chaemtpi, perjumaminan, xabejasapanbej. ² Jaxotde pa'a wut, taeni ia't pinjit, jajaerat, asalelaxach nukpox, patupanwujfafa xat-elspot. ³ Pe japi watho' japawuj low wut, taeneli patupan. ⁴ Jawut xabich beljowpi. Matabija-eli isaxaelpox. Do jawut, chalechkal japi watho' taen kolenje Dios pej-ángeles, jaxot nuil wuti. Japi kolenje ángeles pejnaxoe xabich nakliafan. Me-ama chamx, jakaliaf-aech japi pejnaxoe. ⁵ Watho' pejlwula xot, brixtat nuili. Sat makxabijindikbejpi. Jawut Dios pej-ángeles jum-aech watho'liajwa:

—¿Ma-aech xotkat xamal wulwekam patupan? ¡Jesús mat-echlison pejme dukaliajwa! ⁶ Amxot ajil patupan. Ma amwutjel dukpon, mat-ech xot. ¡Nejchafae'e, xamalliajwa chajia jum-aech wuton, Galilea tujnuxot wuton! ⁷ Japon chajia jum-aech: “Xan puexa jiw pakoewkolnan, asew jiw nawiasaxael asajiwxot tupaliajwan, cruztat nakematamatlaliajwa. Tres matkoi wut, Dios namat-eyaxael pejme dukaliajwan” —aechon, chajia jum-aech wut —aech Dios pej-ángeles japi watho'liajwa.

⁸ Do jawut, japi watho' nejchafae Jesús chajia jum-aechpox japiliajwa. ⁹ Watho' kaxa nawen wut Jesús ochxotdin, puexa japoxan chapaeipi once apóstolesxot, asew jiwliajwabej. ¹⁰ Japi watho'xot, kaeow pawul María.

Japow Magdala paklowaxpijow. Asaow pawul Juana. Asaow pawul María. Japow Santiago pen. Kaes asew watho'bej japixot. ¹¹ Apóstoles jumtaen wut watho' jum-aechpox, jum-aechi, nejchaxoel wut: “Watho' pajut pejkaechantat faekalap” —aech apóstoles, nejchaxoel wut. Samata, naexasis-eli watho' chapaeispox.

¹² Asew naexasis-el wut, Pedro najae'e Jesús muthtas poxade. Pat wuton, patupanwuj natachaemsepon. Jawut taenon sábanabu'ankal. Do jawut, Pedro kaxadin wut, xabich nejchaxoelaful taenpoxliajwa.

Jesús natulaeltpox kolenje pejnachalanxot, fol wuti Emaús paklowaxnhamtat

(Mr 16.12–13)

¹³ Dominkomatkoï wut, kolenje Jesús pejnachalan Jerusalén paklowaxxot nakola Emaús paklowax poxaliajwade. Emaús paklowax pasliajwa, me-ama once kilómetros. ¹⁴ Nhamtat fol wut, nospaefuli Jesús cruztat kematamatlaspoxliajwa. ¹⁵ Nospaeful wutfuki, Jesús pajut mox soepan japixot. Do jawut, Jesús nakfol japi. ¹⁶ Japi taen Jesús. Pe japi matabija-el japon Jesúspon, Dios tapae-esal xoti japi matabijsliajwa Jesús. ¹⁷ Do jawut, Jesús wujajnaemt wut, jum-aechon:

—¿Achaxkat xamal nospaelpam, nhamtat folam wut? —aech Jesús.

Japi nuiljaba. Xutampapi nejxaejwaspox. ¹⁸ Kaen japixot pawul Cleofas. Japon jum-aech:

—¿Xamkat fulaeman Jerusalén paklowaxxot? ¿Xamkatlap kaenam matabijs-emilponam ja-aechox ampamatkoïyan Jerusalén paklowaxxot? —aech Cleofas Jesúsliajwa.

¹⁹ Jesús wujajnaemt wut, jum-aechon:

—¿Achaxkat ja-aech Jerusalén paklowaxxot? —aech Jesús.

Do jawut, japi jum-aech:

—Jesús Nazaretpijin, Dios pejprofeta, japon xabich koechaxan is Dios pejpamamaxtat. Jiw chiekal naewujnafulbejpon Dios pijaxtat. Jaso x isfulon xabich jiwliajwa. ²⁰ Sacerdotespaklochow, wajpaklochow-bej, asajiw xot wiatipon tupaliajwa. Samata, cruztat kematamatlas. ²¹ Xanal nejchaxoelx japonliajwa: ‘Xatis judíos japon nakbu'weyaxael asatujajnapijiw naktato'alpox’ —an xanal, nejchaxoelx wut japonliajwa. Pelisox tres matkoije japon tuppox. ²²⁻²³ Asew watho' xanal xot ampakandiawasap fulaech patupanwuj poxade. Pe patupan Jesús ajil wut, kaxa naweni bachadin. Japi watho' xanal nachapaei, Dios pej-ángel natulaela wut japixot jumtis pox. Jumtis japi watho': ‘Jesús mat-echlison! ¡Ma amwutjel pejme duklison!’ —tis japi watho'. Japox xanal jumtaenx wut, xabich nejchaxoelx japoxliajwa. ²⁴ Do jawux, asew xanalxotpijiw fulaech patupanwuj poxade pajut chiekal taeliajwa. Do jawut, taeni puexa, me-ama watho' jum-aech. Pe tae-eli patupan Jesús —aechi Jesúsliajwa, japi kolenje, Emaus paklowax poxade fulaechpi.

²⁵ Do jawut, Jesús jum-aech japiliajwa:

—Xamal xabich matnaetinkam. Naexasis-emil profetas chajia lelpox Cristoliajwa. ²⁶ Matabija-emilbej Dios pejjamechan. Cristo, Dios to'aspon jiw bu'weliajwa, japon majt xabich nabijasaxael. Do jawux, mat-eyaxaeson pejme dukaliajwa. Jiw tato'laxaelbejpon Diosxotse —aech Jesús pajutliajwa.

²⁷ Do jawut, Jesús chiekal chanaekabuanana Dios pejjamechan chajia jum-aechox japonliajwa. Jawutbej chiekal chanaekabuanapon Moisés

chajia lelpoxliajwa. Do jawutbej, Jesús chiekal chanaekabana Dios pejprofetas chajia lelpox, jachiyaxaespo xaponliajwa.

²⁸ Emaús paklowax pasliajwa wuti, jawut Jesús, me-ama matnoch xensliajwa wut, ja-aechon. ²⁹ Pe japi kolenje xabich jum-bisnik japon namanaliajwa japixot. Jum-aechi:

—¡Namande xanalxot moejsliajwam! Tuilaliso x. Itkua'nikafulbejliso x —aechi.

Do jawut, Jesús ow-aech. Lowlison namanaliajwa, japi suapich. ³⁰ Chalak wutlisi mesaxot naxaeliajwa, jawut Jesús panax fit wut, gracias-aechon Diosliajwa. Do jawut, panax jalnat wut, chaxduwpon japi kolenje. ³¹ Do jawutbej, japi chiekal matabija japon diachwajnakolax Jesúspon. Jawut chalechkal Jesús naxaelcha. ³² Naxaelcha wuton, nakaewa japi kolenje najum-aechna:

—Diachwajnakolax xabich nejchachaemlas, nakfol wuton xatis, chiekal nakchanaekabana wutbejpon Dios pejjamechan, chajia lelspox —na-aechi nakaewa.

³³ Do jawut, kamta nanapi kaxaliajwade, Jerusalén paklowax poxade. Jaxotde pa'a wut, wujna natamejal once apóstoles, asewbej. ³⁴ Japi apóstoles jum-aech kolenje, jelpatiliajwa:

—Diachwajnakolax wajpaklon Jesús mat-ech. Pejme duklison. Jesús natulaelt Simónxot —aechi.

³⁵ Do jawut, japi kolenje, jelpati, chapaei, nuamtat fol wut japiliajwa ja-aechpox. Chapaeibejpi, Jesús panax jalnat wut japi xaeliajwa. Do jawutbej, pajut chiekal matabijapi, diachwajnakolax japon Jesúspon.

Jesús natulaelt pox pejnachala natamejaxot

(Mt 28.16–20; Mr 16.14–18; Jn 20.19–23)

³⁶ Japi kolenje japox chapaei wutfuk, jawut chalechkal Jesús natulaelt japixot. Do jawut, Jesús japi kejacha wut, jum-aechon:

—¡Dios nej kajachawaes xamal chiekal duilaliajwam! —aechon.

³⁷ Xabich belwanapi, nejchaxoel wut, jum-aech xoti: “Ampon Jesús-el. Pej-ael” —aech xoti, nejchaxoel wut. ³⁸ Jesús jum-aech:

—¿Ma-aech xotkat xamal puexa belwam? ¿Ma-aech xotbejkat naexaxis-emil xan namat-etpoxliajwa pejme dukaliajwan? ³⁹ ¡Taem tajke-e, tajtuakanbej! Xanlap japonan. ¡Najacham! ¡Nataem chiekal! Espíritu wejisal pawí, pathibej. Me-ama xan, jachi-el —aech Jesús.

⁴⁰ Buxtoet wut, itpaelison pejke-e, pejtukanbej. ⁴¹ Jesús pejnachala xabich nejchachaemil, pejme taen wuti Jesús. Pe chiekal naexaxis-elfuki, diachwajnakolax japon Jesúsolan wut, xabich nejchaxoelanuil xoti. Do jawut, Jesús pejme jum-aech japiliajwa:

—¿Xamalkat naxaeyax xan xaeliajwan? —aech Jesús.

⁴² Jawut chaxdutipon baxin chabosan, jalnaspo x. ⁴³ Do jawut, Jesús baxin fit. Jawut puexa pejnachala pejwajnalel xaelon. ⁴⁴ Do jawutbej, Jesús jum-aech japiliajwa:

—Japoxanliajwa xamal chajia jum-an, tuxaxaelenpoxliajwa tuxa-enil wutfuk, namat-esaxaelpoxliajwabej pejme dukaliajwan. Japoxanliajwa Moisés chajia lel, profetasbej. Salmosfutal lels japoxanliajwa. Samata, japoxan ja-aechliso xanliajwa —aech Jesús pejnachalaliajwa.

⁴⁵ Do jawut, Jesús chiekal chanaekabana pejnachala, japi chiekal matabijaliajwa Dios pejjamechan, chajia lelspoxan, jum-aech wut

Jesúsliajwa. ⁴⁶⁻⁴⁷ Jesús pejnachala chiekal chanaekabuaana wut, jum-aechon:

—Dios pejjamechan chajia jum-aech xanliajwa: ‘Cristo, Dios to'aspon jiw bu'weliawja, japon tɔpaxael. Tɔppox tres matkoi wut, japon mat-esaxaes pejme dukaliajwa. Do jawux, pejjiw tɔadusaxael japon pejwɔajan naewɔajnalialjwa Jerusalén paklowaxxot. Do baxael, japi naewɔajnaxael asew jiw, asatɔajnuchanpijiw. Japox Cristo pejjiw isfulaxael jiw kofaliajwa babijaxan ispoxan beltaeliaswasi Dios’ —aech Dios pejjamechan, chajia jum-aech wut xanliajwa. ⁴⁸ Diachwɔajnakolax japoxan chiekal ja-aechlisox. Amwɔtjel xamal najut chiekal taenam. ¡Japoxan xamal chapaefulde asew jiw! ⁴⁹ Xan to'axoekan Espíritu Santo xamallialjwa, Dios chajia jumdutpon xamal kajachawaesfulalialjwapon. ¡Xamalfuk kawetaxaelam Jerusalén paklowaxxot wɔajnwesliawjam Espíritu Santo xamal nejmatpɔatanxot pasliawwasik! Dolisdo', Espíritu Santo pask wut, mamnikaxaelam Dios pijaxtat —aech Jesús pejnachalalialjwa.

Jesús bu'fospox athɔ poxase
(Mr 16.19–20)

⁵⁰ Do jawux, Jesús pejnachala bu'fol Jerusalén paklowaxxot, Betania paklowaxlel poxade. Pa'a wuti mox Betania paklowaxxot, Jesús mɔaxxachot Dios kawɔajnalialjwa pejnachalalialjwa, Dios kajachawaesfulalialjwas japon pejnachala. ⁵¹ Jesús kawɔajan wɔtfuk Dios pejnachalaxot, jawut Dios bu'foslison athɔ poxase. ⁵² Jesús pejnachala japox taen wut, brixtat nuili itpaelialjwa sitaeyax Jesúsliajwa. Do jawux, kaxa nawen wut Jerusalén paklowax poxadin, japi xabich nejchachaemil. ⁵³ Kaematkoisful, Dios pejtemplobatat Dios kawɔajan wut, jum-aechi Diosliajwa: “Dios, xam xabich pachaemam” —aechfuli.

Juan lelpox Jesucristo pejuajan

Cristo, Dios paxulan, japon dukpox ampathat wujna

¹ Majt akaseskolaxtat, ampathat is-esal wutfuk, Cristo wujna chajia duk, pax Dios suapich. Pe japonbej Dios. Samata, itpaeipon Dios pejmatabijsax jiw matabijaliajwa japoxan. ² Diachwujnakolax dukon, pax Dios suapich, akaseskolaxtat. Amwutjel japon nakiowa duk. ³ Dios pijaxtat Cristo is ampathat, thatbaxobej. Isbejpon puexa ampathatapi, thatbaxotatpibej. Japoxan Cristo is-el wut Dios pijaxtat, puexa chiekal ajilaxael. Ajilaxael ampathat, thatbaxobej. ⁴ Cristo pijaxtat jiw laelp ampathatat. Japon tapae-el wut, jiw ampathatat laelpaxil. Tapaeibejpon jiw matabijaliajwa diachwujnakolaxpox Diosliajwa. Samata, Cristo, me-ama itliakax. Itliakon jiwliajwa. ⁵ Me-ama itliakax itkuaatxot itliak wut, ja-aechbej Cristo. Itkuaatx itkuasaxil itliakax. Satanás, me-ama itkuaatx. Satanás xajupaxil toesliajwa Cristo.

Juan, jiw bautisan, naewujnapox

⁶ Dios pejprofeta, majt ampathatat laejapon, pawul Juan. Japon naewujnan jiw Dios baxto'aspojan. ⁷ Samata, japon jiw naewujnan matabijtpoxan Cristoliajwa, japi jiw naexaxisliajwabej Cristo. ⁸ Juan Cristowa-el. Japon to'as jiw naewujnaliajwa Cristo wujna. ⁹ Diachwujnakolax Cristo fuloek ampathatasik jiw matabijaliajwa, achan Dios.

¹⁰ Cristo chajiakolaxtat ampathat is Dios pijaxtat. Do jawux, Cristo pajut duk ampathatat. Pe ampathatpijiw matabija-el japon Cristopon, Dios paxulanpon. ¹¹ Paskon pejiwxotsik. Pe judíos naexaxis-el japon Dios paxulanpon. ¹² Pe asew jiwlaw, naexasiti Cristo, japon Dios paxulanpon, japi jiw Dios tapaeis Dios paxi nadofaliajwa. ¹³ Japi penjiwxot nalaelapoxtat, Dios paxi nadofa-el. Dios tapaei is xoti, japi Dios paxi nadofa Cristo pijaxtat.

¹⁴ Cristo nalaelt ampathatat, me-ama yamxi ampathatat nalaela wut, ja-aechon. Dukon xatisxot ampathatat. Cristo xabich nejxasink puexa jiw. Diach paeibejpon. Xanal taenx pejpamamax, pax Dios chaxduchpox japon kaekolan paxulanliajwa. ¹⁵ Juan, jiw bautisan, chajia jum-aech jiw matabijaliajwa Cristo fulaeyaxoekpox. Samata, Juan pinjametat jum-aechon: “Xan chajia jum-an Cristoliajwa: ‘Xan fulaenx japon wujna. Fulaeyaxaelpon, japon kaes pejme paklonaxael. Me-ama xan, jachiyaxilon, japon wujna chajia duk xot Diosxotse’ —an xan” —aech Juan, jiw bautisan, Cristo pejpasaxliajwa.

¹⁶ Cristo xabich nejxasink puexa jiw. Samata, isful pomatkoicha pachaempoxan xatisliajwa. ¹⁷ Moisés, judíos pejuujnapijin, chajiakolaxtat japon naewujnan judíos Dios tato'alpoxan. Baxael, Cristo pat japon chiekal jiw naewujnaliajwa Dios pejnejxasiyax jiwliajwa. Naewujnanbejpon diachwujnakolaxpox. ¹⁸ Kaen aton tae-el Dios. Pe Dios paxulan, dukpon paxxotse, japonlax chiekal matabijit pax Dios. Samata, japon pijaxtat matabijas, ma-aech Dios.

*Juan, jiw bautisan, wujnachaemtaspojan jiw, japon Cristo wut
(Mt 3.11–12; Mr 1.7–8; Lc 3.15–17)*

¹⁹ Asamatkoi wut, judíospaklochow, Jerusalén paklowaxpijiw, japi to'a sacerdotas Juan poxade. To'abej kajachawaetpi sacerdotas. Japi to'as wuajnaemsliajwapi Juan. Pat wuti Juanxot, japi jum-aech:

—¿Xamkat achanam? ¿Xamkatlap Dios to'asponam? —aechi Juanliajwa.

²⁰ Juan diachwuajnakolax chiekal paei. Samata, jumnot wut, jum-aechon japi jiw chiekal jumtaeliajwa:

—Xan Cristowa-enil. Dios to'aspona-enil puexa jiw bu'welijwan —aech Juan.

²¹ Japi pejme wuajnaemst wut, jum-aechi:

—¿Xamkat achanam? ¿Xamkatlap Elías, Dios pejprofetam? —aechi Juanliajwa.

Juan jumnot wut, jum-aechon japiliajwa:

—Xan japona-enilbej —aechon.

Do jawut, pejme wuajnaemst wut, jum-aechi:

—¿Xamkatlap asanam 'Dios pejprofeta, fulaeyaxaelpon' —tisponam? —aechi Juanliajwa.

Jawut, Juan jumnot wut, jum-aechon:

—Xan japona-enilbej —aechon.

²² Japi pejme jum-aech:

—Xam Dios pejprofeta-emil wut, ¿achanamkat xam? Xanal xalaesian wuajan nato'apiliajwa. ¿Achaxkat xanal najumchiyaxaelam xam najutliajwa? —aechi Juanliajwa.

²³ Do jawut, Juan jumnot wut, jum-aechon wuajnaemstaspiliajwa:

—Xan patx, pajilaxtat nejlasfulax wut jumchiliajwan: '¡Kofim babijaxan isfulampoxan! ¡Ja-amde japox wajpaklonliajwa! Ja-am wut, me-ama jiw wuajna nuamt chiekal chaemt paklon pasliajwa, jachiyaxaelam nejnejchaxoelaxantat' —ansfulax, me-ama Isaías, Dios pejprofeta chajia jum-aech —aech Juan, jiw bautisan, wuajnaemstaspiliajwa.

²⁴ Fariseos to'aspibej, japi wuajnaemst wut, jum-aechi Juanliajwa:

²⁵ —Xam Cristowa-emil wut, Elías-emil wutbej, asan Dios pejprofeta-emil wutbej, ¿ma-aech xotkat xam jiw bautisam? —aechi Juanliajwa.

²⁶ Juan jumnot wut, jum-aechon fariseos to'aspiliajwa:

—Xan jiw bautisax mintat, japi jiw babijaxan ispoxan kofapi. Pe asan xatisxotpon, japon xamal matabija-emilfuk. ²⁷ Japon wuajna xan fulaenx. Fulaeyaxaelponliajwa xan pachaema-enil japon pejka-jachawaesnanliajwa, japon kaes pejme paklon xot. Samata, xan pachaema-enil jolsliajwan japon pejtuaqxajoelax —aech Juan fariseos to'aspiliajwa.

²⁸ Jasoxtat Juan wuajnaemstas Betania paklowaxxot, Jordánlajt we-enelde, juimt julanlelsan, Juan jiw bautisafulxot.

Cristo, me-ama Dios pejcordero, ja-aechpox

²⁹ Kandiawa wut, Juan taen Jesús, mox fulaen wut japonlel. Jawut Juan jum-aech jiwliajwa: "¡Tae'nik! Amponlap, me-ama Dios pejcordero, ja-aechpon. Japon asamatkoi tap wut, mosaxael puexa jiw babijaxan ispoxanliajwa. ³⁰ Japonliajwa xan chajia jum-an: 'Xan fulaenx japon wuajna. Fulaeyaxaelpon, japon kaes pejme paklonaxael. Me-ama xan jachiyaxilon, japon chajia wuajna duk xot Diosxotse' —an xan. ³¹ Majt japon xan chiekal matabijs-enil. Pe xan fulaenx jiw bautisaliajwan mintat, Israel tuajnupijiw matabijaliajwapi japon" —aech Juan jiwliajwa, jum-aech wuton Cristoliajwa.

³² Do pejme Juan jum-aech jiwliajwa: “Xan taenx, Espíritu Santo athusik fuloek wut a-utat Jesús pejmatwujasik. Fuloek wut, na-eton japonxot. ³³ Majt xan chiekal matabijs-enilfuk, achan Cristo. Ja-an wut, Dios, xan nato'apon jiw bautisaliajwan mintat, chajia najum-aechon: ‘Taenam wut Espíritu Santo, fuloek wut aton matwujasik na-esliajwa japonxot, japonlap Cristowaxael. Do jawux, japon to'axael Espíritu Santo xamal nejmatpuatanxotaliajwa’ —na-aech Dios. ³⁴ Xan japox taenx. Samata, Jesúsliajwa jum-an: ‘Diachwujnakolax japon Dios paxulan’ —an xan” —aech Juan, jiw bautisan, jiwliajwa.

Jesús matxoelamakanotpox poejiw, japon pejnachalaliajwa

³⁵ Do kandiawa wut, Juan, jiw bautisan, pejme jaxoton, kolenje pejnachalan swapich. ³⁶ Juan taen wut Jesús xensax, jawut jum-aechon japi kolenjeliajwa:

—¡Tae'nik ampon, me-ama Dios pejcordero, ja-aechpon! —aech Juan kolenje pejnachalanliajwa.

³⁷ Japi kolenje, Juan pejnachalan, jumtaen wuti Juan jum-aechpox, japi fulafol Jesús. ³⁸ Do jawut, Jesús wultataen wut, taenon fulafospi. Jawut wujnachaemt wut, jum-aechon japiajwa:

—¿Achaxkat xamal wulwekam? —aech Jesús japiajwa.

Japi jumnot wut, jum-aechi:

—Jiw chanaekabuanan, zamxotkat xam dukam? —aechi Jesúsliajwa.

³⁹ Jesús jumnot wut, jum-aechon japiajwa:

—¡Xabua't xan dukxot taeliajwam! —aech Jesús japiajwa.

Do jawut, japi nakfol Jesús. Do jawutbej, japi taen Jesús dukxot. Jawut japi nama japonxot, xabich tuila xotlisox.

⁴⁰ Juan, jiw bautisan, jum-aechpox jumtaenpi, japixot kaen pawul Andrés. Japon Simón Pedro pakoewan. ⁴¹ Do buxtoet wut nospaeyax, Jesús swapich, jawut Andrés wulwek pakoewan, japon pawulpon Simón. Faen wut, jum-aechon pakoewanliajwa:

—Xanal taenx Mesías —aechon. (‘Mesías’ —aech wut, japajame jumchiliajwa: ‘Cristo, Dios to'aspon jiw bu'weliajwa’ —chiliajwapox.)

⁴² Do jawut, Andrés buflaechon Simón Jesús poxade. Jesús taen wut, jum-aechon Simónliajwa:

—Xam nejwul Simón, Jonás paxulnam. Pe amwutjel xam nawulaxael Cefas —aech Jesús. (Japawul jumchiliajwa: ‘Pedro’ —chiliajwa.)

Jesús tadutpox Felipe, Natanaelbej, japi japon pejnachalaliajwa

⁴³ Kandiawa wut, Jesús nejchaxoel Galilea tujnu poxade fulaeliajwade. Jawut Jesús taen Felipe. Samata, Jesús jum-aech Felipeliajwa:

—¡Xan nakfulaem tajnachalnamliajwa! —aech Jesús Felipeliajwa.

⁴⁴ Felipe Betsaida paklowaxpijin. Andrésbej, Pedro swapich, japibej Betsaida paklowaxpijiw. ⁴⁵ Jawut Felipe fulaech Natanael wulwekaliajwa. Faen wut, jum-aechon:

—Xan taenx Mesías. Me-ama Moisés chajia lelpox jum-aech, ja-aechlisox. Japon patlison. Me-ama Dios pejprofetas chajia lelpoxan jum-aech japon pasaxaelpox, japox ja-aechlisox. Japon Jesús, José paxulan. Japonbej Nazaret paklowaxpijin —aech Felipe Natanaelliajwa.

⁴⁶ Natanael jum-aech Felipeliajwa:

—Nazaret paklowaxpijiw pachaema-el. Samata, japixot kaen aton ajil xabich pachaempon —aech Natanael.

Felipe jumnot wut, jum-aechon Natanaelliajwa:

—¡Xabua't xam taeliajwam Jesús! —aech Felipe Natanaelliajwa.

⁴⁷ Jesús taen wut Natanael fulaenox, do jawut, Jesús jum-aech Natanaelliajwa:

—¡Taem! Ama fulaen Israel tuajnapijin, japon chinax jiw naekichachajba-el —aech Jesús Natanaelliajwa.

⁴⁸ Do jawut, Natanael wuajnachaeamt wut, jum-aechon Jesúsliajwa:

—¿Ma-aech xotkat namatabijtam? —aech Natanael Jesúsliajwa.

Jesús jumnot wut, jum-aechon:

—Xan taenx, xam ekam wut atuaaj higonaebugfaltat, nakoewan Felipe jumchi-el wutbuk xanliajwa —aech Jesús.

⁴⁹ Do jawut, Natanael jum-aech:

—Jiw chanaekabuanan, xam diachwuajnakolax Dios paxulnam, jasoxtat chajia atuaaj namatabijtam xot. Xam judíos pejreynam —aech Natanael Jesúsliajwa.

⁵⁰ Jesús jum-aech Natanaelliajwa:

—Xam chiekal nanaexasitam, jum-an wut: 'Xan taenx, xam ekam wut higonaebugfaltat' —an wut. Xam taeyaxaelam, kaes pejme pachaempoxan xan isx wut. Me-ama amprox, jachiyaxil —aech Jesús Natanaelliajwa.

⁵¹ Jesús pejme jum-aech:

—Diachwuajnakolax xan jum-an. Xamal taeyaxaelam, athu fafa'ch wut xan tajmatwuajjasik. Do jawutbej, taeyaxaelam xabich Dios pej-ángeles fafa'chxotsik, jajulaxoei wut, xanxot, puexa jiw pakoewkolnanxot. Do jawutbej, taeyaxaelam asew ángeles balaloeyaxoek wut xanxotsik —aech Jesús Natanaelliajwa.

2

Caná paklowaxtat fiesta ispoq, aton nakjiya wut Galilea tuajnuxot

¹ Do jawux, tres matkoi wut, kaen aton nakjiya Caná paklowaxtat, Galilea tuajnuxot.

Jesús pen jaxotbej. ² Jesúsbej taduch taeliajwa nakjiyafiesta, xanal pejnachalwan suapich. ³ Dolis, baxael, vino wetoeplisi. Do jawut, Jesús pen jum-aech Jesúsliajwa:

—Japi vino wetoepls. ¿Achaxkat xam isaxaelam? —aechow paxulanliajwa.

⁴ Jesús jumnot wut, jum-aechon penliajwa:

—En, ¿ma-aech xotkat xan japox najum-am? Xan tajmatkoi nawepaselbuk jiw itpaelliajwan, achanan xan —aech Jesús penliajwa.

⁵ (Jesús pen matabijt japon xajupprox isliajwa koexaxan.) Samata, jum-aechow naxaeyaxan cha-efulpiliajwa mesaxot:

—¡Isde puexa Jesús to'apox! —aechow.

⁶ Jaxot seis ia'kuanar chalak. Japakuanar xabich pinanul minliajwa, judíos xabich kekakiasliajwa xaeliajwa wut. Jasox pejkabuanan japi judíos. Kaenanula kuanar xajup, me-ama setenta litros. ⁷ Jesús jum-aech naxaeyaxan cha-efulpiliajwa:

—¡Puexa ampi kuanar min wuluum! —aechon.

Do jawut, chiekal min wululisi japakuanar. ⁸ Jawut Jesús jum-aech:

—¡Min powim! ¡Kaesʉapich ampamin xalaemch nejpaklon poxade! — aech Jesús.

Do jawʉt, japi ow-aechlisi. Jawʉt xalaechlisi naxaeyaxan cha-efulpi pejpaklon poxade. ⁹ Pejpaklon vino xapaejla wʉt, matabijs-elon min vino nadofapot. Naxaeyaxan cha-efulpilax matabija japox, japi pajut min powa xot. Do jawʉt, pejpaklon la, pajelnakjiyan. Jʉm-aechon japonliajwa:

¹⁰—Asew jiw fiesta is wʉt, vino pachaempot matxoela dʉajti jiw. Do jawʉx, tadʉchpi xabich af wʉt, vino omjilpot dʉajti. Xamlax vino, kaes pachaempot, xanal nadʉajtam amwʉtjel —aechon.

¹¹ Japox Jesús is wʉt Caná paklowaxxot, japoxlap matxoelapijax, koechax. Jesús japox is wʉt, itpaei pejpamamax. Samata, xanal, japon pejnachalwan, naexasitx diachwʉajnakolax Jesús Dios to'aspon.

¹² Do baxael, Jesús, pen ʉapich, japon pakoewbej, xanal pejnachalwanbej, fulaechx Capernaum paklowax poxade. Jaxotde kaematkoian ʉapich xanal namax.

Jesús to'apox nakolaliajwa Dios pejtemplobatat mowapi, wʉajtibej
(Mt 21.12–13; Mr 11.15–18; Lc 19.45–46)

¹³ Moxsul Pascuafiesta, judíos pejfiesta. Samata, Jesús fulaech Jerusalén paklowax poxade, xanal japon pejnachalwan ʉapichbej.

¹⁴ Dios pejtemplobafulmaktxot, Jesús taen jiw mowapi pak, oveja, a-ubej. Jaxot taenbejpon, chalak wʉt plata xanafokpi jiwliajwa. ¹⁵ Jesús japox taen wʉt, mʉat fa'ton japi jiw selsliajwa. To'apon puexa japi jiw nakolaliajwa, puexa pej-ovejás ʉapich, pejew pak ʉapichbej. Plata xanafoki japi pejmesaxan wefulixabapon. Japi pejplata wenatacholnas satadik. ¹⁶ Jʉm-aechon a-u mowapiliajwa:

—¡Ampi a-u jukde ampabafulmaktxot! ¡Taj-ax pejba mowaba nabej padofa! —aech Jesús.

¹⁷ Do jawʉt, xanal japon pejnachalwan, nejchafaetx Dios pejjamechan chajia jʉm-aechpox Mesías jʉmchiyaxaelpoxliajwa. Japox jʉm-aech: “Ax, xanbej xabich nejxasinkax jiw sitaeliajwa nejba. Pe ampi jiw sitael nejba. Samata, xan xabich talala japi jiwliajwa” —aechox.

¹⁸ Do jawʉt, judíospaklochow palaeyajametat jʉm-aechi Jesúsliajwa:

—¡Najʉm-amde, ma-aech xotkat xam japox isam! ¿Achankat xam to'a? —aechi.

¹⁹ Jesús jʉmnot wʉt, jʉm-aechon:

—Xamal toetam wʉt ampatemploba, xan pejme mat-esaxaelen, tres matkoi wʉt —aech Jesús.

²⁰ Do jawʉt, judíospaklochow jʉm-aech:

—Ampatemploba isas wʉt, isas cuarenta y seis waechan. Xam xajʉpaximil pejme isliajwam ampatemploba tres matkoitat —aech judíospaklochow.

²¹ Jesús japox jʉm-aech wʉt, jʉmchi-elon templobaliajwa. Japon japox jʉm-aech wʉt, jʉm-aechon pajut pejbʉ'tliajwa. ²² Samata, xanal, japon pejnachalwan, baxael, Jesús tʉp wʉt, mat-ech wʉtbejpon, pejme duk wʉton, jawʉt, xanal nejchafaetx Jesús chajia jʉm-aechpox japon pajut pejbʉ'tliajwa.

Jesús matabijtpox jiw pejnejachaxoelaxan

²³ Jesús Jerusalén paklowaxxot wut, Pascuafiesta wut, xabich jiw naexasiti japon Cristopon, Dios to'aspon, taen wuti koechaxan, Jesús ispoxan. ²⁴ Pelax Jesús xanaboejs-el japi jiw, matabijt xoton puexa jiwliajwa. ²⁵ Samata, Jesús wewe'pa-esal asew jiw chapaeliajwas jiwliajwa, pajut chiekal matabijt xoton jiw pejnechaxoelaxan.

3

Jesús nospaeipox, Nicodemo swapich

¹ Nicodemo, japon fariseos-aton. Japonbej paklon judíosxot. ² Do madoi wut, Nicodemo fulaech nospaeliajwa, Jesús swapich. Jesúsxot pat wut, jum-aechon:

—Jiw chanaekabuanan, xanal chiekal xam matabijtax xam Dios to'aponam xanal nanaewuajnalijwam. Taenx, xam koechaxan isam wut Dios pejpamamaxtat. Xanal matabijaxbej ampox. Dios chaxdusaxil wut pamamax, xam koechaxan isaximil —aech Nicodemo.

³ Do jawut, Jesús jum-aech:

—Diachwuajnakolax xan jum-an. Aton nalaels-el wut pejme, japon Diosxotse pasaxil —aechon.

⁴ Nicodemo pejme wuajnaemt wut, jum-aechon:

—¿Machiyaxaelkat aton pati'in wut, pejme nalaelsliajwa penxot? Aton pejme leyaxil pen pejwoejtat pejme nalaelsliajwa —aech Nicodemo.

⁵ Jesús jumnot wut, jum-aechon:

—Diachwuajnakolax xan jum-an. Aton matxoela nalaelt penxot. Do jawax, nalaelsaxaelon Espíritu Santo pijaxtat. Aton nalaels-el wut Espíritu Santo pijaxtat, japon aton pasaxil Diosxotse. ⁶ Paxjiw isaspox-antat nalaelapi, japi jiwkal. Pe Espíritu Santo pijaxtat nalaelapi, japi jiw duilafalaxael Dios pijaxtat. ⁷ ¡Xam xabich nabej nejchaxoele', japox jum-an wut xamliajwa: 'Puexa jiw wewe'pas pejme nalaelaliajwa. Pejme nalaela-el wuti, japi Diosxotaxil' —an wut xamliajwa! ⁸ Joewa nejmach wik. Joewa nejmet wut, thiataens. Pe tae-esal joewa. Tae-esal amxot fulaen. Tae-esalbej ampoxade fulaech. Ja-aechlap-is Espíritu Santo, japon pijaxtat jiw pejme nalaela wut. Japi taeyaxisal waj-itfutat nalaela wuti Espíritu Santo pijaxtat —aech Jesús Nicodemoliajwa.

⁹ Do pejme Nicodemo wuajnaemt wut, jum-aechon:

—¿Achax chiyaxaelkat xam jum-ampo? —aechon.

¹⁰ Jesús jumnot wut, jum-aechon:

—Xam judíos chanaekabuamponam. Pe xam japoxan matabijs-emilfuk. ¹¹ Diachwuajnakolax xan jum-an. Xanal jum-an matabijaxpoxan. Xanal jum-anbej taenxprovan. Pe xamal naexaxis-emil xanal jum-anpoxan. ¹² Naexaxis-emil wut xan jum-anpox ampathatpijaxanliajwa, ¿machiyaxaelamkatlax matabijsliajwam, xan jum-an wut Diosxotsepoanliajwa? —aech Jesús Nicodemoliajwa.

¹³ Jesús pejme jum-aech: “Nejmach-aton pajut pijaxtat pasaxil Diosxotse. Xanlax kaenan, puexa jiw pakoewkolnan, Diosxotsik fuloekxponan. Chiekal matabijtax, ma-aech Diosxotse. Xanlap tajut pejme japoxaxoeyan. ¹⁴⁻¹⁵ (Chajiakolaxtat xabich jiw tux pajilaxtat, xabich jom liklas wuti.) Asew jom liklaspoxtat chatupasia wut, Moisés jom-ael is broncetata. Japox naetata atha chanoton israelitas tuxax natoenasamata. Israelitas japox natachaema wut, kaes tuxafula-eli. Asamatkoi xanliajwabej, me-ama japox jachiyaxael, xan, puexa jiw pakoewkolnanliajwa,

asew jiw nachanosaxael wut. Nejmachjiw xan nanaexasit wut, japi jiw xan bu'weyaxaelen pomatkoicha duilaliajwa Diosxotse" —aech Jesús Nicodemoliajwa.

Dios nejxasinkpox ampathatpijiw

¹⁶ Jesús pejme jum-aech Nicodemoliajwa: "Dios ampathatpijiw xabich nejxasink. Samata, xan kaekolnan, japon paxulnan, nato'akon ampathatasik xan tupaliajwan, mosliajwan ampathatpijiw babijaxan is-poxanliajwa. Xan nanaexasitpi, japi jiw asamatkoitap wut, napelsaxili. Japi jiw pomatkoicha duilaxael Diosxotse. ¹⁷ Dios xan nato'a jiw bu'welijaowan ampathatat. Dios xan nato'a-el jiw jumchiliajwan: 'Ampi jiw kastikaxaes, babijaxan is xot' —chiliajwan.

¹⁸ "Xan nanaexasiti Dios paxulnanponan, japi infierno poxaxildiki. Pelax xan nanaexasis-elpi, japi infierno poxaxaek jaxotdik kastikaliajwas, chajia jumtis xoti japi kastikaliajwas, xan nanaexasis-el xoti, xan kaenan, Dios paxulnanponan. ¹⁹ Xan nanaexasis-elpiliajwa, japi jiwliajwa, chajia jumtis kastikaxaes, babijaxan is xoti. Xan fuloekx ampathatasik jiw matabijaliajwa Dios. Xan, me-ama itliakax jiw chiekal matabijaliajwa Dios. Pe jiw nejxasinka-el japi matabijaliajwa Dios. Xan, me-ama itliakaxponan. Pe nakiowa, jiw namastaen. Japi jiw, babijaxan isasiapi, japox islisi. Samata, japi jiw kaes nejxasink itkuatax, isful xot babijaxan. Samata, xan namastaen xot, japi jiw kastikaxaes. ²⁰ Puexa jiw, babijaxan ispi, japi jiw xan nanejwesla, me-ama itliakaxponan xot, itpaeyaxaelen xot japi babijaxan ispojan. Japi jiw mox pas-el xanxot taesamatan, japi babijaxan is wut. ²¹ Pelax Dios naexasiti, japi isful pachaempoxan, me-ama Dios to'a. Ja-aech wut, japi jiw moxa xanxot. Isfulbejpi pachaempoxan, Dios nejxasinkpoxan, puexa jiw taeliajwas" —aech Jesús Nicodemoliajwa.

Juan, jiw bautisan, pejme jum-aechpox Jesúsliajwa

²² Jesús japox buxtoet wut, fulaechon, xanal pejnachalwan suapich, Judea tujnulel. Do jaxotde kaematkoijan suapich xanal bautisax asew jiw. ²³⁻²⁴ Juan, jiw bautisan, jiw jebaxot je-esal wutfuk, japonbej bautisaful jiw Enón tujnuxot, mox Salim tujnuxot. Jaxot xabich minxot, Juan jiw bautisaful.

²⁵ Do jawux, Juan pejnachala nalot, asan judíos-aton suapich. Japi nabunlot bautisax. Jawut najum-aechi nakaewaliajwa: "Nakbautisa wut, çachan pejbautisaxkat kaes pejme pachaem, xatis chiekal pachaemaliajwas Diosliajwa?" na-aechi. ²⁶ Do jawux, Juan pejnachala mox soepa Juanxot nospaeliajwa japoxliajwa. Jum-aechi Juanliajwa:

—Jiw chanaekabuanan, xatis Jordánlajt weskleldas wut, xam chajia jum-amponliajwa xanalliajwa, amwutjel japon jiw bautisaful. Xabich jiw fulafosbejpon —aech Juan pejnachala Juanliajwa.

²⁷ Do jawut, Juan jumnot wut, jum-aechon pejnachala chiekal jumtaeliajwapi Jesúsliajwa:

—Dios pajut nejchaxoel kaenanula jiwliajwa, achan pejme pachaemaxael. ²⁸ Xamal najut chiekal xan najumtaenam, chajia jum-an wut: 'Xan Cristowa-enil. Xan asbuan jumch atonan, matxoelanato'aponan Cristo wujna' —an wut, xan. ²⁹ Aton pawis fit wut pijowliajwa, pejnachala xabich nejchachaemil japon atonliajwa. Pejnachala wujnawet nakjiyaxaelpon pasaxaelxot. Japon aton pat

wut, nospaei wutbejpon, pejbabijnaw swapich, japon pejnachala xabich nejchachaemlaxael. Xanbej ja-an. Xabich nejchachaemlax, xabich jiw Jesús fulafos wut. ³⁰ Samata, Jesús kaes pejme xabich jiw fulnanuamsaxaeson. Xan ja-enil —aech Juan, pajutliajwa jum-aech wuton pejnachalaliajwa.

Jesús fuloekpox athulelsik

³¹ Aton ampathatpijin, japon diachwujnakolax ampathatpijinkal. Samata, jum-aechon ampathatpijaxankal. Pelax Jesús, fuloekpon athulelsik, japon kaes pejme paklon. Me-ama asew jiw, jachi-elon. ³² Japonbej jum-aech taenpoxan, jumtaenpoxanbej, Diosxotse. Pe jiw naexasis-el japon jum-aechpoxan. ³³ Asew naexasit wut japon jum-aechpoxan, ja-aech wut, asew jiw matabijaxael Dios jum-aechpox diachwujnakolax. ³⁴ Jesús, Dios to'aspon, jum-aechful Dios jum-aechpoxan, Espiritu Santo kajachawaesfulas xot. ³⁵ Dios xabich nejx-asink paxulan. Samata, chaxduton pejpamamax paxulanliajwa, puexa tato'laliajwapon. ³⁶ Dios paxulan naexasiti, japi jiw pomatkoicha duilaxael Diosxotse. Pe naexasis-eli Dios paxulan, japi duilaxil Diosxotse. Japilax Dios xabich kastikaxaes.

4

Jesús nospaeipox, Samaria tuajnu pijow swapich

¹ Fariseos wultaen Jesús kaes pejme xabich pejnachalapox. Wultaenbejpi Jesús kaes pejme jiw bautisapox. Me-ama Juan, jachielon. ² Jesús pajut jiw bautisa-el. Pe xanal, japon pejnachalwan, jiw bautisax. ³ Samata, Jesús matabijt wut fariseos wultaenspox japonliajwa, do jawut, nakolt wut Judea tuajnu xot, xanalbej nakolax, Jesús swapich. Nawiax kaxade, Galilea tuajnu poxade.

⁴ Xanal fulaechx Samaria tuajnu poxade, pasliajwa Galilea tuajnu. ⁵ Ja-an wut, xanal patx Sicar paklowax, Samaria tuajnu xot. Jaxot mox, Jacob chajia paxulan José chaxdutsat. Japasatbej José pamowjiwliajwa. ⁶ Jaxot minmuth, Jacob chajia kowpox. Do jawut, Jesús xabich damal, atuj fol xoton. Samata, minmuthxot ekon, mox rawujna wut juimt matnoch ekaliajwa. ⁷⁻⁸ Dolisdo', xanal, Jesús pejnachalwan, fulaechxlis paklowax poxade wujsliajwan naxaeyaxan. Do jawut, Jesús tamach ekaful wut minmuthxot, kaeow pawis pa'an mint posliajwa. Japow Samaria tuajnu pijow. Do jawut, Jesús jum-aech japowliajwa:

—jMint xan nachaxdu'e feliajwan! —aech Jesús japowliajwa.

⁹ Samaria tuajnu pijow jum-aech Jesús liajwa:

—¿Ma-aech xotkat mint nawuljowam, xam judíos-atonam wut? ¿Xamkat matabijs-emil xan Samaria tuajnu pijwanpox? —aechow. (Judíos pachaemaxil. Nospaeyaxilbejpi, Samaria tuajnu pijiw swapich, japi pejkabuan xot japox. Samata, japow jum-aech japox Jesús liajwa.)

¹⁰ Do jawut, Jesús jumnot wut, jum-aechon japowliajwa:

—Xam matabijs-emilfik Dios chaxdusaxaelpox. Matabijs-emilbej, mint wuljowpon. Chil xam xan namatabijtam wut, chil ja-aech wut, xam nawuljoeyaxaelam mint pachaempot. Ja-am wut, xam chaxdusaxaelen mint, me-ama Dios pejmint. Japot mint pomatkoichaliajwa —aech Jesús japowliajwa.

¹¹ Do jawut, japow jum-aech:

—Tajpaklon, minmuth xabich faniachdik. Xam kejmil posliajwam mint. ¿Amxotkat xam mint posaxaelam xan nachaxdusliajwam, Dios pejmint, pomatkoichaxaelpot? ¹² Xanal tajwajnapijin, Jacob, ampaminmuth nawewaelsnadoft xanalliajwa. Japon pajut ampamin af, paxi srapich, pejchoefbej. ¿Xamkat kaes pejme paklonam, me-ama Jacob jachi-emil? —aechow Jesúsliajwa.

¹³ Jesús jammnot wut, jam-aechon japowliajwa:

—Puexa jiw, ampamin afpi, pejme minsila. ¹⁴ Pe xan jiw chaxduwx wut Dios pejmint, japamint af wuti, japi jiw kaes minsilaxil. Japamint xan chaxduiyaxaelen, me-ama min, nakolanmin satxotsin. Japamint, Dios pejmint. Japamint toepaxil. Japamin jiw af wut, pomatkoicha duilaxael —aech Jesús japowliajwa.

¹⁵ Do jawut, japow jam-aech:

—Japamint nachaxdu'e, xan pejme minsilasamatan, xan pejme fulaesamatanbej ampaminmuthlel, kaes mint pos-elaliajwanbej! —aechow.

¹⁶ Jesús pejme jam-aech japowliajwa:

—¡Xabua'de! ¡Wuljae'mich nejmol! ¡Do pejme kaxamin, nejmol srapich! —aech Jesús.

¹⁷ Japow jammnot wut, jam-aechow:

—Xan tamachpijwan —aechow.

Do jawut, Jesús jam-aech:

—Xam chiekal jam-am, 'Xan tamachpijwan' —am wut. ¹⁸ Pe xam cinco nejmol. Ampamatkoijan xam nakmoejtpon, japon nejmola-el. Diachwajnakolax xam chiekal jam-am, 'Xan tamachpijwan' —am wut —aech Jesús.

¹⁹ Japox jamtaen wut, jam-aechow:

—Tajpaklon, xamkas Dios pejprofetam. ²⁰ Xanal tajwajnapijiw, Samaria tujnapijiw, Dios kawajan ampamuxxot, pejsitaeyax itraeliajwapi Diosliajwa. Xamal judíos jam-am: "Dios kawajnaaes Jerusalén paklowaxxot, wajsitaeyax itraeliajwas Dios" —am xamal —aechow Jesúsliajwa.

²¹ Jesús jammnot wut, jam-aechon japowliajwa:

—¡Xan nanaexasi'e! Kaematkoijan wut, puexa xamal fulaeyaximil ampamux poxadin nejsitaeyax itraeliajwam Dios. Fulaeyaximilbej Jerusalén paklowax poxade Dios kawajnalialjwam. ²² Xamal, Samaria tujnapijwam, nejsitaeyax itpaeyam Dios. Pe xamal chiekal matabijamemilfik Dios. Xanal judíos chiekal matabijtax Dios, xanal Dios namakanot xot japon pejiwaliajwan. Samata, Mesías, judíos-aton, japon nakbu'weyaxael ampathatpijwas. ²³ Amwatjel, baxaelbej, jiw pejsitaeyax itpaeyaxael xabich nejth'axtat Diosliajwa, Dios xabich nejxasink xoti. ²⁴ Dios, japon espíritu. Samata, jiw pajut taeyaxil japon. Samatabej, Dios naexasiti, japi chiekal sitaeyaxael Dios —aech Jesús Samaria tujnapijwaliajwa.

²⁵ Do jawut, jam-aechow:

—Xan matabijtax Mesías fuloeyaxoekpox, japon pawul Cristo. Japon fuloek wut, puexa chiekal nakchanaekabuanaxaelon —aechow.

²⁶ Do jawut, Jesús jam-aech:

—Xanlap japonan, nospaeipon, xam srapich —aech Jesús japowliajwa.

²⁷ Do jawut, xanal, japon pejnachalwan, patx japonxot. Nat-achaemax wut, nejchaxoelanuilxbej, Jesús nospaei xot, pawis swapich. Pe xanal wuajnaachaems-enil, ma-aech xot Jesús nospaei, japow swapich. Wuajnaachaems-enilbej achaxliajwa nospaeipon, japow swapich. ²⁸ Do jawut, jaxot pejkuarnat waelnadoftow. Fulaechlisow paklowax poxade. Jaxotde pa'a wut, jum-aechow pejiwliajwa:

²⁹ —jXabua't taeliajwam kaen aton, xan najum-aechpon puexa chajia isxproxanliajwa! Japon bej Mesiasbej —aechow.

³⁰ Do jawut, puexa japi jiw nakola paklowaxxot. Fulaenlisi Jesuslel. ³¹ Jawutlejen, japi fulaen wutfuk, xanal Jesús kaechato'ax naxaeyax xaeliajwapon. Jum-an japonliajwa:

—Jiw chanaekabuanan, jnaxaeyax xaem! —an xanal.

³² Do jawut, Jesús xanal najumnot wut, jum-aechon:

—Amxot xabich tajnaxaeyax. Japanaxaeyax xamal matabija-emil —aech Jesús xanal pejnachalwanliajwa.

³³ Jawut xanalkal nawuajnaachaemtax wut, jum-an:

—Asan chajia bej xalwuajxafosbejpon naxaeyax —an xanal.

³⁴ Pe jawut, Jesús xanal najum-aech:

—Jiw xael wut, chawulanejchachaemil. Xanlax nejchachaemlax, isx wut Dios nejxasinkprohan, toetx xotbej isxprohan, japon nato'apoxan.

³⁵ Xamal jum-am: 'Naboela wut, we'p cuatro juint jolaliajwa' —am xamal. Pelax xan jum-an: 'jTae'nik jiw fulaenpi! Puexa japi thiltlisi naewesliajwa Dios pejjamechan. Me-ama muthaspi jolaliajwa malisi pachaem, ja-aech japi jiw' —an xan —na-aech Jesús xanalliajwa.

³⁶ Jesús pejme xanal najum-aech:

—Trigo jolpi moch wut, nejchachaemili, toet wuti trigo jolax. Ja-aechlap-is Dios pejjamechan naewuajanpi, asew jiw naexasit wut. Asamatkoi japibej xabich nejchachaemlaxael Diosxotse. Matxoe-lanaewuajanpi Dios pejjamechan, japibej xabich nejchachaemlaxael. Puexa japi kaeyaxtat nejchachaemlaxael Diosxotse. ³⁷ Chajia jum-aechpox diachwuajnakolax, jum-aech wutox: 'Asew jiw matxoela pela. Do jawux, asew jiw wachakal pat jolaliajwa' —aech wutox. (Japox jumchiliajwa: 'Asew jiw matxoela naewuajan Dios pejjamechan. Pe jawut, naeweti naexasis-el Dios pejjamechan. Do jawux, asew jiw pejme naewuajnas wuti, jawut japi jiw naexasitlisi chiekal Dios pejjamechan' —chiliajwa japox.) ³⁸ Xamal keto'ax jolaliajwam pelam-ilmxot. Asew jiw jaxot xabich matxoela nabist. Amwutjel pachaem xamal jolaliajwam, japi chiekal ti't xotlisi. Japox jumchiliajwa: 'Xamal jiw naewuajnam wut Dios pejjamechan, japi naexasisasia Dios pejjamechan. Majt japi jiw asew jiw naewuajnas Dios pejjamechan. Amwutjel pachaem, xamal wuajna asew jiw chajia naewuajan xot Dios pejjamechan japatwajnapijiwxot' —chiliajwa japox —aech Jesús xanalliajwa.

³⁹ Xabich Sicar paklowaxpijiw, Samaria twajnapijiw, naexasiti Jesús, japow chapaei xot Jesúsliajwa. Chajia jum-aechow: "Japon aton jum-aech xan puexa chajia isxproxanliajwa" —aech xotow japi jiwliajwa. ⁴⁰ Do jawut, Samaria twajnapijiw fulaen Jesuslel. Jawut fiatipon namanaliajwa japixot. Samata, Jesús jaxot naman kolematkoije. ⁴¹ Jesús pajut jiw naewuajan wut, xabich kaes jiw naeweti naexasichbejpon. ⁴² Do jawut, japatwajnapijiw jum-aechi japowliajwa:

—Amwätjel xanal naexasitx wüt Jesús, xanal naexasis-enil xam nachapaeyampoxkalliajwa japonliajwa. Pe amwätjel, xanal tajut chiekal jumtaenx xot, Jesús pajut jum-aech wüt, japon naexasitx. Samata, chiekal matabijtax japon Jesús diachwajnakolax Cristo, bu'weliajwapon ampathatpijiw —aech japi jiw japowliajwa.

Jesús boejthutpox reyliajwa nabistpon paxulan

⁴³ Kolematkoiije xent wüt, Jesús chijia wüt Sicar paklowaxxot, xanal-bej, japon pejnachalwan, chijian, japon srapich. Fulaechx Galilea tujajnu poxade. ⁴⁴ Galilea tujajnu poxandax wüt, xanal nejchaxoelx Jesús chajia jum-aechpoxanliajwa, pajutliajwa chajia jum-aech wüt xanalliajwa: “Profetas sitaens popaklowaxanpijiw. Pelax pejtujajnakolaxpijiw sitae-esal” —aech Jesús, jum-aech wüt xanalliajwa. ⁴⁵ Xanal patx wüt Galilea tujajnu xot, japatujajnu pijiw xabich nejchachaemil, taen wüti Jesús. Samata, chiekal bu'kultipon, chajia taenxotipon, Pascua fiesta wüt Jerusalén paklowaxxot. Japi taen, Jesús koechaxan is wüt jaxotde. Samata, xabich nejchachaemili.

⁴⁶ Do jawux, Jesús, xanal srapich, kaxa nawenx Caná paklowax poxadin, Galilea tujajnu xot. Jaxot majt Jesús mint vino dofapon.

Xanal jaxotan wüt, kaen aton pat. Japon reyliajwa nabistpon. Japon-bej paklon. Japon paxulan xabich bu'xaenk Capernaum paklowaxxot. ⁴⁷ Japon aton jumtaen wüt Jesús patpox Galilea tujajnu xot, do jawüt japon, fulaen Jesús taeliajwa. Japon aton faen wuton Jesús, taduton Jesús nakfulaeliajwas japon pejba poxade, paxulan weboejthusliajwas, paxulan mox pawujajna xot tupaliajwa. ⁴⁸ Do jawüt, Jesús jum-aech:

—Xamal nanaexasisaximil, xan is-enil wüt koechaxan xamal taeliajwam —aech Jesús japon atonliajwa.

⁴⁹ Do jawüt, reyliajwa nabistpon jum-aechon Jesús liajwa:

—Tajpaklon, ixabua't xan nakfulaeliajwam, taxulan tuxax wujajna pasliajwam! —aech japon aton, reyliajwa nabistpon.

⁵⁰ Do jawüt, Jesús jum-aech:

—iNawia'mich nejba poxade! Naxulan chiekal boejthuslison —aech Jesús japonliajwa.

Japon aton naexasit Jesús jum-aechpox. Samata, nawia'apon pejba poxade. ⁵¹ Reyliajwa nabistpon fol wütfuk, jawüt pamak fulaen japon pejbaxot bu'kakulnaliajwapi nuamtat. Do jawüt, nuamtat xabu'kakult, jum-aechi pejpaklonliajwa:

—Naxulan chiekal boejthuslison —aechi pejpaklonliajwa.

⁵² Japon wujajnachamt wüt, jum-aechon:

—¿Achahora wütkat wujajach naweboejthus? —aechon.

Japi jumnot wüt, jum-aechi:

—Boejthuson kaeliw, juimt matnoch ek wüt —aechi pejpaklonliajwa.

⁵³ Do jawüt, japon nejchaxoel. “Kaeliw, juimt matnoch ek wüt, Jesús xan najum-aech: ‘Naxulan chiekal boejthuslison’ —na-aech Jesús xanliajwa” —aechon, nejchaxoel wüt. Samata, japon, puexa pejjiw srapich, bu'naexasiton Jesús.

⁵⁴ Japox Jesús is Galilea tujajnu xot, wuchakalkoechax, nawia'an wüt Judea tujajnu xot.

5

Jesús boejthutpox nabejkan, laejaxilpon, Betzata pukachxot

¹ Baxael, asamatkoi, judíos fiesta is wut, Jesús fulaech Jerusalén paklowax poxade, japafiesta naktaeliajwapon. ² Jerusalén paklowaxxot, jaxot cha-aelpukach. Japox poejiw ispox, pawulox Betzata hebreojametat. Jaxot mox leliajwa paklowax poxadin, ovejas laleyaxxot. Japapukachjumbu'tat cinco bachan, cha-aelbax, chalak. ³ Japabachantat xabich jiw, bu'xaeya, oel. Itliakla, laelpaxilpibej, mamalpibej, japi cha-aelbachantat oel. ⁴ [Dios pej-ángel papaska cha-aelpukach poxasik. Pat wut, min itjujyapon pukach truxnaliajwa. Min truxan wut, matxoe-lafulaekpon minadik, japon chiekal nejmachwaxae boejthas. Samata, japi jiw wuaj nawet pukach truxnax.] ⁵ Jiw bu'xaeyaxot, japixotbej kaen aton. Japon laejaxil. Japon laeja-elpoxlis, treinta y ocho waechanlisox. ⁶ Jesús jaxot pat wut, taenon japon nabejkan, laeja-elpon. Jesús matabijt wut japon aton nabijatox, laeja-el xoton pin-iawaechan, jawut Jesús wuajnachaemt wut, jum-aechon:

—¿Xamkat laejasiam? —aech Jesús.

⁷ Laeja-elpon jumnot wut, jum-aechon Jesúsliajwa:

—Jiw chanaekabuanan, xan chiekal tamachpijan. Ajil taj-aton minadik nabuflaeliajwa, pukach truxan wut. Xan fulaesian wut minadik, asan aton matxoela jifulaek minadik —aech japon aton.

⁸ Jesús jum-aech laeja-elponliajwa:

—¡Nande! ¡Sumta-okampox fi'e! ¡Laejimbej! —aech Jesús laeja-elponliajwa.

⁹ Do jawut, japon aton chalechkal chiekal pachaempon. Sumta-okpox fit wut, xalaechlison. Japamatkoi napatamatkoi. ¹⁰ Samata, judióspaklochow japox taen wut, jum-aechi boejthuchponliajwa:

—Ampamatkoi, napatamatkoi, Moisés chajia lelpox tapae-el sumta-okampox xalaejalijwam, napatamatkoi xot —aech judióspaklochow boejthuchponliajwa.

¹¹ Japon aton jumnot wut, jum-aechon:

—Naboejthutpon najum-aech: '¡Sumta-okampox fi'e! ¡Laejimbej!' —na-aechon —aech boejthuchpon.

¹² Samata, japi wuajnachaemt wut, jum-aechi:

—¿Achankat xam jum-aech: '¡Sumta-okampox fi'e! ¡Laejimbej!' —aechkat? —aech paklochow boejthuchponliajwa.

¹³ Pe japon matabijs-el, achan boejthuchpon, jaxot xabich xot jiw. Jesúsbej jaxot chijjalison. ¹⁴ Baxael, Jesús pejme faen japon aton Dios pejtemplobaxot. Jawut Jesús jum-aech:

—Amwutjel xam chiekal pachaemam. ¡Chiekal taem! ¡Kaes nabej is babijaxan, kaes xabich pejme nabijasasamatam! —aech Jesús japon atonliajwa.

¹⁵ Do jawux, japon aton fulaech wut, faenpon judióspaklochow. Jawut jum-aechon japiliajwa:

—Xan naboejthutpon chiekal laejaliajwan, pesal japon Jesús —aech japon aton judióspaklochowliajwa. ¹⁶ Samata, judióspaklochow japox jumtaen wut, xabich palalapi Jesúsliajwa. Do jawux, japi judióspaklochow faen wuti Jesús, japi tasala Jesús, boejthut xoton napatamatkoitat. ¹⁷ Pe Jesús jum-aech japiliajwa:

—Dios, taj-ax, japon jiw kajachawaet pomatkoicha. Me-ama taj-ax, janbej xan. Samata, xanbej jiw kajachawaetx pomatkoicha —aech Jesús japiliajwa.

¹⁸ Jesús japox jum-aech wut, judiospaklochow xabich kaes pejme palalapi Jesúsliajwa. Samata, jawut boesiapi Jesús, boejthut xoton napatamatkoitat. Jawut xabich boesiabejpi Jesús, Jesús jum-aech xot: “Dios, taj-ax” —aech xoton. Japox jum-aech wut, jumchiliajwa pajut: “Xan chiekal najux, Dios suapich” —chiliajwapox.

Dios chaxdutupox pejpamamax paxulanliajwa

¹⁹ Jesús jum-aech judiospaklochowliajwa: “Diachwajnakolax xan jum-an. Xan, Dios paxulan, tajut isasianpoxan xan isaxinil. Taenxroxan, taj-ax isroxan, japoxankal xan isfulax. ²⁰ Taj-ax Dios xan nanejxasink, xan japon paxulan xot. Taj-ax puexa na-itpraei japon isroxan. Na-itpraeyaxaelbejpon koexaxan kaes pejme pachaempoxan. Japoxan isx wut, xamal xabich nejchaxoelanuilaaxaelam. ²¹ Taj-ax xajux patupa mat-elijwa, pejme japi jiw duilaliajwa. Xanbej, japon paxulan, xajux patupa mat-elijwan pejme duilaliajwapi. Patupa mat-esian wut, japi mat-eyaxaelen pejme duilaliajwa. ²² Taj-ax Dios jumchi-elbej kaen atonliajwa: ‘Japon aton pejbu’wajjan. Samata, japon kastikaxaes’ —chiel taj-ax Dios. Xanlax taj-ax Dios nachaxdut pejpamamax jumchiliajwan puexa jiw pejbu’wajjanpiliajwa: ‘Japi kastikaxaes, pejbu’wajjan xot’ —chiliajwan, japon paxulan xot. ²³ Taj-ax Dios nachaxdut pejpamamax, xan Dios paxulan xot, jiw nasitaelijwa. Me-ama taj-ax Dios jiw sitaens, xanbej najachiyaxael, jiw nasitaen wut. Xan nasitae-elpi, japi jiwbej sitae-el taj-ax Dios, japon xan nato’apon ampathatasik.

²⁴ “Diachwajnakolax xan jum-an. Xan jum-anpoxan naewetpon, naexasit wutbejpon, xan Dios nato’akponan ampathatasik, japon aton pomatkoicha dukaxael Diosxotse. Japon aton tux wut, to’axial kastikalijawas infiernoxtodik. Japonlax pomatkoicha dukaxael Diosxotse. ²⁵ Diachwajnakolax xan jum-an. Patlisox babijaxan ispi jumtaelija tajjamechan, xan Dios paxulanponan. Xan tajjamechan jumtaen wuti, naexasit wutbejpi, xan kajachawaesaxaelen japi jiw pomatkoicha duilaliajwapi Diosxotse. ²⁶ Taj-ax Dios duk pomatkoichaliajwa. Xanbej, Dios paxulan, dukx pomatkoichaliajwa, taj-ax Diosxotse. Samata, xan xajux jiw kajachawaesliajwan japi pomatkoicha duilaliajwa Diosxotse. ²⁷ Xanbej puexa jiw pakoewkolnan. Samata, taj-ax nachaxdut pejpamamax, xan jiw jumchiliajwan pejbu’wajjan wut, kastikaliajwas wutbej, babijaxan is wuti. ²⁸ Amwutjel, jumtaenam wut xan jum-anpox, xamal xabich nabej nejchaxoelanuile! Asamatkoi pasaxael pejmatkoi puexa tuxi jumtaelija tajjame. ²⁹ Samata, japi mat-eyaxaes pejmathanxot pejme duilaliajwa. Japi ispi pachaempoxan, ampathatat laelp wuti, japilap duilaxael Diosxotse. Pelax babijaxan ispi, ampathatat laelp wut, japi kastikaxaes infiernoxtodik” —aech Jesús judiospaklochowliajwa.

Jesús naksiyapox pejpamamaxliajwa

³⁰ Jesús pejme jum-aech judiospaklochowliajwa: “Xan is-enil tajut isasianpoxan. Jiwliajwa jum-an wut: ‘Japi pejbu’wajjan’ —an wut, japox jumchiyaxaelen taj-ax Dios pijaxtat. Samata, chiekal jum-an, xan jum-an wut jiw pejbu’wajjanpoxanliajwa. Tajut jumchiyaxinil nejxasinkapoxan. Xan jum-an taj-ax Dios, nato’apon, nejxasinkpoxan. ³¹ Xan tajutliajwa tajaxtat jum-ansax wut, japoxan omjilaxael asew jiwliajwa. ³² Pe asanlax jum-aech wut pachaempox xanliajwa, japon jum-aech diachwajnakolaxpox. ³³ Xamal asew jiw to’am, japi Juan

wɛajnaemsliajwa xanliajwa. Juan jumnotpox xanliajwa, japox diachwɛajnakolax. ³⁴ Xan nawewe'pa-el aton, japon jumchiliajwa xan jum-anpoxan: 'Japon jum-aechpoxan diachwɛajnakolax' —chiliajwapon xanliajwa. Xan japox jum-an xamal naexaxisliajwam Juan jum-aechpox xanliajwa, xamal bu'weliajwan babijaxan isampoxanliajwa. ³⁵ Juan, jiw bautisan, me-ama lámpara itliakaliajwa. Japon pejnaewɛajnax, me-ama itliak xot xamalliajwa. Samata, japon xamal naewɛajan wɛt, xamal nejchachaemlam, jumtaenam wɛt japon naewɛajanpox asbuan jumch kaejuimanliajwa. ³⁶ Juan jum-aechpox xanliajwa, japox pachaem. Pelax xan isxroxan, japoxan kaes pejme pachaem jiw xan namatabijaliajwa. Xan amwɛtjel isxroxan, japoxan taj-ax naketo'a isliajwan, jiw matabijaliajwa diachwɛajnakolax xan Dios nato'aponan. ³⁷ Taj-ax, xan nato'apon, japon pajut jum-aech xanliajwa: 'Xam isampoxan xabich pachaem' —aech taj-ax Dios. Xamal najut taj-ax pejjame jumtae-emil. Xamal najut tae-emilbej taj-ax. ³⁸ Dios pejjamechan namana-elbej nejnejchaxoelaxantat, xan nanaexaxis-emil xot, xan taj-ax nato'aponan. ³⁹ Xamal chiekal estudiam Dios pejjamechan, nejchaxoelam xot: 'Dios pejjamechan chiekal estudyax wɛt, matabijsaxaelen, machiyaxaelen Dios natapaeliajwa dukaliajwan pomatkoicha japonxotse' —am, nejchaxoelam wɛt. Dios pejjamechan jum-aech xanliajwa. Xan tajaxtat jiw pomatkoicha duilaxael Diosxotse. ⁴⁰ Pe xamal nejxasinka-emil xanlel fulaeliajwam tajjiwaliajwam. Samata, xamal duilaximil pomatkoicha Diosxotse.

⁴¹ "Xan nejxasinka-enil jiw najumchiliajwa: 'Xam pachaemamponam' —nachiliajwa xanliajwa. ⁴² Xan matabijtaxbej, ma-aech xamal nejnejchaxoelaxan. Xamal Dios nejxasinka-emil. ⁴³ Fuloekx taj-ax pijaxtat. Pe xamal xan nanaexaxis-emil. Asamatkoi, asan aton pat wɛt pajut pijaxtat naewɛajnalialjwa, japon atonlax xamal naexaxisaxaelam. ⁴⁴ Xamal nejxasinkam a sew jiw jumchiliajwa xamalliajwa: 'Xamal pachaemampim' —chiliajwa. Pe xamal nejxasinka-emil kaen Dios jumchiliajwa xamalliajwa. 'Xamal pachaemampim' —chiliajwapon xamalliajwa. Samata, xan nanaexaxis-emil. Dios naexaxis-emilbej. ⁴⁵ Xamalkas nejchaxoelam xan tasalaxaelenpox xamal taj-ax Dios pejwɛajnalel. Xan tajut xamal tasalaxinil. Xamal tasalaxaelpon, japon Moisés, xamal xanaboejampon. ⁴⁶ Xamal chiekal naexasitam wɛt Moisés chajia lelpox, ja-aech wɛt, xanbej chiekal nanaexaxisaxaelam, Moisés chajia lelpox jum-aech xot xanliajwa. ⁴⁷ Pe xamal naexaxis-emil wɛt Moisés chajia lelpox, xamalbej nanaexaxisaximil xan jum-anpoxan" —aech Jesús judíospaklochowliajwa.

6

Jesús naxaeyaxan chaxduwpox cinco mil poejiw

(Mt 14.13–21; Mr 6.30–44; Lc 9.10–17)

¹ Do asamatkoi wɛt, xanal, Jesús pejnachalwan, Jesús swapich, chaflaechx Galilea puka we-enlelde. Japowa puka asawal, Tiberias puka. ² Xabich jiw Jesús fulafos, taen xoti koexaxan, bu'xaeya boejthut wɛton. ^{3–4} Do jawɛt, Pascuafiesta isliajwa mox pawɛajna, judíos pejfiesta. Japamatkoitat, Jesús julach wɛt muax poxase, xanalbej, japon pejnachalwan, julachax japamɛaxase. Jaxotse ek wɛt, xanalbej jaxotse chalaxx. ⁵ Jesús taen wɛt xabich jiw fulafospox, jawɛt jum-aechon pejnachalan Felipeliajwa:

—¿Amxotkat naxaeyaxan wñajsaxaes ampi jiwliajwa? —aech Jesús Felipeliajwa.

⁶ Jasoxtat Jesús wñajnachaemt Felipeliajwa Jesús matabijsliajwa, achax jumchiyaxael Felipe, jumnot wut. Jesús lax chajia matabijt isaxaelpox jiwliajwa. ⁷ Do jawut, Felipe jumnot wut, jum-aechon Jesús liajwa:

—Jalape. Doscientos denarios xajupaxil pan wñajsliajwas, ampi jiw kaenanula cha-aex xaeliajwa —aech Felipe Jesús liajwa.

⁸ Do jawut, Andrés, Jesús pejnachalan, japon Simón Pedro pakoewan, jum-aechon Jesús liajwa:

⁹ —Ma amxot yamxulan cinco pan, cebadapanes, kolenje baxichbej. Japanaxaeyax kaexhajupaxil puexa jiw xaeliajwa —aech Andrés.

¹⁰ Do jawut, Jesús xanal, pejnachalwan, najum-aech:

—¡Puexa jiw to'im chalakaliajwa! —aechon.

Jaxot xabich pola pachaem chalakaliajwa. Samata, jaxot puexa jiw chiekal chalak. Chalakpi, me-ama kaes cinco mil poejiw. Watho' xajui-esal, yamxi supich. ¹¹ Do jawut, Jesús panes not wut, Dios kawñajan wut, jum-aechon: “Ax, gracias-an ampanaxaeyax xanal nachaxdutampox” —aech Jesús. Kawñajna x baxtoet wut, xanal nachaxduwpon panes sasiajwan. Jawut xanal satx puexa chalakpiliajwa. Ja-aechbejpon baxichliajwa. Do jawut, xanal chaxduwx puexa jiw xaeliajwa, puexa xaesiapox. ¹² Do jawut, puexa jiw chiekal nafnia wut, Jesús xanal najum-aech:

—¡Naxaeyaxan namapi no'e napelsasamata! —aech Jesús.

¹³ Do jawut, xanal notx namapi. Wulax doce matpiran. Majt asbuan jumch cinco pan. ¹⁴ Japi jiw taen wut koechax, Jesús ispox naxaeyaxanliajwa, nakaewa najum-aechi:

—Diachwñajnakolax ampon Dios pejprofeta. ‘Pasaxoekpon ampathatasik’ —tison, japon patlison. Me-ama chajia lelspon jum-aech japonliajwa, diachwñajnakolax ja-aechlisox —na-aechi nakaewa Jesús liajwa.

¹⁵ Do jawut, Jesús pajut matabijt japi jiw buflaesiapox japon japi pejreyliajwa. Samata, jawut chijiapon japixot. Asalelaxach julpon mñaxxot tamachaliajwa.

Jesús fñalaenpox puka minakaldin

(Mt 14.22–27; Mr 6.45–52)

¹⁶ Tuila wut, xanal, Jesús pejnachalwan, fñalaekx puka poxadik. ¹⁷ Jesús pas-el wutfak, xanal falkam julx, xabich tuila xot. Samata, tñadutx chaliknaliajwan puka we-enlelde, pasliajwan Capernaum paklowax.

¹⁸ Do baxael, puka xabich pintruxan, xabich wik xot. ¹⁹ Xanal xabich faetx. Puka pafatatan wut, me-ama cinco kilómetros, do jawut, kaen aton taenx atñaxach, fñalaen wut minakal. Japon fñalaen xanalleldin, falkamleldin. Xanal japon taenx wut, xabich belwax, matabija-enil xot japon Jesúspon, fñalaen wuton minakal. ²⁰ Do jawut, Jesús najum-aech xanalliajwa:

—¡Nabej nejlewlé! ¡Xanpe! —aech Jesús xanalliajwa.

²¹ Do jawut, xanal nejchachaemlax, Jesús juldik wut xanal poxadik. Do jawutbej, kamta chapa'ax Capernaum paklowax.

Jiw wulwekpox Jesús

²² Do kandiawa wut, jiw, namapi puka we-enlelde, japi jiw wulweklisi Jesús. Japi jiw taen xanalkal tamach, Jesús pejnachalwan, chaflaechpox kaeyax falkamtat. Do jaxot kaes asafalkam ajil. ²³ Do jawut, asew jiw chapat falkammochantat. Japi chaflaen Tiberias paklowaxxotdin. Mox itjuli, Jesús panes chaxduwxot jiw xaeliajwa, Jesús Dios kawhajan wut. ²⁴ Japi jiw matabija wut jaxot ajilpox Jesús, xanalbej ajinilpox jaxot, japi jiwbej jul falkammochan, Capernaum paklowax poxaliajwadin Jesús wulwekaliajwapi.

Jesús, me-ama panax, ja-aechpox jiwliajwa

²⁵ Puka we-enleldin itjuldin wut, japi jiw taenlisi Jesús. Do jawut, japi jiw whajnaechaemt wut, jum-aechi Jesúsliajwa:

—Jiw chanaekabuanan, ¿maswutkat xam amxot patam? —aechi.

²⁶ Do jawut, Jesús jumnot wut, jum-aechon:

—Diachwhajnakolax xan jum-an. Xamal nawulwekam, chiekal nafi-niam xot, pan xaelam wut. Pe xamal matabija-emil, ma-aech xot xan koechaxan isx. Xan nanaexaxis-emilbej. ²⁷ ¡Nabey nabich naxaeyax-ankalliajwa, japoxan asamatkoi toepaxael xot! ¡Nabisdela xaxaeyaxan toepaxilpoxanliajwa! Japoxanlap kaes pejme pachaem xamalliajwa, pomatkoicha duilaliajwam. Japoxanlap xamal chaxduiyaxaelen, xan, puxa jiw pakowkolnan. Taj-ax Dios chajia nachaxdut pejpamamax puxa jiw chaxduiliajwan, naxaeyaxan toepaxilpoxan —aech Jesús japi jiwliajwa.

²⁸ Japi jiw Jesús whajnaechaemt wut, jum-aechi:

—¿Achaxkat xanal nawewe'p isliajwan Dios nejxasinkpox? —aechi.

²⁹ Jesús jumnot wut, jum-aechon:

—Dios nejxasink xamal xan nanaexaxisliajwam, xan Dios nato'aponan —aech Jesús japi jiwliajwa.

³⁰ Do jawut, japi jiw pejme whajnaechaemt wut, jum-aechi Jesúsliajwa:

—¿Masox koechaxkat pejme isaxaelam xanal taeliajwan? Koechax isam wut, ja-aech wut, xam naexaxisaxaelen diachwhajnakolax xam Dios to'aponan. ³¹ Wajwhajnapijiw pajilaxtat wuti, Moisés pijaxtat xaeli maná, me-ama Dios pejjamechan, chajia lelsopox, jum-aech wut, jum-aechox: 'Pan athapijiw, pawuli maná, chaxduws wajwhajnapijiw, japi xaeliajwa' —aechox. ¿Xamkat-is xajupam koechax isliajwam, me-ama Moisés is? —aechi Jesúsliajwa.

³² Do jawut, Jesús jumnot wut, jum-aechon:

—Diachwhajnakolax xan jum-an. Moisés pajut chaxdui-el maná wajwhajnapijiw xaeliajwa. Pe taj-ax Dios chaxduiful athapijiw, maná. Wajwhajnapijiw maná xael wut, japi pomatkoicha duilaliajwa-el. Amwutjellax taj-ax to'ak athulelsik pan, diachwhajnakolax athapijax. ³³ Japapan Dios chaxdut, fuloekpox athaxotsik, ampathatpijiw japapan xael wut pomatkoicha duilaliajwa Diosxotse —aech Jesús pajutliajwa.

³⁴ Japi jiw wuljow wut, jum-aechi Jesúsliajwa:

—Jiw chanaekabuanan, ¿xanal nachaxduim japapan pomatkoicha duilaliajwan! —aechi.

³⁵ Do jawut, Jesús jum-aech:

—Xanlap Dios pejpanan jiw bu'welialjwan pomatkoicha duilaliajwa Diosxotse. Xaelam wut naxaeyaxkal, asamatkoi xamal pejme litax-aelaxael. Minkal afam wutbej, xamal pejme minsilaxael. Xamallax

xan nanaexasitam wut, pomatkoicha duilaxaelam pachaempoxtat. Jam wut, xamal, pejme litaxaelaxil. Minsilaxilbej. ³⁶ Pe xan jum-an xamalliajwa: 'Xan koechax isx wut, xamal taenam. Pefuk xamal xan nanaexasis-emil' —an xan xamalliajwa. ³⁷ Puexa jiw, taj-ax nachax-duwpi, japikal koew xanlel fulaeyaxaen. Xan japi jiw mastaelaxinil. Japi jiw xanxotaxael tajnachalaliajwa.

³⁸ Xan pas-enil ampathat poxasik tajut nejxasinkaxpoxan isliajwan. Xan paskax taj-ax Dios, nato'apon, nejxasinkpoxan isliajwan. ³⁹ Taj-ax nejxasink chiekal tataeflaliajwan, nachaxduwpixot kaen wenafo'a-elaliajwas. Taj-ax nejxasinkbej japi jiw mat-eliajwan japi pejme duilaliajwa, that toep wut. ⁴⁰ Taj-ax Dios nejxasink puexa jiw xan naxanaboelaliajwa, xan Dios paxulan, japi jiw xan nanaexasit wutbej, japi pomatkoicha duilaliajwa Diosxotse. Taj-ax Dios nejxasinkbej xan japi mat-eliajwan pejme duilaliajwa, that toep wut —aech Jesús japi jiwliajwa.

⁴¹ Do jawut, asew judíos nejweslapi Jesús. Jawut jum-aechi babejjamechan Jesúsliajwa, jum-aech xoton: "Xanlap Dios pejpanan, fuloekxponan athuxotsik" —aech xot Jesús pajutliajwa. ⁴² Japi nakaewa najum-aech Jesúsliajwa:

—¿Amponkat Jesús, José paxulana-el? Xatis chiekal matabijas japon pax, penbej. ¿Ma-aech xotkaton pajutliajwa najum-aech: 'Xan fuloekxponan Diosxotsik?' —na-aechkaton —aech japi jiw nakaewaliajwa.

⁴³ Do jawut, Jesús jum-aech judíosliajwa:

—¡Buxkofim babejjamechan nakaewa najum-ampoxan xan jum-ampoxanliajwa! ⁴⁴ Xamal xanlel fulaeyaximil tajnachalwamliajwa, taj-ax Dios, japon nato'apon, xamal makanos-el wut. Taj-ax Dios xamal makanot wut, xamal mat-eyaxaelen pejme duilaliajwam, that toep wut. ⁴⁵ Dios pejprofetasxot, japixot kaen chajia lelpox jum-aech: 'Dios naewhajnaael xabich jiwliajwa' —aech chajia lelpox. Samata, xamal naewetam wut, naexasitam wutbej taj-ax Dios jum-aechpox, ja-am wut, xamal fulaeyaxaemen xanlel tajnachalwamliajwa.

⁴⁶ "Ampathatpijiw tae-eli taj-ax Dios. Xanlax kaenan taj-ax taenxponan, xan fuloekx xot Diosxotsik. ⁴⁷ Diachwajnakolax xan jum-an. Xamal chiekal xan nanaexasitam wut, pomatkoicha duilaxaelam Diosxotse. ⁴⁸ Xanlap, me-ama Dios pejpanan jiw bu'welialjan, jiw pomatkoicha duilaliajwa Diosxotse. ⁴⁹ Chajiakolaxtat nejwajnapijiw xael maná, duilalap wut pajilaxtat. Xael wuti maná, pomatkoicha ampathatat laelpaliajwa-el. Xabich pakdiachow wut, japi tup. ⁵⁰ Pe amwutjel, xan naksiyaxpan, fuloekpox athuxotsik. Aton, japapan xaelpon, japon Diosliajwa pomatkoicha laejaxaelon. ⁵¹ Xan fuloekxponan athuxotsik, xan japapanan. Jiw xan nanaexasit wut, japi pomatkoicha duilafulaxael Diosxotse. Chaxduiyaxaelenpan, japapan tajbu'tkolax. Xan tajut natapaeyaxaelen asajiw naboelaliajwa, ampathatpijiw bu'welialjan" —aech Jesús judíosliajwa.

⁵² Do jawut, nakaejudíos najum-aechi, jumtaen wuti Jesús jum-aechpox: —¿Machiyaxaelkat, nakchaxduiyaxael wuton pejiwit xatis xaeliajwas? —na-aechi nakaewa judíos.

⁵³ Jesús pejme jum-aech japi judíosliajwa:

—Diachwajnakolax xan jum-an. Xae-emil wut tajwit, xan, puexa jiw pakoewkolnan, tajjal fe-emil wutbej, xamal pomatkoicha duilaximil

Diosxotse. ⁵⁴ Tajwit xaeyaxaelpi, tajjalbej feyaxaelpi, japi jiw duilaxael pomatkoicha. Asamatkoi tɔp wɔti, japi jiw xan mat-eyaxaelen pejme duilaliajwa, that toep wɔt. ⁵⁵ Tajwitlap, me-ama poklanaxaeyaxkolax. Tajjalbej, me-ama poklamintkolat. ⁵⁶ Japi jiw xael wɔt tajwit, af wɔtbejpi tajjal, japi duilaxael, xan sɔapich. Xanbej dukaxaelen pomatkoicha, japi sɔapich. ⁵⁷ Taj-ax Dios, nato'apon ampathatasik, japon duk pomatkoichaliajwa. Xanbej dukx pomatkoichaliajwa taj-ax pijaxtat. Jachiyaxaelbej tajwit xaelpi. Japibej pomatkoicha duilaxael xan tajaxtat Diosxotse. ⁵⁸ Pan fɔloekpox Diosxotsik, me-ama maná, jachiel. Chajiakolaxtat nejwɔajnapijiw maná xael pajilaxtat. Do baxael, japi xabich pakdiachow wɔt, tɔpafɔl. Maná xael wɔti ampathatat, pomatkoicha laelpaliajwa-el. Xan naksiyaxpox panliajwa, japapan xamal xaelam wɔt, pomatkoicha duilaxaelam Diosxotse —aech Jesús judíoslíajwa.

⁵⁹ Jesús japoxan naewɔajan, judíos naewɔajnabatat wɔton, Capernaum paklowaxxot wɔt.

Xabich pejnachala Jesús kofaspox

⁶⁰ Do jawɔt, xabich jiw, fɔlnanɔamti Jesús, japox jumtaen wɔt, nakaewa najum-aechi:

—Ampawɔajan xabich tampoel xatis jummatajibaliajwas. Tampoelbej xatis naexaxisliajwas. ¿Achankatlax xatisxot naexaxisaxael Jesús naewɔajanpoxan? —na-aechi nakaewa.

⁶¹ Do jawɔt, Jesús matabijt japi jum-aechpox babejjamechan japon naewɔajanpoxanliajwa. Samata, wɔajnaechaemt wɔt, jum-aechon:

—¿Japoxkat xamalliajwa chaemil, xan naewɔajnapox? ¿Xamalkat nejxasinka-emil japox? ⁶² ¿Achaxkat xamal nejchaxoelaxaelam, taenam wɔt xan, puexa jiw pakoewkolnan, kaxa nawiasax wɔt Dios poxase? ⁶³ Espiritu Santo pijaxtat xajɔpaxil pomatkoicha duilaliajwa. Samata, ampathatat laelpam wɔtɔk, xan jum-anpoxan naexasitam wɔt, Espiritu Santo kachawaesaxael xamal pomatkoicha duilaliajwam Diosxotse. ⁶⁴ Pe asew jiw xamalxot xan nanaexaxis-elfɔk —aech Jesús fɔlafospiliajwa.

Jesús chajia matabijt asew japixot naexaxisaxisalpox. Matabijtbejpon, japixot achan wiasaxaeson asamatkoi padaelmajiwɔt. ⁶⁵ Jesús pejme jum-aechon fɔlafospiliajwa:

—Xan chajia jum-an: ‘Jiw fɔlaeyaxildin xanlel tajnachalaliajwa, japi taj-ax Dios makanos-esal wɔt’ —an xan —aech Jesús fɔlafospiliajwa.

⁶⁶ Japox Jesús jum-aech wɔt, xabich jiw, Jesús fɔlafospi, waeltaslison. Do jawɔt, japi jiw kaes fɔlnanɔams-ellisi Jesús. ⁶⁷ Do jawɔt, Jesús wɔajnaechaemt wɔt, jum-aechon doce pejnachalaliajwa:

—¿Xamalkat-is xanxot chijiyasiam? ¿Me-ama asew jiw, jachisiamkat-is xamal? —aech Jesús pejnachalaliajwa.

⁶⁸ Do jawɔt, Simón Pedro jumnot wɔt, jum-aechon Jesúsliajwa:

—Jiw chanaekabuanan, xamxot chijian wɔt, ¿achankat xanal naknanɔamsaxaelen? Xam kaenam, naewɔajnamponam, jiw pomatkoicha duilaxaelpox Diosxotse. ⁶⁹ Xanal naexasitx xam Cristowomponam, Dios to'asponambej. Xanal chiekal matabijaxbej xam Dios paxɔlnampox, babijax is-emilponam —aech Pedro Jesúsliajwa.

⁷⁰ Do jawɔt, Jesús jum-aech xanalliajwa:

—Diachwajnakolax xamal makanotx, doce poejwam. Pe nakiowa, kaen xamalxot dep tato'las —aech Jesús.

⁷¹ Jesús japox jum-aech wut, jum-aechon Judasliajwa. Japon Simón Iscariote paxulan. Judatat, japontat, xanal dosan. Pe japon asamatkoi wiasaxaelon Jesús, Jesús padaelmajiwxot.

7

Jesús pakoew naexasis-esalpox, japon Cristopon

¹ Do jawux, Jesús nanamamt Galilea tujnuxot. Jesús wepachaemaesal nanamsliajwa Judea tujnuxot, judíospaklochow wulweks xoton boesaliajwas. ² Pelis fiesta moxsful, judíos pejfiesta. Japafiesta wut, judíos bua-antat duilalap. Japox ja-aechlap japi judíos neykiowa-elaliajwa chajjakolaxtat pejwajnapijiw ispoxan, duil wut pajilaxtat. ³ Do jawut, Jesús pakoew jum-aechi Jesúsliajwa:

—¡Xam amxot kaweta nabej namane! ¡Xambej xabua'de Judea tujnuxot xoxade, jaxotpijiw, xam nejnachalapi, taeliajwa koechaxan isam wut jaxotde! ⁴ Xam nejxasinkam wut xabich jiw matabijaliajwa, achanam xam, ja-aech wut, ¡maliach nabej is koechaxan! ¡Japoxan isde tulaela jiw pejwajnalel, puexa jiw chiekal taeliajwa! —aechi Jesúsliajwa.

⁵ Jesús pakoew naexasis-esal japon Cristopon. Samata, japi japox asbuan jumch jum-aechi Jesúsliajwa. ⁶ Do jawut, Jesús jum-aech pakoewliajwa:

—Xanfuk nawepas-el tajmatkoi fulaeliajwan Judea tujnuxot xoxade. Xamalliajwa nejmachmatkoiyan pachaem nanamsliajwam. ⁷ Ampathatpijiw xamal nejweslaxil. Xanlax japi jiw nanejwesla, tulaela itpaeix xot babijaxan ispoxan. ⁸ ¡Xabua'de xamal fiesta xoxade! Xanfuk fulaeyaxinil japoxade, nawepas-el xotfuk tajmatkoi fulaeliajwan japoxade —aech Jesús pakoewliajwa.

⁹ Jesús japox jum-aech wut, kaweta namanfukon Galilea tujnuxot.

Jesús wachakal fulaechpox Jerusalén paklowax xoxade, fiesta naktaelijaawapon

¹⁰ Jesús pakoew fulaech wut fiesta taeliajwa, do jawuxbej, Jesús wachakal fulaech fiesta taeliajwa. Jesús maliach pat fiestaxot. Maliach paton jiw matabijsamatas japon patpox. ¹¹ Fiesta wut, judíospaklochow wulweki Jesús. Japi jum-aech asew jiwliajwa:

—¿Amxotkat japon aton, pawulpon Jesús? —aechi.

¹² Dolisdo', fiesta wut, xabich jiw nakaewa najum-aech Jesúsliajwa. Asew japixot jum-aech: “Jesús xabich pachaem” —aechi. Asew lax japixot jum-aech: “Japon pachaema-el. Jiw naekichachajban pedo” —aech asew Jesúsliajwa.

¹³ Pe japi jiw naksiya wut Jesúsliajwa, tulaela jumchi-eli, asew jiw jaxotpijiw jumtaesamatas, pejlewla xoti judíospaklochowliajwa.

¹⁴ Do jawux, cuatro matkoi wut fiestapox, Jesús Dios pejtemploba low. Do jawut, jaxot tjaduton jiw naewhajnalajwa. ¹⁵ Jawut judíos xabich natachaema, jumtaen wuti Jesús naewhajnaproxan. Nakaewa najum-aechi:

—¿Ma-aech xotkat xabich matabijton Dios pejjamechan, japon pinjiyax estudia-el wut? —na-aechi nakaewa.

¹⁶ Jesús matabijt japi jum-aechpox. Samata, jum-aechon:

—Tajnaew^uajna^xan tajut tajax-el. Dios nato'apon, japon nabux^to'apoxan, japoxan xan naew^uajna^x jiw. ¹⁷ Xamal nejchaxoelam wut isliajwam Dios nejxasinkpoxan, najut matabijaxaelam, xan naew^uajna^xpoxan Dios pijaxan wut, o, xan tajut tajaxkal wut. ¹⁸ Aton jum-aech wut pajut pijaxtat, japon xabichasia asew jiw sitaeliajwas. Xanlax jum-an diachw^uajnakolax taj-ax pijaxtat, asew jiw jumchiliajwa: 'Dios xabich pachaem' —chiliajwapi taj-axliajwa. Xan naekichachajba-enil, jum-an wut.

¹⁹ "Chajiakolaxtat Moisés chaxduch Dios pejtato'lanan, wajw^uajnapijiwliajwa Moisés lelaliajwa japatato'lanan. Pe xamal amwutjel naexasis-emilfuk japox. Japatato'lananxot Dios tapae-el asan aton boesaliajwam. ¿Ma-aech xotkat amwutjel xamal xan naw^ulwekam naboesaliajwam?" —aech Jesús judíospaklochowliajwa.

²⁰ Do jawut, judíos jum-aech:

—Xam na-acham, nejmatp^uatat dep ba xot. Samata, jasox xam jum-am. Xanal xam w^ulweka-enil boesaliajwan —aech judíos Jesúsliajwa.

²¹ Do pejme Jesús jum-aech japi judíosliajwa:

—Xamal xabich natachaemanuilam, xan isx wut kaeyax koechax napatamatkoitat. ²² Moisés keto'a wajw^uajnapijiw circuncidaliajwa japi Dios pejmarkaxliajwa. Samata, xamal circuncidam puexa yamxi, poejiw, ocho matkoian wut nalaelapoxan. Japox Moisés pajut t^uadus-el. Waj-amjiw japox is Moisés w^uajna. Amwutjelfuk xamal nakiowa yamxi circuncidam, ocho matkoian wut nalaelapoxan. Yamx^ulan nalaelt^ox ocho matkoi wut, japamatkoi napatamatkoi wut, xamal nakiowa yamx^ulan circuncidam japamatkoitat. ²³ Lach napatamatkoitat xamal nakiowa circuncidam yamx^ulan. Japox isam xamal naexasisliajwam Moisés chajia lelpox. Ja-am wut, ¿ma-aech xotkat xan nalala xanliajwa, kaen aton boejth^utx wut napatamatkoitat? ²⁴ Xamal taenam wut aton ispoxliajwa, ¡nejmach nabej jum-aech!: 'Japon babijax is' —nabej aech', majt chiekal matabija-emil wut^fuk japon aton pejb^u'w^uajanpoxliajwa! ¡Majt chiekal taemfuk! Do jaw^ux, diachw^uajnakolax japon aton pejb^u'w^uajan wut, ¡jum-amde japon pejb^u'w^uajanpoxliajwa! —aech Jesús judíosliajwa.

Jesús pajut jum-aechpox amxot f^ulaenpon

²⁵ Jerusalén paklowaxxot duili, asew japixot nakaewa najum-aech Jesúsliajwa:

—Ampon atonlap paklochow w^ulwekspon boesaliajwas. ²⁶ Pe Jesús tulaela jiw naew^uajan wut, chinax kaen aton jumchi-esal japon bu'w^uajanpoxliajwa. Jaels-esalbejpon. Paklochow bej jum-aechbej pe-nejchaxoelaxantat: 'Japon diachw^uajnakolax Cristo' —bej aechbejpi. Samata, jaels-esal Jesús. ²⁷ Pe Cristo f^ulaen wut, xatis matabijaxisal amxot f^ulaeyaxaenon. Xatislax matabijas, amxot Jesús f^ulaen. Samata, Jesús Cristowa-el —aech asew judíos.

²⁸ Jesús japox jumtaen wut, Dios pejtemplobaxot naew^uajan wut, pin-jametat jum-aechon:

—¡Diachw^uajnakolax xamal namatabijtam xan! ¡Xamal chiekal namatabijambej, amxot xan f^ulaenx! Xan tajut tajaxtat f^ulae-enil. Xan f^ulaenx, taj-ax Dios nato'a xot. Dios naekichachajba-el. Dios jum-aech wut, diachw^uajnakolaxpox jum-aechon. Pe xamal matabija-emil Dios.

²⁹ Xanlax matabijtax Dios, fuloekx xot Diosxotsik. Japon xan nato'a ampathatasik fulaeliajwansik —aech Jesús.

³⁰ Jesús japox jum-aech wut, judíos jaelsasiapi Jesús, jiw jebatat jeliajwaspon. Pe japi judíos jaelsaxilfak, Jesús wepas-esal xot pejmatkoi. ³¹ Pe xabich jiw jaxot naexasiti Jesús naewhajanpox. Samata, japi jiw jum-aech Jesúsliajwa:

—Ampon Cristo, Dios to'aspon. Kaes asan aton ajil koechaxan ispon, me-ama ampon aton, jason —aech xabich jiw Jesúsliajwa.

Fariseos jaelsasiapox Jesús, jeliajwapi jiw jebatat

³² Do jawut, fariseos jumtaen wuti jiw jum-aechpox Jesúsliajwa, jawut fariseos, sacerdotepaklochowbej, to'api Dios pejttemploba weti, japi jaelsliajwa Jesús. Pe japi jaels-el Jesús. ³³ Dolisdo', Jesús jum-aech judíosliajwa:

—Xamalxotaxaelen asbuan jumch kaematkoiyanliajwa. Do jawux, xan kaxaxoeyan nato'apon poxase. ³⁴ Jawut, xan ajinil wut, xamal nawulwekaxaelam. Pe nafaenaximil, fulaeyaximil xot xan dukaxaelenxotse —aech Jesús judíosliajwa.

³⁵ Do jawut, judíos nakaewa nawhajnachaemt wut, najum-aechi:

—¿Ampoxade Jesús fulaeyaxaechkat xatis japon faena-elaliajwas, wulweks wut? Jesús bej fulaeyaxaechbej asew judíos poxade, asatwajnuchanlel duili poxade. Jesús bej naewhajnaxaelbej asatwajnuchanpijiw, japi judíos-eli. ³⁶ ¿Achaxkat jumchiyaxael, Jesús jum-aech wut: 'Jawut, xan ajinil wut, xamal nawulwekaxaelam. Pe nafaenaximil, fulaeyaximil xot xan dukaxaelenxotse' —aech wutkat Jesús? —aech judíos Jesúsliajwa.

Jesús naexasiti, japi pejnejaxoelaxan, me-ama min nakakolsanpox satxotsin, ja-aech

³⁷ We'p wut kaematkoi fiesta toepaliajwa, japamatkoi judíosliajwa kaes pejme pachaem. Samata, japamatkoi jiw kaes pejme sitaen. Do jawut, Jesús nant wut, pinjаметat jum-aechon:

—Xamal xabich minsila wut, kaes Dios matabijasiam wutbej, xabua'din xanlel! ³⁸ Dios pejjamechan, chajia lelspon, jum-aech Dios jum-aechpox: 'Xan naexasiti, japi pejnejaxoelaxan, me-ama min nakakolsanpox satxotsin, ja-aech' —aechox —aech Jesús judíosliajwa.

³⁹ Jesús jum-aech wut min nakakolsanpoxliajwa satxotsin, japox jum-aechon Espíritu Santoliajwa. Japon pejwhajan naexasisaxaelpi, japi pejmatpreatanxot pasaxoek Espíritu Santo. Jawut, Jesús japox jum-aech wut, Espíritu Santo fulae-elsikfak Jesús naexasitixotsik, Jesús athu poxaelse xotfak to'aliajwapon Espíritu Santo.

Jiw kaenejaxoelaxa-elpox naexasisliajwapi Jesús

⁴⁰ Asew jiw japixot jumtaen wut Jesús jum-aechpox, nakaewa najum-aechi:

—Diachwhajnakolax Jesús, 'Dios pejprofeta, fulaeyaxaelpon' —tispon —na-aechi nakaewa.

⁴¹ Asew jiwbej nakaewa najum-aech:

—Ampon Cristo, Dios to'aspon —na-aechi nakaewa.

Asew jiwlax Jesúsliajwa jum-aech:

—¡El! ¡Japon Cristowa-el! Cristo Galilea twajnpijnaxil. ⁴² Dios pejjamechan, chajia lelspon, jum-aech wut, jum-aechox: 'Cristo rey

David pamonaxael. Nalaelsaxaelbejpon Belén paklowaxxot, David majt dukxot' —aech chajia lelspx —aech asew jiw.

⁴³ Samata, jiw kaenejchaxoelaxa-el Jesúsliajwa. ⁴⁴ Asew japixot jaelsasi-
api Jesús jeliyajwa jiw jebaxot. Pe japi jaels-eli Jesús.

Paklochow naexasis-elpox Jesús jum-aechpoxan

⁴⁵ Do jawux, Dios pejtemploba weti nawia fariseos poxade, sacer-
dotespaklochow poxadebej. Dios pejtemploba weti pat wut, jumtispi,
wujnachaemtas wut:

—¿Amekat bu'patam Jesús? —tispi.

⁴⁶ Dios pejtemploba weti jumnot wut, jum-aechi:

—Japon jum-aech chimiajamechan. Me-ama asew jiw jum-aech wut,
jachi-elon. Samata, xanal japon jaels-enil xamallel buflaeliajwan —
aechi.

⁴⁷ Do jawut, fariseos jum-aech:

—¿Xamalkat-is naexasitam naekichachajbapijin jum-aechpoxan?

⁴⁸ Paklochowxot ajil, Jesús jum-aechpoxan naexasiti. Fariseosxotbej
ajil. ⁴⁹ Jesús naexasiti, japi jiw matabija-el Moisés chajia lelpox. Samata,
Dios kastikaxaesi —aech fariseos Dios pejtemploba wetiliajwa.

⁵⁰ Nicodemo, japon fariseo-aton, majt madoi fulaechpon Jesús taelia-
jwa, jawut jum-aechon fariseosliajwa:

⁵¹ —Moisés chajia lelpox nakjum-aech: 'Kamta to'aximil aton
kastikaliajwas, majt chiekal matabija-emil wutfuk japon aton
bu'wujjanpoxliajwa. Majt chiekal jumtaeyaxaelamfuk babijax ispon,
naksiya wut xamalliajwa japon ispoxliajwa' —aechox —aech Nicodemo
nakaefariseosliajwa.

⁵² Fariseos jumnot wut, jum-aechi Nicodemoliajwa:

—¿Xamkat-is Galilea tujnupijnam? ¡Xam xabich estudiam Dios pe-
jamechan, chajia lelspx! Ja-am wut, xam matabijsaxaelam, Galilea
tujnupijixot Dios pejprofetas chiekal ajil —aech fariseos Nicodemo-
liajwa.

⁵³ [Do jawut, kaenanula fariseos nawia pejbachan poxade.

8

Pakmolow asan poi nakmoejtpox

¹ Jawut, Jesús Olivonaechanmuxax poxade. ² Kandiawa wut, itliakaful
wut, Jesús kaxadin Dios pejtemploba poxadin. Do xabich jiw mox soepa
Jesúsxot. Jesús ek wut, tuduton jiw naewujnaliajwa.

³ Do jawut, judíos chanaekabuanapi, fariseosbej, buflaeni kaeow pak-
molow Jesúsleldin. Japow faens, asan aton nakmoejt wut. Japon aton
japow pamla-el. Do jawut, notipow puexa jiw pejwujnalel, Jesús
wujnalelbej. ⁴ Japi jum-aech Jesúsliajwa:

—Jiw chanaekabuanan, ampow, pakmolow, faens, asan aton bu'moejt
wut. ⁵ Moisés chajia lelpox jum-aech: 'Watho', jasox ispi, ia'tat dadaepax-
tat matkaejabaxaesi' —aechox. ¿Achaxkat xam jumchiyaxaelam japoxli-
ajwa? —aechi Jesúsliajwa.

⁶ Jasoxtat japi xapaajt Jesús, asax jum-aech wut tasalaliajwapi Jesús. Pe
Jesús natxatdik wut, pejkothiyatat sat lelon. ⁷ Japi nakiowa japox kaeyax
wujnachaemsful. Do jawut, Jesús mat-et wut, jum-aechon:

—Xamalxot kaen aton chinax babijax is-el wut, ¡japon aton ia'tat nej
matxoeladaeppon japow! —aech Jesús.

⁸ Do jawut, Jesús pejme natxatdik pejkothiyatat sat lelalijawa. ⁹ Japi jumtaen wut Jesús jum-aechpox, kaenanula chijiasfullisi japowxot. Kaes chiekal pakdiachowpi matxoela chijiasful. Do jawux, wachakal chijiasful pansiachowpi. Do jawut, tamach waelti japow, Jesús swapich. ¹⁰ Jesús mat-et wut, wuajnachamt wut, jum-aechon japowliajwa:

—Pawis, ¿amxotkat xam jum-aechpi nejbu'wuajanpoxliajwa? ¿Japixotkat kaen xam daep-el ia'tat? —aech Jesús japowliajwa.

¹¹ Japow jumnot wut, jum-aechow:

—Tajpaklon, amxot japi jiw ajillisi —aechow.

Do jawut, Jesús jum-aech japowliajwa:

—Xanbej to'axinil xam kastikaliajwa nejbu'wuajanpoxliajwa. ¡Xabu'de nejmach! ¡Kaes nabej is babijaxan! —aech Jesús japowliajwa.]

Jesús, me-ama itliakaxpox ampthatpjiwliajwa

¹² Do jawux, Jesús pejme naewuajan wut, jum-aechon jiwliajwa:

—Xan ampthatpjiw kajachawaetx japi matabijaliajwa Dios. Samata, xan, me-ama itliakax jiwliajwa. Xan nanaexasiti, japi jiw kaes nej isele' babijaxan. Jasoxtat xan kajachawaesaxaelen jiw matabijaliajwa diachwuajnakolaxpox, japi chiekal duilaliajwa ampthatxot —aech Jesús jiwliajwa.

¹³ Do jawut, fariseos jum-aechi Jesúsliajwa:

—Xam najut japox naksiyam. Samata, xanal matabija-enil, xam diachwuajnakolax paeyam wut —aech fariseos Jesúsliajwa.

¹⁴ Jesús jumnot wut, jum-aechon fariseosliajwa:

—Xan tajut japox naksiyax wut, diachwuajnakolaxpox jum-an. Xan tajut matabijtax amxot fulaenx. Pejme japoxaxaelen. Xamallax matabija-emil japox. ¹⁵ Xamal nijaxtat xanliajwa jum-am: 'Japon nej kastikas, is xoton babijaxan' —am xamal xanliajwa, chiekal matabija-emil wut. Xanlax jasoxtat jumchi-enil jiw pejbu'wuajanpoxanliajwa. ¹⁶ Pe jum-an wut jiw pejbu'wuajanpoxanliajwa, xan jumchiyaxaelen diachwuajnakolaxtat.

Tajut japox jumchi-enil jiw pejbu'wuajanpoxanliajwa. Nato'apon, japon taj-ax, nakajachawaesaxael, xan jiw jumchiliajwan wut japi pejbu'wuajanpoxanliajwa. ¹⁷ Moisés chajia lelpox jum-aech xamal chiekal matabijaliajwam: “Kolenje kaeyax chiekal jum-aech wut asan aton ispoxliajwa, ja-aech wut, japox diachwuajnakolax” —aechox.

¹⁸ Xan tajut tajaxtat jum-an wut isxpoxanliajwa, taj-ax, japon xan nato'apon, japonbej japox kaeyax jum-aech xan isxpoxanliajwa —aech Jesús fariseosliajwa.

¹⁹ Do jawut, fariseos wuajnachamt wut, jum-aechi Jesúsliajwa:

—¿Amxotkat nej-ax? —aechi.

Jesús jumnot wut, jum-aechon:

—Xamal xan namatabija-emil. Matabija-emilbej taj-ax. Xan namatabijaxaelam wut, ja-am wut, matabijaxaelambej taj-ax —aech Jesús fariseosliajwa.

²⁰ Jesús japoxan jum-aech wut, nukon ofrenda jiaxot, Dios pejtemplobatat. Pe Jesús jaels-esal paklochow, jiw jebaxot jeliajwas, pejmatkoi wepas-esal xotfukon.

Naexaxis-eli Jesús pejwuajan, japi pasaxilpox ma Jesús jaxotaxaelxot

²¹ Jesús pejme jum-aech judíosliajwa:

—Xan pejme nawiasaxaelen wut fulaenxot, xamal nawulwekaxaelam. Pe xamal tuxaxaelam babijaxan isampoxantat Dios beltae-el wut. Samata, pasaximil xan jaxotaxaelenxot —aech Jesús judíosliajwa.

²² Do jawut, judíos nakaewa najum-aech:

—¿Jesúskat pajut bej nakisaxaelbej? Samata, jum-aechon japox: ‘Pasaximil xan jaxotaxaelenxot’ —aechon —aechi nakaewa.

²³ Jesús pejme jum-aech:

—Xamal ampathatpijwamkal. Xan ampathatpijna-enil. Xan athupijnan. ²⁴ Samata, jum-an: ‘Xamal tuxaxaelam babijaxan isampoxantat, Dios beltae-el wut’ —an xan, naexasis-emil xot, xan jum-an wut tajutliajwa —aech Jesús.

²⁵ Do jawut, japi wuajnachamt wut, jum-aechi:

—¿Achanamkat xam? —aechi.

Jesús jumnot wut, jum-aechon:

—Xan naewuajnax wut, chajia jum-an, achanan xan. ²⁶ Xan xabich xamal jumchiliajwan nejbu'wuajanpoxanliajwa. Pe xan jumchiyaxinil. Jumchiyaxaelenlax ampathatpijiwliajwa taj-ax Diosxot jumtaenxroxankal. Kaes pejme asaxan jumchiyaxinil. Dios, xan nato'apon, jum-aech diachwuajnakolax —aech Jesús judíosliajwa.

²⁷ Japi jiw jumtaen Jesús jum-aechpox. Pe japi jummatabija-el, Jesús jum-aechpox pax Diosliajwa. ²⁸ Samata, Jesús pejme jum-aech judíosliajwa:

—Xan, puexa jiw pakoewkolnan, asajiw cruztat nakematamatal wut, jawut xamal chiekal matabijaxaelam xan diachwuajnakolax Cristowanponan. Matabijaxaelambej puexa xan isxroxan, japoxan tajut tajaxtat is-enil. Xamalbej matabijaxaelam puexa xan jum-anpoxan, japoxan jum-an, taj-ax Dios nabuxto'apoxan. ²⁹ Taj-ax, xan nato'apon, japon pomatkoicha xanxot. Tamach nawaels-elon, isfulax xot japon nejxasinkroxan —aech Jesús judíosliajwa.

³⁰ Japox Jesús jum-aech wut, xabich jiw chiekal naexasiti japon Cristopon. Japi jiw chiekal xanaboejabejpi Jesús.

Amxot jum-aechpox Dios paxiliajwa, Satanás paxiliajwabej

³¹ Jesús jum-aech asew judíosliajwa, japi cha-aex naexasiti japon Cristopon:

—Naexasisfulam wut xan naewuajnaxpox, ja-am wut, diachwuajnakolax tajnachalwaxaelam. ³² Xamal chiekal matabijam wut diachwuajnakolaxpox, xan jum-anpox, ja-am wut, xamal kaes esclavosximil —aech Jesús judíosliajwa.

³³ Judíos japox jumtaen wut, jum-aechi Jesúsliajwa:

—Xanal Abraham pamojiwan. Chinax xanal esclavos-enil. ¿Ma-aech xotkat xanal najum-am: ‘Xamal kaes esclavosximil’ —na-amkat xanalliajwa? —aech judíos Jesúsliajwa.

³⁴ Jesús jumnot wut, jum-aechon japi judíosliajwa:

—Diachwuajnakolax xan jum-an. Puexa jiw, babijaxan ispi, japi jiw, me-ama esclavos wut, ja-aechi, kofa-el xoti babijaxan ispoxan.

³⁵ Esclavo-aton pomatkoicha dukaxil paklon pejbatat, japon paklon paxulna-el xot. Paklon paxulanlax dukaxael pomatkoicha pax pejbatat, japon paklon paxulan xot. ³⁶ Samata, xan Dios paxulan jiw bu'weyaxaelen, japi xan nanaexasit wut. Beltaeyaxaelenbej japi babijaxan ispoxanliajwa. Ja-aech wut, japi diachwuajnakolax

bü'wüajanjilaxael babijaxan ispoxanliajwa. ³⁷ Xan matabijtax diachwüajnakolax xamal Abraham pamojiwam. Pe xamal nejchaxoelam xan naboesaliajwam, naexasis-emil xot tajnaewüajna. ³⁸ Xan jüman-ansfulax taj-ax na-itpaeipoxan. Pelax xamal isfulam nej-ax tato'alpoxan —aech Jesús judíosliajwa.

³⁹ Do jawüt, japi judíos jüm-aech Jesúsliajwa:

—Xanal Abraham pamojiwan. Japon, me-ama taj-ax xanalliajwa —aech judíos.

Jesús pejme jümnot wüt, jüm-aechon judíosliajwa:

—Diachwüajnakolax xamal Abraham pamojiwam wüt, xamal isaxaelam pachaempoxan Diosliajwa. Me-ama nej-am Abraham chajiakolaxtat is Dios nejxasinkpoxan, xamalbej jachiyaxaelam. ⁴⁰ Xan jüman diachwüajnakolaxpox xamalliajwa, Dios na-itpaeipox. Pe nakiowa, xamal nejchaxoelam xan naboesaliajwam. ¡Wajwüajnapijin Abraham chinax jasox nejchaxoela-el, xamal nejchaxoelampox! ⁴¹ Xamalbej isam, me-ama nej-ax is —aech Jesús judíosliajwa.

Jawüt judíos jüm-aech Jesúsliajwa:

—Xanal pafliaxhiya-enil. Xanal kaen taj-ax. Japon Dios. Diachwüajnakolax xanal Dios paxin —aech judíos.

⁴² Jesús jümnot wüt, jüm-aechon judíosliajwa:

—Diachwüajnakolax Dios nej-ax wüt, xan nanejxasinkaxaelam, xan fuloekx xot Diosxotsik. Amwütjel xamalxotx, Dios nato'a xot. Tajut tajaxtat fulae-enil. ⁴³ ¿Ma-aech xotkat tampoel tajjamechan xamal jümmatabijaliajwam? Tampoel tajnaewüajnaxan, nejxasinka-emil xot chiekal nanaewesliajwam. ⁴⁴ Pe xamal nej-axpon, japon Satanás. Japon pejiwambej. Isasiam nej-ax nejxasinkpoxan. Akaseskolaxtat Satanás bapon jiw. Amwütjel nakiowa ja-aechfulon. Nejxasinka-elbejpon diachwüajnakolaxpox. Jümchi-elbejpon diachwüajnakolaxpox. Japon jüm-aech wüt, jüm-aechon naekichachajbaliajwa, naekichachajbapijin xot. Satanáslap matxoelanaekichachajbapijin. ⁴⁵ Pelax xan jüm-an xot diachwüajnakolaxpox, xamal xan nanaexasis-emil. ⁴⁶ Xamalxot, ¿achankat nataen xan tajbü'wüajanpox? Xan jüm-an wütlix diachwüajnakolaxpox, ¿ma-aech xotkat xamal xan nanaexasis-emil? ⁴⁷ Dios pejiwpi, japi jiw chiekal naewet Dios pejjamechan naexasisliajwa. Pe xamal Dios pejiwi-emil xot, nejxasinka-emil naewesliajwam Dios pejjamechan —aech Jesús.

Abraham wüajna Cristo dukpox

⁴⁸ Do jawüt, judíos jüm-aech Jesúsliajwa:

—Xanal jüm-an wüt xamlliajwa: 'Xam Samaria tüajnüpijnam. Xambej nejmatrüat dep webaponam' —an wüt, diachwüajnakolax xanal jüm-an —aech judíos Jesúsliajwa.

⁴⁹ Do jawüt, Jesús jümnot wüt, jüm-aechon judíosliajwa:

—Xan tajmatrüat dep chiekal ajil. Xan sitaenx taj-ax Dios. Pe xamallax xan nasitae-emil. ⁵⁰ Xan wülweka-enil sitaeyax tajutliajwa. Pelax taj-ax, Dios, nejxasink jiw xan nasitaeliajwa. Dios jümchiyaxaelbej pachaempoxan xanlliajwa. ⁵¹ Diachwüajnakolax xan jüm-an. Xan jüm-anpoxan naexasiti, japi tüpaxil —aech Jesús.

⁵² Judíos japox jümtaen wüt, jüm-aechi:

—Amwütjel xanal chiekal matabijax, diachwüajnakolax xam nejmatrüat dep weba. Abraham, asew Dios pejprofetaspibej, puexa japi

chajia tɔp. Xamlax jɔm-am: ‘Xan jɔm-anpoxan naexasiti, japi tɔpaxil’ —am xam. ⁵³ ¿Xamkat kaes pejme paklonam? ¿Me-ama wajwɔajnapijin Abraham, jachi-emilkat xam? Japonbej chajia tɔp. Puexa Dios pe-jprofetaspi, japibej chajia tɔp. Xam najutliajwa nejchaxoelam wɔt, ¿achanamponam xam? —aech judíos Jesúsliajwa.

⁵⁴ Jesús jɔmnot wɔt, jɔm-aechon:

—Xan tajutliajwa jɔm-an wɔt pachaempox, japox xanliajwa pachaemaxil. Pe taj-ax pajut xan nasitaen. Japonliajwa xamal najut jɔm-am: ‘Japon tajDios’ —am xamal. Pebej japon xan taj-ax. ⁵⁵ Pe xamal matabija-emil Dios. Xanlax chiekal matabijtax Dios. Xan jɔm-an wɔt: “Xan matabijs-enil Dios” —an wɔt, ja-an wɔt, xan naekichachajbaxaelen xamal. Me-ama xamal, jachiyaxaelen. Diachwɔajnakolax xan chiekal matabijtax taj-ax Dios. Japon pejjamechan chiekal naexaxisfulaxbej. ⁵⁶ Abraham, nejwɔajnapijin, nejchachaemil, matabijt wɔton xan fulaeyaxaelenpox ampathatasik. Amwɔtjel, nataekon. Samata, Abraham xabich nejchachaemil xanliajwa —aech Jesús.

⁵⁷ Do jawɔt, judíos jɔm-aechi Jesúsliajwa:

—Xamfuk pati’na-emil. Xambejfuk pas-emil cincuenta waechan jɔmchiliajwam: ‘Xan taenx Abraham’ —chiliajwam —aech judíos Jesúsliajwa.

⁵⁸ Jesús jɔmnot wɔt, jɔm-aechon:

—Diachwɔajnakolax xan jɔm-an. Xan Abraham wɔajna chajia dukx —aech Jesús.

⁵⁹ Do jawɔt, judíos ia’ not dadaepliajwapi Jesús. Pe faena-eli, Jesús namoest xot jiwat. Do jawɔx, nakoltlison Dios pejtemplobaxot.

9

Jesús boejthɔpox itliaklan

¹ Dolisdo’, Jesús fol wɔt, xanal, japon pejnachalwan sɔapich, Jesús taen kaen itliaklan. Japon aton taeyaxil, jasox chanlaelt xoton. ² Do jawɔt, xanal wɔajnachaehtax wɔt, jɔm-an Jesúsliajwa:

—Jiw chanaekabɔanan, ¿ma-aech xotkat japon aton jasox chanlaelt itliaklax? ¿Pax, pen sɔapichkat, babijaxan ispoxantat, japon aton ja-aech? O, ¿japonkat pajut babijaxan ispoxantat ja-aechon? —an xanal.

³ Jesús najɔmnot wɔt, najɔm-aechon xanalliajwa:

—¡E! Japon pajut babijaxan ispoxantata-el. Pax, penbej, japi ispoxantata-elbej. Japon aton itliakal amwɔtjel Dios itpaeliajwa pejpamamax, boejthɔch wɔton. ⁴ Matkoi wɔt, xatis nabichaxaesfuk. Pe madoi wɔt, nabichaxisal. Ja-aechbej xatisliajwa. Amwɔtjel pachaem nabichliajwas Dios pejbichax. Pe asamatkoi tɔpaxaes. Japamatkoitat, kaes nabichaxisal. ⁵ Xan ampathatatax wɔt, xan, me-ama itliakax ampathatpijwliajwa. Xan jiw kajachawaesaxaelen japi chiekal matabijliajwapi Dios —aech Jesús.

⁶ Jesús japox jɔm-aech wɔt, jawɔt sat loeyapon. Pej-almintat ju’apon sat assap isliajwa. Dolison, japa-assap mojton pejkothiyatat itliaklan itfujoelaliajwa. Jawɔt itfujoelapon itliaklan. ⁷ Do jawɔt, Jesús jɔm-aech itliaklanliajwa:

—¡Xabɔa’de asew nawaen poxade, jaxotde itfukiasliajwam! Jaxotde cha-aelpukach, poejiw pajut ispox, pawɔlox Siloé —aech Jesús itliaklanliajwa. (Siloé jɔmchiliajwa: “To’aspon” —chiliajwa.)

Do jawut, itliaklan fulaechlison itfukiasliajwa. Itfukiat wut, kaxadin wuton, jawut chiekal taenlison. ⁸ Asew jiw, mox duili japon dukxot, asew jiwbej, japi taenpi, japon plata wuljow wut nuambabu'tat, japi puexa pejme taen wut japon, japi nakaewa najum-aech:

—¿Amponkatlap majt plata wuljowpon, nuambabu'tat ek wut? —aech japi jiw nakaewaliajwa majt itliakalponliajwa.

⁹ Asew japixot jum-aech:

—Diachwajnakolax chiekal japon. Asana-el —aechi.

Pe asew japixot jum-aechlax:

—Japona-elkatdo! Pe asan, me-ama japon, jakabuan-aechpon —aechi.

Do jawut, japon pajut chiekal jum-aech nejthu'axtat japi jiwliajwa:

—Diachwajnakolax xan chiekal japonan. ¿Ma-aech xotkat xamal xan chiekal namatabija-emil? —aechon.

¹⁰ Do jawut, wujnachaemt看 wut, jumtispon:

—¿Ma-aech xotkat xam chiekal amwutjel taenam? —tispon.

¹¹ Majt itliakalpon jumnot wut, jum-aechon:

—Aton, pawulpon Jesús, japon xan nataen wut, pej-almintat assap ispon. Japa-assaptat tajkole-itfulelje na-itfujoelapon. Do jawut, najum-aechon: '¡Xabua'de asew nawaen poxade, jaxotde cha-aelpukach, poejiw pajut ispox, pawulox Siloé! ¡Jaxotde itfukia'e!' —na-aech japon aton. Do jawut, xan fulaechx itfukiasliajwan. Jaxotde itfukiatx wut, tajkole-itfutje chiekal nawepachaem. Do jawut, chiekal taenxbej —aech majt itliakalpon.

¹² Do jawut, asew jaxotpijiw wujnachaemt wut, jum-aechi:

—¿Amxotkat japon aton? —aechi, Jesúsliajwa wujnachaemt wut.

Majt itliakalpon jumnot wut, jum-aechon:

—Jalape. Xan matabijs-enil amxoton amwutjel —aechon.

Fariseos wujnachaemtpox majt itliakalpon

¹³⁻¹⁴ Jesús ju'a wut assap itliaklanliajwa japon taeliajwa, japamatkoi napatamatkoi. Samata, asew jiw bu'foli majt itliakalpon fariseos poxade. ¹⁵ Bu'pat wutipon fariseosxot, japi wujnachaemt看 spon. Do jawut, jumtispon:

—¿Ma-aech xotkat xam amwutjel chiekal taenam? —tispon.

Japon jumnot wut, jum-aechon:

—Kaen aton assap na-itfujoela. Xan itfukiatx wut, jawut taj-itfut chiekal nawepachaem —aech majt itliakalpon.

¹⁶ Asew fariseosxot jum-aechi:

—Japon aton japox is wut, sitae-el napatamatkoi. Samata, Dios to'aspona-el —aechi.

Asewlax japixot jum-aech:

—Japon babejen wut, isaxilon koexaxan —aechi.

Samata, fariseos kaenejchaxoelaxa-el Jesúsliajwa. ¹⁷ Ja-aech wut, majt itliakalpon pejme wujnachaemt看. Jumtispon:

—Xamlax, ¿chaxakat jum-am nej-itfut boejthutponliajwa? —tispon.

Majt itliakalpon jumnot wut, jum-aechon:

—Japon Dios pejprofeta —aechon.

¹⁸ Judíos naexaxis-el japon majt itliakalpox. Samata, judíos wullalapi japon pax, penbej, fulaeliajwadin. ¹⁹ Do jawut, pax, pen sapich, pat wut, wujnachaemt看 wut, jumtispi:

—¿Diachwujnakolaxkat ampon naxulan, itliaklax chanlaeltron? ¿Ma-aech xotkaton amwutjel chiekal taen? —tisi, wujnachaemtas wut.

²⁰ Japon pax, pen swapich, jumnot wut, jum-aechi:

—Xanal chiekal japon matabijtax xamalxot nukpon, japon taxulan. Matabijtaxbej japon itliaklax chanlaeltpox. ²¹ Pe xanal matabija-enil, ma-aech xot amwutjel chiekal taenpon. Matabija-enilbej, achan itfuboejthuchpon. Taxulan pati'in. Samata, xamal najut wujnachaemdepon! Japon pajut xamal jumchiyaxael —aech pax, pen swapich.

²² Japi jasox jum-aech, pejewla xoti judiosliajwa, judios jum-aech xot: “Nejmach-aton jum-aech wut: ‘Jesus, japon Cristo, Dios to’aspon’ —aech wut, japon aton xanal tapaeyaxinil leliajwa wajnaewujnabaxot” —aech xot chajia judios. ²³ Samata, japon pax, japon penbej, jum-aechi: “Taxulan pati'in. Samata, xamal najut chiekal wujnachaemde japon!” —aechi.

²⁴ Do jawut, judios pejme la majt itliakalpon fulaeliajwadin. Pat wuton japixot, jum-aechi japonliajwa:

—¿Diachwujnakolax najum-amde Dios jumtaeliajwa! ¿Achankat japon aton? Xanal matabijtax, japon aton babejenpon —aech judios.

²⁵ Japon jumnot wut, jum-aechon:

—Xan matabijs-enil japon aton babejen wut, o, babejna-el wut. Xanlax matabijtax ampox. Majt chinax xan tae-enil. Amwutjel chiekal taenx —aechon.

²⁶ Pejme wujnachaemt wut, jum-aechipon:

—¿Achaxkat japon aton is xamliajwa? ¿Achaxkat isbejpon xam chiekal taeliajwam? —aech judios majt itliakalponliajwa.

²⁷ Majt itliakalpon jumnot wut, jum-aechon:

—Xamal chiekal jum-an. Pe chiekal xan nanaexaxis-emil. ¿Ma-aech xotkat kaes xabich jumtaesiam? ¿Xamalbejkat japon pejnachalwasiam? —aechon judiosliajwa.

²⁸ Do jawut, babejjamechan jumtis wut, jum-aechipon:

—Xam japon babejen pej-atonam. Xanallax Moises pejiwan. ²⁹ Xanal chiekal matabijax chajiakolaxtat Dios nospaeipox, Moises swapich. Pe xanal matabija-enil, achan to'as Jesus —aech judios.

³⁰ Majt itliakalpon pejme jumnot wut, jum-aechon:

—Japon xan na-itfuboejthut. Pe xamal matabija-emil, achan to'ason. ³¹ Xatis judios chiekal matabijas Dios kajachawaesaxaelpox naexasiti Dios, nejxasinkpibej Dios. Dios kajachawaes-el jiw babejchow, japi naexaxis-eli Dios. ³² Ampathatat aton ajil, xajupon boejthusliajwa itliakla chanlaelapi. Majt jason aton tae-esal, me-ama japon, aton. ³³ Japon aton Diosxotsik fulae-el wut, xan naboejthusaxilon —aech majt itliakalpon.

³⁴ Do jawut, judios palaeyajametat jum-aechi japonliajwa:

—Xam itliaklax chanlaeltam, nej-ax, nej-en swapich, xabich babijaxan is xot. Ja-am wut, xamkat xanal nanaewujnabaxot? —aechi.

Do jawutbej, judios nakolsax to'api japon aton judios pejnaewujnabaxot.

Jiw matabija-elpi Dios, japi jiw, me-ama itliakla wut, ja-aechpox

³⁵ Jesus wultaen majt itliakalpon nakolsax to'aspox judios pejnaewujnabaxot. Jesus japon aton faen wut, wujnachaemt wut, Jesus jum-aech japon atonliajwa:

—¿Xamkat puexa jiw pakoewkolan naexasitam? —aech Jesus.

³⁶ Majt itliakalpon jumnot wut, jum-aechon:

—Jiw chanaekabuanan, inajum-amde! ¿Achankat puexa jiw pakowkolan, xan naexaxisliajwan japon? —aechon.

³⁷ Do jawut, Jesús jumnot wut, jum-aechon japonliajwa:

—Xam najut japon taenam. Xanlap japonan, puexa jiw pakowkolan, xam swapich, nospaeipon —aech Jesús.

³⁸ Do jawut, majt itliakalpon brixtat nuk Jesús pejuajnalel, xabich sitaen xoton. Japon jum-aech Jesúsliajwa:

—Jiw chanaekabuanan, xam naexasitx —aechon.

³⁹ Do jawut, Jesús jum-aech:

—Xan fulaenx ampathatik jiw diajkaliajwan kolemtje. Kaemt xan nanaexaxisaxael. Japi majt, me-ama itliakla wut, ja-aechpi pejne-jchaxoelaxantat, amwutjel japi jiw chiekal taeyaxael. Matabijaxaelbejpi diachwujnakolaxpoxan. Asamut xan nanaexaxisaxil. Japi, me-ama itliakla wut, jachiyaxael pejne-jchaxoelaxantat, xan nanaexaxis-el xoti. Matabijaxilbejpi diachwujnakolaxpoxan —aech Jesús majt itliakalponliajwa.

⁴⁰ Asew fariseos, japox jumtaen wut, jum-aechi:

—¿Xanalkat-is, me-ama itliaklawan Diosliajwa? —aechi.

⁴¹ Jesús jumnot wut, jum-aechon:

—Diachwujnakolax xamal nejnejchaxoelaxantat, me-ama itliaklawam wut, ja-am. Dios charaeyam wutbej babijaxan isampoxanliajwa, ja-am wut, xamal bu'wujanjilaxaelam Diosliajwa. Pe xamal jum-am: 'Xanal chiekal taenx. Itliaklawam-enilbej tajnejchaxoelaxantat' —am xot, xamal nejbu'wujan. Asamatkoi, tɔpam wut, nabijasaxaelam babijaxan isampoxantat —aech Jesús fariseosliajwa.

10

Ovejas tataeflan, pej-ovejas swapichpox

¹ Do jawut, Jesús jum-aech fariseosliajwa: “Diachwujnakolax xan jum-an. Le-elpon fafael ovejas jiasxot, pe asalel julpon leliajwa, japon aton natkowan. ² Fafalel lowpon, japonlax ovejas tataeflan. ³ Fafa wesam wefafach japon leliajwa. Do jawut, kaenanula pejew ovejas laefulon pejuwulat. Pejew ovejas jummatabitjas japon aton pejjame. Jasoxtat japon aton pejew ovejas juk jiasxot pola xaelpaliajwa. ⁴ Ovejas tataeflan puexa pejew ovejas bu'fol wut, japon matxoela fol. Pejew ovejas wuchakal fol, pejjame jummatabitjas xoton. ⁵ Ovejas asew jiw fulfaelael, japi pejjamechan jummatabitja-esal xot. Japi jiw xot dukpaxael ovejas, xabich pejewla xoti” —aech Jesús fariseosliajwa.

⁶ Jesús japawujantat naewujan wut, japi fariseos jummatabitja-el Jesús jum-aechpox.

Jesús xabich pachaempox jiw tataeflaliajwa

⁷ Do jawut, Jesús pejme jum-aech fariseosliajwa: “Diachwujnakolax xan jum-an. Xan, me-ama laleyax, ovejas leliajwa jiasxot. ⁸ Puexa kichachajbapi, pati tajwujana, me-ama Dios to'as wut, ja-aechi, japi jiw me-ama kethaka. Japi nawenatkowasia tajjiw. Pe tajjiw naexaxis-el japi kethaka naewujanpoxan. ⁹ Xan, me-ama laleyax Diosxotse jiw pasliajwa. Xanlel lelpi, japi xan tataeflaxaelen. Japi, me-ama tejew

ovejas. Jiasxot nakola wut, chimiapola faekaxaeli xaeliajwa. Do jawux, pejme jiasxot leyaxaeli.

¹⁰ “Kethala fulaen ovejas natkowaliajwa, beliajwabejpi ovejas. Xan fulae-enil isliajwan, me-ama japox. Xan fulaenx jiw chiekal ne-jchachaemlaliajwa pejnejchaxoelaxantat, pomatkoicha chiekal duilaliajwapi. ¹¹ Xan chiekal pachaeman jiw tataeflaliajwan. Me-ama ovejas tataeflan, pachaempon, pejew ovejas chiekal tataeflaliajwa, xanbej ja-an. Ovejas tataeflan nejchaxoel: ‘Asan aton tejew ovejas nawebeyaxael wut, xan tapae yaxinil. Xanlax jumchiyaxaelen: “¡Xan naboosim!” — chiyaxaelen, tejew ovejas buweliajwan’ — aech ovejas tataeflan, nejchaxoel wut. ¹² Pe nabiston plata kanaliajwa, japon aton pejmachofan fulaeyax taen wut, ovejas tamach waelchaxaelon. Dolison, pejlel najaesaxael. Jasox isaxaelon, japon poklatataeflana-el xot ovejas. Jawut, pejmachofan ovejas buajil wut, ovejas kaenanula pejlel nasalaxael. ¹³ Do jawut, japon aton pejlel najaet, asbuan jumch nabichankal xot plataliajwa. Japonliajwa ovejas omjil, pejwa-el xoton ovejas.

¹⁴⁻¹⁵ “Xan chiekal pachaeman jiw tataeflaliajwan. Me-ama ovejas tataeflan chiekal tataeful pejew ovejas, xanbej ja-an. Taj-ax Dios chiekal namatabijit. Xanbej taj-ax Dios chiekal matabijtax. Jasoxtat chiekal xan matabijtax, tajjiw, xan nanaexasiti. Japibej chiekal xan namatabijit. Xan tajut tapae yaxaelen asew jiw xan naboesaliajwa, tajjiw buweliajwan. Me-ama ovejas tataeflan, tuxaxael pejew ovejasliajwa chachoel wut japon atonliajwa, xanbej jachiyaxaelen. ¹⁶ Asew tajjiwpi, japibej xanliajwa, me-ama tejew ovejas, duilpi asatujnuchanlel. Japi wuljaesaxaelen, xanxot kaeyaxtat duilaliajwa. Japi xan nanaexaxisfulaxael. Buflaenx wut, puexa japi kaemtaxael. Xan, kaenan, japi jiw tataeflaxaelen.

¹⁷ “Taj-ax Dios xabich xan nanejxasink, tuxaxaelen xot tajjiwliajwa, japi buweliajwan. Do jawux, taj-ax namat-esaxael pejme dukaliajwan. ¹⁸ Asew jiw xan naboesaxilfuk, xan tajut tapae-enil wutfuk. Xan tajut tapae yaxaelen, maswut naboesaxaeli. Do jawux, Dios xan namat-esaxael pejme dukaliajwan. Japoxlap taj-ax Dios xan nato'a isliajwan” — aech Jesús fariseosliajwa.

¹⁹ Do jawut, judíos jumtaen wut Jesús jum-aechpox, pejme kaenejchaxoelaxa-eli. ²⁰ Xabich japixot jum-aech:

—Ampon aton na-acha. ¿Ma-aech xotkat xatis kaes wulnaewesfulas, dep tato'lanas? — aech judíos Jesúsliajwa.

²¹ Pe asew japixot jum-aech:

—Aton, pejmatpumatat dep webaespon, jasox jumchiyaxil, naksiya wut. Dep xajupaxilbej itliaklan boejthusliajwa, chiekal taeliajwa aton — aechi.

Asew judíosxot nejweslapox Jesús

²² Asamatkoi, iama wut, judíos fiesta is Jerusalén paklowaxxot. Japafiesta judíos nejchaxoelaliajwa pejuajnapijiw Dios pejtemploba chaemsax ketoetpox. ²³ Jawut Jesús Dios pejtemplobaxot laeja, pawuxot Pórtico de Salomón. ²⁴ Jaxot judíos, japi masajiat Jesús. Wuajnachaemtipon chiekal matabijaliajwa. Do jawut, japi jum-aech Jesúsliajwa:

—¿Masmatkoiyankat xanal wuajnawesaxaelen matabijaliajwan, achanamkat xam? Xam diachwuajnakolax Cristowam wut, jama najum-amde xanal chiekal matabijaliajwan! — aech judíos Jesúsliajwa.

²⁵ Do jawut, Jesús jumnot wut, jum-aechon japi judíosliajwa:

—Xan chajia chiekal xamal jum-an: ‘Xan Cristowan’ —an. Pe xamal naexasis-emil. Xan koechaxan isx wut, japoxan isx taj-ax Dios pijaxtat. Japoxan isx matabijaliajwam, achanan xan xamalliajwa. ²⁶ Pe nakiowa, xamal xan nanaexasis-emil, xamal tajiwa-emil xot. Me-ama tejew ovejas, jachi-emil. ²⁷ Tejew ovejas xan tajjame najummatabijt, xan naksiyax wut. Xanbej japi matabijtax. Samata, japi xan nafulafol. ²⁸ Jiw, xan nanaexasiti, kajachawaesaxaelen pomatkoicha duilaliajwa Diosxotse. Samata, japi jiw napelsaxil. Chinax kaen aton japi jiw nawenosaxil, xan nanaexasiti. ²⁹ Taj-ax Dios woeyapi jiw xanxot. Taj-axbej xabich pejpamamax. Me-ama jiw, jachi-elon. Samata, chinax kaen aton xajwaxil japi jiw taj-axxot wemakanosliajwas. ³⁰ Xan, taj-ax swapich, chiekal koewan —aech Jesús judíoslajwa.

³¹ Do jawut, judíos pejme noti ia’ dadaepliajwapi Jesús. ³² Jawut Jesús jum-aech japi judíoslajwa:

—Taj-ax Dios pijaxtat xabich chamoeyaxan isx nejwajnalel. ¿Achax chamoeyaxliajwakat xan ia’tat walnabu’dadapam? —aech Jesús.

³³ Judíos jumnot wut, jum-aechi:

—¡E! Xanal ia’tat xam dadaepaxinil, chamoeyaxan isam xot. Xanal ia’tat dadaexproxtat xam matkaejabaxaelen, Dios sitae-emil xot. Xam naksiyam, me-ama waj-ax Dios, xam atonamkal wut —aech Jesús Jesúsliajwa.

³⁴ Do jawut, Jesús jum-aech:

—Dios pejjamechan, chajia lelspox, jum-aech Dios jum-aechpox Dios makanochpi paklochowliajwa: ‘Xan jum-an: “Xamal, me-ama dioses” —an xan’ —aech Dios jum-aechpox japi Dios makanochpiliajwa. ³⁵ Xatis chiekal matabijas Dios pejjamechan diachwajnakolax pomatkoichaliajwa. Samata, chajiakolaxtat Dios jum-aech wut paklochowliajwa: ‘Xamal, me-ama dioses’ —aech wut, diachwajnakolax Dios jum-aech japiliajwa. ³⁶ Xanbej, Dios namakafitponan, japon xan nato’a ampathatpijiw bu’welialjan. Jum-an wut: ‘Xan Dios paxulan’ —an wut, ¿ma-aech xotkat xamal najum-am: ‘Xam sitae-emil Dios’ —na-amkat? ³⁷ Xan isenil wut taj-ax nato’apoxan, ja-an wut, jxan nabej nanaexasis! ³⁸ Pelis xan isfulax wut taj-ax nato’apoxan, jxan nanaexasi’ e isfulaxproxantat, xamal xan nanaexasi-elasiam wut xan jum-anpox taj-ax Dios nato’aponliajwa! Xan koechaxan isxproxan, taenam wut, jxamal najut chiekal matabijim xan Dios nato’aponanpox! Ja-aech wut, xamal chiekal matabijaxaelambej xan koewanpox, taj-ax Dios swapich —aech Jesús judíoslajwa.

³⁹ Do jawut, judíos pejme jaelsasiapi Jesús. Pe japixot wiapon.

⁴⁰ Do jawux, Jesús nawiat wut Jordánlajt we-enlelde, Juan majt jiw bautisafulxot, xanalbej Jesús pejnachalwan, Jesús swapich, nawiax. Do jaxot Jesús naman wut, xanalbej namax jaxot. ⁴¹ Do jaxot xabich jiw fulaen Jesús taeliajwa. Japi jiw Jesúsxot pat wut, nakaewa najum-aechi:

—Juan, jiw bautisan, chinax koechax is-el. Pe Juan puexa jum-aechpox amponliajwa, japoxan diachwajnakolax, chiekal ja-aechlisox —na-aechi nakaewa Jesúsliajwa.

⁴² Do jawut, xabich jiw jaxot naexasiti Jesús, japon Dios to’asponpox.

11

¹ Aton bu'xaeyan, pawalpon Lázaro, koliowje pakoewow swapich, dukon Betania paklowaxxot. Kaeow pawal María. Asaow pawal Marta. ² Martalap majt Jesús tʉakchafan perjumamint, xabich sitaen xotow Jesús. Do jawutbej, japow pejmatlatat tʉakjoeipow Jesús pejtʉak. ³ Japi koliowje asan aton to'a japon wuljaesliajwa Jesús. Buxto'a wut, jum-aechipon:

—Jesús faenam wut, jum-amopon: ‘Tajpaklon, nejnachalan Lázaro, nejxasinkampon, xabich bu'xaenk’ —amo Jesús! —aechi, aton to'a wut.

⁴ Do jawux, Jesús japox jumtaen wut, jum-aechon xanal pejnachalwanliajwa:

—Lázaro ampawaxaetat chiekal tʉpaxael. Pe kaelel tʉpaxilon. Japon bu'xaenk puexa jiw taeliajwa Dios xabich mamnikpon, jiw taeliajwabej xan, Dios paxulan, tajpamamaxbej —aech Jesús.

⁵ Jesús kamta kajachawaesasia Marta, Mariabej, Lázaro bu'xaenkproxliajwa, Jesús japi xabich nejxasink xot. ⁶ Wultaen wuton Lázaro bu'xaenkprox, Jesús nakiowa kaweta namanfukon kolematkoiye Jordánlajt we-enlelde. ⁷ Do baxael, Jesús jum-aech xanal pejnachalwanliajwa:

—Chijias pejme Judea tʉajnu poxade —aechon xanalliajwa.

⁸ Xanal jum-an:

—Jiw chanaekabuanan, kaematkoiyan swapichlisox Judea tʉajnujijiw xam ia'tat dadaepsiapox matkaejabaliajwapi xam. Japi jiwfuk xam bej wʉajnwawesfulbej boesaliajwa. ¿Ma-aech xotkat xam pejme japoxade fulaesiam? —an xanal Jesúsliajwa.

⁹ Jesús pejme jum-aech xanalliajwa:

—Diachwajnakolax matkoi itliak doce horas. Samata, aton fia'paxil, nanuamt wut, puexa chiekal taen xoton. ¹⁰ Pe aton madoi nanuamt wut, japon fia'paxael, itkua'nik xot, puexa chiekal taeyaxil xotbejpon —aech Jesús, wʉajantat jum-aech wuton xanal pejnachalwanliajwa.

¹¹ Japox jum-aech wut, pejme jum-aechon:

—Wajnachalan Lázaro moejt. Xan japoxaxaechan thikaliajwanpon —aech Jesús.

¹² Xanal jum-an:

—Jiw chanaekabuanan, Lázaro moejt wut, japon waxae boejthulaxaes —an xanal.

¹³ Jesús jum-aech wut: “Lázaro moejt” —aech wut, japox jumchiliajwa: “Lázaro chiekal tʉp” —chiliajwapox. Xanallax, Jesús pejnachalwan, japox jumtaenx wut, asbuan jumch nejchaxoelx: “Lázaro moejt wut, moejton. Me-ama madoi moejt wut, ja-aechon” —an xanal, nejchaxoelx wut. ¹⁴ Samata, Jesús xanal najum-aech chiekal matabijaliajwan:

—Lázaro chiekal tʉp. ¹⁵ Lázaro tʉp wut, xan jaxota-enil. Japon tʉp xamal kaes pejme xan nanaexaxisliajwam. Samata, nejchachaemlax xamalliajwa. Amwut fulaeyaxaes patupan Lázaro poxade japon taeliajwas —aech Jesús.

¹⁶ Do jawut, Tomás, japon asawul Na-o'an, japon jum-aech xanalliajwa:

—Xatisbej chijias tʉpaliajwas, japon swapich, asew jiw boesas wuton —aech Tomás xanalliajwa.

Jesús xajupprox mat-eliajwa tʉpi, japi pejme duilaliajwa

¹⁷ Jesús, xanal nabu'pat mox Betania paklowaxxot. Jaxot asew jiw Jesús chapaei Lázaro tʉppox. Patupan Lázaro, ochpox mʉaxwʉajtat cuatro

matkoijelisox. ¹⁸ Betania paklowax mox Jerusalén paklowaxxot, me-ama tres kilómetros. ¹⁹ Jesús wuajna xabich judíos, Judea tuajnujpijw, Jerusalén paklowaxxot fulaeni. Japi fulaen naknoeliajwapi Marta, Mariabej, Lázaro tɔp xot. ²⁰ Marta jumtaen wut Jesús fulaeyax, nakoltow baxot, xanal nabu'kakunaliajwa nuamtat. Maríalax kaweta batat naman. ²¹ Marta pat wut xanalxot, japow jum-aech Jesúsliajwa:

—Tajpaklon, takoewan bu'xaenk wutfuk, xam amxotam wut, ja-aech wut, takoewan nawetɔpaxil. ²² Pe xan matabijtax. Dios puexa xam chaxdusaxael wuljowampox —aech Marta Jesúsliajwa.

²³ Jesús jumnot wut, jum-aechon:

—Marta, nakoewan mat-esaxaes pejme dukaliajwa —aech Jesús.

²⁴ Marta jum-aech:

—Diasdo'. Xan matabijtax. Tɔpi mat-ias wut pejme duilaxael, that toep wut. Jawutbej takoewan mat-esaxaes pejme dukaliajwa —aech Marta.

²⁵ Do jawut, Jesús jum-aech:

—Xanlap mat-eyaxaelen tɔpi, japi pejme duilaliajwa. Xanbej kaenan jiw kajachawaesnan pomatkoicha pejme duilaliajwa. Xan nanaexasiti, asamatkoi tɔp wut, japi mat-eyaxaes pejme duilaliajwa pomatkoicha. ²⁶ Ampathatat laelpi, xan nanaexasit wut, japi asamatkoi napelsaxil, tɔp wuti. Duilaxaeli pomatkoicha. Marta, ¿xamkat xan nanaexasitam jum-anpox? —aech Jesús Martaliajwa.

²⁷ Do jawut, jum-aechow:

—Diasdo' tajpaklon. Xan naexasitx xamlap diachwuajnakolax Cristowam. Xambej Dios paxulnam, Dios to'aponam ampathatasik fulaeliajwam —aechow Jesúsliajwa.

Jesús nowpox Lázaro ochxot

²⁸ Do jawut, Marta buxtoet wut, kaxadepow pejba poxade laeliajwa pakowow María. Jawut Marta maliach jum-aech pakowow Maríaliajwa:

—Jiw chanaekabuanan ma amxotlison. Xam xabua't-aechon taeliajwam —aech Marta Maríaliajwa.

²⁹ María japox jumtaen wut, nanchapow. Jawut fulaechlisow Jesús taeliajwa. ³⁰ Jesús pas-elfuk paklowax. Kawetafukon Marta bu'kakultasxot. ³¹ Do jawut, judíos batatpi, María suapich, taen wuti María bichakal nanchapox nakolsliajwa tathoetade, japi judíosbej wuchakal nakola. Nejchaxoeli: 'María patɔpanwuaj poxaxaech jaxotde noeliajwapow' —aechi, nejchaxoel wut.

³² María pat wut Jesúsxot, Jesús pejuajnalel brixtat nukow, xabich sitaen xotow Jesús. Do jawut, jum-aechow:

—Tajpaklon, takoewan bu'xaenk wutfuk, xam amxotam wut, ja-am wut, takoewan tɔpaxil —aech María.

³³ Jesús taen wut María nowpox, taen wutbejpon judíos nowpox, japi chalapi María, Jesús jumbeltaen. Do jawut, Jesús xabich nejxaejwas.

³⁴ Jawut Jesús wuajnachaemt wut, jum-aechon:

—¿Amxotkat patɔpan Lázaro otam? —aech Jesús.

Jawut japi jum-aech Jesúsliajwa:

—Tajpaklon, ¡xabua't taeliajwam! —aechi.

³⁵ Do jawutbej, Jesús now.

³⁶ Samata, Judea tuajnujpijw, jaxoti, nakaewa najum-aechi:

—¡Taem! Jesúsbej now, xabich nejxasink xoton Lázaro —na-aechi nakaewa.

³⁷ Asew japixot jum-aech Jesúsliajwa:

—Japon majt itliakla boejthut chiekal taeliajwa. ¿Pe ma-aech xotkat kamta pas-elon boejthusliajwa Lázaro, tupasamatabejpon? —aech japi jiw Jesúsliajwa.

Patupan Lázaro mat-echpox pejme dukaliajwa

³⁸ Do jawut, Jesús xabich nejxaejwas wut, mox soepanpon Lázaro ochwujaxot, ia't pinjit fafa xat-elspot. ³⁹ Do jawut, Jesús jum-aech:

—¡Ia't matariamande! —aechon.

Pe Marta, Lázaro pakoewow, jum-aech Jesúsliajwa:

—Tajpaklon, xasaeibejlison, cuatro matkoije xotliso xochpox —aechow Jesúsliajwa.

⁴⁰ Jesús jumnot wut, jum-aechon:

—Xam chajia chiekal jum-an: 'Xan nanaexasitam wut, taeyaxaelam Dios pejpamamax' —an xan chajia —aech Jesús Martaliajwa.

⁴¹ Jawut asew japixot ia't pinjit matariamán, wujafafa xat-elspot. Do jawut, Jesús athu natachaemse wut, Dios kawuajan wut, jum-aechon:

—Ax Dios, xam gracias-an, xam najumtaenam xot. ⁴² Xan chiekal matabijtax, xam pomatkoicha xan nanaewetam, xam kawuajnax wut. Pe ampo xan jum-an ampi jiw matabijaliajwa, naexaxisliajwabejpi xam nato'amponapox ampathatasik —aech Jesús, Dios kawuajan wut.

⁴³ Kawuajnax buxtoet wuton pax Dios, Jesús nejlakcha wut, jum-aechon:

—Lázaro, ¡xabua't! ¡Nakolmen jaxot! —aech Jesús.

⁴⁴ Do jawut, patupan Lázaro wujaxot nakoldin. Puxa pejbu't, pejmat-naetbej, sábanabu'antat xakoeyaspo xan, chankoldinpon. Do jawut, Jesús jum-aech:

—¡Wejolde xakoeyaspo xan! ¡Tapaem laejaliajwa! —aech Jesús.

Do jawut, Lázaro wejols sábanabu'an, xakoeyaspo xanpon.

Judíospaklochow nejchaxoelpox jaesliajwapi Jesús

(Mt 26.1–5; Mr 14.1–2; Lc 22.1–2)

⁴⁵ Judíos, chalapi María, taen wuti Jesús ispo xoechax Lázaroliajwa, japixot xabich naexasiti Jesús. ⁴⁶ Pe asew japixot fulaech fariseos poxade. Pat wuti Jerusalénxot, chapaeipi fariseosxot Jesús ispo xoechax Lázaroliajwa. ⁴⁷ Do jawut, fariseos, sacerdotespaklochowbej, tamejapi Junta Supremapijiw. Natameja wut, nakaewa najum-aechi:

—¿Achaxkat isaxaes Jesúsliajwa? Japon xabich koechaxan isful. ⁴⁸ Japon tapaeis wut isfulpo xan, puxa jiw naexaxisaxaeson. Ja-aech wut, Roma tuajnujpijiwpaklochow to'axaeli soldaw, japi soldaw toesliajwa Dios pejtemploba, wajjiwbej —aech paklochow, nakaewa nospaei wut.

⁴⁹ Kaen japixot pawul Caifás. Japon sacerdotespaklokolan japawaechtat. Jawut japon jum-aech:

—Xamal matnaenejtinkam xot, matabija-emil. ⁵⁰ Kaes pejme pachaem kaen tamach tupaliajwa. Ja-aech wut, xabich jiw tupaxil. Toesaxisalbej wajjiw —aech Caifás.

⁵¹ Pe Caifás pajut pijaxtat japox jumchi-el. Japox jum-aechon Dios pijaxtat. Caifás japox jum-aech Jesúsliajwa, Jesús tupaxael xot puxa Israel tuajnujpijiwliajwa. ⁵² Japikalliajwa Jesús tupaxil. Tupaxaelbejpon asajiwliajwabej, puxa ampathatpijiwliajwa, Dios

naexasiti kaemutaliajwa. Japoxlap Dios nejxasink. ⁵³ Caifás japox jum-aech Jesús pejpatupaxliajwa. Do jawut, judiospaklochow nejchaxoelaful boesaliajwapi Jesús.

⁵⁴ Samata, Jesús kaes nanuams-el tulaela Judea tuajnuhot. Do jawut, xanal nabuflaechon paklowax, pawul poxade Efraín, mox pajilaxxot. Jaxot puexa xanal namax, Jesús suapich.

⁵⁵ Kaematkoivan suapich we'p Pascuafiestaliajwa, judiosliajwa. Samata, xabich judios fulaech Jerusalén paklowax poxade fiesta wuajna, japi chiekal ketoesliajwa, puexa we'ppoxan isliajwa. Japox judios pejkabuan, Moisés chajia lelpox jum-aech xot. Japafiesta wuajna japox ja-aechi. ⁵⁶ Fulaenpi Jerusalén paklowaxlel, japi wulwek Jesús. Pat wuti Dios pejtemplobaxot, japi nakaewa nawuajnaemt wut, jum-aechi:

—¿Jesúskat naktaeyaxael fiesta? O, ¿naktaeyaxilkaton? ¿Achaxkat xamal nejchaxoelam? —na-aechi nakaewa.

⁵⁷ Fariseos, sacerdotespaklochowbej, puexa jiw chajia buxto'a wut, jum-aechi: “Kaenam xamalxot Jesús taenam wut, jkamta xanal nachapaem!” —aech paklochow jiwliajwa. Japi japox jum-aech, jaelsasia xoti Jesús jeliajwapi jiw jebaxot.

12

Pawis perjumamintat tuakchafanapox Jesús

(Mt 26.6–13; Mr 14.3–9; Lc 7.37–38)

¹ We'p wut seis matkoivan Pascualiajwa, Jesús fulaech wut Betania paklowax poxade, xanal, japon pejnachalwan, nakfolxbej. Jaxotde Lázaro majt tɔp. Pe Jesús mat-et Lázaro pejme dukaliajwa. ² Jaxotde xanal pa'ax wut, asew jiw naxaeyaxan is pejsitaeyax itpaeliajwa Jesúsliajwa. Marta kajachawaet naxaeyaxan cha-eyaxan, Lázaro, asew jiwbej, taduchpi, xaeliajwa, Jesús suapich. ³ Do jawut, María xapat perjumamint tuakchafanaliajwapow Jesús. Japamint xabich ommaenk. Japot, me-ama medio litro. Isas nardokal. Jawut tuakchafanpow Jesús, xabich sitaen xotow. Do jawut, pejmatlatat tuakjoeipow Jesús pejtuak. Samata, jawut japaba xabich xabejxat-ialnanik. ⁴⁻⁵ Do jawut, Judas Iscariote, Jesús pejnachalan, japon jum-aech:

—¿Ma-aech xotkat japaperjumamint mowa-esal plata chaxduiliajwas kejila? Bej pa-ombej trescientos denarios —aech Judas. Judaslap wiasaxael Jesús padaelmajiwxot.

⁶ Judas japox jum-aech wut, nejchaxoela-elon jiw kejila kajachawaesliajwa. Japox jum-aechon, kethakan xot. Japon kaen platachoxa tataeful puexa xanal, Jesús pejnachalwanliajwapi. Japaplata japon pajut maliax jinatkowa. ⁷ Do jawut, Jesús jum-aech:

—¡Nej ja-aече! Xan tajpatupaxliajwa japow cha-et perjumamint. ⁸ Kejila pomatkoicha xamalxotaxael kajachawaesliajwam. Pelax xan piachaxinil xamalxot —aech Jesús.

Judiospaklochow boesasiapox Lázaro

⁹ Xabich jiw fulaen xanallel taeliajwapi Jesús, taeliajwabejpi Lázaro, japon tɔp wut, Jesús mat-echpon pejme dukaliajwa. ¹⁰⁻¹¹ Jesús koechax is xot Lázaroliajwa, xabich jiw, Judea tuajnujiji, naexasisful Jesús. Kaes naexasis-ellisi sacerdotes naewuajanpoxan. Japi naexasisful Jesúska. Samata, sacerdotespaklochow nejchaxoel boesaliajwapi Jesús, Lázaro bej.

Jesús patpox Jerusalén paklowaxxot
(Mt 21.1–11; Mr 11.1–11; Lc 19.28–40)

12-13 Do kandiawa wut, xabich jiw Jerusalén paklowax poxade taeli-ajwapi Pascuafiesta. Japi matabija wut Jesús pasaxaenpox Jerusalén paklowaxxot, jawut, me-ama chia'uaflejen tasiapapi xawisliajwa, owali-ajwabej nuamtat Jesús pejwuaajnalel, chiekal bu'kalsliajwapi, pejsitaeyax itpaeliajwabejpi. Fulaeyax taen wuti nuamtat, nejlasful wut, jum-aechfuli:

—¡Aleluya! ¡Ampon, fulaenpon Dios pijaxtat, japon xabich pachaem! ¡Pachaembejpon Israel tuajnupijwas wajreyliajwa! —aechful xabich jiw Jesúsliajwa, nejlasful wut.

14 Jesús jelti'san bur faen. Do jawut, tua-eklison chaflaeliajwa Jerusalén paklowax poxade. Japoxliajwa Dios pejjamechan, chajia lelspx, jum-aech wut, jum-aechox:

15 “Xamal, Jerusalén paklowaxpijwam, inabej nejlewlé! ¡Taem nejrey chaflaenpon bur jelti'santat!” —aechox chajia lelspx.

16 Xanal, Jesús pejnachalwan, chiekal matabija-enilfak, achax chiyaxael japamatkoi. Do jawux, Jesús mat-ech wut, pejme duk wut, atha poxase wutbejpon, jawut xanal chiekal nejchafaetx chajia lelspx, jum-aech wut jum-aechox japonliajwa. Do jawutbej, xanal chiekal matabijax, ma-aech xot japoxan ispi Jesúsliajwa.

17 Japi jiw taen, Jesús la wut Lázaro muaxwuaixotdin Lázaro mat-esliajwa pejme dukaliajwa. Japi chapaeful taenpox, asey jiwbej matabijaliajwa japox. 18 Samata, xabich jiw nakola pejbachanxot bu'kakulnaliajwapi Jesús, wultaen xoti Jesús ispx, koechax. 19 Pe fariseos najum-aechi nakaewa:

—Xatistliajwa japox pachaema-el. ¡Tae'nik! ¡Puexa jiw Jesús xabich nakfos! —na-aech nakaewa fariseos.

Asey griegosxot wulwekpx Jesús
(Mt 10.38–39; 16.24–25; Mr 8.34–35; Lc 9.23–24; 17.33)

20 Jerusalén paklowaxxot asey griegos pat pejsitaeyax itpaeliajwa Diosliajwa. Patbejpi taeliajwa Pascuafiesta. 21 Japi jiw pat wut Jerusalén paklowaxxot, mox soepapi Filipexot, japon kaen xanalxotpijin. Japon Betsaida paklowaxpijin, Galilea tuajnuxot. Do jawut, japi jum-aechi Filipeliajwa:

—Taj-aton, xanal Jesús taesian nospaeliajwan, japon suapich —aechi Filipeliajwa.

22 Do jawut, Felipe fulaech chapaeliajwapon Andrés griegos wulwekspox Jesús. Do jawutbej, Felipe, Andrés suapich, fulaechlisi Jesús poxade chapaeliajwapi japox. Jesúsxot pat wut, chapaelisi japox.

23 Do jawut, Jesús jum-aech:

—Tajmatkoi patlis xan, puexa jiw pakoewkolnan, tupaliajwan, Dios namat-esliajwabej pejme dukaliajwan. 24 Diachwuaajnakolax xan jum-an. Kaefut, me-ama trigofut, satat muths-esal wut, japafut naboelaxil. Japafut namanaxael kaefutliajwa. Asafutlax muthstas wut satat, pejbokt xoepe wut, itxiel namanpox naboelsaxael. Naboeltpxo naboesaxael. Naboet wut, xabichaxael pafu. Xanlap-is, jachiyaxaelen. Xan kaenan tuxaxaelen xabich jiwliajwa, japi pomatkoicha duilaliajwa Diosxotse.

²⁵ Najut nejxasinkampoxan isfulam wut ampathatat, ja-am wut, duilax-imil pomatkoicha Diosxotse. Pe ampathatat babijaxan isampoxan kofam wut, ja-am wut, pomatkoicha duilaxaelam Diosxotse. ²⁶ Xamal nabichasiam wut xanliajwa, ¡xan chiekal nanaewe'e! Jasox xamal ja-am wut, duilaxaelam, xan suapich, Diosxotse. Nabistam wut xanliajwa, taj-ax Dios pachaemaxael xamalliajwa —aech Jesús Felipeliajwa, Andrésliawabej.

Jesús jum-aechpox pejpatuapaxliajwa

²⁷ Jesús pajutliajwa najum-aech: “Amwutjel xan xabich nejchaemilax, matabijtax xot xabich nabijasaxaelenpox. ¿Achaxkat xan jumchiyaxaelen taj-axliajwa? Xan wuljoeyaxinil taj-ax nabu'weliajwa japanabijasaxliajwa. Japanabijasaxliajwa xan fuloekx. ²⁸ Samata, xan jumchiyaxaelen taj-axliajwa: ‘Ax, isde pachaempox puexa jiw xam sitaeliajwa!’ —chiyaxaelen xan taj-axliajwa” —aech Jesús pajutliajwa.

Do jawut, Jesús jumtaen athusik, Dios pajut jum-aech wut ampox: “Isxlis japox. Kaes isaxaelenbej puexa jiw itpaeliajwan xabich tajpamamax” —aech Dios athusik.

²⁹ Jaxot jiw naeweti, japi chiekal jummatabija-el, Dios naksiyak wut. Asew japixot japox jumtaenpi, japi jum-aechi ampox:

—Me-ama iam najuw wut, jathia-aechox —aechi.

Jawut asewbej japixot jum-aech:

—Dios pej-ángel naksiya Jesúsliajwa —aechi.

³⁰ Jesús jum-aech japiliajwa:

—Dios japox jum-aechsik wut, xan kaenanliajwa Dios japox naksiya-el. Xamalliajwabej Dios naksiya matabijaliajwam xan Dios nato'aponanpox. ³¹ Asamatkoi Dios kastikaxael puexa jiw, xan nanaexaxis-elpi. Satanásbej kastikaxaes. Do jawut, Satanás kaes tato'laxil ampathatpijiw, Dios kefe'naxaes xoton tato'lax. ³² Xan nakematamatal wuti cruztat, do jawux, xabich jiw, ampathatpijiw, tajwujajan naexaxisaxaeli —aech Jesús.

³³ Jesús japox jum-aech xanal chiekal matabijaliajwan japon tuxaxaelpox cruztat. ³⁴ Asew jaxot naewetpi, japi jum-aech Jesúsliajwa:

—Moisés chajia lelpox jum-aech: ‘Cristo pomatkoicha dukaxael. Japon toepaxil’ —aechox. Cristo pomatkoicha dukaxael wut, ¿ma-aech xotkat xam jum-am: ‘Puexa jiw pakoewkolan tuxaxael cruztat’ —amkat xam? ¿Achankat puexa jiw pakoewkolan? —aech japi jiw Jesúsliajwa.

³⁵ Jesús jum-aech:

—Xanfuk kaematkoiyan xamal naewuajnaaxaelen. Tajnaewuajnax, me-ama itliakax, ja-aechox. Naewuajnax wut, ¡chiekal matabijim tajnaewuajnax! Ja-am wut, xamal, me-ama nanuamsaxaelam itliakaxxot. Tajnaewuajnax jummatabija-elpi, japi, me-ama nanuamsaxaeli itkuaataxxot. ³⁶ Xanlap, me-ama itliakaxponan. ¡Xamal xan nanaexasi'e, amxotx wutfuk! Ja-am wut, xamal tajiwxaxaelam —aech Jesús.

Jesús japox buxtoet wut, fulaechon asalel. Do jawutbej, Jesús namoest japi jiw faen-elaliajwaspon.

*Ma-aech xot judíos naexaxis-el Jesús
(Mr 4.12; Lc 8.10)*

³⁷ Jesús koechaxan is judíos taeliajwa, naexaxisliawabejpi japon Dios to'asponpox. Pe japi japoxan taen wut, nakiowa naexaxis-eli Jesús.

³⁸ Isaías, Dios pejprofeta, chajia jum-aechpox Cristoliajwa, amwutjel japox ja-aechlisox. Japoxliajwa Isaías chajia jum-aech Diosliajwa:

“Tajpaklon Dios, jiw naexasisaxil xanal tajnaewuajnapoxox xamliajwa. Naexasisaxilbejpi, taen wut nejpmamax” —aech Isaías Diosliajwa.

³⁹ Isaías lelpox jum-aechbej, ma-aech xot judíos naexasisaxil Jesús, Dios to'asponpox. Isaías jum-aech:

⁴⁰ “Japi jiw Dios itfumatakas, pejnechaxoelaxanbej. Samata, pajut pej-itfutut, me-ama taeyaxili. Pajut pejnechaxoelaxantat jummatajibaxilbejpi. Samatabej, japi Dios pejjamechan naexasisaxil kofaliajwa pejbabijaxan ispoxan” —aech Isaías, chajia jum-aech wut judíosliajwa. ⁴¹ Isaías japox chajia jum-aech, masoxtat taen xot Jesús pejpamax. Isaías japox jum-aechbej Jesúsliajwa.

⁴² Pe nakiowa, xabich judíos naexasiti Jesús. Kaesapichbej judióspaklochow, naexasiti Jesús. Pe japi tulaela naksiya-el jiw jumtaesamatas, pejlewla xoti fariseosliajwa, fiasasamatas leliajwa judíos naewuajnapachanxot. ⁴³ Japi judíos kaes nejxasinki jiw nejchachaemlaliajwas japiajwa. Japi nejxasinka-el Dios nejchachaemilpoxliajwa japiajwa.

Naexasis-elpi Jesús pejjamechan, japi jiw pejbu'wujapanpox

⁴⁴ Jesús pinjemetat jum-aech jiwliajwa: “Xamal xan nanaexasitam wut, xankal nanaexasis-emil. Naexasitambej taj-ax, japon xan nato'apon. ⁴⁵ Xamal xan namatabijam wut, matabijambej xan nato'apon. ⁴⁶ Xan, me-ama itliakax. Fuloekx ampathatasik xan nanaexasiti namaesamata itkuxataxxot.

⁴⁷ “Tajnaewuajnapox jumtaenpi, naexasis-el wut, xan tajut japi tasalaxinil pejbu'wujapanpoxanliajwa. Xan fulae-enilsik ampathatpijiw tajut tasalaliajwan japi pejbu'wujapanpoxanliajwa. Xanlax fuloekx ampathatpijiw bu'welijaowan. ⁴⁸ Xan namastaenpi, japi naexasis-el wutbej tajnaewuajnapox, xan tajut tasalaxinil japi jiw pejbu'wujapanpoxanliajwa. Japi tasalaxaes xan tajnaewuajnapoxantat japi pejbu'wujapanpoxanliajwa, that toep wut. ⁴⁹ Xan tajut tajaxtat japox jumchi-enil. Taj-ax Dios, japon xan nato'apon, nabuxto'apoxan xan jum-an, naewuajnapox wut. ⁵⁰ Xan matabijtax, taj-ax Dios pejtato'lax xabich pachaem. Japox jiw naexasit wut, pomatkoicha duilaxaeli Diosxotse. Samata, xan jum-anpoxan, japox jum-an, me-ama taj-ax Dios nabuxto'a” —aech Jesús.

13

Jesús tukkiatpox pejnachala

(Mt 10.24, 40; 20.28; Mr 9.37; 10.45; Lc 6.40; 9.48; 10.16; 22.27; Jn 15.20)

¹ We'p wutfuk kaematkoi Pascuafiestaliajwa, do jawut, Jesús matabijt pejmatkoi wemoxspox pax Dios poxaliajwase. Xanal pejnachalwan, japon xabich nanejxasink ampathatat. Samata, pax Dios poxaliajwa wut, jawutbej nakiowa Jesús nanejxasinkaful xanal pejnachalwan. Hasta japon tup wut, nakiowa nanejxasinkafulon xanal.

²⁻⁴ Pascuafiesta mox wut, Satanás pijaxtat Judas nejchaxoel wiasliajwapon Jesús padaelmajiwxot. Judas, Simón Iscariote paxulan, Jesús padaelman nadofapon. Jesús pajut matabijt fuloekpox Diosxotsik. Matabijtbejpon pejme japoxaxoepox. Matabijtbejpon pax Dios chaxduchpox pamamax puexa tato'laliajwa. Do jawut, xanal naxaelax

wut madoipijax, Jesús mesaxot nant wut, jawut jolton pejsumta-osax. Do jawutbej, fatkakatun toalla. ⁵ Do jawut, kuanarxot mint fandikon platónadik. Do jawut, xanal natuakkiaton. Me-ama nabichan wut, ja-aechon xanalliajwa. Toalla, fatkakatpoxat, xanal natuakjoeipon.

⁶ Jesús kiasliajwa wut Simón Pedro pejtuk, jawut Pedro jum-aech:

—Tajpaklon, ¿xamkat xan natuakkiasaxaelam? —aech Pedro Jesúsliajwa.

⁷ Jesús jumnot wut, jum-aech:

—Amwutjel xam matabijs-emilfuk xan isxpox. Baxael, matabijsaxaelam, ma-aech xot xan japox isx —aech Jesús Pedroliajwa.

⁸ Pedro pejme jum-aech Jesúsliajwa:

—¡E! Xan ketapaeyaxinil xam natuakkiasliajwam —aech Pedro.

Do jawut, Jesús jum-aech:

—Xam tuakkias-enil wut, xam tajnachalnaximil —aech Jesús.

⁹ Do jawut, Simón Pedro pejme jum-aech:

—Tajpaklon, ¿xam tajtuakkal nabej kias! ¡Kia'ebej tajke-e, tajmatnaetbej! —aech Pedro Jesúsliajwa.

¹⁰ Jesús jumnot wut, jum-aechon Pedroliajwa:

—Jelnawaen pat wut asabatat, japon wewe'pa-esal pobu'ta kiasliajwas, jelnawaen xoton. Pachaem tuakkal kiasliajwas, tuk-asda'nik xot, sat sae'enas wut. Xamalbej ja-am, ajil babijaxan nejnejchaxoelaxanxot, chiekal xan nanaexasitam xot. Pe nakiowa, kaen xamalxot pachaema-el pejnechaxoelax —aech Jesús Pedroliajwa.

¹¹ Jesús matabijt, achan wiasaxaeson padaelmajiwxot. Samata, Jesús japox jum-aech.

¹² Dolisdo', Jesús ketoet wut xanal pejnachalwan natuakkiatpoxan, pejme naxoelon pejsumta-osax. Do jawut, pejme ek wuton mesaxot, xanal najum-aechon:

—¿Xamalkat matabijam xan isxpox xamalliajwa? ¹³ Xamal najum-am: 'Jiw chanaekabuanan' —na-am. 'Tajpaklon' —na-ambej. Diachwajnakolax xan nejpaklonan xamalliajwa. ¹⁴ Xan nejpaklonan wut, jiw chanaekabuanan wutbej, nakiowa patuakkiatx. Xan japox isx xamalbej jachiliajwam. ¹⁵ Japoxan xamal itpaeix chiekal matabijaliajwam, nakaewam nakajachawaesfulaliajwam. ¹⁶ Diachwajnakolax xan jum-an. Nabichan kaes pejme sitae-esal asew jiw. Me-ama pejpaklon xabich jiw sitaens, jachi-esal nabichan. To'asponbej kaes pejme sitae-esal. Me-ama to'apon xabich jiw sitaens wut, jachi-esal japon aton. Xamal nabichwam xanliajwa. Samata, xamal kaes paklochowa-emil. Me-ama xan kaes paklonan, jachi-emil xamal. Kaes pejme pachaem xamal matabijaliajwam xan itpaeixpoxan. ¹⁷ Xamal patuakkiatpox matabijam wut, xamalbej, me-ama japox isaxaelam wut nakaewaliajwa, ja-am wut, xabich nejchachaemlaxaelam.

¹⁸ "Xan matabijtax xamal, makanotxpim. Pe japox jum-an wut, jumchi-enil puexa xamalliajwa. Matabijtax, kaen xamalxot tadaelman nadofapox. Me-ama Dios pejjamechan, chajia lelspx, jum-aech wut, japox ja-aechlisox. Jum-aechox: 'Xan suapich, xaeyaxaelpon, japonlap tadaelman nadofaxael' —aech chajia lelspx. ¹⁹ Japoxliajwa ma amwutjel jum-an, jachi-el wutfuk japox. Do japox, ja-aech wut, xamal xan nanaexasisaxaelam, xan Cristoponapox, Dios nato'aponan. ²⁰ Diachwajnakolax xan jum-an. Xamal sitaenam wut xan to'axpon,

ja-am wut, xanbej nasitaenam. Xan nasitaenam wut, taj-ax Diosbej, sitaenam, japon xan nato'apon" —aech Jesús, xanal nachanaekabuana wut.

Jesús jum-aech Judas wiasaxaespox padaelmajiwxot
(Mt 26.20–25; Mr 14.17–21; Lc 22.21–23)

²¹ Do jawut, Jesús japox jum-aech wut xanalliajwa, xabich nejxaejwason. Jawut Jesús jum-aech xanal, pejnachalwanliajwa, chiekal matabijaliajwan:

—Diachwajnakolax xan jum-an. Kaen xamalxot nawiasaxael tadaelmajiwxot —aech Jesús.

²² Do jawut, xanal nakaewan nawajnaemsnax, xanal matabija-enil xot, achanliajwa Jesús japox jum-aech. ²³ Dolisdo', naxaelx wut, xan Juan, Jesús xabich nanejxasinkponan, mox ekx Jesúsxot. ²⁴ Samata, Simón Pedro xan nato'a wajnaemsliajwan, achanliajwa Jesús japox jum-aech. ²⁵ Do jawut, xan kaes mox chiekal soepnax Jesús wajnaemsliajwan. Jawut xan wajnaemtax wut, jum-an Jesúsliajwa:

—Tajpaklon, ¿achanliajwaxat xam japox jum-am? —an xan Jesúsliajwa.

²⁶ Jesús najumnot wut, jum-aechon:

—Xan panax, taxthotxpox, kaen xamalxot chaxdusaxaelenpon, japonlap xan nawiasaxael tadaelmajiwxot —aech Jesús xanliajwa.

Dolisdo', Jesús taxthot wut panax, jawut chaxduton Judas Iscariote, japon Simón Iscariote paxulan. ²⁷ Do jawut, Judas panax, taxthosax, kefit wut, jawut Satanás low Judas pejmatpaxatxot. Jawut Jesús jum-aech Judasliajwa:

—¡Isaxaelampox isde kamtalejen! —aech Jesús.

²⁸⁻³⁰ Jesús japox jum-aech wut, Judas kamta chijiapon xanalxot. Judas chijia wut, madoiliso.

Puexa xanal, naxaelaxpin, matabija-enil, ma-aech xot Jesús japox jum-aech Judasliajwa. Asew xanalxot nejchaxoel: “Jesús bej to'abej Judas wajsliajwa naxaeyaxan Pascuafiestaliajwa. Japoxa-el wut, Jesús bej to'abej Judas chaxduiliajwa plata jiw kejila” —aechi, nejchaxoel wut. Japox nejchaxoeli, kaen Judas platachoxa xalaeja xot puexa xanalliajwa.

Jesús waeltpox pajeltato'lax pejnachalaxot
(Jn 7.34; 15.12–17; 1 Jn 2.7; 3.23; 2 Jn 5)

³¹ Judas chijia wut, Jesús jum-aech xanalliajwa:

—Tajmatkoi pat. Amwut xamal taeyaxaelam tajpamamax xan, puexa jiw pakoewkolnanponanpox. Xan isxpoxantat taeyaxaelambej taj-ax Dios, xabich mamnikpon. ³² Xan isxpoxantat xamal taeyaxaelam taj-ax Dios, japon xabich mamnikpon. Dios ispoxantatbej xamal taeyaxaelam, xan Dios paxulan, xabich mamnixaxponan. Dios japox isaxael kamtalejen. ³³ Tajnachala, xamalxotaxaelen kaehora sapichliajwa asbuan jumch. Xan ajinil wut, xamal nawulwekaxaelam. Me-ama judiospaklochow chajia jum-an: ‘Xamal fulaeyaximil xan fulaeyaxaelen poxade’ —anpox, japox amwutjel xamalbej jum-an. ³⁴ Pajeltato'lax namanaxael xamalxot naexaxisfulaliajwam. ¡Nakaewa nanejxasinkde! Me-ama xan xamal nejxasinkax, ¡xamalbej ja-amsfulde nakaewaliajwa! ³⁵ Nakaewa nanejxasinkafulam wut, ja-amsfulam wut, potajjnuchapijiw matabijaxael xamal tajnachalwampim —aech Jesús xanalliajwa.

Pedro xanaliyaxaelpox Jesús pejnachalanpoxliajwa

(Mt 26.31–35; Mr 14.27–31; Lc 22.31–34)

³⁶ Simón Pedro wuajnaechaemt wut, jum-aechon Jesúsliajwa:

—Tajpaklon, ¿amproxaelamkat xam? —aech Pedro.

Jesús jumnot wut, jum-aechon:

—Xan fulaeyaxaelen poxade, xamfuk amwut fulaeyaximil. Pe baxael, fulaeyaxaelam —aech Jesús.

³⁷ Do jawut, Pedro jum-aech:

—Tajpaklon, ¿ma-aech xotkat amwut xam nakfulaeyaxinilfuk? Xan nejchaxoelx tupaliajwam xamliajwa —aech Pedro.

³⁸ Jesús jumnot wut, jum-aechon:

—¿Diachwuajnakolaxkat xam nejchaxoelam tupaliajwam xanliajwa? Diachwuajnakolax xan jum-an. Kawaema nejlaewuajna, xan nax-analiyaxaelam tres veces. Jumchiyaxaelam: “Xan japon aton matabijs-enil” —chiyaxaelam xanliajwa —aech Jesús Pedroliajwa.

14

Jesús, me-ama nuamtpox jiw pasliajwa Diosxotse

(Mt 7.7–11; 11.27; Lc 11.9–13; Jn 1.18; 6.46; 15.7, 16; 16.23–24; Hch 4.12; 1 Jn 3.21–22; 5.14–15)

¹ Jesús pejme jum-aech xanalliajwa: “¡Xamal xabich nabej nejchaxo-oele! ¡Dios xanaboejim! ¡Xan naxanaboejimbej, xan Dios paxulnan! ² Taj-ax Dios pejbaxot xabich batuchan jiw duilaliajwa. Ajil wut, xan japox jumchiyaxinil. Xanlap japoxaxoeyan xamal wuajnaechaemsliajwan, jaxotse nejmach pomatkoicha xamal duilaliajwam. ³ Toetx wut chaem-saxan, xan pejme kaxaxoekan xamal buflaeliajwanse. Samata, xamal xanxotaxaelam. ⁴ Xamal matabijam, xan fuloeyaxoeyan poxase, japot, nuamt, pase xan dukx jaxotse” —aech Jesús xanal pejnachalwanliajwa.

⁵ Tomás jum-aech Jesúsliajwa:

—Tajpaklon, xanal matabija-enil, xam fulaeyaxaelam poxade. ¿Machiyaxaelenkat xanal japot nuamt fulaeliajwan? —aech Tomás.

⁶ Jesús jumnot wut, jum-aechon:

—Xanlap kaenan, nuamtan, jiw pasliajwa taj-ax Diosxotse, jaxotse japi jiw duilaliajwa. Jum-anbej diachwuajnakolaxpox Diosliajwa. Xan kaenan xajux kajachawaesliajwan jiw pomatkoicha duilaliajwa. Jiw pajut pijaxtat pasaxil taj-ax Diosxotse. Xan kaenan tajaxtatkal jiw pasaxael taj-ax Diosxotse, xan, me-ama nuamtan wut, ja-an xot. ⁷ Xamal chiekal xan namatabijam wut, chiekal pamatabijaxaelambej taj-ax Dios. Xanlap Dios paxulnan. Amwutjel xamal matabijam taj-ax Dios. Ja-am wut, me-ama najut taj-ax Dios pataenam, xan chiekal namatabijam xot —aech Jesús Tomásliajwa.

⁸ Do jawut, Felipe jum-aech:

—Tajpaklon, ¡xanal natapaem nej-ax taeyax! Ja-am wut, xanal kaes asax wuljoeyaxinil —aech Felipe Jesúsliajwa.

⁹ Do jawut, Jesús jumnot wut, jum-aechon:

—Felipe, pin-iamatkoivan xamalxotx. Pe nakiowa, chiekal namatabijs-emilfuk. Xan nataenpi, japi taenbej taj-ax Dios. Ja-aech wut, ¿ma-aech xotkat xan nawuljowam taj-ax taeliajwam? ¹⁰ ¿Xamkat naexasis-emil taj-ax xanxotpox, xanbej taj-axxotaxpox? Xan kaenejchaxoelax, taj-ax suapich. Jum-an wut xamalliajwa japoxan, xan tajut tajaxtat

jumchi-enil. Taj-ax, pijaxtat jum-ansfulax. Taj-ax xanxot dukpon, japon isful pejbichax xanxot. ¹¹ ¡Ampoxlap xamal chiekal naexasi'e! Xan taj-axxotx. Taj-axbej xanxot. Japox naexasis-emil wut, ¡japox naexasi'e, xan koechaxan isfulax xot! ¹² Xan jum-an diachwujnakolax. Xan nanaexasiti, japibej isaxael koechaxan, me-ama xan. Do baxael, xan to'axaelen Espiritu Santo, taj-ax poxasax xot. Samata, xan nanaexasitpi kaes xabich koechaxan isaxael Espiritu Santo pijaxtat. Me-ama xan, jachiyaxili. ¹³⁻¹⁴ Puexa xan tajaxtat Dios wuljowam wut, xan japoxan isaxaelen, xamal matabijaliajwam, xan japoxan isx taj-ax Dios pijaxtat —aech Jesús Felipeliajwa.

Jesús jumdutpox to'aliajwa Espiritu Santo pejnachala poxasik

¹⁵ Jesús pejme jum-aech xanal pejnachalwanliajwa: “Xamal xan nanejxasinkam wut, ¡tajtato'lax chiekal naexasisfulde! ¹⁶ Xan taj-ax Dios wuljoeyaxaelen asan to'aliajwapon, japon xamal kajachawaesfulaliajwa. Samata, taj-ax Dios to'axoek Espiritu Santo. Japon asawul Kajachawaesan. Japon pomatkoicha xamalxotaliajwa. ¹⁷ Espiritu Santo diachwujnakolax jum-aech. Ampathatpijiw, xan nanaexasis-elpi, japi sitae-el Espiritu Santo, tae-el xoti, matabija-el xotbejpi. Pelax Espiritu Santo pomatkoicha xamal nejmatpumatxotaxael kajachawaesfulaliajwa. Samata, chiekal matabijaxaelam Espiritu Santo.

¹⁸ “Xan amxot chijian wut taj-ax poxase, xamal tamach waelaxinil. Xan pejme kaxaxoekan xamal poxasik. ¹⁹ Kaesupich matkoijan wut, ampathatpijiw pejme xan nataeyaxil. Xamallax pejme nataeyaxaelam. Xan tux wut, Dios namat-et wut, pejme dukaxaelen. Samata, asamatkoi xamal xan tajaxtat pomatkoicha duilaxaelam Diosxotse. ²⁰ Espiritu Santo pask wut xamalxot, xamal matabijaxaelam xan taj-ax Diosxotaxpox. Ja-aech wut, xamal chiekal matabijaxaelambej xanxotampox. Do jawut, xanbej xamalxotaxaelen. ²¹ Matabijapi tajtato'laxan, japoxan naexasit wutbejpi, diachwujnakolax japi jiw xan nanejxasink. Taj-ax Diosbej japi nejxasinkaxaes, xan nanejxasinkpi. Xanbej japi nejxasinkaxaelen. Ja-an wut, japi matabijaxael, achanan xan” —aech Jesús xanal pejnachalwanliajwa.

²² Asan Judas, japon Judas Iscariote-el. Japon wujnachaemt wut, jum-aechon Jesúsliajwa:

—Tajpaklon, ¿ma-aech xotkat xanalkal koewan amwut natapaeyaxaelam matabijaliajwan, achanamkat xam? ¿Ma-aech xotkatlax xam tapaeyaximil ampathatpijiwbej matabijaliajwa, achanam xam? —aech Judas Jesúsliajwa.

²³ Jesús jumnot wut, jum-aechon Judasliajwa:

—Xan nanejxasinkpi, japi naexasisfulaxael tajtato'lax. Ja-aech wut, japi nejxasinkaxaes taj-ax Dios. Xan, taj-ax Dios supich, fulaeyaxaelen duilaliajwan, japi supich. ²⁴ Jiw nanejxasinka-el wut, japi naexasis-el tajtato'laxan, tajnaewujnaxanbej. Xan tajut tajaxtat naewujna-enil. Japox taj-ax Dios pejnaewujnaxan, japon nato'apon ampathatasik —aech Jesús Judasliajwa.

²⁵ Do jawux, Jesús jum-aech xanal, pejnachalwanliajwa: “Amwutjel xamal japoxan jum-an, xamalxotx wutfuk. ²⁶ Pe Espiritu Santo xan tajaxtat taj-ax Dios to'axoek xamal nejmatpumatn poxasik, japon,

Espíritu Santo, xamal chanaekabuanaxael puexa Dios pijaxan. Kachawaesfulaxaelbejpon nejchafaekaliajwam puexa chajia xan jum-anpoxan xamalliajwa.

²⁷ “Athu poxasax wut, xamal chiekal pachaemsfulaxaelam Diosliajwa. Samata, me-ama xan nejchachaemlax tajnejchaxoelaxtat, xamalbej jachisfulaxaelam. Me-ama ampathatpijiw, xan nanaexaxis-elpi japi pejnechachaemlax, jachi-el tajnejchachaemlax. Samata, xamal xabich nabej nejchaxoele! xamal nabej nejlewe' bej! ²⁸ Xamallis najumtaenam xan athu poxaxoeyanpox. Jumtaenambej pejme kaxaxoekanpox xamalxotaliajwan. Taj-ax kaes pejme paklon. Me-ama xan jachi-elon. Diachwujnakolax xamal xan nanejxasinkam wut, xamal nejchachaemlaxaelam xanliajwa, xan jum-an wut: ‘Xan taj-ax poxaxoeyan’ —an wut. ²⁹ Xan japox jum-an xamalliajwa. Do baxael, japox ja-aech wut, jawut xamal xan nanaexaxisaxaelam, xan chajia jum-an xot.

³⁰ “Kaes piach naksiyaxinil xamalliajwa, fulaeyaxael xot Satanás, ampathatpijiw tato'lan. Pe Satanás xan natato'laxil. ³¹ Ampathatpijiw matabijaxael, taj-ax xabich xan nanejxasinkpox. Samata, xan isfulax taj-ax Dios nato'apoxan.

“jNanim! jChijas amxot!” —aech Jesús xanal pejnachalwanliajwa.

15

*Jesús, me-ama uvanaech wut, ja-aechpox
(Jn 13.34; 15.17; 1 Jn 3.23; 2 Jn 5)*

¹ Do jawut, xanal numtat folx wut, Jesús jum-aech: “Xan, me-ama uvanaech wut, ja-an. Taj-ax, me-ama uvalul tataeflan wut, ja-aech. ² Uvanaedalan, naboes-elpi, tataefulpon japadalan pi'a pelsliajwa. Asadalan naboe wut, tataefulpon japadalan chiekal chaemsaxael, kaes pejme naboesliajwa. Xamal, me-ama japadalan wut, ja-am, tajjiwam xot, xan nanaexasitam xotbej. ³ Xamal naexasitam xan naewujnaxpoxan. Samata, amwutjel taj-ax Dios beltaen babiljaxan isampoxanliajwa. ⁴ Ampathatatam wut, xan naxanaboejafalde! Xanbej xamal chalafulaxaelen. Uvanaedalt tasiapchas wut, japadalt poklanaexota-el wut, uvadalt pajut tamach naboesaxil. Naboesliajwa wut, poklanaechantataxael. Xamalbej, me-ama japadalan wut, ja-amde! jIsfulde pachaempoxan, xan naxanaboejam wut! Xan naxanaboeja-emil wut, isaximil pachaempoxan.

⁵ “Xan, me-ama uvanaech wut, ja-an. Xamal, me-ama japadalan wut, ja-am. Xamal xanxochfulam wut, isfulxaelam Dios nejxasinkpoxan. Me-ama uvanaedalan xabich naboesaxael, jachiyaxaelambej xamal. Xan naxanaboeja-emil wut kajachawaesliajwan, ja-am wut, xamal najut nijaxtat isaximil pachaempoxan. ⁶ Xan naxanaboeja-elpi, japi isaxil pachaempoxan. Me-ama padalan pi'aspi, jachiyaxaesbej japi jiw. Japadalan majow wut, nosaxaes jitat it-owaliajwas jaxot jitat chiekal toejwaliajwaspi.

⁷ “Xan naxanaboejam wut, naexaxisfulam wutbej xan naewujnaxpoxan, ja-amsfulam wut, jwuljoesiampox taj-ax Dios, wuljoem! Japon japoxan xamal chaxduiyaxael, wuljowampoxan. ⁸ Isfulam wut pachaempoxan, Dios nejxasinkpoxan, ja-amsfulam wut, jiw matabijaxael diachwujnakolax xamal tajnachalwampim. Jasox ja-amsfulam wut, taj-ax sitaeyaxaes asew jiw. ⁹ Xamal

nejxasinkax. Me-ama taj-ax xan nanejxasink wut, ja-an xan xamalliajwa. Samata, xan naxanaboejim xamal nejxasinkaliajwan!¹⁰ Xan naexasisfulax taj-ax tato'alpoxan. Samata, taj-ax xabich nanejxasinkaful. Xamalbej naexasisfulam wut xan tato'laxpoxan, ja-am wut, xamalbej nejxasinkafulaxaelen.

¹¹ “Xan ampoxan jum-an xamal nejchachaemlaliajwam. Me-ama xan nejchachaemlax xamalliajwa, xamalbej ja-amsfulde xanliajwa. Ja-amsfulam wut, kaematkoisful xabich nejchachaemlafulaxaelam.¹² Japox jum-am wut, xamal to'ax nakaewa nanejxasinkaliajwam. Me-ama xamal nejxasinkax, jJa-amdebej xamal, nakaewa nanejxasinkam wut!¹³ Nejxasinkpon pejnachala, pejnachala beyaxaes wut asew jiw, japon pejnachalaliajwa jumchiyaxael: ‘jTajnachala nabej nawebe! jXankal naboesim!’ —chiyaxaelon. Japon jasox jachiyaxael, kaes pachaempox isliajwa ajilxot pejnachalaliajwa.¹⁴ Isfulam wut xan tato'laxpox, ja-am wut, itpraeyam xamal xan tajnachalwampimpox.¹⁵ Samata, amwutjel xamal jumchiyaxinil: ‘Xamal tamakjiwam xanliajwa’ —chiyaxinil, xamal tajnachalwam xot. Pamak matabijael pejpaklon puexa isaxaelpoxan. Pelax xamal tajnachalwam xot, naewuajnax puexa taj-ax Dios xan najum-aechpoxan.¹⁶ Xamal nejchaxoelam wut, jchiekal nejchaxoelde, xamal makanotx xot! Xamal xan namakafis-emil. Samata, to'ax asapaklowaxanpijiw naewuajnafulaliajwam tajwuajan, isfulaliajwambej pachaempoxan Diosliajwa. Japoxan isfulam wut, japox toepaxil. Ja-amsfulam wut, taj-ax Dios chaxdusaxael wuljowampoxan xan tajaxtat.¹⁷ jXamal to'ax nakaewa nanejxasinkafulaliajwam!’ —aech Jesús xanal pejnachalwanliajwa.

Ampathatpijiw nejweslapox Jesús, japon pejnachalabej
(Mt 10.24; Lc 6.40; Jn 13.16; 17.14–18)

¹⁸ Jesús pejme jum-aech xanalliajwa: “Ampathatpijiw, xan nanaexasis-elpi, japi xamal nejweslaxael. Ja-aech wut, xamal nejchaxoelaxaelam japi xan matxoela nanejweslapox.¹⁹ Xamal ampahatpijwamkal wut, jiw nejweslaxil xamal. Japi nejxasinkaxael xamal. Me-ama pejiw nejxasink wut, jachiyaxaeli xamalliajwa. Pe xamal makanotx, japixotam wut. Samata, ampahatpijiw nejwesla xamal, kaes japixota-emil xot.²⁰ jNejchaxoelde chajia jum-anpox, jum-an wut: ‘Pamakan kaes paklona-el. Me-ama pejpaklon, jachi-el pamakan’ —an wut! Xamalliajwa jachiyaxaelbej. Ampathatpijiw babijaxan is wut xanliajwa, japibej isaxael babijaxan xamalliajwa. Asew jiw lax naexasis wut tajnaewuajnax, ja-aech wut, xamal naewuajnampox japi naexasisaxaelbej.²¹ Ampathatpijiw babijaxan isaxael xamalliajwa, tajnachalwam xot, japi matabijael xot taj-ax Dios, xan nato'apon.

²² “Xan fulae-enil wut japi jiw naewuajnalialjwan, ja-an wut, japi jiw bu'wuajanxilaxael. Pe xan fulaenx wut, japi naewuajnaxbej. Japi naexasis-el tajnaewuajnax. Samata, amwutjel jumchiyaxili: ‘Xan bu'wuajanjinil’ —chiyaxili.²³ Xan nanejweslapi, japi nejweslabej taj-ax Dios.²⁴ Xan japixot koechaxan is-enil wut, japi jiw bu'wuajanxilaxael. Pelis xan koechaxan isx japixot. Pe nakiowa, japi jiw xan nanejwesla. Nejweslabejpi taj-ax Dios.²⁵ Chajia lelsopox jum-aech: ‘Masoxtat xan jiw nanejweslaxael’ —aechox. Samata, ampahatpijiw xan nanejwesla.

²⁶ “Xan Espíritu Santo to'axaelen xamal nejmatpuatanxotaliajwa. Japon asawul Kajachawaesan. Espíritu Santo jum-aech diachwujnakolaxpoxkal. Espíritu Santo fuloek wut taj-axxotsik, jumchiyaxaelon pachaempoxan xanliajwa. ²⁷ Xan tuadutx wut jiw naewujnax, xamal xanxotam. Do jawux, hasta amwutjel, xan suapich, nanuamtam. Samata, xamalbej jumchiyaxaelam pachaempoxan xanliajwa” —aech Jesús xanal pejnachalwanliajwa.

16

Jesús pejnachala nabijasaxaelpox japon pijaxtat

¹ Jesús pejme jum-aech xanal pejnachalwanliajwa: “Xan jumchiyaxaelen ampoxan, xamal tajnachalwam xot, nabijatam wut kofasamatam xan naxanaboejampox. ² Xan naexasis-elpi, japi xamal jukaxael judíos naewujnabachanxot. Ja-aech wut, xamal tapaeyaxili pejme leliajwam. Japi ba wuti xamal, japi nejchaxoelaxael: ‘Xatis baes wut Jesús naexasiti, xatis isas Dios nejxasinkpox’ —chiyaxaeli, nejchaxoel wut. ³ Japi isaxael babijaxan xamalliajwa, matabija-el xoti taj-ax Dios, xanbej. ⁴ Japox xamal jum-an nejnejchaxoelaxan mamnikaliajwa. Japamatkoi pat wut xamalliajwa, xamal nejchaxoelaxaelam chajia jum-anpoxliajwa” —aech Jesús xanal pejnachalwanliajwa.

Espíritu Santo isfulpoxan ampathatat

Do pejme Jesús jum-aech xanal pejnachalwanliajwa: “Xamal majt ampox jumchi-enil, tajut chiekal xamalxotx xot. ⁵ Pe amwut, xan taj-ax Dios, xan nato'apon, poxaxoeyan. Pe kaen xamalxot chinax nawujnachaemt wut, najumchi-el: ‘¿Xam ampoxaxaelamkat?’ —nachi-el. ⁶ Xamallax asbuan jumch nejchaemilam, japoxan jum-an wut. ⁷ Diachwujnakolax xan jum-an. Kaes pejme pachaem xamalliajwa xan taj-ax poxaliajwanse. Xan taj-ax poxa-enil wut, Kajachawaesan pasaxil xamalxotsik, japon kajachawaesliajwa xamal. Xanlax athu poxasax wut, ja-an wut, to'axoekan Kajachawaesan xamal nejmatpuatanxotaliajwa. ⁸ Espíritu Santo pask wut, ampathatpijiw chiekal pajut matabijaxael japi babijaxan ispoxanliajwa, pachaempoxanliajwabej. Espíritu Santo pijaxtat jiw matabijaxael Dios kastikaxaespoj babijaxan ispi. ⁹ Espíritu Santo pijaxtatbej jiw matabijaxael japi babijaxan ispoj, xan nanaexasis-el xoti Dios buweliajwas. ¹⁰ Espíritu Santo pijaxtatbej jiw matabijaxael pachaempoxan isliajwa, xan taj-ax Dios poxaxoeyan xot. Xamal kaes nataeyaximil. ¹¹ Xan nanaexasis-elpi, japi matabijaxael Espíritu Santo pijaxtat kastikaxaespoj, babijaxan is xoti. Satanásbej, ampathatpijiw tato'lan, japon asamatkoi kastikaxaes.

¹² “Xan xabich kaes xamal jumchiliajwan. Pe xamal chiekal jummatbijaximil japoxan. Samata, kaes jumchiyaxinil amwutjel. ¹³ Pe Espíritu Santo fuloek wut, japon pijaxtat xamal chiekal matabijaxaelam puexa diachwujnakolaxpoxan. Pajut pijaxtat naksiyaxilon. Japon jumchiyaxael taj-ax Dios jum-aechpoxan, tajnaewujnaxanbej. Jumchiyaxaelbejpon asamatkoi jachiyaxaelpoxan. ¹⁴ Espíritu Santo kajachawaesaxael jiw xan nasitaeliajwa. Japon puexa taen, xan isxpoxan. Jumtaenbejpon puexa tajnaewujnaxan. Puexa japoxan xamal chiekal chanaekabuanaxaelon. ¹⁵ Puexa taj-ax matabijtpoxan,

japoxan xanbej matabijtax. Samata, jum-an: ‘Puexa matabijtaxpoxan, Espiritu Santobej japoxan matabijt. Do jawut, Espiritu Santo xamal chapaeyaxael, japoxan chiekal matabijalijawam’ —an xan.

¹⁶ “Kaematkoi wutlejen, pejme xan nataeyaximil. Do jawux, kaesapich matkoiyan wut xan pejme nataeyaxaelam” —aech Jesús xanal pejnachalwanliajwa.

Jiw nejxaejwaxaespi Jesúsliajwa, japi jiw pejme nejchachaemlaxaelpox (Mt 7.7–11; Stg 1.5–6)

¹⁷ Do jawut, xanal pejnachalwanpinxot, a sew nakaewa najum-aech:

—¿Achax chiyaxaelkat Jesús jum-aech wut: ‘Kaematkoi wutlejen, kaes xan nataeyaximil. Do jawux, kaesapich matkoiyan wut, xan pejme nataeyaxaelam’ —aech wutkat Jesús? ¿Achax chiyaxaelkat japox, pajutli-ajwa najum-aech wuton: ‘Xan taj-ax Dios poxaxoeyan’ —aech wutkaton?

¹⁸ ¿Achax chiyaxaelkat, Jesús jum-aech wut: ‘Kaematkoi wutlejen’ —aech wutkat Jesús? Xanal chiekal matabija-enilfuk achaxliajwa Jesús naksiya —aech a sew xanalxot.

¹⁹ Jesús matabijt a sew xanalxot wuajna chaemsasiaspox. Samata, jum-aechon japiliajwa:

—Xamalliajwa chajia jum-an: “Kaematkoi wutlejen, kaes xan nataeyaximil. Do jawux, kaesapich matkoiyan wut, xan pejme nataeyaxaelam” —an wut, ¿ma-aech xotkat xamal nakaewa nawuajna chaemtam japoxliajwa? ²⁰ Diachwuajnakolax xan jum-an. Xamal nejxaejwaxael, xan tux wut. Nawunoeyaxaelambej. Do jawut, ampathatpijwax, xan nanaexaxis-eli, japilax nejchachaemlaxael, xan tux wut. Diachwuajnakolax xamal nejxaejwaxael xanliajwa. Pe nejnejxaejwax chalechkal toepaxael. Jawut nejchachaemilaxkal naliasaxael. ²¹ Pawis boejpuns wut naxwulaliajwa, wexaenkas. Jawut nabijatpow, wepach wut pejmatkoi. Pe paxuch nalaelt wut, japow nabijatpox, xaeyax, nejkiowpow. Japow chiekal nejchachaemil, paxuch nalaelt xot. ²² Xamal amwutjel ja-am, nejxaejow xot xanliajwa. Xamalfuk nejxaejwaxael ampamatkoiyantat. Pe pejme xamal taeyaxaelen wut, japamatkoitat pejme xamal nejchachaemlaxaelam. A sew jiw toesaxil nejnejchachaemlax.

²³ “Japamatkoitat kaes xan nawuajna chaemsaximil matabijal-ijwam, Espiritu Santo pajut xamal chanaekabuanafulaxael xot. Diachwuajnakolax xan jum-an. Taj-axbej chaxduiyaxael puexa xamal wuljowampoxan xan tajaxtat. ²⁴ Hasta amwutjel, xamal taj-ax Dios chinax wuljoe-emil xan tajaxtat. Pe amwutjel xan tajaxtat taj-ax Dios wuljoeflaxaelam. Taj-ax Dios chaxduiyaxael xamal wuljowampoxan xan tajaxtat. Ja-am wut, xabich nejchachaemlaxaelam nejnejchaxoelaxantat” —aech Jesús.

Jesucristo malechapox chaemilpoxan ampathatat

(Ro 8.37; 2 Co 2.14; Ap 3.21; 5.5)

²⁵ Jesús pejme jum-aech xanal pejnachalwanliajwa: “Me-ama majt wuajnantat jum-an xamal naewuajna x wut, jasoxtat pejme naewuajnaxinil. Pe asamatkoi jumchiyaxaelen xabich tampoela-elaxtat taj-ax Diosliajwa. ²⁶⁻²⁷ Japamatkoitat xamal najut xan tajaxtat taj-ax Dios wuljoeyaxaelam, kawuajnam wut weweppoxanliajwa. Xamalliajwa xan wewuljoeyaxinil taj-ax Dios, taj-ax tapaei xot xamal najut wuljoeliajwam, nejxasink xoton. Taj-ax Dios nejxasink xamal,

xan nanejxasinkam xot, naexasitam xotbej xan fuloekponanpox Diosxotsik. ²⁸ Xan fuloekx taj-axxot pasliajwan ampathatat. Amwut athu poxaxoeyan taj-ax poxase” —aech Jesús xanal, pejnachalwanliajwa.

²⁹ Do jawut, xanal japon pejnachalwan jum-an:

—Amwutjel xam jum-am chiekal tampapoxtat. Kaes naewhajna-emil wujantat. ³⁰ Amwutjel xanal matabijax xam puexa matabijtamponam. Xam chajia chiekal matabijtam xanal wujnachaemsasianpoxan xam. Samata, chiekal xanal chanaekabuanam wut, kaes nawewe'pa-el xam wujnachaemsliajwan. Samatabej, xanal chiekal naexasitx xam Diosxotsik fuloemkponampox —an xanal Jesúsliajwa.

³¹ Jesús jumnot wut, jum-aechon xanalliajwa:

—Xamal amwutjel xan chiekal nanaexasitam. ³² Pelis tajhora nawepat. Amwut xamal nasalaxaelam nejlel, asew jiw babijax isaxael xot xanliajwa. Tamach nawaelsaxaelam, nejlewla xot. Pelax xan tamachaxinil, taj-ax nachala xot. ³³ Xan japoxan jum-an xamal nejlewasamata, xamal xan naxanaboejam xot. Ampathatatam wut, nabijasaxaelam. Pe nabijatam wut, xamal nabej nejlewlé! ¡Xanlis malechax chaemilpoxan ampathatat! —aech Jesús xanal pejnachalwanliajwa.

17

Jesús Dios kawhajjanpox pejnachalaliajwa (Jn 13.18)

¹ Jesús buxtoet wut jum-aechpox xanalliajwa, do jawut, athu nat-achaemsepon. Pax Dios kawhajjan wut, jum-aechon: “Ax, tajmatkoi nawepat. Jiw itpaem xan mamnikaxponanpox, naxulnan xot! Ja-aech wut, xanbej itpaeyaxaelen xam xabich mamnikamponampox. ² Xam natapaeyam puexa jiw tato'laliajwan. Samata, xan naxulnan kachawaesaxaelen xan nanaexasiti, japi pomatkoicha duilaliajwa xamxotse. ³ Ax, xam kaenam Diosnam. Do kaes asan, Dios, chiekal jil. Xanbej Cristowan, xam nato'amponan ampathatasik. Jiw xatis naknaexasit wut, japi jiw duilaxael pomatkoicha xatisxotse.

⁴ “Toetx tajbichax, xam nato'ampox isliajwan. Jiw, ampathatpijiw, itpaeix xam xabich mamnikamponampox, xam chiekal sitaeliajwapi. ⁵ Ax, chajiakolaxtat, ampathat ajil wutfuk, jawut xanbej xamxotx. Jaxotse, xam suapich, puexa tato'lax xam nijaxtat. ¡Amwutjel pejme jasox isde xanliajwa, xamxotaxaelen wut!

⁶ “Ampathatpijiwxot, asew xam makanotam, japi jiw xan nanaexasisfulaliajwa. Xan tajaxtat japi matabijaful, achanam xam. Majt japi jiw xam nejjiw. Pe amwutjel, japibej xan tajjiw. Japi jiw naexasisfulbej nejamechan. ⁷ Japi jiw amwutjel matabija xam nijaxtat xan puexa isfulaxpox. ⁸ Majt najum-ampoxan, japoxan xan japi jiw naewhajnax. Amwutjel japi naexasisful japanaewhajnaxan. Amwutjel japi pajut matabijabej diachwajnakolax xan fuloekxponan xamxotsik. Matabijabejpi xam nato'amponanpox.

⁹ “Xan nanaexasitpi, japi jiwliajwa xam kawhajnax. Xan kawhajnenil ampathatpijiwliajwa, japi xam naexasis-elpiliajwa. Xanlax kawhajnax xam makanotampiliajwa, japi xan nanaexasisful, xam nejjiw xot. ¹⁰ Xan tajjiwpi, japibej puexa xam nejjiw. Puexa xam nejjiwpi, japibej xan tajjiw. Japi jiw ispoxantat asew jiw, xan nanaexasis-elpi, nasitaen.

11 “Xan kaes namanaxinil ampathatat, xam poxaxoeyan xot. Pelax tajjiw namaeyaxael ampathatat. Ax, pomatkoicha pachaemponam, tajjiw chiekal nawetataeflaxaelam, asey jiw babijaxan isasamata japil-iajwa. Xam kawuajnax japi nakaewaliajwa kaenejchaxoelaxliajwa. Me-ama xatis kaenejchaxoelax, japibej jachisfulaliajwa. 12 Xan, japi s̄apich, dukx wut, chiekal tataeflax xam nijaxtat. Nawenafo'a-el, xan nanaexas-iti xot. Kaenlax japixot nafo'a, fulaeyaxaelpon infierno poxade. Me-ama nejjamechan chajia lelspx jum-aech japonliajwa, japox ja-aechlisox.

13 “Amwut xam poxaxoeyan. Ampox xam jum-an, ampathatx-otx wutfuk, xan nanaexasitpi chiekal nejchachaemlaliajwapi, me-ama xan nejchachaemlax wut, jachiliajwapi. 14 Xan japi naewuajnax nejjamechan. Samata, ampathatpijiw nejweslaspi, ampathatpijwa-el xoti. Xanbej ampathatpijna-enil. 15 Xan wuljoe-enil xam jukali-ajwam xan nanaexasiti ampathatxot. Xanlax wuljowx japi nawe-tataeflaliajwam, Satanás naekichachajbasamatasbejpi. 16 Amwutjel japi ampathatpijwa-el. Me-ama xan ampathatpijna-enil, ja-aechbej japi. 17 ¡Kajachawaesfulde isfulaliajwapi xam nejxasinkampoxan, diachwuajnakolaxpoxan! Nejjamechan diachwuajnakolax. 18 Xan to'ax japi naewuajnalialjwapi ampathatpijiw, me-ama xam xan nato'am ampathatpijiw naewuajnafulaliajwan. 19 Xan thiltax isfulaliajwan xam nejxasinkampoxan. Japoxan xan isfulax xan nanaexasitiliajwa. Do jawux, japi isfulaxael xam nejxasinkampoxan. Jasox isful wut, isfulaxael pachaempoxan, matabija xoti nejjamechan, diachwuajnakolaxpox.

20 “Xam kawuajnax wut, kawuajna-enil xan nanaexasitpikalliajwa. Kawuajnaxbej asey jiwliajwa, japi asamatkoi naexaxisaxaelpi tajwuajan, naewuajan wut xan nanaexasiti. 21 Ax, xam kawuajnax xan nanaexasitiliajwa, puexa japi kaenejchaxoelaxliajwa. Xatis kaeyax chiekal nejchaxoes. Kawuajnax japibej kaenejchaxoelaxliajwa, xatis s̄apich, ampathatpijiw matabijaliajwa xam nato'amponanpox ampathatasik. 22 Xan tajpamamax chaxdutx japi. Japox najup, me-ama xam nachaxdutampox. Jasox isx japi kaenejchaxoelaxliajwa. Me-ama xatis kaeyax chiekal nejchaxoes, japibej jachiliajwa. 23 Do jawut, japi chalaxaelen, me-ama xam xan nachalam chiekal kaenejchaxoelaxliajwan, xam s̄apich. Do ja-aech wut, ampathatpijiw chiekal xan namatabijaxael xan nato'amponanpox. Do jawut, ampathatpijiw pajut matabijaxaelbejpi xam jiw nejxasinkampox, me-ama xan nanejxasinkam wut, ja-ampox jiwliajwa.

24 “Ax, xan nejxasinkax jiw xanxotaliajwa, xam makanotampi xan nanaexaxisliajwa. Nejxasinkaxbej puexa japi jiw matabijaliajwa xan xabich tajpamamaxpox, xam nachaxdutampox, xam chajia xan nanej-xasinkam xot, that is-esal wutfuk. 25 Ax, xam xabich pachaemam. Ampathatpijiw xam matabija-el. Pe xan matabijtax xam. Xan nanaex-asi matabija diachwuajnakolax xan nato'amponanpox. 26 Xan jum-an nanaexasitiliajwa, ma-am xam. Japoxlap jumchisfulaxaelen. Do ja-aech wut, japi jiw nakaewa nanejxasinkafulaxael. Me-ama xam xan nanejxasinkafulam wut, jachiyaxaelbej japi jiw. Xanbej pomatkoicha japixotaxaelen” —aech Jesús, pax Dios kawuajan wut.

*Jesús jaeltaspox padaelmajiw**(Mt 26.39, 47–56; Mr 14.36, 43–50; Lc 22.42, 47–53)*

¹ Jesús buxtoet wut pax Dios kawuajanpox, fulaech wuton, xanalbej, japon pejnachalwan, nakfulaechx. Minlajt putkalpox xenax. Japaminlajt, putkalpox, pawul Cedrón. Xenaxxot olivonaechan nuil. Olivonaechan nuilxot Jesús xanal nabu'pat. ² Judas, wiasaxaelpon Jesús padaelmajiwxot, japon chiekal matabijt xanal jaxotaxaelenpox, jaxot chajia Jesús pin-iaveces jinatameja xot, xanal suapich. ³ Samata, Judas kaemut soldaw bu'pa'an jaxot. Bu'pa'anbejpon Dios pejtemploba weti. Japi to'as sacerdotepaklochow, fariseosbej. Xafoli iwa, espadas, lanzasbej. Kelafolbejpi baenthnaechan, xape'asi naetat italiafaliajwa, fol xoti madoi. Kelafolbejpi lámparas. ⁴ Jesús chajia matabijt japonliajwa jachiyaxaespox. Samata, Jesús jaxot fulaech bu'kakunaliajwapon fulaeni. Do jawut, jum-aechon japi jiwliajwa:

—¿Achankat xamal wulwekam? —aechon.

⁵ Kaen japixot jumnot wut, jum-aechon Jesúsliajwa:

—Xanal wulwekx Jesús, Nazaret paklowaxpijin —aechon.

Jesús jum-aech:

—Xanlap nawulwekamponan —aechon.

Judas, wiasaxaelpon Jesús, japixot nukon. ⁶ Jesús jum-aech wut: 'Xanlap nawulwekamponan' —aech wut, japi soldaw, asew jiwbej, chalechkal tukre'xalaenki. Jawut satat oeljabapi. ⁷ Jawut, Jesús pejme wuajnachaemt wut, jum-aechon:

—¿Achankat xamal wulwekam? —aech Jesús.

Japi pejme jum-aech:

—Xanal wulwekx Jesús, Nazaret paklowaxpijin —aechi.

⁸ Jawut Jesús pejme jum-aech japiliajwa:

—Xan jum-an: 'Xanlap nawulwekamponan' —an xan. Xan nawulwekam wut, ampi, tajnachala, ichijiyax tapaem! —aech Jesús.

⁹ Japox ja-aechlisox, Jesús pajut jum-aechpox jachiliajwa: "Ax, nachaxdutampi, chinax kaen nawenafo'a-el" —aech Jesús, majt chajia kawuajan wut pax Dios. ¹⁰ Do jawut, Simón Pedro chalechkal pej-espada kukchapon. Jawut kaen aton, cho'chikchapon, poklalel pejcho't. Japon pawul Malco. Japon nabist sacerdotepaklokolanliajwa. ¹¹ Do jawut, Jesús jum-aech Pedroliajwa:

—¡Nej-espada jemk ta-akadik! Diachwuajnakolax xan jum-an. Xan nabijasaxaelen. Me-ama taj-ax Dios chajia jum-aech nabijasliajwan, japox ma amwut jachiyaxael —aech Jesús.

*Jesús nukpox Anás pejwuajnalel**(Mt 26.57–58; Mr 14.53–54; Lc 22.54; Jn 11.49–50)*

¹² Do jawut, soldawcapitán, pejsoldaw suapich, malis Dios pejtemploba wetibej, japi judíospi, japi jaelt Jesús. Do jawut, Jesús muatat kus. ¹³ Matxoela buflaechipon Anás pejba poxade. Japon Anás, Caifás puax. Caifás sacerdotepaklokolan japawaestat. (Anásbej majt sacerdotepaklokolan asawaestat.) ¹⁴ Caifás chajia jum-aech judíospaklochowliajwa: "Kaes pejme pachaem, kaen aton tamach tupliajwa. Jasoxtat xabich jiw tupaxil" —aech Caifás, chajia jum-aech wut.

*Pedro xanaliapox Jesús matabijtpoxliajwa**(Mt 26.69–70; Mr 14.66–68; Lc 22.55–57)*

15 Jesús bu'fos wut, Simón Pedro wuchakal atuxach fol. Xan, tawulponan Juan, wuchakal atuxach folxbej. Sacerdotespaklokolan xan namatabijt. Samata, xan tamach lowx bafalmaktxot Jesús pejwuchakal. 16 Pe Pedro naman tathoetat, bafafaxot. Do jawut, xan kaxandax. Sacerdotespaklokolan xan namatabijt xot, bafafa wetpow kawhajnax, Pedrobej leliajwa. 17 Pedro bafalmaktxot low wut, japow wujnachaemtason. Japow jum-aech:

—¿Xamkatlap jaeltaspon pejnachalnam? —aechow.

Pedro jumnot wut, jum-aech:

—¡E! ¡Xan japon pejnachalna-enil! —aech Pedro.

18 Xabich thunk xot, Caifás pamak, Dios pejtemploba wetibej, jit itfoti. Jaxot japi jiw jit su'chanuil. Pedrobej jaxot jit naksu'chanuk.

Sacerdotespaklokolan xabich wujnachaemtpox Jesús

(Mt 26.59–66; Mr 14.55–64; Lc 22.66–71)

19 Do jawut, sacerdotespaklokolan tudutlison wujnachaemsliajwapon Jesús pejnachalapiliajwa, naewhajjanpoxliajwabej. 20 Japon baxtoet wut wujnachaemsax, Jesús jum-aech:

—Xan tulaela jum-an jiw pejwujnalel. Naewhajnaxbej judíos naewhajnabachanxot, Dios pejtemplobaxotbej, judíos natameja wut. Xan maliach naewhajna-enil. 21 ¿Ma-aech xotkat nawhajnachaemtam japoxan? ¡Wujnachaemde najumtaenpi! Japi chiekal matabija xan jum-anpoxan. Japi jumchiyaxael, achax xan jum-an, jiw naewhajnax wut —aech Jesús sacerdotespaklokolanliajwa.

22 Jesús japox jum-aech wut, kaen Dios pejtemploba wetpon ke-etat xuselchapon Jesús. Do jawut, jum-aechon:

—¿Ma-aech xotkat xam japox jum-am sacerdotespaklokolanliajwa? —aechon, palala xot.

23 Jesús jumnot wut, jum-aechon:

—Babejjamechan jum-an wut, ¡najum-amde, achaxkat chaemil xamliajwa! Xan jum-anpox diachwujnakolax wut, ¿ma-aech xotkat naxuselcham? —aech Jesús.

24 Do jawut, japi wujnachaemsax baxtoet wut, Jesús kus wufuk, Anás to'a soldaw Jesús buflaeliajwas Caifás poxade, jaxotde kaes pejme wujnachaemsliajwas Jesús, japon sacerdotespaklokolan xot.

Pedro pejme xanaliapox Jesúsliajwa

(Mt 26.71–75; Mr 14.69–72; Lc 22.58–62; Jn 3.14; 12.32)

25 Pedro nakiowa jaxot jit naksu'chanuk. Jawut jaxot su'chanuili, japipej jum-aech Pedroliajwa:

—¿Xamkatlap jaeltaspon pejnachalnam? —aechi.

Pedro jumnot wut, jum-aechon:

—¡Xan jaeltaspon pejnachalna-enil! —aech Pedro.

26 Sacerdotespaklokolan pamakan jaxot nuk. Japon cho'chikchaspon pejwul-aton. Japonbej wujnachaemt wut, jum-aechon Pedroliajwa:

—¿Xamkat bej taenxbej, nukam wut, Jesús sapich, olivonaechanxot? —aechon.

27 Pedro pejme xanalia wut Jesúsliajwa, jawut kawaema nejla. Me-ama Jesús chajia jum-aech, ja-aechlisox.

Jesús nukpox Pilato pejwujnalel

(Mt 27.1–2, 11–14; Mr 15.1–5; Lc 23.1–5)

28 Do kandiawasap wut, juimt jula-el wutfuk, judíos buflaeni Jesús Caifásxotdin, asaba poxade. Japaba, Pilato pejba, xabich pinaba. Japon gobernador Judea tuajnuxot, to'as xoton Roma gobierno. Japabaxot pat wut, judíos le-el gobernador pejba, xaeyaxael xoti Pascuafiestanax-aeyax. Judíos leyaxael wut judíos-atona-el pejba, judíos xaeyaxil Pascuafiestanaxaeyax. Ja-aech judíos pejkabuanpox. 29 Samata, Pilato nakolde pejbaxot nospaeliajwa, judíos suapich. Do jawut, jum-aechon japiliajwa: —¿Achaxkat Jesús is xamal tasalaliajwam japon? —aech Pilato.

30 Do jawut, judíos chiekal jumnos-el wut, jum-aechi asbuan jumch: —Japon aton babejna-el wut, xanal japon buflaeyaxinil xamlel —aech judíos Pilatoliajwa.

31 Do jawut, Pilato jum-aech judíosliajwa:

—¡Xamal najut japon aton buflaem kastikaliajwam, me-ama xamal nejkabuan! —aech Pilato judíosliajwa.

Judíos japox jumtaen wut, jum-aechi:

—Xam tapae-emil, xanal judíos tajut kastikaliajwan, boesaliajwanbej aton —aech judíos Pilatoliajwa.

32 Japox ja-aechlisox, me-ama Jesús chajia jum-aech, achaxtat tɔpaxaelon. 33 Do jawut, Pilato lechlison batuchade. Jawut jumxato'apon Jesús falaeliajwa Pilatolel. Do jawut, Pilato jum-aech, Jesús wuajnaemta wut:

—¿Xamkatlap diachwuajnakolax puexa judíos pejreynam? —aech Pilato Jesúsliajwa.

34 Jesús jumnot wut, jum-aech:

—¿Xamkat najut nijaxtat japox xan nawuajnaemtam? O, ¿asew jiw jum-aech wut, jumtaenam xot, xan japox nawuajnaemtam? —aech Jesús Pilatoliajwa.

35 Pilato jumnot wut, jum-aechon Jesúsliajwa:

—Xan judíos-atona-enil. Nejjiw, judíos, sacerdotespaklochowbej, japi xam buflaen xanlel jumchiliajwa xam nejbu'wuajnampoxliajwa. ¿Achababijaxkat isam japi palalaliajwapi xamliajwa? —aech Pilato.

36 Jesús jumnot wut, jum-aechon:

—Xan jiw tato'la-enil ampathatat. Xan jiw tato'lax wut ampathatat, tajjiw nabeyaxael judíospaklochow, pejjiw suapich, akanajaels xan nawias-elaliajwapi judíospaklochowxot. Xan jiw tato'la-enil ampathatat —aech Jesús Pilatoliajwa.

37 Do jawut, Pilato pejme wuajnaemta wut, jum-aechon:

—¿Xamkatlap diachwuajnakolax reyponam? —aech Pilato.

Jesús jumnot wut, jum-aechon:

—Diachwuajnakolax, me-ama xam jum-am. Xanlap jiw reyponan. Samata, xan nalaeltax pawistat. Jasoxtat fuloekx ampathat poxasik jiw naewuajnalialjwan diachwuajnakolaxpox. Puexa jiw matabijasiapi diachwuajnakolaxpox, japi jiw xan najumtaen. Japi jiwbej xan nanaexasit —aech Jesús.

38 Do jawut, Pilato jum-aech:

—¿Achaxkat diachwuajnakolaxpox? —aechon.

Pilato to'apox Jesús kematamatalialjwas

(Mt 27.15–31; Mr 15.6–20; Lc 23.13–25)

Doliso', Pilato wuajnaemsa x bɔxtoet wut, nakoldepon jumchiliajwa judíos. Do jawut, Pilato jum-aech judíosliajwa:

—Xan faena-enil babijax japon ispox. Kastikaxisalbejpon. ³⁹ Xamal nejkabuan. Pascuafiesta isam wut, xamal xan nawuljowam kaen aton jiw jebaxot jiaspon nakolsax tapaniajwan. ¿Xamalkat nejxasinkam xan nakolsax tapaniajwan jumtispon: 'Judíos pejrey' —tispon? —aech Pilato judíosliajwa.

⁴⁰ Judíospaklochow, asew jiw suapichbej, pinjametat jum-aechfuli Pilatoliajwa:

—¡Japona-el! ¡Barrabás nakolsax tapanem! —aech xabich jiw.

Barrabás jiw jebaxot jias, kethakan xot. Japon majt nababej, Pilato pejsoldaw suapich.

19

¹ Do jawut, Pilato keto'a soldaw Jesús selsliajwas. Samata, jawut, Jesús buflaech wut, jaxotde Jesús seltas pakmuat kabuanchiyaxtat. ² Ketoech wut selsax, xakoeyapi na-e'la Jesús matlua'sliajwas. Do jawut, matlua'tas wut, xajoelsbejpon, me-ama rey pijax, jasox. Japox chikjiana pasoeyaxlejen. ³ Do jawut, me-ama jiw tato'lan wut, ketispon. Japi soldaw ketaxaxaelali Jesús. Do jawut, moxdepi Jesúsxot. Jawut jum-aechi Jesús pejwujnalel:

—¡Moi, judíos pejrey! —aechi.

Jawut xuselbalas Jesús.

⁴ Pilato pejme nakolt pejbaxot. Do jawut, jum-aechon judíos pejwujnalel:

—¡Xan chiekal nanaewe'e! Jesús buflaenx xamal chiekal matabijaliajwam, chinax xan babijax faena-enil, japon ispox —aech Pilato.

⁵ Do jawut, Jesús xajoels pakchowax. Japox chikjiana pasoeyaxlejen. Xakoeyaspo, na-e'la, matlua'tas Jesús. Jawut Pilato jum-aech:

—¡Taem! ¡Ama xamal tasalampon! —aechon judíosliajwa.

⁶ Do jawut, sacerdotespaklochow, Dios pejtemploba wetibej, Jesús taen wuti, nejlasful wut, jum-aechi Jesúsliajwa:

—¡Kematamatalde cruztat! ¡Kematamatalde cruztat tupaliajwa! —aechfuli.

Pe Pilato jum-aech:

—¡Xamal najut buflaem cruztat kematamatlaliajwam! Xan chinax faena-enil babijax japon ispoxan kematamatlaliajwan cruztat —aech Pilato japi jiwliajwa.

⁷ Judíospaklochow jumnot wut, jum-aechi Pilatoliajwa:

—Moisés chajia lelpox xanal naexaxisfulax. Japawujanaxot to'a, me-ama ampon aton, jason kastikaliajwas, boesaliajwasbejpon, japon pajut najum-aech xot: 'Xan Dios paxulan' —na-aech xoton —aech judíospaklochow Pilatoliajwa.

⁸ Pilato jumtaen wut japi jum-aechpox Jesúsliajwa, jawut kaes pejme pejlewlaen Jesúsliajwa. ⁹ Samata, pejme pejba lechon, Jesús suapich. Jaxotde pejme Pilato wujnachaemt wut, jum-aechon Jesúsliajwa:

—¿Amxotpijnamkat xam? —aech Pilato Jesúsliajwa.

Pilato japox wujnachaemt wut, Jesús kaes jumnos-el. ¹⁰ Do jawut, Pilato jum-aech:

—¿Xamkat kaes najumnosaximil wujnachaemtaxpox? ¿Xamkat matabijs-emil xan xajuxpox xam nakolsax tapaniajwan, o, to'aliajwanlax soldaw cruztat xam kematamatlaliajwa, tupaliajwambej? —aech Pilato.

¹¹ Do jawut, Jesús jumnot wut, jum-aechon Pilatoliajwa:

—Dios tapaei xam tato'laliajwam ampatuajnujijiw. Dios tapae-el wut jiw tato'laliajwam, xam najut nijaxtat ampatuajnujijiw tato'laximil. Aton nawiapton xamxot, japon aton kaes pejme pejbu'wujajan Diosliajwa. Me-ama xam, jachiyaxilon —aech Jesús Pilatoliajwa.

¹² Do jawut, Pilato nakolsax tapaesiapon Jesús. Pe judíos nejlasful wut, jum-aechfuli:

—Japon nakolsax tapaeyam wut, xam kaenejchaxoelaxa-emil, nejrey suapich, dukpon Roma paklowaxxot. Nejmach-aton rey nadofasia wut, japon aton Roma tuajnujijiw tato'lan padaelmanaxael —aech judíos Pilatoliajwa.

¹³ Pilato, japox jumtaen wut, lapon soldaw, japi buflaeliajwa Jesús japonlel. Do jawut, Pilato ek pejtua-ekaxtat. Jaxot pawul Gabata hebreojametat. Japox jumchiliajwa: “Ia' dadapopox, me-ama pisolejen” —chiliajwa japox. ¹⁴ Kaematkoi we'pfuk Pascuafiestaliajwa. Matnoch juimt ek wut, Pilato jum-aech judíosliajwa:

—¡Amponlap nejrey! —aech Pilato Jesúsliajwa.

¹⁵ Peliso', judíos nejlasful wut, jum-aechfuli:

—¡Kematamatalde cruztat tupaliajwa! —aechful, judíos nejlasful wut.

Pilato wujajnaemnt wut, jum-aechon:

—¿Xamalkat nejxasinkam nejrey kematamatlaliajwas cruztat? —aech Pilato judíosliajwa.

Sacerdotespaklochow jumnot wut, jum-aechi:

—¡Japon xanal tajreya-el! ¡Xanal kaen tajrey! ¡Japon Roma tuajnujijiw tato'lan! —aechi.

¹⁶ Do jawut, Pilato to'a soldaw Jesús buflaeliajwas, kematamatlaliajwas cruztat, tupaliajwabejpon. Do jawut, soldaw Jesús bu'fos kematamatlaliajwas cruztat.

Jesús kematamatlaspox cruztat

(Mt 27.32–44; Mr 15.21–32; Lc 23.26–43)

¹⁷ Do jawutbej, soldaw bu'follisi Jesús muax poxade. Japamuax pawul Matnaethitmuax. Jesús pajut xafol cruz. (Hebreojametat japamuaxliajwa jum-aechi: “Gólgota” —aechi.) ¹⁸ Japamuaxxot Jesús kematamatlas cruztat, kolenje kethakan suapich. Japi kaenanula kematamatlas pejcruztat. Jesús pejkolelelje chanuili. ¹⁹ Pilato to'a lalialiajwapi tawlaf chadusliajwa Jesús pejcruztat, jiw matabijaliajwa, ma-aech xot Jesús tupaxael cruztat. Samata, lelspx jum-aech: “Jesús, Nazaret paklowaxpijin, japon judíos pejrey” —aechox. ²⁰ Jesús kematamatlasxot mox Jerusalén paklowax. Samata, xabich judíos xaljow pale, tawlaftat chaduchpox. Japatawlaftat lels tresjamechantat. Kaejame lels hebreojametat. Segundojame lels latinjametat. Tercerojame lels griegojametat. ²¹ Do jawut, sacerdotespaklochow fulaech Pilato poxade. Pat wuti Pilatoxot, jum-aechi nejthu'axtat:

—¿Ma-aech xotkat lelampox jum-aech: ‘Judíos pejrey’ —aechkatox, lelampox? ¡Japox chaku'e! ¡Asax lelde! ¡Nej jum-aechepox: ‘Jiw naewujajan wut, jum-aechon pajutliajwa: “Xan judíos pejreynan” —aechon’ —nej ja-aech’ lelampox! —aech paklochow Pilatoliajwa.

²² Pilato jumnot wut, jum-aechon:

—Ma xan iketo'ax, do japoxtat lelslixox —aech Pilato judíospaklochowliajwa.

²³ Jesús kematamatla-esal wutfuk, japi cuatro soldaw Jesús nax-oeipoxan wejoltipon. Cruztat kematamatal wuti, Jesús naxoeipoxan japi soldaw not kaenanula xadadiajpaliajwa. Matxoelapijax, pakchowax, naxoeldikpox, japoxbej wefitipon. Japox popbu'kal, ithoe-esal, chiekal baelspoxkal. ²⁴ Soldaw nakaewa najum-aech japoxliajwa:

—¡Xatis ampox nabej thiastris! Nakakuj saxaes ia'xix matabijaliajwas, achan kanaxael japox —na-aechi nakaewa.

Do jawut, nakakujtlisi ia'xix. Islisi japox, me-ama Dios pejjamechan, chajia lelspos, jum-aech Jesúsliajwa. Jum-aechox: “Diajkaxaeli xan nax-oeixpoxan nakaewaliajwa. Asbuan jumch nakakuj saxaeli matabijali-ajwa, achan kanaxael matxoelapijax, naxoelax” —aech chajia lelspos japoxliajwa.

²⁵ Jesús cruztat chanukxot, japon pen jaxot mox. Jaxotbej Jesús penow. Japow pawal María, Cleofas pijow. Jaxotbej asaow María. Japow Magdala paklowaxpijow. ²⁶ Jesús pen taen wut moxprox, xanbej, Jesús nanejxasinkponan, mox nukx japowxot. Jawut Jesús jum-aech penliajwa:

—En, amwutjel xamliajwa Juan, me-ama naxulan wut, ja-aechon —aech Jesús penliajwa.

²⁷ Jawut Jesús jum-aechbej xanliajwa:

—Juan, xam amwutjel taj-en, me-ama nej-en wut, ja-aechow. Samata, chiekal nawetataeflaxaelam —aech Jesús xanliajwa.

Japamatkoitat, Jesús tɔpaxwɔx, xan tajba poxadax wut, japow buflaechx tataeflaliajwan.

Jesús tɔppox cruztat

(Mt 27.45–56; Mr 15.33–41; Lc 23.44–49)

²⁸ Do jawut, Jesús matabijt puexa chiekal toepox japonliajwa, me-ama Dios pejjamechan, chajia lelspos, jum-aech, jachiliajwapox. Jesús jum-aech:

—Xan minsila —aechon.

²⁹ Jaxot vino, xathunkpot, cha-ek jarrotat. Kaen aton esponja, paputhkax, xathot japavino poxadik. Xathot wut, esponja xakoeya nae-oefat Jesús suiliajwa. Japanaeya pawal hisopo. Do jawut, xachosapon Jesús pejkaecha poxase. ³⁰ Do jawut, japox Jesús suw wut, vino, jum-aechon:

—Puexa, xan isxpoxan, toetx —aechon.

Jawut, Jesús natxatdik wut, tɔplison.

Soldawan pejlanzatat chenaxua'lapox patɔpan Jesús

³¹ Kaematkoi we'p wut Pascuafiestaliajwa, napatamatkoiyaxael xotbej, judíospaklochowliajwa wepachaema-esal Jesús kaes chanukaliajwa cruztat, asewbej. Japamatkoi, napatamatkoi, judíos kaes pejme sitaen, Pascuafiestamatkoiyaxael xot. Samata, jawut, chawɔajnachaemsmatkoi wut, judíospaklochow Pilato poxade wɔljoeliajwa, japon keto'aliajwa soldaw bejalbalaliajwas cruztat kematamatlaspi, kamta japi tɔpaliajwalejen, jawɔx kuiliajwas cruzxotsik, mathaliajwasbejpi. ³² Do jawut, Pilato to'a wut soldaw, japi fɔlaech kematamatlaspi poxade. Pat wuti jaxot, matxoelapijin bejalchapi, japon tɔpa-el xotfuk. Asan, asalel chanukpon, bejalchasbej. ³³ Soldaw mox wut Jesúsxot, taeni Jesús tɔppox. Samata, Jesús bejalcha-esal.

³⁴Do jawut, kaen soldawan Jesús chenaxua'la lanzatat, chiekal matabi-jsliajwa diachwujnakolax Jesús tuj wut, o, ja-el wut. Jawut chalechkal jal naka. Nokolabej min. ³⁵Xan Juan lelx japoxan. Taenxproxan diachwujnakolax. Samata, jum-an diachwujnakolaxpox, xamalbej chiekal naexasisliajwam xan jum-anpoxan Cristoliajwa. ³⁶Japoxan ja-aech, me-ama Dios pejjamechan, chajia lelsprox, jum-aech japox jachiliajwa. Chajia jum-aechox: “Japon chinax kaethit wejalchaxisal” — aechox. ³⁷Chajia asafat jum-aechbejprox lelsprox: “Taeyaxaeli kaen aton, chenaxua'laspon” — aechox.

Patupan Jesús ochpox mmaxwujtat
(Mt 27.57–61; Mr 15.42–47; Lc 23.50–56)

³⁸Jesús tuj wut, José, Arimatea paklowaxpijin, fulaechon Pilato poxade. Pat wuton Pilatoxot, José kawujan Pilato, patupan Jesús xalaeliajwapon, osliajwabejpon mmaxwujxot. Japon José maliach naexasit Jesús, pejlwla xoton judiospaklochowliajwa. Do jawut, Pilato najaw-aech José xalaeliajwa patupan Jesús. Samata, fulaechon patupan poxade. ³⁹Nicodemo, japon majt fulaechpon madoi nospaeliajwa, Jesús suapich, japon xapat treinta kilos xabejasapan Jesús kematamatlasxot. Japasapan, tania las mirrasapan, aloebelenbej, patupan joelaliajwapon. ⁴⁰Do jawutbej, José, Nicodemo suapich, chaxfoli patupan Jesús. Mamochbu'antat, pokchobu'an, matxakoeyari patupan, xabejasapan joelapi patupan. Ja-aech, judios is wut pejwujnapijiw pijax, patupan muthsliajwa wut. ⁴¹Jesús cruztat kematamatlasxot, jaxot mox papijax, olivonaechan nuil. Jaxot pajelmmaxwuj patupanliajwa. Chinax kaen patupan japawujtat os-esalfuk. ⁴²Japawuj mox. Samata, jaxot patupan Jesús oti, chawujnachaemsmatkoï xot, napatamatkoï judiosliajwa xabich mox pawujna xotbej.

20

Patupan Jesús mat-ech pejme dukaliajwa
(Mt 28.1–10; Mr 16.1–8; Lc 24.1–12)

¹Napatamatkoï toep wut, kandiawasap, itkua'nik wutfuk, María, Magdala paklowaxpijow, fulaech patupan Jesús och poxade. Mox fol wut, taenow ia't, pinjit, fafaxot matariamnaspox. Japot, ia't, majt faka'ch, patupan Jesús ochxot. ²Samata, najaetow Simón Pedro poxade. Jawutbej xan, Jesús xabich nanejxasinkponan, Simón Pedroxotx. Xanalxot pat wut, nachapaei wut, najum-aechow:

—Wajpaklon juch, wujxot ochpon. Xanal matabija-enil amxot pejme otipon —na-aechow, nachapaei wut.

³Xanal japox jumtaenx wut, Pedro suapich, fulaechx patupan Jesús och poxade. ⁴Xanal dukpax. Xan kaes tabisla. Samata, xan matxoela patx patupan Jesús ochxot. ⁵Do jawut, najulchax wujfafaxot taeliajwan wujtu. Jaxot wujtutat taenx mamochbu'ankal, pokchobu'an. Pe xan le-enilde wujtu. ⁶Pedro pat wut wuchakal, japonlax low wujtu. Jaxot Pedrobej taen mamochbu'ankal. ⁷Jaxot taenbejpon asabu', Jesús matnaexakoeyasbu', papijaxtat okafulprox, xakoeyaspox. ⁸Xan matxoelapatxponan, wuchakal lowx. Xanbej taenx mamochbu'ankal, oel wut. Japox taenx wut, xan naexasitx Jesús diachwujnakolax mat-echpox pejme dukaliajwa. ⁹Japamatkoïyan xanal chiekal jummatabija-enilfuk Dios pejjamechan, chajia lelsprox, jum-aech wut: “Mesías mat-esaxaes

pejme dukaliajwa” —aech wutox. ¹⁰ Do jawux, xanal nawiax bachade, Pedro suapich.

Jesús natulaelt pox María Magdalena paklowaxpijowxot

(Mr 16.9–11)

¹¹ Xanalwux María Magdala paklowaxpijow pat patupan Jesús ochwajxot. Wajfafxot japow now. Now wut, natachaemsepow wajtuchade. ¹² Jawut taenow kolenje Dios pej-ángeles. Japi naxoeipox xabich papoei. Chalaki patupan Jesús majt ochxot. Kaen ek matnaetlel. Asan ek thitlel. ¹³ Japow wajnachaentas wut Dios pej-ángeles, jamtispow:

—¿Ma-aech xotkat nowam? —tispow.

Japow jumnnot wut, jum-aechow:

—Tajpaklon, patupan, amxot och. Pe asew jiw juchpon. Matabijs-enil amxot pejme otipon —aechow Dios pej-ángelesliajwa.

¹⁴ Japox jum-aech wut, natfo'cha wut, taenow kaen aton. Pe matabijs-elow japon Jesús pox. ¹⁵ Do jawut, japon wajnachaemt wut, jum-aechon japowliajwa:

—¿Ma-aech xotkat xam nowam? ¿Achankat wulwekam? —aechon japowliajwa.

Japow nejchaxoel: “Ampon olivonaechan tataeflan” —aechow, nejchaxoel wut. Samata, jum-aechow:

—Patupan Jesús xam jutam wut, jnajum-amde amxot otampon, xan japoxaliajwan patupan wulwekaliajwan! —aechow.

¹⁶ Do jawut, japon jum-aech:

—¡María! —aechon.

Japow natfo'cha japonlel. Do jawut, japow chiekal matabijt japon Jesúspon. Do jawut, brixtat nukjaba wut, jum-aechow hebreojametat:

—¡Rabuni! —aechow pejjametat. (Japajame jumchiliajwa: “Jiw chanaekabuanan” —chiliajwapox.)

¹⁷ Jesús pejme jum-aech:

—¡Nakikofde nathitakuktampox! Xanfuk taj-ax poxa-enilse. ¡Xabua'de tajnachala poxade! ¡Japi jum-amo ampox: ‘Xan waj-ax Dios poxaxoeyan’ —amo japi, chapaem wut! —aech Jesús Maríalijwa.

¹⁸ Do jawux, María, Magdala paklowaxpijow, fulaen xanallel, Jesús pejnachalwan poxadin. Pat wutow xanalxot, najum-aechow: “¡Xan wajpaklon taenx! ¡Japon pejme duk!” —aechow. Nachapaeibeypow Jesús buxto'aspox.

Jesús natulaelt pox pejnachalaxot

(Mt 28.16–20; Mr 16.14–18; Lc 24.36–49)

¹⁹ Do madoi wut, japamatkoi, dominko wut, xanal, Jesús pejnachalwan, natamejlax batutat. Bafafachan chiekal xatbe'ax, tajlewla xot judiospaklochowliajwa. Jawut chalechkal Jesús natulaelt batutat. Nuk wut xanal tajwajnalel, jum-aechon:

—Xan patx. ¡Puexa nej pachaema xamalxot! —aech Jesús.

²⁰ Japox jum-aech wut, xanal na-itpaeipon pejke-e kematamatlaspoخان, chenaxa'laspoxbej. Jawut xanal xabich nejchachaemlxax, pejme taenx wut wajpaklon Jesús. ²¹ Jesús pejme xanal najum-aech:

—¡Puexa nej pachaema xamalxot! Me-ama taj-ax nato'a ampathatasik, xamalbej to'axaelen asew jiw naewajnalijwam —aech Jesús xanal pejnachalwanliajwa.

²² Do jawut, xanallel ful wut, jum-aechon:

—Espiritu Santo amwutjel xamalxot. ²³ Xamal jiw beltaenam wut, babijaxan ispi, japi kofa xot babijaxan ispoخان, ja-am wut, Diosbej beltaeyaxael japi jiw. Xamal beltae-emil wut jiw babijaxan ispi, japi kofa-el xot, ja-am wut, Diosbej beltaeyaxil japi jiw —aech Jesús xanal pejnachalwanliajwa.

Tomás taenpox Jesús, japon mat-echpon pejme dukaliajwa

²⁴ Tomás xanalxotpijin, Jesús pejnachalan. Japontat puexa xanal dosan. Japon Tomás asawul Na-o'an. Jesús natulaelt wut xanalxot, jawut Tomás xanalxota-el. ²⁵ Do baxael, Tomás xanalxot wut, xanal jum-an Tomásliajwa:

—¡Xanal taenx wajpaklon Jesús! —an xanal Tomásliajwa.

Pe japon Tomás xanal najumnot wut, jum-aechon:

—Xan tajut tae-enil wut wajelan, kematamatlaspoخان, xan naexaxisaxinil xamal. Naexaxisaxinilbej, tajut tae-enil wut chenaxua'laspoخان. Xan xadonasian tajkothiyatat japon pejke-ewajelan. Jachasianbej tajke-etat japon chenaxua'laspoخان —aech jumch Tomás, asax paei wut.

²⁶ Do jawux, ocho matkoiyan xent wut, xanal, Jesús pejnachalwan, pejme natamejlax batutat. Bafafachan chiekal xatbe'ax. Jawut Tomás xanalxot. Do jawut, chalechkal Jesús natulaelt xanalxot batutatan wut. Nuk wut xanal tajwujnalel, jum-aechon:

—Xan patx. ¡Puexa nej pachaema xamalxot! —aech Jesús.

²⁷ Do jawut, Jesús jum-aech Tomásliajwa:

—Tomás, ¡taem tajke-e! ¡Xadonde nejkothiyatat! ¡Xabua'din jachaliajwam nachenaxua'lapox! ¡Nabej jum-aeché': 'Xan naexaxisaxinil, tajut tae-enil wut Jesús mat-echpon, pejme duk wutlison' —nabej aeché'! ¡Nanaexasi'e xan namat-etxponanpox, pejme dukxponanpoxbej! —aech Jesús Tomásliajwa.

²⁸ Do jawut, Tomás nejthua'axtat jum-aechon:

—¡Xam tajpaklonam, tajDiosnambej! —aech Tomás Jesúsliajwa.

²⁹ Jesús jum-aech Tomásliajwa:

—Xamlis chiekal xan nanaexasitam, najut chiekal nataenam xot. Asew jiw xan nanaexaxisaxael natae-elaxtat. Japibej xabich nechachaemlaxael —aech Jesús Tomásliajwa.

Ma-aech xot ampox pelfut lels

³⁰ Xanal, Jesús pejnachalwan, taenx, Jesús xabich kaes koechaxan is wut. Ampapelfutat puexa japoxan lela-enil. ³¹ Xan lelx koechaxanliajwa xamal chiekal matabijaliajwam, naexaxisliajwambej Jesucristo, Dios to'aspon, japon Dios paxulan. Xamal japon naexaxisfulam wut, pomatkoicha duilaxaelam Diosxotse.

21

Jesús natulaeltpox siete pejnachalaxot

(Lc 5.5-6)

¹ Do jawux, Jesús natulaelt wut Jerusalén paklowaxxot, pejme natulaelton, xanal Galilea pukaxotan wut. Japapuka asawul, Tiberias puka. Amwut japoxliajwa jumchiyaxaelen, ma-aech, Jesús natulaelt wut xanal pejnachalwanxot. ² Jesús natulaelt wut sietepinxot, kaen xanalxot pawul Simón Pedro. Asan pawul Tomás. Japon asawul Na-o'an. Asan pawul

Natanael. Japon Caná paklowaxpijin Galilea tuajnuḁot. Asan pawul Santiago. Japon xan takoewan. Xan, tawulpon Juan, jawut japixotanbej. Xanal kolenan Zebedeo paxin. Kaes asew kolenjebej jaxot. Japibej Jesús pejnachala. ³Natamejlax wut, Jesús natulaels-el wutfuk xanalxot, Simón Pedro xanal najum-aech:

—Xan nabaxisaxaelen —na-aechon.

Xanal jum-an:

—Bajal. Xanalbej fulaeyaxaelen —an xanal.

Do jawut, falkam pajulx. Nabaxitx wut, japamadoitat, chinaxkatdo' kaen baxin xawaeslax chiekal pama-an. ⁴Nalian wut, Jesús natulaelt pukababu'tat. Pelax xanal, japon pejnachalwan, matabija-enil, achan japon. ⁵Jesús pinjametat xanal nawuajnaemta wut, jum-aechon:

—¡Moi! ¿Massuapichkat xamal baxi xawawaelam? —aechon.

Xanal jumnotx wut, jum-an:

—Ajil. Chinax kaen baxin xawaes-enil —an xanal.

⁶Jesús xanal najum-aech:

—¡Chinchorro fo'amik falkam poklalel! Jaxot baxi xawawaelaxaelam —aech Jesús.

Jawut xanal ow-an. Jasox isx. Do jawut, chinchorro jusliajwan wut osliajwan falkamtat, xajupa-enil, chinchorro xabich chadewnixot, baxi wulak xotbej. ⁷Xan, xabich Jesús nanejxasinkponan, jum-an Pedroliajwa:

—¡Japon wajpaklon! —an xan.

Simón Pedro xan jum-anpox jumtaen wut, jawut sumta-otox naxoelchapon, jolt xoton nabaxisliajwa. Do jawut, Pedro naxoelcha wut, diwk minadik. Joechlison Jesús poxade. ⁸Xanal, Jesús pejnachalwan, namaxpin falkamtat, wuchakal chapatx thaejtade, xabich xot baxi chinchorrotat. Pukapamakt pasliajwan xabich tuajna-el. Me-ama cien metros. ⁹Xanal chapatx wut, nanax falkamtat. Jawut taenxbej jit, baxin ok wut jitmatwujtat, chabochpon. Okbej pan. ¹⁰Do jawut, Jesús xanal najum-aech:

—¡Xalaemen kaesuapich baxi, xawawaelampi, chabowaliajwam! —aechon.

¹¹Do jawut, Simón Pedro falkam juldik baxi chadado'naliajwa chinchorrotat, thaejtat jusliajwapon. Japachinchorro xabich baxi, pinanul, wulak. Japi baxi ciento cincuenta y tres. Baxi pin-iat wut, chinchorro nakiowa liks-esal. ¹²Do jawut, Jesús jum-aech xanalliajwa:

—¡Xabu'a't, kandiawasappijax xaeliajwam! —aech Jesús xanalliajwa.

Chinax kaen xanalxot pawuajnaemta-enil, achankat japon, xanal tajut chiekal matabijax xot japon wajpaklonpox. ¹³Do jawut, Jesús mox soepan xanallel. Jawut fiton pan xanal nachaxduiliajwa. Ja-aechbejpon baxin chabochponliajwa.

¹⁴Jesús natulaelt wut xanalxot, japoxtat tres veces natulaelton xanal pejnachalwanxot, pejpatuaxwux, pejmat-esaxwuxbej.

Jesús nospaeipox, Simón Pedro suapich

¹⁵Xanal kaechatoelx wut, Jesús wuajnaemta wut Simón Pedro, jum-aechon Simón Pedroliajwa:

—Simón, Jonás paxulan, ¿xamkat xan kaes nanejxasinkam? Me-ama tajnachala asew nejxasinkam wut ¿jachi-emilkat xam xanliajwa? —aech Jesús.

Pedro jumnot wut, jum-aechon:

—Diasdo', tajpaklon. Xam chiekal matabijtam xam nejxasinkaxpox — aechon.

Jesús pejme jum-aech Pedroliajwa:

—Jelxan nanaexasiti, ¡japi chiekal xam nawetataefulde! Me-ama ovejas tataeflan chiekal tataeful pejew corderos, ¡xambej ja-amde jelxan nanaexasitiliajwa! —aech Jesús Pedroliajwa.

¹⁶ Do pejme Jesús wuajnaechaemt wut, jum-aechon Pedroliajwa:

—Simón, Jonás paxulan, ¿xamkat xan kaes pejme nanejxasinkam? — aech Jesús Pedroliajwa.

Pedro pejme jumnot wut, jum-aechon:

—Diasdo', tajpaklon. Xam chiekal matabijtam xam nejxasinkaxpox — aech Pedro Jesúsliajwa.

Jesús pejme jum-aech Pedroliajwa:

—¡Chiekal nawetataefulde jelxan nanaexasiti! Me-ama ovejas tataeflan chiekal tataeflaful pejew ovejas, ¡xambej ja-amde jelxan nanaexasitiliajwa! —aech Jesús Pedroliajwa.

¹⁷ Do pejme kaes Jesús wuajnaechaemt wut, jum-aechon Pedroliajwa:

—Simón, Jonás paxulan, ¿xamkat xan nanejxasinkam? —aech Jesús.

Do jawut, Jesús kaes wuajnaechaemt xot, jum-aech xoton: “¿Xamkat nanejxasinkam?” —aech xot Jesús Pedroliajwa, Pedro jumnot wut, jum-aechon:

—Tajpaklon, xam puexa chiekal matabijtam. Matabijtambej xam nejxasinkaxpox —aech Pedro Jesúsliajwa.

Do jawut, Jesús jum-aech Pedroliajwa:

—¡Chiekal nawetataefulde jelxan nanaexasiti! Me-ama ovejas tataeflan chiekal tataeflaful pejew ovejas, ¡xambej ja-amde jelxan nanaexasitiliajwa! ¹⁸ Diachwuajnakolax jum-an. Xam pansianam wut, najut naxoelam. Ma fulaesiam poxade fulaemch. Pe pati'nam wut, asamatkoi muaxxachosaxaelam asew jiw xam xajoelaliajwa. Do jawut, xam buflaeyaxaeli nejxasinka-emil poxade —aech Jesús Pedroliajwa.

¹⁹ Japox Jesús chajia jum-aech matabijsliajwa, achaxtat Pedro tuxaxael, Cristo naexasit xoton. Do jawut, Jesús pejme jum-aech Pedroliajwa:

—¡Xan nakfulaem! —aech Jesús Pedroliajwa.

Pedro wuajnaechaemtpox Juanliajwa

(Jn 13.25)

²⁰ Do jawut, Jesús, Pedro suapich, laelp wut, Pedro kaxadik wultataek wut, xan nataenpon, wuchakal laejax wut. Jesús kaes xan nanejxasinkponan. Jesús xanal nabu'xael wut Pascuafiestanaxaeyax, jawut xan mox ekx Jesúsxot. Xan japon wuajnaechaemtax wut, jum-an: “Tajpaklon, ¿achankat xam wiasaxael nadaelmajiwxot?” —an xan japamadoitax.

²¹ Do jawut, Pedro xan nataen wut, jawut wuajnaechaemton Jesús. Jum-aechon xanliajwa:

—Tajpaklon, ¿machiyaeskatlax Juan asamatkoi? —aech Pedro Jesúsliajwa.

²² Jesús jumnot wut, jum-aechon:

—Xan nejxasinkax wut japon ampathatat laejaliajwa, hasta xan paskax wut pejme, ¡xam nabej nejchaxoele' japoxliajwa! ¡Xamlax po-matkoicha xan nanaexasisfulde! —aech Jesús Pedroliajwa.

²³ Samata, asey jiw, Jesús naexasiti, nakaewa najum-aech xanliajwa: “Juan tɔpaxil” —na-aechful jiw nakaewa. Pe Jesús japox jum-aech wɔt, jumchi-elon xan tɔpaxinilpoxliajwa. Jesús lax jum-aech xanliajwa: “Xan nejxasinkax wɔt japon ampathatat laejaliajwa, hasta xan paskax wɔt pejme, ixam nabej nejchaxoele' japoxliajwa!” —aech Jesús Pedroliajwa.

²⁴ Xan, Juan, tajut taenxpojan, tajut jumtaenaxbej, japoxan ampa-pelfɔtat lelx. Xan chiekal matabijtax puexa japoxan diachwɔajnakolax.

²⁵ Jesús ampathatat wɔt, xabich asaxan pachaempoxan ispon. Puexa japoxan kaenanɔla lelx toetx wɔt, xabichaxael japapel-ɔafan. Samata, japapel-ɔafan bej xajɔpaxilbej ampathatat.

Apóstoles isful Jesús to'aspox

Jesús chajia jumdutpox pasliajwa Espiritu Santo

¹⁻² Xan Lucas, lelx ampapelfut xamliajwa, Teófilo, xabich sitaenxonam. Asafut chajia xato'ax xamliajwa, matxoelalelxfut. Japafutat lelx Jesús ispoxan, naewuajnafulpoxanbej, tuadut waton isfulpoxan. Hasta Jesús bu'fos wut athu poxase, do jawut, kekoftax lelxpoxan japon isfulpoxanliajwa, naewuajnafulpoxanliajwabej. Chajia xato'ax japafut xamliajwa. Jesús Dios buflae-esal wutfuk athu poxase, Jesús pej-apóstoles, japi makanotpipon, japi to'as Espiritu Santo pijaxtat naewuajnafulalialijwa Cristo pejuwajan potuajnuha.

³ Jesús tup wut, mat-ech wut pejme dukaliajwa, jawut kamtalejen natulaelaful apóstolesxot. Samata, japi apóstoles chiekal matabija diachwuajnakolax Jesús mat-echpox pejme dukaliajwa. Jesús cuarenta matkoijan natulaelaful apóstolesxot. Jesús naewuajnaful Dios puexa pejiw tato'laxaelpoxliajwa.

⁴ Buflae-esal wutfukon athu poxase, Jerusalén paklowaxxot wutfukon, apóstoles suapich, jawut jum-aechon: “Xan xamalxota-enil wut, inabej pankole'fuk ampapaklowaxxot! ¡Wuajnawe'e Espiritu Santo pasliajwa xamalxotsik! Taj-ax Dios japox chajia jumdut xamalliajwa. Xanbej chajia japox jum-an xamalliajwa. ⁵ Diachwuajnakolax Juan jiw bautisa mintat. Kaematkoijan suapich wut, Espiritu Santo pasaxael xamalxotsik. Ja-aech wut, Dios xamal bautisaxael Espiritu Santotat” —aech Jesús apóstolesliajwa.

Jesús bu'fospox athu poxase

⁶ Apóstoles natameja wut, Jesús suapich, jawut japi wuajnachaemt wut, jum-aechi Jesúsliajwa:

—Paklon, xamkat amwut tato'laxaelam xanalkal, judíos? Me-ama wajwuajnapijin, rey David, Israel tuajnuapijwkal tato'al, xamkatlap-is jachiyaxaelam ma amwut? —aech apóstoles Jesúsliajwa.

⁷ Jesús jumnot wut, jum-aechon:

—Kaen, taj-ax Dios, matabijt maswut japox jachiyaxael. Dios tapael xamal matabijaliajwam. Kaen, taj-ax Dios, jumchiyaxael, maswut japox jachiyaxael. ⁸ Pe Espiritu Santo pask wut xamalxotsik, ja-aech wut, Espiritu Santo pejpamamaxtat xamal naewuajnafulaxaelam tajwuajan potuajnuhanpijiw. Naewuajnafulaxaelam Jerusalén paklowaxpijiw, Judea tuajnuapijwbej, Samaria tuajnuapijwbej. Atuaj asatuajnuhanpijwbej naewuajnafulaxaelam tajwuajan —aech Jesús apóstolesliajwa.

⁹ Jesús japox jum-aech wutfuk, apóstoles natachaema wutbej, Jesús bu'fos athu poxase. Jesús itloejentutat wut, apóstoles kaes tae-elisi Jesús. ¹⁰ Apóstoles fulnatachaema wutfuk, jawut kolenje Dios pej-ángeles chalechkal natulaelba apóstolesxot. Japi pejnaxoe xabich papoei. ¹¹ Do jawut, jum-aechi apóstolesliajwa:

—Xamal Galilea tʉajnuɓijwam, ʒma-aech xotkat xamal natachae-manuilam? Japon Jesús pajut pejme asamatkoi xamalxotaxael. Me-ama amwʉtjel bu'fosen, pejme jachiyaxaeson asamatkoi, pasliajwa wʉt ampathatasik —aech ángeles apóstolesliajwa.

Apóstoles makafitpox Matías, apóstolliajwapon

¹² Jesús athu poxase bu'fos wʉt olivonaechan nuilxot, apóstoles japamʉaxxot kaxa nawen Jerusalén paklowax poxadin. Japanʉamt, me-ama kolekilómetros. Napatamatkoi wʉt, judíos tapaeis jaskilómetros fulaeliajwa. ¹³ Jerusalén paklowaxxot apóstoles pat wʉt, lowpi ba. Do jawʉt, athu julachi batu poxase, japi moejt poxase. Japi apóstoles kaenanula pejwʉlan. Kaen pawʉl Pedro. Asan pawʉl Juan. Asan pawʉl Santiago. Asan pawʉl Andrés. Asan pawʉl Felipe. Asan pawʉl Tomás. Asan pawʉl Bartolomé. Asan pawʉl Mateo. Asan pawʉl Santiago. Japon Alfeo paxʉlan. Asan pawʉl Simón. Japon majt asamʉtpijin, celotemʉtpijin. Asan pawʉl Judas. Japon Santiago paxʉlan. ¹⁴ Dios kawʉajnalijwa wʉt, apóstoles natameja, Jesús pakoew sʉapich, Jesús penbej, pawʉlpow María, asew watho'bej. Japi kaenejchaxoelax Dios kawʉajnalijwa.

¹⁵ Japamatkoiyan kaeyaxtat natameja wʉt Jesucristo naexasitpikal, puexa japi cientoveinte jiw. Do jawʉt, Pedro nant wʉt naksiyalijwa, jum-aechon japiliajwa: ¹⁶ “Takoew, me-ama rey David chajia lel Espíritu Santo pijaxtat Judas isaxaelpoxliajwa, japox islison. Judas asew jiw bu'fol Jesús jaelslijwas. ¹⁷ Judas majt Jesús pejnachalan, xanal sʉapich. Nabistjepon Dios pejbichax. ¹⁸ (Judas babijax is wʉt Jesúslijwa, mochpon. Japaplatatat wʉajton sat. Do jawʉt, pajut nakaechariamake't wʉt, diwkon. Jawʉt japamʉatat dukjklison. Jasoxtat Judas pajut nakijt. Do jawʉx, Judas patʉpan jop wʉt, woejxalika wʉt, woej-ʉlnakolsebejpon. ¹⁹ Jerusalén paklowaxpijw japox wʉltaena wʉt, japasat wʉlduwlisipox Acéldamawʉltat. Japi pejjametat, hebreojametat, japawʉl jumchiliajwa: ‘Jalsat’ —chiliajwa.) ²⁰ Salmosʉtat chajia jum-aechbej Judasliajwa: ‘Pejba chajiwlabá wʉlxael. Chinax kaen aton dukaxil japabaxot’ —aech Salmosʉtat, chajia jum-aech wʉt Judasliajwa. Salmosʉtat kaes jum-aechbej Judasliajwa: ‘Asan naliaxsaxael japon pejbichax’ —aech Salmosʉtat —aech Pedro jiw natamejapiliajwa, cientoveinte jiwliajwa.

²¹ Pedro pejme jum-aech jiw natamejapiliajwa: “Asew xatisxot, pajut chiekal taeni Jesús ispoxan, pomatkoicha xanalxot wʉton. ²² Japi xatis nakchala, Jesús bautisas wʉt Juan. Hasta Jesús athu poxase julach wʉtbej, japi nakiowa nakchalafal. Japixot, kaen xatis makafisaxaes, japon jiw naewʉajnalijwa, xanal sʉapich, Jesús tʉp wʉt mat-echpoxliajwa” —aech Pedro jiw natamejapiliajwa.

²³ Do jawʉt, japixot kolenje makafich. Kaen pawʉl Matías. Asan treswʉlje. Kaewʉl pawʉlon José. Asawʉl pawʉlon Barsabás. Taxdukapejwʉl pawʉlon Justo.

²⁴⁻²⁵ Japi kolenjexot kaen makafisiasiapi chiekal kaes pachaempon apóstolliajwa. Samata, apóstoles Dios kawʉajan japi chiekal matabijaliajwa, achan japi kolenjexot makafisaxaes apóstolliajwa. Dios kawʉajan wʉt, jum-aechi: “Wajpaklon Dios, xam matabijtam puexa jiw pejne-jchaxoelaxan. ¡Xanal na-itpaem, mason japi kolenjexot makafisaxaelam apóstolliajwa, Judas nafa'a xoton babijax isaxtat! Samata, Judas pejlel chijia. Fulaechon kana poxade” —aechi, Dios kawʉajan wʉt.

²⁶ Do jawut, nakakujtlisi ia'xi jasi, chiekal matabijaliajwa, achan makafisaxaes apóstolliajwa. Ja-aech wut, matabijapi Matías makafichpox. Majt once apóstoles. Amwutjel japontat japi puexa pejme doce apóstoles.

2

Espíritu Santo paskpox Jesucristo pejuwanajan naexasitixot

¹ Pentecostésfiesta wut, kaeyaxtat natameja Jesucristo pejuwanajan naexasiti. ² Do jawut, chalechkal xabich jum-senk athusik, me-ama pina-joewa wut, jathia-aechsikox. Puexa japabatatpi thiatan. ³ Me-ama jitkaech-ia'an, jasi, natulaelba kaenanula jiw pejta'tabijla. ⁴ Puexa jiw, jaxoti, xabich kajachawaech Espíritu Santo. Samata, jawut asajamechan naksiyax tuaduwi. Majt matabija-eljamechan naksiyaliajwa, japi jiw chalechkal naksiya Espíritu Santo pijaxtat.

⁵ Japamatkoiyan wut, xabich judíos pat Jerusalén paklowaxxot Pentecostésfiesta taeliajwa. Japi xabich tuajpijiw, asatujnuchanpijiw. Japi, tuajpijiw, xabich naexasiasapi Dios. Matabijasiabejpi Dios pejjamechan. ⁶ Japi, tuajpijiw, thiatafol nejmetpox. Japox nejmet Jesucristo pejuwanajan naexasiti natamejaxot. Dolisi jaxot japi natamejal. Jumtaenbejpi, kaenanula naexasiti Jesucristo pejuwanajan naksiya wut majt naksiya-eljamechan. Thiatapatpi chiekal jumtaen, wenaksiyas xot japi pejjamechan. Samata, japi xabich nejchaxoel japoxliajwa. ⁷ Xabich natachaemapi, jumtaen wut, asew jiw wenaksiyas wut japi pejjamechan. Samata, nakaewa najum-aechi:

—Puexa ampi jiw Galilea tuajnapijiwkal. ⁸ ¿Ma-aech xotkat japi jiw matabija naksiyaliajwa wajjamechan? Japi majt matabija-el wajjamechan naksiyaliajwa. ⁹ Kaenanula xatis asatujnuchanpijwas. Xatisxot asew Partia tuajnapijiw, asew Media tuajnapijiw, asew Elam tuajnapijiw, asew Mesopotamia tuajnapijiw, asew Judea tuajnapijiw, asew Capadocia tuajnapijiw, asew Ponto tuajnapijiw, asew Asia tuajnapijiw. Japi jiw puexa fulaen asatujnuchanxot. ¹⁰ Xatisxotbej asew Frigia tuajnapijiw, asew Panfilia tuajnapijiw, asew Egipto tuajnapijiw, asew Libia tuajnapijiw, mox duili Cirene paklowaxxot. Asew jiw xatisxot fulaen Roma paklowaxxot. ¹¹ Roma paklowaxlel pa'ani, japixot asew judíoskola. Asew japixot judíos nadofapi. Xatisxot asew jiw fulaenbej Creta tanaetxot. Asew jiw xatisxot fulaenbej Arabia tuajnuxot. Puexa ampabatat natamejapi, naksiya wut Dios ispo-xanliajwa, puexa xatis chiekal jumtaens, japi naksiya xot wajjamekolaxan —na-aechi nakaewa thiatapatpi.

¹² Japi jiw puexa xabich natachaema. Matabija-elbejpi, achax nejchaxoelaxaeli. Samata, nakaewa nawwanjachaemt wut, jum-aechi:

—¿Puexa ampxoxan achax chiyaxaelkat? —na-aechi nakaewa.

¹³ Asew japixot bu'wanjanpaei wut, jum-aechi ampxox:

—¡Ampi jiw saxa saxtas! —aechi Jesucristo pejuwanajan naexasitiliajwa, asajamechan naksiya xoti.

Pedro naewwanjanpox thiatapatiliajwa

¹⁴ Jesucristo pejuwanajan naexasiti jumtis wuti japox, do jawut, Pedro nant, once apóstoles suapich. Jawut pinjametat jum-aechon thiatapatiliajwa: “Xamal judíos fulaemanpi asatujnuchanel, ¡xan chiekal nanaewe'e! Xamal Jerusalén paklowaxpijwam, ¡chiekal nanaewe'ebej!

¡Chiekal najumtaem xamal jumchiyaxaelenpox! ¹⁵ Ampijiw asajamechan naksiyapi, naksiyapi Espiritu Santo pijaxtat. Ampijiw saxs-esal. Xamal nejmach jum-am ampilijaw. Juimtlis atuasjan. Jas-is juimt, ekan wut, jiw fe-el saxan saxslijawas. ¹⁶ ¡E! Profeta, pawalpon Joel, japon chajia lel Dios chajia jum-aechpox, Espiritu Santo pasaxoekpox.

¹⁷ Dios chajia jum-aech: ‘Cristo ampathatat wut, xan to'axaelen Espiritu Santo jiw kajachawaeslijawas. Jawut naxi, poejiw, watho'bej, jiw naewhajnaexael xan buxto'axpoxan. Poejiw, pansiachow, masoxtat taeyaxael xan itpaeyaxaelenpoxan. Me-ama xamoejt wut, taen, jachiyaxaeli. Poejiw, pakdiachowbej, moejt wut, taeyaxael xan itpaeyaxaelenpoxan, diachwajnakolaxpoxan.

¹⁸ Japamatkoiyantat puexa tajjiw, xan nanaexasiti, poejiw, watho'bej, to'axoekan taj-Espiritu Santo japi pejmatpreatanxotalijawa. Do jawux, japi naewhajnaexael xan buxto'axpoxan.

¹⁹ Thatbaxoxot koechaxan isaxaelen puexa jiw taelijawa. Japoxan jiw taen wut, natachaemanuilaxaeli. Ampathatxot xabichaxael jal. Xabichaxaelbej jit, itnumbej.

²⁰ Juimt, matkoipijin, itkhatnikaxael. Juimt, madoipijin, pasoenaxaelbej. Me-ama jal wut, jachiyaxael juimt, madoipijin. Japamatkoiyapan japon majt jachiyaxael, mox pawajna wut paklokolan pejme paslijawa. Jawut puexa jiw matabijaxael paklokolan diachwajnakolax xabich mamnikaxponan.

²¹ Puexa jiw waljow wut paklokolan pijaxtat, japi jiw bu'weyaxaes' — aech Dios jum-aechpox profeta Joel lelfutat” — aech Pedro thiatapatilijawa.

²² Thiatapatixot, asew Judea tujupijiw. Japilijawa Pedro jum-aech: “Xamal israelitas, ¡xan chiekal nanaewe'e jumchiyaxaelenpox! Jesús Nazaretpijin xanalxot wut, japon xabich koechaxan is Dios pijaxtat. Ja-aech wut, xanal chiekal matabijtax japon Dios to'asponpox. ²³ Do jawux, Jesús wiach xamalxot. Do jawutbej, xamal japon wiatam asajiw babejchowxot cruztat kematamatlaliawas. Dios chajia matabijt paxulanlijawa jachiyaxaesopox. Samata, japox jatis japonlijawa. ²⁴ Do jawutbej, diachwajnakolax Jesús chiekal tuj. Pe Dios mat-et Jesús pejme dukalijawa. Ja-aech wut, Jesús malecha-esal patupax. ²⁵ Rey David chajia lel wut, lelon asamatkoi jachiyaxaesopox Jesúslijawa:

‘Tajpaklon jumchiyaxael: “Xan tajDios taenx. TajDios pomatkoicha xanxot. TajDios xan nachala. Samata, tajlewla-el.

²⁶⁻²⁷ Dios tamach nawaelsaxil muxwajxot. Tapaeyaxilbejpon tajbu't xoepalijawa, Dios naexasisfulax xot. Samata, jajuiflaxaelen, nejchachaemlaxaelen xot. Nejmamachaxaelenbej, Dios natataeflaful xot.

²⁸ Dios na-itpaeyaxael, machiyaxaelen dukalijawan pomatkoicha, isfulalijawanbej Dios nejxasinkpoxan. Xan xabich nejchachaemlaxaelen, Dios xanxot wut” — chiyaxael tajpaklon' — aech rey David lel xot chajiakolaxtat Jesús jumchiyaxaelpox” — aech Pedro Judea tujupijiwlijawa.

²⁹ Pedro pejme jum-aech Judea tujupijiwlijawa: “Takoew, diachwajnakolax xamal jumchiyaxaelen wajwajnapijin Davidlijawa, chajiakolaxtat jiw tato'lanlijawa. Rey David tuj. Japon muthtas. Xatis chiekal matabijas amxot muthtason. ³⁰ Rey David, japonbej profeta.

Japon jiw naewhajan Dios buxto'aspoخان. David diachwhajnakolax matabijt Dios jumduchpox, chajia jumtis wuton: 'Kaen namon puexa judios tato'laxael' —tis wut David Jesúsliajwa. ³¹ David chajia matabijt Dios pijaxtat Cristo tɔpaxaelpox. Matabijtbejpon Cristo mat-esaxaespoخان pejme dukaliajwa. Do jawut, jum-aechbejpon: 'Cristo tɔp wut, kaweta namanaxil mɔaxwhajtat. Pejbu't jaxot kaweta xoepaxilbej' —aech David. ³² Samata, Jesús tɔp wut, Dios mat-echpon pejme dukaliajwa. Japox diachwhajnakolax. Puexa xanal chiekal taenx, Jesús pejme duk wut. ³³ Bu'fos wuton athu poxase tato'laliajwapon jiw, pax Dios suapich, jaxotse pax Dios Jesús chaxduch Espiritu Santo. Me-ama chajia jumduch, jatis japox Jesús. Do jawux, Jesús to'ak Espiritu Santo xanalxotsik, xanal tajmatpuatanxotaliajwa. Xamal amxot taenampon, jumtaenamponbej, japox Espiritu Santo pijax. ³⁴ Jesús bu'fos wut athu poxase, David tae-el, japon chajia whajna tɔp xot. Pe David jum-aech, Dios pijaxtat matabijt xoton Dios jum-aechpox Jesúsliajwa:

'Dios jum-aech tajpaklokolan Cristoliajwa: "iEkde tajpoklalel jiw tato'laliajwam, xan suapich!

³⁵ Ekam wut, xan malechaxaelen nadaelmajiw. Xan malechax wut nadaelmajiw, japi jiw xam naexasisfulaxael, tato'lam wut" —aech Dios Cristoliajwa' —aech David, chajia jum-aech wut.

³⁶ "Tajjiw, xan nejxasinkax xamal chiekal matabijaliajwam ampon. Xamal kematamatlam Jesús tɔpaliajwa cruztat. Pepon, amwutjel, Dios wulduws paklokolan. Wulduwsbejpon Cristo, Dios to'aspon xatis nakbu'welialjwa" —aech Pedro Judea tɔajnu'pijwliajwa.

³⁷ Thiatapati jumtaen wuti Pedro jum-aechpox, japi xabich nejchaemil. Samata, Pedro whajnachaemtas, asew apóstoles suapichbej:

—Takoew, ¿machiyaxaelenkat xanal tajbabijaxan ispoخانliajwa? —aechi Pedroliajwa.

³⁸ Pedro jumnot wut, jum-aechon Judea tɔajnu'pijwliajwa:

—iKofim babijaxan isampoxan! iIsde Dios nejxasinkpoxan! Xamal kaenanula ja-am wut, Dios beltaeyaxael babijaxan isampoxanliajwa. Ja-aech wut, bautisaxaelam Jesucristo pijaxtat, chiekal naexasitam xot. Ja-aech wut, Dios to'axoek Espiritu Santo xamal nejmatpuatanxotaliajwasik. ³⁹ Dios chajia jumdut Espiritu Santo to'aliajwasik xamal nejmatpuatanxotaliajwa, naxixotaliajwabej, asatɔajnu'chanpijwliajwabej. Dios makanochpi, puexa japi jiw Dios pejiwaxael. Espiritu Santo japi pejmatpuatanxotaxael —aech Pedro Judea tɔajnu'pijwliajwa.

⁴⁰ Pedro xabich naksiya wut japiajwa, chiekal naewhajanbejpon. Naewhajan wut, jum-aechon:

—iXamal nadiajim jiw babejchowxot napelsamatam, japi suapich! —aech Pedro.

⁴¹ Do jawut, japi jiw naexasiti Pedro jum-aechpox. Japi jiw bautisasbej. Japamatkoi xabich jiw naexasiti Jesucristo pejwhajan. Japi jiw, me-ama tres mil. ⁴² Japi puexa chiekal naexasisful apóstoles naewhajanpon. Pejewpi kajachawaeti kaes wewe'paspiliajwa. Do jawut, japi puexa chiekal duillisi. Natamejafuli kaeyaxtat, Dios kawhajnalialjwa wut, xaeliajwa wutbejpi.

Ma-aechpox jiw, matxoela naexasiti Jesucristo pejwhajan

⁴³ Apóstoles Dios pijaxtat xabich koechaxan isful. Japoxan taen wut, puexa jiw xabich nejchaxoelanuil. ⁴⁴ Naexasiti Jesucristo pejwñajan chiekal kaenejchaxoelaxpi. Samata, chiekal duili. Japi pejew wut, nakaewa nakewawaeti. Me-ama kaenanula puexa pejewkola wut, ja-aechi pejewliajwa. ⁴⁵ Jesús pejwñajan naexasiti mowapi pejewkola kajachawaesliajwa asew jiw, xabich kejlipi. Pejsat wut, o, pejew wut, mowapi. Moch wut, japaplatatat kajachawaeti kejila. ⁴⁶ Pomatkoicha Dios pejtemplobatat natameja naexasiti Jesucristo pejwñajan. Japi nakaewa natadut xaeliajwa pejbachantat. Pomatkoicha ja-aech naexasiti Jesús pejwñajan, xabich nejchachaemil xoti. Nejchaxoela-eli asax. ⁴⁷ Pomatkoicha Dios kawñajan wut, jum-aechi: “Xam xabich pachaemam” —aechi Diosliajwa. Puexa paklowaxpijw, asew jiw suapich, wulnaksiyas wut Jesucristo pejwñajan naexasiti, wulnaksiyaspi chimiajamechantat. Kaematkoisful, asew jiw, jaxoti, naexasit Jesucristo pejwñajan Dios bu'weliajwas. Japibej kofa babijaxan ispoxan. Do jawux, japibej naknatameja, asew Jesucristo pejwñajan naexasiti suapich.

3

Nabejkan boejthuspox

¹ Kaliax wutlejen, judíos Dios jikawñajan Dios pejtemplobatat. Asamatkoi, kaliax wut, Pedro, Juan suapich, Dios pejtemploba poxade Dios kawñajnalajwapi. ² Jaxotde, Dios pejtemplobaxot, kaen nabejkan, laejaxilon, wñajna ek. Japon nabejkax chanlaelt. Pomatkoicha pejjiw buflalaenas wut, esnadoftas templobafafaxot, pawulxot Hermosafafa. Jaxot wuljoefflon plata, jiw lalenapi. ³ Pedro, Juan suapich, Dios pejtemploba low wut, japi taen nabejkan. Do jawut, japon nabejkan wuljowpon plata. ⁴ Pedro, Juan suapich, japi natachaema nabejkan. Do jawut, Pedro jum-aech:

—¡Xanal chiekal natachaemde! —aechon nabejkanliajwa.

⁵ Japon nabejkan chiekal naewekcha. Do jawut, nejchaxoelon: “Plata bej nachaxdusaxaelbejpi” —aechon, nejchaxoel wut. ⁶ Pe Pedro jum-aech nabejkanliajwa:

—Xanal plata kejinil. Pe asaxtat xam kajachawaesaxaelen. Jesucristo, Nazaret paklowaxpijin pijaxtat, xam kajachawaesaxaelen laejaliajwam. ¡Nande! Nantam wut, ¡laejim! —aech Pedro.

⁷ Pedro japox jum-aech wut, pejpoklake-elel makafiton nabejkan, nansax kajachawaesliajwa. Do jawut, nabejkan nant wut, pejtukaan, pejtukwasibej, chiekal wepachaemlison. ⁸ Do jawut, nabejkan nancha wut, diawjalapon. Jawut laejax tudutlison jaxot. Jawut, Pedro, Juan suapich, Dios pejtemploba leliajwa wut, boejthulspón naklow. Dadiw-jelison, laeja wut. Jum-aechfulbejpon Diosliajwa: “Dios, xam xabich pachaemam, naboejthutam xot” —aechfullison. ⁹ Do jawut, puexa jiw taenslison, laeja wut. Jumtaenbejpi, japon jum-aechful wut Diosliajwa. ¹⁰ Japi matabija, japon ek wut Dios pejtemplobafafaxot, pawulxot Hermosa. Pomatkoicha jaxot plata wuljowpon jiw lalenapi. Samata, jiw xabich natachaemanuil, taen wuti japon chiekal laejapox.

Pedro naewñajanpox jiw Dios pejtemplobatat

¹¹ Japon, majt nabejkpon, laejalison, Pedro sʷapich, Juan sʷapichbej, Dios pejtemplobatat. Japalel pawul Pórtico de Salomón. Nadijna-ellison japixot. Xabich jiw dadukpaxtat papat, japon taeliajwapi. Xabich nejchaxoelanuili. ¹² Pedro japox taen wʷt, jum-aechon: “Tajjiw, ¿ma-aech xotkat xamal nejchaxoelanuilam? Xamal bej nejchaxoelambej xanalliajwa: ‘Japi pajut nabejkan boejthʷt. O, japi Dios kajachawaech, xabich pachaem xoti Diosliajwa’ —ambej xamal, nejchaxoelam wʷt. Xanal tajut tajaxtat ampon boejthʷs-enil. ¹³ Wajwʷajnapijiw, japi Abraham, Isaac, Jacobbej, japi pejDios xabich sitaen paxulan Jesús. Pe xamal wiatam paklochowxot japon boesaliajwas. Xamal nejwesla Jesús, Pilato pejbatat wʷt. Pilato tapaesia wʷt Jesús nakolsliajwa, xamalliajwa japox pachaema-el. ¹⁴ Pilato waljoe-emil Jesús nakolsax tapaeliajwas, japon xabich pachaempon, chinax babijax is-elpon. Xamallax asbʷan jumch wʷljowam nakolsax tapaeliajwas babejen, jiw ben. ¹⁵ Dios to’aspon xatis nakkajachawaesliajwa pomatkoicha chiekal duilaliajwas, japon xamal tapaejamlax boesaliajwas. Pe boesas wʷton, Dios mat-echpon pejme dukaliajwa. Jesús mat-ech wʷt, xanal tajut chiekal taenx, japon pejme duk wʷt. Japox xanal chapaeix xamal. ¹⁶ Ampon aton, majt nabejk, xamal chiekal matabijampon, majt xanal nejchaxoelx japon atonliajwa: ‘Diachwʷajnakolax Jesús boejthʷsaxaeson’ —an xanal, nejchaxoelx wʷt. Samata, chiekal boejthʷlson, me-ama xamal taenam” —aech Pedro japi jiwliajwa.

¹⁷ Dolisdo', Pedro pejme jum-aech: “Takoew, xan matabijtax xamal isampox, nejpaklochow sʷapich. Xamal tapaejam wʷt Jesús kematamatlaliajwas cruztat, japox xamal isam, chiekal matabija-emil wʷt. ¹⁸ Jesús cruztat kematamatlas wʷt, patliso, me-ama profetas chajia jum-aech Dios pijaxtat: ‘Dios to’axoek paxulan ampathatasik boesaliajwas, japon jiw bʷw’weliajwa’ —aech profetas. ¹⁹ Samata, ¿kofim babijaxan isampoxan! ¿Dios xanaboejim, me-ama japon nejxasink xamal isliajwam! Ja-am wʷt, Dios pelsaxael kaelel babijaxan isampoxan. Do jawʷx, Dios kajachawaesaxael xamal chiekal nejchachaemlaliajwam. ²⁰ Asamatkoi Dios pejme to’axoek paxulan ampathatasik, japon pawul Jesús. Dios chajia makafit japon Mesíasliajwa xamalliajwa. ²¹ Jesús ekfʷk Diosxotse. Jachisfʷlaxaelon. Do baxael, Dios puexa chiekal chaemt wʷt pothata, Jesús pejme pasaxoek. Japoxliajwa chajia jum-aech Dios pejprofetas, japi wajwʷajnapijiw. ²² Moisés chajia jum-aech Jesúsliajwa wajwʷajnapijiw jumtaeliajwa. Jum-aechon: ‘Me-ama xan Dios nato’a profetaliajwan, Cristobej profetaxael. Dios makafisaxaeson profetaliajwa xamalxot. Naexaxisaxaelam japon puexa jumchiyaxaelpoxan. ²³ Puexa naexaxis-elpi japon profeta jum-aechpoxan, japi jiw chiekal toesaxaes Dios’ —aech chajia Moisés Jesúsliajwa” —aech Pedro japi jiwliajwa.

²⁴ Pedro pejme jum-aech: “Profeta Samuel chajia jum-aechpox, japox patliso ampatmatkoiyantat. Samuelwʷx, puexa profetas, wʷchakalpijiw, kaenanʷla jum-aechbej ampatmatkoiyanliajwa. ²⁵ Dios chajia jumdutpoxan japi jiwliajwa, japoxan Dios chaxdusaxael xamal. Dios chajia jum-aech Abrahamliajwa: ‘Kaen namon pijaxtat puexa ampathatpijiw kajachawaesaxaelen’ —aech Dios Abrahamliajwa. ²⁶ Samata, Dios paxulan tʷp wʷt, Dios mat-et japon pejme dukaliajwa. Do jawʷx, matxoela to’apon xamal poxade japon xamal kajachawaesliajwa.

Samata, Jesús xamal kajachawaesasia kofaliajwam babijaxan isampoxan, isliajwam Dios nejxasinkpoxan” —aech Pedro jiwliajwa Dios pejtemplobatat.

4

Pedro, Juan sʷapich, paklochow pejwʷajnalel nuilpox

¹ Pedro, Juan sʷapich, jʷm-aech wʷtʷuk jiwliajwa Dios pejtemplobaxot, jawʷt Dios pejtemploba wetipaklon, sacerdotes sʷapich, saduceos sʷapichbej, japi pat Pedroxot. ² Japi xabich palala Pedroliajwa, Juanliajwabej, jʷm-aech xoti, naewʷajan wʷt: “Jiw tʷpi, baxael, mat-eyaxaespi pejme duilaliajwa. Japox diachwʷajnakolax. Jesús tʷp wʷt, do jawʷx, mat-echpon pejme dukaliajwa” —aech xot Pedro, Juan sʷapich, naewʷajan wʷt. ³ Do jawʷt, Pedro, Juan sʷapich, jaelas. Jawʷt jiaslispɪ jiw jebatat, tuila xotlisoʷ. Kandiawa jukaxaesɪ tasalaliajwas. ⁴ Xabich jiw Jesucristo pejwʷajan jʷmtaen wʷt, naexasɪtɪ Jesús pejwʷajan. Poejiw, watho'bej, xabich naexasɪt. Xajʷs wʷt poejiwkal, puexa matxoelanaexasɪtɪ Jesucristo pejwʷajan, jelnaexasɪtɪ sʷapichbej, japi puexa, me-ama cinco mil poejiw.

⁵ Kandiawa wʷt, Jerusalénxot natameja judíospaklochow, judíos-ancianosbej, judíos chanaekabʷanapibej. ⁶ Jaxotdebej Anás pat. Japon majt sacerdotespaklokolan. Caifás, japon japawaestat sacerdotespaklokolan, pejiwkola sʷapich, patbejpon jaxotde. Asan, pawʷlpon Juan, Alejandro sʷapich, jaxot patbejpi. ⁷ Japi asew to'a bʷflaeliajwas Pedro, Juan sʷapich. Jawʷt Pedro, Juan sʷapich, bʷ'pach wʷt paklochow pejwʷajnalel, do jawʷt, wʷajnachaehtas wʷt, jʷmtispɪ:

—¿Achan pejpamamaxtatkat xamal boejthʷtam nabejkan? ¿Achan pejpamamaxtatbejkat xamal japox isam? —tis Pedro, Juan sʷapich.

⁸⁻⁹ Do jawʷt, Pedro jʷmnot wʷt, jʷm-aechon Espiritu Santo pijaxtat:

—Paklochiwampim, xamal ancianospimbej, xanal nawʷajnachaehtam, chiekal matabijasiam xot nabejkan boejthʷspoxliajwa. ‘¿Achaxtatkat nabejkan boejthʷs?’ —am xamal.

¹⁰ Xamal nejwʷajnalel chiekal jʷmchiyaxaelen xamal puexa chiekal matabijaliajwam, asew Israel tʷajnjʷpijwbej. Ampon, majt diachwʷajnakolax chiekal nabejk, xamal nejwʷajnalel nukpon. Pe boejthʷchpon Jesús, japon Nazaret paklowaxpijin. Japon xamal chajia pakematamatlam. Japon tʷp wʷt, Dios mat-echpon pejme dukaliajwa.

¹¹ Jesús makafich Dios, japon jiw bʷ'welijaɪwa. Pe xamal naexasis-emil japon jʷm-aechpoxan. Samata, xamal Dios bʷ'weyaxil. Me-ama jiw ia'ba is wʷt, kaet ia'tliajwa, nakaewa najʷm-aechi: ‘Ampa-ia't chaemil’ —aechi, do jawʷx, asan aton japot ia't fit wʷt, jʷm-aechon: ‘Ampot ia't, puexa ia'xot kaes pejme pachaem tʷakso'pijtalijaɪwa, ba chiekal mamnikaliajwa’ —aech japon aton. (Japot ia't, me-ama Cristo, Dios paxʷlan, Dios makafichpon.) ¹² Dios paxʷlan to'ak nakbʷ'welijaɪwa. Samata, kaen Jesús xajʷp nakbʷ'welijaɪwa. Ampathatat asan kaes ajil nakbʷ'weyaxaelon —aech Pedro paklochow wʷajnalel.

¹³ Paklochow jʷmtaen wʷt Pedro jʷm-aechpox, jawʷt japi nejchaxoel: “Pedro, Juan sʷapich, pin-iawaechan xabich estudia-el. ¿Ma-aech xotkat japi pejlewla-el naksiyalijaɪwa xatis wajwʷajnalel? Japi Jesús pejnachala xot, chiekal matabija naksiyalijaɪwa” —aech paklochow, nejchaxoel wʷt. Samata, natachaema wʷt, nejchaxoelachalakbejpi. ¹⁴ Jawʷt taenbejpi

majt nabejkpon, nuk wut japixot. Samata, paklochow kaes asax wejisal jumchiliajwapi japi. ¹⁵ Do jawut, paklochow natamejaxot nakolax to'as tathoetade, tathoetlel nuilaliajwa. Pedro, Juan sapich, nakola wut, jaxot paklochow nakaewa najum-aech:

¹⁶ —¿Machiyaxaeskati ampi poejiw? Puexa Jerusalén paklowaxpijiw chiekal matabija japi is koexax Dios pejpamamaxtat nabejkan boejthulaliajwas. Samata, xatis jumchiyaxisal: 'Japi japox is-el' —chiyaxisal. ¹⁷ Japi buxfiasaxaes kaes naewhajnasamata Jesucristo pejwajaan asew jiwliajwa. Ja-aech wut, asew jiw jumtaeyaxil Jesucristo pejwajaan —na-aech paklochow nakaewaliajwa.

¹⁸ Do jawut, Pedro, Juan sapich, laslisi pejme leliajwadin. Lasbej majt nabejkpon. Dolisi, len wut, jumtisi:

—¡Xamal kaes ma amwut nabej naewhajne' Jesucristo pejwajaan! —tislisi.

¹⁹ Do jawut, Pedro, Juan sapich, jumnot wut, jum-aechi:

—¡Xamal najut chiekal nejchaxoelde! ¿Achaxkat kaes pejme pachaem xanal isliajwan Dios pejwajaanale? ¿Xanalkat isaxaelen xamal tato'lampox? O, ¿xanalkat isaxaelen Dios tato'alpox? ²⁰ Xanal buxfokaxinil taenxprovan Jesúsxot, jumtaenxprovanbej —aech Pedro, Juan sapich.

²¹ Japi japox jum-aech wut, paklochow pejme kaes bu'athiyaslisi Jesucristo pejwajaanliajwa kaes naewhajnasamatapi jiw. Bu'athiyas wut Jesús pejwajaanliajwa, jaxot nakolax tapaeislisi. Paklochow pejlwla kastikaliajwapi Jesús pejnachala. Samata, nakaewa najum-aechi: "Japi xatis kastikas wut, diachwajnakolax xabich jiw palalaxael xatisliajwa, puexa jiw chiekal nejchachaemil xot Diosliajwa, nabejkan chiekal boejthuls xot" —na-aech paklochow nakaewaliajwa. ²² Majt nabejkpon, boejthuls wut Dios pijaxtat, japon aton, me-ama kaes cuarenta waechan.

Jesucristo pejwajaan naexasiti Dios kawajaanpox pejlwlasamata asew jiwliajwa

²³ Pedro, Juan sapich, nakolax tapaeis wut, fulaechlisi asew Jesucristo pejwajaan naexasiti poxade. Jaxotde pa'a wut, chapaecilisi paklochow buxfiachpox. Jum-aechi Jesucristo pejwajaan naexasitiliajwa: "Sacerdotespaklochow, ancianosbej, xanal nabuxfiat Jesucristo pejwajaan kaes naewhajnasamatan jiw" —aechi Jesús pejwajaan naexasitiliajwa.

²⁴ Japox jumtaen wut, Jesucristo pejwajaan naexasiti kaeyaxtat Dios kawajani. Dios kawajaan wut, jum-aechi: "Tajpaklon, xam isam thatbaxo, isambej that, marbej. Isambej puexa thatbaxotatpi, ampathatatpibej, marxotpibej. ²⁵ Chajiakolaxtat xanal tajwajnapijin, taj-am David, nej-Espíritu Santo buxto'as jumchiliajwa. Samata, David chajia amprox jum-aech:

‘Asatajnapijiw, judíos-eli, xabich palalaxael. Japi nejchaxoelaxaellach isliajwa chaemilprovan xamliajwa. Pe japi xajupaxil isliajwa japoxan.

²⁶ Ampatnajnapijiw, reyes, paklowaxpijiw tato'alpibej, natamejaxael. Do jawut, nejchaxoelaxaeli nabeliajwa, nejjiw sapich. Do jawutbej, nejchaxoelaxaeli toesliajwa Cristo, xam to'ampon jiw bu'welija' —aech chajia David" —aech Jesucristo pejwajaan naexasiti, Dios kawajaan wut.

27 Japi kaes Dios kawuajan wut, jum-aechi: “Chajiakolaxtat David lelpo x jum-aech jachiyaxaelpo x. Natamejapi amparaklowaxxot, Herodes, Judea tuajnu pijiw tato'lan, Poncio Pilatobej, japon wulduws Roma paklowaxxot judios pejgobnadorlijwa Israel tuajnu xot. Japi natameja wut, jaxot asatuu jnu chan pijiwbej, judios suapich, natameja. Puexa japi naknatameja kaeyaxtat nakaewa nawuaj nachaemsliajwa: ‘¿Machiyaxaesk at Jesús boesaliajwas?’ —chiliajwa paklochow naxulan Jesús liajwa, japon xam to'ampon jiw bu'welialjwa. 28 Dolisido', japi jasox islisi, boesaliajwa wuti Jesús. Pe pajut pejnechaxoelaxtat japi japox is-el. Japi japox is, me-ama xam chajia nechaxoelam japi japox isliajwa. 29 Tajpaklon, xam matabijtam judios paklochow xanal nathiyapox, nejjowan xot. Samata, ¡nakajachawae'e tajlewla-elaliajwan, naewuaj nax wut nejuwajan! 30 ¡Nakajachawae'ebej boejthufalialjwan jiw bu'xaenkpi! ¡Nakajachawae'ebej koechaxan isliajwan naxulan Jesús pijaxtat!” —aechi puexa, Dios kawuajan wut.

31 Dios kawuaj nax buxtoet wut, chalechkal jaxot sat najuiya. Jawut puexa jiw kajachawaesfulas Espíritu Santo. Samata, Espíritu Santo pijaxtat naewuajan wuti Dios pejjamechan, japi jiw pejlewla-el asew jiw liajwa.

Jesucristo pejuwajan naexasiti pejew wut, me-ama puexa pejew wut, ja-aechi

32 Puexa naexasiti Jesucristo pejuwajan, japi chiekal kaenejchaxoelax. Japixot chinax kaen jumchi-el: “Xan kaenan ampo xan tejew” —chi-el, nechaxoel wut. Pejewpi japoxan, me-ama puexa jiw pejew wut, ja-aechi. 33 Apóstoles chapaeful jiw jumtaeliajwa Jesús mat-echpo x Dios, japon pejme dukpo x. Apóstoles kajachawaesfulas Dios, naewuajan wuti Jesús pejuwajan. 34-35 Jesucristo pejuwajan naexasitixot, chinax kaen wewe'pa-esal. Asew pejsatan wut, o, pejbachan wutbej, mowasia wut, mowapi. Moch wut, japaplata chaxduwpi apóstoles. Do jawux, apóstoles chaxduw japaplata xabich jiw wewe'paspiliajwa. 36 Japixot kaen pawul, José. Japon nalaelt Chipre tanaetxot. Japon Leví pamon. Apóstoles wulduwson asawultat, Bernabéwultat. (Japawul jumchiliajwa: “Jiw nejlikapon nejxaejwasi” —chiliajwa japawul.) 37 Bernabé mowa wut pejsat, puexa plata chaxduton apóstolesxot.

5

Ananías, pijow Safira suapich, naekichachajbasiajapox apóstoles

1 Bernabé mowa wut pejsat, Ananías, pijow Safira suapich, japibej mowa pejsat. 2 Ananías moch wut, japon kaenejchaxoelax, pijow suapich, pejew plata diajnaliajwa. Do jawux, plata, diajanpi, chaxduton apóstolesxot. Me-ama puexa plata chaxdut wut, ja-aechon. 3 Pedro plata kefit wut, jum-aechon:

—Ananías, ¿ma-aech xotkat tapaeyam dep leliajwa nejmatpuatat? ¿Ma-aech xotbejkat naekichachajbasiam Espíritu Santo? Matabijtax, asew plata, sat-om, kaweta otam nejbaxot. 4 Sat mowa-emil wutfuk, japasat chiekal nejsatkolax. Do jawux, sat mowam wut, mot wuti xam, japaplata chiekal nejewbej. ¿Ma-aech xotkat xanal naekichachajbasiam? Xanal-kal naekichachajbasi-emil. Diosbej naekichachajbasiam —aech Pedro Ananíasliajwa.

⁵⁻⁶ Ananías japox jumtaen wut, patupan jūwalon. Do jawut, pansiachow fūlaen xakiasliajwapi patupan Ananías. Do jawutbej, chaxfollisipon muthsliajwas. Jawut muthtlisipon. Jiw japox wultaena wut, xabich pejlewłapi.

⁷ Do jawux, tres horas wut, Ananías pijow pat Pedroxot. Japow matabijs-el pamal wetupspox. ⁸ Pedro wuajnaemta wut, jum-aechon: —¡Najum-amde! ¿Diachwuajnakolaxkat xamal nejsat mowam wut, mowam ampa-omtat, jum-ampoxtat? —aech Pedro.

Japow jumnot wut, jum-aechow:

—¡Diachdo! Xanal japa-omtat tajsat pamowax —aechow, naekichachajba wut.

⁹ Pedro jum-aech:

—¿Ma-aech xotkat xam, nejmol suapich, kaanejchaxoelaxam naekichachajbaliajwam Espiritu Santo? ¡Chiekal naewe'e! Ampi, fūlaeni, japi muthtlisi nejmol. Amwut xambej chaxlaeyaxaeli muthsliajwa —aech Pedro japowliajwa.

¹⁰ Do jawut, Safira patupow jūwal Pedro pejwuajnalel. Pansiachow len wut, taenlisipow patupow. Do jawutbej, japow chaxfos, naliamuthsliajwas pamal pejmuthxot. Jaxot muthtipow. ¹¹ Puexa naexasiti Jesucristo pejwuajan, asewbej, japox wultaena wut, xabich pejlewłapi Espiritu Santoliajwa.

Apóstoles xabich koexaxan ispox Dios pijaxtat

¹² Apóstoles xabich koexaxan is Dios pijaxtat jiwxot. Puexa naexasiti Jesucristo pejwuajan natameja Dios pejtemplobaxot. Japalel pawel Pórtico de Salomón. ¹³ Asew, naexasis-eli Jesucristo pejwuajan, japi pejlewla natamejalajwa, Jesús pejwuajan naexasiti suapich. Pe Jesucristo pejwuajan naexasiti, xabich jiw sitaens. Samata, naksiyas wut japiliajwa, chimiajamechantat wulnaksiyas. ¹⁴ Xabich asew poejiw, watho'bej, naexasiti Jesús pejwuajan. Japibej kaeyaxtat natamejaful, asew naexasiti suapich, Jesucristo pejwuajan. ¹⁵ Apóstoles fūlaeyaxaennuamtadin, asew chajia matabija wut, bu'xaeya batuchanxot juks. Juks wut, owas furbu'tat. Owas nuambabu'tat boejthusliajwas, Pedro fūlaen wut. Pedro pejnaselnaxtat xenchax wut, jawut bu'xaeya chiekal boejthuls. ¹⁶ Xabich jiw, asapaklowaxanpijw, Jerusalén paklowaxxot mox duili, japibej buflaen bu'xaeya Jerusalén paklowax poxadin. Japi bu'xaeya puexa chiekal boejthuls. Buflaensbej dep webaesi pejmatpuatanxot, xabich dep taliachpi. Japi puexa chiekal pachaemlisi Dios pijaxtat.

Apóstoles bu'fospox kastikalijwas

¹⁷ Sacerdotespaklokolan, pejnachala suapich, japi saduceos, xabich nusasiawali apóstolesliajwa. ¹⁸ Samata, apóstoles jaelas jiw jebatat jeliajwas. ¹⁹ Jiw jebatat jias wuti, japamadoitat Dios pej-ángel pask, japabafafachan fafakaliajwa, apóstoles jukaliajwas jaxot. Japi juks wut, ángel jum-aech apóstolesliajwa: ²⁰ “¡Xabua'de Dios pejtemploba poxade! Dios pejtemploba pa'mach wut, jaxotde jiw naewuajande chimiawuajan, Jesucristo pejwuajan!” —aech Dios pej-ángel. ²¹ Do kandiawa, nalian wut, apóstoles is, me-ama Dios pej-ángel to'as isliajwa. Dios pejtemploba low wut, jaxot tuaduti jiw naewuajnalajwa.

Do jawut, sacerdotespaklokolan, pejjiw suapich, wullala natamejalijwa puexa judíos-ancianos, asew paklochowpibej. Japi natameja wut,

japox pawəl Junta Suprema. Do jawux, sacerdotespaklokolan to'a jiw jeba wetpi. To'a wut, jum-aechon: “¡Xabua'de jiw jeba poxade! ¡Apóstoles buflaemni ampalel!” —aechon. ²² Dios pejtemploba weti, jiw jeba pa'a wut, apóstoles jaxot ajillisi. Samata, tamach kaxa nawenlisi, paklochow natameja poxadin. ²³ Pat wuti paklochow natamejaxot, jum-aechi:

—Jiw jeba pa'ax wut, chiekal fafaxawaech. Kolenje soldaw fafachanlel chiekal wesfulbej. Bafaka' fafatx wut, chinax kaen jiw jebatutat tae-enil —aech Dios pejtemploba weti.

²⁴ Japox jumtaen wut, sacerdotespaklokolan, Dios pejtemploba weti-paklonbej, sacerdotespaklochowbej, nakaewa nawuajnaechaemsnapi. Najum-aechnapi: “¿Ma-aech xotkat japi ajil? ¿Achaxkat kaes jachiyaxael?” —na-aechi nakaewa. ²⁵ Do jawutlejen, aton japixot pat. Japon jum-aech:

—Jiw jebatat jiampi, amwutjel japi jiw naewuajan Dios pejtemplobaxot —aech japon aton.

²⁶ Do jawut, Dios pejtemploba wetipaklon, pejiw suapich, pejme wuljaeti apóstoles. Jaelas wut, chamoeyaxtat buflaens. Be-esal, pejlwla xoti jiwliajwa. Dios pejtemploba weti nejchaxoel: “Xatis baes wut apóstoles, jiw xabich palalaxael. Ja-aech wut, jiw xatis nakdadaepaxael ia'tat” —aechi, nejchaxoel wut. ²⁷ Apóstoles buflaens wut, paklochow, Junta Supremapijiw, japi pejwuajnalel apóstoles nows. Do jawut, sacerdotespaklokolan jum-aech japiliajwa:

²⁸ —Xamal xabich buxfiatx jiw naewuajnasamatam Jesús pejwuajan. Pe xamal naexasis-emil. Xabich naewuajnam Jerusalén paklowaxpijiw japon pejwuajan. Japon kematamatlaxtat tup wut, japox xanal nakelajatam —aech sacerdotespaklokolan apóstolesliajwa.

²⁹ Pedro, asew apóstoles suapich, jum-aechi:

—Xanal naexasisfulaxaelen Dios tato'alpoxan. Jiw nato'a wut asaxan isliajwan, xanal japoxan naexasisaxinil, Dios pijaxana-el wut. ³⁰ Diachwuajnakolax xamal Jesús kematamatlam cruztat japon tupaliajwa. Pe Jesús tup wut, wajwuajnapijiw pejDios Jesús mat-ech pejme dukaliajwa. ³¹ Jesús amwutjel paklokolan nadofa. Amwutjel ek pax Dios poklalel jiw tato'laliajwa, jiw bu'weliajwabej. Jasox Jesús is judíos chiekal naexasisliajwa Dios, japi babijaxan ispoxan kaelel wepelsliajwasbej. ³² Japawuajan diachwuajnakolax, xanal jiw naewuajnafulaxwuajan. Espíritu Santobej itpaei diachwuajnakolaxpox japawuajan. Dios to'ak Espíritu Santo jiw pejmatpuatanxotaliajwa, japi jiw naexasiti Dios pejjamechan —aech Pedro paklochowliajwa.

³³ Jumtaen wuti Pedro jum-aechpox, puexa paklochow xabich palala. Do jawut, paklochow besiapi apóstoles. ³⁴ Japixot kaen pawəl Gamaliel. Japon fariseo-aton, judíos chanaekabuananbej. Japon xabich jiw sitaens. Do jawut, Gamaliel nant wut, to'apon Dios pejtemploba weti, japi buflaeliajwa apóstoles batathoetade. ³⁵ Dolisido', apóstoles buflaech wut, Gamaliel jum-aech paklochowliajwa:

—Israelitas, ¡chiekal taem! ¡Majt chiekal nejchaxoelde isaxaelampox japi poejiwliajwa! ³⁶ ¡Nejchaxoelde chajia ja-aechpox Teudasliajwa! Japon judióspaklonasia. Pin-iakolapon pejnachala, poejiwkal, fulnanuamtas. Do baxael, japon boesas wut, japon pejnachala puexa dukp. Kaenanala pejlel chiekal nasali. Do baxael, japox chiekal toep. ³⁷ Do japonwux, censo is wut, puexa jiw wullelaliajwa wut, Judas, Galilea tuajnapijin,

japonbej xabich pejsoldaw fulnanuamtas nabeliajwa, gobierno pejsoldaw suapich. Pe japonbej boesas. Ja-aech wut, puexa pejnachala kaenanula nasal. Do ja-aech wutbej, japox chiekal toep. ³⁸ Samata, xamal naewuajnalap wut, japox asamatkoi chiekal toepaxael. ³⁹ Pe japi naewuajnaful wut Dios pijaxtat, xamal xajupaximil japox toesliajwam. Babijax isam wutbej japiliajwa, ja-am wut, xamal babijax isaxaelam Diosliajwa —aech Gamaliel paklochowliajwa.

Gamaliel japox jum-aech wut, paklochow kaenejchaxoelax. ⁴⁰ Do jawut, paklochow la apóstoles pejme leliajwadin. Low wut, kaenanula seltaslisi. Do jawut, pejme buxfiachpi jiw naewuajnasamata Jesucristo pejwuajan. Do jawutbej, kofaslisi. ⁴¹ Apóstoles nakola wut paklochowxot, xabich nejchachaemili, Dios tapaeis xot nabijasliajwa Jesús pijaxtat. ⁴² Do jawux, pomatkoicha apóstoles naewuajnaful jiw chimiawuajan, Jesucristo pejwuajan. Japajamechan jiw naewuajnafuli Dios pejtem-plobaxot, jiw pejbachantatbej.

6

Siete poejiw makanochpox kajachawaesliajwapi apóstoles

¹ Japamatkoiyantat, naexasiti Jesucristo pejwuajan kaes xabichful. Japixot xabich judíos. Asew naksiyapi hebreojame. Asew naksiyapi griegojame. Watho', pamaljiw naetupspi, asew japixot xabich kejili. Samata, japi watho' kajachawaesfulas wewe'paspoxanliajwa kaematkoisful. Poejiw, naksiyapi griegojame, nabu'nalot, asew poejiw suapich, japi naksiyapi hebreojame. Nabu'nalot wut, jum-aechi: "Watho', naksiyapi griegojame, kaesupich chaxduws naxaeyaxan. Me-ama watho', naksiyapi hebreojame, jachi-esal, japi watho' chaxduws wut" —aechi. ² Do jawut, doce apóstoles natameja wut, wullalapi puexa Jesucristo pejwuajan naexasiti, japixot natamejalialjwa. Japi pat wut doce apóstolesxot, apóstoles jum-aech:

—Pachaema-el xanal kofaliajwan jiw naewuajnapox Dios pejjamechan, xanal naxaeyaxankal chaxduiflialjwan kejila. ³ Samata, jxamalxot siete poejiw makano'e, pachaempikal, chiekal matabijtpi, japi kajachawaesfulaspi Espíritu Santo! Xanal japi to'axaelen naxaeyaxan sasliajwa kejlialialjwa. ⁴ Xanallax Dios kawuajnafulaxaelen. Dios pejjamechan xanal jiw naewuajnafulaxaelenbej —aech apóstoles.

⁵ Apóstoles jum-aechpox puexa jiwliajwa chiekal wepachaems. Samata, puexa chiekal kaenejchaxoelaxpi. Do jawut, makafitlisi Esteban. Japon Dios chiekal xanaboejsful. Japon kajachawaesfulasbej Espíritu Santo. Makafichbej Felipe, Prócoro, Nicanor, Timón, Parmenas, Nicolásbej. Nicolás Antioquía paklowaxpijin. Japon judíos-atonael. Japonbej chiekal naexasit Dios. Me-ama judíos, ja-aechon. Naexasitbejpon Jesucristo pejwuajan. ⁶ Do jawut, makanochpi buflaech apóstoles poxade. Apóstoles Dios kawuajan wut, japi ke-owa makanochpi pejta'antat Dios kajachawaesfulalialjwas, pejbichaxan isful wuti.

⁷ Do jawux, apóstoles, asewbej, Dios pejjamechan naewuajnaful wut, jiw xabich kaes pejme naexasit. Kaesfulbej Jerusalén paklowaxpijin naexasisful Jesucristo pejwuajan. Xabich sacerdotesbej naexasit Jesucristo pejwuajan.

Esteban jaeltaspox

⁸ Esteban xabich kajachawaechfals Dios. Dios pijaxtatbej Esteban xajur isliajwa koechaxan. Samata, xabich koechaxan is jiwxot. ⁹ Asew judíos natameja pejnaewuaj nabaxot. Japaba pawul Esclavos Libertos. Japanaewuaj nabaxot jaxotbej judíos. Japi nabu'nalot, Esteban suapich, asanaewuaj naxliajwa. Nabu'nalot wut, asew jiwbej nalot. Japi Cirene paklowaxpijiw. Asew Alejandria paklowaxpijiw. Asew Cilicia tuajnuapijiw. Asew Asia tuajnuapijiwbej. ¹⁰ Esteban naksiya wut, chiekal naksiyapon, Espiritu Santo kajachawaech xot. Samata, jiw buxmaliacha-eli Esteban. ¹¹ Ja-aech wut, asew jiw japixot maliach moti asew jiw, japi buxlajaslajwa Esteban. Samata, japi jum-aech: “Xanal diachwuajnakolax jumtaenx, Esteban jum-aech wut babejjamechan Moisésliajwa, Diosliajwabej” —aech japi jiw, buxlajat wuti Esteban. ¹² Jiw jumtaen wut Esteban buxlajachpox, jawut paklowaxpijiw xabich palala Estebanliajwa. Judíos-ancianos, judíos chanaekabuananapibej, japibej xabich palala Estebanliajwa. Samata, Esteban jaeltas. Do jawut, bu'folipon judiospaklochow poxade, Junta Suprema natameja poxade. ¹³ Paklochow wulwek asew poejiw kaenejchaxoelaxtat buxlajaslajwapi Esteban. Dolisi, kaenejchaxoelax wut, jum-aechlisi Estebanliajwa:

—Xanal jumtaenx, Esteban jum-aech wut babejjamechan Dios pejtemplobaliajwa, Moisés chajia lelpoxliajwabej. Japon chinax buxkofsel, japoxan jum-aech wut. ¹⁴ Jumtaenxbej, Esteban jum-aech wut: ‘Jesús, Nazaret paklowaxpijin, japon toesaxael Dios pejtemploba. Xatis kofaxaesbej wajkabuananpox, Moisés chajia nakwewaelt poxbej’ —aech wut Esteban —aechi, buxlajat wut Esteban.

¹⁵ Judiospaklochow, asewbej jaxot chalaki, japi Esteban taen wut, xabich natachaemari, Esteban pejxu masoxtat xabich itliak xot. Me-ama Dios pej-angel pejxu wut, jaxu-aechon.

7

Esteban wuajnachaehtas wut, chiekal jumnotpox

¹ Esteban wuajnachaehtas wut sacerdotespaklokolan, jumtispon:

—¿Diachwuajnakolaxkat japi jiw jum-aechpox xamliajwa? —aechon Estebanliajwa.

² Do jawut, Esteban jum-aech judiospaklochowliajwa, asew jiwliajwabej: “Takoew, tajpaklochowbej, xan chiekal nanaewe'e! Wajwuajnapijin Abraham majt Mesopotamia tuajnu xot duk wut, chijiya-el wutfukon Harán paklowax poxade, wajDios, xabich pachaempon, japon natulaelt Abrahamxot. ³ Do jawut, Dios jum-aech Abrahamliajwa: ‘iNejjiw waelim! iNakoldebej nejtuajnu xot! iFulaem asatuajnu le! Japatuajnu xan itpaeyaxaelen’ —aech Dios Abrahamliajwa. ⁴ Do jawux, Abraham fulaech Caldea tuajnu poxade. (Japatuajnu asawul Mesopotamia.) Abraham fulaech dukaliajwa Harán tuajnu xot. Jaxot duk wut, Abraham pax tur. Do jawux, Abraham Dios to'as chijiyaliajwapon ampatuajnu leldin, amwutjel xatis duilstuajnutat. ⁵ Abraham chaxduslesal ampatuajnu pejtuaajnu liajwa. Jumduchlax, japon tur wut, pamojiw chaxdusliajwas ampatuajnu. Dios japox jum-aech wut, Abraham xi-jilfukon. ⁶ Dios chajia jum-aechbej Abrahamliajwa: “Namojiw duilaxael asatuajnuapijiw pejtuaajnu xot. Japatuajnu xot esclavos wulxaeli. Nabist

wut, xabich nabichaxaeli japatuajnapijiwliajwa. Jachiyaxaeli cuatrocientos waechan, duil wuti japatuajnuxot” —aech Dios Abrahamliajwa. ⁷ Do jawut, jumtisbejon: ‘Xan kastikaxaelen namojiw tato'laxaespi malech tanbichliajwa. Namojiw nakolaxael wut japatuajnuxot, pat wuti ampatuajnuxot, xan nakawuajnafulaxaeli nasitaeyaxtat’ —tis Abraham, Dios chajia jumtis wuton. ⁸ Abraham Dios keto'as puexa paxi, poejiw, circuncidaliajwa, Dios pejmarkaxliajwapi, japox pejkabuananliajwabejpi. Abraham japox is nejchaxoelafulaliajwa Dios kajachawaesfulaspox. Samata, Abraham circuncida paxulan, Isaac, ocho matkoiyan xent wut nalaelttox Dios pejmarkaxliajwapon. Do baxael, asamatkoi, Isaac paxulan, japon pawul Jacob, ocho matkoi wut nalaelttox, japonbej circuncidas. Do baxael, Jacob doce paxipon. Japi kaenanala nalaela wut, japibej circuncidas. Baxael, Jacob paxi docepi, japi pamojiw docemutjeji puexa” —aech Esteban.

⁹ Esteban pejme jum-aech: “Jacob paxi, japi wajwuajnapijiw, japi nusasiawal pakoewan José. Ja-aech wut, japi mowa José asajiwtat José esclavoliajwa, jiw fulaechpi Egipto tuajnu poxade, japixot José mowas. Pe José Dios chalas. ¹⁰ José Egipto tuajnuxot nabijat wut, Dios chiekal kajachawaesfulas. Dios kajachawaechbej José xabich matabijsliajwa. Samata, faraón, puexa Egipto tuajnapijiw tato'lan, xabich nejchachaemil Joséliajwa. Ja-aech wut, faraón wulduw José paklonaliajwa, puexa Egipto tuajnu tataeflaliajwapon, faraón pejbabej tataeflaliajwapon” —aech Esteban.

¹¹ Esteban pejme jum-aech: “José wulduws wut paklonaliajwa, do jawux, kaeswapich waechan wut, puexa Egipto tuajnapijiw, Canaán tuajnapijiwbej, xabich nabijat, naxaeyaxan ajil wut. Wajwuajnapijiw japamatkoitat nabijatbej, naxaeyaxan piach ajil xot. ¹² Japamatkoiyan, majt naxaeyaxan ajila-el wutfak, José nabichow to'a trigobulan tamejaliajwa pin-iawaechantat. Do jawux, posata xabich naxaeyaxan ajil wut, Jacob wultaen Egipto tuajnuxot trigo mowapoxan. Samata, Jacob to'a paxi Egipto tuajnu poxade trigo wuajsliajwapi. Do jawut, Jacob paxi fulaech wut trigo wuajsliajwa, jawut japi matabija-eli José, taen wutipon. ¹³ Do jawux, pejme fulaech wut José pakoew trigo wuajsliajwa, jawut José tapaei pakoew matabijsliajwaspon. Ja-aech wut, faraón matabijt José pakoew. Matabijtbejpon acha-aton José. ¹⁴⁻¹⁵ Do jawut, José buxxato'a pax fulaeliajwadin, dukaliajwapon Egipto tuajnuxot. Do jawut, Jacob, paxi swapich, pamojiw swapichbej, puexa japi buflaenpon Egipto tuajnu poxadin. Dolisi, japatuajnu pat wut, jaxot Jacob, paxi swapich, duil. Jawut, puexa xajus wut, setenta y cincopi. Jacob xabich pin-iawaechan duk wut Egipto tuajnuxot, japatuajnuxot tɔplison. Jacob paxi, wajwuajnapijiwpi, japatuajnuxot tɔpaful. ¹⁶ Jacob tɔp wut, chaxfollisipon Siquem paklowax poxade, Abraham chijia wuajtsat poxade. Japasat Hamor paxi mowa Abrahamxot. Jaxotde Jacob muthtas muaxwuajtat” —aech Esteban.

¹⁷ Esteban pejme jum-aech: “Do jawux, pin-iawaechan wut, Abraham pamojiw xabich pin-iakola Egipto tuajnuxot, mox pawuajna wut Dios chajia jumdutpox Abrahamliajwa. ¹⁸ Moxsful wut Dios jumdutpox Abrahamliajwa, japamatkoiyan asan rey tato'al puexa Egipto tuajnapijiw. Japon rey matabijs-el José chajia ispojan. ¹⁹ Samata, japon rey babijaxan is wajwuajnapijiwliajwa. Japon pijaxtat wajwuajnapijiw xabich nabijat. Japi paxi, poejiw, nalaela wut, pelsax keto'as. Beyax weketo'asbejpi, kaes

xabichfulasamata. ²⁰ Japamatkoiyan wut, Moisés nalaelt. Japon xabich chimian. Dios nejchachaemil japonliajwa. Moisés pax, pen swapich, tataeflas batat tres juintjeliajwa. ²¹ Do jawut, Moisés chaduch wut mintat, faraón paxulow chafit chaxti' aliajwa, me-ama paxulankolan wut, jachiliajwapow. ²² Samata, Moisés itpaeis Egipto tujnupijiw matabijtpoxan. Moisés naksiya wut jiwliajwa, chiekal naksiyapon. Xajupbejpon xabich isliajwa” —aech Esteban.

²³ Esteban pejme jum-aech: “Moisés cuarenta waechan wut, nejchaxoelon: ‘Tajjiw, israelitas, taeyaxaelen’ —aechon, nejchaxoel wut. ²⁴ Do jawut, Moisés fulaech wut, taenon Egipto tujnupijin, israelitaton xabich selt wut. Samata, Moisés chamamot. Jawut Egipto tujnupijin boesapon. ²⁵ Do jawut, Moisés nejchaxoel: ‘Tajjiw, israelitas, pajut matabijaxael Dios nakajachawaesaxaelpox japi jukaliajwan Egipto tujnuxot’ —aech Moisés, nejchaxoel wut. Pe israelitas japox nejchaxoela-ellax, Moisés nejchaxoelpox. ²⁶ Do kandiawa wut, Moisés taen, kolenje israelitas naba wut. Jawut Moisés kefiat wut, jum-aechon: ‘Xamal nakaejiwam nabeliajwam. ¿Ma-aech xotkat nakaewa nabam?’ —aech Moisés. ²⁷ Matxoelatwadutpon nabeyax, japon fiasaba Moisés. Do jawut, jum-aechon Moisésliajwa: ‘¿Achankat xam wulduw tajpaklonaliajwam? ¿Achankat xam wulduwbej tajjueznamliajwa, xanal babijax isx wut natasalaliajwam? ²⁸ ¿Xanbejkat wulnaboesam? ¿Me-ama kaeliw Egipto tujnupijin boesam, jachisiamkat xanliajwa?’ —aechon matxoelatwadutpon nabeyax Moisésliajwa. ²⁹ Moisés japox jumtaen wut, najaeton atuj Madián tujnupoxade. Jaxotde Moisés dukon. Dolison, japatujnuxot pawis fit. Do jawux, Moisés kolenje paxulan” —aech Esteban.

³⁰ Esteban pejme jum-aech: “Moisés cuarenta waechan duk wut Madián tujnuxot, asamatkoi, pajilaxxot mox laeja wut pinamuxxot, pawulxot Sinaí, jaxotde naech tamdadut. Jawut Dios, me-ama ángel, jitat natulaelt. ³¹ Moisés japox taen wut, chiekal natachaemton. Kaes mox chiekal fulaech wut, Dios jum-aech naechxotdin Moisés jumtaeliajwa. ³² Jum-aechon: ‘Xanlap nejwujnapijiw pejDiosnan. Abraham, Isaac, Jacobbej, xan japi pejDiosnan’ —aech Dios Moisés jumtaeliajwa. Do jawut, Moisés xabich tathulal pejlwut. Samata, kaes natachaems-elon. ³³ Do jawut, Dios jum-aech Moisésliajwa: ‘Jolde nejtuakxajoelax, tajwujnawalel nukam xot! ³⁴ Xan taenx tajjiw, israelitas, Egipto tujnuxot xabich nabijat wut. Jumtaenxbej japi pejnoeyaxan. Samata, xamxot paskax japi jukaliajwan Egipto tujnuxot. ¡Xabua't! ¡Kaes moxmin xanel! Xam to'axaelen Egipto tujnupoxade’ —aech Dios Moisésliajwa” —aech Esteban.

³⁵ Esteban pejme jum-aech: “Moisés nejweslas xot, israelitas jum-aechi Moisésliajwa: ‘¿Achankat xam wulduw tajpaklonaliajwam? ¿Achankat xam wulduwbej tajjueznamliajwa, xanal babijax isx wut natasalaliajwam?’ —aechi Moisésliajwa. Jatis wut Moisésliajwa, Dios, me-ama ángel natulaelt wut naech tamdadutxot, Moisés nakiowa to'as Dios Egipto tujnupoxaliajwade, israelitas pejpaklonaliajwapon, japi jukaliajwabejpon Egipto tujnuxot. ³⁶ Do jawux, Moisés juk wajwujnapijiw Egipto tujnuxot. Koechaxan isbejpon Dios pijaxtat Egipto tujnuxot, Mar Rojoxotbej. Pajilaxtatbej duil wuti cuarenta waechan, jaxotbej Moisés koechaxan is Dios pijaxtat. ³⁷ Moisés chajia jum-aech israeli-

tasliajwa, Dios buxto'as wuton: 'Me-ama Dios xan nato'a, jachiyaxesbej kaen xamalxot asamatkoi. Japon Dios to'axaes profetaliajwa' —aech Moisés Dios pijaxtat, chajia jum-aech wuton Cristoliajwa. ³⁸ Moisés, wajwujnapijiw suapich, chajiakolaxtat natameja pajilaxxot, pinamux, Sinaimuxxot. Do jawut, Moisés julach japamux matwujase. Jaxotse Dios pajut jum-aech, ángeltat, Moisés jumtaeliajwa. Do jawux, Moisés naewujajan wajwujnapijiw Dios jum-aechpoxan, japi naexaxisliajwa, amwutjel xatisbej naexaxisliajwas" —aech Esteban.

³⁹ Esteban pejme jum-aech: "Wajwujnapijiw kaxa nawesia Egipto tujnu poxade, japi nejwesla xot Moisés. Naexaxisfula-elbejpi Moisés jum-aechpox. ⁴⁰ Moisés asalel wut, wajwujnapijiw jum-aech Aarónliajwa: 'Isde ídolos, japi, me-ama wajdioses nakchawujnamatxoelaliajwa, xatis fos wut! Matabija-esal Moisésliajwa ja-aechpox, japon nakjukpon Egipto tujnuxot' —aech wajwujnapijiw Aarónliajwa. ⁴¹ Do jawut, Aarón, japi suapich, ispon ídolo, me-ama pakxulax. Do jawut, choef xua'ati japox ídololiajwa. Me-ama Dioskolan pej-ofrendaliajwa wut, ja-aechi. Do jawux, fiesta ispi sitaeliajwapi ídolo, pajut ispox. ⁴² Samata, jawut Dios nadijan wajwujnapijiwxot. Dios tapaeis japi kawujnalapaliajwa ithaej. Japoxliajwa profeta chajia lel Dios jum-aechpox:

'Xamal israelitas, pajilaxxot xamal laelpam wut cuarenta waechan, choef xua'asfulam ofrenda isliajwam. Pe japa-ofrenda xanliajwael.

⁴³ Xamallax xananuamtam ídolo pejbach, kawujnaliajwam japabachtat. Kaeyax nej-ídolo japox nejdios, pawul Moloc. Asax nej-ídolo pawul Refán. Japoxan najut isampoxan, kawujnaliajwam. Samata, tapaejaxaelen asajiw xamal buflaeliajwa atuj, Babilonia paklowax kaes pejme atuj poxade' —aech Dios jum-aechpox profeta chajia lelxot" —aech Esteban.

⁴⁴ Esteban pejme jum-aech: "Wajwujnapijiw duil wut pajilaxxot, xananuamti Dios pejba, Dios kawujnaliajwa japabatat. Japaba choefbu'ba. Moisés matxoela itpaeis Dios, japaba isliajwa wut, makechiyaxaelon. Do jawux, Moisés keto'a wajwujnapijiw japaba isliajwa. Dolisi, japaba islisi. Me-ama Dios keto'as Moisés isliajwa japaba, islisi japoxtat. ⁴⁵ Do baxael, wajwujnapijiw puexa pajilaxxot tujpaful wut, namaefulpi, japiwich naliaxa japaba xananuamsliajwa. Do jawux, Josué wajwujnapijiw buflaen wut ampatujnuxot duilaliajwa, japababej xapati. Japamatkoiyantat Dios pejkajachawaesaxtat wajwujnapijiw kefe'kaful wujna duili pejsatan. Do baxael, rey David Israel tujnupijiw tato'al wut, japabafuk nakiowa. ⁴⁶ Dios xabich nejchachaemil Davidliajwa. David xabich isasia Dios pejtemploba, israelitas Dios kawujnaliajwa japatemplobat. ⁴⁷ Pe Dios ketapael David isliajwa Dios pejtemploba. Dioslax keto'a David paxulan, pawulpon Salomón, japon isliajwa Dios pejtemploba. ⁴⁸ Dios kaes pejme paklokolan. Japon duk athuxotse. Duka-elon jiw is bachantat. Japoxan profeta chajia lel, Dios jum-aech wut:

⁴⁹⁻⁵⁰ 'Xan tato'lax puexa athuxotse, ampathatatbej. Xan nawewe'pael tajba damlathulaliajwan, xan tajut puexa isx xot. Samata, ¿achabakat nawe-isaxaelam?' —aech Dios, profeta lelxot" —aech Esteban.

⁵¹ Esteban pejme jum-aech: “¡Xamal matnaetinkam! Samata, Dios tato'alpox pomatkoicha naexasis-emil. Xamal nejxasinka-emil Dios pej-jamechan jumtaeliajwam, naexasisliajwambej. Espíritu Santo tato'alpox naexasis-emil pomatkoicha. Samata, xamal najuram, nejwajnapijiw, suapich. ⁵² Nejwajnapijiw babijaxan is puexa profetasliajwa. Japibej beful profetas, chapaefuli Cristo pasaxaelpox, xabich pachaempon. Do baxael, Cristo pajut pat wut, xamal asajiwxot wiatam japon kemata-matlaliajwas cruztat tupaliajwa. ⁵³ Moisés to'as ángeles japon lelaliajwa Dios pejtato'laxan jiw naexasisliajwa japoxan jum-aechpoxan. Pe xamal japoxanbej naexasis-emil” —aech Esteban judíospaklochowliajwa, asew judíoslíajwabej.

Esteban ia'tat dadaps wut, matkaejabaspor

⁵⁴ Judíospaklochow, asew judíos suapich, jumtaen wut, puexa Esteban jum-aechpoxan, xabich palalapi. Palala xot, xabich bua'tatiti. ⁵⁵ Esteban Espíritu Santo pejkajachawaesaxtat athu natachaemse wut, taenon Dios pej-itliakax. Jawut taenbejpon Jesús, nuk wut Dios poklalel. ⁵⁶ Do jawut, Esteban jum-aech:

—¡Tae'nik! Taenx Diosxotse nafafasepox. Taenxbej Jesús, puexa jiw pakoewkolan, nuk wut Dios poklalel —aech Esteban.

⁵⁷ Judíospaklochow, asewbej japixoti, pajut naekuantakuka kaes naewes-elaliajwapi Esteban jum-aechpoxan. Do jawut, japi xabich pinjametat nejlat. Nejlat wut, puexa jiw itadukpas Esteban jaelsliajwas. ⁵⁸ Paklowaxxot juch wut, ia'tat dadaepaxaeli, japi jol pejsumtanaxoe. Pansian, pawurpon Saulo, japonxot owapi pejsumtanaxoe, japoxan japon tataeflaliajwa. Do jawux, Esteban ia'tat dadaps.

⁵⁹ Esteban ia'tat dadaps wut, kawuajanpon Jesús. Kawuajan wut, jum-aechon: “Tajpaklon Jesús, itaj-ael nawebuflaem xam poxase!” —aech Esteban. ⁶⁰ Do jawut, brixtat nuk wut, pinjametat jum-aechon: “Tajpaklon, jampi jiw xam nabej kastike', is xoti ampababijax xanliajwa!” —aech Esteban. Japox jum-aech wut, Esteban turlison.

8

Saulo wulwekafulpox jaelaliajwa Jesucristo pejwujajan naexasiti

¹ Esteban matkaejbas wut, Saulo xabich nejchachaemil. Samata, nejchaxoel wut, jum-aechon: “Xabich pachaemdo', Esteban tur wut” —aechon, nejchaxoel wut. ² Pe Jesucristo pejwujajan naexasiti xabich wunowpi Esteban tuppoxliajwa. Asew poejiwxot, xabich pachaempi Diosliajwa, japi Esteban mutht. Xabich wunowbejpi. ³ Do jawut, judíospaklochow tuduti wulwekax jaelaliajwa Jesucristo pejwujajan naexasiti Jerusalén paklowaxxot, japi kastikaliajwas. Saulobej wulwekaful naexasiti Jesucristo pejwujajan. Bachan lalowpon jaelaliajwa poejiw, watho'bej. Jaela wut, buflaechon jiw jeba poxade. Samata, Jesucristo pejwujajan naexasiti dukp asapaklowaxanlel, asatujnuchanellebej. Asew japixot dukp asapaklowaxan poxade Judea tujnuxot. Asew japixot dukpbej Samaria tujnu poxade. Apóstoleslax dukpa-el. Japi nakiowa kaweta duil Jerusalén paklowaxxot.

Jesucristo pejwujajan naexasiti naewujajanpox Samaria tujnupijiw

⁴ Jerusalén paklowaxxot dukpi, japi pat wut asapaklowaxanxot, japapaklowaxanpijiw naewuajanpi chimiawuajan, Jesucristo pejwuajan. Jaso x ja-aechi jiw naexasisliajwa, Dios bu'weliajwasbejpi. ⁵ Dukpixot kaen, najaeton kaepaklowax, pinjiyax, poxade, Samaria tuajnu poxade. Japon pawul Felipe. Japapaklowaxxotde wuton, japapaklowaxpijiw naewuajanpon Jesucristo pejwuajan. ⁶ Japi jiw natameja wut, puexa chiekal naeweti Felipe naewuajanpox. Japi taenbej, Felipe is wut koechaxan Dios pijaxtat. ⁷ Xabich jiw, dep webaespi pejmatpuatanxot, japi Felipe boejthut Dios pijaxtat. Samata, dep nakola wut jiw pejmatpuatanxot, pinjametat na-oe'bala. Xabich nabejkpibej, japi chiekal laelp. Asew jiw, laelpaxilpibej, japi puexa chiekal boejthuch. ⁸ Samata, japapaklowaxpijiw xabich nejchachaemil.

⁹ Japapaklowaxxot aton duk. Japon pawul Simón. Japon pinjoe'an. Xabich jiw naekichachajbapon pinjoe'axtat. Jum-aechfulon, jiw naekichachajba wut: "Xan xajux jiw boejthusliajwan. Kaes asan ajil, me-ama xan jason" —aechfulon. ¹⁰ Puexa jiw, japi jiw kejipli, kemaenkibej, chiekal naewechpon. Japon jiw naewech wut, jiw jum-aech Simónliajwa: "Simón Dios kajachawaech xot, xajux japoxan isliajwa" —aechi.

¹¹ Japi jiw japon naexasisfulas, pinjoe'axtat pomatkoicha jiw naekichachajba xot. ¹² Pelax Felipe naewuajan Dios pejjamechan, Dios puexa pejiw tato'laxaelwuajan. Naewuajanbejpon chimiawuajan, Jesucristo pejwuajan. Jiw naexasit wut Felipe naewuajanpox, japi bautisas, poejiw, watho'bej. ¹³ Do jawut, Simón, me-ama diachwujnakolax Jesucristo pejwuajan naexasit wut, ja-aechon. Do jawut, japonbej bautisas. Jawut Felipe pejnachalan nadofapon. Felipe koechaxan isful wut Dios pijaxtat, Simón japoxan taen wut, xabich nejchaxoelon.

¹⁴ Apóstoles, Jerusalén paklowax xoti, wultaen wut, Samaria tuajnupijiw chiekal naewetox Dios pejjamechan, japi apóstoles to'api Pedro, Juan suapich, taeliajwapi Samaria tuajnupijiw, naexasiti Jesucristo pejwuajan. ¹⁵⁻¹⁶ Pedro, Juan suapich, pat wut Samaria tuajnuaxot, Espiritu Santo pas-elsikfuk japi pejmatpuatanxot. Jesucristo pejwultakal bautisas. Samata, Pedro Dios kawuajan, Juan suapich, Espiritu Santo pasliajwa japi pejmatpuatanxotsik. ¹⁷ Dios kawuajan wuti, ke-owapi jelnaexasiti pejta'antat. Do jawut, Espiritu Santo pask japi pejmatpuatanxotsik.

¹⁸⁻¹⁹ Simón japox taen wut, jum-aechon apóstolesliajwa:

—¡Nejpamamax xan naduajde xanbej koechaxan isliajwan! Xamal mosaxaelen platatat, xanbej ke-otx wut asew jiw pejta'antat pasliajwasik Espiritu Santo japi pejmatpuatanxot —aech Simón.

²⁰ Do jawut, Pedro jumnot wut, jum-aechon Simónliajwa:

—Xam jumch nejchaxoelam wuajsliajwam platatat, Dios malech nachaxdutupox. Samata, Dios fo'axael xam infierno poxadik. ¡Nej nafa'e'bej nejew plata! ²¹ Xam nabichaximil Dios pejbichax, nejnejchaxoelax chiekal pachaema-el xot Diosliajwa. ²² ¡Kofde japababejnechaxoelax! ¡Dios xabich kawuajande xam beltaeliajwa nejchaxoelampoxliajwa, xam kastika-elaliajwa Dios! ²³ Xan matabijtax xam xabich nusasiawlam Jesucristo pejwuajan naexasitiliajwa. Babijax xam tapae-el isliajwam pachaempoxan. Samata, babijaxtat xam, me-ama asan aton matak wut, ja-am. Jasoxtat isaximil pachaempoxan —aech Pedro Simónliajwa.

²⁴ Simón jumnot wut, jum-aechon Pedroliajwa:

—¡Dios nawekawñajande xam najum-ampox jachisamata xanliajwa! —aechon Pedroliajwa.

²⁵ Do jawux, Pedro, Juan swapich, japi chapaei taenpoxan, majt Jesús isropoxan. Do jawux, japi naewñajanbej jiw Dios pejjamechan. Do jawuxbej, asapaklowaxanxot, Samaria tuajnuxot, naewñajanpi chimiawñajan, Jesucristo pejwñajan. Do jawux, Pedro, Juan swapich, kaxa nawech Jerusalén paklowax poxade.

Felipe bautisapox Etiopía tuajnujijn

²⁶ Do jawux, Dios pej-ángel pask Felipexot. Pask wut, jum-aechon Felipeliajwa: “¡Thilde! ¡Xabua'de surlél japot nuamt, Jerusalén paklowaxxot fulaechpot Gaza paklowax poxaliajwade!” —aech ángel. Japot nuamt xende pajilax poxakal. ²⁷ Do jawut, Felipe thilt wut, fulaechlison. Japon nuamtat wut, Felipe taen Etiopía tuajnujijn. Japon plata tataeflan. Etiopía tuajnujijwipaklokolo w pejew plata puexa tataefulpon. Japon majt Jerusalén paklowax poxade Dios pejtemplobatat Dios kawñajnalajwa. ²⁸ Nawia'an wuton pejtujnu poxade, Etiopía tuajnujijn xaljoeful carrozatutat profeta Isaías chajia lelpox.

²⁹ Felipe japon taen wut, jawut Espíritu Santo to'ason. Espíritu Santo jum-aech: “¡Xabua'de! ¡Mox pa'mich japacarroza!” —aech Espíritu Santo. ³⁰ Felipe moxde wut, jumtaenlison, Etiopía tuajnujijn xaljoeful wut Isaías chajia lelpox. Do jawut, Felipe kawñajnachaemt wut, jum-aechon:

—¿Xamkat xaljowampox jummatabijtam? —aechon. ³¹ Etiopía tuajnujijn jumnot wut, jum-aechon:

—¿Machiyaxaelamkat xan chiekal jummatabijsliajwan, asan aton ajil wut xan chiekal nachanaekabñanaliajwa? —aechon.

Do jawut, Etiopía tuajnujijn tadut Felipe julaliajwa japon pej-carrozatat kaeyaxtat chalakaliajwapi. ³² Etiopía tuajnujijn xaljow Jesúsliajwa chajia jum-aechox:

“Japon buflaeyaxaes boesaliajwas. Me-ama oveja bu'fos xua'asba poxade, jachiyaxaeson. Japon boejlachaxaelbej, bu'fos wut. Me-ama ovejas boejlach nuil, bu'latasiaplapi pejwñajnalel wut, jachiyaxaelbej japon.

³³ Nabijasaxaelon, babijax is-elpon kastikaxaes wut.

Paxi ajil xot, japi pejwñajan, pamojiwbej pejwñajan, ajilaxael. Jachiyaxaeson, boesaxaes xot” —aech Etiopía tuajnujijn, xaljow wut Isaías chajia lelpox Jesúsliajwa.

³⁴ Do jawut, Etiopía tuajnujijn wñajnachaemt wut, jum-aechon Felipeliajwa:

—¡Najum-amde! Ampox profeta lelox, ¿achanliajwakat jum-aechox? ¿Pajutliajwakat jum-aechon? O, ¿asanliajwakat jum-aechon? —aech Etiopía tuajnujijn.

³⁵ Do jawut, Felipe chiekal chanaekabñana Isaías chajia jum-aechpox Jesúsliajwa. Jawutbej chiekal chanaekabñanapon chimiawñajan, Jesucristo pejwñajan. ³⁶ Do jawut, kaes chaflaech wut, carrozatat xensliajwa wut minxot, jawut Etiopía tuajnujijn jum-aech:

—Ama min. ¿Pachaemkat xan nabautisaliajwam? —aechon.

[³⁷ Felipe jumnot wut, jum-aechon:

—Xam chiekal naexasitam wut Jesucristo pejwñajan, pachaem xam bautisaliajwan —aech Felipe.

Etiopía tuajnujijn jumnot wut, jum-aechon:

—Xan chiekal naexasitx diachwɛajnakolax Jesucristo Dios paxɛlan — aechon.]

³⁸ Do jawɛt, Etiopía tɛajɛpijin keto'a pamakan japon frenaliajwa kawaɛi. Carroza okjaba wɛt, japi nana carrozaxot. Fɛlaechlisi minade. Do jawɛt, Felipe bautisa Etiopía tɛajɛpijin. ³⁹ Minwɛx, pɛt jul wɛt, Felipe masoxtat naxaelcha, Espírítu Santo bɛ'fos xoton. Etiopía tɛajɛpijin kaes tae-el Felipe. Dolisdo', Etiopía tɛajɛpijin chaflaech pejtɛajɛnɛ poxade. Pejba pa'a wɛt, xabich nejchachaemilon. ⁴⁰ Felipe, Espírítu Santo bɛ'fos wɛt, bɛflaechpon Azoto paklowax poxade. Japaklowaxxot wɛton, Felipe asapaklowaxanlel mathɛnafɛl naewɛajɛnafɛlaliajwa chimiawɛajan, Jesucristo pejwɛajan. Cesarea paklowaxxot pat wɛt, jaxotde Felipe naman.

9

Saulo naexasitpox Jesucristo

(Hch 22.6–16; 26.12–18)

¹ Saulo bɛxkofs-el thiyafɛlpox Jesucristo pejwɛajan naexasiti. Samata, fɛlaechon sacerdotespaklokolan poxade. ² Sacerdotespaklokolanxot, Saulo jɛm-aech: “iNawelelde kaesɛapich carta xan xalaeliajwan Damasco paklowax poxade, kaenanɛla judíos naewɛajɛnabachan tataɛfɛlpi itpaeliajwan japacartan! ¡Japacartantat nato'im xan jaxotde jaelaliajwan naexasiti Jesucristo pejwɛajan, poejiw, watho'bej! Japi jaelax wɛt, ampalel, Jerusalén paklowaxleldin, bɛflaeyaxaelen jiw jebatat jeliajwas” — aech Saulo sacerdotespaklokolanliajwa. ³ Do jawɛt, japacartan welels wɛt, xalaechon Damasco paklowax poxade. Japapaklowax mox wɛt, chalechkal xabich itliakjala athɛsik japonxot. ⁴ Itliakjala wɛt, Saulo jɛwal satadik. Jawɛt jɛmtaenlison athɛsik jɛmtiskaspoxx. Jɛmtison:

—Saulo, Saulo, ¿ma-aech xotkat xan nachakifolam? —tison.

⁵ Saulo wɛajɛnachaemt wɛt, jɛm-aechon:

—Tajpaklon, ¿achanamkat xam? —aechon.

Jɛmnoch wɛt, jɛmtispon:

—Xan Jesús, xam nachakifolamponan. ⁶ ¡Nande! ¡Fɛlaemch Damasco paklowax poxade! Jaxotde asan aton xam jɛmchiyaxael isaxaelampoxli-ajwa —tis Saulo.

⁷ Saulo sɛapich, foli, japox xabich beljatas. Aton pejjamekal jɛmtaenpi. Pe chinax tae-eli aton, naksiyapon. ⁸ Saulo nant wɛt, natachaemt wɛt, tae-elon, itliakal xot. Tae-el xot, asew jiw makxafoson Damasco paklowax poxade. ⁹ Jaxotde pa'a wɛt, tres matkoi tae-elon. Jawɛt chinax naxae-elbejpon. Fe-elbejpon min.

¹⁰ Damasco paklowaxxot duk aton. Japon pawɛl Ananías. Japon chiekal naexasit Jesucristo pejwɛajan. Ananías masoxtat jɛmtaen Jesús pejjame. Jawɛt Jesús jɛm-aech Ananíasliajwa:

—¡Ananías! —aechon.

Ananías jɛmnot wɛt, jɛm-aechon:

—Tajpaklon, xan ama amxotx —aechon.

¹¹ Jesús jɛm-aech:

—¡Nande! ¡Xabɛa'de paklowaxlelde, pawɛl Matnochthialax! Japathialaxxotde, jaxotde Judas pejbaxot wɛajɛnachaemsaxaelam: ‘¿Amxotkatlap Saulo duk, Tarso paklowaxpijin?’ —chiyaxaelam, wɛajɛnachaemtam wɛt. Amwɛtjel Saulo Dios kawɛajan. ¹² Dios kawɛajan wɛt, masoxtat xam taenpon. Taenbejpon, xam patampox japon dukxot.

Taenbejpon, xam ke-otam wut japon pejta'tat. Do jawut, pejme chiekal taenpon —aech Jesús Ananíasliajwa.

¹³ Ananías japox jumtaen wut Jesús jum-aechpox, jawut jum-aechon:

—Tajpaklon, xabich jiw nachapaei Sauloliajwa. Wultaenxbejpon xabich babijaxan ispox xam nejwujajan naexasitiliajwa Jerusalén paklowaxxot. ¹⁴ Japon ampalel to'anas sacerdotepaklochow, puxa xam nejwujajan naexasiti jaelaliajwa, buflaeliajwabejpon jiw jeba poxade —aech Ananías Sauloliajwa.

¹⁵ Pe Jesús jum-aech:

—¡Xabua'de! ¡Wulwekde Saulo! Xan japon makafitx tajwujajan naewujajnafulaliajwapon asajiw asatujajnuhanpijiw, japi pejreyesbej, Israel tujajnupijiwbej. ¹⁶ Xan tajaxtat Saulo xabich nabijasaxael, naewujajan wuton tajwujajan judíos-eli —aech Jesús Ananíasliajwa.

¹⁷ Do jawut, Ananías fulaech Saulo duk poxade. Jaxot pa'a wut, ba lowpon. Jawut, ke-ot wut Saulo pejta'tat, jum-aechon:

—Takoewan Saulo, wajpaklon Jesús, japon taenampon, jumtaenamponbej, fulaeman wut nuamtat, japon xan nato'a pasliajwan xamxot. Jasoxtat Jesús nato'a xam pejme chiekal taeliajwam, Espiritu Santo xam kajachawaesfulaliajwabej —aech Ananías Sauloliajwa.

¹⁸ Do jawut, Saulo pej-itfutxot koloeyax wejops, me-ama baxibok, jasox. Do jawut, Saulo pejme chiekal taen. Nant wut, bautisaslison.

¹⁹ Do jawut, xael wut, pejme chiekal pachaemlison. Jawut Damasco paklowaxxot Saulo dukfuk, naexasiti Jesucristo pejuwujajan suapich, kaematkoiyon suapichliajwa.

Saulo naewujajanpox Jesucristo pejuwujajan Damasco paklowaxpijiw

²⁰ Saulo tudut naewujajnalijwa Jesucristo pejuwujajan judíos naewujajnaabachaxot. Naewujajan wut, jum-aechon: “Jesús diachwujajnakolax Dios paxulan” —aechon. ²¹ Japi jiw japox jumtaen wut, xabich natachaemapi. Nakaewa najum-aechi:

—Saulo majt Jerusalén paklowaxxot chakifol jaelaliajwa naexasiti Jesucristo pejuwujajan. Japon chakifulaen amxot naexasiti Jesucristo pejuwujajan jaelaliajwa, sacerdotepaklochowxot woeyaliajwa Jerusalén paklowaxxot —na-aech jiw nakaewa.

²² Saulo jiw naewujajan wut Jesucristo pejuwujajan, pejlwla-elon naewujajan wut. Chiekal naewujajanbejpon Jesús diachwujajnakolax Dios to'aspon jiw bu'welialijwa. Judíos, japi duili Damasco paklowaxxot, xajupa-el buxmalechaliajwapi Saulo naewujajanpox.

Saulo wiapox judíosxot

²³ Do jawux, pin-iamatkoiyon wut, Damasco paklowaxxot judíos nejchaxoel boesaliajwapi Saulo. ²⁴ Pomatkoicha, pomadoichabej, Saulo wawech jiw nakokolaxot paklowaxxot boesaliajwas. Japapaklowax tathoetlel ia'kal chaxxajajials. Japox xabich da'nik. Xabich athubejpoj. Saulo jumtaen jiw isaxaespoj japonliajwa. ²⁵ Madoi wut, Saulo pejnachala chakakofnas canastatat xajajialslelsik tathoetlel. Jatis wut, Saulo wia.

Saulo apóstolesxotpox Jerusalén paklowaxxot

²⁶ Saulo Jerusalén paklowaxxot pat wut, naknatamejasiapon, naexasiti Jesucristo pejuwujajan suapich. Pe japi asbuan jumch pejlwla japonliajwa. Jumch nejchaxoeli japonliajwa: “Saulo bej najiamjebej

Jesucristo pejwajaan naexasitpox” —aechi Sauloliajwa, nejchaxoel wut. ²⁷ Pe nakiowa, Bernabé pejewla-el Sauloliajwa. Samata, buflaechon Saulo apóstoles poxade, japon chiekal matabijsliajwas apóstoles. Bernabé bu'pat wut Saulo apóstolesxot, jawut jum-aechon japiliajwa: “Saulo nuamtat fol wut, taenon Jesús. Jumtaenbejpon, Jesús jum-aech wut japonliajwa. Do jawux, Saulo Damasco paklowaxxot xabich pejewla-el, naewuajnaful wuton jiw Jesucristo pejwajaan” —aech Bernabé. ²⁸ Do ja-aech wut, Saulo naman apóstolesxot dukaliajwa Jerusalén paklowaxxot. Nanuamtbejpon, japi suapich. Saulo naewuajan wut jiw Jesucristo pejwajaan, xabich pejewla-elon. ²⁹ Saulo nospaei wut judíos suapich, japi naksiyapi griegojame, nabunlotbejpon japon naewuajanpoxliajwa. Samata, japi Saulo boesax nejchaxoel. ³⁰ Asew Jesús pejwajaan naexasiti, jumtaen wuti Saulo boesaxaesxot, japi buflaech Saulo Cesarea paklowax poxade. Jaxotde barkam duk fulaeyaxaelpox Tarso paklowax poxade. Japabarkamtat Saulo to'as.

³¹ Do jawux, Jesús pejwajaan naexasiti, Judea tuajnuapijiw, Galilea tuajnuapijiwbej, Samaria tuajnuapijiwbej, chiekal duil wuajanjilaxtat, kaes chakifulae-esal xot. Japi kaes Dios xanaboejaful kajachawaesfulaliajwas. Japibej isfal Dios nejxasinkpoxan. Do ja-aech wut, kaes xabichfal naexasiti Jesucristo pejwajaan, Espiritu Santo kajachawaesfulas xot.

Pedro boejthutpox Jesucristo pijaxtat pawulpon Eneas

³² Pedro mathun paklowaxan taeliajwapon naexasiti Jesucristo pejwajaan. Jawut fulaechbejpon Lida paklowax poxade. ³³ Jaxotde taenon aton. Japon pawul Eneas. Japon nabejkpox, ocho waechanlisox. Laejaxil xot, okon furbu'tat. ³⁴ Do jawut, Pedro jum-aech japonliajwa:

—Eneas, Jesucristo xam boejthasaxael. ¡Nande! ¡Najut nefurbu' chaemde! —aech Pedro.

Do jawut, Eneas nancha, chiekal boejthuls xoton. ³⁵ Puexa jaxot duili, Lida paklowaxpijiw, Sarón tuajnuapijiwbej, taeni majt nabejkpon, pachem wutlison. Do jawut, puexa japi naexasit Jesucristo pejwajaan. Do jawutbej, japi jiw kofa padujnejchaxoelaxan.

Dorcax tup wut, Dios mat-echpox pejme dukaliajwa

³⁶ Jope paklowaxxot pawis duk. Naexasitow Jesucristo pejwajaan. Japow pawul Tabita. Tabita —aech wut, griegojаметat, Dorcas — chiyaxael. Japow pomatkoicha is pachaempoxan asew jiwliajwa. Jiw kejila kajachawaetbejpow. ³⁷ Pedro Lida paklowaxxot wut, Dorcas bu'xaenk. Bu'xaenk wut, tupow. Dorcas tup wut, pejiw bu'kiachpow, me-ama japi pejkabuan. Do jawux, athu piezaxxotse osas. ³⁸ Jope paklowax mox Lida paklowaxxot. Pedro japapaklowaxxot. Naexasiti Jesucristo pejwajaan, japi wultaen Pedro Jope paklowaxxotpox. Samata, japixot kolenje to'as, japi wuljaesliajwa Pedro. Pa'a wuti Pedroxot, jum-aechi: “¡Xabua't! ¡Nabej nejthisle' Jope paklowax poxade xanal nakfulaeliajwam!” —aechi.

³⁹ Do jawut, Pedro nakfulaechlison japi. Pedro pa'a wut, bu'julachason patupow osas poxase. Jaxotse watho', pamaljiw naetupspi. Japi watho' xabich wunow Dorcas. Pedro low wut japapiezaxxot, japi watho' masajiachpon. Japi watho' itpaei Dorcas chaxduwspoxan, chabu'athowspxanbej, japow tupa-el wut. ⁴⁰ Do jawut,

Pedro puexa japi jiw nakolax to'a. Nakola wut, Pedro brixtat nuk Dios kawuajnalijwa. Jawut, Pedro patupow natachaemt wut, jum-aechon:

—Tabita, ¡najut mat-e'e! —aech Pedro.

Do jawut, patupow natachaemcha. Taen wutow Pedro, do jawut, pajut mat-etbejpow. ⁴¹ Pedro japow makafit nansliajwa. Do jawut, japow nant. Jawut Pedro la naexasiti Jesucristo pejwujajan, watho' pamal naetupspibej, itpaeliajwapon Dorcas mat-echpox pejme dukaliajwa. ⁴² Puexa Jope paklowaxpijiw japox wultaena. Samata, japixot xabich jiw naexasit Jesucristo pejwujajan. ⁴³ Pedro namanfuk pin-iamatkooyan Jope paklowaxxot. Pedro duk Simón pejbatat. Japon Simón pakbu'an chaemsan.

10

Pedro naewujajanpox Cornelio pejbatat

¹ Cornelio duk Cesarea paklowaxxot. Japon soldawpaklon. “Batallón Italiano” —tis japamutpijiw soldaw, japi Italia tuajnapijiw xot. ² Cornelio xabich pachaempon. Japon pijow, paxi, pamakjiw suapich, japi Dios naexasit. Jikajachawaeton judíos, japi kejlipi. Japon pomatkoicha Dios kawuajan. ³ Asamatkoi, a las tres wutlejen, Cornelio masoxtat taen Dios pej-ángel, pask wut japon pejbaxot. Do jawut, ángel jum-aech Corneliolijwa:

—¡Cornelio! —aechon.

⁴ Cornelio taen Dios pej-ángel. Do jawut, xabich pejlowlapon. Jawutbej, wujajnachaemt wut, jum-aechon:

—¿Achaxasiamkat? —aech Cornelio.

Ángel jumnot wut, jum-aechon:

—Xam kawuajnampox Dios jumtaen. Dios nejchachaemil xamliajwa, kajachawaesfulam xot kejila. ⁵ ¡Ma amwut, asew xamxot to'im Jope paklowax poxade japi wuljaesliajwa Simón! Japon asawul Pedro. ⁶ Simón duk pejwulxoelan pejbatat, pakbu'an chaemsan pejbatat. Japon pejba ek marbabu'tat —aech ángel.

⁷ Ángel japox buxtoet wut, athu poxasepon nawiase. Do jawut, Cornelio kolenje pamakan lapon. Labejpon kaen soldawan. Japon soldawan naexasitbej Dios. Japon soldawan chiekal isbejpon, Cornelio to'a wut. ⁸ Dolisdo', japi pa'an wut Cornelioxot, Cornelio japi chapaei puexa ángel jumtispor. Do jawux, japi to'apon Jope paklowax poxade, wuljaesliajwapi Pedro.

⁹ Kandiawa, juimt matnoch ek wut, japi mox falaen wut Jope paklowax pasliajwa, japi wujajna, Pedro julach ba matwujajase, najapnax poxase, Dios kawuajnalijwa. ¹⁰ Jawut Pedro litaxaela. Naxaeyax toejafaeluk japonliajwa. Do jawut, Pedro masoxtat taen, Dios kawuajan wut. ¹¹ Taenon athu fafachpox. Taenbejpon pinjiyax, me-ama sábanabu', falaeflik wut satlelsik. Japox sábanabu', me-ama nataelabuxsumkux wut, ja-aechox. ¹² Japasábanatutat nejmachchoef nuil. Jaxotbej jom, papunibej. ¹³ Do jawut, Pedro jumtaen jumtiskaspox athusik:

—Pedro, ¡nande! ¡Ampi choef bem xaeliajwam! —tis Pedro.

¹⁴ Pedro jumnot wut, jum-aechon:

—¡El, paklon! Xan choef chinax xae-enil chaemili, me-ama ampi choef, jasi, tajwujajnapijiw nakaechafiat xot, babijax isasamatan xamliajwa —aech Pedro.

15 Pejme athusik jumtiskas Pedro:

—Dios jum-aech wut: 'Pachaem xaeliajwa' —aech wut, j'apoxliajwa xam nabej jum-aech: 'Chaemil' —nabej aech! —tis Pedro.

16 Pedro keto'as tres veces japi choef beliajwapon, xaeliajwabejpon. Do jawut, japasábana atha poxase chajulafal, choef suapich. 17 Pedro xabich nejchaxoel, masoxtat taen wut sábanabu', choef suapich. Samata, Pedro jum-aech, nejchaxoel wut "¿Masoxkat Dios xan nachanaekabuanasia, taenx wut japox?" —aech Pedro, nejchaxoel wut. Pedro japox nejchaxoel wutfuk, Cornelio pamak patlisi bafafatat. Japi fulaen wutfuk, wuajnaemti jiw: "¿Amxotkat Simón pejba ek, pakbu'an chaemsan pejba?" —aechi. 18 Dolisi pat wuti Simón pejbaxot, pinjametat wuajnaemti wut, jum-aechi: "¿Ampabaxotkatlap Simón Pedro duk?" —aechi.

19 Pedro nakiowa nejchaxoelfuk japox ja-aechpoxliajwa bamatwuajtatse. Do jawut, Espiritu Santo jum-aech Pedroliajwa: "Tres aton pat. Japi pat xam wuljaesliajwa. 20 Samata, jnande! jBalaemik! jJapi nejmach nakfulaem! Xan japi to'anax xot, japi fulaen" —aech Espiritu Santo Pedroliajwa.

21 Pedro balaek wut, jum-aechon pa'anpiliajwa:

—Xanlap nawulwekamponan. ¿Ma-aech xotkat fulaeman? —aech Pedro.

22 Japi jumnot wut, jum-aechi:

—Xanal fulaenx, tajpaklon Cornelio nato'a xot. Tajpaklon, japon soldawpaklon, xabich pachaempon. Japon Dios naexasitbej. Judíos jum-aech wut japonliajwa, jum-aechi chimiajamechan. Puexa judíos nejxasinkasbejpon. Kaeliw Dios pej-ángel jumtispon: 'jAsew xam to'im japi wuljaesliajwa Pedro! Japon pa'an wut, jchiekal naewe'e japon xamal jumchiyaxaelpox!' —aech Dios pej-ángel Cornelioliajwa —aechi Pedroliajwa.

23 Pedro japox jumtaen wut, tapaeipon japi leliajwa ba. Do jawut, jatabatat namapi kaemadoiliajwa. Dolisdo', kandiawa wut, Pedro nakfol japi. Asewbej, naexasiti Jesucristo pejwuajan, Jope paklowaxpijiw, japibej nakfoli Pedro.

24 Kandiawa wut, Pedro pa'a Cesarea paklowaxxot. Japi wuajna, Cornelio, pejiwkola suapich, pejnachala suapichbej, tuadut natamejax japon pejbatat. Cornelio bu'wuajnowet pejiw Pedro pejpasaxliajwa. 25 Pedro pat wut Cornelio pejbaxot, Cornelio nakoldin bu'kulsliawapon Pedro. Do jawut, Cornelio brixtat nuk Pedro pejwuajnael, sitaeyaxtat chiekal bu'kulsliawapon. 26 Pe Pedro makafit Cornelio nansliajwa. Jawut Pedro jum-aech:

—jNande! jTajwuajnael xam brixtat nabej nuke'! Xan atonan. Me-ama xam, ja-an xan —aech Pedro Cornelioliajwa.

27 Pedro japox jum-aech wut Cornelioliajwa, japi lowlisi Cornelio pejba. Jaxot Pedro xabich jiw taen, japi wuajna natamejapi. 28 Do jawut, Pedro jum-aech:

—Xamal chiekal matabijam. Tajwuajnapijiw chajia lelox tapael nachalaliajwan, judíos-elpi suapich. Xanal natapae-elbej leliajwan judíos-eli pejbachaxot. Japoxan xanal judíos tajkabuan. Pe

amwutjel xan matabijtax Dios nafias-el japoxanliajwa. ²⁹ Samata, namak nawuljaet wut, asax pae-enil japiliajwa: 'Xan fulaeyaxinil' —ch-enil. Kamta nakfolx japi. Ma amwut matabijsasian, ma-aechxotkat nawuljaeti —aech Pedro, natamejapiliajwa Cornelio pejbatat.

³⁰ Cornelio jumnot wut, jum-aechon:

—Cuatro matkoilisoX Dios kawhajnapox tajbatat kaliax, ampahora wutlejen. Chalechkal natulaelt wut, me-ama aton, jason, japon najum-aech. Naxoelox xabich itliak. ³¹ Japon najum-aech: 'Cornelio, xam kawhajnapox Dios jumtaen. Dios nejkiowa-el xam kajachawaesfulampox kejila. ³² Samata, ito'im namak Jope paklowax poxade buflaeliajwadini Simón! Japon asawul Pedro. Japon duk pejwulxoelan pejbatat, pakbu'an chaemsan pejbaxot. Japon pejba ek mox marbabu'tat' —na-aech ángel. ³³ Samata, tamak kamta to'ax xam wulwekaliajwapi. Xam isam pachaempox tajjiwliajwa, nakfulaeman xot. Amwutjel xanal natamejlax Diosliajwa. Xanal puexa jumtaesian xam Dios buxto'apoxan xanal nanaewhajnalajwam —aech Cornelio Pedroliajwa.

Pedro naewhajanpox jiw Cornelio pejbaxot

³⁴ Dolisdo', Pedro tudut wut jiw naewhajnalajwa, jum-aechon:

—Amwutjel amprox matabijtax. Diachwajnakolax, Dios jiw taen wut, pothatapijiw puexa chiekal najupataenpon. ³⁵ Dios natxasisla-ele-el pothatapijiw, japi itpaei sitaeyax Diosliajwa, ispiwej pachaempoxan. ³⁶ Xamal matabijam Dios xato'a chimiawhajan, Jesucristo pejwhajan, xanal israelitasliajwan Dios nabeltaeliajwa, isx wut babijaxan. Japon Jesucristo, paklokolan puexa jiwliajwa. ³⁷ Xamal chiekal matabijambej Jesús ispoxan judiosliajwa japi pejtujnuchantat. Juan, jiw bautisan, naewhajnaful wut, japon jiw bautisafulbej. Japamatkoijan Jesús ispoxan tudut Galilea tujnuxot. ³⁸ Xamal chiekal matabijambej, Dios chaxdut Jesúsliajwa, japon Nazaret paklowaxpijin, Espíritu Santo. Dios chaxdutbej pejpamamax Jesúsliajwa. Samata, Jesús isful pachaempoxan jiwliajwa. Boejthufulbejpon jiw, nabijati Satanás pijaxtat. Diachwajnakolax Jesús xajup japoxan isfulaliajwa, chalas xoton Dios. ³⁹ Xanal taenx Jesús isfulpoxan Jerusalén paklowaxxot, Judea tujnuxot. Do jawux, asajiw Jesús kematamatlas cruztat tupaliajwa. ⁴⁰⁻⁴¹ Jesús tujp wut, tres matkoi wut, Dios mat-echpon pejme dukaliajwa. Do jawux, xanalxot natulaelton. Asew jiwxot natulaels-elon. Dios chajia xanal namakanot, asamatkoi Jesús taeliajwan, mat-ech wuton, pejme duk wut. Samata, Jesús xanalxot natulaelt, mat-ech wuton. Do jawut, xanal xaelx, Jesús suapich. Afxbej. ⁴² Jesús nabuxto'a xanal jiw naewhajnalajwan Dios wulduwpoX Jesús juezliajwa. Asamatkoi japon jiw babejchow pejlel diajkaxael. Diajkaxaelbejpon pejlel jiw pachaempi. Jachiyaxaelon jiw laelpiliajwa, jiw tupaliajwabej. ⁴³ Puexa profetas chajia jum-aechi Jesús pasaxaelpoxliajwa ampathatat. Japi jum-aechbej: 'Jiw naexaxisaxaelpi japon, japi Dios beltaeyaxaes babijaxan ispoxanliajwa' —aechbej profetas, chajia jum-aech wut —aech Pedro, jiw naewhajan wut Cornelio pejbatat.

Judíos-elpi pejmatpuatanxot paskpox Espíritu Santo

⁴⁴ Pedro naewhajan wutfak, jawut Espíritu Santo pask, Pedro naewhajanpox naeweti pejmatpuatanxotsik. ⁴⁵ Judíos, pati,

Pedro swapich, japi chajia naexasiti Jesucristo pejwujajan. Japi xabich nejchaxoelanuil, taen wuti Espiritu Santo paskpox judíos-eli pejmatpuatanxotsik. ⁴⁶ Japi matabija Espiritu Santo paskpox, naksiya xoti asajamechan, majt naksiya-eljamechan, japi jum-aechful xotbej Diosliajwa: “Xam xabich pachaemam” —aechful xoti Diosliajwa. ⁴⁷ Samata, Pedro jum-aech, japon swapich, patpi jumtaeliajwa: “Espiritu Santo fuloek Cornelioxotsik, pejjiwxotsikbej. Me-ama xatisliajwa, jatisbej judíos-elpiliajwa. Samata, japi jiw bautisas wut, xatis elchiyaxisal” —aech Pedro.

⁴⁸ Samata, Pedro to'a Cornelio, pejjiw swapich, bautisaliajwas Jesucristo pejwullat. Do jawut, japi jiw fiati Pedro namanaliajwa kaematkoi swapich japixot.

11

Pedro chapaeipox Jerusalén paklowaxpijiw, Dios buxto'aspox naewuajnalijwa judíos-eli

¹ Apóstoles, asewbej, naexasiti Jesucristo pejwujajan, Judea tuajnapijiw, japi wultaen judíos-eli chiekal naexasitox Jesús pejwujajan. ² Samata, Pedro pat wut Jerusalén paklowaxxot, asew judíos, naexasiti Jesucristo pejwujajan, japi loti Pedro. ³ Japi lot wut, jum-aechi Pedroliajwa:

—¿Ma-aech xotkat xam fulaemch taeliajwam judíos-eli? ¿Ma-aech xotbejkat, japi swapich, naxaelam? —aechi.

⁴ Do jawut, Pedro puexa chiekal chapaeiyax tuaduton, akasestat ja-aech wut japox. Jum-aechon:

⁵ —Xan Jope paklowaxxotx wut, Dios kawuajnax wut, masoxtat taenx. Taenx athusik fulalaeflik wut Dios kawuajnaxxotsik, sábanab' pinjiyax, me-ama nataelabuxsumkus wut, ja-aechox. ⁶ Xan chiekal taenx japasábanatutat nejmachchoef, jaxot nuil wut. Japi choef, cuatrotuakanpi, pejmachoeffbej. Jaxotbej jom, miabej. ⁷ Jumtaenxbej, athusik najum-aechsik wut. Japajame najum-aech: ‘Pedro, inandel! ¡Ampi choef bem xaeliajwam!’ —na-aech japajame. ⁸ Xan jumnotx wut, jum-an athusik najum-aechipox: ‘¡El, paklon! Xan japi choef chinax xae-enil, chaemili, me-ama ampi choef, jasi, tajwujnapijiw nakaechafiat xot, babijax isasamatan xamliajwa’ —an xan, athusik najum-aechsik wut. ⁹ Pejme najum-aech athusik: ‘Xan jum-anox: “Pachaem xaeliajwa” —anox, japoxanliajwa xam nabej jum-aech: “Chaemil” —nabej aech’ —aechsik athusik najum-aechsikpox. ¹⁰ Japox ja-aech tres veces. Do jawux, sábanabu', choef swapich, athu chajulaful. ¹¹ Do jawut, xan dukxxxot pat tres poejiw. Japi Cornelio pamak. Japi fulaen Cesarea paklowaxxot xan nawuljaesliajwa. ¹² Do jawut, Espiritu Santo nato'a japi jiw nejmach xan nakfulaeliajwan. Seis wajkoew, xan nafulchala, naexasiti Jesucristo pejwujajan. Do jawux, Cesarea paklowax patx wut, xanal, puexa folxpijin, lowx Cornelio pejba. ¹³ Cornelio nachapaei Dios pej-ángel natulaelt-pox japon pejbatat. Do jawut, Cornelio jumtis ángel: ‘¡Namak to'im Jope paklowax poxade, japi buflaeliajwadin Simón Pedro! ¹⁴ Japon pa'an wut, xam naewuajnaxaelon isaxaelampox Dios bu'weliajwa, nejjiw swapich’ —tis Cornelio Dios pej-ángel. ¹⁵ Xan tuadutx wut japi naewuajnalijwan, jawut, Espiritu Santo pask japi pejmatpuatanxot. Me-ama majt xatisxot

Espíritu Santo pask wut, jatisbej judíos-elpiliajwa. ¹⁶ Do jawut, xan ne-jchafaetx wajpaklon Jesús chajia nakjum-aechpox. Jesús chajia xanalliajwa najum-aech: ‘Diachwujnakolax majt Juan jiw bautisa mintat. Pelax Espíritu Santo pasaxael xamal nejmatpumatxotsik. Ja-aech wut, xamal, me-ama bautisaxaelam wut Espíritu Santo pijaxtat, jachiyaxaelam’ — aech Jesús, chajia xanal najum-aech wut. ¹⁷ Diachwujnakolax Dios to'ak Espíritu Santo judíos-elpiliajwabej. Me-ama xatisliajwa, jatisbej judíos-elpiliajwa. Samata, xan elchixaxinil, Dios japox is wut — aech Pedro, jumnot wut lotpiliajwa.

¹⁸ Jesucristo pejwujajan naexasiti, Jerusalén paklowaxpijiw, japox jumtaen wut, buxkofapi. Do jawut, Pedro kaes los-esal. Xabich ne-jchachaemillisi jumch Diosliajwa. Samata, jum-aechi:

—Diachwujnakolax, judíos-elibej Dios beltaens, kofa xot babijaxan ispoxan pachaemaliajwapi Diosliajwa. Samata, asamatkoi kaeyaxtat duilaxaes Diosxotse pomatkoicha — aech Jerusalén paklowaxpijiw.

Naexasitpox Jesucristo pejwujajan Antioquía paklowaxpijiw

¹⁹ Esteban ia'tat dadaps wut, tuj wutbejpon, do jawutbej, judióspaklochow tuadut chakifulaeyax Jesucristo pejwujajan naexasiti beliajwas. Samata, Jesucristo pejwujajan naexasitixot, asew dukp Fenicia tujajna poxade. Asew dukp Chipre tanaet poxade. Asew dukp Antioquía paklowax poxade. Dukpi japapaklowaxan poxade pat wuti, jaxot naewujajan chimiawujajan, Jesucristo pejwujajan, judioskal jumtaeliajwa. Judíos-eli naewujajna-esalfak. ²⁰ Asew naexasiti Jesucristo pejwujajan, Chipre tanaetpijiw, Cirene paklowaxpijiwbej, japi dukp wut, pati Antioquía paklowaxxot. Jaxot naewujajanpi chimiawujajan, wajpaklon Jesucristo pejwujajan, judíos-eliliajwabej. ²¹ Japi naewujajnaful wut Jesucristo pejwujajan, Dios kajachawaesfulas. Samata, xabich judíos-eli kofa pejwujajnapijiw naexasitpoxan. Japilax naexasit Jesucristo pejwujajan.

²² Naexasiti Jesucristo pejwujajan, Jerusalén paklowaxpijiw, wultaen judíos-eli, Antioquía paklowaxpijiw, naexasitox Jesucristo pejwujajan. Samata, Bernabé to'as taeliajwa Antioquía paklowaxpijiw. ²³ Bernabé pat wut Antioquía paklowaxxot, taenlison japi Dios kajachawaechpox. Samata, Bernabé xabich ne-jchachaemil. Do jawut, japon naewujajan puxa japi jiw kaes chiekal naexasisfulaliajwa Jesús pejwujajan. ²⁴ Bernabé xabich pachaempon. Xabich kajachawaesfulas Espíritu Santo. Xabich Dios xanaboejsfulbejpon. Samata, ja-aech wut, xabich jiw naexasit Jesucristo pejwujajan.

²⁵ Do jawux, Bernabé fulaechon Tarso paklowax poxade wulwekaliajwapon Saulo. ²⁶ Faen wut, japon suapich, kaxa nawen Antioquía paklowax poxadin. Do jaxot duillisi kaewaechliajwa Jesucristo pejwujajan naexasitixot. Japi xabich jiw naewujajan Antioquía paklowaxxot. Jesucristo pejwujajan naexasiti japapaklowaxxot matxoela jumtis japiliajwa: “Cristianos” —tisper.

²⁷ Japamatkoijan Bernabé, Saulo suapich, Antioquía paklowaxlel naewujajan wut, asew profetas, Jerusalén paklowaxpijiw, pat Antioquía paklowaxxot. ²⁸ Japi profetasxot, kaen pawul Agabo. Natameja wut naexasiti Jesucristo pejwujajan, jawut Agabo nant japixot jumchiliajwa Espíritu Santo buxto'aspox. Jawut jum-aechon: “Ampatujnuchanpijiw xabich litaxaelaxael, naxaeyaxan piach ajilaxael xot” — aech

Agabo. Baxael, diachwajnakolax japox ja-aech. Claudio, puexa Roma tujnupijiw tato'al wut, japamatkoiyantat japox ja-aech, naxaeyaxjilaxan. ²⁹ Dolisdo' japamatkoiyantat Judea tujnupijiw litaxaelaful. Samata, Antioquia paklowaxpijiw, naexasiti Jesucristo pejwujajan, kaenejchaxoelax plata xato'aliajwa naexasitiliajwa Jesucristo pejwujajan, Judea tujnupijiwliajwa. Kaenanula xajappoxtat owapi plata. ³⁰ Jasox ispi, plata owa wut. Do jawut, Bernabé, Saulo suapich, to'as japaplata xalaeliajwa Judea tujnux poxade chaxduiliajwapi ancianosxot.

12

Pedro jiaspox jiw jebatat

¹ Japamatkoiyantat Herodes, Judea tujnupijiw tato'lan, tudut babi-jaxan isliajwa Jesucristo pejwujajan naexasitiliajwa. ² Herodes keto'a pejsoldaw boesaliajwapi espadatat Santiago. Japon Juan pakoewan. Faens wut, boesaspon. ³ Herodes wultaen asew judíos xabich nejchachaemilox Santiago boesaspoxlajwa. Do jawutbej, Herodes keto'a pejsoldaw Pedrobej jaelsliajwas, Pascuamatkoi wut. Japamatkoitat judíos pan jixael, puthla-eli. Do jawut, Pedrobej jaeltas. ⁴ Pedro jaeltas wut, Herodes keto'a pejsoldaw Pedro jeliajwas jiw jebatat. Jiw jebaxot cuatromutje soldaw, japi naliaxafulaliajwa Pedro wesax. Kaenanula cuatromutjexot, jaxot cuatro soldaw. Herodes nejchaxoel wut, jum-aechon: “Pascuafiesta toep wut, Pedro jusaxaelen jiw jebaxot. Nosaxaelnon puexa jiw pejwujajnael tasalaliajwason” —aech Herodes, nejchaxoel wut. ⁵ Japox ja-aech Pedroliajwa, jiw jebatat jias wuton. Chiekal wesfulas wesamata. Do ja-aech wut, naexasiti Jesucristo pejwujajan xabich Dios kawujajnaful nejthuxat Pedroliajwa.

Pedro kajachawaechpox Dios pej-ángel weliajwapon jiw jebatat

⁶ Madoi wut, Pedro jiw jebatat nataelamuxwasixawaech cadenamuat, kolenje soldaw suapich. Pedro nejmach moejt kolenje soldawtat. Asew soldaw, kolenje, bafafa wesful. Kandiawa Herodes jiw pejwujajnael nosaxaelon Pedro. ⁷ Pe japamadoitat Dios pej-ángel chalechkal natulaelt Pedroxotsik. Natulaelt wut, jiw jebatu xabich itliakjala. Pedro thikas ángel nathiksliajwa. Jawut jumtispon: “¡Nande!” —tispon. Jawut kolemuatje, cadenamuat, Pedro pejmuxwasixot cadenamua jolpanik. ⁸ Do jawut, ángel pejme jum-aech Pedroliajwa: “¡Naxoelde! ¡Tuxaxajoeldebej!” —aechon. Pedro ow-aech ángel jum-aechpox. Do pejme jawut, ángel jum-aech: “¡Naxoeldebej nejsumta-osax! ¡Xan nakfulaem!” —aech ángel.

⁹ Pedro nejmach fulafol Dios pej-ángel, matabijs-elaxtat diachwajnakolax wut japox. Pedro japoxliajwa, me-ama xamoejt wut, ja-aechox. ¹⁰ Xenapi matxoelawetpon, soldawan, batufafaxot. Jawux xenapi asan, soldawan, wetpon. Pati taxdukafafa, anaelfafa. Japafafa nakolsliajwa paklowax poxaliajwade. Japafafa pajut nafafat japi wujajna. Samata, nejmach nakolapi. Do jawux, kaethialaxot lika wuti, Dios pej-ángel naxaelcha. Do jawut, Pedro tamachlison.

¹¹ Jawut Pedro pajut chiekal matabijt. Chiekal nejchaxoelison: “Amwutjel chiekal matabijt, Dios to'ak pej-ángel xan nabu'weliajwa Herodes pejsoldawxot. Puexa Herodes isaxaelpox xanliajwa judíos

pejwuaajnales, nabijasaxaelenpox, japoxliajwa Dios pej-ánel nabu'wia" —aech Pedro, nejchaxoel wut.

¹² Japox Pedro pajut chiekal matabijit wut, fulaecheon María pejba poxade. María, japow Juan pen. Japon asawul Marcos. Jaxotde xabich jiw natameja, Dios kawuajan xoti. ¹³ Pedro ba tathoetlel la wefafasli-ajwas. Do jawut, pansiw fulaen taeliajwa, achan la. Japow japabat nabistpow. Pawulow Rode. Dolisow jum-aechow:

—¿Achanamkat xam? —aechow.

¹⁴ Pedro jumnot wut, japow chiekal jummatbijit Pedro pejjame. Samata, japow xabich nejchachaemil, jumtaen wutow Pedro pejjame. Do jawut, bafafas-elow Pedro leliajwa. Jumch kaxade najae'epow batuchade batupijiw chapaeliajwa. Chapaei wut jum-aechow:

—¡Pedro bafafaxot nuk,tathoetlel! —aechow.

¹⁵ Japow jum-aech wut japox, batupijiw jumch jum-aech:

—¡Xam pawis na-acham! —aechipow.

Japow jum-aech:

—¡Diachwuaajnakolax Pedro nuk tathoetlel! —aechow.

Japi nakaewa najum-aech:

—¡El! ¡Japona-el! Kaen ánel, bej tataeflasponbej —aechi nakaewa.

¹⁶ Japi japox jum-aech wut, Pedro nakiowa laeful bafafaxot. Jawut bafafat wuti, taen wuti Pedro, japi xabich beljow. ¹⁷ Pedro kexachok'cha puexa jiw chiekal boejlachaliajwa. Jawut chapaeipon jiw jebaxot Dios juchpox. Do jawut, jum-aechon:

—¡Santiago chapaem xan wiaxpox, asewbej, naexasiti Jesucristo pejwuaajan! —aech Pedro.

Do jawux, Pedro nakolt wut japixot, fulaecheon asalel.

¹⁸ Do nalian wut, soldaw, matabija-eli, achax nejchaxoelaxaeli. Matabija-elbejpi, ma-aech Pedro weliajwa. ¹⁹ Herodes to'a pejsoldaw chiekal wulwekaliajwapi Pedro. Pe Pedro faena-esal. Pedro wia wut soldaw wesfulaspoxtat, japikal xabich wuaajnachaeamtas. Do jawux, Herodes asew soldaw kito'a Pedro wesfulaspi, japi soldaw beliajwas. Do jawuxbej, Herodes Judea tuaajnujxot nakolt. Fulaecheon Cesarea paklowax poxade, jaxotde kaematkoijan suapich dukaliajwa.

Herodes woejxaeyax chatuppox

²⁰ Herodes Cesarea paklowaxxot duk wut, palalapon Tiro paklowax-pijiwliajwa, Sidón paklowaxpijiwliajwabej. Herodes palala wut, pamak kefiaton naxaeyaxan xananuams-elaliajwa japapaklowaxpijiwliajwa. Samata, japapaklowaxanpijiw kaenejchaxoelax chiekal nospaeliajwa, Herodes suapich. Japi nospaesia, Herodes suapich, toepaliajwa Herodes palalapox, tapaeliajwabejpon naxaeyaxan xananuampi.

Herodes pejba tataefulpon, pawul Blasto. Japon chiekal xanaboejtas Herodes. Japapaklowaxanpijiw matxoela nospaei, Blasto suapich. Do jawux, buxto'api Blasto nospaeliajwa, Herodes suapich. Blasto ow-aech japi jum-aechpox. Do jawux, Blasto nospaei, Herodes suapich, toepaliajwa Herodes palalapox. ²¹ Herodes kaematkoi mark pasax tapaeliajwapon japapaklowaxanpijiw. Baxael, japi japonxot pa'an wut, Herodes wuaajna naxoel xabich chamoeyax, japanatamejaxliajwa. Tuae-kax pinjiyax, chamoeyaxtat,skon. Do jawut, Herodes piach naksiya japi jiwliajwa. ²² Do jawut, jiw nejla'laba wut, jum-aechfuli: “¡Dios xatisxot! Herodes naksiya wut, me-ama Dios naksiya wut, ja-aechon. Me-ama

aton naksiya wut, jachi-elon” —aechfuli, nejlat wut. Jasoxtat japi jiw nejla'bala Herodes nejchachaemlaliajwa japi jiwliajwa. ²³ Do jawut, Herodes buxfias-elxoton, jiw nejla'laba wut, japonliajwa: “¡Xan Dios-enil!” —chi-el xoton jiwliajwa, Dios pej-ángel ketison bu'xaenkaliajwa. Do jawut, Herodes woejxaeyax chatup, xabich thewin woejxaes xot.

²⁴ Pe Jesucristo pejwujajan naexasiti Dios pejjamechan potujajnucha xabich naewujajnaful. Samata, xabich jiw naexasit japawujajan.

²⁵ Bernabé, Saulo suapich, pejbichax toet wut, nakola Jerusalén paklowaxxot. Do jawut, nawenlisi Antioquía paklowaxlel. Nawen wut, japi bu'fol Juan. Japon asawul Marcos.

13

Bernabé, Saulo suapich, diajnaspoX Jesucristo pejwujajan naewujajnalialjwa asatujajnuchanpijw

¹ Antioquía paklowaxxot, naexasitixot Jesucristo pejwujajan, japixot asew profetas, asewbej judíos chanaekabuanapi. Kaen profeta pawul Bernabé. Asan pawul Simón. Japon asawul Pafoeyan. Asan pawul Lucio, Cirene paklowaxpijin. Kaen judíos chanaekabuanapon pawul Saulo. Asan pawul Manaén. Japon, Herodes suapich, yamxulan wut, kaebatat ti'tpon. Do baxael, Herodes chiekal ti't wut, wuldwuson Galilea tujajnupijiw tato'laliajwa. ² Asamatkoi, naexasiti Jesucristo pejwujajan culto is wut, japamatkoitat naxae-eli, Dios piach kawujajnalialjwa. Jawut Dios kawujajan wuti, Espiritu Santo jum-aech Dios kawujajanpiliajwa: “¡Bernabé, Saulo suapich, nawedijande! Xan bichax japiliajwa” —aech Espiritu Santo.

³ Do jawut, Jesucristo pejwujajan naexasiti, Dios kawujajnaX buxtoet wut, jawut ke-owapi Bernabé pejta'tat, Saulo pejta'tatbej. Jawut pejme japi Dios kawujajan Bernabé, Saulo suapich, kajachawaesfulaliajwaspi Dios. Do jawux, tapaeis Bernabé, Saulo suapich, fulaelialjwa isliajwa Dios pejbichax.

Bernabé, Saulo suapich, Chipre tanaetxotpoX

⁴ Bernabé, Saulo suapich, Espiritu Santo to'as xot, fulaechi Seleucia paklowax poxade. Jaxotde pa'a wut, barkam juli Chipre tanaet poxaliajwade. ⁵ Salamina paklowax chapat wut, Chipre tanaetxot, naewujajanlisi Dios pejjamechan judíos naewujajnabachaxot. Juan Marcos nakfolbej kajachawaesliajwapon japabichax, japi nabist wut.

⁶ Japi pat wut tanaetmatdukaxot, pati Pafos paklowaxxot. Jaxot wut, taeni judíos-aton. Japon pinjoe'an. Pawulon Barjesús. Japon xabich kichachajbamaenk. Jijum-aechbejpon: “Xan jum-an Dios nabuxto'apoxan” —ji-aechon. ⁷ Japon pinjoe'an kajachawaet Sergio Paulo, Chipre tanaetpijiw tato'lan. Japonbej matabijsmaenk. Dolisdo', Sergio Paulo wullala Bernabé, Saulo suapich, japi fulaeliajwadin japonlel, naewesasia xoton Dios pejjamechan. ⁸ Japon pinjoe'an, griegojamatat pawulon Elimas. Japon jum-aech babejjamechan Bernabéliajwa, Sauloliajwabej, Sergio Paulo naexasisasamata Jesús pejwujajan. ⁹⁻¹¹ Barjesús japox jum-aech wut Bernabéliajwa, Sauloliajwabej, jawut Saulo, japon pawul Pablo, chiekal natachaemt wuton Barjesúslija, Pablo jum-aech Espiritu Santo pijaxtat Barjesúslija:

—¡Xam kichachajbapijnam! ¡Babej isnam, Satanás paxɯɯnam! Puexa jiw is wɯt pachaempoxan, ¡xam japi padaelmanam! Dios pejjamechanli-ajwa xam jum-am: ‘Japox diachwɯajnakolaxa-el’ —am, xam naexasisas-iapili-ajwa, japi naexasisasamata Dios pejjamechan. Amwɯt, Dios xam kastikaxael itliaklaliajwam. Pin-iamatkoijan taeyaximil itliakax —aech Pablo Barjesúsliajwa.

Pablo japox jum-aech wɯt, Barjesús chalechkal kamta itliakal. Jawɯt wɯlwekon aton makxalaeliajwas. ¹² Do jawɯt, Sergio Paulo japox taen wɯt, naexasitlison Jesús pejwɯajan. Naexasit wɯt, nejchaxoelon: “Diachwɯajnakolax Jesucristo pejwɯajan xabich pachaem” —aechon, nejchaxoel wɯt.

Pablo, Bernabé swapich, naewɯajanpox Pisidia tɯajɯlel

¹³ Pablo, Bernabé swapich, Juan Marcos swapichbej, Pafos paklowaxxot juli barkam. Do jawɯt, chaflaechi Perge paklowax poxade, Panfilia tɯajɯxot chapasliajwa. Perge paklowaxxot chapat wɯti, jawɯt chalechkal Juan Marcos nadijan japixot nawiasliajwapon Jerusalén paklowax poxade. ¹⁴ Do jawɯt, Pablo, Bernabé swapich, nakola Perge paklowaxxot, Antioquía paklowax poxade, pasliajwa Pisidia tɯajɯlel. Jaxotde pa'a wɯt, napatamatkoi wɯt, japi low judíos naewɯajnabaxot. Jaxot chalaki.

¹⁵ Puexa chiekal chalak wɯt, chanaexaljowspi Moisés chajia lelpox. Chanaexaljowsbepi profetas chajia lelpoxan. Do jawɯt, japaba wetpi jum-aechi Pablolialjwa, Bernabéliajwabej:

—Takoew, xamal Dios pejjamechan xapatam wɯt, ¡xanal nanaewɯajande Dios kaes chiekal xanaboejalialjwan! —aechi.

¹⁶ Do jawɯt, Pablo nant naewɯajnalialjwa. Jawɯt mɯaxxachok'chapon puexa jiw boejlach chalakaliajwa. Jawɯt jum-aechon:

—Xamal judíos, ¡chiekal nanaewe'e! Xamal judíos-emili, sitaenampim Dios, ¡chiekal nanaewe'ebej! ¹⁷ Dios, japon xatis wajDios Israel tɯajɯnripijwasliajwa, japon chajia makanot wajwɯajnapijiw pejjiwali-ajwapon. Japi israelitas, Egipto tɯajɯxot duil wɯt, xabich pin-iati, Dios kajachawaesfulas xot. Do jawɯxbej, Dios pejkajachawaesaxtat wajwɯajnapijiw nakola japatɯajɯxot. ¹⁸ Do jawɯx, japi cuarenta waechan nanɯamt wɯt pajilaxxot, babijaxan isful wɯtbejpi, Dios boe-jtaliasful. Dios nakiowa tataeflaspi. ¹⁹ Wajwɯajnapijiw pejwɯajna, Canaán tɯajɯxot asajiw duil. Japi sietemɯt. Japi jiw xabich pin-iat. Pe nakiowa, Dios toet japi jiw, wajwɯajnapijiw chaxdusliajwas ampatɯajɯ. ²⁰ Jacob, paxi swapich, Egipto tɯajɯxot pat wɯti, cuatrocientos cincuenta waechan wɯt, Dios chaxdut ampatɯajɯ Jacob pamojw —aech Pablo, judíos naewɯajan wɯt.

Pablo kaes jum-aech: “Dios ampatɯajɯ chaxdut wɯt Jacob pamojw, do jawɯx, wɯlduwpon japixot asew juecesliajwa, japi judíos tato'laliajwa. Kaen juez tɯp wɯt, asan naliuxt juezliajwa. Xabich pin-iawaechan wɯt, Samuel, japon profeta, taxdukapijin juez. ²¹ Do baxael, israelitas Dios kawɯajan japixot Dios makafisliajwa kaen aton japi pejreylialjwa, tato'laliajwasbejpi. Samata, Dios wɯlduw Saúl, japon reylialjwa israelitas tato'laliajwapon. Japon Saúl, Cis paxɯlan, wajwɯajnapijin Benjamín pamon. Japon Saúl reypon cuarenta waechanliajwa. ²² Asamatkoi Saúl Dios juchpon reypon. Do jawɯt, Dios wɯlduw David japon reylialjwa. Dios jum-aech Davidliajwa: ‘David,

Isaí paxulan, xan nejchachaemlax xamliajwa, puexa chiekal nanaexasisfulam xot xan tato'laxpoxan' —aech Dios Davidliajwa. ²³ Do baxael, David pamojiwxot, kaen nalaelt. Japon pawul Jesús. Japon Dios to'as, xatis judíos nakbu'welijaw. Me-ama Dios chajia jumdut, ja-aechox. ²⁴ Jesús tuadus-el wutluk jiw naewuajna, majt Juan, jiw bautisan, puexa judíos naewuajnaful wut, jum-aechon: 'jKofim babijaxan isfulampoxan! jNaexasisfulde Dios tato'alpoxan! Ja-am wut, xamal bautisaxaelen' —aech Juan. ²⁵ Mox pawuajna wut Juan boesaxaesox, Juan chajia jum-aech: 'Xan Cristowa-enil. Wuajnawesfulampona-enil. Xanwux japon pasaxael, xamal wuajnawesfulampon. Japon kaes pejme pachaemaxael. Me-ama xan, jachiyaxilon. Samata, xan pachaema-enil japon pejtakxajoelax jolsliajwan. Pachaema-enilbej japon pamaknanliajwa' —aech Juan, chajia jum-aech wut Jesús pejpasaxliajwa —aech Pablo.

²⁶ Pablo pejme jum-aech: "Takoew, xamal Abraham pamojiwam, xamalbej judíos-emili, sitaenampim Dios, Dios nakto'a xatis naexasisliajwas ampajamechan nakbu'welijawabej babijaxan isaspoxan. ²⁷ Jerusalén paklowaxpijiw, japi paklochow, matabija-eli Jesús, japon Dios paxulanpon. Chiekal matabija-elbejpi profetas chajia lelpojan, chanaexaljows wut napatamatkoitat. Japi keto'a wut Jesús cruztat kematamatlialijwas, japox islisi, me-ama chajia profetas lelpojan jum-aech Jesúsliajwa. ²⁸ Jesús chinax babijax is-el. Samata, Jerusalén paklowaxpijiw, paklochowbej, faena-el Jesús tasalialijwapi. Japi taesia xot Jesús tuxax cruztat, japi wuljow Pilato, japon keto'alijwa pejsoldaw, japi soldaw cruztat kematamatlialijwapi Jesús. ²⁹ Jesús tux wut cruztat, puexa chiekal ja-aechlisox, me-ama profetas chajia lelpojan jum-aech Jesúsliajwa. Do jawux, asew kutipon cruzxot. Do jawut, otipon muaxwuajtat. ³⁰ Tres matkoi wut, Dios mat-et Jesús pejme dukaliajwa. ³¹ Do jawux, japamatkoiyan wut, Jesús natulaela pejnachalaxot, japi naknanuamti japon Galilea tuajnuaxot wut, Jerusalén paklowax poxade wutbej. Japi amwutjel naewuajnaful Jesucristo pejwuajan —aech Pablo judíos naewuajnatat.

³² Pablo pejme jum-aech: "Xanal amxotan xamal naewuajnalijwan chimiawuajan, Jesucristo pejwuajan, Dios chajiakolaxtat jumduxot wajwuajnapijiwliajwa. ³³ Xatis, wajwuajnapijiw pamojiws. Japi jumduxot, amwutjel xatis japox nakwepat. Dios mat-et Jesús pejme dukaliajwa. Me-ama chajia lelspxox segundo salmosfutat jum-aech, ja-aechlisox. Dios chajia jum-aechpox jum-aech: 'Xam taxulnam. Xan nej-axnan' —aechox segundo salmosfutat. ³⁴ Dios chajia jum-aech: 'Diachwuajnakolax xan isaxaelen chajia jumduxpox Davidliajwa' —aechon. Dios japox chajia jumdut wut, jum-aechon Jesús mat-esaxaespxolijwa pejme dukaliajwa, japon pejbu't xoepaxilpoxliawabej. ³⁵ Asafutatbej chajia jum-aechox Diosliajwa: 'Tapaeyaximil naxulan pejbu't xoepax' —aechox japafutat. ³⁶ Diachwuajnakolax David laeja wut ampathatat, naexasisfulon Dios tato'laspxox. Kajachawaesfulbejpon jiw. Do jawux, David tux wut, pejwuajnapijiw muthtasxot muthtipon. Do jaxot David pejbu't xoep. ³⁷ Pelax Jesús tux wut, mat-echpon Dios pejme dukaliajwa. Samata, xoepa-elon. ³⁸ Takoew, xamal matabijaxaelam naewuajna xapox Jesucristo pejwuajan. Jesús pijaxtat Dios nakbu'wia xatis. ³⁹ Naexasiti Jesucristo pejwuajan, Jesús pijaxtat Dios bu'weyaxaesi. Pelax Moisés chajia lelpojan pijaxtat

xatis japoxtat Dios nakbu'we-el. ⁴⁰ ¡Chiekal taem isasamatam babijaxan wejachisamata, me-ama profetas chajia lelpoxan jum-aech, Dios jum-aechpox:

⁴¹ 'Xamal jum-ampim babejjamechan xan jum-anpoxliajwa, ¡xan chiekal nanaewe'e jumchiyaxaelenpox! Laelpam wutfak, xan pinjiyax koechax isx wut, jiw japox xamal chapaei wut, diachwujnakolax xamal naexasisaximil. Xamal asbuan jumch xabich nejchaxoelanuilaaxaelam. Do baxael, tɔpam wut, napelsaxaelam Diosxot' — aech profetas lelpoxan, Dios chajia jum-aechpox! — aech Pablo, judíos naewuajnatat wut.

⁴² Pablo, Bernabé suapich, nakola wut judíos naewuajnabaxot, asew japixot, judíos-eli, japi jum-aech: "Asasemana wut, napatamatkoi wut, ¡jawut xanal pejme nanaewuajande japoxan!" — aechi. ⁴³ Natamejax toep wut, jiw nawia wut pejbachan poxade, xabich judíos, judíos-elibej, Pablo, Bernabé suapich, japi xabich jiw fulafos. Judíos-eli japi chiekal naexasit Dios, me-ama judíos chiekal naexasit wuti Dios, ja-aech judíos-eli. Pablo, Bernabé suapich, chiekal naewuajan fulafospi. Naewuajan wut, jum-aechon: "Dios xamal nejxasink xot, chiekal naexasifulaxaelam pomatkoicha chimiawuajan, Jesucristo pejuwajan, jumtaenamox" — aech Pablo, Bernabé suapich.

⁴⁴ Dolisdo', asasemana wut, pejme napatamatkoi wut, xabich jiw, japapaklowaxpijiw, natameja jumtaeliajwa Dios pejjamechan. ⁴⁵ Judíos taen wut puexa jiw natamejapox, jawut japi judíos palalapi, xabich jiw naewet xot Pablo naewuajanpox. Samata, Pablo naewuajanpoxliajwa jum-aechi: "¡E! Japon Pablo chiekal matabijs-ellejen" — aechi. Do jawut, Pablo bu'wuajanpaeisbejpon. ⁴⁶ Jawut Pablo, Bernabé suapich, jumnot wut, pejlewla-eli. Samata, jum-aechi judíosliajwa:

—Xanal matxoela naewuajnax xamal naexasisliajwam Dios, xamal judíoswam xot. Pe xamal nejxasinka-emil naexasisliajwam. Xamal nejchachaemla-emil pomatkoicha duilaxaelampoxliajwa Diosxotse. Samata, xamal kaes naewuajanaxinil. Xanal fulaeyaxaelen naewuajnalialjwan judíos-eli poxade. ⁴⁷ Xanal jasox jachiyaxaelen, Dios nabuxto'a xot. Dios chajia jum-aech xanalliajwa:

'Xamal, me-ama itliakam wut, ja-am, xamal makanotx xot tajjamechan naewuajnafalialjwam asatujnuchanpijiw. Puexa tajjamechan naexasiti, japi bu'weyaxaelen' — aech Dios, chajia jum-aech wut xanalliajwa — aech Pablo, Bernabé suapich, judíosliajwa.

⁴⁸ Judíos-eli japox jumtaen wut, xabich nejchachaemili. Samata, nakaewa jum-achnapi: "Xabich pachaem Dios pejjamechan" — na-achnapi nakaewa. Judíos-eli, puexa japixot Dios makanoch, japi Dios naexasit pomatkoicha duilaliajwa Diosxotse. ⁴⁹ Do jawux, puexa japatujnapijiw jumtaen Dios pejjamechan, naewuajnas wut. Japixot xabich jiw naexasit Dios. ⁵⁰ Ja-aech wut, asew judíos nejweslapi Pablo, Bernabé suapich. Samata, japi judíos nospaei, watho' suapich, japi watho' Dios sitaenpi. Japi watho' sitaensbej japapaklowaxpijiw. Japi judíos nospaeipibej, japapaklowaxpijiwpaklochow suapich. Japi judíos bu'wuajanpaei Pabloliajwa, Bernabéliajwabej, japapaklowaxpijiw palalaliajwa. Samata, paklochow, watho'bej, xabich palalapi. Do jawut, Pablo, Bernabé suapich, to'as fulaeliajwa asatujnulel. ⁵¹ Pablo, Bernabé suapich, to'as wut, japi matxoela tɔak-asta'a. Jasox ispi judíos pajut

chiekal matabijaliajwa, japi babijax ispox Diosliajwa, asalel to'as xoti babijaxtat. Do jawux, Pablo, Bernabé suapich, fulaech Iconio paklowax poxade. ⁵² Pe Antioquía paklowaxpijiw, Jesucristo pejwñajan naexasiti, xabich nejchachaemil, kajachawaesfulas xoti Espiritu Santo.

14

Pablo, Bernabé suapich, Iconio paklowaxxotpox

¹ Pablo, Bernabé suapich, Iconio paklowaxxot pat wut, lowpi judíos naewñajnabaxot, me-ama japi pejkabuan. Do jaxo, Jesucristo pejwñajan chiekal naewñajanlisi. Chiekal naewñajan xoti, xabich judíos naexasit. Xabich judíos-elibej naexasit. ² Asew judíos, naexasi-eli Jesucristo pejwñajan, asaxan jum-aechi Jesucristo pejwñajan naexasitiliajwa, japi judíos-eli ulataeliajwas. ³ Samata, Pablo, Bernabé suapich, pin-iamatkoiyan duil japapaklowaxxot. Pejlewla-eli naewñajan wut Jesucristo pejwñajan, matabija xoti Dios chalaspox. Pablo, Bernabé suapich, naewñajan Dios puexa jiw nejxasinkpox. Puexa jiw chiekal matabija japi jum-aechpoxan diachwñajnakolax, japi koechaxan is xotbej Dios pijaxtat. ⁴ Japapaklowaxpijiw kolenejchaxoelax. Asew japixot kaenejchaxoelax judíos jum-aechpoxliajwa. Asewlax japixot kaenejchaxoelax Pablo, Bernabé suapich, jum-aechpoxliajwa. ⁵ Do jawut, kaesapich judíos, judíos-elibej, kaenejchaxoelax, paklochow suapich, ia'tat dadaepiajwapi Pablo, Bernabé suapich, matkaejabaliajwas. ⁶⁻⁷ Pablo, Bernabé suapich, chapaeis japox isaxaespox japiliajwa. Samata, Pablo, Bernabé suapich, dukp Licaonia tñajñulelde, Listra paklowax poxade, Derbe paklowax poxadebej. Japapaklowaxan, moxxot asatñajñchanbej, japi mathunalap naewñajnalialjwa chimiawñajan, Jesucristo pejwñajan.

Pablo ia'tat dadapsopox Listra paklowaxxot

⁸ Listra paklowaxxot aton nabejkan, laejaxilon, ek. Chinax laejaxelon, nabejkax chanlaelt xot. ⁹ Japon naewesful Pablo naewñajanpoxan. Pablo chiekal natachaemt wut nabejkanliajwa, jawut Pablo matabijit nabejkan chiekal xanaboejtpox Dios boejthulaliajwaspon. ¹⁰ Samata, Pablo pinjametat jum-aech:

—jNande! —aechon nabejkanliajwa.

Jawut nabejkan matnoch nancha wut, diawjalapon. Do jawut, tñadutlison laejaliajwa. ¹¹ Jiw taen wut Pablo ispox, Licaonia tñajñapijiw tñaduti nejlasax. Nejlat wut, jum-aechi:

—jKolenje dioses pat xatisxot! jJapi jiw kabuan-aech! —aechi.

¹² Japi jiw jum-aech Bernabéliajwa: “Ampon dios, pawul Zeus” —aechi. Jum-aechbejpi Pabloliajwa: “Ampon dios, pawul Hermes” —aechi, Pablo kaes xabich naksiyamaenk xot. ¹³ Japapaklowax tathoetlel Zeus pejtemploba ek. Japi pejdios pawul Zeus. Zeus pejsacerdote kaemt tor bu'pat Pabloliajwa, Bernabéliajwabej, japapaklowax laleyaxot. Tor wñxamasajiach naetalan, xakoeyasi. Japon sacerdote, jiw suapich, japi tor xña'asasiapi ofrenda isliajwapi Pabloliajwa, Bernabéliajwabej. ¹⁴ Pablo, Bernabé suapich, japox taen wut, we-isaxaesox, jawut pejnaxoe thialbapi, nejwesla xot we-isaxaesopoxliajwa. Jawut fulaechlisi jiw natameja poxade. Jiwtutat wut, Pablo pinjametat wut, jum-aechon:

15 —¿Ma-aech xotkat xamal japox isaxaelam xanalliajwa? ¡Xanal diosenil! ¡Xanal jiwankal! Me-ama xamal, ja-an. Xanal fulaenx xamal naewñajnalijwan chimiawñajan, Jesucristo pejwñajan, kofaliajwambej isampoxan, xabich chaemil xot. ¡Kofim babijaxan isampoxan! Dios, athxotse dukpon, j Japon pejtato'lax naexasisfulde! Dios is thatbaxo, that, marbej. Isbejpon puexa taenspi thatbaxoxotse, thatlel, marxotbej. 16 Chajia wajwñajna Dios tapaei puexa jiw isliajwa pajut nejxasinkpoxan. 17 Dios isful pachaempoxan puexa jiwliajwa. Jasox Dios isful, jiw pajut chiekal matabijaliajwa, ma-aech Dios. Dios to'a iam thilnalijwa, wajnaxaeyaxan mñthaspi chiekal nakweti'sfulaliajwa. Jasoxtat Dios nakchaxduw naxaeyaxan chawñanejchachaemlaliajwas —aech Pablo sacerdoteliajwa, jiwliajwabej.

18 Pablo jum-aechpox japi jumtaen wut, nakiowa tor xña'asasiapi ofrenda isliajwas Pabloliajwa, Bernabé liajwabej. Chinlejchkolaxtat japox is-eli.

19 Jawñx judíos, Antioquía paklowaxpijiw, Iconio paklowaxpijiwbej, pa'an. Japi asaxan jum-aech japapaklowaxpijiwliajwa ñlataeliajwas Pablo, Bernabé ñapich. Ñlataens wut, Pablo ia'tat dadaps. Dadaps wut, taenlisipon. Me-ama tñp wut, ja-aechon. Samata, Pablo jolkas paklowax tathoetlel. 20 Pablo okxot masajiat Jesucristo pejwñajan naexasiti. Do jawut, Pablo nant. Jawutbej, pejme paklowax lowpon. Kandiawa wut, fñlaechon, Bernabé ñapich, Derbe paklowax poxade.

21 Derbe paklowaxxot Pablo, Bernabé ñapich, naewñajan chimiawñajan, Jesucristo pejwñajan. Jaxot xabich jiw naexasit Jesucristo pejwñajan. Pablo, Bernabé ñapich, pejme pa'an Listra paklowaxxot. Pejme pa'anbejpi Iconio paklowaxxot, Antioquía paklowaxxotbej. 22 Japapaklowaxanxot Pablo, Bernabé ñapich, pejme naewñajan. Samata, Jesucristo pejwñajan naexasiti xabich kaes pejme Dios xanaboejapi. Pablo, Bernabé ñapich, jum-aech: “¡Naexasisfulde Jesucristo pejwñajan! Diachwñajnakolax xatis xabich nabijasaxaes ampathatat. Do japoxwñx, pomatkoicha duilafñlaxaes Diosxotse” —aech Pablo, Bernabé ñapich. 23 Japapaklowaxanxot Pablo, Bernabé ñapich, poejiw makanoti, japi poejiw wñlduiliajwas ancianosliajwa, japi ancianos tataefñaliajwa naexasiti Jesucristo pejwñajan. Ancianos makanoch wut, jawut puexa jiw naxae-el Dios piach kawñajnalijwa kajachawaesfulaliajwas ancianos. Dios kawñajnax bñxtoet wut, Pablo, Bernabé ñapich, jum-aech ancianosliajwa: “Dios xamal kajachawaesfulaxael, achan xamal xanaboejampon” —aech Pablo, Bernabé ñapich.

Pablo, Bernabé ñapich, kaxa nawechpox Siria tñajñulelde, Antioquía paklowax poxade

24 Pablo, Bernabé ñapich, Pisidia tñajññ xena wut, pa'api Panfilia tñajññxot. 25 Jaxotde, Perge paklowaxxot, japapaklowaxpijiw naewñajanpi Jesucristo pejwñajan. Do jawñx, fñlaechi Atalia paklowax poxade. 26 Atalia paklowaxxot wut, Pablo, Bernabé ñapich, barkam jul Antioquía paklowax naweliajwa poxaliajwade, toet xotlisi nanñamtox Diosliajwa. Majt tñadusliajwa wut jiw naewñajnalijwa, nakolapi japapaklowaxxot, Antioquía paklowaxxot, Siria tñajñulel. Japamatkoï Pablo, Bernabé ñapich, nakolaliajwa wut, Jesús pejwñajan naexasiti, japi Dios kawñajan Pabloliajwa, Bernabé liajwabej, japi kajachawaesfulaliajwas

Dios, jiw naewuajnalap wuti. ²⁷ Do jawut, Pablo, Bernabé suapich, chapati Seleucia paklowaxxot. Do jawux, japi pat Antioquia paklowaxxot. Jaxotde natamejapi puexa naexasiti Jesucristo pejuwajan. Jawut Pablo, Bernabé suapich, chapaei puexa Dios ispox japiliajwa. Chapaeibejpi Dios tapaeipox judíos-eli naexasisliajwa Jesucristo pejuwajan. ²⁸ Pablo, Bernabé suapich, jaxot duili pin-iamatkoian, Jesucristo pejuwajan naexasitixot.

15

Jerusalén paklowaxxot apóstoles, ancianos suapich, natamejapox

¹ Japamatkoi wut, asew Judea tuajnapijiw pat Antioquia paklowaxxot. Japi jum-aech Jesucristo pejuwajan naexasitiliajwa: “¡Xamal circuncidaxaelam Dios pejmarkaxliajwa, me-ama Moisés chajia jum-aech! Circuncida-emil wut, Dios xamal bu'weyaxil” —aech Judea tuajnapijiw. ² Pablo, Bernabé suapich, japox jumtaen wut, kaenejchaxoelaxa-el Judea tuajnapijiw jum-aechpoxliajwa. Samata, nabu'naloti, Judea tuajnapijiw suapich. Do jawux, kaenejchaxoelaxa-el xoti, Antioquia paklowaxpijw, Jesucristo pejuwajan naexasiti, nakaewa najum-aech: “To'axaes Pablo, Bernabé suapich, asew xatisxotibej, Jerusalén paklowaxxot, jaxotde japi nospaeliajwa, apóstoles suapich, ancianos suapichbej, circuncidaxliajwa” —na-aechi nakaewaliajwa.

³ Samata, Pablo, Bernabé suapich, asew jiw suapichbej, to'as fulaeliajwa Jerusalén paklowaxxot. Japi fol wutfuk, Fenicia tuajnutot, Samaria tuajnutotbej, japatuajnutchanpijwliajwa, Jesucristo pejuwajan naexasitiliajwa, chapaeiful wut, jum-aechi: “Ampamatkoian judíos-eli, kofa pejuwajnapijiw pejkabanpoxan. Amwutjel japi naexasisful Dioskal” —aech Pablo, Bernabé suapich. Japatuajnutchanpijw japox jumtaen wut, xabich nejchachaemil.

⁴ Pablo, Bernabé suapich, asew jiw suapichbej, Jerusalén paklowaxxot pat wut, japi bu'kulas apóstoles, ancianosbej, asew Jesucristo pejuwajan naexasitibej. Pablo, Bernabé suapich, chapaei puexa japi ispoxan, Dios kajachawaesfulas wut. ⁵ Do jaxot kaesuapich fariseos nana, japi naexasiti Jesucristo pejuwajan. Nana wut, jum-aechi:

—Judíos-eli, naexasiti Jesucristo pejuwajan, japibej circuncidaxaes Dios pejmarkaxliajwa. To'axaesbejpi naexasisliajwa Moisés chajia lelpox —aech japi fariseos.

⁶ Apóstoles, ancianos suapich, natameja kaeyaxtat japikal chiekal nejchaxoelaliajwa circuncidaxliajwa. ⁷ Do jawux, piach nospaei wut, Pedro nant naksiyaliajwa. Jum-aechon:

—Takoew, xamal chiekal matabijam, Dios namakafit xamalxot chimiawuajan, Jesucristo pejuwajan, naewuajnalaijwan judíos-eli naexasisliajwa, japibej Dios bu'welaijwas. ⁸ Dios chiekal matabijt kaenanula jiw nejchaxoelpoxan. Dios nak-itpaei nejchachaemilpox judíos-eliliajwa, naexasit xoti Jesús pejuwajan. Samata, Dios to'ak Espiritu Santo japi pejmatpuatanxotaliajwabej, me-ama xatis, jachiliajwapi. ⁹ Dios nejxasink judíos-eli. Me-ama xatis naknejxasink wut, ja-aech Dios japiliajwa. Japibej beltaens Dios, naexasit xoti Jesús pejuwajan. ¹⁰ Samata, ¿ma-aech xotkat xamal nejxasinka-emil Dios ispox judíos-eliliajwa? Moisés chajia lelpox xabich tampoel jiw chiekal naexasisliajwa. Xatis judíos wajut chiekal naexasis-esalbej Moisés chajia lelpox.

Wajwɔajnapijiwbej chiekal naexasis-el japox. ¹¹ Xatis matabijas Dios naknejxasinkpox. Samata, wajpaklon Dios malech nakbu'wia Jesús pijaxtat. Jatislap-is judíos-elpiliajwa —aech Pedro.

¹² Puexa japi boejlach chiekal chalak. Jɔmtaeni Bernabé, Pablo sɔapich, chapaeipox, isful wɔti koechaxan Dios pijaxtat, naewɔajnaful wɔti judíos-eli pejpaklowaxanxot. ¹³ Naksiyax buxtoet wɔt, Santiago jɔm-aech apóstolesliajwa, ancianosliajwabej:

—Takoew xan chiekal, jnanaewe'e! ¹⁴ Simón Pedro chiekal nakjɔm-aech judíos-eli Dios kajachawaechpox, japi naexasit xot Jesús pejwɔajan. Samata, amwɔtjel chiekal matabijas, Dios tɔadut makanosliajwa judíos-eli, japi sɔapich, kaemɔtalijwas. ¹⁵ Japoxliajwa profetas chajia lelpox jɔm-aech judíos-eliliajwa: Japiliajwa Dios chajia jɔm-aech:

¹⁶ “Pejme fuloekx wɔt, xan puexa jiw kajachawaesxaelen japi chiekal nanaexasisliajwa. Me-ama chajiakolaxtat rey David, pejjiw sɔapich, chiekal nanaexasit, puexa jiw pejme jachiyaxaelbej.

¹⁷ Samata, judíos-eli xan nanaexasisaxael. Ja-aech wɔt, japi tajjiwaxael' —aech Dios, chajia jɔm-aech wɔt.

¹⁸ Jasox chajiakolaxtat wajpaklon Dios jɔm-aech xatis chiekal matabijaliajwas” —aech profetas chajia lelpox —aech Santiago apóstolesliajwa, ancianosliajwabej.

¹⁹ Santiago pejme jɔm-aech: “Xan nejchaxoelxpox judíos-elpiliajwa, amwɔt japox jɔmchiyaxaelen. Judíos-eli kofa pejwɔajnapijiw pejkabɔanpoxan Dioskal naexasisliajwa. Japi xatis kaes tato'laxisal Moisés chajia lelpoxan naexasisfulaliajwapi. ²⁰ Carta lelaxaes judíos-elpiliajwa fiasliajwas wewe'paspoxfuk. Japacartaxot lelaxaes kaechafiasliajwas choef xɔa'ataspi idololiajwa, japawi xaesamatapi. Lelaxaesbej fiasliajwas poejiw, asew watho' bu'moejsasamata. Lelaxaesbej kaechafiasliajwas choef, kachariamakɔspoxtat tɔpi, japawi xaesamatapi. Kaechafiasax-aesbejpi choef bu'alpi japawi xaesamatapi. Lelaxaesbej kaechafiasliajwas choefjlan fesamatapi. ²¹ Japacartaxot japoxan lelaxaes, Moisés chajia fiat xot japoxanliajwa. Pomatkoicha, napatamatkoijan wɔt, puexa paklowaxanxot jiw natameja wɔt, chanaexaljows Moisés chajia lelpox jiw naexasisliajwa. Wajwɔajnapijiw tɔaduw japox” —aech Santiago apóstolesliajwa, ancianosliajwabej.

Apóstoles, ancianos sɔapich, carta lelpox judíos-elpiliajwa

²² Apóstoles, ancianos sɔapich, asew Jesucristo pejwɔajan naexasiti sɔapichbej, kaenejchaxoelax carta lelpoxliajwa judíos-elpiliajwa. Samata, asew japixot makanoti, japi nakfɔlaeliajwa Pablo, Bernabé sɔapich, Antioquía paklowax poxade wɔt. Jawɔt makafich Judas. Japonbej pawɔl Barsabás. Makafichbej Silas. Japi kolenje chiekal sitaens Jesucristo pejwɔajan naexasitixot. ²³ Japi xalaeyaxaelcarta, japacartatat japi lelpox jɔm-aech:

“Takoew, xanal apóstoles, ancianos sɔapich, lelɔ ampacarta xamalliajwa. Xamal saludax, naexasitampim Jesucristo pejwɔajan, judíos-emilpim, Antioquía paklowaxpijwam, Siria tɔajɔnɔpijwambej, Cilicia tɔajɔnɔpijwambej. ²⁴ Xanal wɔltaenx asew judíos, xanalxoti, pa'apox xamalxotde. Japi xamalxot pa'a wɔt, naewɔajan asaxan. Samata, xamal japox naewɔajan wɔt, chiekal matnoch nejchaxoela-emil, naexasitam wɔt Jesucristo pejwɔajan. Pe xanal japi to'a-enil xamal poxade.

25-26 Samata, xanal natamejax wut, kaeyax nejchaxoelx. Do jawut, xanalxot makafitx Judas, Silas swapich, japi xamal taeliajwa. Japi kolenje fulaech wut xamal poxade, fulaeyaxaelbej Bernabé, Pablobej, xamal taeliajwa. Bernabé, Pablo swapich, japi wajkoew, xanal xabich nejxasinkax japi. Japi nanuamt xabich chachoxelxot, wajpaklon Jesucristo pijaxtat nanuamt xoti. ²⁷ Puexa japi pat wut xamalxot, Judas, Silas swapich, chiekal chanaekabuanaaxael xanal lelxpox xamalliajwa. ²⁸ Xanal, Espiritu Santo swapich, kaenejchaxoelax. To'axinil xamal isliajwam tampoelpoxan. Fiatxlax asaxan isasamatam pachaema-elpoxan. ²⁹ Samata, inabej xae' pawí, choef, xua'ataspi idolosliajwa! ¡Choefjalan nabej fe'bej! ¡Nabej xae'bej pawí, choef, kaechariamakuspoxtat tãpi! ¡Asew watho' nabej bu'moejsbej! Japoxan naexasisfulam wut, ja-am wut, chiekal duilaxaelam. Ajil kaes asaxan xamal jumchiliajwan. Dodo'. Ma amxot ampox toep" —aech carta, japi xalaeyaxaelpox.

³⁰ Do jawux, Jerusalén paklowaxpijiw, Jesucristo pejwuajan naexasiti, japi to'a Judas, Silas swapich, nakfulaeyaxaeli Bernabé, Pablo swapich, Antioquía paklowax poxade. Japi pat wut japapaklowaxxot, tameja japapaklowaxpijiw, naexasiti Jesucristo pejwuajan. Do jawut, carta chaxduti natamejaxtat. ³¹ Antioquía paklowaxpijiw xaljow wut carta, xabich nejchachaemil, chiekal chanaekabuana xoti japacartatat. ³² Judas, Silas swapich, japibej profetas. Japi naewuajan wut Antioquía paklowaxpijiw, japapaklowaxpijiw xabich nejchachaemil Dios kaes xanaboejapoxliajwa. Ja-aech wut, kaes Dios naexasitbejpi. ³³ Do jawux, pin-iamatkoijan toep wut, Judas, Silas swapich, thilt, jiw to'as poxade naweliajwa. Japatuajnu xot nakolaliajwa wut, Jesucristo pejwuajan naexasiti kejachaspi. Do jawut, jmtispi: "¡Dios xamal chiekal nej chale!" —tispi. ³⁴ [Jawut Silas namanasia xot, jaxot namanpon.] ³⁵ Pablo, Bernabé swapich, Antioquía paklowaxxot namafukis. Japi, xabich asew jiw swapichbej, chiekal chanaekabuana Jesucristo pejwuajan. Naewuajnafulbejpi japawuajan.

Pablo, Bernabé swapich, pejme fulaeyaxaelpox naewuajnalijwapi jiw Jesucristo pejwuajan

³⁶ Do jawux, pin-iamatkoijan wut, Pablo jum-aech Bernabélijwa:

—Pejme fulaeyaxaes taeliajwas wajkoew, naexasiti Jesucristo pejwuajan. Majt naewuajnasxot Jesús pejwuajan, japapaklowaxanpijiw pejme taeyaxaes, ma-aechi, amwutjel duilaful wut —aech Pablo.

³⁷ Do jawut, Bernabé nejchaxoel buflaeliajwapon Juan Marcos. ³⁸ Majt Juan Marcos bu'fol wuti, japon asbuana jumch nawiat, Panfilia tuajnu xot wuti. Samata, Pablolialjwa chiekal wepachaema-esal pejme buflaeliajwapon Juan Marcos. ³⁹ Pablo, Bernabé swapich, kaenejchaxoelaxa-el wut buflaeliajwapi Juan Marcos, do jawut, Pablo, Bernabé swapich, nadija. Jawut Bernabé bu'fol Juan Marcos. Do jawut, Bernabé, Juan Marcos swapich, juli barkam Chipre tanaet poxaliajwade. ⁴⁰ Do jawutbej, Pablo makafit Silas chalaliajwas. Asew japixot Dios kawuajan kajachawaeslijwas Pablo, Silas swapich, jiw naewuajan wut. Do jawux, japibej chijia. ⁴¹ Pablo, Silas swapich, jiw naewuajan Jesucristo pejwuajan naexasiti, Siria tuajnu pijiw, Cilicia tuajnu pijiwbej, kaes pejme chiekal naexasisliajwapi Dios.

16

Timoteo chalapox Pablo, Silasbej

¹ Pablo, Silas sʉapich, pa'a Derbe paklowaxxot. Do jawux, Listra paklowax poxadepi. Jaxotde wʉt, kaen taeni. Japon pawul Timoteo. Japon chiekal naexasit Jesucristo pejwʉajan. Pen judíos-atow. Japow chiekal naexasit Jesucristo pejwʉajan. Timoteo pax griegoton. ² Naexasiti Jesucristo pejwʉajan, Listra paklowaxpijiw, Iconio paklowaxpijiwbej, jum-aechi chimiajamechan Timoteoliajwa. ³ Pablo nejchaxoel buflaeliajwa Timoteo. Samata, jum-aechon Timoteoliajwa: “Keto'axaelen xam circuncidaliajwa, me-ama xanal judíos, xam jachiliajwam. Ja-aech wʉt, judíos xambej chiekal bu'kulaxaeli. Fulaeyaxaeslel xabich judíos maenk. Nej-ax griegoton xot, xampi matabijaxael circuncida-emilpox” —aech Pablo Timoteoliajwa. Samata, Timoteo circuncidas. ⁴ Do jawux, Pablo, Silas, Timoteo sʉapich, follisi. Kaenanula paklowaxanxot pa'a wʉt, japi chiekal chanaekabuana naexasiti Jesucristo pejwʉajan. Japi chiekal chanaekabuana apóstoles, ancianos sʉapich, Jerusalén paklowaxxot natameja wʉt fiatpoxanliajwa. ⁵ Samata, naexasiti Jesucristo pejwʉajan kaes pejme chiekal naexasiti. Kaematkoisful jiw kaes naexasisful Jesucristo pejwʉajan.

Pablo masoxtat taenpox Macedonia tʉajnuɸijin

⁶ Pablo, Silas, Timoteo sʉapich, Espiritu Santo tapae-esal naewʉajnalialjwa Jesucristo pejwʉajan Asia tʉajnuɸot. Samata, japi matnoch xena Frigia tʉajnu, Galacia tʉajnuɸej. ⁷ Japi pat Misia tʉajnumatdukkxot. Jaxot pat wʉt, fulaesiapi Bitinia tʉajnuɸoxade. Pe pejme tapae-esal Espiritu Santo. ⁸ Samata, matnoch xenapi Misia tʉajnu. Do jawux, pati Troas paklowaxxot, marbabu'tat. ⁹ Troas paklowaxxot madoi wʉt, Pablo masoxtat taen, Macedonia tʉajnuɸijin nuk wʉt. Xabich tadut wʉt, jum-aechon: “jXabu't Macedonia tʉajnuɸeldin xanal nakajachawaesliajwam!” —aech Macedonia tʉajnuɸijin. ¹⁰ Pablo japox taen wʉt, kamta thilton Macedonia tʉajnuɸoxaliajwade. Xan Lucas jawutbej thiltax. Xanal nakaewa najum-an: “Diachwʉajnakolax, Dios nakwʉllala xatis naewʉajnalialjwas chimiawʉajan, Jesucristo pejwʉajan, japatʉajnuɸijin” —na-an xanal.

Pablo Filipos paklowaxxotpox, pejnachala sʉapich

¹¹ Troas paklowaxxotan wʉt, xanal julx barkam. Matnoch chafolx Samotracia tanaet poxade. Kandiawa wʉt, xanal chapatx Neápolis paklowax. ¹² Jaxotan wʉt, fulaechx pʉtlel Macedonia tʉajnuɸel, Filipos paklowax poxaliajwan. Japatʉajnuɸel Filipos paklowax kaes pinjiyax. Me-ama asapaklowaxan, jachi-el. Japapaklowaxxot xabich Roma paklowaxpijiw duil. Jaxot kaematkoian sʉapich xanal namaxfuk. ¹³ Xanal Filipos paklowaxxotan wʉtʉuk, napatamatkoi wʉt, nakolax paklowax tathoetlel, nawel poxaliajwande. Xanal nejchaxoelx: “Ampalel judíos bej natamejabej, Dios kawʉajnalialjwa wʉt” —an xanal tajnejchaxoelaxtat. Do baxael, faenx wʉt judíos naewʉajnaba, jaxot xanalbej chalax, natamejapi sʉapich. Jaxot chimiawʉajan, Jesucristo pejwʉajan, xanal naewʉajnajx watho'kal. ¹⁴ Japi watho'xot, asaow pawul Lidia. Japow Tiatira paklowaxpijow. Lidia mowa chimiabu'an, pasoeibu'an. Japabu'an xabich ommaenk. Japow Dios naexasit.

Dios kawuajanbejpow. Xabich naewetow Pablo naewuajanpox, Jesucristo pejwuajan. Japow chiekal naewet wut, jummatajibjpow Pablo naewuajanpox, Dios kajachawaech xot. Samata, Lidia chiekal naexasit Jesús pejwuajan. ¹⁵ Do jawux, japow bautisas, puexa pejiw suapich. Do jawut, jum-aechow:

—Xamal nejchaxoelam wut xanliajwa: “Diachwuajnakolax ampow pawis naexasit Jesús pejwuajan” —am wut xanliajwa, ma amwut, xamal nakfulaeyaxaelam tajba poxade duilaliajwan kaematkoi suapich —aechow xanalliajwa.

Do jawux, xanal nakfolx japow pejba poxade.

¹⁶ Asamatkoi, xanal fulaechx wut Dios kawuajnalialjwan, taenx pawis, pansiaw. Japow dep webaes pejmatpuatxot. Dep pijaxtat xabich xajupow jumchiliajwa, jachiyaxaelpoxan. Japow esclava. Japow pejpaklochow xabich plata kana japow jum-aechpoxantat. Japow matxoelajum-aech wut asew jiwliajwa wejachiyaxaespox asamatkoi, xabich mochpow. Moch wut, japaplata japow pejpaklochowliajwa. ¹⁷ Japapaklowaxxot japow fulnanuamt Pablo, xanal suapich. Nafulnanuamt wut, nejlasfulow. Nejlasful wut, jum-aechow:

—Ampi poejiw, Dios athupijin pejiw. Ampi xamal jumchiyaxael: ‘Machiyaxaelam weliajwam Diosxotse’ —chiyaxaeli —aechow, nejlasful wut.

¹⁸ Jasox ja-aechow pin-iamatkoiyan, xanal nafulnanuamt wut. Samata, Pablo naewesla kaes jumtaeliajwa japow jum-aechpoxan. Samata, kaxa natfo'chapon. Do jawut, Pablo jum-aech japow pijan, dep, jumtaeliajwa:

—Dep, xam Jesucristo pijaxtat nakolde ampow pejmatpuatxot! —aech Pablo.

Do jawut, kamta dep nakolt japow pejmatpuatxot.

¹⁹ Japow pejpaklochow matabija wut japi kaes plata kanaxilox japow pijaxtat, xabich palalapi. Samata, japow pejpaklochow jaelti Pablo, Silas suapich. Jaelas wut, bu'fos japapaklowaxpijiw tato'alpi nabisti poxade. ²⁰ Do jawut, Pablo, Silas suapich, nows jueces pejwuajnalel. Pawis pejpaklochow jum-aech juecesliajwa, japi buxlajaslajwas:

—Ampi judíos uldukaful wajpaklowaxpijiw. ²¹ Japi naewuajnalap pejkabuananpox. Xatis japox isaxisal, Roma tuajnuapijwas xot —aechi.

²² Japox jumtaen wut, japapaklowaxpijiw xabich palalapi Pabloliajwa, Silaslajwabej. Do jawut, jueces keto'a soldaw, Pablo, Silas suapich, wejolaliajwas pejnaxoe. Do jawux, xabich bu'jumchaseltaslisi naeyatat.

²³ Do jawux, selsax kekofas wut, jias jiw jebatat. Jiw jeba wetpon to'as chiekal wesfulaliajwas japi wesamata. ²⁴ Jiw jeba wesamata japox jumtaen wut, batu pejpiazaxot jiajon japi. Tawlaftat tuakwasixawaeksbeji wesamata.

²⁵ Japamadoitat, pinmadoi wut, Pablo, Silas suapich, Dios kawuajan. Do jawut, jajuwpi Dios jumtaeliajwas. Asew, jaxot jiaspi, naewet.

²⁶ Do jawut, jiw jebaxot chalechkal itliakjala. Jawut jaxot xabich najuiya. Me-ama sat najaet wut, ja-aech. Do jawut, puexa bafafachan pajut nafafa'bala. Puexa jiw, jaxot jiaspi, pejmuxanaxot cadenamua wejajolpas. ²⁷ Jiw jeba xabich najuiya wut, jiw jeba wesamata nathikcha. Bafafachan jumch nuilax taen wut, pej-espada kukchapon pajut naxua'laliajwa. Jiw jeba wesamata nejchaxoel: “Jiasi puexa chiekal wia. Samata, tajpaklochow xankal naboesaxael” —aechon, nejchaxoel wut.

²⁸ Do jawut, Pablo nejlakcha wut, jum-aechon:

—¡Najut nabej naxua'le! ¡Xanal puexa ma amxotan! —aech Pablo.

²⁹ Jiw jeba wesan to'a wexalaeliajwas itliakax. Itliakax wexalaens wut, bichakal najae'non Pablolal, Silaslelbej. Do jawut, japon xabich tathulal pejlewla. Pablo, Silas suapich, pejwuaajnalel brixat nukon, sitaen xot. ³⁰ Do jawut, jiw jeba wesam juton Pablo, Silas suapich, jiw jebaxot. Do jawut, jiw jeba wesan wuaajnachaemt wut, jum-aechon:

—Tajnachala, ¿machiyaxaelenkat xan Dios nabu'welijaewa? —aech jiw jeba wesan.

³¹ Japi jumnot wut, jum-aechi:

—¡Xam naexasi'e wajpaklon Jesucristo pejwuaajan! Ja-am wut, Dios xam bu'weyaxael. Nejbapijiw naexasit wutbej, japibej Dios bu'weyaxaes —aech Pablo, Silas suapich, jiw jeba wesaniajwa.

³² Do jawut, Jesucristo pejwuaajan naewuaajanlisipon, puexa pejbapijiw-bej. ³³ Do jawut, japamadoitat, jiw jeba wesam matwuaaj-itfakiaton, Pablo, Silasbej, xakolbalaspoxan. Do jawut, Pablo bautisa jiw jeba wesam, pejjiw suapich. ³⁴ Do jawux, jiw jeba wesam pejba poxade buflaechon Pablo, Silas suapich. Do jawut, naxaeyax chaxduwpon Pablo, Silasbej. Jiw jeba wesam, pejjiw suapich, xabich nejchachaemil, Dios naexasit xoti.

³⁵ Kandiasap wut, jueces buxto'a soldaw jumchiliajwa amprox: “¡Jiw jeba wesam jum-amde amprox! ¡Nej tapaeron nakolaliajwa Silas, Pablo suapich, jiw jebaxot!” —aech jueces, buxto'a wut soldaw. Dolis, japi soldaw pa'a wuti jiw jebaxot, jum-aechi jueces buxto'asprox jiw jeba wesaniajwa. ³⁶ Do jawux, jiw jeba wesam soldaw buxto'asprox jum-aechon Pabloliajwa, Silasliajwabej:

—Jueces nato'a xamal jukaliajwan. Samata, ¡ma amwut nejmach nakolim! —aech jiw jeba wesam.

³⁷ Pablo japox jumtaen wut, jum-aechon soldawliajwa, wuaajan xapa'anjiliajwa:

—Jueces babijax is xanalliajwa, asbuan jumch xamal keto'a wuti xanal namatwuaajselsliajwam naeyatat puexa jiw pejwuaajnalel. Do jawux, xamal to'api jiw jebatat xanal najeliajwa. Amwutjel maliach nato'asia jasoxtat nakolaliajwan. Xanal Roma tuajnupijwan xot, jasox jiw tato'alpi isaxil, majt nawuaajnachaems-el wut chiekal matabijaliajwa, diachwuaajnakolax babijax isx wut, o, is-enil wut. ¡Jueces pajut nej fulae'an xanal najukaliajwa! —aech Pablo soldawliajwa.

³⁸ Do jawut, soldaw kaxafulaech jueces poxade japox chapaeliajwapi Pablo jum-aechprox. Jueces japox jumtaen wut japi kolenje Roma tuajnupijwprox, jawut jueces pejlewla. ³⁹ Samata, jueces pajut pa'an Pablo jiasxot, Silas suapich. Do jawut, japi jueces jum-aech:

—Xanal tadala, babijax isx xot xamalliajwa —aech jueces.

Jawux jueces pajut juk Pablo, Silas suapich. Do jawut, jueces xabich to'api Pablo, Silas suapich, chijyaliajwa japapaklowaxxot. ⁴⁰ Pablo, Silas suapich, jiw jebatat nakola wut, jawut fulaechi Lidia pejba poxade. Jaxotde Pablo, Silas suapich, taen naexasiti Jesucristo pejwuaajan. Do jawut, naewuaajanlisi japi kaes Dios chiekal pejme naexasisfulaliajwa. Japox buxtoet wut, chijialisi japapaklowaxxot.

17

Pablo, Silas suapich, jalweksprox jaelaliajwas Tesalónica paklowaxxot

¹ Pablo, Silas sʉapich, fʉlaech wʉt, xenapi Anfípolis paklowax, Apolonia paklowaxbej. Dolisi, patlisi Tesalónica paklowaxxot. Jaxot judíos naewʉajnaba ek. ² Napatamatkoi wʉt, Pablo fʉlaech judíos naewʉajnaba poxade, japon japox pejkabʉan xot. Jaxotde Pablo natameja, napatamatkoi wʉt. Jasox ja-aech Pablo, tres veces napatamatkoi wʉt. Jaxotde Pablo judíos naewʉajan wʉt, wʉajnachaehtas wʉtbej, Pablo chiekal jʉmnot Dios pejjamechan, chajia lelspx, jʉm-aech wʉt, jʉm-aechpoxantat. ³ Jʉm-aechbejpon:

—Dios pejjamechan, chajia lelspx, jʉm-aech wʉt, jʉm-aechox: “Cristo, Dios to'aspon puexa jiw bu'welijwa, japon majt nabijasaxael. Tʉpaxaelbejpon. Do jawʉx, Dios mat-esaxaeson pejme dukaliajwa” —aechox. Japox chajia jʉm-aechox, patlisox. Xamal naewʉajnaprox Jesúsliajwa, japonlap Cristo, Dios to'aspon puexa jiw bu'welijwa —aech Pablo, naewʉajan wʉt.

⁴ Asew judíos, jaxoti, naexasiti Pablo naewʉajanpox. Do jawʉt, japi kaemʉtlisi, Pablo, Silas sʉapich. Xabich asew, naksiyapi griegojame, Dios naexasiti, japiwej naexasit Pablo naewʉajanpox Jesucristoliajwa. Xabich watho', jiw matabijaspi, japiwej naexasit Pablo naewʉajanpox. ⁵ Ja-aech wʉt, asew judíos, japi naexasis-elpi Jesucristo pejwʉajan, xabich nusasiowal. Samata, tamejapi asew babejchow, japapaklowaxplazaxot nanʉamti. Japi sʉapich, xabich nejlasfʉl. Japapaklowaxpijiw xabich nejtasalas japi nejlasfʉlpoxantat. Jasón pejbafafa xabich pi'la wʉt, asew japixot low japaba. Japi jalwek Pablo, Silas sʉapich, woeyaliajwas jiw natamejaxot. ⁶ Faena-el wʉti Pablo, Silas sʉapich, ja-aech wʉt, japi jaelt Jasón, asewbej, naexasiti Jesucristo pejwʉajan. Jaelas wʉt, jolkas paklochow poxade. Babejchow nejla'bala wʉt, jʉm-aechi, bu'pach wʉti paklochow pejwʉajnalel:

—Pablo, Silas sʉapich, japi pijaxtat, puexa paklowaxanpijiw nakaewa na-ʉlataen. Amwʉtjel ampalel fʉlaeni. ⁷ Japi pat wʉt, Jasón chiekal bu'kʉlt pejbatat. Puexa japi jiw naexasis-el wajrey, Roma tuajnapijin, tato'alpox. Japi jʉm-aech: ‘Asan wajrey. Pawʉlpon Jesús’ —aech japi —aech babejchow, bu'xlajlat wʉti Pablo, Silas sʉapich, paklochow pejwʉajnalel.

⁸ Japox jʉmtaen wʉti, puexa japi jiw, paklochowbej, xabich palalapi naexasitiliajwa Jesucristo pejwʉajan. ⁹ Do jawʉt, Jasón to'as multa mosax paklochowxot. Asew sʉapich, naexasiti Jesucristo pejwʉajan, japi mot wʉtbej multa paklochowxot, paklowchow jʉm-aech: “Ampi plata xamal pejme wewoeyaxaelen, Pablo, Silas sʉapich, chijia wʉt ampapaklowaxxot” —aech paklochow. Do jawʉt, kofaslisi.

Pablo, Silas sʉapich, patpox Berea paklowaxxot

¹⁰ Jasón, asew sʉapich, kofas wʉt, do madoi wʉt, naexasiti Jesucristo pejwʉajan to'api Pablo, Silas sʉapich, Berea paklowax poxaliajwade. Berea paklowaxxot pa'a wʉt, fʉlaechi judíos naewʉajnaba poxade. ¹¹ Judíos, Berea paklowaxpijiw, kaes pejme pachaempi. Me-ama judíos, Tesalónica paklowaxpijiw, jachi-eli. Pablo naewʉajan wʉt Jesús pejwʉajan, japi chiekal naewet. Berea paklowaxpijiw pomatkoicha estudia Dios pejjamechan, chajia lelspx, chiekal matabijaliajwa, Pablo, Silas sʉapich, naewʉajanpoxan, diachwʉajnakolax wʉt, o, ja-el wʉt.

¹² Samata, xabich judíos naexasit Jesucristo pejwñajan. Xabich griegos-bej naexasiti Jesucristo pejwñajan. Griegos paklochowbej naexasiti Jesús pejwñajan. ¹³ Asew judíos, Tesalónica paklowaxpijiw, japox wultaen wut, Pablo Jesús pejwñajan naewñajanpox Berea paklowaxxot, japiwej fulaen Berea paklowax poxadin. Berea paklowax pa'an wuti, xabich nejlasfúli. Japapaklowaxpijiw xabich nejtasalas. ¹⁴ Naexasiti Jesucristo pejwñajan, jum-aechi Pablolijawa: “¡Xam amxot kamta nakolde! ¡Marlel fulaemch!” —aechi. Pe Silas, Timoteo swapich, nakiowa namafuki Berea paklowaxxot. ¹⁵ Pablo fulaech wut marlel, asew japixot fulchallaspon Atenas paklowax poxalijawade. Pablo jaxotde pa'a wut, buxxato'apon Silas, Timoteolijawabej. Jum-aechon, buxxato'a wut: “Xamal kolenam xajumam wut fulaelijawam, xabua'din xan nafaenaliajwam Atenas paklowaxxot!” —aech Pablo, buxxato'a wut. Do jawut, Pablo fulchalapi, pejme kaxa nawen.

Pablo naewñajanpox Atenas paklowaxpijiw

¹⁶ Pablo wñajnewet wut Silas, Timoteobej, mathanpon Atenas paklowax. Pablo taen japapaklowaxxot xabich ídolos nuilpox. Pablo japoxan taen wut, xabich nejxaejwaspon. ¹⁷ Samata, Pablo, nakaejudíos swapich, nabu'nalot Jesucristo pejwñajanliajwa, judíos naewñajnatat wuton. Ja-aechbejpon judíos-elilijawa, Dios naexasiti. Kaematkosisful papati plazaxot, japi swapichbej, Pablo nabu'nalot Jesucristo pejwñajanliajwa. ¹⁸ Do jawux, asew Pablo faens. Japi epicúreos. Japi naexasit Epicuras naewñajanpox. Asewbej Pablo faens. Japi estoicos. Japi naexasit Zeno naewñajanpox. Japi epicúreosxot, estoicosxotbej, japi jum-aech babejjamechan Pablolijawa. Jum-aechi:

—Ampon aton, matabijsna-el wut, ¿achaxankaton naksiya? —na-aechi nakaewa Pablolijawa.

Asew nakaewa najum-aechbej Pablolijawa:

—Japon naewñajan asatñajnapijiw pejdiosesliajwa —na-aechi nakawaliajwa.

Jasoxtat japi, Pablo swapich, nabu'nalot, naewñajan xoton chimiawñajan, Jesucristo pejwñajan, jiw tapi pejme mat-eyaxaespoxlajwabej. ¹⁹ Do jawut, japi Pablo bu'fol pachaempoxtat paklochow natameja poxade, pawuxot Areórago. Jaxotde bu'pa'as wut, japi jum-aech:

—¡Najum-amde pajelnaewñajnax, xam jiw naewñajnamwñajan!
²⁰ Xam naewñajnam asawñajan, xanal matabija-enilwñajan. Pe xanal chiekal matabijasian, achax chiyaxael xam jiw naewñajnamproxan —aechi Pablolijawa.

²¹ Puexa Atenas paklowaxpijiw, asew jiwbej, japi asatñajnachanpijiw jaxot duili, japi pajelnaewñajnax xabich nejxasink jumch naewesliajwa, naksiyalijawabej.

²² Do jawut, Pablo nant japi pejwñajnalel Areóragoxot. Jawut jum-aechon: “Atenas paklowaxpijwam, xan matabijtax xabich nejchaxoelampox nejdiosesliajwa. ²³ Xan taenx xabich maenkproxan, xamal natamejlamxot, nejdioses kawñajnalijawam. Taenxbej kae-altar. Japa-altarleltat lelspox taenxbej. Japox jum-aech: ‘Ampa-altar, dios matabija-esalpon pej-altar’ —aech lelspox. Japadios xamal najut matabija-emilbej, kawñajnam wut. Japadiosliajwa ma amwut xamal jumchiyaxaelen chiekal matabijalijawam” —aech Pablo Areóragoxot.

²⁴ Pablo pejme jum-aech: “Dios is ampathat. Ampathatat taen-spoxan, japoxan Dios ispoxan. Tato'albejpon japonxotse, ampathatat-bej. Samata, Dios duka-el poejiw isbatat. ²⁵ Dios chinax asax wewe'pa-esal asan aton we-islajwas. Japon pijaxtat puexa xatis chiekal duilafulas. Puexa nakwewe'poxan nakchaxduwbejpon” —aech Pablo.

²⁶ Pablo pejme jum-aech: “Dios majt kaen aton is. Do baxael, japon pamojiw pothata xajup, amwutjel xabichaliajwa nejmachjiw. Dios chajia nejchaxoel, amxot kaenanula, pejmutan swapich, duilaxael jiw. Nejchaxoelbejpon, maswut tuxaxaeli. ²⁷ Dios jasox is jiw wulwekaliajwaspon, jiw naexasislajwasbejpon. Diachwujnakolax kaenanula xatisxot Dios ataja-el. ²⁸ Dios pijaxtat duils. Nanamtasbej. Nabistasbej. Asew nejwujnapijiw xot chajia lel wut, jum-aechi: ‘Xatis Dios paxis’ —aechi. ²⁹ Dios paxis xot, nejchaxoes wut, nejchaxoelaxisal: ‘Dios, me-ama idolos, jiw pajut ispoxan orotat, platatatbej, ia'tatbej’ —chiyaxisal. Jiw japoxan is pejnechaxoelaxantat. ³⁰ Dios kastika-el nejwujnapijiw, isful wut babijaxan, matabija-el xotfuki Dios. Pe amwutjel, Dios to'a pothatapijiw jiw kofaliajwa babijaxan isfulpoxan, naexasisfulaliajwapi Dios tato'alpoxan. ³¹ Dios chajia kaematkoiki mark jumchiliajwapon ampathatpijiw pejbu'wujjanpoxliajwa. Dios markamatkoiki pat wut, Dios makafichpon, japon jumchiyaxael jiw pachaempi Diosliajwa, o, jiw chaemili Diosliajwa. Jesus tux wut cruztat, Dios mat-echpon pejme dukaliajwa. Samata, xatis chiekal matabijas, Jesus diachwujnakolax Dios makafich japon jumchiliajwa, masi jiw pejbu'wujjan ampathatxot” —aech Pablo.

³² Atenas paklowaxpijiw japox jumtaen wut, jiw tuxi mat-eyaxaespon pejme duilaliajwa, asew japixot bu'wujjanpaeipi Pablo japoxliajwa. Asew japixot jum-aech Pabloliajwa:

—Amwutjel xanal najum-ampox, asamatkoiki pejme najumchiyaxaelam xanal kaes naewesliajwan —aech asew Pabloliajwa.

³³ Do jawut, Pablo buxtotet wut, nakolton japi natamejaxot. ³⁴ Asew japixot nakfoli Pablo. Japi naexasiti Jesucristo pejwujjan. Kaen japixot rawul Dionisio. Japon Areopagomutpijin. Kaew rawul Damaris. Japow-bej naexasit Jesucristo pejwujjan. Asew jaxotpi, japi naexasitbej Jesucristo pejwujjan.

18

Pablo Corinto paklowaxpijiw naewujjanpox

¹ Do japoxwux, Pablo Areopagoxot nakolt wut, fulaechlison Corinto paklowax poxade. Dolison, pat Corinto paklowaxxot. ² Jaxotde Pablo faen judios-aton. Japon Ponto tujnupijin, rawulon Aquila. Pijow rawul Priscila. Pablo wujana japi kolenje pa'a Corinto paklowaxxot. Japi chajia nakola Italia tujnulel, Claudio, Roma tujnupijiw tato'lan, to'as xoti nakolaliajwa Roma paklowaxxot. Claudio chajia to'a puexa judios nakolaliajwa Roma paklowaxxot. Pablo faen wut Aquila Corinto paklowaxxot, nakfulaechon japi pejba poxade japi taeliajwa. ³ Pablo duk japi pejbaxot. Japi itthow carpabu'an mowaliajwa. Pablo nabist, japi swapich, matabijt xoton japabichax. ⁴ Napatamatkoioyan wut, Pablo fulalaecha judios naewujjanaba poxade. Jaxot Pablo naewujjan judios, judios-elibej, naexasislajwapi Jesucristo pejwujjan.

⁵ Silas, Timoteo s̄apich, pa'an w̄ut Macedonia t̄ajñalel, jaw̄ut Pablo kekoft carpab̄'an itthoeyax, pomatkoicha naew̄hajnalijaw̄apon Dios pejjamechan. Pablo naew̄hajan w̄ut judíos, jum̄-aechon: "Jesús di-achw̄hajnakolax Cristo, japon xatis w̄hajnawechnon nakb̄'welijawa" — aech Pablo, naew̄hajan w̄ut judíos. ⁶ Judíos naexasis-eli Jesús pejw̄hajan, japi xabich palala Pabloliaw̄a. Samata, japi babejjamechan jum̄-aech Pabloliaw̄a. Samata, jaw̄ut Pablo jolcha pejsumta-osax. Jaw̄ut l̄lapon, japi pajut matabijaliajwa babijax ispox Diosliajwa. Jum̄-aechon:

—Xamal najut nijaxtat napelsaxaelam, naexasis-emil xot xan naew̄hajnaxpox. Xan tajaxtat napelsaximil. Xamal naexasis-emil xot, judíos-elpilax naew̄hajanaf̄ulaxaelen Jesucristo pejw̄hajan — aech Pablo judíosliajwa.

⁷ Do jaw̄ut, Pablo nakolt judíos naew̄hajnabaxot. F̄ulaechon asaba poxade. Japabapijin paw̄ul Ticio Justo. Japon Dios xabich nejxas-ink. Japon pejba chiekal mox naxsoep, judíos naew̄hajnaba s̄apich. ⁸ Crispo, judíos naew̄hajnaba wesam, japon, puexa pejjiw̄ s̄apich, asew̄ s̄apichbej, naexasit Jesucristo pejw̄hajan. Xabich asew̄, judíos-eli, Corinto paklowaxpijiw̄, jum̄taen w̄ut Jesucristo pejw̄hajan, japiwej naexasit. Do jaw̄ut, japi bautisas.

⁹⁻¹⁰ Asamatkoi, madoi w̄ut, Pablo masoxtat taen, Dios jum̄-aech w̄ut japonliajwa. Jaw̄ut Dios jum̄-aech: "Xam chalaf̄ulax. Xam asew̄ jiw̄ kechaemilaxil. Ampapaklowaxxot xabich tajjiw̄ nawemaenk. Samata, j̄nabej nejlewl̄e'! j̄Nakiowa naew̄hajnaf̄ulde tajjamechan! j̄Nabej boe-jlache'!" — aech Dios Pabloliaw̄a. ¹¹ Ja-aech w̄ut, Pablo pejlewl̄a-el. Samata, Pablo duk Corinto paklowaxxot kaewaech y medio. Japamatkoiyantat Dios pejjamechan naew̄hajnaf̄ulon japapaklowaxpijiw̄.

¹² Japamatkoiyantat, Galión gobernador Acaya t̄ajñaxot. Galión gobernador w̄ut, judíos kaenejchaxoelax jaelsliajwapi Pablo. Do jaw̄ut, Pablo jaeltas. Jaw̄ut b̄flaechpon gobernador poxade, japon jiw̄ tato'al w̄ut ekxot. ¹³ Japi jum̄-aech gobernadorliajwa:

—Ampon aton naew̄hajnaf̄ul jiw̄ naexasisliajwa Dios. Japon naew̄hajanpox najura-el Moisés chajia lelpox s̄apich, xanal naexasitpox — aechi gobernador pejw̄hajnalel.

¹⁴ Pablo naksiyaliajwa w̄ut gobernador pejw̄hajnalel, jaw̄ut Galión jum̄-aech judíosliajwa:

—Xamal judíos chiekal matabijam ampox. Ampon aton natkowa w̄ut, babijax xabich is w̄utbejpon, ja-aech w̄ut, xamal chiekal naewe-saxaelen. ¹⁵ Pe ampon is-el babijaxan. Xamal judíos asb̄uan jum̄ch nalala japon naew̄hajanpoxliajwa. Nalalabej japon naexasis-el xot nejkab̄aanapoxan, xamal naexasitampox. Samata, j̄xamal najut chaemde japox! Xan japoxan tataefla-enil chaemsliaw̄an — aech Galión judíosliajwa.

¹⁶ Do jaw̄ut, gobernador Galión to'a judíos nakolaliajwa japonxot. ¹⁷ Judíosxot kaen paw̄ul Sóstenes. Japon judíos naew̄hajnaba wesam. Do jaw̄ut, nakola w̄uti, griegos, jaxoti, jaelti Sóstenes gobernador Galión pejw̄hajnalel. Jaxot Sóstenes baes. Galión japox taen w̄ut, chinax keflas-elon japi griegos.

Pablo pejme nawia'anpox Antioquía paklowax poxadin

¹⁸ Pablo duk pin-iamatkoiyon Corinto paklowaxxot. Baxael, Pablo f̄alaeliajwa w̄ut, kejachapon naexasiti Jesucristo pejw̄hajan. Pat w̄uton

Cencrea paklowaxxot, fúlaelíajwa wut barkamtat, jawut Pablo pajut namatnaelaxaxoton jiw matabijslíajwas, chajia jumdutpox toet xotlison Dioslíajwa. Pablo jul wut barkam Siria tujnú poxalíajwa, japabarkamtat julbej Aquila, pijow srapich. ¹⁹ Chapat wuti Éfeso paklowaxxot, jaxot Pablo waela Aquila, pijow srapich. Do jawut, tamach fúlaeclison judíos naewhajnaba poxade. Jaxot Pablo nospaei, judíos srapich, japi natamejaxot. ²⁰ Do jawut, Pablo fiach namanalíajwa japixotfuk. Pe Pablo owchi-el. ²¹ Jawut jum-aechon, kejacha wut: “Dios nejxasink wut, xamal pejme taeyaxaelen” —aech Pablo japi jiwlíajwa.

Do jawux, Pablo pejme barkam jul wut, chaflaechon Éfeso paklowax poxade. ²² Cesarea paklowaxxot pat wuton, jawut putlel Pablo fúlaech Jerusalén paklowax poxade. Jaxotde taenon naexasiti Jesucristo pejwujajan. Do jawux, Antioquía paklowax poxadepon. ²³ Antioquía paklowaxxot pin-iamatkoíyan naman wut, do jawux, fúlaechon Galacia tujnú poxade, Frigia tujnú poxadebej. Kaenanula japapaklowaxanxot, pat wuton, naewhajan japi kaes Dios xanaboejalíajwa.

Apolos naewhajanpox Jesucristo pejwujajan Éfeso paklowaxxot

²⁴ Japamatkoíyantat kaen judíos-aton pat Éfeso paklowaxxot. Japon pawul Apolos. Japon Alejandría paklowaxpijin. Naewhajan wut, puexa jiw chiekal naewecheon, naewhajanpox pachaem xot. Japon chiekal matabijt Dios pejjamechan, chajia lelspx. ²⁵ Apolos naewhajan Jesucristo pejwujajan. Samata, matabijton Dios jiw bu'weyaxaelpox Jesús pijaxtat. Nejxasinkbejpon jiw naewhajnaliájwa Jesúsristo pejwujajan. Pe japon matabijt Juan bautisapoxkal. ²⁶ Apolos judíos naewhajnabatat naewhajan wut, pejlwla-elon naewhajnaliájwa. Priscila, Aquila srapich, jmtaen wuti japon naewhajanpoxan, jawut buflaechipon pejba poxade nospaelíajwapi tamach, japon srapich, kaes chiekal naewhajnaliájwapon jiw Jesucristo pejwujajan. ²⁷ Do baxael, Apolos fúlaelíajwa wut Acaya tujnú poxade, Éfeso paklowaxpijiw, naexasiti Jesucristo pejwujajan, japi kajachawaet Apolos. Apolos carta welels xalaelíajwa Acaya tujnúpijiw poxade, japixot pa'a wut, chiekal bu'kulslíajwaspon. Dolison, pat wut Acaya tujnúxot, japon xabich kajachawaet Acaya tujnúpijiw, japi naexasiti Jesucristo pejwujajan Dios pejkajachawaesaxtat. ²⁸ Apolos naewhajan judíos Jesús Jesús pejwujajan. Dios pejjamechan chajia jum-aechox Jesúsliájwa, japoxbej Apolos naewhajnaful puexa jiwliájwa. Naewhajanbejpon japi jiw chiekal matabijaliájwa, Jesús diachwujnakolax, Mesías, Dios, to'aspon puexa jiw bu'welíajwa. Samata, judíos boejlach nuil. Japi judíos elchiyaxil Apolos jum-aechproxliájwa Jesúsliájwa.

19

Pablo naewhajanpox Éfeso paklowaxpijiw

¹ Apolos Corinto paklowaxxot wutfuk, Pablo fúlaech paslíajwa Éfeso paklowax poxade. Pinamuxan xenafulon, fol wut. Éfeso paklowax pa'a wut, jaxot faenon Jesucristo pejwujajan naexasiti. ² Pablo japi wujnachaemt wut, jum-aechon:

—Jesucristo pejwujajan naexasitam wut, ¿Espíritu Santokat pask nejmatpuatanxot? —aech Pablo.

Japi jumnot wut, jum-aechi:

—Xanal chinax jumtae-enil Espiritu Santopoxliajwa —aechi.

³ Pablo pejme wuajna chaemt wut, jum-aechon:

—Xamal bautisa wut, zachanejchaxoelaxkat japox xamalliajwa? —aech Pablo.

Japi jumnot wut, jum-aechi:

—Juan, jiw bautisan, chajia jum-aechpox bautisaxliajwa —aechi.

⁴ Pablo jum-aech:

—Juan bautisa jiw, babijaxan ispoxan kofapi, japi naexasiti Dios. Juan jum-aechbej, jiw bautisaful wut: ‘Xanwux kaen pasaxael. Japox xamal naexasi’e!’ —aech Juan Jesús pejpasaxliajwa —aech Pablo Éfeso paklowaxpijiwliajwa.

⁵ Éfeso paklowaxpijiw japox jumtaen wut, kaes chiekal naexasiti Jesús pejwuajan. Jawut bautisas Jesús pijaxtat. ⁶ Pablo ke-ot wut japi pejta’antat, Espiritu Santo fuloek japi pejmatpuatan poxasik. Do jawut, chalechkal japi jiw naksiya majt matabija-eljamechan. Naksiyabejpi Dios buxto’aspoخان naksiyaliajwa. ⁷ Puexa japi poejiw, doce.

⁸ Pablo duk Éfeso paklowaxxot tres juimtje. Naewuajnafulon Dios pejjamechan judíos naewuaj nabaxot. Naewuajan wut, chinax pejlewla-elon. Naewuajanbejpon Dios puexa pejiw tato’laxaelpox, japi naexasitpi Dios. Ja-aechon judíos chiekal naexasisliajwa naewuajanpox. ⁹ Asew japixot naexasis-el, matnaetink xoti naexasisliajwa. Samata, japi jum-aech babejjamechan Jesucristo pejwuajanliajwa. Ja-aech wut, Pablo nadijan judíos naewuaj nabaxot. Do ja-aech wut, Jesucristo pejwuajan naexasiti bu’folon Tirano pej-escuelaba poxade. Escuelabaxot Pablo pomatkoicha naewuajan Jesucristo pejwuajan. ¹⁰ Ja-aech Pablo kolewaechje. Samata, puexa jiw Asia tuajnuaxot duili, japi judíos, judíos-elibej, jumtaen Jesucristo pejwuajan. ¹¹ Pablo koexaxan isbej Dios pijaxtat. ¹² Pablo jachapoxan, panuelbu’an, asaxanbej, japoxan bu’xaeya xabu’jachas wut, japi jiw chiekal boejthuls nejmachwaxae. Asew jiw, dep webaespi pejmatpuatanxot, depbej nakola.

¹³⁻¹⁴ Asew judíos, nanuamt asapaklowaxan poxade. Japi pajut pijaxtat dep to’a nakolaliajwa jiw pejmatpuatanxot. Jasox ispi, japi Esceva paxi. Japi sietepi. Esceva, japon sacerdotespaklon. Japi Esceva paxi jumtaen Jesucristo pejwuajan. Samata, japi dep to’a wut, jum-aechi dep nakolaliajwa: “Dep, xamal to’ax nakolaliajwam Jesús pijaxtat, japonliajwa amwutjel Pablo naewuajnaful!” —aech Esceva paxi. ¹⁵ Asamatkoi, Esceva paxi dep to’a wut, dep jumnochpi. Juntispi dep: “Xan matabijtax Jesús. Matabijtaxbej Pablo. Pe xamal, zachewamkat?” —tispi dep.

¹⁶ Do jawut, dep, aton pejmatpuatxot webaespon, japon aton dep pijaxtat wultadiowpon Esceva paxi. Japon aton dep pijaxtat xabich bapon Esceva paxi. Japi xabich malechasbej. Baes wut, bu’jolsi. Xabich xakolbalasbejpi. Do jawut, japi bu’jumchadukp, nakola wuti baxot. ¹⁷ Esceva paxi japox wejatis wut, puexa Éfeso paklowaxpijiw wultaena, judíos, judíos-elibej. Samata, puexa xabich jiw pejlewla. Jasoxtat puexa jiw sitaen Jesucristo pejwuajan.

¹⁸ Xabich jiw, Jesucristo pejwuajan naexasiti Pabloxot papasful. Ja-aech wut, puexa majt babijaxan ispoxan tulaela jiw pejwuajnalel chapaeipi. ¹⁹ Asewbej, majt pinjoe’iwpi, japi xalaen pejew, pel-uaf. Japapel-uaf pinjoe’ax matabijaliajwa. Japi pel-uaf howapi puexa jiw

pejwɔajnalel. Japapel-ɔaf xabich ommaenk. Japapel-ɔafan pa-om, cincuenta mil platafachan, isaspi platafachankolaxtat. ²⁰ Jasoxtat Dios pejjamechan pothata xajɔɔ. Samata, puexa jiw matabija Dios xabich mamnikpon.

²¹ Do jawɔɔ, Pablo nejchaxoel: “Xan pejme taeyaxaelen Macedonia tɔajɔɔpijiw, Acaya tɔajɔɔpijiwbej. Do jawɔɔ, pejme fɔlaeyaxaechan Jerusalén paklowax poxade. Jerusalén paklowaxpijiw taenx wɔt, do jawɔɔ, chaflaeyaxaechan Roma paklowax poxade, jaxotde jiw taelia-jwanbej” —aech Pablo, nejchaxoel wɔt. ²² Dolisdo', Pablo to'a kolenje pejnachalan, Timoteo, Erasto sɔapich, Macedonia tɔajɔɔ poxade. Pe Pablo namanfuk Asia tɔajɔɔxot kaematkoijan sɔapichliajwa.

Éfeso paklowaxpijiw palalapox Paboliajwa

²³ Japamatkoiyantat, Éfeso paklowaxpijiw xabich palala, jiw kaes naexasisfɔl xot Jesucristo pejwɔajan. ²⁴ Ja-aech, jiw palala wɔt Demetrio pijaxtat. Demetrio platanaelsaptat kejus nejmach isliajwa. Platanaelsaptat isfɔlon xabich cha-aelbax. Japabax ispon, me-ama japi pejdios Artemisa pejtemploba, ta'la-aechbax. Demetrio japabax mowa wɔt, xabich plata kanapon, nabisti japon sɔapich. ²⁵ Demetrio tameja nabisti, japon sɔapich, asewbej, japi nabisti asabichaxan, me-ama japabichax. Natameja wɔt, Demetrio jɔm-aech: “Xamal chiekal matabijam ampabichaxtat xatis xabich plata kans chiekal duilaliajwas. ²⁶ Xamal taenam Pablo. Jɔmtaenambejpon. Japon xabich jiw naewɔajan wɔt, jɔm-aechfɔlon: ‘Ídolos, jiw pajut ispoxan, dioskola-el’ —aechon. Samata, xabich jiw naexasit Pablo naewɔajanpoxan Jesúsliajwa. Koew ampapaklowaxpijiw, jachi-el. Xabich puexa Asia tɔajɔɔpijiwbej naexasit Pablo naewɔajanpoxan. ²⁷ Xatisliajwa japox chaemil. Jiw kaes nakwɔajsaxil mowasi. Kaes sitaeyaxilbejpi wajdios, pawɔlpox Artemisa. Sitaeyaxilbejpi japox pejtemploba. Amwɔtjel puexa jiw, ampapaklowaxpijiw, Asia tɔajɔɔpijiwbej, asew jiwbej asatɔajɔɔchanlel duili, kawɔajnafɔlbejpi Artemisa. Jiw Pablo naewɔajanpox naexasit wɔt, ja-aech wɔt, japi kaes kawɔajnxal Artemisa” —aech Demetrio, jiw tameja wɔt.

²⁸ Demetrio pejnachala japox jɔmtaen wɔt, xabich palalapi Paboliajwa. Samata, nejlasfɔl wɔt, jɔm-aechfɔli: “¡Artemisa, Éfeso paklowaxpijwas japox wajdios, pamamakolax!” —aechfɔli.

²⁹ Japox jɔmtaen wɔt, Éfeso paklowaxpijiw xabich palalapi Paboliajwa. Samata, jawɔt, jaeltas Gayo, Aristarco sɔapich. Japi Macedonia tɔajɔɔpijiw, Pablo fɔlchalapi. Jaelas wɔt, bɔflaech pinaba poxade, paklowaxpijiw natamejaba poxade. ³⁰ Pablo fɔlaesia jiw natamejaba poxade, naksiyaliajwapon jiw pejwɔajnalel. Pe pejnachala tapae-esal Pablo fɔlaeliajwa naksiyaliajwa. ³¹ Do jawɔt, Asia tɔajɔɔpijiwpaklochow, Pablo matabijtaspi, japibej bɔxxato'a Pablo fɔlaesamata jiw palalapi poxade. ³² Jiw natamejaxot kaenejchaxoelaxa-el xoti, asew nejlasfɔl wɔt, jɔm-aechfɔl kaeyax. Asewbej nejlasfɔl wɔt, asaxan jɔm-aechfɔl. Japixot jiw nakaewa najɔm-aech: “¿Ma-aech xotkat xatis natamejlas?” —na-aechi nakaewa. ³³ Do jawɔt, pawɔlpon Alejandro fijabas jiw pejwɔajnalel nukaliajwapon. Asew japixot Alejandro chapaeis, ma-aech xot jiw natameja. Do jawɔt, Alejandro mɔaxxachok'cha puexa jiw

boejlachaliajwa. Alejandro jumnosasia natamejapi, japi kaes palalaelaliajwa judíoslajwa. ³⁴ Japi Éfeso paklowaxpijiw matabija wut Alejandro judíos-atonpox, xabich piach nejlasful, me-ama kolehora. Nejlasful wut, jum-aechfuli: “¡Artemisa, Éfeso paklowaxpijwas japox wajdios, pamamakolax!” —aechfuli.

³⁵ Do jawux, japapaklowax tataefulpon buxfiat puexa jiw boejlachliajwa. Jawut, boejlach wut, jum-aechon: “Éfeso paklowaxpijwam, pothatapijiw matabija xatis nakwewaeltotax tataeflaliajwas wajdios Artemisa pejtemploba. Japox pamamakolax. Japox pej-ael, me-ama ia't, athulelsik jopikpox. Japoxbej xatis tataeflas. ³⁶ Kaen aton jumchiyaxil japoxliajwa: ‘Diachwujnakolaxa-el’ —chiyaxil. Samata, ¡kaes nabej nalale! ¡Uboejthulde! ¡Nabej is asax, majt chiekal nejchaxoela-emil wutfuk! ³⁷ Ampi kolenje, buflaemanpi, babijax is-el Artemisa pejtemplobaxot. Babejjamechan jumchi-elbejpi wajdiosliajwa. ³⁸ Demetrio, japonliajwa nabistibej, asan aton tasalasia wuti, japi buflaeyaxael paklochow poxade, jaxotde tasalaliajwapi japon aton paklochow nabistxot. Ja-aech wut, kaenanula tasalaspí naksiyaxael pajut jumnosliajwa. ³⁹ Xamal asaxan jumchisiam wut paklochow natamejaxot, jaxot japoxan jumchiyaxaelam. ⁴⁰ Wajpaklochow bej naktasalaxaelbej, xatis natamejlas xot babijaxtat. Naktasala wut, xatis jumchiyaxisal japoxliajwa” —aech paklowax tataefulpon. ⁴¹ Japox buxtoet wut, to'apon jiw pejbachan poxade naweliajwa. Do jawut, puexa ow-aechlisi.

20

Pablo fulaechpox Macedonia tujnu poxade, Grecia tujnu poxadebej

¹ Éfeso paklowaxpijiw ulboejthul wut, Pablo tameja naexasiti Jesús pejwujajan, japi jiw kaes naewujajnalajwapon, japi kaes chiekal Dios xanaboejalajwabej. Do jawut, Pablo buxtoet wut, kejacha wut, fulaechon Macedonia tujnu poxade. ² Macedonia tujnu pa'a wut, taenon naexasiti Jesucristo pejwujajan, duil wuti, kaenanula pejmutan suapich. Dios pejjamechan naewujajnafulon kaes japi jiw chiekal Dios xanaboejalajwapi. Do jawux, Macedonia tujnuxot nakolt wut, fulaechon Grecia tujnu poxade. ³ Pat wuton Grecia tujnuxot, tres juimteliajwa namanon. Do jawux, Pablo barkam nakfulaeliajwa wut Siria tujnu poxaliajwade, Pablo wultaen judíos wujajnawesaxaespoesoesaliajwas. Pablo japox jumtaen wut, nejchaxoelon putle pejme kaxa nawiasliajwa Macedonia tujnu poxade. ⁴ Pablo fulchalaspi, kaen japixot pawul Sópater. Japon Berea paklowaxpijin, Pirro paxulan. Asan pawul Aristarco. Asan pawul Segundo. Japi kolenje, Tesalónica paklowaxpijiw. Asan pawul Gayo, Derbe paklowaxpijin. Asan pawul Timoteo. Asan pawul Tíquico. Asan pawul Trófimo. Tíquico, Trófimo suapich, japi Asia tujnupijiw. ⁵ Japi puexa wujajnelisi barkamtat, xan Lucas, Pablo suapich, nawujajnawesliajwapi Troas paklowaxxot. ⁶ Pan puthlaeli xaefiestawux, xanal Filipos paklowaxxot barkamtat chijian. Cinco matkoivan wut, Troas paklowaxxot xanal chapatx. Wujajnadepilis japapaklowaxxot, xanal nawujajnaweti. Japapaklowaxxot xanal namax siete matkoivanliajwa.

Pablo mathnpox Troas paklowaxxot

⁷ Napatamatkoi wut, xanal natamejlax, naexasiti Jesucristo pejwñajan sñapich, pan xaeliajwan. Me-ama Jesús, pejnachala sñapich, chajia is, xanal japox isx. Pablo japamadoitat jiw xabich naewñajan, kandiawa fñlaeyaxael xoton asapaklowax poxade. Samata, Pablo naewñajan hasta pinmadoitat. ⁸ Pablo naewñajan athñ pejpiezaxxotse, xanal natamejaxxot. Jaxotse xabich lámpara tamdadusnuil. ⁹ Jaxotsebej pansian. Japon pawñ Eutico. Japon ek ventanatat. Pablo xabich piach naewñajan xot, pansian moejbalalison. Do jawut, moejcha wut, jopdikon ventanaxotsik. Tres piezaxxotsik jop wut, japon chiekal xamatkaeya. Xanal baloekx wut japon taeliajwan, diachwñajnakolax japon chiekal tñp. ¹⁰ Do jawut, Pablo baloek pansian taeliajwa. Jaxot pa'ak wut, Pablo brixtat nuk patñpan pejwñajnael. Pablo patñpan wutakukt wut, jum-aechon Jesucristo pejwñajan naexasitiliajwa:

—¡Xamal nabej nejlewlé! ¡Ampon mat-echlison pejme laejaliajwa! — aech Pablo.

¹¹ Do jawut, Pablo julach kaxase, asew sñapich. Do jawut, Pablo pan jalnat wut, puexa jiw xael, japon sñapich. Do jawut, nakiowa naewñajanfukon. Nalian wut, Pablo bñxkoft. Do jawux, fñlaechon. ¹² Pansian xamatkaeyapon, mat-ech wut, bñflaechipon pejbachade. Ja-aech wut, puexa japi jiw xabich nejchachaemil.

Pablo nakoltpox Troas paklowaxxot chaflaeliajwa Mileto paklowax poxade

¹³ Xanal wñajna fñlaechx, Pablo nato'a xot chaflaeliajwanbej barkamtat Aso paklowax poxade, japapaklowaxxotde Pablo faenaliajwan. Jasox xanal Pablo nato'a, nejchaxoel xoton pñtlel fñlaeyax. ¹⁴ Xanal faenx wut, Pablo Aso paklowaxxot, do jawut, xanal, Pablo sñapich, chafolx barkamtat Mitilene paklowax poxaliajwan. ¹⁵ Do jawux, kandiawa wut, Mitilene paklowaxxot barkamtat chaflaechx wut, paxentax Quío paklowaxtabijla. Do kandiawa wut, chapatx tanaetpaklowax, pawñlpox Samos. Do pejme asakandiawa wut, Mileto paklowax chapatx. ¹⁶ Xanal fñlae-enil Éfeso paklowax poxade, Pablo thilt xot makachlasamatan Asia tñajñuxot. Pablo nejchaxoel kamta pasliajwa Jerusalén paklowaxxot Pentecostésfiesta wñajna.

Pablo wñallalapox ancianos, Éfeso paklowaxpijiw

¹⁷ Pablo Mileto paklowaxxot wutñuk, wñallalapon ancianos, Éfeso paklowaxpijiw. Japi paklochow Jesucristo pejwñajan naexasiti. ¹⁸ Dolisdo', ancianos pat wut, Pablo jum-aech: “Xamal chiekal namatabijam xan, akasestat patx wut ampatuñajñuxot, Asia tñajñuxot. Ampatuñajñuxotx wut, xamal matabijam, ma-an xan, dukx wut xamalxot. ¹⁹ Pomatkoicha Diosliajwa nabistax, xamalxotx wut. Nejchaxoelx wut, kaematkoi nejchaxoela-enil: ‘Xan pejme kaes pachaeman. Me-ama asew jiw, jachi-enil’ —chi-enil, nejchaxoelx wut. Asamatkoi xan xabich nowx, jiw naexasis-el wut Dios. Xamal matabijam xan nabijataxprohan, judíos naboesasia wut. ²⁰ Ja-an wut, xan nakiowa bñxkofs-enil naewñajñaxprohan, xamal matabijaliajwam japoxan. Xamal naewñajñafñlax, kaeyaxtat natamejlam wut. Kaenanñla nejbachanxot naewñajñaxbej. ²¹ Judíos, judíos-elibej, jum-an naewñajñax wut: ‘¡Kofim babijaxan isfulampoxan! ¡Naexasisfulde Dios! ¡Xanaboejimbej wajpaklon Jesucristo!’ —ansñlax, naewñajñafñlax

wut. ²² Amwut Jerusalén paklowax poxaxaechan, Espíritu Santo nato'a xot. Xan matabijs-enil, achax jachiyaxael jaxotde xanliajwa. ²³ Xan ampoxkal matabijtax Espíritu Santo pijaxtat tajutliajwa. Nejmachpaklowaxanxot patx wut, xan bej najeyaxaelbejpi jiw jebaxot. Xabich bej nabijasaxaelenbej. Nejmachpaklowaxanxotx jiw naewuajntax wut, Espíritu Santo japox chajia najum-aech xan matabijsliajwan. ²⁴ Xan tajlewla-el japoxanliajwa. Nejchaxoela-enilbej tuxaxaelenpox. Pelax xan xabich nejchaxoelx Dios pejbichax toesliajwan. Tajpaklon Jesús nato'a naewuajnalialjwan chimiawuajan, Dios puexa jiw nejxasinkpoxliajwa” —aech Pablo ancianosliajwa.

²⁵ Pablo pejme jum-aech ancianos, Éfeso paklowaxpijwliajwa: “Xamalxot chajia naewuajntax Dios puexa pejjiw tato'laxaelpox. Amwutjel xan chiekal matabijtax. Chinax kaen xamalxot pejme kaes xan nataeyaxil ampathatat. ²⁶ Samata, xamal ampox jumchiyaxaelen. Xamalxot asew jiw naexasis-el wut Dios, japi napelt wut, xan tajnaewuajntaxat japi napelsaxil. ²⁷ Xamal puexa naewuajntax Dios pejjamechan chiekal matabijaliajwam. Chinaxkaejame namana-el jumchi-eniljame. ²⁸ ¡Xamal duilafulde babijaxan is-elaxtat! Jesús mot pejjaltat jiw pejbabijaxan ispoخانliajwa. Samata, ¡japi jiw chiekal tataefulde, Espíritu Santo japabichax xamal chaxdut xot! Me-ama ovejas tataeflan chiekal tataeflaful pejew ovejas, ¡xamalbej ja-amde naexasitiliajwa Jesucristo pejwuajan! ²⁹ Xan matabijtax ampox. Xan chijian wut, asew jiw pasaxael xamalxot japi pijaxtat xamal kofaliajwam Jesucristo pejwuajan naexasitampon. Me-ama lobos pat toesliajwa ovejas, jachiyaxael japi jiw, xamalxot pat wuti. ³⁰ Asew jiw xamalxotbej asaxan naewuajntaxael naekichachajbالياjwa xamal, Jesucristo pejwuajan naexasitampim. Ja-aech wut, naekichachajbapijw asew jiw xamalxot buflaeyaxaes, japi suapich, naknatamejalialjwa asabachantat. ³¹ Samata, ¡najut chiekal xamal natataefulde! ¡Nejchaxoelde tres waechanlisox xamal kaenanala naewuajntaxpox matkoi, madoibej! Asamatkoi nowxbej xamallialjwa, naewuajntax wut” —aech Pablo ancianos, Éfeso paklowaxpijwliajwa.

³² Pablo pejme jum-aech ancianos, Éfeso paklowaxpijwliajwa: “Takoew, xamal tamach waelaxaelen. Pe Dios xamal tataeflaxael. ¡Dios naexasisfulde! Dios naknaewuajan pejjamechan xatis matabijaliajwas Dios naknejxasinkpox. Dios mamnik. Japon xajup kajachawaesliajwa xamal kaes Dios chiekal xanaboelialjwam. Dios xajupbej chaxduiliajwa chajia puexa jumdupoxan, makanochpi japon pejjiwaliajwa. ³³ Xan dukx wut xamalxot, taenx wutbej asew pejew plata, naxoebej, japoxanliajwa xan chinax nejchaxoela-enil tejewliajwa. ³⁴ Xamal chiekal matabijam. Xan kejinil wut, tajut nabistax faenaliajwan nawewe'ppoxanliajwa, tajnachala wewe'paspoخانliajwabej. ³⁵ Japox ja-an xamal matabijaliajwam. ¡Xamallap-is jachiyaxaelam, nabistam wut asew jiw wewe'paspi kajachawaesliajwam! ¡Nejchafaekde wajpaklon Jesús jum-aechpox! Jum-aechon: ‘Asew nakchaxduw wut, xanejchachaemlas. Pe kaes pejme xabich nejchachaemlas, xatis asew jiw chaxduws wut’ —aech Jesús” —aech Pablo ancianosliajwa.

³⁶ Do jawux, Pablo buxtoet wut, puexa ancianos suapich, brixtat nuilisi Dios kawuajnalialjwa. ³⁷⁻³⁸ Do jawut, puexa nowpi. Kaenanala japi wudeti Pablo. Xusuibalabejpi, xabich nejxaejwas xot, Pablo jum-aech

xot: “Chinax kaen xamalxot pejme xan nataeyaxil ampathatat” —aech xot Pablo. Do jawut, japi fulchala Pablo barkamxotdik.

21

Pablo chaflaechpox pasliajwa Jerusalén paklowax

¹ Do jaxot xanal waelax wut ancianos, barkam julx. Matnoch chaflaechx Cos paklowax poxade. Do kandiawa wut, Rodas paklowax poxandax. Rodas paklowaxxot chaliknax wut, Pátara paklowax poxande. ² Pátara paklowaxxot chapatx wut, jaxot asabarkam duk. Japabarkam fulaeyaxaech Fenicia tuajnua poxade. Xanal japabarkam julx. Do jawut, chafolx. ³ Chafolx wut, chaxentax Chipre tanaet surlel. Do jawux, chaflaechx Siria tuajnua poxade. Siria tuajnulel, Tiro paklowaxxot, chapatx. Japabarkam xabich xafol xot japapaklowaxpijiwliajwa, jaxot tunoti japabarkam. ⁴ Tiro paklowaxxot faekx naexasiti Jesucristo pejuwan. Japixotan namaxfuk siete matkoian. Japi Espiritu Santo pijaxtat chajia matabija Pablo nabijasaxaelpox. Samata, japi fiat Pablo fulaesamata Jerusalén paklowax poxade. ⁵ Siete matkoian toep wut, japixot xanal chijian. Puexa jiw, pejwatho'jiw suapich, paxi suapichbej, xanal nafulchalapi paklowax tathoetade. Jaxot xanal brixtat nuilx thaejtat Dios kawuajnalijwan. ⁶ Do jawut, xanal barkam julx wut, japi nawia pejbachan poxade.

⁷ Tiro paklowaxxot xanal chaliknax wut, do jawux, chapatx Tolemaida paklowax. Do jaxotde, chapa'ax wut, kaes chaflae-enil minlel. Tolemaida paklowaxxot naexasiti Jesucristo pejuwan saludax. Japixot namax kaematkoiliajwa. ⁸ Do kandiawa wut, xanal chijian Tolemaida paklowaxxot. Do jawut, Cesarea paklowax patx wut, Felipe pejba poxandax. Japon Felipe chimiawuajan, Jesucristo pejuwan, jiw naewuajnaful. Japon chajia makafich, asew seis poejiw suapich, kajachawaesfulalijwapon apóstoles. Xanal namax japon pejbatat. ⁹ Japon cuatro paxulow. Japi tamach laelp. Japi watho' profetas. Samata, japi watho' naewuajan Dios buxto'aspoxan jiwliajwa. ¹⁰ Felipexot kaematkoian suapich namax wut, jawut Felipe pejbaxot kaen profeta pat. Japon Judea tuajnupijin, pawalon Agabo. ¹¹ Agabo pat wut, xanal tajwajnalel Pablo pejcinturónmuat jolchapon. Japacinturónmuatat pajut tuakwasike'lapon. Muaxwasike'labejpon. Do jawut, jum-aechon xanalliajwa:

—Espíritu Santo najum-aech Pabloliajwa: ‘Jerusalén paklowaxxot pat wut, judíos makachiyaxaeson ampacinturónmuatpjin. Do jawux, wiasaxaeson asatuajnupijiwxot, judíos-elixot’ —aech Espiritu Santo —aech Agabo, jum-aech wut Pabloliajwa.

¹² Xanal japox jumtaenx wut, Cesarea paklowaxpijiw suapich, xabich fiatx Pablo fulaesamata Jerusalén paklowax poxade. ¹³ Pablo najumnot wut, jum-aechon xanalliajwa:

—Xamal nowam wut, xanbej nanejxaejow. Dios nejxasink wut, pachaem xan namatakuiliajwa, naboesaliajwabej Jerusalén paklowaxxot, wajpaklon Jesús pijaxtat —aech Pablo.

¹⁴ Xanal Pablo fiatx wut, na-owchi-elon Jerusalén paklowax poxade fulae-elaliajwa. Samata, jawut xanal tapaeixpon fulaeliajwa. Do jawut, xanal jum-an:

—Dios nejxasink wut, japox jachiyaxaeson —an xanal.

15 Jawut tejew chaemtax xalaeliajwan. Do jawut, xanal fulaechx Jerusalén paklowax poxade. 16 Asew Cesarea paklowaxpijiw, naexasiti Jesucristo pejwajaan, xanal nafulchala Mnasón pejba poxade. Mnasón Chipre tanaetpijin. Japon kaes chajia wajaan naexasit Jesucristo pejwajaan. Japon pejboxot xanal namax kaematkoianliajwa.

Pablo taenpox Santiago Jerusalén paklowaxxot

17 Xanal Jerusalén paklowaxxot patx wut, naexasiti Jesucristo pejwajaan chiekal nabu'kula. Xabich nejchachaemili, xanal nataen wut. 18 Kandiawa wut, Pablo xanal nakfol taeliajwapon Santiago. Jaxotbej wajaan puexa ancianos natameja. 19 Xanal patx wut Santiagoxot, Pablo puexa kejacha. Do jawut, chiekal chapaeipon puexa ispoخان, Dios kajachawaesfulas wut, judíos-elixot wut. 20 Japox jumtaen wut, Santiago, ancianos swapich, chimiajamechan jum-aechi Diosliajwa. Do jawut, jum-aechi Pablolijwa:

—Takoewan Pablo, xam chiekal matabijtam ampox. Xabich pin-iat judíos naexasiti Jesucristo pejwajaan. Pe japi nakiowa nejchaxoelaful: 'Xatis naexasich wut Jesucristo pejwajaan, naexasifulaxaesbej Moisés chajia lelpox, Dios pejtato'laxxot' —aechi, nejchaxoel wut. 21 Asew judíos jum-aech xam naewajaanmpoxliajwa: 'Pablo naewajaan wut asatwajnapijiw, judíos, jum-aechon: "¡Moisés chajia lelpox xamal nabej naexasis! Xamal wewe'pa-el naxi circuncidaliajwam Dios pejmarkaxliajwa. Wajkabwanpox, wajwajnapijiw isfulpox, ¡xatis japox kofaxaes!" —aech Pablo, naewajaan wut asatwajnapijiw, judíos' —aech asew judíos xamliajwa —aech Santiago, ancianos swapich, Pablo jumtaeliajwa.

22 Santiago pejme jum-aech Pablolijwa:

—Judíos waltaen wut xam patampox amxot, japi natamejaxael nakaewa najumchiliajwa. ¿Machiyaxaeskát xatis japi judíos chiekal matabijaliajwa asew judíos jum-aechpox kichachajbapox xamliajwa? 23 Ampox isaxaes puexa jiw matabijaliajwa xam naexasisfulampox Moisés chajia lelpox. Ma amxot cuatro poejiw, xatisxot. Japilis toet chajia jumduwpoxan, Diosliajwa isaxaelpoxan. 24 ¡Japi, cuatro poejiw, buflaem Dios pejtemploba poxade! ¡Dios pejtemplobaxot isde, japi swapich, isaxaelpoxan, japi pachaemaliajwa Diosliajwa! Japi kaenanala ofrenda chaxduiyaxael Diosliajwa. Xam kaenam wemosaxaelam japi poejiwliajwa. Do jawut, japi matnaelaxaxosaxael, asew jiw taens wut nejchaxoelaliajwas japiliajwa: 'Toet xotlisi ispoخان, pajut namatnaelaxaxoti' —chiliajwa asew jiw. Judíos taen wut xam kajachawaetampox cuatro poejiw, puexa judíos pajut matabijaxael, xambej naexasisfulam Moisés chajia lelpox. Jasoxtat japi pajut matabijaxael asew jum-aechpox xamliajwa, diachwajnakolaxa-elpox. 25 Judíos-eli, naexasiti Jesucristo pejwajaan, japiliajwalax, xatis chajia lels, xatis kaeyax nejchaxoes xot. Japi xaeyaxil choefwi, xua'atasi ídolos-ofrendaliajwa. Choefjal feyaxil-bejpi. Xaeyaxilbejpi pawí, choef, kachariamakuspoxtat tupi. Poejiw bu'moejsaxilbej, asew watho' —aech Santiago Pablolijwa.

Pablo jaeltaspox Dios pejtemplobaxot

26 Dolisdo', kandiawa wut, Pablo japi, cuatro poejiw, bu'fol Dios pejtemploba poxade. Pajut ispon, japi swapich, isaxaelpoxan, japibej pachaemaliajwa Diosliajwa. Do jawut, Pablo low Dios pejtemploba

jumchiliajwapon sacerdotes, maswut japi toesaxael Diosliajwa isliajwaxox, jumduwboxan. Japamatkoitat japi kaenanala Dios chaxduiyaxael ofrenda.

²⁷ Japoxan toesliajwa we'p wut siete matkoiyan, asew judios, japi Asia tuajnapijiw, taen Pablo, Dios pejtemplobat wut. Do jawut, japi jum-aech babejjamechan Pabloliajwa, puexa judios ulataeliajwapi Pablo. ²⁸ Samata, jawut, japi nejlasful wut, jum-aechfuli: "Takoew, ixanal nakajachawae'e ampon aton jaelsliajwan! Ampon aton naewuajnaful puexa paklowaxanpijiw, japi naexasis-elaliajwa Moisés chajia lelbox. Jum-aechbejpon: 'Dios pejtemploba pachaema-el' —aechon. Isbejpon naktapae-elox ampatemplobat, bu'low xoton griegos" —aech judios Pabloliajwa.

²⁹ Nejlasful wut, japox jum-aechfuli, chajia taen xoti Pablo, Tróximo swapich, Éfeso paklowaxpijin, bu'mathun wuton Jerusalén paklowax. Judios, Asia tuajnapijiw, nejchaxoel: "Pablo buflaen judios-atona-elon, Dios pejtemplobalel" —aechi, nejchaxoel wut. Pe japi nejchaxoelpox diachwajnakolaxa-el.

³⁰ Samata, Jerusalén paklowaxpijiw palalapi Pabloliajwa, Asia tuajnapijiw japox jum-aech wut. Puexa jiw dadukpana Pabloxot pasliajwa. Japi jaelt Pablo. Jaelt wut, Pablo jolkas Dios pejtemploba tathoetade. Jawut Dios pejtemplobafafachan faka'bapi. ³¹ We'p wut cha-aekolaxach Pablo boesaliajwas judios, jawut, Roma tuajnapijin, soldawpaklon, jumtaen wuajan, Jerusalén paklowaxpijiw xabich palalapox. ³² Do jawut, soldawpaklon tameja soldaw, paklochowbej. Jawux, natameja wut, japi dukpdepi xabich jiw natameja poxade. Judios taen wuti soldawpaklon, soldaw swapich, kekofbapi Pablo beyax. ³³ Soldawpaklon moxde Pablo poxade jaelsliajwapon Pablo. Jasoxtat Pablo jaeltas buflaeliajwas. Soldawpaklon to'a soldaw japi muaxwasixawaesliajwapi Pablo kolecadenamuatje. Do jawut, soldawpaklon wuajnachaemt wut, jum-aechon judiosliajwa: "¿Achankat ampon aton? ¿Achababijaxkaton is?" —aech soldawpaklon. ³⁴ Asew japixot nejlasful wut, jum-aechful kaeyax. Asew nejlasful wut, asaxan jum-aechfulbej. Samata, to'apon Pablo buflaeliajwas, soldaw duil poxade. ³⁵ Pablo bu'fos soldaw pejba poxade. Pat wuti julaliajwaxot japaba poxase, Pablo soldaw taxnoch julaliajwaxot. Jasox is soldaw, judios xabich palala xot Pabloliajwa. ³⁶ Xabich judios wuchakal folpi. Nejlasful wut, jum-aechfuli: "¡Boesam japon aton!" —aechfuli.

Pablo jumnotpox judios pejwuajnalel

³⁷ Pablo bu'leliajwas wut soldaw pejbaxot, jawut Pablo kawuajan wut soldawpaklon, jum-aechon griegojemetat:

—Xam swapich, nospaesian kaejamechan —aechon.

Soldawpaklon wuajnachaemt wut, jum-aechon:

—¿Xamkat naksiyam griegojame? ³⁸ Xam naksiyam wut griegojame, xam diachwajnakolax Egipto tuajnapijna-emil. Japon Egipto tuajnapijin, pejjiw swapich, chajia bunbapon, Roma gobierno pejsoldaw swapich. Do jawux, najaeton, pejjiw swapich, pajilax poxade. Japi, meama cuatro mil poejiw —aech soldawpaklon Pabloliajwa.

³⁹ Pablo jumnot wut, jum-aechon:

—Xan japona-enil. Xan judíos-atonan, Tarso paklowaxpijnan. Tarso paklowax kaes pejme pinjiyax. Me-ama, asapaklowaxan Cilicia tñajnuḡot, jachi-el. ¡Xan natapaem naksiyaliajwan ampi judíosliajwa! — aech Pablo.

⁴⁰ Do jawut, soldawpaklon tapaei Pablo naksiyaliajwa. Samata, Pablo nuk bu'julachasxot. Do jawut, Pablo muaxxachok'cha puexa jiw boe- jlachaliajwa. Judíos boe jlach wut, Pablo naksiya hebreojametat.

22

¹ Ampoxlap Pablo jum-aech judíosliajwa Jerusalén paklowaxxot: “Takoew, xamal pakdiachowambej, ¡xan chiekal nanaewe'e jumchiyaxaelenpox xamal chiekal matabijaliajwam xan babijaxan is-enilpox!” — aech Pablo judíosliajwa. ² Pablo hebreojametat naksiya wut, japi judíos xabich boe jlach nuil. Do jawut, Pablo pejme jum-aech wut, jum-aechon:

³ “Xan judíos-atonan. Nalaeltax Tarso paklowaxxot, Cilicia tñajnuḡot. Amxot Jerusalén paklowaxxot ti'tax. Xan estudiax wut, Gamaliel na-itpaei. Chiekal nachanaekabuanapon Moisés chajia lelpox, wajwñajnapijiw naexasitox. Pomatkoicha nejchaxoelx: ‘Puexa tajpamamaxtat isaxaelen Dios tato'alpoxan puexa jiw isliajwa japoxan’ —an, nejchaxoelx wut. Me-ama xamal amwutjel nejchaxoelam, xan majt japox nejchaxoelx chiekal naexasisliajwan Dios. ⁴ Majt xan xabich chakinanñamtax naexasiti Jesucristo pejuñajan. Jaelax wut, jiax jiw jebatat poejiw, watho'bej. Do jawux, baespi. ⁵ Sacerdotespaklokolan, judíos-ancianosbej, japoxan chiekal taen, xan isx wut. Japi nawelex carta xan xalaeliajwan wajkoew judíos, Damasco paklowaxxot duilixot chaxdusliajwan japox carta. Do ja-aech wut, xan Damasco paklowax poxadax naexasiti Jesucristo pejuñajan wulwekaliajwan, faekx wut buflaeliajwan Jerusalén paklowax poxadin, amxot kastikaliajwas” — aech Pablo.

Pablo chapaeipox judíosxot, ma-aechon naexasisliajwa Jesús

⁶ Pablo pejme jum-aech: “Xanal ñamtax folx wut, matnoch juimt ek wut, Damasco paklowaxxot moxan wut, chalechkal masoxtat xabich itliakjala athusik, xan folxxotsik. ⁷ Jawut jawlax satadik. Do jawutbej, jumtaenx athusik najum-aechsikpox. Japajame najum-aech: ‘Saulo, Saulo, ¿ma-aech xotkat xam nachakifolam?’ —na-aechox athusik. ⁸ Xan wñajnaemtax wut, jum-an: ‘Tajpaklon, ¿achanamkat xam?’ —an xan. Athusik najumnot wut, najum-aechpox: ‘Xan Jesúsñan, Nazaretpijnan. Xam nachakifolamponan’ —na-aechon athusik. ⁹ Xan nakfolpi, japibej taen itliakax. Pe japi jummatabija-el athusik najum-aechpon. ¹⁰ Xan pejme wñajnaemtax wut, jum-an: ‘Tajpaklon, ¿achaxkat xan isaxaelen?’ —an xan. Tajpaklon Jesús najum-aech: ‘¡Nande! ¡Fulaemch Damasco paklowax poxade! Jaxotde asan aton xam jumchiyaxael isaxaelampox’ —na-aech Jesús. ¹¹ Japox itliakax taenx wut, xan itliaklan nadofax. Kaes tae-enil. Samata, xan nakfolpi namakxafol Damasco paklowax poxade” — aech Pablo.

¹² Pablo pejme jum-aech: “Damasco paklowaxxot aton duk. Japon pawul Ananías. Japon nejxasink Dios. Chiekal naexasitbejpon Moisés chajia lelpox. Puexa judíos, Damasco paklowaxxot duili, naksiya chimi- ajamechan japonliajwa. ¹³ Do jawux, Ananías fulaen xan dukx poxadin. Pat wuton xanxot, jum-aechon: ‘Takoewan Saulo, ¡pejme taem!’ — aech

Ananías. Do jawut, xan pejme chiekal taenx. ¹⁴ Do jawut, Ananías pejme najum-aech: ‘Wajwujnapijiw pejDios, japon xam makafit matabijsliawam isliajwam japon nejxasinkpoxan. Dios xam makafitbej taeliajwam Jesús, chinax babijax is-elon. Dios xam makafitbej Jesús pejwujajan jumtaeliajwam. ¹⁵ Xam xabich nanuamsaxaelam potujnucha Jesucristo pejwujajan jiw naewujnaliajwam. Jiw chapaeyaxaelam taenamproxan, jumtaenamproxanbej. ¹⁶ ¡Kaes nabej wujnawes! ¡Nande! ¡Bautisam! Bautisam wut, ¡wajpaklon Jesús wuljoem xam beltaeliajwa, puexa babijaxan isamproxanliajwa!’ —na-aech Ananías” —aech Pablo judíoslajwa.

Pablo chapaepox judíos, japon Dios to'aspox judíos-eli naewujnaliajwa

¹⁷⁻¹⁸ Pablo pejme jum-aech: “Do jawux, Damasco paklowaxxot nawia'nax wut, amxot Jerusalén paklowaxxotx wut, Dios pejtemploba poxadax Dios kawujnaliajwan. Chalechkal masoxtat taenx paklokolan Jesús. Jawut Jesús najum-aech: ‘¡Ampapaklowaxxot xam kamta chijiamde! Ampí jiw xam naexaxisaxil xanliajwa naewujnamproxan’ —na-aech Jesús. ¹⁹ Xan jawut, Jesús jumnotx wut, jum-an: ‘Tajpaklon, japi judíos matabija, xan asew jaelax judíos naewujnabachanxot, japi naexasiti nejwujajan. Do jawux, japi jiw jiax jiw jebatat japi kastikaliajwas. ²⁰ Japi judíos chiekal matabijabej xan kaenejchaxoelxprox, japi suapich, japi matkaejaba wut Esteban ia'tat, Esteban naewujajan wut jiw nejwujajan. Esteban matkaejabas wut, japi judíos pejsunta-owa xan wetataeflax, japoxan’ —an xan Jesúsliajwa, masoxtat taenx wut. ²¹ Do pejme Jesús najum-aech: ‘¡Xabua'de! ¡Atuj fulaemch asatujnupijiwlede! Xam to'axaelen judíos-elpi poxade’ —na-aech Jesús” —aech Pablo judíoslajwa.

Soldawpaklon kastikasiapox Pablo

²² Do jawut, judíos naeweti xabich palalapi, jumtaen wuti Pablo jum-aechpox judíos-elilajwa. Kaes naewes-elisi Pablo jum-aechpox. Japi nejlasax tuadut wut, jum-aechi: “¡Ampon aton kaes laejax nabej tapaetis ampathatat! Samata, ¡nej boesaspon!” —aech judíos. ²³ Judíos xabich palala xot, nejlasful. Do jawutbej, jolpi thuch naxoeldikproxan. Japoxan xawisful wut, athulel as thojabapi. ²⁴ Ja-aech wut, soldawpaklon to'a pejsoldaw Pablo buflaeliajwas soldaw pejbatu poxade. Pablo, bu'low's wut, soldawpaklon keto'a pejsoldaw Pablo selslajwas, pajut chiekal chapaeliajwapon, ma-aech xot judíos palala Pabloliajwa. ²⁵ Pablo muaxwasikus wut selslajwas, jawut jum-aechon soldawcapitánliajwa:

—Xan Roma tuajnupijnan. Xamal tapae-eli masoxtat asbuan jumch selslajwam aton, majt matabija-emil wut, japon aton pejbw'wujjanproxliajwa —aech Pablo.

²⁶ Soldawcapitán jumtaen wut Pablo jum-aechpox, jawut fulaechon chapaeliajwa soldawpaklon. Jaxot pa'a wut, jum-aechon:

—Japon aton, Roma tuajnupijin. ¿Machiyaxaelamkat japon atonliajwa? —aech capitán.

²⁷ Soldawpaklon mox soepan wut Pabloxot, wujnachaemt wut, jum-aechon:

—¿Diachwujnakolaxkat xam chiekal Roma tuajnupijnam? —aech soldawpaklon.

Pablo jumnot wut, jum-aechon:

—Jn, diachwujnakolax xan chiekal Roma tuajnupijnan —aech Pablo.

²⁸ Soldawpaklon japox jumtaen wut, jum-aechon:

—Xan diachw^hajnakolax chiekal Roma t^hajⁿrijna-enil. Me-ama asew nalaelapi Roma t^hajⁿxot, xan jachi-enil. Pelax xan xabich plata motx, me-ama chiekal Roma t^hajⁿrijnan w^ht, jachiliajwan —aech soldawpaklon.

Do jaw^ht, Pablo j^hmnot w^ht, j^hm-aechon:

—Xan diachw^hajnakolax chiekal Roma t^hajⁿrijnan, taj-ax Roma t^hajⁿrijin xot —aech Pablo.

²⁹ Do jaw^ht, japi soldaw, selsasiapi Pablo, j^hmtaen w^hti japox, sels-elisi. Asb^han j^hmch kofapi. Soldawpaklon matabijt w^ht Pablo Roma t^hajⁿrijinpon, japonbej pejlewla Pabloliajwa, keto'a xoton pejsoldaw m^haxwasixawaesliajwas Pablo cadenam^hat.

Pablo charaeipox judíospaklochow pejw^hajnael Jesús pejw^hajan naexasitproxliajwa

³⁰ Kandiawa w^ht, soldawpaklon chiekal matabijsasia, ma-aech xot judíos tasalapi Pablo. Samata, soldawpaklon to'a natamejalijwa sacerdotespaklochow, puexa judíospaklochowbej. Do jaw^ht, Pablo juch w^ht, cadenam^h m^haxwasijolson. Nochpon puexa jiw pejw^hajnael natamejaxot.

23

¹ Puexa judíospaklochow natameja w^ht, japox paw^hl Junta Suprema. Pablo japi pejw^hajnael nuk w^ht, chiekal natachaemton japi. Jaw^ht j^hm-aechon:

—Takoew, Dios matabijt xan chiekal dukx^hrox Diosliajwa pomatkoicha —aech Pablo.

² Jaw^ht Ananías, sacerdotespaklokolan, keto'a mox nuili Pabloxot, Pablo xuselchaliajwas. ³ Pablo japox j^hmtaen w^ht, j^hm-aechon Ananíasliajwa:

—¡Xam, naekichachajbapijnam, isam Dios nejweslapox! ¡Asamatkoi Dios xam kastikaxael! Xam amxot ekam xan naj^hmchiliajwam tajb^h'w^hajanpox Moisés chajia lelpoxliajwa. Pelax xam najut naexasis-emil Moisés chajia lelpox. ¿Ma-aech xotkat najut babijax isasiam, keto'am xot asew jiw xan naxuselchaliajwa? Moisés chajia lelpox jasox tapae-el —aech Pablo.

⁴ Jaxot mox nuili, japi j^hm-aech Pabloliajwa:

—¿Ma-aech xotkat xam babejjamechan j^hm-am sacerdotespaklokolanliajwa? Xam sitae-emil Dios makafichpon —aechi Pabloliajwa.

⁵ Pablo japox j^hmtaen w^ht, j^hm-aechon:

—Takoew, xan matabijs-enil japon sacerdotespaklokolanpon. Dios pejjamechan, chajia lels^hrox, j^hm-aech: '¡Nabej j^hm-aech' palaeya-jamechan jiw tato'lanliajwa!' —aech chajia lels^hrox —aech Pablo.

⁶ Do jaw^ht, Pablo pajut matabijt judíospaklochow, kaenejchaxoelaxa-elox. Japixot kaem^ht saduceos. Asam^ht fariseos. Samata, Pablo pin-jamet^ht j^hm-aech:

—Takoew, xan fariseos-atonan. Naexasitx fariseos naew^hajanpox, tajw^hajnapijiw fariseos xot. Amxot natasalam, xan naexasisf^halax xot t^hapi mat-eyaxaespoxliajwa pejme duilaliajwa —aech Pablo.

⁷ Pablo j^hm-aechpox j^hmtaen w^hti, fariseos t^hadut naj^hmchiliajwa, saduceos s^hapich. Do jaw^ht, palala xoti nadijapi natamejaxot. ⁸ Saduceos naexasis-el fariseos naexasitpoxan. Saduceos nejchaxoel: “Jiw t^hp w^ht,

mat-eyaxisal pejme duilaliajwa. Ajilbej ángeles. Jiw pej-aelanbej ajil” — aech saduceos, nejchaxoel wut. Pelax fariseos japoxan nejchaxoela-el.

⁹ Puxa nejlasful wut, najum-aechful. Fariseosxot, asew judíos chanaekabuanapi. Japi nana wut, jum-aechi:

—Ampon aton isa-el babijax. Bej naewuajnasbejpon kaen ángel, o, bej naewuajnasbejpon espíritu —aechi Pablolijwa.

¹⁰ Fariseos xabich kaes palala saduceosliajwa, jasox naksiya wuti. Soldawpaklon japox taen wut, nejchaxoelon: “Japi bej boesaxaelbejpi Pablo” —aechon, nejchaxoel wut. Samata, soldawpaklon keto'a pej-soldaw Pablo judíosxot jusliajwas, buflaeliajwas pejme soldaw pejbatu poxade.

¹¹ Asamadoide wut, Jesús natulaelt Pabloxot. Jawut Jesús jum-aech Pablolijwa: “Pablo, inabey nejlewle! Me-ama amxot Jerusalén paklowaxxot naksiyam wut xanliajwa, jachiyaxaelambej Roma paklowaxxot, patam wut” —aech Jesús Pablolijwa.

Judíos nejchaxoelpox boesaliajwapi Pablo

¹² Do kandiawa wut, asew judíosxot, kaenejchaxoelax boesaliajwapi Pablo. Do jawutbej, nakaewa najum-aechi: “Naxaeyaxisal. Feyaxisal. Hasta xatis Pablo boesas wut, jawut pejme naxaeyaxaes. Pablo boesaesal wut, xaes wut, ¡Dios xatis nej nakkastike!” —na-aechi nakaewa japikal. ¹³ Japi nakaewa japox najum-aechpi, me-ama kaes cuarenta poejiw. ¹⁴ Boesasiapi Pablo, japi fulaechlisi sacerdotspaklochow poxade, judíos-ancianos poxadebej. Pa'a wuti, jum-aechi ampxot:

—Xanal naxaeyaxinil. Feyaxinil. Hasta xanal boesax wut Pablo, jawut xanal xaeyaxaelen. Xanal jum-anbej: ‘Pablo tupa-el wut, xaes wut, ¡Dios nej nakkastike' xatis!’ —an xanal. ¹⁵ Do jawut, xamal paklochwam, ancianos suapich, ¡wuljoem soldawpaklon Pablo buflaeliajwas ampaleldin, nejwuajnalel nukaliajwapon! ¡Soldawpaklon jum-amde: ‘Xanal tajut pejme chiekal wuajnachemsasian Pablo, jumchiliajwan pejbw'wuajanpoxliajwa’ —amde soldawpaklon! Dolisdo’, Pablo buflaens wut soldaw, xanal wuajnawesaxaelen nuamfatat kamta boesaliajwan Pablo, pas-el wuton amxot —aech japi paklochowliajwa.

¹⁶ Pablo pafaman wultaen wut puax wuajnawesaxaesox nuamfatat boesaliajwas, do jawut, Pablo pafaman fulaech soldaw pejba poxade puax chapaeliajwapon japox. ¹⁷ Pablo japox jumtaen wut, lapon soldawcapitán. Capitán pat wut Pabloxot, Pablo jum-aech capitánliajwa:

—¡Ampon pansian buflaemch nejpaklon poxade, wuajan xapa'an xoton! —aech Pablo capitánliajwa.

¹⁸ Do jawut, capitán buflaechon pansian pejpaklon poxade. Pat wuton pejpaklonxot, capitán jum-aech:

—Pablo, jaeltason, xan nala wut, buflaeyax nato'apon ampon pansian xam poxade. Japon xapa'an wuajan xam chapaeliajwa —aech capitán pejpaklonliajwa.

¹⁹ Do jawut, soldawpaklon pansian pejlel buflaech wut, wuajnachamt wut, jum-aechon pansianliajwa:

—¿Achaxkat najumchiyaxaelam? —aech soldawpaklon pansianliajwa.

²⁰ Pansian jum-aech:

—Judíos kaenejchaxoelax xam wuljoeliajwa, kandiawa to'aliajwam taj-nax Pablo judíospaklochow poxade. Me-ama chiekal wuajnachemsliajwa wut, jachiyaxaeli taj-nax boesaliajwa. ²¹ Japi

xam wuljow wut, ¡nabey ow-aeché! Me-ama kaes cuarenta poejiw wuajnewesaxaes nuamfatat taj-uax boesaliajwas. Nakaewa chajia najum-aechi: 'Naxaeyaxisal. Feyaxisal. Hasta xatis Pablo boesas wut, jawut, pejme xaeyaxaes. Pablo boesa-esal wut, naxaes wut, ¡Dios nej nakkastike' xatis!' —na-aechi nakaewa. Japi wuajnewet xam to'aliajwam taj-uax Pablo —aech Pablo pafaman, chapaei wut soldawpaklonliajwa.

²² Soldawpaklon japox jumtaen wut, jum-aechon pansianliajwa:

—Ampox, najum-ampox, ¡chinax kaen aton nabey chapae! —aechon.
Do jawut, soldawpaklon pansian to'a nawiasliajwade pejba poxade.

Pablo to'aspox gobernador Félix poxade

²³ Soldawpaklon lapon kolenje pejcapi tánes. Japi pat wuti japonxot, jum-aechon japiajwa:

—¡To'im thilsliajwa doscientos soldaw fulaeliajwa, fulaeyaxaeli tuaktat! ¡To'imbej thilsliajwa asew setenta soldaw, kawaeitat chaflaeyaxaeli! ¡To'imbej thilsliajwa doscientos soldaw, lanzaspjiw, fulaeliajwa! Ampamadoitat, a las nueve wut, nakolaxaelam Cesarea paklowax poxaliajwam. ²⁴ ¡Xamal chaemde kawaei Pablo chaflaeliajwa! Bu'folam wut, ¡chiekal buflaem chamoeyaxtat gobernador Félix poxade! —aech soldawpaklon.

²⁵ Do jawut, soldawpaklon carta xato'a pejsoldawtat. Japacartaxot jum-aechon:

²⁶ “Gobernador Félix, xam puexa jiw xabich sitaenponam, saludos xato'ax xamliajwa. Xan, Claudio Lisias, lelx ampox carta xamliajwa. ²⁷ Judíos ampon aton jaelt. Boesasiapipon. Xan matabijtax wut japon Roma tuajnujijinpon, wuljae'ax, tajsoldaw suapich, japon boesa-elaliajwas. ²⁸ Xan nejchaxoelx: ‘¿Achaxliajwakat japon tasalas?’ —an, nejchaxoelx wut. Samata, buflaechx judíospaklochow poxade. ²⁹ Japi paklochow tasalapi Pablo Moisés chajia lelpoxliajwa. Pe Pablo bu'wuajanjil boesaliajwas. Bu'wuajanjilbejpon jeliajwas jiw jebatat. ³⁰ Xan wultaenx kaesuapich judíos kaenejchaxoelaxpox maliach boesaliajwapi Pablo. Samata, tajsoldaw to'ax buflaeliajwapi xam poxade. Tasalasiapi japi xan to'ax nejwuajnalel pejme chiekal jumchiliajwapi, tasalasia wuti. Dodo'. Ma amxot ampox toep” —aech carta, soldawpaklon xato'apox.

³¹ Do madoi wut, soldaw bu'follisi Pablo Antípatris paklowax poxade, pejpaklon to'as xoti. ³² Kandiawa wut, soldaw, tuaktat foli, pejme kaxa nawen pejba poxadin. Asew soldaw kawaeitat chafoli, japi, Pablo suapich, chaflaech Cesarea paklowax poxade. ³³ Soldaw Cesarea paklowaxxot pat wut, gobernadorxot carta wiati. Pablobej wiach. ³⁴ Gobernador carta xaljoeyax buxtoet wut, wuajnachamt wut, jum-aechon Pabloliajwa:

—¿Amxotpijnamkat xam? —aechon Pabloliajwa.

Pablo jumnot wut, jum-aechon:

—Xan Cilicia tuajnujijnan —aech Pablo.

³⁵ Jawut gobernador jum-aech:

—Xam naewesaxaelen, tasalapi pa'an wut —aech gobernador.

Do jawut, gobernador to'a pejsoldaw Pablo wesfulaliajwas, wesamatapon. Pablo wech pinabaxot, Herodes majt dukbaxot.

24

Pablo naksiyapox gobernador Félix pejwujajnalel

¹ Do jawux, cinco matkoijan xent wut, Ananías, sacerdotespaklokolan, pat Cesarea paklowaxxot. Bu'paton asew judíos-ancianos, asanbej, pawulpon Tértulo. Japon abogado. Xabich matabijt jiw jumchiliajwapon, jiw pejbu'wujajan wut. Japi pat gobernador Félix xot jumchiliajwapi Pablo pejbu'wujajanpoxliajwa. ² Pablo buflaens wut paklochowxot, Tértulo taudut jumchiliajwa Pablo pejbu'wujajanpoxliajwa. Jum-aechon Félix liajwa:

—Gobernador, xam nijaxtat xanal chiekal duilx pachaempoxantat ampatujnutat. Xam xabich matabijtam xot nejmach isliajwam, amwutjel kaes pejme pachaem ampatujnu. Me-ama majt, jachi-el. ³ Xanal nejchachaemlax, xam puexa isampoxanliajwa ampatujnutat. Samata, xam liajwa xabich gracias-an xanal, xam xabich sitaenxot. ⁴ Xan nejxasink-enil xam itsasliajwan. Pe kaeswapich kaes jumchiyaxaelen. ¡Xanalfuk kaes nanaewe'e jum-anpox! ⁵ Xanal matabijax, ampon aton, xabich babejen. Ampon potujajnu'cha nanuamt naewujajnalijwa judíos. Japon pejnaewujajnextat xabich judíos nasal. Japonlap paklon kaemutpijwliajwa. Japamut Nazaretmutpijw. ⁶ Isasiapon Dios pejtemplobatat Dios tapae-elox. Bu'lesiapon asew jiw judíos-eli Dios pejtemplobaxot. Samata, xanal japon jaeltax. [Xanal japon kastikasian, me-ama xanal tajkabuan. ⁷ Pe jawut, soldawpaklon, pawulon Lisias, pejsoldaw swapich, pat. Japi soldaw xanal nakife'an ampon aton. ⁸ Nakife'an wut, nato'abejpon xam poxaliajwan.] Amwutjel xam najut japon wujajnaem saxaelam chiekal matabijsliajwam, diachwujajnakolax wut xanal jum-anpox japon pejbu'wujajanpoxliajwa —aech Tértulo gobernador Félix liajwa.

⁹ Tértulo buxtoet wut, asew judíos, Ananías swapich, pati, japi jum-aech gobernadorliajwa: “Tértulo jum-aechpox Pabloliajwa, puexa japoxan diachwujajnakolax” —aechi.

¹⁰ Do jawut, gobernador wuaxxachok'cha Pablowich naksiyalijwa. Samata, Pablo jum-aech gobernadorliajwa:

—Xam ampatujajnu'pijw pejgubernadornam, pin-iawaechan tato'lamponam. Samata, xan nejchachaemlax jalpaeliajwan xan isfulaxpoxan xam chiekal matabijsliajwam. ¹¹ ¡Xam najut wujajnaemde asew amxotpijw chiekal matabijsliajwam, diachwujajnakolax wut, o, el wut, xan jumchiyaxaelenpox xam liajwa! Doce matkoijanliso x Jerusalén paklowaxxot patxpo, Dios kawujajnalijwan Dios pejtemplobatat. ¹² Dios pejtemplobaxotx wut, judíos chiekal matabija, chinax asew jiw swapich, nalos-enilpox. Judíos pejnaewujaj nabachanxotx wutbej, Jerusalén paklowaxthialaxanxotx wutbej, asew jiw palala-el tajnaewujaj naxliajwa. ¹³ Ampi poejw, xan natasala matabijs-elaxtat tajbu'wujajanpoxliajwa. ¹⁴ Xan jumchiyaxaelenpox, diachwujajnakolax. Tajwujajnapijw pejDios naexasisfulax. Nakiowa tanbichfulaxbej japonliajwa, me-ama pajelwujaj, chimiawujaj, Jesucristo pejwujaj, jum-aechful. Ampi judíos pajelwujajnalijwa jum-aechi ampo: ‘Japox diachwujajnakolaxael’ —aechi. Pe japawujaj diachwujajnakolax. Xanbej naexasisfulax puexa Moisés chajia lelpox, profetas lelpoxanbej. ¹⁵ Ampi judíos naexasit

Dios mat-eyaxaelpox t̄pi pejme duilaliajwa, pachaempi, pachaema-elpibej. Xanbej japox chiekal naexasitx. ¹⁶ Samata, xan chiekal dukx. Babijax is-enil Diosliajwa, jiwliajwabej —aech Pablo gobernadorliajwa.

¹⁷ Pablo pejme jum-aech gobernadorliajwa:

—Kaewaechan s̄apich nan̄amtax w̄ut asat̄aj̄n̄uchanel, japoxw̄ux, pejme nawia'nax Jerusalén paklowax poxadin. Xapa'nax plata kejila kajachawaesliajwan. Xapa'naxbej isliajwan ofrenda Diosliajwa. ¹⁸ Japa-ofrenda isliajwan w̄ut, isx nawewe'p̄pox isliajwan pachaemaliajwan Diosliajwa. Do jaw̄ut, judíos, Asia t̄aj̄n̄pijiw, nataen w̄ut Dios pejtemplobatatax w̄ut, jiw xabicha-el xanxot. Chinax jiw jum̄xan-ele-el Dios pejtemplobaxot xan tajaxtat. ¹⁹ Asia t̄aj̄n̄pijiw, xan nataenpi Dios pejtemplobaxot, j̄api nej f̄ulae'an xam nejw̄uaj̄nalel natasalaliajwa xan babijax isxproxliajwa! ²⁰ Xan nataenpi Dios pejtemplobaxot, j̄api f̄ulaeyaxil w̄ut, jamxoti nej jum̄-aech, xan tajb̄u'w̄uajan w̄ut, chajia natasala w̄uti puexa judíospaklochow pejw̄uaj̄nalel! ²¹ Xan judíospaklochow pejw̄uaj̄nalel majt pinjаметат jum̄-an: 'Amxot xamal jum̄-am tajb̄u'w̄uajanpoxliajwa, xan naexasitx xot t̄pi mat-eyaxaesopx pejme duilaliajwa' —an xan. Japox jum̄-an xot, j̄api xan natasala —aech Pablo gobernadorliajwa.

²² Gobernador Félix xabich matabijt Jesucristo pejw̄uajanliajwa. Samata, Pablo jum̄-aechpox jum̄taen w̄ut, jum̄chi-elfukon isaxaelpox Pablolialjwa. Jaw̄ut jum̄-aechon Tértulolialjwa, asew jiwliajwabej:

—Lisias, puexa soldawpaklon, amxot pa'an w̄ut, kaes pejme chiekal matabijsaxaelen xam jum̄-ampox Pablo pejb̄u'w̄uajanpoxliajwa —aech gobernador.

²³ Do jaw̄ut, gobernador Félix jum̄-aechon soldawcapitánliajwa:

—j̄Pablo wesfulde wesamata! j̄Pe nabej kewasixawaes! j̄Asbuan jum̄ch masox nej laeje! j̄Tapaem pejnachala taeliajwas, chaxduiliajwasbej wewe'paspoخان! —aech gobernador capitánliajwa.

²⁴ Do jaw̄ux, kaematkoivan s̄apich w̄ut, gobernador Félix, pijow s̄apich, pejme pa'an Cesarea paklowaxxot. Pijow pawul Drusila. Japow judíos-atow. Félix pat w̄ut, to'apon soldaw b̄uflaeliajwa Pablo. Pablo pa'an w̄ut gobernadorxot, chapaeipon, ma-aech jiw naexasisliajwa Jesucristo pejw̄uajan. ²⁵ Do jaw̄ut, Pablo jum̄-aech Félixliajwa:

—Dios to'a jiw pachaemaliajwa, chiekal duilaliajwabej. Dios to'abej jiw is-elaliajwa babijaxan, pajut isasiapoxan. Asamatkoi Dios babejchow kastikaxael —aech Pablo gobernadorliajwa.

Félix japox jum̄taen w̄ut, xabich pejlewlapon, chiekal duka-el xot. Samata, jum̄-aechon:

—j̄Ma amxot nej doklefuk! j̄Nakolde xanxot! Pejme xam wallalaeyaxaelen, na-it-ele-el w̄ut tajbichax —aech Félix Pablolialjwa.

²⁶ Gobernador Félix nejchaxoel: “Pablo bej namosaxaelbej plata xan nakolsax tapaeliajwan” —aech gobernador, nejchaxoel w̄ut. Samata, Pablo pin-iamatkoivan wallalas nospaeliajwapon, japon s̄apich. ²⁷ Jasox ja-aechf̄al kolewaechje. Do jaw̄ux, Félix nakoft gobernadorpox. Nakoft w̄ut, asan naliast gobernadorliajwa. Japon pawul Porcio Festo. Félix nakolt w̄ut, nejchaxoel: “Pablo tapaejaxinil nakolsax jiasxot, judíos nejchachaemlaliajwa, xan s̄apich” —aech Félix, nejchaxoel w̄ut. Samata, Félix nakolt w̄ut, tapae-elon Pablo nakolsliajwa jiasxot.

25

Pablo nukpox Festo pejwɥajnalel

¹ Festo pat Cesarea paklowaxxot gobernador nadofaliajwa Judea tɥajnɥxot. Do jawɥx, tres matkoiyan xent wɥt, fɥlaecheon Jerusalén paklowax poxade. ² Jerusalén paklowaxxot pa'a wɥt, sacerdotespaklochow, judíospaklochowbej, jɥm-aechi Festoliajwa:

—Japon Pablo xabich babijaxan is xanalxot. ³ ¡Xam isde pachaempox xanalliajwa, Cesarea paklowax pejme xam patam wɥt! ¡To'im nejjiw Pablo bɥflaeliajwas Jerusalén paklowax poxadin! —aech judíos Festoliajwa.

Jasox wɥljowpi, Pablo bɥflaens wɥt, asew japixot nɥamfatat wɥajnowesliajwa Pablo, boesaliajwasbej. ⁴ Festo jɥmnot wɥt, jɥm-aechon:

—Pablo Cesarea paklowaxxot jias jiw jebatat, wesfɥlasbejpon we-samata. Kaematkoi sɥapich wɥt, pejme japoxaxaechan. ⁵ Samata, asew xamalxot, paklochow, xan sɥapich, fɥlaeyaxael, Cesarea paklowax poxadax wɥt. Japon Pablo babijax is wɥt, japox nejpaklochow jɥmchiyaxael —aech Festo judíosliajwa.

⁶ Gobernador Festo Jerusalén paklowaxxot namanfɥk kaes kaesemanaliajwa. Dolison nawiat Cesarea paklowax poxade. Kandiawa wɥt, ekon paklokolan ekpoxtat, tato'laliajwa wɥt jiw. Jawɥt to'apon pejsoldaw Pablo bɥflaeliajwas japonleldin. ⁷ Pablo low wɥt, judíos mox soepa Pabloxot, japi patpi, Festo sɥapich, Jerusalén paklowaxpijiw. Japi judíos xabich tasalapi Pablo. Pe japi puexa jɥm-aechpoxan, diachwɥajnakolaxa-el. ⁸ Pablo jɥmnot wɥt, jɥm-aechon:

—Xan chinax babijax is-enil. Naexaxisfɥlax Moisés chajia lelpox, fiatpoxbej. Dios pejtemplobaxot babijax is-enilbej. Roma tɥajnɥpijiw tato'lanliajwa chinax babijax is-enilbej —aech Pablo japiliajwa.

⁹ Pelax gobernador Festo nejxasink judíos nejchachaemlaliajwa japonliajwa. Samata, Festo wɥajnachaemt wɥt, jɥm-aechon Pabloliajwa:

—¿Xamkat fɥlaesiam Jerusalén paklowax poxade, jaxotde tajwɥajnalel judíos xam tasalaliajwa nejbu'wɥajanpoxliajwa? —aech Festo Pabloliajwa.

¹⁰ Pablo jɥmnot wɥt, jɥm-aechon:

—Gobernador, xam nabistam puexa Roma tɥajnɥpijiw tato'lan pijaxtat. Pachaem ampapaklowaxxot judíos jɥmchiliajwa xam nejwɥajnalel xan natasalaliajwa, xan babijax isx wɥt. Xam chiekal matabijtam, xan chinax babijax is-enil judíosliajwa. ¹¹ Diachwɥajnakolax xan babijax isx wɥt, xan tajut xanaliyaxinil nakastikaliajwa, naboesaliajwabejpi. Diachwɥajnakolaxa-el wɥt natasalapox, xam nawiasaximil japi jiwxot. Xan babijax isx wɥt, kawɥajnasian nejpaklon, Roma tɥajnɥpijiw tato'lan, japon pejwɥajnalel judíos xan natasalaliajwa —aech Pablo gobernador Festoliajwa.

¹² Samata, jawɥt Festo nospaei, pejjiw sɥapich, chiekal matabijsliajwa, jɥmnosliajwa Pablo jɥm-aechpox. Festo nospaeyax bɥxtoet wɥt, pejjiw sɥapich, jɥm-aechon Pabloliajwa:

—Xamlis nakawɥajnam to'alajwan Roma tɥajnɥxpjiw tato'lan poxade. ¡To'axaelendo' jaxotde judíos xam tasalaliajwa japon pejwɥajnalel! —aech gobernador Festo Pabloliajwa.

Pablo nukpox rey Agripa wɥajnalel

¹³ Festo naksiyax baxtoet wut, Pablo swapich, kaematkoi swapich wut, rey Agripa, pakoewow Berenice swapich, pa'an Cesarea paklowaxlel kijachaliajwapi Festo, japon gobernador pajelan xot. ¹⁴ Jaxot duil wutfuki kaematkoiyan swapich, Festo chapaei rey Agripa Pablo ispoخانliajwa. Jum-aechon:

—Gobernador Félix nakolt wut, jiw jebatat jiaspon, nakolsax tapaelon. ¹⁵ Xan Jerusalén paklowaxxotx wut, sacerdotespaklochow, judíos-ancianosbej, japi najum-aech jiw jebatat jiasponliajwa: 'Japon aton xabich babijax is xanalxot' —aechi. Japi nato'alach japon kastikaliajwan, boesaliajwanbejpon. ¹⁶ Xan japi jum-an: 'Puexa Roma tujnupijiw tato'lan chinax jasox tapae-el kastikaliajwas, boesaliajwasbej, matabija-esal wutfuk, aton pejbu'wujajanpoxliajwa. Kaen aton babijax is wut, japon tasalaxaes gobernador pejwujajnael. Dolisdo', japon aton, pejbu'wujajanpon, pajut jumnosaxael kastika-elaliajwas' —an xan judíosliajwa, japon aton tasalapiliajwa. ¹⁷ Samata, judíos ampapaklowaxxot nakpa'an wut japon aton tasalaliajwas, kamtalejen, kandiawa wut, xan ekx ekaxxot, jiw tato'laliajwan wut. Do jawux, to'ax tajsoldaw japon aton buflaeliajwas xanlel. ¹⁸ Xan nejchaxoelx wut japon atonliajwa, jum-an: 'Diachwujanakolax Pablo xabich babijaxan bej isbej' —an, nejchaxoelx wut. Pe japon aton pat wut, judíos chinax jumchi-el japon babijax ispoخانliajwa. ¹⁹ Judíos pejnaexaxisaxliajwa japon aton tasalapi. Bu'naloti Jesús pejpatupaxliajwa. Japon aton chajia jum-aech Jesús pejpatupaxliajwa: 'Jesús mat-ech Dios pejme dukaliajwa' —aech japon aton, pawulpon Pablo. ²⁰ Xan matabijs-enil, achax isaxaelen Pabloliajwa. Xan wujajnachaemtax wut, jum-an Pabloliajwa: '¿Xamkat fulaesiam Jerusalén paklowax poxade, jaxotde judíos xam tasalaliajwa nejbu'wujajanpoxliajwa?' —an xan japonliajwa. ²¹ Pelis, Pablo nakawujajan xan to'aliajwan Roma paklowaxpijiw tato'lan poxade, jaxotde tasalaliajwaspon judíos Roma paklowaxpijiw tato'lan pejwujajnael. Samata, tajsoldaw to'ax Pablo wesfulaliajwas. Barkam fulaeyaxael wut Roma paklowax poxade, jawut japon to'axaelen wajpaklokolan poxade —aech gobernador Festo rey Agripaliajwa.

²² Do jawut, rey Agripa jum-aech Festoliajwa:

—Xanbej japon jumtaesian —aech rey Agripa.

Festo jumnot wut, jum-aechon:

—Kandiawa xam najut jumtaeyaxaelam japon —aech Festo.

²³ Kandiawa wut, rey Agripa, Berenice swapich, chamoeyaxan naxoeipi. Fulaech wut jiw natameja poxade, japabaxot pat wut, lowpi. Do jawut, xabich soldawpaklochow, japapaklowaxpijiwpaklochowbej, lowlisi. Do jawux, Festo to'a pejsoldaw Pablo buflaeliajwas japi natameja poxadin. ²⁴ Bu'pat wuti Pablo, Festo jum-aech:

—Rey Agripa, xanal swapich, natamejlampimbej, xamal puexa chiekal taenam ampon aton, nejwujajnael nukpon. Puexa judíos, Jerusalén paklowaxpijiw, ampapaklowaxpijiwbej, Cesarea paklowaxpijiw, japi jum-aech Pablo pejbu'wujajanpoxliajwa. Japi wuljoeful pinjametat xan kastikax keto'aliajwan, tajsoldaw boesaliajwasbejpon. ²⁵ Xan nejchaxoelx Pabloliajwa: 'Pablo babijax is-el kastikaliajwas, boesaliajwasbej' —an xan, nejchaxoelx wut. Jasox nejchaxoelx wut, Pablo pajut xan nakawujajan to'aliajwan Roma paklowaxpijiw tato'lan poxade, jaxotde judíos tasalaliajwapi Pablo pejbu'wujajanpoxliajwa

japon pejwɔajnalel. Samata, japon to'axaelen japoxade. ²⁶ Pe xan chiekal matabijs-enil Pablolijwa lelaxaelenpox, pelfut xato'aliajwan wut wajpaklokolan, Roma tɔajnapijinliajwa. Samata, xan to'ax tajsoldaw bɔflaeliajwapi Pablo, xam, rey Agripa, nejwɔajnalel nukaliajwapon, xamal asewam nejwɔajnalelbej nukaliajwa, chiekal wɔajnachaemsliajwam. Wɔajnachaemsax bɔxtoetam wut, bej matabijsaxaelenbej lelaxaelenpox carta Pablolijwa. ²⁷ Xan to'axinil jiaspon jiw jebatat Roma tɔajna poxade, matabijs-enil wut, achababijaxliajwa judíos tasalapi japon —aech Festo rey Agripaliajwa.

26

Pablo jalpaeipox rey Agripa jumtaeliajwa

¹ Rey Agripa jum-aech Pablolijwa:

—Xam bɔxfafonasiyam wut judíos xam tasalapoxanliajwa, inajut naksiyam! —aech rey Agripa Pablolijwa.

Do jawut, Pablo mɔaxxachok'cha japon naksiyaliawja: ²⁻³ “Rey Agripa, xam xabich matabijtam xanal judíos tajkabɔananpoxan. Matabijtambej xanal kaenejchaxoelaxa-enilpox. Samata, xabich nejchachaemlax xam nejwɔajnalel naksiyaliawjan, tajut chiekal jumchiliajwan, judíos natasalapoxanliajwa. Xam waljowx chiekal xan nanaewesliajwam jumchiyaxaelenpox” —aech Pablo.

Pablo jalpaeipox majt naexasis-elpox Jesucristo pejwɔajan

⁴ Pablo pejme jum-aech rey Agripaliajwa: “Puexa judíos matabija, man xan, pansianan wut, dukx wut tajtɔajnutat, Jerusalén paklowaxxotbej. ⁵ Japi chiekal namatabijabej xan fariseos pejmutpijanpox. Xam japi wɔajnachaemtam wut, japi jumchiyaxael xan chiekal naexasisfulaxpox fariseos naewɔajanpoxan. Fariseos naewɔajanpox kaes pejme xabich tampoel tajiww naexasisliawja, japi kaes xabich naexasit xot Moisés chajia lelpox. Me-ama asew jiw, jachi-el japi. ⁶ Dios chajia jumdut tajwɔajnapijiw mat-eyaxaesopox, tɔp wuti pejme duilaliajwa. Japox xan naexasisfulax xot, judíos jumch natasalapi. ⁷ Puexa xanal judíos, docemutanpijwan, wɔajnowesfulax tɔpi mat-eyaxaesopox pejme duilaliajwa. Samata, puexa xanal Dios kawɔajnafulax. Pomatkoicha chiekal tanbichfulaxbej Dios. Rey Agripa, xan ampoxx wɔajnowesfulax xot, asew judíos natasala. ⁸ ¿Ma-aech xotkat xamal naexasis-emil Dios mat-eyaxaelpox tɔpi pejme duilaliajwa? ¿Ajilkat Dios isaxilpox?” —aech Pablo rey Agripaliajwa.

Pablo jalpaeipox majt chakifolox jaelaliajwa naexasiti Jesucristo pejwɔajan

⁹ Pablo pejme jum-aech rey Agripaliajwa: “Xan naexasis-enil wutfuk Jesucristo pejwɔajan, xan tajut nejchaxoelx: ‘Jesús, Nazaret tɔajnapijin, japon pejwɔajan naexasiti, xan chakifulaeyaxaelen japi jaelaliajwan’ —an xan, nejchaxoelx wut. ¹⁰ Jasox isx Jerusalén paklowaxxot. Sacerdotespaklochow natapaei xot, xabich Jesucristo pejwɔajan naexasiti, japi jiw jebatat jiax. Do jawux, japi baes wut, xan xabich nejchachaemlax japoxliawja. ¹¹ Pin-iaveces kastikax naexasiti Jesucristo pejwɔajan, japi kofaliajwa naexasisfulax Jesucristo pejwɔajan. Japox isfulax puexa,

judíos naewhajnabachanxot. Do jawutbej, xabich talala xot, chakifolx naexasiti Jesucristo pejwhajan, asapaklowaxanxot duilibej” —aech Pablo rey Agripaliajwa.

Pablo jalpaeipox, ma-aechon naexasisliajwa Jesucristo pejwhajan

¹² Pablo pejme jum-aech rey Agripaliajwa: “Asamatkoi Damasco paklowaxpijiw, Jesucristo pejwhajan naexasiti, xan chakifolx sacerdotespaklochow nato'a xot. ¹³ Samata, namtat folx wut, juimt matnoch ek wut, chalechkal xan, nakfolpibej, taen folxxot, chalechkal xabich itliakjwa wut athusik. Japox xabich kaes pejme itliak. Me-ama juimt matkoiapijn itliak wut, jachi-el. ¹⁴ Puexa xanal pajuwlox satadik. Do jawut, xan jumtaenx, hebreojametata najum-aech wut athusik: ‘Saulo, Saulo, ¿ma-aech xotkat xam nachakifolam? Jasox isam xot, xam najut chiekal natabejtam’ —na-aech athusik. ¹⁵ Do jawut, xan jum-an: ‘Tajpaklon, ¿achanamkat xam?’ —an xan. Japon najumnot wut, najum-aechon: ‘Xan Jesúsnan, xam nachakifolamponan. ¹⁶ ¡Nande! Xamxot natulaeltax xan natanbichliajwam. Asew jiw chapaeyaxaelam xan nataenampox. Chapaeyaxaelambej xan itpaeyaxaelenpoxan. ¹⁷ Judíosxotam wut, judíos-elixotam wutbej, xam kajachawaesaxaelen asew jiw xam boesasamata. Amwutjel xam to'ax judíos-eli poxade. ¹⁸ Xam to'ax judíos-eli naewhajnaliajwam Dios pejjamechan. Japi naexasisaxael Dios, kaes nejchaxoelasamata babijaxan isaxan. Japi duilaxael Dios pijaxtat. Satanás pijaxtataxil. Japi naexasisaxael tajwhajan. Ja-aech wut, xan tajaxtat Dios beltaeyaxaes babijaxan ispoخانliajwa. Samata, Dios taens wut, japi babijaxan chiekal wejlaxaes. Samata, japi jiw duilaxael, Dios pejjiw swapich, makanochpi swapich’ —na-aech Jesús” —aech Pablo rey Agripaliajwa.

Pablo jalpaeipox, ma-aechon, isful wut Jesús to'aspoخ

¹⁹ Pablo pejme jum-aech Rey Agripaliajwa: “Rey Agripa, xan ow-an najum-aechpon athusik. ²⁰ Ow-an wut, tuadutx jiw naewhajnaliajwan, Damasco paklowaxpijiw. Do jawux, Jerusalén paklowaxpijiw naewhajnax. Judea tuajnprijiwbej naewhajnax potuajnuča. Judíos-elibej naewhajnax. Japi puexa naewhajnafulax babijaxan ispoخانkofaliajwa. Naewhajnax naexasisliajwapi Dios. Naewhajnaxbej isliajwa pachaempoxan, asew jiw matabijaliajwas, diachwhajnakolaxpox japi babijaxan ispoخانkael kofapox. ²¹ Japoxliajwa judíos nabu'ajaelt, Dios pejtemplobaxotx wut. Do jawut, naboesasiabejpi. ²² Dios nakajachawaesful naewhajnaliajwan Dios pejjamechan puexa jiwliajwa, kejila, paklochowliajwabej. Xan japi naewhajnax wut, naewhajnax chajia jum-aechpox profetas, Moisésbej, jachiyaxaelpoxanliajwa. Japoxkal xan naewhajnafulax. ²³ Profetas chajia jum-aech wut, jum-aech: ‘Dios to'a wut Cristo, japon nabijasaxael. Boesaxesbejpon. Japon tur wut, do jawux, Dios mat-eyaxaeson pejme dukaliajwa. Japonlap matxoela mat-esaxaes pejme dukaliajwa puexa jiw whajna pomatkoichaliajwa. Japon mat-esaxaes wut pejme dukaliajwa, japon naewhajnaxael diachwhajnakolaxpox judíos, judíos-elibej, japi bu'welialjwas. Jiw naexasit wut Jesús pejwhajan, japon pijaxtat bu'weyaxaes’ —aech profetas, chajia jum-aech wut Jesúsliajwa” —aech Pablo rey Agripaliajwa.

Pablo naewhajanpox rey Agripa naexasisliajwa Jesucristo pejwhajan

²⁴ Gobernador Festo jumtaen wut Pablo jum-aechpox, pinjametat jum-aechon Pablolijwa:

—¡Pablo xam na-acham! ¡Na-achan nadofam, xabich estudiam xot! — aech Festo.

²⁵ Do jawut, Pablo jumnot wut, jum-aechon:

—Gobernador Festo, xam puexa jiw sitaenponam, xan na-acha-enil. Xan jum-anpox diachwujnakolax. ²⁶ Ma amxot ekpon, rey Agripa, japon chiekal matabijt xan jum-anpoxan. Samata, japon pejwujnalel chiekal jum-an puexa. Rey Agripa chajia matabijt xan jum-anpox Jesúsliajwa. Jesús ampathatat is wut, maliach is-elon — aech Pablo gobernador Festolijwa. ²⁷ Do jawut, Pablo jum-aech rey Agripalijwa:

—Rey Agripa, ¿xamkat naexasitam profetas chajia jum-aechpox, japox diachwujnakolaxpox? Xan nejchaxoelx, xamlis naexasitam japox — aech Pablo rey Agripalijwa.

²⁸ Rey Agripa jumnot wut, jum-aechon:

—Pablo, ¿xamkat nejchaxoelam: ‘Ma amwut ampon naexaxisaxael Jesucristo pejwujajan’ — amkat, nejchaxoelam wut xanliajwa? — aech rey Agripa Pablolijwa.

²⁹ Pablo jum-aech:

—Rey Agripa, xamkallijwa nejchaxoela-enil. Pelax Dios kawujnax puexa xamal naexaxisliajwam Jesucristo pejwujajan. Amwutjel naexaxis-emil wut, Dios kawujnax asamatkoi naexaxisliajwam. Nejxasinkax xamal, xan najumtaenampim, naexaxisliajwam Jesucristo pejwujajan. Xan nejxasinkaxbej xamal, me-ama xan naexasitx Jesucristo pejwujajan, jachilijwam. Me-ama xan jiw jebatat najia, xamallax jachiyaximil, naexasitam wut Jesucristo pejwujajan — aech Pablo rey Agripalijwa.

³⁰ Do jawut, rey Agripa nant. Gobernador Festobej nant, Berenice swapich. Do jawut, asewbej, jaxot chalakpi, puexa nana.

³¹ Matxoelananapi fulaech pejlel nospaelijwa japoxliajwa. Nospaei wut, nakaewa najum-aechi Pablolijwa:

—Japon aton chinax babijax is-el kastikaliajwas, boesaliajwasbejpon. Jiw jebatat jeyaxisalbejpon — na-aechi nakaewa Pablolijwa.

³² Rey Agripa jum-aech gobernador Festolijwa:

—Pablo nakawujjna-el wut tato'lalijwan Roma tujnupijiw tato'lan poxade, japon pejwujnalel judíos tasalaliajwas, xan chajia tapaeyaxaelen Pablo nakolsliajwa jiw jebatat — aech rey Agripa.

27

Pablo bu'fospox Roma paklowax poxade

¹ Gobernador Festo, asew swapich, nejchaxoeli to'aliajwa Pablo Roma paklowax poxade, Italia tujnuxot. Samata, Pablo, asew, jiw jebatat jiaspi swapich, woeyas soldawcapitánxot. Japon rawul Julio. Japamutpijiw soldaw rawul, Emperadormutpijiw. ² Xanal barkam julx, fulaenpox Adramitio paklowaxxot. Xan, Lucas, nakfolx Pablo. Aristarcobej xanal nakfol. Japon Tesalónica paklowaxpijin, Macedonia tujnuxot. Japabarkam, ma nakosaxael, itjulafulaxael paklowanaxot, Asia tujnuxot. ³ Do kandiawa wut, xanal chapatx Sidón paklowaxxot. Julio, soldawcapitán, sitaenpon Pablo. Samata, Sidón paklowaxxot chapatx wut, Pablo tapaeis pejnachala, jaxotpijiw,

taeliajwapon, wewe'paspoxan chaxduiliajwasbej Pablo. ⁴ Do jawux, chaflaechx Sidón paklowaxde. Joewa chaknawamatalet xot, chaxentax Chipre tanaet orientel, joewajillel, chaflaeliajwan. ⁵ Pachaxentaxbej Cilicia tuajn, Panfilia tuajnubej. Do jawux, chapatx Mira paklowax, Licia tuajnuxot.

⁶ Xanal Mira paklowaxxotan wut, Julio faen asabarkam, Alejandria paklowaxlel pa'nox. Japabarkam fulaeyaxael Italia tuajn poxade. Samata, xanal japabarkam julx nakflaeliajwan japabarkamtat. ⁷ Joewa xabich nachaknawamatalesful xot, pin-iamatkoian bijiat chafolx. Xentax Gnido paklowaxtabijla. Do jawut, mox chaxentax Salmón paklowax, chijiasliajwan Creta tanaetlel, joewajillel chaflaeliajwan. ⁸ Bijiat chafolx Creta tanaetlel, pamakakal. Chapatx Buenos Puertosxot, mox Lasea paklowaxxot.

⁹ Pin-iamatkoian napelt xot, iama pasful. Chachoelafullisox marlel chaflaeliajwa. Samata, Pablo japi naewuajan wut, jum-aechon:

¹⁰ —Tajiw, xan chiekal matabijtax ampachaflaeyax xabich chachoe-laxael xatisliajwa. Jelowdik taenam. Ampabarkam xafoli napelsaxael. Naf'axaelbej ampabarkam. Puexa xatis bej bu'laxaesbej —aech Pablo.

¹¹ Soldawcapitan naexasis-el Pablo jum-aechpox. Barkampijin, barkam isanbej, japi kolenje jum-aechpoxkal soldawcapitan naexasit. Japi jum-aech: “Pachaempoxtat chapasaxaes” —aechi asbuan jumch. ¹² Buenos Puertosxot pachaema-el barkam dukaliajwa, jaxot iama chatoepaliajwan. Samata, japi puexa nejchaxoel: “Kaes pachaem amxot nakolaliajwas, chapasliajwas Fenice paklowax, Creta tanaetxot. Japatanaetukso'txot pachaem barkam dukaliajwa, iama chaxensliajwas. Jaxot joewa xaxena matwujase” —aechi, nejchaxoel wut.

Pinajoewa barkam xafospox Creta tanaetxot

¹³ Buenos Puertosxotan wut, joewa bijiat pasful wuchakallel. Asew xanalxot nejchaxoel: “Pachaem chaflaeliajwas” —aechi, nejchaxoel wut. Samata, pachafolx Creta tanaetlel, pamakakal. ¹⁴ Do jawut, chalechkal xabich pinajoewa pasful barkam poklalel. ¹⁵ Japajoewa xanal nachaknawaxafol tanaet tathoetlel. Barkam xajiasaxil joewalel, joewa xabich kaes mamnik xot. Samata, japi tapaei joewa xalaeliajwas barkam. ¹⁶ Cha-aeltanaeta-ulel pachaxentax. Japatanaet pawul Cauda. Jaxotde xabich joewa wika-el. Barkamta-utat kanaw ke'tas. Jasoxtat japakanaw fol. Japakanaw osliajwan wut barkamtat, xabich bichaxtat pa-otx. Japox kanaw xabich dewnik. ¹⁷ Do jawux, kanaw pa-otx wut barkamtat, barkam fatkuifulisi pinamuatantat, tablofahan kakupasamata. Jawut nabisti barkamtat pejlowlapi, nejchaxoel xoti: “Lukpox, pawulox la Sirte, jaxot bej cha-okjabaxaesbej” —aechi, nejchaxoel wut. Samata, jolpi velasbu'an joewa xabich xalaesamata barkam. Ja-aech wut, barkam kaes bijiat fol. ¹⁸ Do kandiawa wut, xabich pinajoewaful. Xabich iambej. Do jawutbej, barkam xafolpoxan tuadutlisi chapelsliajwa minadik, barkam kaes jaje'kaliajwa. ¹⁹ Do asakandiawa wut, barkam xa-ispi pelti minadik. ²⁰ Pin-iamatkoian taenil juimt matkoipijin. Ithaejbej taenil, madoi wut. Xanal nejchaxoelx: “Bej chabu'laxaesbej” —an xanal, nejchaxoelx wut, kaes pejme xabichful xot joewa, iambej.

²¹ Pin-iamatkoiyán xanal chinax naxae-enil. Do jawut, Pablo nant japixot. Jum-aechon:

—Tajjiw, chiekal nanaexasitam wut, ja-aech wut, kaes pachaemaxael chaflae-elaliajwas, Creta tanaetxotas wut. Ja-aech wut, nabijasaxisal. Napelsaxilbej barkam xafolpoxan. ²² ¡Pe xamal nabej nejchaemile' japoxliajwa! Xamalxot chinax kaen tuxaxil. Barkamkal nafo'axael. ²³ Xanxot madoi ángel natulaelt. Japon to'as Dios. Diosliajwa, xan tanbistaxponan. ²⁴ Ángel najum-aech: 'Pablo, ¡xam nabej nejlewle!' Xam fulaeyaxaelam Roma paklowax poxade, jaxotde nukaliajwam Roma tujajnujijiw tato'lan pejwujajnael. Dios xam bu'weyaxael xot, asew jiw-bej bu'weyaxaes, puexa folpi ampabarkamtat' —na-aech ángel, xanxot natulaelt wut. ²⁵ Samata, ¡puexa xamal nabej nejlewle!' Xan Dios xanaboejtax. Matabijtax Dios nakbu'weyaxaelpox, me-ama ángel najum-aech. ²⁶ Joewa nakchaknawaxalaeyaxael tanaet poxade. Jaxotde chakaxaes —aech Pablo puexa japabarkamtat folpiliajwa.

²⁷ Catorce madoiyán xent wut barkamtat, chalixnaxfuk mar Adriáticoxot, xabich xot joewa. Japamadoi, pinmadoitat wut, barkamtat nabisti nejchaxoel: "Bej chapachbej sat" —aechi, nejchaxoel wut. ²⁸ Samata, xajutlisi muat, mas-is so'nikpox. So'nikpox treinta y seis metros. Kaes chafulaech wuti, pejme xajuti. So'nikpox veintisiete metros. ²⁹ Do jawut, japi pejlwla, nejchaxoel xoti: "Ia'botxot bej chakulaxaesbej" —aechi, nejchaxoel wut. Samata, jawut barkamta-ulel cuatro padewaxan, pawulpi anclas, ke'api pelsliajwadik minadik, japadewaxantat barkam kaekawutat dukafalaliajwalejen. Jasox is wuti, pejdioses kawujajan kamta nalianaliajwa. ³⁰ Pe jawut, barkamtat nabisti, japikal nejchaxoel tamach weliajwapi barkamxot, ia'botxot chakula-el wutfuki. Samata, kanaw, otox barkamtat, japi pejme dusasiak minadik japi tamach weliajwa japoxtat. Japi jum-aech asew naekichachajbالياjwa: "Barkam-oeflel xanal padewaxan pelsaxaekan" —aechi. ³¹ Do jawut, Pablo chiekal matabijt wut japi isaxaelpox, jawut jum-aechon soldawcapitanliajwa, japon pejsoldawliajwabej:

—¡Barkamtat nabisti kaweta napata-el wut barkamtat, xamal weyaximil! —aech Pablo.

³² Soldaw jumtaen wut Pablo jum-aechpox, japi soldaw muu tasiapbala, kanawmuu, kanaw jopaliajwa minadik.

³³ Kandiawa, nalian wut, Pablo kaechato'a puexa jiw xaeliajwa. Jum-aechon:

—Catorce matkoiyán chiekal naxae-esal, xabich nejchaxoels xot. ³⁴ Samata, ¡xuem mamnikaliajwam, tupa-elaliajwambej! ¡Je-ese! Puexa chiekal weyaxaes —aech Pablo.

³⁵ Pablo japox jum-aech wut, panax fitlison. Puexa jiw pejwujajnael Dios kawujajan wut, jum-aechon: "Waj-ax Dios, gracias-an xanal nachax-dutamox, panax" —aechon. Do jawut, panax jalnat wut, xaelon. ³⁶ Do jawutbej, puexa jiw nejkofa xabich nejchaxoelpoxan. Jawut japibej xael.

³⁷ Puexa xanal, barkamtat chafolaxpin, doscientos setenta y seis jiwan.

³⁸ Do jawut, xael wuti, ma xaesiapoxantat xael wuti, do jawux, trigobulan chapelti minadik, barkam kaes chiekal jaje'kaliajwa.

Barkam cha-okjaba wut, tablofachan xakusabaspox

³⁹ Sesa itliakaful wut, barkamtat nabisti taen wuti tanaet, matabijaeli. Taeni tanaetukso't. Japataetaekso'txot taenbejpi thaejt. Taen wut

japathaejt, cha-itjulasiapi japathaejt poxade. ⁴⁰ Jawut anclas juka-eli. Do jaxot asbuan jumch kaweta anclamua tasiapbalapi. Barkamkanaefachan, koloeyax pinjiyax, ta-ulel xatbe'aliajwapox, joli. Do jawutbej, matxoelavelabu', xakoeyaspoX, jolti felsliajwadik, japavelabu'tat joewa xalaeliajwa barkam. Do jawut, barkam joewa xafos wut, barkam moxsfulde thaejt pasliajwa. ⁴¹ Jawut chalechkal barkam pa-oeflel okjaba lukxot. Atuajfuk thaejt chapasliajwan. Barkam pa-oeflel okjaba wut, jukaxil japox, barkam. Barkam ta-ulel xabichful xot truxan, tablofachan kakupax tuadut.

⁴² Soldaw besia, jiw jebatat jiaspi, japi bu'fospi, jow wut, weyaxael xoti. ⁴³ Pe soldawcapitan ketapae-el, Pablobej boesaxaes xot. Samata, capitán puexa jiwliajwa jum-aech: "Min joeyax matabijampim, jmatxoela joem thaejt pasliajwam! ⁴⁴ Asewam, min joeyax matabija-emilpim, jwuchakal chajoem tablofachantat! O, j pachajoem barkamtoerowtat, po'alpitat!" — aech capitán jiwliajwa. Do jasoxtat xanal puexa chiekal wiax.

28

Pablo Malta tanaetxotpox

¹ Xanal puexa chiekal wiax wut, jawut matabijtax japatanaet pawalpoX Malta. ² Malta tanaetpijiw chiekal pachaempi xanalliajwa. Do jawut, xabich iam thilan xot, xabich thunk. Samata, jaxot pinajit itfoti. Xanal nataduti jit naksu'chalakaliajwan. ³ Pablo i not wut jit it-owaliajwa, jawut jom, paxaechan, nakolcha jit tuajaxtat. Do jawut, jom kelaliklas wut, Pablo kexadukson. ⁴ Malta tanaetpijiw japox taen wut, nakaewa najum-aechi: "Ampon aton jiw baen. Diachwajnakolax marxot wiapon. Pelax wajdios kaes tapaeyaxisal laejaliajwapon. Samata, jom laliklison tapaliajwa" — aechi nakaewa Malta tanaetpijiw.

⁵ Do jawut, Pablo kelula wut, jom jopdik jitadik. Pe Pablo kelaliklas wut jom, ma-aechon asbuan jumch chiekal. Me-ama jom kelalika-esal wut, ja-aech Pablo. ⁶ Puexa jiw, Malta tanaetpijiw, wuajnowet Pablo keputhlax. O, el wut, chalechkal patupan jwulxaelpox. Japox piach wuajnowetox chinax jachi-el wut, japi jiw asax nejchaxoel Pabloliajwa. Nakaewa najum-aechi: "Pablo, bej diosbej" — na-aechi nakaewa.

⁷ Malta tanaetpijiw tato'lan, pawal Publio. Xanal jit su'chalakaxxot, jaxot mox Publio pejtuanu. Samata, Publio pejbaxotan wut, xanal chiekal nabu'kulapon. Jaxot tres matkoi xanal chiekal duilx. ⁸ Jawut, Publio pejbaxotan wut, Publio pax camatat ok, xabich bu'tuajnik xoton. Woejxaenkbejpon. Pablo falaech Publio pax taeliajwa, japon bu'xaeyan. Pablo pat wut Publio paxxot, Pablo Dios kawuajan bu'xaeyanliajwa. Dios kawuajmax buxtoet wut, Pablo ke-ot bu'xaeyan pejbu'tat. Jawut Publio pax chiekal boejthuls waxae. ⁹ Pablo wultaens wut, jawut asew bu'xaeya, japatanaetpijiw, falaeni Pablo poxadin. Japibej chiekal boejthuls. ¹⁰ Japi, Malta tanaetpijiw, xanal xabich nakajachawaet. Do jawux, baxael, japatanaetxot tres juimtje wut, xanal barkam pejme julx chijiyaliajwan wut, nachaxduwpi puexa nawewe'poxanliajwan, chafolx wut.

Pablo Roma paklowax patpox

¹¹ Xanal Malta tanaetxotan wut, iama chatoepx, tres juimtje wut. Do jawux, barkam julx. Japabarkam jaxot iama chatoepej, falaenpox Alejandria paklowaxxot. Japabarkam-oeflel nows koloeyax ael-isaspoxan.

Japoxan, me-ama dioses. Kaeyax pawul Cástor. Asax pawul Pólux.¹² Japabarkamtat xanal chafolx. Chapatx Siracusa paklowaxxot, Sicilia tanaetxot. Japapaklowaxxotan tres matkoiliajwa.¹³ Do jawux, jaxot chijian wut, pamakakal chafolx marxot. Regio paklowax chapatx. Do jaxot pejme chijian. Kandiawa wut, wuchakal pasful wikax. Pejme jakandiawa wut, chapatx Puteoli paklowaxxot.¹⁴ Japapaklowaxxot xanal faekx Jesucristo pejwñajan naexasiti. Japi natadut kaesemana duilaliajwan japi pejbachaxot. Do jawux, putlel folx Roma paklowax pasliajwan.¹⁵ Roma paklowaxpijiw, naexasiti Jesucristo pejwñajan, chajia jumtaeni xanal pasaxaelenpox Roma paklowaxxot. Samata, asew japixot wñajna nabu'kakulan Foro de Apio paklowaxxot. Asew japixot wñajna nabu'kakulan Tres Tabernas paklowaxxot. Pablo japi taen wut, xabich nejchachaemil. Samata, gracias-aechon Diosliajwa.¹⁶ Patx wut Roma paklowaxxot, Pablo jiw jebatat je-esal. Pejlel dukax to'as. Kaen soldawan asbñan jumch wesfulas, Pablo najaet wut, wesamata.

Pablo naewñajanpox Jesucristo pejwñajan Roma paklowaxxot

¹⁷ Xanal Roma paklowax patx wut, tres matkoi xent wut, Pablo wullala fulaeliajwadin judíospaklochow, Roma paklowaxxot duili. Pat wuti, natameja wutbejpi, Pablo jum-aech:

—Takoew, xan chinax babijax is-enil judíosliajwa. Wajwñajnapijiw pejkabñanaproxliajwabej, japoxliajwa xan babijax is-enil. Jasox is-enil wut, Jerusalén paklowaxxotx wut, judíos najaelt. Najaelt wut, nawiati Roma tñajnapijiwpaklochowtat natasalaliajwa.¹⁸ Roma tñajnapijiwpaklochow nawñajnachaemt wut, natapaesia xan nakolsliajwan jiw jebaxot, faena-el xot xan nakastikaliajwa, naboesaliajwabejpi.¹⁹ Judíos nejwesla Roma tñajnapijiwpaklochow xan nakolsax natapaeliajwa jiw jebaxot. Samata, xan kawñajnax nato'aliajwa Roma tñajnapijiw tato'lan poxade, japon pejwñajnael judíos xan natasalaliajwa. Pe xan ajil tasalaliajwan judíos pejbñwñajanpoxliajwa.²⁰ Samata, xamal wullalax chiekal nataelajwam, nospaeliajwasbej. Puexa xatis judíos wñajnawech, pawulpon Mesías, xan japon naexasitx. Samata, nataenam cadenamuatat, namñaxwasixawaesaxtat —aech Pablo.

²¹ Japi jumtaen wut Pablo jum-aechpox, jawut jum-aechi:

—Judea tñajnapijiw xanal chinax carta naxto'a-el xamliajwa. Asew judíos, Jerusalén paklowaxpijiw, pa'ani, japibej chinax nachapae-el babejwñajan xamliajwa.²² Pe xanal chiekal jumtaesian matabijalijwan xam nejchaxoelampox. Xanal wultaenx pajelwñajan, Jesucristo pejwñajan, naexasitampox, asew potñajñachapijiw jum-aech wut: 'Japox diachwñajnakolaxa-el' —aech wuti —aech judíos, Roma paklowaxpijiw, jumnot wuti Pablo.

²³ Do jawut, japi kaematkoi mark pejme natamejalijwa. Japamatkoi pat wut, xabich judíos pat kandiawasapkolaxtat natamejalijwa Pablo dukxot. Do jawut, Pablo tñadut naksiyalijwa Dios puexa pejjiw tato'laxaelpox. Naewñajanbejpon Moisés chajia lelpox jum-aechpox Jesúsliajwa. Profetas chajia lelox naewñajanbejpon jum-aechpox Jesúsliajwa. Pablo jasoxtat naewñajan, japibej naexasisliajwa Jesucristo pejwñajan. Tuila wut, Pablo buxkoft naewñajanpox.²⁴ Asew japixot naexasit Pablo jum-aechpox. Asewlax japixot naexasis-el.²⁵ Asew japixot kaenejchaxoelaxa-el xot, nakolasiapi jaxot. Nakola-el wutfuk, Pablo jum-aech:

—Profeta Isaías chajia jum-aechpox Espiritu Santo pijaxtat wajwujnapijiwliajwa, diachwujnakolax chajia jum-aechon:

²⁶ ¡Xabua'de! jum-amde puexa judíos: “Xamal naewesfulaxaelam naewujanaxpoxan. Pe chiekal jummatajibaximil xan jum-anpoxan. Taeflaxaelambej xan itpaeyaxaelenpoxan. Pe nakiowa, japoxanliajwa jummatajibaximil.

²⁷ Xamal matnaetinkam, nejwesla xot jummatajibaliajwam. Naewes-emil chiekal jummatajibaliajwam. Matsekaxaelam taelaliajwam, matabijasamatambej. Jachiyaxaelam wut, kofaximil babijaxan isfulampoxan. Naexaxisaximilbej Dios. Samata, Dios xamal bu'weyaxil” —amde judíos! —aech profeta Isaías, chajia jum-aech wut wajwujnapijiwliajwa.

²⁸ ¡Xamal chiekal matabijam ampox! Xanal naewujnaxaelen chimiawujajan Jesucristo pejwujajan judíos-eli. Japi chiekal naewesaxael. Ja-aech wut, Dios bu'weyaxaes japi babijaxan ispoxanliajwa —aech Pablo judíosliajwa, duili Roma paklowaxxot.

²⁹ [Do jawut, Pablo japox buxtoet wut, judíos nawia pejbachan poxade. Fol wuti, japoxliajwa nakaewa nabunlosfuli.]

³⁰ Roma paklowaxxot Pablo duk kolewaechje arriendabatat. Japabatat Pablo chiekal bu'kulaful fulaeni japon taeliajwas. ³¹ Pablo pejlewla-el, jiw naewujajan wut. Jiw naewujajnafulon Dios puexa pejjiw tato'laxaelpox. Naewujajnafulbejpon paklon Jesucristo pejwujajan. Chinxax kaen aton jaxot buxfias-esal, Pablo naewujajnaful wut jiw.

Pablo lelpox carta Roma paklowaxpijiwliajwa

Pablo lelpox carta Roma paklowaxpijiwliajwa

¹ Xan Pablo, nabistaxponan Jesucristoliajwa, lelx ampox carta. Dios namakafit apóstolliajwan, jiw naewñajnalialjwan chimiawñajan Dios bu'weliajwa jiw.

² Japawñajan Dios chajia jum-aech pejprofetatat, japi lel wut Dios pejjamechan. ³ Japawñajan wajpaklon Jesucristoliajwa, Dios paxulan. Jesucristo ampatahat nalaelt wut, japon rey David pamon. ⁴ Do baxael, wajpaklon Jesucristo tɔp wut, Dios mat-ech wuton pejme dukaliajwa, jawut jiw pajut chiekal matabija diachwñajnakolax Jesús Dios paxulan. Dios tapaei wajpaklon Jesucristo puexa tato'laliajwa.

⁵ Xan Jesucristo namakafit xot, Dios natapaei apóstolliajwan. Samata, Dios xan nato'a naewñajnalialjwan Jesucristo pejwñajan judíospi, judíos-elpibej, japi jiw naexasisliajwa Jesucristo pejwñajan. ⁶ Xamal, Roma paklowaxpijwam, Dios matxoela makanot Jesucristo pejjiwaliajwam. Samata, amwutjel chiekal duilam, naexasitam xot Jesucristo pejwñajan. ⁷ Samata, xan ampox carta xato'axaelen xamalliajwa. Dios nejxasink xamal. Samata, xamal makanoton Jesucristo pejjiwaliajwam. Xan waj-ax Dios kawñajnax, wajpaklon Jesucristobej, xamal kajachawaesliajwapi babijax isasamatam, duilam wut, asew jiw sɔapich.

Pablo taesiapox Roma paklowaxpijiw

⁸ Xan gracias-an Diosliajwa kaenanula xamalliajwa, potñajñuchanpijiw jum-aech xot chimiajamechan xamalliajwa, Jesucristo chiekal xanaboejam xot. ⁹ Xan xabich nabistax Diosliajwa, jiw naewñajnax wut Jesucristo pejwñajan, Dios paxulan pejwñajan. Dios chiekal matabijt xan Dios kawñajnaxpox xamalliajwa.

¹⁰ Xan buxkofs-enil Dios kawñajnaxpox japon natapaeliajwa, xan fulaeliajwan xamal poxade. Dios natapaei wut, xamal taeyaxaelen.

¹¹ Xamal taesian. Xamal naewñajnasianbej Dios pejjamechan kaes xanaboejalialjwam Dios. ¹² Xamalxotx wut, xatis naexasichpis Dios, nakaewa nakajachawaesaxaes Dios kaes chiekal xanaboejalialjwas.

¹³ Takoew, xan nejxasinkax xamal matabijaliajwam ampox. Xan xabich nejchaxoelx pin-iamatkoiiyan xamal taeliajwan. Pe asaxan nakiowa xabich na-it-el xot, xamal tae-enil. Xamalxotx wut, naewñajnasian Jesucristo pejwñajan, kaes asew jiwbej naexasisliajwa Jesús pejwñajan. Xabich asew jiw, asatñajñuchanpijiw, japi chiekal naexasit Jesucristo pejwñajan. Xanlap japox nejxasinkax xamalxotbej jachiliajwa. ¹⁴ Dios nato'a xan jiw naewñajnalialjwan chimiawñajan, Jesucristo pejwñajan. Samata, jiw naewñajnaxaelen, xabich matabijapi, xabich matabija-elpibej. ¹⁵ Samata, xan fulaesian Roma paklowax poxade xamal naewñajnalialjwan Jesucristo pejwñajan.

Chimiawñajan, Jesucristo pejwñajan

¹⁶ Xan buxdala-el Jesucristo pejwñajan naewñajnalialjwan. Japawñajan jiw naexasit wut, japi jiw Dios bu'weyaxaes babijaxan ispoxanliajwa. Xanal judíos, matxoelanaexasitxpin japawñajan.

Amwutjel xamalbej, judíos-emilpim, naexasitam Jesucristo pejwɥajan. ¹⁷Xatis chiekal matabijas wut Jesucristo pejwɥajan, chiekal matabijasbej Dios ispox, Jesucristo tɥp wut xatisliajwa. Naexasich wutbej Jesús pejwɥajan, jatis wut, xatis babijaxan isaspoxan ajil Diosliajwa. Dios pejjamechan, chajia lelspx, jum-aech wut, jum-aechox: “Ampi jiw babijaxan ispoxan wejisał, chiekal xan naxanaboeja xoti. Samata, japi bu'wɥajanjil xanliajwa” —aech Dios, nejchaxoel wut japi jiwliajwa.

Puexa ampathatpijw pejbɥ'wɥajanpox Diosliajwa, is xoti babijaxan

¹⁸Xatis matabijas Dios, athɥxot dukpon, japon xabich puexa jiw kastikaxael, babijaxan ispi. Xabich babijaxan is xoti, japi tapae-esal matabijaliajwa diachwɥajnakolaxpox Diosliajwa. ¹⁹Japi jiw matabijaliajwapi Dios, wetampoela-esal, Dios pajut kajachawaesaxaex xoti japi jiw chiekal matabijaliajwa. ²⁰Jiw taeyaxil Dios, japon espíritu xot. Pe nakiowa, babijaxan ispi taen wuti Dios ispoxan, japi jiw pajut matabijaxael, Dios diachwɥajnakolax duk. Pe nakiowa, japi jiw matabija-el, ma-aech Dios. Japi matabijaxael, ma-aech Dios, nejchaxoel wut Dios ispoxanliajwa ampathatat. Samata, japi jiw jumchiyaxil asew jiwliajwa: “Xanal matabijaxinil, ma-aech Dios pejnechaxoelaxan” —chiyaxili. ²¹Babijaxan ispi, japi jiw matabija Dios pomatkoicha dukpox. Pe nakiowa, japi jiw sitae-eli Dios. Japibej chinax kaematkoi graciaschi-el Diosliajwa, Dios ispoxanliajwa japiliajwa. Japi jiw nejchaxoelaful nejliaklaxan. Samata, matabija-el diachwɥajnakolaxpox Diosliajwa. Matabija-elbejpi pachaempoxan isliajwa, isasamatabej pachaemaelpoxan. ²²Japi jiw nakaewa najum-aech: “Xatis kaes pejme matabijas” —na-aechi. Diachwɥajnakolax japi matabija-el. Japi nejliakla xot, japoxan najum-aech. ²³Japi Dios xanaboeja-el, xajumpon puexa isliajwa, asamatkoi tɥpaxilponbej. Japi ídolos xanaboeja, pajut ispoxan. Japi pejew ídolos, ael-isas, me-ama jiw, mia, jom, choefbej.

²⁴Samata, Dios koft japi jiw pajut babijaxan isasiapoxan isliajwa. Japi babijaxan isful, xabich padalapoxan nakaewaliajwa. ²⁵Nejweslabejpi naexasisliajwa diachwɥajnakolaxpox, Dios pejjamechan. Dios sitae-elbejpi. Kawɥajna-elbejpi Dios, japon xajumpon puexa isliajwa. Japilax naexasit diachwɥajnakolaxa-elpoxan, kichachajbapoxanbej. Asbuan jumch sitaeni Dios ispoxan. Japoxan japi kawɥajan. Me-ama kajachawaesliajwas wut, ja-aechi japoxanliajwa. Pelax jiw, naexasiti Jesús pejwɥajan, japi pomatkoicha jumchiyaxael Diosliajwa: “Dios xabich pachaem” —chiyaxaeli.

²⁶Samata, Dios koft japi jiw pajut babijaxan isasiapoxan isliajwa, padalapoxan. Samata, watho' nejxasinka-el nosliajwa poejjiw. Japi watho' nakaewatho'a nabu'moejt isliajwa isasiapoxan. ²⁷Ma-is poejjiw ja-aech. Nejxasinka-eli nosliajwa watho'. Poejiw nakaepoejwa nabu'moejt isliajwa padalapoxan. Samata, japi jiw amwutjel xabich Dios kastikas.

²⁸Sitae-el xoti Dios, Dios koft japi jiw isfulaliajwa babijaxan, isaxilpoxan. ²⁹Japi jiw is puexa babijaxan. Nejchaxoeli asew jiw pejew natkowaliajwa. Japi is babijaxan asew jiw tabesliajwa. Japi nusasiowal, kitaen wut asew jiw pejew. Japi asew jiw bu'aba. Japi nejxasink nakaewa nalosax. Japi nejxasink naekichachajbaxan. Japi is babijaxan asew jiw nabijasliajwa. Japibej buxwɥajanmaenk. ³⁰Japi jum-aech babejjamechan asew jiwliajwa puexa asew jiw pejwɥajnalel. Japi Dios

padaelmajiw. Japi jum-aech babejjamechan asew jiwliajwa, sitae-el xoti asew jiw. Japi nejchaxoel: “Xan kaes pejme pachaeman. Me-ama asew jiw, jachi-enil” —aechi, pajutliajwa nejchaxoel wut. Japi nakaewa najum-aech: “Isaxaes asaxan babijaxan asew jiwliajwa, jiw matabija-elpoxan” —na-aechi nakaewaliajwa. Do jawux, japi jiw is japoxan, babijaxan. Japi naexasis-el paxjiw, penjiwbej, fiach wut. ³¹ Japi nejliakla. Is-el jumduwpoxan, asew jiwliajwa isaxaelpoxan. Japi nejxasinka-el asew jiw. Japibej beltae-el asew jiw. ³² Japi chiekal matabija Dios fiachpoxan. Japi matabija Dios pelsaxaespox, babijaxan is xoti asew jiwliajwa. Pe nakiowa, japi jiw babijaxan is asew jiwliajwa. Asbuan jumch japi jiw nejchachaemil, asew jiw babijaxan is wut asewliajwa.

2

Babijaxan ispi, asamatkoi japi jiw Dios kastikaxaespox

¹ Xamal jum-am wut asew jiwliajwa: “Japi jiw babijaxan is. Samata, Dios kastikaxaesi” —am wut, jasox jum-am xot, xamalbej Dios kastikaxael, babijaxan isam xot. ² Matabijas. Asamatkoi Dios jiw kastika wut, kaes babijaxan ispi, japi jiw kaes kastikaxaes. Kaeswapich babijaxan ispibej, kaeswapich kastikaxaes. ³ Xamal jum-am wut babijaxan ispi: “Japi jiw Dios kastikaxaes” —am wut, jasox jum-am wut, xamalbej diachwajnakolax weyaximil, Dios pejkastikamatkoi pat wut. ⁴ Xamal japox jum-am wut asew jiwliajwa, chiekal nejchaxoelaximil. Dios xabich piach kajachawaet, xamal kofaliajwam babijaxan isampoxan. ⁵ Me-ama matabija-emil wut, ja-am Diosliajwa, chiekal naexasis-emil xot Dios. Nakiowa babijaxan isam xot, kastikamatkoi pat wut, puexa babijaxan ispi Dios kastikas wuti, xamalbej Dios kastikaxael, japi jiw swapich. ⁶ Japamatkoi jiw, kaenanula babijaxan ispi, kastikaxaes. Xabich babijaxan ispi, japi xabich kastikaxaes. Xabich babijaxan is-elpi, japi xabich kastikaxisallejen. ⁷ Asew jiw nejxasink Dios nejchachaemliajwa japiliajwa. Samata, japiliajwa tampoel wut, japi nakiowa isful pachaempoxan. Ja-aech wut, Dios tapaeyaxaesi duilaliajwa pomatkoicha japonxotse. Jaxotse pomatkoicha itliak Dios pej-itliakax. ⁸ Asew jiw naexasis-eli Dios. Japi is babijaxan. Samata, Dios palala xot, japi jiw kastikaxaelon. ⁹ Puexa jiw, babijaxan ispi, judios, judios-elpibej, nabijasaxael. ¹⁰ Jiw, ispi pachaempoxan, judios, judios-elpibej, puexa japilax, pomatkoicha duilaxael Diosxotse. Jaxotse itliak Dios pej-itliakax. Dios nejchachaemlaxael japi jiwliajwa. Chiekal duilaxaelbejpi.

¹¹ Dios kastika wut babijaxan ispi, chiekal taeyaxaelon. Samata, puexa judios, judios-elpibej, kastikaxaelon. ¹² Judios-elpi matabija iselaliajwa babijax. Pe nakiowa, japi babijaxan is. Samata, judios-elpi Dios kastikaxaes. Judios matabija Moises chajia lelpox tapae-el isliajwa babijaxan. Pe nakiowa, japi judios is babijaxan. Samata, japi kastikaxaes Dios. ¹³ Judios chiekal naexasisaxael wut Moises chajia lelpox, japi bu'wajanjilaxael. Pe judios puexa chiekal naexasis-el Moises chajia lelpox. Samata, amwutjel japi judios pejbu'wajan Diosliajwa. ¹⁴ Judios-elpi chinax matabija-el Moises chajia lelpox. Chiekal ma-aechi. Pe nakiowa, japi pajut pijaxtat naexasit wuti Moises chajia lelpox, ja-aech wut, japi pajut chiekal matabija isliajwa pachaempoxan. ¹⁵ Japi is wut pachaempoxan, me-ama pajut matabija wut, ja-aechi Moises chajia lelpoxliajwa. Judios-elpi pajut matabija, is wut pachaempoxan.

Matabijabejpi, is wut babijaxan. ¹⁶ Asamatkoi Dios to'axael Jesucristo, japon kaenanula jiw jumchiliajwa, maliach ispi pachaempoxan, o, pachaema-elpoxanbej. Xan japoxliajwa jum-an, naewhajnax wut jiw Jesús pejwhajan.

Amxot jum-aechpox judiosliajwa, Moisés chajia lelpoxliajwabej

¹⁷ Xamal judíos nakaewa najum-am: “Xatis judíos kaes pejme pachaems. Me-ama asew jiw, jachi-esal. Chiekal matabijasbej Moisés chajia lelpox. WajDios xatiskalliajwa” —am xamal nakaewaliajwa. ¹⁸ Xamal matabijam isliajwam Dios nejxasinkpoxan, matabijam xot Moisés chajia lelpox. Samata, isfalaxaelam pachaempoxan. ¹⁹ Xamal nejchaxoelam wut, jum-am: “Xatis chiekal matabijas Dios. Samata, asew jiw naewhajnaxaes, japi matabija-eli Dios. Japi jiw, me-ama itliakla. Me-ama nanuamtibej itkuataxot, ja-aech japi jiw” —am xamal, nejchaxoelam wut. ²⁰ Xamal nejchaxoelambej: “Xatis xajups asew jiw naewhajnaliajwas, matabija-elpi asax, asew jiwbej, chiekal matabijaliajwapi Dios. Xatis xajups japi jiw naewhajnaliajwas puexa diachwhajnakolaxpox Diosliajwa, matabijas xot Moisés chajia lelpox” —am xamal asbuan jumch, nejchaxoelam wut. ²¹ Xamal naewhajnám wut asew jiw naexaxisliajwa Moisés chajia lelpox, ¿ma-aech xotkat xamal najut chiekal naexaxis-emil Moisés chajia lelpox? Asew jiw naewhajnám wut, jum-am: “¡Nabej natkowe' asew jiw pejew!” —am xamal. ¿Pe ma-aech xotkat xamal najut natkowam asew jiw pejew? ²² Asew jiw naewhajnám wut, jum-am: “Xamal, nejwatho'pim, ¿asew watho' nabej bu'moejs!” —am xamal. ¿Pe ma-aech xotkatlax xamal nejwatho' asew watho' naebu'moejtam? Jum-ambej, asew jiw naewhajnám wut: “¡Xanal nejwesla ídolos!” —am xamal. ¿Pe ma-aech xotkatlax xamal lowam ídolos templobachanxot nosliajwam ommaenkpi, japatemplobachanxoti? ²³ Asew jiw naewhajnám wut, jum-ambej: “¡Moisés chajia lelpox pachaem!” —am xamal. ¿Pe ma-aech xotkatlax xamal najut chiekal naexaxis-emil Moisés chajia lelpox? Xamal babijaxan isfulam xot, asew jiw sitae-el Dios. ²⁴ Dios pejjamechan, chajia lelpox, jum-aech wut, jum-aechox: “Xamal babijaxan isfulam xot, judíos-elpi jum-aech babejamechan Diosliajwa” —aechox.

²⁵ Xamal judíos, diachwhajnakolax circuncidam Dios pejmarkaxliajwa. Japox isam matabijaliajwam Dios pejjiwampox. Circuncidax xamalliajwa xabich pachaem, chiekal naexasitam wut Moisés chajia lelpox. Pe chiekal naexaxis-emil wut Moisés chajia lelpox, ja-am wut, nakiowa Diosliajwa, me-ama circuncida-emil wut, ja-amfak. ²⁶ Judíos-elpi, circuncida-esalpi, japi is wut pachaempoxan, me-ama Moisés chajia lelpox to'as, ja-aech wut, japi jiw Diosliajwa, me-ama circuncidas wut, ja-aechi. ²⁷ Judíos-elpi, circuncida-esalpi, Moisés chajia lelpox naexasit wut, asamatkoi japi jiw Diosxotse tasalaxaeli kastikaliajwas judíos, circuncidaspi, chiekal naexaxis-el xoti Moisés chajia lelpox. Judíos asbuan jumch matabija Moisés chajia lelpox. Pe chiekal puexa naexaxis-eli. ²⁸ Judíos najum-aech nakaewa: “Xatis Dios pejjiws, judíos xot” —na-aechi nakaewa. Puexa judíosxot Dios pejjiwa-el, japi judíos xot. Circuncidaxtat puexa judíosxot Dios pejjiwa-el. ²⁹ Diachwhajnakolax judíoskolapi, Dios pejjiwpi, kaelel chiekal kofa babijaxan ispoxan. Japibej Espíritu Santo

kajachawaesfalas. Japibej isful pachaempoxan Dios nejhachaemlaliajwas japiliajwa. Japoxan japi is-el asbuan jumch ampathatpijiw nejhachaemlaliajwas japiliajwa.

3

¹ Japi judíos wut, ¿ma-aech xotkat kaes pejme xabich pachaem judíosliajwa? ¿Ma-aech xotbejkat kaes pejme xabich pachaem, japi, judíos circuncidas wut? ² Japi judíos kaes pejme wepachaems pin-ianejchaxoelaxanliajwa. Matxoelanejchaxoelax judíosliajwa wepachaemspx, ampoxlape. Dios waelt pejjamechan judíos pejwñajnapijiwxot. ³ Asew judíosxot naexasis-el Dios pejjamechan. Ja-aech wutkat, ¿Dios isaxil jumdutpox judíosliajwa? ⁴ ¡E! Puexa jiw kichachajbapijiw wut, Dios nakiowa isaxael puexa jumdutpoxan. Japoxliajwa Dios pejjamechan, chajia lels wut, jum-aechox:

“Dios, puexa xam jum-ampox jiwliajwa, japox diachwñajnakolax wulxael. Chinax kaen aton jumchiyaxil xamliajwa: ‘Dios jum-aechpox diachwñajnakolaxa-el’ —chiyaxil kaen aton” —aech Dios pejjamechan, chajia lelspx, jum-aech wut.

⁵ Xatis kaes babijaxan isas wut, jiw pajut kaes matabijaxael, Dioslax is pachaempoxan. Ja-aech wut, jumchiyaxisal: “Dios xatis nakkastikaxil, babijaxan isas wut” —chiyaxisal. Xatis japox jumtis wut, me-ama Dios pejiwa-esal wut, jachiyaxaes xatis. ⁶ Samata, jasox jumchiyaxisal, diachwñajnakolaxa-el xot. Xatis jumtispx diachwñajnakolax wut, ja-aech wut, Dios ampathatpijiw kastikaxil.

⁷ Xan xabich jiw kichachajbaxaelen wut, ja-an wut, jiw pajut chiekal matabijaxael, Dioslax kichachajba-el. Samata, Dios xan nakastikaxil, xan xabich jiw kichachajbaxaelen wut. ⁸ Ja-aech wut, pachaemaxael xan asew jiw jumchiliajwan: “Kaes babijaxan isas wut, xabich pachaemaxael” —chiliajwan, jiw pajut matabijaliajwa, Dios kaes pejme pachaem. Asew jiw jum-aech babejjamechan xanliajwa: “Pablo jiw naewñajan wut, to'a kaes babijaxan isliajwa” —aechi. Japi jiw japox jum-aech xot, japi jiw Dios kastikaxaes.

Chinax kaen aton babijaxan isla-elpox

⁹ ¿Judíoskat kaes pachaem Diosliajwa? ¿Me-ama asew jiw, jachi-elkat? ¡E! Xan chajia jum-an: “Puexa ampathatpijiw, judíos, judíos-elpibej, babijaxan is” —an xan. ¹⁰ Dios pejjamechan, chajia lelspx, jum-aech wut, jum-aechox:

“¡Puexa jiw is babijaxan ampathatat! ¡Chinax kaen aton isla-el babijaxan!

¹¹ Aton ajilbej, matabijtpon Dios nejhaxoelpoxan. Aton ajilbej, wulwekpon Dios.

¹² Puexa jiw babijaxan is, pejnechaxoelaxantat xabich atñaj xoti Diosliajwa. ¡Kaen japixot ajil isliajwa pachaempoxan!

¹³ Japi jum-aechpox xabich pachaema-el. Samata, tampoela-el asew jiw beliajwas, japi jum-aech wut japox. Kichachajbamaenkbeji. Japi jum-aechpox asew jiwliajwa, me-ama jombñañael wut, ja-aech. Samata, japox asew jiw xabich tabejtas.

¹⁴ Japi jum-aech wut, jum-aechbejpi babejjamechan, nejwesla xoti asew jiw.

¹⁵ Chakifolbejpi beliajwa jiw.

16 Nejmachtuajnechanxot pat wutbejpi, japatuajnechanpijiw bapi. Samata, japi pijaxtat potuajnechanpijiw xabich nabijat.

17 Japi jiw matabija-elbej chiekal duilaliajwa, asew jiw suapich.

18 Nejchaxoela-elbejpi sitaeliajwa Dios” —aech Dios pejjamechan, chajia lelspx.

19-20 Xatis chiekal matabijas. Dios pejjamechan waelt judíos naexasisliajwa. Pe judíos chiekal naexaxis-el japox. Samata, kaen judíos jumchiyaxil: “Xan bu’wuuajanjinil Diosliajwa” —chiyaxilon. Puexa judíos, judíos-elpibej, pajut chiekal matabijaxael japibej pejbu’wuuajan Diosliajwa, kaen aton puexa chiekal naexaxisaxil xot Dios chajia waelt-pox. Dios pejjamechan waelt, xatis babijaxan isas wut wajut nejchaxoelaliajwas: “Diachwuajnakolax xatis isas babijaxan” —chiliajwas, nejchaxoels wut.

Jesús pejwuajan naexasiti, japi Dios bu’weyaxaespx

21 Amwutjel Dios naktapaei matabijaliajwas chimiawuajan, Jesús pejwuajan. Samata, chiekal matabijas, ma-aech xot Dios xatis nakbeltaen, isas wut babijaxan. Dios xatis majt nakbeltae-el, isas wut babijaxan, Moisés chajia lelpox naexasich xot. Chajiakolaxtat profetas lel Dios isaxaelpox xatis nakbu’weliajwa. 22 Kaenanula nejchaxoels wut: “Diachwuajnakolax Jesucristo tux cruztat xanliajwa” —tis wut wajut, japox nejchaxoels wut, babijaxan isaspxoxan ajilaxael Diosliajwa. Asew jiwliajwabej jachiyaxael. Ajilaxael babijaxan, japi ispxoxan Diosliajwa, naexasit wuti Jesucristo tuxpox cruztat japiliajwa. 23 Puexa jiw babijaxan is. Samata, japi napelt Diosliajwa. 24 Pe ja-aech wut, Dios nakiowa kajachawaet japi jiw malech bu’weliajwa japi babijaxan ispxoxanliajwa, naexasit xoti Jesucristo tuxpox cruztat japiliajwa. 25 Dios tapaei Jesucristo tuxpaliajwa cruztat nakwemosliajwa kaenanula xatis babijaxan isaspxoxanliajwa. Xatis naexasich wut Jesucristo tuxpox babijaxan isaspxoxanliajwa, Dios xatis nakbeltaen babijaxan isaspxoxanliajwa. Jesucristo tux wut, motbejpon wajwuajnapijiw babijaxan ispxoxanliajwa. Ja-aech wut, xatis chiekal matabijas Dios mastae-elpox, wajwuajnapijiw babijaxan is wut. Dios chajia matabijt Jesucristo tuxpaxaelpox wajwuajnapijiw pejwulela. Samata, wajwuajnapijiw majt babijaxan is wut, japi kastika-esal Dios. 26 Wuajneweton Jesucristo pasliajwa tuxpaliajwa puexa jiw bu’weliajwapon. Samata, Dios nejxasinka-el kaes jiw babijaxan isliajwa. Babijaxan ispi naexasit wut Jesucristo tuxpox bu’weliajwas, ja-aech wut, japibej bu’weyaxaes.

27 Jesucristo tux jiw bu’weliajwa. Japox japi jiw naexasit wut, Dios beltaenspi babijaxan ispxoxanliajwa. Japi pajut ispxoxantat Dios bu’wesal, babijaxan is wut. Samata, japi pajutliajwa jumchiyaxil asew jiw sitaeliajwas: “Xan isxpachaempoxan Diosliajwa. Samata, babijaxan ispxoxan ajil Diosliajwa” —chiyaxil jiw. 28 Samata, xatis chiekal matabijas. Jesucristo tuxpox cruztat asew jiw naexasit wut, ja-aech wut, japi babijaxan ispxoxan Diosliajwa wejisa. Pe japi babijaxan ispxoxan wejila-esal Diosliajwa, naexasit xoti Moisés chajia lelpox. Japi chiekal naexaxisaxil japox.

29 Dios judíoskalliajwa-el. Japon Dios puexa asewliajwabej. 30 Dios kaen. Kaes asan Dios ajil. Judíosliajwa, asew jiwliajwabej, puexa japi Dios

chiekal taen. Jiw kaenanuła naexasit wut Jesucristo tuppox cruztat japiliajwa, ja-aech wut, japi babijaxan ispoxan Diosliajwa wejilaxaes. ³¹ Xatis, Jesús pejuwanajan naexasichpis, Jesucristo tujot cruztat kaenanuła xatisliajwa, nejchaxoela-esal: “Kofas Moisés chajia lelpox, Jesucristo tuppox naexasich xot kaenanuła xatisliajwa” —chi-esal, nejchaxoels wut. ¡E! Xatis naexasich wut Jesucristo tuppox, jatis wut, naexasichbej Moisés chajia lelpox.

4

Abraham chiekal naexasitpox Dios jumduwspoxan

¹ ¿Ma-aech xotkat Abraham, wajwuanajnapijin, babijaxan wejisal Diosliajwa? ² Abraham pachaempoxan isaxael wut babijaxan ispoxan wejilaliajwas, ja-aech wut, japon pajut japox jumchiyaxael asew jiw jumtaeliajwas. Pe Dios matabijit. Abraham japox jumchi-el. ³ Dios pejamechan, chajia lelpox, jum-aech wut, jum-aechox: “Abraham naexasit xot Dios jumdutpox japonliajwa, japon babijaxan ispoxan wejisal Diosliajwa” —aechox. ⁴ Aton nabist wut asanliajwa, japon moch. Plata malech chaxdus-esal. Chaxduch, nabist xoton. ⁵ Pelax Dios to'a-el jiw nabichliajwa nabichaxtat mosliajwapi Dios japi babijaxan ispoxanliajwa. Aton jum-aech, nejchaxoel wut: “Dios bu'wia jiw. Samata, diachwuanakolax Dios xan nabu'weyaxael, jumdut xoton jiw bu'welija” —aech wuton, japon aton wejilaxaes babijaxan ispoxanliajwa Diosliajwa. ⁶ Rey David chajiakolaxtat chapaeipon jiw, japi jiw babijaxan ispoxan wejisalpi Diosliajwa. Japi ja-aech, naexasit xoti Dios chajia jum-aechpoxan. Dios to'a-el japi jiw isliajwa bichaxan, babijaxan ispoxan wejilaliajwas. ⁷ David chajiakolaxtat jum-aech japi jiwliajwa:

“¡Japi xabich nejchachaemil, Dios beltaens xoti babijaxan ispoxanliajwa, kaelel wepeltas xotbejpi!

⁸ ¡Aton nejchachaemil, Dios beltaens wuton babijaxan ispoxanliajwa!” —aech David chajiakolaxtat.

⁹ David japox jum-aech wut, jumchi-elon judioskalliajwa. Japon jum-aech asewliajwabej. Xan chajia jum-an. Abraham naexasit, Dios jumduws wut. Samata, Abraham babijaxan ispoxan Diosliajwa wejisal. ¹⁰ Abraham babijaxan ispoxan wejisal wut Diosliajwa, jawut Abraham circuncida-esalfuk. Pe nakiowa, Abraham babijaxan ispoxan wejisal Diosliajwa. ¹¹ Abraham babijaxan ispoxan wejisal wut Diosliajwa, do baxael, japon circuncidas. Japox puexa jiw pajut matabijaliajwa, Abraham babijaxan ispoxan wejisal, Dios xanaboejt xoton. Samata, judios-elpibej, circuncida-esali, nejchaxoel wut: “Diachwuanakolax Dios isaxael jumdutox” —aech wuti, japibej Diosliajwa, me-ama Abraham paxi wut, jachiyaxaeli. Ja-aech wutbej, japi babijaxan ispoxan wejilaxaes Diosliajwa. ¹² Judios, circuncidaspi, japi Dios xanaboeja wut, me-ama Abraham paxi wut, jachiyaxaeli. Judiosbej nejchaxoel wut, me-ama majt Abraham nejchaxoel wut: “Diachwuanakolax Dios isaxael nakjumdutpox” —aech wuti, japi judios, me-ama Abraham paxi wut, jachiyaxaeli Diosliajwa.

Abraham chiekal naexasit xot Dios jumduchpox, japox wejatispon

¹³ Chajiakolaxtat Abraham Dios jumtis: “Xam puexa ampatuajnu chaxdusaxaelen. Baxael, asamatkoi xam tupam wut, naxi, namojiwbej, chaxdusaxaelen ampatuajnu” —tis Abraham. Dios japox jumchi-el,

Abraham naexasit xot Moisés chajia lelpox. Abraham nejchaxoel xot: “Diachwajnakolax Dios isaxael najumdutpox xanliajwa” —aech xoton, nejchaxoel wut, Dios japox jum-aech Abrahamliajwa. Abraham Dios jumtisopox xanaboejsful xot, babijaxan ispoxan wejissalpon Diosliajwa. ¹⁴ Dios chajia jumchiyaxael wut chaxdusliajwa japatujnu naexasitpikal Moisés chajia lelpox, ja-aech wut, Dios chaxdusaxil japatujnu Abraham pamojiw, chiekal naexasis-el xoti puexa Moisés chajia lelpox. Jachiyaxael wut, japi Dios xanaboejapoxliajwa asbuan jumch masox namaeyaxaeli. Dios jumdutpox japatujnu chaxdusliajwas, japoxbej jachiyaxael japiliajwa. ¹⁵ Puexa jiw, naexasis-elpi Moisés chajia lelpox, japi Dios kastikaxaes. Moisés chajia lelpox ajil wut, jiw babijaxan is wut, ja-aech wut, buwujanjilaxaeli. Samata, Dios kastikaxisal japi jiw.

¹⁶ Abraham chiekal xanaboejt Dios. Samata, Dios jumduch chaxdusliajwas malech japatujnu, paxiliajwa, pamojiwliajwabej. Dios japox jum-aech wut Abrahamliajwa, japox judiosliajwa, asew jiwliajwabej, japi jiw Dios xanaboejaxaelpi japi kajachawaesliajwas Dios, me-ama Abraham xanaboejt Dios, jachiliajwa japi jiw. Samata, puexa xatis Dios xanaboejaxaes. Jatis wut, Diosliajwa xatis, me-ama Abraham pamojiw wut, jachiyaxaes. ¹⁷ Dios pejjamechan, chajia lelsopox, jum-aech, Dios jum-aech wut Abrahamliajwa: “Xam naexasitam xan jumdutpox. Samata, asew jiwbej naexasisaxael xan jum-anpox. Ja-aech wut, japi, me-ama naxi wut, jachiyaxael japi jiw. Xabich pin-iamutan walxaeli” —aech Dios Abrahamliajwa. Abraham nejchaxoel: “Dios xajup tupi mat-elijwa pejme duilaliajwa. Dios xajupbej to'aliajwa, majt ajil wut nejmach isliajwa” —aech Abraham, nejchaxoel wut Diosliajwa.

¹⁸ Puexa jiw chiekal matabija Abraham pijow naxwulaxilpox. Pe nakiowa, Abraham xanaboejsful xot Dios chajia jumtisopox paxulanliajwa, nejchaxoelafulon: “Dios nachaxdusaxael najumdutpox” —aech Abraham, nejchaxoel wut. Samata, Abraham pijow moejow. Do jawux, naxwalow. Faenow poich. Do, xabich baxael, xabichbejpon pamojiw. Ja-aech japox, Abraham chiekal xanaboejsful wut Dios jumtisopox. ¹⁹ Nalaels-el wutfuk paxulan, Abraham xabich pati'in. Kaewaechan suapich, wewe'pas cien waechanliajwapon. Abraham pijow, Sara, naxwulaxil, pati'ow xot. Pe nakiowa, Abraham xanaboejsful Dios jumtisopox. ²⁰ Nejchaxoel wut, nejchaxoela-elon: “Dios najum-aechpox diachwajnakolaxa-el” —chi-elon, nejchaxoel wut. Abraham xanaboejsful Dios chajia jumtisopox. Samata, jum-aechon Dios jumtaeliajwas: “Xam xabich pachaemam” —aechon Diosliajwa. ²¹ Abraham nejchaxoel: “Diachwajnakolax Dios xajup nawe-isliajwa najum-aechpox” —aechon, nejchaxoel wut. ²² Samata, Abraham babijaxan ispoxan Diosliajwa wejissal.

²³ Japawujan lela-esal xatis jumchiliajwas Abrahamliajwa: “Japon Abraham xabich pachaem, Dios xanaboejsful xot” —chiliajwas. ²⁴ Japawujan lelsbej xatis wachakalpijwas matabijaliajwas Dios nakkajachawaesaxaelpox. Me-ama Abraham Dios kajachawaech, jachiyaxaelbej xatisliajwa, Dios nakkajachawaet wut. Ja-aech wut, xatis babijaxan isaspoxan ajilaxael Diosliajwa, xanaboejas wut Dios, japon mat-etpon wajpaklon Jesucristo pejme dukaliajwa. ²⁵ Jesús tup nawkemosliajwa xatis babijaxan isaspoxanliajwa. Japon tuppox tres

matkoi wut, mat-echpon pejme dukaliajwa. Japon tɔp xot xatisliajwa, babijaxan isaspoخان chiekal nakwe-ajil Diosliajwa.

5

Xatis bu'wɔajanjisalpoخ Diosliajwa

¹ Xatis kaenanɔla chiekal bu'wɔajanjisal Diosliajwa. Xatis jatis, naexasich xot wajpaklon Jesucristo tɔppox xatisliajwa. Samata, amwɔtjel Jesús pijaxtat xatis pachaems Diosliajwa. ² Dios nakbeltaen xatis babijaxan isaspoخانliajwa, xatis naexasich xot wajpaklon Jesucristo tɔppox cruztat xatisliajwa. Xatis chiekal matabijas asamatkoi pomatkoicha duilaxaespoخ Diosxotse. Samata, xabich nejchachaemlas. ³ Xatis xabich nabijatas wutbej, nejchachaemlas, xajɔpaxaes xot kaes boejtaliasliajwas. ⁴ Boejtaliach wut nabijataspoخ, Dios nejchachaemlaxael xatisliajwa. Ja-aech wut, asamatkoi Dios nakchaxduiyaxael pachaempox. ⁵ Dios to'a Espiritu Santo wajmatpɔatanxotaliajwa. Ja-aech wut, Espiritu Santo nakkajachawaet matabijaliajwas Dios xabich naknejxasinkpoخ. Samata, xatis wɔajnawesfulas asamatkoi Dios nakchaxdusaxaelpoخ, xabich pachaempox.

⁶ Majt xatis chajia babijaxan isas wut, xatis wajut weyaxisal. Samata, Cristo tɔp xatisliajwa. Me-ama Dios chajiakolaxtat nejchaxoel japon tɔpaliajwa, japox ja-aechlisox xatisliajwa. ⁷ Aton asatɔajɔpijin boesaxaes wɔton asew jiw, kaen xatisxot jumchiyaxil: “¡Japon aton xamal nabej boese'! ¡Xanlax naboessim!” —chiyaxilon. Pe boesaxaespon xabich pachaem wut, kaen xatisxot bej jumchiyaxaelbej: “¡Ampon aton nabej boese', xabich pachaem xoton! ¡Xanlax naboessim!” —bej chiyaxaelbejpon. ⁸ Pe xatis isas wut babijaxan, Dios nakiowa nakkajachawaet. Dios to'ak paxulan tɔpaliajwa kaenanɔla xatis nakbu'welialjwa. Ja-aech wut, chiekal matabijas Dios xabich naknejxasinkpoخ. ⁹ Jesucristo tɔp nakbu'welialjwa. Samata, amwɔtjel pachaems Diosliajwa. Samatabej, nakkastikaxilon. ¹⁰ Majt xatis Dios padaelmajiw, isfulas xot babijaxan. Pe amwɔtjel, Dios paxulan tɔp xot cruztat, Dios nakbeltaen xatis babijaxan isaspoخانliajwa, chiekal pachaemaliajwas japonliajwa. Samata, amwɔtjel chiekal matabijas japon nakbu'weyaxaelpoخ. ¹¹ Diachwɔajnakolax xatis nejchachaemlas, Dios nakbu'weyaxael xot. Chiekal nejchachaemlasbej, pachaems xot Diosliajwa wajpaklon Jesucristo pijaxtat.

Amxot jum-aechpoخ Adánliajwa, Jesucristoliajwabej

¹² Adán matxoela is babijax. Jawutbej, tɔadut patɔpax. Do baxael, puexa ampathatpijiwbej babijaxan is. Do jawɔx, patɔpax xajɔp puexa jiwliajwa, japi jiwbej babijaxan is xot. ¹³ Moisés chajia lelpoخ ajil wɔtfak, jawut ampathatpijiw babijaxan is. Pe nakiowa, Dios kastika-el, ajil xotfak Dios fiatpoخ jiw babijaxan isasamata. ¹⁴ Adán laeja wut, hasta Moisés laeja wutbej, jiw babijaxan isful wut, japi jiw Dios kastika-esalfak. Japi jiw babijaxan isful wut, Dios fias-el japi jiw babijaxan is-elaliajwa. Me-ama Adán fiach, jachi-esal japi jiw. Ja-aech wut, japi jiw nakiowa tɔp kaen Adán pijaxtat, puexa jiw babijaxan isful xot. Pe baxael, Cristo pat wut, is pachaempox puexa jiwliajwa.

¹⁵ Adán is pachaema-elpoخ. Japox najɔpa-el, Dios malech nakwe-ispoخ sɔapich, Jesucristo pijaxtat. Kaen Adán babijax is xot, puexa

jiw tɔp. Dios nakwe-ispoχ Jesucristo pijaxtat, japox xabich pachaem puexa nejmachjiwliajwa, pomatkoicha duilaliajwapi Diosxotse. ¹⁶ Adán matxoela is babijax. Do baxael, puexa jiw babijaxan isful. Samata, japi jiw pejbu'wɔajan Diosliajwa. Baxael, japi jiw Dios beltaens babijaxan ispoχanliajwa Jesucristo pijaxtat. Ja-aech wɔt, japi babijaxan ispoχan wejisal Diosliajwa. ¹⁷ Puexa jiw kaenanɔla tɔpafɔl, Adán chajiakolaxtat babijax is xot. Japibej tɔp, pajut babijaxan is xot. Do baxael, Jesucristo tɔp wɔt, Dios nakbeltaen kaenanɔla xatis babijaxan isaspoχanliajwa. Ja-aech wɔt, xatis babijaxan isaspoχan ajil Diosliajwa. Samata, Dios chiekal xanaboejas xot, Dios nakkajachawaet chiekal duilaliajwas.

¹⁸ Puexa jiw, ampathatpijiw pejbu'wɔajan Diosliajwa, Adán matxoela is xot babijax. Jesucristolax is pachaempox, japi jiw bu'wɔajanjiwliajwa Diosliajwa. Samata, Dios tapaeyaxaes duilaliajwa pomatkoicha japonxotse. ¹⁹ Adán naexasis-el, Dios to'as wɔt. Samata, ampamatkoiyan xabich jiw babijaxan is. Pelax Jesucristo naexasit Dios to'aspox. Samata, Jesucristo pijaxtat xabich jiw babijaxan ispoχan ampamatkoiyantat wejisal Diosliajwa.

²⁰ Xabich chajiakolaxtat Dios waelt pejjamechan Moiséstat. Moisés japox chajia lel jiw fiasliajwa babijaxan isasamata. Pe nakiowa, japi jiw babijaxan is. Japi matabija Moisés chajia lelpox. Pajut matabijabejpi, is wɔt babijaxan. Majt japoxan pajut matabija-el. Jiw kaes xabich babijaxan isful wɔt, nakiowa beltaeflaspi Dios babijaxan isfulpoχanliajwa. Kaes kajachawaetbejpon asamatkoi japi jiw kofaliajwa babijaxan ispoχan. ²¹ Puexa xatis babijaxan isas. Samata, tɔpaxaes. Wajpaklon Jesucristo tɔp xot xatisliajwa, Dios nakbeltaen babijaxan isaspoχanliajwa. Samata, babijaxan isaspoχan ajil Diosliajwa. Naktapaeyaxaelbejpon duilaliajwas pomatkoicha japonxotse.

6

Jesucristo pejjwɔajan naexasiti kaes babijaxan isaxilpox

¹ Asew jiw nejchaxoel wɔt, bej nejchaxoelaxaelbej chiekal matabijaelaxtat: “Dios naknejxasink xot, nakbeltaen xatis babijaxan isaspoχanliajwa. Samata, kaes pejme isaxaes babijaxan. Jatis wɔt, Dios kaes pejme nakbeltaeyaxael babijaxan isaspoχanliajwa” —chiyaxaelbej japi jiw, nejchaxoel wɔt. ² ;Xatis kaes babijaxan nabej istis! Tɔpon kaes babijax isaxil, tɔp xotlison. Xatisbej jachiyaxaes babijaxanliajwa. ³ Xamal chiekal matabijam. Xatis nakbautisa wɔt, Jesucristo pejjiwɔs. Samata, xatis kaenanɔla wajut chiekal nejchaxoelaxaes: “Jesucristo kimatamatlas wɔt cruztat, xatisbej Diosliajwa, me-ama cruztat tɔps wɔt, japon sɔapich, jatis” —chiyaxaes, nejchaxoels wɔt. ⁴ Cristo tɔp wɔt, mɔthtas. Xatisbej nakbautisa wɔt, me-ama, Jesucristo sɔapich, nakmɔtha wɔt, jatis xatis, kofas xot babijaxan isaspoχan. Jesús tɔp wɔt, pax Dios mat-echpon pejme dukaliajwa. Amwɔtjel, xatisbej, me-ama Dios nakmat-iapis wɔt, jatis pejme duilaliajwas pajelnejchaxoelaxantat.

⁵ Jesucristo tɔp wɔt cruztat, jawɔt xatis, me-ama kaebu'tas wɔt, jatis, japon sɔapich. Do jawɔx, Jesucristo mat-ech wɔt pejme dukaliajwa, jawɔt xatisbej, me-ama nakmat-ia wɔt, jatis xatis chiekal pejme duilaliajwas, isliajwasbej Dios nejxasinkpoχan. ⁶ Xatis matabijasbej. Jesús tɔp wɔt cruztat, jawɔtbej wajpadujnejchaxoelaxan, me-ama nakwematamatal wɔt cruztat, Jesús sɔapich, ja-aechox. Samata, babijaxan

isiaspoxan amwutjel Dios chiekal nakwetoet. Kaes babijaxan isaxisal. ⁷ Aton tup wut, kaes babijaxan isaxillison. Xatisbej jachiyaxaes. Kaes babijax isaxisal. ⁸ Xatis, Jesucristo swapich, me-ama tups wut, jatis xot, chiekal xanaboejas asamatkoi duilaxaespox Diosxotse, Jesucristo swapich. ⁹ Xatis matabijasbej. Jesucristo tup wut, mat-echpon pejme dukaliajwa. Amwutjel kaes tupaxillison. Pomatkoicha dukafulaxaelon. ¹⁰ Jesucristo kaetupaxtat jiw bu'wiapon. Amwutjel dukaful wut, isful Dios nejxasinkpoxan. ¹¹ Samata, xamalbej kaenanula nejchaxoelam wut, ichiekal nejchaxoelde: “Xan nejxasinkaxpoxan isliajwan, babijaxan, amwutjel japoxanliajwa, xan, me-ama tupx wut, ja-an. Samata, kaes babijaxan isaxinil. Isfulaxaelenlax Dios nejxasinkpoxan, nabistax xot Jesucristoliajwa” —amde, nejchaxoelam wut!

¹² Samata, jasew watho' nabej babijne' bu'moejsliajwam najut isasiampoxan isliajwam! ¹³ Xamal majt, me-ama patupawam wut, jam Diosliajwa. Pe amwutjel, xamal, me-ama Dios mat-iapi wut, jam pejme duilaliajwam. Samata, xamal, najut nabej nawoeye' babijaxanxot isfulaliajwam japoxan! iXamallax najut nawoeyam Diosxot isfulaliajwam pachaempoxan! ¹⁴ Xamal chiekal matabijaxaelam isasamatam babijaxan, najut isasiampoxan. Moisés chajia lelpox, kaes xamal tato'lafala-el. Pe amwutjel, Dios pajut chiekal xamal tato'lafal. Dios kajachawaesfulbej xamal.

Jesús pejwujajan naexasiti, me-ama esclavos wut, ja-aechi, isfulxot pachaempoxan

¹⁵ Dios nakbeltaen xot xatis babijaxan isaspoxanliajwa, amwutjel Moisés chajia lelpox kaes naktato'la-el. Ja-aech wut, ipachaemkat xatis jumchiliajwas: “iBabijaxan isaxaes, isiaspoxan!” —chiliajwas? iEl! iXatis kaes nabej nejchaxoelatis babijaxan isliajwas! ¹⁶ Xamal chiekal matabijam. Xatis asew pej-esclavos wut, wajpaklon naktato'alpoxan chiekal naexasisfulaxaes. Jachiyaxaesbej, babijaxanxot nawoeyas wut isfulaliajwas babijaxan. Asamatkoi, tups wut, diachwujnakolax napelsaxaesbej Diosliajwa. Dios naexasich wutlax, chiekal duilafulaxaes Diosliajwa. ¹⁷ Xamal majt babijaxan isam, najut isasiampoxan. Amwutjellax chiekal naexasitam Dios pejjamechan, asew, naexasiti Jesús pejwujajan, xamal naewujajanpox. Samata, Dios kawujajnax wut, gracias-an xamal Roma paklowaxpijwamliajwa, Dios xabich xamal kajachawaet xot. ¹⁸ Dios xamal kajachawaet babijaxan isampoxan kofaliajwam, majt isampoxan. Samata, amwutjel isam pachaempoxan, Dios nejxasinkpoxan. ¹⁹ Xamal xajupa-emil Dios pejjamechan, xabich tampoelpoxan, matabijaliajwam. Samata, chiekal naewujajnax matabijaliajwam. Xamal majt asew watho' bu'moejtam, nijwa-elpi. Asaxan babijaxan isambej. iAmwutjellax najut chiekal nawoeyam Diosxot isliajwam pachaempoxan, Dios nejchachaemlaliajwa xamalliajwa!

²⁰ Majt xamal xabich babijaxan isam wut, is-emil pachaempoxan, Dios nejxasinkpoxan. ²¹ Majt xamal babijaxan isampoxan, amwutjel japoxanliajwa xamal xabich nadala, pachaema-el xot japoxan. Jiw nakiowa babijaxan is. Pe japi napelsaxael pomatkoicha Diosliajwa. ²² Amwutjel Dios kajachawaet xot, xamal kofam majt babijaxan isfulampoxan. Samata, xamal najut nawoeyam Diosxot japon tanbichfulaliajwam. Japox pachaem xamalliajwa, chiekal duilam xot, me-ama Dios nejxasink. Baxael, asamatkoi tupam wut, duilaxaelam Diosxotse pomatkoicha.

²³ Jiw babijaxan is wut, mosaxaes pejpattapaxtat. Napelsaxaelbejpi Diosliajwa. Pelax xatis Dios pejjiws, Jesús pejwujajan naexasichpis, Dios naktapaeyaxael Diosxotse pomatkoicha duilaliajwas, wajpaklon Jesucristo suapich.

7

Amxot jum-aechpox nakjiyaxliajwa, Moisés chajia lelpoxliajwabej

¹ Takoew, xamal matabijam Moisés chajia lelpox. Samata, matabi-jambej, jiw tato'las Moisés chajia lelpox naexasisliajwa, laelp wuti ampathatat. Pe japi tup wut, wewe'pa-esal Moisés chajia lelpox. ² Jachiyaxaelbej pawis, pamalpow. Japow fo'axil pamal, asan aton fisliajwa. Pe pamal tup wut, ja-aech wut, Moisés chajia lelpox tapaei japow asan aton fisliajwa. ³ Japow pamal naetupa-esal wut, asan aton naebu'moejt wutow pamal, japow pawis babijax isaxael Diosliajwa. Japow pamal tup wut, ja-aech wutlax, japow tapaeis fisliajwa asan aton pamalliajwapow. Fit wutow asan aton, japox chaemilaxil Diosliajwa.

⁴ Takoew, pawis pamalpow, japow naexasit pamal tato'laspoxan. Xamalbej majt ja-am, naexasitam wut Moisés chajia lelpox. Pe Jesucristo tup wut cruztat, jawutbej xatis, me-ama, Cristo suapich, tups wut cruztat, jatis. Jatis wut, Moisés chajia lelpox, me-ama toep wut, ja-aech xatisliajwa kaes naexasisasamatas. Samata, japox kaes naexasisaxisal. Amwutjel xamal Jesucristo pejjiwam, japon tup wut, mat-ech pejme dukaliajwa. Samatabej, isfulam Dios pijax bichax. ⁵ Majt xatis Jesús pejwujajan naexasis-esal wut, wajut babijaxan isasiaspoxan isas. Jawutbej Moisés chajia lelpox japoxan naktapae-el. Pe xatis japox jumtaens wut, kaes asbuan jumch namaekchas babijaxan isliajwas. Samata, ampathatat laelpas wut, diachwujajnakolax chiekal napelslapas Diosliajwa. ⁶ Pelax amwutjel, Cristo suapich, me-ama tups wut, jatis xot, kaes naexasisaxisal Moisés chajia lelpox. Duils Dios tanbichliajwas. Espiritu Santo nakkajachawaet xot, nejchaxoels pajelnejchaxoelaxan Dios tanbichliajwas. Samata, japabichax isas wut, nejchaxoela-esal Moisés chajia lelpox naexasisliajwas.

Amxot jum-aechpox Moisés chajia lelpoxliajwa, puexa jiw babijaxan ispoxanliajwabej

⁷ Asew jiw nejchaxoel wut, bej jumchiyaxaelbejpi ampox: “Moisés chajia lelpox pachaema-el” —bej aechbejpi, nejchaxoel wut. Ajil wut Moisés chajia lelpox, ja-aech wut, jiw matabijaxil pachaema-elpoxan isasamata. Moisés chajia lelpox jum-aech: “Xam taenam wut asan pijax, nabej nejchaxoele' xam nijaxliajwa!” —aechox. Japox ajil wut, xan matabijsaxinil pachaema-elpox, nejxasinkax wut asan pijax xan tajaxliajwa. ⁸ Xan matabijtax Moisés chajia lelpox. Nafiat is-elalijwan babijaxan. Do jawut, xan kaes asbuan jumch namaekchax babijaxan isliajwan. Nafiatpoxan naexasis-enil. Samata, xabich nejchaxoelx isliajwan japoxan. Ajil wut Moisés chajia lelpox, xan nejxasinkaxinil japoxan, babijaxan, isliajwan. ⁹ Moisés chajia lelpox matabijs-enil wutfak, xan nejchaxoelx: “Xan kaes pejme pachaeman” —an, nejchaxoelx wut. Do jawux, tajut chiekal matabijtax Moisés chajia lelpox. Jawutbej tajut chiekal matabijtax chiekal naexasis-enilpox Moisés chajia lelpox. Samata, matabijtax Dios nakastikaxaelpox, xan nakiowa isx

xotfuk babijaxan. ¹⁰ Dios waelt Moisés chajia lelpox xan naexasisli-
ajwan, chiekal dukaliajwanbej. Xan chiekal naexasis-enil xot Moisés
chajia lelpox, xan tajut matabijtax nafo'axaelenpox Diosliajwa, babi-
jaxan isx xot. ¹¹ Do jawut, chiekal nejchaxoelx: “Xan naexasisaxaelen
Moisés chajia lelpox chiekal dukaliajwan” —an, nejchaxoelx wut. Xan
nejxasinka-enil isliajwan Dios natapae-elpox. Pe ja-an wut, xan nakiowa
asbuan jumch namaekchax babijax isliajwan. Samata, Moisés chajia
lelpox chiekal naexasis-enil xot, nafo'ax Diosliajwa.

¹² Moisés chajia lelpox tato'alpoxan, fiatpoxanbej, pachaem jiw naex-
asisliajwa. ¹³ Asew jiw nejchaxoel wut, bej nejchaxoelaxaelbejpi:
“Moisés chajia lelpox chiekal pachaema-el. Japox naexasis-esal wut,
Dios xatis nakkastikaxael” —bej chiyaxaelbejpi, nejchaxoel wut. ¡El!
Japox chaemila-el. Xatis wajut babijaxan isas xot, Dios nakkastikaxael.
Dios japox chajia waelt tato'laxan Moiséstat xatis wajut matabijaliajwas,
babijaxan isas wut.

¹⁴ Xatis matabijas. Moisés chajia lelpox Dios chajia waelt ampathatat
chiekal xatis laelpaliajwas. Pe nakiowa, chiekal puexa naexasis-esal
Moisés chajia lelpox. Asbuan jumch kaes namaekchas isliajwas babi-
jaxan. ¹⁵ Xan isasian pachaempoxan. Pe nakiowa, japoxan is-enil.
Asax nejxasinka-enilpox isliajwan, japoxlax isx. Ja-an wut, baxael tajut
chiekal nejchaxoelx: “Ma-aech xot xan japox isx” —an, tajut nejchaxoelx
wut. ¹⁶ Isx wut nejxasinka-enilpox, xan xabich nanejxaejow, japox isx
wut. Samata, xan tajut matabijtax. Moisés chajia lelpox pachaem,
nakfiat xot babijax isasamatas. ¹⁷ Baxael, tajut chiekal nejchaxoelx:
“Xan babijaxan isxprovan tajut is-enil. Tajnejchaxoelax nato'a xan
babijaxan isliajwan” —an, nejchaxoelx wut. ¹⁸ Xan tajut matabijtax
tajnejchaxoelax, xabich pachaema-elpox. Xan nejxasinkax isliajwan
pachaempoxan. Pe nakiowa, japoxan isaxinil. ¹⁹ Samata, xan is-enil
nejxasinkaxprovan. Isxlax nejxasinka-enilpoxan. ²⁰ Tajut nejchaxoelx
wut, jum-an: “Japoxan xan tajut is-enil. Tajnejchaxoelax, pachaema-
elpox, nato'a isliajwan babijaxan” —an, nejchaxoelx wut.

²¹ Xan tajut matabijtax. Pachaempox isasian wut, jumch isx babijax.
²² Nejxasinkax naexasisliajwan Moisés chajia lelpox. ²³ Pe nakiowa,
tajbabejnechaxoelax natapae-el chiekal nejchaxoelaliajwan. Samata,
isx babijaxan.

²⁴ ¡Xan xabich nabijatax! ¡Babijaxan isx xot, bej nafo'axaelenbej
pomatkoicha Diosliajwa! ¿Achantat xan nakajachawaesaxael
nabu'weliawja nafo'a-elaliajwan Diosliajwa? ²⁵ Kaen Dios xan
nabu'weyaxael nejchaxoelasamatan babijaxan. Samata, Dios
kawhajnax wut, gracias-an Diosliajwa, nakajachawaet xoton. Dios to'a
wajpaklon Jesucristo xatis nakkajachawaesliajwa. Samata, naexasis-
enil tajnejchaxoelax. Xan matabijtax naexasisaxaelenpox Moisés chajia
lelpox. Pe nakiowa, tajnejchaxoelax nato'a babijaxan isliajwan.

8

*Chiekal duilpox, Jesús pejwajjan naexasiti, kajachawaesfulas xoti,
Espíritu Santo*

¹⁻² Xatis majt napeltas Diosliajwa. Pe amwutjel, naexasich xot Jesús
pejwajjan, Dios nakkastikaxil. Espíritu Santo nakkajachawaet xot,

chiekal duils Diosliajwa. Jesús tɔp wɔt cruztat, Dios nakbeltaen babijaxan isaspoxanliajwa. Xatis kaes is-esal isasiaspoxan, pachaema-elpoxan. ³ Xatis chiekal naexasis-esal Moisés chajia lelpox. Samata, xatis wajut weyaxisal babijaxan isaspoxantat. Pe nakiowa, Dios nakbu'weliajwa to'a paxulan nalaelsliajwa ampathatat. Japon pejbɔ't, me-ama xatis wajbu'an wɔt, ja-aech. Do baxael, japon tɔp wɔt cruztat, nakwemot xatis babijaxan isaspoxanliajwa. Ja-aech wɔt, Dios toet babijaxan xatis isaspoxan. ⁴ Dios japox is xatis isliajwas pachaempoxan, me-ama Moisés chajia lelpox jum-aech. Wajnejchaxoelaxan, babijaxan, nakto'a isliajwas pachaema-elpoxan. Amwɔtjel japoxan is-esal. Isas Espiritu Santo nakto'apoxan.

⁵ Nejchaxoelaxan, babijaxan, jiw to'as isliajwa babijaxan. Pelax Espiritu Santo tato'laspi, japi nejchaxoel isliajwa Espiritu Santo nejxasinkpoxan. ⁶ Jiw nejchaxoelpi wewe'paspoxankal pajutliajwa, japi jiw napelsaxael Diosliajwa. Japibej Dios kastikaxaes. Asewlaw, nejchaxoelpi Espiritu Santo nejxasinkpoxankal, japi jiw chiekal duilaxael, asew jiw swapich. Asamatkoi japi jiw duilaxaelbej Diosxotse. ⁷ Jiw, nejchaxoelpi babijaxan isaxan, japi Dios padaelmajiw. Japoxan nejchaxoel xoti, nejweslapi naexasisliajwa Moisés chajia lelpox. Japi japox naexasisax-ilbej. ⁸ Samata, jiw babijaxan is, pajut nejxasinkpoxan. Is-el Dios nejxasinkpoxan.

⁹ Amwɔtjel Espiritu Santo diachwɔajnokolax xamal nejmatpɔatanxot duk xot, isfulam Espiritu Santo nejxasinkpoxan. Is-emil majt najut isfulampoxan, nejxasinkampoxan isliajwam. Jiw pejmatpɔatanxot Espiritu Santo duka-el wɔt, japi jiw Cristo pejjiwa-el. ¹⁰ Xamal Jesucristo pejjiwam xot, pomatkoicha duilaxaelam Diosxotse, babijaxan isampoxan ajil xot Diosliajwa. Pefuk xamal ampabu'tam xot, majt tɔpaxaelam, isam xot babijaxan. ¹¹ Jesús tɔp wɔt, Dios mat-echpon pejme dukaliajwa. Samata, xamalbej asamatkoi tɔpam wɔt, Dios mat-eyaxael pejme duilaliajwam, Espiritu Santo duk xot nejmatpɔatanxot.

¹² Takoew, isaxaes Dios nejxasinkpoxan. Isaxisal wajut nejxasinkaspoxan, babijaxan. ¹³ Isam wɔt babijaxan, najut nejxasinkampoxan, asamatkoi tɔpam wɔt, xamal napelsaxaelam Diosliajwa. Babijaxan isampoxan kofam wɔt, Espiritu Santo xamal kajachawaet xot, jam wɔt, xamal duilaxaelam pomatkoicha Diosxotse.

¹⁴ Espiritu Santo jum-aechpoxan ispi, japi jiwlap Dios paxi. ¹⁵ Amwɔtjel Espiritu Santo nakkajachawaet. Dios to'a wɔt Espiritu Santo xatisxotaliajwa, to'a-elon xatis wajlewllaliajwa Dios nakkastikaxaelpoxliajwa. Diachwɔajnokolax xatis Dios paxis. Samata, Espiritu Santo nakkajachawaet xatis jumchiliajwas Dios: “¡Taj-ax Dios!” —chiliajwas. ¹⁶ Espiritu Santo nakkajachawaet xot, xatis chiekal matabijas Dios paxispi. ¹⁷ Xatis Dios paxis xot, asamatkoi Dios nakkajachawaesaxael, japon nakjɔmdut xot. Jawɔt xatis, Jesucristo swapich, jiw tato'laxaes Diosxotse. Jesucristo majt nabijat, asew jiw babijax is wɔt japonliajwa. Xatis nabijatas wɔtbej, Jesús pejwɔajan naexasich xot, asamatkoi Diosxotse duilaxaes, Dios pej-itliakaxxotse.

Nejchachaemilpox naexasiti Jesús pejwɔajan

¹⁸ Xatis nabijatas ampathatat. Xan japox nabijasaxliajwa nejchaxoelanel. Pelax xan nejchaxoelx asamatkoi nakwepachaemaxaelpoxliajwa, Jesucristo pejme pask wɔt. ¹⁹ Dios ispi ampathatat, japi xabich piach

wɔajɔawet Dios ʃəmchiyaxaelpox ʃəmtaeliajwapi: “Ampi jiw, taxi” — chiyaxaelpox xatishiajwa. ²⁰ Xabich chajiakolaxtat, Dios ampathat is wut, do baxael, Adán babijax is wut, Dios ʃəm-aech kastikaxaelpox ampathatliajwa. Samata, asamatkoi, Dios markpox, matkoi, pat wut, Dios ampathat toesaxael pajelthat xaliaxshiajwa. ²¹ Dios pajelthat xaliaxt wut, puexa Dios ispoxan pejme pachaemaxael. Jawut ajilaxael patupax. Ajilaxaelbej xoepax. Japoxan jachiyaxael, Dios chaxduiyaxael wut paxiliajwa pachaempoxan. ²² Xatis matabijas, puexa nejmach, ampathatpijw, nabijat. Me-ama kaeow pawis boejpuns wut yamxuch nalaeshiajwa, ja-aech japox. ²³ Xatis nabijatasbej. Matabijas Espiritu Santo wajmatpɔatantxotpox. Samata, asamatkoi Dios kaenanula nakchaxduiyaxael pajelbu't, xatis Dios paxis xot. Jatis wut, kaes tɔpaxisal. Japamatkoitat xatishiajwa Dios nakʃəmchiyaxael: “Ampi taxi” — chiyaxaelon. ²⁴ Xatis chiekal naexasich Jesucristo tɔppox xatishiajwa. Samata, matabijas Dios nakbu'xaliaxaxaelpox pajelbu'taliajwas. Japox xatis wɔajɔawech. Xatis ma amwut, pajelbu'tas wut, ja-aech wut, nakwewe'paxil wɔajɔaweshiajwas pajelbu't, nakbu'xaliaxaxaelpox. ²⁵ Tae-esal xotfuk wɔajɔawechpox, nakiowa wɔajɔaweshulaxaes.

²⁶ Espiritu Santo nakkajachawaesful, wajxanaboejxan chiekal mamnika-el xot Diosliajwa, chiekal matabija-esal xotbej Dios kawɔajɔaweshiajwas. Samata, Espiritu Santo Dios nakwekawɔajɔaweshiajwas xatishiajwa. ²⁷ Dios matabijt xatis nejchaxoeshpoxan. Samata, Espiritu Santo Dios kawɔajɔaweshiajwas, matabijton, Espiritu Santo nakwekawɔajɔaweshiajwas xot, me-ama Dios nejxasink.

Nejchachaemlaxaelpox Jesús pejwɔajɔaweshiajwas naexasiti, wepach wut pachaema-elpoxan

²⁸ Xatis, Dios nejxasinkaspis, chiekal matabijas ampox. Naktapat wut pachaema-elpoxan, o, pachaempoxanbej, ja-aech wut, japoxan pachaemaxael xatishiajwa. Dios chajia nejchaxoel xatishiajwas asamatkoi jachiyaxaelpox. ²⁹ Dios chajia matabijt xatis naexasisaxaesepox Jesús pejwɔajɔaweshiajwas. Dios chajia nejchaxoelbej xatis, japon paxi wut, jachiliajwas. Samata, Jesucristo, me-ama wajkoewan, matxoelapijin, ja-aechon. Xatis, me-ama wachakalpijwas wut, jatis. ³⁰ Me-ama Dios chajia nejchaxoel asamatkoi xatis japon paxiliajwas, jasoxtat Dios nakmakanot japon pejiweshiajwas. Samata, xatis, Jesús pejwɔajɔaweshiajwas naexasich wut, pachaems Diosliajwas, majt babijaxan isaspoxan ajil xot Diosliajwa. Samata, asamatkoi, xatis jiw tato'laxaes, Jesucristo swapich.

³¹ Jatis wut, ʃachaxkat kaes xatis ʃəmchiyaxaes? Dios xatis nakkajachawaet wut, ʃchinax kaen aton nakmalechaxil xatishiajwa! ³² Dios pasiowla-el paxulan japon tɔpaliajwa, xatis nakbu'weshiajwa. Samata, matabijas, Dios nakchaxduiyaxael puexa xatis nakwewe'ppoxan. ³³ Dios nakmakanot japon pejiweshiajwas. Samata, chinax kaen aton naktasalaxil babijaxan isaspoxanliajwa, xatis majt babijaxan isaspoxan chiekal ajil xot Diosliajwa. ³⁴ Chinax kaen aton to'axilbej nakkastikaliajwa babijaxan isaspoxanliajwa, Jesucristo tɔp wut, mot xoton xatis babijaxan isaspoxanliajwa. Tɔp wut, Dios mat-echpon pejme dukaliajwa. Amwutjel ek pax Dios poklalel. Samata, Jesús Dios kawɔajɔaweshiajwas xatis nakkajachawaeshiajwas. ³⁵ Chinax kaen aton xajɔpa-el asaxishiajwa, Cristo nakkofaliajwas xatis naknejxasinkpox. Nabijatas wut, Cristo nakiowa naknejxasinkaxael. Puexa chiekal pachaema-el wutbej

xatisliajwa, Cristo nakiowa naknejxasinkaxael. Asew jiw babijaxan is wutbej xatisliajwa, Dios chiekal xanaboejas xot, Cristo nakiowa naknejxasinkaxael. Xabich litaxaelas wutbej, nakwe-ajil wutbej naxoeliasjwas, pe nakiowa Cristo naknejxasinkaxael. Chachoel wutbej, asew jiw nakbesia xot, Cristo nakiowa naknejxasinkaxael. ³⁶ Dios pejjamechan, chajia lelspxox, jum-aechox David jum-aechpxox Diosliajwa:

“TajDios, xanal pomatkoicha asew jiw nabesia, nejjiwan xot. Me-ama ovejas taduakafulas wut xua'asliajwas, jachisiabejpi asew jiw xanal-liajwa” —aechox.

³⁷ Xatis nabijatas wut, babijaxan naktapat xot, nakiowa mamnikafulaxaes, Cristo naknejxasinkpon nakkajachawaesful xot. ³⁸ Xan chiekal matabijtax ampox. Chinax kaeyax, asax, xajupaxil xatis nakdi-ajkaliajwa Dios naknejxasinkpox. Wajpatupax, wajnabijasaxbej, japox-anbej nakdiajkaxil Dios naknejxasinkpox. Angeles, depbej, nakdiajkaxil Dios naknejxasinkpox xatis. Asaxan babijaxan naktapat wut xatisliajwa, asamatkoi pasaxaelpoxanbej, japoxanbej xatis nakdiajkaxil Dios naknejxasinkpox. ³⁹ Puexa Dios ispoxan athuxotse, thatxotbej, japoxan xatis nakdiajkaxil Dios naknejxasinkpox. Asewbej, Dios ispoxan, kaeyax nakdiajkaxil Dios naknejxasinkpox. Xatis matabijas Dios naknejxasinkpox, to'a wuton wajpaklon Jesucristo tapaliajwa puexa xatis babijaxan isaspoxanliajwa.

9

Dios makanotpxox judíos japon pejjiwaliajwa

¹ Xan jum-anpoxan diachwujnakolax. Kichachajba-enil, Jesús pejwujajan naexasitx xot. Espíritu Santo nakajachawaet xot, matabijtax xan jum-anpoxan xamalliajwa, japoxan diachwujnakolax. ² Xan xabich nanejxaejow, asew judíos naexasis-el xot Jesús pejwujajan. Xabich nanejxaejowbej, nejchaxoelx wut japiliajwa. ³ Samata, xan nejchaxoelx japiliajwa: “Dios natapaeyaxael wut, nejxasinkax xan nafa'aliajwan Diosliajwa, Cristo pej-apóstol-elaliajwanbej, tajjiw judíoslax Dios bu'weliajwas” —an, nejchaxoelx wut. Pe Dios natapaeyaxil japox jachiliajwan. ⁴ Tajwujajnapijiw, judíos, Israel pamojiw, japi makanoch Dios japon pejjiwaliajwapi. Ja-aech wut, Dios japixot. Samata, japi taen pomatkoicha Dios pej-itliakax. Chajia jumtisbejpi kajachawaesliajwas. Japiliajwa waeltas Moisés chajia lelpox japi naexasisfulaliajwa. Samata, israelitas matabija Dios kawujajnafalaliajwa. Matabijabejpi Dios chajia jum-aechpxox bu'weliajwas. ⁵ Abraham, Isaac suapich, Jacobbej, japi judíos pejwujajnapijiw. Cristo nalaelt judíosxot. Samata, Cristo judíos-aton. Japon pajutbej Dioslape, puexa jiw tato'laliajwa. Samata, pomatkoicha puexa jiw jumchiyaxaeson: “Japon xabich pachaem” —chiyaxaeson. Jasox jachiyaxael japonliajwa.

⁶ Judíosxot asew jiw naexasis-el Dios chajia jum-aechpxox. Samata, Dios is-el chajia jum-aechpxox japi jiwliajwa. Ja-aech wut, xatis jumchiyaxisal: “Dios is-el puexa judíoslialjwa chajia jum-aechpxox” —chiyaxisal xatis. Dios kaesuapich makanot judíosxot japon pejjiwaliajwa. Dios puexa makanos-el judíos japon pejjiwaliajwa. ⁷ Abraham xabich pamojiw. Pe nakiowa, puexa Abraham pamojiw Dios pejjiw-ael. Dios chajia jum-aech Abrahamliajwa: “Xam kolenje naxulan. Pe kaen, naxulan Isaac, pamojiw, japi namojiwkola wulxael” —aech Dios Abrahamliajwa. ⁸ Samata,

xatis chiekal matabijas, puexa Abraham pamojiw Dios pejiwaxil. Dios naexasitikal, japi diachwajnakolax Abraham pamojiwkolaxael. Japi Dios paxiyaxaelbej. ⁹ Abraham xijil wutfuk, Dios chajia jum-aech Abrahamliajwa: “Kaewaech wut, pejme xamxot pasaxaelen. Jawut nijow Sara paxalchaxaelisow” —aech Dios, jumdut wut Abrahamliajwa.

¹⁰ Do jawux, kaewaech wutlejen, Isaac nalaelt, pat wut Dios jumdutpox. Do jawux, pin-iawaechan wut, Isaac pijow fit. Japow pawul Rebeca. Moejow wut, kolenje na-o'a faekow. ¹¹⁻¹³ Na-o'a nalaela-el wutfuk, japi is-el wutfuk babijaxan, is-el wutbejfuki pachaempoxan, Dios jum-aech Rebecaliajwa: “Matxoelapijin tato'laxaes pakoewan, wachakalpijin” —aech Dios Rebecaliajwa. Baxael, japiliajwa Dios pejjamechan, chajia lelspx, jum-aechox, Dios jum-aech wut: “Xan kaes nejxasinkax wachakalpijin, pawulpon Jacob. Matxoelapijin, pawulpon Esaú, nejxasinka-enillejen” —aech Dios. Jasoxtat Dios makanotbej jiw nejxasinkpipon pejiwali-ajwa. Dios jiw makanot wut pejiwaliajwa, jumchi-elon: “Xan jiw makanosaxaelen, ispi pachaempoxan” —chi-el, Dios nejchaxoel wut.

¹⁴ Xatis jumchiyaxisal: “Dios jasoxtat makanot wut, japox chiekal pachaema-el” —chiyaxisal. Dios puexa ispoxan xabich pachaem. ¹⁵ Dios jum-aech Moisésliajwa: “Xan aton beltaesian wut, japon aton beltaeyaxaelen” —aech Dios. ¹⁶ Aton nejxasink wut Dios beltaeliajwas babijaxan ispoxanliajwa, o, nejxasinka-el wuton beltaeliajwas, pe nakiowa, Dios nejxasink wut, japon aton Dios beltaeyaxaes babijaxan ispoxanliajwa. Aton xabich Dios tanbist wut, o, tanbich-el wut, pe nakiowa, Dios nejxasink wut, japon aton beltaeyaxaes. ¹⁷ Dios pejjamechan, chajia lelspx, jum-aech Dios jum-aechpox rey, Egipto tujnapijinliajwa: “Xam tapaeix xot, amwutjel xam puexa ampatuajnpjijiw tato'lam. Xan koechaxan isaxaelen xamal nabijasliajwam, tajjiw tapae-emil wut nakolaliajwa nejtujnuxot. Puexa ampathatpijiw namatabijaxael xan, diachwajnakolax xan Diosnanponan” —aech Dios rey Egipto tujnapijinliajwa. ¹⁸ Samata, Dios jiw beltaesia wut, beltaeyaxaelon. Naexasis-elpi Dios tato'alpox, japi jiw Dios tapaeis naexasis-elaliajwa Dios tato'alpox.

¹⁹ Pe xamal bej jumchiyaxaelambej xanliajwa: “Jiw naexasis-el wut Dios tato'alpox, japi jasox tapaeis jachisfulaliajwa pomatkoicha. Ja-aech wut, japi Dios kastikaxisal” —bej chiyaxaelambej xanliajwa. ²⁰ Xamal jasox nabej jum-aech' Diosliajwa! jNabej jum-aech'bej: “Dios is pachaema-elpox” —nabej aeche'! Baext xajupaxael wut naksiyaliajwa, jumchiyaxil baex fa'sanliajwa: “Xam na-isam baextat. ¿Ma-aech xotkat xan na-isam baextat?” —chiyaxil baext. ²¹ Baex fa'sanliajwa tampoela-el isasiapoxan isliajwapon bux-astat. Japonliajwa tampoela-el isliajwa baext, chimiat, esliajwa puexa jiw taeliajwa. Japonliajwa tampoela-elbej asat isliajwa, xachat-etpotliajwa.

²² Diosbej ja-aech. Isasiapoxan ispon jiwliajwa. Japon xabich kastikaxael jiw, babijaxan ispi, pajut japi jiw matabijaliajwa japon xabich palalapox, pejpamamaxbej. Pe Dios piach xabich boejtaliat jiw babijaxan ispi kastika-elaliajwapon. Japilach chiekal toesaxaespi, Dios kastikas wut. ²³ Dios bu'weyaxaelpi, japi jiw bu'weyaxaelon. Dios nakbeltaen xatis babijaxan isaspoxanliajwa, jiw pajut matabijaliajwa, japon xabich pachaempon. Dios chajia nakmakanot, nalaela-esal wutfuk japon pejiwaliajwas, pomatkoicha duilaliajwas japonxotse. ²⁴ Dios

nakmakanot wut japon pejiwaliajwas, judíoskal makanos-elon. Makan-otbejon judíos-elpi. Puexa xatis Dios nakmakanot japon pejiwaliajwas. ²⁵ Profeta Oseas chajia lelpox jum-aech, Dios jum-aech wut judíos-elpiliajwa:

“Majt tajjiwa-elpi, japiliajwa xan jumchiyaxaelen: ‘Ampi jiw, tajjiw’ —chiyaxaelen. Japi jiw, majt nejxasinka-enilpi, amwut japiliajwa jumchiyaxaelen: ‘Ampi jiw, tajjiw, xan japi nejxasinkax’ —chiyaxaelen.

²⁶ Japiliajwabej, xan majt jum-an: ‘Xamal tajjiwa-emil’ —an, asamatkoi japi jiw xan nanaexaxisaxael. Jawut asew jiw jumchiyaxaes japiliajwa: ‘Ampi jiw, Dios pomatkoicha dukpon, japon paxi’ —chiyaxaes!” —aechox profeta Oseas chajia lelpox, Dios jum-aech wut judíos-elpiliajwa.

²⁷ Profeta Isaías chajia ampox jum-aech judíosliajwa: “Israel pamojiw xabich pin-iataxael. Me-ama thaejbelen marxot xabichjim, jachiyaxael Israel pamojiw. Pe japixot kaesupich Dios bu'weyaxaes. ²⁸ Asamatkoi potuajnuhanpijiw, babijaxan ispi, kamta kastikaxaespi Dios” —aech profeta Isaías judíosliajwa. ²⁹ Profeta Isaías chajia jum-aechbej:

“Dios, xajup puexa isliajwa. Dios nakbeltayaxil wut, puexa xatis chiekal naktoesaxaelon. Me-ama Sodoma paklowaxpijiw, Gomorra paklowaxpijiwbej, chiekal toech wut, jachiyaxaelbejpon xatisliajwa, Dios naktoesaxael wut xatis” —aech profeta Isaías.

Amxot jum-aechpox judíosliajwa, Jesúsliawabej

³⁰ Xatis matabijas. Majt judíos-elpi nejchaxoel wut, chiekal nejchaxoela-el: “¿Machiyaxaes pachaemaliajwas Diosliajwa, babijaxan isaspoxanliajwa?” —chi-eli, nejchaxoel wut. Amwutjel judíos-elpi Jesús pejwujajan chiekal naexasit xoti, japi majt babijaxan ispoxan wejisallisi Diosliajwa. ³¹ Judíoslax nakaewa najum-aech: “Moisés chajia lelpox chiekal naexasich pachaemaliajwas Diosliajwa” —aech judíos nakaewaliajwa. Pe nakiowa, judíos chiekal naexasis-el Moisés chajia lelpox. Samata, nakiowa judíos babijaxan isful. ³² Naexasis-eli Jesús tuppox japiliajwa, japi nakiowafuk pejbuwujajan Diosliajwa. Asbuan jumch nakaewa najum-aechi: “Xatis naexasich wut Moisés chajia lelpox, pachaemaxaes Diosliajwa” —aechi asbuan jumch nakaewa. Samata, judíos babijaxan is xot, napelti Diosliajwa. ³³ Dios pejjamechan, chajia lelspxox, jum-aech, Dios chajia jum-aechpox paxulan to'axoekpoxliajwa: “Xan to'axaelen taxulan Jerusalén paklowax poxadik, japon jiw bu'welija japi babijaxan ispoxanliajwa. Asew jiw japon xanaboejaxili. Japi jiw chiekal napelsaxael xanliajwa. Asew jiw lax, taxulan xanaboejaxaelpi. Japilax napelsaxil xanliajwa” —aech Dios, chajia jum-aech wut.

10

¹ Takoew, xan nejxasinkax puexa judíos Dios bu'welija jwas. Samata, Dios kawujanax japiliajwa. ² Judíos xabich isasia Dios nejxasinkpoxan Dios nejchachaemlialiajwa japiliajwa. Pe japoxan is wut, Diosliajwa japoxan pachaema-el, chiekal matabija-el xoti isliajwa Dios nejxasinkpoxan. ³ Japi judíos pajut chiekal matabija-el Dios isaxaelpox japi babijaxan ispoxan chiekal ajilalialiajwa Diosliajwa. Samata, japi chiekal matabija-el wut, nejchaxoel: “Xatis naexasich wut Moisés chajia lelpox,

chiekal pachaemaxaes Diosliajwa” —aechi asbuan jumch, nejchaxoel wut. Samata, ja-aech wut, japi naexasis-el Jesús tɔppox japiliajwa pachaemaliajwapi Diosliajwa, me-ama Dios nejxasink japi naexasisliajwa Jesús pejwɔajan. ⁴ Japi judíos naexasisaxael wut Jesucristo tɔppox puexa jiwliajwa, ja-aech wut, japi babijaxan ispoxan ajilaxael Diosliajwa. Samata, ja-aech wut, japi nejchaxoelaxil ampox: “Xatis naexasisaxaes Moisés chajia lelpox pachaemaliajwas Diosliajwa” —chiyaxili, nejchaxoel wut.

⁵ Asew jiw chiekal matabija-el xot, nejchaxoel: “Xatis diachwɔajnakolax naexasich wut Moisés chajia lelpox, babijaxan isaspoxan ajilaxael Diosliajwa” —aechi asbuan jumch, nejchaxoel wut. Jasi jiwliajwa Moisés chajia lelpox jum-aech: “Aton chiekal naexasit wut puexa xan lelxpox, japon pomatkoicha dukaxoei Diosxotse” —aechox. Pe aton puexa chiekal naexasisaxil Moisés chajia lelpox. ⁶ Pelax chiekal naexasich wut Jesucristo tɔppox babijaxan isaspoxanliajwa, jatis wut, Dios nakbeltaeyaxael xatis babijaxan isaspoxanliajwa nakbu'welija. Samata, Dios pejjamechan jum-aech: “Xamal nejchaxoelam wut, jnabej nejchaxoele': ‘¿Achan Dios poxaxoei buflaeliajwasik Cristo, japon nakkajachawaesliajwa pachaemaliajwas Diosliajwa?’ —nabej aeche', nejchaxoelam wut, japon fuloek xotlison! ⁷ jXamal nabej nejchaxoele'bej: ‘¿Achankat fulaeyaxaek tɔpi pej-aelan duil poxadik, jaxotsin Cristo buflaeliajwasin nakkajachawaesliajwa pachaemaliajwas Diosliajwa?’ —nabej aeche', nejchaxoelam wut!” Cristo jaxota-eldik. Chajia mat-echpon. Ma amwutjel duklison pejme. ⁸ Dios pejjamechan, chajia lelspx, jum-aech wut, jum-aechox: “Dios pejjamechan xamal chiekal naexasitam. Samata, jum-am Dios pejjamechanliajwa. Nejchaxoelambej japoxanliajwa” —aechox. Japajamechan xamal naewɔajnax naexasisliajwam Cristo tɔppox xamalliajwa. ⁹ Xatis ampox nejchaxoels wut: “Diachwɔajnakolax Jesús tɔp wut cruztat, Dios mat-echpon pejme dukaliajwa” —tis wut, xatis jumtis wutbej asew jiw nakjɔmtaeliajwa: “Jesús tajpaklon” —tis wut xatis, Dios nakbu'weyaxael. ¹⁰ Pe xatis kaenanɔla jumtis wut: “Jesucristo cruztat tɔp xanliajwa” —tis wut, nejchaxoels wut, ja-aech wut, babijaxan isaspoxan ajil Diosliajwa. Xatis asew jiw jumtis wut: “Jesucristo, japon tajpaklon” —tis wut, Dios nakbu'weyaxael.

¹¹ Dios pejjamechan, chajia lelspx, jum-aech wut, jum-aechox jiw Jesús xanaboejaxaelpiliajwa: “Jiw xanaboeja wut Cristo, japi jiw napelsaxil japonliajwa” —aechox. ¹² Judíos, judíos-elpibej, Dios puexa chiekal taen. Dios paklon puexa jiwliajwa. Jiw Dios kawɔajan wut, Dios kajachawaet japi jiw. ¹³ Xatis japox matabijas, Dios pejjamechan, chajia lelspx, jum-aech wut, jum-aech xotox: “Puexa jiw wajpaklon Dios kawɔajan wut bu'welija, japi jiw bu'weyaxaes” —aech xotox. ¹⁴ Jiw kawɔajnaxil Dios bu'welija, naexasis-el wuti Jesucristo tɔppox japi jiw babijaxan ispoxanliajwa. Naexasisaxilbejpi Jesús pejwɔajan, jumtae-el wut Jesucristo pejwɔajan. Jiw jumtaeyaxilbej Jesucristo pejwɔajan, asan aton ajil wut naewɔajnalija, japon pejwɔajan. ¹⁵ Asan aton fulaeyaxilbej naewɔajnalija Jesús pejwɔajan, japon aton to'a-esal wut. Dios pejjamechan, chajia lelspx, jum-aech wut, jum-aechox Jesús pejwɔajan naewɔajnaxaelpiliajwa: “¡Xabich pachaemdo', japi jiw xapat xot chimiawɔajan asew jiw naewɔajnalija!” —aechox.

16 Xabich jiw naewet Jesucristo pejwñajan. Pe kaesñapich jiw naexasit japawñajan Dios bñweliawwas. Majt chajia japox ja-aechbej. Jiw naexasis-el profeta Isaías jum-aechpox. Ja-aech wut, profeta Isaías jum-aech Diosliajwa: “Tajpaklon Dios, xabich jiw naexasis-el chimiawñajan, naewñajna wut. Jumch kaesñapich naexasiti” —aech profeta Isaías.

17 Naexasiti Jesucristo pejwñajan, japi jiw naexasit japawñajan, naewet xoti japawñajan.

18 Judíos jumtaen Jesús tuppox japi babijaxan ispoxanliajwa. Pe nakiowa, japi japox naexasis-el. Samata, Dios pejjamechan, chajia lelspx, jum-aech wut, jum-aechox:

“Dios pejjamechan naewñajnaaelpi, japi jiw potñajnaucha naewñajnaael Dios pejjamechan” —aechox.

19 Judíos chiekal jumtaen Jesús tuppox japi babijaxan ispoxanliajwa. Pe japi naexasis-el japox. Moisés chajia jum-aech judíos naexasisaxilpox. Jum-aechbejpon judíos-elpilijwa japi Dios naexasisaxaelpox. Japoxanliajwa Moisés chajia lelpox jum-aech judíosliajwa:

“Dios jum-aech xamallijwa: ‘Asatñajnaapijiw, judíos-elpi, japi tajjiwaxael. Samata, xamal nusasiowlaxaelam japilijwa. Japi majt matabija-elpi tajjamechan. Pe asamatkoi judíos-elpi, japi xan nanaexasisaxael. Samata, xamal nalalaxael japilijwa’ —aech Dios xamallijwa” —aech Moisés chajia lelpox.

20 Baxael, Isaíasliajwa chachoel wut, nakiowa lelon Dios chajia jum-aechpox judíos-elpilijwa:

“Judíos-elpi majt nejchaxoela-el xan nanaexasisliajwa. Asamatkoi japi xan nanaexasisaxael. Judíos-elpi, japi asew jiw wñajnachaems-eli xanliajwa, japi xan tapaeyaxaelen nanaexasisliajwa” —aech Dios judíos-elpilijwa, profeta Isaías chajia lel wut.

21 Profeta Isaías chajia lel Dios jum-aechpox judíosliajwa: “Pomatkoicha xan nejxasinkax judíos. Pe japi naexasis-el xan pachaemalijwan japilijwa” —aech Dios.

11

Asew judíosxot Dios bñweyaxaespox

¹ ¿Dioskat koft pejjiw judíos? ¡El! Dios kofs-el pejjiw judíos. Xanbej judíos-atonan, Abraham pamonan, Benjamín pamonanbej.

² Chajiakolaxtat Dios makanot pejjiwaliajwa tajwñajnaapijiw, israelitas. Samata, amwutjel Dios nejwesla-el israelitas. Xamal matabijam Dios pejjamechan jum-aechpox profeta Elíasliajwa. Japon Dios kawñajan wut, tasalapon israelitas. Jum-aechon: ³ “Tajpaklon Dios, israelitas xabich beful nejprofetas. Toetbejpi nejew altar. Xan kaenan namanx nejprofetas beflaspixot, xam kawñajnaaxponan. Xanbej israelitas naboesasia” —aech profeta Elías Diosliajwa. ⁴ Do jawut, Dios jum-aech profeta Elíasliajwa: “¡Xam kaena-emil! Xan tajjiw, siete mil poejiw, israelitas. Japi chiekal xan nanaexasisful. Japi israelitas nuila-elbej brixtat kawñajnalijwapi ídolo, pawlox Baal” —aech Dios profeta Elíasliajwa. ⁵ Amwutjelbej Dios kaesñapich jiw makanot japon pejjiwaliajwa, beltaen xoton. ⁶ Dios beltaen xot, jiw makanoton pejjiwaliajwa. Makanos-elon, japi is xot pachaempoxan. Pe japilax makanoch, beltaens xot babijaxan ispoxanliajwa.

⁷ Ja-aech wut, xan nejchaxoelx judíosliajwa. Japi pachaemasia Diosliajwa. Pe nakiowa, pachaema-el, is-el xoti Dios nejxasinkpoxan. Kaesnaapich japixot makanoch Dios pejjiwaliajwa. Japilax chiekal pachaemsful Diosliajwa. Asew judíos pejnechaxoelaxan, me-ama matakas wut, ja-aechi naexasis-elaliajwa Jesús pejwuaajan. Samata, japi judíos, naexasis-el Jesucristo tappox japi babijaxan ispoxanliajwa. ⁸ Dios pejjamechan, chajia lelspx, jum-aech wut, jum-aechox judíosliajwa, japi naexasisaxilpiliajwa Dios: “Japi judíos Dios pejjamechan makach matabija-el. Samata, japi judíos chajia xaljow wut Dios pejjamechan, chajia lelspx, japi nakiowa naexasis-el. Amwutjelbej nakiowa japi naexasis-el Dios pejjamechan. Samata, japi pejnechaxoelaxan, Diosliajwa, me-ama itliakla wut, ja-aechi. Naekuta wutbej, ja-aechi” —aech Dios pejjamechan, chajia lelsxot judíosliajwa. ⁹ Rey Davidbej chajia jum-aech judíos naexasisaxilpox Dios:

“Judíos is wut fiesta, japi chiekal matabija-el wut, nejchaxoeli ampx: ‘Dios nejchachaemil xatisliajwa, ampafiesta isas xot japonliajwa. Samata, Dios nakkajachawaesaxael’ —aechi asbuan jumch, nejchaxoel wut. Asamatkoi japi nejchachaemil wut, fiestan is xoti, pe jawut, japi judíos chalechkal kastikaxaesi Dios.

¹⁰ Japi judíos chiekal matabija-elbej Dios ispoxan, taen wuti. Samata, japi judíos pomatkoicha nabijasaxael” —aech rey David, chajia jum-aech wut judíosliajwa, Dios naexasisaxilpiliajwa.

Dios bu'weyaxaelpox judíos-elpi

¹¹ Judíos naexasis-el Jesús tappox japi babijaxan ispoxanliajwa Dios bu'welijwas. Samata, japi judíos napelt Diosliajwa. Pe nakiowa, japi judíos pomatkoicha napelsaxil. Judíos naexasis-el wut Jesús pejwuaajan, ja-aech wut, Dios tapaei judíos-elpi naexasisliajwa Jesús pejwuaajan. Judíos-elpi naexasit wut Jesús pejwuaajan, judíos japox taen wut, japi palaxael judíos-elpiliajwa. Samata, ja-aech wut, judíosbej naexasisaxael Jesús pejwuaajan Dios bu'welijwas. ¹² Samata, amwutjel pachaem judíos-elpiliajwa, Dios tapaeis xot japi naexasisliajwa Jesús pejwuaajan japi Dios bu'welijwas. Asamatkoi kaes pejme xabich pachaemaxael judíosliajwa, xabich judíos naexasit wut Jesús pejwuaajan.

¹³ Xamal, judíos-emilpim, xan jumchiyaxaelen ampx, nejxasinkaxpox xamal matabijaliajwam. Dios nato'a xamal, judíos-emilpim, naewuajnalijwan Jesús pejwuaajan. Samata, chiekal xamal naewuajjax.

¹⁴ Nejxasinkax tajjiw judíos nusasiowlaliajwa xamal, judíos-emilpimliajwa. Ja-aech wut, judíosbej naexasisaxael Jesús pejwuaajan, japibej Dios bu'welijwas. ¹⁵ Xabich judíos naexasis-el Jesús pejwuaajan. Judíos-elpilax naexasit Jesús pejwuaajan. Samata, japi amwutjel xabich pachaem Diosliajwa. Asamatkoi, judíosbej naexasit wut Jesús pejwuaajan, ja-aech wut, japox chiekal pachaemaxael. Amwutjel judíos, me-ama patupa wut, ja-aechi Diosliajwa. Asamatkoi, judíos Jesús pejwuaajan naexasit wut, japi judíos Diosliajwa, me-ama Dios mat-iaspi wut pejme duilaliajwa, jachiyaxaeli. ¹⁶ Pawis pan is wut, matxoelapan chaxdut wutow Diosliajwa, ja-aech wut, puexa asew panbej, me-ama Dios pejew wut, ja-aech. Kaen aton Dios chaxdut wutbej naetathinan, puexa japanaedalan, japanaebaechbej, puexa, me-ama Dios pejew wut, ja-aech. Abraham chajiakolaxtat Dios makafich wut pej-atonliajwa, judíos

pejwuaɲapɲinliaɲwabeɲ, ja-aech wʉt, Abraham pamoɲiwbeɲ, me-ama puxa Dios peɲɲiw wʉt, ja-aechi Diosliaɲwa.

¹⁷ Judíos, me-ama olivonaedalt. Xamal, judíos-emilpimbeɲ, me-ama ul pej-olivonaedalt wʉt, ja-am xamal Diosliaɲwa. Olivonaepɲin daltasiapcha. Daltasiapchaxot japaboktuchadik no'kon ul pej-olivonaedalt, isliaɲwapon injerto. Ja-aech wʉt, naetuminan leful japa-olivonaedalt poxase chiekal ti'sfulaliaɲwa japanaedalt. Dios jasox is xamal, judíos-emilpimliaɲwa. Judíos, Dios makanoch japon peɲɲiwaliaɲwa. Pe nakiowa, japi judíos naexasis-el Jesús peɲwuaɲan. Samata, Dios koft japi. Xalixasbeɲpi. Amwʉtjel xamal, judíos-emilpim, Jesús peɲwuaɲan chiekal naexasitam xot, Dios peɲɲiwam. ¹⁸ ꞑXamal nabeɲ nejchaxoele': "Xatis Dios nakmakanot japon peɲɲiwaliaɲwas, judíos-esalpis. Samata, kaes peɲme pachaems. Me-ama judíos, jachi-esal" —nabeɲ aeche', nejchaxoelam wʉt! Xamal chiekal matabijam. Naetuminan fulae-eldik tathinan poxadik ti'sfulaliaɲwa tathinan. Pelax naetuminan fulaloecha padalan poxase chiekal pachaemaliaɲwa japadalan. Ja-amlap-is xamal, judíos-emilpim. Judíos pachaema-el Diosliaɲwa xamal nijaxtat. Xamallax judíos piɲaxtat pachaemam Diosliaɲwa. Samata, nejchaxoelam wʉt, ꞑnabeɲ nejchaxoele': "Xatis kaes peɲme pachaems" —nabeɲ aeche'!
¹⁹ Nakaewa xamal beɲ najʉm-ambeɲ: "Olivonaepɲin daltasiapcha. Daltasiapchaxot no'kon boktuchadik ul pej-olivonaedalt, japadalt jaxot ti'sfulaliaɲwa. Dios jasox is, koft wʉton judíos. Jawʉx xatis, judíos-esalpis, nakmakanot japon peɲɲiwaliaɲwas" —beɲ ambeɲ xamal nakaewa, judíos-emilpim. ²⁰ Olivonaepɲin daltasiapcha, pachaema-eldalt. Do jaxot no'kon ul pej-olivonaedalt. Xamal, judíos-emilpim, me-ama ul pej-olivonaedalt no'kasdalt olivonaedalt daltasiapchaxot, ja-am xamal. Naexasitam xot Jesús peɲwuaɲan, Dios xamal makanot japon peɲɲiwaliaɲwam. Samata, nejchaxoelam wʉt, ꞑnabeɲ nejchaxoele': "Xan kaes peɲme pachaemam. Me-ama judíos, jachi-enil" —nabeɲ aeche', nejchaxoelam wʉt! ꞑXamallax najut chiekal natataeflaxaelam kofasamatam Dios naexasitamxot!
²¹ Dios koft judíos, naexasis-el xoti Jesús peɲwuaɲan. Dios jachiyaxaelbeɲ, xamal naexasisfula-emil wʉt Jesús peɲwuaɲan. ²² Samata, nejchaxoelam wʉt, ꞑchiekal nejchaxoelafulde! Dios xabich pachaem. Pachaem xoton, kastika jiw, babijaxan is wʉt. Kastikabeɲpon judíos, naexasis-el wʉti Jesús peɲwuaɲan. Dios xamal beltaen xot, tapaei naexasisfulaliaɲwam Jesús peɲwuaɲan. Xamal naexasisfula-emil wʉt, Dios kastikaxaelbeɲ xamal. ²³ Judíos naexasit wʉt Jesús peɲwuaɲan, ja-aech wʉt, japi peɲme Dios peɲɲiwaxael. Dios mamnik xot, tampoela-el japonliaɲwa peɲme makanosliaɲwapon judíos japon peɲɲiwaliaɲwa. ²⁴ Olivonaepɲin daltasiapcha wʉt, japon xajʉp peɲme asadalt nosliaɲwadik, no'kasdalt ti'sfulaliaɲwa jaxot. Dios, me-ama japox is, xamal makanot wʉton, judíos-emilpim, japon peɲɲiwaliaɲwam. Samata, pachaem peɲme Dios makanosliaɲwa judíos japon peɲɲiwaliaɲwa, judíos peɲwuaɲapɲinliaɲwam majt peɲɲiw xoton.

Asamatkoi Dios bu'weyaxaelpox judíos

²⁵ Takoew, xamal ampox jʉmchiyaxaelen, majt jiw matabija-elpox, xamal nejchaxoelasamatam judíosliaɲwa: "Xatis kaes peɲme matabijas" —chisamatam, nejchaxoelam wʉt. Asew judíosxot xabich naexasis-el Jesús peɲwuaɲan. Pe asamatkoi judíos naexasisaxael Jesús peɲwuaɲan, xabich judíos-elpi naexasit wʉt Jesús peɲwuaɲan. ²⁶ Ja-aech wʉt, xabich judíos

naexasisaxael Jesús pejwɔajan Dios bu'weliawas. Dios pejjamechan, chajia lelspx, jum-aech wɔt, Dios jum-aech Jesúsliajwa:

“Xabich jiw bu'weyaxaelpon, pasaxael Jerusalén paklowaxxot. Japon pijaxtat judíos kofaxael babijaxan ispxoxan.

²⁷ Ja-aech wɔt, xan isaxaelen chajia jumduxpxox japi pejwɔajnapijiwliajwa, beltaeyaxaelen wɔt judíos babijaxan ispxoxanliajwa” —aech Dios.

²⁸ Asew judíos naexasis-el wɔt Jesús pejwɔajan, japi judíos Dios padael-majiwaxael. Samata, judíos-emilpim, Dios tapaei naexasisliajwam Jesús pejwɔajan. Ja-aech wɔt, Dios nakiowa nejxasink judíos, makanot xoton pejwɔajnapijiw pejjiwaliawja. ²⁹ Dios nejchaxoel wɔt, kaeyax chiekal nejchaxoelon. Kaes asax nejchaxoela-elon nejchaxoelpoxliajwa. Kofsaxilon judíos pejjiwpxox. Dios nakiowa kajachawaesaxael japi judíos.

³⁰ Xamal, judíos-emilpim, majt naexasis-emil Dios. Pe amwɔtjel, judíos naexasis-el xot Jesús pejwɔajan, Dios xamal beltaen. ³¹ Asamatkoi judíosbej jachiyaxaes. Amwɔtjel japi judíos naexasis-el Jesús pejwɔajan. Pe nakiowa, asamatkoi, Dios beltaeyaxaes. Me-ama amwɔtjel xamal, judíos-emilpim, Dios beltaen babijaxan isampoxanliajwa, jachiyaxaesbej asamatkoi judíosliajwa. ³² Dios puexa jiw to'a chiekal duilaliawja. Pe jiw, Dios naexasis-elpi, amwɔtjel japi Dios tapaeis jasoxtat duilaliawja. Pe asamatkoi, Dios puexa jiw beltaeyaxael babijaxan ispxoxanliajwa.

³³ Aton puexa matabijsaxil, ma-aech Dios xabich pachaempox, Dios matabijtpoxanbej, Dios pejnechaxoelaxanbej. Kaen aton chanaekabɔanaxilbej Dios nejchaxoelpoxan isaxaelpoxanliajwabej. Kaen aton matabijsaxilbej, ma-aech xot Dios japoxan is, isasia wɔt.

³⁴ Dios pejjamechan, chajia lelspx, jum-aech wɔt, jum-aechox: “Xatis matabijaxisal Dios pejnechaxoelaxan. Xatisbej naewɔajnaxisal Dios. ³⁵ Dios chinax kaen aton dewas-el. Samata, aton jumchiyaxil:

‘Dios xan nadewat, asax chaxdutex xot’ —chiyaxilon” —aechox Dios pejjamechan, chajia lelspx. ³⁶ Puexa ampathatapi, japoxan Dios ispxoxan. Samata, puexa japoxan Dios pejew. Tataefulbejpon puexa. Samata, pomatkoicha xatis jumchiyaxaes Diosliajwa: “¡Xam xabich pachaemam!” —chiyaxaes. ¡Jasox nej ja-aech!

12

Jesús pejwɔajan naexasiti, japi duil Dios tanbichliajwa

¹ Takoew, xamal chiekal matabijam, Dios nakbeltaen, xatis majt babijaxan isas wɔt. Samata, xamal to'ax. Me-ama kaenanɔla ofrenda chaxduwam wɔt, ¡ja-amde xamal Diosliajwa! ¡Xamal najut nawoeyam Diosxot isliajwam Dios nejxasinkpoxan! ¡Isfulde Dios pejbichax Dios nejchachaemlaliawja xamallliawja! ¡Japoxan isfulde, Dios xabich sitaenam xot! ² ¡Nabej is babijaxan! Me-ama Dios naexasis-elpi is babijaxan, ¡xamal nabej ja-aech! ¡Tapaem Dios kajachawaesliajwa, xamal nejchaxoelampoxan babijaxan kofaliawjam! Nejchaxoelam wɔt, ¡nejchaxoelde Dios pijaxan! Ja-am wɔt, xamal chiekal duilaxaelam. Matabijaxaelambej Dios nejxasinkpoxan isliajwam. Japoxan pachaem. Pachaempoxan isam wɔt, ja-am wɔt, Dios nejchachaemlaxael xamallliawja.

³ Dios nabeltaen xot, japon xan nato'a pejbichax nabichliawjan. Samata, puexa xamal jum-an ampxox. Nabichfulam wɔt Diosliajwa, nejchaxoelam wɔtbej, ¡nabej nejchaxoele': “Xan asabichax nabichasian,

Dios pejbichax, kaes pejme pachaempox, jiw kaes chiekal nasitaeliajwa” —nabej aeche', nejchaxoelam wut! Jasox nejchaxoelasamatam, jmajt chiekal nejchaxoelde chiekal matabijaliajwam, ma-am xamal Dios pejbichaxanliajwa, Dios xamal chaxduwbichaxan! ⁴ Kaenanula wajbu'antat maenk pathi, pawibej, kaes asaxanbej, japoxan kaenanula isfulaliajwa isaxaelpoxan. ⁵ Xatisbej xabich pin-iatas. Pe nakiowa, kaebu'tas, Cristo suapich. Xatis kaenanula nabistas asabichaxan Diosliajwa. Jatis wut, jnakaewa nakajachawaesaxaes!

⁶ Dios nakchaxduw kaenanula pejbichaxan, me-ama japon nejchaxoel japabichaxan nakchaxduuliajwa japon tanbichliajwas. Samata, xatis xabich pachaems wut asew jiw naewuajnalijwas Dios pejjamechan, jatis wut, jDios xanaboejaxaes naewuajnalijwas asew jiw! ⁷ Xatisbej xabich pachaems wut kajachawaesliajwas asew jiw, naexasiti Jesús pejwuajan, japi jiw kajachawaesaxaes! Atonbej xabich pachaem wut chiekal chanaekabuane aliajwa Jesús pejwuajan naexasiti, japon aton nej chanaekabuane asew jiw! ⁸ Asanbej xabich pachaem wut chiekal naewuajnalijwa asew jiw japi kaes Dios chiekal xanaboejalijwa, japon aton chiekal nej naewuajne' japi jiw nejchachaemlaliajwa! Asanbej xabich pachaem wut kajachawaesliajwa pejewtat jiw kijlpi, japon aton nej kajachawaesfulde japi jiw! Asanbej xabich pachaem wut jiw chiekal tato'laliajwa, japon aton chiekal jiw nej tato'le' japi jiw! Asanbej xabich pachaem wut asew jiw kajachawaesfulaliajwa, xabich wewe'paspi, japon aton xabich nej kajachawaesfulde nejchachaemlaxtat!

Machiyaxaelpox Jesús pejwuajan duil wut

⁹ jNakaewa chiekal nanejxasinkafulde! jXamal nabej nejxasinke'bej pachaema-elpoxan! jIsfulde pachaempoxan! ¹⁰ Nejxasinkam wut asew jiw, Jesús pejwuajan naexasiti, japi nejxasinkafulde! Me-ama nakoewkola nejxasinkam wut, jja-amsfulde asew jiwliajwabej! Japi jiwliajwa nejchaxoelam wut, jnejchaxoelde: “Japi jiw kaes pejme pachaem. Me-ama xan, jachi-elpi” —amde, nejchaxoelam wut! jNakaewa nasitaembej!

¹¹ jNabichliajwam nabej kiwesle! Nabistam wut Dios pejbichax, jnabichfulde puexa nejpamamaxtat!

¹² Asamatkoi duilaxaelam pomatkoicha Diosxotse. Samata, jnejchachaemlafulde! Nabijatam wut asew jiw pijaxtat, naexasitam xot Jesús pejwuajan, jboejtaliasfulde! Ja-am wut, jpomatkoicha Dios kawuajnaaxaelam! jNabej buxkofe' Dios kawuajnafulampox!

¹³ jDios naexasiti kajachawaesfulde wewe'paspoxanliajwa! Japi, naexasiti Jesús pejwuajan, pat wuti nejbachanxot, jchiekal bu'kulim!

¹⁴ Nabijatam wut, jiw babejchow babijax is xot xamalliajwa, naewuajnam xot Jesús pejwuajan, Dios kawuajnam wut, jum-amde: “Dios, jxam japi jiw kajachawae'e tapasasamatam babijaxan” —amde! Dios kawuajnam wut japi jiwliajwa, jnabej nejchaxoele': “Japi nej tapasas babijaxan xam kastikaliajwam japi jiw!” —nabej aeche', Dios kawuajnam wut!

¹⁵ Asew jiw nejchachaemil wut, jxamalbej nejchachaemilde, japi suapich! Asew jiw now wut asaxliajwa, jxamalbej noem, japi jiw suapich!

¹⁶ jKaenejchaxoelaxde, asew jiw suapich, chiekal duilaliajwam! Xamal nejchaxoelam wut, jnejchaxoelde: “Xan kaes pachaeman. Me-ama asew jiw kijila, xan jachi-enil” —amde! jNabej nejchaxoele'bej: “Xan kaes

pejme matabijtax. Me-ama asew jiw, xan jachi-enil” —nabej aeche', nejchaxoelam wut!

¹⁷ Asew jiw babijaxan is wut xamalliajwa, ¡xamallax nabej is babijax japi jiwliajwa wetawiasliajwam japox babijax! ¡Isfulde pachaempoxan puexa jiwliajwa! ¹⁸ ¡Ma ixajupamdo', do japoxtat xamal isfulde chiekal duilaliajwam, asew jiw swapich! ¹⁹ Takoew, xamal nejxasinkaxpim, asew jiw babijax is wut xamalliajwa, ¡xamal nabej is babijaxan japiliajwa! Japoxliajwa nejchaxoelam wut, ¡nejchaxoelde: “Asamatkoi japi Dios kastikaxaes, babijax is xoti xanliajwa” —amde, nejchaxoelam wut! Japox Dios pejjamechan, chajia lelspx, jum-aech wut, Dios jum-aech: “Jiw babijaxan ispi asew jiwliajwa, japi jiw xan tajut kastikaxaelen” —aech Dios, jum-aech wut. ²⁰ Dios pejjamechan, chajia lelspx, jum-aech wutbej, Dios jum-aech: “Nadaelman litaxaela wut, ¡chaxdu'e naxaeyax! O, minsila wutbejpon, ¡chaxdu'e mint! Japoxan isam wut, nadaelman pajut xabich padalaxael, majt babijax is xoton xamalliajwa” —aech Dios, jum-aech wut. ²¹ Asew jiw babijaxan is wut xamalliajwa, ¡boejtalia'e! ¡Kamta nalalaximilbej babijax isasamatam japi jiwliajwa! ¡Isfulde pachaempoxan japi jiw babijaxan ispijiajwa xamalliajwa! Ja-am wut, pachaempoxan isaxtat malechaxaelam babijax.

13

¹ Puexa jiw chiekal naexasisaxael jiw tato'la. Japi jiw tato'al, Dios tapaeis xot. Dios tapaeis xotbej, japi xajup puexa jiw tato'laliajwa. ² Samata, jiw naexasis-el wut jiw tato'la, japibej sitae-el Dios tato'alpox. Naexasis-el wuti, asamatkoi Dios kastikaxaes japi jiw. ³ Jiw, ispi pachaempoxan, japi pejlwla-el jiw tato'alpiliajwa. Pe babijaxan ispi, japi jiwlix pejlwla jiw tato'alpiliajwa. Xamal nejlewlasamata jiw tato'alpiliajwa, ¡isfulde pachaempoxan! Ja-am wut, jiw tato'alpi nejchachaemlaxael xamalliajwa. ⁴ Japi tato'al jiw, Dios tapaeis xot puexa xamalxot chiekal pachaemaliajwa. Babijaxan isam wut, xamal nejlewlaaxael jiw tato'alpiliajwa. Jiw tato'alpi, japi Dios tapaeis jiw kastikaliajwa, babijaxan ispi. ⁵ Samata, ¡chiekal naexasisfulde jiw tato'alpi! Xamal japi chiekal naexasitam wut, nejchaxoelam wut, ¡nabej nejchaxoele': “Jiw tato'alpi xan naexasitx nakastikasamata” —nabej aeche', nejchaxoelam wut! ¡Nejchaxoelafuldelax: “Jiw tato'alpi naexasisaxaelen, pachaem xot naexasisliajwan” —amsfulde, nejchaxoelam wut! ⁶ Samata, xamal impuesto motam jiw tato'alpi chiekal xanbichfulaliajwa japaplata, me-ama Dios tato'las japi.

⁷ Samata, jiw tato'alpi kaenanala dewatam wut, jmo'e! Nabistpi jiw tato'alpiliajwa, japibej xamal mat-omwuljow wut, impuesto dewatampoxan, jmo'e japox impuesto! Asew jiw, sitaenspi, ¡japibej xamal sitaem!

⁸ ¡Xamal asew jiw nabej dewas! ¡Xamallax asew jiw nejxasinkafulde! Xatis asew jiw nejxasinkas wut, jatis wut, kaewutje naexasich puexa Moisés chajia lelpox. ⁹ Moisés chajia lelpox jum-aech: “Xam nijowponam, ¡asew watho' nabej bu'moejs! ¡Nabej be'bej asew jiw! ¡Nabej natkowe'bej asew jiw pejew! ¡Nabej nejxasinke'bej asew pejew nejewliajwa!” —aech asafutat Moisés chajia lelpox. Moisés lelbej asawhajan. Puexa japawhajanxot jum-aechpoxan, jumchiliajwa ampx: “¡Asew jiw nejxasinkde! Me-ama xamal najut nanejxasinkam wut, ¡ja-amsfulde asew jiwliajwa!” —chiliajwa japox. ¹⁰ Jiw nejxasink wut asew jiw, japi

jiw is-el babijaxan asew jiwliajwa. Samata, japi jiw ja-aech wut, kaewutje naexasiti Moisés chajia lelpox jum-aechpoxbej.

¹¹ Xatis asew jiw nejxasinkaxaes, mox pawhajna xot Jesucristo pejme pasliajwa ampathatasik. Samata, xamal nabej buxkofe' jiw naewhajnalijwam wajpaklon Jesucristo pejhajjan! Akasestat naexasich wut Jesús pejhajjan, nejchaxoels: “Jesucristo makach bej pasaxil-bej” —tis, nejchaxoels wut. Amwutjel mox pawhajna Jesucristo pejme pasliajwa ampathatasik, xatis nakbuflaeliajwa Dios poxase. ¹² Mox pawhajna matkoiyan toepaliajwa, xatis ampathatat laelpaspisliajwa. Moxsfulbej matkoi xatis duilaliajwaspox Diosxotse. Samata, kofaxaes babijaxan isaspoxan. Amwutlax isfulaxaes Dios nejxasinkpoxan. ¹³ Babijaxan isaxisal chiekal duilaliajwas. Samata, feyaxisal saxa naksaxsliajwa. Najajinaxisalbej fiestanxot. Bu'moejsaxisalbej asew watho'. Nabu'moejsaxisalbej nakaepoejwa. Kaes asaxan babijaxan isaxisalbej. Nabeyaxisalbej. Nusasiowlaxisalbej asew jiwliajwa. ¹⁴ Xatislax wajpaklon Jesucristo pejiw xot, chiekal duilaxaes, japon nakkachawaesaxael xot. Isaxisal babijaxan, wajut isiasispoxan.

14

Nakaewa najumchiyaxilpox babejamechan Jesús pejhajjan naexasiti

¹ Asew jiw, naexasiti Jesús pejhajjan, japi jiw chiekal Dios xanaboeja-elpifuk. Japi jiw xamal chiekal bu'k'elim, pat wuti xamal natamejlamxot! Japi suapich, nabej nabunlos Jesús pejhajjan naexasitampoxliajwa, japi kaenejchaxoelaxa-el wut japawhajjanliajwa! ² Asew, naexasiti Jesús pejhajjan, chiekal matabija puexa naxaeyaxan pachaempox xaeliajwa. Asew jiw japixotlax chiekal matabija-elfuk xatis naewhajnaspoxan. Samata, japi jumch nejchaxoel: “Xan nejmachpawi xaelx wut, Diosliajwa pachaemaxinil” —aechi, nejchaxoel wut. Ja-aech wut, japi jiw nejmachpawi xae-el. ³ Nejmachnaxaeyaxan xaelpon, nej nejchaxoela-ele': “Xan kaes pachaeman. Me-ama nejmachnaxaeyaxan xae-elpon, xan jachi-enil” —nej chi-ele'pon, nejchaxoel wut nejmachnaxaeyaxan xaelponliajwa. Nejmachnaxaeyaxan xae-elponbej nej nejchaxoela-ele': “Xan kaes pachaeman. Me-ama nejmachnaxaeyaxan xaelpon, jachi-enil” —nej chi-ele'pon, nejmachnaxaeyaxan xaelponliajwa, japon Dios makafich xot Dios pej-atonliajwa. ⁴ ¿Achanamkat xam babejjamechan jumchiliajwam nabistpon asanliajwa? Pejpaklon japon jumchiyaxaes, chiekal nabist wut, o, chiekal nabich-el wuton. Dios xajup kajachawaesliajwa nabistpon Diosliajwa.

⁵ Asew jiw, naexasiti Jesús pejhajjan, japi jum-aech: “Ampamatkoi kaes pejme sitaeyaxaes, me-ama asamatkoiyan, jachi-el xot” —aechpi. Pe asew jiw jum-aechpi: “Puexa matkoiyan chiekal najupasisaeyaxaes” —aechpi. Kaematkoi kaes pejme sitaenpi, japi kaenanula chiekal matabijaxael, ma-aech xot kaes pejme sitaenpi japamatkoi. Asew jiw jum-aechpibej: “Puexa matkoiyan chiekal najup” —aechpi, japi jiw-bej chiekal matabijaxael, ma-aech xot najupasisaenpi japamatkoiyan. ⁶ Napatamatkoi wut, aton nabich-el Dios sitaeliajwa. Nejmachnaxaeyaxan xaelpon, japoxan japon xael wut, gracias-aechpon Diosliajwa. Ayan, nejmachnaxaeyaxan xae-elponbej, japoxan xae-elpon Diosliajwa. Japonbej asanaxaeyax xael wut, gracias-aechon Diosliajwa.

⁷ Laelpas wut, wajut isasiaspoxan isaxisal. Xatis tups wutbej, tupaaxial, wajut nejxasinkas xot tupaliajwas. ⁸ Laelpas wutlax, isfulaxaes Dios nejxasinkpoxan. Tups wutbej, tupaaxaes Diosliajwa. Laelpas wut, nabichaxaes Diosliajwa. Baxael, tups wutbej, nakiowa Dios pejiwswfulaxaes. ⁹ Cristo tıp wut cruztat, moton puexa jiw babijaxan ispoxanliajwa. Do jawax, mat-echbejpon pejme dukaliajwa. Ja-aech Cristo puexa jiwpaklonaliajwa, jiw tupaliajwa, laelpiliajwabej.

¹⁰ Samata, babejjamechan jumchiyaximil asew jiwliajwa, naexasiti Jesús pejwujajan. Nejchaxoelaximilbej japiliajwa: “Ampi jiw pachaema-el Diosliajwa” —chiyaximil, nejchaxoelam wut. Asamatkoi puexa xatis nuilaxaes Dios pejwujajnael. Jawut xatis kaenanula Dios nakjumchiyaxael: “Xam nabistampoxan xanliajwa xabich pachaem” —chiyaxaelon kaenanula xatisliajwa. O, Dios jumchiyaxael xatisliajwa: “Xam nabistampoxan xanliajwa, japoxan pachaema-el” —chiyaxaelon xatisliajwa. ¹¹ Dios pejjamechan, chajia lelsprox, jum-aech Dios jum-aechpox:

“Xan pomatkoichaxaelen. Jum-an diachwujajnakolaxpox. Asamatkoi puexa jiw brixtat nuilaxael xan tajwujajnael nasitaeliajwa. Jawut puexa jiw jumchiyaxael xanliajwa: ‘Diachwujajnakolax xam Dios xabich mamnikam’ —chiyaxael puexa jiw xanliajwa” —aech Dios jum-aechpox.

¹² Diachwujajnakolax japox jachiyaxael asamatkoi. Kaenanula xatis Dios pejwujajnael wajut jumchiyaxaes puexa isaspoxanliajwa.

Babijax isaxilpox Jesús pejwujajan naexasiti, asew jiw, Jesús pejwujajan naexasiti, isasamatabej, japox babijax

¹³ Asamatkoi, xatis Dios wujajnalels wut, kaenanula wajut jumchiyaxaes puexa isaspoxanliajwa ampathatat. Samata, xatis jumchiyaxisal asew jiwliajwa, japi naexasiti Jesús pejwujajan: “Japi jiw duil wut, chiekal duila-el. Babijaxan ispi” —chiyaxisal. Xatislax kaenanula wajutliajwa chiekal nejchaxoelaxaes: “Xan babijax isaxinil asew jiwbej, Jesús pejwujajan naexasiti, isasamata babijax, kofasamatabejpi Jesús pejwujajan naexasitpox” —chiyaxaes, nejchaxoels wut. ¹⁴ Xan Jesús pejwujajan naexasitx xot, matabijtax, Dios natapaei nejmachnaxaeyaxan xaeliajwan. Pelax asan nejchaxoel wut naxaeyaxanliajwa: “Asew jiw nakaechafiatpoxan, japoxanbej Dios xan nakaechtapae-el. Pe nakiowa, japoxan xaelx wut, diachwujajnakolax xan chawulatajbu'wujajnaxaelen Diosliajwa” —aech wuton, japon aton japanaxaeyaxan nej xae-ele', kaechafiach xoton! ¹⁵ Xamal nejxasinkam wut asew, Jesús pejwujajan naexasiti, japi suapich, xaelam wut, jnabej itfuxabijs japi jum-aechpoxliajwa: “Japox xaeliajwa pachaema-el” —aechpoxliajwa! Pe nakiowa, japox itfuxabijtam wut, ja-aech wut, japi jiw xaeyaxaelbej japanaxaeyax. Do jawut, xaeyax kaechatoel wut, nejchaxoelaxaeli: “Xan tajbu'wujajan Diosliajwa. Samata, nafa'axaelen Diosliajwa” —chiyaxaeli, nejchaxoel wut. Cristo tıp japiliajwa. Samata, japox nabej xae'! ¹⁶ Xamal matabijam, isaxaelampox pachaem wut, pe asew jiw jum-aech wut japoxliajwa: “Japox pachaema-el isliajwas” —aech wut, ja-aech wut, japox xamal nabej is! Xamal japox nakiowa isam wut, japi jiw jumchiyaxael babejjamechan xamalliajwa. ¹⁷ Xatis naexasich xot Jesús pejwujajan, naexasich Dios naktato'alpox. Xatisbej xabich nejchaxoelaxisal xaeyaxaespoxliajwa, feyaxaespoxliajwabej.

Pelax xatis nejchaxoelaxaes isliajwas pachaempoxan Espiritu Santo pijaxtat pachaemaliajwas Diosliajwa, nejchachaemlaliajwasbej. ¹⁸ Xatis isas wut pachaempoxan, diachwñajnakolax nabistas Cristoliajwa. Samata, Dios nejchachaemlaxael xatisliajwa. Asew jiw naksitaeyaxaelbej.

¹⁹ Samata, kaenejchaxoelaxaes chiekal duilaliajwas, asew jiw swapich. Nakaewa nakajachawaesfulaxaesbej kaes mamnikaliajwa wajxanaboexajan Diosliajwa. ²⁰ ¡Asew jiw, nabej tabejs Jesús pejwñajan naexasiti naxaeyax xaelampoxtat! Diachwñajnakolax puexa naxaeyaxan pachaem xatis xaeliajwas. Pe asew nejchaxoel wut: “Ampoxan xaes wut, xatis wajbu’wñajnaxae Diosliajwa” —aech wuti, ñawoesa nabej xetis! Japi jiw itfuxabijtas wut, ja-aech wut, japi jiw bej xaeyaxaelbej japox naxaeyax. ²¹ Samata, asew jiw, Jesús pejwñajan naexasiti, japox xae-el wuti, o, kilewla wutbejpi jachaliajwa, kaes nawoesa pachaem japox naxaeyax xae-elaliajwam, fe-elaliajwambej. Pe nakiowa, itfuxabijtam wut, ja-am wut, japi jiw xaeyaxael japox naxaeyax. O, feyaxaelbejpi vinomin. Ja-aech wut, japoxliajwa nejchaxoelaxaeli: “Xan babijax isx Diosliajwa” —chiyaxaeli, nejchaxoel wut. ²² Xamal nejchaxoelam wut: “Nejmach-naxaeyaxan pachaem xaeliajwas” —am wut, asew jiw, nejmachnaxaeyax xae-elpiliajwa, japox naxaeyax xaelam wut, ñxam najut nabej kaechjalpae’! Dios matabijt puexa nejchaxoelampoxan. Jesús pejwñajan naexasiti, japi nejchaxoel wut: “Xan babijax is-enil Diosliajwa” —aech wuti, nejchaxoel wut, japi jiw xabich nejchachaemil Diosliajwa. ²³ Jesús pejwñajan naexasitpon nejchaxoel wut: “Diachwñajnakolax, xan pawit xaelx wut, tajbu’wñajnaxaelen Diosliajwa. Samata, kaes pachaemaxael xae-elaliajwan” —aech wut japon aton, pe nakiowa, xael wut, diachwñajnakolax japon aton pejbu’wñajnaxae Diosliajwa. Ja-aech wut, japon isaxil pachaempox Diosliajwa. Japon aton nejchaxoel wutbej asaxliajwa: “Japox isx wut, xan tajbu’wñajnaxae Diosliajwa” —aech wuton, pe nakiowa, is wut, diachwñajnakolax japon aton pejbu’wñajan Diosliajwa.

15

Jesús pejwñajan naexasiti isaxaelpox pachaempoxan asew jiwliajwa

¹ Xatis, Dios chiekal xanaboejaspi, kajachawaesaxaes asew jiw, japi chiekal xanaboeya-elpi Dios. Isaxisalbej wajut nejxasinkaspojan. ² Xatislax isaxaes pachaempoxan asew jiwliajwa, japi naexasiti Jesús pejwñajan. Japoxan isaxaes japi jiw kaes pejme Dios xanaboejalaiajwa. ³ Cristobej ampathatat wut, is-el pajut nejxasinkpoxan. Pelax japon is Dios nejxasinkpoxan. Dios pejjamechan, chajia lelspox, jum-aech Cristo jumchiyaxaelpox Diosliajwa: “Jiw jum-aech wut babej-jamechan xanliajwa, japi japoxan jum-aech wut, jum-aechbejpi xamliajwa” —aechox. ⁴ Dios pejjamechan, chajia lelspox, jum-aech xatis chiekal matabijaliajwas. Samata, xatis Dios pejjamechan naexasich xot, nabijatas wut, nakiowa Dios chiekal xanaboexaxaes. Nejchaxoelaxaesbej: “Dios diachwñajnakolax isaxael jumdutox nakbu’welija” —chiyaxaes, wajut nejchaxoels wut. ⁵ Asew jiw xatis naktaliat wut, ja-aech wut, Dios nakkajachawaet wajxanaboexajan kaes mamnikaliajwa japonliajwa. Samata, Dios kawñajna xamal kajachawaesliajwa chiekal duilaliajwam. Me-ama Jesucristo ampathatat chiekal duk, xamalbej

jachiliajwam. ⁶ Samata, xamal kaenejchaxoelaxaelam jumchiliajwam Diosliajwa, wajpaklon Jesucristo pax: “Xam xabich pachaemam” — chiliajwam Diosliajwa.

Chimiauwanajan, Jesús pejwuanajan, jumtaenpox judíos-elpi

⁷ ¡Nakaewa chiekal nabu'kulim! Me-ama Jesucristo xamal chiekal bu'kula, ¡ja-amde! Xamal ja-am wut, asew jiw sitaeyaxael Dios. ⁸ Xan xamal jum-an. Jesucristo fuloek ampathatlelsik kajachawaesliajwa judíos. Samata, japox patliso, Dios chajia jumdutpox judíos pejwuanapijiwliajwa. Ja-aech wut, puexa jiw chiekal matabija, Dios nejkiowa-el chajia jumdutpox. ⁹ Jesucristo fuloekbej bu'welija judíos-elpi, japi jumchiliajwa Diosliajwa: “Xam xabich pachaemam” — chiliajwa, Dios beltaens xoti babijaxan ispoxanliajwa. Japoxliajwa Dios pejjamechan, chajia lelspx, jum-aech Jesucristo jumchiyaxaelpox pax Dios jumtaeliajwa:

“Potuajnuchanpijiwliajwa, judíos-elpijiajwa, jumchiyaxaelen: ‘Dios xabich pachaem’ —chiyaxaelen xamliajwa. Jajuiyaxaelenbej japi matabijaliajwa, xam xabich pachaemamponam” —aech Dios pejjamechan, chajia lelspx, Jesucristo jumchiyaxaelpox pax Diosliajwa.

¹⁰ Dios pejjamechan, chajia lelspx, asafutxot jum-aechbej:

“Xamal asatujnuchanpijwam, judíos-emilpim, ¡nejchachaemilde, judíos suapich, japi Dios pejjiwpi!” —aechox Dios pejjamechan, chajia lelspx.

¹¹ Dios pejjamechan, chajia lelspx, jum-aech wut, jum-aechbejpx:

“¡Puexa xamal, asatujnuchanpijwam, judíos-emilpim, Diosliajwa jum-amde: ‘Dios, xam xabich pachaemam’ —amde!” —aech Dios pejjamechan, chajia lelspx.

¹² Profeta Isaías chajia lel wut, lelbejpon Jesús nalaelsaxaelpox ampathatat:

“Japon nalaelt wut, Isaí pamonaxael. Japon pati'in wut, potuajnucha jiw tato'laxael. Jiw jumchiyaxael japonliajwa: ‘Kaenanula xatis nakbu'weyaxaelon’ —chiyaxael jiw japonliajwa” —aech profeta Isaías chajia lelpox Jesúsliajwa.

¹³ Xatis matabijas Dios nakbu'weyaxaelpox Jesucristo pijaxtat. Samata, Dios kawuanax xamal kajachawaesliajwa nejchachaemlialijwam Espiritu Santo pijaxtat, xamal wuanawesfulam wut Dios isliajwa pachaempoxan xamalliajwa. Xan Dios kawuanaxbej xamal chiekal duilialijwam, asew jiw suapich, Dios chiekal xanaboejam xot.

¹⁴ Takoew, xan matabijtax, xamal asew jiw xabich kajachawaetam. Matabijtaxbej, xamal xabich matabijam Dios. Xamalbej matabijam nakaewa chiekal nanaewuanaliajwam. ¹⁵ Ampacartaxot lelx asawuanajan, xamal nejkiowasamatam majt chajia matabijamwuanajan. Ja-an, Dios nato'a xot isliajwan japox. ¹⁶ Dios nato'a Jesucristo pejwuanajan naewuanaliajwan judíos-elpi. Samata, naewuanax japawuanajan, chimiawuanajan, japibej Dios bu'welija. Amwutjel judíos-elpi kajachawaech xot Espiritu Santo, japi Jesús pejjiwlisi. Samata, Dios nejchachaemil japi jiwliajwa.

¹⁷ Xan nabistax wut Jesucristoliajwa, japon chiekal nakajachawaesful. Samata, nejchaxoelx: “Xan ispxoxan Diosliajwa, xabich pachaem” —an, nejchaxoelx wut. ¹⁸ Wajpaklon Jesucristo chiekal nakajachawaesful

naewhajnaliajwan judíos-elpi, japibej naexasisliajwa Dios. Xan jum-anpoxan japi najumtaen wut, taen wutbejpi isxroxan, japibej naexasit Jesús tuxox japiliajwa. Samata, xan japoxanliajwa chiekal chapaeix asew jiwliajwa. ¹⁹ Espiritu Santo pijaxtat xan koechaxan isxbej. Amwutjel toetx potujnucha naewhajnaxrox chimiawhajan, Jesucristo pejwhajan, japon nakbu'wiapon. Xan majt tuadutx naewhajnax Jerusalén paklowaxxot. Do jawux, naewhajnax japawhajan asa tuajnuchanlelbej. Iiria tuajnu poxdaxbej naewhajnaliajwan. ²⁰ Jesús pejwhajan jumtae-elpi, japapaklowaxanpijiw poxdaxbej, japi naewhajnaliajwan Jesús pejwhajan, Dios bu'weliajwasbejpi. Asew jiw whajna chajia naewhajanxot, japapaklowaxanxot xan nejxasinkenil naewhajnaliajwan Jesús pejwhajan. ²¹ Xan naewhajnax wut Jesús pejwhajan, patlisox, me-ama Dios pejjamechan, chajia lelsprox, jum-aech wut, jum-aechox:

“Jiw jumtae-elpi Dios to'axoekspon pejwhajan, japi jiw jumtaeyaxael japon pejwhajan. Jiw naewhajna-esalpi japawhajan, japi jiw naewhajnaxaes japon pejwhajan” —aech chajia lelsprox.

Pablo nejchaxoelprox taeliajwapon Roma paklowaxpijiw

²²⁻²³ Pin-iaveces xamal xabich taesian. Pe xabich potujnucha naewhajnax xot Jesús pejwhajan, xamal taeyaxinilfuk. Mawutkal tajbichax chiekal toetx. Samata, xamal taeyaxaelen. ²⁴ España tuajnu poxaxaechan wut, majt xamal taeflaxaelen. Do jawut, xabich nejchachaemlaxaes, xamal taeflax wut. Jawux nakajachawaesaxaelam, España tuajnu poxaliajwan wut. ²⁵ Pe amwut, xan majt xalaeyaxaelen ofrenda Jerusalén paklowaxpijiw poxade, japi naexasiti Jesús pejwhajan. ²⁶ Asew, naexasiti Jesús pejwhajan, Macedonia tuajnupijiw, Acaya tuajnupijiwbej, plata owa ofrenda xato'aliajwa Jerusalén paklowaxpijiw poxade kijilaliajwa, japi naexasiti Jesús pejwhajan. ²⁷ Macedonia tuajnupijiw, Acaya tuajnupijiwbej, japi judíos-el. Pe nakiowa, japi nakaewa najum-aech: “Ofrenda xato'axaes judíosliajwa, japi naexasiti Jesús pejwhajan, japi Jerusalén paklowaxpijiw, kajachawaesliajwas. Japi matxoela matabija Jesucristo pejwhajan Dios bu'weliajwas. Amwutjel xatisbej japi pijaxtat matabijas Jesús pejwhajan. Samata, judíos kajachawaesaxaes wewe'pasoxanliajwa” —aechi nakaewaliajwa. Samata, ofrenda owapi. ²⁸ Samata, xan majt xalaeyaxaechan ofrenda Jerusalén paklowax poxade. Do jawux, España tuajnu poxdax wut, majt pasaxaelen xamalxot. Do jawux, España poxaxaelen. ²⁹ Xan patx wut xamalxot, chapaeyaxaelen wut Cristo puexa nakajachawaetproxanliajwa, xabich nejchachaemlaxaelam.

³⁰ Takoew, xamal naexasitam wajpaklon Jesucristo pejwhajan. Xatis nakaewa nanejxasinkas Espiritu Santo pijaxtat. Samata, xan jum-an xamal Dios kawhajnaliajwam Dios nakajachawaesliajwa. ³¹ ¡Dios kawhajande xan japon nakajachawaesliajwa asew judíos, Jesús pejwhajan naexasis-eli, babijax isasamata xanliajwa, Judea tuajnuxotx wut! ¡Dios kawhajandebej Jerusalén paklowaxpijiw xanejchachaemlaliajwa ofrenda, xalaeyaxaelenpi japi jiwliajwa! ³² ¡Dios kawhajandebej xanliajwa xabich nejchachaemlaliajwan, chiekal damlathulaliajwanbej, xamalxot patx wut! ³³ Xan Dios kawhajnax puexa xamal Dios kajachawaesliajwa chiekal duilaliajwam, asew jiw shapich. ¡Jasox nej ja-aech!

16

Pablo saludos xato'apox Roma paklowaxpijwliajwa, Jesús pejwajaan naexasitiliajwa

¹ Wajkoewow Febe pa'a wut xamalxot, ¡chiekal bu'kulimpow! Japow kajachawaet Cencrea paklowaxpijiw, Jesús pejwajaan naexasiti. ² Xamalxot pa'a wutow, ¡chiekal bu'kulimpow, Jesús pejwajaan naexasit xotow! Me-ama xatis chiekal nabu'kulas wut, ¡ja-amdepow, majt japow kajachawaet xotow naexasiti Jesús pejwajaan! Xanbej japow nakajachawaet. Samata, ¡japow kajachawae'e wewe'paspoخانliajwa!

³ ¡Nawesaludam Aquila! ¡Nawesaludambej japon pijow, japow pawul Prisca! Japi nabist Jesucristo pejbichax, xan suapich. ⁴ Asew jiw xan naboesia wut, japon Aquila, pijow Prisca suapich, nakajachawaet. Japi nakajachawaet wut, japiliajwabej xabich chachoel, xan nakajachawaet xoti weliajwan. Samata, xan gracias-an japiliajwa. Xan kaenan japox jumchi-enil. Puexa naexasiti Jesús pejwajaan, judíos-elpi, japibej gracias-aech Aquilaliajwa, Priscaliajwabej. ⁵ Asew, naexasiti Jesús pejwajaan, Aquila pejbaxot culto is wut natamejapi, ¡japi jiwbej nawesaludam! ¡Nawesaludambej tajnachalan Epeneto! Japon matxoela naexasit Jesús pejwajaan, puexa Asia tuajnujijiw naexasis-el wutfuk Jesús pejwajaan. ⁶ ¡Nawesaludambej wajkoewow María! Japow xabich nabist Dios pejbichax xamalxot. ⁷ ¡Nawesaludambej Andrónico, Junias suapich! Japi judíos. Me-ama xan, ja-aechi. Asew jiw xan najia wut jiw jebatat, jawut japibej jias. Japi chiekal matabijas apóstoles. Japi kolenje naexasit Jesús pejwajaan, xan naexasis-enil wutfuk Jesús pejwajaan. ⁸ ¡Nawesaludambej tajnachalan Ampliato! Japonbej naexasit Jesús pejwajaan. ⁹ ¡Nawesaludambej Urbano! Japonbej nabist Jesucristo pijax bichax. ¡Nawesaludambej tajnachalan Estaquis! ¹⁰ ¡Nawesaludambej Apeles! Japon xabich nabijat, naexasit xot Jesús pejwajaan. Pe kofs-elpon naexasitpox Jesús pejwajaan. ¡Nawesaludambej Aristóbulo pejjiw! ¹¹ ¡Nawesaludambej Herodión! Japonbej judío-aton. ¡Nawesaludambej Narciso pejjiw, japi naexasiti Jesús pejwajaan. ¹² ¡Nawesaludambej wajkoew Trifena, Trifosabej! Japi watho' nabist Dios pijax bichax! ¡Nawesaludambej wajkoewow Pérsida! Japow xabich nabist Dios pijax bichax. ¹³ ¡Nawesaludambej Rufo! Japon xabich matabijtas naexasiti Jesús pejwajaan, chiekal naexasit xoton Jesús pejwajaan. ¡Nawesaludambej japon pen! Japow, me-ama taj-en wut, ja-aechow xanliajwa. ¹⁴ ¡Nawesaludambej Asíncrito, Flegontebej, Hermesbej, Patrobasbej, Hermasbej! ¡Nawesaludambej asew japixoti, japi naexasiti Jesús pejwajaan! ¹⁵ ¡Nawesaludambej Filólogo, wajkoewow Juliabej! ¡Nawesaludambej Nereo, japon pakoewow Olimpasbej! ¡Nawesaludambej asew japixoti, japi naexasiti Jesús pejwajaan!

¹⁶ Xamal, naexasitampim Jesús pejwajaan, nakaewa nasaludam wut, ¡nakijacham! Puexa naexasiti Jesús pejwajaan xato'a saludos xamalliajwa.

¹⁷ Takoew, xan jum-an xamal najut chiekal natataflaliajwam asew jiw naekichachajbasamata xamal. Japi naewajaanpox najupa-el xamal naexasitamwajaan. Japi jiw naewajaan wut, jiw kaenejchaxoelaxa-el nakaewaliajwa japi jiw pejnaewajaanxtat. Samata, japi naewajaan wut, ¡nabej naewes! ¡Japixot xamal nadiajim! ¹⁸ Japi nabich-el wajpaklon Jesucristoliajwa. Japilax pajut isasiapoxan is. Japi naewajaanpox, me-ama diachwajaankolax wut, ja-aechox. Pe diachwajaankolaxael japi naewajaanpox. Japi jiw naekichachajbamaenkbej. ¹⁹ Puexa

jiw chiekal matabija xamal naexasitampox Jesús pejwñajan. Samata, xan nechachaemlax. Nejaxasinkax xamal matabijaliajwam isliajwam pachaempoxan. ¡Nabey tapae' asey jiw xamal naekichachajbaliaw isliajwam bey babijaxan! ²⁰ Dios nakkajachawaet kaenejchaxoelaxli-ajwas chiekal duilaliajwas. Dios kajachawaesaxaelbey xamal kamta malechaliajwam Satanás. Xan wajpaklon Jesucristo kawñajnax japon xamal kajachawaesliajwa.

²¹ Timoteo saludos xato'a xamalliajwa. Japon, xan swapich, nabist Diosliajwa. Lucio, Jasónbey, Sosípaterbey, japibey saludos xato'a xamalliajwa. Japibey judíos, me-ama xan.

²² Xan, Tercio, lelax ampox carta, Pablo jum-aechfulpoxan. Xanbey saludos xato'ax xamalliajwa, puexa xatis wajpaklon Jesús pejjiws xot.

²³ Gayobey saludos xato'a xamalliajwa. Xan amwñtjel dukx japon pejbaxot. Japon, Gayo, tapaei puexa jiw, naexasiti Jesús pejwñajan, japi natamejalijwa japon pejbatat. Erastobey saludos xato'a xamalliajwa. Japon tesorero, plata tataeflan, Corinto paklowaxliajwapi. Wajkoewan Cuartobey saludos xato'a xamalliajwa. ²⁴ Xan wajpaklon Jesucristo kawñajnax japon xamal kajachawaesliajwa. ¡Jasox nej ja-aече'!

Pablo jum-aechpoxan, ampox carta toesliajwa wñt

²⁵ Puexa xatis jumchiyaxaes Diosliajwa: “¡Xam xabich pachaemam!” —chiyaxaes. Dios xajup nakkajachawaesliajwa kaes chiekal xan-aboejalijwas Dios. Japox chiekal matabijas, jum-aech xot Jesús pejwñajan, chimiawñajan, jiw bu'weyaxaespoxlajwa. Xan japawñajan naewñajnax. Japawñajan majt maliach pejwñajan. Majt Dios chapae-el japawñajan kaen aton matabijsliajwa. ²⁶ Chajiakolaxtat profetas chiekal matabija Jesús pasliajwapox, Dios chajia chapaeis xoti. Samata, profetas japoxliajwa lel, Dios kito'as xot. Japon Dios, pomatkoichapon, amwñtjel japon naktapaei chiekal matabijaliajwas Jesucristo pejwñajan. Dios buxto'abey pejjiwpi, japi naewñajnalijwa japawñajan potñajnucha jiw naexasisliajwa.

²⁷ ¡Kaen Dios matabijsan! Samata, Jesucristo tñp xot xatisliajwa, ¡pomatkoicha jumchiyaxaes: “Dios, ¡xam xabich pachaemam!” —chiyaxaes! ¡Jasox nej ja-aече'!

Matxoelacarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹⁻² Xan, Pablo, Dios namakafit Jesucristo pej-apóstolliajwan. Samata, Dios nato'a jiw naewuajnalajwan Jesús pejuwajan potuajnucha. Ampox carta lelx, wajkoewan Sóstenes suapich, xamal Dios pejiwam, Corinto paklowaxpijwamliajwa. Xamal japon pejiwam, Jesucristo tɔp xot xamalliajwa. Dios xamal tadut, a sew jiw suapich, japon pejiwaliajwam chiekal duilaliajwam japonliajwakal. A sew bej, taduchpi japon pejiwaliajwa, japi potuajnucha duilpi, kawuajan wajpaklon Jesucristo. Jesucristo paklon puexa xatisliajwa, japi jiwliawabej. ³ Waj-ax Dios, wajpaklon Jesucristobej, kawuajna xamal kajachawaesliajwa, chiekal duilaliajwambej, a sew jiw suapich.

Dios kajachawaechpox Corinto paklowaxpijiw, japi Cristo pejiw xot

⁴ Xan Dios kawuajna x wut, gracias-an Diosliajwa, japon xamal pomatkoicha kajachawaesfal xot, Jesucristo pejiwam xot. ⁵ Xamal Jesucristo pejiwam xot, Dios xamal chiekal kajachawaet. Samata, xamal xajupam tanbichliajwam Diosliajwa. Chiekal matabijambej Dios pejjamechan jiw chiekal naewuajnalajwam. ⁶ Ja-am wut, xamal chiekal naexasitam Jesús pejuwajan. ⁷ Samata, ampamatkoian xamal wuajna wetam wajpaklon Jesucristo pejme pasliajwasik. Xamal Dios kajachawaesaxael chiekal nabichliajwam Diosliajwa. ⁸ Dios xamal kajachawaesaxael chiekal naexasisfulaliajwam, kaen aton xamal tasalasamata, wajpaklon Jesucristo pejme pask wut. ⁹ Xanal chiekal matabijax Dios xamal kajachawaetpox, is xoton jumdutpox. Dios xamal tadut japon pejiwaliajwam duilaliajwam pomatkoicha japonxotse, Dios paxulan suapich, wajpaklon Jesucristo.

Nasalpox Jesús pejuwajan naexasiti, kaenejchaxoelaxa-el xoti

¹⁰ Takoew, wajpaklon Jesucristo xan nabuxto'a xot, xamal jum-an kaenejchaxoelaxliajwam, duilam wut. ¡Asalel nabej nasale!
¹¹ Cloé, japow pejiw, xan nachapaei. Samata, wultaenx xamal kaenejchaxoelaxa-emilpox. Samata, ampox carta lelx xamal naewuajnalajwan. ¹² A sew jiw xamalxot jum-aech: “Xanal kaes nejxasinkax Pablo naewuajanpox. Samata, xanal Pablo pejiwan” —aech japi jiw. A sew jiw xamalxot jum-aechbej: “Xanal kaes nejxasinkax Apolos naewuajanpox. Samata, xanal Apolos pejiwan” —aechi. A sew jiw xamalxot jum-aechbej: “Xanal kaes nejxasinkax Pedro naewuajanpox. Samata, xanal Pedro pejiwan” —aech a sew jiw. A sew jiw xamalxot jum-aechbej: “Xanal kaes nejxasinkax Cristo naewuajanpox. Samata, xanal Cristo pejiwan” —aechi.
¹³ Cristo kaekolan. Japon, me-ama xabich wut, jachi-elon. Samata, xatis Cristo pejiw xot, nasalaxisal, kaemuch xotlis. Xan, Pablo, cruztat nakimatamatla-el. Xamalxot a sew jiw bautisa-esalbej tajjiw nadofaliajwa. Samata, xamal jumchiyaximil xanliajwa: “Xanal Pablo pejiwan” —chiyaximil. ¹⁴⁻¹⁵ Xamalxot jiw xabich bautisa-enil. Asbuan jumch bautisax kolenje. Bautisax Crispo, Gayobej. Samata, xamalxot

asew jiw jumchiyaxil xanliajwa: “Pablo xan nabautisa japon pejat on nadofaliajwan” —chiyaxil japi jiw xanliajwa. Samata, xan nejchachaemlax, jiw japox jumchiyaxil xot. ¹⁶ Amwutjel xan nejchafaetx asew kaes bautisaxpi. Bautisaxbej Estéfanas, pejjiw swapich. Jalape. Kaes asew bautisax wut, xan nejkiowxlis. ¹⁷ Cristo nato'a-el jiw bautisaliajwan. Japon xan nato'a pejwujajan jiw naewuajnalijwan, japi Dios bu'welijwas. Naewuajnax wut Cristo pejwujajan, me-ama aton, xabich matabijsan wut, xan jachi-enil. Pe jachiyaxaelen wut, jiw asbuan jumch jumchiyaxael xanliajwa: “Pablo xabich matabijt” —chiyaxaeli. Jachiyaxael wut, naexasisaxili Cristo tappox cruztat japiliajwa.

Amxot jum-aechpox Dios pejpamamaxliajwa, matabijsaxliajwabej

¹⁸ Asew jiw pejbu'wujajan wutfuk, japi tup wut, inferno poxaxaek, naexasis-el xoti Cristo tappox cruztat japiliajwa. Cristo pejpatapax japiliajwa, me-ama nejliaklax wut, wejatisipox. Pelax xatis Dios nakbu'weyaxaelpis, chiekal matabijas, Dios nakkajachawaesfulaxaelpox. ¹⁹ Dios pejjamechan, chajia lelspx, jum-aech wut, jum-aech Dios jum-aechpox:

“Jiw xabich matabijapi, japi matabijapoxan xan toesaxaelen. Asamatkoi xan tajaxtat japi jiw chiekal matabijaxael japi matabijapoxan pachaema-elpox, diachwujnakolaxa-el xot” —aechox.

²⁰ Asew jiw ampathatpijiw pajutliajwa jum-aech: “Xanal xabich matabijax” —aechi asew jiw jumtaeliajwas. Asew jiwbej pajutliajwa jum-aech: “Xanal xabich matabijax jiw chanaekabuanaliajwan” —aechi asew jiw jumtaeliajwas. Asew jiwbej pajutliajwa jum-aech: “Xanal chiekal matabijax puexa ampathatpijxanliajwa” —aechi asew jiw jumtaeliajwas. Pe Dios jum-aech puexa japi jiwliajwa: “Japi pejmatabijsaxan, nejliaklaxan, pajut nejchaxoelpoxankal xot” —aech Dios japi jiwliajwa. ²¹ Dios xabich pejmatabijsax. Me-ama ampathatpijiw pejmatabijsax, jachi-el Dios pejmatabijsax. Dios tapae-el japi jiw matabijaliajwa Dios pejmatabijsax. Dios jiw bu'weyaxael, naexasit xoti chimiawujajan, Cristo tappox cruztat japiliajwa. Pe nakiowa, asew jiwliajwa Jesús pejwujajan, me-ama nejliaklaxwujajan wut, wejatisipox.

²² Xan naewuajnax wut judíos, japi xabich taesia koexaxan naexasisliajwa xan naewuajnapoxan. Judíos-elpi xabich nejxasink matabijaliajwa ampathatpijxan. Japi jiw xan naewuajnax wut, najum-aechi xanliajwa: “Xam naewuajnapoxan najup wut tajwujnapijiw naewuajnapoxan, ja-aech wut, xanal naexasisaxaelen xam naewuajnapoxan” —aech judíos-elpi xanliajwa. ²³ Pe xanal nakiowa japi naewuajnax Cristo tappox cruztat japiliajwabej. Judíos japawujajan jumtaen wut, nejxasinka-elpi japawujajan. Judíos-elpibej, jumtaen wut japawujajan, me-ama nejliaklax wut, wejatisipox. ²⁴ Xanal naewuajnax Cristo tappox cruztat xatisliajwa. Dios makanot judíos japon pejjiwaliajwa. Makanotbejpon judíos-elpi japon pejjiwaliajwa. Puexa japi jumtaen wut Cristo tappox cruztat, japi chiekal matabija Dios pejpamamax, Dios pejmatabijsaxbej, Dios chajia nejchaxoel xot, Cristo tup wut puexa japi bu'welijwapon. ²⁵ Jiw jumtaen wut Cristo tappox cruztat jiw bu'welijwa, japox, me-ama nejliaklax wut, wejatisipox. Pe amwutjel, japox kaes pejme matabijsax. Me-ama ampathatpijiw pejmatabijsax, jachi-el japox. Dios tapaei wut Cristo tupaliajwa cruztat, japon tup wut, me-ama Dios mamnika-el

wut, ja-aechon. Dios mat-et wut Cristo pejme dukaliajwa, jawut jiw matabija Dios pejpamamax, Dios kaes pejme mamnikpox. Me-ama jiw pejpamamax, jachi-el Dios pejpamamax. ²⁶ Takoew, ¡xamal najut chiekal nejchaxoelde ma amwut xan jumchiyaxaelenpox! Dios xamal makanot wut japon pejiwaliajwam, xamalxot xabicha-el matabijapi ampathatpijxan. Xabicha-elbej paklochow paxi. ²⁷ Dios makanochpi, japi Dios pejiwaliajwa, japi jiw, me-ama matabijsla wut, ja-aechi asew jiwliajwa. Pe japi Dios kajachawaech xot, kaes pejme matabijs wut, ja-aechi. Me-ama ampathatpijiw matabijtpi, jachi-el japi jiw. Ja-aech wut, ampathatpijiw, xabich matabijtpi, xabich padalaxaeli. Dios makanot jiw japon pejiwaliajwa, japi jiw, me-ama mamnika-el wut, ja-aechi asew jiwliajwa. Pe japi jiw Dios kajachawaech xot, kaes pejme xabich mamnik Diosliajwa. Me-ama ampathatpijiw mamnik wut, jachiyaxil japi jiw. Ja-aech wut, ampathatpijiw, xabich mamnikpi, japox taen wut, xabich padalaxaeli. ²⁸ Dios makanot jiw japon pejiwaliajwa mastaenspi asew jiw. Japi jiw, me-ama pachaema-el wut, ja-aechpi paklochowliajwa. Ja-aech Dios, makanot wut jiw japon pejiwaliajwa, asamatkoi paklochow xabich padalaliajwa. ²⁹ Samata, aton nejchaxoelaxil: “Xan kaes pejme pachaeman. Me-ama asew jiw, jachi-enil xot, Dios namakafit japon pej-atonanliajwa” —chiyaxilon, nejchaxoel wut. ³⁰ Dios pajut puexa nakmakanot Jesucristo pejiwaliajwas. Dios naktapaeibej chiekal matabijaliajwas japon pejjamechan, Cristo tuxot cruztat. Samata, xatis babijaxan isaspoxan ajil Diosliajwa. Isfulasbej Dios nejxasinkpoxan. Dios nakkajachawaetbej xatis babijax isasamatas. ³¹ Samata, xatis jiw jumchiyaxaes Dios nakkajachawaetpoxliajwa. Dios pejjamechan, chajia lelspx, jum-aech wut, jum-aechox: “¡Aton pajut ispoxan, japon chapaeyaxil asew jiw asbuan jumch japon aton sitaeliajwas! Japon atonlax chapaesia wut ispoxanliajwa, ¡japon nej chapae' asew jiw Dios kajachawaechpoxan, asew jiw japox jumtaen wut japi Dios sitaeliajwa!” —aech Dios pejjamechan, chajia lelspx.

2

Jesucristo kimatamatlaspx cruztat

¹ Takoew, xamalxot majt patx wut, xan chimiawuajan naewuajnax, maliach matabijtaxpoxan Diosxot. Japawuajan majt asew jiw matabija-el. Xamal japawuajan naewuajnax wut, chiekal naewuajnax chiekal jumatabijaliajwam. Naewuajnax wut japawuajan, me-ama xabich matabijtax wut, jachi-enil. ² Xan xamalxotx wut, kaes asaxan nejchaxoela-enil matabijsliajwan. Xanlax nejchaxoelafulax naewuajnafulaliajwan Jesucristo pejuwajan, cruztat kimatamatlaspx. ³ Xamal nejwuajnalel naewuajnax wut, tajlewt tathulax. Chiekal mamnika-enil wut, ja-an xan. ⁴ Naewuajnax wut chimiawuajan xamal naexaxisliajwam, me-ama xabich matabijsnan wut, jachi-enil. Espíritu Santo xan nakajachawaet xamal naexaxisliajwam naewuajnaxpoxan. ⁵ Dios nakajachawaet xotbej, xamal naexasitam xan naewuajnaxpoxan. Japoxan naexaxis-emil, xamal matabijam xot ampathatpijiw matabijapoxan.

Espíritu Santo nakkajachawaetpox xatis matabijaliajwas Dios matabijtpoxan

6 Cristo chiekal xanaboejapixot, jaxot xan Dios pejjamechan naewñajna, japi jiw kaes chiekal matabijaliajwapi Dios. Xan naewñajna xapoxan najura-el ampathatpijiw naewñajanpoxan. Najura-elbej paklochow naewñajanpoxan. Asamatkoi puexa japi jiw chiekal toepaxael. 7 Xan jiw naewñajna wut, naewñajna Cristo tuppox cruztat japi bu'welija was Dios. Japoxliajwa Dios chajiakolaxtat, that is-el wutfak, tamach nejchaxoelon: “Japox jachiyaxaelen jiw bu'welija wan” —aech Dios, tamach nejchaxoel wut. Ampamatkoiyan xanal japawñajan jiw naewñajna, majt jiw matabija-elwñajan. 8 Cristo ampathatat wut, paklochow, ampathatpijiw tato'alpi, matabija-eli japawñajan. Japi japawñajan chiekal matabijaxael wut, kimatamatlaxili Cristo tupaliajwa cruztat. Japonlap, kaen, tato'laxael puexa ampathatpijiw, Diosxotsepibej. 9 Paklochow japi matabija-el Jesús, japon Cristopon. Me-ama Dios chajia jum-aech Cristo tupaliajwa, ja-aechlisi japox. Dios pejjamechan, chajia lelspx, jum-aech wut, jum-aechox:

“Jiw, nejxasinkpi Dios, japi jiwliajwa Dios chaemt pachaempoxan, majt chinax kaen aton tae-elpoxan, jumtae-elpoxanbej, nejchaxoelapoxanbej” —aech Dios pejjamechan, chajia lelspx.

10 Dios naktapaei matabijaliajwas Cristo tuppox xatisliajwa, Espiritu Santo nakkajachawaet xot. Espiritu Santo puexa chiekal matabijt. Chiekal matabijtbejpon puexa Dios nejchaxoelpoxan.

11 Xatis chiekal matabijaxisal asew jiw nejchaxoelpoxan. Pelax jiw pajut chiekal matabija nejchaxoelpoxan. Ja-aechbej Espiritu Santo. Japon chiekal matabijt Dios nejchaxoelpoxan, japon pajut Dios xot. 12 Dios nejchaxoelpoxan xatis matabijaxisal wajut wajnejchaxoelaxantat. Espiritu Santo, fuloekpon athuxotsik, japon nakkajachawaet xatis matabijaliajwas Dios ispx xatisliajwa. 13 Xanal xamal naewñajna wut, naewñajna-enil tajut matabijaxpoxan. Xamal naewñajna Espiritu Santoxot matabijt xapoxan. Xanal jiw naewñajna Dios pejjamechan, japi jiwlis pejmatpuatanxot Espiritu Santopi.

14 Jiw, naexaxis-eli Jesús pejwñajan, japi pejmatpuatanxot jil Espiritu Santo. Samata, nejxasinka-eli xanal naewñajna xapoxan, xanal matabijaxpoxanbej Espiritu Santoxot. Japoxanliajwa, japi jiw asbuan jumch nejchaxoel: “Japoxan nejliaklaxan” —aechi, nejchaxoel wut. Japi xanal naewet wut, najumatabija-el, Espiritu Santo kajachawaes-esal xot. Samata, japi jiw chiekal jumatabija-el Dios pejjamechan. 15 Pelax jiw, pejmatpuatanxoti Espiritu Santo, japi jiw chiekal nejchaxoel Dios pijaxan matabijaliajwa. Japiliajwa asew jiw jumchiyaxisal: “Xamal jum-ampoxan diachwñajnakolax. O, japoxan diachwñajnakolaxa-el” —chiyaxisal. 16 Japoxliajwa Dios pejjamechan, chajia lelspx, jum-aech wut, jum-aechox: “Jiw pajut chiekal matabijaxil wajpaklon Dios nejchaxoelpoxan. Jiw naewñajna xilbej Dios” —aech Dios pejjamechan. Xatis wajmatpuatanxot Espiritu Santo. Samata, xatis matabijas Cristo nejchaxoelpoxan. Jatis wut, nejchaxoels, me-ama Cristo nejchaxoel.

3

Chiekal nabichaxaelpx Diosliajwa Jesús pejwñajan naexasiti

1 Takoew, xamalxot majt naewñajna wut, puexa Dios pejjamechan chiekal naewñajna-enil. Ja-an xan, xamal naewñajna wut, xamal

chiekal naexasis-emil xotfuk Espiritu Santo tato'alpox, xamal jelnaexasitam xotbejfuk Cristo pejwñajan. Samata, xamal, me-ama yamxi wut, ja-am Cristo pejwñajan naexasitamxoxliajwa. ² Xamal majt matxoela naewñajna xampapoxan Cristoliajwa, chiekal matabijaliajwam. Me-ama yamxuch pen mit miach, naxaeyaxan xaeyaxil xot, ja-an xan, xamal naewñajna xwut tampapoxan Cristoliajwa. Pe amwutjel, nakiowa xamal ja-amfuk. Nejnejchaxoelaxan kaes chiekal ti's-el, matabija-emil xot Cristoliajwa. Samata, xamal chiekal matabijaximil kaes xabich tampoelpoxan Cristoliajwa. ³ Xamal, me-ama asew jiw, Dios naexasis-elpi, ja-amfuk. Xamalbej nusasiowlam asew jiwliajwa. Nalotambej. Jasoxan isam xot, diachwñajnakolax xamal, me-ama asew jiw, ja-am. ⁴ Me-ama asew jiw, Dios naexasis-eli, duil wut kaenejchaxoelaxa-el, ja-ambej xamal. Xamalxot asew jiw jum-aech: "Xanal Pablo pejiwan" — aechi. Asew jiw xamalxotbej jum-aech: "Xanallax Apolos pejpijwan" — aechi. Japoxan xamal amwutjel nakiowa jum-amfuk. Samata, duilam wut, kaenejchaxoelaxa-emil.

⁵ Xan, Pablo, kaes pejme pachaema-enil. Apolosbej kaes pejme pachaema-el. Xan, Apolos swapich, nabistax Diosliajwa. Samata, xanal naewñajna xwut, xamal chiekal naexasitam Jesucristo pejwñajan. Kaenanula xanal chiekal nabistax, me-ama Dios nato'a. ⁶ Xan matxoela naewñajna Dios pejjamechan, xamalxotx wut. Do jawux, Apolos xamal naewñajan. Japon xamal kaes naewñajan, me-ama Dios nejxasink xamal duilaliajwam. Xan majt xamalxot naewñajna xwut Dios pejjamechan, me-ama muthax wut, ja-an nejmatpuatanxot. Do jawux, xan muthaxpi, Apolos, me-ama min matfalan, ja-aechon xamalliajwa. Dios chiekal is xotbej pejbichax nejmatpuatanxot, xamal, me-ama xan muthaxpi wut, chiekal ti'tpi, ja-am xamal. ⁷ Muthapon kaes pejme pachaema-el. Min matfalanbej kaes pejme pachaema-el. Dioslax kaes pejme pachaem. Dios kajachawaet xot, puexa muthaspi chiekal ti'sful. ⁸ Muthapi, min matfalpibej, kolematje. Pe japi jiw puexa chiekal najur Diosliajwa. Dios mosaxaespi Diosxotse kaenanula nabisti ampathatat. ⁹ Xan, Apolos swapich, kaebichax nabistax Diosliajwa. Xamal, me-ama Dios pejlulan wut, ja-am xanal nabichliajwan. Xamal Dios pejiwam xotbej, me-ama Dios isfulba wut, ja-ampox. ¹⁰ Xan matxoela naewñajna xamal Cristo pejwñajan. Samata, xan, me-ama Dios pejba tuadutxponan wut, ja-an Diosliajwa. Amwutjel Apolos xamal kaes naewñajnaful Cristo pejwñajan. Samata, japonbej, Dios pejba isan wut, ja-aechon. Xanwux, Apolosbej, japon, Dios pejba nabichan wut, ja-aechon. Kaenanula Diosliajwa nabisti chiekal nabichaxael Dios pejba chiekal pachaemaliajwa. ¹¹ Xamal naewñajna Jesús pejwñajan, xamalbej tuadusliajwam Dios xanaboejampox. Xan Jesús pejwñajan xamal matxoela naewñajna xwut xamalxot, japanaewñajna, me-ama bases, barijax, ja-aechox, Dios pejba isliajwa. Japabases matxoela isas satat japaba chiekal mamnikaliajwa. Jesucristo, japon pajut, me-ama bases Dios pejbaliajwa. ¹² Aton ba isliajwa wut, bases isax toet wut, japabasesmatwñajtat asan japaba isaxael, toepaxilba. Ja-aech wut, isaxaelon orotat. Ja-el wut, ba isaxaelon platatat. Ja-el wut, ba isaxaelon ia'antat, xabich ommaenkpotantat. Ja-el wut, asan aton isaxael toepaxaelba. Ja-aech wut, esaxaelon tawloba. Ja-el wut, ba esaxaelon baba-ñafba. Ja-el wut, esaxaelon maklejbutñafba. ¹³ Cristo pejme fuloek wut, jitat xapaejaxaelon bichaxan, kae-

nanula pejiw nabistpoxanliajwa. Do jawut, Cristo pejiw, japi kaenanula matabijaxael, chiekal nabist wut, o, chiekal nabich-el wut. ¹⁴ Cristo xapaexael wut japi pejbichaxan, japabichaxan pachaem wut, japi, nabistpi Cristoliajwa, chiekal mosaxaesi Diosxotse. ¹⁵ Japi nabistpoxan, pachaema-el wut, mosaxisali Cristo. Japi ispoxan wetoejwaxaes jitat. Pe nakiowa, napelsaxili Diosliajwa. Samata, japi jiw, me-ama wiapi jit pejba wematwuaajtamdaduch wut, ja-aechiyaxael japi jiw.

¹⁶ ¿Xamalkat matabija-emil, Dios pejtemploba wut, ja-ampox, Espiritu Santo nejmatpuatanxot duk xot? ¹⁷ Aton Dios pejtemploba tabejt wut, japon atonbej Dios boesaxaeson. Japaba Dios pajutliajwa. Xamal, Dios pejtemploba wut, ja-am, japon pejiwam xot.

¹⁸ ¡Najut nabej naekichachajbe! Xamalxot kaen aton nejchaxoel wut ampox: “Xan kaes pejme matabijtax. Me-ama asew jiw, ampathatpijiw, matabijs, xan jachi-enil” —aech wuton, japon kofsaxael japanejchaxoelax. Japon nejchaxoelaxael: “Xan matabijs-enil. Me-ama asew, ampathatpijiw, matabijs, xan jachi-enil” —chiyaxaelon, nejchaxoel wut. Japon aton diachwuaajnakolax asamatkoi matabijsanaxael. ¹⁹ Ampathatpijiw pejmatabijsaxan, japoxan Diosliajwa nejliaklaxan. Japoxanliajwa Dios pejjamechan, chajia lelspx, jum-aech wut, jum-aechox: “Dios kajachawaet ampathatpijiw pejmatabijsaxtat, pajut chiekal matabijaliajwa japi pejmatabijsaxan nejliaklaxanpox” —aech Dios pejjamechan. ²⁰ Dios pejjamechan, chajia lelspx, jum-aech wut, jum-aechbejpx: “Jiw pejmatabijsaxan, Diosliajwa, japox nejliaklaxan” —aech Dios pejjamechan, jum-aech wut japoxanliajwa. ²¹ Samata, xamal kaes pejme nejxasinkam wut asan naewuajanpox Jesús pejwuaajan, xamal nejchaxoelaximil: “Xatis kaes pejme pachaems. Me-ama asew, Jesús pejwuaajan naexasiti, jachi-esal” —chiyaximil, nejchaxoelam wut. Puexa xanal Jesús pejwuaajan naewuajnaex, Dios nato'a xot. Dios puexa ampathatat ispi, japoxan, puexa xamalliajwa. ²² Xan Pablo, Apolosbej, Pedrobej, xanal Dios panto'apin, xamal naewuajnalijwan. Dios ampathat is amwutjel xamal duilaliajwam, asamatkoiyalianijwabej. Dios tapaeibej xamal asamatkoi tupaliajwam. Dios puexa japoxan tapaei ampathatat xamalliajwa. ²³ Xamal, Cristo pejiwam, isfulaxaelam Cristo nejxasinkpoxan. Cristo, Dios paxulan, japonbej isful pax Dios nejxasinkpoxan.

4

Nabistpoxan apóstoles

¹ Xamal nejchaxoelam wut, ¡nejchaxoelde xanalliajwa: “Pablo, asew jiwbej, paklochowa-el. Japi jiw, me-ama xatis, ja-aechi. Japi nabist Cristoliajwa. Japi naknaewuajan majt jiw matabija-elpoxan, Dios to'as xoti” —amde, nejchaxoelam wut xanalliajwa! ² Xamal chiekal matabijam. Aton nabist wut pejpaklonliajwa, japon chiekal isaxael puexa tato'laspoxan. ³ Xanbej isfulax, tajpaklon natato'alpoxan. Samata, xamal, asew jiw suapich, jumchiyaxaelam wut xanliajwa: “Pablo chiekal naewuajnafula-el jiw. Ispoxan chiekal isfula-elbejpon” —chiyaxaelam wut xanliajwa, xan japoxliajwa nejchaxoelaxinil. Isfulaxpoxanliajwa nejchaxoela-enilbej: “¿Xankat chiekal isfulax Dios natato'alpoxan? O, ¿xankat chiekal isfula-enil Dios natato'alpoxan?” —chi-enil, xan tajut nejchaxoelx wut. ⁴ Xan tajut matabijs-enil, babijax isx wut Diosliajwa,

nabistax wut japonliajwa. Xanfak tajut chiekal matabijs-enil, Dios chiekal naexasit wut, o, chiekal naexasis-enil wutbej. Asamatkoi Dios pajut chiekal xan najumchiyaxael japoxanliajwa. ⁵ Samata, xamal nabej nejchaxoele' asew jiwliajwa, nabisti Diosliajwa: “Japi chiekal nabich-el Dios to'aspox” —nabej aeche', nejchaxoelam wut! jAsbuan jumch wajpaklon Jesús wuaj nawesaxaelam pejme pasliajwasik! Jesús pask wut, japon pajut puexa jiw chiekal itpaeyaxael japi kaenanula ispoxanliajwa. Maliach ispoxanbej tulaela itpaeyaxaelon. Japon itpaeyaxaelbej, ma-aech xot jiw kaenanula japoxan is. Do jawux, Dios jumchiyaxael kaenanula jiwliajwa nabisti japonliajwa: “Xam diachwuajnakolax chiekal nabistam xanliajwa. Samata, xan xabich nejchachaemlax xamliajwa” —chiyaxael Dios kaenanula japi jiwliajwa.

⁶ Takoew, xan chiekal nanaewe'e tajutliajwa jumchiyaxaelenpox, Apolosliajwabej! Chiekal nanaewetam wut, xamal chiekal naexasi'e Dios pejjamechan, chajia lelspxo! Dios pejjamechan, chajia lelspxo, jum-aech wut, jum-aechox ampxo, fiat wut: “Jum-am wut, jnabej jum-aech': 'Ampon kaes pejme xabich pachaem. Me-ama asan aton, jachi-elon' —nabej aeche'!” —aech Dios pejjamechan. Samata, nejchaxoelam wut, jnabej nejchaxoele': “Ampon aton, Dios pejjamechan naewuajanpon, kaes pejme pachaem. Me-ama asan aton, Dios pejjamechan naewuajanpon, jachi-el japon aton” —nabej aeche', nejchaxoelam wut! ⁷ jAchankat xamal jum-aech: “Xamal kaes pachaemampim. Me-ama asew jiw, jachi-emilpim” —aechkat xamalliajwa? Xamal amwutjel nejewpoxan, japoxan, Dios xamal chaxduw. Dios xamal chaxduw wut, jma-aech xotkat japoxanliajwa jum-am, me-ama xamal najut chiekal faekam wut, ja-amkat?

⁸ Xamal asbuan jumch nejchaxoelam: “Xatis xabich matabijas Dios pejjamechan, asew jiw naknaewuajan xot. Samata, nakwewe'pa-el japi kaes naknaewuajnalijwa” —am xamal, nejchaxoelam wut. Xamal japox nejchaxoelam wut, diachwuajnakolaxa-el. Chiekal matabijam wut Dios pejjamechan, xamal, me-ama tajpaklochowam wut, jachiyaxaelam. Diachwuajnakolax Dios pejjamechan naexasiti pejpaklochowam wut, ja-am wut, xanal nejchachaemlaxaelen xamalliajwa. ⁹ Xan tajut nejchaxoelx: “Dios natapaei puexa xanal apóstolespin ampathatpijiw xanal nanejweslaliajwa. Japi jiw jum-aechbej: 'Xatis apóstoles beyaxaes' —aechi. Samata, puexa ampathatpijiw, Dios pej-ángelesbej, chiekal xanal natachaemapi taeliajwa jachiyaxaelpox xanalliajwa” —an xan, nejchaxoelx wut. ¹⁰ Asew jiw nejchaxoel xanalliajwa: “Japi Cristo pejjiw xot, nejliakla” —aechi xanalliajwa, nejchaxoel wut. Pe xamallax najutliajwa asbuan jumch nejchaxoelam wut, jum-am: “Xatis Cristo pejjiw xot, xabich matabijas” —am, nejchaxoelam wut. Nakaewa najum-ambej xanalliajwa: “Japi mamnika-el” —am xamal xanalliajwa. Xamallax najut nejchaxoelam wut, jum-am: “Xatis kaes pejme mamnikas” —am xamal. Asew jiw xanal nasitae-el. Pelaxi xamal japi jiw sitaen. ¹¹ Xanal jiw naewuajna x wut asapaklowaxanxot, nabijatax. Amwutjelbej nakiowa nabijatax. Xanal asamatkoi litaxaelax. Minsilabej. Nawejilbej chamoeyaxan chiekal naxoelajwanlejen. Jiw babilaxan isfalbej xanalliajwa. Tajbachan nawejilbej, xabich nanuamtax xot asatujncharlel. ¹² Asamatkoi xanal xabich damlax, xabich nabistax wut tejew wuajsliajwan. Asew jiw jum-aech babejjamechan xanalliajwa.

Ja-aech wut, xanallax Dios kawuajna x japi jiw Dios kajachawaesliajwas. Asew jiw babijaxan isful wut xanalliajwa, xanal talala-el japi jiwliajwa. ¹³ Asew jiw babejjamechan jum-aech wut xanalliajwa, xanallax jum-an chimiajamechan japi jiwliajwa. Asew jiwliajwa, xanal, me-ama xabich pachaema-elpoxan wut, ja-an japiliajwa. Pomatkoicha, hasta amwutjel, jasoxtat xanal duilafulax.

¹⁴ Xan ampox lelx wut, lela-enil xamal nadalaliajwa. Xanlax lelx ampox xamal naewuajnalialjwan. Xamal naewuajna x wut, me-ama taxikola naewuajna x wut, ja-an xamalliajwa, xamal nejxasinkax xot. ¹⁵ Xamal naewuajna x wut Jesús pejuajana, naexasitam japawuajana Dios xamal buweliajwa babijaxan isampoxanliajwa. Samata, xan, me-ama nej-axnan wut, ja-an xamalliajwa, Jesús pejuajana naewuajna x wut, naexasitam xot. Do jawux, Jesús pejuajana naexasitam wut, xabich asew jiw kaes xamal chanaekabuana chiekal matabijaliajwam. ¹⁶ Amwutjel xamal jum-an chiekal duilaliajwam. Me-ama xan xamalxot chiekal dukx wut, xamalbej ja-amde, duilam wut!

¹⁷ Samata, Timoteo to'ax xamal poxade, japon xamal naewuajnalialjwa, chiekal duilaliajwam, me-ama xan chiekal dukx, jachiliajwam. Xan Timoteo xabich nejxasinkax, chiekal naexasit xoton Jesús pejuajana. Samata, Timoteo, me-ama taxulan, jabuan-an. Timoteo xamal chapaeyaxael nejchaxoelaliajwam, ma-an xan, majt dukx wut xamalxot, Jesús pejuajana naexasitx xot. Me-ama xan potuajnuca naewuajna x, jachiyaxael Timoteo, xamalxot wut. ¹⁸ Asew jiw xamalxot pajut nejchaxoel: "Xatis kaes pejme pachaems, xabich matabijas xot. Samata, Pablo xatis bej naktaeyaxilbej kaes naknaewuajnalialjwa" — aech japi jiw, pajut nejchaxoel wut xanliajwa. ¹⁹ Pe nakiowa, Dios natapaei wut, kaematkoian sapich wut, xamal taeyaxaelen. Xan japi jiw tajut chiekal taeyaxaelen, matabijsliajwan, diachwuajnakolax japi jiw mamnik wut Espiritu Santo pijaxtat. Jachi-el wut, xan tajut chiekal matabijsaxaelen, japi jiw asbuan jumch pajut jum-aechpoxanka. ²⁰ Dios pejiw matabijaxaes, isful wut pachaempoxan, Dios kajachawaech xoti. Japi jiw asbuan jumch pajut jumdui-el isliajwa pachaempoxan. ²¹ Xamalxot patx wut, xamalxot nejxasinkam xan kastikaliajwan, xamal babijaxan isam xot? O, xamalxot nejxasinkam xan chiekal naewuajnalialjwan, xamal nejxasinkax xot?

5

Corinto paklowaxpijw, Jesús pejuajana naexasitixot, dukpox xabich babijax ispon

¹ Kaen aton xabich babijax is xamalxot, fit xoton pax pijow. Jiw, naexasis-eli Jesús pejuajana, jasox is-el, me-ama japox. ² Pe xamal japon aton fias-emil. Asbuan jumch xamal najutliajwa nejchaxoelam: "Xatis kaes pejme pachaems. Me-ama asew jiw, jachi-esal" — am xamal, nejchaxoelam wut. jJasox xamal nabej nejchaxoele! jXamal xabich nadalaxaelam japon atonliajwa! jXamal to'im japon aton chijiyaliajwa xamalxot, pejme kaxa-elaliajwapon! ³ Diachwuajnakolax amwutjel xan tajut xamalxota-enil. Pe nakiowa, nejchaxoelx wut, xan tajut, me-ama xamalxotx wut, ja-an. Matabijtax japon aton babijax ispon. Samata, xanliajwa japon aton wewe'pas kastikax. Xamal japon aton kastikaxaelam, xan jaxota-enil wut. ⁴ Xamal natamejlam wut jumchiliajwam

japon aton babijax ispoxlajwa, jawut xan nejchaxoelaxaelen xamalliajwa. Jawutbej wajpaklon Jesús xamal kajachawaesaxael chiekal matabijaliajwam, machiyaxaelam japon atonliajwa. ⁵ Japon, xabich babijax ispon, xamal to'impon chijiyaliajwa xamalxot, Satanás tato'laspi poxalijawapon! Jaxotde xabich nabijat wut, pajut chiekal nejchaxoelaxaelon. Ja-aech wut, japon pejme chiekal naexasisaxaelbej Jesús pejuwajan. Ja-aech wut, japon bu'weyaxaes asamatkoi, Jesús pejme pask wut.

⁶ Xamal najut nabej nejchaxoele': "Xatis kaes pejme pachaems. Me-ama asew jiw, jachi-esal" —nabej aeche', nejchaxoelam wut, japon, xabich babijax ispon, xamalxot duk xoton! Xamal chiekal matabijam. Aton babijax isful wut xamalxot, japon aton tabejsaxael puexa Jesús pejuwajan naexasiti. ⁷ Samata, japon aton, babijax isax nejxasinkpon, xamal chijiyax to'im tabejsasamatapon asew jiw xamalxot! Japon aton, me-ama padujpansap, levadura kitanialassap, ja-aech japon aton, babijax isax nejxasink xot. Pe xamal pajelnejchaxoelaxan, Jesús kajachawaet xot babijax isasamatam. Ja-am wut, Diosliajwa, me-ama pajelsap, levadura kitaniala-esal sap pan isliajwa, ja-am xamal. Cristo tup xot cruztat nakbu'welajwa babijaxan isaspoxanliajwa, Diosliajwa japon, me-ama wajan Cordero, Pascuafiesta wut boesaspon, jakitison. ⁸ Samata, xatis nejchachaemlas. Me-ama judíos nejchachaemil Pascuafiesta wut, jatisbej xatis. Judíos pelt padujpansapan, japasapan ajilaliajwa japixot. Jachiyaxaesbej xatis. Samata, majt babijaxan isaspoxan kofaxaes kaes is-elaliajwas babijaxan.

⁹ Majt asacarta xamalliajwa lelx wut, jaxot chiekal chanaekabuanax nachalasangamatam jiw, babijaxan isaxan nejxasinkpi suapich, asew watho' bu'moejsax nejxasinkpi suapichbej. ¹⁰ Naexasis-elpixot Jesús pejuwajan, asew watho' bu'moejt. Asew japixotbej, pejew wut, xabich nejpas-esal pejew. Xabich jumch kaesasiapi. Asew nejxasink natkowax. Asew nejxasinkbej ídolos kawuajna. Japacarta xato'ax wut, xato'a-enil xamal nadijaliajwam japi jiwxot. Jiw babijaxan ispi, japi pothata xajup. Samata, nakolaximil japi jiwxot. Japixot xamal nakolasiam wut, nakolaxaelam ampathatat. ¹¹ Xan chajia asacarta lelx wut, naewuajnasian amprox. Aton jum-aech wut: "Xan naexasitx Jesús pejuwajan" —aech wuton, pe japon aton nakiowa asew watho' bu'moejt wut, jasi jiw suapich, xamal nabej nanuams! Xamalxot asan aton pejew wut, japon aton nejpas-esal wutbej, xamalxot asan aton ídolo kawuajan wutbej, jasi jiw suapich, xamal nabej nanuams! Xamalxot asan aton jum-aechful wut babejjamechan asew jiwliajwa, xamalxot asan aton saxa feyax nejxasink wutbej, xamalxot asan aton nejxasink wutbej natkowax, jasi jiw suapich, xamal nabej nanuams! Jiw ja-aechpi, xamal tadut wut xaeliajwa, japi jiw suapichbej, nabej naxae'! ¹²⁻¹³ Dios xan natapael jumchiliajwan naexasis-elpiliajwa Jesús pejuwajan: "Ampi jiw, babijaxan is. Samata, japi xabich kastikaxaes" —chiliajwan. Dios pajut japox jumchiyaxael japiliajwa. Xabich kastikaxaesbejpi. Xamalxot-lax naexasiti Jesús pejuwajan babijax is wut, Dios tapaei xamal najut jumchiliajwam, chaemsliajwambej: "Ampi babijaxan is. Samata, xatis wajut japi kastikaxaes" —chiliajwam. Samata, ito'im japon aton xamalxot chijiyaliajwa, xabich babijax is xoton!

Wñajan chaemsaxaelpox, Jesús pejwñajan naexasiti wñajan wñt nakaewaliajwa

¹ Xamalxot asan babijax is wñt xamalliajwa, ijapon aton nabej buflae' juez poxade japox wñajan juez xamal wechaemsliajwa! Xamallax tadusaxaelam asew jiw, Jesús pejwñajan naexasiti, japi kajachawaesliajwa japox wñajan chaemsliajwam. ² Xamal chiekal matabijam. Cristo asamatkoi fuloek wñt, jawñt naexasichpis Jesús pejwñajan Dios naktapaeyaxael jumchiliajwas kaenanula naexasis-eli Jesús pejwñajan: “Xam babijaxan isam. Samata, Dios xam kastikaxael” —chiliajwas. Samata, xamal amwñtjel chiekal matabijam wñajan chaemsliajwam, asew jiw xamalxot pejbñwñajan wñt. Puexa japox chiekal tampa xamalliajwa. ³ Xamal chiekal matabijambej. Asamatkoi xatis jumchiyaxaesbej kaenanula asew ángeles, babijaxan ispi liajwa: “Xam nejbñwñajan Diosliajwa, babijaxan isam xot. Samata, Dios xam kastikaxael” —chiyaxaes. Samata, xatis amwñtjel matabijas wajut chaemsliajwas, wñajan wñt xatisxot. ⁴ Samata, xamalxot wñajan wñt, ¿ma-aech xotkat aton bu'folam juez poxade japon juez wñajan wechaemsliajwa? Japi juez, Jesús pejwñajan naexasis-el. Xamal fulaeyaximil juez poxade japox wñajan juez wechaemsliajwa. ⁵ Xamal japox jum-an nadalaliajwa. Xamalxot wñajan wñt, ¿xamalxotkat kaen aton ajil, chiekal matabijtpon wñajan chaemsliajwa? ⁶ Xamal Jesús pejwñajan naexasitam xot, kaen xamalxot babijax is wñt, ¡nabej buflae' juez poxade japon aton tasalaliajwam jaxotde!

⁷ Japon aton bu'folam wñt jueces poxade, japi jueces, Jesús pejwñajan naexasis-eli, japi wñltaen wñt japox, pachaemaxil xamalliajwa. Naexasis-elpi Jesús pejwñajan matabijaxael xamal chiekal duilaemilpox. Samata, ¡babijaxan ispon nabej buflae' juez poxade! Jelnaexasiti Jesús pejwñajan, babijaxan is wñt xamalliajwa, kaes pachaem tapaeliajwam japi japoxan isliajwa. Japi nejew natkowa wñt, tapaeyaxaelam natkowaliajwa. ⁸ ¡Pelax xamal babijaxan isfulam nakaewaliajwa! ¡Wenatkowambej asew jiw, naexasiti Jesús pejwñajan!

⁹⁻¹⁰ ¡Xamal najut nabej naekichachajbe! Xamal chiekal matabijam, babijaxan ispi, japi duilaxil Diosxotse. Samata, ¡nabej is pachaemalpoخان, najut isasiampoxan! Poejiw, asew watho' bu'moejtpi, japibej duilaxil Diosxotse. Jiw ídolos kawñajanpi, japibej duilaxil Diosxotse. Pejwatho'pi, asew watho' naebu'moejtpi, japibej duilaxil Diosxotse. Nakaepoejwa nabu'moejtpi, japibej duilaxil Diosxotse. Jiw kithakabej, duilaxil jaxotse. Jiw pejew wñt, jumch xabich kaesasiapi, japibej duilaxil jaxotse. Saxa femaenkpi, japibej duilaxil Diosxotse. Jiw, buxwñajanmaenkpi, japibej duilaxil Diosxotse. Asew jiw, naekichachajbapi wenosliajwa asew jiw pejew, japibej duilaxil Diosxotse. ¹¹ Asew jiw xamalxot majt babijaxan isful. Pe amwñtjel, japi is-el babijaxan, Dios webeltaens xot babijaxan ispoخانliajwa, Jesucristo tup xot cruztat japiliajwa. Diosliajwa japi jiw pachaemlisi. Samata, japi Dios pejjiw. Espíritu Santobej kajachawaech naexasisliajwapi Dios.

Isaxilpox babijax Jesús pejwñajan naexasiti

¹² Asew jiw jum-aech: “Amwñtjel xan na-it-ele-el majt nafiatpox. Samata, isasianpoxan isaxaelen” —aechi. Pe xatis puexa isasiaspoxan

isas wut, chiekal duilaxisal Diosliajwa. Diachwajnakolax xan na-it-ele-el puexa isasianpoxan isliajwan. Pe xan tajut natapeayaxinil tajne-jchaxoelax natato'laliajwa babijaxan isliajwan, japox babijax, me-ama tajpaklon wut, jachiliajwan. ¹³ Asew jiw jum-aech wutbej: "Naxaeyaxan tajwoejtliajwa. Tajwoejtbej naxaeyaxanliajwa" —aech wuti, japi jum-aechpox, diachwajnakolax. Pe Dios asamatkoi toesaxael naxaeyaxan, wajwoejanbej. Dios nak-is-el asew watho' bu'moejsliajwas. Dios nak-is japon tanbichliajwas. Dios nakkajachawaetbej xatis chiekal mam-nikaliajwas. ¹⁴ Wajpaklon Jesús tɔp wut cruztat, Dios mat-echpon pejme dukaliajwa. Asamatkoi xatisbej Dios nakmat-eyaxael pejme duilaliajwas.

¹⁵ ¡Xamal matabijaxaelam, xatis kaenanula Cristo pejiws xot, me-ama Cristo pejbu't wut, jatis! Samata, asew watho' bu'moejsaxial, plata kanapi poejiw bu'moejsaxtat. ¹⁶ ¡Xamalbej matabijaxaelam, kaen aton japow bu'moejt wut, japi, me-ama kaen wut, ja-aechlisi! Dios pejjamechan, chajia lelspx, jum-aech wut, jum-aechox japoxliajwa: "Japi kolenje, me-ama kaen wut, ja-aechlisi" —aechox. ¹⁷ Naexasitpon Cristo pejwajjan, japon, Cristo sɔapich. Japi, me-ama kaen wut, ja-aechi Diosliajwa.

¹⁸ Samata, jnabej bu'moejs asew watho'! Nejmachbabijaxan jiw is wut, pejbu'an tabejs-esal. Pe nakiowa, aton asew watho' bu'moejt wut, japon aton pajut natabejt Diosliajwa. ¹⁹ ¡Xamalbej matabijaxaelam! ¡Xamal Diosliajwa, me-ama Espiritu Santo pejtemploba wut, ja-am, Espiritu Santo duk xot nejmatpɔatanxot! Pe Dios to'a Espiritu Santo dukaliajwa xamal nejmatpɔatanxot. Nejbu'anbej xamal najutliajwa-el isliajwam babijaxan. ²⁰ Xamal Dios wɔajt. Cristo tɔp wut cruztat, japon mot xamal babijaxan isampoxanliajwa. Samata, jkaes babijaxan nabej is! Babijaxan is-emil wut, jiw sitaeyaxael Dios.

7

Pablo naewajjanpox Jesús pejwajjan naexasiti nakjiyaxliajwa

¹ Majt xamal carta xato'am wut xanliajwa, japacartaxot nawajnachaehtam nakjiyaxliajwa. Amwut nawajnachaehtampoxliajwa amxot lelaxaelen xamal chiekal chanaekabɔanaliajwan nakjiyax. Kaes pejme pachaem, aton tamach laejaliajwa, pawis fis-elaliajwa. ² Pe poejiw xabich asew watho' bu'moejt xot, jasox isasamata, kaes pejme pachaem kaenanula poejiw nakjiyaliajwa, kaenanula watho'bej nakjiyaliajwa, asbuɔan jumch asew poejiw bu'moejsasamata watho'. ³ Kaenanula poejiw chiekal laelpaxael pijowxot. Jachiyaxaelbej kaenanula watho'. Chiekal laelpaxaeli pamalxot. ⁴ Kaenanula watho' pamalpi, japi watho' pajutliajwa-el pejbu'an. Japi pejbu'an pamaliajwa. Jachiyaxaelbej poejiw pejwatho'pi. Japi poejiw pejbu'an pajutliajwa-el. Japi pejbu'an pijowliajwa. ⁵ Samata, xamal, watho'am, jnabej nejwesle' kaeyaxtat moejsliajwam, nejmol sɔapich! Xamal poejwam, jja-amdebej! Pelax xamal, nijow sɔapich, kaenejchaxoelaxam wut Dios piach kawajnalijwam, jawut kaeyaxtat nabej moej, nijow sɔapich! Jachiyaxaelam asax nejchaxoelasamatam, piach Dios kawajnalijwam wut. Dios kawajnajax buxttoetam wut, nijow sɔapich, pejme kaeyaxtaxaelam. Jasox isaxaelam xamal babijaxan isasamatam, Satanás naekichachajbasamata xamal.

⁶ Xan ampox lelx wut, to'a-enil puexa xamal nakjiyalajwam. Pe ampox xan lelx xamal chiekal matabijalajwam. Nakjiyasiam wut, ¡nakjiyim!
⁷ Nejaxasinkax xamalbej tamach laelpalajwam, me-ama xan pawis fis-enil, jachilajwam. Dios kaenanula jiw kajachawaet duilalajwa, me-ama Dios nejaxasink. Samata, asew jiw nakjiyaxael. Asew nakjiyaxil.

⁸ Xamal poejwam tamach laelpampim, xamal watho'am tamach laelpampimbej, xamal watho'am nejmol naetupimbej, puexa xamallajwa jum-an ampox. Pachaem nakjiya-elalajwam, me-ama xan, jachilajwam. ⁹ Pe xamal boejtaliasaximil wut, ¡nakjiyim, kaes nejchaxoelasamatam asaxan isaxan, japow swapich!

¹⁰ Xamal, nakjiyampim, jumchiyaxaelen. Japox tajnejchaxoelaxael. Pe japox, Dios nejchaxoelpox, jumchiyaxaelen. Xamal watho'am, ¡nabej pels nejmol! ¹¹ Pawis pamal fo'apow, japow asan aton fisaxil. O, japow nospaeyaxael, pamal swapich, pejme nawoeyalajwa, chiekal pachaemalajwapi. Poejiwbej pelsaxil pejwatho'jiw.

¹² Asew jiw, xamalxotpijiw, xan japi jumchiyaxaelen tajut nejchaxoelpox nakjiyaxliajwa. Japox wajpaklon Jesús nabuxto'a-el. Jesús pejwuajan naexasitpon, japon pijow, Jesús pejwuajan naexasis-elpow wut, pe pijow nejaxasink wut laejalajwa pamalxot, ja-aech wut, japon aton fo'axil pijow. ¹³ Jesús pejwuajan naexasitpow, japow pamal, naexasis-elpon wut Jesús pejwuajan, pe japon nejaxasink wut laejalajwa pijowxot, ja-aech wut, japow fo'axil pamal. ¹⁴ Naexasis-elpon Jesús pejwuajan, japon aton Dios kajachawaesaxaes pijow pijaxtat. Pawisbej, naexasis-elpow wut Jesús pejwuajan, japow Dios kajachawaesaxaes pamal pijaxtat. Do ja-aech wut, japi paxibej Dios kajachawaesaxaes. Dios kajachawaes-el wut, japi paxi, me-ama asew, Jesús pejwuajan naexasis-eli paxi wut, jachiyaxael japi paxi. ¹⁵ Pawis, Jesús pejwuajan naexasitpow, japow pamal, naexasis-elpon wut Jesús pejwuajan, japon aton pijow fo'asia wut, ¡nej fo'epon pijow, japow tamach laejalajwa! Atonbej, Jesús pejwuajan naexasitpon, japon pijow, Jesús pejwuajan naexasis-elpow wut, japow fo'asia wut pamal, ¡nej fo'epow pamal, japon aton tamach laejalajwa! Dios jasox nejaxasink xamal chiekal duilalajwam wuajanjilaxtat. ¹⁶ Xamal watho'am, kaenanula nejmol, naexasis-elpon wut Jesús pejwuajan, xamal chiekal laelpam wut, nejmol swapich, ja-am wut, nejmol bej naexasisaxaelbej Jesús pejwuajan. Xamal poejwambej, kaenanula nijow, naexasis-elpow wut Jesús pejwuajan, xamal chiekal laelpam wut, nijow swapich, ja-aech wut, nijow bej naexasisaxaelbej Jesús pejwuajan.

¹⁷ Ma akasestat xamal iduilamdo' naexasis-emil wutfuk Jesús pejwuajan, ¡do jaxot xamal nakiowa duilafalde! Ma akasestat xamal inabistamdo' naexasis-emil wutfuk Jesús pejwuajan, ¡do japabichaxan nabichfalde! Japox xan potuajnucha naewuajnx naexasiti Jesús pejwuajan. ¹⁸ Jesús pejwuajan naexasitpon, circuncidas wut Dios pejmarkaxliajwa, japon nejxaejwaxisal circuncidaspoxliajwa. Asan Jesús pejwuajan naexasit wut, japon circuncida-esal wut, ¡japon kito'axil circuncidaliajwas! ¹⁹ Circuncidax, o, circuncida-elpoxbej, japoxan koloeyaxanxot, Diosliajwa kaes asax pejme pachaema-el. Japoxan koloeyax chiekal najup. Kaes pejme pachaempox naexasisliajwas Dios tato'alpox. ²⁰ Jesús pejwuajan naexasiti kaenanula ma iduildo', do jaxot duilafalaxaeli. Ma japi inabistdo' akasestat naexasis-el wutfuk Jesús

pejwɔajan, do japoxan japi nabichfulaxael. ²¹ Asew jiw xamalxot esclavospi. Naexasit wɔti Jesús pejwɔajan, japi nej nechaxoela-ele' nalech nabistpoxliajwa paklochowliajwa! ¡Nejmach chiekal nej nabichpi nabistxot! Japi pejmatkoi wepach wɔt nakolaliajwa, jnej nakole paklochowxot! ²² Kaen esclavo naexasit wɔt wajpaklon Jesús pejwɔajan, japon Jesús pamakan. Pe japon, esclavo-el wɔt, ja-aechbejpon. Japon nabist wɔt paklonliajwa, jawɔtbej, me-ama nabiston Jesúsliajwa. Aton, esclavo-elpon, naexasit wɔt Jesús pejwɔajan, japon aton Cristo pej-esclavo wɔt, ja-aechon. ²³ Dios xamal wɔajt wɔt, moton xabich ommaeyaxtat. Samata, asew jiw tato'al wɔt babijaxan isliajwam, jxamal nabej is japoxan! ²⁴ Samata, Jesús pejwɔajan naexasitampim, kaenanɔla duilamxot, jdo jaxot xamal duilafalde! Nabistampox, jjaxoxbej nabichfalde! Xamal kaenanɔla ja-am wɔt, Dios kajachawaesaxael.

²⁵ Xamal nakjiya-emilpim, naewɔajnaxaelen nakjiyaxliajwa, majt nawɔajnachaemtampox. Wajpaklon Jesús nabɔxto'a-el japox xamal naewɔajnalialjwan. Pe xan tajut nechaxoelxprox xamal jumchiyaxaelen. Dios nabeltaen xot, natapaei japon pejjamechan jiw naewɔajnalialjwan. Samata, xamal naewɔajnaxaelen. ²⁶ Xatis amwɔtjel duilafalas pachaema-elmatkoiyantat. Samata, xan nechaxoelx: “Kaes pejme pachaem, nakjiya-esal wɔt tamach laelpaliajwas” —an, nechaxoelx wɔt. ²⁷ Samata, xamal poejwam kaenanɔla nijow wɔt, j nabej fo'e! ¡Chiekal kaelel bu'laelpde nejwatho'! Xamal poejwam, nakjiya-emil wɔtfuk, jnabej wɔlweke' watho' nakjiyalialjwam! ²⁸ Fitam wɔt nijow, japox chaemila-el. Pansiawbej fit wɔt pamal, japoxbej chaemila-el. Pe nakjiyapi, japi jiwliajwa asamatkoi xabich tampoelaxael wewe'paspoخانliajwa. Samata, xan nejxasinkax jumchiliajwan, xamal poejwam kaenanɔla watho' notam wɔt bunbijasasamatam.

²⁹ Takoew, xan nejxasinkax xamal jumchiliajwan ampox. Matkoiyan xabich xatis nakwewe'pa-el laelpaliajwas. Samata, pejwatho'pi, japibej wajpaklon Diosliajwa xabich nabichaxael. Me-ama tamach laelpi xabich nabist Diosliajwa, jachiyaxaelbej pejwatho'pi. ³⁰ Puexa jiw nejchaxoelaxael nabichliajwa Dios pijax bichax. Jiw wetɔps wɔt pejjiw, xabich nejxaejwas wɔtbej, xabich nabichaxaelpi Dios pijax bichax. Nejxaejwaxkal japi boejxatataeyaxil. Jiw nejchachaemilpi, japibej xabich nabichaxael Dios pijax bichax, me-ama nejchachaemla-el wɔt, jachiliajwapi. Jiw pejew wɔt, japibej pasiowlaxil pejew. Japibej xabich nabichaxael Diosliajwa. ³¹ Pejew xabich mowapi, pejew mowa wɔt, japi jiw nejchaxoelaxil pajutliajwakal. Japibej Diosliajwa xabich nabichaxael, asamatkoi puexa ampathat chiekal toepaxael xot. Samata, puexa jiw pejewkalliajwa xabich nejchaxoelaxil.

³² Xan nejxasinkax xamal nejchaxoela-elaliajwam ampathatpijxan. Pawis fis-elpon, japon nejchaxoelafal nabichliajwa wajpaklon Dios pejbichax, Dios nejchachaemlaliajwa japon atonliajwa. ³³ Pijowponlax nejchaxoel ampathatpijxan. Nejchaxoelbejpon puexa isliajwa pijow chiekal nejchachaemlaliajwa japonliajwa. ³⁴ Pawis, pamal fis-elpow, japow nejchaxoel wajpaklon pijax bichax. Japow nejchaxoel Dios tanbichliajwa. Pawis, pamalpowlax, japow nejchaxoel ampathatpijxan. Nejchaxoelbejpow puexa isliajwa pamal chiekal nejchachaemlaliajwa japowliajwa.

³⁵ Japox jum-an wut, xamal fias-enil nakjiyasamatam. Pe japox jum-an xamal naewuajnalijwan chiekal nejchaxoelaliajwam. Nejxasinkax xamal chiekal duilaliajwam. Nejxasinkaxbej puexa xamal chiekal tanbichliajwam wajpaklon Dios.

³⁶ Aton chajia jumdut wut pawis fisliajwa, japow chiekal ti't wut, japon aton nejchaxoel: "Xan japow fitx wut, japox pachaemaxael xanliajwa" —aechon, nejchaxoel wut. Ja-aech wut, japon aton japow pawis fisaxael. Japox chaemila-el. ³⁷ Asan aton jum-aech wut: "Xan pawis fisaxinil" —aech wuton, nejchaxoel wut, japox pachaem japonliajwa. ³⁸ Samata, aton fit wut jumdutpow, japox chiekal pachaem japon atonliajwa. Asan-lax, pawis fis-el wut, japon atonliajwa japox kaes pejme pachaem.

³⁹ Pamal laeja wut, japow pamalxotaxael. Fisaxilow asan. Jasox jum-aech Dios pejjamechan, chajia lelspx. Pelax pamal tap wut, ja-aech wut, pachaem japow asan fisliajwa. Japow fisaxael Jesús pejwuajan naexasitpon. ⁴⁰ Xan nejchaxoelx: "Pamal naetupspow, asan fis-el wut, ja-aech wut, kaes pejme nejchachaemlaxael japow" —an, xan nejchaxoelx wut. Xan jasox nejchaxoelx, Espíritu Santo nakajachawaet xot.

8

Choef xua'atpox ídolos-ofrendaliajwa, japawi nama wut, asew jiw xael

¹ Majt xamal carta xato'am wut xanliajwa, nawuajnachaemtam: "¿Choef xua'taspi ídolos-ofrendaliajwa, japawi naman wut, pachaemkat xaeliajwas?" —na-am xamal, nawuajnachaemtam wut. Asew, naexasiti Jesús pejwuajan, japawi xaeliajwa nejxasinka-el. Puexa xatis chiekal matabijas japawi pachaempox xaeliajwas. Pe nejchaxoels wut: "Xatis kaes pejme chiekal matabijas. Me-ama asew, Jesús pejwuajan naexasiti, xae-elpi japawi, xatis jachi-esal" —tis wut, nejchaxoels wut, japonejchaxoelax pachaemaxil. Samata, nejchaxoelaxisal japox. Kaes pachaem, nejchaxoelaliajwas: "Xatis nejxasinkas japi jiw, xae-elpi japawi. Samata, xatis xaeyaxisal japawi japi jiw nakkaechataesamata" —chiyaxaes, nejchaxoels wut. Jatis wut, xatis japi jiw kajachawaesaxaes chiekal naexasisliawapi Dios. ² Aton pajut nejchaxoelpon: "Xan japox-anliajwa puexa chiekal matabijtax" —aech wuton, japon aton pajut nanaekichachajba. Japon wewe'pas puexa kaes chiekal matabijsliawja. ³ Dios nejxasinkpon, japon aton Dios matabijtas.

⁴ Xatis chiekal matabijas. Ídolos chinax pachaema-el, asbuan jumch japoxan ídolos xot. Puexa ídolos, japoxan Dios-el. Kaen Dios athuxotse duk. Jiw choef xua'at wut ídolos-ofrendaliajwa, japox ofrenda asaxliajwa chinax pachaema-elbej. ⁵ Jiw chiekal matabija-el. Samata, asbuan jumch jum-aechi: "Ampathatat xabich maenk dioses, athuxotsebej" —aechi. ⁶ Pelax xatis chiekal matabijas. Kaen waj-ax Dios. Do japon chiekal kaekolan. Do kaes asan Dios ajil, me-ama Dios, jason. Dios puexa is xatis duilaliajwas, japon nejxasinkpoxan isliawjas. Chiekal matabijasbej. Kaen, wajpaklon Jesucristo. Japon Dios to'as puexa isliawja. Japon nakkajachawaet xot, laelpas ampathatat.

⁷ Puexa naexasiti Jesús pejwuajan, japi chiekal matabija-el ídolos chinax pachaema-elpox asaxliajwa. Asew jiw japixot majt ídolos kawuajan. Amwutjel japi jiw chiekal Dios xanaboeja-elfuki. Samata, japi jiw xael wut namanwi, ídolos-ofrendaliajwawi, japi jiw nejchaxoel: "Xatis japawi xaes xot, isas pachaema-elpox" —aechi, nejchaxoel wut. ⁸ Xatis chiekal

matabijas. Jiw choef xua'at wut ídolos-ofrendaliajwa, japawi xaes wut, o, xae-esal wutbej, Diosliajwa japoxan koloeyaxan chiekal pachaem. ⁹ Pachaem xatis japawi xaeliajwas. ¡Pe chiekal taeyaxaes! Asew, naexasiti Jesús pejwñajan, jum-aech wut: “Dios nejxasinka-el japawi xaeliajwas” —aech wuti, ja-aech wut, ¡nabej xae' japawi! Xamal kaechataen wuti, ja-aech wut, japibej xaeyaxaelbej japawi. Xael wuti, kaenanula nejchaxoelaxaeli: “Xan babijax isx Diosliajwa” —chiyaxaeli, nejchaxoel wut. Jasox japi nejchaxoelaxael, chiekal xanaboeja-el xotfaki Dios. ¹⁰ ¡Xamal nabej xae' japawi, ídolos pejtemplobaxoti! Xamal chiekal matabijam. Xaelam wut japawi, japox chaemila-el. Pe nakiowa, xaelam wut, asan Jesús pejwñajan naexasitpon, japon chiekal Dios xanaboejs-el wutfuk, xamal kaechataen wuton, ja-aech wut, japon aton bej xaeyaxaelbej japawi. Ja-aech wut, japon aton japawi xael wut, nejchaxoelaxaelon: “Xan babijax isx Diosliajwa, xaelx xot japawi” —chiyaxaelon, nejchaxoel wut. ¹¹⁻¹² Xamal chiekal matabijam, japawi pachaem jiw xaeliajwa. Japawi xaelam wut, ja-am wut, asew jiw, chiekal xanaboeja-el pifak Dios, japibej xaeyaxael japawi. Samata, kaes pejme pachaem xamal xae-elaliajwam japawi, japi jiwbej xaesamata japawi. Xamalkalliajwa Cristo tupa-el. Japiliajwabej Cristo tupa. Xamal xaeyaxaelam wut japawi, japibej xaeyaxael wut, ja-aech wut, japi nejchaxoelaxael: “Xan isx babijax Diosliajwa” —chiyaxaeli, nejchaxoel wut. Ja-aech wut, xamal isaxaelam babijax Cristoliajwa. ¹³ Samata, xan nejchaxoelx: “Xan xaelx wut japawi, asew jiw, naexasiti Jesús pejwñajan, xaeyaxaelbej japawi. Do jawux, japi nejchaxoelaxael: ‘Xan Diosliajwa babijax isx, xaelx xot japawi’ —chiyaxaeli, nejchaxoel wut” —an xan, nejchaxoelx wut. Samata, kaes pejme pachaem xan japawi xae-elaliajwan, asew naexasiti Jesús pejwñajan xaesamatabej japawi.

9

Dios tapaeipox apóstoles wuljoeliajwa Jesús pejwñajan naexasiti, japi wewe'paspoxanliajwa

¹ Cristo xan namakafit apóstolliajwan. Japonbej xan nato'a jiw naewñajnalijwan, me-ama asew apóstoles, jachiliajwan. Xanbej tajut chiekal taenx wajpaklon Jesús. Xamal naewñajnax japon pejwñajan. Samata, xamal chiekal naexasitam japon pejwñajan. ² Asew jiw nakaewa najum-aech xanliajwa: “Pablo Jesucristo pej-apóstola-el” —na-aechi. Xamallax matabijam diachwñajnakolax xan Jesucristo pej-apóstolan. Naewñajnax wut Jesús pejwñajan, xamalbej naexasitam. Samata, xamal najut chiekal matabijam diachwñajnakolax xan Jesucristo pej-apóstolan.

³ Xan ampox lelaxaelen, asew jiw jum-aech xot asaxan xanliajwa. ⁴ Xanal apóstoles, Jesús pejjiwan, Dios tanbistax xot, japon xanal nata-paei xamal nachaxduilliajwam naxaeyaxan. ⁵ Xan tajow fitx wut, Jesús pejwñajan naexasitpow, xanbej tajow bñflaeyaxaelen, jiw naewñajnax wut Jesús pejwñajan. Me-ama asew apóstoles, Pedrobej, wajpaklon Jesús pakoewbej, japi bñ'nanñamt pejwatho', jiw naewñajan wuti Jesús pejwñajan, xanbej jachiyaxaelen, tajow fitx wut. ⁶ Asew, naexasiti Jesús pejwñajan, xamal naewñajan wuti Cristo pejwñajan, japi naxaeyaxan wewe'pas wut, xamal kajachawaetam. Xanlax, Bernabe sñapich, tajut nabistax. Xanal koewan ja-anlapax, xamal nakajachawaesamatam.

7 Xamal chiekal matabijam. Aton nabist wut, japon moch pajut naxaeyaxan wuajsliajwa. Soldaw-atonbej pejpaklon chaxduws naxaeyaxan japon xaeliajwa. Nabistponbej uvalul pejpaklonliajwa, japon aton kaechtapaeis kaesapich uva xaeliajwa. Asanbej, oveja tataefulpon, japonbej pejpaklon kaechafias-esal, leche sae'a wut mat-uffeliajwa. 8-9 Nejchaxoelam wut, inabej nejchaxoele': "Pablo pajut pejnechaxoelax-tat japox faen jumchiliajwa" —nabej aeche', nejchaxoelam wut! Moisés chajia lelpox jum-aech: "Woei xanbistam wut trigo matbokanaliajwa, jwoei bozal nabej kaechxoele' trigo xaeliajwa!" —aechox. Moisés chajia lelpox woeliliajwakal japox lela-elon. 10 Moisés chajia lelpox nakjum-aech xatis chiekal matabijaliajwas, naktanbistpi chiekal mosliajwas. Sat xawawakanpon paklonliajwa trigo pelaliajwa, nabist wut, nejchaxoelon: "Asamatkoi trigo foel wut, tajpaklon kaesapich trigo nachaxdusaxael namosliajwa tanbistaxpox" —aechon, nejchaxoel wut. Trigo matbokanpi nejchaxoelbej: "Trigo matboknax kitoetx wut, tajpaklon kaesapich trigo nachaxdusaxael" —aechi, nejchaxoel wut. Do jawax, kaenanula chaxduwspi, trigo matboknax toet wut. 11 Xamal naewuajnax wut Jesús pejwuajan, ja-an wut, japawuajan, me-ama muthax nejmatpuatanxot. Samata, pachaem xamal xanal nakajachawaesliajwam, nawewe'p wut. 12 Xamal kajachawaetam asew, japi xamal naewuajan wut Jesús pejwuajan. Kaes pejme pachaemaxael xanal matxoela nachaxduiliajwam, japi chaxdui-emil wutfuk japoxan.

Dios natapaei xanal japoxan xamal nachaxduiliajwam, Jesús pejwuajan naewuajnax wut. Pe nakiowa, xamal wuljoe-enil nachaxduiliajwam. Xanallax tajut nabistax natataeflialiajwan. Xanal wuljowx wut, xamal nejchaxoelam wut, asax nejchaxoelaxaelam xanalliajwa. Ja-an wut, xamal naexaxisaximil naewuajnaxpox Jesús pejwuajan. 13 Xamal chiekal matabijam. Dios pejtemplobatat nabistpi, japi xaeyaxael naxaeyaxan, Dios pej-ofrendapi. Altarxot nabistpi, japi choef xua'at wut Dios pej-ofrendaliajwa, japibej xaeyaxael japawi, wediajkaswi japiliajwa. 14 Ja-aechbej, asew Jesucristo pejwuajan naewuajan wut. Wajpaklon Jesucristo japi tapaeis chaxduiliajwas, naxaeyaxan wewe'pas wuti. 15 Xanbej wajpaklon Jesucristo natapaei xamal nakajachawaesliajwam, naxaeyaxan nawewe'p wut. Pe nakiowa, xamal wuljoe-enil nakajachawaesliajwam. Ampacarta lela-enilbej xamal wuljoeliajwan kajachawaesax. Xan nejxasinka-enil xamal wuljoeliajwan naxaeyaxan xan xaeliajwan. Xanliajwa, kaes pejme pachaem tajlit tupaliajwan.

16 Xan asew Jesús pejwuajan naewuajnax wut Dios bu'weliajwas, nejchaxoelx wut, nejchaxoela-enil: "Xan kaes pejme pachaeman. Me-ama asew jiw, jachi-enil" —chi-enil, nejchaxoelx wut. Wajpaklon Jesucristo nato'a jiw naewuajnalialiajwan japon pejwuajan. Japawuajan jiw naewuajnaxinil wut, asamatkoi Dios wuajnalelan wut, japox xabich pachaemaxil xanliajwa. 17 Xan tajut tajaxtat naewuajnax wut, ja-an wut, wuajnawesaxaelen jiw xan namosliajwa. Pe xan tajut tajaxtat naewuajna-enil japawuajan. Xan jiw naewuajnafulax japawuajan, wajpaklon Dios nato'a xot. 18 Dios natapaei xan jiw namosliajwa, naewuajnax wut. Pe nakiowa, xan jiw naewuajnax wut Jesús pejwuajan japi Dios bu'weliajwas, xan mat-omwuljoe-enil. Nejchachaemlax wut, japox nejchachaemlax, me-ama xan jiw namot wut, ja-an.

¹⁹ Xan esclavo-enil. Malech nabistpona-enil puexa jiwliajwa. Pe nakiowa, me-ama esclavo wut, ja-an. Puexa jiw malech naewhajna x Cristo pejwajjan japi jiw naexasisliajwa. ²⁰ Diachwajnakolax xan nawewe'pa-el naexasisliajwan Moisés chajia lelpox, naexasitx xot Jesucristo pejwajjan. Pe xan judíosxotx wut, me-ama Moisés chajia lelpox naexasitx wut, ja-an, japi judíosbej naexasisliajwa Cristo pejwajjan. ²¹ Judíos-elpi Moisés chajia lelpox naexasis-el. Samata, xan japixotx wutbej, Moisés chajia lelpox naexasis-enil wut, ja-an judíos-elpibej naexasisliajwa Cristo pejwajjan. Ja-an wut, xan kofs-enil Dios pej-jamechan naexasitxpxox. Naexasisfulax, me-ama wajpaklon Jesucristo nato'a. ²² Jiw, jelnaexasiti Jesús pejwajjan, japi chiekal xanaboeja-elfuk Dios. Samata, xan japixotx wut, me-ama japi, ja-an, japibej chiekal naexasisliajwa Cristo pejwajjan. Xan puexa jiw naewhajna x wut, isfulax, me-ama japi, japibej chiekal naexasisliajwa Jesús pejwajjan Dios bu'weliawasbejpi. ²³ Xan ja-an japixotx wut, puexa jiw chiekal naexasisliajwa Cristo pejwajjan Dios bu'weliawas. Samata, Dios xan nakajachawaesaxael wut, kajachawaesaxaelbejon japi jiw, me-ama Dios chajia jum-aech kajachawaesliajwa.

²⁴ Xamal chiekal matabijam, puexa jiw xabich dukp kanaliajwa premio. Pe japixot kaen, matxoelapatpon, japon premio kana. Xamalbej jam, Diosliajwa xabich nabistam wut. ²⁵ Dukpaxaelpi premio kanaliajwa, kaenanala chiekal nejchaxoel xabich najaesliajwa, me-ama asew, jachelialiajwa. Samata, dukpaxaelpi pajut chiekal natataeful kanaliajwa premio, nuf-ufcorona. Japox corona piachliajwa-el, selnaxaes xotx. Xatis Diosliajwa xabich nabistas kanaliajwas Dios pijax premio. Japox premiolax pomatkoichaliajwa. ²⁶ Me-ama aton matnoch xabich najaet markasxot pasliajwa, xan jachiyaxaelen. Puexa tajpamamaxtat isaxaelen. Me-ama wajpaklon Dios nato'a, jachiyaxaelen. Ja-an wut, japonliajwa tanbistaxpoxan, kaeyax, nawenafo'axil. ²⁷ Samata, tajut chiekal natataeful babijax isasamatan. Jasox isx tajpaklon, Jesús, nejchachaemlaliajwa, xan jiw naewhajna x wut japon pejwajjan. Asew naewhajna x wut Jesús pejwajjan, japamatkoiyan xan chiekal duka-enil wut, Dios pajut xan nato'axael kofsliajwan japon pijax bichax.

10

Pablo fiatpox Corinto paklowaxpijiw ídolos kawhajnasamata

¹ Takoew, xan naewhajna xamal nejkiowasamatan. Wajwajnapijiw nakola wuti Egipto tujajna xot, japi fulafol Moisés. Jawut itloejen athu dukaful japi pejwajnalel. Samata, japi japox, itloejen, fulafol. Do jawut, Dios japi kajachawaech likaliajwapi Mar Rojo. ² Jiw bautisas wut, bautisas mintat. Ja-aech wut, japi Dios pejjiw. Jatislap-is wajwajnapijiw, fulafol wuti itloejen, Moisés swapich. Fulaechbejpi Mar Rojo poxade, min najupanadijan poxade, likaliajwa we-enlelde. Ja-aech wut, puexa israelitas Diosliajwa, me-ama bautisas wut, ja-aechi. Ja-aech wut, japi jiw Dios pejjiwlisi. ³ Japibej kaeyax naxaeyax xael pomatkoicha, Moisés swapich. Pejnaxaeyax fulaloeka athulelsik. ⁴ Puexa japibej kaemin afpi, Dios chaxduchmin, nakolamin ia'botxot. Samata, japa-ia'bot, Cristo wut, ja-aech, israelitas wia xot, tujasia wuti minsit. ⁵ Pe nakiowa, xabich jiw japixot is Dios nejxasinka-elpoxan. Samata, japi xabich tuj, pajilaxtat wuti.

6 Puexa israelitas japox wejatis, xatisbej isasamatas babijaxan. 7 Samata, ¡xamal nabej kawuajne' ídolos! Me-ama asew tajwujnapijiw, ¡nabej ja-aeché' xamal! Dios pejjamechan, chajia lelspx, jum-aech wut, jum-aechox japiliajwa: “Jiw is wut fiesta ídolosliajwa, chalax xaeliajwa, feliajwabej. Do jawux, kaechoel wut, nanapi nababoelaliajwa” —aechox. 8 ¡Xatis nabej bu'moejstis asew watho'! Me-ama asew tajwujnapijiw, ¡nabej jachitis! Tajwujnapijiw japox is wut, kaematkoi tap veintitrés mil jiw, Dios kastikas xoti. 9 Me-ama asew tajwujnapijiw, japi is babijaxan Dios palalaliajwa, xatislax japox jachiyaxisal. Tajwujnapijiw asbuan jumch babijax is wut, japixot xabich jom liklas. Do jawut, chatapbejpi jom liklaspoxan. 10 Asew tajwujnapijiw jum-aech babejjamechan Diosliajwa. Ja-aech wut, Dios to'a ángel japi beliajwas. Samata, ¡xamalbej nabej jum-aeché' babejjamechan Diosliajwa!

11 Tajwujnapijiw japoxan wejatis, xatis wachakalpijwasbej nejchaxoelasamatas babijaxan isliajwas. Japoxanliajwa Dios pejjamechan, chajia lelspx, jum-aech wut, jum-aechox xatis chiekal matabijaliajwas isasamatas babijaxan. 12 Jesús pejwujajan naexasitpon, nejchaxoel wut: “Xan chiekal naexasitx Jesús pejwujajan. Diachwujnakolax babijax isaxinil” —aech wuton, nejchaxoel wut, japon pajut chiekal natataeflaxael, asamatkoi babijax isasamata. 13 Xamal matabijaxaelam. Satanás xamal xapaeja wut babijaxan isliajwam, xamal koewam japon xapaejaxil. Asew, Jesús pejwujajan naexasitibej, xapaejaxaes. Satanás xatis nakxapaeja wut, Dios nakiowa nakkajachawaesaxael babijaxan isasamatas. Me-ama Dios chajia jumdut nakkajachawaesliajwa, jachiyaxael Dios xatisliajwa. Samata, Satanás xamal xapaeja wut, Dios kajachawaesaxael kaes mamnicaliajwam Dios xanaboejampoxliajwa. Ja-am wut, babijax isaximil.

14 Samata, xamal takoew, nejxasinkaxpim, ¡nabej kawuajne' ídolos! 15 Xamal chiekal matabijam. Chiekal nejchaxoelambej. Samata, nejchaxoelam wut, ¡chiekal nejchaxoelde chiekal matabijaliajwam xan jum-anpoxan, japoxan diach chiekal wujnakolax wut, o, japoxan diachwujnakolaxa-el wut! 16 Xatis Santa Cena xaes wut, japox nejchaxoelaliajwas, wajpaklon Jesucristo suapichaspox. Jawut, vino afs wutbej, nejchaxoelaliajwas Cristo tuppox cruztat xatisliajwa. Panbej jalkas wut xaeliajwas, japox nejchaxoelaliajwas, Cristo boesaspx xatis nakbu'welialjwa. 17 Xatis, Jesús pejwujajan naexasichpis, xabich pin-iach. Pe nakiowa, kaeyax panax xaes. Samata, xatis, Cristo suapich, kaebu'tas.

18 ¡Chiekal nejchaxoelde judíoslíajwa! Japi choef xua'at wut ofrenda isliajwa Diosliajwa, japi japawi xael wut, chiekal kaenejchaxoelax Diosliajwa. 19 Xan lelx wut, jumchi-enil: “Ídoloslap Dios” —chi-enil. Xan jumchi-enilbej: “Pawi ídolosliajwapi, kaes pejme pachaem, asawi ídolosliajwa-elwi, jachi-el” —chi-enil. 20 Jiw, naexasis-elpi Dios pejjamechan, choef xua'at wut ofrenda isliajwa ídoliajwa, japi jiw nejchaxoel: “Ampawi chaxdutx ofrenda ídoliajwa” —aechi, nejchaxoel wut. Diachwujnakolax ídoliajwa-el. Japi choef xua'at depliajwa. Japawibej Diosliajwa-el. Samata, xan nejxasinka-enil xamal isliajwam japox ofrenda, japi jiw suapich. 21 Xamal Santa Cena xaeram wut, vino afambej nejchaxoelaliajwam Jesucristo tuppox. Asew jiw, Dios pejjamechan naexasis-elpi,

fiesta is wut ídolosliajwa, japafiesta depliajwa. Samata, ¡xamal japi jiw sʉapich, nabej xae'! ¡Nabej fe'bej, japi jiw sʉapich!

²² Xatis nejxasinka-esal babijax isliajwas wajpaklon Jesús palalasangata, japon kaes pejme mamnik xot. Me-ama xatis, jachi-elon.

Chiekal duilaxaelpox Jesús pejwʉajan naexasiti

²³ Asew jiw jum-aech: “Majt nafiatpoxan, amwʉtjel japoxan chiekal toep. Samata, xan na-it-ele-el. Isasianpoxan isaxaelen” —aech asew jiw asbʉan jumch. Japi jum-aechpox diachwʉajnakolax. Pe puexa japi isasiapoxan, is wʉti, japoxan pachaemaxil kaes xanaboejalijwapi Dios. ²⁴ Nejchaxoelam wʉt, ¡nabej nejchaxoele' pachaempoxan isliajwam najutliajwakal! Pelax nejchaxoelde isliajwam pachaempoxan asew jiwliajwa.

²⁵ Pawi mowaxot wʉajtam wʉt, japawi nejmach xaeyaxaelam. Japawi xaelam wʉt, pachaem Diosliajwa. Samata, pawi mowaxot wʉajtam wʉt, nabej wʉajnachaems: “¿Ampawikat ofrenda ídolosliajwawi?” —nabej aeche'. Pawi mowapi xamal wʉajnachaemtam wʉt, jumnosaxaeli: “Diachdo', ampawi, ofrenda ídolosliajwawi” —chiyaxaeli xamalliajwa. Japox jumtaenam wʉt, nejchaxoelaxaelam: “Japawi xaelx wʉt, Diosliajwa japox pachaemaxil” —chiyaxaelam, nejchaxoelam wʉt. Samata, pawi wʉajtam wʉt, ¡nabej wʉajnachaems! ²⁶ Ampathat, puexa ampathatat-pibej, japoxan wajpaklon Dios pejew. Samata, pachaem xatis xaeliajwas japawi.

²⁷ Jesús pejwʉajan naexasis-elpon, xamal tadut wʉt xaeliajwam, ¡nejmach xaem! Xaeliajwam wʉt, ¡nabej wʉajnachaems: “¿Ampawikat, ofrenda ídolosliajwawi?” —nabej aeche'! ²⁸ Pe jawʉt, asan, Jesús pejwʉajan naexasitpon, jum-aech wʉt: “Ampawi xaes wʉt, Diosliajwa pachaemaxil” —aech wʉton, ¡xamal nabej xae' japawi! Pe nakiowa, xamal japawi xaelam wʉt, diachwʉajnakolax japon aton tabesaxaelam. ²⁹ Xamal chiekal matabijam, puexa pawi pachaem xaeliajwas. Pe nakiowa, asew jiw jum-aech wʉt japawiliajwa: “Pachaema-el ampawi xaeliajwas” —aech wʉti, ¡xamalbej nabej xae' japawi!

Asan, Jesús pejwʉajan naexasitpon, xan jum-anpox jumtaen wʉt, japon asbʉan jumch jumchiyaxilbej: “Dios natapaei xaeliajwan ofrenda ídololiajwawi. Samata, xan nejmach chiekal xaelx. ¿Ma-aech xotkat majt xaelxpoxan wʉlkaechakoftax?” —chiyaxil japon aton. ³⁰ Xan xaeliajwan wʉt, gracias-an Diosliajwa. ¿Ma-aech xotkat asan aton asbʉan jumch jumchiyaxael xanliajwa: “Japon pejbʉ'wʉajan Diosliajwa, xael xoton japawi, ofrenda ídololiajwawi” —nachiyaxaelkat? ³¹ Puexa isaxaelampoxan, xaeyaxaelampoxanbej, feyaxaelampoxanbej, puexa japoxan isam wʉt, ¡chiekal isde, puexa jiw Dios sitaeliajwa! ³² Samata, ¡xamal nabej is babijaxan nakxataesamata, tabesasamatambej, judíos, judíos-elpibej, asew, Dios naexasitibej! ³³ Puexa xan isxpoxan, isx puexa asew jiw nejchachaemlaliajwa. Isx wʉt pachaempoxan, nejchaxoela-enil: “Ampoxan xan tajutliajwa” —chi-enil, nejchaxoelx wʉt. Japoxan xan isx puexa asew jiw wepachaemaliajwas. Japox nejchaxoelx, nejxasinkax xot japi jiwbej Dios bʉ'weliajwas.

11

¹ Xan isfulax Cristo isfulpoxan. ¡Xamalbej japoxan isfulde!

Machiyaxaelpox watho', cultoxot wut

² Takoew, xamal nejchaxoelam xanliajwa. Xan jum-anpoxanbej xamal naexasisfulam. Samata, xan xabich nejchachaemlax xamalliajwa. ³ Xan jum-an xamal chiekal matabijaliajwam ampox. Dios paklon Cristoliajwa. Cristobej paklon kaenanula poejiwliajwa, japi naexasiti japon pejwajaan. Kaenanula poejiwbej paklochow pejwatho'liajwa. ⁴ Samata, aton matlua't wut panuelbu', Dios kawuajnalialjwa wut, o, Dios buxto'aspox jiw naewuajnalialjwa wutbej, ja-aech wut, wajpaklon Jesu-cristo padalaxael japon atonliajwa. ⁵ Kaeow pawis Dios kawuajnalialjwa wut, o, Dios buxto'aspox jiw naewuajnalialjwa wutbej, matlua's-el wut panuelbu', ja-aech wut, pamal padalaxael pijowliajwa, japow, me-ama ta'laxaxoch wut, jachiyaxael xotow pamalliajwa. ⁶ Pawis nejxasinka-el wut panuelbu' matlua'sliajwa, ja-aech wut, pajut nata'laxaxosaxaelpow. Pe nejxasinka-el wut pajut namatfunaliajwa, o, pajut nata'laxaxosliajwa ta'dalasangata, ja-aech wut, nej matlua's panuelbu'! ⁷ Dios is wut aton, me-ama Dios pajut wut, ja-aech japon aton. Samata, poejiw matlua'axil panuelbu'. Japi chiekal pachaem wut, puexa jiw nejchaxoelaxael Diosliajwa: "Dios xabich pachaem" —chiyaxael jiw, nejchaxoel wut. Atow chiekal pachaem wutbej, puexa asew jiw nejchaxoelaxael japow pamalliajwa: "Ampow pamal xabich pachaem" —chiyaxael asew jiw, nejchaxoel wut japowliajwa. ⁸ Dios aton is wut, kus-elon pawis pejchena. Dioslax kut aton pejchena isliajwapon pawis. ⁹ Dios aton is wut, is-elon japon aton kajachawaesliajwa pawis. ¡E! Dios is pawis, japow kajachawaesliajwa japon aton. ¹⁰ Samata, atow matlua'saxael panuelbu', naexasiti Jesús pejwajaan natamejabatat wut. Do ja-aech wut, Dios pej-ángeles nejchaxoelaxael japowliajwa: "Diachwuajnakolax ampow pawis pamal chiekal sitaen" —chiyaxael Dios pej-ángeles japowliajwa. ¹¹ Xatis, naexasichpis Jesús pejwajaan, chiekal matabijas. Watho' chiekal jil wut, xatis poejiwas, machiyaxisal. Watho'bej machiyaxil, poejiw chiekal jil wut. ¹² Dios is wut atow, aton chenakuton atow isliajwapon. Do jawax, poejiw nalaela watho'xot. Dios pijaxtat japox ja-aech.

¹³ Xamal najut nejchaxoelam wut, ¡chiekal nejchaxoelde ampoxliajwa! Jesús pejwajaan naexasitampim natamejam wut natamejabatat, ¿pachaemkat pawis matlua's-elaxtat Dios kawuajnalialjwa? ¡E! Japox chiekal pachaema-el. ¹⁴ Wajut chiekal matabijas. Poejiw matlatapaei wut kasnikaliajwa, japox xabich padalapox. ¹⁵ Watho'lax matlakasnik wut, japox pachaem japi watho'liajwa. Pe Dios jasox chajia tapaei watho' matlakasnikaliajwa, japow pejmatlatat, me-ama matnaematakach wut, jachiliajwaspow. ¹⁶ Kaen aton naexasis-el wut xan jum-anpox, japon matabijsaxael xanal kaenejchaxoelaxanpox, asew jiw suapich, naexasiti Jesús pejwajaan, matlakasnikpoxliajwa.

Santa Cena xael wut, asew jiw xabich xaelpox

¹⁷ Xan lelx wut, lela-enil xamal jumchiliajwan ampox: "Santa Cena xaelam wut, chiekal isam" —chiliajwan. ¡E! Xamal natamejlam wut Santa Cena xaeliajwam, chiekal is-emil. ¹⁸ Xamal natamejlam wut Santa Cena xaeliajwam, chiekal kaenejchaxoelaxa-emil. Asbuan jumch xamal nasalam, Santa Cena xaeliajwam wut. Japoxliajwa asew jiw xan nachapaei xamal ja-ampoxan. Jawut xan nejchaxoelx: "Japox diachwuajnakolax bej ja-aechbej" —an xan, tajut nejchaxoelx wut.

19 Xamalzot asew nakaewa najum-aech: “Xatis kaes pejme naexasich Jesús pejwñajan. Me-ama asew xatisxot, jachi-esal. Samata, wajlel chalaxaes” —aechi nakaewaliajwa. 20 Samata, natamejlam wut nejchaxoelaliajwam wajpaklon Jesucristoliajwa, japox Santa Cena Jesucristoliajwa-el. 21 Santa Cena xaelam wut, xamal najut matxoela xaelam xapatampoxam, naxaeyaxan. Xamal asew jiw xasala-emil. Asew jiw xamalxot xabich af wut, saxtas. Asew jiw lax, kijilpi, nejmupijwaelpi, japi kaechkow. Litaxaelapi. 22 ¡Xamal jasox nabej ja-aech! Asamatkoi, Santa Cena xaeliajwam wut, fulaeliajwam wut, xamal xabich litaxaelam wutbej, ¡nejbachantat majt cha-aex xaem! ¡Fembej! ¿Ma-aech xotkat sitae-emil asew jiw, naexasiti Jesús pejwñajan, pat wut Santa Cena xaeliajwa? Asew xamalxot, kijilpi, japi xamal xabich datam. Xamal japoxan isam wut, pachaema-el japiliajwa. Samata, xan nejchachaemlaenil xamalliajwa, japox wultaenx wut.

*Jiw Santa Cena xael nejchaxoelaliajwa Jesús tuppox
(Mt 26.26–29; Mr 14.22–25; Lc 22.14–20)*

23 Xamal chajia chiekal chanaekabuanax Santo Cenaliajwa, xan matabijtaxpoxan Cristoxot. Wajpaklon Jesús, pejnachala suapich, madoi xael wut Santa Cena, jawut panax fiton. Japamadoi, kaen pejnachalan wiasaxaeson padaelmajiwxot. 24 Do jawut, Jesús panax fit wut, pax Dios kawñajan wut, gracias-aechon. Jawut panax jalkafulon. Jawut jum-aechon pejnachalaliajwa: “Ampox panax, tajwit wut, ja-aech. Asamatkoi, xamal xaelam wut Santa Cena, kaenanula nejchaxoelaliajwam xan isxproxiajwa” —aech Jesús pejnachalaliajwa, bu'xael wut Santa Cena. 25 Do jawux, xaeyax kaechatoel wut, Jesús vinomint chafit wut, jum-aechon: “Ampot vinomint, me-ama tajjal wut, ja-aech. Diachwñajnakolax Dios chajia jumdut bu'welialjwa tajjal pijaxtat makanotxpi. Samata, Santa Cena xaelam wut, xamal nejchaxoelaxaelam xan tuxpox xamalliajwa” —aech Jesús pejnachalaliajwa. 26 Samata, xamal Santa Cena xaelam wut, jawut asew jiw japox taen wut, nejchaxoelaxael wajpaklon tuppox. Xamal japox isfulaxaelam, hasta wajpaklon Jesús pejme pask wut.

Jiw chiekal nejchaxoelaxaelpox Santa Cena xael wut, chiekal nejchaxoelaliajwa wajpaklon tuppoxliajwa

27 Jiw natamejal wut Santa Cena xaeliajwa, jawut chiekal nejchaxoelaxaelpi wajpaklon tuppoxliajwa. Japox chiekal nejchaxoela-el wuti, babijax isaxael, sitae-el xoti wajpaklon tuppox japiliajwa. 28 Samata, pan xaeliajwa wut, vino feliajwa wutbej, jawut kaenanula jiw chiekal nejchaxoelaxael. Jawutbej, jiw pejbu'wñajan wut Diosliajwa, japoxliajwa Dios kawñajnaexaeli Dios beltaeliajwas. Do ja-aech wut, pachaem japi xaeliajwa pan, feliajwabejpi vino. 29 Pe masoxtat asbuan jumch jiw pan xael wut, af wutbejpi vino, majt chiekal nejchaxoela-el wut wajpaklon tuppoxliajwa cruztat jiwliajwa, japi jiw pejbu'wñajnaexael Diosliajwa. Kastikaxaesbejpi Dios. 30 Samata, jasoxtat xamalxot xabich jiw bu'xaenk. Asew chiekal mamnika-elbej. Asew tuxpej, sitae-el xoti Santa Cena. 31 Xatis kaenanula wajut chiekal nejchaxoelaxael wut babijax isaspoxanliajwa, japoxan kofas wutbej, jatis wut, wajpaklon nakkastikaxil. 32 Xatis babijaxan isaspoxan kofa-esal wut, jatis wut,

wajpaklon nakkastikaxael xatis babijaxan kofaliajwas. Jasoxtat Dios nakbu'weyaxael nakpelsasamatas, Jesús pejwujajan naexasis-eli swapich.

³³ Takoew, xamal natamejlam wut Santa Cena xaeliajwam, asew jiw pas-el wutfuk, iwujajnawe'e! Puexa jiw pat wut, do ja-aech wut, inax-aem kaeyaxtat! ³⁴ Natamejlax wujajna, asew xamalxot xabich litaxaela wut, japi pejbachantat majt naxaeyaxael. Japi jachiyaxael, asew jiw kaechkawasamata natamejlamxot, Dios kastikasamatas japi jiw. Xamal kaes asaxanliajwa majt nawujajnaemtam. Jelow japox tajut chiekal chanaekabuanalax, paslax wut xamalxot.

12

Espíritu Santo kajachawaesfulaspox Jesús pejwujajan naexasiti Dios tato'alpox isfulaliajwa

¹ Takoew, lelaxaelen xamal chiekal matabijaliajwam. Kaenanula naexasiti Jesús pejwujajan, japi jiw Espíritu Santo kajachawaesfulas Dios tato'alpoxan isfulaliajwa.

² Xamal chiekal matabijam. Majt naexasis-emil wutfuk Jesús pejwujajan, Satanás xamal naekichachajbaful. Samata, ídolos, naksiya-elpoxan, xamal kawujajnam. ³ Samata, xan nejxasinkax xamal chiekal matabijaliajwam. Aton jum-aech wut babejjamechan Jesúsliajwa, japon pejmatpuxatxot jil Espíritu Santo. Asan aton jum-aech wutlax: "Jesús tajpaklon" —aech wut, japon pejmatpuxatxot Espíritu Santo duk.

⁴ Jesús pejwujajan naexasiti kaenanula nabist asabichaxan, Dios pejbichaxan. Espíritu Santobej kajachawaesfulas japi jiw Dios tato'alpoxan isfulaliajwa. ⁵ Japi jiwbej kaenanula chiekal nabist Diosliajwa. Japi pejbichaxan kaenanula najupa-el. Pe japi jiw nabist kaen wajpaklon Diosliajwa. ⁶ Japi jiw kaenanula asabichaxan nabist, Dios pejbichaxan. Samata, Dios puexa japi jiw kaenanula kajachawaesful chiekal isfulaliajwa japon pejbichaxan. ⁷ Jesús pejwujajan naexasiti, japi jiw kajachawaesfulas Espíritu Santo chiekal isfulaliajwa Dios pejbichaxan, puexa asew, naexasiti Jesús pejwujajan, wepachaemaliajwas japoxan. ⁸ Asew Jesús pejwujajan naexasitixot kajachawaesfulas Espíritu Santo. Samata, japi naewujajan wut, asew jiw chiekal naewechpi. Do ja-aech wut, japi jiwbej chiekal duilaful. Asew jiw, naexasitpixot Jesús pejwujajan, Espíritu Santo kajachawaesfulas xot, japi jiw xajup chiekal chanaekabuanaliajwa asew jiw chiekal matabijaliajwa japajamechan. ⁹ Asew Jesús pejwujajan naexasitixot, Espíritu Santo kajachawaesfulas xot, japi jiw chiekal xanaboejapi Dios. Asew naexasitpixot Jesús pejwujajan, Espíritu Santo kajachawaesfulas xot, japi jiw xajup, jiw bu'xaenk wut boejthusliajwa. ¹⁰ Asew naexasitpixot Jesús pejwujajan, Espíritu Santo kajachawaesfulas xot, japi jiw xajup koechaxan isliajwa. Asew naexasitpixot Jesús pejwujajan, Espíritu Santo kajachawaesfulas xot, japi jiw xajup jiw naewujajnalijwa Dios buxto'aspoxan. Asew naexasitpixot Jesús pejwujajan, Espíritu Santo kajachawaesfulas xot, japi jiw xajupaxael matabijaliajwa, asew jiw jum-aech wut Espíritu Santo buxto'aspoxan, o, dep buxto'aspoxanbej. Asew naexasitixot Jesús pejwujajan, japi jiw Espíritu Santo kajachawaesfulas xot, xajupaxael naksiyalijwa asajame, japi majt matabija-eljame naksiyalijwa. Asew naexasitixot Jesús pejwujajan, japi jiw Espíritu Santo kajachawaesfulas xot, xajupaxael jum matabijaliajwa, asew jiw naksiya wut asajame. Do

jawux, japi jiw xajupaxaelbej asew jiw chiekal chanaekabuanaliajwa japajame jum-aechproxan. ¹¹ Puexa japi jiw, Jesús pejwujajan naexas-itixot, japoxan ja-aech, Espíritu Santo japi kajachawaesfulas xot. Espíritu Santo kaenanula jiw kajachawaet, me-ama japon nejaxsink jiw kajachawaesliajwa.

Kaebu'tpox Cristo suapich naexasiti Jesús pejwujajan

¹² Aton pejbu'txot xabich pathi, pawibej. Kaes asewbej. Pe nakiowa, kaebu't. Jatisbej xatis, Jesús pejjiws. Xabichas. Pe nakiowa, kaebu'tas, Cristo suapich. ¹³ Puexa xatis nakbautisa kaemutaliajwas. Dios to'a kaen Espíritu Santo wajmatpuatanxotaliajwa. Xanal judíospin, xamal judíos-emilpimbej, xanal esclavos-enilpin, xamal esclavospimbej, puexa xatis wajmatpuatanxot kaen Espíritu Santo.

¹⁴ Kaenanula wajbu'antat, xabich pathi, pawibej. ¹⁵ Aton pejtuk naksiyaxael wut, jumchiyaxilpox: “Xan ke-e-enil. Samata, xan ampabu'tpijaxa-enil” —chiyaxil tukliajwa. Tuk japox jumchiyaxael wut, japox pachaemaxil, japabu'tpijax xot. ¹⁶ Aton pejnaecho'tbej naksiyaxael wut, jumchiyaxilbejprox: “Xan itfuta-enil. Samata, xan ampabu'tpijaxa-enil” —chiyaxilbej naecho't. Naecho't japox jumchiyaxael wut, japox pachaemaxil, japabu'tpijax xot. ¹⁷ Japon pejbu't puexa itfukal wut, jumtaeyaxilon. Puexa pejbu'txot naecho'ankal wutbej, japon aton jaenxataeyaxil. ¹⁸ Samata, Dios aton is wut, nejmach puexa ispon, pathiliajwa, pawiliajwabej, kaes asaxanliajwabej pachaemaliajwa. ¹⁹ Aton pobu'ta itfukal chanlaelt wut, o, naecho'ankal chanlaelt wutbejpon, ja-aech wut, japon aton pejbu't ajilaxael. ²⁰ Diachwujnakolax aton pejbu'tat xabich pathi, pawibej, kaes asaxanbej. Pe nakiowa, japon aton kaebu't.

²¹ Aton pej-itfut naksiyaxael wut, jumchiyaxil ke-eliajwa: “Ke-e, xam nawewe'pa-el” —chiyaxil itfut ke-eliajwa. Aton pejmatnaetbej naksiyaxael wut, jumchiyaxil tukliajwa: “Tuk, xam nawewe'pa-el” —chiyaxil matnaet tukliajwa. ²² Puexa xatis wajbu'antatpi xabich pachaem. Nejchaxoels wut wajbu'antatpiliajwa, me-ama nakwewe'pa-el wut, jatis japoxanliajwa. Pe japoxan diachwujnakolax ajil wut wajbu'anxot, xabich nakwewe'paxael japoxan. ²³ Xatis chiekal naxoeis wajdalapoxanxot, nejchaxoels xot: “Pachaema-el, asew jiw nabu'taeliajwa” —tis xot, nejchaxoels wut. ²⁴ Pe wajmux, wajthitbej, wajmatnaetbej, pachaem asew jiw nakwetaeliajwa. Samata, jaxot naxoe-esal. Dios is wut wajbu'an, wajbu'anxot asaxan, me-ama xatis nakwewe'pa-el wut, ja-aech japoxan. Jaxot chiekal naxoeis wut, jatis wut, japoxan, me-ama xatisxot nakwewe'p wut, jachiyaxael. ²⁵ Wajthit, wajwibej, kaes asaxanbej, wajbu'antat nasalaxil. Japoxan kaenanula wajbu'antat chiekal nakaewa natataeflaful. ²⁶ Nakwexaenk wut wajbu'anxot, pobu'ta chiekal pachaema-esal. Do jawux, xaenkprox boejkijil wut, ja-aech wut, chiekal pejme nejchachaemlas.

²⁷ Kaenanula xamal, puexa Cristo pejbu'tam wut, ja-am. ²⁸ Samata, xamal kaenanula Dios chaxduw asabichaxan. Dios matxoela makanot asew jiw, japi Jesús pej-apóstolesliajwa. Do jawux, makanoton asew jiw profetasliajwa, japi asew jiw naewujnalialjwa, me-ama Dios buxtó'as. Makanotbejpon asew jiw chanaekabuanapiliajwa japon pejjamechan. To'abejpon asew jiw koechaxan isliajwa. To'abejpon

asew jiw, bu'xaenkpi boejthusliajwa. To'abejpon asew jiw, japi ka-jachawaesliajwa asew jiw. To'abejpon asew jiw, japi paklochowliajwa Jesu pejwuaan naexasitiliajwa. To'abejpon asew jiw chalechkal asajamechan naksiyaliajwa, japi majt naksiya-eljamechan. ²⁹ Puexa jiw apóstoles-el. Puexa jiw profetas-elbej. Puexa jiw chanaekabuana-piya-elbej. Puexa jiw koechaxan ispiya-elbej. ³⁰ Puexa jiw boejthatpiya-elbej bu'xaenkpi. Puexa jiw chalechkal asajame naksiya-elpibej, majt naksiya-eljame. Puexa jiw jummatatabija-elbej, asew jiw asajamechan naksiya wut chiekal chanaekabuanaliajwa asew jiw. ³¹ Pachaem, xamal nejchaxoelam wut: "Xan nejxasinkax Dios nachaxdusliajwa pijax bichax, kaes chiekal pachaempox" —am wut.

Nejxasinkaxaesopox asew jiw

Amwut xamal naewuajnaaxaelen kaes chiekal pachaempox. Japox nakaewa nanejxasinkasopox.

13

¹ Xan naksiyaxaelen wut asajametat, ángeles pejjametatbej, pe asew jiw, xan nanaeweti, nejxasinka-enil wut, asajametat naksiyaxaelenpox pachaemaxil xanliajwa. Me-ama platillo, o, campana nejmetpox, jiw daka wut, jachiyaxael xan naksiyaxpox japi jiwliajwa. ² Asew jiw nejxasinka-enil wut, xan Dios nabuxto'apox jiw naewuajnaaxaelen wut, japox pachaemaxil xanliajwa. Matabijsaxaelen wutbej maliach Dios matabijtpoxan, japoxbej pachaemaxil xanliajwa, nejxasinka-enil wut asew jiw. Xabich nejmach matabijsaxaelen wutbej, japox pachaemaxil xanliajwa, nejxasinka-enil wut asew jiw. Xan xabich Dios xanaboejsaxaelen wutbej, Dios kawuajnaaxaelen wut pinamux nawexaliaxsliajwa asalel, japamux nawexaliaxt wut, japoxbej pachaemaxil xanliajwa, nejxasinka-enil wut asew jiw. ³ Xan puexa tejew chaxduiyaxaelen wutbej kijila, xan tajut natapaeyaxaelen wutbej asew jiw naboesaliajwa, japoxanbej pachaemaxil xanliajwa, asew jiw nejxasinka-enil wut.

⁴ Aton, nejxasinkpon asew jiw, japon aton matabijt palala-elaliajwa, asew jiw babijaxan isful wut japonliajwa. Japonbej matabijt ka-jachawaesliajwa asew jiw. Japonbej nusasiowla-el, taen wuton asew jiw pejew. Japon aton pajutliajwa nejchaxoel wutbej, nejchaxoela-elon: "Xan kaes pejme xabich pachaeman. Me-ama asew jiw, jachi-enil" —chi-elon, nejchaxoel wut pajutliajwa. ⁵ Aton, nejxasinkpon asew jiw, japon aton chiekal pachaembej asew jiwliajwa. Japon nejchaxoel wutbej, nejchaxoela-el faekaliajwa wepachaemspoxan japon pajutliajwakal. Japon aton kamta palala-elbej. Beltaenbejpon asew jiw, japi babijaxan is wut japonliajwa. ⁶ Aton, nejxasinkpon asew jiw, japon aton nejchachaemla-el, asew jiw babijaxan is wut. Asew jiw is wutlax pachaempoxan, ja-aech wut, japon aton xabich nejchachaemil japoxanliajwa. ⁷ Aton, nejxasinkpon asew jiw, japon aton nabijat wut, japi jiw babijaxan is wut japonliajwa, japon aton nakiowa nejxasinkaful japi jiw. Palala-elbejpon, japi jiwliajwa babijaxan isful wut japonliajwa. Japon nejchaxoelbej japi jiwliajwa: "Japi jiw asamatkoi bej pachaemaxaelbejpi" —aechon, nejchaxoel wut japi jiwliajwa.

⁸ Nejxasiyax asew jiwliajwa, japox asamatkoi toepaxil. Asamatkoi profetas buxkofaxael jiw naewuajanpoxan, Dios buxto'asopoxan. Asew jiw chalechkal asajame naksiya wut, matabija-eljame naksiyaliajwa,

japibej japox buxkofaxael. Jawutbej jiw pejmatabijsaxan toepaxaelbej. ⁹Wajmatabijsaxan xabicha-el. Chiekal puexa matabija-esal. Profetasbej Dios buxto'aspoخان jiw naewhajnalijawa, japoxbej xabicha-el. ¹⁰Majt puexa chiekal matabija-esalpoخان, puexa xatis Diosxotas wut, jawut japoxan chiekal matabijaxaes.

¹¹Xan yamxuchan wut, naksiyax, me-ama yamxi naksiya. Nejchaxoelx wutbej, nejchaxoelx, me-ama yamxi nejchaxoel. Matabijtax wutbej, matabijtax, me-ama yamxi matabija. Pelis xan pati'nan wut, nejchaxoela-enil, me-ama yamxi nejchaxoel. ¹²Xatis matabijaspoخان Diosliajwa xabicha-el. Me-ama chapot, itnasuxanpot, chiekal itathu'la-el taelijwas, ja-aechbej xatis matabijaspoخان Diosliajwa. Pe asamatkoi, puexa chiekal matabijaxaes Dios. Me-ama Dios xatis chiekal nakmatabijt, jachiyaxaes, xatis chiekal matabijas wut Dios.

¹³Dios xanaboejaspoخ toepaxil. Dios nakjumdutproخ wuhajnewesfulaspoخbej, japox toepaxil. Nakaewa nejxasinkaspoخbej toepaxil. Japoxan tresxot, kaes pejme pachaempox, japox nakaewa nanejxasinkaspoخ.

14

Espíritu Santo kajachawaetpox jiw naksiyalijawa majt matabija-eljame

¹¡Xamal kaenejchaxoelde nejxasinkalijawam asew jiw! Asew jiw nejxasinkam wut, ¡Dios kawhajande Espíritu Santo xamal kajachawaesliajwa Dios pejbichaxan isliajwam! ¡Kaes Dios kawhajandebej Espíritu Santo xamal kajachawaesliajwa, me-ama Dios buxto'a xamal jiw naewhajnalijawam! ²Asew jiw Espíritu Santo kajachawaech chalechkal naksiyalijawa, majt matabija-eljame. Japi naksiya japajame Dioskal jumtaelijwas. Naksiya-eli jiw jumtaelijwas. Kaen aton jummatabijs-el, japi naksiya wut. ³Asewlax Espíritu Santo kajachawaech wut, matabijapi jiw chiekal naewhajnalijawa Dios buxto'aspoخان. Ja-aech wut, naexasiti Jesús pejwuhajan kaes Dios xanaboejaxaeli. Samata, japi jiw xabich nejchachaemlaxael. ⁴Asewbej Espíritu Santo kajachawaech wut, chalechkal naksiyapi majt matabija-eljame, japi kaes Dios xanaboejaxael. Asewlax, Espíritu Santo kajachawaech xot, japi jiw naewhajan Dios buxto'aspoخان Jesús pejwuhajan naexasiti, japi jiw kaes xanaboejalijawa Dios.

⁵Xan nejxasinkax puexa xamal chalechkal naksiyalijawam majt matabija-emiljame. Pe xan kaes nejxasinkax xamal Espíritu Santo kajachawaesliajwa, asew jiw naewhajnalijawam xamal Dios buxto'apoxan. Japoxan kaes pejme pachaem. Me-ama chalechkal majt matabija-emiljamechan naksiyampoxan, jachi-el japoxan. Pachaem chalechkal xamal naksiyalijawam majt matabija-emiljamechan. Pe japajamechan naksiyam wut, jawut asan aton chanaekabuhanaxael xamal jum-ampoxan, naexasiti Jesús pejwuhajan chiekal jummatabijalijawa. Ja-aech wut, japi kaes Dios xanaboejaxael. ⁶Takoew, xamalxot patx wut, chalechkal naksiyaxaelen wut majt matabijs-eniljame, diachwuhajnakolax xamal jummatabijaximil japajame. Ja-aech wut, japox pachaemaxil xamallijawa. Pelax xamalxot naewhajnax wut wajjametat Dios nachanaekabuhanaxoخان, ja-an wut, xamal chiekal najumatabijaxaelam. Ja-aech wutbej, xamal kaes chiekal Dios xanaboejaxaelam.

⁷ Asew jiw Espíritu Santo kajachawaech xot, chalechkal naksiya majt matabija-eljamechan. Ja-aech wut, kaen japixot jummatabijsaxil japajamechan jum-aechpoxan. Jachiyaxaelbej, kaen aton arpa chiekal daka-el wut. Jiw thiamatabijaxil jajuiliajwa japajauit. Jachiyaxaelbej, kaen aton toela chiekal nababe-el wut. Jiw thiamatabijaxil jajuiliajwa. ⁸ Jachiyaxaelbej, kaen soldawan chiekal nababe-el wut trompeta natamejlaliajwa soldaw, japon pejmupijiw nabeliajwa, padaelmajiw suapich. Soldaw thiamatabijaxil. Ja-aech wut, thiatadukpaxili natamejlaliajwa nabeliajwa, padaelmajiw suapich. ⁹ Xamal jachiyaxaelam, Espíritu Santo kajachawaet wut chalechkal naksiyaliajwam majt matabija-emiljamechan. Xamal naeweti jummatabijsaxil, xamal naksiyam wut japajamechan. Asbuan jumch japox nafa'axael. ¹⁰ Xabich asajamechan maenk ampathatat. Pe nakiowa, kaejame naksiyapi nospaei wut, chiekal najummatabijsaliajwa. ¹¹ Asew jiw asajametot naksiya wut, xan jummatabijsaxiniljame, ja-aech wut, xan nejchaxoelaxaelen japi jiwliajwa: “Ampi jiw bej asatmajnapijwbej” —chiyaxaelen, nejchaxoelx wut japijiajwa. Xanbej naksiyax wut asajametot, japijbej xan najummatabijsaxil. Asbuan jumch nejchaxoelaxaeli xanliajwa: “Pablo, asatmajnapijinbej” —chiyaxaeli, nejchaxoel wut. ¹² Xamal nejxasinkam Espíritu Santo kajachawaetpox kajachawaesliajwam asew, naexasiti Jesús pejwajan. Samata, japi naewajande chiekal jummatabijsaliajwa, japi kaes chiekal Dios xanaboejaliajwa!

¹³ Kaen aton chalechkal matabijs-eljame naksiya wut, Espíritu Santo kajachawaech xot, japon aton Dios nej kawajne' kajachawaesliajwas naksiyapox pajut chiekal jummatabijsliajwa japajamechan jum-aechpoxan! Do jawut, japon aton chiekal chanaekabuanaxael asew jiw japajamechan jum-aechpoxan. ¹⁴ Xan Dios kawajnajax wut matabijs-eniljemetat, xan japajame naksiyax wut, naksiyax Espíritu Santo nakajachawaesaxtat. Pe xan jummatabijs-eniljemetat Dios kawajnajax wut, xan tajut jummatabijsaxinilbej. ¹⁵ Ja-an wut, ¿machiyaxaelenkat xan? Xan tamachan wut, matabijs-eniljemetat Dios kawajnaxaelen Espíritu Santo pijaxtat. Pe xan asew jiwxotx wut, Dios kawajnaxaelen tajjemetat puexa jiw chiekal jummatabijsaliajwa. Jachiyaxaelenbej, xan jajuixaxaelen wut. Tamachan wut, jajuix jajuixaxaelen matabijs-eniljemetat. Pelax asew jiwxotx wut, jajuixaxaelen tajjemetat puexa jiw chiekal najummatabijsaliajwa. ¹⁶ Xamal Espíritu Santo kajachawaet wut, matabija-emiljemetat Dios gracias-am wut, ja-am wut, asan aton, jelnaexasitpon Jesús pejwajan, japon xamal jumtaen wut, jummatabijsaxilon japox. Samata, japon kaenejchaxoelaxil, xamal suapich, Dios kawajnajam wut. ¹⁷ Xamal matabija-emiljemetat Dios kawajnajam wut, gracias-am wut, japox chiekal pachaem Diosliajwa. Pe asew jiw japajame jummatabijsaxil-el wut, ja-aech wut, japi jiw kaes chiekal Dios xanaboejaxili, jummatabijsaxil-el xoti, Dios kawajnajam wut. ¹⁸ Xan gracias-an Diosliajwa, kaes xabich naksiyax xot matabijs-eniljamechan. Me-ama puexa xamal, xan jachi-enil. ¹⁹ Pe naexasiti Jesús pejwajan Dios pejjamechan jumtaeliajwa natameja wut, kaes pejme pachaemaxael naewajnalijwan kaes suapich tajjemetat, naeweti chiekal xan najummatabijsaliajwa. Pelax pachaemaxil jiwliajwa, piach naewajnaxaelen wut jummatabijsaxil-eljemetat.

²⁰ Takoew, ¡xamal nabej nejchaxoele', me-ama yamxi nejchaxoel!

¡Pelax xamal babijaxanliajwa, me-ama yamxim wut, ja-amde! Xamal pakdiachwam xot, ¡chiekal nejchaxoelde! ²¹ Dios pejjamechan, chajia lelspxox, jum-aech Dios jum-aechpox: “Xan asamatkoi to'axaelen asajame naksiyapi, asatuajnchanpijiw, japi jiw xamal naewhajnaliajwa. Pe xamal naexaxisaximil tajjamechan, japi jiw xamal naewhajan wut” —aechox. ²² Aton chalechkal naksiya wut asajame, matabijs-eljame naksiyaliajwa, Jesús pejwhajan naexaxis-eli japox taen wut, pajut matabijaliajwapi Dios xajuprox japibej kajachawaesliajwas. Samata, japi jiw bej naexaxisaxaelbejpi Jesús pejwhajan. Pelax kajachawaechpi Espiritu Santo, japi jiw naksiyaliajwa Dios buxto'aspxoxan jiw naewhajnaliajwapi, japox Jesús pejwhajan naexasitikal jumtaeliajwa. ²³ Xamal natamejlamxot kaewutje puexa xamal chalechkal naksiyam wut asajamechan, matabija-emiljamechan, jawut, asan aton pat wut, Jesús pejwhajan naexaxis-elpon, japon aton nejchaxoelaxael xamalliajwa: “Ampi jiw na-acha” —chiyaxaelon, nejchaxoel wut xamalliajwa. ²⁴ Xamal natamejlamxot Espiritu Santo kajachawaet wut jumchiliajwam Dios buxto'apoxan jiw naewhajnaliajwam, jawut, asan aton xamalxot pat wut naexaxis-elpon Jesús pejwhajan, xamal jumtaen wut, japon aton pajut matabijsaxael pejbwhajanpox Diosliajwa, babijaxan is xoton. Xabich nejchaxoelaxaelbejpon babijaxan ispxoxanliajwa. ²⁵ Nejchaxoelaxaelbejpon: “Xan puexa nejchaxoelxpxoxan Dios matabijt” —chiyaxaelon, nejchaxoel wut. Do jawut, Dios kawhajan wut, brixtat nukaxaelon Dios sitaeliajwa. Jawut japon aton jumchiyaxael xamalliajwa: “Diachwhajnakolax Dios xamalxot” —chiyaxaelon.

Culto chiekal isaxaelpox Jesús pejwhajan naexasiti

²⁶ Takoew, natamejlam wut Dios pejjamechan naewesliajwam, asew jiw xamalxot jajuiyaxael Diosliajwa. Asew naewhajnaxael jiw. Asew jumchiyaxael Dios buxto'aspxoxan jiw naewhajnaliajwa, Espiritu Santo kajachawaech wut. Asew chalechkal naksiyaxael matabija-eljamechan, Espiritu Santo kajachawaech wut. Japi jum-aechpoxan, asew jiw chiekal chanaekabuanaxael jiw chiekal jummatatabijaliajwa japox, Espiritu Santo kajachawaech wuti. Jasox jachiyaxaelam puexa Jesús pejwhajan naexasiti kaes pejme chiekal xanaboejaliajwapi Dios. ²⁷ Asew jiw xamalxot chalechkal naksiya wut matabija-eljamechan, Espiritu Santo kajachawaech wut, ja-aech wut, Dios tapaeis japi kolenje, o, tres atonbej, naksiyaliajwa japi matabija-eljamechan. Japi naksiya wut, kaenanula naksiyaxael. Japi jiw Dios tapae-esal kaewutje kamta naksiyaliajwa. Japi kaenanula naksiyapoxan buxtoet wut, do jawut, asan xamalxot chanaekabuanaxael puexa jaxot naeweti japajamechan chiekal jummatatabijaliajwa. ²⁸ Asew jiw xamalxot naksiyasia wut matabijs-eljame, jaxot aton ajil wut japon chiekal chanaekabuanaliajwa puexa jiw jummatatabijaliajwa, ja-aech wut, kaes pachaem, japi jiw naksiya-elaliajwa matabijs-eljame. Ja-aech wut, japi kaenanula boejlach Dios kawhajnaxael. ²⁹ Asew jiw xamalxot jum-aech wut Dios buxto'aspxoxan, japoxan japi jiw naewhajnaliajwa, Dios tapaeis japi kolenje, o, tres aton wut, jumchiliajwa. Japi kaenanula jum-aech wut, asew chiekal naewesaxaespi japi naksiyapoxan jummatatabijaliajwa, diachwhajnakolax Dios buxto'aspxox jum-aech wuti. Ja-el wut, japi pajut asban jumch jum-aechlappoxkal. ³⁰ Jaxot kaen aton ek wut, jawut chalechkal japon Dios

buxto'as wut jumchiliajwa, ja-aech wut, matxoelanaksiyapon, boejlach nukaxaelfuk asan aton Dios buxto'aspoxx jumchiliajwa. ³¹ Ja-am wut, xamal kaenanula jiw naewuajande Dios buxto'apoxan, puexa jiw chiekal jumatabijaliajwa! Ja-am wut, puexa naexasiti Jesús pejwuajan, japi ne-jchachaemlaxaelbej, jumatabija wuti japoxan. ³² Xamalzot kaen aton jumchisia wut Dios buxto'aspoxx, japon jumchiyaxilfuk japox. Asew jiw naksiyax buxtoet wut, do jawut, japon jumchiyaxael Dios buxto'aspoxx. ³³ Dios nejxasinka-el kamta kaewutje puexa jiw jumchiliajwa, natameja wut.

Samata, xamalbej natamejlam wut, me-ama asew jiw, naexasiti Jesús pejwuajan, kaewutje jumchi-el naksiyaxaelpox, xamalbej ja-amde! ³⁴ Xamal natamejlam wut culto isliajwam, watho' boejlach chalakaxael naewesliajwa naewuajanpoxan. Tapae-esal watho' naksiyaliajwa. Watho' kaenanula chiekal naexasisaxael pamal, Dios japox to'a xot. ³⁵ Watho' kaes matabijasia wut cultotat naewetpoxanliajwa, jawut kamta watho' wuajnachaemsaxilfuki pamal matabijasiapox. Pejbachanxot pat wut, japi watho' wuajnachaemsaxael pamal. Puexa watho' jachiyaxael jumxan-elasamata cultotat.

³⁶ Xamal matxoela tudui-emil Dios pejjamechan asew jiw naewuajnalijwa. Xamalbej Dios pejjamechan naexasitam wut, xamal koewam Dios pejjamechan naexasitampiya-emil. Samata, xamal najutliajwa nejchaxoelde isaxaelampoxan Diosliajwa! ³⁷ Asan aton xamalzot jum-aech wut: “Xanlap Dios pejprofetan, Dios nabuxto'aponan jiw naewuajnalijwan” —aech wuton, japon aton pajut chiekal matabijsaxael, xan lelxpox Dios nakito'a lelaliajwan japox. Asan atonbej jum-aech wut: “Espíritu Santo nakajachawaet asew jiw kajachawaesliajwan” —aech wuton, japonbej pajut chiekal matabijsaxael, xan lelxpox Dios nakito'a lelaliajwan. ³⁸ Japon aton nejxasinka-el wut naexasisliajwa xan lelxpox, Dios nakito'apox, xamal japon aton nabej naexasis, japon aton naewuajan wut!

³⁹ Takoew, nejxasinkde asew jiw naewuajnafulaliajwam xamal Dios buxto'apoxan! ¡Nabej buxfiasbej, asew jiw Espíritu Santo kajachawaech wut, chalechkal matabijs-eljame naksiya wut! ⁴⁰ Natamejlam wut culto isliajwam, ichiekal culto isde!

15

Jesucristo tup wut, tres matkoi wut, Dios mat-echpox pejme dukaliajwa

¹ Takoew, xan majt xamal naewuajnax Jesús pejwuajan Dios bu'weliajwa xamal. Samata, xamal japawuajan naexasitam xot, chiekal duilam. Xan nejxasinkax japox nejchaxoelaliajwam. ² Japawuajan chiekal naexasisfulaxaelam wut, Dios xamal bu'weyaxael babijaxan isampoxanliajwa. Naexasis-emil wut, Dios xamal bu'weyaxil.

³ Xamal naewuajnax, majt xan nanaewuajanwuajan, Jesús pejwuajan. Japawuajan kaes pejme pachaem. Me-ama asawuajan, jachi-el. Cristo tup cruztat babijaxan isaspoxxan nakwemosliajwapon, me-ama Dios pejjamechan, chajia lelxpox, jum-aech japox jachiliajwa. ⁴ Cristo tup wut, jawux muaxwuajtat ochpon. Do jawux, tres matkoi wut, Cristo mat-ech pejme dukaliajwa. Me-ama Dios pejjamechan chajia jum-aech, ja-aechlisox. ⁵ Do jawux, Cristo natulaelt Pedroxot. Jawux pejme natulael-ton doce apóstolesxot. ⁶ Do jawux, kaes quinientos wajkoew natamejaxot

natulaelton. Asew japixot tɔp, padiachow xotlisi. Xabich asew japixot laelpfuk. ⁷ Do jawux, pejme Cristo natulaelt Santiagoxot. Jawux puexa apóstolesxotbej pejme natulaelton.

⁸ Do baxael, taxdukaxtat xanxot natulaelton. Asew jiw matxoela taen japon. Do jawux, xabich pin-iamatkoijan wut, xanbej taenx japon. Samata, xan, me-ama kaes pachaema-enil wut, ja-an, taxdukaxtat taenx xot Cristo. ⁹ Xan majt chakifolx jaelaliajwan naexasiti Jesús pejwɔajan jeliajwan jiw jebatat. Samata, amwɔtjel xan nejchaxoelx: “Puexa apóstolesxot xan kaes pejme pachaema-enil. Me-ama puexa asew apóstoles pachaem Jesúsliajwa, xan jachi-enil” —an, nejchaxoelx wut. Samata, xan kaes pachaema-el apóstolliajwan. ¹⁰ Pe nakiowa, Dios nabeltaen xot, namakafit amwɔtjel xan apóstolliajwan. Xan xabich kaes nabistax Diosliajwa. Me-ama puexa asew apóstoles nabist wut Diosliajwa, xan jachi-enil. Samata, Dios nafa'a-el xanxot. Xan tajut tajaxtat is-enil Dios pijax bichax. Dios nabeltaen xot, nakajachawaet japabichax isfulaliajwan. ¹¹ Xan naewɔajna xamal Jesús pejwɔajan. Asew apóstolesbej xamal naewɔajan japawɔajan. Kaes pejme pachaempox xanliajwa, xamal naexaxisliajwam Jesús pejwɔajan, naewɔajnaprox.

Asamatkoi Dios mat-eyaxaelpox tɔpi, pejme duilaliajwa naexasiti Jesús pejwɔajan

¹² Xamal naewɔajna xan wut, jɔm-an: “Cristo tɔp wut, tres matkoi wut, Dios mat-echpon pejme dukaliajwa” —an xanal. ¿Ma-aech xotkat asew jiw xamalxot jɔm-aech: “Dios mat-eyaxil jiw tɔpi pejme duilaliajwa” —aechkati xamalliajwa? Jasox japi jiw jɔmchiyaxil. ¹³ Diachwɔajnakolax Dios mat-eyaxil wut tɔpi pejme duilaliajwa, Cristobej mat-esaxisal pejme dukaliajwa, tɔp wuton. ¹⁴ Cristo mat-es-esal wut pejme dukaliajwa, xanal naewɔajnaprox, japox pachaemaxil jiwliajwa. Ja-aech wutbej, xamal Dios xanaboejampox bu'welialjwa pachaemaxil xamalliajwa. ¹⁵ Cristo mat-es-esal wut pejme dukaliajwa, xanal jɔm-anpox Dios ispoxlialjwa, japox diachwɔajnakolaxil. Dios mat-eyaxil wut tɔpi pejme duilaliajwa, Cristo tɔp wutbej, japon chiekal kaelel tɔpaxael. Mat-esaxisalbejpon pejme dukaliajwa. ¹⁶ Dios mat-eyaxil wut tɔpi pejme duilaliajwa, ja-aech wut, Cristobej mat-esaxisal pejme dukaliajwa. ¹⁷ Ja-aech wut, xamal Dios xanaboejampox bu'welialjwa, japoxbej pachaemaxil xamalliajwa. Ja-aech wut, Dios xamal kastikaxael, babijaxan isfulam xot. ¹⁸ Ja-aech wutbej, chajia tɔpi, Cristo pejwɔajan naexasiti, japibej napel-saxael Diosliajwa. ¹⁹ Xatis ampathatat laelpas wut, wɔajnawesfulas Cristo nakchaxdusaxaelpox. Dios nakmat-eyaxil wut pejme duilaliajwas, ja-aech wut, puexa jiw xatislialjwa nakwɔljɔmchiyaxael: “Ampi jiw xabich nabijaslap, wɔajnaweslap xoti jilpox” —chiyaxael jiw xatislialjwa. Samata, kaes pejme xatis nabijasaxaes. Me-ama puexa asew jiw nabijat wut, jachiyaxisal xatis.

²⁰ Pe diachwɔajnakolax Cristo matxoela mat-ech pejme dukaliajwa. ²¹ Patɔpax tɔadut, kaen Adán, matxoelapijin, babijax is wut puexa jiw tɔpaliajwa. Kaen Cristo tɔp wut cruztat, Dios mat-ech pejme dukaliajwa. Samatabej, asamatkoi jiw, tɔpi, japi jiw Dios mat-eyaxaes pejme duilaliajwa. ²² Adán, wajwɔajnapijin, tɔp xot, xatisbej, wɔchakalpijwas, tɔpaxaes. Xatis, Jesús pejwɔajan naexasichpis, Cristo pejijs wut, Dios nakmat-eyaxael pejme duilaliajwas. Me-ama Cristo mat-echpon pejme dukaliajwa, jachiyaxaelbej Dios xatislialjwa, asamatkoi nakmat-eyaxael

wut pejme duilaliajwas. ²³ Dios markpox, matkoi, pat wut, jawut jiw tɔpi, japi naexasiti Jesús pejuwajan, kaenanala mat-eyaxaes. Dios matxoela mat-et Cristo pejme dukaliajwa. Pejme japon pask wut ampathatasik, japamatkoi puexa jiw, naexasiti Jesús pejuwajan, mat-eyaxaesbej pejme duilaliajwa. ²⁴⁻²⁵ Do jawut, Cristo chiekal toesaxael padaelmajiw. Kaen namanaxil, japi asew jiw tato'alpi. Do jawutbej, Cristo naliaxsaxael potuajnucha jiw tato'laliajwa. Do jawux, Cristo wiasaxael pax Diosxot jiw tato'alpox. ²⁶ Jawux japon toesaxael patɔpax. Ja-aech wut, jiw kaes tɔpaxil. ²⁷ Dios pejjamechan, chajia lelspx, jum-aech wut, jum-aechox: “Cristo asamatkoi tapaeaxaes puexa jiw tato'laliajwa” —aechox. Pe nakiowa, Dios pejjamechan, chajia lelspx, jumchi-el: “Cristo puexa jiw tato'al wut, Diosbej tato'laxaelon” —chi-elox. ²⁸ Cristo puexa tato'al wut, japamatkoi japon pajut natapaeyaxael pax Dios tato'laliajwas. Samata, Dios puexa tato'laxael.

²⁹ Xan ampox lelaxaelen chiekal matabijaliajwam. Asew jiw xam-alxot pejiw wetɔps wut, bautisa-esalpi, japi, laelpi, kawajan bautisaliajwas pejiw, tɔpiliajwa: “¡Xan nabautisam! Xan nabautisam wut, ¡bautisa-esalpon, tɔpon, japon Diosxotsepon, me-ama bautisas wut, jachiliajwapon jaxotse!” —aech pejiw tɔpiliajwa. Jiw tɔp wut, asamatkoi mat-eyaxil wut pejme duilaliajwa, ¿ma-aech xotkat japi kawajan bautisaliajwas pejiwlialjwa, japi tɔpiliajwa? ³⁰ Ajil wut mat-eyax jiw pejme duilaliajwa, ¿ma-aech xotbejkat pomatkoicha xabich chachoel wut xanalliajwa, xanal nakiowa naewajnaax Jesús pejuwajan? Ja-aech wut, japox xanalliajwa pachaemaxil, Dios xanal namat-eyaxil wut pejme duilaliajwan. ³¹ Takoew, diachwajnakolax pomatkoicha xanliajwa chachoel, asew jiw naboesia xot. Xan nejchachaemlax, xamal naexasitam xot wajpaklon Jesucristo pejuwajan. ³² Xan xabich nabijatax Éfeso paklowaxxot. Japapaklowaxpijwxot, asew jiw xan nanejwesla. Japi jiw xabich chachoel xanliajwa. Pejmachoef wut, ja-aechi xanliajwa. Xatis asamatkoi puexa chiekal tɔpaxaes. Mat-eyax ajil wut jiw pejme duilaliajwa, ja-aech wut, ¿achaxkat xatis kanaxaes Diosliajwa isaspoxan? Mat-eyax ajilaxael wut jiw pejme duilaliajwa, ja-aech wut, kaes pachaemaxael isliajwas asew jiw jum-aechpoxan. Japi asbuan jumch jum-aech: “¡Xabich xaeyaxaes! ¡Xabich feyaxaesbej naksaxsliajwa! Jasox isfelas wut, ¡nejchachaemlaxaes, mox pawajna xot tɔpaliajwas!” —aech asew jiw.

³³ ¡Japi jiw, japox jum-aechpi, xamal nabej tapae' naekichachajbaliajwa! Xamal pachaemam wut, pe nejnachala, babejchow wut, ja-aech wut, xamalbej babejchowaxaelam. ³⁴ ¡Xamalbej nabej nejliakle! ¡Kaes babijaxan nabej isbej! Asew jiw xamalxot, japi jiw matabija-el Dios. Xan japox jum-an xamal nadalaliajwa.

Machiyaxaespx tɔpi, asamatkoi mat-eyaxaes wut pejme duilaliajwa

³⁵ Kaen aton xamalxot wujnachaemsaxael wut, bej jumchiyaxaelbejpon: “¿Machiyaxaelkat jiw, tɔpi, mat-eyaxaes wut pejme duilaliajwa? Tɔpi mat-ias wut pejme duilaliajwa, ¿japi pejbuan makabwanchiyaxaelkat?” —bej chiyaxaelbej, japon aton wujnachaemt wut. ³⁶ Japon japox wujnachaemsaxael wut, japon wujnachaemtpx, nejliaklax wulxael. Jesfut malthas wut, naboelt. Jesfubokt xoep satat.

³⁷ Jesfut, o, asafutbej, mʉthtas wʉt, mʉthtas pafut. Naboeltpox mʉths-esal. ³⁸ Mʉthtasfut, japox naboelt wʉt, me-ama pafut, kabʉanchi-el. Boelnakola, me-ama Dios nejxasink japafut naboelaliajwa. Nejmach-asafu boelnakola wʉt, me-ama majt pafut wʉt, jakabʉanchi-el. ³⁹ Ja-aechlap-is jiw pejbu'an. Najʉpa-elbej, choef sʉapich, mia sʉapichbej, baxi sʉapichbej. ⁴⁰ Xatis taenspoxan thatbaxotat, ampathatat taenspoxanbej, japoxan kaenanʉla chiekal najʉpa-el. Thatbaxotat pachaempoxan najʉpa-el, ampathatat xabich pachaempoxan sʉapich. ⁴¹ Ja-aechbej juimt matkoipijin, madoipijin sʉapich. Kaenanʉla chiekal najʉpa-itliaka-el. Puexa ithaejbej kaenanʉla chiekal najʉpa-itliaka-el.

⁴² Ja-aechbej jiw tʉpi, Dios mat-ias wʉt, japi pejme duilaliajwa. Jiw tʉp wʉt, mʉthas. Do japoxan jaxot kaweta xoepdik. Japi jiw Dios mat-ias wʉti, pajelbu'anaxaelpi pejme duilaliajwa. Pajelbu'an wʉt, japi jiw kaes tʉpaxil. Kaes japi pejbu'an wexoepaxisalbejpi. ⁴³ Patʉpan mʉthtas wʉt, mʉthtaspox pachaema-el. Mamnika-elbejpo. Samata, chinax kaen aton japox nejxasinka-el. Pelax Dios mat-esaxaelpox pejme dukaliajwa xabich pachaemaxael. Mamnikaxaelbejpo. ⁴⁴ Mʉthtaspo satat naman. Jaxot xoepbejpo. Pelax Dios mat-esaxaelpox pejme dukaliajwa, japox athʉpijax wʉlxael. Xatis ampathatat laelpas wʉt, wajbu'an chabu'alaelpas. Pe asamatkoi duilaxaes kaenanʉla pajelbu'antat Diosxotse.

⁴⁵ Dios pejjamechan, chajia lelsपो, jʉm-aech wʉt, jʉm-aechox: “Adán matxoela isas. Do jawʉt, dukafulon, Dios kajachawaech xot” —aechox. Do jawʉx, Adán tʉp wʉt, baxael, Cristo nalaelt, me-ama Adán, ja-aechon. Pe Cristo kaes pejme pachaem. Me-ama Adán, jachi-elon. Cristo tʉp xot xatisliajwa, Dios naktapaeyaxael duilaliajwas pomatkoicha Diosxotse. ⁴⁶ Wajbu'an, me-ama ampathatpijiw pejbu'an wʉt, ja-aech. Pe asamatkoi, Dios nakmat-eyaxael wʉt pejme duilaliajwas, me-ama Diosxotse duilpi pejbu'an wʉt, jachiyaxael kaenanʉla wajbu'an. ⁴⁷ Adán Dios matxoela isas asthumbat ampathatpijinliajwa. Baxael, Jesús, wachakalpijin, japon fʉloek athʉxotsik. ⁴⁸ Puexa xatis wajbu'an, me-ama Adán pejbu't wʉt, ja-aech, isaspox asthumbatat. Pe asamatkoi, Cristo pejiwʉajan naexasichpis, wajbu'an, me-ama Cristo pejbu't wʉt, jachiyaxael.

⁴⁹ Amwʉtjel wajbu'an, me-ama Adán pejbu't wʉt, ja-aech. Asamatkoi wajbu'an, me-ama Cristo pejbu't wʉt, jachiyaxael.

⁵⁰ Takoew, ampox lelaxaelen xamal chiekal matabijaliajwam. Jiw pejbu'an wʉtfʉk ampathatat, japi jiw, japabu'an sʉapich, fʉlaeyaxilse Dios poxase duilaliajwa jaxotse. Ampathatat jiw pejbu'an pomatkoichaliajwa-el. ⁵¹ Xan nejxasinkax xamal matabijaliajwam asew jiw matabija-elpox. Cristo pejme pasliajwa wʉt, puexa xatis tʉpaxisal. Cristo pask wʉt, puexa xatis, tʉpa-esalpisfʉk, tʉpi sʉapichbej, jawʉt Dios puexa wajbu'an nakwexaliaxaxael. ⁵² Taxdukatrompeta jiw thiataen wʉt, jawʉtbej tʉpilis Dios mat-eyaxaes pejme duilaliajwa. Xatisbej, laelpaspisfʉk, Dios nakwexaliaxaxael wajbu'an pajelbu'antat pomatkoicha duilaliajwas. ⁵³ Xatis ampathatat tʉps wʉt, wajbu'an xoepaxael. Japoxan asthumba nadofaxael. Samata, Dios nakbu'xaliaxaxael kaes pejme pachaemaxaelbu'an, xoepaxilbu'an. ⁵⁴ Dios nakwexaliaxa wʉt wajbu'an, ja-aech wʉt, pejme tʉpaxisal, me-ama Dios pejjamechan, chajia lelsपो, jʉm-aech wʉt, jʉm-aechox: “Dios malechaxael patʉpax. Samata, Dios japi jiw mat-ia wʉt pejme

duilaliajwa, japi jiw pejme tɔpaxil. ⁵⁵ Patɔpax kaes malechaxil jiwliajwa. Patɔpax kaes mamnikaxilbej jiwliajwa” —aech Dios pejjamechan. ⁵⁶ Jiw pejlwla tɔpaliajwa, Dios kastikaxaes xoti babijaxan ispoxanliajwa. Dios japi jiw kastikaxael, naexaxis-el xot Moisés chajia lelpox. ⁵⁷ Xatis tɔps wɔt, napelsaxisal Diosliajwa. Wajpaklon Jesucristo tɔp cruztat Dios nakbu'weliajwa. Samata, xatis graciastis Diosliajwa.

⁵⁸ Takoew, xamal nejxasinkaxpim, Diosliajwa nabistampoxan, japoxan napelsaxil xamalliajwa. Samata, jnabej kofe' Dios naexasitam-pox! jDios chiekal xanaboejim xamal kajachawaesfulaliajwa! jKaes pejme xabich nabisde japonliajwa!

16

Pablo kito'apox Corinto paklowaxpijiw ofrenda owaliajwa

¹ Ma amwɔtjel lelx xamal to'aliajwan plata owaliajwam, xato'aliajwam Jerusalén paklowaxpijiwliajwa, japi naexasiti Jesús pejwɔajan. Me-ama xan kito'ax Galacia tɔajɔpijiw ofrenda owaliajwa Jerusalén paklowaxpijiwliajwa, jxamalbej ja-amde! ² Xamal kaedominkofɔl wɔt, kanampi, kaesɔapich diajnaxaelam plata owaliajwam Jerusalén paklowaxpijiwliajwa. Asew jiw xamalxot, kaes kanapi, kaes plata owaxael ofrendaliajwa. Jachiyaxaelam ofrenda owax kitoesliajwam, xan pas-enil wɔtfuk xamalxot. Xamal kitoetam wɔt ofrenda owax, xamal kaes kito'axinil ofrenda owaliajwam Jerusalén paklowaxpijiwliajwa, xan patx wɔt. ³ Xamalxot pa'ax wɔt, poejiw, najut makanotampi, to'axaelen Jerusalén paklowax poxade japi plata xalaeliajwa. Xan carta lelaxaelen japi nawexalaeliajwa Jerusalén paklowaxpijiw poxade. Japi jaxot xapa'a wɔt, japaplata chaxdut wɔti, japox cartabej chaxdusaxaelpi. ⁴ Pachaem wɔt, xan tajut japi buflaeyaxaelen Jerusalén paklowax poxade.

Pablo nejchaxoelpox pejme taeliajwa Corinto paklowaxpijiw

⁵ Xan amxot chijian wɔt, majt Macedonia tɔajɔɔ poxaxaelen. Do jawɔx, xamal Corinto paklowaxpijwam taeyaxaelen. ⁶ Xamalxotx wɔt, piach bej nakdukaxaelenbej xamalxot. Ja-an wɔt, iama chatoepaxaelenbej xamalxot. Do jawɔx, xamal nakajachawaesaxaelam, xan fulaeliajwan wɔt. ⁷ Patx wɔt xamalxot, xan nejxasinka-enil kamta chijiyaliajwan xamalxot. Dios natapai wɔt, piach dukaxaelen xamalxot. ⁸ Amwɔtfuk namanaxaelen Éfeso paklowaxxot. Pentecostésfiesta toep wɔt, do jawɔx, fulaeyaxaelen Macedonia tɔajɔɔ poxade. ⁹ Amwɔtjelfuk amxot, Éfeso paklowaxxot, pachaem xan jiw naewɔajɔnaliajwan Jesús pejwɔajan. Samata, namanxfuk amxot. Jiw xabich nejxasink naewesliajwa Jesús pejwɔajan. Pe nakiowa, asew jiw japixot xabich nejxasinka-el xan naewɔajɔnaxpox.

¹⁰ Timoteo pa'a wɔt xamalxotde, jchiekal bu'kulim japon nejchachaem-laliajwa! Timoteo chiekal nabist wajpaklon Jesúsliajwa. Me-ama xan chiekal nabistax wɔt, ja-aech Timoteo. ¹¹ Samata, Timoteo xamalxot wɔt, chiekal sitaeyaxaelam. Japon kajachawaesaxaelam, fulaen wɔt xan nataeliajwa. Xan Timoteo wɔajɔnawetx, asew, naexasiti Jesús pejwɔajan sɔapich.

¹² Xamal nawɔajɔnachaemtam Apolosliajwa. Xan xabich to'ax Apolos, asew sɔapich, japi naexasiti Jesús pejwɔajan, nakfulaeliajwapon xamal

taeliajwa. Pe Apolos owchi-el. Asamatkoi fulaeyaxaelpon xamal taeliajwa.

Pablo xabich saludos xato'apox, carta lelax kitoesliajwa wut

¹³ ¡Chiekal taem Satanás xamal naekichachajbasamata! ¡Dios chiekal xanaboejimbej! ¡Xamal chinax asaxliajwa nabej nejlewl'e'bej! ¹⁴ Isam wut pachaempoxan asew jiwliajwa, ¡puexa japoxan isfulde, japi nejxasinkam xot!

¹⁵ Takoew, xamal matabijam Estéfanos, japon pejjiw suapich, matxoela naexasit Jesús pejwujajan Acaya tuajnu xot. Japibej xabich kajachawaet asew jiw, naexasiti Jesús pejwujajan. ¹⁶ Xan nejxasinkax xamal chiekal naexasisliajwam, me-ama japi, ja-aechpi, xamal to'a wut. Asew jiwbej, japi suapich nabistpi, chiekal naexasisaxaelambej.

¹⁷ Xan nejchachaemlax, asew xamalxotpijiw pa'an wut. Japi pa'anpi, Estéfanos, Fortunato, Acaicobej. Xan japiliajwa nejchaxoelx: “Ampi jiw xan nakajachawaet xot, me-ama Corinto paklowaxpijiw nakajachawaet wut, ja-aechi xanliajwa” —an xamal Corinto paklowaxpijwamliajwa, nejchaxoelx wut. ¹⁸ Samata, japi jiw pat wut, xan xabich nejchachaemlax. Kaes pejme chiekal Dios xanaboejtaxbej. Japi xamal kajachawaet wut, kaes Dios chiekal xanaboejam. Xan ja-anbej. Samata, ¡jasi jiw xamal chiekal sitaem!

¹⁹ Asia tuajnu pi ji w, naexasiti Jesús pejwujajan, saludos xato'a xamalliajwa. Aquila, pijow suapich, japow pawul Prisca, asew jiwbej, Aquila pejbaxot natamejapi, xabich saludos xato'a xamalliajwa. Jasoxtat puexa japi jiw saludos xato'a xamalliajwa, kaen, wajpaklon Jesucristo, pejjiw xot. ²⁰ Puexa naexasiti Jesús pejwujajan, amxotpijiw, saludos xato'abej xamalliajwa. Me-ama asew jiw, Jesucristo pejwujajan naexasiti, nakaewa nasaluda wut, ¡ja-amdebej xamal!

²¹ Xan Pablo, amxot tajut lelx xamal saludaliajwan.

²² Jiw, nejweslapi wajpaklon Jesucristo, japi jiw Dios kastikaxaes. ¡Nej xabunata wajpaklon Jesús!

²³ Xan wajpaklon Jesucristo kawujajna xamal chiekal kajachawaesliajwa. ²⁴ Puexa xamal saludax, nejxasinkax xot xamal, xatis wajpaklon Jesucristo pejjiw xot.

Wachakalcarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹ Xan Pablo, Dios namakafit Jesucristo pej-apóstolliajwan, Dios nanejx-asink xot. Xan ampox carta lelx, Timoteo s̄apich, xamal Jesús pejw̄ajjan naexasitampimliajwa, Corinto paklowaxpijwam. Lelxbej ampox carta puexa Acaya t̄aj̄n̄pijiwliajwa, Jesús pejw̄ajjan naexasitiliajwa. ² Waj-ax Dios, wajpaklon Jesucristobej, japi kaw̄aj̄nax xamal kajachawaesliajwa, chiekal duilaliajwam, a sew jiw s̄apich.

Pablo lelpox xabich nabijatpoxanliajwa

³ Xatis wajpaklon, Jesucristo pax Diosliajwa, graciastis. Waj-ax Dios nakbeltaen. Pomatkoicha nakkajachawaetbejpon, nabijatas w̄ut nejchachaemlaliajwas. ⁴ Xanal nabijatax w̄ut asaxanliajwa, Dios nakajachawaet nejchachaemlaliajwan. Samata, xanal xaj̄p̄x, naew̄aj̄nax w̄ut kajachawaesliajwan, a sew jiw nabijat w̄ut, japi bej nejchachaemlaliajwa. Me-ama xanal Dios nakajachawaet, xanal bej naew̄aj̄naxaelen a sew jiw kajachawaesliajwan. ⁵ Xanal Jesucristo pejiwan xot, nabijatax w̄ut, Dios nakiowa nakajachawaet nejchachaemlaliajwan. ⁶ Samata, xanal nabijatax w̄ut, xaj̄p̄x xamal naew̄aj̄naliajwan xamal bej nejchachaemlaliajwam, asamatkoi nabijatam w̄ut. Xaj̄p̄xaelen bej xamal naew̄aj̄naliajwan Dios kaes xanaboejalialjwam xamal b̄w̄w̄eliajwapon. Samata, nabijatam w̄ut, me-ama xanal majt nabijatax, ja-am w̄ut, j̄nabej boejxatatae' nabijatampoxkal! ⁷ Xanal matabijax. Xamal nabijatam w̄ut, Dios kajachawaesaxael. Me-ama xanal nakajachawaet w̄ut, jachiyaxaelbejpon xamalliajwa. Samata, xamal nabijatam w̄ut, Dios kajachawaesaxael nejchachaemlaliajwam. Me-ama xanal majt nabijatax w̄ut, Dios nakajachawaet nejchachaemlaliajwan, jachiyaxaelbejpon xamalliajwa.

⁸ Takoew, xanal nejxasinkax xamal nejchaxoelaliajwam xabich nabijataxpo, Asia t̄aj̄n̄xotan w̄ut. Xanal jaxot nabijatax w̄ut, nejchaxoelx: “Xabich nabijatas. Samata, kaes bej machiyaxisalbej nabijataspoxanliajwa. Xatis nakbeyaxaelbejpi” —an xanal, nejchaxoelx w̄ut. ⁹ Xanal xabich nejchaxoelxbej: “Diachw̄aj̄nakolax Dios nakta-paeibej t̄apaliajwas” —an xanal, nejchaxoelx w̄ut. Japox ja-aech xanal Dios xabich xanaboejalialjwan. Japon xaj̄p̄ t̄apibej mat-elialjwa pejme duilaliajwa. Samata, xanal amw̄utjel chiekal matabijax. Xatis wajut wajxat xanaboejaxisal, xaj̄p̄axisal xot welialjwas. ¹⁰⁻¹¹ A sew jiw xabich chachael w̄ut xanalliajwa, Dios nakiowa nab̄w̄ia. Amw̄utjelbej Dios nakiowa nab̄w̄ia, chachael w̄ut xanalliajwa. Xamal Dios kaw̄aj̄nafulam w̄ut xanalliajwa, Dios nakajachawaesfulaxael xanal welialjwan. Ja-aech w̄ut, xabich a sew jiw taen w̄ut Dios nakajachawaetpox, graciaschiyaxaelpi Diosliajwa.

Ma-aech xot Pablo fulae-el Corinto paklowaxpoxade

¹² Xanal pot̄aj̄n̄cha jiw naew̄aj̄nax w̄ut, xamalxotan w̄utbej, chiekal duilx, me-ama Dios nejxasink. Samata, xanal nejchachaemlax. Xanal chiekal duilx, Dios nakajachawaet xot. Tajut tajaxtat, matabijaxpoxantat, xanal chiekal duila-enil. ¹³ Xanal cartan lelx w̄ut, jaxot kaes asaxan

lela-enil. Samata, japacartan xaljowam wut, chiekal matabijaxaelam. Xan nejxasinkax, cartan xaljowam wut chiekal matabijaliajwam xanal lelpxoxan. ¹⁴ Asew jiw, xamalxotpijiw, chiekal matabija xanal ispxoxan. Jesucristo pejme pask wut ampathatasik, nejxasinkax japamatkoi xamal xabich nejchachaemlaliajwam xanal ispxoxanliajwabej. Xanalbej xabich nejchachaemlaxaelen xamal isampoxanliajwa.

¹⁵ Samata, nejchaxoelx xamal taeliajwan koleveces. ¹⁶ Xan nejchaxoelx ampox: “Macedonia tujnu poxadax wut, matxoela taeyaxaelen Corinto paklowaxpijiw. Do jawux, baxael, Macedonia tujnuxot nawia'nax wut, pejme taeyaxaelen Corinto paklowaxpijiw. Do jawut, japixotx wut, japi nakajachawaesaxael Judea tujnu pasliajwan” — an, nejchaxoelx wut. ¹⁷ Pe fulae-enil xamal taeliajwan. Xan japox nejchaxoelx wut, diachwujnakolax fulaesian xamal taeliajwan. Meama xabich asew jiw nejchaxoel asax isliajwa, do jawux, is-elipox, xan jachi-enil. ¹⁸ Dios chiekal matabijt xanal naekichachajba-enilpox. Xanal isaxinil wut asax, “Japox diachwujnakolax isaxaelen” —chi-enil. ¹⁹ Xan Pablo, Silvano suapich, Timoteobej, xamalxot naewujnax Jesucristo pejuwajan. Jesucristo, Dios paxulan, is-elasia wut, jumchi-elon: “Xan japox isaxaelen” —chi-elon. ²⁰ Puexa Dios chajia jumdutpoxan, japoxan Jesucristo is xatisliajwa. Samata, xatis Dios jumtis: “iXam xabich pachaemam!” —tis. ²¹ Dios xatis nakkajachawaet kofasamatas Jesus pejuwajan naexasichpox. Dios nakmakanotbej japon pejiwaliajwas. ²² Dios to'ak Espiritu Santo wajmatpuatanxotaliajwa nakkajachawaesliajwa. Ja-aech wut, xatis matabijas japon pejiwspox. Samata, xatis chiekal matabijas, Dios chajia jum-aechpox diachwujnakolax japon isaxael japox xatisliajwa.

²³ Xan majt nejchaxoelx xamal taeliajwan. Pe fulae-enilfuk, xan nejxasinka-enil xot xamal losliajwan, is-emil xot xan to'axpox. Dios chiekal matabijt xan jum-anpox diachwujnakolax. ²⁴ Xanal matabijax, xamal chiekal naexasitam Jesus pejuwajan. Samata, xanal to'a-enil xamal naexasisliajwam japawajan. Xanallax nejxasinkax xamal kajachawaesliajwan chiekal nejchachaemlaliajwambej.

2

¹ Samata, nejchaxoelx wut, jum-an xamalliajwa: “Kaes pachaem, ta-elaliajwan Corinto paklowaxpijiw. Xan japi taenx wut, losaxaelenbej. Lotx wut, japi nejxaejwaxaes” —an, nejchaxoelx wut xamalliajwa. ² Xamal nejchachaemlam wut, xanbej nejchachaemlax. Xamal losaxaelen wut, xamal nejxaejwaxael. Jachiyaxaelam wut, xanbej nanejxaejwaxael, xamal losaxaelen wut. ³ Samata, xan tajut xamal taenilfuk. Cartakal asbuan jumch xato'ax xamalliajwa nejxaejwasamata, xamal lotx wut. Nejchachaemlaxinil, xamalxot pa'ax wut, losaxaelen xot. Xan fulaechx wut xamal poxade, xamalbej nejchachaemlaximil. ⁴ Xan japox carta lel x wut, xabich nejchaxoelx xamalliajwa. Nowxbej. Lela-enil carta xamal nejxaejwaliajwa. Xan lelxlax xamal najut chiekal nejchaxoelaliajwam xamal xabich nejxasinkaxpox.

Pablo Corinto paklowaxpijiw to'apox beltaeliajwapi aton, majt xabich babijax ispon

⁵ Xan tamach nanejxaejwa-el japon atonliajwa, xamalxot xabich babijax is wut. Puexa xamalbej nejxaejow. Xan nejxasinka-enil japon

aton tasalaliajwan. ⁶ Puexa xamal japon aton fiatam, babijax is wut. Fiatambejpon culto is-elaliajwa, xamal swapich. Samata, japon koft babijax ispox. Amwutjel japon aton tapaeyaxaelam pejme culto isliajwa, xamal swapich. ⁷ ¡Amwutjel xamal japon beltaem! ¡Naewuajandebejpon kofsliajwa nejxaejwaspox! Ja-aech wut, japon kofsaxil naexasitpox Jesús pejwuajan. ⁸ Samata, xamal jum-an japon aton pejme chiekal bu'kulaliajwam, japon pajut chiekal matabijsliajwa xamal nejxasinkampox japonliajwa. ⁹ Majt xan lelx wut carta xato'aliajwan xamal poxade, japacarta xato'ax chiekal matabijsliajwan, xamal naexasisaxaelam wut xan xato'axpox japon atonliajwa. ¹⁰ Xamal beltaenam wut japon aton, jam wut, xanbej japon aton beltaeyaxaelen. Xan japox ja-an wut, Cristo taeyaxael beltaenxpox japon atonliajwa. Xan jachiyaxaelen xamal chiekal matabijaliajwam, xamalbej jachiliajwam. ¹¹ Xatis jachiyaxaes Satanás naknaekichachajbasamata. Xatis chiekal matabijas, ma-aech Satanás, jiw naekichachajbasia wut.

Pablo xabich nejchaxoelpox Titoliajwa, Troas paklowaxxot wuton

¹² Pa'ax wut Troas paklowaxxot jiw naewuajnalialjwan Jesús pejwuajan, Dios nakajachawaet xot, xabich pachaemlach naewuajnalialjwan japawuajan. ¹³ Wajkoewan Tito faena-enil xot Troas paklowaxxot, xan xabich nejchaxoelx Titoliajwa. Samata, Troas paklowaxpijiw kijachax, xan fulaeliajwan wut Macedonia tuajnu poxade, jaxotde Tito faenaliajwan.

Dios kajachawaech xot, apóstoles xajuppox jiw naewuajnalialjwa Jesús pejwuajan

¹⁴ Xanal gracias-an Diosliajwa, japon nakajachawaet xot, Jesús pejjiwan xot. Xanal potuajnuacha naewuajnax wut Jesús pejwuajan, Dios nakajachawaet. Xanal Jesús pejwuajan potuajnuacha jiw naewuajnax atuaj. Me-ama incienso bowas wut, xabich atuaj xabej-ok, ja-aech Jesús pejwuajan naewuajnaxpox. Samata, naexasiti Jesús pejwuajan jum-aechi Jesús pejwuajanliajwa: “Ampawuajan xabich pachaem” —aechi. ¹⁵ Dios nejchachaemil, xan jiw naewuajnax wut Jesucristo pejwuajan. Incienso bowas wut, puexa jiw xabejtaena. Ja-aechbej, Jesús pejwuajan xanal naewuajnax wut. Puexa jiw jumtaen japawuajan. Asew jiw naexasit Dios bu'welialjwas. Asew jiw lax naexasis-el japawuajan. ¹⁶ Jiw naexasis-elpi napelsaxael Diosliajwa. Asew jiw lax bu'weyaxaes. Xanal Jesús pejwuajan naexasitx, Dios nakajachawaet xot. Samata, xanal xajupx jiw naewuajnalialjwan Jesús pejwuajan, japi Dios bu'welialjwas. ¹⁷ Asew jiw naewuajan Jesús pejwuajan asbu'an jumch mosliajwas. Xanallax jachi-enil. Jiw naewuajnax wut japawuajan, chiekal naewuajnax. Kichachajba-enil, Dios nato'a xot, Cristo pejjiwan xotbej.

3

Pajelwuajantat Dios jumdutpox jiw bu'welialjwa

¹ Xamal naewuajnax wut Jesús pejwuajan, xanal tajutliajwa jumchi-enil: “Xanal kaes pejme pachaeman. Me-ama asew jiw, jachi-enil” —chi-enil tajutliajwa. Asew jiw pat wut xamalxot Jesús pejwuajan naewuajnalialjwa, japi carta xapat, asew jiw welelspox japiliajwa. Japox, carta lelspx, jum-aech: “Ampi jiw, Jesús pejwuajan naewuajanpi”

—aechox. Samata, xamal chiekal bu'kulam japi jiw, pat wut xamalxot. Xanallax xamalxot patx wut, carta xapas-enil xamal itpaeliajwan chiekal namatabijaliajwam, chiekal nabu'kulaliajwambej. Xanal nawewe'pa-elbej xamal lelaliajwam carta xanal xalaeliajwan asew jiw poxade chiekal japi namatabijaliajwa, chiekal nabu'kulaliajwabejpi.²⁻³ Xamal naewuajnax Cristo pejuwajan. Samata, amwutjel chiekal duilam. Chiekal duilampox Cristo nejxasink jiw matabijaliajwa. Cristo lela-el cartan jiwliajwa. Lela-elbejpon ia'fachantat. Me-ama chajia Moisés lel, jachi-el Cristo. Pelax Cristo Espiritu Santo to'a lelaliajwa pejamechan nejmatpreatantat, xamal pajelnejchaxoelaxanliajwa. Samata, amwutjel xamal chiekal duilam xot, asew jiw chiekal matabija xamal Jesucristo kajachawaesfulpox.

⁴ Xanal matabijax, Dios nato'a xamal naewuajnalialjwan Jesús pejuwajan. Dios nakajachawaetbej japoxan isliajwan, Jesucristo pejiwan xot. ⁵ Xanal tajut isaxinil Dios pejbichax. Pe nakiowa, Dios nakajachawaet xot, japox bichax nabistax. ⁶ Dios xanal nakajachawaet jiw naewuajnalialjwan pajelwajan. Japawajan jiw to'a-esal Moisés chajia lelpox naexasisliajwapi. Japawajanbej najupa-el, Moisés chajia lelpox sapich. Espiritu Santo nakajachawaet xot, xanal jiw chiekal naewuajnax, japi jiw chiekal duilaliajwa, me-ama Dios nejxasink. Moisés chajia lelpox xatis wajut puexa chiekal naexasis-esal. Samata, chiekal napelsaxaes Diosliajwa. Naexasich wutlax pajelwajan, Espiritu Santo nakkajachawaesfulaxael chiekal duilaliajwas pomatkoicha Diosxotse.

⁷ Dios majt lel tato'laliajwapoxan ia'fachantat. Do jawut, japia'fachan chaxduton Moisés. Jiw japox chiekal puexa naexasis-el. Ja-aech wut, japi pejbu'wajan Diosliajwa. Napeltbejpi Diosliajwa. Dios chaxdut wut Moisés japa-ia'fachan, Moisés pejxu xabich itliak. Samata, israelitas taeyaxili Moisés pejxu. Moisés xu-itliakpox bijiat toepaful. ⁸ Kaes pejme pachaem pajelwajan. Ampamatkoijan japawajan naexasich Dios nakbu'welialjwa, Espiritu Santo duk xot wajmatpreatanxot. ⁹ Dios tato'alpoxan pachaem. Jiw pajut matabija kastikaxaespox, xabich babijaxan is xoti. Pe kaes pejme pachaem pajelwajan Dios nakbu'welialjwa babijaxan isaspoxanliajwa. Xatis naexasich xot pajelwajan, babijaxan isaspoxan Diosliajwa chiekal ajil. ¹⁰ Pachaem Dios tato'alpoxan, Moiséstat waeltipox. Pe baxael, Dios wachakalwaeltipox, pajelwajan, japawajan kaes pejme chiekal pachaem. Samata, amwutjel majt Dios waeltipox Moiséstat, japox chiekal pachaema-ellejen. ¹¹ Dios tato'alpoxan, waeltipox Moiséstat, japox wajan pachaem. Pe baxael, wachakalwajan pat wut, kaes pejme pachaem japawajan. Japawajanlax namanaxael pomatkoichaliajwa.

¹² Xanal matabijax, japawajan namanaxael pomatkoichaliajwa. Samata, xanal tajlewla-el jiw naewuajnalialjwan japawajan. ¹³ Jiw naewuajnax wut, chiekal chanaekabuanax japawajan. Chajiakolaxtat Dios tato'alpoxan, waelt Moiséstat. Japawajan Moisés chiekal chanaekabuanana wut israelitas, japi chiekal jummatabija-el. Japamatkoijan, Moisés xu-itliak wut, panuelbu' xumatakaton israelitas taesamata, Moisés pejxu itliakpox toepafulpo. ¹⁴ Moisés naewajan wut israelitas, japi chiekal jummatabija-el chanaekabuanaspojan, japi pejnechaxoelaxan, me-ama matakas wut, ja-aech xoti. Amwutjelbej is-

raelitas pamojiw, japi pejnechaxoelaxan, me-ama matakas wut, ja-aech. Israelitas naewuaj nabaxot chanaexaljows wut Moisés chajia lelpox, japox chiekal jummatabija-eli. Pelax israelitas pamojiw naexasisaxael wut Jesús tuppox japiliajwa, ja-aech wut, japi chiekal matabijaxael Moisés chajia lelpox. ¹⁵ Amwutjelbej israelitas pamojiw chiekal jummatabija-el, xaljow wut Moisés chajia lelpox. Japi pejnechaxoelaxan, me-ama matakas wut, ja-aech xoti jummatabija-el. ¹⁶ Pe nakiowa, asew israelitas naexasit wajpaklon Jesucristo pejwajan. Samata, japi chiekal matabija, xaljow wut Moisés chajia lelpox. ¹⁷ Wajpaklon Jesucristo kaenechaxoelax, Espiritu Santo swapich. Espiritu Santo duk wajmatpumatxot. Samata, Espiritu Santo nakkajachawaesful isasamatas babijaxan. Ja-aech wut, nakwewe'pa-el Moisés chajia lelpox naexasisfulaliajwas. ¹⁸ Samata, xatis babijax isaxisal. Jatis wut, asew jiw matabijaxael, diachwajnakolax Dios chiekal pachaempon. Espiritu Santo nakkajachawaet xot, xatis chimianejchaxoelaxan. Jatis wut, wajnechaxoelaxan, me-ama Jesucristo nechaxoel wut, jachiyaxael.

4

¹ Dios xanal nabeltaen xot, nato'a nabichliajwan japon pejbichax. Samata, xanal nechaxoela-enil kofaliajwan. ² Xanal is-enil padalapoxan. Asaxbej is-enil jiw naekichachajbaliajwan. Dios pejjamechan naewuaj nax wut, kaes asaxan jiw naewuajna-enil. Dios chiekal matabijt xanal jum-anpoxan, puexa japoxan diach chiekal wuajnakolax, puexa jiw pajut chiekal matabijaliajwa. Xanal naewuaj naxpoxan xabich pachaem. ³ Naewuaj nax wut, chiekal naewuaj nax puexa jiw chiekal matabijaliajwa Dios bu'welialjwas. Pe japi naexasis-el wut xanal naewuaj naxpox, ja-aech wut, japi jiw pomatkoicha pajut napelsaxael Diosliajwa. ⁴ Japi naexasis-el wut japawuajan, pejnechaxoelaxan, me-ama itkua'nik. Pelax naexasiti Jesús pejwajan, japi pejnechaxoelaxan, me-ama itliak. Samata, Satanás, paklonpon ampathatpijiwliajwa, japon nejxasinkael jiw naexasisliajwa Jesús pejwajan. Cristo, pax Dios swapich, kaenechaxoelax. ⁵ Xanal naewuaj nax wut, naewuajna-enil nasitaeliajwam, naxanaboejaliajwambej. Pelax xanal naewuaj nax xamal sitaeliajwam wajpaklon Jesucristo. Xanal nabistaxpin xamalliajwa, Jesucristo nejxasinkax xot. ⁶ Dios akaseskolaxtat ampathat is wut, puexa chiekal itkua'nik wut, jawut Dios to'a itliakaliajwa. Jatisbej xatis, Jesús pejwajan naexasichpis. Amwutjel wajmatpumatantat, me-ama itliak wut, ja-aech, Dios pejjiws xot. Xatis Jesús pejwajan chiekal matabijas xot, matabijas, Dios xabich pachaempon.

Dios kajachawaetpox pejiw, xanaboejapi japon

⁷ Xanal tajut tajaxtat mamnika-enil. Me-ama kuarnat piachliajwa pachaemaxil, ja-anbej xanal. Dios nakajachawaet xot, xanal mamnikax. Ja-an wut, jiw nechaxoel xanalliajwa: “Japi japox is wut, pajut pijaxtat is-el. Japox ispi, Dios kajachawaech xot” —aech jiw xanalliajwa, nechaxoel wut. ⁸ Xanal nabijatax wut, nejchaemila-enil. Asbuun jumch nejchachaemlax. Xanal asaxanliajwa xabich nechaxoelx wut, nakiowa Dios xanaboejax nakajachawaesliajwa. ⁹ Asew jiw babijaxan is xanal nabijasliajwan, Dios pejiwan xot. Pe nakiowa, Dios nakajachawaet. Tamach xanal nawaela-elon. Asew jiwbej nabesia wut, japi xajupa-el,

Dios nakajachawaet xot. ¹⁰ Xanal fulaech poxade, jaxotde chachoeel. Asew jiw nejchaxoel nabeliajwa. Me-ama Jesús boesas, jachisiabejpi xanalliajwa. Samata, puexa jiw pajut matabija, xanal chiekal duilx, Jesús nakajachawaet xot. ¹¹ Pomatkoicha chachoeel xanalliajwa, asew jiw nabesia xot, Jesús pejiwan xot. Ja-aech wut, puexa jiw pajut matabija, xanal chiekal duilx, Jesús nakajachawaesful xot. ¹² Asew jiw xanal nabesia wut, nakiowa xamal naewuajna x Jesús pejwajan. Samata, xamal japawajan naexasitam xot, pomatkoicha duilaxaelam Diosxotse.

¹³ Dios pejjamechan, chajia lelspx, jum-aech wut, jum-aechox: “Xan xanaboejtax Dios chajia jum-aechpoxan nakajachawaesliajwa. Samata, japox jum-an asew jiwliajwa” —aech Dios pejjamechan, chajia lelspx. Samata, xanalbej nejchaxoelx: “Dios xatis nakkajachawaesaxael” —an xanal, nejchaxoelx wut. Samata, asew jiw naewuajna x Dios pejjamechan. ¹⁴ Wajpaklon Jesucristo tuj wut, Dios mat-echpon pejme dukaliajwa. Samata, xatis chiekal matabijas. Diachwujnakolax asamatkoi xatis tups wut, baxael, Dios nakmat-eyaxaelbej xatis pejme duilaliajwas. Dios nakmat-ia wut pejme duilaliajwas, japon nakbuflaeyaxael japonxotaliajwas. ¹⁵ Chajia xan nabijatax wut, asew jiw babijaxan is wut xanalliajwa, xanal nakiowa naewuajna xamal Jesús pejwajan. Ja-an wut, xabich xamal naexasitam naewuajna x poxan. Dios xabich xamal kajachawaesful. Samata, xamal chiekal naewuajna wut asew jiw Jesús pejwajan, Dios kajachawaesful japi jiw naexasisliajwa japawajan. Samata, Diosliajwa gracias-aechi. Japibej chiekal matabija Dios, xabich pachaempon.

¹⁶ Samata, xanal nejchaxoela-enil buxkofaliajwan naewuajna x poxan. Kaematkoisful, xanal kaes pakdiachwan wut, ja-an wut, nakiowa kaes chiekal Dios xanaboejafulax. ¹⁷ Xanal nabijatax wut ampathatat, nakiowa nabistax Jesucristoliajwa. Nabijataxpiachaxil. Asamatkoi japox chiekal toepaxael. Ja-aech wut, Dios xanal nachaxdusaxael pachaempon. Japox toepaxil. ¹⁸ Xanal nejchaxoela-enil ampathatpijajan, taenxopoxan. Xanallax nejchaxoelx Diosxotse poxan, teayaxisal poxan. Ampathatpijajan, taenxopoxan, japoxan toepaxael. Diosxotse poxan, japoxanlax, toepaxil. Japoxan pomatkoichaliajwa.

5

¹ Thaejtxot bua-at, kaspox, piachliajwa-el. Ja-aechlap-is wajbu'an. Wajbu'an pomatkoichaliajwa-el ampathatat. Xatis chiekal matabijas. Diosxotse toepaxilba, japaba Dios chiekal chaemt asamatkoi xatis duilaliajwas, tups wut. ² Xatis laelpas wutfuk, xabich nejxasinkas wajbu'an nakwexalixaliajwa pajelbu'analiajwas, duilaliajwas pomatkoicha Diosxotse. ³ Jachiyaxaes puexa xatis, asamatkoi, nakbu'xalixaxael wut. Samata, kaenanula xatis asabu'anaxaes. ⁴ Xatis laelpas wutfuk, xabich nejxasinkas nakbu'xalixaliajwa wajbu'an. Japox jum-an wut, jumchi-enil: “Xan tajbu'txot nakolsasian” —chi-enil. Pe xatis kaenanula pajelbu'anacias. Pe asamatkoi, tups wut, duilaxaes toepaxilbu'antat Diosxotse. Wajbu'an, ampathatpijax, amxot kaweta toepaxael. ⁵ Diosxotse Dios nakwechaemt pajelbu'an xatisliajwa. Samata, Dios to'ak Espiritu Santo xatis wajmatpantaxotaliajwa. Samata, chiekal matabijas. Diachwujnakolax Dios jumdu xatis wajbu'an, pajelbu'analiajwas.

⁶ Samata, xanal nejchaxoela-enil kofaliajwan jiw naewhajnaxpox. Xanal chiekal matabijax. Ampathatat xanal laelpax wut, me-ama atwajan wut tajpaklon Jesucristoxot, ja-an. ⁷ Amwutjel xanal Jesucristo tae-enil. Pe nakiowa, Jesucristo chiekal xanaboejax nakajachawaesli-ajwa. Chiekal xanaboejaxbej asamatkoi duilaliajwan Jesucristoxotse. ⁸ Samata, xanalliajwa kaes pejme pachaem tupaliajwan, duilaliajwan tajpaklon Jesucristoxotse. ⁹ Samata, laelpax wut, o, tux wutbej, nejxasinkax xanal isliajwan Dios nejxasinkpox. ¹⁰ Asamatkoi xanal kaenanula nuilaxaelen Jesucristo pejwujnalel. Japamatkoi japon xanal kaenanula nachaxduiyaxael. Xanal chiekal tanbistax wut, nachaxduiyaxael xabich pachaempoxan. Pe chiekal nabich-enil wut japonliajwa, xanal nachaxduiyaxilon. Ja-aech wut, xanal masox namaeyaxaelen.

Amwutjel xatis pachaempox Diosliajwa, Jesucristo tux xot

¹¹ Xanal chiekal matabijax Jesucristo chiekal sitaeyaxaelenpox, asamatkoi nuilaxaelen xot japon pejwujnalel. Samata, xanal jiw xabich naewhajnax japibej naexasisliajwa Jesucristo pejwujajan. Dios chiekal matabijax xanal isfulaxpoxan. Xanal nejxasinkax xamalbej chiekal matabijaliajwam xanal isfulaxpoxan. ¹² Xamal chapaeix wut tajut isxpoxan, xanal jumchi-enil: “Xanal kaes pachaeman. Me-ama asew jiw, jachi-enil” —chi-enil tajutliajwa. Xanal japox chapaeix xamal chiekal namatabijaliajwam, nejchachaemlaliajwam xanalliajwa, nakajachawaesliajwam, asew jiw natasala wut. Xanal natasalapi, japi jiw jum-aech asew jiw chiekal sitaeliajwas. Japi, pachaem wut, kabuan-aechi. Pe japi pejnechaxoelaxan chaemil. ¹³ Potwujnucha xanal naewhajnax wut Jesús pejwujajan, asew jiw nakaewa najum-aech xanalliajwa: “Japi jiw na-acha” —na-aechi xanalliajwa asbuan jumch. Diachwujnakolax xanal, na-achax wut, ja-an, nabistax xot Diosliajwa. Diachwujnakolax xanal na-acha-enil. Potwujnucha xanal naewhajnax xot Jesús pejwujajan, japox pachaem xamalliajwa. ¹⁴ Cristo nanejxasink xanal. Samata, pomatkoicha nabistax japonliajwa. Nejchaxoelxbej: “Cristo tux wut cruztat, tux puexa xatisliajwa. Samata, Diosliajwa, Cristo swapich, cruztat tux wut, jatis. Samata, Cristo mot babijaxan isaspoxanliajwa” —an xanal, nejchaxoelx wut Cristo tuxpoxliajwa. ¹⁵ Cristo tux puexa jiw buweliajwa, japi kaes isasamata pajut isasiapoxan. Japilax isfulaxael Cristo nejxasinkpoxan. Japon tux wut, mat-echbejpon pejme dukaliajwa japi jiwliajwa. ¹⁶ Samata, xanal amwutjel nejchaxoela-enil babijax isliajwan. Me-ama asew jiw, naexasis-eli Jesús pejwujajan, nejchaxoel babijaxan isliajwa, xanal jachi-enil amwutjel. Majt xanal isx babijaxan Jesucristoliajwa. Pe amwutjel, jasox chiekal nejchaxoela-enil. ¹⁷ Jesús pejwujajan naexasitpon, japon aton pajelnejchaxoelax, padujnejchaxoelaxan koft xoton. Ja-aech wut, nejchaxoelon pachaempoxankal.

¹⁸ Dios nakajachawaet xot, xanal pajelnejchaxoelaxan. Samata, amwutjel xanal pachaeman Diosliajwa, Cristo tux xot xatisliajwa. Dios nabuxto'a xanal jiw naewhajnaliajwan japi naexasisliajwa Jesús pejwujajan, pachaemaliajwapi Diosliajwa. ¹⁹ Jesucristo tux cruztat puexa jiwliajwa, japi pachaemaliajwa Diosliajwa, naexasit wuti Jesús tuxpox. Ja-aech wut, Dios beltaeyaxael japi jiw babijaxan ispoxanliajwa. Japwujajan xanal Dios nabuxto'a jiw naewhajnaliajwan. ²⁰ Xanal Jesucristo pejiwan xot, naewhajnax japon pejwujajan. Xamal naewhajnax

wut, me-ama Dios pajut naewhajan wut, ja-an xanal. Samata, xanal jum-an Jesucristo pijaxtat xamal chiekal pachaemaliajwam Diosliajwa. ²¹ Jesucristo babijax is-el. Pe xatis babijaxan isaspoxtantat, Jesucristo, me-ama babijaxan is wut, ja-aechon Diosliajwa. Samata, Jesucristo kimamatlas cruztat. Samata, amwutjel xatis bu'whajanjisa Diosliajwa, naexasich xot Jesucristo tappox xatisliajwa.

6

¹ Xanal nabistax xot Diosliajwa, xamal jum-an mastaesamatam Dios beltaenpox babijaxan isampoxanliajwa. ² Dios pejjamechan, chajia lelspx, jum-aech wut, jum-aechox Dios jumchiyaxaelpox, asamatkoi Dios jiw beltaeyaxaelpoxliajwa:

“Xan xamal kajachawaesaxaelen, pat wut tajmatkoi xamal bu'weliajwan” —aech Dios. ¡Naewe'e! ¡Ma amwut, ampamatkoi, xamal Dios bu'weyaxael!

³ Xanal nejxasinkax chiekal nabichliajwan Diosliajwa. Ja-an xanal, asew jiw japox taen wut, japibej chiekal naexasisliajwa Dios pejjamechan. Ja-aech wut, japi jiw jumchiyaxil: “Dios pejjamechan pachaema-el” —chiyaxili. ⁴ Xanal chiekal isx Dios pejbichax, jiw japoxan taen wut pajut chiekal matabijaliajwa xanal Dios pejjiwanpox. Samata, xabich nabijatax wut, asaxan nawewe'p wutbej, puexa pachaema-el wutbej xanal isliajwan, xanal nakiowa boejtaliasfulax. ⁵ Naeyatat namatwhajselt wutbej, jiw jebatat najia wutbej, xabich asew jiw palala wut, naboesasia wutbejpi, puexa japoxanliajwa xanal xabich boejtaliasfulax. Xabich nabistax wutbej tajut natataeflaliajwan, asamadoi chiekal moejs-enil wutbej, Dios pejjamechan jiw naewhajnax xot, asamatkoiyan xabich litaxaelax wutbej, puexa japoxanliajwa xanal xabich boejtaliasfulax. Puexa japoxan natapat wut, nakiowa jiw naewhajnafulax Dios pejjamechan. Ja-an wut, jiw pajut chiekal matabija xanal Dios pejjiwanpox. ⁶ Jiw pajut chiekal matabijaliajwa xanal Dios pejjiwanpox, asax babijax is-enil. Chiekal matabijaxbej chimiawhajan, Jesús pejwhajan, jiw naewhajnaliajwan. Xabich piach boejtaliasfulaxbej, asew jiw babijaxan is wut xanalliajwa. Asew jiwliajwa xanal isxbej pachaempoxan. Jiw chiekal naewhajnaxbej, Espiritu Santo nakajachawaet xot. Chiekal nejxasinkaxbej asew jiw. ⁷ Naewhajnaxbej diachwhajnakolaxpoxkal Jesús pejwhajanliajwa, Dios nakajachawaesful xot. Isxbej pachaempoxan asew jiwliajwa, xanal babijaxan namalechasamata. Japoxan babijaxan potwhajucha xajur. ⁸ Asamatkoi jiw nasitaen. Asamatkoi jiw nasitae-el. Asamatkoi asew jiw chimiajamechan jum-aech xanalliajwa. Asew jiw lax jum-aech babejjamechan xanalliajwa. Jum-an wut diachwhajnakolaxpoxan, asew jiw japoxan jumtaen wut, xanalliajwa jum-aechi: “Japi kichachajbapijiw” —aechi asbuan jumch xanalliajwa. ⁹ Jiw, chiekal xanal namatabijapi, japi xanal nataen wut, me-ama namatabijael wut, ja-aechi xanalliajwa. Asamatkoi xabich chachaelbej xanalliajwa, asew jiw nabesia xot. Pe xanal nakiowa duilafulax. Asamatkoiyan asew jiw xabich nakastikabej. Pe nakiowa, tupa-enil. ¹⁰ Asamatkoiyan, asew jiw babijaxan is wut xanalliajwa, xanal nanejxaejow. Pe nakiowa, nejchachaemlax tajnejchaxoelaxantat. Xanal kijinil. Pe nakiowa, xanal naewhajnaxpi, japi jiw, me-ama kimaenk wut, ja-aechi Diosliajwa, japi

naexasit xot xanal naewuajna xproxa. Ampathatat xanal kijinil wut, ja-an. Pe Dios nakajachawaet xot, xanal xabich tejew, toepaxilpoxan.

¹¹ Takoew, xamal Corinto paklowaxpijwam, xanal puexa jum-anpoxan, japoxan diach chiekal wuajnakolax. Samata, tulaela chiekal jum-an japoxan xamal chiekal matabijaliajwam. Xanal xabich nejxasinkax xamal. ¹² Xanal kofa-enil xamal nejxasinkaxpox. Amwutjel xamallax xanal chiekal nanejxasinka-emil. Me-ama majt nanejxasinkam wut, jachi-emil. ¹³ Xamal naewuajna x wut, me-ama kaen aton paxi naewuajan wut, ja-an xanal xamalliajwa. ¡Xanal nanejxasinkde! Me-ama xanal xamal nejxasinkax wut, ¡ja-amsfuldebej xanalliajwa!

Xatis, me-ama Dios pejtemploba wut, jatispox

¹⁴ ¡Xamal, Jesús pejwuajan naexasitampim, Jesús pejwuajan naexasis-eli suapich, nabej nakjiye! ¡Japi suapich, piach nabej nabichbej, kaenejchaxoela-emil xot! Xamal isam pachaempoxan. Pelax japi jiw is pachaema-elpoxan. Japoxan najupa-el. Itliakax, itkuatax suapich, najupa-el. Ja-amlap-is xamal. Babijaxan ispi suapich, xamal, japi suapich, najupa-emil. ¹⁵ Cristo kaenejchaxoelaxa-el, Satanás suapich. Ja-aechbej Jesús pejwuajan naexasiti. Xamal kaenejchaxoelaxa-emil, asew jiw, Jesús pejwuajan naexasis-eli suapich. ¹⁶ Ja-aech Dios pejtemplobaliajwa, ídolo pejtemplobaliajwabej. Japakolebachanxot ajil kaenejchaxoelaxpox. Xatis, me-ama Dios pejtemploba wut, jatis. Dios pajut chajia jum-aech japoxliajwa:

“Xan tajiwxot dukaxaelen. Japi suapich, nanuamsaxaelenbej. Xan japi pejDios wulxaelen. Japibej tajiwxot wulxael” —aech Dios.

¹⁷ Samata, Dios pejme jum-aech:

“Jiw babijaxan is xamal duilamxot. Samata, ¡jaxot nakolim asalel duilaliajwam! ¡Xamal nabej is babijaxan, japi jiw ispoxan! Ja-am wut, xamal tajiwxaelam.

¹⁸ Xan nej-axnaxaelen xamalliajwa. Xamalbej taxi wut, jachiyaxaelam” —aech Dios, xabich mamnikpon.

7

¹ Takoew, japox Dios chajia nakjumdut xatis chiekal matabijaliajwas. Samata, ¡chiekal duilaxaes babijaxan isasamatas Diosliajwa! Babijaxan majt isas, japoxan chajia nejchaxoels xot isliajwas, ¡puexa japoxan chiekal kofaxaes, duilaliajwas, me-ama Dios nejxasink!

Pablo nejchachaemilpox Corinto paklowaxpijwliajwa

² ¡Xamal nabej kofe' xanal nanejxasinkampox! Xamalxotan wut, chinax babijax is-enil kaen atonliajwa. Tabejs-enilbej asan aton pejne-jchaxoelax japon babijax isliajwa. Chinax kaen aton naekichachajba-enilbej. ³ Xanal japox jumchi-enil xamal losliajwan. Chajia jum-an xamal pomatkoicha nejxasinkaliajwan, hasta xan tux wut ampathatat. ⁴ Xan matabijtax, xamal naexasisaxaelam cartaxot lelxpox. Xan jiw chapaeix xamal isampoxan. Japoxan chapaeix wut, xabich nejchachaemlax xamalliajwa. Xan nabijatax wut, nakiowa xabich nejchachaemlax, xamal nejchaxoelx xot.

⁵ Macedonia tuajnu xot xanal pa'ax wut, chiekal damlathula-enil, naewuajnafalax xot. Amwutjelbej nakiowa chiekal damlathula-enilfuk. Potuajnu xot jiw naewuajna x wut Jesús pejwuajan, puexa chiekal

pachaema-el xanalliajwa. Potuajnucha chiekal pachaema-el xanalliajwa. Xabich a sew jiw nabu'lot Jesús pejuwan, naewuanax wut. Samata, nejchaxoelx: “Japi nawetabejsaxael naewuanaxpox” —an, nejchaxoelx wut. ⁶ Dios kajachawaet jiw nejxaejwaspi, japi jiw nejchachaemlaliajwa. Japon xanalbej nakajachawaet nejchachaemlaliajwan, Tito pa'an xot. ⁷ Tito pa'an wut, xanal nejchachaemlax. Titobej xabich nejchachaemil xamalliajwa. Samata, xanalbej nejchachaemlax. Japon xanal nachapaei xamal xabich nataesiampox. Nachapaeibejpon xamal xabich nejxaejowpox xanalliajwa, majt ja-aechpoxanliajwa. Nachapaeibejpon xamal nakajachawaesasiampox, a sew jiw nabu'lot wut naewuanaxpoxliajwa. Puexa japoxan jumtaenx wut, xan xabich nejchachaemlax xamalliajwa.

⁸ Carta, matxoelalexpox, xato'ax wut xamal poxade, japox carta xaljowam wut, xamal nejxaejow. Xan japox carta lelx wutfuk, nejchaxoelx: “Xan nejchachaemla-enil ampox carta lelaliajwan, Corinto paklowaxpijw xaljow wut, nejxaejwaxaes xoti” —an, nejchaxoelx wut. Do jawux, xamal japox carta xaljowam wut, diachwanakolax xamal nejxaejow. Pe nejxaejowpox piacha-el. Samata, xan nanejxaejwa-el, japox carta lelx wut. ⁹ Xan nejchachaemla-enil xamal nejxaejowpox, japox carta xaljowam wut. Xanlax nejchachaemlax, xamal nejxaejow wut, kofam babejnechaxoelaxan. Pe amwutjel, isfulam Dios nejxasinkpoxan. Samata, Dios xabich nejchachaemil xamalliajwa. Carta xato'ax wut xamalliajwa, nejnejchaxoelaxan tabejs-enil. ¹⁰ Kaen aton nejxaejwas wut babijaxan ispoxanliajwa, Dios xajup japon aton beltaeliajwas. Ja-aech wut, japon aton nejxaejwaspox wetoepaxaes. Asan atonlax, babijaxan ispon, kofs-el wut babijax, ja-aech wut, japon aton Dios beltaeyaxisal. ¹¹ Xamal xabich nejxaejow, xaljowam wut carta japon aton xamalxot xabich babijax isponliajwa. Do jawux, xamal isam Dios nejxasinkpox japon atonliajwa. Samata, Dios xabich nejchachaemil xamalliajwa. Xamal chiekal matabijam, ma-am majt xamal. Japon aton fias-emil, xabich babijax is wut. Jawutbej xamal nalala japon atonliajwa, nejlewla xot Dios kastikaxael xot xamal. Samata, japon aton fiatam xot, a sew jiw matabija xamal kaenejchaxoelaxa-emilpox, japon aton ispoxliajwa. Amwutjel xamal xabich nataesiam. ¹² Japox carta lelx wut, xan lela-enil asbuan jumch xamal to'aliajwan japon aton kastikaliajwam. Lela-enilbej japox carta japon aton, pax suapich, chaemsliajwa babijax. Dios matabijt, ma-aech xot lelx japox carta. Xan lelx xamal chiekal najut matabijaliajwam, diachwanakolax xanal nanejxasinkampox. ¹³ Samata, xanal nejchachaemlax, majt nanejxaejow xamalliajwa.

Xanal kaes pejme xabich nejchachaemlax, taenx wut Tito xabich nejchachaemilpox, xamal chiekal bu'kulam xoton. ¹⁴ Tito falaeliajwa wut xamal poxade, xan japon jum-an xamalliajwa: “Corinto paklowaxpijw chiekal naexasisaxael ampox carta, xato'axpox” —an Titoliajwa. Diachwanakolax xamal japox carta xaljowam wut, xan lelxpox chiekal naexasitam. Samata, xanal, Tito suapich, nejchachaemlax xamalliajwa. Me-ama xan chajia jum-an Titoliajwa, diachwanakolax japox ja-aech. ¹⁵ Japon Tito nejchaxoel wut xamalliajwa, nejchaxoelon, ma-am xamal, japon naexasitam wut, xamal tato'al wuton. Nejchaxoelbejpon, ma-am xamal, chiekal bu'kulam wut, sitaenam xoton. Samata, amwutjel xamal kaes pejme xabich nejxasinkon. ¹⁶ Xan matabijt, xamal isampoxan

puexa chiekal pachaem. Samata, xabich nejchachaemlax.

8

Jesús pejwajaan naexasiti ofrenda owapox kajachawaesliajwa kijila, Judea tʔajnpɨjiw

¹ Takoew, xamal chapaeyaxaelen chiekal matabijaliajwam, ma-aech Dios, kajachawaet wʔt Macedonia tʔajnpɨjiw, japi naexasiti Jesús pejwajaan. ² Japi jiw nabijat, asew jiw babijaxan isas wʔt japiajwa, Jesús pejwajaan naexasit xoti. Pe nakiowa, japi jiw nejchachaemil. Japi jiw, xabich kimaenka-el. Pe nakiowa, japi jiw ofrenda owa kajachawaesliajwa asew jiw. Japixot asew xabich owa. Me-ama kimaenk wʔt, ja-aechi. ³ Xan tajut chiekal taenx, japi owa wʔt. Jawʔt nejchaxoelx: “Japi kaes xabich owa, owa wʔti ofrendaliajwa” —an, nejchaxoelx wʔt. Japi japox to'a-esal. Japi japox pajut is, isasia xot. ⁴ Xanalliajwa japi jiw xabich najʔm-aech: “Xanalbej natapaem ofrenda owaliajwan kajachawaesliajwan naexasiti Jesús pejwajaan, Jerusalén paklowaxpijiw” —aech japi jiw xanalliajwa. ⁵ Xanal nejchaxoelx wʔt, jʔm-an: “Japi jiw kijil xot, xabich bej owaxaelbejpi kaeyaxach” —an, nejchaxoelx wʔt. Pe nakiowa, japi xabich owa. Japilap matxoela nawoeya Diosxot isfulaliajwa Dios tato'alpoxan. Do japoxwʔx, xanal najʔm-aechi: “Xamal nejxasinkam wʔt xanal natato'laliajwam, iʔxanal natato'alde! Xanal japoxan isfulaxaelen, me-ama Dios nejxasink” —aechi xanalliajwa. ⁶ Xanal taenx wʔt Macedonia tʔajnpɨjiw kaenanʔla ofrenda owaliajwa, jawʔt xanal Tito to'ax xamal poxade. Tito jʔm-an: “Xam majt kajachawaetam Corinto paklowaxpijiw, tʔadut wʔti ofrenda owax kajachawaesliajwapi Jerusalén paklowaxpijiw. iʔXam amwʔt pejme fulaem japi ofrenda owax kito'aliajwam, kitoesliajwabejpi!” —an xan Titoliajwa, xamal poxaliajwa wʔton. ⁷ Xamal kaes chiekal pachaemam, duilam wʔt Diosliajwa. Chiekal xanaboejambej Dios. Chiekal matabijambej Dios pejjamechan. Samata, chiekal xajʔpam asew jiw naewʔajnalialjwam Dios pejjamechan. Nejxasinkambej chiekal isliajwam Dios pejbichaxan. Xanal xabich nanejxasinkambej. Xamal ja-am xot, iʔkaes pejme owim ofrenda kajachawaesliajwam Jerusalén paklowaxpijiw!

⁸ Xamal jʔm-an wʔt: “Macedonia tʔajnpɨjiw xabich plata owa ofrendaliajwa Jerusalén paklowaxpijiwliajwa” —an wʔt, japox jʔmchi-enil xamal to'aliajwan, me-ama japi, jachiliajwam. Japox jʔm-an xamal chiekal matabijaliajwam. Xamal owam wʔt ofrenda, me-ama Macedonia tʔajnpɨjiw, ja-am wʔt, asew jiw taeyaxael xamal diachwʔajnakolax Dios nejxasinkampim. ⁹ Xamal matabijam, wajpaklon Jesucristo nakka-jachawaet, xatis naknejxasink xot. Wajpaklon Jesucristo pas-el wʔtʔuk ampathatasik, xabich kimaenkon. Puexa tato'albejpon. Jawʔx ampathatat xabich nabijat Jesucristo. Me-ama kijilan xabich nabijat wʔt, ja-aech Jesucristo xamal kajachawaesliajwa. Ja-aech xoton, xamalliajwa asamatkoi pachaemaxael Diosxotse.

¹⁰ Chajia, asawaech wʔt, xamal tʔaduwwam plata owax ofrendaliajwa kajachawaesliajwam Jerusalén paklowaxpijiw. Xamal ja-am, xabich nejxasinkam xot japox isliajwam. Ampamatkoiyan pachaem xamal plata owax kitoesliajwam. Japox jʔm-an, xan tajut nejchaxoelxproh. ¹¹ Majt xamal xabich kajachawaesiam Jerusalén paklowaxpijiw. iʔAmwʔtjel

xamal kajachawae'e! ¡Owim ofrenda xajupampoxtat! ¹² Xamal owam wut puexa xajupampoxtat, ja-am wut, Dios nejchachaemlaxael xamalliajwa. Nejew kaesupich owam wut asew jiw kajachawaesliajwam, ja-am wut, Dios nejchachaemlaxael xamal asew jiw kajachawaetampoxliajwa. Dios to'a-el, xamal xabich ajil wut nejew owaliajwam asew jiw kajachawaesliajwam.

¹³ Xamal to'a-enil puexa nejew owaliajwam ofrendaxot, kajachawae-tam wut kijila. Puexa nejew owam wut, ja-am wut, xamal najutliajwa namaeyaxil. ¹⁴ Xan nejxasinkax xatis nakaewa nakajachawaesliajwas, asew jiwliajwabej, japi wewe'pas wut. Amwutjel xamal xajupam kajachawaesliajwam kijila, Jerusalén paklowaxpijiw. Asamatkoi, xamalliajwa ajil wut, japibej xamal kajachawaesaxael. Ja-aech wut, kaen xamalxot wewe'paxisal wewe'paspoxan. ¹⁵ Japoxliajwa Dios pejjamechan, chajia lelspos, jum-aech wut, jum-aechox: "Aton xabich naxaeyaxan notpon pajutliajwakal, japon aton wenamana-esal. Asan, aton, naxaeyaxan kaesupich notpon, japon aton wewe'pa-esal" —aech Dios pejjamechan.

Tito fulaechpox Corinto paklowaxpoxade, kolenje pejnachalan supich

¹⁶ Xan nejxasinkax xamal kajachawaesliajwan ofrenda owampox kitoesliajwam. Titobej Dios pijaxtat japox nejchaxoel. Samata, graciasan Diosliajwa. ¹⁷ Samata, Tito to'ax xamal taeliajwa, kajachawaesliajwabejpon ofrenda owampox kitoesliajwam. Japon ow-aech. Japon pajut pijaxtat xamal xabich taesiabejpon.

¹⁸ Tito, pejnachalan supich, to'ax. Tito pejnachalan matabijas puexa Jesús pejwajaan naexasiti, Macedonia tujnupijiw. Sitaensbejpon puexa japi jiw, japon chiekal jiw naewajaan xot Jesús pejwajaan. ¹⁹ Tito pejnachalan, to'as puexa Jesús pejwajaan naexasiti, Macedonia tujnupijiw, japon, xan supich, fulaeliajwa Jerusalén paklowaxpoxade. Ofrenda xalaeliajwan wut Jerusalén paklowaxpijiwliajwa, japon nachalaxael, kaes chiekal japi nejchachaemlaliajwapi Diosliajwa. Japi pajut chiekal matabijaxaelbej xatis kajachawaesiaspox, nakaewiws xot. ²⁰ Xanal ofrendaplata pin-iat xafolx wut Jerusalén paklowaxpijiwliajwa, japon buflaeyaxaelen, asew jiw xan najumchisamata: "Pablo kaesupich dijanbej ofrendaplata pajutliajwa" —nachisamata asew jiw xanliajwa. ²¹ Dios matabijt xanal puexa ofrenda chaxdusaxaelenpox. Pe nakiowa, nejxasinkax puexa jiw chiekal pajut matabijaliajwa xanal puexa ofrenda chaxduiyaxaelenpox japi jiw.

²² Tito, pejnachalan supich, kaes asanbej to'axaelen, Jesús pejwajaan naexasitpon. Japon xabich nakajachawaet. Amwutjel japon xamal xabich kajachawaesasia, wultaen wuton Jerusalén paklowaxpijiw kajachawaesiasampox. ²³ Xamalxot asew jiw wujnachaemt wut Titoliajwa, xamal jumchiyaxaelam: "Japon Tito, Pablo pejnachalan. Japon xanal nakajachawaet" —chiyaxaelam. Kolenje, Tito nakfulaeyaxaespi, xamalxot asew jiw wujnachaemt wut japi kolenjelialjwa, xamal jumchiyaxaelam: "Ampi kolenje to'as naexasiti Jesús pejwajaan, Macedonia tujnupijiw. Ampi kolenje chiekal pachaem. Samata, asew jiw chiekal sitaen Cristo" —chiyaxaelam japi kolenjelialjwa. ²⁴ Japi, tres poejiw, xamalxot pa'a wut, chiekal bu'kulaxaelam japi pajut chiekal matabijaliajwa xamal nejxasinkampox. Ja-am wut, puexa jiw, naexasiti Jesús pejwajaan, chiekal matabijaxael xamal diachwujnakolax nejxasinkam naexasiti Jesús pejwajaan. Japox wultaen

wuti, chiekal matabijaxael xan majt jum-anpoxan xamalliajwa, japox diachwujnakolax, xamal puexa jiw nejxasinkampox.

9

Asew jiw owapox ofrenda Jesús pejwujajan naexasitiliajwa

¹ Diachwujnakolax we'pa-el, xan lelx wut xamal pejme kito'aliajwan ofrenda owaliajwampox naexasitpiliajwa Jesús pejwujajan, Jerusalén paklowaxpijiwliajwa. ² Xan chiekal matabijtax xamal xabich japi kajachawaesasiampox. Samata, xabich nejchachaemlax xamalliajwa. Chajia Macedonia tuajnapijiw jum-an xamal Corinto paklowaxpijwamlliajwa: "Acaya tuajnapijiw, Corinto paklowaxxot duilpi, chajia, asawaestat, owapi ofrenda kajachawaesliajwa Jerusalén paklowaxpijiw. Amwutjelbej nakiowa owafuki ofrenda" —an xamalliajwa. Dolis jawut, Macedonia tuajnapijiw wultaen xamal kajachawaesasiampox Jerusalén paklowaxpijiw. Do jawut, Macedonia tuajnapijiwbej ofrenda owa kajachawaesliajwapi Jerusalén paklowaxpijiwliajwa. ³ Samata, amwutjel Tito to'ax xamal poxade, pejnachala suapich, xamal kajachawaesliajwa, ofrenda owampox kitoesliajwam Jerusalén paklowaxpijiwliajwa. Xan tajpasax wujjna, xamal ofrenda owax kitoes-emil wut, ja-am wut, japox pachaemaxil xanliajwa, xamalliajwa chajia jum-an xot Macedonia tuajnapijiwliajwa. ⁴ Xamal poxaxaechan wut, Macedonia tuajnapijiw xan nakfalaen wut, xamal toes-emil wutfuk ofrenda owampox, ja-am wut, japox pachaemaxil xanliajwa. Japox jachiyaxael, xamalliajwa chajia jum-an xot: "Japi xabich kajachawaesasia Jerusalén paklowaxpijiw" —an xot. Japox pachaemaxilbej xamalliajwa, ofrenda owampox kitoes-emil wutfuk. ⁵ Samata, nejchaxoelx Tito wujjna to'aliajwan, Tito pejnachalabej. Japi xamal kajachawaesaxael kamta kitoesliajwam ofrenda owampox. Xan pasax wujjna, puexa xamal chiekal kitoesaxaelam ofrenda owax nejmach chalakaliajwa. Jasox najut isaxaelam, nejxasinkam xot. Japox isam wut, inabej is, xamal kito'ax xot!

⁶ Xamal nejchaxoelam wut, inejchaxoelde ampo! Cha-aellulx muthapon, wenakolas wut, kaeyaxach wenakolas. Pelax pinjiyax lul muthapon, xabich pin-iat wenakolas. Jachiyaxaelbej ofrenda owam wut asew jiwliajwa. Pin-iat owam wut kajachawaesliajwam asew jiw, ja-aech wut, asamatkoi asew jiw xamal pin-iat chaxduiyaxaelbej. ⁷ Samata, xamal kaenanula owasiam wut, iowim! Owam wut, jawut, nejchaxoelam wut, inabej nejchaxoele': "Xan diachwujnakolax nejxasinka-enil japi jiw kajachawaesliajwan. Pe nakiowa, nakito'a xot, kajachawaetxlejen" —nabej aeche', nejchaxoelam wut! Dios nejxasink, aton chaxduw wut nejchachaemlaxtat asew jiw. ⁸ Dios xajup chaxduiliajwa puexa xamal wewe'ppoxan. Samata, xamalliajwa puexa wewe'paxil. Japoxan wenamaeflaxaelbej kajachawaesliajwam jiw kijila. ⁹ Dios pejjamechan, chajia lelspx, jum-aech wut, jum-aechox:

"Aton pejew chaxduw wut kijila, Dios nejkiowaxil. Japon aton mosaxaes pachaempoxan. Japoxan pomatkoichaliajwa. Japoxbej toepaxil" —aechox.

¹⁰ Dios is naebaechpa-uthanpi jiw muthaliajwa. Isbejpon pafupi jiw pelaliajwa. Dios kajachawaet wut, muthasi chiekal ti'sfalbej. Do jawux, ti't wut, pachaembej xaeliajwa. Jachiyaxaelbej, Dios xamal chaxduw

wut puexa wewe'poxan. Samata, xajuxaelambej kajachawaesliajwam asew jiw. ¹¹ Ja-aech wut, Dios xamal xabich chaxduiliajwam. Samata, xamal xajuxaelam asew jiw xabich chaxduiliajwam, japi wewe'pas wut. Xamal ofrenda owaxaelam xanal xalaeliajwan Jesús pejwujajan naexasitiliajwa, Jerusalén paklowaxpijwliajwa. Japofrenda japi chaxdutex wut, graciaschiyaxaelpi Diosliajwa. ¹² Asew, Jesús pejwujajan naexasiti, xamal kajachawaetam wut, kajachawaesaximil wewe'pasoxankalliajwa. Kajachawaesaxaelambej japi jiw xabich graciaschiliajwapi Diosliajwa. ¹³ Jasoxtat ofrenda owam wut kajachawaesliajwam Jerusalén paklowaxpijiw, japi chiekal matabijaxael, diachwujnakolax xamal chiekal naexasitam Jesús pejwujajan. Japi jumchiyaxaelbej Diosliajwa: “Xam xabich pachaemam” —chiyaxaelpi, xamal ofrenda pin-iat owam xot japiliajwa, puexa asew, Jesús pejwujajan naexasitiliajwabej. ¹⁴ Samata, japi jiw Dios kawujnaxael xamalliajwa, xabich nejxasink xoti xamal. Ja-aech wut, japi pajut matabijaxael Dios xabich xamal kajachawaetpox. ¹⁵ Dios paxulan to'a ampathatasik tujpaliajwa xatiliajwa. Japox xabich pachaem! Samata, xatis puexa graciastis Diosliajwa. Xatis japox chiekal chanaekabuanaliajwas tampoel.

10

Pablo xajuxpox tato'laliajwa Jesús pejwujajan naexasiti, japon apóstol xot

¹ Xan, Pablo, chiekal xamal jumchisian asaxan. Me-ama Jesús ampathatat chiekal jum-aech, xanbej jachisian xamalliajwa. Xamalxotatenil wut, asew jiw nabuwujajanpaei wut, jum-aechi: “Pablo amxot duk wut, naknaewujajan wutbej, pejlewla wut, ja-aechon. Pelax atuaj wuton, carta lel wut xatis naknaewujajnalialjwa, pejlewla-el wut, ja-aechon” —aech asew jiw, xanliajwa nabuwujajanpaei wut. ² Xamal jum-an amwutjel kofaliajwam babijaxan isampoxan. Japoxan kofam wut, asamatkoi xamalxot patx wut, losaxinil. Xamalxot asew jiw jum-aech xanliajwa: “Pablo duka-el, me-ama naexasiti Jesús pejwujajan duil wut, jachi-elon. Japon duk, me-ama Jesús pejwujajan naexasis-eli duil wut, ja-aechon” —aech asew jiw xanliajwa. Jiw jum-aechpi japox xanliajwa, xan pa'ax wut, japi jiw losaxaelen. ³ Diachwujnakolax xanal chiekal jiwankal. Me-ama asew jiw, xanalbej, ja-an. Jesús pejwujajan naewujajna x wut, me-ama, Satanás suapich, nabax. Pe nabe-enil kirixtat. Me-ama ampathatpijiw kirixtat naba, xanal jachi-enil. ⁴ Xanal, me-ama ampathatpijiw, naba wut espadatat, jachi-enilbej. Xanallax Dios nakajachawaet xot, xajux Satanás malechaliajwan. Dios nakajachawaesful xotbej, toesaxaelen jiw natasalapoxan. ⁵ Dios nakajachawaesful xotbej, buxmalechaxaelen asew jiw pajutliajwa najum-aechpi: “Xanal kaes pejme pachaeman. Me-ama asew jiw, jachi-enil” —aechpi pajutliajwa. Japi jiw asax jum-aech, xan jiw naewujajna x wut asew jiw matabijasamatapi Dios. Xan japi jiw buxmalechax wut, ja-an wut, asew jiw chiekal naexasisaxael Jesús pejwujajan. ⁶ Xamal chiekal naexasitam wut xanal to'axpox, ja-am wut, puexa, asew jiw, xanal naexasis-elpi, japi kastikaxaelen.

⁷ Xamal chiekal taenam jiw kabuan-aechpoxan. Pe diachwujnakolax xamal matabija-emil japi nejchaxoelpoxan, pejmatruatantat ma-aechbejpi. Asew jiw xanal nabuwujajanpaei. Japi pajut jum-aech asew jiwliajwa: “Xanal nabistax Cristoliajwa” —aechi pajutliajwa.

Japi jiwbej pajut matabijaxael, xanalbej nabistax Cristoliajwa. ⁸ Xamal nejchaxoelambej xanliajwa: “Pablo pomatkoicha nakchapaei Dios makafichpox apóstolliajwa” —ambej, xamal nejchaxoelam wut xanliajwa. Diachwajnakolax Cristo nato'a xamal naewhajnalijwan japon kaes chiekal xanaboejalijwam. Cristo nato'a-el tabesljaijwan xanaboejampox japonliajwa. Samata, xan tadala-el jiw jumchiliajwan: “Dios namakafitpox apóstolliajwan” —chiliajwan. ⁹ Xan nejxasinka-enil xamal nejchaxoelaliajwam xanliajwa: “Pablo xatis nakbeljasasia cartaxot lelpoxtat” —chiliajwam. Xan carta lela-enil asbuan jumch xamal japox nejchaxoelaliajwam beljasax. ¹⁰ Asew jiw xanliajwa nakaewa najum-aech asbuan jumch: “Pablo carta xato'a wut xatisliajwa, xabich mamnik wut, ja-aechon. Japacarta xabich tampoelbej xatis chiekal jummatabijaliajwas. Pelax Pablo xatisxot naknaewhajan wut, mamnika-el wut, ja-aechon. Chiekal naewhajna-elbejpon” —aech asew jiw nakaewa xanliajwa. ¹¹ Japi jiw, japox jum-aechpi xanliajwa, chiekal matabijaxael xan isaxaelenpox japiliajwa, xamalxot pa'ax wut. Me-ama cartaxot lelxpox jum-aech, japoxlap pejme xan jachiyaxaelen japi jiwliajwa.

¹² Japilax nejchaxoel pajutliajwa: “Xatis kaes pejme pachaems. Me-ama asew jiw, jachi-esal” —aechi, nejchaxoel wut. Japi pajut asew jiw chapaeibej, is wut pachaempoxan, asew jiw sitaeliajwas. Japoxan chapaei wut, japi, me-ama nejliakla wut, ja-aechi. Samata, chapaeipoxan pachaema-el. Xanal nejxasinka-enil japox nejchaxoelaliajwan. ¹³ Dios xanal nato'a isliajwan japon pejbichax. Samata, Dios nato'alel xan jiw naewhajnax Jesús pejwhajan. Dios nato'abej xamal, Corinto paklowaxpijwam, naewhajnalijwan. Xamal chapaeix wut xanal isxpoxan, kaes pejme asaxan chapae-enil xamal kaes nasitaeliajwam. Dios nato'apoxankal isliajwan, japoxankal xamal chapaeix. ¹⁴ Samata, xanal Dios nato'a xot, xamalxot patx wut, naewhajnax chimiawhajan, Jesucristo pejwhajan. Xanallap matxoela naewhajnax japwhajan xamalxot, asew jiw naewhajna-el wutfuk. ¹⁵ Asew naexasit Jesús pejwhajan, asew jiw naewhajnas xot. Samata, japiliajwa xanal jumchi-enil: “Japi naexasit Jesús pejwhajan, xanal naewhajnax xot” —chi-enil. Xanal kaes naewhajnasian, xamal kaes Jesucristo xanaboejalijwam. Dios nato'apoxkal, japoxkal xanal nabichaxaelen. ¹⁶ Naewhajnax buxtoetx wut xamalxotde, jawux, fulaeyaxaelen asapaklowaxan poxade, kaes pejme atnaj poxade. Jaxotan wut, xanal naewhajnaxaelen Jesús pejwhajan. Xanal nejxasinka-enil naewhajnalijwan asew jiw whajna chajia naewhajanxot.

¹⁷ Jiw chapaei wut pajut ispoxanliajwa asew jiwliajwa, ja-aech wut, chapaeiyaxaelbejpi Dios kajachawaechpox japoxan isliajwa. Ja-aech wut, asew jiw jumtaens wut, japi jiw sitaeyaxael Dios. Japi chapaeiyaxil pajut ispoxanliajwa asbuan jumch asew jiw sitaeliajwas. ¹⁸ Chinax kaen aton pajutliajwa jumchiyaxil: “Xan isxpoxan xabich pachaem” —chiyaxil pajutliajwa. Dios jum-aech wutlax japon atonliajwa: “Xam isampoxan xabich pachaem” —aech wut, japox xabich pachaemaxael.

11

Pablo tasalapox apóstoles-elpi, patpi Corinto paklowaxxot

¹ Asew jiw pajut ispoxan chapaei, asbuan jumch asew jiw sitaeliajwas. Xanbej tajut ispoxan xamal chapaeix wut, ichiekal naewe'e! ² Jasox xamal jum-an, xamal xabich nejxasinkax xot. Me-ama xamal nejxasinkam Dios, xanbej ja-an, xamalliajwa. Nejxasinkax xamal nejxasinkaliajwam Cristo. Me-ama pawis nejxasink pamalkal, xamalbej ja-amde, nejxasinkam wut Cristo! ³ Chajiakolaxtat Eva naekichachajbas Satanás. Samata, xan xamalliajwa nejchaxoelx: “Satanás bej naekichachajbaxaesbejpi. Japi naekichachajbas wut, kofaxaeli Cristo nejxasinkprox” —an, nejchaxoelx wut xamalliajwa. ⁴ Asew jiw, xamalxot patpi, japi jiw pat naewhajnalialjwa asawhajan, Satanás to'asprox. Japawhajan najura-el, Jesús pejwhajan sapich, xanal naewhajnaprox. Japi xamal naewhajan wut, chiekal naewetam. Xanal naewhajnaprox Espiritu Santo nejmatpreatanxotaliajwa, japawhajanliajwa japi jiw naewhajan asawhajanantat. Xanal naewhajnaproxbej, chimiawhajan, Dios xamal bu'weliajwa, japi japoxliajwa naewhajan wut, naewhajanbej asawhajanantat. ⁵ Japi pat wut xamalxot, nejchaxoelam japi jiwliajwa: “Diachwhajnakolax ampi jiw kaes pejme pachaem, apóstoles xot” —am, nejchaxoelam wut. Japi pajutliajwa nejchaxoelbej: “Xatis kaes pejme pachaems. Me-ama asew jiw jachi-esal” —aechi, nejchaxoel wut pajutliajwa. Xanlax japox nejchaxoela-enil: “Japi kaes pejme pachaem. Me-ama xan, jachi-el” —chi-enil, nejchaxoelx wut japi jiwliajwa. ⁶ Xan tajut chiekal matabijtax. Jiw pejwhajnalel naksiyax wut, chiekal naewhajna-enil. Me-ama aton xabich matabijtpon naewhajan wut, xan jachi-enil. Pe nakiowa, xan tajut matabijtax, xamal chiekal chanaekabuanax. Samata, xamal chiekal matabijam naewhajnaproxan, chiekal naewhajnaprox xot Jesús pejwhajan.

⁷ Xamal naewhajnaprox wut Dios bu'weliajwa xamal, mat-omwuljoe-enil. Ja-an wut, xamalliajwakat isx babijax? ¡E! Xan japox isx wut, is-enil babijax. Xan na-it-ele-el wut, nabistax tajut whajsliajwan tejew. ⁸ Xamal naewhajnaprox wut Jesús pejwhajan, asatwajnaprox, Jesús pejwhajan naexasiti, japi plata naxto'a wuti xanliajwa, xan kifitx japaplata tejew whajsliajwan. Ja-an wut, xan kaes xajurx xamal naewhajnalialjwan. ⁹ Xamalxotx wut, asax nawewe'p wut, xamal wuljoe-enil nachaxduiliajwam. Jesús pejwhajan naexasiti, Macedonia twajnaprox, nachaxduw xan nawewe'pproxanliajwa. Ja-an, xan dukx wut xamalxot taliasasamatan. Jachiyaxaelenbej, pejme xamalxotx wut. ¹⁰ Xan naexasitx diachwhajnakolax, Cristo pejwhajan. Samata, xan jum-anprox, diachwhajnakolax. Xan jum-an wut: “Acaya twajnaprox mat-omwuljoe-enil, naewhajnaprox wut Jesús pejwhajan” —an wut, kaen aton nabuxfiasaxil, japox jum-an wut. ¹¹ Asew jiw jum-aech xamal chiekal jumtaeliajwam xanliajwa: “Pablo xamal nejxasinka-el. Samata, nejew plata kifis-elon” —aechi. Japox diachwhajnakolaxa-el. Dios chiekal matabijt xamal nejxasinkaprox.

¹² Pejme xan patx wut xamalxot naewhajnalialjwan, xamal mat-omwuljoeyaxinil. Me-ama majt, jachiyaxaelen. Asew, xamalxot patpi, japi xamal mat-omwuljow, naewhajan wuti Jesús pejwhajan. Samata, japi jiw jumchiyaxil: “Xanal isx puexa, me-ama Pablo is” —chiyaxil japi jiw xanliajwa. ¹³ Japi diachwhajnakolax apóstoles-el. Xamal jum-aech wuti: “Xanal apóstoles” —aech wut, japi japox jum-aech xamal naekichachajbaliajwa. Japi xamalxot naewhajan wut, me-ama xanal,

Cristo pejiwan wut, apóstoles, ja-aech japi jiw xamal naekichachajbali-ajwa. Pe xanal tajjiwa-el japi jiw. ¹⁴ ¡Xamal nabej nejchaxoelanuile', apóstoles-elpi is wut, me-ama xanal apóstol, ja-an wut! Satanásbej xajup itliakaliajwa, me-ama Dios pej-ángeles, jachiliajwa jiw naekichachajbali-ajwa. ¹⁵ Samata, Satanás pejiwbej xajup, me-ama jiw pachaemp wut, kakuchanchiliajwa. Japi ja-aech xot, asamatkoi Dios xabich kastikaxaesi, babijaxan is xot.

Pablo xabich nabijatpox, apóstol xot

¹⁶ Xan pejme jum-an. ¡Xamal nabej nejchaxoele' xanliajwa: “¡Pablo na-acha, pajut ispoxan chapaei xoton!” —nabej aeche', nejchaxoelam wut! Xamal nakiowa xanliajwa jasox nejchaxoelam wut, natapaeyaxaelam xan jumchiliajwan tajut ispoxanliajwa, me-ama na-achax wut, jachiliajwan, japoxan jum-an wut. Asew, me-ama apóstoles, ja-aechi, pajut ispoxan chapaeipi xamal naekichachajbaliaw, japi sitaeliajwam. Samata, xanbej tajut ispoxan chapaeiyaxaelen xamal nasitaeliajwam. ¹⁷ Tajpaklon nato'a-el xan tajut isxpoxan xamal chapaeliajwan. Pe nakiowa, xan me-ama na-achanan, jasonan, tajut ispoxanliajwa xamal chapaeiyaxaelen xan nasitaeliajwam. ¹⁸ Xamalxot patpi pajut ispox-ankal xamal chapaeipi. Japi buxdala-el chapaeliajwa japoxan xamalxot, japi chiekal xamal sitaeliajwam. Samata, xanbej tajut isxpoxan chapaeiyaxaelen xamal chiekal xan nasitaeliajwam. ¹⁹ Xamal najut nejchaxoelam: “Xatis kaes pejme chiekal matabijas” —am, nejchaxoelam wut. Pe diachwajnakolax xamal chiekal matabija-emil. Xamal nalalael japiliajwa, japoxan chapaei wuti. Xamal chiekal naewetam na-acha, japi pat wut xamalxot naekichachajbaliaw. ²⁰ Xamalxot patpi, japi jiw xamal tato'al. Samata, xamal, japi pamakam wut, ja-am. Japi jiw xamal naekichachajba nejew wenosliajwa. Xamal naekichachajba wut, xamal nalala-el. Japi xamal mastaen wut, asaxan is wutbejpi, xamal nalala-el japiliajwa. ²¹ Xanallax jasox is-enil, xamalxotan wut.

Xamalxot patpi, pajut ispoxan chapaeipi xamal japi chiekal sitaeliajwam. Xanbej tajut isxpoxan chapaeiyaxaelen xamal chiekal nasitaeliajwam, me-ama na-achan, jachiliajwan. ²² Japi pajut jum-aech xamal sitaeliajwam: “Xanal judíosan” —aechi. Xanbej, judíos-atonan. Japi pajut jum-aechbej: “Xanal israelitan, Dios pejiwan” —aechi. Xanbej israelita-atonan, Dios pej-atonan. Japi pajut jum-aechbej: “Xanal Abraham pamojiwan” —aechbejpi. Xanbej Abraham pamonan. ²³ Japi pajut jum-aechbej: “Xanal Cristo pamakjiwan” —aechi. Xan kaes pejme Cristo pamaknan. Me-ama japi, jachi-enil. Japox tajutliajwa jum-an wut, me-ama na-achan, ja-an xamalliajwa. Xan xabich kaes pejme nabistax Cristoliajwa. Me-ama japi, jachi-enil. Ja-an wut, pin-iaveces asew jiw namatwajself. Me-ama japi jiw, xan jachi-enil. Jiw jebachantat asew jiw xan najia pin-iaveces. Me-ama japi jiw, xanbej jachi-enil. Pin-iaveces asew jiw mox pejnaboesabej. ²⁴ Cinco veces judíos najaelt wut, nakastika. Do jawutbej, namatwajself treinta y nueve veces jiw xaselsmawat. ²⁵ Pejme tres veces najaelt wut, naeyatat namatwajbe'bala. Kaeveces jiw ia'tat nadadap namatkaejabaliajwa. Tres veces barkamtat chafolx wut, chabu'lax. Kaeveces chabu'lax wut, kaematkoi chatuilx mintat. Kaemadoi mintat chanlianxbej. ²⁶ Xan xabich nanamtax jiw naewajnalijwan Jesús pejwajan. Asamatkoi, chafolx wut minlel, xabich chachoel xanliajwa. Asamatkoi, putlel nanamtax

wut, xabich chachaelbej xanliajwa nawenatkowasamata nuamfatat. Asamatkoi xabich chachaelbej xanliajwa jiw tajtʰajnpɨjijw babijax nawe-isasamata. Asamatkoi chachaelbej xanliajwa asatʰajnpɨjijw babijax nawe-isasamata. Asamatkoiyan chachaelbej xanliajwa paklowaxanxotx wut, pajilaxxotx wutbej, marxotx wutbej. Asamatkoiyan xanliajwa chachaelbej, jiw naexasis-elpixotx wut Jesús pejwʰajan. ²⁷ Asamatkoiyan xabich damlax, xabich nabistax xot. Asamatkoiyan moejs-enil madoi. Asamatkoiyan xan xabich litaxaelax. Xabich minsilabej. Asamatkoiyan piach naxae-enil. Asamatkoiyan xabich nabijatax, xabich thʰank wut, nawewe'p xot naxoe.

²⁸ Xamal chapae-enil pejme kaes asaxan nabijataxpojan. Amwutjelbej nabijatax, nejchaxoelx wut Jesús pejwʰajan naexasitiliajwa, kaenanʰla paklowaxanxot duilpiliajwa. ²⁹ Jesús pejwʰajan naexasiti mamnika-el wut Dios chiekal xanaboejapoxan, ja-aech wut, japi nejxaejwas wut, xanbej nanejxaejow japi jiwliajwa. Aton, Jesús pejwʰajan naexasitpon, asew jiw naekichachajbas wut, japon babijax is wut, xanbej xabich nanejxaejow japon atonliajwa. Xabich talalabej japi jiwliajwa, naekichachajba xoti japon aton. ³⁰ Asan nabʰxto'a wut asew jiw tajut jʰmchiliajwanpox, ja-aech wut, chapaeyaxaelen japi jiw pajut chiekal matabijaliajwa xan chiekal mamnika-enilpox. ³¹ Xatis Diosliajwa, Jesucristo pax, jʰmtis: “Dios, xam xabich pachaemam” —tis pomatkoicha. Japon chiekal matabijt xan jʰm-anpox diachwʰajnakolax. ³² Damasco paklowax ia' chaxajjalspox, xabich pinjiyax. Xabich athʰabejpojan. Japox xajajjalspox pejfafachan jiw leliajwa japapaklowaxxot. Damasco paklowaxpijin, gobernador, japon makafich rey Aretas gobernadorliajwapon japapaklowaxxot. Xan pa'ax wut Damasco paklowaxxot, japon gobernador kito'a pejsoldaw xan najaelsliajwa. Jawut jʰm-aechon: “¡Paklowaxfafachan wesfulde, Pablo nakolt wut jaelsliajwam!” —aech gobernador pejsoldawliajwa. ³³ Ja-aech wut, naexasiti Jesús pejwʰajan, pinjiyax canastotat nachakakofan ventana tathoetleldik, ia' xajajjalsleldik. Ja-aech wut, xan wiax Damasco paklowaxxot.

12

Pablo chapaeipox masoxtat taenpoxliajwa wajpaklon Jesús

¹ Wajut isaspojan asew jiw chapaeis wut japi jiw naksitaeliajwa, japox pachaema-el wajutliajwa. Pe nakiowa, xamal chapaeyaxaelen xan masoxtat tajut taenpox, xamal chiekal jʰmtaeliajwam wajpaklon Jesús natulaeltpox xanxot. Japon natulaelt xanxot chiekal tajut taeliajwan, xan isfulaliajwan japon nejxasinkpoxan. ²⁻³ Catorce waechanlisox Dios nabʰfolpox athʰa poxase, japon duk poxase. Xan naxtae-enil, nabʰfol wut Dios. Jalape. Matabijs-enil, tathʰalnan nabʰfol wut, o, taj-aelkal bu'fol wut. Kaen Dios japox chiekal matabijt. ⁴ Xan chiekal matabijt x Dios nabʰfolpox, japon duk poxase. Jaxochax wut, jʰmtaenx asew jiw majt jʰmtae-eljamechan. Dios natapae-el japox asew jiw chapaeliajwan. ⁵ Xan tajut chapaesian wut, japox chapaeyaxaelen asew jiw nasitaeliajwa, athʰa poxase nabʰfolpox. Pe japox xan jiw chapaeyaxinil. Xanlax chapaeyaxaelen chiekal mamnika-enilpoxan. ⁶ Xan xabich chapaeyaxaelen wut Diosxotse taenpoxan, me-ama na-acha-enil wut,

jachiyaxaelen, diachwujnakolax xot japoxan. Pe japoxan chapaeyaxinil jiw nasitaesamata. Xan nejxasinkax jiw nasitaeliajwa Diosliajwa isxpoxanliajwa, asew jiw naewujnaxpoxanliajwabej. ⁷ Dios natapaei pomatkoicha tajbu't nawexaenkaliajwa, japoxtat nabijasliajwanbej. Jan wut, Satanás, me-ama pokcho-etat, na-e'atat, naxua'at wut, ja-aech tajbu't nawexaenkaliajwa. Jasox ja-aech, Dios natapaei xot xan nejchaxoelasamatan: “Dios na-itpaei pachaempoxan xan taeliajwan japonxotse. Samata, xan kaes pejme pachaeman. Me-ama asew jiw, jachi-enil” —chisamatan, tajut nejchaxoelx wut. ⁸ Xan tres veces wajpaklon Jesucristo kawujnax naboejthusliajwa japox waxae. ⁹ Pe naboejthuselon. Jawut Jesucristo najum-aech: “Xam wewe'p tajnejxasiyaxkal. Xam boejthusaxinil puexa jiw matabijaliajwa xam chiekal mamnika-emilpox” —aech wajpaklon. Samata, xan chiekal nejchachaemlax, jiw pajut matabijaxael xot. Xan puexa chiekal isx, Cristo nakajachawaesful xot. ¹⁰ Chiekal mamnika-enil wut, nakiowa nejchachaemlax. Asew jiw jum-aech wutbej babejjamechan xanliajwa, Jesús pejwujajan naexasitx xot, xan nakiowa nejchachaemlax. Asaxan nawewe'p wutbej, xan nejchachaemlax. Asew jiw babijaxan is wutbej xanliajwa, naexasitx xot Jesús pejwujajan, xan nakiowa nejchachaemlax. Pachaema-el wutbej nabichliajwan Cristoliajwa, xan nakiowa nejchachaemlax. Jiw pajut taen wut xan mamnika-enilpox, ja-aech wut, japi pajut chiekal matabija, puexa xan japoxan isx Cristo pejkajachawaesaxtat.

Pablo xabich nejchaxoelpox Corinto paklowaxpijiwliajwa

¹¹ Xan chapaeix tajut isxpoxan. Me-ama na-achan pajut ispoxan chapaei wut, xan ja-an. Jasox chapaeix, xamal asew jiw chiekal chapae-emil xot xan isxpoxan. Xanlax pachaema-enil. Pe xan kaes pachae-man. Diachwujnakolax apóstoles-elpi, xamal naewetampi, xan jachi-enil. ¹² Xamalxot dukx wut, naewujnax pin-iamatkoivan, Dios nato'a xot. Isxbej koechaxan. Samata, xamal najut chiekal matabijam, diachwujnakolax xan Cristo pej-apóstolan. ¹³ Xan dukx wut xamalxot, puexa chiekal isfulax xamalliajwa, me-ama asapaklowaxanpijiw, Jesús pejwujajan naexasitiliajwa, puexa chiekal isx. Ja-an wut, xan asax is-enil xamal taliasliajwan. Xamal wuljoe-enilbej nakajachawaesliajwam nawewe'ppoxanliajwa. Jasox ja-an wut, xamalliajwa chiekal pachaema-el wut, jxan nabeltaem!

¹⁴ Xan thiltax xamal pejme taeliajwan. Amwut xamal taeyaxaelen wut, japoxtat tres vecesaxael taenxpox xamal. Pejme xamalxot pa'ax wut, xamal wuljoeyaxinil plata nakajachawaesliajwam. Me-ama majt wuljoe-enil plata, pejme xan jachiyaxaelen. Xan nejxasinka-enil nejew plata. Nejxasinkaxlax xamal chiekal naexasisliajwam Dios. Paxjiw chaxduw plata paxiliajwa. Paxi plata chaxdui-el paxjiw. Xamal, taxi wut, jam xanliajwa. Samata, plata xamal wuljoe-enil nachaxduiliajwam. ¹⁵ Xan nejchaxoelx xamalliajwa: “Corinto paklowaxpijiw wewe'pas wut kajachawaesax, puexa xan tejew toesaxaelen japi kajachawaesliajwan. Xan xajux wut, puexa isaxaelenbej japi kajachawaesliajwan” —an, nejchaxoelx wut xamalliajwa. Xamal kaes nejxasinkax wut, xamallax xan nanejxasinkampox toepafal.

¹⁶ Xamalxotx wut, xan asaxan nawewe'p wut, xamal wuljoe-enil. Pe nakiowa, asew jiw nakaewa najum-aech xanliajwa: “Pablo xatis

naknaekichachajba plata nakwenosliajwa” —na-aechi nakaewa xanliajwa. ¹⁷ ¿Xamalkat nejchaxoelam xanliajwa: “Pablo to'api xatisleldin, kaen japixot plata not Pablolialjwapi” —amkat xamal xanliajwa, nejchaxoelam wut? Japox nejchaxoelam wut, diachwujnakolaxa-el. ¹⁸ Tito to'ax wut xamal taeliajwa, jawut asan, Jesús pejwujajan naexasitpon, to'axbej fulaeliajwa, Tito suapich. Japamatkoi, ¿Titokat xamal naekichachajba? ¿Japon naekichachajba-el! Xan, Tito suapich, chiekal kaenejchaxoelaxan. Samata, Titobej xamal wujjoeyaxil plata.

¹⁹ Xamal xanliajwa nejchaxoelambej: “Pablo puexa japoxan pajut pijaxtat nakjum-aechbej xatis tasala-elaliajwas” —ambej, nejchaxoelam wut xanliajwa. ¡E! Japoxliajwa xan jumchi-enil. Xan puexa jum-an, Cristo nejxasinkpoxan, Dios nejchachaemlialiajwa. Xamal nejxasinkax. Samata, puexa japoxan jum-an xamal kajachawaesliajwan, kaes Dios chiekal xanaboejalialjwam. ²⁰ Xan xabich nejchaxoelx xamalliajwa, mam xamal amwutjel, duilam wut. Chiekal bej duila-emilbej, me-ama xan nejxasinkax xamal duilialiajwam. Xamal nakaewa bej nalotambej. Bej nusasiowlambej. Nalala wut, xabich piach bej nalalabej. Kaenanala xabich bej nejchaxoelambej nejewkalliajwa. Puexa xamal bej jum-ambej babejjamechan asew jiwliajwa. Xamal asew jiw maliach bej bu'wujajanpaeyambej. Bej nejchaxoelambej: “Xatis kaes pejme pachaems. Me-ama asew jiw, jachi-esal” —bej ambej, nejchaxoelam wut. Xamal duilam wut, chiekal bej duila-emilbej. Samata, xamal bej nasaladuilambej. Ja-amsfulam wut, xamalxot patx wut, xan xabich talalaxael japoxanliajwa. Samata, xamal xabich losaxaelen. ²¹ Samata, xan tadalaxael Diosliajwa, xamal amwutjel babijaxan isam xot. Samata, amwutjel xabich nejchaxoelx xamalliajwa. Asew jiw xamalxot chajiakolaxtat babijaxan is. Amwutjelbej asew xamalxot nakiowa japoxan babijaxan isfulfuk. Asew watho' bu'moejtbejpi. Kaes asaxan babijaxan isfulbejpi, japi jiw padaeyax wejisal xot. Xamalxot patx wut, japi jiw isful wut babijaxan, xan noeyaxaelen japoxanliajwa, xabich nanejxaejwaxael xot.

13

Pablo kitoesaxaelpox carta lelux Corinto paklowaxpijwliajwa

¹ Amwut, xamal taeyaxaelen wut, ampoxtat tres veces wulxael. Dios pejjamechan, chajia lelspon, jum-aech wut, jum-aechox babijaxan ispiliajwa: “Kaen aton babijax is wut asew jiwliajwa, japi jiw tasala wuti japon aton kastikaliajwas, japi jiw buflaeyaxael kolenje, o, tres aton, chiekal taenpikal, japon aton babijax is wut” —aechox. ² Majt asaviaje wut, xamalxot pa'ax wut, asew jiw fiatx babijaxan isponan kofaliajwa, japi bu'wujajanjilialiajwa Diosliajwa. Xamalxot asew jiw naewujjanxbej babijaxan isasamata. Amwutjel, atujajan wut, xamal pejme fiatx babijaxan isasamatam. Pejme xamal taenx wut, nakiowa babijaxan isfulam wut, ja-amsfulam wut, xamal beltaeyaxinil. ³ Jasoxtat xamal kastikaxaelen chiekal matabijaliajwam xan diachwujnakolax Cristo nabuxto'aponan. Cristo mamnika-ele-el. Pe xamal kajachawaet wuton, ja-aech wut, xamal chiekal matabijam japon pejpamamax. ⁴ ¡Diach japox ja-aechdo! Cristo, me-ama mamnika-el wut, ja-aechon, cruztat kimatamatlas wut, tuj wutbejpon. Pe Dios mat-echpon pejme dukaliajwa. Me-ama Cristo mamnika-el wut, ja-anbej xanal apóstoles. Xanal tajut mamnika-enil.

Xanal, Cristo sʉapich, kaemʉtan. Samata, chiekal duilafʉlax xamal kajachawaesliajwan, Dios nakajachawaesful xot.

⁵ ¡Xamal najut chiekal nejchaxoelde, diachwʉajnakolax xamal chiekal naexasitam wʉt Cristo pejwʉajan, o, chiekal naexasis-emil wʉtfuk! Ja-am wʉt, diachwʉajnakolax najut chiekal matabijaxaelam, ma-am xamal, Cristo pejwʉajan naexasitam wʉt. ⁶ Xan nejchaxoelx xamalliajwa: “Corinto paklowaxpijiw chiekal nejchaxoel wʉt, ja-aech wʉt, japi pajut chiekal matabijaxael diachwʉajnakolax apóstolanponanpox” —an, nejchaxoelx wʉt xamalliajwa. ⁷ Xanal Dios kawʉajna xamal babijaxan isasamatam. Nejchaxoela-enil xamalliajwa: “Corinto paklowaxpijiw chiekal duil wʉt, diachwʉajnakolax puxa jiw chiekal nakmatabijaxael xatis Cristo pejiwspis” —chi-enil, nejchaxoelx wʉt. Jasox nejchaxoela-enil. Xanal nejxasinkax xamal isliajwam pachaempoxankal. Jiw xanliajwa jumchiyaxael wʉt: “Pablo pachaema-el apóstolliajwa” —chiyaxael wʉti, xan nejchaxoelaxinil japoxliajwa. ⁸ Pe xan asbʉan jumch xamal chanaekabʉanaxaelen Jesús pejwʉajan, diachwʉajnakolaxpox, jiw naexasisliajwa. Xan asax jumchiyaxinil jiw itsalsamatam japi naexasisliajwa jarawʉajan. ⁹ Samata, xanal nejchachaemlax, asew jiw najʉm-aech wʉt xanalliajwa: “Japi, Jesús pejwʉajan chanaekabʉanapi, mamnika-el wʉt, ja-aechi” —aech wʉt asew jiw xanalliajwa. Xanallax nejxasinkax Dios xanaboejampox chiekal mamnikaliajwa. Xanal Dios kawʉajnafʉlax xamal kaes chiekal Dios xanaboejalijwam. ¹⁰ Xan am-pox carta lelx xamal poxade xato'aliajwan kofaliajwam babijaxan isampoxan tajpasax wʉajna. Ja-am wʉt, xamal losaxinil. Dios nato'a xamal tataeflaliajwan. Samata, xamalxot pa'ax wʉt, xan nejchachaemlaxinil xamal losliajwan. Xanlax nejxasinkax xamal kajachawaesliajwan, kaes chiekal Dios xanaboejalijwam.

¹¹ Takoew, am-pox carta kitoesliajwan wʉt, lelaxaelen am-poxan. Xan nejxasinkax xamal nejchachaemlaliajwam. Nejxasinkaxbej nejchaxoelaliajwam isliajwam pachaempoxan. Nejxasinkaxbej naewesliajwam naewʉajna xapox, xamal chiekal nejchachaemlaliajwam. Nejxasinkaxbej kaenejchaxoelaxliajwam chiekal duilaliajwam. Ja-am wʉt, Dios naknejxasinkpon, nakkajachawaetponbej chiekal duilaliajwas, asew jiw sʉapich, japon xamalxotaxael. ¹² Xamal, Jesús pejwʉajan naexasitampim, natamejlam wʉt, ¡chiekal nakaewa nasaludam! ¹³ Puxa jiw, naexasiti Jesús pejwʉajan, saludos xato'a xamalliajwa.

¹⁴ Xan Dios kawʉajna xajpaklon Jesucristo xamal kajachawaesliajwa. Dios kawʉajna xbej xamal asew jiw nejxasinkaliajwam, me-ama Dios xamal nejxasink, jachiliajwambej xamal. Dios kawʉajna xbej Espiritu Santo pomatkoicha puxa xamalxotaliajwapon.

Pablo lelpox carta Galicia taajņępijiwliajwa

Pablo lelpox carta Galicia taajņępijiwliajwa, Jesús pejwņajan naexasitiliajwa

¹ Xan, Pablo, Jesucristo namakafit apóstolliajwan potņajņęcha jiw naewņajnaliajwan japon pejwņajan. Jesús tų wųt, pax Dios mat-echpon pejme dukaliajwa. Do jawųt, Dios xan namakafitbej apóstolliajwan. Jiw nato'a-el. Japi jiw xan namakafis-el naewņajnaliajwan Jesús pejwņajan. ² Lelx amprox carta xamal, Jesús pejwņajan naexasitampimliajwa, Galicia taajņępijwamliajwa. Puexa xanxotpi, naexasiti Jesús pejwņajan, japi, xan sņapich, saludos xato'a xamalliajwa. ³ Xan kawņajņax waj-ax Dios, wajpaklon Jesucristobej, xamal kajachawaesliajwapi, chiekal duilaliajwam, aseb jiw sņapich. ⁴ Waj-ax Dios, japon to'a Jesucristo pajut natapaeliajwa asajiw boesaliajwas, nakwemosliajwa xatis babijaxan isapoxanliajwa. Samata, Dios nakkajachawaesaxael Jesús pijaxtat babijaxan isasamatas, me-ama aseb jiw babijaxan isful ampamatkoiyantat, jachisamatas xatis. ⁵ Samata, xatis pomatkoicha jņmchiyaxaes Diosliajwa: “įXam xabich pachaemam!” —chiyaxaes. įJasox nej ja-aech'e Diosliajwa!

Kaes asawņajan ajilpox, me-ama Jesús pejwņajan Dios jiw bņ'welija

⁶ Dios xamal nejxasink xot, tadųt bņ'welija. Samata, xamal naexasitam Jesús pejwņajan. Do jawņx, piacha-el wųt, wułtaenx xamal kofasiamprox naexasitampox Jesús pejwņajan. Samata, amwųtjel xan xabich nejchaxoelx xamalliajwa, asawņajan asbųan jņmch naexasisiam xot. ⁷ Diachwņajnakolax xan jņm-an. Jiw chiekal naexasit wųt Jesús pejwņajan, ja-aech wųt, Dios bņ'weyaxaes. Kaes asawņajan ajil, me-ama jarawņajan Dios bņ'welija jiw. Aseb jiw pat xamalxot naewņajnaliajwa asawņajan, xamal naexasisfula-elaliajwam majt xan naewņajņaxprox, kaenejchaxoelaxa-elaliajwam, xanal sņapich. Japi jiw asaxantat xaliaxasiapi chimiawņajan, Jesús pejwņajan, Jesús is-poxanliajwa. ⁸ Xanal naewņajņax chimiawņajan, Jesús pejwņajan. Jarawņajan naexasitam wųt, Dios xamal bņ'weyaxael. Xanal xali-axaxinil Jesús pejwņajan. Kaen ángel pask wųt, japonbej xali-axaxil jarawņajan. Aseb jiwbej jarawņajan xali-axaxil. Asan aton asawņajan naewņajan wųt, Jesús pejwņajana-elpox, japon aton Dios xabich kastikaxaes pomatkoicha infiernoxotdik. ⁹ Majt jņm-anprox pejme xamal jņmchiyaxaelen. Xamalxot asan aton naewņajan wųt asawņajan, Cristo pejwņajna-el wųt, xamal majt naexasitamwņajna-el wųt, įDios xabich kastikaxaes japon aton pomatkoicha infiernoxotdik!

¹⁰ Jiw naewņajņax wųt Jesús pejwņajan, naewņajna-enil jiw asbųan jņmch nejchachaemlaliajwa xanliajwa. Xan naewņajņax jarawņajan Dios nejchachaemlaliajwa xanliajwa. Naewņajņaxaelen wųt asawņajan, Cristo pejwņajna-elpox jiwkal nejchachaemlaliajwa xanliajwa, jachiyaxaelen wųt, kaes Cristo pamaknaxinil.

Pablo Dios makafichpox apóstolliajwa

¹¹ Takoew, xan nejxasinkax xamal chiekal matabijaliajwam, Dios bu'weyaxaelpox Jesús pejwñajan naexasiti. Xan jiw naewñajnapox, Jesús pejwñajan, japawñajan jiw pajut faena-el. ¹² Jesucristo pejwñajan majt chinax kaen aton nachapae-el xan matabijsliajwan. Jesucristo xan natapaei matabijsliajwan japon pejwñajan.

¹³ Xamal nawultaenam, ma-an xan majt naexasitx wut Moisés chajia lelpox. Me-ama asew judíos, xanbej ja-an. Xamal nawultaenam, ma-an xan, chakinanñamtax wut Jesús pejwñajan naexasiti, jaelaliajwan wut. Japi jiw chinax beltae-enil. Ja-an xan japi jiw chiekal toesliajwanlach. ¹⁴ Moisés chajia lelpox naexasitx wut, xan xabich kaes pejme xentax japoxliajwa. Me-ama asew judíos, kaewñtje najñpati'taxpi, xan jachi-enil. Xan, me-ama tajwñajnapijiw, ja-an japoxliajwa. ¹⁵ Xan nalaelsenil wutñuk, Dios nabeltaen xot, namakafit japon pijax bichax nabichliajwan. ¹⁶ Samata, baxael, Dios pijaxtat chiekal matabijtax Jesús, Dios paxulanpon, xan naewñajnalijwan japon pejwñajan judíos-elpi, japibej Dios bu'welijwas. Jesús pejwñajan matabijtax wut, xan fulae-enilde chinax kaen aton poxade wñajnachaemsliajwan. Jmñchi-enil: “¿Machiyax-aelenkat xan?” —chi-enil. ¹⁷ Fulae-enilbej Jerusalén paklowax poxade taeliajwan apóstoles wñajnachaemsliajwan. Japi matxoela-apóstolespi, xan apóstola-enil wutñuk. Xanlax fulaechx Arabia tñajñu poxade. Do jawux, Arabia tñajñuxotx wut, baxael, Damasco paklowaxxot nawia'nax.

¹⁸ Nawia'nax wut, xan dukx tres waechan Damasco paklowaxxot. Do jawux, xan fulaechx Jerusalén paklowax poxade Pedro taeliajwan, japon apóstolpon, xan matabijsliajwan. Japonxotx kolesemana. ¹⁹ Jerusalén paklowaxxot kaes asew apóstoles tae-enil. Kaen Santiago taenx, japon wajpaklon Jesús pakoewan. ²⁰ Xan lelxpox Dios chiekal matabijt, diachwñajnakolaxpox.

²¹ Do baxael, Jerusalén paklowaxxot chijian wut, fulaechx Siria tñajñu poxade, Cilicia tñajñu poxadebej. ²² Japamatkoitat Judea tñajñapijiw, Jesús pejwñajan naexasiti, japi xan chiekal namatabija-elfuki. ²³ Judea tñajñapijiw jmñtaen asew jiw jm-aechpox xanliajwa: “Pablo, japon majt nakchakinanñamt xabich naktoesliajwa, Jesús pejwñajan naexasich xot, amwñtjel japonbej Jesús pejwñajan naexasit. Japon asew jiw naewñajnafulbej Jesús pejwñajan japi jiw naexasisliajwa japawñajan” —aech japi jiw xanliajwa. ²⁴ Samata, Judea tñajñapijiw, naexasiti Jesús pejwñajan, japi Dios kawñajan wut xanliajwa, jm-aechi: “Dios, ¡xam xabich mamnikam! ¡Xam nijaxtat Pablo naexasit naxulan Jesús pejwñajan!” —aechi, Dios kawñajan wut xanliajwa.

2

Asew, apóstoles, chiekal bu'kulapox Pablo

¹ Catorce waechanwux, xan pejme kaxa fulaechx Jerusalén paklowax poxade. Jawut xan fulaechx, Bernabé sñapich. Bu'folxbej Tito. ² Xan fulaechx Jerusalén paklowax poxade, Dios nato'a xot. Jerusalén paklowax patx wut, natameja Jesús pejwñajan naexasiti, japi paklochow. Do jawut, paklochow chiekal chanaekabñanax judíos-elpi naewñajnapox. Xan ja-an paklochow jmñchisamata xanliajwa: “Pablo naewñajanpox, chimiawñajan, Jesús pejwñajan, judíos-elpi naexasisliajwa, japox chiekal pachaema-el” —chisamata paklochow xanliajwa. ³ Paklochow jmñtaen wut judíos-elpi naewñajnapox, japi paklochow xabich nejchachaemil.

Tito, tajnachalanpon, japon judíos-atona-el. Pe paklochow jumchi-esal japonliajwa: “¡Titobej nej circuncidas Dios pejmarkaxliajwa, chiekal naexasisliajwa Moisés chajia lelpox!” —chi-esal Titoliajwa. ⁴ Asew judíosxot, me-ama Jesús pejwñajan naexasit wut, ja-aechi. Japi xanalxot pat asbñan jumch naewesliajwa, natasalaliawabejpi, chiekal naexasis-enil xot puexa Moisés chajia lelpox, xanal amwutjel chiekal naexasitx xot Jesús pejwñajan. Japi jiw xanal nato'a pejme naexasisliajwan puexa Moisés chajia lelpox. ⁵ Japi xanal nato'apox naexasis-enil. Samata, xanal to'a-enil xamal naexasisliajwam Moisés chajia lelpox. Xamallis chimiawñajan, Jesús pejwñajan, naexasitam pejme pachaemaliajwam Diosliajwa. Jarawñajan diach chiekal wñajnakolax. Samata, xanal nejxasinka-enil jarawñajan xaliaxaliajwan.

⁶ Jesús pejwñajan naexasiti, paklochow, chapaeix wut xan naewñajna xroxan judíos-elpiliajwa, japi paklochow xan najumchi-el: “Japi jiw naewñajnam wut Jesús pejwñajan, xam wewe'pñak kaes asax japi chiekal naewñajnalijwam” —nachi-el paklochow. Xan nejchaxoela-enil paklochow nejchaxoelpoxanliajwa, puexa xatis chiekal najups xot Diosliajwa. ⁷ Japi paklochow nakaewa najum-aech xanliajwa: “Diachwñajnakolax Pablo Dios to'as naewñajnalijwa judíos-elpi, Dios bu'welijwasbej japi jiw. Me-ama Pedro Dios to'as naewñajnalijwapon judíos, jatisbej Pablo” —aech paklochow nakaewa xanliajwa. ⁸ Pedro Dios makafich apóstolliajwa, japon naewñajnalijwa judíos. Xanbej Dios namakafit apóstolliajwan naewñajnalijwan judíos-elpi.

⁹ Samata, Santiago, Pedro sñapich, Juanbej, japi paklochow Jerusalén paklowaxxot naexasitpiliajwa Jesús pejwñajan, japi pajut chiekal matabija Dios xan namakafitpox naewñajnalijwan judíos-elpi. Samata, japi xanal chiekal nakijacha, kaenejchaxoelax xoti, xan, Bernabé sñapich, naewñajnalijwan judíos-elpi Jesús pejwñajan. Santiago, Pedro sñapich, Juanbej, japi xan naewñajna xael judíoskal Jesús pejwñajan. ¹⁰ Japi paklochow asbñan jumch nato'a xanal nejkiowasamatan kijila kajachawaesfulaxpox. Pelis xanal kajachawaesfulax kijila.

Pablo lotpox Pedro Antioquía paklowaxxot

¹¹ Pedro Antioquía paklowaxxot wut, xan jiw pejwñajnalel japon chiekal jum-an, is xoton isaxilpox. ¹² Pedro majt naxael, judíos-elpi sñapich, koft xoton wajwñajnapijiw fiatpox. Samata, Pedro nejmach jixaelpon, judíos-elpi sñapich, japi naexasiti Jesús pejwñajan. Pe Santiago pejjiw pasax taen wuton Antioquía paklowaxxot, Pedro japi wñajna nakolt judíos-elpixot. Nakoftbejpon, japi sñapich, naxaelpox. Ja-aech Pedro, pejlwla xot Santiago pejjiwliajwa. Santiago pejjiw jum-aech: “¡Judíos-elpi, naexasiti Jesús pejwñajan, japi nej circuncidas, me-ama xatis judíos, jachiliajwa!” —aech Santiago pejjiw. ¹³ Asew judíos, naexasiti Jesús pejwñajan, Pedro nakolsax taen wut, japipej nakola judíos-elpi pejbaxot. Bernabébej nakolt jaxot. ¹⁴ Xan japi taenx wut naexasis-elpox Jesús pejwñajan to'apox, jawut xan puexa jiw pejwñajnalel, jum-an chiekal Pedroliajwa: “Xam Pedro, diachwñajnakolax chiekal judíos-atonom. Pe xam, judíos-atona-emil wut, ja-am. Ja-am wut, ¿ma-aech xotkat to'asiam judíos-elpi duilaliajwa, me-ama xatis judíos?” —an Pedroliajwa.

Judíos, judíos-elpibej, naexasit wut Jesús pejwajaan, japi Dios bu'weyaxaespor

¹⁵ Xanal diachwajaanakolax judíosjiwan, taj-axjiw judíosjiw xot. Samata, xanal chiekal matabijax Moisés chajia lelpox. Me-ama judíos-elpi, matabija-el Moisés chajia lelpox, xanal judíosnanpin jachi-enil japoxli-ajwa. ¹⁶ Xanal chiekal matabijax, Moisés chajia lelpox chiekal naexasisaxinil chiekal pachaemaliajwan Diosliajwa. Pelax Jesucristo pejwajaan naexasitx wut, ja-an wut, chiekal bu'wajaanjilaxaelen Diosliajwa. Samata, xanal naexasitx Jesucristo pejwajaan Dios nabu'welija. Samata, xanal bu'wajaanjinil Diosliajwa. Bu'wajaanjila-enil Diosliajwa, naexasitx xot Moisés chajia lelpox. Chinax kaen aton puexa chiekal naexasisaxil Moisés chajia lelpox bu'wajaanjilaliajwa Diosliajwa.

¹⁷ Amwutjel xanal Jesucristo pejwajaan naexasitx Dios nabu'welija. Ja-an wut, asew judíos najumchiyaxael xanalliajwa: “Xamal babijaxan isam, kaes naexasis-emil xot Moisés chajia lelpox” —chiyaxaeli xanalliajwa. Xanal Jesús pejwajaan naexasitx wut, ¿xanalkat isx babijax, kaes naexasis-enil wut Moisés chajia lelpox? ¡Diachwajaanakolax xanal is-enil babijax! ¹⁸ Xan jiw jum-an wut: “Moisés chajia lelpox nakwewe'pa-el naexasisliajwas” —an wut, do jawux, pejme jiw to'ax wut naexasisli-ajwapi Moisés chajia lelpox, xan ja-an wut, tajbu'wajaanaxaelen Diosliajwa. ¹⁹ Xan chiekal matabijtax wut Moisés chajia lelpox, jawut tajut matabijtaxbej chiekal naexasisaxinilpox japoxan. Samata, xan koftax naexasitxpor Moisés chajia lelpox Diosliajwa chiekal pachaemaliajwan. Amwutjel naexasitx Jesús pejwajaan. Samata, chiekal pachaemx Diosliajwa. Cristo tux wut cruztat, jawutbej, xan, me-ama tuxp cruztat, Cristo suapich, ja-an Diosliajwa. ²⁰ Amwutjel, xan dukx wut, nejchaxoela-enil tajut isasianpoxan isfulaliajwan. Amwutjel, dukx wut, Dios paxulan chiekal xanaboejsfulax japon nakajachawaesfulaliajwa. Japon nanejx-asink xot, pajut natapaei asajiw boesaliajwas, tupaliajwapon xanliajwa. ²¹ Xan nejwesla-el Dios nanejxasinkpox. Jiw chiekal naexasisaxael wut Moisés chajia lelpox japi jiw chiekal pachaemaliajwa Diosliajwa, ja-aech wut, Cristo tuxpox masox chiekal namanaxael.

3

Amxot jum-aechpor Moisés chajia lelpoxliajwa, Abraham chiekal Dios xanaboejtpoxliajwabej

¹ Xamal, Galicia tuajnupijwam, ¡nejliaklawam! ¿Ma-aech xotkat tapae Yam asew jiw xamal naekichachajbajliajwa kofaliajwam naexasitampox, diachwajaanakolaxpor? Chajia xamalxotx wut, chiekal naewajna x Jesús cruztat kimatamatlaspor. ¿Xamalkatlis japox chiekal nejkiowam? ² ¡Xamal ampor, wajaanachaemsaxaelenpor, chiekal najumno'e! ¿Xamalkat nejmatpumatantat Espiritu Santo, naexasitam wut Moisés chajia lelpox? ¡El! Espiritu Santo nejmatpumatantat, xamal naexasitam xot Jesús pejwajaan. ³ Diachwajaanakolax xamal nejnejchaxoelaxan pawe-ajil. Tuadu wam wut naexasitampox Jesús pejwajaan, Espiritu Santo xamal kajachawaet. Amwutjel xamal nejchaxoelam najut nijaxtat duilaliajwam Cristoliajwa, hasta tuxam wut. ⁴ Xamal majt nabijatam, asew jiw babijaxan is wut xamalliajwa, Jesús pejwajaan naexasitam xot. Ma amwut, kofam wut Jesús pejwajaan naexasitampox, ja-am wut, majt chajia nabijatampox, naexasitam wut

Jesús pejuajan, japox omjilaxael xamalliajwa. ⁵ Dios to'ak Espíritu Santo xamal nejmatpuatanxotaliajwa. Dios isbej koechaxan xamalxot. ¿Ma-aech xotkat Dios japoxan is xamalliajwa? Dios is japoxan, xamal Jesús pejuajan chiekal naexasitam xot. Japoxan is-elpon, xamal naexasitam xot Moisés chajia lelpox.

⁶ Abraham chiekal naexasit Dios jumtispor japonliajwa. Samata, Abraham chiekal pachaempon Diosliajwa. ⁷ Samata, xamal chiekal matabijam! Abraham pamojiwkola, japilap chiekal Dios xanaboejapi. ⁸ Dios pejjamechan, chajia lelpox, jum-aech wut, jum-aechox judíos-elpiliajwa. Japibej chiekal Dios xanaboeja wut, babijaxan isporan wejilaxaespi. Japox chimiaujanliajwa Dios jum-aech Abrahamliajwa: “Potuajnuhanpijiw xan kajachawaesaxaelen xam nijaxtat” —aech Dios Abrahamliajwa. ⁹ Samata, Dios kajachawaesaxael puexa jiw, japi chiekal Dios xanaboejapi, me-ama chajiakolaxtat Dios kajachawaet Abraham, japon xanaboejt wut Dios.

¹⁰ Aton pajut nejchaxoel wut, jum-aech wuton: “Diachwujnakolax xan Dios nabu'weyaxael, Moisés chajia lelpox naexasitx xot” —aech wuton, japon aton Dios kastikaxaes, chiekal puexa naexasis-el xoton Moisés chajia lelpox. Japon aton japox wejachiyaxaes, Dios pejjamechan, chajia lelpox, jum-aech wut, jum-aech xot: “Aton chiekal naexasis-el wut puexa Moisés chajia lelpox, japon aton Dios kastikaxaes” —aech xot Dios pejjamechan. ¹¹ Samata, xatis chiekal matabijas. Diachwujnakolax aton mason namanaxil bu'wujanjilaxtat Diosliajwa, puexa chiekal naexasis-el wuton Moisés chajia lelpox. Dios pejjamechan, chajia lelpox, jum-aech wut, jum-aechox: “Jiw chiekal xanaboeja wut Dios, ja-aech wut, japi jiw bu'wujanjilaxael Diosliajwa. Samata, japi jiw pomatkoicha duilaxael Diosxotse” —aech Dios pejjamechan, chajia lelpox. ¹² Jiw nejchaxoeli naexasisliajwa Moisés chajia lelpox, japi jiw xanaboeja-el Dios bu'weliajwas. Dios pejjamechan, chajia lelpox, jum-aech wut, jum-aechox: “Jiw chiekal pachaemasiapi Diosliajwa, naexasit xoti Moisés chajia lelpox, japi jiw chiekal naexasisaxael puexa Moisés chajia lelpox” —aech Dios pejjamechan, chajia lelpox.

¹³ Moisés chajia lelpox puexa xatis chiekal naexasis-esal xot, Dios puexa xatis nakkastikaxael. Pe ja-aech wut, Cristo cruztat tup xatisliajwa. Jawut nakwemoton xatis babijaxan isapoxanliajwa Dios nakkastikasamata. Dios pejjamechan, chajia lelpox, jum-aech wut, jum-aechox: “Aton naetat duch tupaliajwa, Dios kastikas xot” —aechox. ¹⁴ Cristo tup xatis nakbu'weliajwa. Samata, Dios kajachawaesaxael judíos-elpibej, me-ama Dios jum-aech Abrahamliajwa. Dios jum-aech xatis Jesús pejuajan naexasichpisliajwa, Espíritu Santo nakchalaliajwa, nakkajachawaesliajwabej.

Amxot jum-aechor Moisés chajia lelpoxliajwa, Dios chajia jumdutporbej Abrahamliajwa

¹⁵ Takoew, xamal ampor jumchiyaxaelen. Kaen aton jumdut wut nabichliajwa contrato asan atonliajwa, jaxot lelon isliajwapoxan contratofutat. Do jawut, contratofutat pejwul lelon. Pejwul lel wut, kaes asax pejme isliajwa lelaxilon. Japon aton chiekal toesaxael japox bichax, me-ama contratofutat jum-aech. ¹⁶ Dios jumdutpor Abrahamliajwa, kaen Abraham pamonliajwabej. Dios jumdutpor, japox, me-ama contrato wut, ja-aechox Diosliajwa. Dios japox jumdut wut, jumtus-elon

puexa Abraham pamojiwliajwa. Dios japox jumdut kaen Abraham pamonliajwa, japon Cristoliajwa. ¹⁷ Xan jum-anpox xamal chiekal chanaekabuanaxaelen. Chajiakolaxtat Dios jum-aech Abrahamliajwa asamatkoi jachiyaxaelpoxliajwa. Dios japox jum-aech wut, do jawux, cuatrocientos treinta waechan toep wut, japamatkoiyan Dios kito'a Moisés lelaliajwa Dios jum-aechpoxan Abraham pamojiwliajwa, japi israelitasliajwa, japox naexasisfulaliajwapi. Ja-aech wut, Dios jumdutpox Abrahamliajwa amwutjel nakiowa ja-aechfukox. Japox toepa-elfak. Asamatkoi, Dios jum-aechpox diachwajnakolax chiekal jachiyaxael. ¹⁸ Dios jumdutpox Abrahamliajwa, japox malech Dios kajachawaesliajwa Abrahamliajwa. Japox diachwajnakolax jachiyaxael asamatkoi, Dios malech nakkajachawaesaxael wut xatis. Pelax Moisés chajia lelpox naexasisaxaes wut, Dios jumdusaxil malech nakkajachawaesaxaelpoxliajwa.

¹⁹ ¿Ma-aech xotkat pachaem Moisés chajia lelpox? Dios chaxdut pejtato'lanan puexa jiw pajut chiekal matabijaliajwa, is wut babijaxan. Moisés chajia lelpox fiat jiw babijaxan isasamata. Moisés lelpox, jiw chiekal naexasisfulaliajwa, hasta Abraham pamon pask wut. Pasaxaelpon, japon Cristo, Dios to'aspon. Dios pajut kito'a-el Moisés japox lelaliajwa. Dios to'alax pej-ángeles japi jumchiliajwa Moisés. Do jawux, Moisés jum-aech israelitasliajwa ángeles jum-aechpox japonliajwa. Lelbejpon japox. ²⁰ Dios jumdut wut isaxaelpox Abrahamliajwa, Dios pajut chiekal jum-aech Abrahamliajwa. Jawut Dios asan buxto'a-el, Abraham jumchiliajwa wut.

Ma-aech xot pachaempox Moisés chajia lelpox

²¹ Moisés chajia lelpoxxot jumchi-el: “Pachaema-el Dios jumdutpoxan” —chi-elpox. Kaes pejme asax ajil, Dios tato'alpox, jiw chiekal naexasisliajwa pomatkoicha jiw duilaliajwa Diosxotse. ²² Dios pejjamechan, chajia lelpox, jum-aech wut, jum-aechox: “Puexa ampathatpijiw babijaxan isla-ele-el” —aechox. Samata, wajut chiekal matabijas. Jesucristo pejwajjan naexasiti, japi Dios chaxduiyaxaes jumduchpox.

²³ Jesús pasax wujana, japamatkoiyan, xanal judíos naexasisfulax xot Moisés chajia lelpox, me-ama esclavos wut, ja-an japawujjanliajwa. Pe xanal chiekal naexasis-enil Moisés chajia lelpox. Ja-an wut, Jesucristo xanaboeja-enilfak Dios nabuweliajwa. ²⁴ Me-ama yamxi tataeflan, naewujjan yamxi babijaxan isasamata, ja-aech Moisés chajia lelpox. Moisés chajia lelpox xanal nanaewujjan babijaxan isasamatan. Samata, Cristo nalaelt wut, baxael, tupon puexa xatisliajwa. Xatis naexasich wut Cristo pejwujjan, jatis wut, xatis babijaxan isaspoxan Diosliajwa chiekal nakwe-ajil. ²⁵ Amwutjel xatis chiekal xanaboejas Dios nakbu'weyaxaelpox, Cristo tuj xot xatisliajwa. Samata, kaes nakwewe'pa-el naexasisliajwas Moisés chajia lelpox. ²⁶ Xamal Jesucristo pejwujjan naexasitam xot, Dios xamal beltaen babijaxan isampoxanliajwa. Samata, amwutjel xamal puexa Dios paxim. ²⁷ Xamal bautisa wuti, asew jiw matabija xamalbej Cristo pejjiwampox. Ja-am wut, xamal nejchaxoelam: “Xan chiekal dukasian, me-ama Cristo, jachisian” —am, nejchaxoelam wut. ²⁸ Xatisxot asew judíos, asew judíos-elpibej. Asew esclavos, asew esclavos-elpibej. Asew poejjiw, asew watho'bej. Puexa xatis Jesucristo pejwujjan naexasich. Samata, xatis, me-ama kaemuch wut,

jatis Diosliajwa. ²⁹ Xatis Cristo pejiwš wut, jatis wut, Abraham pamojibej. Samata, Dios nakchaxduiyaxael Abraham chajia jumduchpoxan.

4

¹ Xan kaes amwut jumchiyaxaelen Moisés chajia lelpoxliajwa, Dios jumdutpoxan Abrahamliajwabej. Kaen kimaeyan puexa pejew naetup wut, paxulan jam wutfuk, japon kamta pax pejew chaxduiyaxisalfuk. Baxael, japon chiekal ti't wut, pax pejew chaxduiyaxaeson pejewliajwa. Japon jam wutfuk, me-ama esclavo wut, ja-aechon, naexasisful xot tataeflaspi. ² Japon ti's-el wutfuk, asew tataeflas. Wetataeflasbejpon pejwaxaelpi. Asamatkoi, japon ti't wut, pax jum-aechmatkoi pat wut, japamatkoi pax pejew puexa chaxduiyaxaeson. ³ Jatisbej majt xatis. Me-ama yamxuchas wut, jatis, chiekal matabija-esal xot Jesucristo pejwujajan. Xatis majt, me-ama esclavos wut, jatis. Xatisbej isas babijaxan, ampathatpijiw ispoxan. ⁴ Pat wut Dios markpox, matkoi, Dios to'ak paxulan nalaesliajwapon kaeow judíos-atowtat. Nalaelt wut, baxael, chiekal ti'sful wutbejpon, japon naexasisful Moisés chajia lelpox. ⁵ Xatis xajupa-esal chiekal naexasisliajwas Moisés chajia lelpox. Samata, Dios paxulan fuloek nakwemosliajwa xatis babijaxan isaspoxanliajwa, xatis pejme chiekal pachaemaliajwas Diosliajwa. Samata, amwutjel xatis Dios paxis. ⁶ Dios to'ak Espíritu Santo wajmatpuxatanxotaliajwa wajut chiekal matabijaliajwas Dios paxispox. Samata, xatis jumtis Espíritu Santo pijaxtat Dios nakjumtaeliajwa: “Taj-ax Dios” —tis. ⁷ Amwutjel xamal Dios paxim xot, esclavos-emil, isfala-emil xotlis ampathatpijiw isfulpoxan. Samata, asamatkoi Dios xamal chaxduiyaxael xabich pachaempoxan.

Pablo xabich nejchaxoelpox Galacia tujnupijiw, Jesús pejwujajan naexasitiliajwa

⁸ Xamal majt Dios matabija-emil wut, brixtat nuilam ídolos kawujajniajwam. Xamal chiekal matabija-emil xot, nejchaxoelam: “Japi ídolos nakajachawaesaxael” —am, nejchaxoelam wut. Pe ídolos Dios-el. ⁹ Amwutjel xamal chiekal Dios matabijam. Pe Dios kaes pejme xamal chiekal matabijton. ¿Ma-aech xotbejkat pejme naexasisasiam Moisés chajia lelpox, Dios xamal bu'welija? ¹⁰ Xamalbej napatam, judíos pejmatkoi pat wut, napatamatkoi. Judíos fiestan is wut, xamalbej fulaemch japafiestan taeliajwam. Xamal ja-amšfulam, fiestamatkoi wut, fiestajuimt wutbej, fiestawaechan wutbej. Japafiestan xamalbej naktaenam wut, nejchaxoelam: “Dios nejchachaemlaxael xatisliajwa, ampafiestan naktaens xot” —am xamal, nejchaxoelam wut. ¹¹ Samata, xan nejchaxoelx xamalliajwa: “Xabich naewujajnaprox japixot, bej nawenafo'abej” —an, nejchaxoelx wut xamalliajwa.

¹² Takoew, xamal jum-an amprox. Xamalbej, me-ama xan, ja-amde! Xan judíosnan, xamal judíos-emilpimxot xan dukx wut, me-ama xamal, judíos-emilpim wut, xan ja-an. Xamal babijax nawe-is-emil. ¡Amwutjelbej ja-amde! ¹³ Xamal chiekal matabijam. Xan bu'xaenkax wut, majt xamalxot patx. Jawut nakiowa, xamal naewujajnap Jesús pejwujajan Dios xamal bu'welija. ¹⁴ Jawut, waxae nawaet wut, xan xabich kabanchaemilan waxaetat. Pe nakiowa, xamal xan nanejxasinkam.

Nato'a-emilbej asatɥajnaɓel. Najut xamal chiekal xan nabu'kulam. Me-ama Dios pej-áŋgel, Jesucristobej, chiekal bu'kulaxaelam wut, xamal jam xanliajwa. ¹⁵ ¿Ma-aech xotkat amwutjel nejchachaemla-emil xanliajwa? Xan naewɥajnax wut Jesús pejwɥajan, xamal majt chiekal xan nanaewetam. Jawutbej xabich nejchachaemlam. Japamatkoi xamal wɔljowx wut, nejmach bej nachaxdusaxaelambej wɔljowxpoɥ, xabich nasiowlapox. ¹⁶ ¿Pe xankat amwutjel xamalliajwa, me-ama nadaelmanan wut, jakabɥan-ankat xamalliajwa, naewɥajnax xot diachwɥajnakolaxwɥajan?

¹⁷ Asew jiw xamalxot, japi xamal naewɥajnsia circuncidaliajwam. Japi, me-ama xamal kajachawaesasia wut, ja-aechi. Pe japi kajachawaesaxaelpoɥ pachaemaxil xamalliajwa. Japi nejxasink xanalxot xamal nadijaliajwam, xamal japi pejjiwaliajwam. ¹⁸ Pachaemaxael, japi is wut pachaempoxan, kajachawaet wutbejpi xamal. Pomatkoicha xamal kajachawaesasia wut, japox pachaemaxaelbej. Pe japi xamal asbɥan jumch kajachawaesasia, xan xamalxotx wut. ¹⁹ Xamal, me-ama taxi wut, ja-am xanliajwa. Atow naxɥwlaliajwa wut, xabich, nejchaxoelafɔl. Xanbej xabich nejchaxoelx xamalliajwa. Ja-ansfɔlax, hasta xamal chiekal duilaliajwam Cristoliajwa. ²⁰ Amwutjel xan nejxasinkax xamalxotaliajwan tajut chiekal jumchiliajwan. Jalape. Xan matabijs-enil, achax nejchaxoelaxaelen xamalliajwa.

Amxot jum-aechpox Hagarliajwa, Saraliajwabej

²¹ Xamal jum-am: “Moisés chajia lelpox naexasisaxaes Dios nakbu'weliajwa” —am xamal. ¡Amwut chiekal xan nanaewe'e chiekal matabijaliajwam Moisés chajia lelpox! ²² Moisés chajia lelpox jum-aech Abraham kolenjepox paxɔlan. Matxoelapijin nalaelton Agartat. Japow esclava-atow. Asan paxɔlan nalaeltpon Abraham pijowkolowtat. Japow pawɔl Sara. Japow Sara esclava-atowa-el. ²³ Agar nafaena-el. Samata, piacha-el japow moejwaliajwa, naxɥwlaliajwabej. Naxɥwal wut, faenow paxɔch, poich. Saralax nafaena. Pe Dios jumdut japow naxɥwlaliajwa, paxɔch faenaliajwapow, poich. Asamatkoi, Dios jumdutmatkoi pat wut, Sara naxɥwal. Faenow paxɔch, poich. ²⁴⁻²⁵ Agar pejwɥajan, me-ama Moisés chajia lelpox, ja-aech. Moisés chajia lelpox naexasiti, japi, me-ama esclavos wut, ja-aechi, naexasisfɔl xot jarawɥajan. Me-ama Agar, esclava, ja-aech japi jiw. Arabia tɥajɥxot xabich pinjiyax mɥax, Sinaimɥax. Japamɥaxmatwɥajtat Dios jum-aech Moisésliajwa. Do jawɥx, baxael, Moisés kito'as japox lelaliajwa. Sara pejwɥajanlax, me-ama Dios jumdutpox Abrahamliajwa. Ja-aech jarawɥajan, Sara esclava-el xot. ²⁶ Xatis Jesucristo pejwɥajan naexasich xot, me-ama Sara paxis wut, jatis, esclavos-esal xot. Samata, asamatkoi duilaxaes pomatkoicha Diosxotse, Dios pejpaklowaxxotse, pajelpaklowax, Jerusalén paklowaxxotse. ²⁷ Dios pejjamechan, chajia lelspx, jum-aech wut, jum-aechox Saraliajwa:

“Xam nafenam xot, xijimil. Pe nakiowa, nejchachaemilde xam boejtae-emilpowam yamɥɔchxaenkpoɥ, nalaelsliajwa wut! Asamatkoi xabich chanoeyaxaelam, yamɥɔch boejpun wut nalaelsliajwa. Do baxael, asamatkoi, xabichaxael namojiw. Xam, me-ama namakow, jachiyaximil” —aechox Saraliajwa.

²⁸ Takoew, xamal, me-ama Abraham paxɔlan, Isaac wut, ja-am. Japon nalaeltpon Saraxot, Dios chajia jumduchpon Abrahamliajwa. Samata,

xamalbej amwätjel Dios paxi wüt, ja-am, Dios jumdut xot Abrahamliajwa. ²⁹ Abraham paxulan, nalaeltpon Agarxot, japon taliat pakoewan pajaman, nalaeltpon Saraxot, Espíritu Santo jumtusaxtat. Amwätjelbej, Moisés chajia lelpox naexasiti, xatis naktaliat, Jesús pejwüajan naexasichpis. ³⁰ ¿Achaxkat jum-aech Dios pejjamechan, chajia lelspox, Dios jum-aech wüt Abrahamliajwa? Jum-aechon: “Naxulan, namakowxot nalaeltpon, xam tıpam wüt nejew waelaximil japonxot. Puexa nejew waelaxaelam nijowkolowxot nalaeltponxot. Samata, įto'im namakow chijiyaliajwa xamxot, paxulan sşapich!” —aech Dios Abrahamliajwa. ³¹ Takoew, xatis Diosliajwa, Abraham pamakow paxi wüt, jachi-esal. Xatislax, Abraham pijowkolow paxi wüt, jatis.

5

Jesús pejwüajan naexasiti wewe'pa-esalpoş naexasisliajwa Moisés chajia lelpox

¹ Jesucristo tıp nakwemosliajwa babijaxan isaspoşan Dios nakbu'weliajwa. Samata, Moisés chajia lelpox kaes nakwewe'pael naexasisliajwas Dios nakbu'weliajwa. Xatis, me-ama judíos, jachiyaxisal. Samata, wajut chiekal nejchaxoelaxaes: “Dios nakbu'weyaxael, Cristo tıp xot. Samata, peme kaxadik nejchaxoelaxisal naexasisliajwas Moisés chajia lelpox” —chiyaxaes, wajut nejchaxoels wüt.

² įXamal chiekal naewe'e xan lelpox! Nejchaxoelam wüt, įnabej nejchaxoele': “Xan kitapaeyaxaelen nacircuncidaliajwa. Ja-an wüt, Dios xan nabu'weyaxael” —nabej aeche', nejchaxoelam wüt! Japox nejchaxoelam wüt, diachwüajnakolaxa-el. Japox nejchaxoelam wüt, pachaemaxil Cristo tıppox cruztat xamal bu'weliajwa. ³ Pejme lelaxaelen circuncidaxliajwa. Jiw pajut kitapaei wüt circuncidaliajwas, japi jiw chiekal naexasisaxaelbej puexa Moisés chajia lelpox, japi babijaxan ispoşanliajwa Dios bu'weliajwas. ⁴ Xamal nejchaxoelam: “Moisés chajia lelpox xatis naexasisaxaes Dios nakbu'weliajwa” —am xamal, nejchaxoelam wüt. Ja-am wüt, kofaxaelam naexasitampox Cristo pejwüajan Dios xamal bu'weliajwa. Ja-am wüt, xamal nejxasinkaximil Dios kajachawaesaxaelpoş. ⁵ Xatis naexasich Jesucristo tıppox cruztat nakbu'weliajwa. Xatis chiekal matabijasbej Dios nakbu'weyaxaelpoş. Samata, Espíritu Santo nakkajachawaesaxael piach wüajnewesliajwas that toepaxmatkoi. Japamatkoi pat wüt, Dios kaenanula nakjumchiyaxael: “Xam babijaxan isampoxan ajil xanliajwa” —chiyaxael Dios kaenanula xatisliajwa. ⁶ Xatis, Jesucristo pejjiws, nakcircuncida wüt, o, nakcircuncida-el wütbej, japox, koloeşax, Diosliajwa chiekal najşp. Kaes pejme pachaempox Diosliajwa, Jesucristo chiekal xanaboeşapox. Jesucristo chiekal xanaboeşaxot, nejxasinkas asew jiw. Samata, isasbej pachaempoxan japiliajwa.

⁷ Xamal majt chiekal naexasitam Jesús pejwüajan. ¿Achankat xamal to'a kofaliajwam naexasitampox Jesús pejwüajan, diachwüajnakolaxpoş? ⁸ Dios xamal to'a-el kofaliajwam naexasitampox Jesús pejwüajan. Dios xamal tadut naexasisliajwam japawüajan. ⁹ Jiw jum-aech: “Pan isliajwas wüt, cha-aelaxach lewadura tanialtas puexa pansap puthlaliajwa” —aechi. Ja-aechlap-is jiw babeşchow. Kaesşapich wüt, japi xajşp puexa jiw tabeşliajwa, naexasiti Jesús pejwüajan. ¹⁰ Xan Dios chiekal xanaboeştax

xamal asax nejchaxoelasamatam, xatis chiekal kaenejchaxoelaxliajwas. Xamalxot kaen aton itsalt wut Cristo xanaboejampoxliajwa, japon aton Dios kastikaxaes. Japon aton, paklon wut, o, paklona-el wutbej, nakiowa, japon aton Dios kastikaxaes.

¹¹ Takoew, xamal judíos-emilpim, to'axaelen wut circuncidaliajwam, ja-an wut, judíos xan nanejweslaxil. Ja-an wutbej, xan judíos pijaxtat nabijasaxinil. Judíos xan nanejwesla, jiw naewuajna xot Cristo tuppox cruztat xatis babijaxan isaspoخانliajwa. ¹² Xan nejxasinkax xamalxot itsaltpi kamta nakolaliajwa, kaes xamal itsalsamatapi.

¹³ Takoew, Dios xamal tadut Jesucristo pejwajjan naexasisliajwam Dios xamal bu'weliajwa babijaxan isampoxanliajwa. Jesucristo pejwajjan naexasitam wut, nejchaxoelam wut, jnabej nejchaxoele': "Amwutjel asax na-it-ele-el. Samata, babijaxan isasianpox isaxaelen" —nabej aeche', nejchaxoelam wut! ¡Asbuan jumch nakaewa chiekal nakajachawaesfulde, xabich nanejxasinkam xot! ¹⁴ Dios pejjamechan, chajia lelpox, jum-aech wut, jum-aechox: "¡Xamal nejxasinkde asew jiw! Me-ama najut nanejxasinkam wut, jja-amde asew jiwliajwa!" —aechox. Ja-am wut, kaewutje kamta naexasisaxaelam puexa Moisés chajia lelpoxbej. ¹⁵ ¡Najut chiekal taem nakaewa natoesasamatam! Xamal nakaewa nanejwesla wut, nakaewa najum-am wutbej babejjamechan, ja-am wut, asbuan jumch nakaewa natoesaxaelam Jesús pejjiwampim.

Espíritu Santo kajachawaechpox Jesús pejwajjan naexasiti chiekal duilaliajwa

¹⁶⁻¹⁷ Xatis babijaxan, wajut isasiaspoxan, japoxan Espíritu Santo nejxasinka-el. Espíritu Santo naktato'alpoxan pachaem xatis isliajwas. Pe xatis japoxan nejxasinka-esal isfulaliajwas. Espíritu Santo naktato'alpoxan xatis wajut xajupaxisal japoxan isliajwas. Samata, jpomatkoicha japoxan isfulde Dios pejkajachawaesaxtat, xamal najut isasiampoxan, babijaxan, isasamatam! ¹⁸ Isfulam wut Espíritu Santo tato'alpoxan, xamal kaes pejme nejchaxoelaximil: "Xan naexasisaxaelen Moisés chajia lelpox pejme chiekal pachaemaliajwan Diosliajwa" —chiyaximil, nejchaxoelam wut.

¹⁹ Tampa xatis wajut chiekal matabijaliajwas, jiw babijaxan is wut. Poejw asew watho' bu'moejt wut, pejwatho'a-elpi, japox pachaema-el Diosliajwa. ²⁰ Ídolos kawuajna xan, japoxanbej pachaema-el Diosliajwa. Pinjoe'iw pinjoe'axtat ispoxan, japoxanbej pachaema-el Diosliajwa. Jiw nejwesla wut asew, japoxbej pachaema-el Diosliajwa. Jiw kaenejchaxoelaxa-el wut, jum-aech wutbejpi palaeyajamechan, japoxbej pachaema-el Diosliajwa. Jiw xabich uwmaenk wut, japoxbej pachaema-el Diosliajwa. Jiw xabich kamta palala wut, japoxbej pachaema-el Diosliajwa. Asew jiw kaesasia wuti, pejew wut, me-ama asew jiw, jachi-elasia wuti, japoxbej pachaema-el Diosliajwa. Jiw chanaekabuanapoxtat asew jiw asbuan jumch nadija wut, japoxbej pachaema-el Diosliajwa. Jiw nadija wut kolemutjeliajwa, do jawux, jumchiyaxael wut babejjamechan nakaewa asamutpijiwliajwa, japoxbej pachaema-el Diosliajwa. ²¹ Jiw kinasasiowal wut asew jiw, japoxbej pachaema-el Diosliajwa. Jiw saxa af wut saxsliajwas, japoxbej pachaema-el Diosliajwa. Jiw xabich xael wut, babijaxan is wutbej, japoxanbej pachaema-el Diosliajwa. Jiw is wutbej kaes asaxan babijaxan, japoxanbej pachaema-el Diosliajwa. Puexa japababijaxan

ispi, japi jiw duilaxil Diosxotse. Majt xamal naewuajnapox, japox pejme xamal naewuajnax.

²² Jesús pejuwajan naexasiti, japi jiw kajachawaesfulas Espiritu Santo. Samata, japi nejxasink a sew jiw. Japibej xabich nejchachaemil. Japibej a sew jiw suapich, chiekal duilaful. Japibej piach boejtaliasful palalalaliajwa, a sew jiw babijaxan is wut japiliajwa. Japibej a sew jiw kajachawaet. Japibej jumduw wut a sew jiwliajwa, japoxan chiekal isbejpi. ²³ Japibej nejchaxoela-el: “Xan kaes pejme pachaeman. Me-ama a sew jiw jachi-enil” —chi-eli, nejchaxoel wut. Japibej pajut chiekal natataeful babijaxan isasiapoxan is-elaliajwa. Japilax isful pachaempoxan. Japoxan japi is, Espiritu Santo kajachawaesfulas xot. Samata, japi fias-esal is-elaliajwa pachaempoxan. ²⁴ Jesucristo pejuwajan naexasiti nejchaxoel: “Jesús cruztat kimatamatlas wut, jawutbej tajax padujnejchaxoelax, cruztat matamatlas” —aechi, nejchaxoel wut. Samata, amwutjel padujnejchaxoelax japixot ajil, majt tato'laspoxan babijaxan isliajwa. ²⁵ Amwutjel xatis Espiritu Santo nakkajachawaet xot, tapae yaxaes japon naktato'laliajwa islijawasbej japon nejxasinkpoxan.

²⁶ ¡Nabej nejchaxoelatis: “Xatis kaes pachaems. Me-ama a sew jiw, jachi-esal” —nabej chitis, nejchaxoels wut! ¡Nakaewa nabej nataliasbej na-uldaksliajwas! ¡Xatis nakaewa nabej nanusasiowlatisbej!

6

Jesús pejuwajan naexasiti nakaewa nakajachawaesaxaelpox

¹ Takoew, xamalxot Jesús pejuwajan naexasitpon, babijax is wut, ¡japon fia'e kofsliajwa japox babijax! ¡Japon naewuajande pejme isliajwa Dios nejxasinkpoxan! Naewuajnam wut, ¡chiekal naewuajande! ¡Ja-amde, kaes xamal naexasitam xot Espiritu Santo tato'alpox! ¡Xamalbej najut chiekal natataefulde babijax isasamatam! ² Xamalxot Jesús pejuwajan naexasitpon xabich nabijat wut, ¡japon xamal kajachawae'e! Ja-amsoelam wut, naexaxisaxaelam Cristo tato'alpox.

³ Aton, chiekal pachaema-elpon, pajutliajwa jum-aech wut: “Xan kaes pachaeman. Me-ama a sew jiw, jachi-enil” —aech wuton, japon pajut naekichachajba, diachwajnakolaxa-el xot. ⁴ Kaenanula jiw pajut chiekal nejchaxoelaxael: “Xan dukx wut, ¿bej ma-anbejkat Diosliajwa?” —chiyaxaeli, pajut nejchaxoel wut. Japi ispoxan pachaem wut, xabich nejchachaemlaxaeli. Ja-aech wut, pajutliajwa japi jiw jumchiyaxil: “Xan kaes pejme pachaeman. Me-ama a sew jiw jachi-enil” —chiyaxili. ⁵ Samata, xamal kaenanula chiekal isfulaxaelam Dios tato'alpoxan.

⁶ Aton xamal naewuajan wut Dios pejjamechan, japon aton xamal kajachawaesaxaelam nejewtat.

⁷ ¡Xamal najut naekichachajbaximil! Chinax kaen aton xajupaxil naekichachajbaliajwa Dios. Jiw pejlulantat pelapi pachaem wut, asamatkoi jolaxaeli pachaempi. Pelax pachaema-el wut pelasi, ja-aech wut, asamatkoi jolaxisal, pelasi pachaema-el xot. ⁸ Jachiyaxaelbej jiw ispoxan. Jiw babijaxan is wut, pajut isasiapoxan, asamatkoi, japi jiw tup wut, pomatkoicha Dios kastikaxaespi. Aton isful wutlax Espiritu Santo tato'laspoxan, japon aton asamatkoi tup wut, pomatkoicha dukaxael Diosxotse. ⁹ Samata, xatis kofaxisal isfulaliajwas pachaempoxan. Damlaxisalbej isfulaliajwas Espiritu Santo naktato'alpoxan. Japoxan isfulas wut, Dios asamatkoi nakchaxduiyaxael pachaempoxan.

¹⁰ Samata, xatis xajups wut, puexa asew jiw kajachawaesaxaes. Pe kaes chiekal kajachawaesaxaes naexasiti Jesús pejwujajan.

Pablo lelpox taxdukanaewujajnaX Gálatas paklowaxpijiwliajwa

¹¹ Xan, Pablo, amxot tajut lelx. Samata, xamal taeyaxaelam pinaletan. ¹² Judíos to'a wut xamal circuncidaliajwam, japi japox to'a, nakaejudíos suapich, chiekal pachaemaliajwa, pejlwla xoti asew judíosliajwa. Japi judíos nejwesla nabijasliajwa, me-ama nabijatpi, japi jum-aechpi: “Dios nakbeltaen babijaxan isaspoxanliajwa, Cristo tuxot xot cruztat” —aechpi. ¹³ Xamal to'api circuncidaliajwam, japi pajut chiekal naexasis-el Moisés chajia lelpox. Asbuan jumch japi to'a xamal circuncidaliajwam. Ja-aech wut, japi jumchisia asew judíos jumtaeliajwas: “Xanal kito'ax xot, xabich Galacia tujajnpjijiw, japi judíos-elpi, circuncidaslisi. Samata, xanal kaes pejme xabich pachaeman” —chisiapi asbuan jumch, asew judíos sitaeliajwas. ¹⁴ Xan tajut jumchiyaxinil asew jiwliajwa: “Xan isxpojan asew jiwliajwa xabich pachaem” —chiyaxinil. ¡E! Xanlax nejxasinkax asew jiw naewujajnalijwan wajpaklon Jesucristo cruztat tuxpoxkal. Xanliajwa Cristo cruztat tuxot, amwutjel nejxasinka-enil babijaxan isliajwan, me-ama ampathatpijiw is babijaxan. Samata, xan ampathatpijiwliajwa, xan, me-ama tux wut, Jesucristo suapich, ja-an. ¹⁵ Poejiw circuncidaspi, o, poejiw circuncida-esalpibej, japoxan koloeyaxan, Diosliajwa chiekal najup. Kaes pejme pachaem, xatis pajelnejchaxoelaxan wuch, Jesús pejwujajan naexasich wut. Jatis wut, me-ama jelnalaelaspis wut, jatis Diosliajwa.

¹⁶ Puexa xamal, chiekal duilampim, me-ama ampacartatat lelx wut, to'ax chiekal duilaliajwam, xan Dios kawujajnaX. Dios kawujajnaXbej xamal beltaeliajwapon. Dios kawujajnaXbej puexa asew jiwliajwa, japi diachwujajnakolax Dios pejjiwpi.

¹⁷ Xan naewujajnaX xot Jesús pejwujajan, asew jiw pin-iaveces xabich naselt wut, namatwujajxakolbala. Japawajelan jiw taen wut, pajut chiekal matabija xan Jesúsliajwa nabistaxponan. Samata, xan kaes nejxasinka-enil asew jiw najumchiliajwa: “Pablo Jesúsliajwa nabistponael” —nachiliajwa.

¹⁸ Takoew, wajpaklon Jesucristo kawujajnaX puexa xamal kajachawaesliajwa. ¡Jasox nej ja-aech' xamalliajwa!

Pablo lelpox carta Éfeso paklowaxpijiwliajwa

Pablo lelpox carta Éfeso paklowaxpijiwliajwa

¹ Xan Pablo, Dios namakafit Jesucristo pej-apóstol nadofaliajwan. Lelx ampxox carta xamal Éfeso paklowaxpijwamliajwa, Jesucristo pejwñajan naexasitampimliajwa. ² Xan waj-ax Dios kawñajnaç, wajpaklon Jesucristobej, xamal kajachawaesliajwa chiekal duilaliajwam, asey jiw ñapich.

Dios kajachawaetpox naexasiti Jesucristo pejwñajan

³ Xatis jumchiyaxaes Dios, japon wajpaklon Jesucristo pax: “Xam xabich pachaemam” —chiyaxaes! Dios nakkajachawaesful puexa nejmach xatisliajwa chiekal pachaemaliajwa japonxotse, naexasisfulas xot Jesucristo pejwñajan. ⁴ Chajiakolaxtat, Dios ampathat is-el wutfuk, xatis nakmakanoton Jesucristo pejiwaliajwas, Dios pejwñajnael bu'wñajanjilialiajwas. ⁵ Dios naknejxasink xot, japon chajia nejchaxoel xatis japon paxiliajwas, asamatkoi Jesucristo tuxaxael xot xatis babijaxan isaspoxanliajwa. Samata, Dios japox nejxasink xot, Jesucristo tux xatis babijaxan isaspoxanliajwa. ⁶ Samata, amwutjel xatis pomatkoicha jumtis Diosliajwa: “Xam xabich pachaemam, nabeltaenam xot” —tis xatis japonliajwa. Jasoxtat Dios xatis nakbeltaen paxulan Jesucristo, xabich nejxasinkpon, pijaxtat. ⁷ Dios xabich naknejxasink xot, paxulan to'a tupaliajwa cruztat. Samata, xatis babijaxan isaspoxan ajil Diosliajwa. ⁸ Ja-aech wut, chiekal matabijas Dios xabich naknejxasinkpox. Ja-aech wutbej, Dios naktapaei pejjamechan chiekal matabijaliajwas. ⁹ Dios chajia nejchaxoel asamatkoi to'aliajwapon Cristo, japon tato'laliajwa puexa ampathatpijiw. Japox majt chinax kaen aton matabijs-elfuk. Dios xatis naktapaei japox chiekal matabijaliajwas. ¹⁰ Japoxlap asamatkoi jachiyaxael. Japamatkoi wut, Dios tapaeyaxael Jesucristo puexa tato'laliajwa ampathatpijiw, Diosxotsepibej.

¹¹ Xatis nalaela-esal wutfuk, Dios chajia nakmakanot Jesucristo pejiwaliajwas. Samata, Dios naktapaeiyaxael pomatkoicha duilaliajwas japonxotse, Cristo ñapich. Japoxlap chajiakolaxtat Dios nejchaxoel. ¹² Xanal, judíos, matxoela naexasitx Jesucristo pejwñajan. Samata, xanal jum-an Diosliajwa: “Xam xabich pachaemam” —an, japon xajux xot puexa isliajwa. ¹³ Xamalbej, judíos-emilpim, jumtaenam wut chimiawñajan, Cristo pejwñajan, diachwñajnakolaxpox, naexasitam japawñajan Dios xamal bu'welialiajwa. Japawñajan naexasitam wut, Dios to'ak Espíritu Santo xamalxotaliajwa kajachawaesliajwabej, chiekal matabijaliajwam xamal japon pejiwampox. Ja-aech, Espíritu Santo xamalxot pask wut, Dios jumdutpox pat xotlisoç xamalxot. ¹⁴ Espíritu Santo wajmatpuatanxot. Samata, chiekal matabijas diachwñajnakolax pomatkoicha duilaxaes Diosxotse. Dios nakchaxduiyaxaelbej puexa xatisliajwa owapipon, wejewliajwa. Samata, xatis jumtis Diosliajwa: “Xam xabich pachaemam” —tis, japon xajux xot puexa isliajwa. Asey jiw, we'ppifuk naexasisliajwa Jesús pejwñajan, japi puexa naexasit wut

Jesús pejwajaan, Dios japoxan nakchaxduiyaxael, owapipon wejewliajwa.

Pablo kawajaanpox Dios, Jesús pejwajaan naexasiti chiekal matabijaliajwa

¹⁵ Xan xamal wultaenx chiekal naexasitampox wajpaklon Jesús pejwajaan. Wultaenxbej nejxasinkampox puexa Dios pejjiw. ¹⁶ Samata, xan pomatkoicha Dios kawajaanx xamalliajwa. Kawajaanx wut, jum-an Diosliajwa: “Gracias-an, Éfeso paklowaxpijiwbej naexasit xot Jesucristo pejwajaan” —an Diosliajwa. ¹⁷ Dios, athaxotsepon, japon wajpaklon Jesucristo pax, xabich pachaem. Dios kawajaanx wut xamalliajwa, Dios jum-an Espíritu Santo xamal kajachawaesliajwa Dios chiekal matabijaliajwam. ¹⁸ Dios kawajaanxbej xamal chiekal matabijaliajwam Dios chaxduiyaxaelpox. Xabich pachaem japox, xamal Dios pejjiwam wajaanwetampox. ¹⁹⁻²⁰ Dios kawajaanxbej xamal chiekal matabijaliajwam, japon xabich mamnik. Samata, Dios xajur nakkajachawaesliajwa, Jesucristo pejwajaan naexasichpis. Cristo tur wut, Dios mat-echpon pejme dukaliajwa. Ja-aech wut, Dios itpaei pejpa-mamax. Do jawux, paxulan bu'folon athu poxase ekaliajwa japon pejpoklalel, tato'laliajwabejpon, japon sapich. ²¹ Samata, amwutjel Jesús kaes paklon. Me-ama puexa tato'alpi, athaxotsepi, ampathatpijiwbej, jachi-el Jesús. Pomatkoicha tato'laxaelon. ²² Dios tapaei Cristo puexa tato'laliajwa. Samata, Cristo puexa jiw tato'laful. Cristo tato'lafulbej puexa japon pejwajaan naexasitpi. ²³ Cristo pejwajaan naexasiti, puexa japi jiw Cristo pejbu't wut, ja-aechi. Samata, Cristo japixot. Japon xajur puexa isliajwa athaxot, ampathatxotbej.

2

Dios bu'wiapox jiw, xabich nejxasink xoton

¹ Xamal majt babijaxan isfulam wut, me-ama patupa, ja-am Diosliajwa. ² Ja-am wut, xamal duilam, me-ama ampathatpijiw, isfulam xot Satanás tato'alpoxan. Satanás puexa dep tato'al. Japi, dep, pothata xajur. Nanuamtbej athu. Satanás tato'albej jiw, naexasis-elpi Dios, babijaxan isliajwa. ³ Xatis majt, me-ama asew jiw, japi Dios matabija-elpi wut, jatis. Jatis wut, isfulas babijaxan, wajut isasiaspoxan. Me-ama asew jiw, Dios xabich kastikaxaespi, Dios nakjachisiabej xatisliajwa, nakkastikasias wut. ⁴ Jatis wut, Dios nakiowa nakbeltaeful, xabich naknejxasink xoton. ⁵ Xatis majt xabich babijaxan isfulas xot, me-ama patupawas wut, jatis Diosliajwa. Amwutjel xatis Jesús pejjiws. Samata, xatis, Jesús sapich, me-ama Dios nakmat-ia wut, jatis pejme duilaliajwas. Dios nakbeltaen xot, nakbu'wia. ⁶ Asamatkoi Dios xatisbej nakmat-eyaxael pejme duilaliajwas. Me-ama Jesús mat-ech pejme dukaliajwa, jachiyaxaelbej Dios xatisliajwa, Jesús sapich, chalakaliajwas Diosxotse naktato'laliajwas. ⁷ Jasox Dios jachiyaxael xatisliajwa, puexa jiw pajut chiekal matabijaliajwa, diachwajaanakolax Dios xabich naknejxasink. Nakbeltaenbejpon, Jesucristo tur xot xatisliajwa. ⁸ Dios nakbeltaen xot, nakbu'wia, naexasich xot Jesús pejwajaan. Samata, xatis kaenanula jumchiyaxisal: “Dios nakbu'wia, isas xot pachaempoxankal” —chiyaxisal, Dios nakbu'wia xot malech. ⁹ Dios nakbu'we-el, isas xot pachaempoxan. Samata, jkaenanula nabej jumchitis: “Dios nabu'wia, pachaempoxankal tajut tajaxtat isx

xot” —nabey chitis! ¹⁰ Dios nakbu'wia Jesucristo pejjiwaliajwas, xatisbej isliajwas pachaempoxankal. Dios japox chajia nejchaxoel xatisliajwa, xatis nalaela-esal wut'fuk.

Chiekal duilpox Jesús pejwajaan naexasiti, a sew jiw suapich, kachawaech xoti Jesús

¹¹ Xamal, judíos-emilpim, nejchaxoelam wut, nejchaxoelde ampox! Judíos, japi circuncidaspi Dios pejmarkaxliajwa, japi xamal majt nejwesla, xamal circuncida-emil xot. ¹² Jawut xamal matabija-emil'fuk Jesucristo pejwajaan naexasisliajwam. Majt xamal Dios pejjiwa-emil. Me-ama judíos, jachi-emil. Matabija-emilbej Dios jamdutpox xamalbej bu'welija. ¹³ Xamal majt Dios matabija-emil. Pe amwutjel, Cristo t'ap xot xamalliajwa, japon pejjiwam. Chiekal matabijambej Dios. ¹⁴ Xanal judíos, xamal judíos-emilpimbej, amwutjel Jesucristo nakkajachawae xot, me-ama koews wut, jatis. Samata, amwutjel kaemuch. Xanal judíos, xamal judíos-emilpimbej, majt xatis nakaewa nanejweslas. Pe amwutjel, japox chiekal toep, Cristo t'ap xot cruztat xatis babijaxan isaspoxanliajwa. ¹⁵ Cristo t'ap xot xatis babijaxan isaspoxanliajwa, Moisés chajia lelpox tato'alpox, japox toep. Samata, xanal judíos, xamal judíos-emilpim suapich, xatis Cristo pejjiws, naexasich xot japon pejwajaan. Jatis wut, kaenanala xatis chiekal pachaems Diosliajwa, Cristo t'ap xot xatisliajwa. ¹⁶ Cristo t'ap wut cruztat, xanal judíos, xamal judíos-emilpimbej, kofas nakaewa xatis nanejweslaspo x kaemutaliajwas. Jawutbej xatis chiekal pachaems Diosliajwa, naexasich xot Jesucristo pejwajaan.

¹⁷ Cristo pat wut ampathatat, xapaton chimiawajaan xatis kaenejchaxoelaxliajwas, chiekal duilaliajwas, a sew jiw suapich. Japon naewajaan japawajaan judíos-elpi. Japi jiw majt Dios matabija-el. Naewajaanbejpon judíos. Judíos chajia chiekal matabija Dios pejjamechan. ¹⁸ Xamal judíos-emilpim, xanal judíos-pinbej, Jesucristo t'ap xot puexa xatisliajwa, Dios pajut naktapaei japon Dios kawajnalija. Jatis wut, Espiritu Santo nakkajachawaesful Dios kawajnalija. ¹⁹ Samata, xamal judíos-emilpim, amwutjel, me-ama asajiwa-emil wut, jachi-emil Diosliajwa. Amwutjel Dios pejjiwam. Me-ama xanal judíos, ja-ambej xamal amwutjel, judíos-emilpim. Samata, Diosliajwa, xatis chiekal koews, Dios pejjiws xot. ²⁰ Xamal, me-ama Dios pejba wut, ja-am Diosliajwa. Jesucristobej, me-ama ia't, matxoelapijt bat'akso'tpijtalija, kaes pejme pachaempot, ja-aech Jesús. Apóstoles, profetasbej, xamal matxoela naewajaan xot Dios pejjamechan, japi, me-ama a sew ia' wut, matxoela-owaspi satat ba chiekal mamnikaliajwa, ja-aech japi jiw. ²¹ Xatis Cristo pejwajaan naexasich xot, chiekal kaemuch. Samata, xatis, me-ama Dios pejtemploba wut, jatis Diosliajwa. ²² Xamalbej, a sew jiw suapich, Cristo pejjiwam xot, me-ama Dios pejtemploba wut, ja-am, Espiritu Santo duk xot nejmatp'atantat.

3

Pablo to'aspox naewajnalija judíos-elpi chimiawajaan, Jesús pejwajaan

¹ Xan Pablo, jiw jebatat najia, xamal, judíos-emilpim, naewajnaj xot chimiawajaan, Jesús pejwajaan. ² Xamal chiekal matabijam.

Dios nato'a xamal naewuajnalijwan japawuajan, xabich pachaem xoton xanlijawa. ³ Dios nejchaxoel xamalbej beltaelija. Japoxlija Dios xan natapaei chiekal matabijsliajwan, majt jiw matabijaelpoxfuk. Japoxlija amwutjel ampacartaxot kaejamechan lelx. ⁴ Xamal ampox cartaxaljomam wut, najut chiekal matabijaxaelam Cristo pejwuajan xan matabijtaxpox. Japawuajan xamalliajwabej. ⁵ Majt Dios tapae-el japawuajan asew jiw matabijaliajwa. Amwutjel Dios tapaei apóstoles, profetasbej, japi matabijaliajwa japawuajan, Espíritu Santo kajachawaech xoti. ⁶ Majt japawuajan chiekal maliach. Chajia jiw matabija-el. Japawuajan amwut lelaxaelen. Judíos bu'weyaxaes Dios. Jachiyaxaesbej judíos-elpi, naexasit wuti Jesús pejwuajan. Amwutjel judíos-elpi, judíosbej, japi Cristo pejwuajan naexasiti, puexa japi, Cristo pejbu't wut, ja-aechi. Samata, Dios chaxduiyaxaes chajia jumdutpox judíos pejwuajnapijwliajwa.

⁷ Dios nato'a chimiawuajan, Jesús pejwuajan, jiw naewuajnafalialijwan, xan nabeltaen xoton. Dios nakajachawaesfulbej pejbichax isliajwan. ⁸ Xan kaes pachaema-enil. Me-ama puexa asew, Dios pejjiw, jachi-enil. Pe nakiowa, Dios natapaei naewuajnalijwan judíos-elpi chimiawuajan, Jesús pejwuajan. Xatis chiekal matabijaxisal Jesúslija, japon xabich pachaempon. ⁹ Dios, puexa ampathatat ispon, japon xan nato'a naewuajnalijwan puexa jiw jumtabijaliajwa Dios bu'weyaxaespox, judíos-elpibej. Dios majt tapae-el puexa jiw matabijaliajwa japawuajan. ¹⁰ Samata, amwutjel Jesús pejwuajan naexasiti, japi naewuajnaful wut japawuajan, ja-aech wut, ángeles, tato'alpi Diosxotse, pajut chiekal matabijaxael Dios puexa matabijtpox. ¹¹ Dios chajia nejchaxoel to'aliajwapon Jesucristo ampathat poxasik tapaliajwapon puexa jiwliajwa. Do japox diachwuajnakolax ja-aechlisox. ¹² Amwutjel xatis Jesús pejwuajan naexasich xot, Dios nejchachaemil. Samata, wajdala-el Dios kawuajnalijwas. ¹³ Samata, xamal jum-an nejchaemilasamatam, jiw jebatat najia xoti nabijaslija, xamal, judíos-emilpim, naewuajnax xot. Xan amxotx pachaemaliajwa xamalliajwa. Samata, ixamal nejchachaemilde!

Cristo xabich naknejxasinkpox

¹⁴ Xan nejchaxoelx wut Dios bu'weyaxaelpoxlija xamal judíos-emilpim, xan brixtat nukx waj-ax Dios kawuajnalijwan xamalliajwa. ¹⁵ Japon kaen, waj-ax Dios. Puexa athxotsepi, puexa jiw ampathat-pijwbej, waj-ax Dios isas xot, duilaful. ¹⁶ Dios xabich mamnik. Xan Dios kawuajnax Espíritu Santo xamal kajachawaesfulaliajwa, kaes Dios chiekal xanaboejalijwam. ¹⁷ Dios kawuajnaxbej xamal chiekal Cristo xanaboejalijwam pomatkoicha, nejxasinkalijwambej asew, naexasiti Jesús pejwuajan. ¹⁸⁻¹⁹ Dios kawuajnaxbej xamal, puexa asew, Jesús pejwuajan naexasiti suapich, chiekal matabijaliajwam Jesús xabich xatis naknejxasinkpox. Xatis chiekal matabijaxisal Jesús naknejxasinkpox. Xamal japox chiekal matabijaxaelam wut, me-ama Dios nejchaxoel pachaempoxan, xamalbej jachiyaxaelam.

²⁰ Xatis jumtis Dioslija: "Xam xabich pachaemam" —tis. Dios xabich kaes xajup nakkajachawaeslija. Samata, wuljows wut nakkajachawaeslija, nakkajachawaes-elon wuljowspxotat. Dios kaes pejme nakkajachawaet wuljowspxoliajwa. Japonbej ma inechaxoelsdo', japoxtat nakkajachawaes-elon. Kaes pejme nakkajachawaeton. Dios

nakkajachawaesful amwutjel xatis chiekal duilaliajwas, me-ama japon nejxasink. ²¹ Pomatkoicha xatis jumtis Diosliajwa: “Xam xabich pachaemam” —tis, Dios pejiwis xot. Japox jumtis, Dios nakbu'wia xot, Jesucristo tap wut xatisliajwa.

4

Chiekal kaenejchaxoelapox Jesús pejwajan naexasiti, Espíritu Santo kajachawaech xot

¹ Xan jiw najia jiw jebatat, asew jiw naewajna xot Jesucristo pejwajan. Xamal jum-an chiekal duilaliajwam, me-ama Dios xamal tato'al, japon xamal makanot xot pejiwaliajwam. ² Kaenanula xamal najutliajwa nejchaxoelam wut, ichiekal nejchaxoelde ampo: “Xan kaes pejme pachaema-enil. Me-ama asew jiw, jachi-enil” — amde, najut nejchaxoelam wut! ¡Pachaemdebej asew jiwliajwa! ¡Xamal kamta nabej nalale', asew jiw babijaxan is wut xamalliajwa! ¡Xamal nakaewa naboejtalie', nakaewa chiekal nanejxasinkam xot! ³ Espíritu Santo xamal kajachawaet xot, kaemutam. Samata, ¡kaenejchaxoelaxde chiekal duilaliajwam bu'wajanjilaliajwam! ⁴ Xamal Cristo pejiwam xot, japon sapich, kaebu'tam wut, ja-am. Kaen Espíritu Santo xamal nejmaturatanxotbej. Xamal wajanawetam Dios chajia jumdutpox, xamal chaxduiyaxaelpox. ⁵ Xamalbej, kaen nejpaklon. Japon xamal chiekal xanaboejam bu'welialjwa. Xamal bautisam, kaen Cristo pejiwam xot. ⁶ Xamalbej kaen nejDios. Japonbej nej-ax. Puexa xamal tato'alpon. Japonbej xamal chalaful. Xamal kajachawaesfulbejpon.

⁷ Cristo nakxadiajk kaenanula bichaxan xatis nabichliajwas, japon pejbichax. Japon nakkajachawaetbej xajupaliajwas, nabistas wut japon pejbichax. ⁸ Samata, Dios pejjamechan, chajia lelspx, jum-aech wut, jum-aechox Cristoliajwa:

“Cristo atha poxase wut, japon matxoela malecha padaelmajiw. Pejiw, waelapipon ampathatat, japi kajachawaesfulaxaelon japi xajupaliajwa, nabist wut Diosliajwa” —aechox Cristoliajwa.

⁹ Dios pejjamechan, chajia lelspx, jum-aech wut, jum-aechox Cristoliajwa: “Kaxa nawiasaxoeyon atha poxase” —aechox, majt fuloek xoton ampathat poxasik. ¹⁰ Samata, chiekal matabijas athaxotsik fuloekpon, japon pajut pejme kaxa nawiasa tato'laliajwa Diosxotsepi, ampathat-pijiwbej. ¹¹ Jesús makanot pejiwxot asew apóstolesliajwa, asew profetasliajwabej. Makanotbejpon asew japon pejwajan naewajnalialjwa potajnauchanpijiw. Makanotbejpon asew pastoresliajwa. Makanotbejpon asew japi chanaekabuanaliajwa asew jiw japon pejwajan. ¹² Jesús jasoxtat pejiw makanot asew naewajnalialjwa japon pejwajan. Do jawax, japipej asew jiw naewajna xael japon pejwajan. Ja-aech wut, asew, Jesús pejwajan naexasiti, kaes chiekal xanaboejaxaeli Jesús. ¹³ Do ja-aech wut, puexa xatis kaenejchaxoelaxaes Cristo xanaboejaspxoliajwa. Jawutbej, chiekal matabijaxaes Dios paxulan, japon Cristo. Jatis wutbej, chiekal duilaxaes. Kaes pejme chiekal Dios xanaboejaxaesbej. Me-ama Cristo chiekal Dios xanaboejt, jachiyaxaesbej xatis. ¹⁴ Xatis chiekal xanaboejas xot Cristo, tampoela-el xatis naknaekichachajbalialjwa, me-ama yamxi. Asew jiw chiekal matabija chanaekabuanaxtat

naekichachajabaliajwa a sew jiw. Japi jiw chanaekabuaana wut pajel-naewuajna, me-ama Dios pejjamechan wut, ja-aechipox. Japi jiw nejxasink xatis naexasisliajwas japi naewuajanpox naknaekichachajbaxtat. ¹⁵ Xatis jiw nejxasinkas xot, naewuajnaes diachwujnakolaxtat Diosliajwa. Jatis wut, chiekal pachaemaes. Me-ama Jesús wajpaklon, jachiyaxaes pachaemspox. ¹⁶ Puexa xatis, Jesús pejwujjan naexasichpis, Cristo pejjiws. Samata, xatis, japon suapich, kaebu'tas wut, jatis. Wajbu'anxot xabich maenk pawiwulan, pathiwulanbej. Pe puexa chiekal najupa-el. Japoxanxot, kaenanula wajbu'anxot, xabich pachaem asaxanliajwa. Jatisbej xatis. Kaenanula isas Cristo nak-tato'alpoxan. Xatis nakaewa nakajachawaesaxaes bichaxan isaspoxanliajwa. Nakaewa nanejxasinkaxaesbej kaes pachaemaliajwas, me-ama wajpaklon Jesús, jachiliajwas xatis.

Jesús pejwujjan naexasiti nejchaxoelpox, pajelnejchaxoelaxan, chiekal duilaliajwa

¹⁷ Xan lelx ampo xamalliajwa, wajpaklon Jesucristo nato'a xot. ¡Nabej is babijaxan! Me-ama a sew jiw, Dios matabija-elpi, xabich babijaxan is, ¡xamal nabej ja-aeche'! Babijaxan ispi xabich asaxan nejchaxoel, pachaema-elpoxan Diosliajwa. ¹⁸ Japi nejxasinka-el matabijaliajwa Dios pejjamechan. Nejxasinka-elbejpi matabijaliajwa pajelnejchaxoelaxan chiekal duilaliajwa. Japi pejnechaxoelaxan itku'a'nixot, nejxasinka-elbejpi matabijaliajwa Dios. ¹⁹ Babijaxan is wutbejpi, chinax padala-el. Samata, puexa xabich pachaema-elpoxan isful. Kofa-eli japoxan. ²⁰ Xamal Cristo pejwujjan chiekal matabijam xot, ¡nabej is babijaxan! Me-ama japi jiw, ¡nabej ja-aeche'! ²¹ Diachwujnakolax xamal jumtaenam, a sew naewuajan wut Jesucristo pejwujjan. Chiekal matabijambej japawuajan, diachwujnakolaxpox. ²² Samata, majt babijaxan isampoxan, ¡ma amwut kofim! Xamal japoxanliajwa nejchaxoelam wut, japoxan xamal naekichachajbaxael isliajwam babijaxan. ²³ Samata, ¡nejchaxoelde pachaempoxan isliajwam! Me-ama a sew jiw, naexasiti Jesús pejwujjan, nejchaxoel pajelnejchaxoelaxan, ¡xamalbej ja-amde, nejchaxoelam wut! ²⁴ ¡Nejchaxoelde pajelnejchaxoelaxan! Me-ama Dios xabich pachaem, ¡xamalbej ja-amde! ¡isfulde puexa pachaempoxan, me-ama Dios tato'al!

²⁵ Samata, ¡kaes a sew jiw nabej kichachajbe'! ¡Amwutjel diachwujnakolaxpoxkal nakaewaliajwa najum-amsfulde, xatis chiekal kaemuch xot!

²⁶ Xamal nalala wut, ¡babijaxan nabej is! Juimt tuila wut, ¡kaes nabej nalale'! ²⁷ Xamal nalala wut, ¡nabej tapae' Satanás naekichachajbaliajwa, babijax isasamatam!

²⁸ Xamal natkowapijwam wut, ¡ma amwut kofim natkowampoxan! ¡Najut chiekal nabisde! Dios nejxasink xamal najut nabichliajwam bichaxan, pachaempoxan. Ja-am wut, xajupaxaelam kajachawaesliajwam jiw kijila.

²⁹ ¡Nabej jum-aeche'bej babejjamechan! ¡jum-amdelax chimiajamechan! Ja-am wut, a sew jiw kajachawaesaxaelam japi jiw kaes Dios xanaboejaliajwa. ³⁰ ¡Nabej is babijaxan Espiritu Santo nejxaejwasamatas xamalliajwa! ¡Nabej jum-aeche'bej babejjamechan! Dios to'a Espiritu Santo xamal nejmatpuatanxotaliajwa, kajachawaesliajwabej chiekal

matabijaliajwam japon pejiwampox. Samata, asamatkoi, wajpaklon Jesucristo pejme pask wut, xatis nakbuflaeyaxaelon athu poxase.

³¹ iXamal kofim piach nejchaxoelampox asew babijaxan ispiilajwa xamalliajwa! iXabich piach nabej ulatae'bej asew jiw! iNabej losbej asew jiw! iNabej bu'wujajanpae'bej asew jiw! iKofimbej nejmachbabijaxan! ³² iIsfulade pachaempoxan nakaewaliajwa! Pe kaen aton babijax is wut, jbeltaem japoxliajwa! Dios xamal beltaen babijaxan isampoxanliajwa, Jesucristo tup xot. Samata, iXamalbej beltaem, asew jiw babijaxan is wut xamalliajwa!

5

Jesús pejuwajan naexasiti machiyaxaelpox Dios nejchachaemlialiajwa japiliajwa

¹ Dios xamal xabich nejxasink, japon paxim xot. Samata, xamal isfulaxaelam pachaempoxan. Me-ama Dios isful pachaempoxan, iXamalbej ja-amsfulde! ² iNejxasinkafulde asew jiw! Me-ama Jesucristo naknejxasink, ija-amsfuldebej xamal asew jiwliajwa! Japon xatis naknejxasink xot, pajut natapaeipon asajiw boesaliajwas nakwemosliajwa xatis babijaxan isaspoxanliajwa, Dios nakbeltaeliajwa. Samata, Dios nejchachaemil, Jesús tup wut xatisliajwa.

³ Xamal Dios pejiwam xot, iNabej is puexa pachaema-elpoxan, asew jiw xamal bu'wujajanpaesamata! Samata, nejchaxoelam wut, iNabej nejchaxoele' asew watho' bu'moejsaxan, nijwa-elpow! Nejchaxoelam wut, iNabej nejchaxoele'bej asew jiw pejew kinosliajwam! ⁴ iNabej jum-aech'e'bej babejjamechan, wajdalaxaelpoxan! iNabej jum-aech'e'bej nejlialaxan! Japoxan jum-am wut, japoxan pachaemaxil. iJum-amdelax Diosliajwa: "Dios, xam xabich pachaemam, nakajachawaetam xot" — amde Diosliajwa! ⁵ Xamal chiekal matabijam. Asew poejiw pijowpi, asew watho' naebu'moejt wuti, japi poejiw pasaxil Jesucristoxotse, pax sapich, tato'alxotse. Asaxan pachaema-elpoxan ispipej, japibej pasaxil xotse. Asew pejew kinosasiapi, japibej pasaxil Diosxotse, kaes nejxasink xoti pejewkal. Pe japi nejxasinka-el Dios. ⁶ iNabej tapae'bej asew jiw xamal naekichachajbaliajwa isliajwam Dios fiatpoxan! Jiw, ispi japoxan, Dios kastikaxaesi. ⁷ iJapi ispoxan xamal nabej is!

⁸ Xamal majt babijaxan isfulam, chiekal naexasis-emil wutfuk Dios. Samata, majt nejnejchaxoelaxan, me-ama itkua'nik wut, ja-aech. Amwutjel chiekal duilam, Dios pejiwam xot. Samata, amwutjel nejnejchaxoelaxan, me-ama itliak, naexasitam xot Jesús pejuwajan. ⁹ Xatis laelpas wut, chiekal laelpaxaes, me-ama Dios nejxasink. Isfulaxaesbej pachaempoxan. Nakaewa najumchiyaxaesbej diachwujnakolaxpoxan. ¹⁰ Nejchaxoelam wut, inejchaxoelde isliajwam Dios nejxasinkpoxan! ¹¹ Naexasis-elpi Jesús pejuwajan, japi babijaxan isful wut, iXamal japi nabej nakxatae' japoxan isasamatam! iXamallax japi jiw naewuajande kofaliajwa babijaxan ispoxan! ¹² Japi jiw maliach ispoxan, kaen aton jumchiyaxael wut asew jiwliajwa, japon aton xabich padalaxael japoxanliajwa. ¹³ Xamal naewuajnam wut japi jiw Jesús pejuwajan, ja-am wut, japi pajut matabijaxael babijaxan ispoxan. ¹⁴ Samata, ja-aech wut, japijax isaxael pachaempoxan. Chajia lelspxox jum-aech wut, jum-aechox:

“Xamal babijaxan isfulam wut, napelsaxaelam Diosliajwa. Samata, jkofim babijaxan isampoxan! Dios xamal bu'welialjwa, Cristo tɔp” —aechox.

¹⁵ Samata, duilam wut, jchiekal taem babijaxan isasamatam! jNabej duile', me-ama Jesús pejwɔajan naexasis-eli! jChiekal duilafulde! Me-ama chiekal matabijapi Jesús pejwɔajan, jja-amde, xamal duilafulam wut! ¹⁶ Ja-am wut, xajɔpaxaelam isliajwam pachaempoxan. jɔapoxan isfulde, xabich a sew jiw babijaxan isful xot! ¹⁷ Xamal, me-ama nejliak-lawam wut, jnabej ja-aече'! jMajt chiekal nejchaxoelde isaxaelampoxan, isliajwam Dios nejxasinkpoxan! ¹⁸ jXamal saxa nabej fe' babijaxan isasamatam! jXamallax naexasisfulde Espiritu Santo tato'alpoxan, chiekal duilaliajwam, me-ama Dios nejxasink! ¹⁹ A sew jiw sɔapich, natamejlam wut, jajuim Diosliajwa Dios pejjajui, xabich nejchachaemlam xot Diosliajwa! ²⁰ Waj-ax Dios naktaen, kawɔajnas wut, naexasich xot Jesús pejwɔajan. Samata, pomatkoicha Dios graciaschiyaxaes puexa japon ispoxanliajwa xatissliajwa.

Machiyaxaelpox Jesús pejwɔajan naexasiti chiekal duilaliajwa, pejbapijiw sɔapich

²¹ Nakaewa natato'lam wut, jchiekal na-ow-amde xamalxot wɔajan ajllaliajwa! jJa-amde, xamal xabich sitaenam xot Cristo!

²² Xamal watho'am, nejmol tato'al wut, jow-amde! jNaexasisfulde, nejmol tato'al wut! Me-ama wajpaklon Jesucristo tato'alpox chiekal naexasisfulam wut, jja-amfulde xamal watho'am nejmolliajwa! ²³ Dios tapaei Cristo tato'laliajwa jiw naexasiti japon pejwɔajan. Dios tapaeibej kaenanula poejiw tato'laliajwa pejwatho'. Jesucristo tɔp xot, nakwemot xatis babijaxan isaspoxanliajwa Dios nakbu'welialjwa. Samata, puexa xatis Cristo pejjiw, naexasich xot Cristo pejwɔajan. ²⁴ Xatis, naexasichpis Jesús pejwɔajan, naexasisaxaes Jesucristo tato'alpox. Watho'bej kaenanula naexasisaxael pamal tato'laspox.

²⁵ Xamal poejwam, jnejxasinkde nejwatho'! Me-ama Jesucristo xatis kaenanula naknejxasink, naexasichpis japon pejwɔajan, jja-amfulde xamal poejwam, nejxasinkam wut nejwatho'! Japon pajut natapaei asajiw boesaliajwas. Tɔp wut, nakwemoton xatis babijaxan isaspoxanliajwa. ²⁶ Jesucristo jasoxtat nakwemot xatis babijaxan isaspoxanliajwa, naexasichpis japon pejwɔajan matabijaliajwas, pachaemaliajwas Diosliajwa. Xatis nakbautisa wut, japox jiw chiekal matabijaliajwa puexa xatis babijaxan isaspoxan nakwe-ajilpox Diosliajwa. ²⁷ Jesucristo pejme athulelsik pask wut, japon taesia puexa xatis chiekal naexasichpox japon pejwɔajan. ²⁸ Samata, xamal poejwam, me-ama najut nanejxasinkam wut, jja-amfuldebej kaenanula nejwatho'liajwa! Pijow nejxasinkpon, japon atonbej pajutliajwa chiekal nanejxasink. ²⁹ Kaen aton pajutliajwa nanejwesla-el. Japon aton pajutliajwa chiekal natataeful. Japon chiekal xaelbej naxaeyaxan mamnikaliajwa. Jatisbej xatis, Cristo pejwɔajan naexasichpis. Cristo chiekal naktataeflaful. ³⁰ Puexa xatis, Cristo pejbu't wut, jatis. Samata, japon naktataeflaful. ³¹ Dios pejjamechan, chajia lelspx, jum-aech wut, jum-aechox: “Aton pawis fit wut, pax, penxot dukaxil. Japon pejlel dukaxael, pijow sɔapich, japi pajut natataeflaliajwa. Majt japi kolenje. Japi nanot wut, me-ama kaen wut, ja-aechlisi” —aech Dios pejjamechan. ³² Dios pejjamechan, chajia lelspx, japox

jum-aech wut, xabich pachaem xatis matabijaliajwas. Majt matabija-esal japox. Japox jum-aechbej xatis amwutjel matabijaliajwas Cristo pejjiswspox. Samata, xatis Jesús pejwujajan naexasichpis, Diosliajwa, Cristo swapich, kaebu'tas wut, jatis. ³³ Samata, xamal poejwam, ichiekal nejxasinkafulde nejwatho'! Me-ama xamal najut nanejxasinkam wut, jja-amsfulde! jWatho'bej, nej sitae' pamaljiw!

6

¹ Xamal yamxim, jkaenanula nej-ax, nej-enbej, chiekal naexasisfulde! jja-amsfulde, xamal naexasitam xot Jesús pejwujajan! Japox Dios pejjamechan jum-aech xamal yamxim chiekal naexasisliajwam nej-ax, nej-enbej. ²⁻³ Dios pejjamechan, chajia lelspx, jum-aech wut, jum-aechox: “jSitaem nej-axjiw, nej-enjiwbej! Ja-amsfulam wut, puexa pachaemaxael xamalliajwa. Pin-iawaechan laelpaxaelambej ampathatat” —aech Dios pejjamechan. Dios to'a wut japox tato'lax, jumdutbejpon kajachawaesliajwa naexasitpi japox tato'lax.

⁴ Xamal paxjiwam, naxi to'am wut, jnabej tato'le' palaeyaxtat, naxibej palalasangata xamalliajwa! jChiekal tato'alde naxi xamal chiekal naexasisliajwa, Dios nejchachaemlaliajwa xamalliajwa!

⁵ Xamal esclavos, ichiekal naexasisfulde, nejpaklochow tato'al wut! Japi owam wut, jizde chiekal! jPomatkoicha chiekal nabichfuldebej nejpaklochowliajwa! Me-ama Cristoliajwa nabistam wut, jja-amsfulde, nejpaklochow tanbistam wut! ⁶ Asew jiw chiekal nabist, pejpaklochow tataeflas wut, pejpaklochow chiekal nejchachaemlaliajwa japilliajwa. Pe paklochow tataefla-esal wut, japi chiekal nabich-el. jXamal jasox nabej ja-aeche'! jXamal chiekal nabisde! Me-ama Jesucristo pejjiw chiekal nabist, jxamal ja-amde puexa nejpamamaxtat, nabistam wut nejpaklochowliajwa! Japoxlap Dios nejxasink xamal isliajwam. ⁷ Xamal asew jiwliajwa nabistam wut, ichiekal nabisde! Jawut, nejchaxoelam wut, jnejchaxoelde ampx: “Nabistax wut, nabichaxaelen, me-ama Cristoliajwa nabistax wut, jachiyaxaelen” —amde, nejchaxoelam wut! Me-ama majt xamal asbu'an jumch asew jiwliajwa chiekal nabich-emil, jjasox nabej ja-aeche', amwutjel nabistam wut! ⁸ Xamal esclavos, esclavos-emilpimbej, chiekal matabijam Dios pajut xamal chaxduiyaxael, kaenanula chiekal nabistam wut Jesúsliajwa.

⁹ Xamal paklochwam, jpachaemde namakjiwliajwa! jNabej bu'athiye', namak tato'lam wut! Xamal paklochwam, nejchaxoelam wut, jnejchaxoelde ampx! Xamalbej nejpaklon. Japon Dios, athuxotsepon. Diosbej paklon namakliajwa. Dios puexa xatis chiekal naktaen. Samata, xatis kaenanula Dios nakkastikaxael, isas wut babijaxan. Samata, xamal namak tato'lam wut, ichiekal tato'alde!

Pajut chiekal natataeflaxaelpx Jesús pejwujajan naexasiti, Satanás naekichachajbasamatas

¹⁰ Takoew, Dios pejjiwam xot, jxamal kaes mamnikde Dios pijaxtat japon xanaboejampoxliajwa! ¹¹ Soldaw nabeliajwa wut, patiya naxoei, padaelmajiw xua'balas wut xakolasamatas. Xamalbej jachiyaxaelam. jDios chaxduwpxoxan naxoem mamnikaliajwam! Japoxan naxoeyam wut, Satanás xajupaxil xamal malechaliajwa, xapaaja wuton xamal babijax isliajwam. ¹² Xatis nabaes wut, nabe-esal, jiw swapich. Xatislax nabaes, taeyaxisalpi swapich. Japi, Satanás pejjiwpi, “dep” —tispi.

Japon jiw tato'al, babijaxan ispi ampathatat. Tato'albejpon puexa dep, nanamti pothata. ¹³ Samata, xamal nabeyax wuajna, ¡chiekal thilsfulde! ¡Dios chiekal xanaboejimbej! Ja-am wut, Satanás pijaxtat babijax pat wut, xamal xajuxaxaelam chiekal mamnikaliajwam.

¹⁴ Soldaw patiya naxoei, padaelmajiw xua'balas wut xakolasamatas. Do jawux, padaelmajiw suapich, naba wuti, japi soldaw dukpaxil. Kaekawutat nuilpi nabeliajwa. Xamalbej, ¡ja-amde! Samata, ¡Dios chiekal xanaboejim, Satanás xapaeja wut malechasamata, chiekal xamal matabijam xot Dios pejjamechan, diachwuajnakolaxpox! ¡Isfuldebej puexa pachaempoxan! ¹⁵ ¡Xamal chiekal thilsfulde naewuajnalijwam chimiawuajan, Jesús pejwuajan, jiw chiekal pachaemaliajwa Diosliajwa! ¹⁶ Soldaw xafol patiyaxan, pawalpoex escudo, xat-elbalaliajwa, itkua'balaliajwabej japoxantat, padaelmajiw buyan tamduwpi, xapajaldan wut japilel. Xamal, me-ama soldaw, ¡ja-amde! Dios chiekal xanaboejampox, me-ama escudos, jachiyaxael. Samata, ¡Dios chiekal xanaboejim xamal kajachawaesliajwa, Satanás xapaeja wut, xamal babijaxan is-elaliajwam! ¹⁷ Soldaw matlua'abej patiyaxan, pawalpoex casco, padaelmajiw matnaebijlas wut buyatat xakolasamatas. Xamal naexasitampim Jesús pejwuajan Dios bu'weyaxael. Japox xamalliajwa, me-ama casco, ja-aech. Soldaw xafol espada padaelmajiw beliajwa. Xamalbej, me-ama japi, ¡ja-amde! Dios pejjamechan, me-ama espada, ja-aech, Espíritu Santo chaxdutupowa, xamal Satanás malechaliajwam, xamal naekichachajbasia wuton. ¹⁸ ¡Xamal Dios kawuajande pomatkoicha! Me-ama Espíritu Santo xamal tato'al kawuajnalijwam, ¡ja-amde! ¡Dios kawuajandebej puexa asew jiwliajwa, Dios pejjiwipiliajwa! ¹⁹ ¡Dios kawuajandebej xanliajwabej nakajachawaesliajwa, naewuajnax wut judíos-elpi! ¡Dios kawuajandebej, xan tajlewla-elaliajwa japi naewuajnax wut chiekal jumatabijaliajwa chimiawuajan, majt matabija-elpox Dios bu'welijwas! ²⁰ Dios nato'a jiw naewuajnalijwan japawuajan, wuajan xananamsan wut, jachiliajwan. Samata, xan amwutjel jiw jebatatax. ¡Xanliajwa Dios nawekawuajande tajlewlasamata, asew jiw naewuajnax wut Diosliajwa!

Pablo saludos xato'apox, carta lelax kitoesliajwa wut

²¹ Wajkoewan Tíquico, puexa xatis nejxasinkaspon, japon xamalxot pa'a wut, puexa tajwuajan chapaeyaxaelon. Tíquico chiekal nakajachawaet, Dios pijax bichax isfulax wut. ²² Samata, xan to'ax Tíquico xamal poxade. Ja-aech wut, kofaxaelam xabich nejchaxoelampox xanliajwa.

²³ Waj-ax Dios, wajpaklon Jesucristobej, kawuajnax xamal kajachawaesliajwa chiekal duilaliajwam, asew jiw suapich. Kawuajnaxbej nakaewa nanejxasinkaliajwam, Dios xanaboejam xot. ²⁴ Xan Dios kawuajnaxbej japon kajachawaesliajwa puexa naexasiti Jesús pejwuajan, japi jiw, xabich nejxasinkpi wajpaklon Jesucristo.

Pablo lelpox carta Filipos paklowaxpijiwliajwa

Pablo lelpox carta Filipos paklowaxpijiwliajwa

¹ Xan Pablo, Timoteo s̄apich, nabistax Jesucristoliajwa. Lelx amprox carta xamal Filipos paklowaxpijwamliajwa. Dios pejjiwam, naexasitam xot Jesús pejw̄ajan. Amprox cartabej ancianosliajwa, diáconosliajwabej, japi xamalxotpi. ² Xan kaw̄ajna x waj-ax Dios, wajpaklon Jesucristobej, japi xamal kajachawaesliajwa, chiekal duilaliajwambej, asew jiw s̄apich.

Pablo Dios kaw̄ajanpox Jesús pejw̄ajan naexasitiliajwa

³⁻⁵ Nejchaxoelx w̄ut xamalliajwa, Diosliajwa gracias-an, japon xamal kajachawaet xot. Xamalxotx w̄ut, jelnaexasitam w̄ut Jesús pejw̄ajan, xamal xan nakajachawaetam, asew jiw naew̄ajnalijwan chimiaw̄ajan, Jesús pejw̄ajan. Amw̄utjelbej nakiowa nakajachawaesfulam. Samata, xan nejchachaemlax xamalliajwa, Dios kaw̄ajna x w̄ut. ⁶ Xan chiekal matabijtax, Dios xamalxot t̄adut kajachawaesliajwa nejnejchaxoelaxan pachaemaliajwa, isfulaliajwam pachaempoxan. Dios japox isfulaxael, hasta Jesucristo pejme fuloek w̄ut. ⁷ Puexa xan nejchaxoelxproxan xamalliajwa, xabich pachaem, xamal xabich nejxasinkax xot. Xan jiw jebatax w̄ut, jiw tato'alpi w̄ajnalelan w̄utbej, jaw̄ut xan jum-an japi paklochow chiekal naj̄mtaeliajwa: “Chimiaw̄ajan, Jesús pejw̄ajan, diachw̄ajnakolax jiw bu'weliajwas” —an, naew̄ajna x w̄ut. Xamal plata naxto'am xanliajwa nakajachawaesliajwam, jiw naew̄ajna x w̄ut Jesús pejw̄ajan. Dios nabeltaen xot, nato'a Jesús pejw̄ajan jiw naew̄ajnalijwan. ⁸ Dios matabijt, xamal xabich taesianpox, xabich nejxasinkax xot. Me-ama Jesús xamal xabich nejxasink, xanbej, ja-an, xamal nejxasinkax w̄ut. ⁹ Xan Dios kaw̄ajna x xamal nakaewa kaes chiekal nanejxasinkaliajwam. Dios kaw̄ajna xbej xamal japon kaes chiekal matabijaliajwam. ¹⁰ Xamal ja-am w̄ut, matabijaxaelam isliajwam kaes pachaempoxan. Ja-am w̄ut, chiekal duilaxaelam. Samata, asamatkoi Cristo pejme pask w̄ut, xamal chiekal bu'w̄ajanjilaxaelam. ¹¹ Kaen Cristo xaj̄up xamal kajachawaesliajwa isliajwam pachaempoxan. Ja-am w̄ut, xamal chiekal duilaxaelam. Samata, asew jiw Dios sitaeyaxael.

Pablo chiekal dukpox, Cristo pejw̄ajan naexasit xot

¹² Takoew, xan nejxasinkax xamal chiekal matabijaliajwam jumchiyaxaelenpox. Jiw jebatat xan najia, pot̄ajna xcha kaes asew jiw naew̄ajnasamatan chimiaw̄ajan, Jesús pejw̄ajan. Pe nakiowa, xabich jiw kaes naexasisful Jesús pejw̄ajan, xan jiw jebatax w̄ut. ¹³ Puexa gobernador pejbapijw, asew jiwbej, matabija jiw jebatat asew jiw xan najiapox, naew̄ajnafulax xot Cristo pejw̄ajan asew jiwliajwa. ¹⁴ Jesús pejw̄ajan naexasiti naw̄ultaen w̄ut asew jiw xan najiapox jiw jebatat, japi kaes Dios xanaboeja kajachawaesliajwas. Samata, pejlewla-eli naew̄ajnafulaliajwa Jesús pejw̄ajan asew jiwliajwa.

¹⁵ Diachw̄ajnakolax asew jiw naew̄ajan Jesús pejw̄ajan, xan nanusasiowal xoti. Japi xabich kaes jiw naew̄ajan, nejxasink xoti jiw

kaes sitaeliajwas. Me-ama xan jiw nasitaen wut, jachi-elasiapi. Japi jiw xabich kaes nejxasink jiw sitaeliajwas. Asew jiw lax naewuajan Jesús pejuajan, japi nejxasink xot asew jiwbej Jesús pejuajan chiekal naexasisliajwa. ¹⁶ Japilax naewuajan asew jiw Jesús pejuajan, xan nanejxasink xot. Japi pajut chiekal matabija, Dios natapaei jiw jebatat jiw najeliajwa, jaxotx wut paklochow jumchiliajwan: “Chimiawuajan, Jesús pejuajan, diachwajnakolax jiw bu'weliajwas” —chiliajwan paklochow. ¹⁷ Jiw, xan nanusasiowalpi Jesús pejuajan naewujnaxpox, japi xabich kaes naewuajan jiw, xabich kaes sitaeliajwas. Samata, nakaewa najum-aechi: “Amwutjel Pablo jiw jebatat nakwultaen wut xabich xatis jiw naewujnaspox Jesús pejuajan, kaes xabich nejxaejwaxaeson” —na-aechi nakaewa. ¹⁸ Xan japoxliajwa nanejxaejwaxil, japi jiw xamal chiekal naewuajan wut Jesús pejuajan. Puexa japi jiw naewujanpoxliajwa, xan nejchachaemlax japoxliajwa.

Xan kaes nejchachaemlaxaelenbej. ¹⁹ Xamal pomatkoicha Dios kawuajnam xanliajwa. Espíritu Santo, Jesucristo to'aspon, xan nakajachawaet. Samata, matabijtax asamatkoi nakolsaxaelenpox amxot, jiw jebatat. ²⁰ Xan tajlewt naewujna-enil wut Jesús pejuajan, ja-aech wut xan talaxael. Pe amwutjel, amxot, jiw jebatatx wut, nakiowa naewujnafulax Jesús pejuajan, Dios xanaboejsfulax xot. Asamatkoi, paklochow wujnalelan wut, jumchiyaxaelen naewujnafulaxpox. Jawut, naboesa wut, o, naboesa-el wutbej, japoxan koloeyaxan xanliajwa chiekal pachaemaxael. Xan nejxasinkax jiw sitaeliajwa Cristo. ²¹ Japox koloeyaxliajwa nejchaxoelxbej: “Laejax wutfuk, isfulaxaelen Cristo nejxasinkpoxan. Pe tux wutbej, Cristoxotaxoeyan. Tux wut, japox xanliajwa kaes pejme pachaem” —an, nejchaxoelx wut. ²² Laejax wutfuk, nabichaxaelen Jesucristoliajwa. Samata, chiekal matabijs-enil, achax kaes pejme pachaem xanliajwa, ampathatat laejax, o, tupaliajwanpox. ²³ Japoxan, koloeyaxxot, tampoel chiekal matabijsliajwan, masox koloeyaxxot kaes pejme pachaem xanliajwa. Pachaem Cristoxotaliajwan, tux wut. Japox xanliajwa xabich kaes pejme pachaem. ²⁴ Xan laejax wutfuk ampathatat, kaes pejme pachaem xamal kajachawaesliajwan. ²⁵ Xan chiekal matabijtax. Laejax wutfuk, xamal chiekal kajachawaesfulax kaes Dios chiekal xanaboejalijwam, kaes chiekal nejchachaemlaliajwambej, Jesús pejuajan naexasisfulam xot. ²⁶ Asamatkoi, pejme xamalxotaxaelen wut, xamal jumchiyaxaelam Jesucristo jumtaeliajwa: “Gracias, Pablo pejme pat xot xanalxot” —chiyaxaelam xanliajwa.

²⁷ ¡Xamal isfulde Jesucristo pejuajanxot jum-aechpox! ¡Jasox ja-amfulde, xan xamalxotx wut, o, xamalxota-enil wutbej! Xan jumtaesianbej xamal chiekal duilampox kaenejchaxoelxatat, Jesús pejuajan naexasitam xot. Jumtaesianbej, xamal asew jiw naewujnampox Jesús pejuajan, japi jiwbej naexasisliajwa japawuajan Dios bu'weliajwasbejpi. ²⁸ Jesús pejuajan naexasis-eli, is wut babijaxan xamalliajwa, ¡nabej nejlewlé! Ja-am wut, japi jiw pajut matabijaxael asamatkoi japi Dios kastikaxaesopox. Jawutbej pajut chiekal matabijaxaeli xamallax Dios bu'weyaxaelpox. Puexa japoxan jachiyaxael. ²⁹ Dios tapaei xamal naexasisliajwam Jesús pejuajan. Dios tapaeibej nabijasliajwam, naexasitam xot Jesús pejuajan. ³⁰ Xan nabijatax, asew jiw babijaxan is wut xanliajwa, naexasitx xot Jesús

pejwɔajan. Xamalbej nabijatam japi jiw pijaxtat. Xamal nataenam, majt nabijatax wɔt. Amwɔtjel nakiowa nawɔltaenam nabijataxpoxfɔk.

2

Puexa jiw chimiajamechan jumchiyaxaelpox Cristoliajwa

¹ Jesús pejwɔajan naexasitam xot, Dios xanaboejam. Xamal najut matabijambej Cristo xamal nejxasinkpox. Samata, xamal nejchaxoela-emil asaxan. Espíritu Santo xamal nejmatpɔatanxotpon. Samata, chiekal pachaemam nakaewaliajwa. Nabeltaenambej nakaewa.

² Samata, ¡xamal isfulde xan to'axpox, xan nejchachaemlaliajwan xamalliajwa! ¡Xamal nakaewa nanejxasinkde! ¡Xamal isaxaelampox isfulde kaenejchaxoelaxantat! ³ Xamal nejchaxoelam wɔt, ¡nabej nejchaxoele' ampox: “Xan isxpoxan, japoxan xan tajutliajwa” —nabej aeche'! ¡Nabej nejchaxoele'bej: “Ampoxan isx jiw xabich nasitaeliajwa” —nabej aeche', nejchaxoelam wɔt! Xamal najutliajwa nejchaxoelam wɔt, ¡nejchaxoelde ampox: “Xan kaes pachaema-enil. Me-ama asew jiw, xabich pachaempi, xan jachi-enil” —amde, nejchaxoelam wɔt! ⁴ Xamal nejchaxoelam wɔt, ¡nabej nejchaxoele'bej isliajwam pachaempoxan xamal najutliajwakal! ¡Nejchaxoelde isliajwam pachaempoxan asew jiwliajwabej!

⁵ Me-ama Jesucristo nejchaxoel, ¡jasox xamalbej nejchaxoelde!

⁶ Jesucristo chiekal najɔp, pax Dios sɔapich. Pe japon jumbisnika-el, me-ama pax Dios wɔt, jachiliajwa.

⁷ Samata, kofton tato'alpox Diosxotse fulaeliajwa ampathatasik. Ja-aech wɔt, nalaelton ampathatat. Japon chiekal ti't wɔt, me-ama nejmach-aton wɔt, ja-aechon.

⁸ Ampathatat wɔton, pajut nejxasinkpoxan is-el. Japonlax isful Dios nejxasinkpoxan. Samata, pajut natapaeipon asajiw boesaliajwas, Dios to'as xoton japox jachiliajwas. Jatis wɔt, japon tɔp cruztat. Me-ama xabich babijaxan ispon wɔt, jakitison, kimatamatlas wɔt cruztat.

⁹ Jatis wɔton, japon Dios mat-ech pejme dukaliajwa. Bɔ'fosbejpon athɔpoxase, kaes paklon nadofaliajwa, puexa tato'laliajwabejpon. Kaes asan ajil, me-ama japon, jason.

¹⁰ Dios jasox to'a Jesús, puexa jiw brixtat nuilaliajwa Jesús pejwɔajnalel, puexa athɔxotsepi, ampathatpijiwbej, infiernoxotpibej.

¹¹ Puexa jiw jumchiyaxael Jesúsliajwa: “Japon paklon puexa jiwliajwa” —chiyaxaespon. Ja-aech wɔt, puexa jiw pajut matabijaxael Dios diachwɔajnakolax xabich pachaem.

Jesús pejwɔajan naexasiti ampathatat, me-ama itliak wɔt, ja-aechi

¹² Takoew, xamal nejxasinkaxpim, majt xamalxotx wɔt, xamal xan nanaexasitam. Amwɔtjel, atɔajan wɔt, ¡kaes pejme nanaexasisfulde! Kaenanɔla xamal chiekal duilam, Dios xabich sitaenam xot, naexasitam xotbej Jesús pejwɔajan. ¹³ Dios xamal kajachawaesful xot, nejxasinkam isliajwam Dios nejxasinkpoxan. Dios nejxasinkpoxan isaxaelam wɔt, japon kajachawaesfulaxaelbej xamal japoxan isliajwam.

¹⁴ Kiwesla wɔt asax isliajwam, ¡nakiowa isde! ¡Nabej jum-aech'e' babejjamechan japoxliajwa! ¡Nakaewa nabej nalosbej! ¹⁵ Ja-am wɔt, asew jiw babejjamechan jumchiyaxil xamalliajwa. Dios paxim xot, ¡chiekal duilafalde jiw babejchowxot! Ja-am wɔt, xamal, me-ama ithaej,

madoi itliak wut, jachiyaxaelam japi jiwliajwa. ¹⁶ Jiw babejchowxot naewuajande Jesús pejwuajan japi jiw chiekal matabijaliajwa, chiekal duillaliajwabejpi pajelnejchaxoelaxantat! Ja-amsfulam wut, Cristo fuloek wut, xan nejchachaemlaxaelen xamalliajwa. Matabijtax xan nawenafo'axilpox, xamal naewuajnaxpox. ¹⁷ Dios nejchachaemil, xamal naexasitam xot Cristo pejwuajan. Xan matabijtax wut Dios nejchachaemilpox xamalliajwa, xanbej nejchachaemlax. Xan bej nabu'aboesaxaelbej asew jiw, xamal naewuajnax xot Jesucristo pejwuajan. Japi nabu'aboesa wut, xan nejchachaemlaxaelen Diosxotse. ¹⁸ ¡Xamalbej xanliajwa nabej nejxaejwe! ¡Asbuan jumch nejchachaemilde!

Pablo nejchaxoelpox to'aliajwa Timoteo, Epafrodito srapich, Filipos paklowax poxade

¹⁹ Wajpaklon Jesús nejxasink wut, kamtalejen xan to'axaelen Timoteo xamal poxade. Timoteo xamalxot nawia'an wut, wultaeyaxaelen, ma-am xamal, duilam wut. Wultaenx wut chiekal duilampox, xan xabich nejchachaemlaxaelen. ²⁰ Kaen Timoteo kaenejchaxoelax, xan srapich. Xanxot kaes asan aton ajil, xamalliajwa xabich nejchaxoelpon, me-ama xan, ja-aechpon. ²¹ Puexa amxotpijiw nejchaxoel pajut isasiapoxan. Samata, nejchaxoela-eli isliajwa Jesucristo pejbichax. ²² Xamal chiekal matabijam, Timoteo chiekal nabist Jesúsliajwa. Japon asew jiw naewuajan Jesús pejwuajan, xan srapich. Samata, Timoteo xanliajwa, me-ama taxulan wut, jabuan-anpon, nakajachawaesful xot naewuajnaxpoxan. ²³ Xan tajut chiekal matabijtax wut jachiyaxaelpox xanliajwa amxot jiw jebatat, jawut to'axaelen Timoteo xamal poxade. ²⁴ Dios nejxasink wut, xanbej tajut falaeyaxaelen xamal taeliajwan.

²⁵ Timoteo falaeyaxil wutfak, xan nejchaxoelx matxoela to'aliajwan wajkoewan Epafrodito xamal poxade. Epafrodito nakajachawaet xan jiw naewuajnax wut Jesús pejwuajan. Xamal japon to'am wut, japon falaen xanlel nakajachawaesliajwa nawewe'ppoxan. ²⁶ Epafrodito majt xabich bu'xaenk, xanxot wut. Amwutjel chiekal nejchaemlison. Samata, japon xamal xabich taesia. Xabich nejchaxoelam xamalliajwa, xamal xabich nejchaxoelam xot japonliajwa, wultaenam wut japon majt xabich bu'xaenkpox. ²⁷ Epafrodito bu'xaenk wut, diachwuajnakolax mox pejtupapon. Dios beltaens xot, kajachawechnon boejthulaliajwas japawaxae. Pe japonkal Dios beltae-esal. Xanbej Dios nabeltaen, Epafrodito tup wut xabich kaes nanejxaejwasamata. ²⁸ Samata, Epafrodito to'axaelen xamal poxade. Pejme xamal japon taeyaxaelam wut, xabich nejchachaemlaxaelam japonliajwa. Xanbej nejchachaemlaxaelen, xamal pejme japon taeyaxaelam wut, chiekal nejchaemxotlison. ²⁹ Epafrodito xamalxot pat wut, ¡xamal chiekal bu'kulim, nejchachaemlaxtat, japonbej naexasit xot Jesús pejwuajan! ¡Chiekal sitaembejpon! ¡Asew jiw, Jesús pejwuajan naexasiti, japibej sitaem! Me-ama Epafrodito sitaenam wut, ¡ja-amdebej japi jiwliajwa! ³⁰ Epafrodito xan nakajachawaet wut Cristo pejbichax, japon waxae waech wut, mox pejtupapon. Xamal japon to'am xan nakajachawaesliajwa, xamal najut nakajachawaesaximil xot.

3

Kaes pejme pachaempox, japox wajpaklon Jesucristo matabijaspoj

¹ Takoew, jamwutjel xamal nejchachaemilde, naexasitam xot Jesús pejwajaan! Chaemila-el xan pejme lelaliajwan chajia lelxpox xamalliajwa. Ampox, lelxpox, xabich pachaem xamal najut chiekal natataeflaliajwam, a sew jiw xamal naekichachajbasamata. ² Chiekal taem jiw babejchowliajwa! Japi naewajaan wut, jum-aechi: “Judíos-elpi, naexasiti Jesús pejwajaan, japi circuncidaxaes Dios pejmarkaxliajwa Dios bu'welialjwas” —aechi, jiw naewajaan wut. ³ Diachwajnakolax xatis Dios pejjis. Espiritu Santo nakkachawaet xot, xatis jumtis Diosliajwa: “Xam xabich pachaemam” —tis. Xatis chiekal nejchachaemlas, Jesucristo pejjis xot. Matabijas Dios nakbu'weyaxilpox wajut isasoxantat. Dios nakbu'weyaxael, Jesucristo nakwemot xot babijaxan isasoxanliajwa. ⁴ Kaen judíosxot pajut pijaxtat weyaxael wut babijaxan isoxanliajwa, xanlap japonaxaelen. ⁵ Xan nalaeltaxpox ocho matkoian wut, nacircuncida. Xan israelita-atonan. Benjamín pamonanbej. Tajjame hebreojame. Xan fariseo-atonan. Samata, me-ama fariseos chiekal naexasit Moisés chajia lelpox, xanbej ja-an, chiekal naexasitx wut Moisés chajia lelpox. ⁶ Xan majt xabich kaes naexasitx Moisés chajia lelpox. Samata, chakifolx naexasiti Jesús pejwajaan jaelaliajwan, japi jiw jeliajwan jiw jebatat. Samata, kaen najumchiyaxil xanliajwa natasalaliajwa: “Pablo chiekal naexasis-el Moisés chajia lelpox” —nachiyaxil. ⁷ Chiekal majt matabijs-enil wut, xan nejchaxoelx: “Diosliajwa isxpojan xabich pachaem” —an, majt nejchaxoelx wut. Pe amwutjel, Jesús pejwajaan naexasitx xot, chiekal matabijtax, majt isxpojan Diosliajwa japoxan pachaema-el. ⁸ Amwutjel chiekal matabijtax. Kaes pejme pachaem tajpaklon Jesucristo matabijtaxpox. Samata, majt puexa isxpojan, puexa japoxan chiekal koftax kaes matabijsliajwan Jesucristo. ⁹ Xan amwutjel naexasitx Cristo pejwajaan Dios nabu'welialjwa. Samata, kaes nejchaxoela-enil: “Moisés chajia lelpox xan naexasisaxaelen Dios nabu'welialjwa” —chi-enil, nejchaxoelx wut. Cristo tuppox cruztat xanliajwa, japox naexasitx xot, Diosliajwa bu'wajaanjinil. ¹⁰ Xan kaes chiekal matabijsasian Jesucristo. Japon tup wut, Dios mat-echpon pejme dukaliajwa. Xanbej chiekal dukasian Dios pejkachawaesaxtat. Me-ama Jesucristo nabijat xanliajwa, xanbej jachisian. Aton tup wut, kaes babijaxan is-el. Xanbej japoxasian. Laejax wut, chiekal laejasian babijaxan is-elaxtat. ¹¹ Xan nejxasinkax xanbej Dios namat-esliajwa pejme dukaliajwan, asamatkoi Dios tupi mat-eyaxael wut pejme duilaliajwa.

Chiekal laelpaxaespoj xatis kanaliajwas premio

¹² Xan tajut jumchi-enil a sew jiwliajwa: “Xan chiekal isx puexa Dios nejxasinkpojan” —chi-enil a sew jiwliajwa. Nawewe'p chiekal nejchaxoelaliajwan, me-ama Dios nejxasink. Dios nakkachawaet wut, isaxaelen Dios nejxasinkpojan. Me-ama Cristo nejchaxoel, xanbej jachiyaxaelen, namakafit xot Cristo pamakkanliajwa. ¹³ Takoew, xan matabijtax puexa chiekal is-enilpox Cristo nejxasinkpojan. Pe nakiowa, majt isxpojan, amwutjel kaes japoxan is-enil. Amwutjellax isfulaxaelen Cristo nejxasinkpojan. ¹⁴ Aton xabich najaat pasliajwa markaxot premio kanaliajwa. Xanbej chiekal dukasian, Dios namakafit xot chiekal dukaliajwan, xan naexasitx xot Jesús pejwajaan.

¹⁵ Jasox puexa xatis chiekal nejchaxoelaxaes, Dios piach naexasich xot. Xamal japox nejchaxoela-emil wut, Dios kajachawaesaxael chiekal nejchaxoelaliajwam. ¹⁶ Xatis matabijas isliajwas Dios nejxasinkpoxan. Samata, japoxan isfulaxaes.

¹⁷ Takoew, ¡xamal chiekal duilde! Me-ama xan chiekal dukx wut, ¡ja-amde! Jiw chiekal duilpi, me-ama xanal, ja-aechpi, ¡japi jiw xamal chiekal taem! ¡ja-amde xamal chiekal duilaliajwam, me-ama japi jiw! ¹⁸ Pin-iaveces xamal jum-an. Amwutjel, pejme jum-an wut, jum-an itminxpoxtat, xabich jiw naexasis-el xot Jesucristo tuppox cruztat. Japi jiw nejxasinka-el Jesús pejwujajan. ¹⁹ Ampathat toep wut, japi jiw Dios toesaxaes, babijaxan pajut isasiapoxan is xoti. Japi jiw buxdala-el chapaeliajwapi asew jiw babijaxan ispoxanliajwa. Japi nejchaxoel wut, nejchaxoel ampathatpijaxankal. ²⁰ Xatislax duilaxaes Diosxotse. Samata, wujajnewesfulas wajpaklon Jesucristo pasliajwasik nakbu'welialjwa. ²¹ Wajpaklon Jesucristo pask wut, wajbu'an, ampathatpijax, nakwexaliaxaxaelon, chiekal pachaema-el xotox. Do jawut, wajbu'an asabu'anaxael. Pajelbu'anaxaes. Jawut xatis wajbu'an, me-ama wajpaklon Jesucristo pejbu't wut, jachiyaxael. Do ja-aech wut, japon puexa tato'laxael.

4

Pomatkoicha nejchachaemlaxaelpox naexasiti Jesús pejwujajan

¹ Takoew, xamal nejxasinkaxpim, xabich taesian xamal. Xabich nejchachaemlaxbej xamalliajwa, chiekal naexasitam xot Jesús pejwujajan. Samata, asew jiw japox chapaeix xamal chiekal naexasitampox Jesús pejwujajan. ¡Chiekal xanaboejim wajpaklon Jesucristo!

² Xan ampox jum-an japow Evodialiajwa, asaow Síntiquelialjwabej, japi watho' chiekal kaenejchaxoelaxliajwa, nakaewaliajwa, naexasit xoti wajpaklon Jesucristo pejwujajan. ³ Xam, tajnachalnam, kaeyax nabistas xot Diosliajwa. Xan jum-an xam kajachawaesliajwam, japi watho' pejme chiekal kaenejchaxoelaxliajwa. Japi watho' xabich xan nakajachawaet, xamalxot naewujajna x wut Jesús pejwujajan. Jawut japon Clementebej, kaes asew jiw suapich, xabich nakajachawaet, xamalxot naewujajna x wut. Japi jiw wallels Dios pejfatat, pomatkoicha duilaliajwapi Diosxotse.

⁴ ¡Pomatkoicha xamal nejchachaemilde, wajpaklon pejjiwam xot! Pejme jum-an xamal nejchachaemlaliajwam. ⁵ ¡Chiekal duilde asew jiw pajut matabijaliajwa, xamal pachaemampim! ¡Nabej nejkiowe'bej wajpaklon Jesucristo mox rawujajnapox pasliajwa ampathatasik!

⁶ ¡Xamal xabich nabej nejchaxoele' asaxliajwa! Asax pachaema-elpox wut xamalliajwa, ¡Dios kawujajande japox chiekal pachaemaliajwa! Dios kawujajna x wut, ¡nabej nejkiowe'bej Dios graciaschiliajwam puexa xamal kajachawaetpoxliajwa! ⁷ Ja-am wut, Dios xamal kajachawaesaxael xabich nejchaxoelasamatam nejchaxoelampox. Nejchachaemlaxaelambej. Japox nejchachaemlax, Dios pijax. Samata, asew jiw matabijaxil japonejchachaemlax. Xamal nejchachaemlam wut, nejlewlaxil. Nejchaxoelam wut, chiekal nejchaxoelaxaelambej, xamal Jesucristo pejjiwam xot.

Pablo to'apox Filipos paklowaxpijw nejchaxoelaliajwa puexa pachaempoxan

8 Takoew, xamal jumchiyaxaelen matdukanaewhajna. Nejchaxoelam wut, nejchaxoelde puexa diachwajnakolaxpoxan, puexa jiw sitaenpoxanbej! ¡Nejchaxoeldebej puexa pachaempoxan, Dios nejxas-inkpoxan! ¡Nejchaxoeldebej isliajwam jiw jum-aechpoxan: “Ampoxan xabich pachaem xatis isliajwas” —aechpoxan!

9 ¡Xamal chajia naewhajna xox, chanaekabuanaxpoxbej, naexasisfulde! Japoxan naexasitam wut, Dios kajachawaesaxael xamal chiekal duilaliajwam, a sew jiw sawpich.

Filipos paklowaxpijw ofrenda xato'apox Pabliolajwa

10 Xan nejchachaemlax xamal pejme xan nanejchaxoelam xot, ofrenda naxto'am xotbej xanliajwa. Samata, gracias-an Diosliajwa. Xan tajut chiekal matabijtax, xamal xan nejkiowa-emil. Majt xamal ofrenda naxto'a-emil xanliajwa, ajil xot aton nawexalaeliajwa ofrenda xanliajwa. 11 Xan ampox jumchi-enil xamal kaes ofrenda naxto'aliajwam. Xan tejew kaeyaxach wut, nakiowa xanejchachaemlax. 12 Xan kijinil wutbej, xan nakiowa nejchachaemlax. Xabich wutbej tejew, xan nejchachaemlax. Litaxaelax wut, nafniax wutbej, xan nakiowa nejchachaemlax. 13 Puexa asaxan, pachaema-el-poxan, nawepat wut xanliajwa, xan tajlewla-el japoxanliajwa, Cristo nakajachawaet xot. 14 Xamal isam pachaempox xanliajwa, nakajachawaetam xot nawewe'ppoxanliajwa.

15 Macedonia tujnaxot chijian wut tuadusliajwan naewhajnalijwan Jesús pejwajjan Dios a sew jiw bu'weliajwa, naexasiti Jesús pejwajjan, xan nakajachawaes-el nawewe'ppoxanliajwa. Jawut xamalkal, Filipos paklowaxpijwam, nakajachawaetam. 16 Majt Tesalónica paklowaxxotx wut, xamal nakajachawaetam pin-iaveces, ofrenda naxto'am wut xan tejew wajsliajwan, nawewe'ppoxan. 17 Xan ampox lelx wut, lela-enil xamal pejme naxto'aliajwam ofrenda xanliajwa. Xan nejxas-inkax Dios nejchachaemlaliajwa xamalliajwa, nakajachawaetam xot. 18 Epafrodito puexa chiekal nachaxdut, xamal naxto'ampi xanliajwa. Samata, amwatjel xan xabich tejew. Nawewe'pa-el. Xamal xanliajwa naxto'ampi, ofrenda, japox Diosliajwa, me-ama incienso bowas wut xabepnikaliajwa, ja-aechox. Samata, Dios xabich nejchachaemil, xamal ofrenda naxto'am wut xanliajwa. 19 Samata, Diosbej xamal kajachawaesaxael puexa xamal wewe'ppoxanliajwa. Jesucristo pejjiwam xot, Dios kajachawaesaxael japoxanliajwa, xajup xoton japox isliajwa. 20 Puexa xatis pomatkoicha jumchiyaxaes: “Waj-ax Dios xabich pachaem” —chiyaxaes. ¡Jasox nej ja-aече' Diosliajwa!

Pablo saludos xato'apox, a sew sawpich, Filipos paklowaxpijwliajwa

21 Xan saludos xato'ax a sew, xamalxotpiliajwa. Japi Dios pejjiwpi, naexasiti xoti Jesús pejwajjan. A sew, naexasiti Jesús pejwajjan, xanx-otpi, japibej saludos xato'a xamalliajwa. 22 Puexa a sewbej, Dios pej-jamechan naexasitpi, Roma paklowaxpijw, japibej saludos xato'a xamalliajwa. Roma tujnapijw tato'lan, japon pejbaxot nabisti, a sew japixot, naexasiti Jesús pejwajjan. Japibej xabich kaes pejme saludos xato'a puexa xamalliajwa.

23 Xan wajpaklon Jesucristo kawhajna puexa xamal xabich kajachawaesliajwa.

Pablo lelpox carta Colosas paklowaxpijwliajwa

Pablo lelpox carta Colosas paklowaxpijwliajwa

¹ Xan Pablo, Jesucristo pej-apóstol nadofax, Dios namakafit xot. Wajkoewan Timoteo nakajachawaet amprox carta lelaliajwan. ² Lelx amprox carta xamal Colosas paklowaxpijwamliajwa, Jesucristo pejwñajan naexasitampim. Xan waj-ax Dios kawñajna xamal kajachawaesliajwa puexa chiekal isliajwam. Japon kawñajna xbej xamal kajachawaesliajwa chiekal duilaliajwam, asew jiw sñapich.

Pablo kawñajanpox Dios, Colosas paklowaxpijwliajwa, Jesús pejwñajan naexasitiliajwa

³ Xanal xamalliajwa Dios kawñajna x, japon wajpaklon Jesucristo pax. Kawñajna x wñt, xanal gracias-an Diosliajwa, xamal chiekal kajachawaet xoton. ⁴ Jasoxtat xanal Dios kawñajna x, wñtaenx xot xamal chiekal naexasitampox Jesucristo pejwñajan. Wñtaenxbej puexa jiw nejx-asinkampox, Dios pejjiwpi. ⁵ Xamal naexasitam wñt chimiawñajan, Jesús pejwñajan, Dios xamal bñ'weliajwa, jawñt chiekal matabijam Dios athaxotse xawñajna wet xabich pachaemprox xamalliajwa. Samata, xamal Jesús xanaboejam. Nejxasinkambej Dios pejjiw. ⁶ Jesús pejwñajan xamal naewñajan wñti, jumtaenam. Amwñtjel, japawñajan potañna cha jiw jumtaena wñti, japi bej naexasit japawñajan. Samata, japi kofa majt babijaxan isfulpoxan. Amwñtjel ispi pachaempoxan. Me-ama xamal, ja-aechbej japi jiw. Jumtaenam wñt Jesús pejwñajan, xamal najut chiekal matabijam, diachwñajna kolax Dios xamal nejxasinkprox. ⁷ Epafras, xatis nejxasinkaspon, japon xamal matxoela naewñajan Jesús pejwñajan. Japonbej, xanal sñapich, nabist Cristoliajwa. Japonbej xamal naewñajan, xanal tajut fulaeyaxinil xot xamal poxade. ⁸ Pa'an wñton xanalxot, xapa'non nejwñajan. Jawñt xanal nachapaeipon nejx-asinkampox asew jiw, naexasiti Jesús pejwñajan, Espíritu Santo xamal kajachawaet xot.

⁹ Xanal japox wñtaenx wñt, bñkofa-enil Dios kawñajna xprox xamalliajwa. Dios kawñajna x chiekal matabijaliajwam isliajwambej Dios nejxasinkproxan. Dios kawñajna xbej chiekal matabijaliajwam Dios pejmatabijsaxan Espíritu Santo pijaxtat. ¹⁰ Japox chiekal matabijam wñt, chiekal duilaxaelam. Me-ama japon pejwñajan naexasiti chiekal duil, xamal jachiyaxaelam. Samata, Dios nejchachaemlaxael xamalliajwa. Xamal isaxaelam puexa pachaempoxan. Isam wñt japoxan, xamal kaes chiekal matabijaxaelam Dios. ¹¹ Xanal Dios kawñajna xamal kajachawaesliajwapon, kaes chiekal xanaboejaliajwam Dios. Ja-am wñt, xabich boejtaliasaxaelam, asew jiw pijaxtat nabijatam wñt. ¹² Dios xamal beltaen. Samata, Diosliajwa, xamal babijaxan isampoxan ajil. Ja-aech wñt, xamal Dios tapaejaxael pomatkoicha athaxotaliajwam, Dios pej-itliakaxotse. Samata, xanal nejxasinkax xamal waj-ax Dios graciaschiliajwam, Dios kawñajna x wñt. ¹³ Xatis majt matabija-esal chimiawñajan, Jesús pejwñajan. Samata, me-ama itkñataxot duils wñt, jatisfulas, naexasisfulas xot Satanás. Amwñtjel naexasisfulas Dios

paxulan pejwajaan, Dios nejxasinkaspon. ¹⁴ Dios paxulan tɔp wɔt, japon nakwemot xatis babijaxan isaspoxanliajwa. Samata, Dios nakbeltaen.

Pachaempox Diosliajwa Jesús pejwajaan naexasiti, Cristo tɔp xot japiliajwa

¹⁵ Xatis wajut Dios taeyaxisal. Pe nakiowa, Cristo pijaxtat chiekal matabijas, ma-aech Dios. Cristo kaes pejme pachaem. Me-ama puexa Dios ispi, jachi-elon. ¹⁶ Cristo puexa is Dios pijaxtat, athɔxotse, ampathatatbej. Xabich japoxan xatis taens. Pe asaxan wajut taeyaxisal, tampoel xoti xatis taeliajwas. Cristo puexa is wɔt, isbejpon ángeles. Japi mamnik xot, xajɔp tato'laliajwa. Puexa japoxan Cristo is pajutliajwa. ¹⁷ Chajiakolaxtat, puexa is-esal wɔtɔfɔk, Cristo jawɔt duk. Amwɔtjel puexa ispoxan nakiowa ja-aechɔfɔk japon pijaxtat. ¹⁸ Cristobej puexa jiw tato'al, naexasiti japon pejwajaan. Japon tɔp xot jiwliajwa, Dios beltaen japi jiw babijaxan ispoxanliajwa, japon pejjiwaliajwabejpon. Cristo matxoela mat-ech pejme dukaliajwa, tɔp wɔton. Samata, Jesucristo pejwajaan naexasitibej asamatkoi mat-eyaxaes pejme duilaliajwa. Cristo puexa japiliajwa paklon. ¹⁹ Dios nejchachaemil Cristoliajwa, me-ama Dios, ja-aech xoton. ²⁰ Chajiakolaxtat, Dios chajia nejchaxoel Cristo tɔpaliajwa cruztat puexa jiwliajwa, xabich jiw bu'wajaanjilaliajwa Dios pejwajaanalel. Samata, Cristo tɔp wɔt, puexa naexasiti japon pejwajaan, ampathatpijiw, athɔpijiwbej, amwɔtjel puexa chiekal pachaemlisi Diosliajwa.

²¹ Xamal majt naexasis-emil wɔtɔfɔk Cristo pejwajaan, pachaema-emil Diosliajwa. Dios padaelmajiwambej, isam xot babijaxan. ²² Cristo xabich nabijat, xamal babijaxan isampoxanliajwa tɔp wɔton cruztat. Samata, xamal pachaemam Diosliajwa. Amwɔtjel isɔlam japon nejxasinkpoxan, bu'wajaanjimil xot. ²³ Xamal chiekal naexasisɔfulde Jesucristo pejwajaan! Japon pejwajaan xabich asew jiwbej naewwajnafɔl potwajnaɔcha. Xan, Pablo, naewwajnafɔlaxbej japawwajaan.

Pablo Dios to'aspox, japon naewwajnalialjwa Jesús pejwajaan naexasiti

²⁴ Xan amwɔtjel jiw jebatat nabijatax, majt xamal, judíos-emilpim, naewwajnaɔ xot Jesús pejwajaan. Me-ama majt Cristo nabijat cruztat jiw bu'welialjwa, xanbej amwɔtjel nabijatax, jiw jebatat najia xoti. Samata, nejchachaemlax. Nawewe'pɔfɔk xabich kaes nabijasliajwan, naewwajnaɔ wɔt Jesucristo pejwajaan naexasiti. Japi, Cristo pejbu't wɔt, ja-aech. ²⁵ Dios nato'a xamal kajachawaesliajwan, asew jiwbej, naexasiti Jesús pejwajaan. Samata, xamal, asew jiwbej, jumchiyaxaelen puexa Dios pejjamechan jum-aechpoxan Cristoliajwa. ²⁶ Japawwajaan majt chinax kaen aton matabijs-elfɔk. Japawwajaanliajwa Dios tulaela jumchi-el. Amwɔtjel tapaeipon puexa pejjiw chiekal matabijaliajwa japawwajaan. ²⁷ Japawwajaan xabich pachaem puexa jiwliajwa. Jesús, xamalxot dukpon, japon pejwajaan majt maliach. Pe amwɔtjel, puexa xamal chiekal matabijam. Samata, asamatkoi duilaxaelam Diosxotse.

²⁸ Samata, xanal naewwajnaɔ Cristo pejwajaan puexa jiw chiekal jumatabijaliajwa. Ja-an xanal, japibej chiekal pachaemaliajwa, Dios nejchachaemlaliajwa japiliajwa. ²⁹ Samata, ampabichax chiekal nabistax wɔt, Cristo nakajachawaet xot, mamnikax naewwajnalialjwan japon pejwajaan.

2

¹ Xan nejxasinkax xamal matabijaliajwam Dios xabich kaw^uajna^xpox xamalliajwa. Dios kaw^uajna^xbej Laodicea paklowaxpijwliajwa, asew jiwliajwabej, japi jiw xan namatabija-elpifuk. ² Dios xabich kaw^uajna^x xamal nejlewlasamata, jiw naew^uajnam wut japi chiekal xanaboejalijwa Dios. Xan xabich Dios kaw^uajna^xbej xamal kaenejchaxoelaxliajwam chiekal duilaliajwam, nakaewa nanejxasinkam xot. Dios xabich kaw^uajna^xbej xamal chiekal jum^umatabijaliajwam Cristoliajwa, majt puexa jiw chiekal matabija-elpoxfuk. Samata, amwut chiekal matabijaxaelam Cristoliajwa. Dios majt tapae-el ampathatpijiw matabijaliajwa Cristoliajwa. ³ Xamal naexasitam wut Jesucristo pejw^uajan, ja-am wut, chiekal matabijaxaelam Dios pej^umatabijsax, xabich pachaempox. ⁴ Japox jum^u-an asew jiw xamal naekichachajbasamata. Japi jiw jum^u-aech chimiajamechan xamal naekichachajbaliajwa. ⁵ Diachw^uajnakolax amwutjel xan tajut xamalxota-enil. Pe nejchaxoelx wut, me-ama tajut xamalxotx wut, ja-an. Samata, wultaenx wut xamal kaenejchaxoelaxtat duilampox, Cristo chiekal xanaboejam^upoxbej, xan xabich nejchachaemlax.

Jesús pejw^uajan naexasiti, japi pajelnejchaxoelaxan

⁶ Xamal jelnaxasitam wut Jesús pejw^uajan, “Jesús tajpaklon” —am xamal. Samata, jamwutjel diachw^uajnakolax chiekal duilafalde! Me-ama jiw, naexasiti Jesús pejw^uajan, duil wut, ja-amsfulde xamal! ⁷ Xamal nejpaklon Jesucristo. Samata, jisfulde puexa japon tato'alpoxan! ¡Asew jiw xamal majt naew^uajanpox Cristoliajwa, japox chiekal naexasisfulde! Ja-am wut, kaes xanaboejaxaelam Cristo. Pomatkoicha Dios kaw^uajnam wut, graciaschiyaxaelam Diosliajwa.

⁸ ¡Chiekal taem! ¡Xamal nabej tapae' asew jiw xamal naekichachajbaliajwa, pajut pejnechaxoelaxan naew^uajanpi! ¡Xamal japi jiw nabej naexasis, asaw^uajan naew^uajan wuti, Cristo naew^uajna-elpox wut! Japi jiw asew jiw chanaekabuana pamjiw chanaekabuanaspoxan. Chapaefalbejpi jiw nejchaxoelpoxan, ampathatpijaxanliajwa.

⁹ Cristo ampathatat wut, me-ama pax Dios, ja-aechon. Samata, ¡nabej tapae' asew jiw xamal naekichachajbaliajwa, asaw^uajan naew^uajan wuti! ¹⁰ Xamal Cristo pejiwam wut, wewe'pa-el asax. Cristo paklon puexaliajwa. Japon puexa, nejmachpaklochow, tato'al. ¹¹ Xamal Jesús pejw^uajan naexasitam xot, me-ama judíos circuncidaspi, ja-am Diosliajwa. Samata, kaes nejchaxoela-emil isliajwam pachaema-elpoxan, Jesús xamal kajachawaet xot. ¹² Xamal jiw bautisa wut, jawut, xamal, Jesús suapich, muth^utaspi wut, ja-am. Jesús t^up wut, Dios mat-echpon pejme dukaliajwa. Samata, xamal bautisa wuti, jawutbej, xamal, Jesús suapich, Dios mat-echpi wut, ja-am pejme chiekal duilaliajwam, Dios chiekal xanaboejam xot. ¹³ Xamal, judíos-emilpim, majt t^upawam wut, ja-am Diosliajwa, xabich babijaxan isfulam xot. Amwutjel, jachi-emil. Xamal amwutjel pajelnejchaxoelaxan, Dios beltaen xot babijaxan isampoxanliajwa, naexasitam xot Jesús pejw^uajan. ¹⁴ Majt xatis naexasis-esal xot Dios tato'alpoxan, xatis wajbu'w^uajan Diosliajwa. Pe Dios nakbeltaen xatis babijaxan isaspoxanliajwa. Cristo t^up wut cruztat, nakwemot xatis babijaxan isaspoxanliajwa. Ja-aech wut, Dios tato'alpoxan, me-ama toep wut, ja-aechox, japon nakkastikaxaelpox xatis babijaxan isaspoxanliajwa. ¹⁵ Cristo t^up wut cruztat, Dios malecha Satanás, Satanás pejiwbej,

japi deppaklochowpi. Dios japox is wut, puexa jiw matabija Satanás malechaspo, japon pejiwbej.

Jesús pejwujajan naexasiti chiekal nejchaxoelaxaelpox isliajwa Dios nejxasinkpoxan

¹⁶ Xamal amwutjel Cristo pejiwam xot, jasew judíos nabej tapae' kaechafiasliajwa xamal xaelampoxan, feyaxaelampoxanbej! Japi judíos naexasit Moisés chajia lelpox. Samata, japi kaewaechful wut, fiesta is. Isbejpi fiesta, kaejuimsful wut. Fiesta isbejpi, napatamatkoisful wut. Japi judíos xamal to'a wut fulaeliajwam japafiestan poxade, ¡xamal nabej fulae'! ¹⁷ Majt jiw xabich fulalaecha fiestan poxade, Moisés chajia lelpox naexasit xoti. Japafiestan ispi jiw nejchaxoelaliajwa asamatkoi Cristo isaxaelpoxliajwa. Pelis Cristo pat. Japon pejwujajan xamal naexasitam xot, jamwutjel xamal wewe'pa-el japafiestan poxade fulaeliajwam! ¹⁸ Asew jiw xamal jum-aech wut: "Xanal ángeles kawujajna. Xamal kawujajna-emil wut ángeles, babijax isam" —aech wuti, ¡japi jiw xamal nabej naexasis! Jum-aech wutbejpi: "Xanal matabijax, masoxtat taenx xot asew jiw tae-elpoxan" —aech wuti, ¡xamal japi jiwbej nabej naexasis! Japi japoxan jum-aech wut, pejnechaxoelaxan pachaema-el, pajut nejchaxoelpoxan jum-aech xoti. ¹⁹ Japi kofa naexasitpox Jesús pejwujajan. Puexa xatis Jesús pejwujajan naexasichpis, Cristo naktato'al. Xatis, me-ama Cristo pejbu't wut, jatis, kaenechaxoelax xotch, Cristo swapich. Samata, Cristo nakkajachawaet chiekal duilaliajwas, me-ama Dios nejxasink.

²⁰ Xamal, me-ama, Cristo swapich, cruztat tupam wut, ja-am. Samata, ¡nabej naexasis ampathatpijiw jum-aechpoxan! Xamal ja-am wut, ¿ma-aech xotkat xamal nakiowa naexasisiam Jesús pejwujajan naexasiseli jum-aechpoxan? ²¹ Japi jum-aech, xamal fiat wuti: "¡Ampox nabej jache'! ¡Ampoxbej nabej xae'! ¡Ampoxbej nabej fis!" —aechi, xamal fiat wut. ²² Japi jum-aechpoxan xamal fiat wut, japoxan asamatkoi chiekal toepaxael, pajut nejchaxoelpoxankal xot. ²³ Japi xabich asew jiw tato'al kawujajnalijwa ángeles. Japibej tato'al jiw pajut nejchaxoelaliajwa: "Xan kaes pejme pachaema-enil. Me-ama asew jiw, jachi-enil" —chiliajwa, jiw nejchaxoel wut. Japi jiw naewujajanbej jiw babijaxan isasamata. Japi jiw jasox naewujajan wut, me-ama xabich matabija wut, ja-aechi. Pe japi naewujajanpoxan pachaema-el, asew jiw kajachawaes-esal xot kofaliajwa babijaxan nejchaxoelpoxan is-elaliajwa.

3

¹ Cristo tup wut cruztat, mat-ech wuton pejme dukaliajwa, jawutbej, xamal, me-ama Dios mat-ia wut, ja-am pejme duilaliajwam, Cristo swapich. Samata, xamal nejchaxoelam wut, ¡nejchaxoelde pomatkoicha duilaxaelampox Cristo ekxotse, Dios pejpoklale! ² ¡Xamal nejchaxoeldebej isliajwam Dios nejxasinkpoxan! ¡Nabej nejchaxoele' babijaxan isliajwam, me-ama ampathatpijiw isful! ³ Ampathatat laelpam wut, ¡chiekal duilafalde! Me-ama Cristo Diosliajwa chiekal duk wut, ¡ja-amsfuldebej xamal! Samata, xamal, me-ama majt duilam wut, ¡nabej ja-aeché'! Cristo chiekal duk pax Diosxotse. Amwutjel xamal tataefulpon. ⁴ Chiekal duilaxaelam tanbichliajwam Cristo. Asamatkoi Cristo pejme fuloek wut, puexa jiw taeyaxaeson, japon xabich mamnikpox. Xatisbej asew jiw naktaeyaxael, Cristoxotas wut.

Colosas paklowaxpijiw ma-aechpox, majt duil wuti Jesús pejwujajan naexasis-elaxtat

⁵ ¡Kofim babijaxan isfulampoxan! Aton tɔp wut, kaes babijaxan is-elon, tɔp xotlison. ¡Xamalbej ja-amšfulde! ¡Nejwatho' nabej naebu'moejs asew watho'! ¡Nabej isbej asaxan, pachaema-elpoxan! ¡Nabej nejxasinke'bej babijaxan isaxan! ¡Nabej nejxasinke'bej nejew xabichaliajwa! Xabich wut nejew, ja-am wut, Dios nejxasinkaximil, japoxan kaes xabich nejxasinkaxaelam xot. ⁶ ¡Xamal jasox nabej ja-aече', Dios xabich kastikaxael xot jasi jiw! ⁷ Xamal majt japoxan babijaxan isfulam, naexasis-emil wutɔk Dios. ⁸ Pe amwutjel, ¡xamal kofim xabich nalalapoxan asew jiwliajwa, babijaxan isampoxanbej asew jiwliajwa! ¡Buxkofimbej babej-jamechan jum-ampoxan asew jiwliajwa! ¡Nabej jum-aече'bej jiwutut pachaema-elpoxan! ⁹ ¡Kofimbej nakaewa naekichachajbampoxan, kofam xot padujnejchaxoelaxan, majt isampoxanbej! ¹⁰ Amwutjel kofam padujnejchaxoelaxan, naexasitam xot Dios. Samata, ¡duilafalde, me-ama Dios nejxasink! Ja-am wut, chiekal xamal matabijaxaelam Dios. ¹¹ Jesús pejwujajan naexasiti pajelnejchaxoelaxan. Samata, Dios puexa japi taen wut, japi jiw puexa chiekal najupanejxasinkpon. Judíos, judíos-elpibej, atɔaj fulaenpi, asatɔajɔuchanpijiwbej, jiw estudia-elpibej, esclavos, esclavos-elpibej, japi puexa naexasiti Jesús pejwujajan, Dios chiekal najupanejxasink puexa japi jiw.

¹² Dios xamal nejxasink. Makanotbejpon xamal japon pejjiwaliajwam. Samata, ¡asew jiw beltaem! ¡Kajachawae'ebej! Nejchaxoelam wut, ¡nejchaxoelde: “Xan kaes pejme pachaema-enil. Me-ama asew jiw, jachi-enil” —amde, nejchaxoelam wut! Asew jiw tato'lam wut, ¡nabej tato'le' palaeyaxtat! Asew jiw is wut pachaema-elpoxan xamalliajwa, ¡xamal boejtaliasfulde japoxanliajwa! ¹³ Asew jiw xamalxot nakaewaliajwa is wut pachaema-elpoxan, ¡xamal nabej nalale'! ¡Boejtaliasfulde! ¡Nakaewa nabeltaembej! Me-ama Dios xamal beltaen babijaxan isam wut, ¡xamalbej ja-amšfulde nakaewaliajwa! ¹⁴ Jumchiyaxaelen kaes pejme pachaempox. Japox nakaewa nanejxasinkampox. Ja-am wut, chiekal duilaxaelam kaenejchaxoelaxtat. ¹⁵ Cristo xamal kajachawaet xot, ¡xamal chiekal kaenejchaxoelaxde! Dios xamal tadut kaemutliajwam, Cristo suapich. Samata, Dios kawɔajnam wut, ¡gracias-amde!

¹⁶ Xan Dios kawɔajnam xamal kajachawaesliajwa pomatkoicha nejchaxoelaliajwam Jesús pejwujajan. ¡Dios pejjamechan xamal nakaewa nanaewɔajande kaes pejme chiekal Dios xanaboejaliajwam! Jajuwam wut salmos, himnosbej, ¡xabich gracias-amde Diosliajwa! ¹⁷ ¡Puexa isaxaelampoxan isde, wajpaklon Jesús pijaxtat! ¡Puexa jumchiyaxaelampoxanbej jum-amde, wajpaklon Jesús pijaxtat! Ja-am wut, ¡gracias-amde waj-ax Dios Jesús pijaxtat!

Jesús pejwujajan naexasiti machiyaxaelpox pejbapijiwliajwa

¹⁸ Xamal watho'am, ¡nejmol chiekal naexasisfulde, to'a wut! ¡Jamšfulde, xamal Jesús pejwujajan naexasitam xot! ¹⁹ Xamal poejwam, ¡kaenanula nejwatho' chiekal nejxasinkafalde! Nijow to'am wut, ¡to'im chamoeyaxtat! Me-ama esclavas wut, ¡nabej ja-aече' nejwatho'liajwa!

²⁰ Xamal yamxim, ¡pomatkoicha chiekal naexasisfulde nej-axjiw, nej-enjiwbej, xamal to'a wut! Ja-am wut, Dios nejchachaemlaxael xamal yamximliajwa. ²¹ Xamal paxjiwam, ¡naxi chamoeyaxtat tato'alde naxi palalasangata, nejchaemilasamatabejpi!

²² Xamal esclavos, ¡isfulde nejpaklochow puexa tato'alpoxan! ¡Chiekal nabichfulde japiliajwa! Asew jiw pejpaklochow chiekal tataefla-esal wut, chiekal nabich-eli. Pelax pejpaklochow tataefulas wut, ja-aech wut, japi jiw, me-ama chiekal nabist wut, ja-aechi pejpaklochow nejchachaemlaliajwa japiliajwa. ¡Xamal jasox nabej ja-aech! Po-matkoicha chiekal nabichaxaelam nejpaklochowliajwa, xamal sitaenam xot wajpaklon Jesús. ²³ Xamal nabistam wut nejpaklochowliajwa, puexa chiekal isaxaelam nejchachaemlampoxtat. Me-ama wajpaklon Jesúsliajwa nabistam wut, jachiyaxaelam, nejpaklochowliajwa nabistam wut. ²⁴ Chiekal nabichaxaelam wajpaklon Jesúsliajwa, japon chiekal xamal mosaxael xot. Jesús xamal chaxduiyaxael Dios chajia jum-aechpox. Cristo diachwujnakolax nejpaklon, nabistam xot japonliajwa. ²⁵ Pe asew jiw, babijaxan ispi, japi jiw Dios kastikaxaes. Samata, puexa jiw babijaxan is wut, japi puexa diachwujnakolax Dios kastikaxaesi.

4

¹ Xamal paklochwam, ¡xamal chiekal pachaemde nej-esclavosliajwa! Me-ama Dios nejxasink, ¡ja-amsfulde japiliajwa! ¡Xabich nabej tato'le' nej-esclavos xabich nabichliajwa bichaxan! ¡Chiekal nejchaxoelde! Xamal-bej nejpaklon athaxotse.

Pablo to'apox Colosas paklowaxpijiw, japi Dios kawujnalialjwa japonliajwa

² ¡Xamal Dios kawujnafulde! ¡Gracias-amsfuldebej Diosliajwa, kawujnam wut! ³ ¡Xanalliajwabej Dios kawujande japon xanal natapaeliajwa pejme jiw naewujnalialjwan Jesús pejwujjan, majt jiw matabija-elwujjan! Japawujjan naewujnax xot, amwutjel jiw jebatat asew jiw xan najia. ⁴ ¡Dios kawujande, xan jiw naewujnax wut chiekal naewujnalialjwan, japibej chiekal matabijaliajwa Jesús pejwujjan!

⁵ Xamal Jesús pejwujjan naexasis-elixotam wut, ¡chiekal duilafulde! Japixot pachaem wut naewujnalialjwam Jesús pejwujjan, ¡naewujande! ⁶ Xamal nospaeyam wut, jiw suapich, ¡nospaem pachaempoxan jiw chiekal nejchachaemlaliajwa! ¡Matabijimbej chiekal jumnosliajwam kaenanala japi jiw!

Pablo saludos xato'apox asew jiwliajwa

⁷ Wajkoewan Tíquico, xatis nejxasinkaspon, chiekal nabist wajpaklonliajwa, xan suapich. Tajwujjan japon xalaeyaxael xamal chapaeliajwa, pa'a wuton xamalxot. ⁸ Samata, japon to'axaelen amwut xamal poxade jumchiliajwapon, ma-an xanal, amxotan wut. Ja-aech wut, xamal xabich nejchachaemlaxaelam xanalliajwa. ⁹ Tíquico fulaeyaxael wut xamal poxade, wajkoewan Onésimo, xatis xabich nejxasinkaspon, japonbej fulaeyaxael xamal poxade. Onésimo majt xamalxoton. Japon chiekal nabistbej wajpaklonliajwa. Kofs-elpon. Japi xamalxot pa'a wut, xamal chapaeyaxaelon xanliajwa amxot ja-aechpoxan.

¹⁰ Aristarco, japon tajnachalan jiw jebatat, saludos xato'a xamalliajwa. Marcos, Bernabé pakoewan, japonbej saludos xato'a xamalliajwa. Xamal chajia to'ax, Marcos pat wut xamalxot chiekal bu'kulaliajwam. ¹¹ Asan pawul Jesús. Japonbej saludos xato'a xamalliajwa. Japon asawul Justo. Japi tres poejiw, judíos, naexasiti Jesús pejwujjan. Puexa judíosxot, japi koew, xan suapich, nabist Diosliajwa, asew jiw Dios naexasisliajwa.

Samata, xan xabich nejchachaemlax, japi nakajachawaet xot. ¹² Epafraſas majt xamalxoton, japon nabist Jesucristoliajwa. Japonbej saludos xato'a xamalliajwa. Japon xabich Dios kawuajan nejxanaboejaxan kaes mamnikaliajwa Diosliajwa. Xabich Dios kawuajanbejpon xamal kajachawaesliajwa isliajwam puexa Dios nejxasinkpoxan. ¹³ Xan taenx, Epafraſas xabich nejchaxoel wut xamalliajwa, Laodicea paklowaxpijiwliajwabej, Hierápolis paklowaxpijiwliajwabej. ¹⁴ Lucas, japon médico, xatis nejxasinkaspon, japonbej saludos xato'a xamalliajwa. Asan, pawalpon Demas, japonbej saludos xato'a xamalliajwa.

¹⁵ Xan saludos xato'ax naexasiti Jesús pejwuajan, Laodicea paklowaxpijiwliajwa. Saludos xato'axbej japon Ninfaliajwa. Saludos xato'axbej, japi natamejapi Ninfa pejbaxot, naexasiti Jesús pejwuajan. ¹⁶ Xamal ampox carta xaljoeyax toetam wut, ixato'im Laodicea paklowaxpijiw poxada, japi naexasiti Jesús pejwuajan, japibej xaljoeliajwa ampox carta! Asacarta chajia xato'ax Laodicea paklowaxpijiwliajwa. Japox carta japi xato'axaen xamal poxadin. Carta xamal chaxdut wuti, ixamalbej xaljoem japox carta! ¹⁷ ¡Arquipo jum-amde chiekal toesliajwa Jesucristo to'aspox japon isliajwa!

¹⁸ Xan Pablo, tajut lel xamal saludaliajwan. Xamal Dios kawuajnam wut, inabej nejkiowe' xanliajwabej Dios nawekawuajnalialjwam, xan jiw jebatataxpoxliajwa! Xanbej Dios kawuajna xamalliajwa japon xabich kajachawaesliajwa xamal.

Matxoelacarta, Pablo lelpox, Tesalónica paklowaxpijiwliajwa

Pablo lelpox carta, Silvano s̄apich, Timoteo s̄apichbej, Tesalónica paklowaxpijiwliajwa

¹ Xan Pablo, Silvano s̄apich, Timoteo s̄apichbej, lelx ampox carta xamal, naexasitampimliajwa Jesús pejw̄ajan, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejjiwam. Xanal Dios kaw̄ajna xamal kajachawaesliajwa, chiekal duilali-ajwambej, asew jiw s̄apich.

Tesalónica paklowaxpijiw chiekal xanaboejapox Dios

² Xanal Dios kaw̄ajna x w̄ut, xamalliajwabej Dios kaw̄ajna x. Ja-an w̄ut, j̄m-anbej Diosliajwa: “Gracias-an, xam kajachawaetam xot naexasiti Jesús pejw̄ajan, Tesalónica paklowaxpijiw” —an Diosliajwa.

³ Xanal waj-ax Dios kaw̄ajna x w̄ut, nejchaxoelx xabich Dios tanbistampoxliajwa, Jesucristo pejw̄ajan naexasitam xot. Xamal kajachawaetambej asew jiw, japi jiw nejxasinkam xot. Xamal xabich nabijatam w̄ut, xabich nejxaejwa-el. Ja-am xamal, w̄ajna w̄esfulam xot wajpaklon Jesucristo pejme pasliajwa ampathatasik. ⁴ Takoew, Dios nejxasink xamal. Xanal chiekal matabijax, Dios xamal makanot japon pejjiwaliajwam. ⁵ Xanal majt Jesús pejw̄ajan, chimia w̄ajan, xamal naew̄ajna x w̄ut, naew̄ajna xroxankala-el. Jaw̄utbej koechaxan isaxbej Dios pijaxtat, Esp̄ritu Santo nakajachawaet xot. Samata, xamal chiekal najut matabijam xanal naew̄ajna xroxan, diach chiekal w̄ajna xolax. Xamalbej chiekal matabijam, ma-an xanal, xamalxot duilx w̄ut. Ja-an xanal jasoxtat xamal kajachawaesliajwan.

⁶ Xanal ja-an w̄ut, xamalbej chiekal duilam. Me-ama wajpaklon Jesucristo ampathatat chiekal duk w̄ut, xamalbej ja-am. Naew̄ajna x w̄ut Jesucristo pejw̄ajan, xamal chiekal naexasitam. Naexasitam w̄ut Jesús pejw̄ajan, asew jiw palala xamalliajwa. Samata, japi jiw xabich babiljagan is w̄ut xamalliajwa, xabich nabijatam. Pe nakiowa, nejchachaemlam, Esp̄ritu Santo xamal kajachawaesful xot. ⁷ Puexa naexasiti Jesús pejw̄ajan, Macedonia t̄ajna pijiw, Acaya t̄ajna pijiwbej, japi w̄altaen xamal chiekal duilampox. Samata, japi chiekal duil. Me-ama xamal, ja-aechi. ⁸ Xamal xabich jiw naew̄ajna m Jesús pejw̄ajan. Samata, amw̄utjel Macedonia t̄ajna pijiw, Acaya t̄ajna pijiwbej, japi matabija japaw̄ajan. Pot̄ajna xchanpijiwbej matabija japaw̄ajan. Japibej matabija xamal Dios xanaboejampox. Samata, xanal kaes j̄mchixaxinil xamal, Tesalónica paklowaxpijwamliajwa, japi j̄mtaeliajwa xamal Dios xanaboejampoxliajwa. ⁹ Puexa asew jiw, pot̄ajna xchanpijiw, nakaewa naj̄m-aech xamalliajwa: “Tesalónica paklowaxpijiw chiekal bu'kulapi Pablo, asewbej, japon s̄apich, pat w̄uti japixot. Japibej kofa ídolos kaw̄ajna xroxan. Amw̄utjel chiekal naexasitlisi Dioskal, pomatkoicha dukpon. ¹⁰ Tesalónica paklowaxpijiw w̄ajna w̄esful Jesús, Dios paxulan. Japonlap Dios mat-ech pejme dukaliajwa. Japonbej pejme fuloeyaxoek. Jesús nakbu'weyaxael, kastikamatkoí pat w̄ut. Japamatkoí asew jiw

xabich kastikaxaes, xabich babijaxan isful xot” —aech japi jiw xamalliajwa, nakaewa najum-aech wuti.

2

Pablo nabistpox Dios pijax, bichax, Tesalónica paklowaxpijiwxot

¹ Takoew, xamal najut chiekal matabijam, xamal poxandax wut taeliajwan, chiekal naexasitam naewuajna xproh. Samata, xanal naewuajna xproh nafo'a-el. ² Xamal matabijambej amproh. Patx wut Filipos paklowaxxot, japapaklowaxpijiw babejjamechan jum-aech xanalliajwa. Japi jiw is pachaema-elpoxan xanal nabijasliajwan. Do jawux, xanal patx wut nejtujnu, Tesalónica paklowaxxot, asew jiw, nejtujnupijiw, palalapi xanalliajwa. Japi jiw nejchachaemla-el xamal naewuajnalialjwan Dios pejjamechan. Pe nakiowa, naewuajna x. Naewuajna x wut, Dios nakajachawaet tajlewla-elaliajwan, xamalbej Dios bu'welialjwa. ³ Xanal Dios pejjamechan naewuajna x wut, chiekal naewuajna x xamal. Kaes asawuajan naewuajna-enil xamal naekichachajbalialjwan. ⁴ Xanal Dios namakanot jiw naewuajnalialjwan japi jiw bu'welialjwasbej. Xanal ja-an, jiw naewuajna x wut Dios chiekal nejchachaemlialjwa xanalliajwa. Naewuajna-enil jiw asbuan jumch nejchachaemlialjwa xanalliajwa. Dios chiekal matabijt xanal nejchaxoel xprohan. ⁵ Xamal chiekal matabijam. Xan jum-an wut chimiajamechan xamalliajwa, japox jumchi-enil asbuan jumch xamal nejchachaemlialjwam xanalliajwa. Naewuajna x wutbej, nejchaxoela-enil nejew kinosliajwan. Dios japox chiekal matabijt. ⁶ Dios pejjamechan naewuajna x wut xamalliajwa, asew jiwliajwabej, xan nejchaxoela-enil: “Xan Dios pejjamechan naewuajna x jiw chiekal nasitaelialjwa” —chi-enil, nejchaxoel x wut. ⁷ Xamalxot x wut, xabich tato'la-enil isliajwam tato'laxprohan. Xanal Jesucristo pej-apóstolan xot, xajux xamal xabich tato'lialjwan. Pe nakiowa, jasoxtat tato'la-enil. Me-ama kaeow pawis chimiajamechan chiekal jum-aech, paxi fiat wut, xanalbej ja-an, xamal naewuajna x wut. ⁸ Xabich nejxasinkax xamal. Samata, xamalxotan wut, Dios pejjamechan chiekal naewuajna x. Ja-an wut, xanal nejchaxoel x xamalliajwa: “Asew jiw nabesia wut xanal naewuajna-elaliajwan Tesalónica paklowaxpijiw, japox ja-aech wut, nakiowa xanal bu'kofaxinil naewuajna xprohan” —an, nejchaxoel x wut. ⁹ Takoew, xamal nejchaxoelam wut, jchiekal nejchaxoelde, ma-an xanal, xamalxotan wut! Naewuajnafulax wut Dios pejjamechan, xanal tajut nabistaxbej tejew wuajslialjwan. Naewuajna-enil wut, japamatkoi nabistax. Madoibej nabistax. Ja-an xanal, xamal nawemosasamatam xanal nawewe'ppoxan.

¹⁰ Xamalxotan wut, chiekal duilx. Asax pachaema-elpox is-enil xamalliajwa, xamal naexasitampimliajwa Jesús pejwuajan. Xamal japox chiekal matabijam. Diosbej japox chiekal matabijt. ¹¹ Xamal chiekal matabijambej, kaenanula xamal naewuajna x kaes chiekal Dios xan-aboejalialjwam. Me-ama paxiw paxi chiekal naewuajan, xanalbej ja-an, xamal chiekal naewuajna x wut. ¹² To'ax xamal chiekal duilialjwam, me-ama Dios nejxasink duilialjwam. Dios xamal makanotbej japon pejiwaliajwam, chiekal matabijaliajwambej, Dios kaes pejme xabich pachaem.

¹³ Naewuajna x wut Dios pejjamechan, xamal nejchaxoelam: “Dios pejjamechan, japi naknaewuajanpox, diachwuajnakolax. Samata, Dios pejjamechan naexasisaxaes” —am, nejchaxoelam wut. Jawut japoxliajwa nejchaxoela-emil: “Japajamechan jiw pajut faekpoxan” —chi-emil, nejchaxoelam wut. Xanal naewuajna x diachwuajnakolax Dios pejjamechan. Samata, xamal Dios naexasitam xot, chiekal duilafulam. Samatabej, xanal Dios kawuajna x wut, gracias-an xamalliajwa. ¹⁴ Jesús pejwuajan naexasiti, Judea tuajnapijiw, nabijat nakaetuajnapijiw, judíos pijaxtat, naexasit xoti Jesús pejwuajan. Xamal-bej nabijatam nejtuaajnapijiw pijaxtat, Jesús pejwuajan naexasitam xot. ¹⁵ Judíos pejwuajnapijiw bapi profetas. Baxael, japi pamojiwbej boesapi wajpaklon Jesús. Amwutjelbej japi judíos pijaxtat, xanalbej nabijatax. Japi judíos nejwesla puexa asew jiw. Samata, Dios nejchachaemla-el japiliajwa. ¹⁶ Xanal Dios pejjamechan naewuajna x wut asew jiw, judíos-elpi, japibej Dios buweliajwas, judíos asbuan jumch nabuxfiat. Ja-aech wut, japi judíos xabich pejbuwuajan Diosliajwa. Samata, Dios xabich kastikaxaespi.

Pablo nejchaxoelpox pejme taeliajwa Tesalónica paklowaxpijw

¹⁷ Takoew, xamalxot majt nakolax wut, xabich piach xamal tae-enil. Pe nakiowa, xamal nejkiowa-enil. Nejchaxoelx pejme xamal taeliajwan. ¹⁸ Xan, Pablo, pin-iaveces xamal taesian. Pe Satanás pachaema-elpoxan is xot xanliajwa, xamal taeyaxinil. ¹⁹ Wajpaklon Jesucristo pejme pask wut, xanal xabich nejchachaemlaxaelen. Japon jumtaeliajwa xan jumchiyaxaelen xamal chiekal naexasitampoxliajwa, naewuajna x wut chimiawuajan, japon pejwuajan. ²⁰ Samata, xabich nejchachaemlax xamalliajwa.

3

¹ Xan kaes boejtaliasaxinil matabijsliajwan, ma-am xamal, amwutjel duilam wut. Samata, xan, Silas suapich, Atenas paklowaxxot kaweta namax. ² Xanal ja-an wut, wajkoewan Timoteo to'ax xamal taeliajwapon. Japon nabist Diosliajwa. Xan, japon suapich, jiw naewuajna x chimiawuajan, Jesucristo pejwuajan. Timoteo to'axbej xamal naewuajnalialjwa kaes Dios xanaboejalialjwam, chiekal nejchachaemlialialjwambej. ³ Samata, Timoteo to'ax xamal kajachawaesliajwa, xamalxot kaen nejxaejwas wut, asew jiw pijaxtat nabijat wuton. Xamal najut matabijam, Dios naktapaei nabijasliajwas. ⁴ Xamalxotx wut, chajia jum-an: “Asamatkoi xatis nabijasaxaes asew jiw pijaxtat, Jesús pejwuajan naexasich xot” —an xamalliajwa. Amwutjel xamal chiekal matabijam, ja-aech xotlixox xatisliajwa. ⁵ Kaes boejtaliasaxinil, chiekal matabijsasian xot, ma-am xamal, duilam wut. Samata, Timoteo to'ax xamal taeliajwapon, ma-am xamal, Dios xanaboejam wut. Xanlax nejchaxoelx ampo xamalliajwa: “Satanás bej xapaejasbej Tesalónica paklowaxpijw. Samata, bej kofabejpi naexasitpox Jesús pejwuajan. Samata, wajbichax japixot nakwenafoa” —anlax, nejchaxoelx wut xamalliajwa.

⁶ Pe Timoteo nawia'an wut xamalxotdin, chimiawuajan xapaton. Xamalpil nakiowa chiekal naexasisfulam Jesús pejwuajan. Nakaewa

chiekal nanejxasinkambej. Xamal nejkiowa-emilbej nejchaxoelaliajwam xanalliajwa, nanejxasinkam xot. Xamalpil xabich xanal nataesiam. Me-ama xanal xabich xamal taesian, xamalpil-is ja-ambej xanalliajwa. ⁷ Takoew, asew jiw pijaxtat xanal nabijatax wut, wultaenx xamal chiekal Jesús pejwujajan naexasisfulampox. Samata, xabich nejchachaemlax xamalliajwa. ⁸ Wultaenx wut Jesús pejwujajan chiekal naexasisfulampox, xanal kaes Dios xanaboejax. ⁹ Samata, xanal Dios kawujajna x wut, gracias-an xamalliajwa. Nejchachaemlaxbej xamalliajwa, Dios chiekal xanaboejam xot. ¹⁰ Xanal xabich Dios kawujajna x natapaeliajwapon xamal pejme tajut chiekal taeliajwan. Xamal pejme naewujajnasian kaes pejme matabijaliajwam, kaes pejme chiekal Dios xanaboejaliajwam.

¹¹ Xanal kawujajna x waj-ax Dios, wajpaklon Jesucristobej, naka-jachawaesliajwa xamal taeliajwan. ¹² Dios kawujajna xbej xamal kajachawaesliajwa nakaewa nanejxasinkaliajwam, puexa asew jiwbej, me-ama xamal nejxasinkax, xamalbej jachiliajwam, asew jiwliajwa. ¹³ Dios kawujajna xbej xamal kaes Dios xanaboejaliajwam, babijax isasamatambej, duilam wut. Ja-am wut, bu'wujajanjilaxaelam, asamatkoi, waj-ax Dios pejwujajnalel nuilam wut, wajpaklon Jesús kaxasik wut, puexa pejiw sapich.

4

Machiyaxaelpox Jesús pejwujajan naexasiti chiekal duilaliajwa, Dios nejchachaemlaliajwa japiliajwa

¹ Takoew, xanal chajia xamalxotan wut, naewujajna x machiyaxaelampox, duilam wut Dios nejchachaemlaliajwa xamalliajwa. Amwutjel chiekal duilam. Pe nakiowa, wajpaklon Jesús nato'a xot, kaes naewujajna xaelen xamal kaes chiekal duilaliajwam.

² Xamal matabijam, chajia xanal naewujajna x wut wajpaklon Jesús pijaxtat, machiyaxaelampox, duilafalam wut. ³ Xamal duilafalde, me-ama Dios nejxasink duilaliajwam! Dios nejwesla xamal poejwam bu'moejsliajwam asew watho'. Dios nejweslabej watho' bu'moejsliajwa asew poejw. ⁴ Dios nejxasink kaenanula xamal poejwam matabijaliajwam ampox. Pawis fitam wut nijowliajwa, inijowxot chiekal laelpde, me-ama Dios nejxasink! ⁵ Pawis fitam wut nijowliajwa, inabej fis asuan jumch japow pijaxkal nejxasinkaliajwam! Me-ama asew jiw, naexasis-elpi Dios, inabej ja-aeché' xamal! ⁶ Dios nejwesla aton bu'moejsliajwa asan pijow. Japox is wut, japon aton Dios xabich kastikaxaesón. Japoxliajwa chajia xamal naewujajna x, xamalxotan wutfuk. ⁷ Dios nakmakanot wut, nakmakanos-el isliajwas babijaxan. Dioslax nakmakanot chiekal duilaliajwas japonliajwa. ⁸ Asew jiw naexasis-el xanal naewujajna xpo xan. Japi japoxan naexasis-el xot, naexasis-elbejpi Dios, japon to'apon Espiritu Santo xatis nakka-jachawaesliajwa.

⁹ Xamal nakaewa nanejxasinkam, Dios pajut xamal kajachawaet xot. Samata, lelaxinil xamal to'aliajwan nakaewa nanejxasinkampoxliajwa. ¹⁰ Xamal nejxasinkam puexa wajkoew, Jesús pejwujajan naexasiti, potujajna xchapijiw, Macedonia tujajna xpijw. Amwutjel xamal jum-an kaes nejxasinkaliajwam japi jiw. ¹¹ Chiekal duilafalde! Chajia jum-an xamal chiekal nabichliajwam. Samata, inajut nejbichaxan nabichfalde! inabej

xandadus, asew jiw pijaxan! ¹² Xamal japoxan isfulam wut, kaeyax wewe'paxil. Ja-am wut, asew jiw, Jesús pejwujajan naexasis-eli, xamal chiekal sitaeyaxael.

Wajpaklon Jesús asamatkoi pejme pasaxoekpox ampathat

¹³ Takoew, xanal nejxasinkax xamal chiekal matabijaliajwam, machiyaxael jiw tupiliajwa. Kaen nejjiwxot, tup wut, xamal xabich nejxaejwaxillejen. Me-ama asew jiw, naexasis-eli Jesús pejwujajan, pejjiw tup wut, xabich nejxaejwas, xamal nabej ja-aeche', najut chiekal matabijam xot! ¹⁴ Xatis naexasich Jesús tuppox cruztat. Naexasichbej Jesús Dios mat-echpox pejme dukaliajwapon. Samata, chiekal matabijas, xatis naexasichpis Jesús pejwujajan asamatkoi tups wut, diachwujnakolax Dios nakmat-eyaxael pejme duilaliajwas.

¹⁵ Samata, xanal lelx Jesús chajia jum-aechpox. Asamatkoi japox diach chiekal jachiyaxael. Xatis ampathatat laelpaspisfuk Jesús pask wut, xatis matxoela fulaeyaxisal Dios poxase. Matxoelatupi, japilax, matxoela fulaeyaxael Dios poxase. ¹⁶ Japamatkoi, Jesús fuloeyaxoek wut, Dios pej-ángelespaklon pinjаметat nejlakchaxael. Do jawut, Dios pejtrompeta nejmesaxael. Jawut wajpaklon Jesús fuloeyaxoek. Jiw tupi, naexasiti Jesús pejwujajan, matxoela mat-eyaxaes pejme duilaliajwa. ¹⁷ Do jawut, xatis, Jesús pejwujajan naexasichpis, ampathatat laelpas wutfuk, wajpaklon Jesús nakbu'flaeyaxoi Dios poxase, mat-iaspi swapich, jaxotse pomatkoicha duilaliajwas. ¹⁸ Puexa xamal nejchachaemilde, nakaewa nanaewujnam wut ampawujajan!

5

¹ Takoew, xanal ampox lelx wut, lela-enil jumchiliajwan: “Japamatkoi-tat Jesús pasaxoek” —chiliajwan. Japon asamatkoi pajut chiekal pasaxoek. ² Xamal chiekal matabijam wajpaklon Jesús asamatkoi pejme pasaxoekpox. Chalechkal pasaxoekon, jiw japox nejchaxoela-el wut. Me-ama kithakan madoi chalechkal pat wut, jachiyaxael, wajpaklon Jesús chalechkal pasaxoek wut. ³ Jiw jum-aech wut: “Potujnucha chiekal wujajan ajil. Puexa jiw nejmach chiekal duil” —aech wuti, jawut chalechkal Jesús pejwujajan naexasis-eli Dios kastikaxaes. Me-ama pawis xabich wexaenks naxwulaliajwa wut, jachiyaxaelbej jiw, naexasis-eli Jesús pejwujajan, xabich kastikaxaes wut. Japi jiw xabich nabijasaxael. ⁴ Takoew, xamal, me-ama asew jiw, naexasis-eli Jesús pejwujajan, jnabej ja-aeche'! Japi pejnejachaxoelaxan, me-ama itkua'nik, babijaxan is xot. Xamal wujnawetam wajpaklon Jesús pasaxoekpox athulelsik. Japamatkoitat fuloek wuton, xamal nabej belwe'! Me-ama kithakan chalechkal pat wut, jiw beljow, xamal nabej ja-aeche', Jesús chalechkal pasaxoek wut! ⁵ Puexa xamal Jesús pejjiwam xot, itliakaxpijwam. Itkua'taxpijwa-emil. ⁶ Samata, Jesús pejjiws xot, chiekal nejchaxoelaxaes babijax isasamatas. Me-ama asew babijaxan is, xatislax jachiyaxisal. ⁷ Madoi jiw moejt. Jiw saxtaspi, japi madoi saxtas. ⁸ Xatis itliakaxpijwas xot, wajut chiekal natataeflaxaes babijaxan isasamatas. Kaes naexasisaxaesbej Dios pejjamechan, Satanás nakmalechasamata. Nakaewa nanejasinkaxaesbej. Dios xanaboejaxaesbej nakbu'welija'w. ⁹ Dios xatis nakmakanot wut, nakmakanosel nakkastikaliajwa. Nakmakanotlax nakbu'welija'w wajpaklon Jesucristo pijaxtat. ¹⁰ Jesucristo tup xatis nakbu'welija'w. Samata, Jesús

pejme fúloek wut, xatis ampathatat laelpaspisfuk, o, tups wutbej, jawut Jesús puexa xatis nakbúflaeyaxael duilaliajwas japonxotse. ¹¹ Xamal nakaewa nanaewuajnaproxlis nejchachaemlaliajwam, kaes Dios xanaboejalijwambej, ijapoxlap xamal nakaewa nanaewuajnafalde!

Pablo pejme naewuajanpox naexasiti Jesús pejuajan

¹² Takoew, xamal jum-an sitaeliajwam nabisti Diosliajwa xamalxot. Japi Dios makanoch xamal tataeflaliajwa, naewuajnalijwabejpi Dios pejjamechan. ¹³ Japi jiw chiekal sitaem! jNejxasinkdebej, nabist xoti Diosliajwa! Duilam wut, jchiekal duilafalde, asew jiw suapich!

¹⁴ Takoew, xamal to'ax jiw kiwecha nabichax to'aliajwam. Jesús pejuajan naexasiti, nejchaemil wut, japi jiw naewuajande nejchachaemlaliajwa! jKajachawae'ebej jiw Dios xanaboejapox chiekal mamnika-elpi, kaes chiekal Dios xanaboejalijwa! Asew jiw xamal taliat wut, jkamta nabej nalale'!

¹⁵ Asew jiw babijaxan is wut xamalliajwa, jxamal chiekal taem babijaxan isasamatam japi jiwliajwa! jXamallax isfalde pachaempoxan nakaewaliajwa, puexa asew jiwliajwabej!

¹⁶ jPomatkoicha nejchachaemildebej! ¹⁷ jDios kawuajandebej pomatkoicha! ¹⁸ jDiosliajwa gracias-amdebej puexa Dios ispoxanliajwa xamalliajwa! Japoxlap Dios xabich nejxasink xamal jumchiliajwam, naexasitam xot Jesucristo pejuajan.

¹⁹ Espiritu Santo xamal to'a wut isaxaelampox, ijapoxliajwa nabej nejchaxoele': "Xan japox isaxinil" —nabej aeche', nejchaxoelam wut! ²⁰ Profetas jum-aech wutbej asamatkoi jachiyaxaelpoxliajwa, jxamal nejchaxoelam wut, nabej nejchaxoele': "Japox asamatkoi diachwuajnakolax jachiyaxil" —nabej aeche', nejchaxoelam wut! jProfetas naewuajanpoxanliajwabej nabej jum-aeche': "Japi naewuajanpoxan, Dios buxto'aspoxana-el" —nabej aeche'! ²¹ jProfetas jum-aechpoxan xamal majt chiekal xapaejam Dios pejjamechantat! Do ja-am wut, xamal chiekal matabijaxaelam. Do jawutbej, jjum-amde: "Diachwuajnakolax japi Dios buxto'as naewuajnalijwa japajamechan" —amde, nejchaxoelam wut! Do jawut, japi chiekal naexasi'e! ²² jPuexa pachaema-elpoxan nabej is! jPuexa babijaxan ispixot xamal atujimbej!

²³ Dios, xabich pachaempon, japon pajut nej kajachawaes xamal chiekal duilaliajwam, is-elaliajwambej babijaxan! Dios xamal kajachawaet wut, xamal xabich pachaemaxaelam, wajpaklon Jesucristo pasliajwa wut. ²⁴ Jasoxtat Dios kajachawaesaxael, xamal makanot xoton japon pejiwaliajwam. Isaxaelbejpon puexa chajia jumdutpoxan.

Pablo to'apox naexasiti Jesús pejuajan nakaewa nasaludaliajwa, Tesalónica paklowaxpijw

²⁵ Takoew, jxamal Dios kawuajande xanalliajwa!

²⁶ jJesús pejuajan naexasitampim, nakaewa chiekal nasaludam!

²⁷ Dios pijaxtat xamal to'ax ampox carta chanaexaljoeliajwam puexa wajkoew, Jesús pejuajan naexasitiliajwa.

²⁸ Xan wajpaklon Jesucristo kawuajnax xamal xabich kajachawaesliajwapon.

Wachakalcarta, Pablo lelpox, Tesalónica paklowaxpijiwliajwa

Pablo lelpox carta, Silvano suapich, Timoteo suapichbej, Tesalónica paklowaxpijiwliajwa

¹ Xan Pablo, Silvano suapich, Timoteo suapichbej, lelx ampox carta, xamal Jesús pejwñajan naexasitampimliajwa, Tesalónica paklowaxpijwamliajwa. Waj-ax Dios, wajpaklon Jesucristobej, xamal japi pejiwam. ² Xanal Dios kawñajna, Jesucristobej, japi xamal xabich kajachawaesliajwa, chiekal duilaliajwambej, asew jiw suapich.

Dios kastikaxaelpox jiw, babijaxan ispi, Cristo pejme pask wut

³ Takoew, xamal Dios xanaboejampox kaesful. Asew jiw nejxasinkampox kaesfulbej. Samata, xanal Dios kawñajna wut, jum-an: “Gracias-an, xam jasoxtat kajachawaesfulam xot Tesalónica paklowaxpijiw” — an Diosliajwa xamalliajwa. ⁴ Xamal xabich nabijatam wut asew jiw pijaxtat, kofa-emil Dios xanaboejampox. Samata, xanal xabich nechachaemlax xamalliajwa. Samatabej, asapaklowaxanpijiw, naexasiti Jesús pejwñajan, chapaeix japoxliajwa. ⁵ Xamal Dios chiekal xanaboejam xot, puexa jiw pajut chiekal matabija, Dios puexa ispoxan xabich chiekal pachaem. Samata, xamal pasaxoemch Dios tato'alxotse, ampathatat xabich nabijasfulam xot.

⁶ Japi jiw xabich babijaxan is xot xamalliajwa, Dios kastikaxaespi. ⁷ Amwutjel xamal nabijatampim, me-ama xanal, ja-ampim. Nabijataspoxan toep wut, kaes nabijasaxisal, wajpaklon Jesús fuloek wut athulelsik, ángeles suapich, xabich mamnikpi. Japi fuloek wut, fulaeyaxoeki tamdadusaxtat. ⁸ Wajpaklon Jesús fuloek wut, kastikaxaelon jiw, naexasis-elpi Dios. Kastikaxaelbejpon naexasis-elpi chimiawñajan, wajpaklon Jesucristo pejwñajan. ⁹ Japi pomatkoicha kastikaxaes. Atua j pelsaxesbejpi Dios pejwñajnalel. Japon Dios, xabich mamnikpon, tapaeyaxilbejpon japi japonxotse pasliajwa. ¹⁰ Wajpaklon fuloek wut, japamatkoi, puexa naexasiti Jesús pejwñajan jumchiyaxael japonliajwa: “Xam xabich pachaemam” —chiyaxaeli. Japi xabich sitaeyaxaelbej Jesús. Xanal naewñajna wut Jesús pejwñajan, xamalbej chiekal naexasitam. Samata, xamalbej asamatkoi Jesúsxotaxaelam.

¹¹ Samata, xanal Dios kawñajna xamal pachaemaliajwam, me-ama Dios nejxasink. Dios kawñajna xamal japon kajachawaesliajwa, puexa pachaempoxan isasiam wut isliajwam, naexasitam xot Jesús pejwñajan. ¹² Japoxan isam wut, puexa jiw jumchiyaxael chimiajamechan wajpaklon Jesúsliajwa. Ja-am wut, asew jiw xamal sitaeyaxael, Dios, wajpaklon Jesucristobej, xamal kajachawaet xot.

2

Babekolan matxoela pasaxaelpox, Jesucristo pejme pasliajwa wut

¹ Takoew, wajpaklon Jesús pejme pask wut, xatis naktamejaxaelon. Xanal lelx ampox xamal matabijaliajwam. Jesucristo pasliajwa wut, majt asaxan jachiyaxael. ² Aton jum-aech wut: “Xan matabijtax Espiritu

Santo pijaxtat. ¡Jesús pasklison!” —aech wuton, ¡japon aton nabej naexasis! Asan aton jum-aech wutbej: “Xan tajut taenx Jesús. ¡Japon pasklison!” —aech wuton, ¡japon atonbej nabej naexasis! Asan aton jum-aech wutbej: “Pablo carta nahto'a xanliajwa. ¡Jesúspilis pask!” —aech wuton, ¡japon atonbej xamal nabej naexasis! ³ Japoxan jiw jum-aech wut, ¡xamal chiekal taem Jesús pasaxaelpoxliajwa xamal naekichachajbasamatapi! Mox pawuajna wut Jesús pasliajwa, xabich jiw kofaxael naexasitpox Dios pejjamechan. Japi jiw Dios padaelmajiw nadofaxael. Japamatkoi kaen, babejkolan, pasaxael. Japon babejkolan asamatkoi Dios xabich kastikaxaesón. ⁴ Dios padaelmanaxaelon. Nejweslaxaelbejpon Dios. Japonbej nejweslaxael asaxan, jiw kawuajanpoxan. Japon leyaxael Dios pejtemploba. Jaxot nosaxaelon pejtua-ekax jiw tato'laliajwa, Dios pejtemplobatat. Do ja-aech wut, pajut najumchiyaxaelon: “Xan Diosnan” —nachiyaxaelon xabich jiw naekichachajbaliawja.

⁵ Xamalxotx wut, chajia jum-an japon babejkolan pasaxaelpoxliajwa. ¿Xamalkat nejkiowam, jum-an wut japoxliajwa? ⁶ Xamal chiekal matabijam, Dios tapae-el babejkolan pasasamatafuk. Dios markpox, matkoi, pat wut, jawut japon babejkolan pasaxael. ⁷ Ampamatkoiyan jiw xabich kaes babijaxan is. Pefuk babejkolan pasaxilfuk. Dios tapaeis wut, jawut babejkolan pasaxael babijaxan isliajwa. ⁸ Babejkolan tapaeis wut pasliajwa, japon pasaxael. Do jawux, wajpaklon Jesús pask wut, jiw taeyaxael Jesús pijax pamamax. Do jawut, Jesús kaefulaxtat matkaelaxaelon babejkolan. ⁹ Japon babejkolan ampathatat wutfuk, xabich kajachawaesaxaesón Satanás puexa jiw taeliajwa babejkolan pejpamamax. Samata, babejkolan nejmachkoechaxan isaxael xabich jiw naekichachajbaliawja. ¹⁰ Isaxaelbejpon xabich babijaxan jiw naekichachajbaliawja. Japon pijaxtat xabich jiw napelsaxael Diosliajwa, naexasis-el xoti Jesús pejwuajan, diachwuajnakolaxpox, Dios bu'welijwas. ¹¹ Samata, Dios tapaejaxael babejkolan jiw naekichachajbaliawja. Jiw naexasisaxael naekichachajbaspoxan. ¹² Samata, puexa japi jiw Dios kastikaxaes, naexasis-el xoti diachwuajnakolaxpox. Japi jiw asbuan jumch nejchachaemil, isful wut babijaxan.

Dios makanotpox Tesalónica paklowaxpijiw, japi bu'welijwapon

¹³ Takoew, Dios that is-el wutfuk, Dios chajia nejchaxoel xamal makanosliajwa japon pejiwaliajwam, bu'welijwabejpon xamal. Naexasitam xot Dios pejjamechan, diachwuajnakolax Dios pejiwam Espiritu Santo pijaxtat. Samata, xanal Dios kawuajna wut, Dios gracias-an xamalliajwa. ¹⁴ Dios xamal makanot japon pejiwaliajwam. Samata, Dios xanal nato'a xamal naewuajnalialjwan chimiawuajan, Jesús pejwuajan, Dios xamal bu'welijwa. Ja-an wut, xamal naexasitam japawuajan. Samata, duilaxaelam, Jesucristo suapich, Diosxotse.

¹⁵ Samata, takoew, ¡Dios chiekal naexasisfulde! ¡Nabej nejkiowe' naewuajna xpox, Jesús pejwuajan! ¡Nabej nejkiowe'bej xanal tajut naewuajna xpoxan, naewuajna xpoxanbej cartanxot! ¹⁶ Wajpaklon Jesucristo, waj-ax Diosbej, japi naknejxasink. Nakbeltaenbejpi. Nakkajachawaetbejpi xatis wajlewlasamatas. Nakkajachawaetbejpi xatis wuajna wesliawjas wajpaklon Jesucristo pasliajwa athulelsik. ¹⁷ Xanal Dios kawuajna xamal kaes Dios xanaboejalijwam. Dios kawuajna xbej puexa xamal jum-ampoxan pachaemaliajwa, isfulampoxanbej.

3

Pablo to'apox Tesalónica paklowaxpijiw Dios kawñajnalijwa japonliajwa

¹ Takoew, kaes lelaxaelen ampox xamallijwa. ¡Dios kawñajande xanallijwa, jiw naewñajnax wut chiekal naewñajnalijwan! ¡Dios kawñajandebej, xanal jiw potñajñcha naewñajnax wut kamtalejen jiw chiekal naexasisliajwa Jesús pejwñajan, me-ama xamal kamta naexasitam, jachiliajwabej japi jiw! ² ¡Dios kawñajande japon xanal natataeflaliajwa, jiw babejchow babijaxan isasamata xanallijwa, puexa jiw naexasis-el xot Jesús pejwñajan! ³ Pe nakiowa, Dios nakkajachawaesaxael. Dios kajachawaesaxael xamal kaes xanaboejalijwam japon. Dios tataeflaxaelbej xamal malechasamata, Satanás xapaaja wut xamal. ⁴ Xanal nejchaxoelx xamallijwa: “Tesalónica paklowaxpijiw Dios kajachawaesaxaes. Samata, japi puexa isaxael xatis tato'laspoxan” —an xanal, nejchaxoelx wut xamallijwa. ⁵ Xanal Dios kawñajnax xamal kajachawaesliajwapon asew jiw nejxasinkaliajwam, me-ama Dios nejxasink xamal, jachiliajwam xamal asew jiwliajwa. Dios kawñajnaxbej, xamal nabijatam wut japon kajachawaesliajwa. Me-ama Cristo nakiowa Dios naexasisful, nabijat wut, ¡xamalbej ja-amsfulde!

Jesús pejwñajan naexasiti nabichaxaelpox pajut natataeflaliajwa

⁶ Takoew, xanal lelx wut, jum-an wajpaklon Jesucristo pijaxtat. Aton, naexasitpon Jesús pejwñajan, kiwechan wut nabichliajwa, ¡japon atonxot xamal nadijim, naexasis-el xoton xanal naewñajnaxpox! ⁷ Xamal chiekal matabijam, ma-an xanal, xamalxot duilx wut. Ja-an xanal, xamalbej matabijaliajwan chiekal duilaliajwam. Xamalxotan wut, tajut nabistax wñajsliajwan nawewe'ppoxan. ⁸ Xamalxotan wut, malech naxaeyaxan wuljoe-enil. Wuljowx wut, xatamotx. Naewñajna-enil wut, tajut nabistax matkoi, madoi wutbej, plata kanaliajwan, kaen xamalxot xanal nawewe'ppoxan nawemosasamata. ⁹ Wajpaklon Jesús xanal natapaei xamal wuljoeliajwan nawewe'ppoxan, xamal naewñajnax wut japon pejwñajan. Pe nakiowa, wuljoe-enil xamal. Xanallax tajut nabistax, xamalxotan wut, xamalbej najut nabichliajwam wñajsliajwam xamal wewe'ppoxan. ¹⁰ Xamalxotan wut, jum-an: “Aton kiwesla wut nabichliajwa, ¡japon nej xae-ele'!” —an xan. ¹¹ Xanal wultaenx xamalxot asew nabich-elpox. Pomatkoicha japi jiw asbñan jumch mathñ. Nabichaxaelpi itsalti asbñan jumch. ¹² Jasi jiwliajwa wajpaklon Jesucristo xan nato'a jumchiliajwan: “¡Japi jiw pajut nej nabich wñajsliajwa wewe'paspoxan!” —chiliajwan.

¹³ Takoew, ¡nabej kofe' isliajwam pachaempoxan asew jiwliajwa! ¹⁴ Jiw naexasis-el wut xan lelxpox carta, ¡japi sñapich, nabej nanñams! Ja-am wut, japi jiw pajut padalaxael. ¹⁵ ¡Pe xamal nabej nejchaxoele' japi jiwliajwa: “Japi jiw tadaelmajiw” —nabej aeche', nejchaxoelam wut! ¡Asbñan jumch chiekal naewñajande, japi naexasit xot Jesús pejwñajan!

Pablo amxot kitoesaxaelpox lelpox

¹⁶ Wajpaklon Jesucristo nakkajachawaet chiekal duilaliajwas. Dios kawñajnax xamal pomatkoicha chaliajwapon, kajachawaesliajwabej xamal chiekal duilaliajwam nejmachtñajñchanxot.

¹⁷ Xan Pablo, ampox tajut lelx xamal saludaliajwan. Ja-an, xan kaenanula cartan lelxxot. Tajwalbej jaxot lelx xamal puexa chiekal matabijaliajwam xan xato'axpox. ¹⁸ Xan wajpaklon Jesucristo kawhajnaj puexa xamal kajachawaesliajwa.

Matxoelacarta, Pablo lelpox, Timoteoliajwa

Pablo lelpox carta Timoteoliajwa

¹ Xan Pablo, Jesucristo pej-apóstolan, japon pejwñajan jiw naewñajnalijwan. Dios, jiw bu'weyaxaelpon, japon xan namakafit Jesucristo pej-apóstolliajwan. Wajpaklon Jesucristo, xatis wñajnowechpon pasliajwasik, japonbej namakafit pej-apóstolliajwan. ² Timoteo, ampox carta lelx xamliajwa. Xam, me-ama taxuñnam, naknaexasitam xot Jesús pejwñajan, naewñajna x wut. Samata, xan waj-ax Dios kawñajna x, wajpaklon Jesucristobej, xam kajachawaesliajwapi, xam beltaeliajwabejpi. Dios kawñajna xbej xam chiekal dukaliajwam Diosliajwa, Jesúsliajwabej, jiwliajwabej.

Pablo to'apox Timoteo, japon buxfiasliajwa asawñajan naewñajanpi

³ Macedonia tuajnu poxadax wut, xam to'ax namanaliajwam Éfeso paklowaxxot japi jiw chiekal naewñajnalijwam. Xan nejxasinkax xam jaxot namanaliajwam asew jiw buxfiasliajwam, japi naewñajanpi asawñajan Jesús pejwñajanliajwa. ⁴ Japi jiw naewñajanbej asawñajan, pajut faekwñajan. Chapaeibejpi puexa pejwñajnapijiw isroxan. Jarawñajan pachaema-el japiliajwa. Jarawñajanliajwa jiw nakaewa najum-aech wut, asbuan jumch nakaewa nabunloti. Samata, jiw kaes Dios xanaboeja-el naexasisliajwapi Jesús pejwñajan.

⁵ Samata, xam to'ax japi jiw buxfiasliajwam. Dios nejxasink xatis naewñajnalijwas, nakaewa nanejxasinkaliajwasbej. Samata, nakaewa nanejxasinkas wut, isaxaes pachaempoxan nakaewaliajwa. Dios chiekal xanaboejaxaesbej. Nejchaxoelaxisal isliajwas pachaema-elproxan. ⁶ Asew japixot nakaewa nanejxasinkprox nakofapi. Amwutjel japi jiw asbuan jumch nakaewa najum-aechful pachaema-elproxan. ⁷ Japi naewñajan wut Moisés chajia lelpox, nejxasink asew jiw jumchiliajwas japiliajwa: “Ampi jiw chiekal naewñajan Moisés chajia lelpox” — chiliajwas. Japi, me-ama chiekal matabija wut, ja-aechi. Pe japi jiw pajut chiekal matabija-el Moisés chajia lelpox.

⁸ Xatis matabijas, Moisés chajia lelpox pachaem japox jiw naewñajnalijwas. Pe jiw chiekal pajut matabijaxael, ma-aech xot Moisés japox lel. ⁹ Xatis wajut matabijaxaes ampox. Paklochow lel wut tato'alpox, japi japox lela-el fiasliajwa jiw, ispi pachaempoxan. Japilax japox lel jiw fiasliajwa, babijaxan is wut, kastikaliajwabejpi. Japox lelbejpi kastikaliajwa jiw, sitae-elpi Dios, naexasis-elpibej Dios. Japox lelbejpi kastikaliajwa paxjiw bapi, penjiwbej, asew jiwbej. ¹⁰ Japox lelbejpi fiasliajwa poejiw bu'moejsasamata asew watho', watho'bej asew poejiw bu'moejsasamata. Japox lelbejpi fiasliajwa nakaepoejwa nabu'moejsasamata, watho'bej nakaewatho'a nabu'moejsasamata. Japox lelbejpi fiasliajwa asew jiw mowasamata asatuajnuñchanlel, japi jiw esclavos nadofaliajwa. Japox lelbejpi fiasliajwa jiw kichachajbasamata. Japox lelbejpi fiasliajwa, jiw jumduw wut japox is-elasamata. Japox lelbejpi fiasliajwa naexasislamata diachwñajnakolaxwñajan. ¹¹ Jesús pejwñajan, chimiawñajanxot,

jum-aech japox diachwujnakolaxwujajan, Dios nabuxto'apox naewujnaliajwan. Dios, japon xabich pachaem.

Pablo gracias-aechpox Jesucristoliajwa, Jesucristo kawujajan wuton

¹² Wajpaklon Jesucristo chiekal matabijt, japon nato'apox isaxaelenpox. Samata, japon pajut nakajachawaesful, asew jiw naewujnax wut japon pejwujajan. Samata, gracias-an Jesucristoliajwa, Jesucristo kawujnax wut. ¹³ Majt naexasis-enil wutfuk Jesús pejwujajan, xan jum-ansfulax babejjamechan Jesúsliajwa. Chakifolxbej naexasiti Jesús pejwujajan. Japox isx wut, Dios nakiowa nabeltaen. Japox isfulax wut, xan tajut chiekal matabijs-enil, babijax isfulax wut, naexasis-enil wutfuk Jesús. ¹⁴ Wajpaklon Jesucristo xan xabich nakajachawaet. Samata, japon naexasitx kaes xanaboejsliajwan. Do jawut, japon nakajachawaetbej asew jiw nejxasinkaliajwan.

¹⁵ Ampox diachwujnakolax. Samata, puexa jiw chiekal naexasisaxael. Jesucristo fuloek ampathatasik jiw, babijaxan ispi, bu'weliajwa. Xan kaes babijaxan isx. Me-ama puexa asew jiw, xan jachi-enil. ¹⁶ Xan japoxan isx wut, Dios nakiowa nabeltaen. Ja-aech wut, puexa jiw chiekal matabija Jesucristo xabich piach palala-elpox xanliajwa. Japon kamta xan nakastika-el, naexasisfula-enil wut. Samata, jiw pajut chiekal matabijaxael, xabich wuti babijaxan ispoxan, Dios nakiowa beltaeyaxaesi, me-ama xan Dios nabeltaen. Japi jiw Dios beltaens wut, duilaxael pomatkoicha Diosxotse. ¹⁷ Samata, pomatkoicha jumchiyaxaes Diosliajwa: "Xam xabich pachaemam" —chiyaxaes. Dios, kaen paklon puexa jiwliajwa, pomatkoichaliajwabej. Pomatkoicha dukpon. Chinax kaen aton taeyaxil Dios. Japon Dios chiekal kaekolan. Japon jachiyaxael pomatkoicha.

¹⁸ Xam Timoteo, taxulan wut, ja-am. Samata, jisde xan to'axpox asew jiw naewujnaliajwam Dios pejjamechan! Japoxliajwa asew jiw, naexasiti Jesús pejwujajan, majt jum-aechi xam naewujnaxaelampoxliajwa. Asew jiw naewujnam wut Dios pejjamechan, tampoelaxael. Ja-aech wut, jxam nakiowa naewujande! Me-ama soldawan nakiowa naba, chachoel wut japonliajwa, jxamlap-is ja-amde, Dios pejjamechan jiw naewujnam wut! ¹⁹ Japox isam wut, jDios xanaboejsfulde! jIsfuldebej pachaempoxan, me-ama xam matabijtam isfulaliajwam! Asew jiw matabija wut pachaempoxan isliajwa, japoxan is-eli. Samata, japi jiw kofa Dios xanaboejapoxan. ²⁰ Japox ja-aech Himeneo, Alejandro snapich. Samata, jum-aechi babejjamechan Diosliajwa. Japoxan japi buxkofaliajwa, xan japi jiw woeyax Satanásxot, wuxataeliajwapi jaxot wut.

2

Jesús pejwujajan naexasiti Dios kawujnaxaelpox puexa asew jiwliajwa

¹ Timoteo, xan xabich nejxasinkax naexasiti Jesús pejwujajan Dios kawujnaliajwa puexa asew jiwliajwa. Japi jiw Dios kawujajan wut, graciaschiyaxaelbejpi Diosliajwa, Dios puexa jiw kajachawaetpoxliajwa. ² Japi, naexasiti Jesús pejwujajan, Dios kawujnaxaelbejpi Dios chiekal kajachawaesliajwas jiw tato'alpi, nabistibej japiliajwa. Ja-aech wut, ajilaxael nabeyax. Samata, xatis chiekal duilaxaes. Ja-aech wut, xatisliajwa chiekal pachaemaxael Dios naexasisfulaliajwas, me-ama japon nejxasink. ³ Pachaem, xatis Dios kawujnas wut asew

jiwliajwa. Dios, nakbu'wiapon, nejhachaemilbej, japon kawuajnas wut asew jiwliajwa. ⁴ Dios bu'wesia puexa jiw. Nejxasinkbejpon puexa jiw matabijaliajwa Jesús pejwuajan, diachwuajnakolaxpox. ⁵ Dios kaen. Do kaes asan Dios ajil, me-ama Dios, jason. Jesucristobej kaen. Japonlap asamatkoi jiw bu'flaeyaxael Dios poxase. ⁶ Cristo pajut natapaei asajiw kimatamatlaliajwas puexa jiw babijaxan ispoxan wemosliajwapon, Dios puexa jiw bu'welialjwa. Japawuajan Dios naktapaei matabijaliajwas, naewuajnalialjwasbej asew jiw ampamatkoiyan. ⁷ Samata, Dios xan namakafit apóstolliajwan, potuajnucha judíos-elpi naewuajnalialjwan chimiawuajan, Jesús pejwuajan. Xan jum-anpox, diach chiekal wuajnakolax. Kichachajba-enil.

⁸ Xan nejxasinkax poejiw potuajnucha Dios kawuajnalialjwa. Japi muaxxachoeyaxael, Dios kawuajan wut. Japi poejiw, chiekal pachaempi, me-ama Dios nejxasink. Palala-elpibej, asew jiw suapich. Majt nalot wut, asew jiw suapich, chiekal chaempibejilis. ⁹ Xan nejxasinkaxbej watho' naxoelialjwa, mado' ipachaem. Do japoxantat watho' naxoeyaxael. Watho' nachaemt wut, chiekal mathiayaxael. Xabich duiyaxil oro, perlasbej. Watho' naxoeyaxilbej yiafan, xabich ommaenkpi. ¹⁰ Jachiyaxil watho', naexasiti Jesús pejwuajan. Japi watho'lax isaxael pachaempoxan asew jiw kajachawaesliajwa. Ja-aech wut, asew jiw sitaeyaxaesi. Japi watho'liajwa jumchiyaxaesbej: “Japi watho' xabich pachaem” —chiyaxaesi. ¹¹ Poejiw Dios pejjamechan naewuajan wut, watho' boejlach chalakaxael chiekal naewesliajwa. Ja-aech wut, asew jiw nejchaxoelaxael japi watho'liajwa: “Japi watho' diachwuajnakolax chiekal sitaen, asew jiw naewuajan wut Dios pejjamechan” —chiyaxael jiw, nejchaxoels wut japi watho'liajwa. ¹² Xan tapae-enil watho' naewuajnalialjwa Dios pejjamechan, jiw natameja wut. Watho'lax chiekal boejlach chalakaxael naewesliajwa Dios pejjamechan. Watho' tato'laxil poejiw. ¹³ Dios matxola is Adán. Do jawux, Adán pijow ispon. Samata, watho' tato'laxil poejiw. ¹⁴ Adán naekichachajba-esal Satanás. Eva naekichachajbas Satanás. Samata, japow naexasis-el Dios. ¹⁵ Watho', paxipi, chiekal isful wut puexa Dios tato'laspoxan paxi chiekal ti'sliajwa, ja-aech wut, Dios bu'weyaxaes japi watho'. Japi watho'bej chiekal naexasisaxael Jesús pejwuajan. Asew jiw nejxasinkaxaelbejpi. Chiekal duilaxaelbejpi, me-ama Dios nejxasink.

3

Masi poejiw makanosaxaes pox ancianosliajwa, japi chiekal tato'laliajwa Jesús pejwuajan naexasiti

¹ Ampox diach chiekal wuajnakolax. Kaen ancianosa wut naexasiti Jesús pejwuajan tato'laliajwa, japox bichax xabich pachaem. ² Makafisaxaespon ancianoliajwa, japon aton chiekal pachaempon asew jiwliajwa, japonaxaellape. Japonbej puexa jiw jumtispon: “Ampon aton babijax is-el” —tispon. Japonbej kaeow pijow. Japonbej chiekal natataeful pajutliajwa isasamata pachaema-elpoxan asew jiwliajwa. Japonbej asew jiw sitaenspon. Japonbej chiekal asew jiw bu'kula, pejbatat jiw pat wut. Japonbej chiekal xajup asew jiw naewuajnalialjwa. ³ Japonbej saxa fe-el saxsliajwas. Japonbej nabeyax nejxasinka-el. Japonbej nejxasinka-el nalosax, asew jiw suapich. Japonbej nejxasinka-el xabich plata kanaliajwa. ⁴ Japonbej chiekal tato'alpon pejbapijw.

Japonbej paxi to'a wut, chiekal owtis. Japonbej chiekal sitaens paxi. ⁵ Kaen aton chiekal tato'la-el wut pejbapijiw, ja-aech wut, japon chiekal tato'laxilbej naexasiti Jesús pejwujaw. ⁶ Jesús pejwujaw jelnaexasitpon, japon aton chiekal pachaema-elfuk ancianoliajwa. Japon aton makafich wut ancianoliajwa, nejchaxoelaxaelon: “Xan kaes pejme pachaeman. Me-ama asew jiw, jachi-enil” —chiyaxaelon, nejchaxoel wut. Japox nejchaxoel wut, japon aton Dios kastikaxaes. Me-ama Dios kastika wut Satanás, jachixaesbej japon aton. ⁷ Makafisaxaespon ancianoliajwa, japon chiekal sitaeyaxaes asew jiw, naexasis-eli Jesús pejwujaw. Ja-aech wut, asew jiw japon aton wujumchiyaxisal. Satanásbej xajupaxil japon anciano naewujawpox wetoesliajwaspon.

Masi poejiw makanosaxaespox diáconosliajwa, japi kajachawaesliajwa ancianos

⁸ Makanosaxaespi diáconosliajwa, japibej puexa jiw chiekal sitaenspilis. Japibej kichachajba-el. Japibej saxa fe-el saxsliaw. Japibej nejchaxoela-el isliajwa babijaxan xabich plata kanaliajwa. ⁹ Japibej babijax is-el, chiekal naexasit xoti diachwujnakolaxpox, Cristo pejwujaw. Japi nejchaxoel wut Jesús pejwujawliajwa, nejchaxoela-el: “Ampawujaw diachwujnakolaxa-el” —chi-eli, nejchaxoel wut. ¹⁰ Makanosaxaespi diáconosliajwa, japi matxoela xapaejaxaes naexasiti Jesús pejwujaw, matabijaliajwa japi pachaem wut. Japi pachaem wut, makanosaxaes diáconosliajwa. ¹¹ Makanosaxaespi diáconosliajwa, japi pejwatho' chiekal sitaeyaxaespi asew jiw. Japi watho'bej buxwujawmaenkaxilpi asew jiwliajwa. Japi watho'bej pajut chiekal natataefulpi, asax isasamata, pachaema-elpox. ¹² Poejiw makanosaxaespi diáconosliajwa, japi kaenanula pijowaxaelpi. Japibej chiekal matabijapi paxi tato'laliajwa, pejbachanpijiwbej. ¹³ Japi diáconosbichax chiekal isful wut, puexa jiw chiekal sitaeyaxaes. Ja-aech wut, diáconos buxdalaxil pajut chapaeliajwapi puexa jiw naexasitpox Jesucristo pejwujaw.

Pablo lelpox naewujawniajwapon Timoteo diachwujnakolaxpox Jesu-cristoliajwa

¹⁴ Timoteo, xan ampox carta lelx wut, nejchaxoelx: “Asamatkoi chalechkal pasaxaechan Éfeso paklowaxxot Timoteo taeliajwan” — an, nejchaxoelax wut. ¹⁵ Pe nakiowa, xan piach kijlax wut pasli-ajwan xamxot, ampox carta xaljowam wut, xam matabijsaxaelam, naexasiti Jesús pejwujaw machiyaxael, duil wut. Japi jiw, Dios potatkoichapon pejiwpi. Samata, japi jiw naewujawnaexael asew jiw Jesús pejwujaw. Japibej buxfiasaxael, asew jiw naewujaw wut asawujaw, Jesús pejwujawana-el wut. ¹⁶ Jesús pejwujaw diach chiekal wujnakolax xabich pachaem, xatis naexasichpox. Dios nakkajachawaet japawujaw jumtatabijaliajwas. Jiw himnotat jajuw wut, jum-aechi:

“Cristo nalaelt ampathatat. Do jawux, Cristo tɔp wut cruztat, tres matkoi wut, Dios mat-ech wutbejpon, pejme dukon, jiw pajut matabijaliajwa Cristo Dios paxulanpon. Jawux japon bu'fos Dios athuse, Dios poxase. Jawut ángeles taenpi Cristo. Do jawux, Cristo pejnachala naewujaw xabich asew jiw, asatujawuchanpijiw, Cristo pejwujaw. Samata, japi xanaboeja Cristo” —aech jiw, jajuw wut himno.

4

Asew jiw kofaxaelpox Jesús pejwñajan naexasitpoxliajwa

¹ Espiritu Santo nakjũm-aech xatis chiekal matabijaliajwas amprox. That toepax mox pawñajna wut, naexasitpoxot Jesús pejwñajan, asew jiw kofaxael, japi jiw naekichachajbaxaes xot. Japi asew jiw naewñajnasprox naexasisaxaeli. Japanaewñajna, Satanás pejnaewñajna. ² Japi naexasisaxael naekichachajbapijiw naewñajanpoxan. Japawñajan, me-ama diachwñajnakolax wut, wejachiyaxaesipox. Naekichachajbapijiw asew jiw naewñajan wut, padalaxili. Samata, chiekal nejmach naewñajnaaeli. ³⁻⁴ Japi naekichachajbapijiw naewñajan wut, japi asbuan jũmch jiw fiasaxael nakjijasamata. Kaechafiasaxaelbejpi asanaxaeyaxan, nejmachnaxaeyaxan jiw xaesamata. Pe xatis, Jesús pejwñajan naexasichpis, chiekal matabijas. Xatis Diosliajwa graciastis wut, puexa Dios ispoxan pachaem xaeliajwas. Kaen aton jũmchiyaxil: “Amprox xaelx wut, pachaemaxil Diosliajwa” —chiyaxilon. Dios ispoxan xaes wut, graciashiyaxaes Diosliajwa. ⁵ Dios pejjamechan, chajia lelsprox, jũm-aech wut, jũm-aechox: “Puexa nejmachnaxaeyaxan pachaem xatis xaeliajwas” —aechox. Samata, Diosliajwa graciastis wut, japoxan pachaem xatis xaeliajwas.

Pablo naewñajanpox Timoteo

⁶ Xam chiekal naewñajnam wut naexasiti Jesús pejwñajan xan jũm-anpoxan, ja-am wut, xam pachaemaxaelam Jesucristo tanbichliajwam. Xam kaes Dios xanaboejsliajwam, chiekal naexasisaxaelam chajia xan jũm-anpoxan, xam naewñajna wut.

⁷ ¡Nabej naexasis jiw pajut faekwñajan, japi naewñajan wut japox! Japawñajan pachaema-el, Dios pejjamechana-el xot. ¡Xam chiekal matabijtam naexasisliajwam Dios jũm-aechpoxan! ⁸ Najaesax pachaem wajbu'anliajwa. Pe kaes pejme pachaem xatisliajwa Dios xanaboejasprox. Samata, xatis laelpas wut, Dios nakkajachawaesaxael. Baxael, tups wutbej, Dios nakkajachawaesaxael duilialiajwas japonxotse. ⁹ Amproxlap diachwñajnakolax. Samata, xatis puexa chiekal naexasisaxaes. ¹⁰ Samatabej, xatis xabich nabistas Dios pijax bichax. Jatis Dios, pomatkoicha dukpon, xanaboejas xot. Dios puexa jiw bu'weyaxael, naexasiti Jesús pejwñajan.

¹¹ ¡Xan lelxpoxan xam jiw naewñajande! ¡Jiw tato'aldebej amproxan chiekal naexasisliajwapi! ¹² Diachwñajnakolax xam chiekal pati'na-emil. Pe nakiowa, xam naewñajnam wut, ¡nabej tapae' jiw naewñajnamproxan naexasislasamata, chiekal pati'na-emil xot! Jesús pejwñajan naexasitixotam wut, ¡chiekal dukde xam japi jiw nakxataeliajwa! ¡Jiw naewñajnam wutbej, chiekal chamoeyaxtat naewñajande! ¡Nejxasinkdebej asew jiw! ¡Dios chiekal xanaboejsfuldebej xam kajachawaesliajwapon! ¡Nabej isbej babijaxan! ¹³ Xan pas-enil wutfuk xamxot, naexasiti Jesús pejwñajan sũapich, natamejlam wut, ¡Dios pejjamechan, chajia lelsprox, chanaexaljoem! Do jawut, ¡chiekal chanaekabuanimbej japoxanliajwa jiw nejchachaemlialiajwa, Dios kaes xanaboejalialjwabejpi! ¹⁴ ¡Isfulde Dios xam tato'alpoxan! Ja-am wut, Dios kajachawaesfulaxael. Nejchaxoelam wutbej, ¡nejchaxoelde ancianos majt ki-owapoxliajwa nejta'tat, Dios kawñajan wuti xamliajwa! Jawut ancianos Dios to'as

japi xam jumchiliajwa: “Dios xam makafit japon tanbichliajwam” — chiliajwapi.

¹⁵ ¡Puexa xan tato'laxpoxan chiekal isfulde! Ja-am wut, puexa jiw xam taeyaxael chiekal dukampos. ¹⁶ ¡Najut chiekal natataeflfulde babijax isasamatam! Jiw naewuajnam wutbej Dios pejjamechan, ¡naewuajande, me-ama Dios nejxasink! ¡Nabej kofs Dios naexasitampox! Ja-am wut, Dios xam bu'weyaxael. Xam naewetibej, Dios bu'weyaxaesbej japi jiw.

5

Machiyaxaelpox Timoteo, duk wuton Jesús pejwuajan naexasitixot

¹ Aton, pati'in, is wut pachaema-elpox, japon fiatam wut, ¡nabej los! Naewuajnam wut ispoxliajwa, ¡chiekal naewuajande! Me-ama nej-ax jum-am wut, ¡ja-amde japon atonliajwa! Watho', pansiachow, naewuajnam wutbej, me-ama nakoew naewuajnam wut, ¡ja-amde! ² ¡Watho', pakdiachow, sitaem! Me-ama nej-en wut, ¡ja-amde! ¡Watho', pansiachow, sitaembej! Me-ama nakoewkola wut, ¡ja-amde! ¡Nabej bu'nejchaxoele' asax isax, japi watho' suapich!

Amxot jum-aechpox, watho', pamaljiw naetupspi, japi naexasiti Jesús pejwuajan

³ ¡Naewuajande naexasiti Jesús pejwuajan, japi kajachawaesliajwa asew watho', pamaljiw naetupspi, japi watho' pejjiw chiekal kijilpi kajachawaesliajwas! ⁴ Watho', pamaljiw naetupspi, paxi, pamojiwbej, pakdiachow wut, ja-aech wut, nej kajachawaesas japi watho'. Amwutjel, japi pakdiachow xot, ¡nej tataefle' penjiw, pae'jiwbej! Ja-aech wut, Dios nejchachaemlaxael japi jiwliajwa. ⁵ Watho', pamaljiw naetupspi, diachwuajnakolax pejjiw chiekal kijilpi, japi watho' Dios xanaboeja kajachawaesfulaliajwas. Japi watho' bu'xkofa-elbej Dios kawuajnapoxan matkoi, madoibej, Dios kajachawaesfulaliajwas. ⁶ Asew watho', pamaljiw naetupspi, pajut isasiapoxan, pachaema-elpoxan, isful wut, ja-aech wut, japi watho', me-ama patupa, jachiyaxaeli Diosliajwa. ⁷ ¡Jesús pejwuajan naexasiti to'im kajachawaesliajwapi watho', pamaljiw naetupspi! Jesús pejwuajan naexasiti chiekal kajachawaet wut japi watho', chinax kaen aton, Jesús pejwuajan naexasis-elpon, wuljumchiyaxil babejjamechan Jesús pejwuajan naexasitiliajwa. ⁸ Aton, Jesús pejwuajan naexasitpon, japon kajachawaes-el wut pejjiw, pejjiw-kolabej, ja-aech wut, asew jiw matabijaxaeson, japon aton koft Jesús pejwuajan naexasitpox. Me-ama naexasis-eli Jesús pejwuajan, jachiyaxil japon. Kaes pejme chaemilaxaelon. Naexasis-elpi Jesús pejwuajan, japi chiekal tataeful pejjiw.

⁹ Watho', pamaljiw naetupspi, japi kaes sesenta waechanpi wut, japi pejwulan lelaxaes pelfutat, kajachawaesliajwas naexasiti Jesús pejwuajan. Japi watho' pamaljiw naetups wut, pejme poejiw nos-eli. ¹⁰ Japi watho' chiekal matabijas asew jiw, majt is xoti pachaempoxan asew jiwliajwa, pamaljiw naetupa-esal wuti. Japi watho'bej majt paxi wut, chiekal tataeful. Japi watho'bej chiekal bu'kula, asew jiw pat wut japi pejbatat. Japi watho'bej majt tuakkiatpi, naexasiti Jesús pejwuajan pat wut japi pejbatat chiekal bu'kulaliajwa. Japi watho'bej majt kajachawaetbej asew jiw, nabijat wut. Isbejpi puexa pachaempoxan

asew jiwliajwa. Me-ama japi watho', jasi watho'lap, kajachawaesaxaes naexasiti Jesús pejwajaan.

¹¹ ¡Watho', pamaljiw naetupspi, sesenta waechana-elpifuk, japi pejwalan nabej lele' pelfatat, naexasiti Jesús pejwajaan kajachawaesliajwas! Japi watho' pejme nosaxael wut poejiw, ja-aech wut, bej kofaxaelbejpi Jesús pejbichax nabistpox. ¹² Ja-aech wut, japi watho' pejbu'wajaanaxael Diosliajwa, chiekal is-el xoti jumduwpxox, Dios tanbichaxaelpox. ¹³ Ja-aech wut, japi watho' asbuan jumch nanuamsaxael asabachan mathunaliajwa. Ja-aech wutbej, japi watho' kiwecha nadofaxael. Buxwajaanmaenkaxaelbejpi. Buxxandadusaxaelbejpi. Japi watho'bej jumchiyaxael asew jiwliajwa pachaema-elpoxan jumchiliajwa asew jiw. ¹⁴ Samata, watho', pamaljiw naetupspi, japi chiekal pakdiachowa-el wutfuk, xan jum-an japi watho' pejme nakjiyalajwa. Ja-aech wut, paxi wulxaeli. Chiekal tataeflaxaelbejpi jiw pejbachanpijiw. Ja-aech wut, wajdaelmajiw babejjamechan jumchiyaxisal japi watho'liajwa. ¹⁵ Xan japox jum-an, asew watho', pamaljiw naetupspi, kofa xoti Jesús pejwajaan naexasitpox. Do jawux, asbuan jumch islisi Satanás tato'alpoxan.

¹⁶ ¡Watho', naexasiti Jesús pejwajaan, japi watho' kaenanula nej kajachawaes pejiw, watho', pamaljiw naetupspi! Japi japox isful wut, ja-aech wut, asew, naexasiti Jesús pejwajaan, xajupaxael kajachawaesliajwa asew watho', pejiw chiekal kijilpi.

Jesús pejwajaan naexasiti, japi sitaeyaxaelpox ancianos

¹⁷ Ancianos chiekal tataeful wut naexasiti Jesús pejwajaan, ja-aech wut, ¡chiekal nej sitaes! ¡Ancianosbej chiekal nej mosas, pomatkoicha naewajaan wuti, chiekal chanaekabwana wutbejpi jiw Dios pejjamechan! ¹⁸ Dios pejjamechan, chajia lelspxox, jum-aech wut, jum-aechox: “Woei xanbistam wut trigo matbokkiyanaliajwa, ¡woei nabej kaechjoele' bozal trigo xaesamata!” —aechox. Jum-aechbejpxox: “Kaen aton nabist wut asanliajwa, ¡japon nej mosas!” —aechox. Samata, ¡ancianos chiekal nej mosas, pomatkoicha chiekal naewajaan wuti, chanaekabwana wutbejpi asew, Jesús pejwajaan naexasiti!

¹⁹ Asan aton xam jum-aech wut: “Xan taenx, anciano babijax is wut” —aech wuton, ¡japox kamta nabej naexasisfuk! Pe kolenje, o, tres aton, japox kaeyax chiekal jum-aech wut, ja-aech wut, ¡japi chiekal naexasi'e!

Pablo kaes lelpox, naewajaanxan Timoteoliajwa

²⁰ Diachwajaankolax ancianos babijaxan isful wut, ¡fia'e puexa Jesús pejwajaan naexasiti pejwajaanale! ¡Japoxlap xamal ja-amde puexa Jesús pejwajaan naexasiti pejlewlaliajwa, japibej babijaxan isasamata!

²¹ Paklon babijax is wut, o, paklona-elpon wutbej, ¡japi fia'e! Xam japox to'ax isliajwam. Dios chiekal matabijt, Jesucristo suapich, ángelesbej, xam to'axpox isliajwam. ²² Xam Timoteo, ki-osasiam wut aton pejta'tat japon aton makafisliajwam ancianoliajwa, japon tato'laliajwa naexasiti Jesús pejwajaan, ¡xam majt chiekal nejchaxoelde japon atonliajwa! Chiekal matabijs-emilpon makafitam wut ancianoliajwa, asamatkoi japon aton babijax is wut, ja-aech wut, japi jiw xam wuljumchiyaxael: “Timoteo kaenejchaxoelax, japon aton suapich, japox babijaxliajwa” —chiyaxael japi jiw xamliajwa. Dukam wut, ¡chiekal najut tataefulde pomatkoicha babijax isasamatam!

²³ Asamatkoi xam nejpoklawoejt chalechkal xabich jiwexaenk. Ja-aech wut, ¡nabej fe' minkal! ¡Cha-aldoech tanielde vinomint!

²⁴ Asew jiw babijaxan is wut, puexa jiw japoxan chiekal matabija. Samata, japi tasalas. Pelax asew jiw maliach babijaxan is wut, matabija-esal. Pe baxael, japi tasalas wut, jawut puexa jiw matabija japi babijaxan ispoxan. ²⁵ Jiw tulaela is wutbej pachaempoxan, puexa jiw chiekal taen. Asew jiw, tulaela is-el pachaempoxan. Pe japoxan asamatkoi puexa jiw chiekal matabijaxael.

6

¹ Jesús pejwñajan naexasiti, esclavos wut, japi chiekal sitaeyaxael pejpaklochow. Ja-aech wut, asew jiw wuljümchiyaxisal esclavosliajwa: “Japi esclavos naexasitwñajan, chiekal pachaema-el” —chiyaxil asew jiw. Japi jiwbej jümchiyaxil babejjamechan Diosliajwa. ² Japi esclavos nejchaxoelaxilbej: “Tajpaklon Jesús pejwñajan naexasit xot, chiekal sitaeyaxinil” —chiyaxil esclavos, nejchaxoel wut pejpaklochowliajwa. ¡Japi kaes chiekal nej nabich pejpaklochowliajwa!

Jesús pejwñajan naexasiti, japi xanejchachaemlaxaelpox pejew

³ Asew jiw naewñajan, asawñajan, wajpaklon Jesucristo pejwñajna-elpox. Japi naewñajna-el diachwñajnakolaxwñajan. Japi jiw naewñajna-elbej asew jiw chiekal duilialiajwa, me-ama Dios nejxasink. ⁴ Japi jiw, asawñajan naewñajanpi, nejchaxoeli: “Xatis puexa matabijas. Me-ama asew jiw, jachi-esal” —aechi, nejchaxoel wut. Pe japi pajut chiekal matabija-el asew jiw naewñajnaspo. Japi nejxasink wñajan nabunlosliajwa, pachaema-elpox. Nakaewa nusasiowlamaenkbejpi. Nakaewa najum-aechmaenkbejpi babejjamechan. Chiekal nakaewa naxanaboeja-elbejpi. ⁵ Nabuxkofa-elbejpi nabunlosax, pejnechaxoelaxan chaemil xot. Matabija-elbejpi diachwñajnakolaxpox. Kaenanula asbuan jümch nejchaxoel: “Xan naewñajna x wut Dios pejjamechan, xabich plata kanaxaelen” —aechi asbuan jümch, nejchaxoel wut. ⁶ Xatis, Jesús pejwñajan naexasichpis, Diosliajwa, me-ama kimaenkas wut, jatis, xanejchachaemlas wut Dios nakchaxduwpoxan. ⁷ Ampathatat nalaelas wut, chiekal masox nalaelas. Asamatkoi tups wutbej, kaeyax xalaeyaxisal, ampathatpijax. ⁸ Samata, ampathatat xatis naxaeyaxan wut xaeliajwas, naxoe wutbej naxoeliajwas, japoxanliajwa xanejchachaemlaxaes. ⁹ Pelax kimaenkasiapi, japiliajwa tampoela-el naekichachajbaliajwas japi babijaxan isliajwa. Samata, japi babijaxan is kimaenkaliajwa. Ja-aech wut, kofaxili babijaxan isfulpoxan. Samata, baxael, xabich babijaxan is xot, nabijasaxaeli. Napelsaxaelbejpi Diosliajwa. Me-ama choef muthadik natacholika, jachiyaxael japi kimaenkasiapi. Japamuthxotdik japi weyaxil. Tur wut, chiekal toepaxaeli. ¹⁰ Jiw xabich kimaenkasia wut, babijaxan is plata kanaliajwa. Ja-aech wut, kofapi Dios naexasitpox. Samata, amwutjel japi jiw pajut ispoxantat xabich nabijat.

Pablo Timoteo naewñajanpox Dios kaes xanaboejsliajwapon

¹¹ Timoteo, xam nabistamponam Diosliajwa, nejchaxoelam wut, ¡nabej nejchaxoele' kimaenkaliajwam! Me-ama asew jiw nejchaxoel kimaenkaliajwa, ¡xam nabej ja-aechel! ¡isfulde pachaempoxan! Dukam wut, ¡chiekal dukde, me-ama Dios nejxasink! ¡Dios xanaboejde xam kajachawaesliajwa! ¡Nejxasinkdebej asew jiw, naexasiti Jesús pejwñajan! Nabijatam wutbej, ¡nabej kofs Dios naexasitampo! Nejchaxoelam

wut, ꞑnabej nejchaxoele': "Xan kaes pejme pachaeman. Me-ama asew jiw, jachi-enil" —nabej aeche', nejchaxoelam wut! ¹² ꞑXam chiekal naexasisfulde Dios! Me-ama kaen aton xabich najaet puexa pejpa-mamaxtat premio kanaliajwa, ꞑxambej ja-amde, dukam wut! ꞑChiekal dukde, me-ama Dios nejxasink! Ja-am wut, asamatkoi, dukaxaelam pomatkoicha Diosxotse. Japoxliajwa Dios xam chajia makafit. Asew jiw xam bautisa wut, jawut xabich jiw pejwꞑajnalel xam jum-am: "Xan pomatkoicha chiekal naexasisfulaxaelen Jesús pejwꞑajan" —am xam jiw pejwꞑajnalel. ¹³ Amwutjel lelx xam to'aliajwan isaxaelampox. Japox lelx wut, Dios matabijt. Japon pijaxtat puexa xatis chiekal duilafulas. Jesucristobej matabijt xan lelxpox xamliajwa. Jesús nuk wut Poncio Pilato pejwꞑajnalel, jawut jum-aechon diachwꞑajnakolaxpox pajutliajwa. ¹⁴ Xan jum-an xam puexa chiekal naexasisliajwam xan lelxpoxan. ꞑChiekal naexasisfulde puexa xan jum-anpoxan, asew jiw xam wꞑljumchisamata: "Ampon aton chiekal naexasis-el Dios" —chisamata asew jiw xamliajwa! ꞑXan jum-anpoxan naexasisfulde, hasta wajpaklon Jesucristo pejme fuloek wut! ¹⁵ Pat wut Dios markpox, matkoi, Jesucristo pejme pasaxoek. Dios, kaen, japon paklokolan puexa jiw tato'laliajwa. Japonbej xabich pachaem. Ampathatpijiwtato'alpi, puexa japibej Dios tato'laxaesi. ¹⁶ Dios, kaen, japon tꞑpaxil. Dios dukxotse xabich itliak. Chinax kaen aton jaxotse pasaxil, tꞑpa-el wutfuk ampathatat. Chinax kaen aton taeyaxilbej Dios. Pomatkoicha puexa jiw jumchiyaxael: "Dios, xam xabich pachaemam" —chiyaxael jiw pomatkoicha. ꞑDiachwꞑajnakolax japox jachiyaxael!

¹⁷ ꞑNaewꞑajande kimaenkpi, japi nejchaxoelasamata: "Xan xabich tejew. Samata, kaes pejme xan pachaeman. Me-ama asew jiw, jachi-enil" —chisamatapi, nejchaxoel wut! Kimaeyax chalechkal toepaxael. Samata, ꞑxam naewꞑajande kimaenkpi japi pejew xanaboejasamata! ꞑJapi naewꞑajande Dios xanaboejalijwapi, japon tataeflaliajwas! Dios puexa xatis nakwewe'poxan nakchaxduw chiekal duilaliajwas. ¹⁸ ꞑKimaenkpi to'im, japi jiw kajachawaesliajwa! ¹⁹ Ja-aech wut, kimaenkpi Dios chaxduiyaxaes kaes pejme ommaenkpoxan japonxotse. Japoxan pomatkoichaliajwa. Ja-aech wut, japi kimaenkpi pomatkoicha duilaxael Diosxotse.

Pablo lelpox ampacarta taxdukanaewꞑajna x Timoteoliajwa

²⁰ Timoteo, ꞑchiekal jiw naewꞑajande Dios pejjamechan, me-ama Dios xam to'a! ꞑNabej naewes asew jiw pajut faekwꞑajan! Japawꞑajan Diosliajwa pachaema-el. Japi pajutliajwa najum-aech asew jiw jumtaeliajwas: "Xan kaes pejme matabijt. Me-ama asew jiw, jachi-enil" —na-aechi pajutliajwa. Jasi jiw naewꞑajan wut, ꞑnabej naewes, japox wꞑajan diachwꞑajnakolaxa-el xot! ²¹ Asew jiw lax japox wꞑajan naexasit, naewꞑajnas wut. Samata, amwutjel kofalisi Jesús pejwꞑajan naexasitpox.

Xan Dios kawꞑajna xam kajachawaesfulaliajwapon, asew naexasitpiliajwabej Jesús pejwꞑajan, Éfeso paklowaxpijiw.

Wachakalcarta, Pablo lelpox, Timoteolijwa

Pablo lelpox carta Timoteolijwa

¹ Xan, Pablo, Dios namakafit Jesucristo pej-apóstolliajwan, jiw naewhajnaliajwan Jesús pejwñajan. Dios nejxasink xan jiw naewhajnaliajwan Dios jam-aechpox, naexasiti Jesús pejwñajan duilaliajwa japonxotse. ² Timoteo, ampox carta lelx xamliajwa. Xam taxɯnam wut, ja-am xanliajwa, xambej naexasitam xot Jesús pejwñajan. Samata, xam nejxasinkax. Xan waj-ax Dios, wajpaklon Jesucristobej, kawhajnax xam kajachawaesliajwapi. Japi kawhajnaxbej xam chiekal beltaelija. Japi kawhajnaxbej xabich xam kajachawaesliajwa chiekal dukaliajwam, asew jiw ñapich.

Pablo Timoteo naewhajanpox, japon kofs-elaliajwa Dios pijax bichax

³ Me-ama tajwñajnapijiw nabist Diosliajwa, xambej ja-an amwutjel. Ja-an wut, xan babijax is-enil asew jiwliajwa. Matkoi, madoibej, Dios kawhajnax wut, xam nejchaxoelx. Samata, jawut Dios gracias-an xamliajwa. ⁴ Xan nejchafaetx xam nowampox, xan chijiyaliajwan wut asalel. Samata, pejme xam taesian nejchachaemlialiajwan. ⁵ Xan nejkiowa-enil xam Jesucristo pejwñajan chiekal naexasitampox. Nej-ae' Loida matxoela naexasit Jesús pejwñajan, nej-en Eunice ñapichbej. Xan matabijtax, xambej diachwñajnakolax naexasitam Jesús pejwñajan.

⁶ Samata, ¡xam nejchaxoelde Dios pijax bichax isfulaliajwam! Xan nejta'tat ki-otx wut Dios kawhajnaliajwan, jawut Espiritu Santo tñadut xam kajachawaesfulaliajwa Dios pijax bichax isliajwam. ⁷ Dios to'ak Espiritu Santo xatis wajmatpñatanxotaliajwa. Samata, wajlewlixil asew jiwliajwa. Espiritu Santo nakkajachawaet isliajwas Dios nejxasinkpoxan. Nakkajachawaetbejpon asew jiw nejxasinkaliajwas. Nakkajachawaetbejpon babijaxan isasamatas. ⁸ ¡Xam nabej nadale' asew jiw naewhajnaliajwam wajpaklon Jesús pejwñajan! ¡Nabej nadale'bej xan jiw jebatat najiapoxliajwa, jiw naewhajnax xot Jesús pejwñajan! Nabijatam wut, asew jiw is wut babijaxan, Jesús pejwñajan naewhajnax wut, ja-am wut, ¡nakiowa naewhajnaxfulde! Ja-am wut, Dios kajachawaesfulaxael xam mamnikaliajwam, me-ama xan Dios naka-jachawaesful. ⁹ Dios nakbu'wia xatis. Nakmakanotbejpon japon peji-waliajwas tanbichliajwas. Dios nakmakanos-el, pachaempoxan isas xot. Pe japon nakmakanot, pajut nejchaxoel xot, xatis naknejxasink xoton. Chajiakolaxtat Dios is-el wutfuk ampathat, Dios nejchaxoel to'aliajwa Jesucristo ampathatpijiw bu'welija. ¹⁰ Wajpaklon Jesucristo ampathatat nalaelt. Do baxael, japon boesas tñpaliajwa xatisliajwa. Japon tñp wut, Dios mat-echpon pejme dukaliajwa. Ja-aech wut, Jesucristo malecha patupax. Jesucristo tñp wut xatisliajwa, matabijas Dios xabich naknejxasinkpox. Jiw matabija wut chimiawhajan, Jesús pejwñajan, japi matabijaxael pomatkoicha duilaxaelpox Diosxotse.

¹¹ Dios nato'a xan jiw naewhajnaliajwan Jesús pejwñajan. Dios namakafitbej Jesús pej-apóstolliajwan, jiw naewhajnax wut chiekal chanaekabñanaliajwanbej japon pejwñajan. ¹² Samata, asew jiw

pijaxtat amwutjel xan nabijatax jiw jebatat. Pe nakiowa, tadala-el, matabijtax xot Jesucristo, xabich xanaboejtaxpon. Matabijtaxbej japon pomatkoicha xan natataeflaxaelpox, jiw naewuajnalijwan japon pejwuajjan.

¹³ Samata, ichimiawuajjan, Jesús pejwuajjan, chiekal naewuajjande, majt xam naewuajjnaprox! Me-ama xam naewuajjnax wut, ja-amdebej, asew jiw naewuajnam wut! ¡Pomatkoicha Jesús pejwuajjan chiekal naexasisfalde! Xatis Jesús pejjiws xot, jnakaewa chiekal nanejxasinkaxaesbej! ¹⁴ Dios to'a xam jiw naewuajnafulalijwam chimiawuajjan, Jesús pejwuajjan. ¡Japawuajjan nabej xaliaxe' asawuajjantat! Espíritu Santo, xatis wajmatpumatxotpon, japon xam kajachawaesfulaxael japawuajjan xaliaxsasamatam.

¹⁵ Xam chiekal matabijtam amprox. Xan jiw jebatatax wut, puexa Asia tuajnapijiw, naexasiti Jesús pejwuajjan, japi chajia nakofalijwa. Kaes nawultatae-ellisi. Xanxot chajiapixot ampilape. Kaen pawul Figelo. Asan pawul Hermógenes. ¹⁶ Xan Dios kawuajjnax Onesíforolijwa, japon pejjiwliawabej, Dios kajachawaesliawwas. Xan jiw jebatatax wut, japon kaen xabich nataent. Japon padala-elbej xan nataentalijwa. Japon nataent wut, xan xabich nejchachaemlax. ¹⁷ Japon Roma paklowaxxot pat wut, damlathula-elon. Kamta nawulwekaxenton nafaentalijwa. Do baxael, nafaenpon. ¹⁸ Xam matabijtam, japon xabich nakajachawaet, xan Éfeso paklowaxxotx wut. Samata, Dios kawuajjnax japon xabich kajachawaesliawwas, asamatkoi Cristo pejme pask wut.

2

Machiyaxaelpox Jesús pejwuajjan naexasiti, nabist wuti Jesúsliajwa

¹ Wuá, Timoteo, Jesucristo xam kajachawaet xot, ¡mamnikde Dios pijax, bichax, chiekal nabichliawwam! ² Xam chiekal jumtaenam xabich jiw pejwuajnalel xan naewuajjnax wut. ¡Japanaewuajjnaxlap xam asew jiw naewuajjande, japi jiw, matabijtampi, chiekal xajurpi naewuajnalijwa asew jiw japanaewuajjnax!

³ Xam nabijasaxaelam asew jiw pijaxtat, nabistam xot Jesucristolijwa. Soldawan nabijat wut, nakiowa nabeful. Boejtaliatbejpon. ¡Xamlapis ja-amde, nabijatam wut Jesucristolijwa! ⁴ Soldawan wuajj nawet isliajwa pejpaklon to'asproxkal. Pajut isasiapoxan isaxilon. ⁵ Najaesaxaelpon kanalijwa premio, jachiyaxaelbej. Japon aton chiekal naexasisaxaelbej to'asprox najaesliajwa. Najaesaxaelpon chiekal naexasis-el wut, ja-aech wut, japon aton premio kanaxil. ⁶ Nabistpon pejlul, jachiyaxaelbej. Xabich nabistpon. Pe baxael, chiekal weti'tas wut, wepachaems wutbej, jolaxaelon pajutliawwa, pejbichax chiekal is xoton. ⁷ Samata, xam nejchaxoelam wut, ¡chiekal nejchaxoelde japoxanliawwa! Ja-am wut, Dios kajachawaesaxael puexa chiekal matabijsliawwam.

⁸ Xam jiw naewuajnam wut, ¡nejchaxoelde Jesucristo, Dios mat-echpon pejme dukalijwa, japon rey David pamon! Xan jiw naewuajjnax japon pejwuajjan. Japi naexasit wut japawuajjan, Dios bu'weyaxaespi. ⁹ Xan nabijatax, asew jiw najia xot jiw jebatat, Jesús pejwuajjan jiw naewuajjnax xot. Cadenamuatat namuaxwaxawaet. Me-ama babejnan wut, naki-aechpi. Pe Jesús pejwuajjan chinax kaen aton xawaesaxil cadenamuatat.

Samata, Jesús pejwñajan xabich potñajñucha xajur. ¹⁰ Xan japox matabijtax xot, boejtaliatx, nabijatax wut, Dios makanochpi, japibej naexasisliajwa Jesús pejwñajan. Samata, japi jiwbej bu'weyaxaes, Jesucristo pejwñajan naexasit wut pomatkoicha duilaliajwapi Diosxotse.

¹¹ Diachwñajnakolax himnotat jum-aech wut, jum-aechox:

“Xatis, Cristo suapich, tups wut, xatisbej duilaxaes Diosxotse, Cristo suapich.

¹² Asew jiw pijaxtat nabijatas wut, boejtaliasaxaes. Jatis wut, xatis, Cristo suapich, Diosxotse tato'laxaes. Xatis jumtis wut asew jiwliajwa: ‘Xanal Cristo pejjiwa-enil’ —tis wut, Cristobej asamatkoi xatisliajwa jumchiyaxael: ‘Ampi, jiw, tajjiwa-el’ —chiyaxaelbejpon.

¹³ Xatis wajut jumduwspox is-esal wut, Cristolax isaxael nakjumdutpox xatisliajwa. Cristo asanejchaxoelaxa-el, jum-aech wut” —aech himnotat.

Ma-aechpox aton, japon chiekal nabist wut Diosliajwa

¹⁴ Xan amprox jum-an wut, Dios chiekal matabijt. ¡Xam jiw chiekal naewñajñafulde japi nejchafaekaliajwa, kaes nakaewa nabunlos-elaliajwa asaxan, pachaema-elpoxan! Japi nakaewa asaxanliajwa nabunlot wut, japox chinax pachaemaxil. Asew jiw japox jumtaen wut, naexasisaxili Jesucristo pejwñajan. ¹⁵ ¡Jiw naewñajjande diachwñajnakolaxwñajan, me-ama Dios xam to'a! Ja-am wut, asamatkoi xam nadalaxil, Dios pejwñajñalel nukam wut. Ja-am wutbej, Dios nejchachaemlaxael xamliajwa. ¹⁶ Jiw naewñajñaximil Dios pejjamechana-el wut, japanaewñajñax pachaema-el xot. Asew jiw japox naewñajan wut, japi jiw xabich tabejt asew jiw, Dios xanaboejapi. ¹⁷ Japi naewñajanpox, me-ama bu'xaxaeflawaxae wut, ja-aechox, xabich asew jiw tabejt xot. Himeneo, Fileto suapich, japibej tabejt asew jiw, naewñajan wuti Dios pejjamechana-elpox. ¹⁸ Japi kolenje kofa Dios pejjamechan, diachwñajñakolaxwñajan. Asbuan jumch jum-aechi, asew jiw naewñajan wut: “Xatis, Jesús pejwñajan naexasichpis, Dios nakmat-eyaxaelpox pejme duilaliajwas, japox toeplixox. Samata, Dios kaes xatis nakmat-eyaxil pejme duilaliajwas” —aech japi jiw, asew jiw naewñajan wut. Samata, jiw, japi majt naexasiti Jesús pejwñajan, amwutjel chiekal matabija-el achawñajan kaes pachaem naexasisliajwapi. ¹⁹ Diachwñajñakolax Dios pejjamechan xaliaxaxil. Japon pejjamechan, chajia lelsprox, jum-aech wut, jum-aechox: “Wajpraklon matabijt pejjiw” —aechox. Jum-aechbejprox: “Puexa jiw jum-aechpi: ‘Xanal Cristo pejjiwan’ —aechpi, japi jiw kofaxael babijaxan ispoxan” —aechbej Dios pejjamechan, chajia lelsprox.

²⁰ Pinjiyax batutat chalak oroplafachan. Chalakbej plataplafachan, fiestamatkoi wut, japaplafachantat jiw xaxaeliajwa. Japabatutat chalakbej platfachan isaspi naechantat, bux-astatbej, nejmachmatkoi wut japaplafachantat jiw xaxaeliajwa. ²¹ Jachiyaxaelbej jiw, naexasitpixot Jesús pejwñajan. Asew jiw chiekal kaelel kofa babijaxan ispoxan. Ja-aech wut, chiekal isful Dios pejbichaxan. Samata, xajur isliajwa nejmachpachaempoxan.

²² Timoteo, ¡xam pomatkoicha chiekal taem babijax isasamatam, me-ama asew, pansiachow, isful babijaxan, jachisamatam! ¡Xamlax isfulde

pachaempoxan! ¡Chiekal xanaboejsfuldebej Cristo! ¡Chiekal nejxasinkdebej asew jiw, naexasiti Jesús pejwñajan! Dukam wut, ¡chiekal dukdebej! ¡Ja-amde asew jiw, naexasiti Jesús pejwñajan suapich, japi jiwbej chiekal pachaemaliajwa Diosliajwa! ²³ Xam matabijtam. Jiw nalot wut, japi nakaewa nanejwesla. Samata, xam, asew jiw suapich, ñabej nabunlos wñajan, pachaema-elwñajan! ²⁴ Xatis nabistaspis Jesúsliajwa, nalosaxisal, asew jiw suapich. Asbuan jumch chiekal pachaemaxaes asew jiwliajwa. Chiekal matabijaxaesbej Dios pejjamechan jiw chanaekabñanaliajwas. Piach wajlalaxilbej, asew jiw babejjamechan jum-aechful wut xatisliajwa. ²⁵ Chiekal naewñajnaaes asew jiw, Dios naexasis-elpifuk. Wñajnaewesaxaes asamatkoi japibej Dios kajachawaesliajwas naexasisliajwapi Dios. Naexasit wuti Dios, jawut chiekal pajut matabijaxaeli Jesús pejwñajan, diachwñajnakolaxpox. ²⁶ Ja-aech wutbej, japi pajut matabijaxael chiekal nejchaxoela-elpox Dios pejjamechanliajwa. Japi naexasit wuti Dios, ja-aech wut, nadijaxaeli Satanás tato'alxot. Ja-aech wutbej, pajut chiekal matabijaxaelbeji majt Satanás naekichachajbaspox, japi isful wut Satanás nejxasinkpoxan.

3

Machiyaxaelpox jiw, mox rawñajna wut ampathat toepaliajwa

¹ Timoteo, xam chiekal matabijsaxaelam ampox. Mox rawñajna wut ampathat toepaliajwa, puexa jiwliajwa xabich chachoelaxael. Matkoiyan xabich chaemilaxaelbej japi jiwliajwa. ² Japamatkoiyantat jiw nejchaxoelaxael isliajwa pachaempoxan pajutliajwakal. Japi jiw xabich nejchaxoelaxaelbeji kimaeyax. Nejchaxoel wut, jumchiyaxaelbeji: “Xatis kaes pejme pachaems. Me-ama asew jiw, jachi-esal” —chiyaxaeli, nejchaxoel wut. Jumchiyaxaelbeji babejjamechan Diosliajwa. Naexasisaxilbeji paxjiw, penjiwbej, tato'laspoxan. Asew jiw kajachawaech wut, graciaschiyaxilbeji. Sitaeyaxilbeji Dios. ³ Nejxasinkaxilbeji asew jiw. Beltaeyaxilbeji asew jiw. Buxwñajanmaenkaxaelbeji. Kofaxilbeji babijaxan ispoxan. Japi asew jiw ba wut, beltaeyax chiekal wejisal. Nejweslaxaelbeji jiw, pachaempoxan ispi. ⁴ Japibej woeyaxael pejnachala padaelmajiwxot. Isaxaelbeji babijaxan pajut isasiapoxan. Japibej naewesaxil, asew jiw naewñajnas wut, pajutliajwa nejchaxoel xot: “Xatis kaes pejme matabijas. Me-ama asew jiw, jachi-esal xatis” —chiyaxael xoti, nejchaxoel wut. Nejchaxoelaxaelbeji pajut nejxasinkpoxan isliajwa. Ja-aech wut, nejchaxoelaxili isliajwa Dios nejxasinkpoxan. ⁵ Japi jiw pajutliajwa najumchiyaxaelbej asew jiwliajwa: “Xanalbej chiekal naexasitx Dios” —chiyaxaeli. Pe japi isaxael babijaxan. Ja-aech wut, puexa jiw matabijaxaesi japi Dios naexasis-elpi.

Jiw ja-aechpi, ¡xam nabej nachale', japi suapich! ⁶ Japi jiw asabachan low. Naewñajan wut japabachanpijiw, watho', naekichachajbapi. Japi watho', nejxaejwaspi, xabich babijaxan is xot. Ja-aech wut, nakiowa kaes pejme asaxan babijaxan isasia. Samata, tampoela-el naekichachajbaliajwas japi watho'. ⁷ Japi watho' matabijasia pajelnaewñajnaes. Pe matabijaxili diachwñajnakolaxpox, japox xabich tampoel xot japiliajwa. ⁸ Japi poejiw nejxasinka-el naewñajnalajwa diachwñajnakolaxpox. Nejchaxoelpe babijaxan. Naexasis-eli Jesús pejwñajan. Samata, japi

poejiw, me-ama chajiakolaxtat Janes, Jambresbej, ja-aechi. Chajiakolaxtat Moisés naewuajan wut faraón, japi kolenje asbuan jumch buxtasalti Moisés, faraón naexasis-elaliajwa Moisés jum-aechpox, diachwuajnakolaxpox. ⁹Japi poejiw, lowpi watho' pejbachantat, japi piach jiw naekichachajbaxil. Asamatkoi puexa jiw pajut chiekal matabijaxael, japi nejliaklapi. Me-ama chajiakolaxtat jiw matabija, Janes, Jambresbej, japi nejliaklapi, jachiyaxeslap-is japi poejiw.

Pablo to'apox Timoteo, japon kaes jiw naewuajnalijwa

¹⁰Timoteo, xam chiekal matabijtam, ma-an xan, jiw naewuajntax wut Jesús pejwuajan. Xam matabijtambej, ma-an xan, nabistax wut Diosli-ajwa, Dios chiekal nejchachaemlaliajwa xanliajwa. Xambej chiekal matabijtam, ma-an xan, Dios chiekal naexasitx wut. Xambej chiekal matabijtam, a sew jiw babijaxan is wut xanliajwa, xan talala-el japox-anliajwa. Xambej chiekal matabijtam, ma-an xan, puexa jiw nejxas-inkax wut. Xambej najut chiekal matabijtam xabich boejetaliasfulaxpox. ¹¹Xambej najut matabijtam, ma-an xan, nabijatax wut, naewuajntax xot Jesús pejwuajan. Xambej puexa chiekal matabijtam xanliajwa ja-aechpoxan, Antioquia paklowaxxotx wut, Iconio paklowaxxotx wutbej, Listra paklowaxxotx wutbej. Japapaklowaxanxotx wut, japapaklowax-anpijiw pijaxtat xan xabich nabijatax, Jesús pejwuajan naewuajntax wut. Pe nakiowa, wajpaklon Jesucristo nakajachawaet weliajwan japapaklowaxanpijiwxot. ¹²Puexa jiw, duilasiapi, me-ama Jesucristo nejxasink japi duilaliajwa, japi nabijasaxael a sew jiw pijaxtat. ¹³Jiw babejchow lax kaes babijaxan isaxael. Jiw naekichachajbapibej, a sew jiw kaes naekichachajbaxael. Japibej a sew jiw naekichachajbaxaes.

¹⁴Timoteo, jxam nabej tapae' japi jiw xambej naekichachajbaliajwa! ¡Chiekal naexasisfulde matabijtam poxan! Xam chiekal matabijtam jiw xam naewuajanpi diachwuajnakolaxpox. ¹⁵Xam yamxulnam wut, matabijtam wut Dios pejjamechan, chajia lelspos, ja-am wut, matabijtam Dios xam bu'weyaxaelpox, Jesús pejwuajan naexasitam xot. ¹⁶Chajiakolaxtat Dios pejjiw, profetas, a sew jiwbej, Dios kito'as lelaliajwa Dios pejjamechan. Jawut, japi kaenanula lel wut, Espíritu Santo pijaxtat chiekal matabija lelaliajwa. Samata, Dios pejjamechan xabich pachaem, chiekal naknaewuajnalijwa xatis chiekal matabijaliajwas diachwuajnakolaxpox naexasisliajwas. Dios pejjamechanbej pachaem xatis chiekal matabijaliajwas, masox naexasisaxisal. Dios pejjamechan xabich pachaembej kofaliajwas, babijaxan isas wut. Dios pejjamechan xabich pachaembej naknaewuajnalijwa isliajwas pachaempoxan. Dios pejjamechan xabich pachaembej naknaewuajnalijwa chiekal duilaliajwas. ¹⁷Samata, Dios naexasiti chiekal matabija wut Dios pejjamechan, japi jiw matabijaxael isliajwa puexa pachaempoxan.

4

¹Xam to'ax jiw naewuajnalijwam Dios pejjamechan japon pijaxtat, Jesucristo pijaxtatbej. Jesucristo pejme pask wut, japon kaenanula ampathatpijiw tato'laxael. Jumchiyaxaelbejpon kaenanula jiw chajia tupiliajwabej: “Xam Dios kastikaxael, nejbu'wuajan xot” — chiyaxaelon tupiliajwa. O, jumchiyaxaelbejpon: “Xam Dios kastikaxil, nejbu'wuajan ajil xot” — chiyaxael Jesucristo. ²Samata, jasew jiw naewuajande Jesús pejwuajan! Jiw naewet wut, japi jiw naewuajande!

Nejxasinka-el wutbejpi xam naewuajnamprox, inakiowa naewuajande! inawewuajande japi jiw kaenanula pajut chiekal nejchaxoelaliajwa: “Amrawuajan diachwuajnakolax. Samata, xanbej naexaxisaxaelen” —chiliajwapi, pajut nejchaxoel wut! Japi babijaxan is wut, ifia'e! inTo'im naexaxisliajwapi Dios pejjamechan! Naewuajnam wut, inabej buxkofe! inakiowa naewuajnafulde! ³ Asamatkoi jiw nejweslaxael naewesliajwa diachwuajnakolaxwuajan. Japi wulwekaxael asew jiw naewuajnalialjwas asawuajan, naewesasiawuajan. ⁴ Nejweslaxaeli naewesliajwa diachwuajnakolaxprox. Japi naewesaxael puexa nejmachwuajan, asew naewuajanpoxan, jiw pajut faekwuajan. ⁵ inXamlax nabej tapae' japi jiw naekichachajbalialjwa! inNaexaxisfulde diachwuajnakolaxprox! inJapawuajan asew jiwbej naewuajnafulde! Cristoliajwa nabijatam wut, inboejtaliasfulde! inJiw naewuajnafulde chimiawuajan, Jesus pejwuajan, japi Dios bu'weliajwas! inChiekal puexa isde Dios xam tato'alpoxan!

⁶ Tajmatkoi moxlisox asew jiw xan naboesaliajwa, naewuajnafulax xot wajpaklon Jesus pejwuajan. ⁷ Me-ama aton xabich najae puexa pejpamamaxtat premio kanaliajwa, xanbej ja-an. Dios tanbistax wut, puexa tajpamamaxtat chiekal nabistax. Bichax toetx, isxprox, Dios nato'apox. Xan jiw naewuajnax diachwuajnakolaxprox, me-ama Dios nato'a. ⁸ Amwutjel Dios naxawuajnowet corona xan nachaxdusliajwa. Wajpaklon Jesucristo, japon juez, xabich pachaempon. Japon asamatkoi xan najumchiyaxael: “Xam chiekal nabistam xanliajwa” —chiyaxaelon. Do jawut, nachaxdusaxaelon corona. Jawut xan kaenan japon nachaxdusaxil corona. Puexa asew jiwbej kaenanula chaxduiyaxaes corona. Japi jiw, nejxasinkpi Cristo, wuajnowetibej japon pejme pasliajwaprox.

Pablo wallalapox Timoteo

⁹ Timoteo, xam kamta fulaesiam wut, inxabua'tlejno xan nataeliajwam! ¹⁰ Japon Demas, xanxot chijia wut, fulaechon Tesalónica paklowax poxade, kaes nejxasink xoton ampathatpijixan. Crescente to'ax japon naewuajnalialjwa Jesus pejwuajan Galacia tuajnumpijiw. Tito to'axbej japon Jesus pejwuajan naewuajnalialjwa Dalmacia tuajnumpijiw. ¹¹ Lucas, japon kaen, naman xanxot. Samata, inwulwekde Marcos! Faenam wut, injapon buflaeman xanlel! Japon xan nakajachawaesaxael Dios pijax bichax. ¹² Tiquico to'ax Efeso paklowax poxade. ¹³ Xam fulaeman wut, inawexalaemno tajax, thuch naxoelxprox! Japox Troas paklowaxxot waeltax, Carpo pejbaxot. inNawexalaemanbej tejew libros, asa-uafbej, xakoeyasi! Japapel-uaf xabich xan nawewe'p.

¹⁴ Alejandro, anaeltat nejmach-isan, japon babijaxan is xanliajwa. Samata, japon asamatkoi Dios kastikaxaes, japoxan is xoton xanliajwa. ¹⁵ inXam chiekal taem Alejandroliajwa! Japon xabich nejwesla xatis naewuajnasprox.

¹⁶ Roma paklowaxxotx wut, tadaelmajiw natasala wut paklochow pejwuajnalel, xan jumnotx wut, tajut chiekal jum-an: “Diachwuajnakolaxa-el japi xan natasalapox” —an xan japi paklochowliajwa. Jawut asan aton chinax asalel jumchi-el xan nakajachawaesliajwa. Puexa tajnachala asbuan jumch tamach nawaelti. Xan japiliajwa Dios kawuajnax Dios kastikasamatas. ¹⁷ Tajnachala tamach nawaelt wut, Dios nakajachawaet tadaelmajiw naboesa-elaliajwa. Dios nakajachawaetbej mamnikaliajwan

naewhajnaliajwan chimiawhajan, Jesús pejwhajan, puexa jaxotpijiw, judíos-elpi. ¹⁸ Dios nakajachawaesaxael, a sew babijaxan is wut xanliajwa. Dios nabuflaeyaxaelbej japon tato'alxotse. Samata, xatis Diosliajwa pomatkoicha jumchiyaxaes: “¡Xam xabich pachaemam!” —chiyaxaes. ¡Jasox nej ja-aече' Diosliajwa!

Pablo saludos xato'apox a sew jiwliajwa

¹⁹ ¡Nawesaludam Aquila, japon pijowbej, Prisca! ¡Nawesaludambej Onesíforo pejjiw! ²⁰ Erasto kaweta naman Corinto paklowaxxot. Trófimo bu'xaenk xot, namanax to'ax Mileto paklowaxxot. ²¹ ¡Kamtalejen fuaemno pasliajwam iama whajna! Saludos xato'api xamliajwa ampli-lape, Eubulo, Pudente, Lino, Claudiabej, puexa a sew jiw, Jesús pejwhajan naexasitibej.

²² Xan Dios kawhajnax Jesucristo xam chaliajwa. Xan Dios kawhajnaxbej puexa xamal kajachawaesliajwapon.

Pablo lelpox carta Titoliajwa

Pablo lelpox carta Titoliajwa

¹ Xan Pablo nabistax Diosliajwa. Xanbej Jesucristo pej-apóstolan. Dios nato'a kajachawaesliajwan Dios makanochpi, japi naexasisliajwa Jesús pejwñajan. Ja-an wut, japi matabija xatis Jesús pejwñajan naexasichpox, diachwñajnakolaxpox. ² Samata, japi jiw naexasisaxael Jesús pejwñajan pomatkoicha duilaliajwapi Diosxotse. Chajiakolaxtat Dios ampathat is-el wutfuk, jumduton jiw pomatkoicha duilaxaelpox japonxotse. Dios kichachajba-el. ³ Dios chajia markpox, matkoi, amwutjel patlisox xatis matabijaliajwas Jesús pejwñajan. Dios, nakbu'weyaxaelpon xatis, japon xan nato'a jiw naewñajnalajwan chimiawñajan, Jesucristo pejwñajan. ⁴ Tito, xam taxulnam wut, ja-am xanliajwa, Jesús pejwñajan naexasitam xot. Samata, lelax ampox carta xamliajwa. Waj-ax Dios, Jesucristobej, kawñajnxam xam beltaeliajwapi, kajachawaesliajwabej, chiekal dukaliajwam, asew jiw suapich.

Pablo to'apox Tito namanaliajwa Creta tanaetxot, isliajwapon Dios pejbichax

⁵ Tito, xam chajia to'ax namanaliajwam Creta tanaetpijiwxot we'poxfuk chiekal toesliajwam. To'axbej kaenanula paklowaxanxot makanosliajwam ancianos, japi tato'laliajwa Jesús pejwñajan naexasiti japapaklowaxanxot. Chajia xam jum-an, masi poejiw xam makanosaxaelam ancianosliajwa. ⁶ Xam makanosaxaelampi jiw ancianosliajwa, japi jiw chiekal pachaempi asew jiwliajwa. Japi tasala-esalpibej, babijaxan is-el xot. Kaenanula japibej pijowpi. Japi paxibej, chiekal naexasiti Jesús pejwñajan. Japi paxibej bu'wñajanjilpi. Japi paxibej chiekal naexasichpi, naewñajnas wut. ⁷ Xam makanosaxaelampi ancianosliajwa, japi tato'laliajwa Jesús pejwñajan naexasiti, japi jiw chiekal nabichaxael Diosliajwa. Samata, xam makanosaximil jiw, babijaxan ispi. Makanosaximilbej nejchaxoelpi: "Xan kaes pejme pachaeman. Me-ama asew jiw, jachi-enil" — aechpi, nejchaxoel wut. Xam makanosaximilbej kamta palalapi. Makanosaximilbej saxa afpi. Makanosaximilbej nabeyax wulwekpi. Makanosaximilbej xabich plata kanaxkal nejchaxoelpi. ⁸ Xam makanosaxaelampi ancianosliajwa, japi jiw chiekal bu'kulapi, asew jiw pat wut japi pejbachanxot. Japi nejxasinkpibej isliajwa pachaempoxan. Japibej majt chiekal nejchaxoelpi isaxaelpoxanliajwa. Japibej chajia xapaejas babijaxan isliajwa. Pe nakiowa, japi is-eli babijaxan. ⁹ Xam makanosaxaelampi ancianosliajwa, japi jiw Jesús pejwñajan chiekal naexasitpiyaxael, me-ama xatis majt naewñajnas, jachiliajwa japi jiw. Japawñajan kichachajba-el. Japi ancianos japawñajan naewñajan wuti, asew jiw, Jesús pejwñajan naexasiti, kaes xanaboejaxaeli Jesús. Asew jiwbej, majt nejweslapi naexasisliajwa Jesús pejwñajan, japibej naexasisaxael Jesús pejwñajan.

¹⁰⁻¹¹ jasi poejiw xam makanosaxaelam ancianosliajwa! Creta tanaetpijiw xabich chiekal naexasis-elfuk xatis naewñajnaspox, Jesús pejwñajan. Japixot xabich judíos, jum-aech: "Judíos-elpi,

naexasiti Jesús pejwajaan, japibej wewe'pas circuncidaliajwas Dios pejmarkaxliajwapi" —aechi asbuan jumch. Judíos japox kito'a wut, jumchi-el diachwajnakolaxpox. Japi japox kito'a asbuan jumch jiw naekichachajbaliajwa, japoxantat plata kanaliajwa. Samata, judíos japoxan jum-aech xot, xabich jiw, judíos-elpi, kofa naexasitpox Jesús pejwajaan. Samata, xam buxfiasaxaelam japi judíos.

¹² Kaen Creta tanaetpijin, xabich matabijsan, japon chajia jum-aech nakaetanaetpijiwliajwa: "Creta tanaetpijiw kichachajbamaenk. Xabich chachaelbejpi. Me-ama nuth chachael wut, ja-aechi. Japi jiw xae-maenkbejpi. Kiwechabej" —aech chajia Creta tanaetpijin nakaetanaetpijiwliajwa. ¹³⁻¹⁴ Creta tanaetpijin jum-aechpox pejiwliajwa, japox diachwajnakolax. Samata, xam Tito, jbu'fia'e japi judíos naekichachajbasamatapi Creta tanaetpijiw, Creta tanaetpijiw chiekal naexasisliajwa Jesús pejwajaan! jJapi judíos fia'ebej naexasisfala-elaliajwa judíos pajut faekwajaan! jJapi judíos fia'ebej naexasislaliajwa, to'as wut Jesús pejwajaan naexasis-eli! ¹⁵ Jesús pejwajaan naexasiti chiekal nejchaxoel taenpoxanliajwa, japoxantat pejnechaxoelaxan tabejsasamatas. Pe Jesús pejwajaan naexasis-eli, taen wuti babijaxan, japi nejchaxoel isliajwa japababijaxan. Ja-aech wut, pejnechaxoelaxan tabejtas. Japi matabija-elbej pachaempox. ¹⁶ Japi jum-aechbej: "Xan Dios matabijtax" —aechi asbuan jumch. Babijaxan is wut, puexa asew jiw matabija, japi Dios matabija-elpi. Japi jiw nejwesla naexasisliajwa Dios. Japi jiw xajupa-elbej isliajwa pachaempoxan.

2

Pablo to'apox Tito naewajnalijwa asew jiw, Pablo majt naewajanpoxan Titoliajwa

¹ Tito, xam naewajnam wut Jesús pejwajaan naexasiti, jxam naewajnamwajaan, japawajaan nej kaenejchaxoelax, chimiawajaan, Jesús pejwajaan sjarich! ² Xam naewajnaaelam poejiw, pakdiachowpi, chiekal pajut natataeflaliajwa isasamata pachaema-elpoxan asew jiwliajwa, asew jiw japi sitaeliajwasbej. jJapi pakdiachowpi naewajandebej majt chiekal nejchaxoelaliajwa isaxaelpoxan, isasamata babijaxan! jJapi pakdiachow naewajandebej chiekal naexasisliajwa xan naewajnaepox, diachwajnakolaxpox! jJapi pakdiachow naewajandebej asew jiw nejxasinkaliajwapi! jJapi pakdiachow naewajandebej, nabijat wut kofasamatapi Dios naexasitpox! ³ jNaewajandebej watho', pakdiachowpi, chiekal duilaliajwa asew jiw japi watho' sitaeliajwas! jJapi watho' naewajandebej buxwajanmaenkasamata! jSaxa feyaxan nejxasinkaxilpibej! jJapi watho' chiekal nej duile', asew watho'bej nakxataeliajwas! ⁴ Samata, jJapi watho', pakdiachow, nej naewajne' asew watho', kaes pansiachowpi, japi watho' nejxasinkaliajwa pamaljiw, paxibej! ⁵ jJapi watho' nej naewajne' asew watho', kaes pansiachowpi, chiekal nejchaxoelaliajwa isaxaelpoxanliajwa, asax isasamata, pachaema-elpox! jNej naewajne'bejpi chiekal tataeflaliajwa pejbachanpijiw! jNej naewajne'bejpi watho' pansiachow naexasisliajwa pamaljiw, asew jiw jumchisamata babejjamechan Diosliajwa!

⁶ Tito, ¡xam naewuajande poejiw, pansiachow, chiekal nejchaxoelaliajwa isaxaelpoxan, japi isasamata babijaxan! ⁷ ¡Xambej chiekal dukde puexa pansiachow xam nakxataeliajwa! Naewuajnam wut, ¡chiekal naewuajande diachwujnakolaxtat! ⁸ Naewuajnam wut, ¡naewuajande chimiajamechan, asew jiw xam wujumchisamata! Xam asax is-emil wut, nadaelmajiw padalaxael nakjumchiliajwa babejjamechan, xatis naexasichpis Jesús pejwuajan.

⁹ ¡Naewuajandebej esclavos, japi naexasiti Jesús pejwuajan, chiekal naexasisliajwa puexa pejpaklochow tato'laspoxan, buxfafonasamatabejpi! ¹⁰ ¡Naewuajandebej esclavos, japi natkawasamata paklochow pejew! Ja-aech wut, esclavos bu'wuajanjilaxael pejpaklochowliajwa. Ja-aech wut, puexa jiw matabijaxael Dios nakbu'weyaxaelpox, diachwujnakolax.

¹¹ Xatis chiekal matabijas. Dios nakbeltaen xot, paxulan to'ak ampathatasik puexa jiw bu'welijawapon, japi naexasit wut Jesús pejwuajan. ¹² Dios nakbeltaen xot, kofas babijaxan isaspoxan, wajut isasiaspoxan. Me-ama ampathatpijiw isful babijaxan, ¡nabej jachitis! Amwutjel, ¡chiekal nejchaxoelaxaes isaxaespoxanliajwa, babijaxan isasamata! ¡Isfulaxaeslax Dios nakt'o'apoxan! ¡Sitaeyaxaesbej Dios, laelpas wut ampathatat! ¹³ ¡Jachiyaxaes, wujnawesfulas wut Jesús pasliajwa, me-ama Jesús nakjum-aech! Japon pask wut, xabich nejchachaemlaxaes. Jesucristolap Dios. Jawut japon itpaeyaxael pamamax, xatis nakbu'wia wut. ¹⁴ Jesús pajut natapaei asajiw jaelsliajwas, boesaliajwasbejpon, xatis nakbu'welijaw. Jatis wuton, xatis babijaxan isaspoxan nakwejl xatisxot, japon pejiwaliajwas xatis isfulaliajwas pachaempoxan.

¹⁵ ¡Japoxanlap xam naewuajande Jesús pejwuajan naexasiti! Japi nejxajwas wut, ¡xam naewuajande nejchachaemlaliajwa! Japi is wutbej isaxilpoxan, babijaxan, ¡xam japi fia'e, me-ama Dios pejjamechan jum-aech! Japoxanlap Dios xabich nejxasink xam isliajwam. ¡Nabej tapae' asew jiw xam mastaeliajwa!

3

Machiyaxaelpox, duil wut Jesús pejwuajan naexasiti

¹ Xam Tito, ¡naewuajande naexasiti Jesús pejwuajan, japi naexasisliajwa gobierno lelpoxan, gobiernopaklochow tato'alpoxanbej! Naexasiti Jesús pejwuajan chiekal nejchaxoelaxael isliajwa pachaempoxan. ² ¡Naewuajandebej naexasiti Jesús pejwuajan jumchisamata babejjamechan asew jiwliajwa! ¡Japi naewuajandebej nalosasamata, asew jiw suapich! ¡Naewuajandebej japi pachaemaliajwa, asew jiw suapich! ¡Naewuajandebej japi nejchaxoelaliajwa: “Xan kaes pejme pachaema-enil. Me-ama asew jiw, jachi-enil” —chiliajwapi, nejchaxoel wut!

³ Xatisbej majt matabija-esal Dios. Naexasis-esalbejpon. Samata, ampathatat laelpas wut, chiekal napeltas Diosliajwa. Laelpas wut, nejmachbabijaxan isasias. Xatis majt nusasiowlamaenkasbej asew jiw pejew, taens wut. Majt asew jiw naknejweslabej. Xatisbej asew jiw nejweslas. ⁴ Majt xatis jatis wut, Dios naktapaei matabijaliajwas nakbeltaenpox, puexa xatis naknejxasinkpoxbej. ⁵ Dios nakbeltaen xot, nakbu'wia. Dios nakbu'we-el, isas xot pachaempoxan. Espiritu Santo nakkajachawaet xot, xatis pajelnejchaxoelaxan. ⁶ Jesucristo,

nakbu'weyaxaelpon, to'ak Espíritu Santo xatis wajmatpuaatanxotaliajwa. ⁷ Dios nakbeltaen xot, xatis bu'wajaanjisal babijaxan isaspoxanliajwa japonliajwa. Samata, pomatkoicha duilaxaes Diosxotse. Japoxlap xatis amwutjel wajaanwesfulas.

⁸ Japox diach chiekal wajaankolax. Samata, ¡chiekal naewajaande puexa naexasiti Jesús pejwajaan isfulaliajwa pachaempoxan! Japoxan xabich pachaem puexa jiwliajwa. ⁹ Tito, ¡xam nabej buxxandadus, jiw nabunlot wut wajaan pachaema-elpoxliajwa! ¡Nabej buxxandadusbej, judíos nabunlot wut pejwajaanpajiw pejwulanliajwa! ¡Nabej buxxandadusbej, jiw nabunlot wut Moisés chajia lelpoxliajwa! Puexa japoxan nabunlot wut, pachaemaxil.

¹⁰ Aton naewajaan wut asawajaan jiw kofaliajwa diachwajaankolaxwajaan, ¡japon aton xam buxfia'e! Buxkofsel wut, ¡pejme buxfia'e buxkofsliajwapon japox! Pe japon buxkofsel wut naewajaanpox, ¡japon aton nabej tapae' kaes naewajaanliajwa naexasiti Jesús pejwajaan! ¹¹ Japon aton asawajaan naewajaan wut, xam matabijsaxaelam japon chiekal naewajaan-el Jesús pejwajaan. Ja-aech wut, japon aton pajut tasalaxaes babijax ispoxanliajwa.

Pablo to'apox Tito isliajwa we'ppoxanfuk

¹² Xan to'axaelen Artemas xam poxade. Ja-el wut, to'axaelen Tíquico. Japon pa'a wut xamxot, ¡xabua'de Nicópolis paklowax poxade, jaxot xatis nafaekaliajwas! Japapaklowaxxot xan iama chatoepaxaelen. ¹³ Abogado, pawlpon Zenas, Apolos suapich, japi thilt wut fulaeliajwa kaes atuj poxade, ¡xam kajachawae'e japi wewe'paspojanliajwa! ¹⁴ Puexa naexasiti Jesús pejwajaan matabijaxael kajachawaesliajwa asew naexasiti Jesús pejwajaan, xabich wewe'pas wut. Kaen kajachawaes-el wut asew jiw, japon aton chiekal pachaema-el Diosliajwa.

Pablo saludos xato'apox asew Jesús pejwajaan naexasitiliajwa

¹⁵ Puexa xanxotpi saludos xato'a xamliajwa. ¡Nawesaludam jaxotpijw, naexasiti Jesús pejwajaan! Xan puexa xamalliajwa Dios kawajaanx kajachawaesliajwapon.

Pablo carta lelpox Filemónliajwa

Pablo carta lelpox Filemónliajwa

¹ Xan Pablo, jiw jebatat jiw nabu'ajia chimiawuajan, Jesucristo pejwuajan, naewuajna xot. Filemón, xan, wajkoewan Timoteo suapich, ampox carta lelx xamliajwa, xanal xam nejxasinkax xot. Xambej nabistam Jesucristo pejbichax, me-ama xanal. ² Xanal lelxbej ampacarta wajkoewow Apialiajwa, Arquipoliajwabej. Arquipobej naknaewuajan Jesucristo pejwuajan, xam Filemón suapich. Lelxbej asewliajwa, japi naexasiti Jesucristo pejwuajan, natamejapi nejbatat. ³ Xan waj-ax Dios kawuajna x, wajpaklon Jesucristobej, xamal xabich kajachawaesliajwapi, chiekal duilialiajwambej, asew jiw suapich.

Pablo Dios kawuajanpox Filemónliajwa

⁴ Xan xabich Dios kawuajna x wut xam Filemónliajwa, gracias-an Diosliajwa. ⁵ Wultaenx xam chiekal naexasisfulampox wajpaklon Jesucristo. Wultaenxbej asew jiw nejxasinkampox, japi naexasiti Jesús pejwuajan. Japoxan wultaenx wut, xan Dios kawuajna xamliajwa. ⁶ Xan Dios kawuajna xam naewuajnalialiajwam Jesucristo xanaboejaspoxliajwa. Xam chiekal naewuajnam Jesús pejwuajan naexasitampoxliajwa. Ja-am wut, xam chiekal matabijsaxaelam puexa pachaempoxan xatisliajwa Jesucristo pijaxtat. ⁷ Takoewan, xam xabich nejxasinkam asew jiw, japi naexasiti Jesús pejwuajan. Samata, xabich japi jiw nejchachaemil xamliajwa. Samata, xanbej xabich nejchachaemlax xamliajwa. Xabich nejchaxoelxpo xamliajwa, amwutjel nejchaxoela-enillejen.

Pablo to'apox Filemón pejme bu'kulsliajwapon Onésimo

⁸ Xan apóstolan, Dios nato'a xot. Samata, xajupx xam tato'lialiajwan. Pe nakiowa, xam to'axinil isaxaelampoxliajwa. ⁹ Xanlax ampox to'ax xam nawe-isliajwam, nanejxasinkam xot. Xan Pablo, pati'nán, nabistax Jesucristoliajwa. Samata, jiw jebaxot jiw nabu'ajia, naewuajnafulax xot Jesucristo pejwuajan asew jiwliajwa. ¹⁰ Samata, xam to'ax chamoeyax isliajwam Onésimoliajwa. Onésimo, me-ama taxulan, xan naewuajna x wut jiw jebaxot, japon naexasit xot Jesús pejwuajan.

¹¹ Onésimo nej-esclavo wut, japon najaet xamxot. Ja-aech wut, diachwuajnakolax japon chaemil xamliajwa. Pe amwutjel, japon chiekal pachaemlison xamliajwa, xanliajwabej. ¹² Xan japon to'ax xam poxade nawiasliajwa. ¡Chiekal bu'kuldepon! Me-ama xan chiekal nabu'kultam wut, ¡ja-amde Onésimoliajwa! ¹³ Xan nejchaxoelx: “Pachaem Onésimo xanxot namanaliajwa, Filemón pijaxtat Onésimo nakajachawaesfulaliajwa, xan jiw jebaxotx wut, chimiawuajan, Jesucristo pejwuajan, naewuajnafulax xot jiw” —an, nejchaxoelx wut japonliajwa. ¹⁴ Pe xanliajwa chiekal nawepachaema-el Onésimo namanaliajwa xanxot, xam najut tapae-emil wut. Xanbej nejxasinka-enil xam wuljoeliajwan japon to'aliajwam nakajachawaesliajwa. Xam najut to'asiam wut Onésimo, pachaem to'aliajwam xan nakajachawaesfulaliajwapon. ¹⁵ Dios bej tapaeisbej Onésimo najaesliajwa xamxot japox kaematkoiyánliajwa asbuan jumch. Amwut nawiasaxaelon xam poxade pomatkoicha jaxot namanaliajwa.

¹⁶ Japon nawiat wut pejme xamxot, malech nabichaxaelon. Pe japon amwutjel esclavokala-el. Amwutjel japon kaes pejme pachaem. Japon wajkoewanbej, naexasit xoton Jesús pejwajaan, me-ama xam, ja-aech xoton. Xan japon nejxasinkax. Xambej japon nejxasinkaxaelam.

¹⁷ Xam nejchaxoelam wut xanliajwa: “Pablo, me-ama takoewan, japon Jesús pejwajaan naexasit xot” —am wut, ja-aech wut, Onésimo xamxot pat wut, chiekal bu'kulsaxaelampon. Me-ama xan chiekal nabu'kulsaxaelam wut, jachiyaxaelam Onésimoliajwa. ¹⁸ Onésimo xam chajia dewat wut, is wutbejpon babijax xamliajwa, ixan namat-omwuljoem! Xan mosaxaelen japon dewatpoxan. ¹⁹ Xan, Pablo, tajut ampox lelx. Xan tajut xam mosaxaelen Onésimo dewatpoxanliajwa. ¡Xambej chiekal nejchafae'e xan xabich nadewatampo! Xam kajachawaetx xot naexasisliajwam Jesús pejwajaan, pomatkoicha dukaxaelam Diosxotse. ²⁰ Takoewan, ampox jum-an xam nawe-isliajwam pachaempo Onésimoliajwa, xambej naexasitam xot Jesucristo pejwajaan. ¡Isde pachaempo Onésimoliajwa xan nejchachaemlialiajwan, xatis Jesucristo pejiws xot!

²¹ Xan chiekal matabijtax xam na-owchiyaxaelampo. Matabijtaxbej xan jum-anpo, xam kaes pejme isaxaelam. Samata, ampox carta lelx xamliajwa. ²² Kaes asax jumchiyaxaelen. ¡Tajpasax wajaan batu chiekal nawechaemde xanliajwa! Xamal piach Dios kawajnam soldaw nakolsax natapaeliajwa xan dukxbatat, xamalxot pasliajwan. Samata, xan nejchaxoelx wut, jum-an: “Japi pejkawajnajaxantat xan ampabatat nakolsaxaelen” —an, nejchaxoelx wut.

Pablo, asew jiw sawpich, saludos xato'apox

²³ Epafra, japon tajnachalan, amwutjel japon jiw jebatat jiasbej, Jesucristo pejwajaan asew jiw naewajnaful xoton. Japonbej saludos xato'a xamalliajwa. ²⁴ Marcosbej saludos xato'a. Aristarco, Demasbej, Lucas sawpichbej, japibej saludos xato'a. Japi xan nakajachawaesful, Dios pejbichax isfulax wut.

²⁵ Xan wajpaklon Jesucristo kawajnajax xamal kajachawaesfulaliajwapon.

Ampox carta xato'as judíosliajwa, Jesús pejwajjan naexasitiliajwa

Dios to'apox paxulan, japon naewajnalijwa jiw

¹ Chajiakolaxtat Dios pin-iaveces xabich buxto'a pejprofetas, japi profetas jumchiliajwapi wajwajjanarijiw Dios buxto'aspoxan. Do jawux, profetas naewajjan wajwajjanarijiw Dios buxto'aspoxan. ² Do baxael, Dios to'a paxulan xatis naknaewajnalijwa Dios matabijaliajwas. Chajiakolaxtat Dios to'a paxulan isliajwa ampaxthat, puexa thatbaxotatpibej. Do jawux, Dios paxulan to'a japon puexa japoxan tataeflaliajwa. ³ Dios paxulan xabich pachaempon. Me-ama pax Dios xabich pachaem, ja-aechbej paxulan. Dios paxulan xajur puexa isliajwa jum-aechpoxtat, mamnik xoton. Puexa japon ispoxan ampaxthatat, athxotsebej, nakiowa amwutjel pachaemsful japon pijaxtat. Dios paxulan tur cruztat xatis babijaxan isaspoxan ajilaliajwa Diosliajwa. Jawux chijialison athu poxase ekaliajwa pax poklalel, japon suapich, puexa tato'laliajwa.

Dios paxulan kaes pejme pachaempox, me-ama ángeles, jachi-elon

⁴ Dios paxulan kaes pejme pachaem. Me-ama ángeles, jachi-elon. Dios tapaei paxulan puexa tato'laliajwa, japon suapich. Dios tapaeibej ángeles kaesuapich tato'laliajwa. ⁵ Dios jum-aech paxulanliajwa:

“Xam taxulnam. Amwutjel puexa jiw matabijaxael xam diachwajnakolax taxulnam” —aech Dios. Dios jum-aechbej asew jiw chiekal matabijaliajwa japon paxulanliajwa: “Xanlap japon paxnan. Japon xan taxulan” —aech Dios. Dios japox jumchi-el kaen ángelliajwa. Dios japox jum-aech paxulanliajwa. Samata, matabijas Dios paxulan kaes pejme pachaempon. Me-ama ángeles, jachi-elox.

⁶ Dios paxulan to'aliajwa wut ampaxthatlelsik, jum-aechon ángelesliajwa:

“Xamal puexa brixtat nuilaxaelam taxulan pejwajnalel, sitaeyaxaelam xot” —aech Dios ángelesliajwa.

⁷ Dios jum-aechbej:

“Taj-ángeles tajjamechan xananamspijwaxael asew jiwliajwa. Ángeles pabisla. Me-ama joewa wut, ja-aech. Japibej, me-ama jitkaechia'an wut, ja-aech jiw toejafaliajwa, pejbu'wujjanpi xanliajwa” —aech Dios.

⁸ Dios jum-aech paxulan jumtaeliajwa:

“Xam Diosnam. Tato'laxaelam pomatkoicha. Xam puexa tato'lam wut, chiekal tato'laxaelam.

⁹ Xam nejxasinkam isliajwam pachaempoxan. Xambej nejwesla isliajwam pachaema-elpoxan. Samata, xam makafitx tajaxtat kaes nejchachaemlaliajwam. Me-ama nejnachala nejchachaemil wut, xam jachiyaximil” —aech Dios paxulanliajwa.

¹⁰ Dios pejme jum-aech paxulanliajwa:

“Xam paklonam. Isam ampaxthat, puexa ajil wut. Isambej thatbaxo.

- 11 Puexa xam isampoxan, baxael, paduj nadofaxael. Me-ama paduj-naxoe, jachiyaxael japoxan, asamatkoi, puexa toep wut. Pelax xam toepaximil, pomatkoicha dukaxaelam xot.
- 12 Me-ama jiw truka padujnaxoe, xambej asamatkoi jakichiyaxaelam thatbaxoliajwa, ampathatliajwabej. Do jawux, pajelthatbaxo, pajelthatbej, xam isaxaelam. Pelax xam, me-ama amwutjel, jachisfulaxaelam pomatkoicha, xam toepaximil xot” —aech Dios paxulanliajwa.
- 13 Dios jumchi-el kaen ángelliajwa:
 “¡Ekde tajpoklalel puexa jiw tato'laliajwam! Nadaelmajiw malechax-aelen japi xam naexaxisliajwa to'axaelampox” —chi-el Dios pej-ángellesliajwa. Pelax Dios japox jum-aech paxulankalliajwa.
- 14 Puexa ángeles, japi espíritus. Samata, japi taeyaxisal. Japi duil isfulaliajwa Dios tato'alpoxan. Japi to'as potuajjucha kajachawaesliajwa jiw. Japi jiw Dios bu'weyaxaes.

2

Xatis naekuanjiamsaxisalpox Jesús pejuwanliajwa

¹ Xatis chiekal matabijas Dios paxulan kaes pejme pachaem. Me-ama ángeles, jachi-el Dios paxulan. Samata, xatis naekuanjiamsaxisal, naknaewuanjan wut chimiawuanjan, japon pejuwanjan. Kaes chiekal naexaxisaxaes kofasamatas japawuanjan. ² Chajiakolaxtat Dios pajut buxto'a ángeles, japi chapaeliajwa Moisés Dios pejtato'laxan, japoxan jiw naewuanjalijwas. Do jawux, Moisés japatato'laxan lel. Jiw naexaxis-elpi japatato'laxan, japi Dios kastikas. ³ Samata, xatis naekuanjiamsaxisal chimiawuanjan, Dios paxulan pejuwanliajwa, xatis Dios nakbu'welija. Wajpaklon Jesucristo jum-aech jiw bu'weyaxaelpox. Japi jiw pajut matabija wut japawuanjan diachwuanjakolaxpox, ja-aech wut, xatisbej japox chiekal naknaewuanjanpi. ⁴ Japi jiw, xatis naknaewuanjan wut, isbejpi koechaxan Dios pijaxtat. Espiritu Santobej kajachawaech japi kaenanula isliajwa Dios nejxasinkpoxan. Samata, xatisbej matabijas naknaewuanjanpoxan, diachwuanjakolaxpoxan.

Jesucristo nalaelt wut, me-ama yamxi nalaela wut, ja-aechpox

⁵ Asamatkoi, ampathat pajelthat wut, jawut Dios tapaeyaxil ángeles tato'laliajwa japathatat. ⁶ Dios pejjamechan, chajia lelspx, jum-aech wut, jum-aechox jiw kaes pejme pachaemaxaelpoxliajwa. Me-ama Dios pej-ángeles, jachiyaxil jiw. Japoxbej Dios pejjamechan, chajia lelspx, jum-aech wut, jum-aechox:

“Dios, xam kaes xabich pachaemam. Me-ama jiw, jachi-emil. Ja-am wut, ¿ma-aech xotkat xam nakiowa nejchaxoelam jiwliajwa?

⁷ Xam jiw isam wut, japi jiw puexa chiekal pachaema-ellejen. Me-ama ángeles xabich pachaem, jachi-el japi jiw. Pe nakiowa, asamatkoi, japi jiw xam chiekal naexasit wut, japi kaes pejme pachaemaxael xamliajwa. Me-ama ángeles, jachiyaxilpi pachaempox. Ja-aech wut, puexa kaes pejme sitaeyaxaesi.

⁸ Samata, asamatkoi xam tapaeyaxaelam japi jiw tato'laliajwa puexa isampoxan” —aech Dios pejjamechan, chajia lelspx, japi jiwliajwa.

Dios tapaei wut jiw tato'laliajwa puexa Dios ispoxan, japi tato'laxael puexa. Tataeflaxaelbejpi. Pe xatis amwutjel tae-esal jiw puexa tato'alpox, tuadus-el xotfuk. ⁹ Jesús ampthatat nalaelt wut, kaes xabich pachaempon. Me-ama ángeles, xabich pachaem wut, jachi-el Jesús. Dios naknejasink xot, paxulan to'a nalaelsliajwa ampthatat, xabich nabijasliajwa. Do baxael, Cristo tɔp xatis babijaxan isaspoxanliajwa. Samata, Dios tapaei japon ekaliajwase Dios poklalel, puexa jiw tato'laliajwa.

¹⁰ Dios puexa is wut, japoxan japon pajutliajwa. Dios xabich nejasink japi jiw chiekal naexasisliajwapi japon pejjamechan. Nejxasinkbejpon japi jiw japon pejjiwaliajwa. Nejxasinkbejpon japi jiw chiekal pachaemaliajwa, me-ama Dios pachaem, jachiliajwa japi jiw. Samata, Jesucristo tapaeis xabich nabijasliajwa, tɔp wuton cruztat jiw babijaxan ispoxanliajwa. ¹¹ Amwutjel xatis babijaxan isaspoxan ajil xatisliajwa, Jesús tɔp xot cruztat xatisliajwa. Japon pax, xatisbej japon waj-ax. Samata, Jesús buxdala-el jumchiliajwa: “Ampi jiw takoew” — chiliajwapon xatisliajwa. ¹² Dios pejjamechan, chajia lelspx, jum-aech wut, jum-aechox Jesús jumchiyaxaelpox pax Dios jumtaeliajwa: “Asamatkoi jumchiyaxaelen, puexa takoew suapich, xamliajwa. Puexa takoew suapich, natamejlax wut, xanal xabich himno jajuiyaxaelen xam nejchachaemlaliajwam” — aech Jesús jum-aechpox pax Diosliajwa.

¹³ Dios pejjamechan, chajia lelspx, jum-aech wut, jum-aechox Jesús jumchiyaxaelpox pejnachalaliajwa: “Xan taj-ax, Dios, xanaboejsaxaelen nakajachawaesliajwa” — aechox. Japafutxot jum-aechbej Jesús jumchiyaxaelpox pejnachalaliajwa: “Xan amxotx, japi suapich, Dios nachaxdutupi suapich” — chiyaxaelpox.

¹⁴ Jesús ampthatat nalaelt wut, me-ama yamxi nalaela wut, ja-aechon. Samata, Jesús xajɔp tupaliajwa, xatis babijaxan isaspoxanliajwa. Samata, Jesús tɔp wut, malechapon Satanás. Jiw tɔp Satanás pijaxtat. ¹⁵ Jesús tɔp wut, chiekal toep pomatkoicha wajlewlapox tupaliajwas. ¹⁶ Diachwɔajnakolax Jesús fulae-elsik ampthatasik japon kajachawaesliajwa ángeles. Pelax japon fuloek kajachawaesliajwa Abraham pamojijw, japi naexasitpi Dios, me-ama Abraham, ja-aechpi. ¹⁷ Samata, Jesús nalaelt ampthatat Dios kawɔajnalialjwa xatisliajwa. Nakbeltaenbejpon. Ispox Dios to'aspox. Samata, pajut natapaeipon padaelmajiw kimatamatlialjwas cruztat. Japon tɔp wut, Dios nakbeltaen toepaliajwa wajɔwɔajanpox. ¹⁸ Jesús nabijat, Satanás xapaejtas wut babijax isliajwa. Pe Jesús is-el babijax. Samata, Jesús xajɔp pejjiw kajachawaesliajwa, japibej xapaejas wut Satanás.

3

Amxotpox jum-aechpox Jesús kaes pejme pachaempon, me-ama Moisés pachaem wut, jachi-elpon

¹ Takoew, xamal Dios pejjiwam, makanot xoton japon pejjiwaliajwam. Nejchaxoelam wut, jchiekal nejchaxoelde Jesucristoliajwa, japon Dios to'akas ampthatasik xatis naknaewɔajnalialjwa Dios pejjamechan! Jesús diachwɔajnakolax sacerdotekolan, japon Dios nakwekawɔajnalialjwa Dios nakkajachawaesliajwa xatis. ² Chajikolaxtat Moisés chiekal tataeful puexa Dios pejjiw, Dios japox

to'as xoton japi israelitas tataeflaliajwapon. Jesúsbej chiekal is Dios pijax bichax ampathatat. ³ Jesús kaes pejme pachaem. Me-ama Moisés pachaempon, jachi-el Jesús. Jesús kaes pejme xabich sitaens, jiw bu'weyaxael xoton, naexasiti japon pejwujajan. Bachan isanbej sitaens. Me-ama japon ba ispox sitaens wut, jachi-esal. ⁴ Xatis bachan taens, jiw isbachan. Pe Dios ampathatat puexa nejmach is. ⁵ Chajiakolaxtat Dios pajut to'a Moisés chiekal tataeflaliajwa puexa Dios pejiw. Samata, Moisés chiekal naexasit, Dios to'as wut. Moisés jum-aechbej asamatkoi Dios jumchiyaxaelpoxan jiwliajwa. ⁶ Cristo, Dios paxulan, chiekal naktataeflaful, Dios pejiwxsot. Chiekal naexasich wut Cristo pejwujajan, nejchachaemlas wutbej Dios nakbu'weyaxaelpoxliajwa, jatis wut, pomatkoicha Dios pejiwaxaes.

Dios tapaeyaxaelpox pejiw leliajwa japonxotse

⁷⁻⁸ Kaes pejme pachaem Jesucristo. Me-ama Moisés, ángelesbej, jachi-el Jesucristo. Samata, ¡Jesús chiekal naexasisfulde! Dios pejjamechan chajia lelsxot jum-aech, Espíritu Santo jum-aechpox:

“Amwutjel, xamal jumtaenam wut Dios jum-aechpox, ¡nabej naexasisle' Dios naexasisliajwam! Me-ama asew nejwujajnapijiwxsot, naexasis-eli Dios, ¡xamal nabej ja-aече'! Chajiakolaxtat pajilaxtat japi duilaful wut, japi nejwesla isfulaliajwa Dios tato'laspoxan. Japi naexasisfula-el Dios. Pe nakiowa, japi toes-esal Dios.

⁹ Nejwujajnapijiw naexasis-el, Dios pajilaxtat wuti. Naexasis-elbejpi, Dios to'as wut. Cuarenta waechan Dios is koexaxan nejwujajnapijiwliajwa. Japoxan taen wut, nakiowa naexasisfula-eli, Dios tato'las wut.

¹⁰ Samata, Dios palala nejwujajnapijiwliajwa. Dios jum-aech: ‘Japi naexasisfula-el, xan tato'lax wut. Nejwesla isliajwa xan tato'laxpoxan’ —aech Dios nejwujajnapijiwliajwa.

¹¹ Samata, Dios palala wut, jum-aechon: ‘Japi pasaxil xan chaemtaxxotse damlathulaliajwa’ —aech Dios nejwujajnapijiwliajwa” —aech japox Espíritu Santo.

¹² Takoew, ¡najut chiekal natataefulde! Nejchaxoelam wut Diosliajwa, ¡nabej nejchaxoele': “Xan kofsaxaelen Dios naexasitpox, Dios chiekal ajil xot” —nabej aече', nejchaxoelam wut! Diachwujajnakolax Diosjila-el. Japon duk. ¹³ Xamal ampathatat laelpam wutfuk, ¡pomatkoicha nakaewa nanaewujajande Dios pejjamechan Dios kaes xanaboejalijwam! ¡Ja-amde, kaen xamalxot Satanás naekichachajbasamatas babijax isamatapon! ¡Ja-amde kaen xamalxot naexasislasamata Dios, asew jiw xamal naewujajan wut! ¹⁴ Xatis chiekal naexasisaxaes Jesús pejwujajan. Me-ama akasestat chiekal naexasisfulas wut, jachisfulaxaes. Laelpas wut ampathatat, kofaxisal naexasichpox Jesús pejwujajan. Jatis wut, xatis duilaxaes Cristo tato'alxotse.

¹⁵ Dios pejjamechan, chajia lelspox, jum-aech wut, jum-aechox xamal naexasislasamatam:

“Amwutjel, xamal naewetam wut Dios jum-aechpox, ¡nabej naexasisle' chiekal naexasisliajwam! Me-ama nejwujajnapijiw pajilaxtat naexasis-el, ¡xamallax nabej ja-aече'!” —aech Dios pejjamechan, chajia lelspox.

16 Xamal chiekal matabijam, Moisés bu'fol wut, israelitas nakola wut Egipto tujnuxotdin. Japibej Dios naexasis-el, jumtaen wuti, Dios pajut chiekal jum-aech wut. 17 Xamal chiekal matabijambej, israelitas babijaxan is wut Diosliajwa, cuarenta waechan pajilaxtat wuti, Dios palala. Samata, japi tujp pajilaxtat. 18 Japi naexasis-el wut Dios jumtispor, japi leyaxil Dios chaemtxotse jiw damlathulaliajwa. 19 Xatis matabijas, wajwujnapijiw le-el damlathulaxxotse, naexasis-el xoti Dios jum-aechpor.

4

1 Xatis Dios nakwujnawesful damlathulaxxotse, me-ama Dios nakjumdut. Samata, chiekal naexasisfulaxaes Jesús pejwujajan. Nakaewa nakajachawaesfulaxaes chiekal naexasisfulaliajwas Jesús pejwujajan, asamatkoi kaeyaxtat damlathulaliajwas damlathulaxxotse. 2 Xatisbej jumtaens chimiawujajan damlathulaliajwas, me-ama wajwujnapijiw majt jumtaen. Wajwujnapijiwliajwa japawujajan chiekal wepachaema-esal, naexasis-el xoti. 3 Pe naexasichpis Jesús pejwujajan, damlathulaxaes Dios nakjumdutxotse. Jesús pejwujajan naexasis-eli jaxotse damlathulaxil. Dios japox jum-aech, palala wut:

“Japi leyaxil xan chaemtaxxotse damlathulaliajwa” —aech Dios. Dios toet wut that isax, thatbaxobej, jawut toetbejpon isax wajwujnapijiw damlathulaxaelxotse. 4 Dios pejjamechan, chajia lelspor, jum-aech wut, jum-aechbejpor Dios ispor, séptimomatkoi wut:

“Séptimomatkoi wut, kaes Dios is-el. Jawut damlathulon” —aechox.

5 Dios pejjamechan, chajia lelspor, jum-aech wut, jum-aechbejpor Dios jum-aechpor asew jiw naexasisaxilpor Jesús pejwujajan:

“Japi jiw leyaxil damlathulaliajwa xan chaemtaxxotse” —aech Dios jum-aechpor.

6 Matxoelajumtaenpi chimiawujajan naexasis-el xoti, japi leyaxil damlathulaxxotse. Samata, xabich jiw we'puk leliajwa jaxotse. 7 Asew jiw naexasis-el xot chimiawujajan, Dios jumdut asamatkoi asew jiw leyaxaelpor damlathulaxxotse. Chajia Dios to'a rey David jumchiliajwa ampamatkoiyan asew jiw leyaxaelpor damlathulaxxotse. Rey David jum-aech japoxliajwa:

“Xamal jumtaenam wut Dios jum-aechpor, inabej naexasisle' Dios naexasisliawam!” —aech rey David.

8 Josué bu'pat wut israelitas Canaán tujnuxot, japatujaju Dios xapael pomatkoicha israelitas damlathulaliajwa. Japatujaju Dios xapaei wut pomatkoicha israelitas damlathulaliajwa, ja-aech wut, Dios jumtusaxil asamatkoi pejiw israelitas damlathulaxxotse leliajwa.

9 Samata, matabijas, asamatkoi Dios tapaeyaxael pejiw leliajwa damlathulaxxotse. Jatis wuti, Dios pejiw damlathulaxael jaxotse. Me-ama Dios damlathul séptimomatkoi wut, jachiyaxaelbej Dios pejiwpi. 10 Japi leyaxael damlathulaxxotse damlathulaliajwa. Me-ama Dios damlathul, isax toet wut, jachiyaxaelbej japi jiw. 11 Ma xamal ixajupamdo' puexa isliawam, do japoxtat isde lelaliajwam damlathulaxxotse! Chajiakolaxtat wajwujnapijiw Dios naexasis-el japi leliajwa damlathulaxxotse. Samata, puexa xatis, me-ama japi, jachiyaxisal.

¹² Dios pejjamechan xabich mamnik. Me-ama espada, nataela-pabua'powa, xua'la wut xabich funiachde, ja-aechbej Dios pejjamechan. Dios pejjamechan xajur leliajwa xabich funiach jiw pejmatpuatan poxade, japi pajut chiekal matabijaliajwa, ma-aech pejnechaxoelaxan, pachaem wut, o, chaemil wut. ¹³ Puexa Dios ispoxan, japoxan namoechaxil Dios pejwuaajnalel, Dios puexa chiekal taen xot japoxan. Asamatkoi xatis kaenanula Dios chapaeyaxaes, ma-aech xot isas kaenanula isaspoxan.

Amxot jum-aechpox Jesús sacerdotekolanpon, Dios kawuajnalijwapon puexa jiwliajwa

¹⁴ Jesús, Dios paxulan, athu poxasepon wajsacerdotekolnaliajwa. Japon Dios kawuajnaful xatisliajwa, Dios xatis nakkajachawaesliajwa. Samata, ¡Dios chiekal naexaxisaxaes! ¹⁵ Jesús ampathatat wut, Satanás xapaejaspon babijax isliajwa. Pe nakiowa, Jesús is-el babijax. Samata, Jesús chiekal matabijt, ma-aech Satanás nakxapaeja wut babijax isliajwas. ¹⁶ Samata, Satanás nakxapaeja wut, xatis kamta Dios kawuajnaxaes nakkajachawaesliajwa. Jatis wut, Dios nakkajachawaesaxael, nakbeltaen xoton, naknejxasink xotbejpon.

5

¹ Puexa sacerdotesxot, kaen sacerdote makafich Dios, japon puexa sacerdotespaklokolnaliajwa. Do jawux, japon puexa sacerdotespaklokolnaxael, Dios kawuajnafulaliajwa puexa jiwliajwa. Choef xua'atbejpon Dios beltaeliajwa puexa jiw babijaxan ispoxanliajwa. ² Ampathatat tampoela-el sacerdotes isliajwa babijaxan, Satanás xapaejas wut, asbuan jumch jiwkal xoti. Samata, puexa sacerdotespaklokolan xajur jiw beltaeliajwa, jiw is wut babijaxan matabijs-elaxtat. ³ Puexa sacerdotespaklokolan, choef xua'asliajwa wut, kaen choefan matxoela xua'lapon, pajut babijaxan ispoxanliajwa Dios beltaeliajwas. Japox kitoet wut, sacerdotespaklokolan pejme asew choef xua'aton asew jiw babijaxan ispoxanliajwa japibej Dios beltaeliajwas. ⁴ Sacerdotes pajut namakafisaxil puexa sacerdotespaklonkolnaliajwa. Sacerdote Dios makafich wut, ja-aech wutlax, japon puexa sacerdotespaklokolnaxael. Me-ama chajiakolaxtat wajwuaajnapijin Aarón Dios makafich sacerdotespaklokolnaliajwa, jachiyaxael japon sacerdote. ⁵ Cristoliajwa japox ja-aechbej. Japon pajut namakafis-el sacerdotekolnaliajwa. Dios makafichpon. Dios jantisejpon:

“Xam taxulnam. ¡Puexa jiw nej matabijs diachwuaajnakolax xam taxulnamponam!” —tison Dios.

⁶ Dios pejjamechan, chajia lelspox, jum-aech wut, jum-aechbejpon Dios jum-aechpox Cristoliajwa:

“Xam pomatkoicha sacerdotnaxaelam. Me-ama Melquisedec pomatkoicha sacerdote, xamlap-is jachiyaxaelam” —aech Dios jum-aechpox Cristoliajwa.

⁷ Jesucristo ampathatat wut, pin-iaveces pinjаметat Dios kawuajanpon. Dios kawuajan wut, xabich nejxaejwas wut, itminpon. Jasoxtat Jesucristo Dios kawuajan Dios bu'weliajwas, matabijt wut padaelmajiw boesaxaespon. Pe jawut, Jesucristo nakiowa nejchaxoel: “Xan isaxaelen taj-ax Dios nejxasinkpox” —aechon, nejchaxoel wut. Samata, Dios kajachawaechpon isliajwa Dios nejxasinkpox. ⁸ Jesucristo, Dios

paxulan, xabich pachaempon. Japon nejchaxoel: “Xan nabijasaxaelen. Pe nakiowa, Dios chiekal naexasisaxaelen” —aechon, nejchaxoel wut. Samata, naexasitpon pax Dios. ⁹ Cristo chiekal naexasit xot pax Dios, japon tɔp puexa jiw bu'wɔajanjalialajwa Diosliajwa. Samata, puexa jiw, naexasiti Jesús pejwɔajan, japon bu'weyaxael japi jiw pomatkoicha duilialajwapi Diosxotse. ¹⁰ Samata, Dios makafit Jesús sacerdotekolnaliajwa, me-ama Melquisedec pomatkoicha sacerdote, jachiliajwa Jesús.

Jesús pejwɔajan naexasiti naewɔajnaspoɔ kofasamata naexasitpoɔxliajwa

¹¹ Xan xabich lelaliajwan Jesucristoliajwa, sacerdotekolanpoɔxliajwa. Pe pachaema-el puexa chiekal chanaekabuɔanaliajwan, xamal makach matabija-emil xot. ¹² Xamal piach Jesús pejwɔajan naexasitam. Pelis, ama xamal jiw chanaekabuɔaniwaxaelam. Pe nakiowa, xamal xabich we'pamfuk asew jiw chiekal chanaekabuɔanaliajwam Dios jum-aechpoɔxan, matabija-emil xot kaes tampoelpoɔxan chiekal jummatabijaliajwam. Samata, xamal, me-ama yamxi naxaeyaxan xaeyaxilpi, ja-am xamal. Me-ama yamxi mitan afpi, ja-ambej xamal. ¹³ Jiw wewe'paspi naewɔajnalialajwas tampapoɔxan, Dios pejjamechan, japi pejnechaxoelaxan, me-ama yamxi, mitan afpi, ja-aechi. Japi matabija-el isliajwa Dios nejxasinkpoɔxan. ¹⁴ Jiw chiekal matabijapi Dios pejjamechan, japi matabija isliajwa pachaempoɔxan. Matabijabejpi is-elaliajwa pachaema-elpoɔxan. Samata, japi jiw Diosliajwa, me-ama pakdiachow xaeyaxaelpi naxaeyaxan, ja-aech japi jiw.

6

¹ Samata, Dios pejjamechan kaes matabijaxaes chiekal naexasisliajwas Dios. Jatis wut, diachwɔajnakolax Diosliajwa, xatis, me-ama pakdiachwas wut, jachiyaxaes. Jatis wutbej, asew jiw nakwewe'paxil kaeyax naknaewɔajnalialajwa majt naknaewɔajanpoɔxan, akaxestat tuaduws wut naexasisliajwas Jesús pejwɔajan. Jatis wut, japoɔxanliajwa pomatkoicha naknaewɔajnaxil. Asaxan nakwewe'paxil kaes naknaewɔajnalialajwa, chiekal matabijas xotlis japoɔxan. Samata, nakwewe'paxilbej nakfiasliajwa babijaxan is-elaliajwas Dios nakkastika-elaliajwa. Nakwewe'paxilbej naktato'laliajwa Dios chiekal naexasisliajwas. ² Nakwewe'paxilbej kaes naknaewɔajnalialajwa bautisapoɔxliajwa. Nakwewe'paxilbej kaes naknaewɔajnalialajwa ancianos ki-owapoɔxliajwa naexasiti Jesús pejwɔajan, japi pejta'antat, Dios kawɔajnalialajwa wut. Nakwewe'paxilbej kaes naknaewɔajnalialajwa tɔpi mat-eyaxaespoɔxliajwa pejme duilialajwa. Nakwewe'paxilbej kaes naknaewɔajnalialajwa pejbɔ'wɔajanpi pomatkoicha kastikaxaespoɔxliajwa. ³ Dios naktapaei wut, jkaes chiekal naexasisaxaes Jesús pejwɔajan!

⁴ Asew jiw matabija diachwɔajnakolaxpoɔ. Samata, naexasiti Jesús pejwɔajan Dios bu'welialajwas. Japi jiw pejmatpɔatanxotbej Espíritu Santo. ⁵ Japi matabijabej Dios pejjamechan xabich pachaempoɔ. Matabijabejpi Jesús asamatkoi ampathatat tato'laxaelpoɔ. ⁶ Pe kofa wuti naexasitpoɔ Jesús pejwɔajan, diachwɔajnakolax japi jiw chiekal napelsaxael Diosliajwa. Ja-aech wut, japi jiw pijaxtat puexa asew

jiw bu'wuaianpaeyaxaeli Jesúsliajwa. Kofapi Jesús pejwuaian naexasitpox, japi jiwlap, me-ama cruztat pejme kimatamatali Jesús, jachiyaxaeli. ⁷ Dios pijaxtat iam thilan ampathatat. Samata, muthaspi chiekal nakwetit. ⁸ Iam thilan wut, toeixkal naboela wut, pachaema-el. Toeixkal wut, asamatkoi toejafaxaes. Jachiyaxaes jiw, Jesús pejwuaian naexasitpox kofapi. Asamatkoi Dios kastikaxaes infiernoxotdik.

Xatis chiekal naexasisaxaes pox Jesús pejwuaian, Dios nakkajachawaet xot

⁹ Takoew, xamal nejxasinkaxpim, xan chiekal matabijtax, asew jiw kofa naexasitpox Jesús pejwuaian. Xamal kofa-emil. Xan matabijtaxbej chiekal duilampox. Chiekal naexasitam xot Jesús pejwuaian, Dios xamal bu'wia. ¹⁰ Dios is pachaempoxan. Japon nejkiowaxil xamal isampoxan japonliajwa. Nejkiowaxilbejpon asew jiw, naexasiti Jesús pejwuaian, kajachawaetampox, japi jiw xamal nejxasinkam xot. ¡Xamal amwutjelbej japi jiw nakiowa kajachawaesfulde! ¹¹ Xan nejxasinkax xamal kaenanula nakaewa nakajachawaesliajwam pomatkoicha. Ja-am wut, Dios xamal kaenanula chaxduiyaxael pachaempox. Diachwuaajnokolax xamal chaxduiyaxaelon wuajnawetampox. ¹² ¡Xamal nabej nejwesle' naexasisliajwam Dios! ¡Pomatkoicha naexasisfulde Dios! Me-ama asew jiw pomatkoicha chiekal naexasisfuli Dios, ¡xamalbej ja-amsfulde! Japi jiw kofa-el naexasitpox Dios. ¡Japoxlap xamal jachisfulaxaelambej! Dios chajia jum-aechpox xabich pachaem. Japi jiw chaxduiyaxaes pachaempox, Dios chajia jum-aechpox chaxduiliajwa.

¹³ Chajiakolaxtat Dios jum-aech Abrahamliajwa chiekal naexasisliajwa: “Xan Diosnan xot, tajut jum-anpox xamliajwa, diachwuaajnokolax” —aech Dios Abrahamliajwa, japon chiekal matabijsliajwa. Dios japox jum-aech, kaes pachaempon ajil xot, me-ama Dios. ¹⁴ Dios chajia jum-aech wut, jum-aechon Abrahamliajwa: “Diachwuaajnokolax xam kajachawaesaxaelen. Samata, namojiw xabichaxael” —aech Dios Abrahamliajwa. ¹⁵ Do jawux, Abraham wuajnawesful piach Dios jumduchpox. Baxael, japox ja-aechlisox Abrahamliajwa. ¹⁶ Jiw jumduw wut asew jiwliajwa, jum-aechi ampox: “Xamal jumduxpox, Dios chiekal japox najumtaen” —aechi asew jiwliajwa, chiekal naexasisliajwas jumduwpxox. Kaes pejme asax jumchiyaxili asew jiw chiekal naexasisliajwas. ¹⁷ Dios jumdut wut jiwliajwa, nejxasinkon jiw chiekal naexasisliajwas japon jum-aechpox. Samata, jumdut wut, jum-aechbejpon: “Xan Diosnan xot, jumduxpox diachwuaajnokolax japox xamalliajwa” —aech Dios, jiw chiekal pajut matabijaliajwa japon jum-aechpox diachwuaajnokolax. ¹⁸ Dios kichachajba-el. Samata, puexa japon jum-aechpox diachwuaajnokolax. Dios nakjum-aech nakbu'weyaxaelpox. Samata, xatis nejchaxoels wut, nejchaxoelaxisal: “Xatis Dios nakbu'weyaxil” —chiyaxisal, nejchaxoels wut. Diachwuaajnokolax Dios nakbu'weyaxael. ¹⁹⁻²⁰ Jesús tup wut, jawut Dios poxasepon. Jaxotse Jesús Dios kawuajnaful puexa xatisliajwa. Jesús sacerdotekolan. Me-ama Melquisedec pomatkoicha sacerdote, ja-aechbej amwutjel Jesús Diosxotse. Samata, xatis chiekal Jesús xanaboejas. Asamatkoi japon xatis nakbuflaeyaxael duilaliajwas Diosxotse.

7

Amxot jum-aechpox Jesús sacerdotekolanpox, me-ama Melquisedec, ja-aechpon

¹ Melquisedec chajiakolaxtat duk wut Salem paklowaxxot, japon rey japapaklowaxpijiwliajwa. Pe japonbej sacerdote, Dios, athuxotsepon, pejsacerdote. Japamatkoivan Abraham, pamak suapich, malechapi asapaklowaxanpijiw, reyes. Puexa chiekal bapon. Jawut Abraham, pamak suapich, noti padaelmajiw pejew. Abraham, pamak suapich, nawen wut, Melquisedec xabu'kult namfatat. Do jawut, Melquisedec Dios kawuajan Abraham kajachawaesfulaliajwas Dios. ² Do jawut, Abraham tameja kaeyaxtat padaelmajiw pejew. Jawutbej Abraham diajk diezmuaxt, najupamuaxtje. Jawut kaemuaxt malech chaxduton Melquisedec. Abraham chaxdutupox Melquisedec, japox pawul diezmo. Diajkpoxan wenamanson, nuevemuaxt, Abraham pamakliajwa. “Melquisedec” — aech wut hebreojametat, japox jumchiliajwa: “Rey, xabich pachaempon” —chiliajwa Melquisedec pejwul. Japawulbej jumchiliajwa: “Rey, wuajan chaemsan jiw chiekal duilaliajwa” —chiliajwa Melquisedec pejwul. Japonbej rey Salem paklowaxpijiwliajwa. ³ Dios pejjamechan, chajia lelspx, jumchi-el Melquisedec paxliajwa, japon penliajwabej, pejwuajnapijiwliajwabej. Dios pejjamechan jumchi-elbej Melquisedec nalaeltproxliajwa, tappoxliajwabej. Samata, Melquisedec, pomatkoicha sacerdoten. Me-ama Dios paxulan pomatkoicha sacerdote, ja-aechbej Melquisedec.

⁴ ¡Nexchaxoelde chiekal! Melquisedec kaes pejme pachaem. Japon pachaempox, me-ama Abraham, jachi-el. Samata, Abraham chaxdut diezmo Melquisedec itpaeliajwa sitaeyax. ⁵ Moisés chajia lelpox to'a sacerdotes, japi Leví pamojiwpi, mat-omwuljoeliajwa nakae-israelitas. Samata, israelitas chaxduiful kaesuapich kanapi, muthapibej. Japox pawul diezmo. Jasox to'as sacerdotes mat-omwuljoeliajwapi nakae-israelitas, Abraham pamojiw. ⁶ Melquisedec Leví pamona-el. Kaes pejme xabich pachaempon. Japon, me-ama Abraham, jachi-elbejpon. Samata, Abraham diezmo chaxdut Melquisedec itpaeliajwa sitaeyax. Do jawut, Melquisedec Dios kawuajan Abrahamliajwa Abraham Dios kajachawaesfulaliajwas. ⁷ Xatis chiekal matabijas, Dios kawuajanpon asew jiwliajwa japi Dios kajachawaesliajwas, japon kaes pachaem. Me-ama Dios kajachawaesaxaespi, jachi-elon. ⁸ Sacerdotes kinot, jiw chaxduws wut diezmo. Japi sacerdotes tupaful, jiwkal xot. Pe Dios pejjamechan jum-aech wut Melquisedeccliajwa, ja-aech wut, me-ama Melquisedec nakiowa laeja wut, ja-aechon. ⁹⁻¹⁰ Chajiakolaxtat, Abraham malech chaxdut wut diezmo Melquisedec, japamatkoi Leví chiekal jilfuk, nalaels-el xoton. Abraham xijilfuk-is. Pamojiwbej jil. Pe baxael, Leví pamojiw, japilap amwutjel sacerdotes nadofaful. Dolis Abraham chaxdut wut diezmo Melquisedec, jawutbej puexa Leví pamojiw, me-ama chaxduti japadiezmo Melquisedec.

¹¹ Ampamatkoiyantat Leví pamojiw, sacerdotes. Japi naewuajnaful judíos naexaxisliajwa Moisés chajia lelpox. Me-ama chajiakolaxtat sacerdote Aaron naewuajan, ja-aechbej japi jiw amwutjel. Pe judíos chiekal naexaxis-el Moisés chajia lelpox, japi bu'wuajanjilaliajwa Diosliajwa. Samata, japi wewe'pas asan sacerdote, me-ama Aaron, jasonael. Japi wewe'pas asan sacerdote, japon pomatkoichaxaelpon, me-ama

Melquisedec, jason. ¹² Samata, Jesús makafich wut sacerdotekolnaliajwa, jawut judíos kaes wewe'pa-esal Leví pamojiw, japi sacerdotnaliajwa. ¹³ Dios pejjamechan chajia lelsxot jum-aech wajpaklon Jesúsliajwa. Jesús Leví pamona-el. Japon asamutpijin. Majt chiekal ajil sacerdote japamutpijiwxot. ¹⁴ Puexa jiw chiekal matabija, wajpaklon nalaelt wut ampthatat, japon nalaelt Judá pamowtat. Moisés chajia lelpox jumchiel Judá pamojiwxot sacerdotnaliajwa.

¹⁵ Samata, xatis chiekal matabijas, wajpaklon nalaelt sacerdotnaliajwa. Japon, me-ama asew sacerdotes wut, jachi-elon. Japonlap pomatkoicha sacerdotnaxael. Me-ama Melquisedec pomatkoicha sacerdote, japonbej jachiyaxael. ¹⁶ Leví pamojiw sacerdotes nadofa, to'as xoti Moisés chajia lelpox. Baxael, wajpaklon Jesús sacerdote wut, japon to'as-esal Moisés chajia lelpox sacerdote nadofaliajwa. Japonlax pomatkoicha dukaxael. Samata, japon sacerdotekolan nadofa. ¹⁷ Dios jum-aech Jesús jumtaeliajwa:

“Xam pomatkoicha sacerdotnaxaelam. Me-ama majt chajiakolaxtat Melquisedec pomatkoicha sacerdote, xamlap, jachiyaxaelam” — aech Dios Jesúsliajwa.

¹⁸⁻¹⁹ Judíos chiekal naexasis-el Moisés chajia lelpox, bu'wuañanjilaliajwapi Dios pejwuañajnael. Samata, Moisés chajia lelpox, amwutjel japox jiw wewe'pa-esal naexasisliajwa. Amwutjel asawuañan xatis naexasisliajwas. Japawuañan kaes pejme pachaem. Jesucristo tup xatis bu'wuañanjilaliajwas Diosliajwa. Samata, japon pijaxtat, Diosliajwa xatis bu'wuañanjisal. Xatis Jesucristo xanaboejaxaesbej Diosxotaliajwas.

²⁰ Dios pajut jumdut Jesucristo pomatkoicha sacerdotnaxaelpox. Dios majt japox jumdus-el asew sacerdotesliajwa. ²¹ Japox Dios pejjamechan, chajia lelsxot, jum-aech wut, jum-aechox Dios jum-aechpox Jesúsliajwa: “Xan Diosnan xot, diachwuañnakolax chiekal jum-an. Asax nejchaxoelaxinil. Xam sacerdotnaxaelam pomatkoichaliajwa” — aech Dios, jumdut wut Jesúsliajwa.

²² Dios jasox jum-aech xot Jesúsliajwa, chiekal matabijas, Jesús ispox xatisliajwa kaes xabich pachaem. Samata, me-ama Moisés chajia lelpox, jachi-el Jesús ispox xatisliajwa. ²³ Chajiakolaxtat sacerdote tup wut, asan makafich japon sacerdotnaliajwa. Japox ja-aechful judíosxot. Samata, xabich sacerdotes. ²⁴ Pelax Jesús tupaxil. Samata, japon pomatkoicha sacerdotekolnaxael. Jesús sacerdote wut, asan naliaxsaxil japon aton sacerdotekolnaliajwa. ²⁵ Samata, Jesús xajup pomatkoicha jiw bu'welialjwa, pasliajwapi Diosxotse. Jesús duk Diosxotse. Japon pomatkoicha Dios kawuañan japon pejwuañan naexasitiliajwa.

²⁶ Jesús, sacerdotekolan, kaes pejme pachaempon. Jasonlap majt xatis nakwewe'p. Japon pomatkoicha is pachaempoxan. Babijax is-elon. Dios buflouisbejpon athu poxase. ²⁷ Jesús, me-ama puexa sacerdotespaklokolan, jachi-el. Japi choef xua'at ofrenda isliajwa Diosliajwa. Japox isliajwa wut, majt kaen choefan xua'la pajut pejbu'wuañanpoxliajwa. Do jawux, asew choef xua'at asew jiw pejbu'wuañanpoxanliajwa. Jesús jasox is-el. Japon pajut natapaei asajiw kimatamatlaliajwas cruztat. Jasoxtat japon boesas wut, japon pajut, me-ama ofrenda Diosliajwa. Jesús boesas wut asajiw, kamta moton puexa jiw babijaxan ispoxanliajwa. Japox pomatkoichaliajwa. ²⁸ Moisés chajia lelpox jum-aech kaen makafisliajwa puexa sacerdotespaklokolnaliajwa. Pe nakiowa, japon xajupa-el

isliajwa puexa Dios nejxasinkpoxan. Do baxael, pejme Dios jumndut paxulan sacerdotekolnaliajwa. Japon xabich pachaem pomatkoichaliajwa. Japonlax xajup puexa isliajwa, Dios nejxasinkpoxan.

8

Amxot jum-aechpox Jesucristo, wajsacerdotekolanpon, japon pomatkoicha Dios kawuajan xatisliajwa

¹ Jesús, wajsacerdotekolan, japon Dios kawuajan xatisliajwa. Amwutjel japon ek Dios poklalel. Japox kaes pejme pachaem xamal chiekal matabijaliajwam. ² Jesús nabist Diosxotse tabernaculobatat sacerdotebichax. Dios pajut japaba is. Japaba jiw is-el.

³ Puexa sacerdotespaklokolan makafich choef xua'asliajwa, ofrenda isliajwa Diosliajwa. Jesucristo wajsacerdotekolnaliajwa wut, pajut natapaeipon asajiw boesaliajwas. Ja-aech wut, Jesucristo pajut, me-ama ofrenda wut, ja-aechon Diosliajwa. ⁴ Sacerdotes ampathatat choef xua't ofrenda isliajwa Diosliajwa, me-ama Moisés chajia lelpox jum-aech. Jesús amwutjel ampathatata-elon. Amwutjel Jesús Diosxotse. Jesús ampamatkoitat ampathatataxael wut, ja-aech wut, choef xua'asaxilon. Me-ama asew sacerdotas choef xua't wut, jachiyaxilon. ⁵ Sacerdotes nabistpox ampathatat, japox, me-ama Jesucristo nabistpox Diosxotse, ja-aechox. Moisés Dios pejtabernaculoba isliajwa wut, Dios jum-aech: "¡Nabey nejkiowe' puexa itpaeixpoxan pinamuaxxot! Tajtabernaculoba isam wut, jisde, me-ama xan chajia chiekal xam chanaekabuanax!" — aech Dios Moisésliajwa. ⁶ Pe Jesucristo, wajsacerdotekolanpon, japon nabist Dios to'aspox Diosxotse xatisliajwa. Japox kaes pejme pachaem. Me-ama sacerdotas ispox ampathatat jiwliajwa, jachi-el japon nabistpox. Jesucristo pomatkoicha Dios kawuajan xatisliajwa. Japon tap wut, xatis babijaxan isaspoxan chiekal nakwetoep Diosliajwa. Nakkajachawaetbejpon Dios nakchaxduiliajwa chajia nakjumdutpox duilaliajwas pomatkoicha Diosxotse. Japoxanlap xatisliajwa xabich kaes pejme pachaem. Me-ama Moisés chajia lelpox, jachi-el.

⁷ Moisés chajia lelpox chiekal pachaemaxael wut, japox jiw chiekal naexasis wutbej pachaemaliajwapi Diosliajwa, ja-aech wut, jiw wewe'paxisal asawuajan naexasisliajwa chiekal pachaemaliajwapi Diosliajwa. ⁸ Pe nakiowa, jiw chiekal naexasis-el puexa Moisés chajia lelpox. Samata, Dios jum-aech:

"Asamatkoi xan to'axaelen pajelwajan naexasisliajwa Israel tujnapijiw, Judá tujnapijiwbej, pomatkoicha duilaliajwapi xanxotse.

⁹ Pajelwajan najupaxil majt jum-anpox pejwajnapijiwliajwa. Japi Egipto tujnuxot wut, xan japi jukx. Japibej xan nanaexasis-el, chajia jum-an wut. Samata, japi jiw koftax" — aech Dios.

¹⁰ Dios kaes jum-aech: "Xan jum-an amprox Israel tujnapijiwliajwa pajelwajanliajwa. Asamatkoi tajjamechan kaenanala jiw matabijaxael. Samata, nejxasinkaxael naexasisliajwa tajjamechan. Xan japi pejDiosnaxaelen. Japibej tajjiwaxael.

¹¹ Japamatkoiyan puexa paklochow, paklochowa-elpibej, xan chiekal namatabijaxael. Samata, chinax kaen aton jumchiyaxil xanliajwa asew jiwxot.

12 Xan japi jiw beltaeyaxaelen. Kaes nejchaxoelaxinil japi majt babi-jaxan ispoxan. Nejkiowaxaelen japoxan” —aech Dios.

13 Dios jum-aech pajelwñajanliajwa, matxoelapejwñajan chiekal pachaema-el xot. Matxoelapejwñajan kaematkoivan sñapich we’p toepaliajwa.

9

Amxot jum-aechpox Dios pejtabernáculobaliajwa, asa-tabernáculobaliajwabej, Diosxotsepx

¹ Moisés chajia lelpox tato’las israelitas isaxaelpoxan, tabernáculobat Dios kawñajan wñti. ² Dios pejtabernáculoba, ampathatpijax, japox kolepiezax. Matxoelapiezax pawñl Lugar Santo. Jaxot chanuk candelabro itliakaliajwa japapiezaxxot. Jaxotbej kaemesa nuk. Japame-samatwñajtat pomatkoicha sacerdotes pan owa Diosliajwa. ³ Jaxot asapiezaxliajwa duch pinabñ’. Japapiezax pawñl Lugar Santísimo. ⁴ Japapiezaxtat altar nuk, oro matxafafaspox, japa-altarmatwñajtat bowaliajwa xabejasapan, pawñlpi incienso. Jaxotbej bañl ek, oro matxafafaspox patulel, fñletlelanbej. Japabañltutat ek baext, orotat isaspot. Japabaextutat cha-ek maná. Aarón pejkilachalanaeyabej japabañltutat ok. Japox kilachalanaeya chajia wñfnakola. Japabañltutat oelbej kole-ia’t, papa’a. Japa-ia’ lels diez tato’laxan, Dios tato’alpojan jiw naexasisliajwa. ⁵ Japabañlfamatwñajtat kolenje, ángeles-ael isaspi, nows. Ba’dolanuili. Japa-áñgeles-aelanliajwa israelitas wñltaen wñt, japi pajut chiekal matabijaliajwa Dios japatabernáculobatpox. Pe amwñtjel, kaes lelaxinil japoxan chanaekabñanaliajwan.

⁶ Ja-aech majt Dios pejtabernáculoba. Sacerdotes pomatkoicha low matxoelapiezaxxot isliajwa pejbichaxan. ⁷ Pe asapiezaxxot, Lugar Santísimoxot, tapaeis puexa sacerdotespaklokolan tamach leliajwa. Japon low japapiezaxxot, kaewaechñl wñt. Low wñt, chaxlowpon choefjal matsasalñliajwa bañlmatwñaj. Jasox ispon Dios beltaeliajwas pajut babijaxan ispoxanliajwa. Jawñx pejme jasox ispon puexa asew jiw babijaxan ispoxanliajwa, japi pajut chiekal matabija-el xot, is wñt babi-jaxan. ⁸ Israelitas chiekal matabija kaen, puexa sacerdotespaklokolan, leyaxaelpox Lugar Santísimoxot. Samata, Espiritu Santo nakkajachawaet matabijaliajwas xatis jaxot wajut leyaxisalpox Dios kawñajnaliajwas, xatis babijaxan isaspoxan nakkbeltaeliajwapon. Puexa sacerdotespaklokolan, japon kaen, Dios kawñajnaxael xatisliajwa. ⁹ Puexa sacerdotes ispoxan, japoxan ampamatkoivan xatisbej chiekal matabijaliajwas. Sacerdotes choefññat wñt ofrenda isliajwa Diosliajwa, puexa jiw babijaxan ispoxanliajwa Dios beltaeliajwas, japoxan is wñti, nakiowa kajachawaes-esal kaes chiekal pachaemaliajwapi Diosliajwa. ¹⁰ Moisés chajia lelpox israelitas naexasit wñt, pe japi nakiowa, chiekal pachaema-el Diosliajwa. Japawñajantat japi tato’las pajut chiekal natataeflaliajwa, naxaeyaxan xaeliajwa wñt, feliajwa wñtbej. Japibej naexasit wñt japox, pin-iaveces kikakiati chiekal pachaemaliajwa Diosliajwa. Jasox majt chajia israelitas isñl, Jesucristo pas-el wñtñk ampathatat. Jesucristo pat wñt, Moisés chajia lelpox toep, pajelwñajan tñadut wñt.

¹¹ Cristo pask wñt ampathat, japon wajsacerdotekolan nadofa. Samata, puexa chiekal pachaem xatisliajwa japon pijaxtat. Pe pejme kaxasepon pax Dios poxase. Cristo nabist Dios pejtabernáculobaxotse.

Jaxotse kaes pejme pachaem. Me-ama ampathatat jiw isba, Dios pejtabernáculoba, jachi-el japaba. ¹² Cristo low wut Dios pejtabernáculobaxotse, Lugar Santísimoxot, chaxle-el chivojal, pakjalbej, mosliajwa xatis babijaxan isaspoxanliajwa. Pelax japon tɔp wut, me-ama pejjal xalow wut, ja-aechon. Tɔp wut, moton xatis babijaxan isaspoxanliajwa nakbu'weliajwa pomatkoichaliajwa. ¹³ Israelitas babijaxan is wut, tapae-esal Dios pejtabernáculoba leliajwa. Ja-aech wut, israelitas majt matsasaltas torjal, o, chivojal. Pakxulan, altarmatwɔajtat bochpon, japathumba min taniahtas, jalmint sɔapich. Do jawut, israelitas matsasaltas japajalmint. Ja-aech wut, pachaem israelitas pejme leliajwa Dios pejtabernáculoba. ¹⁴ Cristo pejjal xabich kaes pejme ommaenk Diosliajwa. Me-ama choefjal, jachi-el. Cristo kajachawaech Espiritu Santo, japon pomatkoichapon. Samata, Cristo pajut natapaei asajiw boesaliajwas xatis babijaxan isaspoxan nakwemosliajwa. Me-ama choefan xua'las wut ofrenda isliajwa Diosliajwa, jakitis Cristo. Samata, Cristo tɔp xot cruztat, Dios nakbeltaen xatis babijaxan isaspoxanliajwa. Babijaxan isas xot, xatis wajut chiekal napeltaslach Diosliajwa. Pe Cristo, babijax is-elpon, nakwemot xot, xatis xajɔps Dios tanbichliajwas, japon Diosxotse dukpon.

¹⁵ Samata, Jesucristo tɔp xot cruztat, Dios nakkajachawaet. Puexa xatis Dios nakmakanot pomatkoicha duilaliajwas Diosxotse, me-ama Dios chajia jɔmdut. Cristo tɔp xatis babijaxan isaspoxanliajwa bu'wɔajjanjilaliajwas Diosliajwa. Samata, Dios nakbeltaen. ¹⁶⁻¹⁷ Aton laeja wɔtfuk, lelon pelfut puexa pejewliajwa. Japapelfutat pawɔlan lelon nosaxaelpi japon pejew japon pejwɔlela. Baxael, japon tɔp wut, puexa japon pejjiwpi kaenanɔla chiekal matabijaxael, nosaxaelpi naetɔpon pejew. Japon laeja wɔtfuk, pelfut, pajut lelpox, pa-oma-elfuk. Pe japon aton tɔp wut, japox pelfut pa-omliso. Samata, japon pejjiw chiekal diajkaxael, me-ama pelfut lelpox jɔm-aech, japi jiw kaenanɔla nosliajwa pejewaxaelpi. ¹⁸ Ja-aechlap-is Moisés chajia lelpox israelitas naexaxisliajwa. Choef xua'at wɔti ofrenda isliajwa Diosliajwa, Moisés lelpox pa-om. ¹⁹ Moisés pajut chiekal chanaekabuana puexa israelitas naexaxisliajwa Dios tato'alpoxan. Do jawut, fiton cha-aelnaedalach. Japox pawɔl hisopo. Jawɔx pasoeimɔat, lanamɔat, nae-oeffxakoejapon. Japox xatho'bala jalmint poxadik. Japajalmint taniahtas, torjal, chivojal, min sɔapichbej. Moisés japajalmint pajut lelpox matsasaltan. Do jawut, puexa israelitas matsasaltbejpon. ²⁰ Jawut jɔm-aechon puexa israelitasliajwa: “Xamal matsasaltax choefjalmint. Samata, naexaxisaxaelam xan lelpox. Ja-am wut, Dios isaxael jɔmdutpox xamalliajwa” —aech Moisés israelitasliajwa. ²¹ Jawutbej Moisés japajalmint matwɔajjasalt Dios pejtabernáculoba. Matsasaltbejpon sacerdotes xanbistpoxan japabaxot. ²² Moisés chajia lelpox to'a puexa xanbistpoxan matsasalsliajwa choefjalmin, japoxan puexa chiekal pachaemliajwa Diosliajwa. Jatislap-is puexa israelitasliajwa. Choef xua'la-el wɔti ofrenda isliajwa Diosliajwa, ja-aech wut, ajil Dios jiw beltaeliajwa babijaxan ispoxanliajwa.

Dios nakbeltaenpox xatis babijaxan isaspoxanliajwa, Jesús tɔp xot cruztat

²³ Moisés chajia choefjalmin matwɔajjasalt Dios pejtabernáculoba ampathatat. Matsasaltbejpon puexa sacerdotes xanbistpoxan japabatat.

Japox ispi puexa jiw matabijaliajwa asamatkoi Cristo tɔpaxaelpox ampathatpijiw bu'wɔajanjilaliajwa Diosliajwa. Cristo choefjaltat Diosxotse matwɔajsasals-el Dios pejtabernáculoba. Cristolax pajut natapaei asajiw boesaliajwas. Samata, Cristo tɔp wɔt cruztat, Dios beltaen ampathatpijiw babijaxan ispoxanliajwa. ²⁴ Cristo tɔp wɔt, mat-echpon pejme dukaliajwa. Do jawɔt, athɔ pɔxasepon nabichliajwa Dios pejtabernáculobaxotse. Jaxotse pax Dios pejwɔajnalel kawɔajnafɔl xatisliajwa. Dios pejtabernáculoba ampathatpijax, japox, me-ama Dios pejtabernáculoba Diosxotsepox, jakabɔan-aechox chiekal. ²⁵ Puexa sacerdotespaklokolan, kaewaechfɔl wɔt, choefjal chaxlowpon tabernáculobatata, Lugar Santísimoxot, ofrenda isliajwa Diosliajwa. Pe Cristo kaewaechfɔl tɔpafɔlaxil. Kaetɔpaxtat jiw bu'wiapon. Samata, Cristo pejme tɔpaxil jiw bu'wɔajanjilaliajwa Diosliajwa. ²⁶ Cristo tɔp kaeveces. Jachi-el wɔt, kaewaechfɔl wɔt, Dios to'axael Cristo tɔpafɔlaliajwa jiw bu'wɔajanjilaliajwa Diosliajwa. Ampamatkoiyan, Cristo kaeveces ampathatat nalaelt boesaliajwas puexa jiw babijaxan ispoxanliajwa. Cristo boesaspoɔ pomatkoichaliajwa. ²⁷ Puexa jiw, ampathatpijiw, pejmatkoi wepach wɔt, tɔpaxael kaeveces. Do jawɔx, Dios jumchiyaxaesi kaenanɔla babijaxan ispoxanliajwa kastikaliajwas. ²⁸ Jasoxtatbej Cristo tɔp cruztat kaevecesliajwa. Pajut natapaeipon asajiw boesaliajwas, xabich jiw babijaxan ispoxanliajwa. Jawɔx pax Dios pɔxasepon. Asamatkoi pejme pasaxoekon. Pask wɔt, pejme jiw boesaxisalpon tɔpaliajwa jiw babijaxan ispoxan ajilaliajwa. Japon pasaxoek jiw bu'welialjwa, japi jiw wɔaj nawetpi japon pejpasax.

10

¹ Moisés chajia lelpox pachaem israelitas naexaxisliajwa. Japox amwɔtjel xatis matabijas. Pe kaes pejme pachaem Cristo ispoɔ xatis naexaxisliajwas. Xabich chajia wɔajna, Jesús pas-el wɔtɔk, Moisés chajia lel wɔt, to'a sacerdotes isaxaelpoxan isliajwa. Samata, sacerdotes kaewaechfɔl wɔt, choef xɔa'at ofrenda isliajwa Diosliajwa, Dios beltaelija jiw babijaxan ispoxanliajwa. Pe jiw nakiowa babijaxan isfɔl Diosliajwa. ² Sacerdotes choef xɔa'at ofrenda isliajwa Diosliajwa. Japox is wɔti, jiw babijaxan ispoxan kaelel wejila-esal. Jiw babijaxan ispoxan kaelel wejilaxaes wɔt, japi jiw kaenanɔla chiekal nejchaxoelaxael: “Xan babijaxan isxpoxan nawe-ajil Diosliajwa” —chiyaxaeli, nejchaxoel wɔt. Ja-aech wɔt, kaes choef xalalaeyaxili sacerdoteslel, japi sacerdotes choef xɔa'asliajwa ofrenda isliajwa Diosliajwa. ³ Kaewaechfɔl wɔt, sacerdotes choef xɔa'at ofrenda isliajwa Diosliajwa jiw nejchaxoelaliajwa majt babijaxan ispoxanliajwa. ⁴ Sacerdotes xɔa'at wɔt toros, chivosbej, japajal pijaxtat jiw babijaxan ispoxan kaelel wejila-esal Diosliajwa.

⁵ Samata, Cristo pasliajwa wɔt ampathatasik, jum-aechon pax Diosliajwa:

“Ax, xam chiekal nejchachaemla-emil, sacerdotes choef xɔa'at wɔt, xamliajwa ofrenda is wɔti jiw babijaxan ispoxan beltaelija jiw. Samata, xan nato'axaelam nalaelsliajwan thatxotdik, me-ama yamxi nalaela wɔt, jachiliajwan. Do baxael, nato'axaelambej tɔpaliajwan puexa jiw babijaxan ispoxanliajwa, japi jiw bu'wɔajanjilaliajwa.

⁶ Sacerdotes choef xua'at bowaliajwa altarmatwuaajat ofrenda isliajwa xamliajwa, xam beltaelajwam jiw babijaxan ispoxanliajwa. Pe xam chiekal nejchachaemla-emil japoxanliajwa.

⁷ Samata, xan amxotx isliajwan xam nejxasinkampox, me-ama nej-jamechan, chajia lelspox, jum-aech wut, jum-aechox xanliajwa” — aech Cristo Diosxotse pax Diosliajwa.

⁸ Cristo japox jum-aech xot, matabijas Dios chiekal nejchachaemla-el, sacerdotes choef xua'at wut ofrenda isliajwa japonliajwa. Jasox jum-aech Moisés chajia lelpox sacerdotes isliajwa japox. Pe nakiowa, Dios chiekal nejchachaemla-el japoxliajwa. ⁹ Cristo pejme jum-aech pax Diosliajwa: “Xan amxotx isliajwan xam nejxasinkampox” — aechon. Samata, Cristo tup ampathatat puexa jiw bu'wuaajanjilialiajwa Diosliajwa, Dios to'as xoton. Samata, jawut toep sacerdotes choef xua'atpox ofrenda isliajwa Diosliajwa. ¹⁰ Cristo is Dios nejxasinkpox. Samata, Cristo pajut natapaei asajiw boesaliajwas puexa jiw bu'wuaajanjilialiajwa Diosliajwa. Cristo tup wut, japox patupax kaewecesliajwa, pomatkoichaliawabej.

¹¹ Sacerdotes pomatkoicha choef xua'at ofrenda isliajwa Diosliajwa. Sacerdotes japox is wut, Dios kaelel wepels-el jiw babijaxan ispoxan japi bu'wuaajanjilialiajwa. ¹² Me-ama sacerdotes ispox, jasox is-el Jesucristo. Japon pajut natapaei asajiw boesaliajwas puexa jiw babijaxan ispoxanliajwa. Japon kaetupaxtat jiw bu'wiapon. Do jawux, Jesucristo Dios poxase. Jaxotse ek pax Dios poklalel. ¹³ Jesucristo jaxotse wuaajnawet pax Dios malechaliajwa japon padaelmajiw, japi naexasisliajwa japon tato'alpoxan. ¹⁴ Cristo tup wut japox kaewecesliajwa, jawut Dios naexasiti bu'wuaajanjillisi pomatkoichaliajwa Diosliajwa, babijaxan ispoxanliajwa. ¹⁵ Espiritu Santo nakkajachawaet xot, matabijas, diachwuaajnakolax Cristo tup xatisliajwa. Dios jum-aech:

¹⁶ “Asamatkoi tajiwi kajachawaesaxaelen chiekal matabijaliajwa tajjamechan. Samata, tajjamechan naexasisaxaeli.

¹⁷ Xan kaes nejchafaesaxinil japi babijaxan ispoxanliajwa” — aech Dios.

¹⁸ Samata, Dios beltaen wut jiw babijaxan ispoxanliajwa, ja-aech wut, kaes choef xua'asaxili ofrenda isliajwa Diosliajwa.

Wajnejchaxoelaxantat moxaxaespox Diosxot

¹⁹ Takoew, Cristo tup xot, xatis bu'wuaajanjisal Diosliajwa. Samata, amwutjel Dios naktapaei wajnejchaxoelaxantat nejmach chiekal moxaliajwas Diosxotse, Dios pejtabernaculobaxot, Lugar Santisimoxot.

²⁰ Cristo tup xatis bu'wuaajanjilialiajwas Diosliajwa. Samata, japon, me-ama pajelt nuamt wut, ja-aechon xatis pasliajwas Diosxotse. Samata, Dios naktapaejaxael pomatkoicha duilialiajwas jaxotse.

²¹ Jesús wajsacerdotekolan tataeful Dios pejtabernaculoba Diosxotse.

²² Samata, puexa wajnejchaxoelaxantat moxaxaes Diosxotse, chiekal matabijas xot, Dios diachwuaajnakolax nakbu'weyaxael. Xatisbej matabijas, Dios nakbeltaen xatis babijaxan isaspoxanliajwa. Samata, me-ama nawaenspi wut, jatis. Samatabej, me-ama bu'asjisal wut, jatis Diosliajwa. ²³ Nejchaxoels wut Dios nakbu'weyaxaelpoxliajwa, nejchaxoelaxisal: “Dios bej nakbu'weyaxilbej” — chiyaxisal, nejchaxoels wut. Dios isaxael nakjumdutpox xatisliajwa. ²⁴ Nejchaxoelaxaes nakaewa nakajachawaesliajwas. Jatis wut, kaes pejme pachaemaxaes.

Isaxesbej pachaempoxan nakaewaliajwa. ²⁵ Asew jiw xatisxot kofa culto ispoxan. Xatislax kofaxisal. Nakaewa naewuaajnaxaes kaes Dios

xanaboejalijwas. Jasox isaxaes, matabijas xot matkoijan moxsfulpox wajpaklon Jesucristo pejme paslijawasik.

²⁶ Xatis chiekal matabijas, Cristo tɔp cruztat nakwemoslijwa xatis babijaxan isaspoxanlijawa. Pe jawɔt, xatis babijaxan isfulas wɔt, jatis wɔt, Dios beltaeyaxil babijaxan isaspoxanlijawa, kaes asan ajil xot pejme tɔpalijawa, xatis bu'wɔajanjilalijawa. ²⁷ Babijaxan kaes isfulas wɔt, kaeyax nakwewe'paxael. Japox kastikax, xabich chaemilpox. Jawɔt jit itkuawa-elpoxtat Dios nakkastikaxael chiekal naktoejafalijawa japajitat, puexa Dios padaelmajiw sɔapich. ²⁸ Chajiakolaxtat aton naexasis-el wɔt Moisés chajia lelpox, kolenje, o, tres aton, taens wɔt japon ispox, ja-aech wɔt, tasalas. Dɔ ja-aech wɔtbej, japi jiw beltae-esal. To'as belijawas. ²⁹ Dios xabich kaes kastikaxael kofapi Jesucristo pejuwajan naexasitpox. Japi nejchaxoel wɔt, jum-aechi: "Jesucristo tɔp wɔt, japox ma-aech asbuɔan jumch xatis babijaxan isaspoxan nakwemoslijawa" —aechi. Japi jum-aechbej babejjamechan Espiritu Santolijawa, xatis naknejxasinkpon. Dios paxɔlan diachwɔajnokolax tɔp japi jiw babijaxan ispoxanlijawa, bu'wɔajanjilalijawa. ³⁰ Xatis matabijas Dios jum-aechpox: "Asew jiw babijaxan is wɔt asew jiwlijawa, japi xan kastikaxaelen" —aechox. Dios jum-aechbej: "Jiw babijaxan ispi xan kastikaxaelen. Asew jiwɔlax, babijax is-elpi, japi jiw kastikaxinil" —aech Dios. ³¹ Dios tɔpaxilpon. Jjapon pejkastikax xabich chaemil!

³² Xamal nejchaxoelam wɔt, jnejchaxoelde, akasestat Jesús pejuwajan naexasitam wɔt! Japamatkoijan xamal xabich nabijatam, asew jiw babijaxan is wɔt xamallijawa, naexasitam xot Jesús pejuwajan. Ja-am wɔt, xamal kofa-emil. Nakiowa Jesús pejuwajan naexasisfulam, Dios xamal kajachawaesful xot. ³³ Asew xamalxot jumtis babejjamechan asew jiw pejuwajnalel, Jesús pejuwajan naexasit xoti. Japi jiw nabijat asew jiw pijaxtat. Ja-aech wɔt, xamalxotpijiw, asew jiw pejlwla-el itpaelijawa japibej naexasitpox Jesús pejuwajan. ³⁴ Asew jiw, naexasiti Jesús pejuwajan, jiw jebatat jias wɔt, xamal japi jiw kajachawaetam wewe'paspoxanlijawa. Asew jiw xamal wenot wɔt nejew, xamal Jesús pejuwajan naexasitam xot, nalala-el. Nakiowa nejchachaemlam nejmatpɔtatantat Dioslijawa. Ja-am xamal, wɔajnawetam xot kaes pejme pachaempox Diosxotse, pomatkoichalijwapox. ³⁵ Samata, jxamal nabej kofe' Dios xanaboejampox! Ja-am wɔt, Dios xamal chaxduiyaxael xabich pachaempoxan japonxotse. ³⁶ Xamal nabijatam wɔt, jnakiowa isfulde, me-ama Dios nejxasink! Ja-amfulam wɔt, Dios xamal chaxduiyaxael jumdutpox. ³⁷ Dios pejjamechan, chajia lelpox, jum-aech wɔt, jum-aechox Dios jum-aechpox Cristo pejme pasaxoekpoxlijawa: "Kamtalejen pasaxoekon. Piach kijlaxilon paslijawa.

³⁸ Tajjiw isful wɔt xan nejxasinkaxpoxan, xan naxanaboeja wɔti, japi duilaxael pomatkoicha xanxotse. Pe asew jiw kofa wɔt naxanaboejapoxan, ja-aech wɔt, xan nejchachaemlaxinil japi jiwlijawa" —aech Dios jum-aechpox.

³⁹ Xatislax kofa-esal Dios xanaboejaspox napelsasamatas Dioslijawa. Xatis chiekal Dios naexasisfulas wɔt, jatisfulas wɔt, japon xatis nakbu'weyaxael.

¹ Xatis chiekal Dios xanaboejas wut, jatis wut, kaenanula chiekal nejchaxoelaxaes amprox: “Dios jum-aechprox diachwujnakolax jachiyaxael. Xan tae-enil wut japox, nakiowa matabijtax jachiyaxaelprox. Japox Dios isaxael” —chiyaxaes kaenanula, nejchaxoels wut. ² Wajwujnapijiw chiekal naexasisful Dios jumtisprox. Japi kaenanula chiekal nejchaxoel: “Diachwujnakolaxdo', Dios najum-aechprox xanliajwa” —aechi, nejchaxoel wut. Samata, Dios nejchachaemil wajwujnapijiwliajwa.

³ Xatis chiekal Dios xanaboejas xot, matabijas, Dios is ampathat, thatbaxobej, jum-aech wuton. Puexa amwutjel taensproxan, japoxan puexa taens, Dios is xot. Amwutjel taensproxan, majt japoxan chiekal ajil.

⁴ Chajiakolaxtat Abel chiekal xanaboejt Dios. Samata, Abel naexasit Dios tato'alprox. Samata, Abel ofrenda is wut Diosliajwa, japox xabich pachaem. Me-ama Cain pijax ofrenda, jachi-el Abel pijax ofrenda. Samata, Abel babijaxan isproxanliajwa bu'wujanjilon Diosliajwa. Japon Abel chajiakolaxtat boesas wut, tapon. Pe nakiowa, ampamatkoivan Abel Dios xanaboejprox nakiowa wultaeflas. Samata, xatisbej Dios chiekal xanaboejxaxes.

⁵ Chajiakolaxtat Enochej chiekal Dios xanaboejt. Samata, Dios bu'foson tathualin athu proxase. Kaes pejme faena-esal, Dios bu'fos xoton. Dios pejjamechan, chajia lelsprox, jum-aech wut, jum-aechox: “Enoc Dios bu'floe-esal wutfuk, Dios nejchachaemil japonliajwa” —aechox.

⁶ Dios nejchachaemla-el, jiw xanaboeja-el wuti japon. Jiw xanaboejaliajwa wut Dios, japi jiw matxoela chiekal nejchaxoelaxael amprox: “Diachwujnakolax Dios duk athuxotse. Samata, Dios nabu'weyaxael, wulwekx xot Dios tajnejchaxoelaxtat” —chiyaxaeli, nejchaxoel wut.

⁷ Chajiakolaxtat Noé chiekal Dios xanaboejt. Dios jumtis wut matabijsliajwa puexa ampathat bu'laxaelprox, Noé chiekal naexasit. Samata, Dios kito'aspon pinjiyax barkam isliajwa bu'weliawapon pejjiw. Noé, pejjiw suapich, Dios naexasit xoti, japi babijaxan isproxanliajwa bu'wujanjil Diosliajwa. Japamatkoivan puexa jiw, potujajuchanpijiw, chiekal bu'al, Dios naexasis-el xoti.

⁸ Chajiakolaxtat Abrahambej chiekal Dios xanaboejt. Dios to'as wut nakolsliajwa pejtujajuxot, naexasiton. Samata, Abraham falaech Dios chaxdusaxaestuajnu proxade. Jawut Abraham chiekal matabijs-elon, falaeyaxaech proxade. ⁹ Abraham pat wut Dios jumduchtujajuxot, japatujajuxot asajiw wujajna duil. Abraham naexasit jumduchprox. Samata, japatujajuxot dukjepon. Abraham chimiaba is-el japatujajuxot. Dukjepon carpabatat. Baxael, asamatkoivan, Abraham paxulan Isaac, Abraham pamon Jacobbej, japi carpabachantat duilalap japatujajnutat. Japibej Dios jumtis asamatkoi chaxdusliajwas japatujajnu. ¹⁰ Abraham laeja wut, wujajnawesfulon asamatkoi Dios bu'flaeliajwas athu proxase, pomatkoicha dukaliajwa Dios pajut ispaklowaxxotse. Samata, Abraham dukje carpabatat asbuan jumch.

¹¹ Chajiakolaxtat Abraham pijow, Sarabej, chiekal Dios xanaboejt. Samata, japow xabich pati'ow wut, naxuwal, Dios jumduch xotow. ¹² Abraham pijow naxuwal wut, Abraham xabich pati'in. Pe nakiowa, Abraham paxulan nalaelt. Do baxael, Abraham pejwulela, xabich kaesful pamojiw. Me-ama ithaej, thaejbelinbej, xabich pin-iakola, ja-aechful Abraham pamojiw. Samata, xajupaxil xajuiliajwas japi jiw.

13 Chajiakolaxtat puexa, japi chiekal Dios xanaboeja hasta pejpatupaxtat. Dios jumduchpoxan chaxduiliajwas, japi japoxan naetupaful chaxdui-esalpoxtat. Pe nakiowa, japi chiekal matabija pejwulela Dios jumdutpoxan asamatkoi chaxduiyaxaespox japi pamojiw. Samata, japi xabich nejchachaemil. Japi pajut chiekal matabija xot, jum-aechi: “Xatis ampatuajnu xot asbuan jumch nanuamspijwas. Wajtuajnu kolax ajil pomatkoicha xatis duilaliajwaspox” —aechi. 14 Japox jum-aech wuti, xatis matabijas japi wuajnewesfulpox, asamatkoi Dios buflaeyaxaespox athu poxase, Diosxotse, pomatkoicha duilaliajwapi. 15 Japi nejchaxoel wut, nejchaxoela-el kaxa naweliajwa Abraham nakoltuajnu xot. Naweyax nejchaxoelaxael wut, japi naweyaxael japatuajnu poxade. 16 Pe japi kaes nejxasink Dios poxaliajwase, jaxotse kaes pejme pachaem xot. Me-ama ampathatat, jachi-el jaxotse. Samata, Dios nejchachaemil japiliajwa jumchiliajwapon: “Ampi tajjiw” —chiliajwapon japiliajwa. Dios chaemt paklowax, pejjiw pat wut japapaklowaxxot duilaliajwase.

17-19 Dios chajia jum-aech Abrahamliajwa: “Naxulan Isaac asamatkoi xabichaxael pamojiw” —aech Dios. Do asamatkoi, Abraham Dios xapaejtas wut, kito'as paxulan Isaac xua'laliajwapon ofrenda isliajwa Diosliajwa. Jawut Abraham ow-aech. Samata, Abraham xua'laliajwa wuton paxulan Isaac, nejchaxoelon: “Dios xajup tupi mat-eliajwa pejme duilaliajwa” —aech Abraham, nejchaxoel wut. Samata, Abraham xua'laliajwa wuton paxulan, jawut Dios kifiachpon. Do jawut, Abraham paxulan xua'la-el wut, ja-aech wut, Abrahamliajwa Isaac, me-ama Dios mat-ech wut, ja-aechon pejme dukaliajwa.

20 Abraham xabich Dios xanaboejsful. Abraham paxulan, Isaac, japonbej Dios chiekal xanaboejsful. Samata, Isaac xabich pati'in wut, jum-aechon paxulan Jacobliajwa, Esauliajwabej. Kaenanula japiliajwa jum-aechon: “Dios xam kajachawaesfulaxael” —aech Isaac.

21 Isaac paxulan, Jacobbej, chiekal Dios xanaboejsful. Samata, baxael, asamatkoi, Jacob mox pawuajna wut tupaliajwa, japon kaenanula José paxiliajwa Dios kawuajan asamatkoi japi Dios kajachawaesfulaliajwas. Jacob jum-aech kaenanula japiliajwa: “Dios xam kajachawaesfulaxael” —aech Jacob. Do jawut, Jacob Dios kawuajan wut, jum-aechon Diosliajwa: “Xam xabich pachaemam” —aech Jacob, kilamamsnik wut pejkilachalanaeya.

22 Chajiakolaxtat Jacob paxulan, José, japonbej chiekal Dios xanaboejsful. Samata, José mox pawuajna wut tupaliajwa, jum-aechon israelitas asamatkoi nakolaxaelpox Egipto tuajnu xot. Do jawut, José to'anadoft, asamatkoi israelitas Egipto tuajnu xot kaelel nakola wut, japi chaxlaelija José pejbu't.

23 Chajiakolaxtat Moisés pax, japon penbej, japi chiekal Dios xanaboejafalbej. Faraón, puexa Egipto tuajnu pijiw tato'lan, japon israelitas kito'a, paxi poejiw nalaela wut israelitas kamta beliajwapi paxikola. Moisés nalaelt wut, pax, japon penbej, japi pejlwla-el owchilaliajwa rey Egipto tuajnu pijiw tato'lan kito'aspoxliajwa. Moisés xabich chamian xot, pax, pen suapich, moesti tres juimtje. Do baxael, faraón paxulow fitow chaxti'aliajwas Moisés.

24 Moisésbej chiekal Dios xanaboejsful. Chiekal ti't wut, Moisés nejchaxoel: “Xan nejwesla jiw kaes najumchiliajwa: ‘Moisés, faraón

paxulow paxulan' —nachiliajwa” —aech Moisés, nejchaxoel wut. ²⁵ Do jawut, Moisés nejchaxoelbej: “Tajjiw israelitas, Dios pejiwpi. Samata, tajjiw xan kajachawaesaxaelen. Tajjiw nabijat, Egipto t̃ajnp̃ijiw xabich nabichax to'as xoti. Xanbej naknabijasaxaelen, japi suapich” —aech Moisés, nejchaxoel wut. Moisés nejwesla dukaliajwa Egipto t̃ajnp̃ijiw xot, Egipto t̃ajnp̃ijiw babijaxan ispoخان nak-isasamatapon. ²⁶ Moisés Dios xanaboejt bu'weyaxaespoخ Egipto t̃ajnp̃uxot puexa japon pejiw, israelitas suapich. Samata, Moisés matabijt xot, nejchaxoelon: “Asamatkoi Mesías, Dios makafisaxaespon, japon xabich nabijasaxael. Samata, xanbej amwut nabijasaxaelen Egipto t̃ajnp̃ijiw pijaxtat. Ja-an wut, xan isaxaelen Dios nejxasinkpox. Dios nachaxdusaxaelpox Diosxotse, kaes pejme xabich pachaemaxael. Me-ama Egipto t̃ajnp̃ijiw pejew, pachaempoxan, jachi-el Dios nachaxdusaxaelpox” —aech Moisés, nejchaxoel wut.

²⁷ Moisés xanaboejt Dios kajachawaesaxaespoخ. Samata, Egipto t̃ajnp̃uxot Moisés chijiapon. Faraón palala wut japonliajwa, pejlewla-elon faraónliajwa. Dios, taeyaxisalpon, Moisés is japon to'aspoخان. Pe Moisés, me-ama pajut chiekal Dios taen wut, ja-aechon. Samata, japon Dios xanaboejsful. ²⁸ Moisés chiekal Dios xanaboejt xot, kito'apon israelitas x̃a'asliajwa ovejas, Pascuafiesta isliajwa wut. Moisés kito'abej kaenanala israelitas, paxipi, bafafachanlelan joelaliajwa ovejajal. Japox is israelitas japi paxi, matxoelanalaelapi, poejiw, Dios pej-ángel we-matkaesasamatas.

²⁹ Chajiakolaxtat israelitasbej chiekal Dios xanaboejaful. Samata, israelitas Mar Rojo likaliajwa wut, min naj̃upanadijan Dios pijaxtat. Japox p̃ut, me-ama mintata-el wut, ja-aech. Chiekal mamó'al. Israelitas japoxade f̃ulaech likaliajwa. Do jawut, Egipto t̃ajnp̃ijiw, soldaw, japoxadin f̃ulaen wuchakal. Jawut, min namatawaekcha wut, puexa Egipto t̃ajnp̃ijiw, soldaw, chiekal bu'al.

³⁰ Israelitasbej chiekal Dios xanaboejaful xot, siete matkoiyan masajianpi Jericó paklowax tathoetlel, ia' xajajialspoخ. Japox xabich pinjiyax, athubejpoخ. Jawut japox tatak̃paxtat puexa natacholan Dios pijaxtat. ³¹ Jericó paklowaxpijw xot pawis duk. Pe asamatkoi, Dios xanaboejtow. Japow pawal Rahab. Japow pejbichax, poejiw bu'moejsax, plata kanalijwa. Kolenje israelitas pat wut chaw̃aj̃nataenpi japapaklowax, japow chiekal bu'kult, japi israelitas pat wut japow pejbaxot. Do jawutbej, kajachawaetow japi weliajwa. Samata, asamatkoi, israelitas naba wut, Dios naexasis-elpi suapich, Jericó paklowaxpijw suapich, japow boesaesal, Dios xanaboejt xotow.

³² Amwutjel tiempo nawewe'p xot, kaes lelaxinil asew jiwliajwa, Dios xanaboejapiliajwa. Samata, lelaxinil Gedeón pejw̃ajan, Barac pejw̃ajanbej, Sansón pejw̃ajan, Jefte pejw̃ajanbej, David pejw̃ajan, Samuel pejw̃ajanbej, kaes asew jiw, profetas pejw̃ajanbej. ³³ Puexa japi jiw chiekal Dios xanaboeja, laelp wuti. Samata, israelitas, asat̃ajnp̃ijiw suapich, naba wut, padaelmajiw xabich malechapi, Dios kajachawaech xoti. Asew japixot makanoch paklochowliajwa. Japi paklochow wut, chiekal jiw tato'al, Dios kajachawaesfulas xot, me-ama Dios chajia j̃mdut japiliajwa. Asew japixot peltas xabich leónxot xaeliajwas. Jatis wuti, Dios kajachawaech japi xae-elaliajwas leónes. ³⁴ Asew japixot peldas jit tamdadut poxade. Jatis wut, Dios kajachawaech xot, japi

toejwa-esal. Asew japixot espatat beliajwas wut, Dios kajachawaech japi weliajwa. Asew japixot majt chiekal matabija-el nabeliajwa, asatwajnpuchanpijiw swapich. Baxael, japi chiekal matabija nabeliajwa, Dios kajachawaech xoti. Samata, japi malecha padaelmajiw. ³⁵ Asew watho', chiekal Dios xanaboejapi, pejjiw tɔp wut, Dios wemat-echpi, japi jiw pejme duilaliajwa.

Asew jiw Dios chiekal xanaboeja. Japi xabich nabijatbej asew jiw pijaxtat kofaliajwapi Dios naexasitpox. Pe ja-aech wut, japi kofa-el Dios naexasitpox, japi kaenanala nejchaxoel xot: “Kaes pejme pachaem dukaliajwan Diosxotse. Me-ama ampathatat, jachi-el” —aechi, nejchaxoel wut. Ja-aech wut, japi jiw baes. ³⁶ Asew, Dios xanaboejapi, xabich itxaelaxafafolspi. Xabich seltasbejpi. Asew mɔaxwasixawaeks cadenamɔtat. Jiasbejpi jiw jebachantat. ³⁷ Asew, Dios xanaboejapi, ia'tat matkaejabas, dadaps wut. Asew fatarariowlas. Asew baes espatat. Asew naxoei ovejabu'an, o, chivobu'an, xabich kijil xoti. Xabich nabijat japi jiw. Japi jiw taduktas atɔaj. ³⁸ Japi jiwlap, majt nabijatpi, japi jiw xabich pachaem, Dios xanaboeja xoti. Me-ama asew jiw ampathatpijiw, jachi-el japi jiw. Pe nakiowa, nabijati. Nanɔamti pajilaxanxot, mɔaxanxotbej. Duilpi pinamɔaxanwɔajantat. Japixot asew duilbej pinamɔthanxotdik.

³⁹ Puexa, japi jiwlap, majt nabijatpi, japi chiekal Dios xanaboeja. Pe nakiowa, kaen japixot Dios chaxdus-esalfuk jumtispor. ⁴⁰ Dios chajia jum-aech japi wɔaj nawesfulaliajwafuk japox. Dios xatis matxoela naktapaeyaxael wut Diosxotse duilaliajwas, ja-aech wut, majt nabijatpi bej tapaeyaxaes pomatkoicha duilaliajwa Diosxotse.

12

Wajpaklon Jesucristo xanaboejaxaespor

¹ Xatis chiekal matabijas, wajwɔajnapijiw xabich nabijat wut asew jiw pijaxtat, japi kamta palala-el, Dios chiekal xanaboeja xoti. Xatisbej jachiyaxaes, nabijatas wut. Isfulaxaes puexa wajpamamaxtat Dios nejxasinkpoxankal. Samata, kofaxaes asaxan it-elbalapoxan isaxaelpoxan is-elaliajwas. Kofaxaesbej babijaxan isfulaspoxan, naktabejsfulpoxan wajnejchaxoelaxan Dios xanaboejaspoxanliajwa. ² Wajpaklon Jesucristo chiekal naexasisfulaxaes. Japon pijaxtat xatis Dios naexasich. Japon pijaxtatbej Dios chiekal naexasisfulaxaes pomatkoicha. Cruztat tɔpax japox xabich padaeyaxkolax. Pe Cristo padala-el cruztat tɔpaliajwa xatisliajwa, japon chiekal matabijt xot, pejnabijasaxwɔx cruztat, xabich nejchachaemlaxaelpox. Amwɔtjel Cristo ek pax Dios poklalel puexa jiw tato'laliajwa, pax Dios swapich.

³ Xamal nejchaxoelam wut, ¡nejchaxoelde Jesús xabich nabijatpox, jiw babejchow babijaxan is wut Jesúsliajwa! Samata, xatisbej kofaxisal Dios xanaboejaspor, asew jiw babijaxan is wut xatisliajwa. ⁴ Xamal nabijatam wut, nabijas-emil, me-ama Cristo. Samata, ¡boejetaliasfulde babijax isasamatam! ⁵ Xatis Dios paxis. Samata, nejkiowaxisal Dios naknaewɔajanpoxan. Dios pejjamechan, chajia lelspor, jum-aech wut, jum-aechox:

“Wɔa, ¡nabej naexasisle' Dios fiatpox!
¡Nabej kofe'bej Dios xanaboejampox!

⁶ Aton, Dios nejxasinkaspon, japon Dios fiach babijax is-elaliajwa. Dios kastikaxaesbejpon, babijaxan is wut, japon aton, me-ama Dios paxulan wut, ja-aech xoton” —aech Dios pejjamechan, chajia lelspx.

⁷ Dios xamal kastika wut, jboejtaliasfulde! Jasoxtat Dios xamal kastika, japon paxim xot. Jiwbej paxi kastika, babijaxan is wut. ⁸ Babijaxan isam wut, Dios xamal fias-el wut, kastika-el wutbejpon, diachwujnakolax xamal Dios paxikola-emil. Dios paxikolam wut, babijaxan isam wut, Dios xamal kastikaxael. ⁹ Xatis jams wut, babijaxan isas. Jatis wut, kaenanula waj-axjiw nakfiat. Nakkastikabej. Samata, ampathatat waj-ax sitaens. Samatabej, jamwutjel kaes pejme naexasisaxaes waj-ax Dios, japon athxotsepon, jaxot duilaliajwas pomatkoicha! ¹⁰ Xatis jams wut, waj-ax nakfiat. Nakkastikabejpi, babijaxan isas wut. Ja-aech, waj-ax nakkastika wut, me-ama japi nejchaxoel. Dios, xabich kaes pejme matabijit. Samata, xatis babijaxan isas wut, nakfiaton. Nakkastikabejpon kofaliajwas babijaxan isaspojan, xatis chiekal pachaemaliajwas, me-ama Dios pachaem, jachiliajwas xatis. ¹¹ Babijaxan isas wut, Dios nakkastika wut, jawut nejchachaemla-esal. Jawutbej, naliuxt xaeyaxkal. Kofas wut babijaxan isaspojan isliajwas pachaempoxan, jatis wut, chiekal duilaxaes Diosliajwa.

Chachoelpox, naexasis-esal wut Dios

¹² Dios xamal fiat wut, kastika wutbejpon babijaxan isam xot, jxamal nejchachaemlafulde, jasoxtat Dios kajachawaesfulaxael xot! ¹³ Xamal nejchaxoelam wut, jnejchaxoelde pachaempoxan! jJapoxan chiekal isde! Xamal ja-am wut, asew jiw chiekal duila-elpi, pajut matabijaxael. Ja-aech wut, japi xamal nakxataeyaxael isliajwapi pachaempoxan.

¹⁴ jChiekal pachaemde asew jiwliajwa, duilam wut! jXamal duilafuldebej, me-ama Dios nejxasink! Jiw, babijaxan ispi, pasaxil Diosxotse. ¹⁵ Dios xabich pachaem xatisliajwa. Samata, jnabej kofe' Dios naexasitampox! jChiekal taem babijax isasamatam! Isam wut babijax, asew jiw, Dios xanaboejapi, japox taen wut, japibej isaxael japox babijax. ¹⁶ jXamal asew watho' nabej bu'moejs! Nejchaxoelam wut, jnabej nejchaxoele': “Xan nawewe'pa-el Dios pejkajachawaesax” —chiyaximil, nejchaxoelam wut! Chajiakolaxtat Esaú matxoelapijin xot, xabich kaes pax pejew nosaxaelon, pax naetup wut. Pe asamatkoi, Esaú xabich litaxaela wut, asbuan jumch pakoewanxot kaenaxaeyaxtat xanafonpon pax pejew, japon nosaxaelpi, pax asamatkoi naetup wut. ¹⁷ Xamal chiekal matabijam, baxael, Esaú jum-aech paxliajwa: “Ax, jxam Dios kawajande xanliajwa, pomatkoicha Dios nakajachawaesliajwa!” —aechon paxliajwa. Pe pax owchi-esalpon. Samata, jawut Esaú xabich wunow, japox kaes ajil xot japonliajwa.

¹⁸ Xamal, Jesús pejwajan naexasitampim, amwutjel tae-emil majt wajwajnapijiw taenpoxan. Chajiakolaxtat wajwajnapijiw, israelitas, pat pinjiyax mæaxxot. Jaxot itkua'nik wut, japi taen pinjiyax jit, japamæaxmatwajtat xabich itliak wut. Do jawut, xabich pinajoewa. Xabich pina-iambej. ¹⁹ Jawutbej wajwajnapijiw thiataenpi trompeta nababapox. Jumtaenbejpi, Dios naksiyas wut japiliajwa. Jawut xabich pejlewla xot, jum-aechi Dios kaes naksiya-elaliajwas japiliajwa. ²⁰ To'as wut, Dios jumtispi: “Nejmach-aton ampamæaxxot julan wut, japon aton

ia'tat dadaepaxaelam matkaejabaliajwampon. O, lanzatat chaxpiyaxaelampon. Jachiyaxaelambej, choefan wut" —tispi Dios wajwajnapijiw.²¹ Wajwajnapijiw japox jumtaen wut, xabich pejlewlapí. Moisésbej jum-aech: "Xan tajlewt tathulax" —aech Moisés.

²² Xatis Jesús pejwajjan naexasich xot, wajnejchaxoelaxtat moxslis pinamux, pawulpox Sión, Dios dukxot, Jerusalén paklowaxxotse. Japapaklowaxxot natameja ángeles xabich pin-iakola. Japi jum-aech Diosliajwa: "Xam xabich pachaemam" —aech ángeles Diosliajwa. ²³ Dioslap juez puexa jiwliajwa. Xatis mox soepas, Diosxotse, asew jiw suapich, japi naexasiti Jesús pejwajjan. Japi pejwulan wecha-oels Diosxotse. Jiw chajia wajna tapi, japi jaxotse taeyaxaesbej. Dios beltaen japi babijaxan ispoxanliajwa. ²⁴ Xatis naexasich Jesús tappox xatislajwa. Jesús boesas wut, nakwemot babijaxan isaspoxanliajwa, Dios nakkastikasamata. Samata, amwutjel Diosliajwa babijaxan isaspoxan bu'wajjanjisa. Chajiakolaxtat Abel boesapon, japon aton masox namana-el. Japon Dios kastikas. Pe Dios beltaen jiw, Jesús boesapi.

²⁵ Samata, ichiekal naexasisfulde Dios jum-aechpox xamalliajwa! Wajwajnapijiw chajiakolaxtat naexasis-el wut Moisés chajia lelpox, japi we-eli kastikaxxot. ¡Xamal naexasisfulde japon jum-aechpoxan! Xatisbej naexasis-esal wut japon jum-aechpoxan, xabich nakkastikaxaelon. ²⁶ Dios naksiya wut pinamuxmatwajtat, japon pejjametat sat xabich najuiya. Amwutjelbej Dios jum-aech: "Asamatkoi kaes pejme that, thatbaxobej, xan tajaxtat xabich najuiyaxael" —aech Dios. ²⁷ Dios japox jum-aech xot, asamatkoi ampathat, thatbaxobej, xabich najuiya wut, puexa Dios ispoxan ampathatat, japoxan chiekal toepaxael. Pe namaeyaxael juiyaxisalpoxankal Diosxotse. ²⁸ Dios tato'alxotse juiyaxisal. Jaxotse pomatkoicha xatis, Dios suapich, duilaxaes. Samata, ampamatkoian Dios kawajna wut, graciaschiyaxaes Diosliajwa. Me-ama Dios nejxasink xatis jumchiliajwas, jumchiyaxaesbej: "Xam xabich pachaemam" —chiyaxaes, Dios xabich sitaens xot. ²⁹ Me-ama jit toejow toeix, majowpi, jachiyaxael, wajDios jiw babejchow kastika wut.

13

Machiyaxaespo, laelpas wut ampathatat Dios nejchachaemlaliajwa xatislajwa

¹ Xamal, Jesús pejwajjan naexasitampim, ¡nakaewa nanejxasinkampox nabej nakofe! ² Matabija-emilpi pat wuti nejbaxot, ¡nabej mastae' japi jiw chiekal bu'kalaliajwam! Chajiakolaxtat asew jiw matabija-elpi bu'kala wut, ja-aech wut, japi jiw bu'kala Dios pej-ángeles.

³ Jiw jebachantat jiaspiliajwa, xamal nejchaxoelafulde! Japiliajwa nejchaxoelam wut, ¡jum-amde: "Xanbej, me-ama najia jiw jebatat, jiaspi suapich" —amde, nejchaxoelam wut japiliajwa! ¡Nejchaxoeldebej nabijatpiliajwa asew jiw pijaxtat! Japiliajwa nejchaxoelam wut, ¡jum-amde: "Xanbej, me-ama nabijatax, japi jiw suapich" —amde, nejchaxoelam wut!

⁴ Puexa jiw chiekal sitaeyaxael nakjiyax. Samata, poejiw pijowpi wulwekaxil asew watho'. Watho' pamalpibej wulwekaxil asew poejiw. Poejiw pijowpi, japi asew watho' wulwek wut, japi poejiw Dios kastikaxaes. Watho' pamalpi wulwek wuti asew poejiw, ja-aech wut, japi watho'bej Dios kastikaxaes.

⁵ ¡Xabich plata nabej nejxasinke! Ma nejew wut, ¡do japoxankal xanejchachaemilde! ¡Ja-amde, Dios chajia jum-aech xot: “Xamal kofsaxinil tajjiwampox. Xamal tamach waelaxinilbej” —aech xot Dios! ⁶ Samata, Dios xanaboejas xot, nakaewa najumchiyaxaes:

“Dios xatis nakkajachawaet. Samata, wajlewlaxil, jiw asax isasia wut xatisliajwa” —nachiyaxaes nakaewaliajwa.

⁷ ¡Xamal chiekal nejchaxoelde majt xamal tato'alpiliajwa! ¡Asewbej, xamal naewuajanpi Dios pejjamechan, japiliajwa chiekal nejchaxoeldebej! ¡Chiekal nejchaxoeldebej japi jiwliajwa, ma-aech japi jiw, laelp wut ampathatat, is wutbejpi pachaempoxan! ¡Xamallap-is, me-ama japi, ja-amsfulde! ¡Chiekal Dios xanaboejimbej!

⁸ Jesucristo pomatkoicha xabich pachaempon. Asax nejchaxoela-elon. ⁹ ¡Xamal nabej naexasis, asew jiw xamal naewuajan wut asawuajan, Jesús pejwuajana-el wut! Kaes pejme pachaem Dios naexasisliajwam, japon xamal kajachawaesaxael xot, xamal nejxasink xoton. Asew jiw xae-el nejmachnaxaeyaxan, kaechafiach xoti. Ja-aech wut, japi pejxanaboejajan nakiowa kaes chiekal mamnika-el Diosliajwa.

¹⁰ Moisés chajia lelpox naexasiti, japi jiw nejchaxoel: “Xatis naexasisaxaes Moisés chajia lelpox. Samata, choef xua'asaxaes templobaxot ofrenda isliajwas Diosliajwa” —aechi, nejchaxoel wut. Pe nakiowa, japi jiw Dios beltaeyaxisal. Pe naexasich wutlax Jesús tæppox xatisliajwa, jatis wut, Dios nakbu'weyaxael. ¹¹ Puexa sacerdotespaklokolan Lugar Santísimo poxade chaxlech choefjal ofrenda isliajwa Diosliajwa, jiw babijaxan ispoxanliajwa japi bu'wuajanjilaliajwa. Pe choef, xua'ataspi, xafolipi bowaliajwa tathoetlel jiw duilxot. ¹² Jatisbej Jesucristo. Paklowax tathoetlel kimatamatlas cruztat. Japon tæp wut cruztat moton puexa jiw babijaxan ispoxanliajwa, japi jiw bu'wuajanjilaliajwa Diosliajwa. ¹³ Jesús kimatamatlas wut tæpaliajwa paklowax tathoetlel, japox xabich padalapox. Asew jiw xatis nakjum-aech wut Jesús pejwuajan naexasichpoxliajwa: “Japawuajan naexasisliajwa xabich padalapox” —nak-aech wuti, nakiowa xatis naexasisfulaxaes Jesús pejwuajan. ¹⁴ Ampathatat ajil wajpaklowax pomatkoicha duilaliajwas. Samata, xatis wuajnowesfulaxaes asamatkoi Dios pejpaklowaxxotse pomatkoicha duilaliajwas. ¹⁵ Jesucristo tæp wut xatisliajwa, Dios naktapaei kawuajnalijwas Dios. Samata, xatis pomatkoicha Dios jumchiyaxaes: “Xam xabich pachaemam” —chiyaxaes. Japox jumtis wut Diosliajwa, me-ama ofrenda chaxduws wut, ja-aechox. Samata, japox pomatkoicha Dios jumchiyaxaes. ¹⁶ ¡Nabej nejkiowe' isliajwam pachaempoxan! ¡Kajachawae'ebaj kijila! Japoxan isam wut, Diosliajwa, me-ama ofrenda chaxduwam wut, jachiyaxaelpox. Samata, Dios nejchachaemlaxael japoxanliajwa.

¹⁷ ¡Xamal chiekal naexasisfulde, paklochow tato'al wut! Japi paklochow kofa-el xamal tataeflafulpox. Japi chiekal matabija. Chiekal xamal tataeflafula-el wut, ja-aech wut, japi jiw pejbu'wuajntaxael Diosliajwa. Samata, ¡chiekal duilaxaelam japi nejchachaemlaliajwa xamalliajwa! ¡Babijaxan nabej is paklochow nejxaejwasamatas xamalliajwa! Babijaxan isam wut, xamalliajwa pachaemaxil.

¹⁸ ¡Xamal Dios kawuajanafulde xanalliajwa! Xanal nejchaxoelx: “Xan babijax is-enil Diosliajwa, asew jiwliajwabej” —an, nejchaxoelx wut. Samata, ¡xamal Dios kawuajande xanalliajwa pomatkoicha chiekal

duilaliajwan! ¹⁹ ¡Dios kawuajandebey xan Dios natapaeliajwa xamal poxaliajwan! Xan nejxasinkax xamal kamtalejen pejme taeliajwan.

Ampox carta lelpon saludos xato'apox

²⁰ Dios nakkajachawaet chiekal duilaliajwas, asew jiw suapich. Dios mat-et wajpaklon Jesucristo pejme dukaliajwa, tɔp wɔton cruztat. Jawɔt tɔadut pajelwɔajan, xatis Jesús pejuwɔajan naexasich wɔt nakbu'weliajwa babijaxan isaspoxanliajwa. ¡Japox pomatkoicha chiekal naexasisfulde! Samata, Jesús chiekal naktataeful. Me-ama oveja tataeflan chiekal pejew oveja tataeful, ja-aech Jesús, xatis naktataeful wɔt amwɔtjel, pomatkoichaliajwabey. ²¹ Samata, Dios kawuajnax chaxduiliajwa puexa xamal wewe'ppoxan, isliajwam Dios nejxasinkpoxan. Dios kawuajnaxbey nakkajachawaesliajwa Jesucristo pijaxtat pachaemaliajwas wajmatpɔatanxot, me-ama Dios nejxasink, jachiliajwas. Pomatkoicha jumchiyaxaes Jesucristoliajwa: “¡Xam xabich pachaemam!” —chiyaxaes japonliajwa.

²² Takoew, xan lelɔpox xabicha-ellejen xamal naewuajnaliajwan. Samata, jnabey naewes naewesliajwam ampajamechan! ²³ Xan xato'ax ampawuajan xamal chiekal matabijaliajwam. Timoteo tapaeis nakolsliajwa jiw jebaxot. Japon piach kijla-el wɔt, xanxot pa'an wɔt, buflaeyaxaelen xamal poxade xamal taeliajwam japon.

²⁴ ¡Nawesaludam xamal tato'alpi! ¡Nawesaludambey puexa asew jiw, japi Dios pejiwpi, naexasiti Jesús pejuwɔajan! Italia tɔajnɔpijiw xamalliajwa saludos xato'a.

²⁵ Xan pomatkoicha Dios kawuajnax puexa xamal kajachawaesliajwapon.

Santiago lelpox carta Jesús pejwajan naexasitiliajwa

Santiago saludos xato'apox

¹ Xan, Santiago, nabistax Diosliajwa, wajpaklon Jesucristoliajwabej. Saludos xato'ax xamal Jesucristo pejwajan naexasitampimliajwa. Xamal Israel pamojiwam, docemutanpijwam, potujnucha nasaladuilampim.

Jesucristo pejwajan naexasiti wewe'pas wut matabijsax, japi kawajnaaxaelpox Dios

² Takoew, puexa pachaema-elpoxan xamalliajwa pasfulaxael xapaejaliajwa. Ja-aech wut, xamal nejchachaemilde! ³ Xamal matabijam. Nabijatam wut, kaes naexasisaxaelam Jesús pejwajan. Jam wut, diachwajnakolax xajupaxaelam boejtaliasliajwam, nabijatam wut. ⁴ Xamalliajwa pat wut pachaema-elpox, jnakiowa kaes naexasi'e Jesús pejwajan! Ja-am wut, pachaemaxaelam, me-ama Dios nejxasink xamalliajwa. Ja-am wutbej, wewe'paxil Jesús pejwajan kaes chiekal naexasisliajwam.

⁵ Kaen aton xamalxot wewe'pas wut matabijsax isaxaelpoxliajwa, japon aton matxoela kawajnaaxael Dios chiekal matabijsliajwa. Do ja-aech wut, japon aton Dios kajachawaesaxaes chiekal matabijsliajwa. Dios kajachawaet puexa jiw japi chiekal matabijaliajwa. Dios bu'alos-el, jiw xabich wuljow wut matabijsax. ⁶ Xamal Dios kawajnam wut, jmajt chiekal nejchaxoelde wuljoeyaxaelampox! Do jawut, jchiekal nejchaxoelde: "Diachwajnakolax Dios nakajachawaesaxael matabijsliajwan isaxaelenpox" —amde, nejchaxoelam wut! jNabej nejchaxoele': "Dios bej nakajachawaesaxilbej matabijsliajwan isaxaelenpox" —nabej aeche', nejchaxoelam wut! Asan aton nejchaxoel wut: "Dios bej nakajachawaesaxilbej matabijsliajwan. O, bej nakajachawaesaxaelbejpon" —aech wuton, japon aton kaeyax chiekal nejchaxoela-el Dios kajachawaesproxliajwa. ⁷ Japon aton kolenejchaxoelax xot, Dios kawajan wut, Dios kajachawaesaxial chiekal matabijsliajwa isaxaelpoxliajwa. ⁸ Japon aton kaenejchaxoelaxa-el wut isaxaelpoxliajwa, asan aton xanaboesaxial japon aton.

⁹ Aton, Jesús pejwajan naexasitpon, japon kijilan wut, asew jiw taens wuton, japon, me-ama pachaema-el wut, ja-aechon japi jiwliajwa. Pe ja-aech wut, japon aton nakiowa nejchachaemlaxael, japon xabich pachaem xot Diosliajwa. ¹⁰ Kimaeyan, Jesús pejwajan naexasitpon wut, chiekal pajut matabijt wuton pejew omjilpox Diosliajwa, japon nejchachaemlaxael. Kimaeyan piachaliajwa-el. Me-ama naetalt kamta toep, jachiyaxaelbej kimaeyan. ¹¹ Juimt masxaen wut, xabich tuajnik wut, naexi selil. Do talselil wut, nachola satadik. Ja-aech wut, talchaxempox chiekal toep. Jachiyaxaelbej kimaeyan. Japon pejew mowa wut, wujnsful wutbejpon, chalechkal naetupaxaelon japon pejew.

Dios xapaejs-elpox jiw babijaxan isliajwa

¹² Aton xapaejtas wut babijax isliajwa, xabich boejtaliat wuton, japon xabich nejchachaemlaxael. Ja-aech wut, Dios chaxdusaxaeson premio,

pomatkoicha dukaliajwa Diosxotse. Japoxliajwa Dios jum-aech jiw, Dios nejxasinkpiliajwa. ¹³ Aton xapaejtas wut babijax isliajwa, nejchaxoelaxil: “Dios naxapaejt xan babijax isliajwan” —chiyaxilon, nejchaxoel wut. Dios chinax kaen aton xapaajs-el babijax isliajwa. Diosbej pajut nejchaxoela-el babijax isliajwa. ¹⁴ Pe aton pajut nejchaxoel babijaxan isliajwa, isasiapoxan. Do jawux, japoxan ispon. ¹⁵ Is wuton japoxan, babijaxan, japon aton kaelel chiekal nafo'a Diosliajwa.

¹⁶ Takoew, xamal nejxasinkaxpim, inajut nabej naekichachajbe! Samata, nejchaxoelam wut, inabej nejchaxoele: “Dios xan naxapaejt babijax isliajwan” —nabej aeche', nejchaxoelam wut! ¹⁷ Dios puexa nakchaxduwpxoxan xabich pachaem. Japon isbej juimt matkoipijin, madoipijinbej, ithaejbej, athaxotsik itliakaliajwa. Asamatkoi japoxan chiekal itliakaxil. Pelax Dios pomatkoicha pachaem. Nejchaxoel wut, kaeyax chiekal nejchaxoelon nejchaxoelpoxliajwa. Jachiyaxaelbej, Dios nejchaxoel wut xatisliajwa. ¹⁸ Xatis naexasich xot Jesús ispox xatisliajwa, Dios nakchaxduw pajelnejchaxoelaxan japon pejjiwaliajwas. Dios nakmakantot jiwxot xatis matxoela Jesús pejjiwaliajwas. Jesús pejwujajan diachwujnakolax. Samata, xatis, Jesús pejjiws, xabich pin-iataxaes.

Machiyaxaelpox duil wut Jesús pejwujajan naexasit

¹⁹ Takoew, xamal nejxasinkaxpim, jampox lelaxaelenpox xamal chiekal nejchaxoelde! Jiw jum-aech wut xamal jumtaeliajwam, jxamal chiekal naewe'e! Jumchisiam wut, jmajt chiekal nejchaxoelde jumchiyaxaelampox, pachaem wut! Pachaem wut, do ja-aech wut, jjum-amde! Xamal nalalasangata, jmajt chiekal nejchaxoeldebej jumchiyaxaelampox! ²⁰ Aton palala wut, isaxil Dios nejxasinkpox. ²¹ Samata, jpuexa pachaema-elpoxan kaelel kofim! jKaes japoxan nabej is! jDios naexasisfulde isliajwam pachaempoxan! jChiekal naewesfulde, asew jiw xamal naewujajan wut Dios pejjamechan! Ja-am wut, Dios xamal bu'weyaxael.

²² jNabej naewes asbuan jumch Dios pejjamechan! Ja-am wut, xamal najut nanaekichachajbaxaelam. jChiekallax xamal naexasisfulde Dios pejjamechan! ²³ Aton asbuan jumch naewet wut Dios pejjamechan, pe naexasis-el wuton Dios tato'alpoxan, ja-aech wut, japon aton kajachawaesaxisal Dios pejjamechan naewetpoxliajwa. Ja-aech wut, japon aton, me-ama chapot xu-aeltaen wut, jachiyaxaelon. ²⁴ Xu-aeltaeyax toet wut, kamta itfunekiwapon pejxu tala-aechpox. ²⁵ Aton nejkiowa-elpon jumtaenpoxan, Dios tato'alpoxan, japon aton Dios kajachawaesaxaes puexa ispoxanliajwa. Dios tato'alpoxan xabich pachaem. Jiw naexasit wut japox tato'laxan, japi jiw xabich nejchachaemlafulaxael.

²⁶ Aton jum-aech wut: “Xan isx Dios nejxasinkpox” —aech wut, pe japon aton nejmach paeje wut pachaema-elpoxan, ja-aech wut, japon aton pajut naekichachajba. Samata, japon Jesús pejwujajan naexasitpox, Diosliajwa chiekal pachaema-el. ²⁷ Japon aton diachwujnakolax chiekal naexasit wut Jesús pejwujajan, is-elon babijaxan, asew jiw ispoxan. Ampathatat laeja wutfukon, kajachawaet yamxi, pasoelkola. Kajachawaetbejpon watho', pamaljiw naetwpspi, japi watho' kijil xot. Japon aton japoxan is Diosliajwa.

2

Jesús pejuwanjan naexasiti, japi puexa jiw chiekal sitaeyaxaelpox

¹ Takoew, xamal xanaboejam wajpaklon Jesucristo, xabich pachaempon. Samata, ¡xamal puexa jiw sitaem! ¡Nabey mastaele' asew jiw!

² Xamal culto isam wut, jaxot kimaeyan pasaxael. Japon xabich oronillos kothiyaxajoeyaxael. Japon xabich naxoelaxael chamoeyax. Do jawut, kijilan jaxot pasaxael. Japon naxoelaxael pachaema-elpox. ¿Xamal machiyaxaelamkat, japi kolenje bu'kulam wut? ³ Jawut chiekal bu'kulaxaelam kimaeyan. Japon to'axaelam ekaliajwa tua-ekax, kaes chamoeyaxtat. Kijilanlax nukax to'axaelam. Ja-el wut, to'axaelampon satat ekax. Xamal ja-am wut, isaximil pachaempox Diosliajwa. ⁴ Japi kolenjeliajwa kaeyax nejchaxoelaximil. Xamal sitaeyaxaelam xabich naxoelpon chamoeyax. Asan sitaeyaximil. Japox ja-am wut, jado' japox pachaemaxil.

⁵ Takoew, xamal nejxasinkaxpim, ¡xan lelxpox xamal chiekal naexasifalde! Dios makanot jiw kijila japon naexasisliajwapi. Ja-aech wut, japi jiw Diosliajwa kimaenk wut, ja-aechi. Japi tapaeయాes potatkoicha duilaliajwa japonxotse, me-ama Dios jumdut jiwliajwa, Dios nejxasinkpiliajwa. ⁶ Xamal chiekal bu'kula-emil wut kijila, ja-am wut, diachwanajnakolax xamal sitae-emil kijila. ¡Xamal najut nejchaxoelde kimaeya pijaxtat xamal nabijatampoxan, buflaech wuti jueces poxade, jaxotde xamal tasalaliajwapi! ⁷ Japi jiw jum-aechbej babejjamechan Jesúsliajwa, japon xabich pachaempon. Xatis japon pejjiws.

⁸ Dios pejjamechan, chajia lelxpox, jum-aech wut, jum-aechox: “¡Nejxasinkde asew jiw! Me-ama xam najut nanejxasinkam wut, ¡ja-amde asew jiwliajwa!” —aechox. Xamal diachwanajnakolax jasox ja-am wut, kaes pejme pachaempox isaxaelam. ⁹ Asew jiw chiekal sitaenam. Pe asew jiw chiekal sitae-emil wut, ja-am wut, xamal is-emil Dios nejxasinkpox. Isaxaelam babijax. Ja-am wut, nejbu'wanjmaxaelam Diosliajwa, puexa jiw chiekal sitae-emil xot, Dios japox to'a wut. ¹⁰ Aton naexasisful wut Moisés chajia lelpox, pe japon aton kaeyax wewe'pas wut naexasisliajwa, japox wewe'pas xot naexasisliajwa, japon aton pejbu'wanjmaxael Diosliajwa. Ja-aech wut, japon aton, me-ama puexa chiekal naexasis-elon Moisés chajia lelpox, jachiyaxaelon. ¹¹ Dios pajut chajia jum-aech: “¡Nijow nabej naebu'moejs asew watho'!” —aech Dios. Dios jum-aechbej watho'liajwa: “¡Nabey naebu'moejs nejmol asew poejjiw!” —aech Dios. Dios jum-aechbej: “¡Nabey be' asew jiw!” —aech Dios. Aton pijowpon, japon asew watho' naebu'moejs-el wuton pijow, pe japon aton, asan aton boesa wut, ja-aech wut, japon aton nakiowa pejbu'wanjan Diosliajwa. Ja-aech wut, japon aton Diosliajwa, me-ama puexa Moisés chajia lelpox chiekal naexasis-el wut, ja-aechon. ¹² Xamal chiekal isam wut Dios to'apox, ja-am wut, xamal bu'wanjanjilaxaelam Diosliajwa. Chiekal naexasis-emil wut Dios to'apox, ja-am wut, Dios xamal kastikaxael. Xamal jum-am wut, jum-amde pachaempoxan! ¡Isdebej pachaempoxan asewliajwa, Dios japox to'a xot! ¹³ Jiw beltae-el wut asew jiw, Diosbej japi jiw beltaeyaxil, asamatkoi, Dios jiw babejchow kastika wut. Jiw beltaenpi asew jiw, japi jiw Dios kastikaxil, pat wut kastikamatkoi.

Jesús pejuwanjan naexasiti isaxaelpox pachaempoxan

¹⁴ Takoew, a sew jiw asbuan jumch jum-aech wuti: “Xan Jesús pejwujajan naexasitx” —aech wuti, pe is-el wut pachaempoxan a sew jiwliajwa, japi jiw jum-aechpox pachaema-el Diosliajwa. Japox jum-aech wut, Dios bu'weyaxisal japi jiw. ¹⁵⁻¹⁶ Xamal, Jesús pejwujajan naexasitampimxot, a sew jiw wewe'paxaes wut naxoelajwa, xaelajwabej, pe xamal asbuan jumch jumchiyaxaelam wut japijajwa: “¡Chijiamde! ¡Dios xamal nej kajachawaes naxoelajwam! ¡Dios nej chaxdui naxaeyaxan xamal xaelajwam!” —chiyaxaelam wut, xamal jum-ampox pachaemaxil japi jiwliajwa. ¹⁷ A sew jiw jumchiyaxael wutbej a sew jiwliajwa: “Xanal chiekal naexasitx Jesús pejwujajan” —chiyaxael wuti, pe japi jiw isaxil wutbej pachaempoxan a sew jiwliajwa, ja-aech wut, japi jiw jum-aechpox Diosliajwa pachaemaxil, isaxil xoti Dios jum-aechpox.

¹⁸ Kaen aton jumchiyaxael ampox: “Jesús pejwujajan naexasitixot a sew is-el pachaempoxan a sew jiwliajwa. A sew, Jesús pejwujajan naexasitilax, is pachaempoxan a sew jiwliajwa” —chiyaxaelpon. Japon aton japox jum-aech wut, xan jumchiyaxaelen japon atonliajwa: “Xatis chiekal matabijaxisal, a sew jiw diachwujajnakolax naexasit wut Jesús pejwujajan, is-el wuti pachaempoxan a sew jiwliajwa. Xanlax isfulax pachaempoxan a sew jiwliajwa, me-ama Dios nato'a japoxan isliajwan. Ja-ansfulax wut, jiw matabijaxael diachwujajnakolax xan chiekal naexasitx Jesús pejwujajan” —chiyaxaelen japon atonliajwa. ¹⁹ Xan pejme japon aton jumchiyaxaelenbej: “Xam nejchaxoelam wut, jum-am: ‘Dios kaen. Kaes asan Dios ajil, me-ama Dios, jason’ —am wut, japox diachwujajnakolax. Japox nejchaxoelam wut, diachwujajnakolax. Depbej matabija, Dios kaenpon. Japi dep pejlwla xot, tathulalbejpi Diosliajwa. Pe nakiowa, dep kofa-el babijaxan ispoxan a sew jiwliajwa. Samata, xan matabijsaxinil, diachwujajnakolax xam chiekal naexasitam wut Jesús pejwujajan. Pe is-emil wut pachaempoxan a sew jiwliajwa, ja-am wut, diachwujajnakolax xam naexasis-emil Jesús pejwujajan. ²⁰ ¡Xam nabej nejliakle! Xatis jumchiyaxaes wut: ‘Xan naexasitx Jesús pejwujajan’ —chiyaxaes wut, pe is-esal wutbej pachaempoxan a sew jiwliajwa, jatis wut, xatis jumchiyaxaespox, Diosliajwa japox pachaemaxil. ²¹ Wajwujajnapijin Abraham is Dios kito'aspox. Samata, paxulan xua'laxael wuton ofrenda isliajwa Diosliajwa, ja-aech wut, Abraham Diosliajwa bu'wujajanjilon. ²² Abraham naexasit Dios jumtispor. Samata, Abraham paxulan xua'laxael wut, ja-aech wut, puexa jiw chiekal matabija Abraham diachwujajnakolax chiekal xanaboejtpox Dios. ²³ Samata, Abraham is, me-ama Dios pejjamechan, chajia lelspor, jum-aech wut, jum-aechox japonliajwa: ‘Abraham naexasit Dios jumtispor. Samata, Abraham Diosliajwa bu'wujajanjilon’ —aechox. A sew jiw chajiakolaxtat Abrahamliajwa jum-aech: ‘Abraham, Dios pejnachalan’ —aechi” —chiyaxaelen japon atonliajwa, xan jumnosaxaelen wut.

²⁴ Samata, puexa xatis matabijas, aton xanaboejt wut Dios, japon aton bu'wujajanjil Diosliajwa, chiekal is xot Dios tato'alpoxan. ²⁵ Rahab pejbichax, poejiw bu'moejsax plata kanaliajwa. Japow asamatkoi is pachaempox, chiekal bu'kult wutow kolenje, israelitas, pat wut Jerico paklowaxxot. Japi chawujajnaen asamatkoi nabeliajwa, japapaklowaxpijw suapich. Rahab kajachawaet japi weliajwa padaelmajiwxot. Asanumantade to'ach besamatas padaelmajiw. Japox is xot, Rahabbej bu'wujajanjil Diosliajwa. ²⁶ Jiw fakjola-el wut, tupaxael. Ja-aech wut, kaes

asaxan isaxilbejpi. Xatisbej jatis, puexa naexasichpis Jesús pejwñajan. Nejchaxoels wut: “Xatis Jesús pejwñajan naexasich” —chiyaxaes wut, pe is-esal wut Dios nakto'apoxan, jatis wut, japox pachaemaxil Jesús pejwñajan naexasichpoxliajwa. Jachiyaxaes wut, Diosliajwa xatis, me-ama pat̃apa wut, jachiyaxaes.

3

Jesús pejwñajan naexasiti buxfiachpox babejjamechan jumchisamata asew jiwliajwa

¹ Takoew, xamal chiekal matabijam, xanal, Jesús pejwñajan naewñajnaxpin, babijaxan isaxaelen wut, Dios xabich kaes xanal nakastikaxael. Samata, jxamalxot nej xabicha-ele' jiw, naewñajanpi Jesús pejwñajan! ² Puexa xatis isas pachaema-elpoxan asew jiwliajwa, majt chiekal nejchaxoela-esal wut isliajwaspoxan. Kaen aton jumchi-el wut kaejame, pachaema-eljame, asew jiwliajwa, japon atonlap Diosliajwa chiekal pachaemaxael. Japon aton pajut chiekal natataeflaxaelbej isasamata babijax. ³ Xatis kawaei kaechaxajoels freno. Jatis wut, pachaem kawaei xajiasliajwas, chaflaesias poxade chaflaelajwas. ⁴ Ja-aechbej pinjiyax barkamliajwa. Timón cha-aelaxachpoxtat aton xajup xajiasliajwa barkam, xabich pinajoewa wut, chaflaesia poxade chaflaelajwa. ⁵ Ja-aechbej jit. Cha-aeljit wut, xajup pinjiyax lul toejwaliajwa. Ja-aechbej wajkaech-ia'an. Xajup nejmach jumchiliajwas: “Xan xajupx isliajwan pinjiyaxan” —chiliajwas asbuan jumch wajkaech-ia'antat. ⁶ Wajkaech-ia'anbej, me-ama jit, tabejsaxaes xot asew jiw. Wajkaech-ia'antat xabich jumtis babijaxan asew jiwliajwa. Japox t̃aduws, jams wut. Amwutjelbej nakiowa jatisfulas. Jachiyaxaes pomatkoicha ampathatat, Satanás nakbuxto'apoxan naksiyas xot.

⁷ Jiw matabija nejmachchoef, tathoetpijiw, itfelaliajwa. Samata, tato'al wuti, tathoetpijiw, mia, jom, minpijiwbej, japi choef jumtaenspi. Naexasichbejpi. ⁸ Pe aton fiasaxil pejkaech-ia't naksiya-elaliajwa pachaema-elpoxan. Buxkofaxil babijaxan jumtisepoxan. Japoxan asew jiwliajwa, me-ama jombua'nael wut, ja-aechox. Samata, asew jiw xabich tabejtas. ⁹ Xatis jumtis wajkaech-ia'antat waj-ax Diosliajwa: “Xam xabich pachaemam” —tis. Do jawux, jumtisbej wajkaech-ia'antat babejjamechan asew jiwliajwa, japi jiw isaspi Dios, me-ama Dios wut, ja-aechpi. ¹⁰ Wajkaech-ia'antat jumtis chimiajamechan Diosliajwa. Do jawutbej, jumtisbej babejjamechan asew jiwliajwa. Takoew, xatis japoxan jumchiyaxisal asew jiwliajwa. ¹¹⁻¹² Satlel min nakakolsanxot, jaxot chimiamin nakakolsan. Jaxot nakola-el xasaxamin. Ja-aechbej muthasi. Higonae naboet wut, japanaexot naboes-el asabaech. Uvanaechanxotbej naboes-el asabaech. Me-ama japox ja-aechbejlapis wajkaech-ia'an. Chimiajamechan jumtis wut, kamta kaewutje, jumchiyaxisal babejjamechan.

Dios pijax, matabijsax, kaes pejme pachaempox xatis matabijaliajwas

¹³ Xamalxot kaen aton xabich matabijsan wut, japon nej is pachaempoxan! jJapon nej nejchaxoelebej: “Xan kaes pachaema-enil. Me-ama asew jiw, jachi-enil” —nej aechepon, nejchaxoel wut! ¹⁴ Xamal asew jiw nusasiowlam wut, kaes paklonasiam wutbej, ja-am wut, asew jiw matabijaxael diachwñajnakolax xamal matabija-emilpim. ¹⁵ Xamal

asew jiw xabich nusasiowlam wut, kaes paklonasiam wutbej, japoxan Dios to'a-el. Ja-am wut, nejchaxoelaxaelam ampathatpijiw nejchaxoelpox. Ja-amwutbej, nejchaxoelaxaelam, me-ama Satanás to'a xamal nejchaxoelaliajwam. ¹⁶ Xamal asew jiw nusasiowlam wut, kaes paklonasiam wutbej, jachiyaxaelam wut, xamal kaenejchaxoelaximil. Isaxaelambej puexa nejmach, chaemilpoxan. ¹⁷ Jiw matabijapi Dios pijax matabijsax, japi jiw chiekal duil, me-ama Dios nejxasink japi duilaliajwa. Duil wut, nabe-eli, asew jiw swapich. Japibej talias-el asew jiw. Nejchaxoelbejpi naexasisliajwa asew jiw tato'alpoxan. Japibej beltaen, asew jiw nabijat wut. Jiw kajachawaet wutbejpi, puexa jiw chiekal kajachawaeti. Naekichachajba-elbejpi asew jiw. Isbejpi pachaempoxan asew jiwliajwa. ¹⁸ Aton chiekal duk wut, asew jiw swapich, japon naewhajan wutbej asew jiw chiekal duilaliajwa, ja-aech wut, japi jiw chiekal duilaxael.

4

Jesús pejwhajan naexasiti chiekal naexasisfulaxaelpox Dios

¹ ¿Ma-aech xotkat xamal nakaewa nalotam? ¿Ma-aech xotbejkat xamal nakaewa nabam? Xamal japoxan isfulam, chajia nejchaxoelam xot japox isliajwam. ² Xamal xabich nejxasinkam wut asan pijax, japon aton bu'aboesam wefisliajwam japox. Xamal nusasiowlambej, taenam wut asew jiw pejew. Xamal xajupa-emil wut whajsliajwam taenam-pox, bu'alotam japi jiw. Ja-am wut, bu'abambej. Xamal nejxasinkampoxan faeka-emil, majt Dios chiekal kawhajn-emil xot japoxanliajwa. ³ Xamal japoxanliajwa Dios kawhajn-emil wut, japoxan Dios chaxdui-el, najut isasiampoxan babijaxan, isaxaelam xot japoxantat. ⁴ ¿Ma-aech xotbejkat xamal kofasiam Dios xanaboejampox? Xamal kofasiam Dios xanaboejampox, xabich nejxasinkam xot ampathatpijixan. Xamal babijaxan isam wut, me-ama asew jiw ampathatpijiw, ja-am wut, xamalbej Dios padaelmajiw nadofaxaelam. ⁵ Dios pejjamechan, chajia lelspox, jum-aech wut, jum-aechox: “Dios to'ak Espiritu Santo wajmatruatanxotaliajwa. Espiritu Santo nejxasink xatis kaes pejme Dios nejxasinkaliajwas” — aechox. ⁶ Dios nakkajachawaet, naknejxasink xot. Dios pejjamechan, chajia lelspox, jum-aech wut, jum-aechox: “Dios jiw kajachawaet, japi nejchaxoel wut am-pox: ‘Xan kaes pachaema-enil. Me-ama asew jiw, jachi-enil’ — aech wuti. Pe jiw nejchaxoel-pi: ‘Xan kaes pachaeman. Me-ama asew jiw, jachi-enil’ — aech wuti, Dios kajachawaes-el japi jiw” — aech Dios pejjamechan, chajia lelspox. ⁷ Samata, ixatis naexasisfulaxaes Dios tato'alpox! Ja-am wut, Satanás xamal xapaeja wut isliajwam Satanás nejxasinkpox, isaximil babijax. Ja-am wut, Satanás atuhaj najaesaxael xamalxot. ⁸ ¿Xamal Dios kaes chiekal xanaboejim! Ja-am wut, Dios kaes xamalxotchfulaxael. ¿Babijaxan isampoxan kofim! Xamal, Dios nejxasinkasiampim, ¿kamta kofim ampathatpijiw nejxasinkpoxan! ¿Dioskal nejxasinkde! ⁹ ¿Kofim xanejchachaemlampoxan, ampathatpijixan! Xamal babijaxan isam wut, nadalaxael. Samata, japoxanliajwa noeyaxaelambej. ¹⁰ Xamal Dios kawhajn-emil wut, jum-amde: “Xan babijaxan isx. Samata, pachaema-enil xan nanejxasinkaliajwam” — amde, Dios kawhajn-emil wut! Ja-am wut, Dios xamal kajachawaesaxael chiekal pachaemaliajwam.

Jesús pejwhajan naexasiti nakaewa najumchiyaxil: “Ampi babejchow”

¹¹ Takoew, ꞑxamal nabej jum-aeche' babejjamechan asewliajwa, japi, naexasiti Jesús pejwꞑajan! Kaen aton xamalxot jum-aech wꞑt babejjamechan asan atonliajwa, japon aton, me-ama juez wꞑt, ja-aechon. Japon diachwꞑajnakolax naexasis-el Dios tato'alpox. Kaen Dios, japon juez. Samata, asamatkoi Dios jumchiyaxael kaenanꞑla Jesús pejwꞑajan naexasitiliajwa: "Japon aton chiekal pachaem" —chiyaxaelon, o, jumchiyaxaelon: "Japon aton chiekal pachaema-el" —chiyaxael Dios kaenanꞑla jiwliajwa, Jesús pejwꞑajan naexasitiliajwa. ¹² Kaen Dios waelt pejjamechan xatis japox naexasisliajwas. Japonbej juez. Samata, japon Dios, kaen, xajꞑp jiw bu'weliajwa, pomatkoicha duilaliajwapi Diosxotse. Xajꞑpbejpon babejchow to'aliajwa japi kastikaliajwas pomatkoicha. Samata, Dios tapae-el xamal jumchiliajwam asew Jesús pejwꞑajan naexasitiliajwa: "Japi jiw chiekal pachaema-el xot, Dios kastikaxaespi" —chiliajwam.

Xatis matabija-esalpox asamatkoi jachiyaxael xatisliajwa

¹³ ꞑChiekal naewe'e ampox! Xamalxot asew jiw jum-aech: "Amwꞑtjel, o, kandiawa, fulaeyaxaes asapaklowax poxade. Jaxotde kaewaech cha-toepaxaes. Jaxotde xabich mowaxaes wejew. Xabich plata kanaxaes" —aech asew jiw xamalxot. ¹⁴ ꞑXamal jasox nabej jum-aeche', chiekal matabija-emil xot kandiawa jachiyaxaelpox xamalliajwa! Matabija-emilbej, ahamatkoi tꞑpaxaelam. Kandiawasap itnoj nakola. Pe kamta toep. Me-ama itnoj kamta toep, xamalbej jachiyaxaelam, asamatkoi tꞑpaxaelam wꞑt. ¹⁵ Asamatkoi, xamal nejchaxoelam wꞑt isaxaelampoxliajwa, jum-amde: "Dios naktapaei wꞑt, laelpaxaes. Nabichaxaesbej. Ja-el wꞑt, isaxaes asax pachaempox" —amde! ¹⁶ Pe nakiowa, xamal najut nejchaxoelam: "Xan matabijtax isaxaelenpox. Me-ama asew jiw, jachi-enil" —am, nejchaxoelam wꞑt. Japox nejchaxoelax pachaema-el, nejchaxoela-emil xot Dios nejxasinkpox. ¹⁷ Aton matabijt wꞑt pachaempox isliajwa, pe is-el wꞑton, ja-aech wꞑt, japon aton pejbꞑwꞑajnaaxael Diosliajwa.

5

Santiago lelpox ampꞑawꞑajan naewꞑajnalijwa kimaeya

¹ Xamal kimaenkampim, ꞑchiekal naewe'e ampanaewꞑajnaxan! ꞑAmwꞑtjel noem! ꞑNoem, asamatkoi xabich nabijasaxaelam xot! ² Nejew tamejampi toepaxael. Nejew ponan xabich itxaeyaxaesbej. ³ Nejew oro, platabej, asnadut wꞑt, japoxan jiw taen wꞑt, japi matabijaxael xamal nejew xabich-emilpox kajachawaesliajwam jiw kijila. Samata, Dios xamal xabich kastikaxael, nejew xabich asbꞑan jumch tamejam xot najutliajwa. ⁴ Jiw nabistpi nejew lulanxot, xamal japi mos-emil. Japi chapaei asew jiwꞑxot xamal naekichachajbampox japi jiw. Samata, wajpaklon Dios, xajꞑpon puexa isliajwa, japon jumtaen nabistpi xamalliajwa jum-aechpoxan. ⁵ Xamal laelpam wꞑt, najut isasiampoxan isfulam. Samata, xamal, me-ama pak, xabich dalpi wꞑt pachaem xꞑa'asliajwas, ja-am xamal, mox pawꞑajna xot Dios xamal kastikaliajwa. ⁶ Xamal jiw tasalam, bu'wꞑajanjilpi. Japi jiw xamal jumnos-el wꞑt, xamal pabam wꞑt, chiekal kijtam japi jiw.

Jesucristo pejme pasaxoekpox ampꞑathat poxasik

⁷ Takoew, iXamal piach wuaj nawesfulde wajpaklon pasaxoekpox! Jiw, pejlulanpi, wuaj nawesful, matxoelapej-iam thilan wut pelaliajwa pejlulantat. Do jawux, pelapi wuaj nawesful asamatkoi jolaliajwa. ⁸ Xamalbej kofaximil naexasitampox Jesús pejwuajan. iPiach wuaj nawesfulde chalechkal Jesús pejme pasaxoekpox!

⁹ Takoew, inabej jum-aeché' babejjamechan nakaewaliajwa, asew xamalxotpiliajwa, xamal bu'wuajanjilialiajwam Diosxot! iJasoxan nabej jum-aeché'! Mox pawuajna Dios jumchiliajwa kaenanula jiw babijaxan ispiliajwa. ¹⁰ Takoew, inejchaxoelde profetasliajwa, chajia laelpiliajwa! Japi chiekal Dios xanaboeja, nabijasful wut, asew jiw babijaxan is wut japiliajwa, japi naewuajan wut Dios buxto'aspoxan. Japi nabijatpox malecha-esal. Samata, japi boejtaliat, piach nabijat wut. iXamalbej jachiyaxaelam! ¹¹ Jiw nabijasful wut asew jiw pijaxtat, nakiowa Dios xanaboejaful wut, japi jiw nejchachaemil. Xamal wultaenambej Job xabich chajia nabijatpox. Ja-aech wut, japon nakiowa Dios xanaboejsful. Matabijambej, Job nabijasful wut, Dios xabich kajachawaesfulas, xabich beltaens xoton.

¹² Takoew, xan lelaxaelenpox kaes pejme pachaem xamal chiekal naexasisliajwam. Asew jiwliajwa jum-am wut, ijum-amde diachwuajnakolaxpoxkal! Samata, jumduwam wut isaxaelampoxan, ijum-amde jumduwampoxkal! iKaes pejme asaxan xamal nabej jum-aeché', asew jiw xamal naexasisliajwa jumduwampoxan! Samata, inabej jum-aeché'bej: "Xan diachwuajnakolax isaxaelen jumduxpox, Dios najumtaen xot" —nabej aeché'! Japox isaxaelam wut, ikamta chiekal jum-amde: "iXan diachwuajnakolax japox isaxaelen!" —amde! Japox jum-am wut, ijapox chiekal isde! Japox is-elasiyam wut, ikamta chiekal jum-amde: "iXan japox isaxinil!" —amde! Ja-am wut, Dios xamal kastikaxil, jumduwampoxanliajwa.

¹³ Kaen xamalxot nabijat wut, japon pajut Dios nej kawuajne'! Kaen xamalxot nejchachaemlaful wutbej, japon jajuw wut, jumchiyaxael: "Dios, xam xabich pachaemam" —chiyaxaelon. ¹⁴ Kaen aton xamalxot bu'xaenk wut, japon aton asan nej buxto'a wullalaeliajwapon ancianos, japi naexasiti Jesús pejwuajan tataefulpi! Ancianos pat wut, japi ancianos Dios kawuajna xael bu'xaeyan boejthulaliajwas. Ancianos olivosimint bu'joelaxaelpibej bu'xaeyan, Dios kawuajan wuti. ¹⁵ Japi ancianos Dios kawuajan wut, nejchaxoelaxaeli: "Ampon, bu'xaeyan, diachwuajnakolax Dios boejthulsaxaeson" —aech wuti, nejchaxoel wut, diachwuajnakolax bu'xaeyan boejthulaxaes. Dios beltaeyaxaesbejpon majt babijaxan ispoxanliajwa. ¹⁶ Samata, japon bu'xaeyan babijaxan majt is wut, chapaeyaxael ancianos jumtaeliajwa japi Dios kawuajnalialiajwa. Ja-aech wut, bu'xaeyan boejthulaxaes bu'xaenkpox. Aton, pachaempon Diosliajwa, japon xabich Dios kawuajan wut, Dios kajachawaesaxaeson. ¹⁷ Profeta Elías, me-ama xatis wut, ja-aechon. Chajiakolaxtat, japon Dios kawuajan wut, xabich kawuajan iam thilnasamata. Do jawux, tres waechan y medio iam thilna-el. ¹⁸ Do jawux, Elías pejme Dios kawuajan iam thilnalialiajwa. Do ja-aech wut, iam thilan. Samata, muthapi chiekal naboela.

¹⁹ Takoew, xamalxot kaen aton Jesús pejwuajan naexasitpox koft wut, jasan xamalxot nej naewuajnason, japon aton pejme naexasisliajwa Jesús pejwuajan! ²⁰ Jesús pejwuajan naexasitpon naewuajan wuton

asan aton, japon kofsliajwa babijaxan ispoxan, ja-aech wut, japon aton, Jesús pejwajaj naexasitpon, kajachawaet asan aton naf'o'asamata Diosliajwa, pomatkoicha japon aton dukaliajwa Diosxotse. Ja-aech wut, naewajnaspon Dios beltaeyaxaeson xabich babijaxan ispoxanliajwa.

Matxoelacarta, Pedro lelpox, Jesús pejwɔajan naexasitiliajwa

Pedro lelpox carta Jesús pejwɔajan naexasitiliajwa

¹ Xan Pedro, Jesucristo pej-apóstolan, lelx ampacarta xamal Dios pejjiwampimliajwa. Xamal nejpaklowaxanxot amwɔtjel atɔaj nasaladuillampim. Asewam duilam Ponto tɔajɔxot. Asewam duilam Galacia tɔajɔxot. Asewam duilam Capadocia tɔajɔxot. Asewam duilam Asia tɔajɔxot. Asewam duilam Bitinia tɔajɔxot. ² Xamal nalaela-emil wɔt, waj-ax Dios chajia nejchaxoel, xamal makanosliajwa japon pejjiwaliajwam. Matabijtbejpon xamal isaxaelampox, pachaempoxan japonliajwa. Amwɔtjel xamal Espíritu Santo makanot naexasisliajwam Jesús pejwɔajan. Samata, amwɔtjel Dios xamal beltaen babijaxan isampoxanliajwa, Jesucristo tɔp xot. Xan Dios kawɔajɔxot xamal xabich kajachawaesliajwa chiekal duilaliajwam, asew jiw sɔapich.

Dios tapaeyaxaelpox duilaliajwa Diosxotse naexasiti Jesús pejwɔajan

³ Xatis jumchiyaxaes Diosliajwa, japon wajpaklon Jesucristo paxliajwa: “Xam xabich pachaemam” —chiyaxaeson. Jesucristo mat-ech xot pejme dukaliajwa, Dios xabich nakbeltaen xatis babijaxan isapoxanliajwa. Samata, Diosliajwa, pajelnejchaxoelaxan xotch, me-ama jelnalaelas wɔt, jatis amwɔtjel. Samata, wɔajɔxot po-matkoicha duilaliajwas Diosxotse. ⁴ Jaxotse Dios nakchaxduiyaxael xabich pachaempox. Japox toepaxil. Ommaenkaxaelbejpon. ⁵ Japox Dios nakchaxdusaxael jaxotse, xanaboejas wɔt Cristo. Xatis ampathatat laelpas wɔt, Dios naktataeful. Asamatkoi, ampathatat matdukamatkoi wɔt, xatis matabijaxaes Dios nakchaxdusaxaelpox.

⁶ Samata, xabich nejchachaemlaxaelam, laelpam wɔt. Xamal nabijatam wɔt nejmachxapaejapoxantat, nakiowa xamal nejchachaemlaxaelam. ⁷ Dios tapaei wɔt xamal nabijasliajwam, jasoxtat Dios xamal xapaeja matabijsliajwapon, diachwɔajɔxot xamal chiekal naexasitam wɔt Jesucristo pejwɔajan. Jiw xapaeja oro jitat matabijaliajwa, diachwɔajɔxot orokola wɔt. Diosbej jachiyaxael xamalliajwa, xamal xapaeja wɔton Jesucristo pejwɔajan naexasitamoxliajwa. Japox kaes pejme ommaenk Diosliajwa. Me-ama oro, jachi-el. Japoxbej toepaxil. Xamal nabijatam wɔt, jɔnakiowa Dios xanaboejim! Ja-am wɔt, asamatkoi wajpaklon Jesucristo pask wɔt athulelsik, nejchachaemlaxaelon xamalliajwa.

⁸ Xamal najut tae-emil Jesucristo. Pe nakiowa, japon nejxasinkam. Naexasitambej japon pejwɔajan. Samata, nejchachaemlam japonliajwa. Japanejchachaemlax xabich pachaem xamalliajwa. Pe xajɔpae-emil asew jiw chiekal chanaekabɔanaliajwam xamal nejchachaemlam-poxliajwa, japibej matabijaliajwa, ma-aech nejchachaemlampox. ⁹ Dios xamal bu'weyaxael, naexasitam xot Jesucristo pejwɔajan.

¹⁰ Chajiakolaxtat profetas xabich studia Dios pejjamechan. Wɔajɔxot matabijaliajwa, machiyaxael Dios jiw bu'weliajwa wɔt. Profetas matabija wɔt, japi naewɔajan jiw Dios beltaeyaxaes paxot japi babijaxan isapoxanliajwa. ¹¹ Profetas matabija

Espíritu Santo pijaxtat Cristo nabijasaxaelpox puexa jiw babijaxan ispoxanliajwa. Matabijabejpi Cristo tɔpaxaelpox. Do jawut, pejme kaxaxoeipon pax Dios poxase ekaliajwa poklalel tato'laliajwapon, pax sɔapich. Samata, profetas nakaewa nawɔajnaechaemt wut, najɔm-aechi: “¿Achatatkoitatkat, Cristo pasaxoek ampathatasik? Japon pask wut, ¿machiyaeskat xatis matabijaliajwas japon?” —na-aechi nakaewa. ¹² Profetas laelp wut, matabija asamatkoi japi pejwulela jachiyaxaelpox. Japox matabijapi, Dios kajachawaech xot. Samata, xatis amwutjel laelpaspis profetas pejwulela, matabijas japi profetas ɔm-aechpox Cristoliajwa, japox xatisliajwa. Amwutjel asew jiw japawɔajan naewɔajan asew jiwliajwa, japibej bu'welialjwas. Japi naewɔajan wut asew jiwliajwa, Espiritu Santo kajachawaechpi. Japon Dios to'akaspon. Ángelesbej japoxan chiekal kaes matabijasia.

Dios nakmakanotpox xatis, Jesús pejwɔajan naexasichpis, isasamatas babijaxan

¹³ Xamal Dios pejjiwam xot, ɔmajt chiekal nejchaxoelde isaxaelampox! ɔXamal najut chiekal natataefuldebej babijax isasamatam! ɔWɔajnawesfuldebej Jesús pasaxoekpox! Jesús pejme fuloek wut, Dios puexa xamal bu'weyaxael, me-ama Dios chajia ɔmdut xamal bu'welialjwa babijaxan isampoxanliajwa. ¹⁴ ɔsfulde waj-ax Dios tato'alpox! Nejchaxoelam wut, ɔnabej nejchaxoele' babijaxan isliajwam, majt isampoxan, Dios naexasis-emil wutfuk! ¹⁵ ɔDuilafulde, me-ama Dios nejxasink! Japon xamal makanot japon pejjiwalialjwam. Japon pajut pachaem. Babijax is-elon. ¹⁶ Dios pejjamechan, chajia lelspx, ɔm-aech wut, ɔm-aechox Dios ɔm-aechpox: “ɔNabej is babijax, xan xabich pachaeman xot!” —aechox.

¹⁷ Xamal Dios kawɔajnam wut, ɔm-am: “Taj-ax Dios” —am. Dios puexa pejjiw taen wut, paklochow, paklochowa-elibej, puexa chiekal taenpon. Samata, Dios ɔmchiyaxael kaenanɔla jiw, babijaxan is wut, o, babijaxan is-el wut. Samata, ampathatat laelpam wut, ɔpomatkoicha chiekal duilaxaelam Diosliajwa! ¹⁸ Xamal majt napeltam Diosliajwa, duilam xot, me-ama nejwɔajnapijiw. Pe japox pachaema-el Diosliajwa. Xamal chiekal matabijam. Cristo tɔp mosliajwa xamal babijaxan isampoxanliajwa xamal bu'welialjwapon. Cristo pejmosax toepaxil. Me-ama oro, platabej, jachiyaxil japox. ¹⁹ Cristo tɔppox xabich ommaenk, japon Dios paxulan xot. Samata, Cristo tɔp wut cruztat, moton jiw babijaxan ispoxanliajwa. Cristo boesas xatis babijaxan isaspoxanliajwa. Me-ama cordero chimian xɔa'las ofrenda isliajwa Diosliajwa, jatisbej Cristoliajwa. ²⁰ Chajiakolaxtat, Dios is-el wutfuk ampathat, Dios nejchaxoel Cristo tɔpaliajwa xatisliajwa. Baxael, Cristo nalaelt ampathatat dukaliajwa, tɔpaliajwabej mosliajwapon xatis babijaxan isaspoxanliajwa. ²¹ Xamal matabijam Cristo pejwɔajan. Samata, chiekal Dios xanaboejam. Cristo tɔp wut cruztat, Dios mat-echpon pejme dukaliajwa. Jawɔx bufloespon athɔ poxase ekaliajwa pax Dios poklalel, puexa jiw tato'laliajwa. Samata, xamalbej Jesucristo pejwɔajan naexasitam xot, Dios xanaboejam pomatkoicha duilialijwam japonxotse.

²² Amwutjel xamal kofam babijaxan isampoxan, naexasitam xot diachwɔajnakolaxpox, Jesús pejwɔajan. Samata, xamal chiekal nejxasinkam asew jiw, naexasiti Jesús pejwɔajan. ɔNakaewa chiekal nanejxasinkafulde! ²³ Jesús pejwɔajan pomatkoichaliajwa. Japox toepaxil.

Naexasitam xot Jesús pejwajaan, xamal amwutjel, me-ama jelnalaelam wut, ja-am Diosliajwa, duilaliajwam pomatkoicha Diosxotse. Xamal pejme nalaela-emil nej-ax pijaxtat. Me-ama majt nalaelam nej-enxot, jachi-emil. Samata, xamal nejnejchaxoelaxan, pajelnejchaxoelaxan, me-ama nej-axjiw pejnejchaxoelaxan, jachi-el. ²⁴ Dios pejjamechan, chajia lelspx, pajut jum-aech toepaxilpoxliajwa:

“Puexa jiw, ampathatpijiw, piach laelpaliajwa-el. Me-ama naetalan piachliajwa-el. Selil wut, nachola satadik. Ja-aechlap-is jiw. Ja-aechbej jiw pejew, xabich pachaempoxan. Japoxanbej pomatkoichaliajwa-el.

²⁵ Pe Dios pejjamechan toepaxil” —aechox.

Asew jiw japajamechan naewajaan Dios xamal bu'weliajwa.

2

¹ Samata, jkofim puexa nejmachbabijaxan, majt isampoxan! jKaes nabej naekichachajbe'bej! Babejchowam wut, me-ama pachaemam wut, jnabej kabuan-aechbe'bej! jNabej nusasiowle'bej asew jiw! jNabej buxwajaanmaenke'bej asew jiwliajwa! ² Yamxi, jelnalaelapi, mitan af mamnikaliajwa. jXamalbej Dios pejjamechan xabich nejxasinkde nejnejchaxoelaxan kaes mamnikaliajwa Diosliajwa! Dios pejjamechan, me-ama naxaeyaxan wut, ja-aech xamalliajwa. Chiekal matabijam wut Dios pejjamechan, Dios kaes xanaboejaxaelam xamal bu'weliajwa. ³ jJachiyaxaelam xamal, chiekal matabijam xot Dios xabich pachaempon!

Amxot jum-aechpox Diosliajwa Jesucristo, me-ama matxoelapijt, ia't

⁴ jXamal nejxasinkde kaes chiekal matabijaliajwam wajpaklon Jesucristo pejwajaan! Dios to'a japon tupaliajwa puexa jiwliajwa. Samata, Jesucristo, me-ama ia't, matxoela-echpot, xabich ommaenkpot, isliajwa Dios pejba, ja-aechon. Japon, me-ama ia't, mastaenspot, ja-aechbejpon asew jiwliajwa. ⁵ Jesús pejwajaan naexasitam xot, Diosliajwa, xamalbej, me-ama ia' wut, ja-am Dios pejba isliajwa. Xamalbej, sacerdotes, najut Dios kawajnafulam xot, isfulam xotbej Dios pijax bichaxan. Xamal jam-sfulam wut, Jesús pejiwam xot, Dios nejchachaemlaful xamalliajwa. ⁶ Dios pejjamechan, chajia lelspx, jum-aech wut, jum-aechox Dios jum-aechpox Jesucristoliajwa:

“Xan makafitxpon dukaxael Jerusalén paklowaxxot. Japon xabich kaes pachaem xot, me-ama ia't, kaes pejme pachaempot itfech-ia'xot, ja-aechon. Samata, jiw, naexasiti japon pejwajaan, asamatkoi japi jumchiyaxil: ‘jJapon xanaboejas xot, napeltas Diosliajwa!’ —chiyaxil jiw” —aech Dios jum-aechpox Jesucristoliajwa.

⁷ Xamal nejchaxoelam wut Jesúsliajwa, jum-am: “Jesús, me-ama ia't, xabich kaes ommaenkpot, ja-aechon” —am, nejchaxoelam wut. Asew lax, Jesús pejwajaan naexasis-eli nejchaxoel: “Jesús, me-ama ia't, pachaema-elpot, ja-aechon” —aechpi, nejchaxoel wut. Jasox japi nejchaxoel Jesúsliajwa, pat xot Dios jumdutpox. Dios pejjamechan, chajia lelspx, jum-aech wut, jum-aechbejpon Jesúsliajwa:

“Ia'bachan ispi nejchaxoel: ‘Ampot, ia't, pachaema-el’ —aechi, nejchaxoel wut. Pe asew nejchaxoel wut japotliajwa, jumchiyaxael: ‘Ampot, ia't, kaes pejme pachaem’ —chiyaxaeli” —aechox Dios pejjamechan Jesúsliajwa.

8 Dios pejjamechan, chajia lelspos, jum-aech wut, jum-aechbejpos Jesúsliajwa:

“Japon, me-ama ia't, jiw tukbebalaliajwa fiapaliajwa” —aechox Dios pejjamechan, chajia lelspos.

Jasox jum-aech Dios pejjamechan, asew jiw naexaxisaxil xot Jesús pejwujajan.

9 Dios xamal makanot sacerdotesliajwam, japon tanbichliajwambej. Xamal amwutjel kofam babijaxan isfulampoxan, Dios pejjiwam xot. Samata, jiw naewujajnam puexa Dios ispoxanliajwa, xabich pachaempoxan. Majt xamal matabija-emil wutfuk Jesús pejwujajan, nejnejchaxoelaxan, me-ama itkua'nik, babijaxan isfulam xot. Ja-am wut, Dios xamal tadut naexaxisliajwam Jesús pejwujajan. Amwutjellax chiekal duilafulam. Samata, nejnejchaxoelaxan pachaem xot, me-ama itliak wut, ja-aech, naexaxisfulam xot Jesús pejwujajan. 10 Xamal majt Dios pejjiwa-emil. Amwutjellax Dios pejjiwam. Dios majt xamal beltae-el. Amwutjel Dios xamal chiekal beltaen.

Jesús pejwujajan naexasiti, japi jiw duil Dios tanbichliajwa

11 Takoew, xamal jum-an kaenanula chiekal nejchaxoelaliajwam: “Xan ampathatat laejaxaelen kaematkoianliajwa. Pelax xan asamatkoi dukaxaelen pomatkoicha Diosxotse” —chiliajwam, xamal nejchaxoelam wut. Samata, jnabej is babijaxan, xamal najut nejchaxoelampoxan! jNejchaxoelde isliajwam pachaempoxan! 12 Xamal duilam wut Dios naexaxis-elpixot, nanuamtam wutbej, japi suapich, jchiekal duilde! Japi jum-aech wut xamalliajwa: “Japi jiw, babejchow” —aech wuti xamalliajwa, asamatkoi japi jiw pajut chiekal matabijaxael, xamal isampoxan xabich pachaem. Samata, jawut japi jiw jumchiyaxael Diosliajwa: “Dios, xam xabich pachaemam!” —chiyaxaeli, Dios kastika wut jiw, babijaxan ispi.

13 Xamal Dios pejjiwam xot, jpuexa paklochow, ampathatpijiw tato'alpi, naexaxisfulde! jNaexaxisfuldebej rey, puexa jiw tato'alpon, japon kaes pejme paklon xot! 14 jNaexaxisfuldebej gobernadores! Japi to'as kastikaliajwa jiw, babijaxan ispi. To'asbejpi jumchiliajwa jiw, ispi pachaempoxan: “Xamal isampoxan xabich pachaem” —chiliajwapi jiwliajwa. 15 Dios nejxasink xamal isliajwam pachaempoxan. Ja-am wut, jiw nejliakla wejlaxaes xamal tasalaliajwa.

16 Amwutjel xatis nakwewe'pa-el naexaxisliajwas Moisés chajia lelpox. Pe nejchaxoelaxisal isliajwas babijaxan. Samata, jchiekal duilafulde! Me-ama asew jiw, Dios pejjiwpi, chiekal duilaful, jxamalbej ja-amsfulde! 17 jPuexa jiw chiekal sitaembej! jNejxasinkdebej asew jiw, naexasiti Jesús pejwujajan! jChiekal sitaembej Dios! jSitaembej rey, japon puexa jiw tato'al!

Machiyaxaelpos, Jesús pejwujajan naexasiti, nabijat wut

18 Xamal esclavos, jchiekal sitaem naexaxisliajwam nejpaklochow! jNejpaklochow tato'alpoxan puexa isde chiekal! jJa-amsfulde pomatkoicha, nejpaklochow pachaempi wut, o, pachaema-elpi wutbej! 19 Xamal isemil wut babijax, pe nakiowa, nejpaklochow xamal kastika wut, jboejtaliasfulde! Japox asamatkoi pachaemaxael xamalliajwa, Dios wujajnalelam wut. 20 Pelax xamal babijaxan isam wut, nejpaklochow kastika wut,

xamal boejtaliatampox, japox Diosliajwa pachaemaxil. Pelax xamal isfulam wut pachaempoxan, pe nabijatam wut boejtaliatampox, asamatkoi xamalliajwa xabich pachaemaxael, Dios wuajnalelam wut. ²¹ Dios xamal makanot nabijasliajwam, Cristo majt nabijat xot xamalliajwa. Cristo, babijax is-elon, nabijat. Samata, xamalbej nabijasaxaelam. ²² Cristo babijax is-el. Chinax kaen aton naekichachajba-elbejpon. ²³ Asew jiw babejjamechan jumtis wut, Cristo jumnos-el babejjametat. Nabijat wutbejpon, japi jiw babijaxan is wut japonliajwa, thiya-elon. Cristolax tapaei japi Dios kastikaliajwas. Dios kastika wut jiw, babijaxan ispi, xabich babijaxan is-elpi, bijiat kastikaxaelon. Pelax jiw, xabich babijaxan ispi, japi xabich kastikaxaelon. ²⁴ Cristo cruztat tap xatis kofaliajwas babijaxan isaspoxan, me-ama Dios nejxasink. Tapon xatis nakbu'weliajwa, pachaemaliajwas Diosliajwa. ²⁵ Majt xamal napeltam Diosliajwa. Me-ama oveja napeltpi, ja-am xamal. Amwutjel xamal Cristo pijaxtat Dios pejiwam. Me-ama oveja tataefulpon chiekal tataeflaful pejew oveja, ja-aech Cristo, amwutjel xamal tataeflaful wuton.

3

Machiyaxaelpox nakjiyapi chiekal duilaliajwa

¹⁻² Xamal watho'am, nejmolpim, naewuajna xiekal naexasisliajwam nejmol. Nejmol, Jesús pejwuajan naexasis-elpon wut, pe xam laejasiam wut, jchiekal kaelel laejim japonxot, me-ama Jesús xamal tato'al! ¡Sitaembej Dios! Xamal, watho'am, ja-am wut, nejmoljiwbej pajut naexasisaxael Jesús pejwuajan, xamal naewuajna-emil wut. ³ Xamal watho'am, nejmolpim, nejchaxoelam wut, jnabej nejchaxoele': "Xan kaes chamiowaliajwan chiekal matlapapu'waxaelen. Tajyiaftatbej duiyaxaelen xabich oro. Jachi-enil wut, xan naxoeyaxaelen yiafan, xabich ommaenkpi" —nabej aeche' xamal watho'am, nejchaxoelam wut! ⁴ Xamal watho'am, xabich chamiachwasiam wut, jnejchaxoelde pachaempoxan! ¡Naksiyambej chimiajamechan asew jiwliajwa! Ja-am wut, diachwuajnakolax xabich chamiachwaxaelam nejnejchaxoelaxantat. Pe japox jiw taeyaxil. Japoxbej toepaxil. Japoxlap kaes Dios nejxasink xamal watho'amliajwa. ⁵ Chajiakolaxtat asew watho', Dios sitaenpi, pejnechaxoelaxantat xabich chamiachowpi. Japi watho' isful Dios nejxasinkpoxan. Dios xanaboejafulbejpi. Chiekal naexasitbejpi, pamal to'as wut. ⁶ Ja-aechbej Sara, naexasisful wutow Abraham. Pammalliajwa jum-aech wut, jum-aechow: "Tajpaklon" —aechow. Samata, xamal watho'am, me-ama Sara paxi wut, jachiyaxaelam, isfulam wut pachaempoxan, nejlewlaxil wutbej nejmachliajwa.

⁷ Xamal poejwam, nejwatho'pim, kaenanula xamal naewuajna x. ¡Nijow chiekal bu'laejim! ¡Nijow chiekal sitaembej, Dios japox to'a xot! Watho' pejpamamax najupa-el, poejiw pejpamamax suapich. Watho'bej pomatkoicha duilaxael Diosxotse. Samata, jxamal kaenanula poejwam chiekal sitaem nejwatho'! ¡Ja-amfulde, xamal Dios kawuajnam wut Dios chiekal jumtaeliajwa!

Jesús pejwuajan naexasiti nabijasaxaelpox, asew jiw babijaxan is wut japiajwa

⁸ Xamal naexasitam Jesús pejwujajan. Samata, ¡xamal kaenejchaxoelaxde! Asew jiw xamalxot nejchaemil wut, ¡kajachawae'e japi nejchachaemlialijwa! Asew jiw xamalxot nejchachaemil wutbej, ja-aech wut, ¡xamalbej nejchachaemilde, japi jiw suapich! ¡Nejxasinkdebej asew jiw! Me-ama nakoewkola nejxasinkam wut, ¡ja-amde asew jiwliajwa! ¡Nakaewa nabeltaembej! Nejchaxoelam wut, ¡nabej nejchaxoele': "Xan kaes pachaeman. Me-ama asew jiw, jachi-enil" —nabej aeche', nejchaxoelam wut asew jiwliajwa! ⁹ Asew babijaxan is wut xamalliajwa, ¡xamallax nabej is babijaxan japi jiwliajwa! Asew jiw babejjamechan jum-aech wutbej xamalliajwa, ¡xamallax nabej jum-aech' babejjamechan japi jiwliajwa! ¡Asbuan jumch Dios chiekal kawujajande japi jiw Dios kajachawaesliajwas! Jasox Dios to'a xamal isliajwam, Dios kajachawaesliajwabej xamal. ¹⁰ Japoxliajwa Dios pejjamechan, chajia lelspxox, jum-aech wut, jum-aechox:

“Xamal chiekal duilasiam wut, ¡nabej jum-aech' babejjamechan asew jiwliajwa! ¡Nabej kichachajbe'bej!

¹¹ ¡Kofimbej babijaxan isampoxan! ¡Isfuldelax pachaempoxan! Nejchaxoelam wut, ¡nejchaxoelde chiekal, machiyaxaelam xamal pachaemaliajwam, asew jiw suapich!

¹² ¡Ja-amsfalde, japi Dios tataefulas xot, isfulpi pachaempoxan! Japi Dios kawujajan wut, Dios chiekal naewech. Pelax Dios kastikaxael jiw, babijaxan ispi” —aech Dios pejjamechan, chajia lelspxox.

¹³ Isfulam wut pachaempoxan, ja-am wut, asew jiw isaxil babijaxan xamalliajwa. ¹⁴ Pe nakiowa, xamal nabijatam wut, asew jiw is xot babijax xamalliajwa, ¡chiekal nejchachaemilde! ¡Xamal nabej nejlewl'e'bej japi jiwliajwa! ¹⁵ ¡Pelax Cristo sitaem, wajpaklon xot! Nejchaxoelam wut, ¡majt chiekal nejchaxoelde jumnosliajwam, asew jiw xamal wujajnaem wut Dios xanaboejampoxanliajwa! ¹⁶ Asew jiw xamal wujajnaem wut, ¡chiekal jumno'e! ¡Japi jiw sitaembej! ¡Chiekal duilafaldebej, Cristo pejwujajan naexasitam xot! Samata, ¡najut chiekal matabijaxaelam xamal bu'wujajanjimilpox Diosliajwa! Ja-am wut, babejjamechan jum-aechpi xamalliajwa pajut nadasaxaeli, jum-aech xoti japoxan.

¹⁷ Dios nejxasink wut xamal nabijasliajwam, nawoesa kaes pejme pachaem xamal nabijasliajwam, isam wut pachaempoxan. Pe nabijatampox pachaemaxil, babijaxan isam wut. ¹⁸ Cristo nabijat, Dios nejxasink xot japon nabijasliajwa. Tupbejpon xatisliajwa. Japon tup wut, japox kaewecesliajwa, pomatkoichaliajwabejpxox. Samata, pejme tupaxilon. Japon kaen xabich pachaem. Pe nakiowa, nabijat xatis babijaxan isaspoxanliajwa Dios nakbu'welija. Japon diachwujajnakolax chiekal tup. Pe japon pej-espíritu tupa-el. ¹⁹ Jesús pej-espíritu fulaek jiw tupi pej-aelan jias poxadik, naewujajnalijwapon japi pej-aelan. ²⁰ Japi jiw, tupi, chajia duil ampathatat, Noé laeje wut. Japi jiw naexasis-el, Noé naewujajan wut Dios pejjamechan. Noé barkam isful wut, Dios piach wujajnowet japi jiw naexasisliajwa Noé naewujajnapox. Pothata bu'al wut, jawut ocho jiw asbuan jumch wia barkamtat. ²¹ Jatisbej, xatis kaenanula nakbautisa wut mintat. Xatis mintat juls wut, jiw japox taen wut, matabija Dios nakbu'wipox, Cristo tup xot cruztat xatisliajwa. Nakbautisa-el asbuan jumch asjilialijwas. Nakbautisalex puexa asew jiw matabijaliajwa, xatis Dios kawujajnaspi nakbeltaeliajwa babijaxan isaspoxanliajwa. Samata, wajpaklon Jesucristo tup wut, mat-echpon

pejme dukaliajwa. Samata, xatis Dios nakbu'wia. ²² Jesucristo mat-ech wut, pejme duk wuton, fuloeipon athu poxase ekaliajwa pax Dios poklalel, Dios suapich, puexa jiw tato'laliajwa. Amwutjel, japon tato'al Dios pej-angeles. Tato'albejpon puexa paklochow, Diosxotsepi.

4

Jesús pejwajaan naexasiti chiekal duilaxaelpox

¹ Cristo ampathatat wut, asew jiw babijaxan is wut japonliajwa, xabich nabijatam. Xamalbej nejchaxoelam wut, ¡nejchaxoelde nabijasaxaelampox! Nabijatam wut, ¡nabej nejchaxoele' babijaxan isliajwam! ² Ampathatat laelpam wut, ¡nabej is babijaxan nejchaxoelampoxan isliajwam! ¡isfulde pachaempoxan Dios nejchachaemlaliajwa! ³ Majt Jesús pejwajaan naexasis-emil wutfuk, babijaxan isfulam, asew suapich. Me-ama Jesús pejwajaan naexasis-eli babijaxan is, ja-ambej xamal. Majt xabich nejchaxoelam asew watho' bu'moejsaxan. Fiestamatkoi wut, xamal saxtbej. Nejbachantat saxa afam wut, pasaxt. Ídolos kawuajnambej. Pe amwutjel, japoxan kofam. ⁴ Majt nejnachalapi, japi amwutjel matabija-el, ma-aech xot xamal kofam isampoxan, japi suapich. Samata, japi babejjamechan jum-aechful xamalliajwa. ⁵ Asamatkoi, Dios pejwajaanalel wut, kaenanula japi pajut jumchiyaxael, ma-aech xot babejjamechan jum-aechi xamalliajwa. Japamatkoi wut, Dios kastikaxael jiw laelpifuk, jiw tupibej. ⁶ Samata, Jesucristo pajut naewuajan pejwajaan, chimiawuajan, tupi pej-aelan pejtujajnuotdik, japi napelsasamata Diosliajwa. Japatuajnuipijiw chajia tupi, me-ama Dios waelt patupax jiw tupalapaliajwa.

⁷ Mox pawuajnalis ampathat toepaliajwa. Samata, ¡chiekal duilafulde babijax isasamatam! Dios kawuajnam wut, ¡chiekal kawuajjande! ⁸ Kaes pejme pachaempox, nakaewa nanejxasinkampox. Nakaewa nanejxasinkam wut, ja-am wut, xamalxot jiw babijaxan is wut xamalliajwa, ¡japi beltaem! ⁹ ¡Xamal nakaewa chiekal nabu'kulim nejbachantat! ¹⁰ Xamal kaenanula Dios kajachawaet isliajwam asabichaxan, asew naexasiti Jesús pejwajaan kajachawaesliajwam. Samata, ¡xamal kaenanula kajachawaesfulde asew jiw, Jesús pejwajaan naexasiti! ¹¹ Dios naexasitpon, ¡japon nej naewuajne' asew jiw, me-ama Dios buxto'aspon jiw naewuajnalialjwa! Asanbej kajachawaet wut asew jiw, ¡japon nej kajachawaes, Dios kajachawaech xoton! Xamal Cristo pejjiwam xot, ¡puexa chiekal isde asew jiw sitaeliajwa Dios! Dios, puexa jiw tato'al. Japon xabich mamnik pomatkoichaliajwa. ¡jasox nej ja-aeché' Diosliajwa!

Jesús pejwajaan naexasiti nejchachaemlaxaelpox, nabijat wut

¹² Takoew, ¡nabej belwe', nabijatam wut, asew jiw babijaxan is wut xamalliajwa! Majt xamal nabijasaxaelam Dios matabijsliajwa, diachwuajnakolax xamal japon chiekal xanaboejam wut. ¹³ Xamal nabijatam wut, me-ama Cristo nabijat, ja-am wut, ¡xamal nejchachaemilde! Asamatkoi, Cristo fuloek wut puexa jiw tato'laliajwa, japox xamal taenam wut, ¡xabich nejchachaemilde! ¹⁴ Asew jiw babejjamechan jum-aech wut xamalliajwa, Jesús pejwajaan naexasitam xot, jawut Dios pej-Espíritu Santo, xabich pachaempon, xamal chalaxael. Samata, ¡nejchachaemilde! ¹⁵ Asew jiw nabijat, ba xoti asew jiw, natkoma xotbejpi asew jiw pejew, matxandadut xotbejpi asew jiw pijaxan. ¡Xamal jasox

nabej is, jasoxtat nabijasasamatam! ¹⁶ Xamal nabijatam wut, naexasitam xot Jesús pejwujajan, xamal nabej nadale! Ja-am wut, ¡gracias-amde Diosliajwa, xamal makanot xoton naexasisliajwam Jesús pejwujajan!

¹⁷ Mox pawujnalis Dios jumchiliajwa jiw kaenanula ispoxanliajwa. Xatis, Dios pejiws, matxoela nakjumchiyaxaelon kaenanula isaspoxanliajwa. Do jawux, jiw naexasis-elpi Dios pejjamechan, japi jiw kaenanula jumchiyaxaes ispoxanliajwa. Do jawut, kastikaxaesbejpi. ¹⁸ Jiw pachaempi Dios bu'welijaes tampoel wut, ¿machiyaxaelkatlax babejchow bu'welijaes, japi naexasis-elpi Dios? Diachwujnakolax japi jiwlap napelsaxael Diosliajwa. ¹⁹ Dios nejxasink wut, xamal nabijasaxaelam. Ja-am wut, ¡sde pachaempoxan! ¡Dios xanaboejimbej xamal kajachawaesliajwa! Dios xamal is duilaliajwam ampathatat. Japon jumdut wut, diach ji-isbejpon.

5

Naewujnaxan paklochowliajwa, Jesús pejwujajan naexasiti

¹ Ma amwut naewujnaxaelen nejpaklochow, japi nej-ancianos. Japi ancianos tataeflul kaenanula xamal, Jesús pejwujajan naexasitampim. Xanbej antaenowan. Me-ama japi, ja-anbej xan. Xan taenx, Cristo nabijat wut, tup wuton cruztat. Asamatkoi, Cristo pejme pask wut tato'laliajwa, jawut xanbej naktato'laxaelen, ancianos suapich. ² Xamal ancianos, ¡chiekal tataefulde naexasiti Jesús pejwujajan! Japi jiw, me-ama oveja, ja-aech. Dios xamal to'a japi jiw chiekal tataeflaliajwam. Samata, ¡chiekal tataefulde! Me-ama Dios nejxasink tataeflaliajwam, ¡jaamsfulde! Nejchaxoelam wut, ¡nabej nejchaxoele': "Xan nejwesla japi jiw tataeflaliajwan. Pe nakiowa, tataeflax, Dios nato'a xot" —nabej aeche', nejchaxoelam wut! ¡Nabej nejchaxoele'bej: "Namot wut, chiekal tataeflaxaelen" —nabej aeche', nejchaxoelam wut! ³ Xamal Dios to'a japi jiw chiekal tataeflaliajwam. Tato'lam wut, ¡chiekal tato'alde! Me-ama asew paklochow, jiw tato'al wut, tato'ali, me-ama pej-esclavos wut, ja-aechi pejiwliajwa. ¡Xamallax nabej ja-aeche' jasox! ¡Jesús pejwujajan naexasiti, japi jiw chiekal tato'alde, japi jiw xamal nakxataeliajwa! ⁴ Cristo wajpaklokolan, japon naktato'al puxa japon pejwujajan naexasichpis. Samata, pask wuton, japon xamal kaenanula chaxduiyaxael corona, xabich pachaempox. Japox pomatkoichaliajwa. Toepaxilpox.

⁵ Ma amwut naewujnaxaelenbej, xamal pansiachwam. Ancianos xamal tato'al wut, ¡chiekal naexasi'e! Kaenanula nakaewa naka-jachawaetam wut, nejchaxoelam wutbej, ¡nejchaxoelde: "Xan kaes pejme pachaema-enil. Me-ama asew jiw, pachaempi, xan jachi-enil" —amde, nejchaxoelam wut! Dios pejjamechan, chajia lelspos, jum-aech:

"Dios nejwesla jiw jum-aechpi: 'Xan kaes pejme pachaeman. Me-ama asew jiw, pachaema-elpi, jachi-enil' —aechpi. Pelax Dios kajachawaet jiw jum-aechpi: 'Xan kaes pejme pachaema-enil. Me-ama asew jiw, pachaempi, xan jachi-enil' —aechpi" —aechox Dios pejjamechan, chajia lelspos.

⁶ Samata, xamal, Dios mamnikpon matabijam xot, nejchaxoelam wut, ¡nejchaxoelde: "Xan kaes pejme pachaema-enil. Me-ama asew jiw, pachaempi, jachi-enil" —amde, nejchaxoelam wut! Asamatkoi, japon xamal kajachawaet wut, jiw xamal sitaeyaxael. ⁷ ¡Dios kawujande

xamal wewe'ppoxan kajachawaesliajwa, Dios xamal tataeflaful xot! Samata, xabich nejchaxoelam wut, ¡nejchaxoelde japoxanliajwa!

⁸ Xamal, naexasitampim Jesús pejwɥajan, ¡chiekal taem! Nuth chachael, jɥmbɥ'a wut. Nuth choefan jalwek xaeliajwa. Nadaelman Satanás, ja-aechbej, nanɥamt wut tabejsliajwapon xamal, Dios xanaboejampim. ⁹ Satanás xamal naekichachajbasia wut, xamal naekichachajbasamata, ¡Dios chiekal xanaboejim! Xamal matabijam, potɥajɥucha wajkoew, naexasiti Jesús pejwɥajan, xabich nabijat. Me-ama xamal nabijatam wut, ja-aech japi. ¹⁰ Xamal kaematkoivan nabijatam wut, Dios kajachawaesaxael chiekal pachaemaliajwam, Dios kaes xanaboejaliajwambej. Dios nejxasink xot, nakmakanot pomatkoicha duilaliajwas Diosxotse, xatis Jesucristo pejjiws xot. ¹¹ Dios puexa jiw tato'laxael pomatkoicha. ¡Jasox nej ja-aech' Diosliajwa!

Pedro toesliajwa wut ampacarta, saludo xato'apox Jesús pejwɥajan naexasitiliajwa

¹² Silvano, me-ama takoewan, japon naexasit xot Jesús pejwɥajan. Silvano nakajachawaet ampox carta, cha-aelaxach, lelaliajwan, xamal poxade xato'aliajwan. Ampox xamal chiekal naewɥajɥax Jesús pejwɥajan chiekal naexasisliajwam. Dios xatis chiekal nakkajachawaesful xot, matabijas, diachwɥajɥakolax Dios naknejxasink. Samata, ¡nabej kofe' Dios xanaboejampox!

¹³ Jesús pejwɥajan naexasiti, Babilonia paklowaxpijw, xato'a saludos xamalliajwa. Japi Dios makanoch pejjiwaliajwa, me-ama xamal, jachiliajwa. Marcosbej, xato'a saludos xamalliajwa. Japon Marcos, me-ama taxɥlan wut, ja-aechon. ¹⁴ ¡Xamal nakaewa chiekal nasaludam, nakaewa chiekal nanejxasinkam xot, Jesús pejwɥajan naexasitam xot!

Puexa xamal nejxasinkax chiekal duilaliajwam, asew jiw ɥapich.

Wachakalcarta, Pedro lelpox, Jesús pejwajan naexasitiliajwa

Pedro lelpox carta Jesús pejwajan naexasitiliajwa

¹ Xan Simón Pedro, Jesucristo pej-apóstolan, lelx ampox carta. Xan nabistax Jesucristoliajwa, nato'a xot xamal naewhajnalijwan japon pejwajan. Lelx ampox carta xato'aliajwan xamal poxade, xamal-bej naexasitam xot Jesús pejwajan, me-ama xan. Jesús tɔp xatis nakbu'welijwa. Samata, Jesús pejpatapax xabich pa-om Diosliajwa, xatisliajwabej. Jesucristo xatis nakbu'wia. Japon pajut Dioslape. Xabich pachaembejpon. ² Dios kawhajnax xamal xabich kajachawaesliajwapon. Kawhajnaxbej kaes Dios xanaboejalajwam. Xamal jachiyaxaelam, Dios chiekal matabijam wɔt, wajpaklon Jesucristobej.

Machiyaxaelpox Jesús pejwajan naexasiti

³ Dios puexa nakchaxduw nakwewe'ppoxan xatis Jesucristo pejwajan chiekal naexasisliawas, chiekal duilaliajwasbej, me-ama Dios nejxasink. Jasoxtat Dios puexa nakchaxduw, Cristo chiekal matabijas xot. Dios nakmakanot, me-ama japon xabich pachaem, jachiliajwas, xatis nakkajachawaesaxtat. ⁴ Samata, xatis Jesucristo pejwajan naexasichpis, Dios chiekal nakkajachawaet, me-ama jɔmdut, isasamatas pachaema-elpoxan, me-ama asew jiw, ampathatpijiw, isful pachaema-elpoxan, jachisamatas xatis. Samata, xatisbej isfulaxaes pachaempoxan, me-ama Dios isful. ⁵ Samata, Jesucristo pejwajan naexasitam xot, xamal puexa nejpmamaxtat isfulde pachaempoxan! Ja-am wɔt, kaes chiekal matabijaxaelam Dios nejxasinkpox isfulaliajwam. ⁶ Ja-am wɔt, kaes chiekal matabijaxaelam boejtalialijwam babijaxan isasamatam. Satanás piach xamal xapaeja wɔt, matabijaxaelam kaes chiekal xanaboejalajwam Dios. Ja-am wɔt, matabijaxaelam chiekal duilaliajwam, me-ama Dios nejxasink. ⁷ Ja-am wɔt, xamal kaes chiekal matabijaxaelam kajachawaesliajwam asew jiw, naexasiti Jesús pejwajan. Ja-am wɔt, kaes chiekal matabijaxaelam nakaewa nanejxasinkaliajwam, me-ama nakoew nejxasinkam wɔt, jachiliajwam. Ja-am wɔtbej, kaes chiekal matabijaxaelam nejxasinkaliajwam asew jiwbej, me-ama Dios xamal nejxasink.

⁸ Puexa japoxan matabijam wɔt, kaes pejme pachaemaxael. Kaes matabijaxaelambej wajpaklon Jesucristo. Samata, chiekal nabichaxaelambej Jesucristoliajwa. ⁹ Japoxan chiekal matabija-emil wɔt, matabijaximil chiekal duilaliajwam, me-ama Dios nejxasink. Ja-am wɔt, xamal, me-ama itliakla, o, atɔaj taeyaxilpi fulaeliajwa, jachiyaxaelam xamal Diosliajwa. Jachiyaxaelam, xamal nejkiowaxaelam xot Dios, japon beltaenpon babijaxan isampoxanliajwa. ¹⁰ Samata, takoew, xhiekal duilafulde asew jiw taeliajwa xamal Dios pejjiwampim! Ja-am wɔt, xabej kofe' Dios naexasitampox! ¹¹ Ja-am wɔt, wajpaklon Jesucristo, xatis nakbu'wiapon, japon pijaxtat Dios tapaeyaxael pasliajwam Diosxotse, pomatkoicha wajpaklon Jesucristo tato' alxotse.

¹² Xamal japoxan chiekal matabijam. Pe kaes xamal naewhajnaxaelen chiekal nejchaxoelaliajwam. Chiekal naexasitam Jesús pejwajan, asew

jiw chajia xamal naewuajanpox. ¹³ Xan ampathatat laejax wutfak, xamal naewuajnafulaxaelen chiekal nejchaxoelaliajwam japawuajan. ¹⁴ Wajpaklon Jesucristo pijaxtat xan matabijtax xan nawemoxpox tupaliajwan. ¹⁵ Pe ampamatkoiyan chiekal naewuajnafulaxaelen Jesús pejuwajan, asamatkoi, xan tajwulela, xamal nejchaxoelaliajwam xan naewuajna xpoxan.

Apóstoles taenpox Jesucristo pejpamamax

¹⁶ Majt xamal Jesús pejuwajan naewuajna x wut, xanal jum-an: “Wajpaklon Jesucristo xajur puexa isliajwa. Japon pejme pasaxoek athulelsik” —an xanal. Japawuajan asew jiw pajut faeka-el. Xanal tajut chiekal taenx wajpaklon Jesucristo pejpamamax. Samata, xanal chiekal matabijax, diachwuajnakolax japon pejme kaxaxoek. ¹⁷ Xanal wajpaklon Jesucristo taenx wut muaxmatwuajtat, jawut pax Dios xanal najum-aech Jesucristo diachwuajnakolax xabich pachaempon. Jawut athulelsik Dios, xabich mamnikpon, jum-aechon paxulanliajwa: “Ampon taxulan, xabich nejxasinkaxpon. Xabich nejchachaemlax japonliajwa” —aech Dios xanalliajwa. ¹⁸ Xanal, Jesús suapichan wut, muaxmatwuajtatan wut, tajut japox chiekal jumtaenx, Dios athulelsik jum-aechsik wut.

¹⁹ Samata, xanal Jesucristo taenx wut japamuaxmatwuajtat, kaes chiekal naexasitx profetas chajia jum-aechpoxan, japoxan chiekal ja-aech xotlixox. Samata, ichiekal naexaxisfulde profetas jum-aechpoxan babijaxan isasamatam! Profetas chajia jum-aechpoxan diachwuajnakolax. Xamal matabijam wut profetas jum-aechpoxan, matabijaxaelambej isliajwam Dios nejxasinkpoxan, babijaxan isasamatam. Samata, profetas jum-aechpoxan, me-ama lámpara wut, ja-aechox. Me-ama aton wewe'pas lámpara itkua'nik wut, matabijsliajwa fulaeyaxael poxade, ja-aech profetas naewuajanpoxan. Asamatkoi Cristo pejme pask wut, japon pajut chiekal xamal kajachawaesaxael puexa chiekal matabijaliajwam. ²⁰ Xamal chiekal matabijam, profetas chajia lel wut Dios pejjamechan, kaen japixot lela-el pajut pejnechaxoelaxtat. Japoxan pajut faeka-elbejpi. ²¹ Profetas jum-aech wut asamatkoi jachiyaxaelpoxanliajwa, jumchi-el pajut nejchaxoelpoxan. Japilax jum-aech Dios pijaxtat, me-ama Espíritu Santo buxto'as.

2

Asamatkoi asew naewuajna xaelpox naekichachajbaliajwas Jesús pejuwajan naexasiti

¹ Chajiakolaxtat nakaewudios naekichachajba. Japi profetakola-elpi. Asamatkoi japox jachiyaxaelbej xamalxot. Asew jiw pasaxael xamalxot. Japi xamal naewuajna xael asawuajan naekichachajbaliajwa. Pe japawuajan diachwuajnakolaxil. Japi pajut kofaxael Jesús pejuwajan naexasitpox, japon motpon japi jiw babijaxan ispoxanliajwa. Xabich isaxaelbejpi babijaxan. Samata, Dios kamta toesaxaesi, japi jiw kastikas wut. ² Xamalxot pasaxaelpi asawuajan naewuajnalialjwa, japi jiw naewuajna xael japawuajan. Naewuajan wut, xabich jiw xamalxot isaxael babijaxan. Samata, Jesús pejuwajan naexaxis-eli babejjamechan jumchiyaxael xatis Jesús pejuwajan naexasichpoxliajwa. ³ Japi jiw, asawuajan naewuajna xaelpi xamalxot, naewuajna xael xamal naekichachajbaliajwa, plata japi mosliajwam. Dios nejchaxoel

japi jiw kastikalijawa. Samata, diachwajnakolax asamatkoi japi jiw Dios kastikaxaes.

⁴ Chajiakolaxtat Dios beltae-el a sew ángeles, babijaxan is wut. Japi peldikon infierno poxadik. Japi ángeles muaxwasixawaeks cadenamwatan. Jaxotdik itkua'nik. Asamatkoi, kastikamatkoi pat wut, Dios kastikaxael japi ángeles. ⁵ Chajiakolaxtat Noé xabich jiw fiat japi jiw babijaxan is-elalijawa, chiekal duilalijawapi. Dios beltae-el, japi jiw kastika wuton. Samata, Dios xabich pina-iam to'a thilnalijawa, that bu'lalijawa, jiwbej. Jawut Dios bu'wia kaen Noé, japon pijowbej, japon paxibej, japi pejwatho'bej. ⁶ Chajiakolaxtat Dios toejaf jitat Sodoma paklowaxpijiw, Gomorra paklowaxpijiwbej. Do jawut, thumbakal chiekal nama. Jasoxtat Dios jiw toejaf jitat, a sew wachakalpijiwbej matabijalijawa babijaxan isasamata, japibej kastikasamatas. ⁷ Dios toejaf wut japakolepaklowax, jawut kaen Lot bu'wias, duk xoton, me-ama Dios nejxasink. Dios toejafa-el wutfuk, japi jiw xabich babijaxan isful wut, Lot xabich nejxaejwas japakolepaklowaxpijiwliajwa. ⁸ Lot duk wut Sodoma paklowaxxot, japon is pachaempoxan. Pomatkoicha xabich nejxaejwas, taen wuton, wultaen wutbejpon, a sew jiw babijaxan ispoxan.

⁹ Samata, matabijas, Dios xajur kajachawaesliajwa jiw, japi Dios xanaboejapi, bu'welijawas, xapaejas wuti. Kastikamatkoi pat wut, Dios kastikaxael jiw, babijaxan ispi. ¹⁰ Poejiw, a sew watho' bu'moejtpi, japi poejiw kaes pejme kastikaxaes Dios. Jiw, nejweslapi wajpaklon tato'laspoxan, japibej Dios kastikaxaes. Xamalxot pasaxaelpi, japi jiw xamal naekichachajbaxael. Japi jiw chinax kaen aton sitaeyaxil. Ne-jchaxoelaxaeli: "Xatis kaes pejme matabijas. Me-ama a sew jiw, jachiesal" —chiyaxaeli, nejchaxoel wut. Buxlewlaxilbejpi babejjamechan jumchilijawa ángelesliajwa. ¹¹ Ángeles kaes mamnik. Kaes xajurbejpi tato'lalijawa. Me-ama xamalxot pasaxaelpi, jachi-el ángeles. Pe nakiowa, ángeles tasalaxil wajpaklon pejwajnalel xamalxot pasaxaelpi asawajan xamal naewajnalijawa.

¹² Xamalxot pasaxaelpi, japi jiw, me-ama pejmachoeff. Samata, nejchaxoel wut, nejchaxoelaxili pachaempoxan. Isasiapoxan isaxaeli. Me-ama pejmachoeff belijawas wut, jachiyaxesbejpi, asamatkoi, Dios chalechkal toesliajwas wut. ¹³ A sew jiw xabich nabijasaxael xamalxot pasaxaelpi pijaxtat. Samata, xamalxot pasaxaelpibej, asamatkoi japi xabich nabijasaxael. Japi jiw babijaxan is wut, asbuan jumch nejchachaemili. Xamal suapich, japi jiw kaenejchaxoelaxil. Pe nakiowa, japi naknatamejlaxael, xamal suapich. Fiesta isam wut, japibej nakxaejaxael. Fiesta wut, xabich babijaxan isaxaeli. Japi jasox is wut, jumchiyaxaeli xamal naekichachajbalijawa: "Xanal ampox isx wut, Diosliajwa chiekal pachaem" —chiyaxaeli. Japi babijaxan is wut, xamal xabich nadalaxael japi jiwliajwa.

¹⁴ Japi poejiw, a sew watho' taen wut, nejchaxoel bu'moejsaxan. Japi jiw babijaxan isful wut, damla-el. Naekichachajbabejpi a sew jiw babijaxan isliajwa, japi jiw pejxanaboejaxan chiekal mamnika-elpi Diosliajwa. Puexa taen wut, xabich nejxasinkbejpi pajutliajwakal. Samata, asamatkoi japi Dios kastikaxaes. ¹⁵ Japi jiw duil wut, chiekal napelt Diosliajwa, diachwajnakolax Dios naexasis-el xoti. Me-ama chajiakolaxtat profeta Balaam, Beor paxulan, nejchaxoel babijax isliajwa xabich plata kanalijawa, ja-aechbej japi jiw. ¹⁶ Balaam fulaech wut babijax

isliajwa, chalechkal nuamtat pijan bur naksiyaspon Dios pijaxtat. Me-ama aton chapaeis wut, jajumtispon pijan bur, Balaam fulae-elaliajwa. Samata, Balaam, is-el isasiapox, nejliaklax.

¹⁷ Xamalxot pasaxaelpi naewuajnalijwa, japi naewuajanpox diachwuajnakolaxil. Japi naewuajanpoxbej asaxliajwa pachaemaxil. Satlel min nakakolsanxot minjil wut, chaemil. Pachaema-elbej asaxliajwa. Itloejen iampibej, thilna-el wut, joewa xafos wutbej, japi itloejen pachaema-elbej asaxliajwa. Jachiyaxaelbej japi jiw naewuajnaelapoxan xamalliajwa. Chinax asaxliajwa pachaemaxil. Samata, japi jiw asamatkoi Dios xabich kastikaxaesi. Pomatkoicha duilaxaeli itkhataxxot. ¹⁸ Pasaxaelpi xamalxot, japi nakaewa najum-aech: “Xatis kaes pachaems. Me-ama asew jiw, jachi-esal” — na-aechi nakaewaliajwa. Jum-aechbejpi nejliaklaxan asew jiw naekichachajbaliajwa babijaxan isliajwa, japi suapich. Samata, japi jiw jum-aech, babijaxan is wut: “Ampox, xatis isasiaspox, pachaem isliajwas” — aechi. Jasox jum-aechi jelnaexasitpiliajwa Dios, ma amwutjel kofapi babijaxan ispoxan. ¹⁹ Jum-aechbejpi: “Xamal itele-el Dios fiatpoxan. Samata, jisasiampoxan isde!” — aechi asew jiwliajwa. Pe japi jiw is-el Dios nejxasinkpoxan. Kofa-elbejpi babijaxan ispoxan. Samata, japi jiw, me-ama babijaxan tato'lafulas wut, jatisipox. ²⁰ Jiw matabijapi wajpaklon Jesús, japon nakbu'wiapon, japi jiw kofa wut babijaxan ispoxan, ampathatpijiw ispoxan, japi jiw pejme is wut babijaxan, pajut nejxasinkpoxan, ja-aech wut, japi jiw kaes xabich pejbuwuajan Diosliajwa. Me-ama majt pejbuwuajan wut, jachi-eli. ²¹ Japi jiw kofa wut Jesús pejwuajan naexasitpox, diachwuajnakolax japi jiw Diosliajwa xabich pejbuwuajan. Kaes pachaemaxael, japi matabijaxil wut Jesús pejwuajan. Pelisi japi matabija xot Jesús pejwuajan, pachaema-el japi jiw kofaliajwa Jesús pejwuajan naexasitpox. ²² Jiw kofa wut Jesús pejwuajan naexasitpox babijaxan pejme isfulaliajwa, japi jiw, me-ama asew jiw jumtispi: “Wur pajut chakapox pejme xael” — tisp. Japibej diachwuajnakolax, me-ama asew jiw jumtispi: “Maran, jelmatwaenson, pejme sap naju'a” — tisp.

3

Jesucristo pejme pasaxaelpox ampathatasik

¹ Takoew, xamal xabich nejxasinkaxpim, chajia asacarta xato'ax xamalliajwa. Samata, amwutjel wachakalpijax carta lel xamal naewuajnalijwan, nejchaxoelaliajwam pachaempoxan. ² ¡Chiekal nejchaxoelde chajiakolaxtat Dios pejprofetas jum-aechpoxan! ¡Nejchaxoeldebej wajpaklon Jesucristo tato'alpox, japon nakbu'wiapon! Japawuajan apóstoles xamal naewuajan.

³ ¡Chiekal nejchaxoeldebej xan lelaxaelenpox kaes pejme matabijali-ajwam! Mox pawuajna wut ampathat toepaliajwa, japamatkoiyan asew jiw pasaxael xamalxot. Japi pajut isasiapoxan, babijaxan, xabich isaxael. Japi jiw xamal xafafolaxaelbej, bu'wuajanpaei wut Jesús xanaboiejampoxliajwa. ⁴ Xamal jumchiyaxaeli: “Cristo chajia pajut jumdut pejme pasliajwapox. ¿Ma-aech xotkat Cristo pejme pas-elfuk? Wajwuajnapijiw xabich piach wuajnawesful Cristo pasaxaelpox. Pe japi asbuan jumch tupaful tae-elaxtat. Me-ama Dios ampathat is wut, ja-aechlisox puxea. Samata, Cristo pejme pasaxil” — chiyaxael

japi jiw xamalliajwa. ⁵ Pasaxaelpi xamalxot, japi nejwesla pajut matabijaliajwa, chajiakolaxtat Dios is that, thatbaxobej. Japi nejweslabej pajut matabijaliajwa, sat nakolsanpox minxotsin Dios pejjamet. ⁶ Chajiakolaxtat Dios tapaei that bu'laliajwa. Jawut jiw bu'al pothata, pejew suapich. ⁷ Thatbaxotat, ampathatatbej, amwutjel taenspoxan, japoxan pachaemsful Dios pijaxtat. Asamatkoi, Dios pajut japoxan toejafaxael jitat, kastikamatkoi pat wut. Puexa jiwbej, japi Dios naexasis-elpi, toejafaxaes.

⁸ Takoew, xamal xabich nejxasinkaxpim, wajpaklon Cristoliajwa mil waechan wut, me-ama kaematkoi wut, ja-aech japonliajwa. Japonliajwabej, kaematkoi, me-ama mil waechan wut, ja-aech. Samata, japox nabej nejkiowe'!

⁹ Asew jiw nejchaxoel: "Cristo makach pasaxil, me-ama chajia jumdut pasliajwa" —aechi asbuan jumch, nejchaxoel wut. Wajpaklon nejthislaele-el pasliajwa. Japon pin-iamatkoiyan wuaj nawesful. Nejthis-elon. Pasaxilfukon, asew jiw naexasis-el xotfuk japon pejwuajan. Nejweslapon kaen aton nafo'aliajwa Diosliajwa. Nejxasinkon puexa jiw kofaliajwa babijaxan ispoxan, japi jiw isliajwa pachaempoxan.

¹⁰ Asamatkoi wajpaklon chalechkal pejme pasaxael. Me-ama kithakan chalechkal pat wut, jachiyaxael, wajpaklon pejme pask wut. Jawut, xabich thiachoenk wut, toepaxael thatbaxo. Puexa athupijiwbej toejwaxaes. Puexa ampathatat taenspibej, japoxan chiekal toejwaxaes.

¹¹ Jasoxtat puexa chiekal toepaxael. Samata, jchiekal duilafulde, me-ama Dios nejxasink xamal duilafulaliajwam! ¹² jDios markpox, matkoi, wuaj nawesfulde Jesus pejme pasliajwasik! jIsfulde Dios pejbichax japamatkoi kamtalejen pasliajwa! Japamatkoi pat wut, thatbaxo toejwaxaes. Ju'waxaesbej ampathat. ¹³ Do jawux, Dios isaxael pajelthatbaxo, pajelthatbej, me-ama chajia jumduton. Samata, xatis wuaj nawesfulaxaes japoxan taeliajwas. Pajelthat wut, puexa jiw isfulaxael pachaempoxankal.

¹⁴ Samata, xamal takoew, nejxasinkaxpim, jwuaj nawesfulde pajelthatbaxo, pajelthatbej! jPachaempoxankal isfuldebej! Ja-amsfulam wut, wajpaklon pask wut, xabich nejchachaemlaxaelon xamalliajwa.

¹⁵ jChiekal nejchaxoelde, ma-aech xot wajpaklon Jesus pas-elfuk! Japon pasaxilfuk, asew jiw naexasis-el xotfuk japon pejwuajan bu'welija was japi jiw. Japoxliajwa wajkoewan Pablobej, xatis nejxasinkason, cartaxot chajia lelpon xamalliajwa. Japox carta lel wut, Dios kajachawaechpon. ¹⁶ Wajkoewan Pablo lel wut cartan, kaenanula cartaxot lelon Jesucristo pejme pasaxoekpoxliajwa. Pablo cartan lelpoxan, asacartanxot, xabich tampoel xatis chiekal jummatabijaliajwas, japon lelpoxan. Asew jiw majt pajut chiekal jummatabija-el wutfuk, japoxan nakiowa japi naewuajan asew jiw Pablo lelpoxanliajwa. Jesus pejwuajan jelnaexasiti, japi chiekal Jesus pejwuajan naexasis-el wutfuk, japi jiwbej naewuajan asew jiw Pablo lelpoxanliajwa. Jelnaexasiti Jesus pejwuajan, asew jiw suapich, jiw naewuajan wut, japi kaes asaxan naewuajanbej Pablo lelpoxanliajwa. Kastikamatkoi pat wut, japi jiw Dios xabich kastikaxaes.

¹⁷ Takoew, xamal xabich nejxasinkaxpim, matabijam xan lelpoxan. Samata, injat chiekal natatafulde xamalxot pasaxaelpi xamal naekichachajbasamata, naewuajan wuti! Japi xamal naewuajna xael kofaliajwam Dios xanaboejampox. ¹⁸ jKaes matabijim wajpaklon Jesucristo,

nakbu'weyaxaelpon! Xan Dios kawñajnaχ xamal kajachawaesliajwa Jesucristo. Dios kawñajnaχbej puexa jiw amwñtjel Jesucristo sitaeliajwa, pomatkoichaliajwabej. ¡Jasox nej ja-aече' Jesucristoliajwa!

Matxoelapijax carta, Juan lelpox

Jesucristo majt waj-ax Diosxotsepox

¹ Xanal ampox lelx xamal matabijaliajwam akaseskolaxtat wuajna chajia dukponliajwa. Japonlap Jesucristo. Akaseskolaxtat japon duk, ampathat is-esal wutɬuk. Hasta amwutjelbej japon dukaful. Japon kaen xajup jiw buweliajwa, jiw pomatkoicha duilaliajwa Diosxotse. Tajut chiekal jumtaenx, japon naksiya wut. Tajut chiekal taenxbej. Natachaemax japon is wut pachaempoxan. Tajut chiekal jachaxbej. Samata, jiw naewuajna Jesucristo pejwuajan. ² Japon ampathatat wut, xanalxot dukpon. Xanal japon taenx. Samata, naewuajna nejthaxtat taenxroxan, jumtaenxroxanbej. Jesucristo majt waj-ax Diosxotse. Do jawux, to'ason ampathatasik, dukaliajwapon, xanal suapich. ³ Xanal taenxroxan, jumtaenxroxanbej, japoxan xamal naewuajna naexas-isfulaliajwam, kaenejchaxoelaxliajwambej, xanal suapich. Xanal kaenejchaxoelax, waj-ax Dios suapich, Dios paxulan, pawalpon Jesucristo, suapichbej.

⁴ Samata, lelx ampox carta xamalliajwa, xamalbej chiekal nejchachaemlaliajwam, xanal suapich.

Dios itliakaxpox

⁵ Jesús jum-aech, jiw naewuajan wut: “Dios babijax is-el. Samata, japon, me-ama itliakax wut, ja-aechon. Itkuatax, jachi-elon” —aech Jesús, jiw naewuajan wut. Xanal tajut jumtaenx, japon naewuajan wut jiw. Samata, xamal japawuajan naewuajnafulax. ⁶ Xatis jumtis wut: “Xanal Dios naexasitx” —tis wut, pe nakiowa, isas wutɬuk babijaxan, jatis wut, nakiowa kichachajbapijwaxaes. Jatis wut, duila-xisal diachwuajnakolaxtat. ⁷ Pelax xatis isfulas wut pachaempoxankal, me-ama Dios isful pachaempoxankal, jatis wut, xatis, me-ama chiekal nakaewakolwas wut, jachiyaxaes. Jatis wut, Jesús, Dios paxulan, kaelel nakwepelsaxael babijaxan isasroxan japon pejjal pijaxtat, tup xoton cruztat xatisliajwa.

⁸ Xatis jumtis wut: “Xatis babijaxan is-esal” —tis wut, diachwuajnakolax xatis wajut naekichachajbas. Japox jumtis wut, jumchi-esal diachwuajnakolaxpox. Ajilbej diachwuajnakolaxpox xatisxot. ⁹ Pe xatis babijaxan isasroxan chapais wut Diosxot, Dios nakbeltaeyaxael babijaxan isasroxanliajwa. Jasoxtat Dios nakbeltaeyaxael, japon pachaem xot xatisliajwa, me-ama japon jumdut. Puexa wajbabijaxan isasroxan kaelel nakwepelsaxaelon. ¹⁰ Dios chajia jum-aech: “Puexa ampathatpijw babijax isla-ele-el. Puexa jiw babijaxan ispikal” —aech Dios. Pelax jumtis wut: “Xatis is-esal babijaxan” —tis wut, diachwuajnakolax xatis naexasis-esal Dios jum-aechpox. Jatis wut, me-ama jumtis: “Dios kichachajbapijin” —tis asbuan jumch.

2

Jesucristo naksiyaxaelpox Diosxotse xatisliajwa

1-2 Xamal, Jesús pejwɔajan naexasisfulam xot, me-ama taxikola wɔt, jam. Xan lelx ampoɔ carta babijaxan isasamatam. Asan aton nakiowa xamalxot babijax is wɔt, ja-aech wɔt, Jesucristo naksiyaxael Diosxotse, waj-ax Dios beltaelajwa japon aton babijax ispoɔxliajwa. Jesucristo babijax is-el. Pe pajut natapaeipon asajiw kimatamatlaliawjas cruztat. Jasox ja-aechon babijaxan ispi Dios beltaelajwas. Samata, Dios nakbeltaen, babijaxan isas wɔt. Jesucristo tɔp wɔt, tɔpa-el xatiskalliajwa. Japon tɔpbej puexa ampathatpijiwliajwa.

³ Isfulas wɔt Dios tato'alpoɔ, xatis matabijaxaes, diachwɔajnakolax xatis matabijas Dios. ⁴ Aton jum-aech wɔt: "Xan Dios matabijtax" — aech wɔton, pe naexasis-el wɔton Dios tato'alpoɔ, japon aton kichachajbapijin. Japon is-el Dios nejxasinkpoɔxan. Ja-aech wɔt, japon aton duka-el diachwɔajnakolaxtat. ⁵ Nejmach-aton chiekal naexasit wɔt Dios tato'alpoɔ, japon xabich Dios nejxasink. Ja-aech wɔt, xatis matabijas, Dios sɔapich, kaeyax nejchaxoelspoɔ. ⁶ Aton jum-aech wɔt jiwliajwa: "Xan Dios naexasitx" — aech wɔton, japon chiekal dukaxael Diosliajwa. Me-ama Jesús chiekal duk pax Diosliajwa, jachiyaxaelbej japon aton, duk wɔt.

Pajeltato'laxpoɔ

⁷ Takoew, xabich nejxasinkaxpim, lelx Dios tato'alpoɔ xamalliajwa, xamal nakaewa nanejxasinkaliajwam. Ampoɔ pajeltato'laxael. Chajiakolaxtat xamal jumtaenam wɔt, naexasitam Jesucristo pejwɔajan. Japatato'lax chajia xamal jumtaenambej. ⁸ Pe nakiowa, lelx pajeltato'lax wɔt, ja-an xamalliajwa. Diachwɔajnakolax Jesucristo naewɔajan xamal nakaewa nanejxasinkaliajwam. Xamalbej naksiyam diachwɔajnakolaxpoɔ. Samata, matabijam diachwɔajnakolaxpoɔ. Me-ama itliakax xenaful itkɔataxxot, xamalbej ja-am.

⁹ Nejmach-aton jum-aech wɔt: "Xan dukx Dios pej-itliakaxtat" — aech wɔt, japon aton nejwesla wɔt asew jiw, Jesús pejwɔajan naexasiti, japon aton, me-ama itkɔataxpijin wɔt, ja-aechon. ¹⁰ Aton nejxasinkpon Jesús pejwɔajan naexasiti, japon aton dukaful itliakaxtat. Japon pajut natataeful babijax isasamata. ¹¹ Pe nejweslapon asew, Jesús pejwɔajan naexasiti, japon aton, me-ama nanɔamt itkɔataxxot. Matabijs-elon fulaeyaxael poɔxade. Itkɔatax itliaklan, kiladofas xoton.

¹² Xan ampoɔ lelx xamal, Jesús pejwɔajan naexasitampimliajwa. Dios beltaen xamal babijaxan isampoxanliajwa, Jesús tɔp xot nejbabijaxan-tat. ¹³ Xan lelx xamal pakdiachwamliajwa, matabijam xot Jesucristo. Japon wɔajna duk, ampathat ajil wɔtɔk. Lelxbej xamal pansiachwamliajwa, malecham xot dep pejpaklon Jesús pijaxtat.

¹⁴ Lelxbej xamal Jesús pejwɔajan naexasitampimliajwa, matabijam xot waj-ax Dios. Lelxbej xamal pakdiachwamliajwa, matabijam xot Jesucristo. Japon duk akaseskolaxtat, ampathat ajil wɔtɔk. Lelxbej xamal pansiachwamliajwa, chiekal Dios xanaboejam xot, naexasisfulam xotbej Dios pejjamechan, malecham xot dep pejpaklon Jesús pijaxtat.

¹⁵ ¡Nabej nejxasinke' ampathatpijixan! Ampathatpijixan nejxasinkpi, japi nejxasinka-el waj-ax Dios. ¹⁶ Jiw is wɔt pajut isasiapoxan, babijaxan, japoxan chaemil. Jiw xabich nejxasink wɔt asew jiw pejew, japoxanbej chaemil. Jiw pajutliajwa xabich naksiya wɔt, pejewliajwa, ispoɔxanbej, japoxanbej chaemil. Puexa ampathatat chaemilpoɔxan, japoxan Dios

pijaxana-el. Japoxan ampathatpijaxankal. ¹⁷ Ampathat bijiat mata-toepaful, babijaxan suapich, jiw nejxasinkpoxan isfulalialjwa. Pe jiw isful wut Dios nejxasinkpoxan, ja-aech wut, duilaxaeli pomatkoicha Diosxotse.

Diachwujnakolaxxot, jaxot ajil kichachajbapox

¹⁸ Xamal, Jesús pejwujajan naexasitampim, matabijam mox rawujnapox that toepalialjwa. Xamal chajia jumtaenam Jesucristo padaelman pasaxaelpox. Ampamatkoiyan xabich nalaelaful Cristo padaelmajiw. Samata, xatis matabijas diachwujnakolax mox rawujnapox that toepalialjwa. ¹⁹ Japi jiw nakola xatisxot. Samata, xatis matabijas japi jiw naexasis-eli Jesús pejwujajan. Japi naexasit wut Jesús pejwujajan, japi xatisxotaxael. Pe japi jiw chajia wut xatisxot, diachwujnakolax japi jiw wajjiwa-el.

²⁰ Puexa xamal chiekal matabijam, Cristo to'a Espiritu Santo xamal nejmatpuatanxotalialjwa. Japon xamal amwutjel kajachawaesful chiekal matabijalialjwam diachwujnakolaxpox, diachwujnakolaxa-elpoxbej. ²¹ Xan lelx ampacarta xamal matabijam xot diachwujnakolaxpoxan. Lela-enil, xamal matabija-emil xot diachwujnakolaxpoxan. Xamal chiekal matabijam masox diachwujnakolaxan. Matabijambej masox diachwujnakolaxana-el. Japi jum-aech wut diachwujnakolaxpox, jaxot ajil kichachajbax. ²² ¿Achanakat kichachajbapijin? Kichachajbapijin, japon jum-aechpon: “Jesús Dios paxula-el. Jesús Mesías-elbej” —aechpon. Japonbej Jesucristo padaelman. Japon naexasis-el Dios, Dios paxulanbej. ²³ Nejmach-aton naexasis-el wut Jesús, japon Dios paxulanpon, japon atonbej naexasis-el Dios. Pelax nejmach-aton jum-aech wut: “Jesús Dios paxulan” —aech wut, japon atonlax Dios naexasit.

²⁴ Samata, ichiekal naexasisfulde chajia akaseskolaxtat jumtaenampoxan! Ja-amsfulam wut, kaes chiekal xanaboejaxaelam Jesús, japon paxbej. ²⁵ Jesucristo chajia jumdut pomatkoicha duilaxaespox japonxotse.

²⁶ Xan ampox lelx xamal chiekal matabijalialjwam, masi jiw xamal naekichachajbasia. ²⁷ Pelis xamal nejmatpuatanxot Espiritu Santo, Jesucristo to'akpon. Samata, xamal wewe'pa-el asew jiw xamal chanaekabuanalialjwa, Espiritu Santo pajut chiekal chanaekabuanaful xot, puexa isaxaelampoxanliajwa, xamal matabijaxaelampoxanliajwabej. Espiritu Santo pejnaewujnax diachwujnakolax. Japanaewujnax kichachajba-el. Samata, ¡xanaboejim Jesucristo! ¡Nabej kofe! ¡isfulde Espiritu Santo naewujjanpoxan!

²⁸ Xamal, Jesús pejwujajan naexasitampim, ichiekal xanaboejim Jesucristo! Ja-amsfulam wut, duilafulaxaelam nejlewla-elaxtat, hasta Jesús pejme pask wut. Japamatkoitat xamal nadalaxil Jesús pejwujajnael. ²⁹ Xamal chiekal matabijam Jesús xabich pachaempon. Japonbej is pachaempoxan. Samata, matabijaxaes, jiw is wut pachaempoxan, japi diachwujnakolax Dios paxi.

3

Jesús pejwujajan naexasiti, japi Dios paxipox

¹ Waj-ax Dios xabich naknejxasink. Samata, Dios nakwulduw Dios paxis. Diachwujnakolax xatis Dios paxis. Ampathatpijiw matabija-el

Dios. Samata, japi jiw xatisbej nakmatabija-el. ² Takoew, xabich nejx-asinkaxpim, amwutjel diachwujnakolax Dios paxis. Pe wajut chiekal matabija-esalfuk wajbu'an asamatkoi nakwemachiyaxaelpox, tups wut. Xatis japox matabija-esal, Dios nak-itpae-elxotfuk. Pe nakiowa, matabijas, Jesucristo pejme pasaxoek wut, xatis japon taeyaxaes. Japamatkoitat wajbu'an, me-ama Jesucristo pejbu't wut, jachiyaxael kaenanula wajbu't. ³ Jesucristo pomatkoicha pachaempon. Is-elon babijax. Samata, kaenanula Jesucristo pejwujajan naexasichpis, chiekal duilafalaxaes. Me-ama japon, is-el babijax, jachiyaxaesbej xatis.

⁴ Puexa jiw babijaxan ispi, japi jiw is babijaxan Diosliajwa, Dios nejxasinka-elpoxan. ⁵ Xamal matabijam. Jesucristo pask ampathatasik babijaxan isaspoxan nakwepelsliajwa kaelel. Pe japon pajut babijax is-el Diosliajwa. ⁶ Samata, xanaboejapi Jesús, japi is-el babijaxan. Pelax jiw babijaxan isfulpi, japi jiw matabija-el Jesucristo. ⁷ Xamal Jesús pejwujajan naexasisfulam xot, me-ama taxikola wut, ja-am. ¡Nabej tapae' asew jiw xamal naekichachajbaliawja! Jesucristo pomatkoicha pachaempon. Japon is-el babijax. Samata, xamalxot isfulpi pachaempoxan, japi, me-ama Cristo wut, ja-aechi. ⁸ Satanás, dep pejpaklon, chajiakolaxtat babijax isful. Kofs-elon babijaxan ispoxan. Amwutjel nakiowa isfulbejpon babijaxan. Jiw, babijaxan ispi, japi Satanás pejjiw. Samata, Jesucristo, Dios paxulan, pask ampathatasik toesliajwapon Satanás ispoxan.

⁹ Dios pejjamechan naexasiti isfula-el babijaxan, japi Dios paxi xot. Diachwujnakolax japi Dios paxi. Samata, isfulaxili babijaxan. ¹⁰ Xatis chiekal matabijas, jiw isful wut pachaempoxan ampathatat, japilap Dios paxi. Xatis chiekal matabijasbej, jiw isfula-elpi pachaempoxan, nejxasinka-elpipej asew jiw, japilap Dios paxi-el. Japilap Satanás paxi.

Dios paxipi nakaewa nanejxasinkpox

¹¹ Ampanaewujnax xamal chajia jmtaenam. Nakaewa nanejxasinkas wut, me-ama wajkoewkola nejxasinkas wut, jachiyaxaes asew jiwliajwa! ¹² Xatis, me-ama wajwujnapijin, Caín, jachiyaxisal. Wajwujnapijin, Caín, babejenpon Satanás pijaxtat. Samata, boesapon pakoewan, Abel. ¿Ma-aech xotkaton pakoewan boesa? Abel ispoxan pachaem xot Diosliajwa, japoxliajwa Caín pakoewan boesa. Caín japoxan taen wut, xabich nusasiawalpon pakoewan Abelliajwa. Caín nejwesla pakoewan. Samata, boesapon pakoewan.

¹³ Takoew, ampathatpijiw jasoxtat xamal nejwesla wut, jnabej nejchaxoelanuile' japoxliajwa! ¹⁴ Xatis matabijas. Majt xatis Diosliajwa, me-ama tups pis wut, jatis, isfulas xot babijaxan. Pe Jesús pejwujajan naexasich wut, kofasbej babijaxan isaspoxan. Samata, duilaxaes pomatkoicha Diosxotse. Xatis chiekal matabijas japox diachwujnakolaxpox, nejxasinkas xot wajkoew, japi naexasiti Jesús pejwujajan. Asew xamalxot nejwesla wut asew jiw, Jesús pejwujajan naexasiti, japi jiwfuk, me-ama patapa wut, ja-aechi Diosliajwa. ¹⁵ Jiw, nejwesla wut asew jiw, japi, me-ama jiw beow. Xamal chiekal matabijam, jiw bapi asew jiw, japi duilaxil Diosxotse. ¹⁶ Jesucristo tuj xot cruztat xatisliajwa, xatis chiekal matabijas, machiyaxaes, nejxasinkas wut asew, Jesús pejwujajan naexasiti. Xatisbej jachiyaxaes. Naknejsesit wut tupaliajwas, juxaxaes kajachawaesliajwas wajkoew! Japi xabich xatis nejxasinkas xot, jachiyaxaes japox. ¹⁷ Jesús pejwujajan naexasitpon, kimaeyan

wut, pe japon kajachawaes-el wut asew, Jesús pejwajaan naexasiti, japi xabich wewe'pas wut kajachawaesax, kajachawaes-el wuton, japon itpaei nejxasinka-elpox japi jiw. Me-ama Dios nejxasink asew jiw, jachi-el japon kimaeyan. ¹⁸ Takoew, xamal jum-an ampox. Wajnejxasiyax asew jiwliajwa, jumchiyaxisal chimiajamechankal. Kajachawaech wut asew jiw, Jesús pejwajaan naexasiti, jatis wut, itpaeis diachwajaankolax xatis nejxasinkaspox japi jiw.

Dios paxi, padala-elpox Diosliajwa, japi pachaem xot

¹⁹⁻²⁰ Asew jiw nejxasinkas wut, Jesús pejwajaan naexasiti, jatis wut, xatis matabijas, xatis isas Dios nejxasinkpox.

Pe babijax isaspoxlajwa xabich nejchaxoelafulas wut, nejchaemilas wutbej, ja-aech wut, nakiowa pachaemsfuk Diosliajwa. Dios kaes pejme pachaem. Me-ama xatis, jachi-el Dios. Puexa pajut matabijton xatis isaspoxtanliajwa. ²¹ Takoew, xatis chiekal matabijas wajbu'wajaan jisalpox Diosliajwa. Jatis wut, chiekal matabijas chiekal pachaemspox Diosliajwa. ²² Dios nakchaxduiyaxael puexa wuljowspoxan, naexasifulas xot japon tato'alpoxan, isas xotbej japon nejxasinkpoxan. ²³ Dios nakto'a xatis naexasisfulaliajwas Dios paxulan Jesucristo pejwajaan. Dios nakto'abej nakaewa nanejxasinkafulaliajwas. ²⁴ Dios tato'alpox naexasisfulpi, japi jiw chiekal xanaboejaful Dios. Diosbej chalafulas japi jiw. Dios to'ak Espiritu Santo wajmatpreatanxotaliajwa. Samata, chiekal matabijas Dios nakchalafulpox.

4

Amxot jum-aechpox, ma-aech jiw duil wut pejmatpreatanxot Espiritu Santopi

¹ Takoew, xamal xabich nejxasinkaxpim, ichiekal xan nanaewe'e! Xabich profetakola-eli, japi ampathatpijiw naekichachajbaful. Samata, najut natataeflam wut, ichiekal natataeflafalde! Asew jiw pajutliajwa najum-aech wut: "Espiritu Santo jum-aech xanalliajwa. Samata, xanal japoxan jum-an xamalliajwa" —aech wuti, xamal kamta nabej naexasis japox! jMajt chiekal taem, diachwajaankolax japi jiw naewajaan wut Diosliajwa! ² Ja-am wut, xamal chiekal matabijaxaelam, japi diachwajaankolax jum-aech Espiritu Santo pijaxtat. Jum-aech wuti: "Diachwajaankolax Jesucristo pat wut ampathatat, nalaelton kaeow atowtat. Me-ama yamxi ampathatat nalaela wut, ja-aech, Jesucristo nalaelt wut ampathatat" —aech wuti, japi jiw diachwajaankolax jum-aech Espiritu Santo pijaxtat. ³ Asewjax jum-aech wut: "Jesús Dios paxulnanel" —aech wuti, japi jiw Espiritu Santo chala-esal. Dios pejjiwa-elbejpi. Japilax dep pijaxtat naksiya. Samata, japi Cristo padaelmajiw. Xamal chajia jumtaenam Jesucristo padaelman pasaxoekpox. Pelis Jesucristo padaelman ampathatatlison.

⁴ Xamal naexasitampim Jesús pejwajaan, Dios pejjiwampim. Espiritu Santo xamalxotpon, japon kaes pejme mamnik. Me-ama Cristo padaelman ampathatat, jachi-el Espiritu Santo. Samata, xamal malecham naekichachajbapijiw, naexasis-emil xot japi naewajanpoxan. ⁵ Japi ampathatpijiwkal. Samata, naksiyaful ampathatpijaxankalliajwa. Japi jiw naewajaan wut, ampathatpijiwkalpi chiekal naewech japi naewajanpoxan. ⁶ Pe xatislax Dios pejjiws. Samata, Dios pejjamechan naexasiti naewajnas wut, chiekal

naknaewet wut, naexasitbejpi. Asewlax, Dios pejjiwa-elpi, naknaewes-el, naewuajnas wut Dios pejjamechan. Naexasis-elbejpi. Ja-aech wut, matabijas, masi jiw, pejmatpuatanxot Espiritu Santo. Ja-aech wut, matabijasbej, masi jiw naekichachajbapijiw.

Jiw nakaewa nanejxasinkaxaelpox, Dios xabich nejxasink xot pejjiw

⁷ Takoew, xamal nejxasinkaxpim, Dios pajut xatis nakkajachawaet asew jiw nejxasinkaliajwas. Samata, nakaewa nanejxasinkafalaxaes. Nejmachjiw nejxasinkpon, japon Dios paxulan. Japon aton chiekal matabijtbej Dios. ⁸ Dios puexa jiw nejxasink. Nejxasinka-elpon asew jiw, japon aton Dios matabijs-el. ⁹ Dios to'ak wut kaekolan paxulan ampathatasik, japox is wut, Dios nak-itpaei pejnejasiyax xatisliajwa. Samata, naexasich wut Jesús pejwujajan, xatis pomatkoicha duilax-aes Diosxotse. ¹⁰ Dios jasox is wut, nak-itpaeipon nejxasiyax diachwujnakolaxpox. Dios to'ak kaekolan paxulan, japon tupaliajwa cruztat nakwemosliajwapon babijaxan isaspoxanliajwa. Xatis nejxasinkaspo Diosliajwa xabicha-el. Me-ama Dios naknejxasinkpox, jachi-el wajnejxasiyax Diosliajwa.

¹¹ Takoew, xamal nejxasinkaxpim, jasoxtat xatis Dios naknejxasink xot, jnakaewa chiekal nanejxasinkde kaenanula! ¹² Xatis wajut taesal Dios. Pe nakiowa, xatis nakaewa nanejxasinkas wut, jatis wut, jiw chiekal matabija Dios nakchalafulpox xatis. Jatis wut, jiw chiekal matabijabej Dios pejnejasiyax kaesfulpox xatisxot. ¹³ Dios to'ak Espiritu Santo wajmatpuatanxotaliajwasik xatis wajut chiekal matabijaliajwas Dios pajut nakchalafulpox. ¹⁴ Xanal tajut taenx Dios paxulan. Japoxlap asew jiw chapaeixbej, waj-ax Dios paxulan to'akpox ampathatasik japon bu'welialjwa ampathatpijiw. ¹⁵ Aton, jum-aechpon: "Jesúslap, Dios paxulan" —aechpon, japon diachwujnakolax Dios xanaboejsful. Japon aton Dios chalafulas ampathatat.

¹⁶ Do ja-aech wut, xatis chiekal matabijas Dios naknejxasinkpox. Jawutbej, chiekal xanaboejas Dios pejnejasiyax. Jiw, nejxasinkpi Dios, japi jiw diachwujnakolax Dios chiekal xanaboejaful. Japi Dios chalafulasbej. ¹⁷ Jasoxtat Dios pejnejasiyax xatisxot kaesful. Samata, wajlewlixil, Dios kastika wut jiw babejchow. Xatis wajlewlixilbej, chiekal matabijas xot, xatis nakaewa nanejxasinkas, me-ama Jesús naknejxasink. ¹⁸ Jiw nakaewa nanejxasink wut, jaxot ajil pejlewax. Poklanejasiyaxxot, jaxot atuaj pejlewax. Jiw pejlewla wut, japi pejlewla, chiekal matabija xoti kastikaxaespo. Samata, nejmach-aton pejlewla wut, japonfuk chiekal nejxasink-el asew jiw.

¹⁹ Dios matxoela naknejxasink xatis. Samata, amwutjel xatisbej japon nejxasinkas. ²⁰ Aton jum-aech wut: "Xan Dios nejxasinkax" —aech wuton, pe japon asew jiw nejxasinka-el wut, japon kichachajbapijin. Japon aton nejxasinka-el wut asew jiw, taenpi, japon nejxasinka-elbej Dios, taeyaxisalpon. ²¹ Ampoxlap Jesucristo xatis nakjum-aech: "¡Dios nejxasinkpi, japi jiw nejxasinkbej asew jiw!" —aech Jesús xatisliajwa.

5

Jesús pejwujajan naexasiti isaxilpox babijaxan, ampathatpijiw isfulpoxan

¹ Puexa jiw nejchaxoel wut, jum-aech wuti Jesúsliajwa: “Japon Mesías, Dios to'ason” —aech wuti, japi jiw Dios paxi nadofa. Aton nejxasink wut asan aton, japon nejxasinkbej japon paxi. ² Samata, xatis waj-ax Dios nejxasinkas wut, isas wutbej Dios naktato'alpoxan, jatis wut, chiekal matabijas, xatis nejxasinkaxes Dios paxipi. ³ Xatis Dios nejxasinkas wut, naexasisaxesbej japon tato'alpoxan. Japoxan xabich tampoela-el xatis naexasisliajwas. ⁴ Puexa Dios paxipi, japi jiw duilafalaxael Dios pejkajachawaesaxtat babijax isasamata ampthatat, japi chiekal Dios xanaboejaful xot. ⁵ Naexasisfulpi Jesús, Dios paxulanpon, japi jiw isaxil ampthatatpijiw isfulpoxan, babijaxan.

Jesucristo Dios paxulanpox

⁶ Jesucristo nalaelt ampthatat. Do baxael, jiw chiekal matabi-jason, japon Dios paxulanpon, bautisas wuton mintat, tup wutbejpon cruztat. Jaxot japon pejjal nakola. Samata, bautisaxkala-el. Boe-sasbejpon. Espíritu Santo pajut jum-aechbej, achan japon. Espíritu Santo jum-aech diachwujnakolaxpoxkal. ⁷⁻⁸ Jiw chiekal matabija Je-sucristo diachwujnakolax Dios paxulanpon, japonliajwa Espíritu Santo japox jum-aech xot, bautisas xotbej mintat, tup xotbejpon cruztat. Japanejchaxoelaxan, tres nejchaxoelaxanliajwa, jiw chiekal matabija diachwujnakolax Jesucristo Dios paxulan. ⁹ Jiw jum-aechpox, di-achwujnakolax wut, xatis japox naexasich. Pe kaes pejme naexasich Dios jum-aechpox, pachaem xot naexasisliajwas. Samata, naexasisfaldas Dios nakjum-aechpox paxulanliajwa. ¹⁰ Jiw naexasiti Dios paxulan pejwujjan, diachwujnakolax japi jiw naexasit Dios jum-aechpox. Pelax jiw naexasis-eli Jesús pejwujjan, japon Dios paxulanpon, japi jiw nej-chaxoel Diosliajwa: “Dios naekichachajbapijin” —aechi, nejchaxoel wut, naexasis-el xoti Dios jum-aechpox paxulanliajwa. ¹¹ Dios jum-aech amprox: “Xan jiw kajachawaetx taxulan pijaxtat pomatkoicha duilalia-jwa xanxot. ¹² Taxulan pejwujjan naexasiti, japi pomatkoicha duilaxael xanxot. Pelax asew jiw, taxulan pejwujjan naexasis-elpi, japi duilaxil xanxot” —aech Dios.

Taxdukanaewujnaxan ampacartatat

¹³ Xan ampawujjan lelx xamal naexasitampimliajwa Dios paxulan, chiekal matabijaliajwam pomatkoicha duilaxaelampox Diosxotse.

¹⁴ Xatis chiekal Dios xanaboejas, matabijas xot, Dios naknaewet, xatis kawujjnas wut, me-ama Dios nejxasink. ¹⁵ Xatis chiekal matabijas, Dios nakjumtaen, kawujjnas wut. Samata, Dios kawujjnas wut, chiekal matabijasbej Dios nakchaxduiyaxaelpox, waljows wut kawujjjaxtat.

¹⁶ Taenam wut, Jesús pejwujjan naexasiti babijaxan is wuti, jipiliajwa Dios kawujjande! Dios kawujjnam wut, japi Dios kajachawaesaxes kofaliajwa babijaxan ispoxan. Ja-aech wut, pomatkoicha duilaxaeli Diosxotse. Pe asax babijax xabich kaes chaemil. Japox jiw is wut, diachwujnakolax napelsaxaeli Diosliajwa pomatkoicha. Xamal taenam wut, asew, Jesús pejwujjan naexasiti, japox babijax is wuti, xabich chaemilpox, xan jumchi-enil: “¡Dios kawujjande jipiliajwa!” —chi-enil. ¹⁷ Puexa babijaxan jiw is wut, japoxan chaemil Diosliajwa. Puexa japoxan Dios nejwesla. Pe puexa japababijaxan is wuti, japi jiw napel-saxil.

¹⁸ Chiekal matabijas amprox. Waj-ax Dios paxipi isfulaxil babijaxan, Dios paxulan, Jesucristo, tataeflas xot japi jiw. Samata, Satanás, dep

pejpaklon, machiyaxil japi jiw tabejsliajwapon. ¹⁹ Xatis chiekal matabijas, Dios paxispis. Chiekal matabijasbej Satanás tato'alpox ampathatpijiw. ²⁰ Xatis chiekal matabijasbej, Dios paxulan pask wat, japon nakkajachawaetbej xatis chiekal matabijaliajwas Dioskolan. Samata, xatis kaeyax nejchaxoels, Jesucristo suapich. Japon diachwajnakolax, Dios paxulankolan. Nakkajachawaetbejpon xatis pomatkoicha duilalijwas, japon pajut duk xot pomatkoicha. ²¹ Xamal naexasitpim Jesús pejwajan, ¡chiekal najut nataefulde ídolos kawajnasamatam! ¡Kawajnafalde kaen Dioskal!

Wachakalpijax carta, Juan lelpox

Amxot jum-aechpox diachwɔajnakolaxpox, nejxasiyaxbej

¹ Xan, anciano, lelx ampacarta xamal Dios naexasitampimliajwa, xamal Dios makanotpimliajwa. Diachwɔajnakolax xamal xabich nejxasinkax. Xan kaenan xamal nejxasinka-enil. Puexa asew jiw chiekal matabijapi diachwɔajnakolaxpox, japi jiwbej xamal nejxasink.

² Xamal nejxasinkax, xatis puexa naexasich xot diachwɔajnakolaxpox Diosliajwa. Amwɔtjel japox naexasisfulas. Japox naexasisfulaxaes pomatkoicha. ³ Xan kawɔajnax waj-ax Dios, paxulan Jesucristobej, japi xamal xabich kajachawaesliajwa, beltaeliajwabejpi, chiekal duilaliajwambej, asew jiw sɔapich. Xan waj-ax Dios kawɔajnax, Jesucristobej, diachwɔajnakolax xamal nejxasinkam xot Dios.

⁴ Xan xabich nejchachaemlax, taenx wɔt asew jiw xamalxot kofa-elpox naexasisfulpox Jesús pejwɔajan. Japi jiw chiekal duilaful, me-ama waj-ax Dios naktato'al duilafulaliajwas, asew jiw naekichachajba-elaxtat. ⁵ Takoew, xamal nejxasinkaxpim, to'ax nakaewa nanejxasinkaliajwas. Japatato'lax jela-el. Japatato'lax chajiakolaxtat xatis jumtaens wɔt, naexasisfulas. ⁶ Dios tato'alpox naexasisfulas wɔt, asew jiw chiekal nakmatabija xatis Dios nejxasinkaspox. Dios tato'alpox nakjum-aech: "¡Xatis nakaewa nanejxasinkaxaespox kaematkoisful!" —nak-aechox, tato'al wɔt. Japox xatis chajia chiekal matabijas, akaseskolaxtat naexasisfulas wɔt Jesucristo pejwɔajan.

Ampathatat xabich maenkpox naekichachajbapijiw

⁷ Ampathatat xabich maenk naekichachajbapijiw. Japi asew jiw naewɔajan. Japi naexasis-el Jesucristo, Dios paxulan paskpon atontat ampathatat. Jasox nejchaxoelpi, jopilap jiw naekichachajbapijiw. Japibej Jesús padaelmajiw.

⁸ ¡Xamal kaenanula najut chiekal natataeflafulde napelsasamata nabistampoxanliajwa, Dios chaxdusaxaelpox chiekal puexa kifisliajwam!

⁹ Xamal naexasisfulam wɔt Jesucristo naewɔajanpox, ja-am wɔt, waj-ax Dios, japon paxulan Jesucristobej, xamal kajachawaesfulaxael. Pe asax naexasisfulam wɔtlax, ja-am wɔt, Dios xamal kajachawaesfulaxil.

¹⁰ Nejmachjiw pat wɔt xamalxot naewɔajnalijwa asawɔajan, japi jiw naexasis-el wɔt Jesús naewɔajanpox, ¡japi to'im asalel! ¡Nabej tapae' nejba leliajwa asawɔajan xamal naewɔajnalijwapi! ¡Moi! —¡nabej aeche'bej japi jiw! ¹¹ Japi jiw bu'kulaxaelam wɔt, tapayaxaelam wɔtbej nejba leliajwa, ja-am wɔt, japi pejnaewɔajnaex, babijaxpox, xamal, me-ama kajachawaesaxaelam.

Amxot Juan kitoesaxaelpox lelpox

¹² Xan xabich wɔajan xamal naewɔajnalijwan. Pe xanliajwa chiekal nawepachaema-el japoxan lelaliajwan cartatat. Xanlax tajut chiekal nospaesian, xamal sɔapich. Samata, asamatkoi xamalxot patx wɔt, nospaeyaxaes kaeyaxtat, chiekal nejchachaemlaliajwas. ¹³ Amxot duili, naexasiti Jesús pejwɔajan, Dios makanochpi, japibej saludos xato'a xamalliajwa.

Trespíjax carta, Juan lelpox

Juan lelpox chamoeyaxan Gayoliajwa

¹ Gayo, xan, anciano, lelx ampox carta xamliajwa. Xam tajnachalnam, xabich pachaemamponam xanliajwa. Diachwñajnakolax xam nejxasinkax.

² Takoewan nejxasinkaxponam, me-ama xam pachaemam Diosliajwa, xan Dios kawñajñax puexa pachaemaliajwa xamxot, bu'xaenkasamatambej. ³ Xan xabich nejchachaemlax, wajkoew pa'an wut, japi xan nachapaei wut xam chiekal naexasisfulampox Dios. ⁴ Jiw, naexasiti Jesús pejwñajan, xan naewñajñax wut, japi jiw, me-ama taxikola wut, ja-aechi xanliajwa. Samata, xan xabich nejchachaemlax, wultaenx wut japi chiekal duilafulpox diachwñajnakolaxtat.

⁵ Takoewan, xam nejxasinkaxponam, pomatkoicha isam pachaemponax asew jiwliajwa, japi naexasiti Jesús pejwñajan. Japi, me-ama wajkoew. Asew jiw, asatñajñuchanpijiw, nejbxot pat wut, nakiowa xam japi chiekal bu'kulam. Kajachawaetambej. ⁶ Xamxot nawenpi natamejlaxtat xanal nachapaeipi xam xabich nejxasinkampox japi. Japi, wajkoew, pejme xamxot pat wut, ñawekajachawae'e Dios nejxasinkpoxtat, japi fulaeliajwa wut asatñajñuchanlel! ⁷ Japi nanñamt Jesús pijaxtat isliajwa Jesús pijax, bichax. Kajachawaesax kinos-eli naexasis-eli Dios. Japi kinotlax kajachawaesax Jesús pejwñajan naexasitpikal. ⁸ Samata, xatis japi kajachawaesaxaes, japi jiw naewñajan wut Dios pejjamechan. Japox isas wut, xatis kajachawaech naewñajñafulaliajwapi diachwñajnakolaxpox.

Diótreres ispox babijaxan

⁹ Xan chajia lelx asacarta japi Jesús pejwñajan naexasitiliajwa xamxot. Pe Diótreres nejchaxoela-el naexasisliajwa, xanal cartaxot lelx wut jum-anpox, japon pajut jiw tato'lasia xot. ¹⁰ Asamatkoi xamalxot patx wut, chapaeyaxaelen xamal nejwñajñanlel japon ispoxanliajwa xanalliajwa. Japon jum-aech kichachajbapoxan xanalliajwa. Kaes chaemilpoxan isfulbejpon. Kajachawaes-elon wajkoew, japi nabistpi Jesúsliajwa, pat wuti japonxot. Tapae-elbejpon asew wajkoew, japi kajachawaesasia wut japi patpi. Japi kajachawaet wut wajkoew, iglesiaxot nakolax to'apon. ¹¹ Takoewan Gayo, nejxasinkaxponam, ñabej is babijaxan, me-ama asew jiw isful! ¡Xamlax isde pachaempoxan! Pachaempoxan ispi, japi Dios pejjiw. Asew jiwlix, ispi babijaxan, japi jiw chiekal matabija-el Dios.

¹² Amwut jumchiyaxaelen Demetrioliajwa. Puexa jiw chiekal naksiya japonliajwa. Chiekal naexasisfulon Dios pejjamechan, diachwñajnakolaxpox. Xanalbej naksiyax pachaempoxan japonliajwa. Xam matabijtam xanal jum-anpoxan diachwñajnakolax.

Amxot Juan lelpox kitoesaxael

¹³ Xan xabich wñajan xam jumchiliajwan. Pe nejxasinka-enil lelaliajwan japoxan ampacartatat. ¹⁴ Xanlax tajut chiekal nospaesian, xam sñapich, nejchaxoelx xot xamal taeyax. Jawut chiekal nospaeyaxaes. ¹⁵ ¡Puexa jiw xamxot chiekal nej duile' wñajanjilaxtat! Nejnachala, amxoti, japi xato'a saludos xamliajwa. ¡Kaenanñla nawesaludam wajnachala!

Judas lelpox carta Jesús pejwajan naexasitiliajwa

Judas lelpox carta Jesús pejwajan naexasitiliajwa

¹ Xan Judas, Santiago pakoewnan, nabistax Jesucristoliajwa. Xan lelx ampxox carta xamal waj-ax Dios nejxasinkpimliajwa. Dios xamal makanot japon pejiwaliajwam. Jesucristobej pomatkoicha xamal tataeflafal. ² Xan Dios kawajnajx xamal beltaeliajwa, kajachawaesliajwabejpon chiekal duilaliajwam, asex jiw swapich. Dios kawajnajxbej xamal nakaewa nanejxasinkaliajwam.

Judas naewajanpox naexasiti Jesús pejwajan asex jiw naekichachajbasamatas

³ Takoew, xamal xabich nejxasinkaxpim, xan kaes lelasian chiekal matabijaliajwam wajpaklon nakbu'weyaxaelpox. Pe japox lelxinil ampapelfutat. Xan wultaenx asex jiw xamalxot patpox. Japi pat xamal naewajnalialjwa, naekichachajbalialjwabej. Samata, lelaxaelen xamal naexasisasamatam japi jiw naewajanpoxan. Pe japi naewajanpoxan chiekal najura-el, Dios pejwajan swapich, xatis naexasisliajwaspox. Japawajan pomatkoichaliajwa. Samata, japi jiw buxfia'e buxkofaliajwa naewajanpoxan! ⁴ Asex jiw xamalxot pat. Japi pat xamal naekichachajbalialjwa. Japi, me-ama Jesús pejwajan naexasit wut, jakabuan-aechi. Pe japi jumchi-el diachwajnakolaxpox. Asbuan jumch jum-aechi: "Dios nakbeltaen xatis babijaxan isaspoxanliajwa. Samata, kaes babijaxan isfulas wut, Dios nakkastikaxil" —aechi asbuan jumch. Naexasis-eli Jesucristo, japon kaenpon wajpaklon, japi isfulaliajwabej Jesucristo nejxasinkpoxan. Samata, asamatkoi Dios kastikaxaes. Me-ama Dios chajia jum-aech japi jiwliajwa, jasox jachiyaxaes japi jiwliajwa.

⁵ Diachwajnakolax xamal matabijamlis lelaxaelenpox. Pe nakiowa, lelaxaelen kaes chiekal nejchaxoelaliajwam ampxox. Chajiakolaxtat wajpaklon Dios bu'wia wut pejiw, israelitas, Egipto tujnuxot ampatajnuleldin, do jawux, japixot asex toech, naexasis-el wuti Dios tato'laspoxan. ⁶ ¡Nejchaxoeldebej Dios kastikapox asamatpijiw, ángeles! Japi ángeles nejwesla isliajwa Dios tato'alpoxan. Samata, japi ángeles kofa Dios pijax bichax. Ja-aech wut, japi ángeles itkataxotdik jias. Japi jaxot machiyaxil nakolaliajwa. Japi ángeles wujnawet Dios kastikaliajwas. Asamatkoi, kastikamatkoi pat wut, jiw babijaxan ispi pomatkoicha kastikaxaes. Jawut japi ángelesbej kastikaxaes. ⁷ Nejchaxoelam wut, ¡nejchaxoeldebej Sodoma paklowaxpijiwliajwa, Gomorra paklowaxpijiwliajwabej, asex jiw, mox duilpiliajwabej japapaklowaxanxot! Japapaklowaxanpijiw nakaepojwa nabu'moejt. Watho'bej nakaewatho'a nabu'moejt. Samata, Dios to'a jit, pinjiyax, natacholnaliajwa japapaklowaxan poxasik. Jasoxtat japapaklowaxanpijiw toejafas. Samata, amwutjel puexa jiw, babijaxan ispi, pajut chiekal matabija Dios asamatkoi jitat kastikaxaesopox pomatkoichaliajwa. Japajit toepaxil.

⁸ Poejiw, xamalxot patpi, japi pat xamal naekichachajbalialjwa. Japi babejchowbej. Me-ama pejwajnapijiw, ja-aech japi poejiw. Japi poejiw babijaxan is, masoxtat taenpoxan, asex jiw tae-elpoxan. Nejweslabejpi

Dios tato'alpoxan isliajwa. Japi jum-aechbej babejjamechan Dios pej-ángelesliajwa. ⁹ Dios pej-ángel, japon pawulpon Miguel, puexa Dios pej-ángeles tato'lan, jumchi-elon kaejame, babejjame, Satanásliajwa. Me-ama poejiw, xamalxot patpi, jum-aech babejjamechan Dios pej-ángelesliajwa, jachi-el Miguel. Chajiakolaxtat Moisés tup wut, Satanás fisasia Moisés pejbu't. Pe jawut, Miguel kitapae-el Satanás fisliajwa Moisés pejbu't. Jawutbej Miguel jumchi-el babejjamechan Satanásliajwa. Asbuan jumch jum-aechon Satanásliajwa: “¡Dios xam nej kastike!” —aechon. ¹⁰ Pelax poejiw, xamalxot patpi, babejjamechan jum-aech pajut jummatabija-elpoxanliajwa. Me-ama choef matabija-el isliajwa, ja-aech japi jiw. Samata, Dios kastikas wut, toesaxaesi.

¹¹ Diachwujnakolax japi jiw Dios xabich kastikaxaes, babijaxan is xot, me-ama Caín babijax is chajiakolaxtat, ja-aech xoti. Xabich platakal kanasiapi. Me-ama profeta Balaam isasia, chajia laeja wut, ja-aechlap-is japi jiw. Samata, japi jiw Dios pejjamechan naewuajan wut, chiekal naewuajna-el. Japibej pajut naexasis-el Dios tato'alpoxan. Chajiakolaxtat Coré naexasis-el wut Moisés tato'alpox, japon tup, Dios kastikas wut. Xamalxot patpi, jachiyaxaeslap-is. Dios kastikas wuti, japibej tupaxael. ¹² Xamal natamejlam wut xaeliajwam kaeyaxtat, jawut japibej xamalxot pat xaeliajwa, xamal suapich. Xamal nadala japiliajwa. Pelax japi padaeyax chiekal wejisa, xamal suapich, xaeliajwa, feliajwabej. Xabich xael wuti, japi xanejchadus-el asew jiw, puexa jiw kaechxajupaliajwa. Me-ama oveja tataeflan, nejchaxoel pejew oveja chiekal tataeflaliajwa, jachi-el japi jiw. Nejchaxoel asbuan jumch pajut natataeflaliajwa. Nejchaxoela-eli xamal tataeflaliajwa. Japi ispoxan xabich pachaema-el. Me-ama itloejen, iampi, joewa xafos, ja-aech japi jiw, pachaema-el xot asew jiwliajwa. Me-ama naebaechnae baechjil wut, kaelel tup, ja-aechlap-is japi jiw, pachaema-el xoti asew jiwliajwa. Japibej, me-ama nae, potathina chakuchnae, kaelel fo'aliajwas, ja-aech japi jiw. ¹³ Japibej, me-ama pintruxan pijabaspoX pamakelde putase oelaliajwa, ja-aech japi jiw, isful xot babijaxan, padalapoxan. Japibej, me-ama ithaej fol wut, matxalpi, ja-aech japi jiw. Pomatkoicha japi jiw Dios kastikaxaes. Samata, duilaxaeli itkuxataxot.

¹⁴ Enoc chajiakolaxtat duk. Japon Adán pamon. Enoc Dios kachawaech xot, jum-aechon ampox: “Wajpaklon Dios asamatkoi xabich pin-iakola pej-ángeles bu'pasaxael. ¹⁵ Dios tasalaxael puexa jiw, pejbu'wujjanpi, japi jiw is-el xot japon tato'alpoxan. Kastikaxaelbejpon puexa jiw, jum-aechpi babejjamechan Diosliajwa” —aech Enoc. Enoc chajia jum-aech japoxliajwa, matabijt xot asamatkoi xamalxot pasaxaelpiliajwa. ¹⁶ Japi jiw, xamalxot patpi, jum-aechi babejjamechan puexa jiwliajwa. Puexa pachaem wutbej japi jiwliajwa, nakiowa jum-aechful babejjamechan japoxanliajwa. Babijaxan isbejpi, pajut isasiapoxan. Do jawux, japi ispoxan asew jiw chapaepi sitaeliajwas. Jum-aechbejpi asew jiwliajwa: “Xam chiekal pachaema” —aechbejpi chaxduiliajwas wewe'paspoxan.

Judas naewuajanpox Jesús pejwujjan naexasiti naekichachajbasamatas

¹⁷ Takoew, xamal xabich nejxasinkaxpim, nejchaxoelam wut, inejchaxoelde Jesucristo pejiw, apóstoles, chajia jum-aechpox! ¹⁸ Japi apóstoles

chajia jum-aech: “Matkoiyan toepax wuajna, jiw jumchiyaxael babejamechan Dios pejjamechanliajwa. Bu'wuajanpaeyaxaelbejpi Dios pejjiw. Xabich babijaxan isaxaelbejpi, pajut isasiapoxan” —aech apóstoles.
 19 Japi jiw xamalxot naewuajan wut, jiw kaenejchaxoelaxil. Samata, xabich jiw nasalaxael. Japi, xamalxot patpi, isful babijaxan, pajut isasiapoxan. Japi jiw pejmatpuatanxot jil Espiritu Santo.

20 Takoew, xamal nejxasinkaxpim, ¡chiekal naexasisfulde Jesús pejwuajan, Dios kaes chiekal xanaboejaliajwam! ¡Dios kawuajandebej, me-ama Espiritu Santo xamal tato'al kawuajnalialjwam Dios! 21 Dios xamal xabich nejxasink. Samata, Dios to'a xot, ¡xamal chiekal duilde! ¡Wuajnawesfulde wajpaklon Jesucristo fuloeyaxoekpox, xamal pomatkoicha duilialjwam Diosxotse, xamal beltaen xoton babijaxan isampoxanliajwa!

22 Asew jiw chiekal naexasis-elfuk Jesús pejwuajan. Samata, naewuajnam wut, ¡japi jiw chiekal naewuajande, japibej chiekal naexasisliajwa Jesús pejwuajan! 23 Jiw, naexasis-eli Jesús pejwuajan, japi jiwliajwa chachoel, infierno poxaxaek xoti. Samata, ¡xamal kamta naewuajande japi jiw chiekal jummatabijaliajwa, Dios bu'welialjwas infierno poxasamatapi! Asew jiwliajwa tampoel Jesús pejwuajan, japi jiw chiekal jummatabijaliajwa. Samata, ¡japi jiw chiekal naewuajande naexasisliajwapi Jesús pejwuajan! Japi babijaxan is wut, ¡xamal japoxan nabej nejxasinke! ¡Chiekal taem xamalbej isasamatam babijax, japi jiw babijaxan is wut!

Puexa Jesús pejwuajan naexasiti, japi chimiajamechan jumchiyaxaelpox Diosliajwa

24-25 Kaen Dios, japon xatis nakbu'weyaxael babijaxan isaspoxanliajwa. Japon naktataeflaxael isasamatas babijaxan. Asamatkoi, nuilaxaes wut Dios pejwuajnalel, wajpaklon Jesucristo tɔp xot babijaxan isaspoxanliajwa, bu'wuajanjilaxaes Diosliajwa. Jaxotaxaes wut, Dios pej-itliakax taens wut, xabich nejchachaemlaxaes. Samata, jumchiyaxaes Diosliajwa: “¡Xam xabich pachaemam!” —chiyaxaes, xabich mamnik xoton. Puexa jiw matabijaxael Dios. Japon xajɔp puexa jiw tato'lialjwa. Jasoxtat Dios chajiakolaxtat majt puexa jiw tato'al. Amwɔtjel nakiowa, ja-aechfuk japox. Dios puexa jiw tato'laxaelpox, japox pomatkoichaliajwa.

That toepax pat wut, machiyaxael ampathat

Jesucristo itpaeipox pejjiw, japi matabijaliajwa asamatkoi that puexa jachiyaxaelpoxan

¹ Dios puexa itpaei Jesucristo matabijsliajwa asamatkoi puexa that jachiyaxaelpoxan, Jesucristobej japoxan itpaeliajwa pejjiw, naexasiti japon pejwujajan. Samata, Jesús to'ak pej-ángel xanlelsik na-itpaeliajwa japoxan. Xan Juan, Jesucristo pejnachalnan, lelaxaelen ampapelfutat japoxanliajwa. ² Samata, puexa taenxpojan, jumtaenxpojanbej, lelaxaelen ampapelfutat. Japoxan Jesucristo na-itpaei. Nachapaeibejpon Dios pejjamechan.

³ Aton chanaexaljow wut ampapelfut asew jiw jumtaeliajwa, japon aton nejchachaemlaxael. Nejchachaemlaxaelbej naeweti ampawujajan, Dios to'apox. Japi matabija wut, naexasit wutbej, Dios chajia jum-aechpox, puexa japi jiw chiekal nejchachaemlaxael. Puexa japi jiw nejchachaemlaxael, mox pawujajna xot pasliajwa puexa ampapelfutat lelaxaelenpoxan.

Juan lelpox ampawujajan siete iglesiaspijiw poxade xato'aliajwa

⁴ Xan, Juan, ampawujajan lelx xamal, Asia tuajnujijwamliajwa, siete iglesiaspijwamliajwa. Dios jila-el. Amwutjelbej dukon. That is-el wutfuk, jawutbej japon duk. Dukaxaelbejpon pomatkoichaliajwa. Xan Dios kawujajna xamal kajachawaesliajwa, chiekal duilaliajwambej. Espiritu Santo xabich pachaem. Japon nuk Dios pejwujajnael. Japonbej xamal kajachawaesaxael. ⁵ Jesucristobej kawujajna xamal kajachawaesliajwa. Japonbej jiw naewujajan Dios pejjamechan. Japon tup wut, matx-oela mat-ech pejme dukaliajwa. Japon kaes pejme paklon. Me-ama asew jiw, ampathatpijiw tato'alpi, jachi-elon. Jesús xabich xatis nakne-jxasink xot, tupon xatistliajwa. Jakitison xatis Dios nakbu'weliajwa. ⁶ Jesús xatis nakmakanot japon pejjiwaliajwas. Asamatkoi, xatis puexa jiw tato'laxaes, japon suapich. Jesús pijaxtatbej sacerdotsxaes, wj-ax Dios kawujajna liajwas asew jiwliajwa. Samata, pomatkoicha Dios jumchiyaxaes: “¡Xam xabich pachaemam!” —chiyaxaes. Jesús pomatkoicha puexa jiw tato'laxael. Japox toepaxil.

⁷ ¡Cristo fuloeyaxoek itloejentat! Jawut puexa jiw taeyaxaes. Jiw kimatamatalpibej Cristo cruztat, japi jiwbej taeyaxaes. Puexa ampathatpijiw, naexasis-elpibej Dios, Cristo taen wuti, xabich pejlwt noeyaxaeli. Jachiyaxaeli asamatkoi.

⁸ Wajpaklon Dios xajup puexa isliajwa. Pajut jum-aechon: “Xan akas-eskolaxtat, puexa isx wut, kaes pejme wujajna xan dukx. Amwutjelbej nakiowa dukx. Asamatkoi, puexa isxpojan toetx wutbej, xan pomatkoichaxaelen” —aech Dios pajutliajwa.

Jesús natulaelt wut, itliakpox

⁹ Puexa xatis nakaewas, Jesús pejjiws xot. Samata, xatis nabijatas, asew jiw babijaxan is xot xatistliajwa. Pe nakiowa, Jesús nakkajachawaet boejtaliasliajwas, nabijatas wut. Samata, xatis, Jesús suapich, nak-tato'laxaes, asamatkoi, japon puexa ampathatpijiw tato'al wut. Jiw

naewñajna xot Dios pejjamechan, Jesús pejwñajanbej, a sew jiw najaelt nabuflaeliajwa Patmos tanaetxot nakastikaliajwa. ¹⁰ Patmos tanaetxotx wut, dominkomatkoj wut, Espiritu Santo pijaxtat masoxtat chalechkal taenx asamatkoj ampathatat jachiyaxaelpox. Jawut tajwuchakalle pinjame jumtaenx. Japajame, me-ama trompeta nababaes wut, jathia-aechox. ¹¹ Japajame najum-aech: “¡Lelde taenam-poxan, taeyaxaelampoxanbej! Lelax toetam wut, ¡japox xato'im Jesús pejwñajan naexasiti poxade, siete iglesiaspijiw poxade! Japi Éfeso paklowaxpijiw, Esmirna paklowaxpijiw, Pérgamo paklowaxpijiw, Tiatira paklowaxpijiw, Sardis paklowaxpijiw, Filadelfia paklowaxpijiw, Laodicea paklowaxpijiwbej. Puexa japi siete paklowaxanpijiw, Asia tuajñapijiw” —na-aech japajame. ¹² Japajame jumtaenx wut, xan wultataenx taeliajwan najum-aechpon. Pe jawut, taenx siete candelabros. Japoxan, orocandelabros. ¹³ Siete candelabrosxot, jaxot xan Jesús taenx. Naxoelon pakchowax. Pejtuaktajmexot wewe'pas pejnaxoelax. Matiafkaku'apon orocinturónmuat. ¹⁴ Pejmatla papoei. Pej-itfu, me-ama jitkaech-ia'an wut, ja-itfu-aechon. ¹⁵ Pejtuak xabich nakliafan. Bronce jojaspox wut, jatuuak-aechon. Jesús pejjame, me-ama xabich minaposnik wut, jajum-aech Jesús pejjame. ¹⁶ Jesús pejpoklake-elel siete ithaej ki-oelapon. Japon kaechmatalusponbej espada. Japowa xabich nataelapabña'. Puexa pejxu xabich itliak. Me-ama juimt itliak wut, jaxu-aechon.

¹⁷ Xan Jesús taenx wut, okjabax japon pejwñajnael. Me-ama tux wut, ja-an. Do jawut, najachapon pejpoklake-elel. Jawutbej najum-aechon: “¡Xam nabej nejlewlé! Xan chajiakolaxtat puexa tuadutx. Asamatkoj puexa toesaxaelenbej japoxan. ¹⁸ Xan majt jiw naboesa. Pe taj-ax Dios xan namat-et pejme dukaliajwan. Taj-ax natapaei tajjiw bu'welialjwan, japi jiw tux wut infierno poxasamatapi. ¹⁹ ¡Lelde taenam-poxan! ¡Leldebej asamatkoj jachiyaxaelpoxan! ²⁰ Siete ithaejt, taenampi tajpoklake-elel, japoxan jiw taen wut chiekal nejchaxoelaliajwa siete poejiwliajwa. Japi, siete poejiw, kaenanala tataeful kaepaklowaxpijiw, tajwñajan naexasiti. Siete orocandelabros, jiw japoxan taen wut, japi nejchaxoelaliajwa siete paklowaxanpijiw, japi tajjiw, tajwñajan naexasitiliajwa” —na-aech Jesús.

2

Jesús kito'apox Juan lelaliajwa carta Éfeso paklowaxpijiwliajwa

¹ Jesús, pejpoklake-elel siete ithaej ki-oelapon, siete candelabros chanuilxot, japon nakito'a wut lelaliajwan carta Éfeso paklowaxpijiwliajwa, japi pejtataeflanliajwabej, japon jum-aech ampox japiliajwa: ² “Xan chiekal matabijtax xam puexa isampoxan, nejjiw suapich. Xamal xabich nabistam Diosliajwa. Samata, nabijatam, a sew jiw babijaxan is wut xamalliajwa. Nabijatam wut, nakiowa nabistam Diosliajwa. Matabijtaxbej, xamal nejwesla jiw babejchow. Xan matabijtaxbej, a sew jiw pajutliajwa najum-aech wut xamalxot: ‘Xanal apóstoles’ —na-aech wuti, xamal japi jiw majt xapaejam. Do jawut, chiekal matabijam japi diachwñajnakolax apóstoles-elpi. Japi asbuan jumch naekichachajbapijiw. ³ Xamal nabijatam, tajjiwam xot. Ja-am wut, nakiowa xan naxanaboejafalam. ⁴ Pe kaeyax jumchiyaxaelen xan nejweslapox xamalliajwa. Xamal chiekal xan nanejxasinka-emil. Me-ama majt xan

nanejxasinkam wut, jachi-emil xanliajwa. ⁵ Samata, nejchaxoelam wut, ¡chiekal nejchaxoelde, majt xamal xabich nanejxasinkam! ¡Xan pejme chiekal nanejxasinkde! Me-ama majt xan nanejxasinkam wut, ¡ja-amsfulde! Jachi-emil wut, xamal tajjiwaximil. ⁶ Pe xan kaeyaxliajwa nejchachaemlax xamalliajwa. Me-ama xan nejwesla nicolaítas ispoxan, xamalbej ja-am, nejwesla wut nicolaítas ispoxanliajwa. ⁷ Xamal matabi-jasiam wut, ¡chiekal jumtaem Espíritu Santo jum-aechpox xamalliajwa! Espíritu Santo jum-aech: ‘Jesús pejwuaajan naexasiti nakiowa naexasisful wuti, hasta japi tɔp wut, japi pomatkoicha duilaxael Diosxotse’ —aech Espíritu Santo” —aech Jesús Éfeso paklowaxpijiwliajwa.

Jesús kito'apox Juan lelaliajwa carta Esmirna paklowaxpijiwliajwa

⁸ Jesús chajiakolaxtat puexa ispon, japonbej pajut asamatkoi puexa japoxan toesaxael. Japon majt tɔp cruztat. Do jawux, Dios mat-echpon pejme dukaliajwa pomatkoicha. Japon pejme nakito'a wut lelaliajwan Esmirna paklowaxpijiwliajwa, japi pejtataeflanliajwabej, japon najum-aech ampox japiliajwa: ⁹ “Xan chiekal matabijtax nabijatampoxan, asew jiw babijaxan is wut xamalliajwa. Taenxbej, xamal kijimil wut. Pe diachwuaajnokolax xamal kimaenkam Diosliajwa. Matabijtaxbej, judíos, tajjiwa-elpi, jum-aech wut babejjamechan xamalliajwa. Japi judíos, Satanás pejjiw. ¹⁰ Xamal nabijatam wut, ¡nabej nejlewlé! Xamalxot asew jeyaxaes jiw jebatat Satanás pijaxtat. Japoxan jachiyaxael, puexa xamal xapaeja wut. Japox ja-aech wut, asbuan jumch nabijasaxaelam diez matkoiyan. Pe nakiowa, xamal xan naxanaboejam wut, hasta xamal tɔpam wut, pomatkoicha duilaxaelam Diosxotse. ¹¹ Chiekal matabi-jasiam wut Espíritu Santo jum-aechpox xamal tajjiwampim, ¡chiekal xan nanaewe'e! Espíritu Santo ampox jum-aech: ‘Jesús pejwuaajan naexasiti chiekal naexasisful wuti, hasta japi tɔp wut, japi kastikaxisal, Dios asew jiw kastika wut’ —aech Espíritu Santo” —aech Jesús Esmirna paklowaxpijiwliajwa.

Jesús kito'apox Juan lelaliajwa carta Pérgamo paklowaxpijiwliajwa

¹² Jesús, kaechmatalaspon espada, nataelapabua'powa, japon pejme nakito'a wut lelaliajwan carta Pérgamo paklowaxpijiwliajwa, japi pejtataeflanliajwabej, japon jum-aech ampox japiliajwa: ¹³ “Xan matabijtax xamal puexa isampoxan. Matabijtaxbej, xamal duilamxot Satanás pejjiw jaxot tato'al. Jaxotam wut, nakiowa xan tajwuaajan naexasisfulam. Pawulpon Antipas, japon chajia naewuaajan tajwuaajan. Baxael, Satanás pejjiw japon boesas wut, xamal taenam. Japox ja-aech wut, xamal nakiowa kofa-emil xan tajwuaajan naexasisfulampox. Samata, xan xabich nejchachaemlax xamalliajwa. ¹⁴ Pe jumchiyaxaelen xan nejweslapoxan xamalliajwa. Xamalxot asew jiw naewuaajan asawuaajan jiw babijaxan isliajwa, me-ama chajia profetakolna-elpon. Japon pawul Balaam. Japon xabich jiw naekichachajba. Balaam naewuaajan xot, Balac fiesta is judíos tadusliajwa. Samata, japafiestatat judíos xabich babijaxan is, xael xoti pawl, ídolosliajwawi. Japafiestatatbej judíos asew watho', asajiwpi, bu'moejtbejpi. ¹⁵ Asew xamalxot, xan tajjiwpi, naexasitbej nicolaítas naewuaajanpox. Samata, japi nejwesla kofaliajwa japi naewuaajanpox, xabich sichaems xotipox. ¹⁶ Samata, ¡kofim babijaxan isampoxan, Dios pejme chiekal naexasisliajwam! Xamal jachi-emil wut, ja-am wut, xan tajut pasaxaelen xamalxot nabeliajwan, babejchow

suapich, espadatat, tajkaechatat matalupowatat. ¹⁷ Xamal matabijasiam wut, ¡chiekal naewe'e Espíritu Santo jum-aechpox naexasisliajwam! Espíritu Santo jum-aech: 'Jesús pejwujajan naexasiti nakiowa naexasisful wut, hasta japi tup wut, chaxduiyaxaelen xaeliajwa maná, moechasi. Kaenanula chaxduiyaxaelenbej papoei-ia't. Japa-ia'tmatwujajt relaxaelen pajelwul. Japawul asew jiw matabijaxil. Kaemutpijiw, ia' nosaxaelpi, japikal matabijaxael japawul' —aech Espíritu Santo" —aech Jesús Pérgamo paklowaxpijiwliajwa.

Jesús kito'apox Juan lelaliajwa carta Tiatira paklowaxpijiwliajwa

¹⁸ Jesús, Dios paxulan, me-ama jitkaech-ia'an wut, itfu-aechpon. Xabich tuaknakliafanbejpon. Me-ama bronce joxapox, jatwak-aechpon. Japon pejme nakito'a wut lelaliajwan carta Tiatira paklowaxpijiwliajwa, japi pejtataeflanliajwabej, japon jum-aech ampox japiliajwa: ¹⁹ "Xamal isampoxan, xan chiekal matabijtax. Asew jiw nejxasinkam. Xan chiekal nanaexasitambej. Xamal chiekal nabistambej Diosliajwa. Asew jiw pijaxtat nabijatam wut, xan nakiowa nanaexasitambej. Amwutjel kaes pejme xanliajwa nabistambej. Samata, xan nejchachaemlax xamalliajwa. ²⁰ Pe xan kaeyax jumchiyaxaelen, nejweslapox xamalliajwa. Xamal fias-emil Jezabel, babijaxan is wut. Japow pajut najum-aech asew jiwliajwa: 'Xan profeta-atowan, Dios nabuxto'apowan' —aechow asbuan jumch. Japox jum-aech wut, japow asew jiw naekichachajba, xamalxot japi tajjiwpi. Japow naewujajan poejiw, japi poejiw asew watho' bu'moejsliajwa, pejwatho'a-elpi. Japow japi jiw naewujajanbej xaeliajwapi pawí, ofrenda, ídolosliajwawi. ²¹ Xan piach wujajnewetx japow kofsliajwa babijaxan isfulpoxan, Dios naexasisliajwapow. Pe japow kofs-el babijaxan isfulpoxan. Japow asew poejiw xabich bu'moejt. ²²⁻²³ Samata, japow waxae chato'axaelen kamaxtat chokaliajwa. Japow paxibej tupaxael xan ki-anpoxtat. Asew jiw babijaxan is wut, japow ispoxan, japi kofa-el wutbej, japi jiwbej japawaxaetat nabijasaxael. Ja-aech wut, puexa jiw, tajwujajan naexasiti, chiekal pajut matabijaxael, xan chiekal matabijtax puexa jiw nejchaxoelpoxan. Xamal kaenanula xanliajwa chiekal nabistam wut, japabichaxanliajwa xamal kaenanula chaxduiyaxaelen. Chiekal nabistpi xanliajwa, japi xabich chaxduiyaxaelen. Chiekal nabich-elpi xanliajwa, japi chaxduiyaxinillejen. ²⁴ Xamal, Tiatira paklowaxpijwam, naexasis-emil Jezabel naewujajanpoxan. Samata, xan ampox jum-an xamalliajwa. Japow naewujajan Satanás pijaxan. Samata, asew jiw babijaxan is japow pijaxtat. Kaes matabijasiapi Satanás pijaxan. Pe xamal jachi-emil. Samata, xan xabich nejchachaemlax xamalliajwa. Xamal to'axinil naexasisliajwam asanaewujajnanaxan, tampoelpoxan. ²⁵ ¡Xamal xan naxan-aboejim! ¡Pomatkoicha ja-amde, hasta xan paskax wut! ²⁶ Tajwujajan naexasiti is wut xan nejxasinkaxpoxan, hasta japi tup wut, asamatkoi japi xan to'axaelen tato'laliajwa puexa ampathatpijiw. ²⁷⁻²⁸ Taj-ax nato'a ampathatpijiw tato'laliajwan. Pamamaxtat tato'laxaelen xan nanaexasisliajwapi. Xan xabich kastikaxaelen jiw nanaexasis-elpi. Me-ama xan taj-ax nato'a wut, jachiyaxaelen xamalliajwabej. Samata, ¡xamalbej nejjiw chiekal tato'alde! Ja-am wut, ithaejt, nalianapijin, xamal chaxdusaxaelen. ²⁹ Xamal matabijasiam wut, ¡chiekal naewe'e Espíritu Santo jum-aechpox tajwujajan naexasiti jumtaeliajwa!" —aech Jesús Tiatira paklowaxpijiwliajwa.

3

Jesús kito'apox Juan lelaliajwa carta Sardis paklowaxpijiwliajwa

¹ Jesús, ki-oespon siete ithaejt poklalel, japon to'a Espíritu Santo siete iglesiapijiwliajwa. Japon pejme nakito'a wut lelaliajwan Sardis paklowaxpijiwliajwa, japi pejtataeflanliajwabej, japon jum-aech ampox japiliajwa: “Xan matabijtax xamal isampoxan. Jiw chimiajamechan jum-aech xamalliajwa. Japi jiw jum-aech: ‘Sardis paklowaxpijiw chiekal naexasit Jesús pejwujajan’ —aech japi jiw xamalliajwa. Pe xamal diachwujnakolax chiekal pachaema-emil. Xan chiekal matabijtax. Majt chiekal Dios naexasis-emil xot, xamal, me-ama tupam wut, ja-am Diosliajwa. ² Samata, xamal, me-ama jelnathikampim wut, jja-amde chiekal nejchaxoelaliajwam Dios nejxasinkpoxan! ¡Dios kawujande xamal kajachawaesfulaliajwa pomatkoicha kaes chiekal Dios xanaboejalijwam! Xan matabijtax. Xamal asbuan jumch, me-ama damlam Diosliajwa. Japoxlap Dios nejwesla. ³ ¡Chiekal nejchaxoelde, asew jiw naewujajan wut xanliajwa! Japox nejchaxoelam wut, ¡xan nanaexasi'e! Ja-am wut, ¡kofim babijaxan isampoxan! Pe kofa-emil wut, nawujnawesfula-emil wutbej tajpasax, xan chalechkal pasaxaelen xamalxot. Me-ama kithakan chalechkal pat natkowaliajwa, xanbej jachiyaxaelen, chalechkal pasaxaelen wut. ⁴ Xamal Sardis paklowaxpijwamxot, kaesupich jiw babijaxan is-el. Samata, japi jiw, chapona-asda'nika-el wut, ja-aechi Diosliajwa, chiekal duil xoti. Samata, japi jiw asamatkoi xanxot duilaxael. Naxoeyaxaelbejpi papoei, xabich chamoeyaxan, xan tajjiw xoti. ⁵ Tajwujajan naexasiti nakiowa naexasisful wut, hasta japi tup wut, japi naxoeyaxael papoei. Xan japi pejwulan joeyaxinil, pelfutat wullelspilis. Samata, pomatkoicha japi duilaxael Diosxotse. Xan jumchiyaxaelen japi jiwliajwa: ‘Ampi xan tajjiw’ —chiyaxaelen taj-ax Dios pejwujajnalel, japon pej-ángeloes pejwujajnalelbej. ⁶ Xamal matabijasiam wut, ¡chiekal naewe'e naexasisliajwam Espíritu Santo jum-aechpox tajwujajan naexasitiliajwa!’ —aech Jesús Sardis paklowaxpijiwliajwa.

Jesús kito'apox Juan lelaliajwa carta Filadelfia paklowaxpijiwliajwa

⁷ Jesús, xabich pachaempon. Japon puexa jiw tato'laxael. Chapeibejpon diachwujnakolaxpox. Me-ama chajiakolaxtat majt rey David puexa israelitas tato'al, jachiyaxaelbej Jesús. Japon tapaeaxael asew jiw pasliajwa Diosxotse. Jumchiyaxaelbejpon asew jiwliajwa: “Ampi jiw pasaxael Diosxotse” —chiyaxael Jesús. Jumchiyaxaelbejpon asew jiwliajwa: “Ampi jiw pasaxil Diosxotse” —chiyaxaelbejpon. Japon pejme nakito'a wut lelaliajwan Filadelfia paklowaxpijiwliajwa, japi pejtataeflanliajwabej, japon jum-aech ampox japiliajwa: ⁸ “Xan chiekal matabijtax xamal isampoxan. Matabijtaxbej nejxanaboejaxan chiekalaelpox xanliajwa. Pe nakiowa, xamal tajwujajan naexasitam. Xanali-emil tajjiwampox asew jiwliajwa. Samata, to'axaelen xamal asew jiw naewujajnalijwam tajwujajan. Asew jiw xamal buxfiasasia wut, xan tapaeaxinil japi jiw xamal buxfiasliajwa. Samata, asew jiw naewujajnaelam tajwujajan. ⁹ Asew judíos naexasis-el tajwujajan, chajia naewujajnas wuti. Samata, japi, me-ama judíos-el wut, ja-aechi. Japi judíos, Satanás pejjiw. Asamatkoi japi to'axaelen brixtat nuilaliajwa xamal nejwujajnalel. Ja-aech wut, japi judíos pajut chiekal matabijaxael xamal nejxasinkaxpim. ¹⁰ Xamal to'aliajwan wut, majt jum-an: ‘Asew

jiw babijaxan is wut xamalliajwa, jnakiowa xan tajwñajan naexasisfulde! —an xan chajia xamalliajwa. Do jawux, japox ja-aech xamalliajwa. Samata, asamatkoi xabich chachael wut, xamal kajachawaesaxaelen. Japamatkoi puexa jiw xapaexaees, ampathatpijiw. ¹¹ Asamatkoi xan kamtalejen pasaxoekan xamalxotsik. Samata, jDios chiekal naexasisfulde, kaenanula xamal Dios chaxduiyaxaelpox a sew jiw xamal kinosasamata! ¹² Tajwñajan naexasiti nakiowa naexasisful wut, hasta japi tux wut, japi duilaxael pomatkoicha Diosxotse. Jaxotse kaes nakolaxillisi. Jawut xan japi pejbu'antat lelaxaelen Dios pejuw. Dios pijax pajelpaklowax, Jerusalén paklowax, pasaxaekpox athulelsik. Japapaklowaxwulbej lelaxaelen japi jiw pejbu'antat. Lelaxaelenbej tajwul, pajelwul, japi pejbu'antat. ¹³ Xamal kaes chiekal matabijasiam wut, jchiekal naewe'e naexasisliajwam Espiritu Santo jum-aechpox tajwñajan naexasitiliajwa! —aech Jesús Filadelfia paklowaxpijiwliajwa.

Jesús kito'apox Juan lelaliajwa carta Laodicea paklowaxpijiwliajwa

¹⁴ Jesús, diachwñajnakolaxpox chapaeipon. Japon chiekal chapaeibej Dios pejjamechan jiwliajwa. Japon puexa isbej Dios ispoxan ampathatat. Japon pejme nakito'a wut lelaliajwan Laodicea paklowaxpijiwliajwa, japi pejtataeflanliajwabej, japon jum-aech ampox japiliajwa: ¹⁵ “Xan matabijtax puexa isampoxan. Matabijtaxbej xamal chiekal xan nanejxasinka-emilpox. Xabichbej nanejwesla-emil. Xan nanejxasinkasiam wut, jchiekal nanejxasinkde! O, jachi-eliasiam wut, jkael diachwñajnakolax xan nanejweslade! ¹⁶ Xamal chiekal nanaexaxisfula-emil tajwñajan. Samata, xamal pelsaxaelen. ¹⁷ Xamal nejchaxoelam wut, jum-am: ‘Xan kimaenkax. Puexa chiekal nawepachaem isxpxoxan. Samata, xan chinax kaeyax nawewe'pa-el’ —am xamal, nejchaxoelam wut. ¿Pe ma-aech xotbejkat xamal najut chiekal matabija-emil xabich nabijatampox Diosliajwa? ¿Pe ma-aech xotbejkat xamal najut chiekal matabija-emil Diosliajwa xabich kijimilpox, itliaklawampoxbej, chiekal bu'jumchalaelpampoxbej? ¹⁸ Samata, xamal naewñajna x kaes chiekal matabijaliajwam Dios. Ja-am wut, xabich kimaenkaxaelam Diosliajwa, Dios chiekal xanaboejam wut. Xamal naewñajna xbej chiekal naexasisfulaliajwam xan cruztat tuxpox xamalliajwa. Ja-am wut, Dios xamal beltaeyaxael babijaxan isampoxanliajwa. Ja-am wutbej, naxoeyaxaelam papoei Diosliajwa. Xamalbej naewñajna x Espiritu Santo kajachawaesliajwa chiekal tataeflaliajwam Dios pijaxan. Ja-am wut, Espiritu Santo pijaxtat kaes chiekal taeyaxaelam Dios pijaxan. Meama waxaewñamintat najut na-itfuwñam wut, jachiyaxaelam chiekal taeliajwam. ¹⁹ Xan puexa jiw, nejxasinkaxpi, japi is wut pachamaelpoxan, xan japi jiw fiatx. Japi babijaxan is wutbej, xan japi jiw kastikax. Samata, jkamta kael chiekal kofim padujnejchaxoelaxan! jDios pejme chiekal naexasisfulde! ²⁰ jXan najumtaem chiekal! Aton nejboxot pat wut, japon lapox jumtaenam wut, xamal ba fafasaxaelam japon aton leliajwa. Xanbej lesian nejmatruatanxot. Xan leyax natapaeyam wut, pomatkoicha xamal chalaxaelen. ²¹ Xan taj-ax Dios naexasisfulax. Samata, xan ekx taj-ax Dios pejpoklalel athuxotse tua-ekaxtat, taj-ax suapich, puexa tato'laliajwan. Tajwñajan naexasiti, japibej nakiowa naexasisful wuti, hasta japi tux wut, japi duilaxael pomatkoicha Diosxotse. Japi jiw xan tapaeyaxaelen, xan suapich, jiw tato'laliajwapi. ²² Xamal matabijasiam wut, jchiekal naewe'e naexasisliajwam Espiritu

Santo jum-aechpox tajwujajan naexasitiliajwa!” —aech Jesús Laodicea paklowaxpijiwliajwa.

4

Juan taenpox Diosxotsepi, japi jum-aech wut chimiajamechan Diosliajwa

¹ Baxael, xan pejme taenx Diosxotse fafachpox. Me-ama xamoejtax wut, ja-an, japox taenx wut. Pejme jumtaenx Jesús, majt xanliajwa jum-aechpon. Japon naksiya wut, pejjame, me-ama trompeta, jathia-aechox. Do jawut, najum-aechon: “¡Julaman xanlelan! Xam itpaeyaxaelen, asamatkoi machiyaxael japathaxotdik” —aech Jesús xanliajwa.

² Jawut tajut chiekal matabijtax Espíritu Santo nachalapox. Xan taenx, Dios ek wut athxotse pejtua-ekaxtat. ³ Dios xabich itliak japatua-ekaxtat. Me-ama ia', ommaenkpi, pawali jaspe, cornalina pawalibej, ja-itdel-aech japa-itliakax. Xan jaxot taenx japon pejtua-ekaxtabijlasik alwaera. Japa-alwaera xabich nakliafanpox. Me-ama esmeralda wut, ja-itdel-aechpox japa-alwaera. ⁴ Japatua-ekaxxot asatua-ekaxan masajiasnuil, veinticuatro tua-ekaxan. Japatua-ekaxantat chalak veinticuatro ancianos. Papoei naxoeipi. Kaenanula matlua'api orocorona. ⁵ Dios ekxot xabich nakliafbala chamx. Dios naksiya wut, me-ama chamx jumsia wut, jajum-aechon. Dios pejwujnalel siete baenthnaeyan kabuan-aechpi, tamdadusnuil. Japabaenthnaeyan, jiw taen wut, nejchaxoelaliajwa Espíritu Santo pejpamamax. ⁶ Dios ekxot, me-ama puka pinjiyax, kaban-aech. Japox xabich thujal. Tinkbejpox.

Dios pejtua-ekaxxot masajiasnuil cuatro choef kabuan-aechpi. Japi choef xabich pona itfu. ⁷ Cuatro choef kabuan-aechpixot, kaen japixot, nuth paseoyan kabuan-aech. Asan japixot, tor kabuan-aech. Asan, trespijin, atonxu wut, jaxu-aechon. Asan, taxdukapijin, me-ama kakoef papun wut, ja-aechon. ⁸ Cuatro choef kabuan-aechpi, kaenanula seis ba'an. Pejba'anmatwujajtat, patulelbej, xabich itfu. Japi matkoi, madoibej, buxkofa-el, jum-aech wuti Diosliajwa:

“Xabich pachaempon wajpaklon Dios. Xabich mamnikbejpon. Xajup puexa isliajwa. Amwutjel dukon. That is-el wut, jawutbej japon duk. Pomatkoichaliajwabej dukaxaelon” —aech japi Diosliajwa, cuatro choef kabuan-aechpi.

⁹ Cuatro choef kabuan-aechpi jum-aech Diosliajwa: “¡Xam kaenam jiw tato'lam! ¡Xam puexa jiw sitaenponambej! ¡Isampoxan xabich pachaem xanalliajwa!” —aech choef kabuan-aechpi Diosliajwa. ¹⁰ Do jawux, veinticuatro ancianos brixtat nuil Dios pejwujnalel, pomatkoicha dukpon pejwujnalel, itpaeliajwapi sitaeyax. Jawut jaxot kaenanula veinticuatro ancianos pejcorona jolpi owaliajwa Dios pejwujnalel. Japibej jum-aech Diosliajwa:

¹¹ “Tajpaklon Dios, xam ampathatat puexa isam. Amwutjelbej puexa japoxan ja-aechful. Japoxan isam, isasiam xot. Samata, xam kaenam puexa jiw chiekal tato'lamponam. Samata, puexa jiw xam sitaen. Xam xabich mamnikambej” —aech ancianos Diosliajwa.

5

Dios xa-ekpox pelfut athxotse

¹ Xan taenx Dios athaxotse, pejtua-ekaxtat ek wut. Pejpoklakelelel xa-ekon chaxkoeyasfut. Japafut pakchowax. Lels matwujlel, patulelbej. Kaenanula wujajan toepxot, xape'tas kaeyax sello taesamatade asawujajan. Ja-aech kaenanula xape'aspoخان siete wujajan chaxkoeyasfutxot. ² Jawut taenx ángel, xabich mamnikpon. Japon wujajnachaemt wut, pinjаметat jum-aechon: “¿Achankat pachaem xape'taspoخان thialnaliajwa siete wujajan xaljoeliajwa?” —aechon. ³ Aton, xabich pachaempon, ajil ampathatat xape'taspoخان thilnaliajwa japawujajan xaljoeliajwa. Thatbaxotatbej ajil. Tupi pej-aelan, japi pejtujnaxotdikbej ajil. ⁴ Samata, xan xabich nowx, ampathatat aton ajil xot xabich pachaempon japapelfut xaljoeliajwa. ⁵ Jawut kaen anciano ancianospixot najum-aech: “¡Kaes nabej noe! Kaen Judá pamon, japon xabich pachaem japapelfut xaljoeliajwa. Japon, rey David pamon. Japonbej malecha Satanás. Samata, pachaempon siete xape'taspoخان thialnaliajwa” —aech anciano xanliajwa.

⁶ Jawut xan taenx Cordero, oveja pajelxalan, nuk wut Dios ekxot wujajnalel. Japon nukxot, cuatro choef kabuan-aechpi masajiachpon. Choef kabuan-aechpi nuilxotbej, masajiach veinticuatro ancianos. Cordero xualsopox bu'wajelnukon. Japon siete mat-etje. Siete it-futjebejpon. Japi itfu, Dios pej-Espíritu Santo. Japon Espíritu Santo, Dios to'akason potujnuchaliajwa. ⁷ Japon Cordero kaes mox soepan Diosxot kifisliajwa chaxkoeyasfut. Jawut japon kifit japapelfut, Dios pejpoklake-elel xa-ekfut. ⁸ Cordero kifit wut japapelfut, jawut cuatro choef kabuan-aechpi, veinticuatro ancianos suapich, brixtat nuil cordero pejwujajnalel. Japi ancianos kaenanula xanuilpi arpa dakaliajwa. Kaenanula xanuilbejpi orocopa. Japacopan wulus pawulpi incienso. “Incienso” —aech wut, jumchiliajwapox: “Jiw kawujajanpoxan Dios, japi jiw Dios naexasiti” —chiliajwapox. ⁹ Japi pajeljajuit jajuw Corderoliajwa. Japajajuitat jajuw wut, jum-aechfuli:

“Xam pachaemam xot, Dios tapaei chaxkoeyasfut kifisliajwam, xape'taspoخان thilnaliajwambej. Xam japox isliajwam pachaemam, asajiw xam boesa xot. Do jawut, tujpam wut cruztat, motam puexa jiw bu'welija wam, japi jiw Dios pejjiwaliajwa. Japi jiw duil potujjnuchan. Kaenanula kaemutanpijiw naksiya pejjamekolaxan.

¹⁰ Xam to'am japi jiw sacerdotesiajwa, wajDios tanbichliajwapi. Xam to'ambej japi jiw tato'laliajwa puexa ampathatpijiw” —aechful ancianos jajuitat, jajuw wut Corderoliajwa.

¹¹ Dios pejtua-ekaxxot cuatro choef kabuan-aechpi masajiat. Ancianosbej masajiat cuatro choef kabuan-aechpixon. Dios pej-áñeles masajiat ancianosxot. Dios pej-áñeles xabich pin-iakola. Japi millones. ¹² Xan jumtaenx áñeles, pinjаметat jum-aech wut Corderoliajwa. Jum-aechi:

“Ampon Cordero, xabich pachaempon, boesas. Samata, Dios tapaeispon japon Cordero puexa ampathatpijiw tato'laliajwa. Tapaeisbejpon kimaenkaliajwa, puexa matabijsliajwabejpon. Tapaeisbejpon xabich pejpamamaxliajwa. Japon Cordero tapaeisbej jiw pomatkoicha jumchiliajwas: ‘Xam xabich pachaemam, naka-jachawaetam xot’ —chiliajwas” —aech áñeles Corderoliajwa.

¹³ J̄m̄taenxbej puexa Dios ispi, ath̄xotpi, thatxotpibej, t̄upi pej-aelan, japi pejt̄uaj̄n̄xotbej, marxotbej. Puexa japi j̄m̄-aech:

“Dios, ekpon pejt̄uā-ekaxtat, Corderobej, japi kolenjelajwa j̄m̄chiyaxaes: ‘Ampi kolenje xabich pachaem. Xatis sitaeyaxaesbeji. Xabich itliaki. Xabich pejpamamaxbeji. Jachiyaxaelbeji pomatkoichaliajwa’ —chiyaxaes japiliajwa” —aech puexa Dios ispi.

¹⁴ Do jaw̄t, cuatro choef kab̄uan-aechpi j̄m̄-aech: “j̄sax̄ nej ja-aechē Diosliajwa, Corderoliajwabej!” —aechi. Jaw̄t veinticuatro ancianos brixtat nuil Dios pejw̄aj̄nalel. J̄m̄-aechbeji Diosliajwa, Corderoliajwabej: “Diachw̄aj̄nakolax xamal xabich pachaemam” —aech puexa japi.

6

Chaxkoeyasf̄tat xape'taspox siete sellos

¹ Xan taenx, Cordero thialan w̄t pelf̄t xape'taspox, matxoelasello. Do jaw̄tlejen, j̄m̄taenx kaen, choefan kab̄uan-aechpon, naksiya w̄t. Japon pejjame, me-ama chamx j̄msia w̄t, jaj̄m̄-aechon, j̄m̄-aech w̄ton kawaeipijinliajwa: “j̄Xab̄uā't!” —aech w̄ton choefan kab̄uan-aechponliajwa. ² Jaw̄t taenx kawaei papoeyan. Kawaei t̄uā-ekpon, japon xafol fadoet. Chaxdunchpon corona mat̄uā'sliajwa. Jaw̄t chiji-apon nabeliajwa, padaelmajiw s̄uapich. Naba w̄t, padaelmajiw xabich malech toeton.

³ Do pejme Cordero wachakalpijx xape'sax thialan. Jaw̄t j̄m̄taenx wachakalpijin, choefan kab̄uan-aechpon, j̄m̄-aechpox. Japon, choefan kab̄uan-aechpon, j̄m̄-aech: “j̄Xab̄uā't!” —aechon asan kawaeipijinliajwa. ⁴ Jaw̄t xan taenx, asan chapa'an w̄t kawaei pasoeyantat. Dios pijaxtat japon kawaeipijin ampathatpijiw to'apon nakaewa nabeliajwa. Jaw̄t Dios chaxdutbej espada kawaeitat chapatponliajwa.

⁵ Do jaw̄t, Cordero pejme asaxape'sax thialan. Jaw̄t j̄m̄taenx trespijin, choefan kab̄uan-aechon, j̄m̄-aech w̄t: “j̄Xab̄uā't!” —aech w̄ton asan kawaeipijinliajwa. Jaw̄t xan taenx, asan chapa'an w̄t. T̄uā-ekon kawaei, pafoyan. Japon xa-ek balanza xajajuliajwa. ⁶ Pejme j̄m̄taenx, cuatro choefan kab̄uan-aechpixot kaen j̄m̄-aech w̄t. J̄m̄-aechon: “Kaematkoi bichaxliajwa pa-ompox amw̄tjel asb̄uan j̄m̄ch xaj̄p w̄uaj̄sliawam kaekilo trigo. Xamal w̄uaj̄s-elasiaw w̄t trigo, xaj̄paxael w̄uaj̄sliawam tres kilos cebadafu. Pe xaj̄pa-el chaw̄uaj̄sliawam pasimint, vinominbej. Japox koloe yax chaw̄uaj̄sliawam, kaes xabich ommaenkaxael” —aechon.

⁷ Do jaw̄t, Cordero cuartopijax, xape'sax, thialan. Thialan w̄t, jaw̄t j̄m̄taenxbej, cuatropijin, choefan kab̄uan-aechpon, j̄m̄-aech w̄t: “j̄Xab̄uā't!” —aech w̄ton asan kawaeipijinliajwa. ⁸ Jaw̄t xan taenx, asan chapa'an w̄t. Japon t̄uā-ek kawaei pawaelan. Japon paw̄l Pat̄upax. Asan w̄chakal f̄ulaen. Japon paw̄l T̄upit̄uaj̄n̄. Cordero pijaxtat japi kolenje xabich jiw beyaxaelpi, una cuarta parte ampathatpijiw. Samata, japi pijaxtat xabich jiw t̄upaxael, baes w̄ti. Xabich jiw t̄upaxaelbej pejlit, waxaetatbej. Xabich jiw kijsaxaesbej pejmachoeff.

⁹ Do jaw̄t, Cordero quintopijax, xape'sax, thialan. Thialan w̄t, xan taenx jiw baespi, oel w̄ti altarb̄uxfaltat. Japi jiw baes, naew̄ajan

xoti Dios pejjamechan asew jiwliajwa. ¹⁰ Jiw baespi pinjametat jum-aech Diosliajwa: “Xam xabich pachaemam. Chajia najum-ampoxan xam isam. ¿Masmatkoiyan suapichkat we'p xam jiw babejchow kastikalijwam, ampathatpijiw? ¿Maswutbejkat xanal nachamamosaxaelam xanal nabapi, japi jiw xam beliajwam, kastikalijwam?” —aechi Diosliajwa. ¹¹ Do jawut, japi jiw chaxduws naxoelajwa papoei. Jawut Dios jum-aech japiliajwa: “¡Xamal damlathulde! ¡Wuaj nawesfuldebej! Asew tajjiwpibej we'pfuk beliajwas, japi nabistpi Jesucristoliajwa” —aech Dios japi jiwliajwa.

¹² Do jawut, Cordero sextopijax, xape'sax, thialan. Thialan wut, that xabich najaet. Juimt matkoi pijin xabich pafoeyan. Me-ama yifbu', pafoe yax, ja-aech juimt. Juimt madoi pijin xabich pasoeyan. Me-ama jal, ja-aech, juimt madoi pijin itliak wut. ¹³ Ithaej xabich natacholan that poxadik. Me-ama palolbaech pi'ba wut joewa, ja-aech ithaej, natacholan wut that poxadik. ¹⁴ Thatbaxo kijchas. Me-ama pelfut xakoeyas wut, ajisnat wut, ja-aech thatbaxo. Puexa pinamuxan, tanaetanbej, asale xali xbas. ¹⁵ Puexa reyes, ampathatpijiw, namoecha pinamuxan wuaj an xot, ia'botan bu x falantatbej. Reyes namoechaxot, jaxotbej namoecha puexa paklochow, puexa soldawpaklochowbej, jiw kimaenkpiwej, asew jiw xabich sitaenspibej. Puexa esclavos, esclavos-elpiwej, namoecha jaxot. ¹⁶ Jiw namoechapi jum-aech pinamuxan liajwa, ia'botan liajwabej, jumtaeliajwas: “¡Xanal tajmat wuaj asik natacholnamik namoechaliajwam, Dios, ekpon pejtuaekaxtat, nataesamata, Cordero nakastikasamatabej, xabich palala xoti! ¹⁷ Matkoi pat, Dios xabich jiw kastikaxaelmatkoi. Samata, kaen xanal xot weyaxil, xanal nakastika wut” —aech namoechapi.

7

Israelitas makmarkaspox Dios pejsellotat

¹⁻² Baxael, taenx cuatro ángeles. Japi tapaeis that tabejsliajwa, marbej. Japi kaenanula xabich atuj nuil. Kaen nuk be'klel. Asan nuk bi'alel. Asan nuk beselel. Asan nuk bi'alel. Japi it-el joewa wikasamata puexa ampathatpijiwxot, puexa naechan uafwilbasamatasbej. It-elbejpi joewa wikasamata marxot. Do jawut, taenx asan ángel, fulaen wut juimt julanlelsan. Japon ángel xalaen Dios pejsello, pomatkoicha dukpon pejsello. Ángel taen wut cuatro ángeles, pinjametat jum-aechon japiliajwa: ³ “Xatisfuk kitoes-esal Dios pejjiw makmarkaspox. Samata, ¡xamal nabej tabejsfuk that, mar, naechanbej!” —aech ángel, Dios pejsello xalaenpon.

⁴ Do jawux, ángeles kitoet wut jiw makmarkax, xan jumtaenx jassuapich jiw makmarkaspox Dios pejsellotat. Makmarkas ciento cuarenta y cuatro mil israelitas. ⁵ Israelitas makmarkaspi xot, makmarkas doce mil Judá pamojiw. Doce mil Rubén pamojiwbej makmarkas. Doce mil Gad pamojiwbej makmarkas. ⁶ Makmarkasbej doce mil Aser pamojiw. Makmarkasbej doce mil Neftalí pamojiw. Makmarkasbej doce mil Manasés pamojiw. ⁷ Makmarkasbej doce mil Simeón pamojiw. Makmarkasbej doce mil Leví pamojiw. Makmarkasbej doce mil Isacar pamojiw. ⁸ Makmarkasbej doce mil Zabulón pamojiw. Makmarkasbej doce mil José pamojiw. Makmarkasbej doce mil Benjamín pamojiw.

Xabich jiw, pin-iakola, papoeipox naxoew

⁹ Do jawux, xan xabich jiw taenx, makmarkaspi Dios pejsellotat, potuajnuchanpijiw. Kaenanula japatuajnuchanpijiw xabich pinamutan. Japi nuil Dios pejtua-ekax wuajnalel, Cordero wuajnalelbej. Puexa japi papoeikal naxoei. Japi xabich pin-iakola xot, kaen xajuxaxil japi jiw xajulliajwa. ¹⁰ Puexa japi pinjаметat jum-aech:

“WajDios, ekpon pejtua-ekaxtat, Corderobej, japi nakbu'weyaxael” — aechi.

¹¹ Dios ekxot masajiasnuil cuatro choef kabuan-aechpi. Japi choef kabuan-aechpixot ancianos masajiasnuil. Japi ancianosxot masajiax ángeles. Puexa japi brixtat nuil wut, sat makxabijnik. ¹² Sitaen xot, jum-aechi Diosliajwa:

“Dios, xam diachwuajnakolax xanal nabu'weyaxaelam. Samata, pomatkoicha xamliajwa gracias-an. Xam pachaemam. Xabich puexa matabijtambej. Samata, xanal xam xabich sitaenx. Xam puexa jiw tato'lambej. Pomatkoicha xabich mannikambej. Japox nej ja-aeché' xamliajwa!” — aechi Diosliajwa.

¹³ Do jawut, kaen anciano nawuajnachaeht wut, jum-aechon: “¿Masikat ampi jiw, papoei naxoew? ¿Amxotkat ampi jiw fulaen?” — na-aechon.

¹⁴ Xan jumnotx wut, jum-an: “Xam chiekal matabijtam” — an xan. Samata, japon anciano najum-aech: “Japilap xabich nabijat, that toep wut. Japi jiw naexasitpi Cordero tuppox japi bu'welijaawas. Samata, japi naxoei papoei, bu'wuajanjil xotlisi Diosliajwa.

¹⁵ “Samatabej, japi jiw nuil Dios pejtua-ekaxtat ekxot wuajnalel. Nabichfuli Dios pejtemplobatat matkoi, madoibej. Japi jiw Dios tataeflafulaxaes pachaema-elpoxan tapasasamatas.

¹⁶⁻¹⁷ Japi tataeflafulaxaes xoti Cordero, japon nukpon Dios pejtua-ekaxtat ekxot wuajnalel, kaes liboejtaeyaxilpi. Kaes minsilaxilbejpi. Masxaeyax kaes bu'foenaxisalbejpi. Cordero japi buflaeyaxael satlel minan nakakolsan poxade. Samata, jaxot japi jiw xabich ne-jchachaemlaxael. Majt nowpi, japi kaes noeyaxil” — aech anciano xanliajwa.

8

Séptimopijax, xape'sax, xakoeyasfutat

¹ Anciano swapich, nospaeixpox buxtoetx wut, jawut xan taenx Cordero, thialan wut taxdukaxape'sax xakoeyasfutat. Do jawut, Diosxotse xabich buansisjisanat. Japox ja-aech media hora. ² Do jawut, xan taenx siete ángeles, Dios pejwuajnalel nuil wuti. Japi kaenanula chaxduws trompeta. ³⁻⁴ Baxael, asan ángel fulaen. Japon ángel xalaen, meama orobaext, japatutat bowaliajwa incienso. Nukon altar wuajnalel. Xabich chaxduwson incienso bowaliajwa altarmatwuajtat. Japox altar isas orotat. Japox nuk Dios pejwuajnalel. Ángel incienso bot wut, japaitnumtat matajul, Dios pejjiw kawuajan wut jum-aechpoxan. ⁵ Do jawut, ángel wulut baext altarjtdelan. Japajtdelan ángel thokcha that poxadik. Jawut xabich chamx nakliafbala. Jumse'balabej. Satbej najaet.

Seis ángeles kaenanula nababapox trompeta

⁶ Siete ángeles kaenanula thilt nababeliajwa trompeta.

⁷ Kaen ángel matxoela nababa trompeta. Jawut xabich granizo thokchikas that poxadik. Japagranizo, jit swapich, matnatacholan, jal

suapichbej. Japagranizo natacholan wut, me-ama iam thilan wut, ja-aech. Japagranizo jajaera. Xabich thunkbejpi. Jawut that, la tercera parte, toejwas, naechanbej. Toejwasbej pola, majwa-elpi.

⁸ Do jawux, asan ángel nababa trompeta. Do jawutbej, taenx mnaax pinjiyax, tamdadut wut jakabuan-aechox. Japamnaax fo'akas mar poxadik. Jawut la tercera parte, mar, itjal. ⁹ Samata, la tercera parte marxoti, baxibej, xabich tɔp. Ja-aechbej, la tercera parte toejwas wut barkammochan marxot.

¹⁰ Baxael, asan ángel, trespijin, nababa trompeta. Jawutlejen ithaejt toejwas, jopaful wut. Jopdik thatlel. Jopxot, la tercera parte, toejwas nawelan, satlel minan nakakolsanxotbej. ¹¹ Japa-ithaejt pawal Xasaxa-ithaejt. Puexa nawelanxot, satlel minan nakakolsanxotbej, japa-ithaejt jopxot, min xabich xasaxnik. Japamin jiw af wut, xabich chawulatɔp.

¹² Asan ángel, cuatropijin, nababa trompeta. Jawut juimt matkoipijin, madoipijinbej, kaetafa itkua'nik. Ja-aech wut, chiekal itliaka-el. Ithaejbej kaetafael itliaka-el. Cuatro horas juimt matkoipijin, juimt madoipijinbej, itliaka-el.

¹³ Do jawux, taenx kakoef, athukal fulaen wut. Pinjametat jam-aechon: “Ampathatpijiw xabich nabijasaxael, asey, tres ángeles, kaenanula nababa wuti trompeta” —aech kakoef.

9

¹ Baxael, asan ángel, cincopijin, nababa trompeta. Jawut xan taenx, asan ángel fulaek wut that poxadik. Me-ama ithaejt jopaful wut, ja-aechon. Japon ángel chaxduch llave, pinamuthfapijax. Japox mutht chinax matduka-el. ² Japallavetat fafaton pinamuth. Do jawut, japamuthxotsin xabich itnum nakolin. Me-ama lul pinjiyax lautas wut, xabich itnum wut, ja-aechox. Japox itnum it-el thatbaxo juimt matkoipijin itkua'nikaliajwa. ³ Japa-itnumxot xabich pin-iakola sui' nakola. Potuajnucha japi sui' xajɔp. Japi sui' tua-epi. Samata, xajɔpi jiw pajlaliajwa. Me-ama afu, kabuan-aech japi sui'. ⁴ Japi sui' jumtis: “¡Nabej tabejs pola, naexbej, naechanbej! ¡Dios pejsellotat jiw makmarka-esalpi, japikal tabejde!” —tis, japi sui' to'as wut. ⁵ Japi sui' tapae-esal, jiw pajal wut jiw chatɔpaliajwa. Pe japi sui' tapaeis, jiw pajal wut cinco juimtje xabich xaenkaliajwa. Me-ama afu piafda wut, jaxae-aech japi sui'.

⁶ Jiw, pajlasi, nejchaxoelaxael: “¡Xan xabich nawexaenk. Samata, tɔpasian kaes pejme paxaechax boejtaeflasamatan!” —chiyaxaeli, nejchaxoel wut. Pe Dios tapae yaxil japi jiw chatɔpaliajwa.

⁷ Japi sui' kawaei kabuan-aech. Patiyaxan xafafaspi. Me-ama nabeyax poxade fulaeliajwa wut, ja-aech japi sui'. Sui' pejmatnaetanxot, me-ama orocorona matlua'a wut, jamatnae-aechi. Sui' pejxubej, me-ama jiwxu wut, jaxu-aechi. ⁸ Japi sui' lakasnikbej. Me-ama watho' lakasnikpi, jala-aech japi sui'. Sui' pejbua'anbej, me-ama nuthbua'an wut, jabua'-aechi. ⁹ Japi sui' chanlaelabej pabok, xua'las wut xakolasamatas. Pejba'anbej xabich thiaxan-el. Me-ama kawaei zorra xadaduk wut, nabeliajwa fol wut, jaba'thia-aech japi sui'. ¹⁰ Tua-ebejpi. Me-ama afu, jatua-e-aechi. Japi sui' pejtua-etat pajal wut, jiw wexaenkaxaes cinco juimtje. ¹¹ Ángel, pinamuth tataeflan, chinax matduka-elmuth, japon japi sui' tato'al. Hebreojametat japon ángel pawal Abadón. Griegojametat pawalon Apolión.

¹² Matxoelapijax babijax toep. Pefuk we'p koleyax babijax pasliajwa ampathatat.

¹³ Pejme asan ángel, seispijin, nababa trompeta. Do jawut, jumtaenxbej jamekal, jum-aech wut altarxotdin. Japox altar isas orotat. Nukox Dios pejwujnalel. Japa-altarmatwujtat, kaenanula esquinaxot nuil, me-ama pakmat-e, jasi. Japacuatro mat-exot japajame jum-aech wut, jumtaenx. ¹⁴ Japajame jum-aech seispijinliajwa: “¡Cuatro ángeles, kaspi pinjiyax nawelbabu'xot, japi jolde! Japox nawel pawul Éufrates” — aechox altarxot. ¹⁵ Do jawut, japi ángeles jols, pejmatkoi wepach xot japi ángeles beliajwa xabich jiw, la tercera parte ampathatpijiw. Japi ángeles xabich piach wujnawet japox isliajwa. ¹⁶ Samata, jawut japi ángeles kito'api soldaw potujnuchanpijiw jiw beliajwa. Jumtaenx doscientos millones soldaw kito'aspo. Chijia wuti, kawaeitat chafolpi.

¹⁷⁻¹⁸ Ja-aech japox, masoxtat taenx wut, soldaw chaflaech wut kawaeitat. Japi matiafxafafas patiyaxan, padaelmajiw xua'balas wut xakolasamatas. Japi kaenanula matiafxafafas pasoe yax, pathoeyaxbej, pawaelrax suapichbej. Kaenanula japi pejkawaei, pejmatnaetan, me-ama nuthmatnaetan wut, jamatnae-aech japi sui. Kawaeikaechanxot kaechnakolas jit, itnuman, azufre-itnumanbej. Japoxantat japi xabich jiw, potujnuchanpijiw, matkaejwas. ¹⁹ Japi kawaei pejto'thimatduilxot, me-ama jommatnaet wut, jatothi-oef-aech jiw liklaliajwas. Samata, jiw liklas wut, xabich jiw tap. Jasoxtat japi kawaei xabich jiw tabejt pejkaechantat, pejto'thitantatbej.

²⁰ Asew jiw, tupa-elpi japoxtat, japi kofa-el babijaxan ispoxan. Kofaelbejpi dep kawujjanpoxan, ídolos kawujjanpoxanbej. Japoxan ídolos isas orotat, platatat, broncetata, ia'antata, naechantatbej. Ídolos asbuan jumch ídolos. Samata, japoxan taeyaxil. Jumtaeyaxilbejpo. Laejaxilbejpo. ²¹ Jiw, namapi ampathatat, kofaelbejpi asew jiw bapoxan, pinjoe'axanbej, asew watho' bu'moejtpoxanbej. Kofaelbejpi natkowalijwa.

10

Ángel xafolpox xakoeyasfut, cha-aelfut, lelspox

¹ Do jawut, xan taenx asan ángel, pamaman, fuloek wut athulelsik itloejentat. Pejmatnaetabijlasik alwaera duk. Pejbe, me-ama jit tamdadut wut, jabe-aechon. Xunakthianbejpon. Me-ama juimt nakthian wut, jaxu-aechon. ² Xanukon pelfut, cha-aelfut, lelspox. Japafut ba'tas. Majt japafut xakoeyas. Poklatuaklel tuaknoton marminmatwujtat. Soenatuaklel tuaknoton satat. ³ Japon ángel xabich nejlat. Nejlat wut, me-ama nuth jumbu't wut, jajum-aechon. Japox jumtaenx wut, chamx siete veces xabich jumse'bala. ⁴ Do jawut, xan lelasian chamx jum-aechpox. Pe jawut, asajame jumtaenx athulelsik najum-aechsik wut. Japajame najum-aech ampo: “¡Asew jiw nabej chapae' jumtaenamproxan, chamx siete veces jumse'balapoxan! ¡Japoxanliajwa nabej lelabej, jumtaenamproxan!” — aech japajame xanliajwa.

⁵⁻⁶ Japon ángel poklalel muaxxachose wut, jum-aechon: “Dios, potmatkoicha dukpon, japon thatbaxo is, puexa nejmach-athuxotpipej. Isbejpon that, puexa nejmach thatxotpipej. Isbejpon mar, puexa nejmach marxotpipej. Ampox jumchiyaxaelen, diachwujjanakolax, xan

jum-an xot Dios pijaxtat. Dios chajia jum-aechpox moxlisox pasliajwa. ⁷ Pejme asan ángel, sietepijin, trompeta nababeyax tuadut wut, jawut Dios tuadusaxael isliajwa puexa chajiakolaxtat nejchaxoelpoxan. Jawutbej, tuadusaxael puexa profetas jum-aechpoxan jiwliajwa” —aech ángel, poklalel mæaxxachosnik wut.

⁸ Majt jumtaenxjame pejme athulelsik najum-aech: “¡Ángel, marat tuaknotpon, satatbej, japon mox soepande kifisliajwam japacha-aelpelfut, ba'tasfut!” —aechox, athulelsik najum-aech wut xanliajwa. ⁹ Do jawut, xan mox soepandax japon ángel. Xan wuljowx japapelfut nachaxdusliajwapon. Wuljowx wut, xan najum-aechon: “¡Maj! ¡Xaembej! Xaelam wut, kaechxathu'axaelam. Me-ama miel wut, kaechxachiyaxaelam. Do jawux, xaelam wut, nejwoejtat xasaxnikaxael. Samata, chawulawoejxaenkaxaelam” —aech ángel xanliajwa.

¹⁰ Do jawut, xan ángel kifix japapelfut. Xaelx wut, chiekal kaechxathu'an. Me-ama miel wut, jakaechxa-an. Biajlax wut, xasaxnik tajwoejtat. ¹¹ Jawut ángel pejme najum-aech: “¡Puexa jiw xam chapaem Dios jum-aechpoxan! Japoxan asamatkoi jachiyaxael xabich asatujnuchanpijwliajwa, asajamechan naksiyapiliajwabej, reyesliajwabej” —na-aech ángel, jum-aech wut japoxan xanliajwa.

11

Asamatkoi kolenje aton jiw naewuajnaaxaelpox Dios pejjamechan

¹ Do jawut, japon ángel nachaxdut naeya xajuiliajwan. Do jawut, najum-aechon: “¡Nande xajajuiliajwam Dios pejtemploba, altarbej! ¡Jiw xajuimbej Dios pejtemplobaxoti, japi jiw Dios kawuajanpi! ² Dios tapaei judios-elpi japatemplobafalmaktxot pasliajwa. Samata, inabej xajaju' templobafalmakt! Asatujnuchanpijw, judios-elpi, pasaxael Jerusalén paklowaxxot. Japi jiw duilaxael cuarenta y dos juimtje japapaklowaxxot. ³ Asamatkoi to'axaelen japapaklowaxxot poxade kolenje aton. Japi kolenje naxoeyaxael papopa. Japi naewuajnaaxael jiw Dios pejjamechan mil doscientos sesenta matkoiyan” —na-aech ángel.

⁴ Dios pejwuajnalel kole-olivonae nuk. Jaxot koloeyax candelabrobej. Japoxan, kolecandelabro, kole-olivonaebej, jiw taen wut, nejchaxoelaliajwa japi kolenje, Dios to'axaespi, japi jiw naewuajnalijwa Dios pejjamechan. ⁵ Japi, kolenje, padaelmajiw besias wut, pejkaechaxot jit kaechnakakolsaxaespi padaelmajiw matkaejwaliajwas. Japoxtat xabich nejmachjiw tuxaxael, besias wuti japi kolenje. ⁶ Japi kolenje naewuajan wut Dios pejjamechan, xajuxaxael Dios pijaxtat piach iam thilna-elaliajwa. Xajuxaxaelbejpi min jal itxalialaxiajwa. Japi kolenje nejxasink wut asew jiw chapasliajwas pachaema-elpoxan, japi jiw chalechkal chapasaxaes japoxan.

⁷ Do jawux, japi kolenje Dios pejjamechan naewuajnaax buxtoet wut, pejmachoeffan, babejkolan, nakolsaxoen pinamuthxotsin, chinax matduka-elmuthxot. Jawut pejmachoeffan nabeyaxael, japi kolenje suapich. Pejmachoeffan malechaxael japi kolenje, naba wuton, japi suapich. Samata, japi kolenje tuxaxael, baes wuti. ⁸ Japi kolenje tux wut, oelaxael pinjiyax, Jerusalén paklowaxthialaxxot. Japapaklowaxxot majt wajpaklon kimatamatlas cruztat. Asew jiw jum-aech Jerusalén paklowaxliajwa: “Sodoma paklowax” —aech jiw. O, jum-aechbejpi:

“Egipto tʉajnu” —aechbej jiw Jerusalén paklowaxliajwa, Jerusalén paklowaxpijiw, xabich babijaxan is xot. ⁹ Japi kolenje tres matkoi y medio oelaxael paklowaxthialaxxot. Potʉajnuchanpijiw taeyaxaespi, oel wʉt. Jiw tapaeyaxil japi mʉthaliajwas. ¹⁰ Japi kolenje be-esal wʉtfuk, japi naewʉajan wʉt jiw Dios pejjamechan, japi, me-ama jiw xabich taliat wʉt, jachiyaxaeli. Samata, xabich jiw nejchachaemlaxael, taens wʉti baespox. Do jawʉt, japi kolenje tʉp wʉt, padaelmajiw, jiw babejchow, fiesta isaxael. Jawʉtbej nakaewa malech nachaxduiyaxaeli.

¹¹ Jawʉx, tres matkoi y medio wʉt, japi kolenje Dios mat-eyaxaes pejme duilialiajwa. Japi nana wʉt, jiw belwanaxael, japox taen wʉt. ¹² Do jawʉx, japi kolenje jumtaeyaxael, pinjame athʉlelsik jumtiskas wʉti: “jʉ-laman xanlelsan!” —tiskas wʉti. Jawʉt japi kolenje julaxoei itloejentat. Padaelmajiw fʉltaeyaxaes, julach wʉt. ¹³ Japi kolenje athʉ poxase julach wʉt, jawʉt sat xabich najaesaxael. Samata, jawʉt Jerusalén paklowaxxot bachan xabich tatʉkpaxael. Jawʉt sat xabich naejaesaxtat tʉpaxael siete mil jiw. Jiw namapi ampathatat xabich belwaxael. Samata, Dios kawʉajnael wʉt, jumchiyaxaelpi: “Dios, jxam xabich mamnikam!” —chiyaxaeli Dios, athʉpijinliajwa.

¹⁴ Japox jachiyaxael, wachakalpijax babijax. Pefʉk we'p asababijax. Japoxdo' asamatkoi pasaxael.

Ángel, sietepijin, nabapox trompeta

¹⁵ Ángel, sietepijin, nababa wʉt trompeta, jawʉt xan jumtaenx Diosxotse pinjametat najum-aechsikpox:

“Wajpaklon Dios, Cristo swapich, japi tato'laxael potʉajnuchanpijiw. Jachiyaxaes pomatkoicha jiwliajwa” —aechi.

¹⁶ Veinticuatro ancianos, chalakpi tʉa-ekaxantat Dios pejwʉajnael, japi brixtat nuil. Makxabijniki sat. Jawʉt chimiajamechan jum-aechi Diosliajwa itpaeliajwa sitaeyax. ¹⁷ Jum-aechi ampox Diosliajwa:

“Tajpaklon Dios, xanal gracias-an xamliajwa, tʉadutam xot puexa ampathatpijiw tato'laliajwam. Xabich xajʉpam puexa isliajwam. Xam chajia wʉajna dukam. Amwʉtjelbej nakiowa dukam.

¹⁸ Puexa ampathatpijiw, nejamechan naexaxis-eli, japi jiw xabich palala xamliajwa. Xam markampox, matkoi, pat japi jiw kastikaliajwam, xabich nalala xot. Jiw, matxoelatʉpi, kastikaxaelam. Profetas, xamliajwa nabisti, chaxduiyaxaelam pachaempoxan. Chiekal nabist wʉti xamliajwa, ja-aech wʉt, chiekal chaxduiyaxaelam. Chiekal nabich-el wʉt, xam chiekal chaxduiyaximil. Asew jiwbej, xam sitaenpi, paklochow, pamakbej, xam japi chaxduiyaxaelam pachaempoxan. Xamlax jiw toesaxaelam, asew jiw bapi” —aech ancianos Diosliajwa.

¹⁹ Diosxotse Dios pejtemplobafafa pajut nafafat. Templobatutat xan taenx Dios pejbaúl. Japabaúltutat cha-ek Dios tato'alpoxan, matxoelalelspox. Japatato'laxanxot Dios jum-aech asamatkoi pejjiw bʉweliajwapox. Jawʉtbej taenx chamx nakliafbalapox, jumse'balapoxbej. Jawʉtbej sat xabich najaetbej. Taenxbej granizo, xabich natacholan wʉt. Me-ama iam thilan wʉt, ja-aech granizo, xabich natacholan wʉt.

12

Juan taenpox pawis, Satanásbej

¹ Thatbaxotat kaeow atow natulaelt. Japox xan taenx matabijsliajwan asamatkoi jachiyaxaelpoxliajwa. Japow puexa chapona-itliak. Me-ama juimt matkoi pijin, chapona-aechow. Japow nuk juimt madoipijin-matwajtat. Japow corona matlua't, doce ithaejpijax. ² Japow moejow. Xabich chanowpow, boejpuns xot naxwulalijwa. ³ Do jawut, jaxot pinjikian dragón natulaelt. Japon maklej kabuan-aech. Japon pasoeyan, siete matnaetjeron, diez mat-etjebjeron. Kaenanula pejmatnaetanxot matlua'a corona. ⁴ Pejto'thit xawilcha wut, xabich pi'chapon ithaej. Jawut una tercera parte ithaej natacholan that poxadik. Jawut dragón nukjaba japow pejuajnalel, yamxuch nalaelt wut kamta xaelijwapon yamxuch. ⁵ Naxwal wutow, faenow poich. Japoch yamxuch asamatkoi tato'laxael pothatapijiw. Jiw tato'al wut, chiekal tato'laxaelon. Yamxuch nalaelt wut, kamta bu'fos Dios poxade, Dios suapich chalakalijwa. ⁶ Jawut najaetow pajilaxlelde, Dios chaemt poxade. Jaxotde pomatkoicha japow naxaeyaxan chaxduiflas mil doscientos sesenta matkoiyanlijwa japow xaelijwa.

⁷ Baxael, athxotse Miguel, Dios pej-ángelespaklon, Dios pej-ángelesbej, naba, dragón suapich, dragón pej-ángeles suapichbej. ⁸ Miguel, pej-ángeles suapich, malechapi. Samata, dragón, pej-ángeles suapich, kaes athxotaxili. ⁹ Jasoxtat pinjin dragón fo'akas that poxadik, pej-ángeles suapich. Dragón asawul Satanás. Japon puexa dep pejpaklon. Chajiakolaxtat natulaelton jomtat. Japonlap xabich jiw pothata naekichachajba.

¹⁰ Do jawux, jumtaenx athxotse pinjаметат jum-aechpox:

“Satanás pomatkoicha, pomadoichabej, Dios pejuajnalel xabich tasalaful jiw, Dios naexasiti. Japonlap fo'akas that poxadik. Samata, matkoi pat Dios xatis nakbu'welijwa babijaxan isaspoخانlijwa. Dios nak-itpaeyaxaelbej pejpamamax. Matkoi patbej Dios pajut jiw chalalijwa, tato'lalijwabejeron. Cristobej jiw tato'laxael.

¹¹ Wajkoew, naexasitpi Cristo tuppox japi babijaxan ispoخانlijwa, japi chapaeibej asew jiw Cristo pejuajan naexasitpox. Ja-aech wut, pejlwla-eli tupalijwa. Samata, malechapi Satanás.

¹² Xamal athxot duilampim, jnechachaemilde, Satanás fo'akas xot that poxadik! Xamallax, japathaxot duilampim, marxotbej, xabich nabijasaxaelam. Jachiyaxaelam Satanás pijaxtat. Japon pajut chiekal matabijt, kaematkoiyan suapich, wewe'paspox Dios kastikalijwas” —aech athxotse pinjаметат jumtaenpox.

¹³ Dragón that poxadik fo'akas wut, wulchakal najaeton pawis jael-sliajwa, naxwalpow. ¹⁴ Jawut japow ba'duchas, kakoefba'. Samata, japow punjala pajilax poxade, dukaxael poxade. Jawut dragón xabich ataj waeltas. Japow pajilaxxot tres waechan y medio naxaeyaxan pomatkoicha chaxduiyaxaes japow xaelijwa. ¹⁵ Do jawut, dragón min pinjiyax xul wut, japox nawel nadofa japow bu'lalijwa japoxtat. ¹⁶ Pe jawut, Dios pijaxtat sat tawakfala. Jawut japamin natoek, sat tawakfala poxadik. ¹⁷ Samata, dragón xabich palala, japow wia xot. Jawut dragón falaech nabelijwa, japow pamojiw suapich, japi naexasiti Dios tato'alpoxan, Jesús pejuajan naexasitibej. ¹⁸ Do jawux, dragón nuk marbabu'tat wallallasliajwapon asan marpijin, japon kajachawaesliajwas.

13

Kolenje pejmachoe fan, babijaxan ispipox

¹ Xan taenx marxot pinjikolan pejmachoe fan, xabich babijaxan ispon, matlasan wut, julan wutbejpon. Japon nuk marbabu'tat. Japon siete matnaetan, diez mat-etjebeypon. Kaenanula pejmat-etxot matlua'as corona. Pejmachoe fan pejmatnaetantat lels pawulan. Japawulan jum-aech babejjamechan Diosliajwa. ² Pejmachoe fan, taenxpon, marxot julan wut, japon, me-ama nuth nacheklan, jakabu'an-aechon. Pejtuakbej, oso pejtuak wut, jatuk-aechon. Pejkaechabej, nuth pejkaecha wut, jakaecha-aechon. Dragón chaxdut pejtua-ekax, malis pamamaxbej, pejmachoe fanliajwa. Dragón tapaeibej japon pejmachoe fan xabich jiw tato'laliajwa. ³ Japon pejmachoe fan kaematnaetxot xabich pinmatnae-itfapon. Puexa jiw japox taen wut, nejchaxoeli: "Ampon bej tuxaxaelbej amwut" —aechi, nejchaxoel wut. Do jawut, japa-itfa kamta chiekal koel. Pothatapijiw japox taen wut, nejchaxoelanuili. Samata, xabich japi jiw japon pejiw nadofapi. ⁴ Japi jiw nuil brixtat dragón pejwujnalel itpaeliajwa sitaeyax. Jasox ja-aech, japi jiw pajut chiekal matabija xot dragón chaxdutipox pamamax pejmachoe fanliajwa. Nuilbejpi brixtat pejmachoe fan pejwujnalel. Nakaewa najum-aechi: "Pejmachoe fan xabich mamnik. Kaen malechaxisal, naba wut, japon suapich" —na-aechi nakaewa.

⁵ Dios tapaei pejmachoe fan jumchiliajwa babejjamechan Diosliajwa. Dios tapaeibej pejmachoe fan jiw tato'laliajwa tres waechan y medio. ⁶ Samata, pejmachoe fan jum-aechful babejjamechan Diosliajwa, Dios pejtemplobaliajwabej, Diosxotsepjiwliajwabej. ⁷ Tapaeisbeypon nabeliajwa, Dios pejiwpi suapich, malechaliajwabejpon japi jiw. Tapaeisbeypon xabich jiw tato'laliajwa. ⁸ Xabich ampathatpijiw nuilaxael brixtat pejmachoe fan pejwujnalel itpaeliajwa sitaeyax. Japi jiw pejwulan lela-esal Cordero pejpelfutat, kimatamatlaspon cruztat. Japapelfutat wullelsikal duilaxael Diosxotse pomatkoicha. Japawulan chajia lels, Dios ampathat is-el wutfuk.

⁹ Xamal chiekal matabijasiam wut ampox, chiekal naewesaxaelam xan jumchiyaxaelenpox:

¹⁰ "Jiw jiapi jiw jebatat, japi bej asamatkoi jeyaxaes jiw jebatat. Jiw asew bapi espadatat, japi bej asamatkoi beyaxaes espadatat."

Samata, Dios pejiw nabijat wut asew jiw pijaxtat, japi jiw boejtaliasfulaxael. Japi xanaboejafulaxaelbej Dios chajia jum-aechpox japi liajwa jachiyaxaelpox.

¹¹ Do jawux, xan taenx asan pejmachoe fan, babejkolan, satlel nakolsan wut. Japon kolemat-etje. Me-ama cordero wut, jamat-e-aechon. Naksiya wut, naksiyapon, me-ama dragón. ¹² Pejmachoe fan, marxot matxoelanakolsanpon, japon pijaxtat satlel nakolsanpon puexa jiw tato'al. Jawut satlel nakolsanpon puexa jiw to'a japi jiw jumchiliajwa marxot nakolsanponliajwa: "Xam xabich pachaemam" —chiliajwa japi jiw. Japon majt pinmatnae-itfa. Asew jiw japox taen wut, nejchaxoeli japonliajwa: "Amwut bej tuxaxaelbeypon" —aechi, nejchaxoel wut. Pe jawut, japox itfa kamta chiekal koel. ¹³ Satlel nakolsanpon is koechaxan jiw taeliajwa. To'abejpon jit natacholnaliajwa athalelsik. ¹⁴ Japoxan japon is, marxot nakolsanpon suapich, xabich jiw, ampathatpijiw, naekichachajbaliajwa. Satlel nakolsanpon, japon

jiw kito'a marxot nakolsanpon, me-ama japon pej-ael isliajwapi, japi jiw japox kawuajnalajwa. ¹⁵ Jiw kitoet wut japox isax, satlel nakolsanpon pijaxtat japox, ídolo, pajut laeje. Do jawut, japox ídolo jiw to'a nuilalajwa brixtat kawuajnalajwapi japox. Kito'abejpon beliajwa jiw nuilaeli brixtat japox wuajnalel jumchiliajwa: “Xam xabich pachaemam” —chiliajwa. ¹⁶ Satlel nakolsanpon kito'a puexa jiw kimarkaliajwas poklalel. Ja-el wut, makmarkaliajwas. Jakitis, puexa jiw markas wut, paklochowpi, paklochowa-elpibej, kimaeyow, kijilabej, esclavospi, esclavos-elpibej. ¹⁷ Jiw marka-esalpi, japi kitapae-esal pejew mowaliajwa, wuajsliajwabej. Pejmachoefan pejuwulat markaspi, japikallax tapaeis pejew mowaliajwa, wuajsliajwabej. Pejmachoefan pejuwulael wut, japon pejnúmero markaspi, japilax tapaeis pejew mowaliajwa, wuajsliajwabej.

¹⁸ Jiw nej nejchaxoele chiekal matabijaliajwa! Ja-aech wut, matabijaxaeli marxot nakolsanpon pejnúmero. Japon pejnúmero, seiscientos sesenta y seis. Japanúmero jiw matabijaliajwa japon pejuwul.

14

Jajuwpi, puexa 144.000 jiw

¹ Xan taenx Cordero, nuk wut muaxmatwuajtat. Japamuax pawul Sión. Japamuaxmatwuajtat Cordero bu'nuk pejiw, ciento cuarenta y cuatro mil jiw. Japi pejmaktat lels Cordero pejuwul, Cordero pax pejuwulbej. ² Jawux thiataenx, thia-okafulik wut. Xabich minafurt wut, jathia-aechox. Najubala wut, jathia-aechbejpo. Xan thiataenxpo, xabich jiw arpa daka wut, jathia-aechox. ³ Cordero pejiw pajeljajuit jajuw Dios pejuwajnalel, cuatro choef kabuan-aechpi wuajnalelbej, ancianos wuajnalelbej. Asew jiw, asamutpijiw, matabija-el jajuuliajwa japajajuit. Ciento cuarenta y cuatro mil jiw, bu'wiaspi ampathatat, japikal matabija japot jajuit jajuuliajwa. ⁴ Japi poejiw chinax watho' nos-el. Chinax asew watho' bu'moejs-elbejpi. Cordero fulaeyaxael poxade, japi jiw fulfulaeyaxael japoxade. Cordero tup wut cruztat, japon mot japi jiw babijaxan ispoخانliajwa. Japi jiwlis Dios bu'wias. Japi matxoela bu'wias Dios pejiwaliajwa, Cordero pejiwaliajwabej. ⁵ Japi chinax kichachajbael. Samata, chiekal bu'wuajanjillisi Diosliajwa.

Tres ángeles jum-aechpox asamatkoi jachiyaxaelpoxan ampathatat

⁶ Do jawut, asan ángel xan taenx, athu fulaen wut. Chimiawuajan japon xalaen chapaeliajwa puexa ampathatpijiw. Japawuajan pomatkoichaliajwa ampathatpijiwliajwa. ⁷ Japon ángel pinjаметat jum-aech jiwliajwa: “¡Xamal sitaem Dios! jumchisfulde: ‘Xam xabich pachaemam’ —amsfulde Diosliajwa! Patlisox Dios kastikaxaelpox jiw, babijaxan isfulpi. Dios is thatbaxo. That, marbej, ispon. Isbejpon satlel minan nakakolsanpoxan. Samata, jnuilde brixtat Dios kawuajnalajwam!” —aech ángel jiwliajwa.

⁸ Do jawux, asan ángel taenx, athu wachakal fulaen wut. Japon pinjаметat jum-aech: “Babilonia paklowaxpijiw chiekal toejwas, pomatkoicha ídolos kawuajan xoti. Samata, xabich asew jiwbej, potuajnuachanpijiw, nakxataeful ídolos kawuajnaxan. Japi jiw, Dioskal kawuajna-el. Samata, japi, me-ama pawis pamalkal bu'moejs-el, ja-aech japi jiw” —aech japon ángel. ⁹⁻¹¹ Do jawux, asan ángel taenx. Japon

trespijin. Japon ángel atha fulaen wut, pinjametat jum-aechfuldinpon: “Jiw sitaen wut, nuil wutbeji brixtat marxot nakolsanpon pejwajnael, japon pej-ael isaspo, ídolo, wajnaelbej, ja-aech wut, Dios xabich palalaxael japi jiwliajwa. Kitapaei wutbeji makmarkaliajwas, o, kimarkaliajwasbej, ja-aech wut, Dios xabich kaes pejme palalaxael japi jiwliajwa. Japi jiw xabich Dios kastikaxaes. Kakamwaxaesi jit, azufre suapich, tamdadutpox. Japoxantat japi jiw xabich nabijasaxael Dios pej-ángel pejwajnael, Cordero wajnaelbej. Japajit pomatkoicha atha itnum julaxael. Pomatkoicha japi jiw nabijasaxael, matkoi, madoibej. Japox nabijasax toepaxil. Jachiyaxaes, japi jiw Dios kastikas wut” —aech ángel, trespijin, atha fulaen wut.

¹² Samata, Dios pejiw boejtalíasfulaxael, nabijat wut. Japi chiekal naexasisfulaxaelbej Dios. Japi kofaxilbej Jesús pejwajan naexasitpox.

¹³ Pejme jumtaenx, athulelsik kaejame jum-aech wut xanliajwa: “¡Lelde Cristo pejwajan naexasitiliajwa! Jiw Cristo pejwajan naexasit wut, hasta japi tɔp wut, japi jiw xabich nejchachaemlaxael” —aech athulelsik xanliajwa najum-aechsikpox.

Espíritu Santobej najum-aech: “Diachwajnakolax japi jiw nejchachaemlaxael. Cristo pejwajan naexasiti damlathulaxael nabistpoxanliajwa Diosliajwa. Japi is pachaempoxan asew jiwliajwa ampathat. Samata, Dios chaxduiyaxaes malechpoxan Diosxotse” —aech Espíritu Santo.

Dios kastikaxaelpox babijaxan ispi

¹⁴ Pejme taenx itloejen, xabich papoeyax. Japa-itloejenmatwajtat aton ek. Matlua'ton orocorona. Xa-ekon pawulox hoz. Japox xabich pabua'. ¹⁵ Do jawut, asan ángel nakolt Dios pejtemplobaxot. Japon jum-aech pinjametat itloejenmatwajtat ekon jumtaeliajwa: “Patlisox matkoi xam chatsiapsliajwam that poxadik. ¡Nejhoztat chatsiapde foelpi, pachaem xotlisi chatsiapsliajwam!” —aech ángel, Dios pejtemplobaxot nakoldinpon. ¹⁶ Itloejenmatwajtat ekpon chatsiapsdiklison foelpi. Jawut chanotlison japi.

¹⁷ Do jawut, asan ángel nakolt athaxot Dios pejtemplobaxot. Japon-bej xafol hoz, xabich pabua'pox. ¹⁸ Jawut asan ángel fulaen altarxot. Japonlap altarjit tataeflan. Jawut pinjametat lapon asan ángel, Dios pejtemplobaxot nakoltponliajwa. La wut, jum-aechon: “¡Xabua'dik that poxadik uvadunan xabich tasiapaliajwam hoztat, xabich foei xotlisi!” —aechon. ¹⁹⁻²⁰ Japon ángel fulaeklison that poxadik uvadunan tasiapaliajwa. Tasiapa wut, japa-uvadunan chanoton. Kaeyaxtat thondik xabich pinjokolat poxadik uva-ufan jukaliajwa. Japot ek paklowax tathoetlel. Jaxot uva-ufan jukon. Xabich uva-ufan nakola wut, atuaaj uffol. Japa-uva-ufan, trescientos kilómetros pakchowax uffolpox. So'nik kaemetro y medio.

15

Siete ángeles kaenanula orocopantat chaxfolpox babijaxan, tabejsliajwapi that

¹ Athaxot taenx asamatkoi jachiyaxaelpox ampathat. Japox taenx wut, xan xabich beljwax. Siete ángeles kaenanula orocopantat chaxfol babijaxan, tabejsliajwapi ampathat. Japoxan ja-aech wut, Dios kaes palalaxil jiw babijaxan ispiliajwa.

² Do jawut, pejme taenx mar kabuan-aechpox. Japox vidrio kabuan-aech. Pe xabich tinkpox. Xabich thuajalbejpox. Patuleldik jit kabuan-aechox. Taenxbej, jiw nuil wut marbabu'xot. Japi jiw kaenanula arpa xanuil, Dios chaxduwspoxan. Japi jiw malecha pejmachoeffan. Malechabejpi idolo, pemachoeffan-aeltat isaspox. Kitapae-elpi markaliajwas pejmachoeffan pejnúmero, japon pejwulbej. ³ Japi jiw jajuw Moisés pejjajuit, Cordero pejjajuitbej. Japon Moisés, nabistpon Diosliajwa. Japi jajuw wut, jum-aechi Diosliajwa:

“Dios, xam xabich mamnikam. Puexa jiw tato'lamponambej ampathatat. Puexa isampoxan xabich pachaem. Xam jiw naekichachajba-emil.

⁴ Xam puexa jiw sitaeyaxael. Japi jiw jumchiyaxaelbej: ‘Xam xabich pachaemam’ —chiyaxaeli. Xam kaenam chinax babijax is-emil. Potuajnachanpijiw xamxot pasaxael. Jiw nuilaxael brixtat xam nejwujnalel kawuajnalialjwa. Japox japi jiw isaxael xamlialjwa, pajut taen xot xam isampoxan, xabich pachaempoxan” —aechi, jajuw wut jajuitat.

⁵ Do jawux, taenx athuxot Dios pejtemploba, pajut nafafasul wut. Samata, templobatutat taenx kaepiezax. Japox pawul Lugar Santísimo.

⁶ Templobaxot siete ángeles nakola. Japi ángeles kaenanula xafol babijaxan that tabesliajwa. Japi pejnaxoe xabich chimia, xabich papoeikolaxanbej. Xabich nakliafanbej japi pejnaxoe. Kaenanula pejmatiafanxot duw orocinturónmattan. ⁷⁻⁸ Do jawux, cuatro choef kabuan-aechpi, kaen japixot chaxduw orocopan kaenanula siete ángelesliajwa. Japacopan kaenanula wulus. Japoxan jiw taen wut matabijaliajwa, Dios jiw babejchow xabich kastikaxaelpox. Jawut, Dios pejtemploba xabich itnumsfal wut, itnum wulukafal japatemplobatat. Japox jiw taen wut matabijaliajwa, japon xabich mamnikpon, xabich pachaemponbej. Samata, chinax kaen aton leyaxil Dios pejtemploba. Chiekal toet wut siete babijaxan ampathatat, ja-aech wut, Dios pejme tapaejaxael jiw leliajwa japon pejtemploba.

16

Dios kastikaxaelpox babijaxan ispi

¹ Do jawux, jumtaenx pinjametat jum-aechpox Dios templobaxotdin siete ángeles jumtaeliajwa: “¡Xalaemk siete copan that poxadik! ¡Japacopan kaenanula chafa'balam thatxotdik!” —aech japajame Dios pejtemplobaxotdin.

² Do jawut, kaen ángel pejcopa chafakcha thatadik. Ángel japox is wut, ampathatpijiw, pejmachoeffan markaspi, japi jiw pobu'ta wenaduws bu'xaxaeflawaxae. Xabich pinaboejsbejpi. Jatisbej kawuajanpi idolo, pemachoeffan-aeltat isaspox.

³ Do jawux, asan ángel, wachakalpijin, chafakcha pejcopa mar poxadik. Jawut mar jal nadofa. Me-ama aton, xua'laspon, pejjal wut, ja-aech mar. Samata, puexa choef, baxibej, tur, marpijiw.

⁴ Do jawux, asan ángel, trespijin, pejcopa chafakcha nawelanxotdik, pinalajanxotdikbej, satlel minan nakakolsanxotdikbej. Puexa japaminan jal nadofa. ⁵ Do jawux, pejme jumtaenx asan ángel, japon puexa minan tataefalpon, jum-aech wut Diosliajwa:

“Dios, xam babijax is-emil. Xam amwutjel dukam. Xamlap majt dukam-bej, is-emil wutfuk that. Xabich jiw kastikam, japi jiw babijaxan is wut. Xabich babijaxan is-el wut, bijiat kastikam japi jiw. Samata, xam xabich pachaemam.

⁶ Amwutjel xam jiw kastikam, japi jiw chajiakolaxtat nejjiw xabich ba xoti. Japibej ba nejprofetas. Samata, amwutjel xam min itxalixam jal nadofaliajwa, japi jiw feliajwa japajal. Jasoxtat japi jiw xam kastikam” —aechon Diosliajwa, japon ángel, puexa minan tataefulpon.

⁷ Pejme jumtaenx asan ángel, altarxotdin jum-aech wut Diosliajwa: “Xam xabich mamnikam. Jiw xabich kastikam, xabich babijaxan is wut. Babijax is-el wut, japi jiw kastika-emil” —aech ángel Diosliajwa.

⁸ Do jawux, asan ángel, cuatropijin, pejcopa chafakcha juimt matkoipijin poxadik. Jawut xabich kaes pejme tñajnik jiw kakamwaliajwas. ⁹ Samata, puexa jiw xabich bu'forwas masxaeyax. Japi jiw nakiowa Dios naexasis-el. Diosliajwa jumchi-elbejpi: “Xam xabich mamnikam” —chiel. Japi jiw lax asbuan jumch babejjamechan jum-aech Diosliajwa, japon xajupon xabich jiw kastikaliajwa, babijaxan ispi.

¹⁰ Do jawux, asan ángel, cincopijin, chafakcha pejcopa pejmachoeфан pejtua-ekax poxadik. Jawut xabich itkua'nik pejmachoeфан tato'altuajnxot. Japatuajnpijiw xabich boejtaliat paxaechax. ¹¹ Jasoxtat japi jiw xabich nabijat wut, nakiowa asbuan jumch babijaxan isful. Japi jiw xabich nabijat paxaechaxtat. Waeisbejpi bu'xaxaeflawaxae. Samata, japi jiw babejjamechan jum-aechful Diosliajwa, athaxotse dukponliajwa.

¹² Do jawux, asan ángel, seispijin, pejcopa chafakcha nawel poxadik. Japox nawel pawul Éufrates. Jawut nawel kamta siow likaliajwa reyes, xabich pejsoldaw suapich. Japi fulaen juimt julanlelsan.

¹³ Jawux taenx tres dep. Japi kaboethyl kabuan-aech. Kaen kaboethyl nakolt dragón pejkaechatat. Asan kaboethyl nakolt pejmachoeфан, babejkolan, pejkaechatat. Asan kaboethyl nakolt profeta-elpon pejkaechatat. ¹⁴ Japi kaboethyl isful koechaxan. Jawut kaboethyl fulaech puexa reyes tamejalijwa, nabeliajwabejpi, Dios suapich. Pe Dios kaes pejme xabich mamnik. Me-ama puexa ampathatpijiw, reyes, jachel Dios. Diachwujnakolax pat Dios markpox, matkoi, nabeliajwapon dragón, pejjiw suapich.

¹⁵ Jawut jumtaenx, Jesús jum-aech wut asamatkoi jachiyaxaelpoxliajwa: “¡Chiekal naewe'e! Pejme fuloekx wut, asamatkoi chalechkal pasaxoekan. Me-ama kithakan chalechkal pat, xan jachiyaxaelen, chalechkal pasaxoekan wut. Aton pajut chiekal natataeflful wut, is-el wutbejpon asaxan babijaxan, asamatkoi xan paskax wut, japon aton xabich nejchachaemlaxael. Japon padalaxil xanliajwa, babijax is-el xoton” —aech Jesús, jum-aech wut asamatkoi jachiyaxaelpoxliajwa.

¹⁶ Do jawux, japi dep tameja puexa reyes. Reyes tamejas, pejsoldaw suapich. Natamejaxot pawul hebreojametat Armagedón.

¹⁷ Do jawux, asan ángel, sietepijin, chafakcha pejcopa joewa poxadik. Jawut, Dios pejtemplobatat Dios pejtua-ekaxtat ek wut, pinjemetat jum-aechon: “Puexa tuadutlisox, xan jum-anpoxan” —aechon. ¹⁸ Do jawut,

xabich chamx nakliafbala. Jumse'balabey. Sat xabich kaes najaet-bej. Ampathatxot majt jasox jachi-el, sat najaet wut. ¹⁹ Jawut pinjiyax, Babilonia paklowax, tawakfula wut, trestafaje nadijan. Asapaklowaxanxothbey bachan xabich jawal. Jawut Dios tæadut Babilonia paklowaxpijiw kastikaliajwa. Dios xabich palala japapaklowaxpijiwliajwa, xabich babijaxan is xoti. ²⁰ Sat xabich najaet wut, puexa tanaetan, pinamæaxanbey, kijchas. ²¹ Jawut xabich granizo natacholanbey. Xabich pinjitan. Japi granizo jajaera. Xabich thænkbejpi. Japotan kaenanæla dewnik, me-ama kaes cuarenta kilos. Samata, japatæajæpijiw jum-aech babejjamechan Diosliajwa, xabich kastikas xoti Dios.

17

Dios kastikaxaelpox ídolos kawæajanpi

¹ Siete ángelesxot, kaen japixot xan napa'an. Japon, ángel, najum-aech: “¡Xabua! Xam itpaeyaxaelen Dios kastikaxaelpox pinjiyax, Babilonia paklowaxpijiw. Japapaklowax isas nawelanbabu'antat. Japapaklowaxpijiw, me-ama pawis, roejiw bu'moejtpow plata kanaliajwa, ja-aech japapaklowaxanpijiw, kawæajnaful xoti ídolos. ² Puexa ampathatpijiw, reyes, japi majt Dioskal kawæajan. Japi reyes Babilonia paklowaxxot papat wut, japibey ídolos kawæajnaful. Kaen Dioskal kawæajnafula-ellisi” —na-aech ángel xanliajwa.

³ Do jawux, xan Espíritu Santo pijaxtat masoxtat taenx, ángel nabu'fol wut pajilax poxade. Jaxotde taenx kaeow pawis, tua-ek wut pejmachofan, pasoeyan. Pejmachofan siete matnaetje, diez mat-etjebeyon. Pobu'ta xabich pawalan lels. Japawalan jum-aech babejjamechan Diosliajwa. ⁴ Japow pejyiaf xabich pasoeyax. Xatafals, asacolor sæapich. Japacolor pawul púrpara. Pejyiaf xabich duws oro chapachaemaliajwa, ia' ommaenkpibey, asebey, pawali perlas. Japow chaxfol orocopa. Xan japacopa taenx wut, chiekal matabijtax japow xabich babijaxan isoxan, ídolos kawæajanpoxanbey. ⁵ Japow pejmaktat kaewul lels. Japawul jum-aechpox puexa jiw matabija-el. Pe japawul amprox jumchiliajwa: “Pinjiyax, Babilonia paklowax, japapaklowaxpijiw kofa Dios kawæajanpoxan. Amwutjel japi jiw kawæajnaful ídolos. Isfulbejpi kaes asaxan, babijaxan. Ja-aech wut, puexa asapaklowaxanpijiw nakxataeful japoxan isaxan” —chiliajwa japawul, japow pejmaktat lels. ⁶ Do jawut, xan tajut chiekal matabijtax, japow saxtas Dios pejjiw pejjal, japi baespi, Jesús pejwæajan naewæajan wut.

Japox taenx wut, xan xabich nejchaxoelx. ⁷ Do jawut, ángel najum-aech: “¿Ma-aech xotkat xam xabich nejchaxoelam? Xam amwut chiekal chanaekabæanaxaelen aseb jiw matabija-elpoxfuk ampow pawisliajwa, pejmachofanliajwabej, japon siete matnaetje, diez mat-etjebeyon. ⁸ Pejmachofan, xam taenampon, majt japon duk. Pe amwutjel, japon amxota-el. Japon asamatkoi nakolsaxoen mæthxot. Japox mæth xabich fæniachdik. Jiw matdukax tae-esal. Jiw, wullela-esalpi Cordero pejfatat, kimatamatlaspon cruztat, japi jiw pejme taen wuti pejmachofan, xabich nejchaxoelaxaeli. Pe nakiowa, pejmachofan asamatkoi, Dios pejkastikatmatoi pat wut, japon pejmachofan kastikaxaesbej” —na-aech ángel.

⁹ Ángel pejme najum-aech: “Jiw matabijapi, japi jiw matabijaxael xan jumchiyaxaelenpox. Pejmachoefan, siete matnaetjepon, japon pejmatnae japi jiw taen wut nejchaxoelaliajwa sietemaaxanmatwuaajantat isaspox Babilonia paklowax. Japon pejmachofan pejmatnae, siete matnaetjepox, japi jiw taen wut nejchaxoelaliajwa siete reyes tato'alpox japapaklowaxpijiw. ¹⁰ Cinco reyes, Babilonia paklowaxpijiw tato'alpi, japilis kaenanula nakolafal. Amwutjel asan reywich tato'al japapaklowaxpijiw. Japontat seis reyes. Tato'la-elfak sietepijin. Asamatkoi, japon sietepijin rey wut, xabich piach tato'laxilon. ¹¹ Pejmachoefan, majt tato'alpon, japonliajwa amwutjel chiekal matabija-esal, chiekal ajil wut, o, nakiowa wuton. Japonlap asamatkoi ochopijnaxael, rey wuton. Siete reyesxot, japon kaen majt rey nadofa. Japon pejme rey wut, japonlap Dios chiekal toesaxaeson” —na-aech ángel xanliajwa.

¹² Do jawut, pejme ángel najum-aech: “Diez mat-etje taenampox, jiw japox taen wut, nejchaxoelaliajwa diez reyes tato'laxaelpoxliajwa. Japi reyes tuaui-elfak jiw tato'lax. Asamatkoi japi reyes kamta kaewutje jiw tato'al wut, asbuan jumch tapaeయాes kaehora jiw tato'laliajwa. Japi reyes tato'al wut, tato'laxaeli, pejmachofan suaipich. ¹³ Diez reyes asamatkoi tato'al wut, japi kaenejchaxoelaxael. Japi kaenanula tapaeయాes pejmachofan tato'laliajwa pejiw. ¹⁴ Japi reyes nabeyaxael, Cordero suaipich. Pe Cordero malechaxael, puexa jiw tato'lan xot, japon puexa reyes tato'lan xotbej. Puexa jiw, Dios makanochpi japon pejiwaliajwa, japi jiw, Cordero suaipich, malechaxaeli pejmachofan, japon pejiwbej” —na-aech ángel.

¹⁵ Ángel pejme najum-aech: “Nawelan mox xam taenampi Babilonia paklowaxxot, japi nawelan, jumchiliajwa ampox: ‘Ampathatpijiw’ —chiliajwapox. ¹⁶ Japi, diez reyes, pejmachofan suaipich, japi xabich nejweslaxael Babilonia paklowaxpijiw. Samata, japi Babilonia paklowaxpijiw ba wuti, japapaklowaxpijiw pejew xabich nosaxaeli. Do jawux, japapaklowax lausaxaelbejpi. ¹⁷ Diez reyes asamatkoi kaenejchaxoelaxael tapaeliajwapi japon pejmachofan tato'laliajwa puexa ampathatpijiw. Japox jachiyaxael, me-ama Dios chajiakolaxtat jum-aech japoxliajwa. ¹⁸ Xam taenampow, pawis, tua-ekpow pejmachofan, pasoyan, japow taenam wut, nejchaxoelaliajwam: ‘Ampow, me-ama Babilonia paklowaxpijiw, ja-aechow’ —chiliajwam, nejchaxoelam wut. Babilonia paklowaxpijiw tato'al puexa ampathatpijiw, reyes” —na-aech ángel xanliajwa.

18

Babilonia paklowaxpijiw toejafaspox

¹ Do jawux, taenx, asan ángel fuloek wut athulelsik. Japon ángel xabich asew ángeles tato'al. Japonbej chapona-itliak. Japox itliakax itliak thatat.

² Japon ángel pinjametat jum-aech:

“¡Pinjiyax, Babilonia paklowax, toejafas! Amwutjel japapaklowax dep pejpaklowax nadofa. Japapaklowaxxot xabich thutha, kakan, pejmachof. Japikal amwutjel naliaxa, Babilonia paklowax toejafas wut.

³ Babilonia paklowaxpijiw, japi jiw kawuajan ídolos. Reyesbej ja-aech, pejiw suaipich. Babilonia paklowaxpijiw ídolos kawuajan wut,

kaes asaxan babijaxan isbejpi. Samata, Babilonia paklowaxpijiw asapaklowaxanpijiw xabich tabejt. Babilonia paklowaxpijiw xabich kimaenk. Japi xabich kimaenk wut, asapaklowaxanpijiw nejmachpejew xapapat mowaliajwa. Samata, japi mowa wut pejew, japiwej kimaeya nadofa. Babilonia paklowaxpijiw Diosliajwa babijaxan is xot, toejafas” —aech ángel.

⁴ Do jawux, pejme jumtaenx athulelsik, asan ángel jum-aech wut: “Tajjiwampim, jnakolim Babilonia paklowaxxot nak-isasamatam babijaxan, japi jiw ispoxan! jJa-amde xamal, Dios kastika wut japi jiw, xamalbej matkastikasamata, japi jiw suapich!

⁵ Babilonia paklowaxpijiw xabich babijaxan is. Samata, japi ispoxan babijaxan kaeyaxtat thuch tamejafulas wut, japoxan babijaxan pasaxael thatbaxo. Dios nejkiowa-el Babilonia paklowaxpijiw babijaxan ispoxanliajwa.

⁶ Babilonia paklowaxpijiw japoxan is xot, asey jiw nabijat japoxantat. Samata, asamatkoi Babilonia paklowaxpijiw Dios kastikas wut, xabich kaes pejme nabijasaxael.

⁷⁻⁸ Babilonia paklowaxpijiw nejchaxoel: ‘Xatis kaes pejme pachaems. Me-ama asey jiw, jachi-esal’ —aechi, nejchaxoel wut. Japi xabich babijaxan isfulpoxantat xabich plata kanapi. Samata, japi xabich ommaeyaxan wuajti. Nejchaxoelbejpi: ‘Xatis, me-ama reyes wut, jatis, xabich xot wejew. Chinax kaeyax xatis nakwewe'pa-el. Kaematkoi nejchaemilaxisalbej’ —aechi, nejchaxoel wut Babilonia paklowaxpijiw. Japi asbuan jumch japox nejchaxoel xot, Dios xabich kastikaxaesí. Samata, asamatkoi chalechkal wepasaxaes babijaxan. Pejjiw wetaps wut, xabich wanoeyaxaeli. Xabich litaxaelaxaelbejpi. Chalausaxaesbejpi toejafaliajwas. Jasoxtat japi jiw kastikaxaes wajpaklon Dios, xabich mamnikpon” —aech ángel athaxotsik.

⁹ Babilonia paklowaxpijiw pijaxtat, puexa ampathatpijiw, reyes, kawhajanbejpi ídolos. Samata, Babilonia paklowax lautas wut, itnum taen wuti, japi reyes xabich wanoeyaxael. ¹⁰ Japi reyes tuaj natachaemanuilaaxael, pejlewla xoti, Babilonia paklowaxpijiw kastikas wut. Japi reyes jumchiyaxael:

“jXabich jiw nabijat, pinjiyax Babilonia paklowaxpijiw, japi majt puexa jiw xabich sitaenspi! Japi jiw kastikas wut Dios, kaehoratat puexa japi jiw chiekal toejafas” —chiyaxael reyes Babilonia paklowaxpijiwliajwa.

¹¹ Asatuajnuchanpijiw xalalaelnapi pejew mowaliajwa, japi jiwbej wanoeyaxael japapaklowaxpijiwliajwa. Jasoxtat wanoeyaxaeli, ajilaxael xot wuajsiw. ¹² Japi jiw majt xalalaena pejew, oro, platabej, mowaliajwa. Xalalaenabejpi chimia-ia', ommaenkpi, perlasbej. Xalalaenabejpi chimiabuan, asabuanbej, pabujabuan. Japabuan pasoeibuan. Asacolorpi, púrpurabuanbej. Xalalaenabejpi nejmachtablafachan, xabich xabejniki. Xalalaenabejpi isaspi marfiltat, isaspibej chimianaechantat. Xalalaenabejpi isaspi broncetaj, anaeltatbej, mármoltatbej. ¹³ Xalalaenabejpi canela, asaxanbej, naxaeyaxan chaxsipi. Xalalaenabejpi xabejniki, incienso, mirra, perjumaminanbej. Xalalaenabejpi vinominan, olivosiminan, harinabulan, trigobulanbej. Buflaenbejpi pak, ovejas, kawaei.

Xalalaenabejpi carrozas jiw chananamsliajwa. Buflaenbejpi jiw mowaliajwa, japi jiw esclavosliajwa, nabichliajwapi japatuajnatat. ¹⁴ Asatunajnanhanpijiw, xalalaenapi pejew mowaliajwa, japi nakaewa najumchiyaxael Babilonia paklowaxpijiwliajwa:

“Babilonia paklowaxpijiw laelp wut, ipuexa naebaech kaechnejxasink xaeliajwa! Amwutjel japi tup xot, jkaes xaeyaxillisi kaechnejxasinkbaech xaeliajwa! ¡Japi pejew plata, ponan, xabich chimiapibej, puexa japoxan chiekal nafo'a!” —nachiyaaxael japi jiw nakaewa Babilonia paklowaxpijiwliajwa.

¹⁵ Pejew xabich mowaxpoxantat Babilonia paklowaxxot, japi kimaeya nadofalisi, japi taen wut Babilonia paklowaxpijiw kastikasox, japi-lap pejlewt atunaj natachaemanuilaxael. Japibej wunoyaxael japapaklowaxpijiwliajwa. ¹⁶ Jumchiyaxaeli:

“¡Babilonia paklowaxpijiw xabich nabijat! Majt japi jiw, me-ama kaeow pawis, xabich chamoeyax naxoelpow. Japow pejyiaf, me-ama pasoeyax, xatafasox color purpura. Japow pejyiafxot, me-ama duws oro japow chimiowliajwa. Japow pejyiafxotbej, me-ama duws ia' ommaenkpi, perlasbej.

¹⁷ ¡Babilonia paklowaxpijiw chalechkal wetoepe kimaeyax!” —chiyaxael japi jiw, pejew majt mowapi Babilonia paklowaxxot.

Puexa paklochow, japi barkammochanpijiw, marinerosbej, nakxananampibej pejew mowaliajwa, puexa japi atunaj chaduilaxael natachaemaliajwa, Babilonia paklowax lautas wut. ¹⁸ Puexa japi barkamtat nanamtpi, Babilonia paklowax-itnum taen wuti, jumchiyaxaeli: “¡Ampox, kaeyax paklowax, pinjiyax! ¡Do kaes asapaklowax, pinjiyaxpox ajil, me-ama ampapaklowax, jasox!” —chiyaxael japi jiw japapaklowaxliajwa. ¹⁹ Japi puexa Babilonia paklowax-itnum taen wut, thumba pajut namatnaetholaxaeli, asey jiw japox taen wut matabijaliajwas japi xabich nejxaejwaspox. Wunoyaxaelbejpi Babilonia paklowaxpijiw. Barkammochanpijiw pinjametat jumchiyaxael:

“¡Xabich nabijat Babilonia paklowaxpijiw! Barkamtat nanamti Babilonia paklowaxxot pejew mowaliajwa, japi xabich kimaeya nadofa. Chalechkal Babilonia paklowaxpijiw Dios kastikas wut, ipuexa japi chiekal toejafas!” —chiyaxael barkammochanpijiw.

²⁰ Jasoxtat Babilonia paklowaxpijiw Dios kastikaxaes, japi pijaxtat Dios pejiw nabijat xot. Ja-aech wut, puexa jiw, Diosxotsepi, xabich nejchachaemlaxael. Xabich nejchachaemlaxaelbej puexa Dios pejiw, ampathatpijiw. Nejchachaemlaxaelbej apóstoles, profetasbej.

²¹ Do jawux, ángel, xabich mamnikpon, ia't pinjit xachot, me-ama trigofu xatkianapot, jasot. Japot ia't fo'ak wuton mar poxadik, japot ia't kaes tae-esal. Jawut ángel jum-aech:

“Me-ama japot ia't jiw kaes pejme taeyaxil, jachiyaxaesbej Babilonia paklowax.

²² Babilonia paklowaxxot jiw chiekal toejafaxaes wut, thiakijlanikaxael arpa dakapoxan. Thiajilaxaelbej flauta nababapoxan, trompeta nababapoxanbej. Jaxot chiekal ajilaxaelbej nabistpi. Samata, thiajilaxaelbej trigo xatkianapoxan ia'tat.

²³ Babilonia paklowaxxot lámpara itliakax itdeljilaxaelbej. Japapaklowaxxot jiw chiekal ajilaxael xot, ajilaxaelbej nakjiyaxan.

Samata, atɯaj jum-okpoxan fiesta is wɯt, japoxbej chiekal jumjisnikaxael. Asatɯajɯchanpijiw, pejew mowapi potɯajɯcha, japipej ajilaxael. Pinjoe'iwbej, jiw naekichachajbapi, japi ajilaxael" —aech ángel, jum-aech wɯt asamatkoi jachiyaxaelpox Babilonia paklowaxliajwa.

²⁴ Dios matabijt, Babilonia paklowaxpijiw ba wɯti profetas, asew jiwbej, Dios pejiwpi. Japapaklowaxpijiw pijaxtatbej Dios pejiwpi baes potɯajɯcha. Samata, Dios xabich kastikaxael Babilonia paklowaxpijiw.

19

¹ Do jawɯx, jumtaenx Diosxotse, xabich Dios pejiw jum-aech wɯt. Jum-aechi ampox:

"Xatis Dios jumchiyaxaes: 'Xam xabich pachaemam' —chiyaxaes. Dios nakbu'wiapon, japon kaen paklon, puexa jiw tato'lan. Japon xabich mamnik. Samata, xajɯp puexa isliajwa.

² Dios matabijt puexa pachaempoxan isliajwa. Jiw xabich babijaxan is wɯt, Dios xabich kastika. Samata, Dios xabich kastika Babilonia paklowaxpijiw, japi pijaxtat pothatapijiw is xot babijaxan. Japi pijaxtatbej Dios pejiwpi baes" —aech Dios pejiw Diosxotse.

³ Do japi Diosxotse pejme jum-aech: "Xatis Dios jumchiyaxaes: 'Xam xabich pachaemam' —chiyaxaes. Babilonia paklowax toejwas wɯt, makach itnum toepaxil. Pomatkoicha itnumaxael" —aech Dios pejiw Diosxotse.

⁴ Veinticuatro ancianos, cuatro choef kabɯan-aechpibej, Dios ekxot wɯajnael nukapa-oeli itpaeliajwa sitaeyax Diosliajwa. Jum-aechi Diosliajwa: "¡Pachaem xam isampox Babilonia paklowaxpijiwliajwa! ¡Xam xabich pachaemambej!" —aechi Diosliajwa. ⁵ Do jawɯt, Dios ekxot kaejame jumtaenx, jum-aech wɯt japajame:

"Puexa xamal Dios sitaenampin, paklochwam, paklochwemilpimbej, jum-amde Diosliajwa: '¡Xam xabich pachaemam!' —amde!" —aech wɯt japajame.

Diosxotse fiesta ispox Corderoliajwa

⁶ Do jawɯt, xan pejme jumtaenxbej, me-ama jiw xabich jumxan-el wɯt, jajum-aechpox. Japox, minaposnik wɯt, jathia-aech. Japoxbej, xabich chamx jumse'bala wɯt, jathia-aechbejpox. Jawɯt japi jum-aech:

"WajDios, japon xabich mamnik. Japon xajɯp puexa isliajwa. Japon pajut tɯadutbej pothatapijiw tato'laliajwa. Samata, xatis japon jumchiyaxaes: '¡Xam xabich pachaemam!' —chiyaxaeson.

⁷ Nejchachaemlaxaes. Asew jiwliajwa jumchiyaxaesbej: 'Kaen Dios xabich mamnik' —chiyaxaes. Japox jumchiyaxaes, pat xot Cordero pejnakjiyatko. Japon pijwaxaelpow, thiltisow.

⁸ Japow naxoelox xabich chamoeyax, xabich papoeikolax, nakliafanbejpox. Yiaf, xabich papoeikolax, japox jiw taen wɯt nejchaxoelaliajwa: 'Japi Dios pejiw laelp wɯt, isfula-eli babijaxan' —chiliajwapi, nejchaxoel wɯt" —aechox, me-ama jiw xabich jumxan-el wɯt, jajum-aechpox.

⁹ Do jawɯx, japon ángel xan najum-aech: "Lelde xan jumchiyaxaelenpoxan: 'Tadɯchpi naktaeliajwa Cordero pejnakjiyafiesta, japi jiw nejchachaemlaxael' " —na-aech ángel xanliajwa.

Do jawut, japon ángel jum-aech xanliajwa: “Japajamechan diach chiekal wuajnakolax, Dios pejjamechan xot” —aech japon ángel xanliajwa.

¹⁰ Do jawut, japon ángel pejwuajnalel xan brixtat nukx, sitaenx xot. Jawut najum-aechon: “¡Xam nabej nuke' brixtat xan tajwuajnalel! Xanbej nabistax Diosliajwa. Me-ama xam, asew jiwbej nabisti Diosliajwa, xanbej, ja-an. Kaen Dios sitaeyaxaelam” —aech ángel xanliajwa.

Nejmachjiw naewuajan wut Jesús pejwuajan asew jiwliajwa, japi Dios.

Jesús tua-ekpox kawaei, papoeyan

¹¹ Do jawut, taenx, thatbaxo pajut nafafat wut. Jawut natulaelt kawaei papoeyan. Kawaei papoeyan tua-ekpon, japon jiw tato'lan. Japon kichachajba-el, jiw tato'al wut. Naba wutbejpon, japon naba babejchow toesliajwa. Samata, japon pawul, Fiel y Verdadero. ¹² Japon pej-itfu, me-ama jitkaech-ia'an, ja-itfu-aechon. Xabich corona, pin-iat, matlua'apon. Pejmaktat kaewul maklelson. Japawul asew jiw matabija-el. Japon kaen pajut chiekal matabijt. ¹³ Japon naxoelpox, jal xathochpox wut, ja-aechox. Japon pawul, Dios Pejgame. ¹⁴ Japon xabich ángeles fulalaelpas. Japi ángeles naxoei papoei, pabujabu'an. Japi ángeles chalaelp kawaei papoeitat. ¹⁵ Matxoelachafolpon kawaeitat, kaechmataluspon espada, xabich pabua'powa. Japowa espadatat nabeyaxaelon, ampathatpijiw suapich, chiekal naexaxisliajwas. Japon chiekal tato'laxaelbej potuajnuhanpijiw. Me-ama aton uva sae'en, uva-ufan nakolaliajwa, jachiyaxael Dios, jiw babejchow kastika wut. Jawut xabichaxael jal. Dios, xabich mamnikpon, jasox jachiyaxael, xabich palala xot jiw babejchowliajwa. ¹⁶ Matxoelachafolpon kawaeitat thuch naxoelaxxot, jaxot japon pejwul lels. Japon pejbetat pejwul lels. Japawul lelspos jum-aech: “Ampon puexa jiw tato'lan. Puexa reyes tato'lanbej” —aech japawul.

¹⁷ Do jawux, asan ángel taenx, nuk wuton juimt matkoipijinmatwuajtat. Japon pinjametat jum-aech puexa thuthaliajwa, kakanliajwabej, kaboerliajwabej, jiwchoelliajwabej: “¡Xabua't natamejalijwam, Dios pinjiyax fiesta is xot! ¹⁸ ¡Xabua't jiw patupa xaeliajwam! Xaeyaxaelam reyes. Xaeyaxaelambej soldawpaklochow. Xaeyaxaelambej poejiw, pejlewla-elpi nabeyaxanliajwa. Xaeyaxaelambej soldaw, japi pejkawaeibej. Xaeyaxaelambej puexa esclavos, esclavos-elpibej, paklochow, paklochowa-elpibej” —aech ángel puexa japiliajwa.

¹⁹ Do jawut, xan taenx pejmachofan, babejkolan. Jawut taenxbej, puexa reyes natameja wut, pejsoldaw suapich, nabeliajwa kawaei papoeyan chafolpon suapich, japon pejjiw suapichbej. ²⁰ Kawaei papoeyan chafolpon jaelt pinjin pejmachofan, marxot nakolsanpon. Jaeltbejpon profetakolna-elpon, japon xabich jiw naekichachajbapon. Do jawut, japi peldikon jitpuka poxadik, jit xabich tamdadutxot, azufre suapich. Japon profetakolna-elpon, majt koexaxan is pejmachofan pejwuajnalel. Koexaxan is xot, jiw xabich naekichachajbapon. Samata, jiw kitapaei makmarkaliajwas pejmachofan pejmarkaxtat. Nuilbejpi brixtat kawuajnalialjwa pejmachofan pej-ael, japox ídolo isaspos. ²¹ Jawut kawaei papoeyantat chafolpon espada kaechmataluspon. Japowatat xabich bapon pejmachofan pejjiw. Do jawux, puexa, japi jiw, xabich xaeslisi thutha, kakan, kaboer, jiwchoelbej. Jawut japi jiw, patupa, xabich winafniaspi.

20

Mil waechan Cristo tato'laxaelpox ampathatpijiw

¹ Xan pejme taenx ángel, fúloek wut athulelsik. Japon xaloek llave, pinamuthfafapijax. Japox muth chinax matduka-el. Xaloekbejpon pinamuat, cadenamuat. ² Japon ángel jaelt dragón. Xawaeton dragón cadenamuatat mil waechanliajwa. Dragón, japon Satanás. Chajiakolaxtat jomtat natulaeltpon. ³ Do jawut, japon ángel fo'akpon Satanás xabich pinjiyax, muth, poxadik. Chafaxawaechbejpon. Chafaxape'tason sello. Samata, Satanás mil waechan jiw naekichachajbaxil. Mil waechan xent wut, jolsaxaeson kaematkoianliajwa pejme jiw naekichachajbaliajwa.

⁴ Do jawux, xan pejme taenx, asew jiw chalak wut paklochow chalakpoxantat. Japi jiw Dios to'as kastikaliajwapi jiw babejchow. Taenxbej asew jiw pej-aelan, chajiakolaxtat taxtasiapbalaspi. Japi jiw laelp wutfuk, asew jiw naewuajnalap Jesús pejuajan, Dios pejjamechanbej. Japi kawuajna-elbej pejmachoeфан. Kawuajna-elbejpi japox ídolo. Kitapae-elbejpi makmarkaliajwas pejmachoeфан pejmarkaxtat. Kitapae-elbejpi pejke-echan wemarkaliajwas. Samata, taxtasiapbalas japi jiw. Taenxbej japi jiw, Cristo suapich, asew jiw tato'al wut mil waechanliajwa. ⁵ Pe asew jiw, tupi, mat-e-esalfuk pejme duilaliajwa, mil waechan toepa-el xotfuk. Pe mil waechan toep wut, jawut japi jiw mat-eyaxaes pejme duilaliajwa. Japox jachiyaxael, tupi matxoela mat-eyaxaes wut pejme duilaliajwa. ⁶ Japi jiw matxoela mat-eyaxaes wut pejme duilaliajwa, japi xabich nejchachaemlaxael, Dios pejjiw xoti. Asamatkoi, Dios jiw kastika wut, babejchow, Dios pejjiw kastikaxisal xabich jit tamdadutxot. Japi jiwlap Dios pejsacerdotsaxael kawuajnafulaliajwapi Dios, Cristobej. Japi suapich, Cristo asamatkoi jiw tato'laxael mil waechan ampathatat.

Satanás fo'axaekspx pomatkoicha jaxotdik kastikaliajwaspon Dios

⁷⁻⁸ Mil waechan toep wut, Satanás tapaeyaxaes nakolsliajwa muth, pinjiyax, chinax matduka-elxotsin. Japon nakolsaxael pejme naekichachajbaliajwa potuajnuachanpijiw, Dios naexasis-eli. Puexa japi jiw pawul Gog, Magogbej. Do jawut, Satanás xabich japi jiw tamejaxael nabeliajwa, Dios pejjiw suapich. Me-ama thaejfu marxot xabich pin-iakola, jachiyaxael japi jiw, naexasis-elpi Dios.

⁹ Japi jiw chakipasaxael Jerusalén paklowaxpijiw. Japi chamasajoeyaxael Dios pejjiw beliajwapi, japi jiw nejxasinkpi Dios. Jawut chalechkal jit, pinjiyax, jopaxoek masajoeyapi pejmatwuajasik puexa japi toejwaliajwas. ¹⁰ Do jawut, Satanás, jiw naekichachajbarijin, fo'axaes jitpuka poxadik, xabich jit tamdadut poxadik, azufrebej. Pe japajitpuka poxadik matxoela fo'axaeks pejmachoeфан, profetakolnaelponbej. Jaxotdik Dios japi pomatkoicha kastikaxaes. Samata, japi xabich nabijasaxael pomatkoicha.

Asamatkoi jiw, babijaxan ispi, nuilaxaelpox Dios pejuajnalel

¹¹ Taenx pinjiyax tua-ekax, papoeikolax Diosxotse. Taenxbej Dios, ek wut japatua-ekaxtat. Do jawut, japon pijaxtat that chiekal ajisnat, thatbaxobej. Japoxan pejme tae-enil asalel. ¹² Taenxbej jiw, naexasiti Jesús pejuajan, ampathatat tupi, paklochow, paklochowa-elibej, nuil wut Dios pejuajnalel. Taenxbej pel-uafan, fafalspoxan, oel wut. Japapel-uafantat lels puexa pachaempoxan, japi jiw ispoxan asew jiwliajwa,

laelp wuti ampathatat. Taenxbej asafut. Japapelfutbej fach. Japafutat pejwulan lels, duilaxaelpi Diosxotse pomatkoicha. ¹³⁻¹⁴ Xabich jiw, tapi marxot, japibej Dios pejwunajnalel nuil. Puexa asew jiw, ampathatxot chajia tapi, jaxotse nuilbej. Puexa japi kastikas, babijaxan is xot. Babijaxan kaes ispi, japi kaes xabich kastikas. Japi jiw pomatkoicha jitpukaxot kastikas. Japoxlap wachakalpijax, patupax wulxael. ¹⁵ Japafutat jiw wullela-esalpi, japikal peltas jitpuka poxadik.

21

Dios isaxaelpox pajelthat, pajelthatbaxobej

¹ Baxael, pejme taenx pajelthat, pajelthatbaxobej. Dios matxoela-ispxoxan, that, thatbaxobej, marbej, puexa japoxan chiekal ajil. ² Jawutbej, xan taenx Dios pejpaklowax, Jerusalén paklowax, pajelax, fulaeflik wut Diosxotsik. Dios xabich chaemt japapaklowax pachaemaliajwa, puexa pejjiw duilaliajwa japapaklowaxxot. Me-ama pawis chiekal nachaemt wut chamiowaliajwa pejbabijnaw wuljaesax wunajna, ja-aech amwutjel Dios pejpaklowax. ³ Do jawux, jumtaenx, pinjametat jum-aech wut athulelsik Dios pejtua-ekaxtat. Jum-aechox: “Dios pajut amwutjel dukaxael pejjiwtat. Japon Dios pomatkoicha japi jiw pejDiosnaxaelon. Japi jiwbej Dios pejjiwaxael. ⁴ Ajilaxael noeyax. Ajilaxaelbej patupax. Ajilaxaelbej wunoeyax. Ajilaxaelbej bu'xaeyax. Puexa japoxan chiekal ajilaxael” —aech athulelsik.

⁵ Dios ek wut pejtua-ekaxtat, jum-aechon: “Puexa nejmach matxoela-ispxoxan, japoxan chiekal toetx. Do jawux, puexa pejme pajel isx” —aech Dios. Jum-aechbejpon: “¡Lelde ampawunajan puexa jiw naexaxisli-ajwa, diachwunajnakolax xot!” —aech Dios.

⁶ Do jawut, Dios pejme jum-aech xanliajwa: “Puexa xan chajia jum-anpoxan, japoxan ja-aechlisox. Xan akasestat puexa isx. Xan tajut pejme japoxan puexa toesaxaelenbej. Jiw, minsilapi, japi jiw xan malech chaxduiyaxaelen min, satlel nakakolsanmin. Japamin japi jiw af wut, duilaxael pomatkoicha. ⁷ Xan nanaexasiti, is-el wut babijaxan, Satanás tato'laspxoxan, ja-aech wut, xan japi pejDiosnaxaelen, me-ama chajia jum-an. Japi jiwbej tajjiwaxael. ⁸ Asew jiw xan to'axaelen jitpuka poxadik, xabich jit tamdadutxot, azufre suapich. Jaxot jiw kastikax wut, japoxlap wachakalpijax, patupax. Jaxot pomatkoicha jiw babejchow kastikaxaelen. Jaxotaxaelbej jiw xan nanaexaxis-elpi, japi pejlewlap nabijasliajwa asew jiw pijaxtat. Jaxotaxaelbej jiw kofapi, majt xan nanaexasitpi. Jaxotaxaelbej xabich babijaxan ispi xanliajwa. Jaxotaxaelbej asew jiw bapi. Jaxotaxaelbej poejiw, asew watho' bu'moejtpi. Jaxotaxaelbej pinjoe'iw. Jaxotaxaelbej jiw ídolos kawunajanpi. Jaxotaxaelbej jiw kichachajbapijw” —aech Dios japox xanliajwa.

Pajelpaklowax, Jerusalén paklowax

⁹ Siete ángelesxot, kaen japixot xan napa'an. Japi kaenanula copa. Japacopa wulus siete matdukababijaxan toesliajwapi ampathat. Japon ángel xanxot pat wut, najum-aechon: “¡Xabua't! Xam itpaeyaxaelen Cordero pijwaxaelpow” —na-aech ángel. ¹⁰ Jawut Espíritu Santo pijaxtat masoxtat taenx, ángel nabufol wut xabich pinamuxax poxase. Japamuxamatwunajtatse ángel na-itpaei pajelpaklowax, Jerusalén paklowax, Dios pejpaklowax, fulaeflikpaklowax Diosxotsik. ¹¹ Japapaklowax itliak Dios pej-itliakaxtat. Japa-itliakax, me-ama ia't,

ommaenkpot, pawulpot jaspe, ja-itdel-aech, itliak wut japapaklowax. Japox paklowax xabich thuajal, me-ama vídrio, jakabuan-aechbejpo. 12-13 Japapaklowax tathoetlel ia'kal chaxxajajials. Japox xabich da'nik. Xabich athubejpo. Puexa doce fafajebejpo. Be'klel tres fafaje. Bi'alel tres fafajebej. Beselel tres fafajebej. Asalel, bi'alel, tres fafajebejpo. Kaenanula fafachaxot kaen ángel nuk wesliajwa. Japafafachaxot Israel paxi, docepijiw, wullelspi. 14 Japapaklowax chaxxajajials wut, ia' matxoela owas, pinanul, doce ia'. Japa-ia' fuletlelan lels doce apóstoles pejwulan. Japi Cordero pejjiwpi.

15 Japon ángel, xan najum-aechpon, japon xafol oronaeya japapaklowax xajajuiliajwa, doce fafachanbej, paklowax chaxxajajialspxo. 16 Do jawut, japon ángel naeyatat xajajupon japapaklowax. Kaelel paklowax xajajupon dos mil doscientos kilómetros. Japapaklowax puexa fuletlelan chiekal najup. Najupbej athulel. 17 Do jawux, xajajulison paklowax chaxxajajialspxo. Japox xajajupon sesenta y cinco metros athulel. Me-ama xatis xajajus wut métrotat, ja-aechbej japon ángel, xajaju wut.

18 Japox paklowax chaxxajajials ia', pawulpitat jaspe. Japapaklowax isasbej chiekal orokolatat. Japa-oro, me-ama vídrio bujaspi wut, jakabuan-aechi. 19 Doce ia', pinanul, nasala-owas chaxxajajialali-ajwas Jerusalén paklowax. Japa-ia'lelanxot, xape'as asat ia't, ommaenkpot, pachaemaliajwa. Matxoelapijt ia't, xape'tas ia't, pawulpot jaspe. Wachakalpijt ia't, xape'tas ia't, pawulpot zafiro. Trespijt ia't, xape'tas ia't, pawulpot ágata. Cuatropijt ia't, xape'tas ia't, pawulpot esmeralda. 20 Cincopijt ia't, xape'tas ia't, pawulpot ónice. Seispijt ia't, xape'tas ia't, pawulpot cornalina. Sietepijt ia't, xape'tas ia't, pawulpot crisólito. Ochopijt ia't, xape'tas ia't, pawulpot berilo. Nuevepijt ia't, xape'tas ia't, pawulpot topacio. Diezpijt ia't, xape'tas ia't, pawulpot crisoprasa. Oncepijt ia't, xape'tas ia't, pawulpot jacinto. Docepijt ia't, xape'tas ia't, pawulpot amatista. 21 Puexa kaenanula doce fafachan isas kaeperlatat. Japapaklowax xabich pathialaxan maenk. Kaethiala pinathiala. Asathialaxan wut, jachi-el. Japapaklowaxthialaxan, chiekal orothialaxankal. Xabich thuajal. Me-ama vídrio wut, kabuan-aech japapaklowaxthialaxan.

22 Dios, xabich mamnikpon, jaxot duk, Cordero suapich, japapaklowaxxot tae-enil temploa, puexa japapaklowax, me-ama Dios pejtemploa wut, jakabuan-aech xot. 23 Dios pej-itliakaxtat, Cordero pej-itliakaxtatbej, japaklowax xabich itliak. Samata, japapaklowaxpijiw wewe'pa-esal juimt matkoipijin, madoipijinbej, itliakaliajwa. 24-26 Potuajnuhanpijiw, Dios bu'weyaxael, japi duilaxael japapaklowax-itliakaxtat. Puexa reyes xalaeyaxael pejew, xabich ommaenkpi, malech chaxduiliajwapi Dios. Japapaklowax pejfafachan pomatkoicha fafa jumch nuilaxael. Jaxot ajilaxael madoi, pomatkoicha itliakaxael Dios pej-itliakaxtat. 27 Pe jiw, babijaxan ispi, leyaxil japapaklowax. Asew jiw, ídolos kawuajanpi, naekichachajbapibej asew jiw, japi leyaxil japapaklowax. Cordero pejfutat wullelspikal, japikal japapaklowax leyaxael, pomatkoicha duilaliajwa Diosxotse.

22

¹ Do jawut, ángel, Jerusalén paklowax xajajupon naeyatat, japon na-itpaeipon nawel xabich itatu'alpo. Jiw, japamin afpi, laelpaxael

pomatkoichaliajwa. Japamin nakolan Dios ekxot, Cordero swapich.
² Japanawel fulaek pinathialatuchadik. Japanawel nataelachanuifal
 naebaechnaechan. Japabaech jiw xael wut, pomatkoicha laelpax-
 aeli. Kaejuimsfal wut, japanaebaechnaechan naboefal. Japanae-
 uafbej pachaem potuajnuchanpijiw nawoeliajwa. ³ Japapaklowaxxot
 ajilaxael jiw babejchow kastikaliajwas. Dios, Cordero swapich, japi
 pejtua-ekax jaxotaxael. Dios pejjiwpi, puexa japi jiw nuilaxael brix-
 tat Dios pejwujnalel, Cordero wujnalelbej, kawujnalialajwa. ⁴ Dios
 pejjiw, maklelspi japon pejwul, japi jiw pajut chiekal taeyaxaeli Dios.
⁵ Japapaklowaxxot ajilaxael madoi, Dios itliakafal xot. Samata, japapak-
 lowaxxot duilpi wewe'paxisal lamparas. Juimt wewe'paxisalbejpi. Jaxot
 duilpi pomatkoicha nakaewa natato'laxael.

Jesucristo pejfulaeyax mox pawujnapox

⁶ Do jawux, ángel pejme najum-aech xanliajwa: “Xan
 jumchiyaxaelenpox diachwujnakolax. Samata, pachaem xan
 chiekal naexasislijawam. Chajiakolaxtat Dios kajachawaet profetas
 jumchiliajwa asamatkoi jachiyaxaelpoxan. Amwatjel Dios to'a pej-
 ángel jumchiliajwa Dios pejjiw matabijaliajwa mox pawujnapox
 jachiyaxaelpoxan ampathatat” —na-aech japon ángel.

⁷ Do jawut, ángel pejme najum-aech xanliajwa Jesús jum-aechpox: “Xan
 piach kijlaxinil. Kamtalejen pasaxoekan pejme. Tajwujjan chiekal
 naexasitpi, japi jiw asamatkoi nejchachaemlaxael, nejchaxoel wuti
 ampapelfatat lespoxanliajwa: ‘Diachwujnakolax asamatkoi japoxan
 jachiyaxael’ —aech wuti japoxanliajwa” —aech ángel xanliajwa Jesús
 jum-aechpox.

⁸ Xan Juan, taenpxoxan, jumtaenpxoxanbej, lelax ampapelfutat.
 Japoxan ángel na-itpaei wut, xan brixtat nukx japon pejwujnalel
 jumchiliajwan: “Xam xabich pachaemam” —chiliajwan. ⁹ Pe jawut,
 ángel najum-aech: “¡Tajwujnalel brixtat xam nabej nuke! Xanbej
 nabichnan Diosliajwa. Me-ama xam, asew profetasbej, ja-an xan
 Diosliajwa. Asew jiwbej, japi naexaxisaxaeli xam lelampoxan
 ampapelfutat, nabichaxaelpi Diosliajwa, ja-anlap-is xan Diosliajwa.
 Kaen Dios pejwujnalel brixtat nukaxaelam jumchiliajwam: ‘Xam
 xabich pachaemam’ —chiliajwam” —aech ángel xanliajwa.

¹⁰ Do jawut, ángel pejme najum-aech xanliajwa: “Diachwujnakolax
 asamatkoi japoxan jachiyaxael, xam ampapelfutat lelampoxan.
 Japawujjanliajwa xanaliyaximil, mox pawujna xot japoxan
 jachiliajwa. ¹¹ Samata, ampathatat laejam wut, jiw babejchow is
 wut babijaxan, japoxan japi jiw nej isfule! Asew jiw, nejchaxoelpi
 pachaema-elpoxan, japijapoxan nej nejchaxoelafule! Jiwlax, isfulpi
 pachaempoxan, Dios nejxasinkpoxan, japi jiw nej isfule japoxan! Asew
 jiwbej chiekal naexasisasiapi Dios, japi chiekal nej naexasisfule Dios!”
 —na-aech ángel.

¹² Do jawut, ángel pejme najum-aech xanliajwa Jesús jum-aechpox:
 “Xan piach kijlaxinil. Kamta pejme pasaxoekanlejen. Xapasaxoekan
 kaenanula malech chaxduiliajwan. Xabich kaes nabisti xanliajwa, japi
 jiw kaes chaxduiyaxaelen. Chiekal nabich-elpi xanliajwa, xabich chax-
 duiyaxinillejen. ¹³ Diachwujnakolax xan jum-an: ‘Matxoela-ispxoxan,
 puexa toesaxaelen ajilaliajwa’ —aech Jesús” —na-aech ángel.

¹⁴ Jiw nejchachaemil, naexasit xoti Cordero tappox bu'welijwas japi babijaxan ispoxanliajwa. Jiw, papoei naxoeipi, japi Dios bu'wiaspi. Japi tapaeyaxaes pasliajwa Dios pejpaklowaxxotse. Kaechtapaeyaxaesbejpi naebaech xaeliajwa, duilaliajwa pomatkoicha Diosxotse. ¹⁵ Asew jiw, Jesús pejwujajan naexasis-eli, leyaxil japapaklowaxxotse. Namaeyaxaeli tathoetat. Jiw leyaxil japapaklowax, xabich babijaxan ispi, pinjoe'iwbej. Leyaxilbej poejiw, asew watho' bu'moejtpi. Leyaxilbej watho', asew poejiw bu'moejtpi. Leyaxilbej asew jiw bapi. Leyaxilbej jiw, ídolos kawujajanpi, asew jiw naekichachajbapibej.

¹⁶ Do jawux, Jesús pajut chiekal xan najum-aechon: “Xan to'ax taj-ángel, japon xam kito'aliajwa lelaliajwampoxan tajwujajan naexasisaxaelpiliajwa. Xan, rey David pamonan, me-ama ithaejt, nalianapijin, xabich itliak wut, ja-an xan” —na-aech Jesús.

¹⁷ Espíritu Santo jum-aech, Jesús pejwujajan naexasiti suapich, Jesúsliajwa: “¡Xam nabej kijle' piach ampathatxot pejme pasliajwam!” —aechi Jesúsliajwa. Asew jiw, jumtaenpibej japajame, japi jiwbej nej jum-aechi Jesúsliajwa: “¡Xam xabua'chmik!” —nej aechepi. Jiw wesia wut, japi jiw nej xabuata Dioslel malech bu'welijwas babijaxan ispoxanliajwa, duilaliajwapi pomatkoicha Diosxotse!

¹⁸ Puexa jiw jumtaenpi xan lelxpoxan ampapelfutat, japi jiw chiekal naewe'e ampox! Asan aton kaes lel wut asaxan xan lelwxujajanxot, japon aton Dios xabich kastikaxaes. Me-ama Dios chajia jum-aech ampapelfutat babejchow kastikaliajwas, japon atonbej jasoxtat kastikaxaes. ¹⁹ Asan aton kaejame joi wutbej xan lelxpox ampapelfutat, japon atonbej Dios xabich kastikaxaes. Tapaeyaxisalbejpon leliajwa Dios pejpaklowaxxotse pomatkoicha dukaliajwa.

²⁰ Jesús pejme xan najum-aech: “Diachwujajnakolax xan xabich piach kijlaxinil. Kamtalejen pasaxoekan” —aech Jesús xanliajwa.

¡Japox nej ja-aeché! ¡Xabua't paklon Jesús!

²¹ Xan wajpaklon Jesús kawujajna x puexa xamal kajachawaesliajwa.